


परमेश्वर उन खरा
वचन



The Holy Bible in the Holiya language of India: परमेश्वर उन

खरा वचन

परमेश्वर उन खरा वचन
The Holy Bible in the Holiya language of India: परमेश्वर उन खरा
वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
बृहत्सोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023
3943f9d0-5b35-54ad-8e8f-1b7bf74924c6

Contents

मत्ती	1
मरकुस	55
लूका	91
यूहन्ना	148
प्रेरतिगोळ	185
रोमयिों	234
१ कुरन्थि	255
२ कुरन्थि	276
गलातगोळ	289
इफसिगोळ	296
फलपिपगोळ	303
कुलुस्सगोळ	309
१ थसिसलुनीका	315
२ थसिसलुनीका	320
१ तीमुथयिस	323
२ तीमुथयिस	329
तीतुस	334
फलिमोन्	337
इब्रानगोळ	339
याकूब	356
१ पतरस	362
२ पतरस	369
१ यूहन्ना	373
२ यूहन्ना	379
३ यूहन्ना	381
यहूदा	383
प्रकाशतिवाक्य	385

मत्ती रचति यीशु मसीह का सुसमाचार मत्ती इन द्वारा लखिसद यीशु मसीह अनन्द खुशखबरी परचिय

मत्ती इन अनुसार खुशखबरी व्हाशोद नयिम दा नाक कतिबगोळ दा टु ऊंद हुन जो यीशु मसीह अनन्द जीवन इन बारा दा हेळतद. अदुर दा टु हर ऊंद कतिब इक “खुशखबरी अनकु आगतद, यदुरद मतलब खुशखबरी.” अवरी मत्ती, मरकुस, लूका अदकि यहनुना द्वारा यीशु उन सोत्तुर बाददा लखिसकु आग्याद. याग मत्ती इन अनुसार खुशखबरी लखिसकु आगीत, रा ग्यानी लॉकुरी सही तारीख मालूम हैलेच, लेकीन आग सकतद ईद यीशु मसीह इन जनम इन लगभग ६० साल इन बाददा आगीत. इदुर अलावा, अद जागा येल आद ईद लखिसकु आगीत, मालूम हैलेच, लेकीन हापाळ सा लॉकुर अनुमान हचतार कि ईद फलिसितीन दा लखिसकु आग्याद अदकि शायद आग सकतद कि यरूशलेम नगर दा भी लखिसकु आग्याद.

लेखक मत्ती हुन, जो यीशु से पयले ऊंद कर ताकोमावाळा ईरोन, आव आंदरी तान चेला बनसोर साटी अंदुन. आंदरी लेवी हेसुर देल भी अरोर. मत्ती हनुनेळ परेरतिगोळ दा टु ऊंद ईरोन अदकि आव यहूदी लॉकुर साटी लखिसीदुन. ईद हाळोद नयिम इन शास्त्रगोळद ६० से यककुल संदर्भगोळ देल साफ रूप देल नोळकु आग सकतद. आव ईद तोरसोद इरादा माळदुन कि यीशु मसीह ईरोन, परमेश्वर उन नविळसुत उद्धारकरता, यार बारा दा भवषियवाणी माळकु आगीत. मत्ती भी परमेश्वर उन राज्ज अनन्द बारा दा हापाळ येनारा लखिस्यान. यहूदीगोळ इक उम्मीद ईरोद कि मसीह ऊंद राजनीतकि राज्ज अनन्द राजा बनस्यान. मत्ती परमेश्वर उन आध्यात्मिक साम्राज्ज अनन्द वर्णन माळकु आ वशिवास इक चुनौती कोळोर साटी हापाळ सावधानी बरतुसतान.

मत्ती इन अनुसार खुशखबरी व्हाशोद नयिम इक शूरू माळोर साटी ऊंद वळ्लीद कतिब आद, यतकि हाळोद नयिम इन सप्पा संदर्भगोळद कारण. ईव येदूद नयिमगोळ इक जोळसताव. ग्यानी लॉकुर ईद भी सुझाव कोट्टुर कि मत्ती मूसा अनन्द कतिबगोळद रूप इन नकल माळोद कोशिश माळतीदार, जो हाळोद नयिम इन पयला अईद कतिबगोळ हु. पहाळी मा यीशु उन उपदेश ५-७ इन तुलना परमेश्वर उक मूसा अन नयिम कोळोर सांगुळ आग सकतद. व्यवस्थावविरण १९:३-२३:२५.

रूप रेखा

1. मत्ती खुशखबरी इक यीशु मसीह अनन्द जनम अदकि आंदुर मंत्रालय इन सूरवात इन बारा दा हेळकु सूरू माळतान. १-४
2. इदुर बाददा मत्ती यीशु उन बारा दा अदकि आंदुर हापाळ सा उपदेशगोळद वर्णन माळ्यान ५-२५
3. मत्ती अनन्द आखरी खंड आंदुरद सायोद अदकि पुनरूत्थान दा यीशु मसीह अनन्द मंत्रालय इन शखिर इन बारा दा आद २६-२८

यीशु उन लखिसद वंशावली
(लूका ३:२३-३८)

1 अब्राहम उन पार, दाऊद उन पार, यीशु मसीह अनन्द वंशावली ई प्रकार देल आद.

2 अब्राहम देल इसहाक पैदा आदुन, इसहाक देल याकूब, याकूब देल यहूदा अदकि आऊन वार्दुर पैदा आदुर. 3 यहूदा अदकि तामार देल फरिसि अदकि जोरह पैदा आदुर, फरिसि देल हसित्त्रोन, अदकि हसित्त्रोन देल एराम पैदा आदुन. 4 एराम देल अम्मीनादाब पैदा आदुन, अम्मीनादाब देल

नहशोन, अदकि नहशोन देल सलमोन पैदा आदुन. ⁵सलमोन अदकि राहाब देल बोअज पैदा आदुन, बोअज अदकि रूत देल ओबेद, अदकि ओबेद देल यशै पैदा आदुन.

⁶अदकि यशै देल दाऊद राजा पैदा आदुन. अदकि दाऊद देल सुलैमान, आ आरत इन व्हाट्या टु पैदा आदुन जो पयले उरयियाह अनूद हगिस ईरोर. ⁷सुलैमान देल रहवाम पैदा आदुन, रहवाम देल अबयियाह, अदकि अबयियाह देल आसाफ पैदा आदुन. ⁸आसाफ देल यहोशाफात पैदा आदुन, यहोशाफात देल योराम, अदकि योराम देल उज्जियाह पैदा आदुन. ⁹उज्जियाह देल योताम पैदा आदुन, योताम देल आहाज, अदकि आहाज देल हजिकयियाह पैदा आदुन. ¹⁰हजिकयियाह देल मनशशहि पैदा आदुन, मनशशहि देल आमोन, अदकि आमोन देल योशयियाह पैदा आदुन. ¹¹अदकि बाक इस्त्राएल इन लॉकुरी बंदी माळकु बेबीलोन ओया होती योशयियाह देल यकुन्याह, अदकि आऊन वारदुर पैदा आदुर.

¹²बंदी आगकु बेबीलोन पोहचुसदुर बाद्दा यकुन्याह देल शालतएल पैदा आदुन, अदकि शालतएल देल जरूबबाबल पैदा आदुन. ¹³जरूबबाबल देल अबीहूद पैदा आदुन, अबीहूद देल इल्याकीम, अदकि इल्याकीम देल अजोर पैदा आदुन. ¹⁴अजोर देल सदोक पैदा आदुन, सदोक देल अखीम, अदकि अखीम देल इलीहूद पैदा आदुन, ¹⁵इलीहूद देल इलियाजार पैदा आदुन, इलियाजार देल मत्तान, अदकि मत्तान देल याकूब पैदा आदुन. ¹⁶याकूब देल यूसुफ पैदा आदुन, जो मरयिम इनव गांडड ईरोन, अदकि मरयिम देल यीशु जो मसीह कहलुस्तान, पैदा आदुन.

¹⁷ईद प्रकार अबराहम टु हुळकु दाऊद ताका चौदा पीढी आदव, अदकि दाऊद टु बेबीलोन इक बंदी आगकु पोहचुसकु आगासताका चौदा पीढी, अदकि बंदी आगकु बेबीलोन इक पोहचुसकु आगा समय टु मसीह ताका चौदा पीढी आदव.

यीशु उन जनम

(लुका १:२६-३८; २:१-७)

¹⁸यीशु मसीह अनूद जनम इत्ता प्रकार देल आत, का याग आऊन मोय मरयिम इन सगाई यूसुफ उन सांगुळ आगेत, रा आंदुरद मलिन आगोर से पयले अच आक पवतिर आत्मा दी टु व्हाट्या दी ईरोर. ¹⁹इदुरसाटी आकनि गांडड यूसुफ जो न्यायी मंळसा ईरोन अदकि आकी बदनाम माळोद ईला चाहासोन, आकी चुपचाप बटिट बुळोद वचारि माळदुन. ²⁰याग आव ईव मातगोळद सोच दा का ईरोन रा प्रभु उन स्वर्गदूत आऊक कानसा दा काळसकु अनली कुरतुन, “हे यूसुफ! दाऊद उन पार, नी मरयिम उक हगिस माळली अंजवाळ, यतकी जो आकनि गर्भ दा आद, अद पवतिर आत्मा दी टु आद. ²¹आक पार उक हाळदार अदकि नी आऊन हेसुर यीशु ईटेत, यतकी आव तान लॉकुरी आंदुर पापगोळ देल बळिस्यान.”

²²ईद सब इदुरसाटी आत का जो वचन प्रभु भवषियवक्ता अनूद द्वारा अंददिन, अद पुरा आगुल: ²³“ऊद कुवारा पोर व्हाट्या दी ईत्तार अदकि ऊद पार उक हाळदार, अदकि आऊन हेसुर इममानुएल ईटकु आदीत,” यदुरद मतलब आद, “परमेश्वर नाम सांगुळ.”

²⁴आग यूसुफ जप दा टु यदकु प्रभु अनूद स्वर्गदूत उन आग्या अनूद अनुसार मरयिम उक हगिस माळकु मान्या तंदुन; ²⁵अदकि यागासताका आक पार हाळददिल आगासताका यूसुफ आकनि हात्ती होगोदल: अदकि आव आ पार उन हेसुर यीशु ईटदुन.

2

पूर्व दशिया नोर पाऊनागोळद यीशु से मुलाकात

¹हेरोदेस राजा अनूद दनिगोळ दा याग यहूदयिया प्रदेश इन बैतलहम ऊरा यीशु उन जनम आत, रा नोळी, पूर्व दशिया टु हापाळ सा जानकार लॉकुर यरूशलेम दा बंदकु केळली कुरतुर, ²“यहूदीगोळव

☆ 1:6 १:६ २ शमूएल १२:२४ ☆ 1:18 १:१८ लुका १:२७ ☆ 1:21 १:२१ लुका १:३१ ☆ 1:22 १:२२ यशयाह ७:३६

☆ 1:25 १:२५ लुका २:२१

राजा यार्द जनम आग्याद, यल आन? यतकी नाव पूव दा आऊन तारा नोळेव, अदकि नाव आऊक प्रणाम माळली बंदेव.”

3 ईद केळकु हेरोदेस राजा अदकि आऊन सांगुळ पुरा यरूशलेम घबरूसेत. 4 आग आव यहूदी समाज इन सप्पा प्रधान याजकगोळी अदकि शास्त्रीगोळी जमा माळकु आंदुर से केळदुन, “क मसीह अन्द जनम यल आग पायजे.” 5 आंदुर आऊन से अंदुर, “यहूदयिया अन्द बैतलहम दा, यतकी परमेश्वर उन भवषियवक्ता अन्द द्वारा ईद लखिसकु आग्याद: 6 हे बैतलहम, नी जो यहूदा अन्द प्रदेश दा आय, नी यातोदारा भी रीत देल यहूदा अन्द अधिकारीगोळ दा सब से स्याणेव हैलेच; यतकी नीन दा टु ऊंद अधपिती होट्टान, जो नान प्रजा इस्त्राएल इन रखवाली माळयान:.”

7 आग हेरोदेस जानकारगोळी चुपचाप कार्कु आंदुर से केळदुन क तारा ठीक याता समय दा कांळसीत, 8 इदुरसाटी आव ईद अनकु आंदरी बैतलहम कळदुन, “होगी, आ पार उन बारा दा बेस-बेस मालूम माळी, अदकि याग आव सकिकेदान रा नानी बातणी कोळी ताकी ना भी बंदकु आऊक प्रणाम माळाईन.”

9 आंदुर राजा अन्द मात केळकु होटोदुर, अदकि जो तारा आंदुर पूव दी नोळीदुर अदा तारा आंदुर मुंद-मुंद नळोद; अदकि यल चगिद ईरोद, आ जागा अन्द मयाकुच पोहचुसकु रूकसेत. 10 आ तारा अक नोळकु आंदुर हापाळ खुश आदुर. 11 आंदुर आ मानना दा पोहचुसकु आ पार उक आऊन मोय मरयिम इन सांगुळ नोळदुर, अदकि बांगकु आ पार उक प्रणाम माळदुर, अदकि तान-तान झवारा खोलसकु आऊक व्हानना, लुवान, अदकि गन्धरस इन भेट येरसदुर.

12 आग परमेश्वर कान्सा दा आंदरी चेतावनी कोटक ईद अंदुन क हेरोदेस उन हात्ती मात्त होगवाळेतीर, आंदुर दुसरा हादी देल तान दयाश दा होटोदुर.

मसित्त्र द्याश इक होगोद

13 आंदुर होगदुर बाददा प्रभु उन ऊंद स्वर्गदूत कान्सा दा यूसुफ उक कांळसकु अंदुन, “येळ, आ पार उक अदकि आऊन मोय इक हुळकु मसित्त्र द्याश इक ओळग; अदकि यागासताका ना नीन से अनालीन, आगासताका अल्या ईरेत; यतकी हेरोदेस ई पार उक दुंदुसेतयान क आऊक कोनुस बुळुल.”

14 आग आव ईळलीक इच यदकु पार अदकि आऊन मोय इक हुळकु मसित्त्र द्याश इक ओळदुन, 15 अदकि हेरोदेस उन सायास्ताका अल्या ईत्तुन. इदुरसाटी क अद वचन जो प्रभु भवषियवक्ता अन्द द्वारा अंददुन अद पुरा आगुल: “ना तान पार उक मसित्त्र द्याश टु कार्सदान.”

चकिोरी कोन्नोद

16 याग हेरोदेस ईद नोळदुन, क तारागोळ दा बारा दा जानकारी ताकोमावाळेर जानकार लांकुर आऊन सांगुळ ध्वाका माळदुर, आग आव सट्टि देल बेक्की घाई आगोदुन, अदकि लांकुरी कळुकु जानकार लांकुर द्वारा तारा नोळोद समय इन अनुसार बैतलहम अदकि अदुर आसपास इन जागा अन्द सप्पा चकिोरी जो येदूढ वर्ष इनोर या आंदुर से स्याणेर ईरोर, कोनुस बुदुन. 17 आग अद वचन जो यरिमयाह भवषियवक्ता अन्द द्वारा अदकु आगीत, अद पुरा आत: 18 “रामाह ऊर दा दुख भरा ऊंद आवाज केळ वत्त, वोरलोद अदकि हापाळ गयरा वलिप इन ईरोद; राहेल तान चकिोर साटी वोरलोर, अदकि शांत आगोद ईला चाहासोर, यतकी ईग आ चकिोर सोतोगीदुर.”*

मसित्त्र द्याश टु वापस बरोद

19 हेरोदेस उन सोत्तुर बाददा, प्रभु उन स्वर्गदूत मसित्त्र दा यूसुफ उक कान्सा दा कांळसकु अंदुन. 20 “येळ, पार उक अदकि आऊन मोय इक हुळकु इस्त्राएल इन द्याश दा होटोग, यतकी जो पार उन जीव ताकोमोद चाहासोर, आंदुर सोतोग्यार.”

* 2:15 २:१५ होशे १:११ * 2:18 २:१८ यरिमयाह ३१:१५

21 यूस्फ येदुन, अदकि पार उक अदकि आऊन मोय इक सांगुळ हुळकु इस्त्राएल इन दयाश दा वंदुन. 22 लेकीन ईद केळकु क अरखलाउस तान आप्प हेरोदेस उन जागा दा यहूदया मा राज्य माळेत्यान, अल होगोर से अंजदुन. बाक कानसा दा परमेश्वर उन दी टु बातणी ताकोमकु गलील प्रदेश दा होटोदुन. 23 *आव अल नासरत हेसुर इन नगर दा होगकु कुरतुन, ताकी अद वचन पुरा आगुल, जो भवषियवक्तागोळ द्वारा अंदकु आगीत: “आव नासरी कहलुसयान.”*

3

वपतसिमा कोळावाळा यूहनना अनद उपदेश
(मरकुस १:१-८; लूका ३:१-१८; यूहनना १:१९-२८)

1 आ दनिगोळ दा वपतसिमा कोळावाळा यूहनना बंदकु यहूदया अनद आळी दा ईद प्रचार माळली कुरतुन: 2 *पापगोळ देल मन तरिगुसी, यतकी स्वर्ग इन राज्य हात्ती होट वंदाद.”

3 इव आवा हुन यार्द मातकात यशायाह भवषियवक्ता अनद द्वारा माळकु आग्याद:

“आळी दा ऊद कारावाळा अनद आवाज केळ बरेत्याद,

का प्रभु उन हादी तयार माळी,

आऊन सळकगोळी सरका माळी.”*

4 *ईव यूहनना ऊट इन चुट्टीगोळद फळक्या हाक्कु अदकि नेळु मा तोगुल इन पट्टा कटकु ईरतोगोन. फाफा* अदकि आळी दाकळोद शयद तनितोगोन. 5 आग यरूशलेम अदकि पुरा यहूदया प्रदेश, अदकि यरदन गांगा अनद आस-पास इन सप्पा क्षेत्र अन ईरावाळेर लॉकुर आऊद हात्ती बंदकु जमा आदुर. 6 आंदुर तान-तान पापगोळी मान्सकु यरदन गांगा दा आऊन से वपतसिमा ताकोडुर.

7 *याग आव हापाळ सा फरीसी अदकि सद्कीगोळी वपतसिमा ताकोमोर साटी तान हात्ती बरत नोळदुन, रा यूहनना अंदुन, “हे हाव इन चकिरा, याव नीमी चतरा माळ बुदुन का परमेश्वर उन बरावाळा प्रकोप देल ओळी? 8 इदुरसाटी हगि मातगोळ माळी जो नीम पश्चाताप इक तोरसतद, 9 *अदकि तान-तान मन दा ईद वचारि माळवाळी का नाम आप्प अब्राहम हुन; यतकी ना नीम से अनतीन का परमेश्वर ई कल्लगोळ देल भी अब्राहम उन साटी औलाद पैदा माळ सकतान. 10 *इंग कोळली मार्रगोळद जळी मा ईटकु आद, इदुरसाटी जो-जो मार्र वळलीद काय तराल, अदरी कळकु अदकि बेक्की दा हाक्कु आदीत. 11 ना रा नीर देल नीमी मन तरिगुसोद वपतसिमा कोळतीन, लेकीन जो नान बाद्दा बरावाळा आन, आव नान से ताकतवर आन; ना रा आऊन केरू तेगा लायक भी हैलेच. आव नीमी पवतिर आत्मा अदकि बेक्की देल वपतसिमा कोट्टान. 12 आऊन मार्र आऊन कय दा आद, अदकि आव तान केई वळलीद तरीका देल साफ माळयान, अदकि तान गोदीगोळी रा ह्वाला दा जमा माळयान, लेकीन भूसा अनद गवान्डा अक आ बेक्की दा होताक्यान जो यागलु नुनाल्द.”

यीशु उन वपतसिमा

(मरकुस १:९-११; लूका ३:२१,२२; यूहनना १:३१-३४)

13 आ समय यीशु गलील टु यरदन गांगा अनद कनिरा मा वपतसिमा कोळावाळा यूहनना अनद हात्ती आऊन से वपतसिमा ताकोमली वंदुन. 14 लेकीन यूहनना ईद अनकु आऊक रोक्सली कुरतुन, “नानी रा नीद कय देल वपतसिमा ताकोमोद जरवत आद, अदकि नी नान हात्ती बंद्या?” 15 यीशु आऊक ईद उत्तर कोट्टुन, “इंग रा हगि अच आगगोळ, यतकी नामी ईदा रीत देल सप्पा न्यायीपन इन क्याल्सागोळी पुरा माळोद उचति आद.” आग यूहनना आऊन मात मान्स कोडुन.

* 2:23 २:२३ मरकुस १:२४; लूका २:३९; यूहनना १:४५ * 2:23 २:२३ लूका ८:१७ * 3:2 ३:२ मत्ती ४:१७; मरकुस १:१५ * 3:3 ३:३ यशायाह ४०:३ * 3:4 ३:४ २ राजा १:८ * 3:4 ३:४ फाफा-मतलब टडिडियाँ * 3:7 ३:७ मत्ती १२:३४; २३:३३ * 3:9 ३:९ यूहनना ८:३३ * 3:10 ३:१० मत्ती ७:१९

16 अदकि यीशु बपतसिमा ताकोमकु तुरन्त नीर दा टु म्याकुच बंदुन, अदकि अदा समय आऊन साटी स्वरग खुलसेत, अदकि आव परमेश्वर उन आत्मा अक कबूतर इन घाई ईळुतेला अदकि तान म्याकुच बरतेला नोळदुन. 17 अदकि स्वरग टु ईद आकाशवाणी आत “ईव नान प्रयि पार हुन, ईऊन से ना हापाळ खुश आईन.”

4

यीशु उन परीक्षा

(मरकुस १:१२-१३; लूका ४:१-१३)

1 आग पवतिर आत्मा यीशु उक सुनसान जागा दा ओईत ताकी शैतान उन द्वारा आऊन परीक्षा आगुल. 2 आव चालीस दिन, अदकि चालीस ईळलक, उपास माळ कोंडुन, आग आऊक हशु हतत. 3 आग परखुसावाळा शैतान हात्ती बंदकु आऊन से अंदुन, “अगर नी परमेश्वर उन पार हुय, रा अंदकोम, काई कल्ल रोट्टगोळ बंसेगुल.”

4 यीशु उत्तर कोट्टुन: “शास्त्र दा लखिसकु आद, ‘मंळसा सर्फि रोट्टी देल अच जत्तिता ईरतीदील, लेकीन हर ऊंद वचन देल जो परमेश्वर उन वाय देल होळतद.’”

5 आग शैतान यीशु उक यूरूशलेम इन पवतिर नगर दा ओईत अदकि मंदरि इन स्यांडा मा नीदरूस्त, 6 अदकि आऊन से अंत, “अगर नी परमेश्वर उन पार हुय, रा तान तान इक ल्यालमा केळदबुळ; यतकी शास्त्र दा लखिसकु आद: ‘आव नीन बारा दा तान स्वरगदूतगोळी आग्या कोट्टान, अदकि आंदुर नीनी कयगोळ दा नेगु कोंडार; ईलारा हगि आगवाळुल का नीन कालगोळी कल्ल देल टेस हततुल.’”

7 यीशु आऊन से अंदुन, शास्त्र दा ईद भी लखिसकु आद: “नी प्रभु तान परमेश्वर उन परीक्षा माळवाळ.”

8 बाक शैतान यीशु उक ऊंद हापाळ ऊंचा पहाळी मा ओईत अदकि पुरा दुनिया अन्द राज्य अदकि अदुरद वैभव तोरूस्त, 9 आग शैतान यीशु से अंत, “अगर नी बांगकु नानी प्रणाम माळ्या, रा ना ईद सब कुळु नीनी कोट बुळाईन.”

10 आग यीशु आ शैतान उक उत्तर कोट्टुन, “हे शैतान दुर आगेग, यतकी शास्त्र दा लखिसकु आद: नी तान प्रभु परमेश्वर उन भक्ती माळ, अदकि सर्फि आऊंदा उपासना माळ.”

11 अदकि नोळी शैतान आऊन हात्ती टु होटोत, अदकि स्वरगदूत बंदकु आऊन स्यावा माळली कुरतुर.

यीशु उन स्यावा-कार्य अन्द सूरवात

(मरकुस १:१४,१५; लूका ४:१४; १५)

12 आग यीशु ईद केळदुन का बपतसिमा कोळावाळा यूहन्ना बंदी माळकु आगेग्यान, रा आव गलील इक होटोदुन. 13 अदकि आव नासरत इक बटिकु कफरनहूम नगर दा बंदुन, जो झील इन कनारा जबूलून अदकि नप्ताली इन द्याश दा आद, होगकु ईरली कुरतुन; 14 ताकी जो यशायाह भवषियवक्ता अन्द द्वारा अंदकु आगीत, अद पुरा आगुल:

15 “जबूलून अदकि नप्ताली इन द्याश,

झील इन हादी देल यरदन इन आप्पाटी,

गैरयहूदीगोळ द्याश गलील दा!

16 जो लॉकुर अंधार जदिगी माळोर,

आंदुर ऊंद धोळद महान ज्योति नोळदुर;

अदकि जो मृत्यु उन द्याश अदकि सावली दा कुरतकु ईरोर,

* 3:17 ३:१७ मत्ती १२:१८; १७:५; मरकुस १:११; लूका १:३५ * 4:1 ४:१ इब्रानगिळ २:२८; ४:१५ * 4:6 ४:६ भजन संहिता ११:११-१२ * 4:7 ४:७ व्यवस्थाविरण ६:१६ * 4:10 ४:१० व्यवस्थाविरण ६:१३ * 4:12 ४:१२ मत्ती १४:३; मरकुस ६:१७; लूका ३:१९,२० * 4:13 ४:१३ यूहन्ना २:२२

आंदुर मा ज्योती चमकुस्त.”

17 *आ समय टु यीशु प्रचार माळोद अदकि ईद अनोद सुरूवात माळदुन, “तान पापगोळ देल मन तरिगुसी यतकी स्वर्ग इन राज्य हात्ती होट बंदाद.”

नाक मेन हुडावाळेरी कारोद

(मरकुस १:१६-२०; लूका ५:१-११; यूहन्ना १:३५-४२)

18 गलील इन झील इन कनिरा वयाळतेला यीशु येदद वारट्टरी मतलब शमौन उक जो पतरस कहलुस्तान, अदकि आऊन वारट अन्ररियास उक झील दा जार हाक्त नोळदुन; यतकी आंदुर मेन हुडावाळेरे ईरोर. 19 यीशु आंदुर से अंदुन, “नान हदि बरी, रा ना नीमी मंळसागोळी हयांग परमेश्वर उन राज्य दा तरतार अद कलसाईन.” 20 आंदुर तुरन्त जारगोळी बटिकु आऊन हदि होटोदुर.

21 अल टु मुंद वाळुसकु, यीशु मातत येदद वारट्टरी मतलब जब्दी इन पार याकूब अदकि आऊन वारट यूहन्ना अक नोळदुन. आंदुर तान आपप जब्दी इन सांगुळ डवांगा मा तान जारगोळी सुधारसार. आव आंदरी भी कारदुन. 22 आंदुर तुरन्त डवांगा अदकि तान आपप उक बटिकु आऊन हदि होटोदुर.

यीशु उन सखि, उपदेश अदकि चंगाई

(लूका ६:१७-१९)

23 *यीशु पुरा गलील दा वयाळतेला आंदुरद सभागृहगोळ दा उपदेश कोळोन, अदकि राज्य अन्द खुशखबरी प्रचार माळोन, अदकि लॉकुरद हर प्रकार इन बमारगोळी चंगा माळदुन अदकि कमजोरी इक दुर माळतेला ईततुन. 24 अदकि पुरा सीरया दयाश दा आऊन यश फैलुसेत; अदकि लॉकुर सब बमारगोळी जो नाना प्रकार इन बमारगोळ अदकि दुखगोळ दा जकळुसकु ईरोर, अदकि यारदा दुषटआत्मागोळ ईरव, अदकि मरिगीवाळेरे अदकि लकवा नोर रोगीगोळी, आऊन हात्ती तंदुर अदकि आव आंदरी चंगा माळदुन. 25 गलील अदकि दकिापुलसि*, यरूशलेम, यहूदीया अदकि यरदन गांगा अन्द आपपाटी टु भीळ इन भीळ आऊन हदि आगेत.

5

यीशु उन पहाळी उपदेश

1 यीशु भीळ इक नोळकु पहाळी मा येरेदुन, अदकि याग कुरतोदुन रा आऊन चेलागोळ आऊन हात्ती बंदुर. 2 अदकि आव आंदरी ईद उपदेश कोळली कुरतुन:

धन्य वचन

(लूका ६:२०-२३)

3 धन्य आर आंदुर, जो मन देल गरीब आर,
यतकी स्वर्ग इन राज्य आंदुर दा आद.

4 “धन्य आर आंदुर, जो शोक माळतार,
यतकी आंदरी दलासा सक्कीत.

5 धन्य आर आंदुर, जो नम्र आर,
यतकी आंदुर धरती इन वारीसदार आदार.”

6 “धन्य आर आंदुर, जो न्यायीपन इन हस्तकु अदकि नरिळककु आर,
यतकी आंदुर संतुष्ट माळकु आदार.”

7 “धन्य आर आंदुर, जो दयालु आर,
यतकी आंदुर मा दया माळकु आदीत.”

8 धन्य आर आंदुर, यारद मन शुद्ध आव,
यतकी आंदुर परमेश्वर उक नोळ्यार.

* 4:17 ४:१७ मत्ती ३:२

* 4:23 ४:२३ मत्ती १:३५; मरकुस १:३९

* 4:25 ४:२५ दकिापुलसि इन मतलब हत्त

9 धन्य आर आंदुर, जो मेल माळावाळेर आर,

यतकी आंदुर परमेश्वर उन चकिोर कहलुस्यार.

10 *धन्य आर आंदुर, जो न्यायीपन इन कारण सतुसकु आगतार,

यतकी स्वर्ग इन राज्य आंदुर अच हुन.

11 *धन्य आईर नीव, याग मळसा नान कारण नीम्द अपमान माळयान, अदकि सतुसयान अदकि खाटा माताळ माताळकु नीम्द वरिध दा सब प्रकार इन बुरा मात अंदान. 12 *आग खुश अदकि मगन ईरेतीर, यतकी नीम साटी स्वर्ग दा धोळद प्रतफिल आद. यतकी आंदुर आ भवषियवक्तागोळी भी जो नीम से पयले ईरोर ईदा रीत दिल सतुसीदुर.

ऊपप अदकि ज्योत

(मरकुस ९:५०; लुका १४:३४,३५)

13 *नीव पृथ्वी इन ऊपप हुईर, लेकीन अगर ऊपप इन स्वाद बगिळसेदति, रा अद बाक याता चजि देल नमकीन माळकु आदीत? बाक अद यातोदु क्यालसा अन्द हैलेच, सर्फ इदुरद कविहारया भटिकु आगुल अदकि मळसागोळद काल देल मेटकु आगुल."

14 *नीव दुनया अन्द ज्योता हुईर. जो नगर पहाळी मा बसुसकु आद अद होचकु ईरसकाल.

15 *अदकि लॉकुर दगिया होत्ताकु बर्तन इन लयालमा ईटालुर लेकीन दीवट* मा ईटतार, आग अदुर देल मानना अन्द सपपा लॉकुरी ऊजूळ सकितद. 16 *अदा प्रकार नीम ऊजूळ मळसागोळद मुंद चमकुसुल कि आंदुर नीम वळलीद क्यालसागोळी नोळकु नीम आपप उन, जो स्वर्ग दा आन, बळाई माळुल.

व्यवस्था अन्द बारा दा शक्ति

17 "ईद समसवाळी, कि ना व्यवस्था या भवषियवक्तागोळ कतिबगोळी नाश माळली बंदीन, नाश माळली ईला, लेकीन पुरा माळली बंदीन. 18 *यतकी ना नीम से खरा माताळतीन, कि यागासताका आकाश अदकि पृथ्वी टलुसेगाल, आगासताका व्यवस्था ऊंद ऊंद मात भी बनि पुरा आगद टलुसतीदलि." 19 इदुरसाटी जो यावारा इव स्यांळद से स्यांळद आगयागोळ दा टु यातोदारा ऊंद आगया अक मूरल, अदकि हांग अच लॉकुरी कलसुल, आव स्वर्ग इन राज्य दा सपपा मुंदुर से स्याणव कहलुसयान; लेकीन जो यावारा आ आगयागोळद पालन माळयान अदकि अवरी कलसयान, आवा स्वर्ग इन राज्य दा महान कहलुसयान. 20 यतकी ना नीम से अनतीन, कि अगर नीम न्यायीपन शास्त्रीगोळ अदकि फरीसीगोळद न्यायीपन देल धोळद ईरतीदिल, रा नीव स्वर्ग इन राज्य दा यागलु प्रवेश माळ सकतीदलि.

सटिट अदकि कोननोद

21 "नीव केळ कोंडीर, कि पूर्वकाल इन लॉकुर से अंदकु आगीत, कि 'कोनन बाळी' अदकि 'जो यावारा कोनतान आव कचेरी दा सजा अन्द लायक ईत्तान.' 22 *लेकीन ना नीम से ईद अनतीन, कि जो यावारा तान वार्ट उन सटिट माळयान, आव कचेरी दा सजा अन्द लायक ईत्तान, अदकि जो यावारा तांद वार्ट उक नकिम्मा अंदान आव महासभा दा सजा अन्द लायक ईत्तान; अदकि जो यावारा अंदान 'थे मूरख' आव नरक इन बेक्की दा सजा अन्द लायक ईत्तान. 23 इदुरसाटी अगर नी तान भेट वेदी मा तंद्या, अदकि अल नी याद माळया, कि नीन वार्ट उन मन दा नीन साटी येनारा वरिध आद, 24 रा तान भेट अल्या वेदी इन मुंद बटि बुळ, अदकि होगाकु पयले तान वार्ट उन से मेल मलिाप माळ अदकि राजी आगकु बर अदकि तान भेट येरस."

* 5:10 ५:२० १ पतरस ३:१४ * 5:11 ५:११ १ पतरस ४:१४ * 5:12 ५:२२ प्रेरतिगोळ ७:५२ * 5:13 ५:१३ मरकुस ९:५०; लुका १४:३४,३५ * 5:14 ५:१४ यूहनना ८:१२; ९:५ * 5:15 ५:१५ मरकुस ४:२१; लुका ८:१६; ११:३३ * 5:15 ५:१५ दीवट: मतलब-दगिया ईटोद जागा * 5:16 ५:१६ १ पतरस २:१२ * 5:18 ५:१८ लुका १६:१७ † 5:18 ५:१८ सपपा चजिगोळ अंत; या इदुरद सपपा उपदेश खरा आव. ‡ 5:22 ५:२२ जो यावारा सटिट माळतान; येनारा वचनगोळ दा जो यावारा बनि कारण देल सटिट माळतान लखिसकु आद.

25 यागासताका नी तान आरोप हचावाळा अन सांगुळ हादी मा का आय, आऊन से झटपट मेल मलाप माळकोम ईदारा हगि आगबाळुल कर् आरोप हचावाळा नीनी न्यायाधीश उक सोप्सुल, अदक न्यायाधीश नीनी कत्तीहुडावाळा अक सोप्स बुळुल, अदक नीनी जयल दा हाक्कु आगुल. 26 ना नीन से खरा माताळतीन कर् यागासताका नी कवळी-कवळी तुम कोळाल आगासताका अल टु बळि सकतीदलि.

व्यभचार इन बारा दा शक्षिा

27 “नीव केळ कोंडीर कर् अंदकु आगीत, ‘व्यभचार माळबाळेतीर.’ 28 लेकीन ना नीम से ईद अनतीन, कर् जो यावारा यातारा आरत इक बुरा नजर देल नोळतान आव तान मन दा आकनि से व्यभचार माळ कोंडुन. 29 अग्र नीन ऊम्मा कण्ण नीनी टोकर तनिसुल, रा अदरी तेगु कु भीट बुळ; यतकी नीन साटी ईदा वळ्लीद आद कर् नीन शरीर दा टु ऊंद अंग नाश आगो गुल अदक नीन पुरा शरीर नरक दा हाक्कु आगबाळुल. 30 अग्र नीन ऊमा कय नीनी टोकर तनिसतद, रा अदरी कळकु भीट बुळ; यतकी नीन साटी ईदा वळ्लीद आद कर् नीन मय दा टु ऊंद नाश आगुल अदक नीद पुरा शरीर नरक दा हाक्कु आगबाळुल.”

छोळचट्टी अनूद बारा दा शक्षिा

(मत्ती १९:९; मरकुस १०:११; लूका १६:१८)

31 “ईद भी अंदकु आगीत, ‘जो यावारा तान हगिस् उक बळोद चाहास्यान, रा आकी छोळचट्टी कोळुल.’ 32 लेकीन ना नीम से ईद अनतीन की जो यावारा तान हगिस् उक व्यभचार इन शवाय अदक दुसरा कारण देल बट्टि बुळतान, रा आव आकनि से व्यभचार माळसुसतान; अदक जो यावारा आ आरत इन से जो गांड उक बटिकु आर मदा माळतान, रा आव भी व्यभचार माळतान.”

करिया अनूद बारा दा शक्षिा

33 “बाक नीव केळ कोंडीर कर् पूरवकाल इन लॉकुर से अंदकु आगीत, ‘खवाटा करिया तनिवाळेतीर, लेकीन प्रभु उन साटी तान करिया अक पुरा माळेतीर.’ 34 लेकीन ना नीम से ईद अनतीन कर् यागुल करिया तनिवाळेतीर; ना रा स्वर्ग इन, यतकी अद परमेश्वर उन सहिसन हुन; 35 ना धरती अनूद, यतकी अद आऊन कालगोळद पायदान हुन; ना यरूशलेम इन, यतकी अद महान राजा अनूद नगर हुन. 36 तान ताल्ला अनूद भी करिया तनिवाळेतीर यतकी नीव ऊंद चुट्टी इक भी ना बळोद, ना करीद माळ सकतीर. 37 लेकीन नीमूद मात ‘हव’ इन ‘हव,’ या ‘ईला’ अनूद ‘ईला’ आगुल; यतकी जो येनारा इदुर से यक्कुल आगतद अद बुराई देल आगतद.”

बदला ताकोमोद बारा दा शक्षिा

(लूका ६:२९,३०)

38 “नीव केळ कोंडीर कर् अंदकु आगीत, ‘कण्ण इन बदला कण्ण, अदक हल्ल इन बदला हल्ल.’ 39 लेकीन ना नीम से ईद अनतीन कर् जो नीम से बुरा व्यवहार माळतान आऊन सामना माळबाळेतीर; लेकीन जो यावारा नीमूद ऊम्मा गाल्ला मा क्याबरा बळदान, रा आऊन दी दुसरा गाल्ला भी तरिगुस बुळी. 40 अग्र यावारा नीम मा जबरदस्ती माळकु नीमूद कुळता वेळोद चाहास्यान, रा आऊक कोट भी कोट्ट बुळी. 41 जो यावारा नीमी कोस तमि जागा दा वोतान, रा आऊन सांगुळ येढ्ढ कोस होटोग. 42 जो यावारा नीम से वेळ्यान, आऊक कोळी; अदक जो नीम से उदार वेळोद चाहासतान, आऊन से बाय तरिगुसवाळी.”

दुश्मनगोळ से प्यार

(लूका ६:२७,२८,३२-३६)

✽ 5:29 ५:२९ मत्ती १८:९; मरकुस ९:६७ ✽ 5:30 ५:३० मत्ती १८:८; मरकुस ९:६३ ✽ 5:31 ५:३१ मत्ती १९:१७; मरकुस १०:६ ✽ 5:31 ५:३१ व्यवस्थाविवरण २६:१-१६ ✽ 5:32 ५:३२ मत्ती १९:९; मरकुस १०:११,१२; लूका १६:१८; १ कुरनिथ ७:१०,११ ✽ 5:34 ५:३४ याक्व ५:१२; मत्ती २३:२२

43 “नीव केळ कोंडीर कि अंदकु आगीत, ‘तान मान्ना हातळोर से प्यार ईंटेतीर, अदकि दुश्मनगोळ से दुश्मनी.’ 44 लेकीन ना नीम से ईंद अनतीन कितान दुश्मनगोळ से प्यार ईंटी अदकि जो नीमी सतुसुतार आंदुर साटी प्रारथना माळी, 45 यदुर देल नीव तान स्वर्गीय आप्प उन औलाद ठहूसीर यतकी आव तान सुर्य वळलीद अदकि बुरा येदुदु मा उदय माळतान, न्यायी अदकि अन्यायी येदुदु मा नीर बरसुसतान. 46 यतकी अग्र नीव तान प्यार इट्टावाळेर से अच प्यार ईंटेतीर, रा नीम साटी येन फल आदीत? येन कर ताकोमावाळेर भी हगिा माळालुर?” 47 “अग्र नीव सर्फि तान वारदुदु अच भलाई माळीर, रा यातोद धोळ्द क्याल्सा माळतीर? येन गैर्यहूदी लॉकुर भी हगिा माळालुर? 48 इदुरसाटी नीव सदिध आगी, ह्यांग नीमव स्वर्गीय आप्प सदिध आन.”

6

गुप्त दान इन शक्तिषा

1 * “सावधान ईंटी! नीव मंळसागोळी तोरसोर साटी तान न्याय इन क्याल्सा माळबाळेंतीर, ईलारा नीव तान स्वर्गीय आप्प उन से येनु उच प्रतफिल ताकोम सकतीदलि.”

2 “इदुरसाटी याग नीव दान माळी, रा तान मुंद सैनाई मुसुसबाळी, ह्यांग कपटी लॉकुर, सभागोळ अदकि गलीगोळ दा माळतार, ताकी लॉकुर आंदुर बळाई माळुल. ना नीम से खरा माताळतीन कि आंदुर तान प्रतफिल ताकोम कोंडार. 3 लेकीन याग नीव दान माळी, रा जो नीम ऊम्मा कय माळतद, अद नीव तान डाक्या कय इक मालूम नळुगोळ बाळेंतीर. 4 कि नीम दान होचकु ईरूल, अदकि आग नीम आप्प जो होचकु नोळतान, नीमी प्रतफिल कोट्टान.”

प्रारथना अन्द शक्तिषा (लूका ११:२-४)

5 * “याग नीव प्रारथना माळीर, रा कपटीगोळ घाई आगवाळी, यतकी लॉकुरी तोरसोर साटी सभागूह दा अदकि सळक इन मोळ मा नदुरकु प्रारथना माळोद आंदरी वळलीद हततद. ना नीम से खरा माताळतीन कि आंदुर तान प्रतफिल ताकोम कोंडार. 6 लेकीन याग नीव प्रारथना माळी, रा तान कमरा दा होगी; अदकि कवाळ बंद माळकु तान आप्प उन से गुप्त दा प्रारथना माळीर. आग नीम आप्प जो होचकु नोळतान नीमी प्रतफिल कोट्टान.”

7 प्रारथना माळाहोती गैर्यहूदीगोळ घाई घळी-घळी माताळ बाळेंतीर, यतकी आंदुर सोचतार कि आंदुरद हापाळ माताळदुर देल आंदुरद केळकु आदीत. 8 इदुरसाटी नीव आंदुरद घाई आगवाळी, यतकी नीम आप्प नीम बेळा से पयला अच जान्सतान कि नीम येन येन जरवतगोळ आव. 9 इदुरसाटी नीव ईत्ता रीतदिल प्रारथना माळतोगी:

“हे नाम आप्प, नी जो स्वर्ग दा आय;

नीन हेसुर पवतिर मान्सकु आगुल.

10 दुनयिा दा नीन राज्य बरूल.

नीन इच्छा ह्यांग स्वर्ग दा पुरा आगताव, हांग अच पृथ्वी मा भी आगुल.

11 * नाम हागुल त्रिमुद रोट्टी ईंद नामी कोळ.

12 अदकि यात्ता प्रकार देल नाव तान अपराधीगोळ माफ माळेव,

हांग अच नी भी नाम पापगोळी माफ माळ.

13 † अदकि नामी परीक्षा दा तरबाळ,

लेकीन बुराई देल ऊळ्स.”

* 6:1 ६:१ मत्ती २:२३ * 6:5 ६:५ लूका १८:१०-१४ * 6:11 ६:११ तानीक जरवत आद; या ईंद इन साटी, या नाळ इन साटी. † 6:13 ६:१३ येनारा वचनगोळ दा कारण राज्य, सामर्थ्य अदकि गौरव सदा अन साटी नीमव आव. आमीन.

14*“इदुरसाटी अगर नीव मंळसागोळ्द अपराध माफ माळीर, रा नीम स्वरगीय आप्प भी नीमी माफ माळ्यान. 15 अदकि अगर नीव मंळसागोळ्द अपराध माफ माळतीदील, रा नीम स्वरगीय आप्प भी नीमव अपराध माफ माळतीदील.”

उपास इन शक्तिषा

16 “याग नीव उपास माळीर, रा कपटीगोळ घाई नीम मार्रा मा उदासी ईरबाळ्दल, यतकी आंदुर तान मार्रा हांग अच माळकु ईटतार, यतकी लॉकुर आंदरी उपासी समसुल. ना नीम से खरा माताळतीन कां आंदुर तान प्रतफिल ताकोम कोंडार. 17 लेकीन याग नीव उपास माळीर रा तान ताल्ला मा याण्णा ऊदी अदकि मार्रा तोळी, 18 ताकी लॉकुर ईला लेकीन नीन आप्प जो गुप्त आन, नीनी उपासी जानसुल ई दशा दा नीन आप्प जो गुप्त कर्मगोळी नोळकु, नीनी अऊर्द प्रतफिल कोट्टान.”

स्वरगीय धन

(लूका १२:३३,३४)

19*“तान साटी पृथ्वी मा धन जमा माळबाळेतीर, यल कळिा अदकि जंग नाश माळताव, अदकि यल काळलुर तजोरी वडुतार अदकि काळलपनी माळतार. 20 लेकीन तान साटी स्वरग दा धन जमा माळी, यल न रा कळिा, अदकि जंग नाश माळीत, अदकि यल काळलुर ना तजोरी वळदार अदकि ना चोरी माळ्यार. 21 यतकी यल नीम धन आद अल नीम मन भी हतकु ईत्तीत.”

मय इन ज्योर्ति

(लूका ११:३४-३६)

22 “नीन मय इन दगिया कण्ण हुन: इदुरसाटी अगर नीन कण्ण नरिमल आव रा नीन सप्पा मय भी ऊजुळ इन घाई आदीत. 23 लेकीन अगर नीन कण्ण बुरा ईरूल, रा नीन पुरा मय भी अंधकारमय आदीत; ईद कारण अद ऊजुळ जो नीन दा आद अगर अंधकारमय आद रा अद अंधार याट खोल आदीत!”

परमेश्वर अदकि धन

(लूका १६:१३; १२:२२-३१)

24 “यावारा मंळसा येढ्द स्वामीगोळ्द स्यावा माळ सकालुन, यतकी आव ऊंद मंळसा से दुश्मनी अदकि दुसरा मंळसा से प्यार ईट्यान, या ऊंद से मेल मलिाप माळ्यान अदकि दुसरा मंळसा अक नीच जानस्यान. नीव परमेश्वर अदकि धन येढ्द स्यावा सांगुळल्या माळ सकालीर.”

25 “इदुरसाटी ना नीम से अनतीन कां तान जीवा अनुद साटी ईद चनिता माळबाळी कानाव येन तनिदेव अदकि येन कूळदेव; अदकि तान मय इन साटी फळक्यागोळ्द चनिता माळबाळी. येन जीव भोजन देल, अदकि मय फळक्यागोळ देल अनमोल हैलेच? 26 आकाश ईनव पक्षीगोळी नोळी! अव ना बीजा हचताव, ना कोयताव, अदकि ना तान तनि जागा दा संगरसुकु ईटताव: तरी भी नीम स्वरगीय आप्प अवरी पालसतान. येन नीम कमित अऊर से यक्कुल हैलेच? 27 †नीम दा टु हगि याव आन, जो चनिता माळकु तान जदिगी दा ऊंद घळी भी वाळुस सकतान?”

28 “अदकि फळक्यागोळ साटी येती चनिता माळतीर? आळी दाकळव फूलगोळ मा ध्यान माळी कां अव हयांग वाळुसताव; अव ना रा मयनत माळताव, ना तान साटी फळक्यागोळ माळताव. 29 तरी भी ना नीम से अनतीन कां सुलैमान राजा भी, तान पुरा जीवन दा अऊर दा टु यारदु घाई कपळागोळ हाककु ईला ईरोन. 30 इदुरसाटी याग परमेश्वर मैदान इन काडडा अक, जो ईद आद अदकि नाळ बेककी दा झोकसकु आदीत, हगि कपळा हाकसुसतान, रा हे अल्पवशिवासीगोळा, आव नीमी ईऊर से वळलीद येती हाकसुसतदिलि?”

* 6:14 ६:१४ मरकुस ११:२५,२६

* 6:19 ६:१९ याकूब ५:२,३

† 6:27 ६:२७ अदकि धवाळासा जीऊसी; या अदकि धवाळासा ऊंचा वाळुसी.

31 “इदुरसाटी नीव वचिार माळकु ईद अनबाळी कनिाव येन तनिदेव, या येन कुळदेव, या येन हाक्केव. 32 यतकी गैरयहूदी ई सप्पा वस्तुगोळ्द खोज दा ईरतार, पर नीम स्वर्गीय आप्प जानसतान कनिमी ई सप्पा वस्तुगोळ्द जरवत आद. 33 इदुरसाटी पयले नीव परमेश्वर उन राज्य अदकि आऊन न्याय इन खोज माळी रा ई सप्पा वस्तुगोळ्द भी नीमी सकिकेदेव. 34 इदुरसाटी नाळ इन चनिता माळवाळी, यतकी नाळ इन दनि तान चनिता खुद माळ कोडीत; ईद इन साटी ईद इन दा दुख काफी आद.

7

दुसरा मा दोष हचोदाल
(लूका ६:३७,३८,४१,४२)

1 “दोष हचवाळी कनिमी मा भी दोष हचकु आगुल. 2 यतकी या प्रकार देल नीव दोष हचतीर, अदा प्रकार देल नीम मा भी दोष हचकु आदीत; अदकि याता नाप देल नीव आळतीर, अदा प्रकार देल नीम साटी भी आळकु आदीत.” 3 “नी येती तान वार्ट उन कण्ण इन तनिका अक नोळत्या, अदकि तान कण्ण इन लट्टा नीनी ऊमसाल? 4 याग नीद अच कण्ण दा लट्टा आद, रा नी तान वार्ट उन से ह्यांग अन सकत्या, ता ना नीन कण्ण दा टु तनिका तेगु कोळतीन? 5 हे कपटी, पयले नी तान कण्ण दा टु लट्टा तेगु कोम, आग नी तान वार्ट उन कण्ण दा टु तनिका वळलीसा नोळकु तेगु सकत्या. 6 पवतिर वस्तु नायगोळी कोळवाळी, अदकि तान मोती हंदिगोळ मुंद हाक्कवाळी; हगि आगवाळुल क अि अवरी कालगोळ ल्यालमा मेटबुळुल अदकि तरिगकु नीमी हर्द बुळुल.”

प्रार्थना अन महत्व
(लूका ११:१-१३)

7 “बेळीर, रा नीमी कोटक आदीत; दुंदूसीर रा नीमी सकिकीत; ठोकसीर, रा नीम साटी तेरूकु आदीत. 8 यतकी जो यावारा बेळ्यान, आऊक कोटक आदीत; अदकि जो दुंदूस्यान, आऊक सकिकीत; अदकि जो ठोकस्यान आऊन साटी तेरूकु आदीत.”

9 “नीम दा टु हगि याता मंळसा आन, क अिगर आऊन पार आऊक रोट्टी बेळुल, रा आव आऊक कल्ल कोटान? 10 या मेन बेळुल, रा आव आऊक हाव कोटान? 11 इदुरसाटी याग नीव बुरा ईतकु, तान चिकोरी वळ्लीद वस्तु कोळोद जान्सतीर, रा नीम स्वर्गीय आप्प तान बेळावाळेरी वळ्लीद वस्तु यती कोळतीदील! 12 ईद कारण जो येनारा नीव चाहासतीर किलॉकुर नीम सांगुळ बरताव माळुल, नीव भी आंदुर सांगुळ हांग अच बरताव माळी; यतकी मूसा अन व्यवस्था अदकि भवषियवक्ता अनद शकिा ईदा हुन.”

स्यांळद अदकि चौळा हादी
(लूका १३:२४)

13 “स्यांळद हादी टु होगोद-बरोद माळी, यतकी चौळा आद अद फाटक अदकि आसान आद अद हादी जो वनिाश दी ओयतद; अदकि हापाळ सा आर जो अल टु होगोद-बरोद माळतार. 14 यतकी स्यांळद आद अद फाटक कठनि आद अद हादी जो जीवन दी ओयतद; अदकि ध्वाळासा अच लांकुर आर जो आ हादी इक हासलि माळतार.

ह्यांग मार्र हांग काय
(लूका ६:४३,४४; १३:२५-२७)

15 “ख्वाटा भवषियवक्तागोळ से सावधान ईरी, जो म्यांडागोळ्द भेष दा नीम हात्ती बरतार, लेकीन आंदुर बुळक टु हरूकु तनिावाळेर म्यांडागोळ उर. 16 आंदुर करनी देल नीव आंदरी अरू कोडीर. येन लांकुर झाळीगोळ दा टु अंगुर, मुळलगोळ दा टु अंजीर कोयतार? 17 ईदा प्रकार देल हर ऊंद वळ्लीद मार्र वळ्लीद काय तरतद अदकि बेकार मार्र बेकार काय तरतद. 18 वळ्लीद

मारर बेकार काय तर सकाल, अदकि ना बेकार मारर वळलीद काय तर सकतद. ¹⁹ *जो जो मारर वळलीद काय तरतदील, अद कळकु अदकि बेक्की दा हाक्कु आदीत. ²⁰ *ईद प्रकार देल नीव आंदुर कयालसागोळद करमगोळ देल खवाटा भवषियवक्तागोळी अर्त कोडीर.

ना नीमी यागलु अरालीन
(लूका १३:२५-२७)

²¹ "जो नान से, हे प्रभु! हे प्रभु! अनतान, आंदुर दा टु हर ऊंद स्वर्ग इन राज्य दा प्रवेश माळतीदील, लेकीन आवा जो नान स्वर्गीय आपुप उन इच्छा मा नळुतान. ²² न्याय इन दनि हापाळ सा लॉकुर नान से अंदार, हे प्रभु! हे प्रभु! येन नाव नीन हेसुर देल भवषियवाणी माळीदील, अदकि नीन हेसुर देल दुषटआतमागोळी तेगददील, अदकि नीन हेसुर देल हापाळ सा आश्रय चकति कयालसा माळीदील?" ²³ आग ना आंदुर से खुला शब्द दा अंद बुळाईन, 'ना नीमी यागलु अरतीदलि. हे कुकर्म माळावाळेर, नान हात्ती टु होटोगी.'

मान्ना कटावाळेर येदढ मंळसा: बुद्धमिन अदकि मूर्ख
(लूका ६:४७-४९)

²⁴ "इदुरसाटी जो यावारा नान ई मातगोळी केळकु अवरी माळतान, आव आ बुद्धमिन मंळसा अनंद घाई ठहूरुस्यान याव तान मान्ना चट्टान मा कटदुन. ²⁵ अदकि माळ बत्त, अदकि बाळ बत्त, अदकि आंधी तुफान नळुत, अदकि आ मान्ना से टकूरुसत, फरि भी अद बदिदील, यतकी अदुरद पायवा चट्टान मा अगुळकु आगीत. ²⁶ लेकीन जो यावारा नान ई मातगोळी केळतान अदकि अऊर मा नळालुन, आव आ मूर्ख मंळसा अनंद घाई ठहूरुस्यान याव तान मान्ना धुळा मा कटदुन. ²⁷ अदकि माळ बत्त, अदकि बाळ बत्त, अदकि आंधी तुफान नळुत, अदकि आ मान्ना से टकूरुसत अदकि अद जोर देल बदिक् सत्यानाश आगेत."

यीशु उन अधिकार

²⁸ *याग यीशु ई मातगोळी माताळ कोडुन, रा हगि आत कभीळ आऊन उपदेश देल सट्ट आत, ²⁹ यतकी आव आंदुर शास्त्रीगोळ घाई ईला लेकीन अधिकारीगोळ घाई उपदेश कोळतोगोन.

8

कोद इन रोगी इक चंगा माळोद
(मरकुस १:४०-४५; लूका ५:१२-१६)

¹ याग यीशु आ पहाळी मा टु ल्यालमा ईळदुन, रा ऊंद धोळद भीळ आऊन हदि आगेत. ² अदकि नोळी, ऊंद कोद इन रोगी मंळसा हात्ती बंदकु आऊक प्रणाम माळदुन अदकि अंदुन*, "हे प्रभु, अगर नी चाहास्या, रा नानी शुद्ध माळ सकत्या."

³ यीशु कय मुंद माळकु आऊक मुटदुन, अदकि अंदुन, "ना चाहसतीन, नी शुद्ध आगेत." अदकि आव तुरन्त कोद इन रोग देल शुद्ध आगेदुन. ⁴ बाक यीशु आऊन से अंदुन, "नोळ, यारीकु हेळबाळेत, लेकीन होगकु तान तान इक याजक उक तोर्स अदकि मूसा अन आदेश इन अनुसार भेट येर्स, ताकी लॉकुर साटी गवाही आगुल."

रोमी सूवेदार उन दास उक चंगा माळोद
(लूका ७:१-१०)

⁵ याग यीशु कफरनहूम नगर दा बंदुन रा ऊंद रोमी सपिाहीगोळद सुवेदार आऊन हात्ती बंदकु आऊन से वनिती माळदुन, ⁶ "हे प्रभु, नान दास उक लकवा होळद बुटाद अदकि आव हापाळ दुख दा आन."

⁷ आग यीशु सुवेदार से अंदुन, "ना बंदकु आऊक चंगा माळाईन."

* 7:19 ७:१९ मत्ती ३:१०; लूका ३:९ * 7:20 ७:२० मत्ती १२:३३ * 7:28 ७:२८ मरकुस १:२२; लूका ४:३२ * 8:2 ८:२ नानी साफ माळ; हगि मानसोर कि ईद बमिारी मंळसा अक न्यायवधि इन प्रती मैला माळोद.

8 सुवेदार उत्तर कोट्टुन, “हे प्रभु, ना ई लायक हैलेच का नी नांद मानना ताका बंद्या, लेकीन सर्रिफ आग्या कोटबुळ रा नान सेवक चंगा आगोदान. 9 यतकी ना भी जमिमेदार मळसा हुईन, अदकि सपिाही नान हात्ती आर. याग ना ऊंद से अनतीन, ‘होग!’ रा आव होगतान; अदकि दुसरा से अनतीन, ‘बर!’ रा आव बरतान; अदकि याग तान दास से अनतीन, ‘ईद माळ!’ रा आव माळतान.”

10 ईद केळकु यीशु उक अचम्भा आत, अदकि जो आऊन हदि बरोर आंदुर से अंदुन, “ना नीम से खरा माताळतीन का ना इस्त्राएल दा भी हगि मजबुत वशिवास नोळीदील. 11 अदकि ना नीम से अनतीन का पूरव अदकि पश्चिमि टु हापाळ सा लॉकुर बंदार अदकि आंदुर भोज दा अब्राहम, इसहाक अदकि याकूब उन सांगुळ स्वर्ग इन राज्य दा कुरतार. 12 लेकीन राज्य अनंद औलाद व्हाऱ्या अंधार दा हाक्कु आदार: अल वोरलोद अदकि हल्लगोळद कचचोद आदीत.” 13 आग यीशु सुवेदार से अंदुन, “होग, ह्यांग नीन वशिवास आद, हांग अच नीन साटी आगुल.” अदकि आऊन दास अदा घळी दा चंगा आगोदुन.

यीशु हापाळ रोगीगोळी चंगा माळतान
(मरकुस १:२९-३४; लूका ४:३८-४१)

14 यीशु याग पतरस उन मान्या बंदुन, रा आव आऊन आत्ता अक तेज मय देल बदिक् नोळदुन. 15 यीशु आकनि कय मुटदुन अदकि आकनि मय ईळदोदव, अदकि आक यदकु आऊन स्यावा माळली कुरतुर.

16 याग द्याव आत आग आंदुर आऊन हात्ती हापाळ सा लॉकुरी तंदुर यारदा दुष्टआत्मागोळ ईरव अदकि यीशु आ दुष्टआत्मागोळी तान वचन देल तेग्द बुट्टुन; अदकि सप्पा रोगीगोळी चंगा माळदुन. 17 यतकी जो वचन यशयाह भवषियवक्तागोळ द्वारा अंदकु आगीत अद पुरा आगुल: “यीशु खुद नाम कमजोरीगोळी हुळदुन अदकि नाम बमिारगोळी नेगुकु दुर माळदुन.”

यीशु उन चेला बनसोद कमित
(लूका ९:५७-६२)

18 यीशु याग तान नाकु दी ऊंद धोळद भीळ नोळदुन रा चेलागोळी झील इन आप्पाटी होगोद आग्या कोट्टुन. 19 आग ऊंद शास्त्री हात्ती बंदकु आऊन से अंदुन, “हे गुरु, नी यल होद्या, ना नीन हदि होट्ट बराईन.”

20 यीशु आऊन से अंदुन, “कोल्यागोळ गुफा अदकि आकाश इन पक्पीगोळ ग्वादा ईरताव; लेकीन मळसा अन पार उन साटी ताल्ला होचकोमोद भी जागा हैलेच.”

21 मात्त ऊंद चेला आऊन से अंदुन, “हे प्रभु, नानी पयले होगोळ का ना तान आप्प उक नळसाईन.”

22 यीशु आऊन से अंदुन, “नी नान हदि आगेग, अदकि सोद मळसागोळी तान मुर्दा नळसगोळ.”

तुफान इक शांत माळोद
(मरकुस ४:३५-४१; लूका ८:२२-२५)

23 याग यीशु इवांगा मा येरदुन, रा आऊन चेलागोळ आऊन हदि आगेदुर. 24 अदकि नोळी, अचानक झील दा ऊंद हगि धोळद तुफान येळत का इवांगा लयरगोळ से मुचली हत, लेकीन यीशु मगिगिन. 25 आग चेलागोळ हात्ती बंदकु आऊक येव्सदुर अदकि अंदुर, “हे प्रभु, नामी ऊळस, नाव मुळकेतेव.”

26 यीशु आंदुर से अंदुन, “हे अवशिवासीगोळा, यती अजेतीर?” आग आव यदकु आंधी अदकि नीर इक डटकार्सदुन, अदकि सप्पा शांत आगेत. 27 अदकि आंदुर अचम्भा माळकु अनली कुरतुर, “ईव ह्यांग मळसा हुन का आंधी अदकि नीर भी ईऊन आग्या मानसताव.”

* 8:11 ८:११ लूका १३:२९

* 8:12 ८:१२ मत्ती २२:१३; २५:३०; लूका १३:२८

* 8:17 ८:१७ यशयाह ५३:४

दुष्टआत्मा-गरस्त मंळसागोळी चंगा माळोद
(मरकुस ५:१-२०; लूका ८:२६-३९)

28 याग यीशु आप्पाटी गदरेनयिं अन प्रदेश दा पोहचुसदुन, रा येढढ मंळसागोळ यारदा दुष्टआत्मागोळ ईरव कबरगोळ दा टु होटकु आऊक सकिदुर. आंदुर ईट भयानक ईरोर का याऊ आ हादी देल होग ईला सकोन. 29 आंदुर चलिळासकु अंदुर, “हे परमेश्वर उन पारा, नाम्द नीन से येन क्याल्सा? येन नी समय से पयले नामी दुख कोळली इल बंद्या?”

30 आंदुर से थवाळासा दुर मा हापाळ सा हंदीगोळ्द ऊंद झुण्ड आळोद. 31 दुष्टआत्मागोळ आऊन से ईद अंदकु वनिती माळदव, “अगर नीनी नामी तेगोद अच आद, रा आ हंदीगोळ्द झुण्ड दा कळबुळ.”

32 आव आ दुष्टआत्मागोळ से अंदुन, “होगी!” अदकि आ दुष्टआत्मागोळ होटकु हंदीगोळ दा होक्केदव अदकि नोळी, पुरा झुण्ड ऊतार मा टु झील इन नीर दा होगकु बतित अदकि मुळककु सोतोत.

33 आ हंदीगोळी आळसावाळेर अल टु ओळदुर, अदकि नगर दा होगकु ई सप्पा मातगोळी अदकि यारदा दुष्टआत्मागोळ ईरव आंदुर सप्पा हाल कळसदुर. 34 आग पुरा नगर इन लॉकुर यीशु से भेट माळोर साटी होटकु बंदुर, अदकि आऊक नोळकु वनिती माळदुर का नाम क्षेत्तर दा टु व्हार्या होटोग.

9

लकवा अन्द रोगी इक चंगा माळोद
(मरकुस २:१-१२; लूका ५:१७-२६)

1 वाक यीशु इवांगा मा कुर्तकु समुदर अन आप्पाटी होदुन, अदकि तान नगर* दा बंदुन. 2 अदकि नोळी, हापाळ लॉकुर ऊंद लकवा अन्द रोगी इक व्हर्स मा मगिसकु आऊन हात्ती तंदुर. यीशु आंदुर विश्वास नोळकु, आ लकवा अन्द रोगी से अंदुन, “हे पारा, हमिमत ईट; नीन पाप माफ आदव.”

3 इदुर मा हापाळ शास्त्रीगोळ माताळली कुरतुर, “इव रा परमेश्वर उन अपमान माळतान.”

4 यीशु आंदुर मन इन मातगोळी अरूकु अंदुन, “नीव लॉकुर तान-तान मन दा बुग वचिार येती माळेतीर? 5 आसान येन आद? ईद अनोद, ‘नीन पाप माफ आदव,’ या ईद अनोद का, ‘येळ नळ अदकि टेट.’ 6 लेकीन इदुरसाटी का नीव जान्स कोमी का मंळसा अन्द पार उक पृथ्वी मा पाप माफ माळोद अधिकार आद.” इदुरसाटी यीशु लकवा अन्द रोगी से अंदुन, “येळ, तान व्हर्स नेगु, अदकि तान मान्नी होटोग.”

7 आग लकवा अन रोगी यदकु तान मान्नी होटोदुन. 8 लॉकुर ईद नोळकु अंजेंदुर अदकि परमेश्वर उन बळाई माळली कुरतुर याव मंळसा अक हगि अधिकार कोटान.

यीशु मत्ती इक कारूतान
(मरकुस २:१३-१७; लूका ५:२७-३२)

9 अल टु मुंद होगकु यीशु मत्ती हेसुर इन ऊंद मंळसा अक कर ताकोमोद चौकी मा कुर्तकु नोळदुन, अदकि आऊन से अंदुन, “नान हदि आगेग.”

आव यदकु आऊद हदि आगेदुन.

10 *याग यीशु मत्ती इन मान्या ऊमोर साटी कुरतुन रा कर ताकोमावाळेर अदकि पापी बंदकु यीशु अदकि आऊन चेलागोळ सांगुळ ऊमली कुरतुर. 11 ईद नोळकु फरीसीगोळ आऊन चेलागोळ से अंदुर, “नीम गुरु कर ताकोमावाळेर अदकि पापीगोळ्द सांगुळ येती तनितान?”

* 9:1 १:१ आऊद खुद इन ऊर; कफरनहूम * 9:10 १:१० लूका १५:१,२ † 9:10 १:१० मत्ती इन मान्या; या आऊन मतलव यीशु उन मान्या

12 ईद केळकु यीशु आंदुर से अंदुन, वैदय भला चंगागोळ साटी ईला लेकीन बमिरगोळ साटी जूरी आन. 13 *इदुरसाटी नीव होगकु इदुरद अरथ कलत कोमी: 'ना बलदान ईला लेकीन दया चाहासतीन.' यतकी ना न्यायी लॉकुरी ईला, लेकीन पापीगोळी कारूली बंदीन."

उपास इन प्रश्न

(मरकुस २:१८-२२; लूका ५:३३-३९)

14 आग बपतसिमा कोळावाळा यूहन्ना अन्द चलागोळ आऊन हात्ती बंदकु अंदुर, "येन कारण आद कानाव अदकि फरीसी ईट उपास ईटतेव, पर नीन चलागोळ उपास ईटालुर?"

15 यीशु आंदुर से अंदुन, "येन वराती, यागासताका मळगार आंदुर सांगुळ आन, शोक माळ सकतार? पर अव दनि बंदव याग मळगार आंदुर से ब्यार्र माळकु आदान, आ समय आंदुर उपास माळ्यार."

16 "क्वारा कपळा अन्द थगिर हाळोद कपळा मा याऊ हचालुन, यतकी अद थगिर आ कपळा से येनारा मातत जेडु कोमतद, अदकि बाक अद यक्कुल हर्दोगतद. 17 अदकि लॉकुर व्हाशोद अंगुर इन राससा हाळोद तोगुल इन चलिा दा तुमालुर, यतकी हगि माळदुर देल तोगुल इन चलिा हर्दोगताव अदकि अंगुर इन राससा चेल्लेगतद अदकि तोगुल इन चलिा नाश आगेगताव; लेकीन व्हाशोद अंगुर इन राससा व्हाशोद तोगुल इन चलिा दा तुमतार अदकि अव येदुदु उद्वदकु ईरताव."

सोतकु पोर अदकि बमिर आरत

(मरकुस ५:२१-४३; लूका ८:४०-५६)

18 यीशु आंदुर से इव मातगोळ अनतेला अच ईरोन, का नोळी यहूदी सभागूह अन ऊंद सरदार बंदकु आऊक प्रणाम माळदुन अदकि अंदुन, "नान पोर ईंगल्या सोतार, लेकीन नळुकु तान कय आकनि मा ईट, रा आक जत्तिता आगेदार."

19 यीशु यदकु तान चलागोळ सांगुळ आऊन सांगुळ होतोदुन.

20 अदकि नोळी, ऊंद आरत ईरोर आक इक हन्नेळ वर्ष टु खुन होगोद रोग ईरोद, हदि टु बंदकु आऊन कपळा अन्द कनारा अक मुटदुर. 21 यतकी आक तान मन दा अनतोगोर, "अगर ना आऊन कपळा का मुट बुळाईन रा चंगा आगेगाईन."

22 यीशु तरिगकु आकी नोळदुन अदकि अंदुन, "पोरी धीरज ईट; नीन वशिवास नीनी वळ्लीद माळ्यार. इदुरसाटी आक आरत आटोटीका चंगा आगेदुर."

23 याग यीशु आ सरदार उन मान्या पोहचुसदुन अदकि कोळल ऊयावाळेर इक अदकि भीळ इक सोरसरावा मचुस्त नोळदुन, 24 आग आव लॉकुर से अंदुन, "सरकुसेगी, पोर सायली आर, लेकीन मगित्यार." इदुर मा आंदुर आऊन मज्याक हारसली कुरतुर. 25 लेकीन याग भीळ इक व्हार्या तेगुकु आत, रा आव बुळक होगकु पोर इन कय हुळदुन, अदकि पोर यदकु कुरतोदुर. 26 अदकि ई मात इन चर्चा द्याश इन सप्पा प्रदेश दा फैलुसत.

येदुदु कूदुदुगोळी दूषटीदान

27 याग यीशु अल टु मुद वाळुसदुन, रा येदुदु कूदुदु मळसागोळ आऊन हदि ईद कारूतेला नळदुर, "हे दाऊद उन औलाद, नाम मा दया माळ!"

28 याग आव मान्या बुळक पोहचुसदुन, रा आ कूदुदुगोळ आऊन हात्ती बंदुर, अदकि यीशु आंदुर से अंदुन, "येन नीमी वशिवास आद का ना चंगा माळ सकतीन?" आंदुर आऊन से अंदुर, "हव, प्रभु!" 29 आग आव आंदुरद कण्णगोळी कय हचकु अंदुन, नीम वशिवास इन अनुसार नीम साटी हांगा आगुल "ह्यांग नीव चाहासतीर." 30 अदकि आंदुरद कण्णगोळ देल काळसली हत्त. यीशु आंदुरी चेतावनी कोटकु अंदुन, "सावधान, ईदुर बाया दा यारीकु मालूम ईला नळु पायजे."

31 लेकीन आंदुर अल टु हाटक पुरा द्याश दा आ समाचार इक फैलुस बुटुर.

ऊंद मुक्का अक चंगा माळोद

32 याग आंदुर व्हाऱ्या होगोर, रा नोळी, लॉकुर ऊंद मुक्का अक यारदा दुष्टआत्मा ईरोद, आऊन हात्ती तंदुर; 33 अदकि याग दुष्टआत्मा तेगद बुट्टुन, रा मुक्का मळसा माताळली हत्तेदुन. इदुर मा भीळ अचमभा माळकु अंत, “इसूत्राएल दा हगि यागलु नोळकु आगीदील.”

34 *लेकीन फरीसीगोळ अंदुर, “इव रा दुष्टआत्मागोळद सरदार उन मदत देल दुष्टआत्मागोळी तेगुतान.”

यीशु उन दया

35 *यीशु सपपा नगरगोळ अदकि ऊरगोळ दा वयाळतोगोन, अदकि राज्य अन्द खुशखबरी प्रचार माळतोगोन, अदकि हर प्रकार इन बमिारी अदकि कमजोरी इक दुर माळतेला ईत्तुन.

36 *याग आव भीळ इक नोळदुन रा आऊक लॉकुर मा दया बत्त, यतकी आंदुर आ म्यांडागोळ घाई ईरोर यारद याऊ रखवाला ईला ईरोन, आंदुर व्याकुल अदकि भटकूसकु ईरोर. 37 *आग आव तान चेलागोळ से अंदुन, “हणण केई रा हापाळ आव पर क्यालसा माळावाळेर मजदुर गोरत आर.

38 इदुरसाटी फसल इन स्वामी से वनिती माळी कि आव केई इन फसल कडोर साटी मजदूर कळु बुळुल.”

10

यीशु उन हन्नेळ चेलागोळ

(मरकुस ३:१३-१९; लूका ६:१२-१६)

1 बाक यीशु तान हन्नेळ चेलागोळी तान हात्ती कारदुन, आंदरी दुष्टआत्मागोळ मा अधकार कोट्टुन कि अवरी तेगुल अदकि सपपा प्रकार ईनव बमिारगोळ अदकि सपपा प्रकार ईनव कमजोरीगोळी अक दुर माळुल. 2 इदुर हन्नेळ प्रेरतिगोळद हेसुर हगि आव: पयला शमौन, आऊक पतरस भी अनतान, अदकि आऊन वारट अन्दर्यास; जब्दी इन पार याकूब, अदकि आऊन वारट यूहन्ना; 3 फलिपुस, अदकि बरतुलमै, थोमा, अदकि कर ताकोमावाळा मत्ती, हलफई नव पार याकूब, अदकि तद्दे, 4 शमौन कनानी, अदकि यहूदा इस्करियोती याव यीशु उक ध्वाका देल हुळसुस बुटीदुन.

हन्नेळ प्रेरतिगोळद सयावा-कार्य

(मरकुस ६:७-१३; लूका ९:१-६; १०:४-१२)

5 ई हन्नेळ प्रेरतिगोळी यीशु आग्या कोटकु कळुदुन: “गैरयहूदीगोळ दी होगवाळेतीर, अदकि सामरीगोळद यात्तोदु नगर दा प्रवेश माळावाळेतीर. 6 लेकीन इसूत्राएल इन घराना अन्द अच काळद म्यांडागोळद हात्ती होगेतीर. 7 अदकि नळुत-नळुत ईद प्रचार माळी: कि ‘स्वर्ग अन राज्य हात्ती होट बंदाद.’ 8 बमिारगोळी चंगा माळी, सोद मळसागोळी जित्ता माळी, कोदी मळसा अक शुद्ध माळी, दुष्टआत्मागोळी तेगी. नीमी फुकट दा सक्याद, नीव भी फुकट दा वाटसी. 9 तान खसा दा ना रा व्हान्ना, अदकि ना बेळली, अदकि ना तांवा ईटतीर; 10 *हादी इन साटी ना झ्वारा, ना दुसरा कुळता, ना जुता अदकि ना कोल हुडी, यतकी क्यालसा माळावाळा मजदूर उक आऊन मजदूरी सकि पायजे.

11 “येल्यारा यातोदारा नगर या ऊरा दा होगी, रा पता हची कि अल याव लायक आन. अदकि यागासताका अल टु होळालीर, अदा मान्या ईरतीर. 12 मान्या प्रवेश माळाहोती आऊक आशीष कोळेतीर. 13 अगर आ मान्या नोर लॉकुर योग्य ईतीदार रा नीम आशरिवाद आंदुर ताका पोहचसीत, लेकीन अगर आंदुर योग्य ईला इतीदार रा नीम आशरिवाद नीम हात्ती वापस होट बंदीत. 14 *जो यावारा नीमी ग्रहण माळतीदील अदकि नीम मात केळतीदल, आ मान्या या आ नगर टु होळावती तान काल इन धुळा झाळस बुळी. 15 *ना नीम से खरा माताळतीन कि न्याय

* 9:34 ९:३४ मत्ती १०:२५; १२:२९; मरकुस ३:२२; लूका ११:१५ * 9:35 ९:३५ मत्ती ४:२३; मरकुस १:३९; लूका ४:४४
 * 9:36 ९:३६ मरकुस ६:३४ * 9:37 ९:३७ लूका १०:२ * 10:10 १०:१० कुरिन्थि ९:१४; १ तीमथ्युस ५:१८ * 10:14 १०:१४ प्रेरतिगोळ १३:५१ * 10:15 १०:१५ मत्ती ११:२४ * 10:15 १०:१५ लूका १०:४-१२

इन दिन आ नगर इन दशा से सदोम अदकि गमोरा अन्द द्याश इन दशा यक्कुल सहन माळा लायक ईत्तीत.

बरावाळा संकट

(मरकुस १३:९-१३; लूका २१:१२-१७)

16 *नोळी, ना नीमी म्यांडागोळ घाई लांडग्यागोळ न्याड्या कळुतीन, इदुरसाटी हावगोळ घाई बुद्धमिन अदकि कवूतरगोळ घाई भोला बन्सी. 17 *लेकीन लॉकुर से सावधान ईरी, यतकी आंदुर नीमी महासभागोळ दा सोपस्यार, अदकि तान पंचायतगोळ दा नीमी क्वाळा देल बळदार. 18 नीव नान साटी हाकमिगोळ अदकि राजागोळ मुंद आंदुर मा, अदकि गैरयहूदीगोळ मा गवाह आगोर साटी पोहचुसकु आदीर. 19 याग आंदुर नीमी हुळसुस्यार रा ईद चन्ता माळबाळेतीर का नाव याता रीतदिल या येन अंदेव, यतकी जो येनारा नीमी अनोद ईत्तीत, अद अदा घळी नीमी हेळकु आदीत. 20 यतकी माताळावाळेर नीव आल्लच, लेकीन नीम स्वर्गीय आप्प उन आत्मा नीम दा माताळतद.

21 *वार्ट, वार्ट उक अदकि आप्प पार उक, कोन्नोर साटी सोपस्यार, अदकि चकीर मोय-आप्पुर वरिध दा यदकु आंदीर कोन्सुस बुट्टार. 22 *नान हेसुर इन कारण सप्पा लॉकुर नीम से दुश्मनी माळ्यार, लेकीन जो आखरी ताका धीरज हुडुकु ईत्तान आऊंदा उद्धार आदीत. 23 याग आंदुर नीमी ऊंद नगर दा सतुस्यार, रा नीव दुसरा दी ओळंगेतीर. ना नीम से खरा माताळतीन, नीव इस्त्राएल इन सप्पा नगरगोळ दा होंगा से पयले अच मळसा अन्द पार होट बंदान.

24 *चेला तान गुरु से धोड्डेव ईरालुन; अदकि न दास तान स्वामी से. 25 *चेला तान गुरु अक अदकि दास तान स्वामी इन बराबर आगोद अच काफ़ी आद. याग आंदुर मान्ना अन स्वामी इक शैतान अंदुर रा आऊन मान्नावाळेर इक येन येनारा अनतीदलि!

या देल अंजेव

(लूका १२:२-७)

26 *इदुरसाटी मळसागोळ से अंजबाळी; यतकी येनारा होचकु हैलेच जो तेरदकु आगतीदील, अदकि न येनारा रहस्यमय आद जो प्रगत आगतीदील. 27 जो ना नीम से अंधार दा अनतीन, अद नीव ऊजुळ दा अनी; अदकि जो ना नीम कवि दा अंदीन, अदरी नीव आळा मा टु प्रचार माळी. 28 आंदुर से अंजबाळी जो मय इक नुकसान माळतार, लेकीन आत्मा अक नुकसान माळ सकालुर; लेकीन परमेश्वर से अच अंजी, जो आत्मा अदकि शरीर येदुदु नरक दा नषट माळ सकतान. 29 येन ऊंद पैस्या दा येदुदु चमिणी पक्षी मारालव? तरी भी नीम आप्प उन इच्छा अन्द अलावा अऊर दा टु ऊंद भी धरती मा बळिसकाल. 30 नीम ताल्ला अन चुट्टी भी सप्पा आळुकु आव. 31 इदुरसाटी अंजबाळी; नीव हापाळ चमिणीगोळ से भी बार आईर.

यीशु उक स्वीकार या अस्वीकार माळोद

(लूका १२:८; ९)

32 *जो यावारा मळसागोळ मुंद नानी मान्स कोंडान, आऊक ना भी तान स्वर्गीय आप्प उन मुंद मान्स कोमाईन. 33 *लेकीन जो यावारा मळसागोळ मुंद नान इनकार माळयान, आऊक ना भी तान स्वर्गीय आप्प उन मुंद इनकार माळाईन.

यीशु उन बरोद परणाम

(लूका १२:५१-५३; १४:२६,२७)

* 10:16 १०:१६ लूका १०:३ * 10:17 १०:१७ मरकुस १३:९-११; लूका १२:११,१२; २१:१२-१५ * 10:21 १०:२१ मरकुस १३:१२; लूका २१:१६ * 10:22 १०:२२ मत्ती २४:९; मरकुस १३:१३; लूका २१:१७; मत्ती २४:१३; मरकुस १३:१३ * 10:24 १०:२४ लूका ६:४०; यहनना १३:१६; १५:२० * 10:25 १०:२५ मत्ती ९:३६; १२:२६; मरकुस ३:२२; लूका ११:१५ * 10:26 १०:२६ मरकुस ४:२२; लूका ८:१७ * 10:33 १०:३३ २ तीमथियुस २:१२

34 “ईद समसबाळी कनि धरती मा शांती तरली बंदीन; ना शांती तरली ईला, पर तलवार नळसोर साटी बंदीन. 35 ना रा बंदीन कः ‘पार उक आऊन आप्प उन से, अदकि पोर इक आकनि मोय इन से, अदकि साससा अक आकनि आत्ता से ब्यारर माळ कोमाईन; 36 मंळसा अनंद दुश्मन आऊन मान्या अन लॉकर अच ईत्तार.’

37 “जो तान मोय या आप्प उक नान से यक्कुल प्रयि जान्सतान, आव नान लायक हैलेच; अदकि जो तान पार या पोर इक नान से यक्कुल प्रयि जान्सतान, आव नान लायक हैलेच; 38 अदकि जो तान क्रूस नेगुकु नान हदि नळालुर आंदुर नान लायक हैलेच. 39 जो तान जीव ऊळसोद चाहास्यान, आव अदरी खोऊस्यान; अदकि जो नान कारण तान जीव खोऊस्यान, आव अदरी हासलि माळ्यान.

प्रतफिल
(मरकुस ९:४१)

40 जो नीमी ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान. 41 जो भवषियवक्ता अक भवषियवक्ता जान्सकु ग्रहण माळुल, आव भवषियवक्ता अन प्रतफिल हासलि माळ्यान; अदकि जो न्यायी इक न्यायी जान्सकु ग्रहण माळुल, आव न्यायी इन प्रतफिल हासलि माळ्यान. 42 जो यावारा ई स्याणेर दा टु ऊद मंळसा अक नान चेला जान्सकु सर्फि ऊद वाटी नीर कुळस्यान, ना नीम से खरा माताळतीन, आव यातोदु रीत दिेल तान प्रतफिल खोऊसतदिलि.”

11

बपतसिमा कोळावाळा यूहनना दी टु बातणी कोळावाळे
(लुका ७:१८-३५)

1 याग यीशु तान हनेनेळ चेलगोळी नर्देश कोट बुदुन, रा आव आंदुरद नगरगोळ दा उपदेश अदकि प्रचार माळली अल टु होटोदुन.

2 बपतसिमा कोळावाळा यूहनना याग बंदीगृह दा मसीह अन क्याल्सागोळद समाचार केळदुन अदकि तान चेलगोळी आऊन से ईद केळली कळुदुन, 3 “येन बरावाळा नीना हुय, या नाव यावारा दुसरा अनंद हादी कादेव?”

4 यीशु उत्तर कोट्टुन, “जो येनारा नीव केळतीर अदकि नोळतीर, अद सप्पा होगकु बपतसिमा कोळावाळा यूहनना अक हेळबुळी, 5 कः कूढगोळ नोळतार अदकि लंगळागोळ नळुतार वयाळतार, कोदी शुद्ध माळकु आगतार अदकि बयरागोळ केळतार, मुर्दागोळ जतिता माळकु आगताव, अदकि कंगालगोळी खुशखबरी केळसकु आगतद. 6 अदकि धन्य आर आंदुर, जो नान कारण टोकर तनालुर.”

7 याग बपतसिमा कोळावाळा यूहनना अन चेलगोळ अल टु होदुर, रा यीशु यूहनना अनंद बारा दा लॉकर से अनली कुरतुन, “नीव आळी दा येन नोळली होगीदरि? येन हवा देल हालुसतेला सरकण्डा अक? 8 बाक नीव येन नोळली होगीदरि? येन मुलायम कपळा हागद मंळसा अक? नोळी जो मुलायम कपळा हाकतार, आंदुर राजभवनगोळ दा ईरतार. 9 रा बाक येती येन नोळली होगीदरि? येन यावारा भवषियवक्ता अक? हव, ना नीम से खरा अनतीन कः भवषियवक्ता से भी धोड्डेव उक. 10 ईव आवा हुन यार्द बारा दा लखिसकु आदः ‘नोळ, ना तान दूत उक नीन मुंद कळुतीन, जो नीन मुंद नीन हादी तयार माळ्यान.’ 11 ना नीम से खरा माताळतीन कः जो आर्तेर से पैदा आग्यार, आंदुरदा टु यूहनना बपतसिमा कोळावाळा से याऊ धोड्डेव आगीदील; पर जो स्वर्ग इन राज्य दा स्याणेव से स्याणेव आन आव यूहनना से धोड्डेव आन. 12 यूहनना बपतसिमा कोळावाळा

✱ 10:36 १०:३६ मीका ७:६ ✱ 10:38 १०:३८ मत्ती १६:२४; मरकुस ८:३४; लुका ९:२३ ✱ 10:39 १०:३९ मत्ती १६:२५; मरकुस ८:३५; लुका ९:२४; १७:३३; यूहनना १२:२५ ✱ 10:40 १०:४० लुका १०:१६; यूहनना १३:२०; मरकुस ९:३७; लुका ९:४८ ✱ 11:10 ११:१० मलाकी ३:१ ✱ 11:12 ११:१२ लुका १६:१६

अनूद दनिगोळ टु ईगासताका स्वरुग इन राजूय दा बलपूरवक प्रवेश आगतेला ईताद, अदकि बलवान अदरी कसुकोमतार. 13 यूहनुना अन बरासताका सपपा भवषियवकतागोळ अदकि मूसा अन व्यवस्था भवषियवाणी माळीत. 14 *अदकि मानसोद चाहासतीर रा मानसी किएलिय्याह जो बरावाळा ईरोन, आव यूहनुना अच हुन. 15 यार कवि आव, आव केळ कोमुल.”

16 “ना ई पीढी इन लॉकुरद तुलना यार देल माळाईन? आंदुर आ चकिोरगोळ घाई आर, जो सात्तागोळ दा कुरतकु आबुर दाबुर से कारूकु अनतार.”

17 “नाव नीम साटी कोळल मुरसदेव,
अदकि नीव कुणदीदलि; नाव वलिाप माळदेव,
अदकि नीव दुखी आगीदील.”

18 “यतकी यूहनुना बपतसिमा कोळावाळा ना रा रोट्टी तति बंदुन अदकि ना अंगुर इन रासूसा कुडुत बंदुन, लेकीन लॉकुर अनतार, ‘आऊन दा दुष्टआत्मा आद.’ 19 मंळसा अनूद पार तति कुडुत बंदुन, अदकि लॉकुर अनतार ‘नोळी, वहाट्टा तुममावाळा अदकि सारा कुडावाळा मंळसा, कर ताकोमावाळेर अदकि पापीगोळव संगी!’ लेकीन परमेश्वर उन ग्यान तान क्याल्सा देल सही टहूसकु आग्याद.”

अवशिवासी नगरगोळ (लूका १०:१३-१५)

20 आग यीशु आ नगरगोळी धकिंकारसली कुरतुन, यऊरदा यीशु हापाळ सा सामरूथ्य ईनव क्याल्सा माळीदुन, यतकी आंदुर तान मन ईला तरिगुसीदुर. 21 “हे खुराजीन! नीन मा हाय! हे बैतसैदा! नीन मा हाय! यतकी जो सामरूथ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा अव हापाळ पयले बॉरा* होदुकु अदकि राख मा कुरतकु तान पापगोळ देल तरिगेगायदव. 22 लेकीन ना नीम से अनतीन कनि्याय इन दशिी नीम दशा से सूर अदकि सैदा अनूद दशा यक्कुल सहन माळा लायक ईत्तीत. 23 अदकि हे कफरनहूम, येन नी स्वरुग ताका म्याकुच नेगुकु आदया? नी पाताल लोक ताका लयालमा होदया! यतकी जो सामरूथ्य ईनव क्याल्सा नीन दा माळकु आदव, अगर अव सदोम दा माळकु आगायदव, रा अद नगर ईगासताका बनसुकु ईराईत. 24 *लेकीन ना नीम से अनतीन कनि्याय इन दशिी नीम द्याश से सूर अदकि सैदा अनूद दशा यक्कुल सहन माळा लायक ईत्तीत.”

नान हात्ती बरी अदकि आराम माळी (लूका १०:२१,२२)

25 आटा होती यीशु अंदुन, “हे आप्पा, स्वरुग अदकि पृथ्वी नव प्रभु, ना नीन धन्यवाद माळतीन कनिी ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईट्टद, अदकि चकिोरगोळ मा प्रगट माळद. 26 हव, हे आप्पा, यतकी नीनी ईदा वळ्तीद हत्त.”

27 * “नान आप्प नानी सपपा येनारा सोप्स बुटान; आप्प उन अलावा पार उक याऊ अरालुन, सरिफ आप्प; अदकि न पार उन अलावा आप्प उक यावारा अरूतान, सरिफ पार; या आवा यार साटी पार आऊक प्रगट माळतान.”

28 “हे सपपा मयनत माळावाळेर अदकि कर्ज देल मुळककु लॉकुरा, नान हात्ती बरी; ना नीमी आराम कोळाईन. 29 नान भार तान म्याकुच नेगु कोमी, अदकि नान से कली; यतकी ना नमूर अदकि मुलायम आईन: अदकि तान मन दा वशिाराम नोळीर. 30 यतकी नान भार आसान अदकि नान ओझा हल्का आद.”

* 11:14 ११:१६ मत्ती ११:१०-१३; मरकुस १:११-१३ * 11:21 ११:२१ टाट-चददर, दुख इन हासक्या या कतळी * 11:24 ११:२६ मत्ती १०:१५; लूका १०:१२ * 11:27 ११:२७ यूहनुना ३:३५; यूहनुना १:१६; १०:१५

12

आराम इन दनि इन बारा दा प्रश्न
(मरकुस २:२३-२८; लुका ६:१-५)

1 आ समय यीशु आराम इन दशिी केईगोळ दा टु आगतेला होगोन, अदकि आऊन चेलागोळी हसु हतत रा आंदुर गोदी नव लॉम्बा मूर मूरकु तनिनी कुरतुर. 2 फरीसीगोळ ईद नोळकु आऊन से अंदुर, “नोळ, नीन चेलागोळ अद कयाल्सा माळीत्यार, जो आराम इन दशिी माळोद मूसा अन व्यवस्था अन अनुसार उचति हैलेच.”

3 यीशु आंदुर से अंदुन, “येन नीव वाचुसीदील, कदिऊद, याग आऊक अदकि आऊन संगीगोळी हसु हत रा येन माळदुर? 4 आव हयांग परमेश्वर उन भवन दा होदुन, अदकि भेंट येरसद रोटीगोळी तदिन, यवरी तनिोद दाऊद उक अदकि आऊन संगीगोळी उचति ईला ईरोद लेकीन सर्फि याजकगोळी उचति ईरोद? 5 येन नीव मूसा अन व्यवस्था दा वाचुसीदील कियजक आराम इन दशिी सभागूह दा आराम इन दनि इन वधिी इक मुरदुर मा भी नरिदोष ठहरूसतार?” 6 पर ना नीम से अनतीन कईल आव आन जो सभागूह से भी धोड्डव आन. 7 अग्र नीव शास्त्रगोळ दा लखिस्द मातगोळद मतलब जान्सायदीर, “ना दया देल संतुष्ट आगतीन, बलदिान देल ईला, रा नीव नरिदोष उक दोषी ईला ठहरूसायदीर. 8 मळसा अन पार रा आराम इन दनि ईनव भी स्वामी हुन.”

लकवा ग्रस्त मळसा अन चंगाई
(मरकुस ३:१-६; लुका ६:६-११)

9 अल टु नळकु यीशु आंदुरद यहूदी लॉकुरद सभागूह दा बंदुन. 10 अल ऊंद मळसा ईरोन, यार कय वळंगकु ईरोद. फरीसीगोळ यीशु मा दोष हचोर साटी आऊन से केळदुर, “येन आराम इन दशिी चंगा माळोद मूसा अन व्यवस्था अन अनुसार उचति आद?”

11 यीशु आंदुर से अंदुन, “नीम दा हगि याव आन यारद ऊंद अच म्यांडा ईरूल, अदकि अद आराम इन दशिी ख्वॉदरा दा बदिोगुल, रा आव अदरी हुळकु व्हार्या तेगुतदील? 12 भला मळसा अन्द कमित म्यांडा से याट यककुल आद! इदुरसाटी आराम इन दशिी भलाई माळोद उचति आद.” 13 आग आव आ मळसा से अंदुन, “तान कय मुंद माळ.”

आव मुंद माळदुन, अदकि आ कय वाक दुसरा कय इन घाई वळलीद आगेत. 14 आग फरीसीगोळ व्हार्या हांगकु आऊन वरिध दा योजना माळदुर किय आऊक याता प्रकार देल कोंदेव.

परमेश्वर उन नविळुसद सेवक

15 ईद जानसकु यीशु अल टु होटोदुन. अदकि हापाळ लॉकुर आऊन हदि आगेदुर, अदकि आव सपपा मुंदुरी चंगा माळदुन, 16 अदकि आंदरी चेतावनी कोट्टुन किय नानी प्रगट माळबाळेतीर, 17 ताकी जो वचन यशायाह भवषियवक्ता अन्द द्वारा अंदकु आगीत, अद पुरा आगुल:*

18 “नोळी, ईव नान सेवक हुन, यारी ना नविळुसीन;

नान प्रयि, यार देल नान मन संतुष्ट आद:

ना तान आत्मा आऊन मा हाकाईन,

अदकि आव गैरयहूदीगोळी न्याय इन खुशखबरी कोट्टान.

19 आव ना रा झगळा माळयान, अदकि ना धूम मचुसयान,

अदकि ना रा सात्यागोळ दा यावारा आऊन आवाज केळयान.

20 आव मेडद सरकण्डागोळी मूरतदिल,

अदकि धुंगा कोळद बत्ती इक भी नुनाकतदिल,

यागासताका आव न्याय इक वजिय माळ कोमालुन.

21 अदकि गैरयहूदी लॉकुर आऊन हेसुर मा आशा ईट्यार.”

* 12:7 १२:७ मत्ती १:३३

* 12:11 १२:११ लुका १६:५

* 12:17 १२:१७ यशायाह ४२:४

यीशु अदकि बालजबूल

22 आग लॉकुर ऊंद कुदूढ अदकि मुक्का अक यारदा दुषटआत्मा ईरोद, यीशु उन हात्ती तंदुर; अदकि आव आऊक चंगा माळदुन, अदकि आव माताळली अदकि नोळली कुरतुन. 23 ईदुर मा सपपा लॉकुर चकति आगकु अनली कुरतुर, “ईव येन दाऊद उन औलाद हुन?”

24 *लेकीन फरीसीगोळ ईद केळकु अंदुर, “ईव रा दुषटआत्मागोळव सरदार बालजबूल उन मदत देल दुषटआत्मागोळी तेगुतान.”

25 आव आंदुरद मन इन मात अरूकु आंदुर से अंदुन, “अगर यातोदारा राज्य दा फूट बळितद, अद ऊजाळसेगतद; अदकि यातोदारा नगर या घराना दा फूट बळितद, अद टीकुसकु ईरतीदील.

26 अदकि अगर शैतान अच शैतान उक तेगदीत, रा अद खुद इन दा वरिधी आगेग्याद; बाक अदुरद राज्य ह्यांग टीकुसकु ईत्तीत? 27 भला, अगर ना शैतान उन सरदार उन सहायता देल दुषटआत्मागोळी तेगुतीन, रा नीम अनुयायीगोळ यार सहायता देल तेगुतार? इदुरसाटी आंदुर अच नीम न्याय माळ्यार. 28 पर अगर ना परमेश्वर उन आत्मा अन्द सहायता देल दुषटआत्मागोळी तेगुतीन, रा परमेश्वर उन राज्य नीम हात्ती होट बंदाद.”

29 या ह्यांग यावारा मंळसा यातोवारा ताकतवर मंळसा अन्द मान्या होक्कु आऊन माल कदू सकतान यागासताका कि पयले आव आ ताकतवर मंळसा अक कट कोमालुन? आगासताका आव आऊन मान्या होक्कु माल कदू सकालुन.

30 *जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरूसतान. 31 इदुरसाटी ना नीम से अनतीन कि मंळसा अन्द सब प्रकार इन पाप अदकि अपमान माफ माळकु आदीत, लेकीन जो यावारा पवतिर आत्मा अन अपमान माळतान आऊक माफ माळकु आगतीदील. 32 *जो यावारा मंळसा अन्द पार उन वरिध दा येनारा मात अंदान, आऊन ईद अपराध माफ माळकु आदीत, लेकीन जो यावारा पवतिर आत्मा अन्द वरिध दा येनारा अंदान, आऊन अपराध न रा ई युग दा अदकि न बरावाळा युग दा माफ माळकु आगतीदील.

मार्र अदकि अदुरद काय (लूका ६:४३-४५)

33 *अगर मार्र वळ्लीद आद, रा अदुरद काय भी वळ्लीद ईत्तीत, या मार्र नकिम्मा आद, रा अदुरद काय भी नकिम्मा ईत्तीत; यतकि मार्र तान काय देल अच अरूतकु आगतद. 34 *हे हाव ईनव चकिोरा, नीव बुरा आगकु ह्यांग वळ्लीद मातगोळी अन सकतीर? यतकि जो मन दा तुमकु आद, अदा बाय दा बरतद. 35 वळ्लेव मंळसा तान मन इन वळ्लीद भंडार दा टु वळ्लीद मातगोळी तेगुतान, अदकि बेकार मंळसा बेकार भंडार दा टु बेकार मातगोळी तेगुतान.”

36 “अदकि ना नीम से अनतीन कि जो जो नकिम्मा मातगोळी मंळसागोळ अंदार, न्याय इन दशिी आंदुर हर ऊंद आ मात इन लेखा कोट्टार. 37 यतकि नी तान मातगोळ कारण नरिदोष, अदकि तान मातगोळ दा कारण दोषी ठहरूसकु आद्या.”

स्वर्गीय चनिह अन्द मांग (मिरकुस ८:११-१२; लूका ११:२९-३२)

38 *ईदुर मा थ्वाळासा शास्त्रीगोळ अदकि फरीसीगोळ यीशु से अंदुर, “हे गुरु, नाव नीन कय देल ऊंद चमत्कार नोळोद चाहासतेव.”

39 *आव आंदरी उत्तर कोट्टुन, “ई दुनिया अन्द बेकार अदकि व्यभिचारी लॉकुर योना अन्द चमत्कार ढुंढसतार, लेकीन योना भवषियवक्ता अन्द चमत्कार इक बटिकु यातोदु दुसरा चमत्कार आंदरी कोटकु आगतीदील. 40 योना मुर दनि अदकि मुर ईळलक आ समुद्र अन धोळ मेन इन

* 12:24 १२:२४ मत्ती १:३६; १०:२५ * 12:30 १२:३० मरकुस ९:४० * 12:32 १२:३२ लूका १२:१० * 12:33 १२:३३ मत्ती ७:२०; लूका ६:४४ * 12:34 १२:३४ मत्ती ३:७; २३:३३; लूका ३:७; मत्ती १५:१८; लूका ६:४५ * 12:38 १२:३८ मत्ती १६:२; मरकुस ८:११; लूका ११:१६ * 12:39 १२:३९ मत्ती १६:४; मरकुस ८:१२

व्हाट्या ईत्तुन, हांग अच मंळसा अनूद पार मूर दनि अदकि मूर ईळलक धरती इन वुळ्क ईत्तान. 41 नीनवे नगर इन लॉकूर न्याय इन दशिी ई दुनया अनूद लॉकूर सांगुळ यदकु आंदरी दोषी ठहूरस्यार, यतकी आंदुर योना अनूद प्रचार केळकु मन तरिगुसीदुर; अदकि नोळी, ईल आव आन जो योना से भी धोडडेव आन. 42 दक्षणि इन रानी न्याय इन दशिी ई दुनया अनूद लॉकूर सांगुळ यदकु आंदरी दोषी ठहूरस्यार, यतकी आक सुलैमान उन ग्यान केळोर साटी धरती इन क्वाना टु बंदुर; अदकि नोळी, ईल आव आन जो सुलैमान से भी धोडडेव आन.

दुष्टआत्मा अन वापसी
(लूका ११:२४-२६)

43 “याग दुष्टआत्मा मंळसा दा टु होट वुळतद, रा वंळगीद जागागोळ दा आराम दुंदुसली वयाळतद, अदकि अदरी सकाल. 44 आग अनतद, ‘ना तान अदा मानना दा यल टु होटोदीन, होटोगार्न.’ अदकि होटकु अदरी सूना, झाळ-झुळसकु अदकि सजुसकु नोळतद. 45 आग अद होगकु तान से मातूत बेकार येळ आतमागोळी तान सांगुळ तरतद, अदकि अव आ मान्या समुसकु अल ईरताव, अदकि आ मंळसा अनूद दशा पयला टु भी बेकार आगोगतद. ई दुनया अन बुरा लॉकूरद दशा भी हगि अच आदीत.”

यीशु उन मोय अदकि वारटूर
(मरकुस ३:३१-३५; लूका ८:१९-२१)

46 याग यीशु भीळ से मातगोळी हेळत अच ईरोन, आग आऊन मोय अदकि वारटूर व्हार्या नदिरकु ईरोर अदकि आऊन से मात हेळोद चाहासोर. 47 *यावारा आऊन से अंदुन, “नोळ, नीन मोय अदकि नीन वारटूर व्हार्या नदिरकु आर, अदकि नीन से मात हेळोद चाहासतार.”

48 ईद केळकु आव अनावळेर इक उत्तर कोट्टुन, “याक हूळ नान मोय? अदकि यार उर नान वारटूर?” 49 अदकि तान चेलागोळ दी तान कय वाळुसकु अंदुन, “नोळी, नान मोय अदकि नान वारटूर इंदुरा उर. 50 यतकी जो यावारा नान स्वर्गीय आप्प उन इच्छा मा नळदान, आवा नान वारट, अदकि नान आकतींग, अदकि नान मोय हूळ.”

13

बीजा बोऊसावाळा अनूद उदाहरण
(मरकुस ४:१-९; लूका ८:४-८)

1 अदा दशिी यीशु मान्या टु होटकु झील इन कनारामा होगकु कुरतुन. 2*अदकि आऊन हात्ती हगि धोळद भीळ जमा आत क आव इवांगा मा येरेदुन, अदकि सप्पा भीळ कनारामा नदिरकु ईत्त. 3 अदकि आव आंदुर से उदाहरणगोळ दा हापाळ सा मातगोळी अंदुन:

“ऊंद बोऊसावाळा बीजा बोऊसली होट्टुन. 4 बोऊसा होती थ्वाळासा बीजा हादी इन कनारामा बदिदव अदकि पक्षीगोळ बंदकु अवरी तनिली कुरतव. 5 येनारा बीजा कल्ल इन जागा मा बदिदव, यल अवरी यक्कुल मुण्ण सकिदील अदकि गहरा मुण्ण ईला सकिदुर कारण अव जल्दी बेळदोदव. 6 पर सुर्य होळदुर मा अव होत्तेदव, अदकि जळ ईला हूळदुर देल वंळगेदव. 7 थ्वाळासा बीजा मार्र दा बदिदव अदकि मार्रगोळ वाळुसकु अवरी वत्त बुट्टव. 8 पर थ्वाळासा बीजा वळ्ळीद जागा मा बदिदव, अदकि काय तनदव, यातारा सौ गुणा, यातारा साठ गुणा, अदकि यातारा तीस गुणा.”

9 यार कवि आव आव केळ कोमुल.

उदाहरणगोळद उद्देश
(मरकुस ४:१०-१२; लूका ८:९,१०)

10 चेलागोळ हात्ती बंदकु यीशु से अंदुर, “नी लॉकूर से उदाहरण दा येती मातगोळ माळत्या?”

* 12:47 १२:४७ हाळोद नयिम दा ईद वचन लखिसकु हेल्लेच * 13:2 १३:२ लूका ५:१-३

11 यीशु उत्तर कोट्टुन, “नीमी परमेश्वर उन राज्य अनूद भेदगोळद समझ कोट्टकु आग्याद, पर आंदरी ईला. 12 यतकी यार हात्ती आद, आऊक मात्त कोट्टकु आदीत, अदकि आऊन हात्ती यककुल आगेदीत; पर यारद हात्ती येनु हैलेच, अदुर से जो येनारा आऊन हात्ती आद, अद भी ताकोमकु आगेदीत. 13 ना आंदुर से उदाहरणगोळ दा इदुरसाटी मातगोळी माळतीन कि आंदुर नोळकु भी नोळालुर अदकि केळकु भी केळालुर, अदकि समसालुर.” 14 आंदुर बारा दा यशायाह अनूद ईद भवषियवाणी पुरा आगतद:

“नीव कविगोळ देल रा केळतीर, पर समसालीर;
अदकि कण्णगोळ देल रा नोळतीर, पर नीमी काळसाल.”*

15 “यतकी ई लांकुर्द मन कट्टर आगेग्याद,
अदकि आंदुर केळकु भी अनसुना माळतार
अदकि आंदुर तान कण्णगोळी मुच्च बुळतार;
ईलारा हगि आगबाळुल कि आंदुर कण्णगोळ देल नोळुल,
अदकि कविगोळ देल केळुल
अदकि मन देल समसुल,
अदकि आंदुर तरिगकु बरूल,

अदकि ना आंदरी चंगा माळाईनु.”

16 पर धन्य आव नीमव कण्णगोळ, कि अव नोळताव; अदकि नीमव कवि अद केळताव. 17 यतकी ना नीम से खरा माताळतीन कि हापाळ सा भवषियवक्तागोळ अदकि न्यायीगोळ याता मातगोळी नोळोद चाहासोर अवरी नीव नोळतीर. लेकीन आंदुर अवरी नोळ सकदिल, अदकि याता मातगोळी आंदुर केळोद चाहासोर, अवरी नीव केळतीर. लेकीन आंदुर अवरी केळ सकदिल.

बीजा बोऊसावाळा उदाहरण इन व्याख्या
(मरकुस ४:३३-२०; लुका ८:११-१५)

18 “इग नीव बीजा बोऊसावाळा अनूद उदाहरण इन अर्थ केळी. 19 जो यावारा राज्य अनूद वचन केळकु समसालुन, आऊन मन दा जो येनारा बोऊस्कु आगीत, अदरी आ दुष्ट बंदकु कसुकु वीयतान. ईद अदा हुन, जो हादी इन कनारा मा बोऊस्कु आगीत. 20 अदकि जो कल्ल इन जागा मा बोऊस्कु आत, ईद अद हुन, जो वचन केळकु तुरन्त खुशी इन सांगुळ मान्स कोमतान. 21 पर तांदुर दा जळ ईला ईटदुर कारण आंदुर ध्वाळासा अच दनिा नोर आर, अदकि याग वचन इन कारण क्लेश या उपद्व आगतद, रा आंदुर तुरन्त ठोकर तनितार. 22 जो झाळीगोळ दा बोऊस्कु आत, ईद अद हुन, जो वचन इक केळतार, पर ईद दुनया अन चनिता अदकि धन इन ध्वाका वचन इक वत्त बुळतद, अदकि आंदुर काय तरसकालुर. 23 जो वळ्लीद जागा दा बोऊस्कु आत, ईद अद हुन, जो वचन इक केळकु समसतार, अदकि काय तरतार; यारारा सौ गुणा, यारारा साठ गुणा, अदकि यारारा तीस गुणा.”

आळी दाकळोद बीजा अन उदाहरण

24 यीशु आंदरी मात्त ऊद उदाहरण कोट्टुन: “स्वर्ग इन राज्य आ मंळसा अनूद घाई आद याव तान केई दा वळ्लीद बीजा बोऊसुदुन. 25 पर याग लांकुर मगिोर रा आऊन दुश्मन बंदकु गोदी इन न्याड्या आळी दाकळोद बीजा बोऊस्कु होटोदुन. 26 याग कोम होट्टव अदकि लॉम्बागोळ हतदव, रा आळी दाकळोद बीजागोळद मार्रगोळ भी काळसदव. 27 ईदुर मा मानना अनूद दासगोळ बंदकु आऊन से अंदुर, ‘हे स्वामी, येन नी तान केई दा वळ्लीद बीजा बोऊसीदलि? बाक आळी दाकळोद बीजा अनूद मार्रगोळ अदुरदा यल टु बंदव?’ 28 आव आंदुर से अंदुन, ‘ईद यावारा दुश्मन उन कयाल्सा हुन.’ दासगोळ आऊन से अंदुर, ‘येन नीन इच्छा आद, कनिाव होगकु अवरी कति बुटेव?’ 29 आव अंदुन, ‘ईला, हगि आगबाळुल कि आळी दाकळोद बीजा अनूद मार्रगोळ कति होती नीव

* 13:12 १३:१२ मत्ती २५:२९; मरकुस ४:२५; लुका ८:१६; १९:२६ * 13:14 १३:१४ यशायाह ६:९-१० * 13:16 १३:१६ लुका १०:२३,२४

अऊर सांगुळ गोदी भी कति कोमी. ³⁰ कटाई ताका येदुहु उक ऊंद सांगुळ वाळुसगोळी, अदकि कटनी इन समय दा ना कडावाळेर से अनईन कि पयले आळी दाकळोद बीजा अन्द माररगोळी जमा माळकु होताकोर साटी अऊर गट्टा कट कोमी, अदकि गोदी इक नान केई दा जमा माळी.’”

राई इन बीजा अन्द उदाहरण
(मरकुस ४:३०-३२; लूका १३:१८,१९)

³¹ यीशु आंदरी मातूत ऊंद उदाहरण कोट्टुन: “स्वर्ग इन राज्य राई इन ऊंद बीजा अन घाई आद, यदरी यातोवारा मंळसा हुडुक्कू तान केई दा बोऊस कोडुन. ³² अद सप्पा बीजागोळ से स्यांळद रा ईरतद लेकीन याग धोळद आगोगतद आग सप्पा काण्णा-कस से धोळद आगोगतद; अदकि हागि मार आगोगतद कि आकाश ईनव पक्की बंदकु अदुर डगालगोळ मा ग्वादा माळ कोमताव.”

खमीर इन उदाहरण
(लूका १३:२०,२१)

³³ यीशु आंदरी मातूत ऊंद उदाहरण केळसदुन: “स्वर्ग इन राज्य खमीर इन घाई आद यदरी यातोवारा आरूत हुडुक्कू हन्नेळ कलिा हीट्ट दा मीलुस बुटुर अदकि आगूत-आगूत अद सप्पा हीट्ट खमीर आगेत.”

यीशु उन द्वारा उदाहरणगोळ्द प्रयोग
(मरकुस ४:३३,३४)

³⁴ ईव सप्पा मातगोळ यीशु उदाहरणगोळ दा लॉकर से अंदुन, अदकि बनिा उदाहरण देल आव आंदुर से येनु ईला अनतोगोन, ³⁵ किजो वचन भवषियवक्ता अन्द द्वारा अंदकु आगीत, अद पुरा आगुल:

“ना उदाहरण अनली तान बाय खोलसाईन:

ना आ मातगोळी जो दुनया अन्द उत्पत्तति टु होचकु ईताव प्रगट माळाईन.” *

आळी दाकळोद बीजा अन्द उदाहरण इन व्याख्या

³⁶ आग यीशु भीळ इक बटिकू माननी बंदुन, अदकि यीशु उन चेलागोळ आऊन हातूती बंदकु अंदुर, “केई इन आळी दाकळोद बीजा अन्द उदाहरण नामी समझुसबुळ.”

³⁷ यीशु आंदरी उत्तर कोट्टुन, “याव वळ्लीद बीजा अक बोऊसीदुन आव मंळसा अन्द पार हुन. ³⁸ केई दुनया हुन, वळ्लीद बीजा राज्य अन्द औलाद हुन, अदकि आळी दाकळोद बीजा दुष्ट इन औलाद हुन. ³⁹ या दुश्मन अदरी बोऊस्यान आव शैतान हुन; कटनी दुनया अन्द अन्त हुन, अदकि कडावाळेर स्वर्गदूत उर. ⁴⁰ इदुरसाटी ह्यांग आळी दाकळोद कचरा जमा माळकु होताक्कु आगताव हांग अच दुनया अन्द आखरी दा आदीत. ⁴¹ मंळसा अन्द पार तान स्वर्गदूतगोळ इक कळयान, अदकि आंदुर आऊन राज्य दा टु सप्पा ठोकर इन कारणगोळी अदकि कुकर्म माळावाळेरि इक जमा माळयार, ⁴² अदकि आंदरी बेक्की इन कुण्ड दा हाक्यार, यल आंदुर वरल्यार अदकि हल्ल कच्यार. ⁴³ आ समय न्यायी तान आप्प उन राज्य दा सुर्य अन्द घाई चमकुस्यार. यार कवि आव आव केळ कोमुल.”

होचकु खजाना अन्द उदाहरण

⁴⁴ “स्वर्ग इन राज्य केई दा होचकु धन इन घाई आद, या यावारा मंळसा अक सक्ति अदकि आव अदरी मात होचकु ईट्टुन, अदकि हापाळ खुश आदुन अदकि होगकु तान सब येनारा मार बुट्टुन अदकि आ केई इक कोड कोडुन.”

अनमोल मोती अन्द उदाहरण

45 “बाक स्वर्ग इन राज्य ऊंद व्यापारी इन घाई आद जो वळलीद मोतीगोळ्द खोज दा ईरोन.
46 याग आऊक ऊंद बहुमुल्य मोती सकित रा आव होगकु तान सब कुछ मार बुट्टुन अदकि अदरी कोड कोडुन.”

जार इन उदाहरण

47 “बाक स्वर्ग इन राज्य आ धोळ्द जार इन घाई आद जो समुद्र दा हाक्कु आत, अदकि हर प्रकार इन जीवगोळी जमा माळकु तर्त. 48 अदकि याग जार मेनगोळ देल तुम्मेत, रा मेन हुडावाळेर अदरी कनारा मा जेडुकु तंदुर, अदकि कुरतकु वळलेव-वळलेव बर्तनगोळ दा जमा माळदुर अदकि बेकार-बेकार मेनगोळी भीट बुट्टुर. 49 दुनिया अनूद आखरी दा हगि अच आदीत. स्वर्गदूत बंदकु पापीगोळी न्यायी लॉकर से अलग माळ्यार, 50 अदकि आंदरी बेक्की इन कुण्ड दा हाक्यार. यल आंदुर वरल्यार अदकि हल्ल कच्यार.”

हाळोद अदकि व्हाशोद शक्तिषा अनूद महत्त्व

51 यीशु तान चेलागोळ से केळदुन, “येन नीव ई सपपा मातगोळ सम्सदीर?”

चेलागोळ उत्तर कोट्टुर, “हव.”

52 यीशु आंदुर से अंदुन, “इदुरसाटी हर ऊंद शास्त्री जो स्वर्ग इन राज्य अनूद चेला बनस्यान, आव आ मान्नावाळा अनूद घाई आन जो ताम भंडार दा टु व्हाशोद अदकि हाळोद वस्तुगोळी तेगुतान.”

नासरत दा यीशु उन अनादर

(मरकुस ६:१-६; लूका ४:१६-३०)

53 याग यीशु ई सपपा उदाहरण अंद कोडुन, रा अल टु होटोदुन. 54 अदकि तान नगर दा बंदकु आंदुरद यहूदी लॉकरद सभागृह दा आंदरी हगि उपदेश कोळली कुरतुन कि आंदुर चकति आगकु अनली कुरतुर, “ईऊक ईद ग्यान अदकि सामर्थ्य अनूद क्यालसा यल टु सकिदव? 55 येन ईव वहरस हूळली माळावाळा अन पार आलच? अदकि येन ईऊन मोय इन हेसुर मरयिम अदकि ईऊन वारट्टुरद हेसुर याकूब, यूसुफ, शमौन अदकि यहूदा हॅलेच? 56 अदकि येन ईऊन सपपा आकतीगेर नाम न्याड्या दा ईरालुर? बाक ईऊक ईद सपपा ग्यान यल टु सकित?” 57 *ईद प्रकार आंदुर आऊन कारण टोकर तदुर,

यीशु आंदुर से अंदुन, “भवषियवक्ता अनूद तान द्याश अदकि तान मान्ना अक बटिकु अदकि यल उच अपमान आगाल.”* 58 अदकि आव अल आंदुरद अवशिवास इन कारण हापाळ सा सामर्थ्य इन क्यालसा माळीदील.

14

यूहन्ना बपतस्मिमा कोळावाळा अक कोनसुसोद

(मरकुस ६:१४-२९; लूका ९:७-९)

1 आ समय दा चौथाई द्याश इन राजा हेरोदेस यीशु उन बारा दा चर्चा केळदुन, 2 अदकि तान सेवकगोळ से अंदुन, “ईव यूहन्ना बपतस्मिमा कोळावाळा हुन! आव सोततुर दा टु जित्ता आग्यान, इदुरसाटी आऊन से सामर्थ्य नव क्यालसा प्रगट आगताव.”

3 *यतकी हेरोदेस राजा तान वारट फलिपिपुस उन हगिस हेरोदयिास इन कारण, बपतस्मिमा कोळावाळा यूहन्ना अक हुडुकु कटसुसुदुन अदकि जयलखाना दा हाक्क बुट्टुन. 4 यतकी यूहन्ना आऊन से अंदुन कि तान स्याळ्द वारट उन हगिस उक ईटोद नीन साठी उचति हॅलेच. 5 इदुरसाटी आव आऊक कौद बुळोद चाहासोन, पर लॉकर से अंजतोगोन यतकी आंदुर बपतस्मिमा कोळावाळा यूहन्ना अक भवषियवक्ता मान्सतोगोर.

6 लेकीन याग हेरोदेस उन जनम दनि बत्त, रा हेरोदयास इनोर पोर हाब्व दा तान नाच तोरसकु हेरोदेस उक खुश माळदुर. 7 ईदुर मा आव करिया तनिकु वचन कोट्टुन, “जो येनारा नी नानी वेळ्या, ना नीनी कोळाईन.”

8 आक तान मोय इन भळकुसदुर देल ईद अंदुर, “यूहन्ना वपतस्मा कोळावाळा अन्द ताल्ला टाटी दा ईटकू ईगल्या नानी ईल तंदकोळ.”

9 राजा दुखी आदुन, लेकीन तान करिया अन, अदकि सांगुळ कुरावाळेर कारण, आग्या कोट्टुन का जो ई पोर अंदुर अद कोटकू आगुल. 10 अदकि आव जयलखाना दा लॉकुरी कळुकु यूहन्ना अन्द ताल्ला कळसुस बुट्टुन; 11 अदकि आऊन ताल्ला टाटी दा तनकु आत अदकि पोर इक कोटकू आत, अदरी आक तान मोय इन हात्ती ओतुर. 12 आग यूहन्ना नोर चेलागोळ बंदुर अदकि आऊन लाश इक ओतकु नळसदुर, अदकि होगकु यीशु उक ईद समाचार कोट्टुर.

अईद हजार मळसागोळी तनिसोद
(मरकुस ६:३०-४४; लुका ९:१०-१७; यूहन्ना ६:१-१४)

13 याग यीशु यूहन्ना अन बारा दा केळदुन, रा आव डवांगा मा येरकु अल टु यातोदारा सुनसान जागा अक, आबना दा होटोदुन. लॉकुर ईद केळकु नगर-नगर टु पैदल अच आऊन ह्दि आगेदुर. 14 यीशु होटकू ऊंद धोळद भीळ नोळदुन अदकि आंदुर मा तरस तदिन, अदकि आंदुर वमिर मळसागोळी चंगा माळदुन.

15 याग द्याव आत रा आऊन चेलागोळ आऊन हात्ती बंदकु अंदुर, “ईद सुनसान जागा आद अदकि समय आगेग्याद; लॉकुरी वदि माळकु अन का आंदुर मोहल्लागोळ दा होगकु तान साठी ऊमोद कोमुल.”

16 पर यीशु आंदुर से अंदुन, “आंदुरद होगोद जर्री हैलेच! नीव अच इंदरी तनिली कोळी.”

17 आंदुर आऊन से अंदुर, “ईल नाम हात्ती अईद रोटी अदकि येद्व मेनगोळी बटिकु मात्त येनु हैलेच.”

18 यीशु अंदुन, “अवरी नान हात्ती ईल तरी.” 19 आग यीशु लॉकुरी काड्डा मा कुरली हेळदुन, अदकि आ अईद रोटीगोळी अदकि येद्व मेनगोळी हूळदुन; अदकि स्वर्ग दी नोळकु धन्यवाद माळदुन अदकि रोटीगोळी मूर मूरकु चेलागोळी कोट्टुन, अदकि चेलागोळ लॉकुरी कोट्टुर. 20 याग सप्पा लॉकुर तनिकु संतुष्ट आगेदुर, रा चेलागोळ मक्कि कुकळागोळ दा टु तुमकु हन्नेळ फूटीगोळी नेगदुर. 21 अदकि तनिवाळेर आर्तेर अदकि चकिोरगोळी बटिकु, अईद हजार मळसागोळ हात्तीपास ईरोर.

यीशु उन नीर मा नळोद
(मरकुस ६:४५-५२; यूहन्ना ६:१५-२१)

22 आग आव तुरन्त तान चेलागोळी डवांगा मा येरोरसाटी मजबुर माळदुन का आंदुर आऊन से पयला आप्पाटी होटोगुल, आगासताका आव लॉकुरी सार माळयान. 23 यीशु लॉकुरी सार माळकु, प्रार्थना माळली अलग पहाळ मा होटोदुन; अदकि द्यावगा आव अल आबना ईरोन. 24 आ समय डवांगा कनारा टु दुर ईरोद अदकि झील इन न्याड्या दा नीर इन लयर देल लयरगोळ देल ईत्त आत्त आलगाळोद, यतकी आँधी डवांगा अन्द ऊलट ईरोद.

25 अदकि यीशु हुंजकुका अन मुर टु आर मुरा अन दरम्यान झील मा नळुतेला आंदुर हात्ती बंदुन.

26 चेला आऊक झील मा नळुतेला नोळकु घबरूसेदुर. अदकि अनली कुरतुर, “ईव भूत हुन!” अदकि अंजुक इन मारा देल चलिळ्वास कुरतुर.

27 आग यीशु तुरन्त आंदुर से मातगोळी माळदुन अदकि अंदुन, “हम्मिमत ईटी! ना हुईन, अंजवाळी!”

28 पतरस आऊक उत्तर कोट्टुन, “हे प्रभु, अगर नीच हुय, रा नानी तान हात्ती नीर मा नळुकु बरोद आग्या कोळ.”

29 आव अंदुन, “बा!” आग पतरस इवांगा मा टु ईळ्ळुकी यीशु उन हात्ती होगली नीर मा नळ्ळी कुरतुन. 30 पर हवा अक नोळकु अंजेदुन, अदकि याग मुळ्कली कुरतुन रा चळ्ळिासकु अंदुन, “हे प्रभु, नानी ऊळ्ळस!”

31 यीशु तुरनत कय वाडुसकु आऊक हुडुकोडुन अदकि आऊन से अंदुन, “हे अल्पवशिवासी, नी येती शंका माळ्ळद?”

32 याग आंदुर इवांगा मा येरदुर, रा हवा रूकसेत. 33 ईंदुर मा आंदुर जो इवांगा मा ईरोर, आऊक दण्डवत माळ्ळकु अंदुर, “खराखुरा, नी परमेश्वर उन पार हुय.”

गनुनेसरत दा रोगीगोळी चंगा माळ्ळोद

(मरकुस ६:५३-५६)

34 आंदुर आप्पाटी ईळ्ळुकी गनुनेसरत इन भूमी मा पोहचुसदुर. 35 अलेर लॉकुर आऊक अर्त कोडुर अदकि आस-पास इन पुरा प्रदेश दा समाचार कळ्ळुदुर, अदकि सब बमिर मंळसागोळी आऊन हात्ती तंदुर, 36 अदकि आऊन से वनिती माळ्ळी कुरतुर कि आव आंदरी तान कपळा अन्द पल्लाक अच मुट गोळ्ळुल; अदकि यास मुंदुर आऊक मुटदुर, आंदुर चंगा आगेदुर.

15

पुर्वजगोळ्ळद शकिषा

(मरकुस ७:१-१३)

1 आग यरूशलेम टु ध्वाळासा फरीसी अदकि शास्त्री यीशु उन हात्ती बंदकु अनली कुरतुर, 2 “नीन चेलागोळ पुर्वजगोळ्ळद परंपरागोळी येती टाल्सतार, कि बनिा कय तोळ्ळुकी रोटी तनितार?”

3 यीशु आंदरी उत्तर कोट्टुन, “नीव भी तान परंपरागोळ कारण येती परमेश्वर उन आग्या टाल्सतीर? 4 यतकी परमेश्वर अंदान, ‘तान आप्प अदकि तान मोय इन आदर माळेत,’ अदकि ‘जो यावारा आप्प या मोय इक बुरा भला अंदान, आऊक कोंदकु आदीत.’ 5 लेकीन नीव अनतीर कि अगर यावारा तान आप्प या मोय से अनुल, ‘जो येनारा नीनी नान से लाभ पोहचुस सकोद, अद परमेश्वर उक भेंट येरसकु आगेग्याद,’ 6 रा आव तान आप्प उन आदर माळालुन, ईद प्रकार नीव तान परंपरा अन्द कारण परमेश्वर उन वचन टाल्स बुट्टीर. 7 हे कपटीगोळा, यशायाह नीम वारा दा ईद भवषियवाणी खरा अच माळयान.”

8 “ई लॉकुर टुटगोळ देल रा नान आदर माळतार, लेकीन ईंदुर मन नान से दुर ईरतद.

9 अदकि आंदुर बेकार नान उपासना माळतार,

यतकी मंळसागोळ वधीगोळी नयिम शास्त्र बन्सकु कल्सतार.”

अशुध्द माळावाळा मातगोळ

(मरकुस ७:१४-२३)

10 आग यीशु लॉकुरी तान हात्ती कारूकु आंदुर से अंदुन, “केळी, अदकि समसी: 11 जो बाय दा होगतद, अद मंळसा अक अशुध्द माळाल, पर जो बाय टु होळतद, अदा मंळसा अक अशुध्द माळतद.”

12 आग चेलागोळ बंदकु आऊन से अंदुर, “येन नी जान्सत्या कि ईद वचन केळकु फरीसीगोळ्ळद भावनागोळी टेस पोहचुस्त?”

13 यीशु उत्तर कोट्टुन, “हर मारर जो नान स्वर्गीय आप्प हचीदलि, कतिकु आदीत. 14 आंदरी होगोळी; आंदुर कुदद मार्गदर्शक आर अदकि कुदद अगर कुदद मंळसा अक हादी तोरसुल, रा येददु मुंदुर खांदरा दा बदिदार.”

15 ईद केळकु पतरस आऊन से अंदुन, “ईद उदाहरण नामी समजुस बुळ.”

16 यीशु अंदुन, “येन नीव भी ईगासताका ना समझ आईर? 17 येन नीव जानुसालीर कि जो येनारा बाय दा होगतद अद व्हाट्टा दा होगतद, अदकि शरीर टु होट्ट बुळतद? 18 पर जो येनारा बाय दा टु होळतद, अद मन देल होळतद, अदकि अदा मंळसा अक अशुध्द माळतद. 19 यतकी बुरा वचिार, कोनुदोद, परसुत्रीगमन, व्यभचिार, काळलपनी, ख्वाटा गवाही अदकि अपमान मन देल अच होळतद. 20 ईवा हुव जो मंळसा अक अशुध्द माळताव, लेकीन वनिा कय तोळद ऊमली कुरोद मंळसा अक अशुध्द माळाल.”

आरत इन वशिवास
(मरकुस ७:२४-३०)

21 यीशु अल टु होट्टकु, सूर अदकि सैदा अन्द प्रदेश दी होटोदुन. 22 आ प्रदेश टु ऊंद कनानी आरत होट्टु, अदकि चळिलासकु अनली कुरतुर, “हे प्रभु! दाऊद उन पारा, नान मा दया माळ! नान पोर इक दुषुटआत्मा हापाळ सतुसीत्याद.”

23 पर यीशु आकी येनु उत्तर कोटीदील. आग आऊन चेलागोळ बंदकु आऊन से वनिती माळदुर, “ईकी सार माळ, यतकी आक नाम हदि चलिळासतेला बरेत्यार.”

24 आव उत्तर कोट्टुन, “इसुत्राएल इन घराना अन्द काळद म्यांडागोळी बटिकु ना यारदु हात्ती कळुकु आगीदील.”

25 लेकीन आक बंदुर, अदकि यीशु उक प्रणाम माळकु अनली कुरतुर, “हे प्रभु, नान मदत माळ.”

26 आव उत्तर कोट्टुन, “चकिोरगोळद रोट्टी हुळकु नायगोळद मुंद हाककोद उचति हैलेच.”

27 आक अंदुर, “खरा आद प्रभु, पर नायगोळ भी अद चुराचारा तनिताव, जो अऊरद स्वामीगोळ मेज मा टु बळितद.”

28 ईदुर मा यीशु आकी उत्तर कोट्टुन, “हे आरत, नीन वशिवास धोळद आद. ह्यांग नी चाहसत्या, नीन साठी हांगा आगुल.” अदकि आकनि पोर अदा घळी चंगा आगेदुर.

अनेक रोगीगोळी चंगा माळोद

29 यीशु अल टु गलील इन समुद्र अन्द हात्ती बंदुन अदकि पहाळी मा येरकु कुरतोदुन. 30 आग भीळ इन भीळ आऊंद हात्ती बत्त. आंदुर तान सांगुळ लंगळागोळी, कुदढगोळी, मुक्कागोळी, डुण्डागोळी अदकि मात्त हापाळ सा मुंदरी आऊन हात्ती तंदुर, अदकि आंदरी आऊन कालगोळ मा हाक्क बुट्टु, अदकि आव आंदरी चंगा माळदुन. 31 याग लॉकुर नोळदुर कि मुक्कागोळ माताळतार, अदकि डुण्डागोळ चंगा आगतार, अदकि लंगळागोळ नळुतार, अदकि कुदढ नोळतार रा लॉकुर अचम्भा माळदुर अदकि इसुत्राएल इन परमेश्वर उन बळाई माळदुर.

नाक हजार लॉकुरी तनिसोद

(मरकुस ८:१-१०)

32 यीशु तान चेलागोळी हात्ती कारकु आंदुर से अंदुन, “नानी ई भीळ मा हापाळ दया बरेत्याद, यतकी आंदुर मुर दनि टु नान सांगुळ आर अदकि आंदुर हात्ती येनु तनिली हैलेच. ना आंदरी उपासा सार माळोद चाहसालीन, ईलारा हगि आगबाळल कि आंदुर हादी मा थकसकु ईतोगुल.”

33 चेलागोळ आऊन से अंदुर, “नामी ई आळी दा यल टु ईस रोट्टीगोळ सकियाव कि नाव ईट धोळद भीळ इक संतुषुट माळेव?”

34 यीशु आंदुर से केळदुन, “नीम हात्ती यास रोट्टीगोळ आव?” आंदुर अंदुर,

“येळ, अदकि धवाळासा स्याणेव मेनगोळ.”

35 आग यीशु लॉकुरी ल्यालमा कुरोद आग्या कोट्टुन. 36 अदकि आ येळ रोट्टीगोळी अदकि मेनगोळी हुळदुन, धन्यवाद माळकु मुरदुन, अदकि तान चेलागोळी कोळतोदुन, अदकि चेलागोळ लॉकुरी. 37 ईद प्रकार देल सप्पा तनिकु संतुषुट आगेदुर अदकि चेलागोळ मगिद तुकळागोळ दा टु येळ फुट्टी नेगदुर. 38 तनिवाळेर आरतर अदकि चकिोरी बटिकु नाक हजार मंळसा ईरोर.

39 याग आव भीळ इक सार माळकु इवांगा मा येरेदुन, अदकि मगदन प्रदेश दा बंदुन.

16

स्वर्गीय चनिह अनूद मांग
(मरकुस ८:११-१३; लूका १२:५-५६)

1 *फरीसीगोळ अदकि सद्कीगोळ हातती बंदकु यीशु उक परखुसोर साटी आऊन से अंदुर, “नामी स्वर्ग इन येनारा तरी चमत्कार इन चनिह तोरस.”

2 यीशु आंदरी उत्तर कोट्टुन, “द्यावमुळका अक नीव अनतीर, भौसम वळलीद ईत्तीत, यतकी आकाश क्याचांद आद,’ 3 अदकि व्हातरया अक अंतीर, ईद आंधी बंदीत, यतकी आकाश क्याचांद अदकि करीद आद.’ नीव आकाश इन लक्षण नोळकु हवामान इन अंदाजा हच सकतीर, पर समय इन चनिह अन अंदाज येती हच सकालीर? 4 *ई युग इन बेकार मंळसा अदकि व्यभिचारी लॉकुर चनिह दुंदूसतार, पर योना अनूद चमत्कार इन चनिह अक बटिकु आंदरी मातत यातोदु चनिह कोटकु आगतीदील.” अदकि यीशु आंदरी बटिकु होटोदुन.

फरीसीगोळ अदकि सद्कीगोळद शिक्षा अनूद खमीर
(मरकुस ८:१४-२१)

5 चेलागोळ झील इन आप्पाटी पोहचुसदुर, पर आंदुर रोट्टी हुडोद मारतोगीदुर. 6 *यीशु आंदुर से अंदुन, “नोळी, फरीसीगोळ अदकि सद्कीगोळद खमीर देल सावधान ईरेतीर.”

7 आंदुर आपस दा मातचीत माळली कुरतुर, “नाव रोट्टी तंददील अनकु आव हगि अनेत्यान.”

8 ईद जानसकु, यीशु आंदुर से अंदुन, “हे अल्पवशिवासीगोळा, नीव आपस दा यती वचिर माळतीर की नाम हातती रोट्टी हैलेच? 9 *येन नीव ईंगसताका समसीदील? येन नीमी आ अईद हजार इन अईद रोट्टीगोळ याद हैलेच, अदकि ना ईद की नीव यास फुट्टीगोळ नेगददीर? 10 *अदकि ना आ नाक हजार लॉकुर साटी येळ रोट्टीगोळ, अदकि ना ईद की नीव यास फुट्टीगोळ नेगददीर? 11 नीव यती समसालीर की ना नीम से रोट्टीगोळ बारा दा अंददील, लेकीन ईद की नीव फरीसीगोळ अदकि सद्कीगोळ खमीर देल सावधान ईरेतीर.”

12 आग आंदुर समझ दा बत्त की आव रोट्टी इन खमीर देल ईला, पर फरीसीगोळ अदकि सद्कीगोळद शिक्षा देल सावधान ईरली हेळीदुन.

पतरस उन यीशु उक मसीह स्वीकार माळोद
(मरकुस ८:२७-३०; लूका ९:१८-२१)

13 यीशु कैसरया फलिपिपी इन प्रदेश दा बंदुन, अदकि तान चेलागोळ से केळली कुरतुन, “लॉकुर मंळसा अन पार उन बारा दा येन अनतार?”

14 *आंदुर अंदुर, “यारारा यूहनना बपतस्मिमा कोळावाळा अंतार, अदकि यारारा एलियाह, अदकि यारारा यरिमयाह या भवषियवक्तागोळ दा टु ऊंद यावारा अंतार.”

15 यीशु आंदुर से अंदुन, “लेकीन नीव नानी येन अंतीर?”

16 *शमौन पतरस उत्तर कोट्टुन, “नी जतिता परमेश्वर उन पार मसीह हुय.”

17 यीशु आऊक उत्तर कोट्टुन, “हे शमौन, योना अनूद पारा, नी धन्य आय; यतकी मास अदकि खुन देल ईला, लेकीन नान आप्प जो स्वर्ग दा आन, ईद मात नीन मा प्रगट माळयान. 18 अदकि ना भी नीन से अनतीन की नी पतरस हुय, अदकि ना ईद कल्ल मा तान मंडली माळाईन, अदकि अधोलोक इन फाटक अदुर मा प्रबल आगतीदील. 19 *ना नीनी स्वर्ग इन राज्य इन चावीगोळ

* 16:1 १६:१ मत्ती १२:३८; लूका ११:१६ * 16:४ १६:४ मत्ती १२:३९; लूका ११:२९ * 16:६ १६:६ लूका १२:१ * 16:९ १६:९ मत्ती १४:१७-२१ * 16:१० १६:१० मत्ती १५:३४-३८ * 16:१४ १६:१४ मत्ती १४:१२; मरकुस ६:१४,१५; लूका ९:१७,८ * 16:१६ १६:१६ यूहनना ६:६८,६९ * 16:१९ १६:१९ मत्ती १८:१८; यूहनना २०:२३

कोळाईन: अदकि जो येनारा नी धरती मा कट्टया, अद स्वर्ग दा कट्टीत; अदकि जो येनारा नी पृथ्वी मा खोलसया, अद स्वर्ग दा खुलसीत.”

20 आग यीशु चेलागोळी चेंतावनी कोट्टुन कि यारदु से अनवाळेतीर कि ना मसीह हुईन.

तान सायोद बारा दा यीशु उन भवषियवाणी
(मरकुस ८:३१-३३; लूका ९:२२)

21 आ समय टु यीशु तान चेलागोळी हेळली कुरुतुन, “जरी आद कि ना यरूशलेम इक होगाईन अदकि पुरनयिों, अदकि प्रधान याजकगोळ, अदकि शास्त्रीगोळ कय देल हापाळ दुख नेगाईन; अदकि कोंदकु आगाईन; अदकि मुर दनि इन बाददा जत्तिता आगाईन.”

22 इदुर मा पतरस यीशु उक अलग दनकुसकु अंदुन, “हे प्रभु, परमेश्वर माळवाळुल! नीन सांगुळ हगि यागलु आगतीदील.”

23 यीशु तरिगकु पतरस से अंदुन, “हे शैतान, नान मुंद टु दुर आग! नी नान साटी टोकर इन कारण आय; यतकी नी परमेश्वर उन मातगोळ मा ईला, लेकीन मंळसा अन मातगोळ मा मन हचत्या.”

यीशु उन हदि नळोद मतलब
(मरकुस ८:३४-९:१; लूका ९:२३-२७)

24 आग यीशु तान चेलागोळ से अंदुन, “अगर यावारा नान हदि बरोद चाहासतान, रा तान तान इन इनकार माळुल अदकि तान कूस नंगुल, अदकि नान हदि आगोगुल. 25 यतकी जो यावारा तान जीव ऊळसाद चाहासयान, आव अदरी खोऊसयान; अदकि जो यावारा नान साटी तान जीव खोऊसयान, आव अदरी हासलि माळयान. 26 अगर मंळसा पुरा दुनया अक हासलि माळयान, अदकि तान जीव इन हानि नेगदान, रा आऊक येन लाभ आदीत? या मंळसा तान जीव इन बदला येन कोट्टान? 27 मंळसा अन पार तान स्वर्गदूतगोळ सांगुळ तान आप्प उन महमा दा बंदान, अदकि आ समय ‘आ हर ऊंद मंळसा अक आऊन क्वाल्सा अन्द अनुसार प्रतफिल कोट्टान.’ 28 ना नीम से खरा माताळतीन कि जो इल नदुरकु आर, आंदुर दा टु यारारा हगि आर कि आंदुर यागासताका मंळसा अन पार उक आऊन राज्य दा बर्त नोळतीदलि, आगासताका मृत्यु उन स्वाद यागलु नेकतीदलि.”

17

यीशु उन रूप बदलुसोद
(मरकुस ९:२-१३; लूका ९:२८-३६)

1 आर दनि इन बाददा यीशु पतरस अदकि याकूब अदकि आऊन वार्ट यूहनना अक सांगुळ हुळदुन, अदकि आंदरी आवना दा यातोदारा ऊंचा पहाळ मा ओतुन. अदकि आंदुर अलावा अल याऊ ईला ईरोन. 2 अल आंदुरद मुंद यीशु उन रूप बदलुसेत, अदकि आऊन बाय सुरय अन्द घाई चमकुसत अदकि आऊन कपळा ज्योत इन घाई उजुळ आगेदव. 3 अदकि मूसा अदकि एलयियाह आऊन सांगुळ मातगोळ हेळतेला आंदरी काळसदुर. 4 इदुर मा पतरस यीशु से अंदुन, “हे प्रभु, नाम ईल ईरोद ठीक आद. अगर नीन इच्छा आद रा ना इल मुर हांद्रा माळाईन; ऊंद नीन साटी, ऊंद मूसा अन साटी, अदकि ऊंद एलयियाह अन साटी.”

5 यीशु माताळतेला अच ईरोन कि ऊंद उजला बादल आंदरी झाक्स बुळत, अदकि आ बादल दा टु ईद शब्द होळत: “ईव नान प्रयि पार हुन, ईऊन से ना खुश आईन: ईऊन केळी.”

6 चेलागोळ ईद केळकु बाय इन भार देल बदिदुर अदकि हापाळ अंजेदुर. 7 यीशु हात्ती बंदकु आंदरी मूटदुन, अदकि अंदुन, “येळी, अंजवाळी.” 8 आग आंदुर तान कण्णगोळ नेगदुर अदकि यीशु उक बटिकु अदकि यारीकु नोळीदील.

* 16:24 १६:२४ मत्ती १०:३८; लूका १४:२७ * 16:25 १६:२५ मत्ती १०:३९; लूका १७:३३; यूहनना १२:२५ * 16:27 १६:२७ मत्ती २२:३१; रोमयिों २:६ * 17:5 १७:५ मत्ती ३:१७; १२:१८; मरकुस १:११; लूका ३:२२ * 17:5 १७:५ २ पतरस १:१७,१८

9 याग आंदुर पहाळी मा टु ईळा होती यीशु आंदरी ईद आग्या कोट्टुन, “यागासताका मळसा अन्द पार सोत्तुर दा टु जतिता आगालुन, आगासताका जो येनारा नीव नोळीर यारीकु हेळवाळेतीर.”

10 इदुर मा यीशु उन चेलागोळ आऊन से केळदुर, “बाक शास्त्री यती अनतार क्किएलियाह अन्द पयले बरोद जरूरी आद?”

11 यीशु उत्तर कोट्टुन, “एलियाह जरूर बंदान, अदकि सप्पा येनारा सुधूसयान. 12 *लेकीन ना नीम से अनतीन क्किएलियाह होटबंदुन, अदकि लॉकुर आऊक अरतीदलि; लेकीन ह्यांग चाहासदुर हांग अच आऊन सांगुळ माळदुर. ईदा रीत दिले मळसा अन्द पार भी आंदुर कय देल दुख नेगदान.”

13 आग चेलागोळ सम्सदुर क्कियीशु नाम से यूहन्ना बपतसिमा कोळावाळा अन्द बारा दा अंदुन.

दुष्टआत्माग्रस्त पार उक चंगा माळोद
(मरकुस ९:१४-२९; लूका ९:३७-४३)

14 याग आंदुर भीळ इन हात्ती पोहचुसदुर, रा ऊंद मळसा यीशु उन हात्ती बंदुन, अदकि ट्वांगरा टेकसकु अनली कुरतुन, 15 “हे प्रभु, नान पार उन मा दया माळ! यतकी आऊक मरिगी बरतद, अदकि आव हापाळ दुख नेगुतान; अदकि घळी-घळी वेक्की दा अदकि घळी-घळी नीर दा वीळतोगतान. 16 ना तान पार उक नीन चेलागोळ हात्ती तंददिन, पर आंदुर आऊक चंगा माळ सकदील.”

17 यीशु अंदुन, “हे अवशिवासी अदकि हठीला लॉकुरगोळा, ना यागासताका नीम सांगुळ ईराइन? यागासताका नीम सहन माळाईन? आ पार उक ईल नान हात्ती तरी.” 18 आग यीशु दुष्टआत्मा अक आग्या कोट्टुन, अदकि अद आऊन दा टु होट बुळत; अदकि पार अदा घळी चंगा आगुदुन.

19 आग चेलागोळ आवना दा यीशु उन हात्ती बंदकु अंदुर, “नाव आ दुष्टआत्मा अक यती तेगु सकदील?”

20 *यीशु आंदुर से अंदुन, “तान वशिवास इन कमी इन कारण, यतकी ना नीम से खरा अनतीन, अगर नीमद वशिवास राई इन दाना अन बराबर भी आद, रा ईद पहाळी से अन सककीर, ईल टु सरकुसकु अल होटोग; रा अद होटोदीत; अदकि यातोदु मात नीम साटी असंभव ईरतीदील.

21 लेकीन ईव दुष्टआत्मागोळ प्रार्थना अदकि उपास इन अलावा यातोदु उपाय देल होळालव.”*

तान सायोद बारा दा यीशु उन मातत: भवषियवाणी
(मरकुस ९:३०-३२; लूका ९:४३-४५)

22 याग आंदुर गलील क्षेत्त्र दा ईरोर, रा यीशु आंदुर से अंदुन, “ना मळसा अन पार मळसागोळ्द कय देल हळसुसकु आगाईन अदकि सौप्सकु आगाईन; 23 अदकि आंदुर आऊक कोंद बुट्टार, अदकि आव तीसरा दशि जतिता आदान.” ई मात मा चेलागोळ हापाळ उदास आदुर.

सभागूह अन कर

24 याग यीशु अदकि आऊन चेलागोळ कफरनहूम दा पोहचुसदुर, रा सभागूह अन कर ताकोमावाळेर पतरस उन हात्ती बंदकु केळली कुरतुर, “येन नीम गुरु सभागूह अन कर कोळालुन?”

25 पतरस अंदुन, “हव, कोळतान.”

याग आव मान्या बंदुन, रा यीशु आऊन केळा पयले अच आऊन से अंदुन, “हे शमौन, नी येन सोचत्या? पृथ्वी इन राजा महसूल या कर यार से ताकोमतार? तान चकिोर से या परयागोळ से?”

26 पतरस आऊन से अंदुन, “परायागोळ से.” यीशु आऊन से अंदुन, “आग अच रा चकिोर कर कोळदुर देल ऊळ्दोदुर. 27 तरी भी इदुरसाटी क्कनाव आंदरी ठोकर तनिसतीदील, नी समुद्र अन्द

* 17:12 १७:१२ मत्ती ११:१४

* 17:20 १७:२० मत्ती २१:२१; मरकुस ११:२३; १ कुरनिथि १३:२

* 17:21 १७:२१ ईद

कनारामा मा होगकु गरी हाक, अदकि जो मेन पयले होट्टीत, अदरी हुडु; अदुरद बाय तेरदुर मा नीनी ऊंद सकिका सकिकीत, अदरी का हुडुकु नान अदकि तान कर आंदरी कोटबुळेत.”

18

स्वर्ग इन राज्य दा धोड्डेव याव?

(मरकुस ९:३३-३७; लूका ९:४६-४८)

1 *अदा घळी चलागोळ यीशु उन हात्ती बंदकु केळली कुरतुर, “स्वर्ग इन राज्य दा धोड्डेव याव आन?”

2 इदुर मा यीशु ऊंद पार उक हात्ती कारूकु आंदुरद न्याड्या दा नीदूरसदुन, 3 *अदकि अंदुन, “ना नीम से खरा अनतीन कियोगासताका नीव बदलुसालीर अदकि चकिोर घाई बनसालीर, नीव स्वर्ग इन राज्य दा प्रवेश माळ सकालीर. 4 जो यावारा तान तान इक ई पार उन घाई स्याणेव माळ्यान, आव स्वर्ग इन राज्य दा धोड्डेव आदान. 5 अदकि जो यावारा नान हेसुर देल ऊंद हगि पार उक ग्रहण माळतान आव नानी ग्रहण माळतान.

पाप माळोद परीक्षा

(मरकुस ९:४२-४८; लूका १७:१,२)

6 “पर जो यारारा ई स्याणेर दा टु जो नान मा वशिवास माळतार ऊंद मंळसा अक टोकर तनिस्यार, आऊन साटी भला आगाईत कि धोळद चक्की इन पट्टा आऊन कुतक्या दा लटकूसकु आगाईत, अदकि आऊक खोल समुद्र दा मुळकुसकु आगाईत. 7 टोकरगोळद कारण दुनिया मा हाय! टोकरगोळद हततोद जरूरी आद; पर हाय आ मंळसा मा यार्द कारण टोकर हततद.

8 *अगर नीन कय या नीन काल नीनी टोकर तनिस्याव, रा अवरी कळकु भटिबुळ; डुण्डा या लंगळा आगकु जीवन दा प्रवेश माळोद नीन साटी इदुर से वळ्लीद आद कियेदद कय या येदद काल ईतकु नी अनन्त बेक्की दा हाककु आगाईद. 9 *अगर नीनव कण्णगोळ नीनी टोकर तनिस्याव, रा अवरी तेगुकु भटिबुळ; कुदद आगकु जीवन दा प्रवेश माळोद नीन साटी इदुर से वळ्लीद आद कि येदद कण्ण ईतकु नी नरक इन बेक्की दा हाककु आगाईद.

काळद म्यांडागोळद उदाहरण

(लूका १५:३-७)

10 *नीव ई स्याणेर दा टु यारीकु तुचळ जान्सवाळोतीर; यतकी ना नीम से अनतीन कि स्वर्ग दा आंदुर स्वर्गदूत नान स्वर्गीय आप्प उन मार्रा हमेशा नोळतार. 11 यतकी मंळसा अन्द पार काळद मंळसागोळी उळसली बंदान.

12 “नीव येन सोचतीर? अगर यावारा मंळसा अन्द सौ म्यांडागोळ आव, अदकि अदुरदा टु ऊंद भटकुसेगुल, रा येन आव ननियानवे अक बटिकु, अदकि पहाळीगोळ मा होगकु, आ भटकुसद म्यांडा अक दुददसतीदलि? 13 अदकि अगर हगि आत कि अद आऊक सक्ति, रा ना नीम से खरा माताळतीन कि आव आ ननियानवे म्यांडागोळ साटी जो भटकुसकु ईला ईरव, आट खुश आगतीदील याट कि ई म्यांडा अन्द साटी आदान. 14 हगि अच नीम आप्प उन जो स्वर्ग दा आन ईद इच्छा हैलेच कि ई स्याणेर दा टु ऊंद भी नाश आगुल.

वारटुर अदकि आकतगिरद पाप

15 *अगर नीन वारटु नीन खलिाप अपराध माळुल, रा होग अदकि आवना दा मातचीत हेळकु आऊक समजूस; अगर आव नीद केळ्यान रा नी तान वारटु उक हासलि माळ कोड. 16 अगर आव केळालुन, रा ऊंद या येदद मुंदरी तान सांगुळ मातत वोय, कि हर ऊंद मात येदद या मूर गवाहगोळद बाय देल नशिचति माळोद आगुल. 17 अगर आव आंदुरद भी केळालुन, रा मंडली से अंदकोम,

* 18:1 १८:१ लूका २२:२४ * 18:3 १८:३ मरकुस १०:१५; लूका १८:१७ * 18:8 १८:८ मत्ती ५:३० * 18:9 १८:९ मत्ती ५:२९ * 18:10 १८:१० लूका १९:१० * 18:15 १८:१५ लूका १७:३

लेकीन अगर आव मंडली अन भी केळालुन रा नी आऊक गैरयहूदी अदकि कर ताकोमावाळेर घाई मान्स कोम.

रोकसोद अदकि मौका कोळोद

18 *ना नीम से खरा माताळतीन, जो येनारा नीव पृथ्वी मा कटटीर, अद स्वर्ग दा कटटीर अदकि जो येनारा नीव धरती मा कटटया, अद स्वर्ग दा खुलसीत. 19 बाक ना नीम से अनतीन, अगर नीम दा टु येदद मुंदुर पृथ्वी मा यातोदारा मात इन साटी ऊंद मन आगकु अदरी बेळीर, रा अद नान आप्प उन दी टु जो स्वर्ग दा आन, आंदुरद साटी आगेदीत. 20 यतकी येल येदद या मुर मुंदुर नान हेसुर मा जमा आगतार, अल ना आंदुर न्याड्या दा ईरतीन.”

नरिंदयी सेवक उन उदाहरण

21 *आग पतरस हात्ती बंदकु यीशु से अंदुन, “हे प्रभु, अगर नान वार्ट अपराध माळतेला ईततान, रा ना यास अनली आऊक माफ माळाईन? येन येळ घन ताका?”

22 यीशु आऊन से अंदुन, “ना नीन से ईद अनालीन कियेळ घन ताका लेकीन येळ घन इन सत्तर गुणा ताका.”

23 “इदुरसाटी स्वर्ग इन राज्य आ राजा अन्द घाई आद, याव तान दासगोळ से हिसाव ताकोमोद चाहासदुन. 24 याग आव हिसाव ताकोमली कुरतुन, रा ऊंद मंळसा आऊन मुंद तनकु आदुन जो करोळो नव कर्जदार ईरोन. 25 याग आऊन हात्ती पैसया खणळसली येनु ईला ईरोद, रा आऊन स्वामी अंदुन, ‘ईव अदकि ईऊन हगिस अदकि चकिर चणिग अदकि जो येनारा ईऊन आद सप्पा मारकु आगुल, अदकि कर्ज तुमकु आगुल.’ 26 इदुर मा आ दास बदिक् आ स्वामी इक प्रणाम माळदुन, अदकि अंदुन, ‘हे स्वामी धीरज हुडु, ना सब कूछ तुम बुळाईन.’ 27 आग आ दास उन स्वामी तरस तनिकु आऊक बटि बुट्टुन, अदकि आऊन कर्जा भी माफ माळ बुट्टुन.

28 “लेकीन याग आव दास व्हारया होट्टुन, रा आऊन संगी दासगोळ दा टु ऊंद आऊक सकिदुन जो आऊन सौ दीनार इन कर्जदार ईरोन; आव आऊक हुडुकु आऊन कूतक्या ओतदुन अदकि अंदुन, ‘जो येनारा नीन मा कर्ज आद तुमकोम.’ 29 इदुर मा आऊन संगी दास बदिक् आऊन से वनिती माळली कुरतुन, ‘धीरज हुडु, ना सब तुम बुळाईन.’ 30 आव मानसदिलि, लेकीन होगकु आऊक बंदीगूह दा हाक बुट्टुन कियेगासताका कर्ज तुम कोमालुन, आगासताका अल्या ईरूल. 31 आऊन संगी दास ईद जो आगीत नोळकु हापाळ उदास आदुर, अदकि होगकु तान स्वामी इक पुरा हाल हेळ बुट्टु. 32 आग आऊन स्वामी आऊक कारूकु आऊन से अंदुन, ‘हे दुषट दास, नी जो नान से वनिती माळद, रा ना नीद अद पुरा कर्ज माफ माळदीन. 33 इदुरसाटी ह्यांग ना नीन मा दया माळदीन, हांग अच नीनी भी तान संगी दास मा दया ईला माळोद हुन?’ 34 अदकि आऊन स्वामी गुस्सा दा बंदकु आऊक सजा कोळावाळेरद कय दा सौप्स बुट्टुन, कियेगासताका आव पुरा कर्ज तुम कोमालुन, आगासताका आंदुरदा कय दा ईरूल.

35 “ईदा प्रकार अगर नीम दा टु हर ऊंद तान वार्ट उक मन देल माफ माळयान, रा नान आप्प जो स्वर्ग दा आन, नीम से भी हांग अच माळयान.”

19

छोळचट्टी इन बारा दा यीशु उन शक्तिषा

(मरकुस १०:१-१२)

1 याग यीशु ईव मातगोळ अंद कोडुन, रा गलील टु होटोदुन; अदकि यरदन गांगा अन्द आप्पाटी यहूदया अन्द प्रदेश दा बंदुन. 2 आग धोळद भीळ यीशु उन हदि आगेत, अदकि आव अल आंदरी चंगा माळदुन.

3 आग फरीसी आऊन परीक्षा माळोर साटी हात्ती बंदकु अनली कुरतुर, “येन यातोदारा भी कारण देल तान हगिस उक छोळ चट्टी कोळोद उचति आद?”

4 यीशु आंदरी उत्तर कोटदुन, “येन नीव शास्त्र दा वाचुसीदील कि याव आंदरी माळयान, आव सूरवात टु गंळस अदकि आर्त इन रूप दा माळदुन, 5 अदकि अंदुन, इदुरसाटी मंळसा तान मोय-आपू उक बटिकु तान हगिस उन सांगुळ ईततान अदकि आंदुर येददु मुंदुर ऊंद तन आदार.” 6 इदुरसाटी आंदुर ईग येददु ईला, लेकीन ऊंद तन आर. इदुरसाटी यारीक परमेश्वर जोळसयान, अदरी यावारा भी मंळसा अलग माळवाळुल.”

7 आंदुर यीशु से अंदुर, “बाक मूसा ईद यती ठहूरसदुन कि छोळचट्टी कोटकु तान हगिस उक बटि वुळी?”

8 यीशु आंदुर से अंदुन, “मूसा नीम मन इन कठोरता अन्द कारण नीमी तान-तान हगिस उक बटि वुळोद आगया कोटीदुन, लेकीन सूरवात टु हगि ईला ईरोद. 9 अदकि ना नीम से अनतीन, कि जो यावारा व्यभचार इक बटिकु अदकि याता कारण देल तान हगिस उक त्यागसकु दुसरा अन सांगुळ मदा माळुल, रा आव व्यभचार माळतान; अदकि जो आ बटिकु आर्त से मदा माळुल, रा आव भी व्यभचार माळतान.”

10 चेलागोळ यीशु से अंदुर, “अगर गंळस उन आर्त इन सांगुळ हगि संबंघ आव, रा मदा माळोद वळ्लीद हल्लेच.”

11 यीशु आंदुर से अंदुन, “सब मदा अन बनिा ईर सकालुर, सर्फि आंदुर यारीक ईद दान कोटकु आग्याद. 12 यतकी यारारा नपुंसक हगि आर, जो मोय इन व्हाट्या टु उच हगि पैदा आग्यार; अदकि यारारा नपुंसक हगि आर, यारी लॉकुर नपुंसक माळयार; अदकि यारारा हगि आर, यार स्वर्ग इन राज्य अन्द साटी तान तान इक नपुंसक माळयार. जो इदरी ग्रहण माळ सकतान, आव ग्रहण माळुल.”

चकिोरगोळी आश्रिवाद

(मरकुस १०:१३-१६; लूका १८:१५-१७)

13 आग लॉकुर चकिोर इक यीशु उन हात्ती तंदुर कि आव आंदुर मा कय ईटुल अदकि प्रार्थना माळुल, पर चेलागोळ लॉकुरी दनकुसदुर. 14 यीशु अंदुन, “चकिोरी नान हात्ती बरगोळी, अदकि आंदरी मना माळवाळी, यतकी स्वर्ग इन राज्य हगि अच चकिोरद हुन.”

15 अदकि यीशु आंदुर ताल्ला मा कय ईटकु आंदरी आश्रिषित माळदुन अदकि अल टु होटोदुन.

धनी मंळसा

(मरकुस १०:१७-३१; लूका १८:१८-३०)

16 ऊंद धनी मंळसा यीशु उन हात्ती वंदुन अदकि आऊन से अंदुन, “हे गुरु, ना यातोद वळ्लीद कयाल्सा माळाईन कि नानी अनन्त जीवन सकिल?”

17 यीशु आऊन से अंदुन, “नी नान से भलाई इन बारा दा यती केळत्या? भला रा ऊन्दा आद, पर अगर नी जीवन दा प्रवेश माळोद चाहासत्या, रा आग्यागोळी मान्सतोग.”

18 आव यीशु से अंदुन, “यातव आग्यागोळ?”

यीशु अंदुन, “ईद कि यारीकारा कोन्न बाळी, व्यभचार माळबाळी, काळलपनी माळबाळी, ख्वाटा गवाही कोळबाळी, 19 तान आपू अदकि तान मोय इन आदर माळी, अदकि तान मान्ना हातळोर से तान घाई प्यार ईटी.”

20 आ हारोदव मंळसा आऊन से अंदुन, “ई सब रा ना मानसीन; ईग नान दा याता मात इन कमी आद?”

21 यीशु आऊन से अंदुन, “अगर नी सदिध आगोद चाहसत्या रा होग, तान माल मारकु कंगालगोळी कोळ, अदकि नीनी स्वर्ग दा धन सकिकीत; अदकि बंदकु नान हदि आगेग.”

22 लेकीन आव हारोदव मंळसा ईद मात केळकु उदास आगकु होटोदुन, यतकी आव हापाळ धनी ईरोन.

23 आग यीशु तान चेलागोळ से अंदुन, “ना नीम से खरा अनतीन का धनवान मंळसा अन स्वर्ग इन राज्य दा प्रवेश माळोद मुशकलि आद. 24 नीन से मात्त अनतीन का परमेश्वर उन राज्य दा धनवान उन प्रवेश माळदुर देल ऊँट इन मुग्ग इन खॉदरा दा टु चुजी होटबुळोद आसान आद.”

25 ईद केळकु चेलागोळ हापाळ चकति आगकु अंदुर, “बाक यारद उदधार आग सकतद?”

26 यीशु आंदुर दी नोळकु अंदुन, “मंळसागोळ से रा ईद आगसकाल, लेकीन परमेश्वर से सब कुछ आग सकतद.”

27 इदुर मा पतरस आऊन से अंदुन, “नोळ, नाव रा सप्पा येनारा बटिकु नीन हदि आगीदेव: रा नामी येन सकिकीत?”

28 यीशु आंदुर से अंदुन, ना नीम से खरा अनतीन किव्हाशोद स्पृटी दा याग मंळसा अन्द पार तान महमा अन्द सहिसन मा कुरतान, रा नीव भी जो नान हदि आगेगीर, हन्नेळ सहिसनगोळ मा कुरतकु इस्त्राएल इन हन्नेळ वंशगोळद न्याय माळीर. 29 अदकि जो यावारा नान साटी तान माननगोळ, या वारटुर, या आकतीगेर, या आप्प, या मोय, या चकोर-चणिगेर, या केईगोळी नान हेसुर साटी बटि बुटान, आऊक सौ गुणा सकिकीत, अदकि आव अनन्त जीवन इन अधकारी आदान. 30 लेकीन हापाळ मुंदुर जो पयला आर, हदिळोर आदार; अदकि जो हदिळोर आर, आंदुर पयला आदार.

20

अंगुर इन बेली इन क्याल्सा माळावाळेरद उदाहरण

1 “स्वर्ग इन राज्य यातोवारा माननावाळा अन घाई आद, जो व्हातर्या होट्टुन कतिांद अंगुर इन बेली दा मजदूरगोळी क्याल्सा मा हचुल. 2 आव मजदूरगोळी प्रती ऊंद मंळसा अक ऊंद दीनार रोजी मा ईददुन अदकि आंदरी तान अंगुर इन बेली दा कळदुन. 3 व्हातर्या अक लगभग ऊंम्वत मुरा आव व्हातर्या होट्टुन रा दुसरा लॉकुरी सात्ता दा बेकार नदिरत नोळकु, 4 अदकि आव आंदुर से अंदुन, ‘नीव भी अंगुर इन बेली दा होगी, अदकि जो येनारा वळलीद आद, नीमी कोळाईन.’ अदकि आंदुर भी होटोदुर. 5 आग आ लॉकुर भी होटोदुर बाक हन्नेळ मुरा अदकि मुर मुरा अन हात्तीपास आव व्हातर्या होटकु हांग अच माळदुन. 6 अईद मुरा आव मात्त व्हातर्या होटकु दुसरा अक नदिरकु नोळदुन, अदकि आंदुर से अंदुन, ‘नीव यती हागुल तीम बेकार नदिरकु ईरतीर?’ 7 आंदुर आऊन से अंदुर, ‘इदुरसाटी का याऊ नामी क्याल्सा मा हचीदलि.’ आव आंदुर से अंदुन, ‘नीव भी नान अंगुर इन बेली दा होगी.’ ”

8 “दयावमुळका अंगुर इन बेली इन स्वामी तान मुनीम से अंदुन, ‘क्याल्सा माळावाळेर इक कारूकु आखरी मजदूर हात्ती टु पयला मजदूर ताका आंदरी मजदूरी कोटबुळ.’ 9 कम से कम अईद मुरा जो क्याल्सा मा हचकु आगीदुर रा आंदरी ऊंद ऊंद दीनार सकित. 10 जो पयले बंदीदुर आंदुर ईद सम्सदुर का नामी यक्कुल सकिकीत, लेकीन आंदरी भी ऊंद ऊंद दीनार अच सकित. 11 याग आंदरी ऊंद दीनार सकित रा ईद अनकु केईवाळा मा वळबुळसकु अनली कुरतुर, 12 ई जो बाद्दा बंदार ईदुर रा ऊंद घंटा अच क्याल्सा माळदुर, अदकि नी आंदरी भी नाम बराबर रोजी कोट, यार हागुल तीम ओझा नेगदुर अदकि बसिल झेल्सदुर.”

13 आव आंदुर दा टु ऊंद मंळसा अक उत्तर कोट्टुन, “हे संगी, ना नीन सांगुळ येनु अन्याय माळालीन. येन नी नान सांगुळ ऊंद दीनार इन मजदूरी पक्का ईला माळीद? 14 जो नीद आद, नेगु कोम अदकि होटोग; नान इच्छा ईद आद का याट नीनी कोटीन आट अच ई हदिळावाळा अक भी कोळाईन. 15 येन ईद उचति हेलच का ना तान माल से जो चाहसाईन अद माळाईन? येन नान भला

ईरोद नीन कण्णगोळी नळतद? 16 ई प्रकार देल जो हदिळोर आर, आंदुर पयले आदार; अदकि जो पयले आर, आंदुर हदिळोर आदार.”

तान सायोद बारा दा यीशु उन तीसरा भवषियवाणी
(मरकुस १०:३२-३४; लूका १८:३१-३४)

17 यीशु यरूशलेम इक होगाहोती हनेळ चेलगोळी आबना दा ओतुन, अदकि हादी मा आंदुर से अनली कुरतुन, 18 “नोळी, नाव यरूशलेम इक होगीतेव; अदकि मंळसा अन पार प्रधान याजकगोळ अदकि शास्त्रीगोळद कय दा हुळसुसकु आदान, अदकि आंदुर आऊक मृत्यु इन लायक ठहरूस्यार. 19 अदकि आंदुर आऊक गैरयहूदीगोळ कय दा सोपस्यार कि आंदुर आऊन मज्याक हारसुल, अदकि क्वाळा बडुल, अदकि कूस मा येरसुल, अदकि आव तसिरा दनि जतिता आदान.”

ऊंद मोय इन वनिती
(मरकुस १०:३५-४५)

20 आग जब्दी इन पारगोळद मोय, तान पारगोळ सांगुळ यीशु उन हात्ती बंदकृ पणाम माळदुर, अदकि आऊन से येनारा तरी बेळली कुरतुर.

21 यीशु आकनि से अंदुन, “नी येन चाहासत्या?”

आक आऊन से माताळदुर, “ईद वचन कोळ कि नानोर ई येदद चकिोर नीन राज्य दा ऊंद नीन ऊमा कय अदकि ऊंद नीन डाक्या कय दी कुरतार.”

22 यीशु उत्तर कोटदुन, “नीव जान्सालीर कि येन बेळेतीर. येन नीव अद प्याला कुडू सकतीर यदरी ना कुडोर मा आईन?”

आंदुर आऊन से अंदुर, “कुडू सकतेव.”

23 आव आंदुर से अंदुन, “नीव नान प्याला रा कुळदीर, पर तान ऊमा कय अदकि डाक्या कय दी यारीकारा कुरसोद नान क्याल्सा आलच, लेकीन यार्द साटी नान आप्प उन दी टु तयार माळकु आग्याद, आंदुर दा साटी हुन.”

24 ईद केळकु हतु चेलगोळ आ येदद वारटूर मा नाराज आदुर. 25 यीशु आंदरी हात्ती कारूकु अंदुन, “नीव जान्सातीर कि गैरयहूदीगोळ हाकमि आंदुर मा वशिवास माळतार; अदकि जो धोड्डेर आर, आ लॉकुर आंदुर मा अधकारि जतुसतार. 26 लैकीन नीम दा हगि आगतीदील; लेकीन जो यावारा नीम दा धोड्डेव आगोद चाहासथान, आव नीम सेवक आगुल; 27 अदकि जो नीम दा प्रधान आगोद चाहासतान, आव नीम दास आगुल; 28 हयांग कि मंळसा अन पार; ना इदुरसाटी बंददील कि आऊन स्यावा माळकु आगुल, लेकीन इदुरसाटी बंदान कि खुद स्यावा टहल माळ सकुल, अदकि हापाळ लॉकुरद छुटकारा साटी तान जीव कोळ सकुल.”

येदद कुददगोळी दृष्टीदान
(मरकुस १०:४६-५२; लूका १८:३५-४३)

29 याग यीशु अदकि आऊन चेलगोळ यरीहो नगर टु होळोर, रा ऊंद धोळद भीळ आऊन हदि आगेत. 30 अदकि येदद कुददगोळ, जो हादी इन कनारार मा कुरतकु ईरोर, ईद केळकु कि यीशु होगेतयान, हेसुर ताकोमकु अनली कुरतुर, “हे प्रभु, दाऊद उन औलाद, नाम मा दया माळ.”

31 लॉकुर आंदरी दनकुसदुर कि सुगा ईरूल; पर आंदुर मात्त जोर देल चळिलासकु अंदुर, “हे प्रभु, दाऊद उन औलाद, नाम मा दया माळ.”

32 आग यीशु नदिरकु, आंदरी कारदुन अदकि अंदुन, “नीव येन चाहासतीर कि ना नीम साटी माळाईन?”

33 आंदुर यीशु उक अंदुर, “हे प्रभु, ईद कि नाव कण्णगोळ देल नोळ सककेव.”

34 यीशु दया माळकु आंदुर कण्णगोळी मुटदुन, अदकि आंदुर तुरन्त नोळली कुरतुर, अदकि आऊन हदि आगेदुर.

21

यूरुशलेम दा वजिय प्रवेश

(मरकुस ११:१-११; लूका १९:२८-४०; यूहन्ना १२:१२-१९)

1 याग आंदुर यूरुशलेम इन हात्ती पोहचुसदुर अदकि जैतून पहाळा मा बैतफगे नगर इन हात्ती बंदुर, रा यीशु येदुद चलागोळी ईद अनकु कळुदुन, ² “मुंदळोद ऊर दा होगी. अल होगतेला ऊद गधा कटकु, अदकि अदुर सांगुळ पाड्डा नीमी सक्कीत. अवरी खोल्सकु नान हात्ती तरी. ³ अगर नीम से यावारा येनारा अनुल, रा अनेतीर कि प्रभु अक ईऊद जरवत आद, आग आव तुरन्त अवरी कळु बुट्टान.” ⁴ ईद इदुरसाटी आत कि जो वचन भवषियवक्ता अन्द द्वारा अनकु आगीत, अद पुरा आगुल:

5 “सयियोन इन पोर इन से अनी,

‘नोळ, नीन राजा नीन हात्ती बरेतयान;

आव नमूर आन, अदकि गधा मा कुरतकु आन;

मतलव गधा इन पाड्डा मा.’”*

6 चलागोळ होगकु, हयाग यीशु आंदरी अंददिन, हांग अच माळदुर. ⁷ अदकि गधा अदकि अदुरद पाड्डा अक तनकु, अऊर मा तान कपळा हाकदुर, अदकि आव आ पाड्डा मा कुरतुन. ⁸ आग हापाळ सा लॉकर तान कपळा हादी मा हासदुर, अदकि दुसरा लॉकर माररगोळद डगाली कडुकु हादी मा हासदुर. ⁹ जो भीळ मुंद-मुंद होगतोगोद अदकि हदि-हदि बरतोगोद, कारू-कारूक अनतोगोर, “दाऊद उन औलाद उक स्तुति, धन्य आन आव जो प्रभु उन हेसुर देल बरतान, दाऊद उन औलाद उन स्तुति आगुल.”

10 याग यीशु यूरुशलेम दा प्रवेश माळदुन, रा पुरा नगर दा हलचल मचुसेत, अदकि लॉकर अनली कुरतुर, “ईव याव हुन?”

11 लॉकर अंदुर, “ईव गलील इन नासरत उन भवषियवक्ता यीशु हुन.”

मंदरि इन शुद्धीकरण

(मरकुस ११:१५-१९; लूका १९:४५-४८; यूहन्ना २:१३-२२)

12 यीशु परमेश्वर उन मंदरि दा होगकु आ सप्पा मुंदरी, जो मंदरि दा लेन-देन माळोर, तेगद बुट्टुन, अदकि सर्राफागोळद पांळसीगोळ अदकि कबूतर मारावाळेरद चौकगिोळ उलटुस बुट्टुन;

13 अदकि आंदुर से अंदुन, “शास्त्र दा लखिसकु आद, ‘नान मान्ना प्रार्थना अन्द मान्ना कहलुसीत,’ लेकीन नीव अदरी डाकूगोळद हड्डा माळतीर.”*

14 आग कुदुद अदकि लंगळागोळ, मंदरि दा आऊन हात्ती बंदुर, अदकि आव आंदरी चंगा माळदुन. ¹⁵ लेकीन याग प्रधान याजकगोळ अदकि शास्त्रीगोळ ई अदभुत क्याल्सागोळी, जो आव माळदुन, अदकि चकिोर इक मंदरि दा “दाऊद उन औलाद उक स्तुति” अनतेला नोळदुर, रा आंदुर गुस्सा आदुर, ¹⁶ अदकि आऊन से अनली कुरतुर, “सयेन नी केळत्या कि इंदुर येन अंतार?”

यीशु आंदुर से अंदुन, “हव; येन नीव ईद यागलु वाचुसीदील: चकिोर अदकि हाल कुडुत चगिद उर बाय देल अपार स्तुति माळसुसद?”

17 आग यीशु आंदरी बटिकु नगर इन व्हार्या बैतनयियाह अक होदुन अदकि अल आव ईळ्लक बतिसदुन.

यीशु द्वारा श्रापति अंजीर इन मारूर

(मरकुस ११:१२-१४; ११:२०-२४)

* 21:5 २१:५ जकरयाह ९:९ * 21:13 २१:१३ यशायाह ५६:७; यरिमयाह ७:११

18 व्हातर्या का याग यीशु नगर इक वापस बरोन रा आऊक हसु हत्त. 19 हादी इन कनिरा अंजीर इन ऊंद मार्र नोळकु यीशु अदुर हात्ती होदुन, अदकि यालला अक बटिकु अद मार्र मा मात्त येनु ईला ईरोद आव आ मार्र इक अंदुन, “ईग टु नीन दा बाक यागलु काय हततदील.” अदकि अंजीर इन मार्र तुरन्त वंळगेत.

20 ईद नोळकु चेलागोळी अचम्भा आत अदकि आंदुर अंदुर, “ईद अंजीर इन मार्र तुरन्त ह्यांग वंळगेत?”

21 यीशु आंदरी उत्तर कोट्टुन, “ना नीम से खरा अंतीन, अगर नीव वशिवास ईटी अदकि संदेह माळबाळी, रा न सर्रिफ ईद माळेतीर जो ईद पहाळी इक भी अंदीर, ‘कित्तेग, अदकि समुद्र दा होगकु बळि,’ रा ईद आगेदीत. 22 अदकि जो येनारा नीव प्रार्थना दा वशिवास देल वेळतीर अद सब नीमी सक्कीत.”

यीशु उन अधिकार मा प्रश्न
(मरकुस ११:२७-३३; लूका २०:१-८)

23 यीशु मंदिर दा मात्त होगकु उपदेश कोळली कुरतुन, रा प्रधान याजकगोळ अदकि लाँकुरद पुरनयागोळ आऊन हात्ती बंदकु केळदुर, “नी ईद क्याल्सा यार्द अधिकार देल माळत्या? अदकि नीनी ईद अधिकार याव कोटान?”

24 यीशु आंदरी उत्तर कोट्टुन, “ना भी नीम से ऊंद मात केळतीन; अगर अद नानी हेळेतीर, रा ना भी नीमी हेळाईन कर्ईव क्याल्सा यातोद अधिकार देल माळतीन. 25 यूहन्ना अन्द बपतस्मा यल टु ईरोद? स्वरग दी टु या मंळसागोळ दी टु?”

आग आंदुर आपस दा मातगोळ माळली कुरतुर, “अगर नाव अंदेव ‘स्वरग दी टु,’ रा आव नाम से अंदान, ‘बाक नीव आऊन वशिवास यती माळीदलि?” 26 अदकि अगर अंदेव ‘मंळसागोळ दी टु,’ रा नामी भीळ इन अंजुक आद, यतकी आंदुर सप्पा यूहन्ना अक भविष्यवक्ता मान्सतार.” 27 इदुरसाटी आंदुर यीशु उक उत्तर कोट्टुन, “नाव अरालेव.”

आव भी आंदुर से अंदुन, “रा ना भी नीमी हेळालीन कर् ई क्याल्सा ना याता अधिकार देल माळतीन.

येदद पारगोळद उदाहरण

28 “नीव येन सोचेतीर? यावारा मंळसा अन येदद पारगोळ ईरोर; आव पयला पार उन हात्ती होगकु अंदुन, हे पारा, ईद अंगुर इन बेली दा क्याल्सा माळ.” 29 आव उत्तर कोट्टुन, “ना होग सकालीन,’ लेकीन बाददा पसतासकु होदुन. 30 बाक आप्प दुसरा पार उन हात्ती होगकु हगि अच अंदुन, आव उत्तर कोट्टुन, ‘हव जी होगतीन,’ लेकीन होगीदलि. 31 इंदुर येददु दा टु यार तान आप्प उन इच्छा पुरा माळदुर?”

आंदुर अंदुर, “पयला पार.”

यीशु आंदुर से अंदुन, “ना नीम से खरा अनतीन कर् कर ताकोमावाळेर अदकि वेश्या नीम से पयले परमेश्वर उन राज्य दा प्रवेश माळतार. 32 यतकी यूहन्ना न्यायीपन इन हादी दरशुसतेला नीम हात्ती बंदुन, अदकि नीव आऊन वशिवास माळीदील; पर कर ताकोमावाळेर अदकि वेश्यागोळ आऊन वशिवास माळदुर: अदकि नीव ईद नोळदीर, लेकीन नीव पश्चाताप माळीदील अदकि आऊन मा वशिवास माळीदील.”

दुष्ट कसानगोळद उदाहरण

(मरकुस १२:१-१२; लूका २०:९-११)

33 “मात्त ऊंद उदाहरण केळी: ऊंद केई इन मालकि ईरोन, आव अंगुर इन बेली हचीदुन, अदुरद नाकु दी भाळा कटदुन, अदुरदा रास्सा अन्द कुंड अगुळदुन अदकि मचान माळदुन, अदकि कसानगोळी अदुरद ट्याका कोटकु परदेश होटोदुन. 34 याग काय इन समय हात्ती बत्त, रा आव

तान दासगोळी अदुरद काय तरोरसाटी कसानगोळ हातूती कळुदुन. ³⁵ पर कसानगोळ आऊन दासगोळी हुडुकु, यारीकारा रा वळदुर, अदकि यारीकारा कोंद बुटुर, अदकि तसिरा अक कल्लगोळ वळदुर. ³⁶ बाक आव पयले टु यककुल अदकि दासगोळी कळुदुन, अदकि आंदुर आ दासगोळ सांगुळ भी हांग अच माळदुर. ³⁷ आखरी दा आव तान पार उक आंदुर हातूती ईद सोचकु कळुदुन कि आंदुर नान पार उन आदर माळ्यार. ³⁸ लेकीन कसानगोळ पार उक नोळकु आपस दा अंदुर, 'ईव रा वारीस हुन, बरी, ईऊक कोंद बुळाता अदकि ईऊन धन संपत्ती हुडु कोमाता.' ³⁹ इदुरसाटी आंदुर आऊक हळदुर अदकि अंगुर इन बेली टु व्हार्या तेगुकु कोंद बुटुर. ⁴⁰ इदुरसाटी याग अंगुर इन बेली इन मालकि बंदान, रा आ कसानगोळ सांगुळ येन माळ्यान?"

⁴¹ आंदुर आऊन से अंदुर, "आव आ बुरा लॉकुरी बुरा रीतदिल नाश माळ्यान; अदकि अंगुर इन बेली इन ट्याका दुसरा कसानगोळी कोट्टान, जो उचित समय मा काय तनकु कोट्टार."

⁴² यीशु आंदुर से अंदुन, "येन नीव यागलु पवतिरशास्त्र दा ईद वाचुसीदील: 'याता कल्ल इक राजमसित्रीगोळ बेकार ठहूरसेदुर, अदा कोना अन्द सिरा अन्द कल्ल आगेत? ईद प्रभु उन दी टु आगीत, अदकि नाम नजर दा अदभुत आद.' ⁴³ इदुरसाटी ना नीम से अनतीन कि परमेश्वर उन राज्य नीम से ताकोमकु आदीत अदकि हगि लॉकुरी कोटकु आदीत जो ईदुर प्रतफिल तरतार. ⁴⁴ जो ईद कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत."

⁴⁵ प्रधान याजक अदकि फरीसी यीशु उन उदाहरणगोळी केळकु समसेदुर कि आव आंदुर बारा दा अनतान. ⁴⁶ अदकि आंदुर आऊक हुडोद चाहासोर, लेकीन लॉकुर से अंजेदुर यतकी आंदुर आऊक भवषियवक्ता मानसतोगोर.

22

मदा अन भोजन इन उदाहरण
(लूका १४:१५-२४)

¹ यीशु मातूत आंदुर से उदाहरणगोळ दा अनली कुरतुन, ² "स्वर्ग इन राज्य आ राजा अन घाई आद, जो तान पार उन मदा अन भोजन कोट्टुन. ³ अदकि आव तान दासगोळी ईद अनकु कळुदुन कि आमन्त्रति लॉकुरी मदा दा ऊमली कारी; लेकीन आंदुर बरोद चाहासीदलि. ⁴ बाक आव मातूत दासगोळी ईद अनकु कळुदुन, 'आमन्त्रति लॉकुरी अनेतीर: नोळी ना ऊमोद तयार माळ कोडीन, नान वस्ता अदकि नानव पालसदव जनावर कडुकु आदव, अदकि सब कुछ तयार आद; मदा अन्द भोज दा बरी.' ⁵ लेकीन आंदुर ध्यान कोटीदील अदकि तान हादी इक होटोदुर: यावारा तान केई दा रा यावारा तान व्यापार इक. ⁶ दुसरा लॉकुर जो मकिकु ईरोर आऊन दासगोळी हुडुकु आंदुरद अपमान माळदुर अदकि आंदरी कोंद बुटुर. ⁷ आग राजा अक सट्टि बतूत, अदकि आव तान सेना अक कळुकु आ कोन्नावाळेद नाश माळदुन, अदकि आंदुरद नगर इक होताक बुट्टुन."

⁸ "आग आव तान दासगोळ से अंदुन, 'मदा अन्द भोज रा तयार आद लेकीन नमिंत्रति लॉकुर आ लायक ईला ईरोर. ⁹ इदुरसाटी हादी इन कनिरा मा होगी अदकि यास लॉकुर नीमी सकियार, सपपा लॉकुरी मदा अन्द भोजन दा कारूक तरी.' ¹⁰ इदुरसाटी आ दासगोळ हादी इन कनिरा मा होगकु जो भी वळ्लेर या बेकार लॉकुर आंदरी सकिदुर जमा माळदुर; अदकि मदा अन्द मान्ना पावनागोळ देल तुम्मेत."

¹¹ "याग राजा पाऊनागोळी नोळली बंदुन, रा आव अल ऊंद मंळसा अक नोळदुन, जो मदा अन्द कपळा हाककु ईला ईरोन. ¹² राजा आऊन से केळदुन, 'हे संगी; नी मदा अन्द कपळा हाग्द बनि इल यती बंद्या?' आऊन बाय बंद आगेत. ¹³ आग राजा नवकरगोळ से अंदुन, 'ईऊन कय-काल कटकु ईऊक व्हार्या अंधार दा हाक बुळी, अल वोरलोद अदकि हल्ल कचचोद आदीत.' ¹⁴ यतकी कारदोर रा हापाळ आर लेकीन नीवळुसदोर थ्वाळासा अच आर."

कर कोळोद वारा दा प्रश्न
(मरकुस १२:१३-१७; लूका २०:२०-२६)

15 आग फरीसीगोळ होगकु आपस दा वचिर माळदुर का यीशु उक याता प्रकार देल मातगोळ दा फसुसेव. 16 इदुरसाटी आंदुर तान चेलागोळी हेरोदिया अन सांगुळ आऊन हात्ती ईद अनली कळुदुर, “हे गुरु, नाव जानसतेव का नी खरा आय, अदकि परमेश्वर उन हादी सच्चाई देल कलसत्या, अदकि यारदु परवा माळाल, यतकी नी मंळसागोळद मार्ग नोळकु मातगोळ माळाल. 17 इदुरसाटी नामी हेळ नी येन सोचत्या? रोमी सरकार उक कर कोळोद उचति आद का हिलेच.”

18 यीशु आंदुरद कपट पन नोळकु अंदुन, “हे कपटीगोळा, नानी येती परखुसेतीर? 19 नानी अद ऊंद दीनार तोरस, यदुर देल कर कोटक आगतद.”

आग आंदुर आऊन हात्ती ऊंद चाँदी इन सकिका तंदुर. 20 आव आंदुर से केळदुन, “ईद छाप अदकि हेसुर यारद हुन?”

21 आंदुर यीशु से अंदुर, “कैसर सरकार उन हुन.” आग आव आंदुर से अंदुन, “जो कैसर सरकार उन हुन, अद कैसर सरकार उक; अदकि जो परमेश्वर उन हुन, अद परमेश्वर उक कोळी.”

22 ईद केळकु आंदुर अचम्भति आदुर, अदकि आऊक बटिकु होटोदुर.

पुनरूथान इन वारा दा प्रश्न
(मरकुस १२:१३-१७; लूका २०:२०-२६)

23 अदा दनि सदूकी जो पुनरूथान इक मानसालुर, यीशु उन हात्ती बंदुर अदकि आऊन से केळदुर, 24 “हे गुरु, मूसा अंददिन का अगर यावारा मंळसा बनि औलाद सोतोदान, रा आऊन वारट आऊन हगिस उन सांगुळ मदा माळकु तान वारट उन साटी औलाद पैदा माळयान. 25 ईग नाम मान्या येळ वारटुर ईरोर; पयला मदा माळकु सोतोदुन, अदकि औलाद ईला आगदुर कारण तान रांडया हगिस उक तांद वारट उन साटी बटिकु बुदुन. 26 ईदा प्रकार देल दुसरा अदकि तसिरा भी माळदुन, अदकि येळु वारटुर ताका हगि अच आत. 27 आखरी दा सप्पा मुंदुरद बाददा आ आरत भी सोतोदुर. 28 इदुरसाटी जतिता आगदुर मा आ आरत येळु दा टु यारोर हगिस आदार? यतकी आक सप्पा मुंदुरद हगिस आगदुर.”

29 यीशु आंदुरी उत्तर कोटदुन, “नीव पवतिरशास्त्र अदकि परमेश्वर उन महमा जानसालीर; ई कारण नीव भूल दा बदिक् आईर. 30 यतकी जतिता आगदुर मा आंदुर न मदा माळयार अदकि न मदा दा कोटक आदार लेकीन स्वर्ग दा परमेश्वर उन स्वर्गादतगोळ घाई आदार. 31 लेकीन सोतत मंळसा अनद जतिता आगोद वारा दा येन नीव ईद वचन वाचुसीदील जो परमेश्वर नीम से अंदुन: 32 ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन? आव सोतत मंळसा नव आलच? लेकीन जतिता लॉकुरद परमेश्वर हुन.”*

33 ईद केळकु लॉकुर आऊंद उपदेश देल चकति आदुर.

सब से धोळद आग्या
(मरकुस १२:२८-३४; लूका १०:२५-२८)

34 याग फरीसीगोळ केळदुर का यीशु सदूकीगोळद वाय बंद माळ बुटदुन, रा आंदुर जमा आदुर. 35 आंदुर दा टु ऊंद यहूदी व्यवस्था अन शक्षिक यीशु उक परखुसोर साटी आऊक केळदुन, 36 “हे गुरु, व्यवस्था दा यातोद आग्या सब से धोळद आद?”

37 यीशु आऊन से अंदुन, “नीव परमेश्वर तान प्रभु से तान पुरा मन अदकि तान पुरा जीव अदकि तान पुरा बुद्धी इन सांगुळ प्यार ईट. 38 सब से धोळद अदकि मुख्य आग्या रा ईदा हुन. 39 अदकि अदुरदा घाई ईद दुसरा आग्या भी आद का नी तान मान्ना हातळोर से तान घाई प्यार ईट. 40 ईवा येदद आग्यागोळ पुरा व्यवस्था अदकि भवषियवक्तागोळद आधार आद.”

मसीह यार पार हुन?

(मरकुस १२:३५-३७; लूका २०:४१-४४)

41 याग फरीसी लॉकुर जमा ईरोर, रा यीशु आंदुर से केळदुन, 42 “मसीह अन्द बारा दा नीव येन सोचतीर? आव यार औलाद हुन?”

आंदुर यीशु उक अंदुर, “दाऊद ईनव.”

43 यीशु आंदुर से केळदुन, रा दाऊद आत्मा दा ईत्तकु आऊक प्रभु यती अनतान?

44 “प्रभु, नान प्रभु से अंदुन,

नान ऊम्मा कय दी कुर,

यागासताका का नाव नीद दुश्मनगोळी नीद काल इन ल्यालमा तंदकोमालेव.”*

45 “याग दाऊद आऊक प्रभु अनतान, रा आव आऊन पार ह्यांग आदान?” 46 इदुरद उत्तर दा याऊ भी ऊंद मात अन सकदिल. आ दनि टु यारीकु बाक आऊन से येनु केळोद हम्मिमत आगीदिल.

23

शास्त्रीगोळ अदकि फरीसीगोळ देल सावधान ईरी

(मरकुस १२:३८-३९; लूका ११:४३-४६; २०:४५-४६)

1 आग यीशु भीळ से अदकि तान चेलागोळ से अंदुन, 2 “न्याय कल्सावाळेर शास्त्री अदकि फरीसी मूसा अन्द गद्दी मा कुरतकु आर; 3 इदुरसाटी आंदुर नीम से जो येनारा अंदार अद माळतीर अदकि मानसेतीर, लेकीन आंदुर घाई क्याल्सा माळबाळतीर; यतकी आंदुर अंतार पर माळालुर.

4 आंदुर ऊंद भारी ओझा अक यदरी नेगोद मुश्कलि आद, कटकु अदरी मंळसागोळद खादा मा ईटतार; लेकीन खुद अदरी तान वेळल देल सरकुसोद चाहासालुर. 5 *आंदुर तान सप्पा क्याल्सा लॉकुरी तोरसोर साटी माळतार” आंदुर तान ताबीजगोळी चौळा माळतार अदकि तान कपळा अन्द झालर ऊदान माळतार ताकी लॉकुर आंदरी न्यायातमा समसुल.

6 आंदुर हावबगोळ दा मुख्य-मुख्य जागा हासलि माळोद चाहासतार, सभागोळ दा मुख्य-मुख्य आसनगोळ मा कुरोद चाहासतार.

7 सात्तागोळ दा आदर सत्कार चाहसोद, अदकि मंळसागोळ दा गुरु अंदकु आगोद आंदरी वळलीद हततद. 8 लेकीन नीव गुरु अनबाळतीर, यतकी नीमव ऊंदा गुरु आन, अदकि नीव सप्पा वारटुर हुईर.

9 पृथ्वी मा यारीकु आप्प अनबाळतीर, यतकी नीमव ऊंदा आप्प आन, जो स्वरग दा आन.

10 अदकि स्वामी भी अनबाळतीर, यतकी नीमव ऊंदा स्वामी आन, मतलब मसीह. 11 *जो नीम दा धोड्डेव आगव चाहास्यान आव नीमव सेवक आगुल. 12 *जो यावारा तान तान इक धोळ्द माळयान, आव स्याण माळकु आदान: अदकि जो यावारा तान तान इक नमूर माळयान, आव धोळ्द माळकु आदान.

यीशु उन द्वारा पाखंडीगोळ्द भतरसना

(मरकुस १२:४०; लूका ११:३९-४२, ४४, ५२; २०:४७)

13 *हे कपटी शास्त्रीगोळा अदकि फरीसीगोळा, नीम मा हाय! नीव मंळसागोळ साटी स्वरग इन राज्य अन्द दरवाजा बंद माळतीर, अदकि न रा खुद अदुरदा होगतीर अदकि न रा अदुरदा होगवाळेरी होगगोळालीर. 14 *हे कपटी शास्त्री अदकि फरीसीगोळा, नीम मा हाय! नीव रांड्यागोळ्द माननागोळी बरबाद माळ कोमतीर, अदकि आ लॉकुर दखावा माळोर साटी हापाळ होत ताका प्रार्थना माळतेला ईरतीर: इदुरसाटी नीमी यक्कुल दण्ड सकिकीत.

* 22:44 २२:४४ भजन संहिता ११०:१ * 23:5 २३:५ मत्ती ६:१ * 23:11 २३:११ मत्ती २०:२६, २७; मरकुस ९:३५; १०:४३, ४४; लूका २२:२६ * 23:12 २३:१२ लूका १४:११; १८:१४ * 23:14 २३:१४ ईद वचन हाळोद हस्तलेखगोळ दा सकाल्द

15 “हे कपटी शास्त्री अदकि फरीसीगोळा, नीम मा हाय, नीव ऊंद मळसा अक तान मत दा तरोरसाटी पुरा जल अदकि थल मा टेटतीर, अदकि याग आव नीम मत दा होट बरतान रा आऊक तान से येदद गुणा कपटी माळ कोमतीर.

16 “हे कुदद अगुवागोळा†, नीम मा हाय! जो अनतार क् अगुर यावारा मंदरि इन करिया तदिान रा येनु ईला, लेकीन अगुर यावारा मंदरि इन व्हान्ना अनद करिया तदिान रा अऊर देल कट्टोदान. 17 हे मूरखगोळा अदकि कुददगोळा, याव धोड्डेव आन; व्हान्ना या अद मंदरि यदुर देल व्हान्ना पवतिर आगतद? 18 वाक अनतीर क् अगुर यावारा वेदी इन करिया तदिान रा येनु ईला, लेकीन जो भेट अदुर मा आद, अगुर यावारा अदुरद करिया तदिान रा अदुर देल कट्टोदान. 19 हे कुददगोळा, याव धोड्डेव आन; भेट या वेदी यदुर देल भेट पवतिर आगतद? 20 इदुरसाटी जो वेदी इन करिया तनितान, आव अऊरद भी करिया तनितान जो आ वेदी मा आद. 21 जो मंदरि इन करिया तनितान, आव मंदरि अदकि अदुर दा ईरावाळा परमेश्वर उन भी करिया तनितान. 22 *जो स्वर्ग इन करिया तनितान, आव परमेश्वर उन सहिसन इन अदकि अदुर मा कुरावाळेरद भी करिया तनितान.

23 “हे कपटी शास्त्री अदकि फरीसीगोळा, नीम मा हाय, नीव पदीना, अदकि सौफ, अदकि जीरा अनद दसवा अंश रा कोळतीर, लेकीन नीव व्यवस्था अनद गंभीर मातगोळी मतलब न्याय, अदकि दया, अदकि विश्वास इक बटिबूटीर; आगली पायजे होता क् इवरी भी माळतेला ईरायदीर अदकि अवरी भी ईला बळियदरि. 24 हे कुदद अगुवागोळा, नीव मच्छर इक रा दुंदुस कोमतीर, लेकीन ऊँट इक तीन कोमतीर.

25 “हे कपटी शास्त्री अदकि फरीसीगोळा, नीम मा हाय, नीव वाटी अदकि तंळग्या अक म्याक म्याकुच टु रा ऊदतीर लेकीन अव बुळ्क करेव अदकि लालच खुद इन दा भला माळदुर दा तुमकु आव. 26 हे कुदद फरीसी, पयले कटोरा अदकि तंळग्या अक बुळ्क टु ऊदद क् अव व्हाऱ्या टु भी वळ्लेव काळसुल.

27 *हे कपटी शास्त्री अदकि फरीसीगोळा, नीम मा हाय, नीव चुना हज्द मटगोळ घाई आईर जो म्याकुच टु रा सुंदर काळसताव, लेकीन बुळ्क मुरदा अनद येतुगोळ अदकि सब प्रकार इन गंदगी देल तुमकु आव. 28 ईंदा रीत देल नीव भी म्याकुच टु मळसागोळी न्यायी काळस तोगतीर, लेकीन बुळ्क कपट अदकि बुराई देल तुमकु आईर.

शास्त्रीगोळ अदकि फरीसीगोळ मा दण्ड इन भवषियवाणी
(लूका ११:४७-५१)

29 “हे कपटी शास्त्री अदकि फरीसीगोळा, नीम मा हाय, नीव भवषियवक्तागोळ्द कब्रगोळी सुधारसतीर अदकि न्यायीगोळ्द कब्रगोळी सजुसतीर, 30 अदकि अनतीर, ‘अगुर नाव तान आज बाबागोळ्द जमानानोर ईरायदेव रा भवषियवक्तागोळी कोन्नोर दा भागीदार ईला ईरायदेव.’ 31 इदुर देल रा नीव खुद अच गवाही कोळतीर क् नीव भवषियवक्तागोळी कोन्नावाळेर औलाद हुईर. 32 इदुरसाटी नीव तान आज बाबागोळ्द पाप इन माळका पुरा तरीका देल तुमकोमी. 33 *हे हावगोळा, हे हावगोळ चकीरगोळा, नीव नरक इन दण्ड देल हयांग ऊळदीर? 34 इदुरसाटी नोळी, ना नीम हात्ती भवषियवक्तागोळ अदकि बुद्धमिानगोळी अदकि शास्त्रीगोळी कळ्ळतीन; अदकि नीव आंदुर दा टु यावारा अक कोंद बुट्टीर अदकि कूस मा येरसीर, अदकि यावारा तान सभागुहगोळ दा क्वाळा बळदीर अदकि ई नगर टु आ नगर दा जेडुतेला ओयाळीर. 35 याव न्यायी हाबील टु हुडुक बरिक्कियाह अनद पार जकरयाह ताका, यारी नीव मंदरि अदकि वेदी इन न्याड्या दा कोंद बुट्टीदीर, यास न्यायीगोळ्द खुन धरती मा वाहुसकु आग्याद अद सप्पा नीम ताल्ला मा बदिदीत. 36 ना नीम से खरा माताळतीन, ई सप्पा मातगोळ ईद समय इन लॉकुर मा बंदकु बदिदीत.

यीशु उन यरूशलेम इन साटी प्यार
(लूका ११:४७-५१)

37 “हे यरूशलेम, हे यरूशलेम! नी भवषियवक्तागोळी कोंद बुळत्या, अदकि जो नींद हात्ती कळ्ळु आग्यार, आंदुर मा कल्लगोळ देल हमला माळत्या. यास अनली ना चाहासदीन कि हयांग कोळी तान पाडडगोळी तान पकिागोळ्द ल्यालमा जमा माळतद, हांग अच ना भी नीन चकिोरगोळी जमा माळ कोमाईन, लेकीन नी चाहासीदलि. 38 नोळी, नीम मान्ना नीम साटी सुनसान बटिकु आगतद. 39 यतकी ना नीम से अनतीन कि ईंगी टु आगासताका नीव नानी बाक यागलु नोळतीदलि यागासताका नीव अनतीदलि, “धन्य आन आव, जो प्रभु अन्द हेसुर देल बरतान.”

24

मंदिर इन वनाश इन भवषियवाणी

(मरकुस १३:१-२; लूका २१:५-६)

1 याग यीशु मंदिर टु होटकु होगोन, रा आऊन चेलागोळ आऊक मंदिर इन रचना तोरसोर साटी आऊन हात्ती बंदुर. 2 यीशु आंदुर से अंदुन, “नीव ईद सपपा नोळेतीर ना! ना नीम से खरा माताळतीन, ईल कल्ल मा कल्ल भी ईला बळितीदील जो मळ्ळसकु आगतीदील.”

संकट अदकि क्लेश

(मरकुस १३:३-१३; लूका २१:७-१९)

3 याग यीशु जैतून पहाळी मा कुरतकु ईरोन, रा चेलागोळ आवना अंदा आऊन हात्ती बंदकु अंदुर, “नामी हेळ कि ई सब मातगोळ याग आदव? नीन बरोद अदकि दुनया अन्द आखरी इन येन चमत्कार ईत्तीत?”

4 यीशु आंदरी उत्तर कोट्टुन, “सावधान ईरी! याऊ नीमी भरमुस बाळ्ळ, 5 यतकी हापाळ सा लाँकुर हगि ईत्तार जो नान हेसुर देल बंदकु अंदार, ‘ना मसीह हुईन,’ अदकि हापाळ मुंदरी भरमुस्यार. 6 नीव लळाईगोळ मातचीत केळीर अदकि लळाईगोळ्द बारा दा अफवाह केळीर, रा घबरूस बाळेतीर यतकी इदुद आगोद जरूरी आद, लेकीन आ समय दा अन्त आगतीदील. 7 यतकी द्याश मा द्याश, अदकि राज्य मा राज्य चढाई माळेव, अदकि हर जागा दा अकाल बदिदव, अदकि भूकम्प आदव. 8 ईव सपपा मातगोळ दुखगोळ्द सूरवात माळेव.”

9 आग आंदुर क्लेश कोळोर साटी नीमी हुळसुसकु सोपस्यार, अदकि नीमी कोंद बुट्टार, अदकि नान हेसुर इन कारण सपपा जातीगोळ लाँकुर नीम से दुश्मनी ईट्यार. 10 आग हापाळ सा लाँकुर टोकर तदार, अदकि आवुर दाबुर हुळसुस्यार, अदकि आवुर दाबुर से दुश्मनी ईट्यार. 11 हापाळ सा ख्वाटा भवषियवक्तागोळ बंदार, अदकि हापाळ मुंदरी भरमुस्यार. 12 अन्याय इन वाळ्ळसदुर देल हापाळ मुंदुर प्यार ठंडा बदिदीत, 13 लेकीन जो आखरी ताका धीरज हुळकु ईत्तान, आऊदा उद्धार आदीत. 14 अदकि राज्य इन ईद खुशखबरी पुरा दुनया दा प्रचार माळकु आदीत, कि सपपा जातीगोळ मा गवाही आगुल, आग अन्त होट्ट बंदीत.

महासंकट इन सूरवात

(मरकुस १३:१४-२३; लूका २१:२०-२४)

15 “इदुरसाटी याग नीव आ उज्जुसावाळा बेकार वस्तुगोळ्द यदुरद चर्चा दानयियेल भवषियवक्ता अन्द द्वारा आगीत, पवतिर जागा दा नीदुरकु आद हगि नोळी, वाचुसावाळा खुद अच समसुल कि ईदुर येन मतलब आद. 16 आग जो यहूदिया प्रदेश दा ईतीदार आंदुर पहाळगोळ मा ओळेगुल. 17 जो छत मा ईतीदार, आव तान मान्ना दा टु सामान ताकोमली ईळ्ळुवाळ्ळु; 18 अदकि जो केई दा ईतीदार, आंदुर तान कपळा ताकोमली हदि होगबाळ्ळुल. 19 आ आर्तर साटी हाय जो आ दनिगोळ दा व्हाट्या दी ईत्तार अदकि जो हाल कळ्ळसतेला ईत्तार! 20 प्रारथना माळतेला ईरी कनीमी सोळ इन दनिगोळ दा या आराम इन दनि ओळोद बळिवाळ्ळुल. 21 यतकी

☆ 24:9 २४:९ मत्ती १०:२२

☆ 24:13 २४:१३ मत्ती १०:२२

☆ 24:17 २४:१७ लूका १७:३१

☆ 24:21 २४:२१

आ समय दा हागि भारी क्लेश आदीत, जसा न रा दुनिया अनन्द सूरवात टु ईग ताका आगदील अदकि न यागलु आदीत. * 22 अदकि अगर परमेश्वर आ दनिगोळी घट्टसोद नशिचय ईला माळायदुन रा ऊंद भी जीव ईला ऊळाईत, लेकीन तान नविळुसद लॉकुर साटी आव दनिगोळी गोरत माळयान.

23 “आ समय अगर यावारा नीम से अनुल, ‘नोळी, मसीह इल आन’ या ‘आव अल आन,’ रा वशिवास माळबाळेतीर. 24 यतकी खवाटा मसीह अदकि खवाटा भवषियवक्ता यदकु नदिर्यार, अदकि धोळद चनिह, अदकि लॉकुरी धवाका कोळोर साटी अदभुत क्यालसा तोरस्यार की अगर आग सकुल रा नविळुसकु आग्यार आंदरी भी बैकुश बुळुल. 25 नोळी, ना नीमी सप्पा मातगोळ पयले टु ना हेळ बुटीन.”

26 * “इदुरसाटी अगर आंदुर नीम से अनुल, ‘नोळी, आव आळी दा आन,’ रा व्हार्या होळबाळेतीर; या ‘नोळी, आव कोठरीगोळ दा आन,’ रा वशिवास माळबाळेतीर. 27 यतकी जसा सूर्य अनन्द करिण पूरव टु होटकु पश्चमि ताका चमकुसतद, हांग अच मंळसा अन पार उन भी बरोद आदीत.”

28 * “यल लाश ईत्तीत, अल्या गीधाळ जमा आदव.” *

मंळसा अन पार उन दुवारा बरोद
(मरकुस १३:२४-२७; लूका २१:२५-२८)

29 * अचानक आ दनिगोळ दा क्लेश इन तुरन्त वाद्दा सूर्य अनुधकारमय आगेदीत, अदकि चन्द्रमा अनन्द प्रकाश होगतेला ईत्तीत, अदकि तारा आकाश टु बीळतेला ईत्तव अदकि आकाश इन शक्तगोळी हालुसकु आदीत. 30 * आग ना मंळसा अन पार उन चनिह आकाश दा काळसीत, अदकि आग पृथ्वी इन सप्पा कुलगोळ लॉकुर याद्दा पीटस्यार; अदकि मंळसा अन पार उक धोळद सामरथ्य अदकि महमिा अन सांगुळ आकाश इन बादलगोळ मा बरतेला नोळ्यार. * 31 आव तुरही इन धोळद आवाज इन सांगुळ तान स्वर्गदूतगोळी कळयान, अदकि आंदुर आकाश इन ईद छोर टु आ छोर ताका, नाकु क्वाना टु आऊन नविळुसद लॉकुरी जमा माळ्यार.

अंजीर इन मार्र इन उदाहरण
(मरकुस १३:२८-३१; लूका २१:२९-३३)

32 “अंजीर इन मार्र देल ईद शकिषा ताकोमी: याग अदुरद डगाली मुलायम आगताव अदकि याल्ला होळली कुरताव, रा नीव जान्स कोमतीर की बसिल इन दनि हात्ती आद. 33 ईदा रीत देल याग नीव ईव मातगोळी आगतेला नोळीर, रा जान्स कोमी की अद दरवाजा मा का आद*, अदकि अद दरवाजा मा का आद. 34 ना नीम से खरा अनतीन की यागासताका इव सप्पा मातगोळ पुरा आगालव, आगासताका ईद पीढी इन अन्त आगतीदील. 35 आकाश अदकि पृथ्वी टलुसेदति, लेकीन नान मातगोळ यागलु टलुसतीदलि.”

अनजान दनि अदकि समय
(मरकुस १३:३२-३७; लूका १७:२६-३०,३४-३६)

36 “लेकीन आ दनि अदकि आ समय इन बारा दा यारू जान्सालुर, न स्वर्गदूतगोळ अदकि ना मंळसा अन पार, लेकीन सर्फि आप्प जान्सतान.” 37 “हयांग नूह अन दनि ईरव, हांग अच मंळसा अन पार उन भी बरोद आदीत. 38 हयांग नीर इन बाळ बरा से पयला अनन्द दनिगोळ ताका लॉकुर तति-कुडुत ईत्तुर, अदकि मदा माळत ईत्तुर यागासताका नूह जहाज मा येरीदलि. 39 अदकि यागासताका जल प्रलय बंदकु आ सप्पा मुंदरी वाहुसकु ओतीदलि, आगासताका आंदरी येनु उच पता नळददिल; हांग अच मंळसा अन पार उन भी बरोद आदीत. 40 आ समय दा येदह मुंदुर केई

* 24:21 २४:२१ दानयियेल १२:१; प्रकाशतिवाक्य ७:१४ * 24:26 २४:२६ लूका १७:२३,२४ * 24:28 २४:२८ लूका १७:३७ * 24:28 २४:२८ लूका १७:३७ * 24:29 २४:२९ प्रकाशतिवाक्य ६:१२; प्रकाशतिवाक्य ६:१३ * 24:30 २४:३० प्रकाशतिवाक्य १:७ * 24:30 २४:३० दानयियेल ७:१३; जकर्याह १२:१०-१४ * 24:33 २४:३३ समय हात्ती बरेत्याद

दा क्यालसा माळत ईत्तार, ऊंद नेगुकु आदान अदकि दुसरा बटिकु आदान. 41 येदूढ आर्तेर जाता दा पीसुसतेला ईत्तार, ऊंद नेगुकु आदार अदकि दुसरा बटिकु आदार”

42 “इदुरसाटी जागसतेला ईरी, यतकी नीव जानसालीर क्नी नीम प्रभु याता दशिी बंदान. 43 *लेकीन ईद जान्स कोमी क्नी अगर् मानना अन्द स्वामी जान्स कोमायदुन क्नी चोर यास मुरा बंदान रा च्याता ईरायदुन, अदकि तान मानना अन काळलपनी ईला आग गोळायदुन. 44 इदुरसाटी नीव भी तयार ईरी, यतकी याता घळी आऊन बरोद बारा दा नीव सोच भी सकालीर, अदा घळी मंळसा अन पार होट बंदान.”

वशिवासयोग्य दास अदकि दुष्ट दास
(लूका १२:४१-४८)

45 “इदुरसाटी आव वशिवासयोग्य अदकि बुद्धमिान दास याव हुन, यारी स्वामी तान नौकर-चाकरगोळ मा अधकारी ठहूसदुन क्नी समय मा आंदरी ऊमली कोळुल? 46 धन्य आन आव दास, यारी आऊन स्वामी बंदकु हगि अच माळतेला नोळुल. 47 ना नीम से खरा अनतीन, आ स्वामी आऊक तान सप्पा सपत्ती मा अधकारी नयिकुत माळयान.” 48 लेकीन अगर् आ दुष्ट दास ईद सोचुल क्नी नान स्वामी इक बरली समय आद, 49 अदकि तान संगी दासगोळी बडुली हतुल, अदकि सारा कुडावाळेर सांगुळ तनिल-कुडुल. 50 रा आ दास उन स्वामी ईत्ता दनि दा बंदान, याग आव आऊन हादी ईला कायतीदान, अदकि हगि समय यदरी आव जानसालुन, 51 आग स्वामी आऊक कटोर दण्ड कोट्टान अदकि आऊन पापगोळी कपटीगोळ सांगुळ आळदान: यल लॉकर सर्फि वरलतोदार अदकि हल्ल कचतोदार.

25

हत्त कुवारा पोरगोळ्द उदाहरण

1 *स्वर्ग इन राज्य आ हत्त कुवारा पोरगोळ घाई ईत्तीत जो तान मशाल हुडुकु मंळगार से भेट माळली होटार. 2 आंदुर दा टु अईद मूर्ख अदकि अईद समझदार ईरोर. 3 आ अईद मूर्ख पोरगोळ तान मशालगोळ रा हुळदुर, लेकीन तान सांगुळ याण्णा हुळदीदलि; 4 लेकीन समझदार पोरगोळ तान मशालगोळ सांगुळ तान चाळीगोळ दा याण्णा भी तुम कोंडुर. 5 याग मंळगार उक बरली समय आत्त, रा आंदुर सप्पा पोरगोळ जपसली कुरतुर अदकि मगिदुर.”

6 “आर्धा ईळलक इक धूम मचुस्त: ‘नोळी, मंळगार बरतयान! आऊन से भेट माळोर साटी नळी.’ 7 आग आंदुर सप्पा कुवारा पोरगोळ यदकु तान मशालगोळी ठीक माळली कुरतुर. 8 अदकि मूर्ख पोरगोळ समझदार पोरगोळ से अंदुर, ‘तान याण्णा दा टु थुवाळासा नामी भी कोळी, यतकी नाम मशालगोळ नूनेत्याव.’ 9 लेकीन समझदार पोरगोळ उत्तर कोट्टुर, ईला! नाव कोळ सकालेव. कदाचित ईद नाम अदकि नीम साटी पुरा आगदिल, भला रा ईद आद क्नी नीव याण्णा मारावाळेर हात्ती होगकु तान साटी कोंडुकु तंदकोमी.’ 10 याग आंदुर याण्णा कोमोर साटी होगोर रा मंळगार होटबंदुन, अदकि जो तयार ईरोर, आंदुर आ मंळगार उन सांगुळ यल मदा आगताव आ मान्ना दा होटोदुर अदकि दरवाजा बंद माळकु आगीत.”

11 *इदुर वाद्दा आंदुर दुसरा कुवारा पोरगोळ भी बंदकु अनली कुरतुर, ‘हे स्वामी, हे स्वामी, नाम साटी दरवाजा तेरू अदकि नामी बुळक बरगोळ!’ 12 आ मंळगार उत्तर कोट्टुन, ‘ना नीम से खरा अनतीन, ना नीमी अरालीन:”

13 इदुरसाटी जागसतेला ईरी, यतकी नीव न आ दनि इक जानसतीर, न आ समय इक.*

मुर दासगोळ्द उदाहरण
(लूका १९:११-२७)

14 *स्वर्ग इन राज्य आ मंळसा अन्द घाई ईत्तीत याव परदेश होगाहोती तान दासगोळी

कारकू तान धन आंदरी सौपस बूटदुन. 15 आव पयला अक अईद हजार व्हान्ना अन सक्कागोळ कोटदुन, दुसरा अक येद्व, अदकि तीसरा अक ऊंद; मतलब हर ऊंद मंळसा अक आऊन सामरथ्य इन अनुसार कोटदुन, अदकि आग परदेश होटोदुन. 16 आग, याऊक अईद हजार व्हान्ना अन सक्कागोळ सक्कीदव, आव तुरन्त होगकू सक्कागोळ देल लेन देन माळदुन, अदकि अईद हजार सक्का मात्त कमसुदुन. 17 ईदा रीती देल याऊक येद्व हजार सक्कागोळ सक्कीदव, आव भी येद्व हजार सक्कागोळ मात्त कमसुदुन. 18 लेकीन याऊक ऊंद हजार व्हान्ना अन सक्कागोळ सक्कीदव, आव होगकू मुण्ण अगुळदुन, अदकि तान स्वामी इन धन मुण्ण दा होचकु ईटदुन.”

19 “हापाळ दनि इन बाददा आ दासगोळ्द स्वामी बंदकु आंदुर से हसिाव ताकोमली कुरतुन. 20 याऊक अईद हजार व्हान्ना अन सक्कागोळ सक्कीदव, आव अईद हजार सक्कागोळ मात्त तनकु अंदुन, हे स्वामी, नी नानी अईद हजार व्हान्ना अन सक्का कोटीद, नोळ, ना अदुर मा अईद हजार सक्कागोळ मात्त कमसीन.’ 21 आऊन स्वामी आऊन से अंदुन, ‘शाब्वास, हे वळ्लेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधकिरी माळाईन. तान स्वामी इन खुशी दा सहभागी आग.’”

22 “अदकि याऊक येद्व हजार सक्कागोळ सक्कीदव, आव भी बंदकु अंदुन, हे स्वामी, नी नानी येद्व हजार सक्कागोळ सौपसीद, नोळ, ना येद्व हजार सक्कागोळ मात्त कमसुदनि.’ 23 आऊन स्वामी आऊन से अंदुन, ‘शाब्वास, हे वळ्लेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधकिरी माळाईन. तान स्वामी इन खुशी दा सहभागी आग.’

24 “आग याऊक ऊंद हजार व्हान्ना अन सक्कागोळ सक्कीदव, आव बंदकु अंदुन, हे स्वामी, ना नीनी अरूतीन कनि कठोर मंळसा आय: नी यल टु बोऊसाल अल टु कडुत्या, अदकि यल बीजा हाकाल अल टु ताकोमत्या. 25 इदुरसाटी ना अंजेदीन अदकि होगकू नीन व्हान्ना अन सक्कागोळ मुण्ण दा होचकु इटदीन. नोळ, जो नींद आद, अद ईद हुन.’”

26 आऊन स्वामी आऊक उत्तर कोटदुन, “हे दुष्ट अदकि आलसी दास, याग नी ईद जानसुया क्क यल ना बोऊसीदल अल टु कडुतीन, अदकि यल ना बीजा हाकीदील अल टु ताकोमतीन; 27 आग नी ईद माळाईद कानान धन सावकार उन हात्ती ईट बुळाईद, आग ना बंदकु तान धन ब्याज समेत आऊन से ताकोम कोमायदीन. 28 इदुरसाटी आऊन से अव ऊंद हजार सक्कागोळ ताकोमकोमी, अदकि यार्द हात्ती हत्त हजार सक्कागोळ आव, आऊक कोटबुळी. 29 यतकी यार हात्ती आद, आऊक मात्त कोटकु आदीत; अदकि आऊन हात्ती हापाळ आगेदीत: लेकीन याऊन हात्ती हल्लेच, आऊन से अद भी जो आऊन हात्ती आद, ताकोमकु आदीत. 30 *अदकि ई नकिम्मा दास उक व्हाग्या अंधार दा हाक्क बुळी, यल वोरलोद अदकि हल्ल कच्चोद आदीत.”

आखरी न्याय

31 *याग मंळसा अन पार तान महमिा दा बंदान अदकि सपपा स्वरगदूत आऊन सांगुळ बंदार, रा आव तान महमिा अन्द सहासन मा वरिाजमान आदान. 32 अदकि सपपा राज्य अन लॉकुर आऊन मुंद जमा माळकु आदार; अदकि ह्यांग चरवाह लांडग्यागोळी मरगोळ से अलग माळ बुळतान, हांग अच आव आंदरी आबुर दाबुर से अलग माळयान. 33 आव लांडग्यागोळी ऊम्मा कय मा अदकि मरगोळी डाक्या कय मा नीदरूसयान. 34 आग राजा तान ऊम्मा कय दी नीदरावाळेर से अंदान, हे नांद आप्प उन धन्य लॉकुरा, बरी, आ राज्य अन्द अधकिरी आगेगी, जो दुनया अन्द पयला टु उच नीम साटी तयार माळकु आग्याद. 35 यतकी ना हस्तकु ईरीन, अदकि नीव नानी तनिली कोट्टीर; ना नरिळकु ईरीन, अदकि नीव नानी नीर कुळसदीर; ना अनजान ईरीन, अदकि नीव नानी ताम मान्या ईटदीर; 36 ना ऊगळा ईरीन, अदकि नीव नानी कपळा हाक्सुसदीर; ना

* 25:29 २५:२९ मत्ती १३:१२; मरकुस ४:२५; लुका ८:१८ * 25:30 २५:३० मत्ती ८:१२; २२:१३; लुका १३:२८ * 25:31 २५:३१ मत्ती १६:२७; मत्ती १९:२८

बमिर ईरीन, अदकि नीव नान देखभाल माळदीर, ना बंदीगूह दा ईरीन, अदकि नीव नान से भेट ताकोमली बंदीर.

37 “आग न्यायी लॉकुर आऊक उत्तर कोट्टार, हे प्रभु, नाव याग नीनी हस्तकु नोळदेव अदकि तीनसदेव? या नरिळ्कु नोळदेव अदकि नीर कुळसदेव? 38 नाव याग नीनी अनजाना नोळदेव अदकि तान मान्या ईटदेव? या ऊगळा नोळदेव अदकि कपळा हाक्सुसदेव? 39 नाव याग नीनी बमिर या बंदीगूह दा नोळदेव अदकि नीन से भेट माळली बंदेव?” 40 आग राजा आंदरी उत्तर कोट्टान, “ना नीम से खरा अनतीन का नीव जो नान स्यांळद से स्यांळद वारटुर दा टु यावारा ऊंद मंळसा अन्द सांगुळ माळदीर, अद नांदा सांगुळ माळदीर.”

41 “आग आव डाक्या कय दी नीदरावाळेरे से अंदान, हे शापति लॉकुरा, नान मुंद टु अद अनन्त वेक्की दा होटोगी, जो शैतान अदकि आऊन दूतगोळ साटी तयार माळ्कु आग्याद. 42 यतकी ना हस्तकु ईरीन, अदकि नीव नानी तनिली कोटीदील; ना नरिळ्कु ईरीन, अदकि नीव नानी नीर कुळसदील; 43 ना अनजाना ईरीन, अदकि नीव नानी तान मान्या ईटीदील; ना ऊगळा ईरीन, अदकि नीव नानी कपळा हाक्सुसीदील; ना बमिर अदकि बंदीगूह दा ईरीन, अदकि नीव नान देखभाल माळीदील.”

44 “आग आंदुर उत्तर कोट्टार, हे प्रभु, नाव नीनी याग उपासा, या नरिळ्कु, या परदेशी, या ऊगळा, या बमिर, या बंदीगूह दा नोळदेव, अदकि नींद स्यावा टहल माळीदलि?” 45 आग आव आंदरी उत्तर कोट्टान, “ना नीम से खरा अनतीन का नीव जो ई स्यांळद टु स्याणेर दा टु यावारा ऊंद मंळसा अन सांगुळ माळीदलि, अद नांद सांगुळ भी माळीदलि.” 46 अदकि इंदुर अनन्त दण्ड भोगसोर साटी कळ्कु आदार लेकीन न्यायी लॉकुर अनन्त जीवन दा प्रवेश माळ्यार.”

26

यीशु उन खलिाप साजीश

(मरकुस १४:१-२; लूका २२:१-२; यूहन्ना ११:४५-५३)

1 याग यीशु इव सप्पा मात अंद बुट्टुन रा तान चेलागोळ से अनली कुरतुन, 2 “नीव जान्सतीर का येद्व दनि इन बाद्दा फसह अन्द हाब्व आद, अदकि मंळसा अन्द पार कूस मा येरसोर साटी हुळसुसकु आदान.”*

3 आग प्रधान याजक अदकि प्रजा अन्द पुरनिए कैफा हेसुर इन महायाजक उन भवन दा जमा आदुर, 4 अदकि आपस दा वचिार माळली कुरतुर का यीशु उक गुप्त तरीका देल हुळ्कु कोंद वुटेव. 5 लेकीन आंदुर अनतोगोर, “हाब्वा अन समय दा ईला, ईलारा हगि आगबाळुल का लॉकुर दा दंगा फसाद आगेगुल.”

वैतनयियाह दा यीशु उन अभषिक

(मरकुस १४:३-९; यूहन्ना १२:१-८)

6 याग यीशु वैतनयियाह दा शमीन कोदी इन मान्या ईरोन, 7 *रा ऊंद आर्त संगमरमर इन बाटुल दा बार ईत्तर हुळ्कु यीशु उन हात्ती बंदुर, अदकि याग आव ऊमोर साटी कुरतीदुन रा आऊन ताल्ला मा ऊलटुसदुर. 8 ईद नोळ्कु आऊन चेलागोळी सट्टि बत्त अदकि आंदुर अनली कुरतुर, “ई ईत्तर येती बरबाद माळ्कु आग्याद? 9 इदरी रा वळ्लीद दाम दा मारकु कंगालगोळ दा वाटस्कु आग सकोद.”

10 ईद जानसकु यीशु आंदुर से अंदुन, “आ आर्त इक येती सतुसतीर? आक नान साटी भलाई इन क्याल्सा माळ्यार. 11 कंगाल रा नीम सांगुळ हमेशा ईरतार, लेकीन ना नीम सांगुळ हमेशा ईर सकालीन. 12 आक नान मय मा जो ईत्तर हाक्यार, अद नान सोत्तुर बाद्दा नळसकु आगोद तयारी हुन. 13 ना नीम से खरा माताळतीन, का सप्पा दुनया दा येल्थारा भी ईद खुशखबरी प्रचार माळ्कु आदीत, अल आकनि ईद क्याल्सा अन्द वर्णन भी आकनि याद दा माळ्कु आदीत.”

* 26:2 २६:२ नरिगमन १२:१-७ * 26:7 २६:७ लूका ७:३७,३८

यहूदा इसकरयिती इन वशिवासघात
(मरकुस १४:१०-११; लूका २२:३-६)

14 आग यहूदा इसकरयिती, जो हननेळ चेलगोळ दा टु ऊंद ईरोन, प्रधान याजकगोळद हातूती होदुन, 15 अदकि आव अंदुन, “अगर ना आऊक नीम कय दा हळसुस कोळाईन रा नानी येन कोट्टीर?” आंदुर आऊक तीस चाँदी नव सक्किगोळ आळुकु कोट बुदुर. 16 अदकि आव अदा समय टु आऊक हळसुसोद सही मवका दुंदसली कुरतुन.

चेलगोळद सांगुळ फसह हाब्व इन आखरी भोज
(मरकुस १४:१२-२१; लूका २२:७-१३, २१-२३; यूहनना १३:२१-३०)

17 अखमीरी रोट्टी इन हाबवा इन पयला दनि, चेलगोळ यीशु उन हातूती बंदकु केळली कुरतुर, “नी येन चाहासत्या कनिाव नींद साटी फसह तनिोद तयारी माळेव?”

18 यीशु अंदुन, “नगर दा अमुक मंळसा अनंद हातूती होगकु आऊन से अनी, ‘गुरु अनेत्यान कनिांद समय हातूती आद. ना तान चेलगोळद सांगुळ नीन मान्या फसह हाब्व मानसाईन.’”

19 इदुरसाटी चेलगोळ यीशु उन आग्या स्वीकार माळदुर अदकि फसह तयार माळदुर.

20 याग द्याव आत रा आव हननेळ चेलगोळ सांगुळ ऊमली कुरतीदुन. 21 याग आंदुर तीनोर रा यीशु अंदुन, “ना नीम से खरा अनतीन कनिीम दा टु ऊंद नानी हळसुस्यान.”

22 इदुर मा आंदुर च्याच उदास आदुर, अदकि हर ऊंद चेला यीशु से केळली कुरतुन, “हे गुरु, येन आव ना हुईन?”

23 यीशु उत्तर कोट्टुन, “आव जो नान सांगुळ तंळग्या दा ऊमतान, आवा नानी हळसुसकु सोपस्यान. 24 ना मंळसा अनंद पार ह्यांग नान बारा दा शास्त्र दा लखिसकु आद, अद आदीत अच; लेकीन आ मंळसा अनंद साटी शोक आद याऊन दवारा मंळसा अन पार हळसुसकु आदान: अगर आ मंळसा अनंद जनम अच ईला आगाईत, रा आऊन साटी भला आगाईत.”*

25 आग यीशु उक हळसुसकु सौपसावाळा यहूदा अंदुन, “हे गुरु, येन आव ना हुईन?”

यीशु आऊन से अंदुन, “नी रा अंदबुट.”

पूरभु भोज

(मरकुस १४:२२-२६; लूका २२:१४-२०; १ कुरनिथि ११:२३-२५)

26 “याग आंदुर ऊमोर रा यीशु रोट्टी ताकोडुन, अदकि आशीष वेळकु मुरदुन, अदकि चेलगोळी कोटकु अंदुन, हुडी, तनिी; ईद नांद मय हुन.”

27 बाक यीशु कटोरा हळकु धन्यवाद माळदुन, अदकि आंदरी कोटकु अंदुन, “नीव सप्पा लॉकुर इदुर दा टु कुडी, 28 यतकी ईद वाचा अनंद नान अद रक्ता हुन, जो सप्पा लॉकुर पापगोळ माफ अनंद साटी वाहुसकु आगतद. 29 ना नीम से खरा अनतीन कनिांगुर इन ईद रास्सा आ दनि ताका यागलु कुढालीन, यागासताका नीम सांगुळ तान आप्प उन राज्य दा व्हाशोद रास्सा कुडू कोमालीन.”

30 बाक आंदुर भजन हाळत-हाळत जैतून पहाळी मा होदुर.

पतरस उन इनकार इन भवषियवाणी

(मरकुस १४:२७-३१; लूका २२:३१-३४; यूहनना १३:३६-३८)

31 आग यीशु चेलगोळ से अंदुन, “नीव सप्पा मुंदुर ईदल्या ईळलक इक नांद बारा दा टोकर तदिर, यतकी शास्त्र दा लखिसकु आद: ‘ना चरवाह अक कोनाईन, अदकि झुण्ड इन म्यांडागोळ ततिर-बतिर आगोदव.’* 32 *लेकीन ना तान जत्तिता आगदुर बाददा नीम से पयले गलील इक होगाईन.”

33 इदुर मा पतरस यीशु से अंदुन, “अगर सप्पा मुंदुर नीन बारा दा टोकर तदिर रा तदिर, लेकीन ना यागलु टोकर तनितीदील.”

* 26:24 २६:२४ भजन संहिता २२:७-८; यशायाह ५३:९

* 26:31 २६:३१ जकर्याह १३:७

* 26:32 २६:३२ मत्ती

34 यीशु आऊन से अंदुन, “ना नीन से खरा अनतीन का ईदलया ईळ्लकी हुंज इन कुग्गोर से पयले, नी मूर घन नांद इनकार माळया.”

35 पतरस यीशु से अंदुन, “अगर नानी नीन सांगुळ सायोद भी बदिदीत, तरी ना नींद यागलु इनकार माळतीदील.” अदकि हगि अच सप्पा चेलागोळ भी अंदुर.

गतसमनी दा प्रार्थना

(मरकुस १४:३२-४२; लूका २२:३९-४६)

36 आग यीशु तान चेलागोळद सांगुळ गतसमनी हेसुर इन ऊंद जागा दा बंदुन अदकि तान चेलागोळ से अनली कुरतुन, “ईलया कुरतकु ईरेतीर, आगासताका ना अल होगकु प्रार्थना माळतीन.” 37 यीशु पतरस अदकि जब्दी इन येददु पारगोळी सांगुळ ओतुन, अदकि उदास अदकि व्याकुल आगली कुरतुन. 38 आग यीशु आंदुर से अंदुन, “नान मन च्याच उदास आद. इल ताका का नान जीव होळतेला आद. नीव ईलया ठहूसी अदकि नांद सांगुळ च्याता ईरी.”

39 बाक यीशु ध्वाळासा मातत मुंद होगकु बाय इन भार देल बदिदुन, अदकि ईद प्रार्थना माळदुन, “हे नांद आप्पा, अगर आग सकुल रा ईद संकट नान मा टु टलसेगुल, तौभी ह्यांग ना चाहासतीन हांग ईला, लेकीन ह्यांग नी चाहासत्या हांग अच आगुल.”

40 बाक यीशु चेलागोळद हात्ती बंदकु आंदरी मगितेला नोळदुन अदकि पतरस से अंदुन, “येन नीव नान सांगुळ ऊंद घळी भी च्याता ईला ईर सकीर? 41 नीव परीक्षा दा बळितीदील इदुरसाटी च्याता ईरी, अदकि प्रार्थना माळतेला ईरी: आत्मा रा तयार आद, लेकीन शरीर कमजोर आद.”

42 बाक यीशु दुसरा बार होगकु ईद प्रार्थना माळदुन, “हे नांद आप्पा, अगर ईद नांद कूढा बनिा ईला हटसतीदाद रा नींद इच्छा पुरा आगुल.” 43 आग यीशु बंदकु आंदरी मातत मगितेला नोळदुन, यतकी आंदुरव कणणगोळ जप देल तुमकु ईरव.

44 आंदरी बटिकु यीशु मातत होटोदुन, अदकि अवा आवाजगोळ दा मातत तीसरा बार प्रार्थना माळदुन. 45 आग यीशु चेलागोळद हात्ती बंदकु आंदुर से अंदुन, “ईग मगितेला ईरी, अदकि आराम माळी: नोळी, घळी होट बंदाद, अदकि ना मंळसा अन्द पार पापीगोळ कय देल हुळसुसकु आगाईन.

46 येळी, होगता; नोळी, नानी ध्वाका देल हुळसुसकु सौपसावाळा नान हात्ती होट्ट बंदान.”

यीशु उन ध्वाका देल हुळसुसकु आगोद

(मरकुस १४:४३-५०; लूका २२:४७-५३; यूहन्ना १८:३-१२)

47 यीशु ईद अनतेला अच ईरोन का यहूदा जो हन्नेळ चेलागोळ दा टु ऊंद ईरोन बंदुन, अदकि आऊन सांगुळ प्रधान याजकगोळ अदकि लॉकुरद पुरनयागोळ दी टु धोळ भीळ तलवारगोळ अदकि कोलगोळ हुळकु बंदुर. 48 यीशु उक हुळसुसावाळा आंदरी ईद संकेत कोटीदुन: “यार्द ना चुम्मा ताकोमाईन आवा हुन; आऊक हुडु कोमेतीर.”

49 अदकि तुरन्त यीशु उन हात्ती बंदकु अंदुन, “हे गुरु, नमस्कार!” अदकि आऊंद हापाळ चुम्मा ताकोडुन.

50 यीशु आऊन से अंदुन, “हे संगी, या क्याल्सा अन्द साटी नी बंद्या, अदरी माळकोम.”

आग आंदुर हात्ती बंदकु यीशु मा कय हाकदुर अदकि आऊक हुडुकोडुर. 51 यीशु उन संगीगोळ दा टु ऊंद संगी कय मुंद माळकु तान तलवार जेडु कोडुन अदकि महायाजक उन दास मा नळसकु आऊन कवि हारस बुट्टुन. 52 आग यीशु आऊन से अंदुन, “तान तलवार मयान दा ईट कोम यतकी जो तलवार नळसतार आंदुर सप्पा मुंदुर तलवार देल नाश माळकु आदार. 53 येन नी जानुसाल का ना तान आप्पा उन से वनिती माळ सकतीन, अदकि आव स्वर्गादूतगोळद हन्नेळ पलटन से यक्कुल नान हात्ती ईगल्या उपस्थिति माळ बुटान? 54 लेकीन पवतिरशास्त्र नव अव मातगोळ का हगि अच आगोद जरूरी आद, ह्यांग पुरा आदव?”

55 *आ समय यीशु भीळ से अंदुन, येन नीव तलवारगोळ अदकि कोलगोळी हळकु नानी डाकूगोळ घाई हुडुली होतीर? ना हर रोज मंदिर दा कुर्तकु उपदेश कोळतोगीन, आग रा नीव नानी हळददिल.

56 “लेकीन ई सप्पा इदुरसाटी आग्याद कभिवषियवक्तागोळ्द वचन पुरा आगुल.” आग सप्पा चेलागोळ यीशु उक बटिकु वोळेदुर.

महासभा अनंद मुंद यीशु

(मरकुस १४:५३-६५; लूका २२:५४-५५, ६३-७१; यूहनना १८:१३-१४, १९-२४)

57 आग यीशु उक हुडावाळेर आऊक कैफा हेसुर इन महायाजक उन हात्ती ओतुर, यल नयिम इन गुरु अदकि पुरवजगोळ जमा आगीदुर. 58 पतरस दुर दुर टु उच आऊन हदि-हदि महायाजक उन आंगुळ ताका होदुन, अदकि बळुक होगकु यीशु उन अनत नोळली सपिाहीगोळ सांगुळ कुरतोदुन. 59 पूरधान याजक अदकि सप्पा महासभा यीशु उक कोननोर साटी आऊन वरिध दा खवाटा गवाही इन खोज दा ईरोर, 60 लेकीन हापाळ सा खवाटा गवाहगोळ बंदुर मा भी आंदरी येनु हासलि आगीदिल. आखरी दा येढ्ढ मुंदुर बंदुर, 61 *अदकि अंदुर, “ईव अंदान कनि पारमेश्वर उन मंदिर इक केडु सकतीन अदकि अदरी मुर दनि दा माळ सकतीन.”

62 आग महायाजक नीदुरकु यीशु से अंदुन, “येती नी येनु उत्तर कोळाल? ई लॉकुर नीन वरिध दा येन गवाही कोळेत्यार?” 63 लेकीन यीशु सुंगा ईत्तुन. आग महायाजक यीशु से अंदुन, “ना नीनी जत्तिता परमेश्वर उन करिया कोळतीन क अगुर नी परमेश्वर उन पार मसीह ह्य, रा नाम से अंद बुळ.”

64 यीशु आऊन से अंदुन, “नी रा खुद अच अंदबुट; लेकीन ना नीम से ईद भी अनतीन क ईंगी टु नीव मंळसा अन पार उक सर्वशक्तमिान उन ऊमा कय दी कुरत, अदकि आकाश इन बादलगोळ मा बरत नोळीर.”

65 इदुर मा महायाजक तानव कपळा हरदुन अदकि अंदुन, “ईव परमेश्वर उन अपमान माळ्यान, ईग नामी गवाहगोळ्द येन जरवत आद? नोळी, नीव ईगल्या ईद अपमान केळीर! 66 नीव येन सोचेतीर?”

आंदुर उत्तर कोटदुर, “ईव मृत्यु दण्ड इन योग्य आन.”

67 आग आंदुर यीशु उन बाय मा ऊगुळदुर अदकि आऊक बुक्की बळदुर, दुसरा लॉकुर क्यावरा बळकु अंदुर, 68 “हे मसीह, नाम से भवषियवाणी माळकु अन कयार नीनी बळदुर?”

पतरस उन इनकार

(मरकुस १४:६६-७२; लूका २२:५६-६२; यूहनना १८:१५-१८, २५-२७)

69 पतरस व्हार्या आंगुळ दा कुर्तकु ईरोन क ऊद दासी आऊन हात्ती बंदुर अदकि अंदुर, “नी भी यीशु गलीली इन सांगुळ ईर्या.”

70 आव सप्पा मुंदुर्द मुंद ईद अनतेला इनकार माळदुन, “ना जान्सालीन नी येन अनतीत्या.”

71 याग आव व्हार्या दरवाजा मा होदुन, रा दुसरा दासी आऊक नोळकु आंदुर से अंदुर जो अल ईरोर, “ईव भी रा आ यीशु नासरी इन सांगुळ ईरोन.”

72 आव करिया तनिकु मात्त इनकार माळकु अंदुन: “ना आ मंळसा अक अरालीन.”

73 घळी तमिर बाद्दा लॉकुर जो अल नीदुरकु ईरोर, पतरस उन हात्ती बंदकु आऊन से अंदुर, “खराखुरा नी भी आंदुर दा टु ऊद ह्य, यतकी नीन बोली भाषा नीद भेद खोलस बुळतद.”

74 आग आव मना माळली अदकि करिया तनिली कुरतुन: “ना आ मंळसा अक अरालीन.” अदकि तुरन्त हुंज कुग्त्. 75 आग पतरस उक यीशु उन आ मात याद बतत: “हुंज इन कुग्गोर से पयले नी मुर धन नान इनकार तुम्या.” अदकि आव व्हार्या होगकु हापाळ दुखी आगकु वरलदुन.

27

पलिातुस उन मुंद यीशु

(मरकुस १५:१; लूका २३:१,२; यूहन्ना १८:२८-३२)

1 याग वहातुर आत रा सब प्रधान याजक लॉकुरद पुरनएिगोळ यीशु उक कोद वुळोद साटगाट माळदुर. 2 आंदुर आऊक कटदुर अदकि वोटकु पलिातुस न्यायाधीश उन कय दा कोट बुट्टुन.

यहूदा तान कय देल सोत्तुन

(प्ररतिगोळ १:१८,१९)

3 आग यहूदा, याव यीशु उक हुळसुसीदुन, ईद नोळदुन कि यीशु उक दोषी ठहूसकु आग्याद, रा आव पछतासदुन, अदकि चाँदी नव तीस सक्कागोळी प्रधान याजक अदकि पुरनएिगोळी वापस माळदुन 4 अदकि अंदुन, “ना ऊंद नरिदोष मंळसा अक ध्वाका देल कोन्नोर साटी हुळसुसकु पाप माळदीन!” आंदुर अंदुर, “नामी येन माळोद आद? नी तान जानस.”

5 आग आव आ सक्कागोळी मंदरि दा भटिकु होटोदुन, अदकि होगकु खुद तान-तान इक फाँसी हचदुन.

6 प्रधान याजकगोळ आ सक्कागोळी हुळकु अंदुर, “इवरी, दान भंडार दा ईटोद उचति हैलेच, यतकी ईद खुन इन दाम हुन.” 7 अदकि आंदुर आपस दा साटगाट माळदुर अदकि आ पेस्यागोळ देल परदेशीगोळी नळसोर साटी गळग्या माळावाळा अन्द केई कौडुर. 8 इदुर कारण आ केई ईगासताका खुन इन केई कहलुसतद.

9 आग आ वचन यरिम्याह भवषियवक्ता अन्द द्वारा अंदकु आगीत अद पुरा आत: “आंदुर आ तीस सक्का मतलब आ जो ठहूसद दाम इक (यदरी इस्त्राएल इन औलाद दा टु यास मुंदुर ठहूसीदुर) ताकोम कौडुर, 10 अदकि ह्यांग प्रभु नानी आग्या कोटीदुन हांग अच अवरी गळग्या माळावाळेरद केई इन दाम दा कोट बुट्टुन.”

पलिातुस उन प्रश्न

(मरकुस १५:२-५; लूका २३:३-५; यूहन्ना १८:३३-३८)

11 याग यीशु न्यायाधीश उन मुंद नदिरकु ईरोन रा न्यायाधीश आऊन से केळदुन, “येन नी यहूदीगोळद राजा हुय?”

यीशु आऊन से अंदुन, “नी खुद अच अनेत्या.” 12 याग प्रधान याजक अदकि पुरनएि आऊन मा दोष हचचोर, रा यीशु येनु उत्तर कोटीदील.

13 इदुर मा पलिातुस यीशु से अंदुन, “येन नी येनु केळाल कि इंदुर नीन वरिध दा याट गवाही कोळेत्यार?”

14 लेकीन यीशु आऊक ऊंद मात इन भी उत्तर कोटीदील, इल ताका कि न्यायाधीश उक हापाळ आश्चर्य आत.

यीशु उक मृत्यु-दण्ड इन आग्या

(मरकुस १५:६-१५; लूका २३:१३-२५; यूहन्ना १८:३९; १९:१६)

15 न्यायाधीश उन ईद रीत ईरोद कि आ हाव्व दा लॉकुरद साटी यावारा ऊंद कैदी इक यारी आंदुर चाहासतोगोर, बळितोगोन. 16 आ समय दा आंदुर बंदीगूह दा बरअबवा हेसुर ईनव ऊंद जाना माना कैदी ईरोन. 17 इदुरसाटी याग आंदुर जमा आदुर, रा पलिातुस आंदुर से अंदुन, “नीव यार इक चाहासतीर कि ना नीम साटी बटि बुळाईन? बरअबवा अक, या यीशु उक जो मसीह कहलुस्तान?” 18 यतकी आव जानसोन कि आंदुर यीशु उक ध्वाका देल हुळसुसकु सोपस्यार.

19 याग पलिातुस राजा न्याय इन गद्दी मा कुरतकु ईरोन रा आऊन हगिस आऊक बुलावा कळुदुर कि, “नी आ न्यायी मंळसा अन्द मामला दा कय हाकबाळ, यतकी ना ईद कान्सा दा आऊन कारण हापाळ दुख नेगदीन.”

20 प्रधान याजकगोळ अदकि पुरनएगोळ लॉक्री भळकुसदुर की आंदुर बरअबवा अक वेळ कोमुल, अदकि यीशु उन नाश माळसुसल. 21 न्यायाधीश आंदुर से केळदुन, “इंदुर येददु मुंदुर दा टु यार इक चाहासतीर की ना नीम साटी बटि बुळाईन? आंदुर अंदुर, बरअबवा अक.”

22 पलातुस आंदुर से केळदुन, “बाक यीशु उक जो मसीह कहलुस्तान, येन माळाईन?”

सप्पा मुंदुर पलातुस राजा से अंदुर, “आऊक कूस मा येरस बुळ!”

23 न्यायाधीश अंदुन, “यती, आव येन बुराई माळयान?”

लेकीन आंदुर मातत चलिळास-चळिलासकु अनली कुरतुर, “आऊक कूस मा येरस बुळ.”

24 याग पलातुस नोळदुन की नान से येनु आगसकाल लेकीन उलटा झगळा वाळुसेत्याद, रा आव नीर हुडुकु भीळ इन मुंद तान कय तोळदुन अदकि अंदुन, “ना ई मंळसा अन्द रक्ता देल नरिदोष आईन; नीव अच नोळी.”

25 सप्पा लॉकुर उत्तर कोट्टुर, “ईऊन खुन नाम मा अदकि नाम औलाद मा आगुल!”

26 इदुर मा पलातुस राजा बरअबवा अक आंदुर साटी बटि बुट्टुन, अदकि यीशु उक क्वाळा बळदकु सौसप बुट्टुन, की आऊक कूस मा येरसकु आगुल.

सपिाहीगोळ द्वारा यीशु उन अपमान माळोद

(मरकुस १५:१६-२०; यूहनना १९:२-३)

27 आग न्यायाधीश ईनोर सपिाहीगोळ यीशु उक कलिा दा वोतकु सप्पा पलतन आऊन नाकु दी जमा माळदुर, 28 अदकि आऊन कपळा ईळसकु आऊक क्याचांद रंग इन कपळा हाकसुसदुर, 29 अदकि मुळल इन मुकुट तयार माळकु यीशु उन ताल्ला मा ईटदुर, अदकि आऊन ऊम्मा कय दा सरकण्डा कोट्टुर अदकि आऊन मुंद ट्वांगरा टेक्सकु आऊन मज्याक हारसली कुरतुर अदकि अंदुर, “हे यहूदीगोळद राजा, नमस्कार!” 30 अदकि आऊन मा ऊगुळदुर; अदकि अदा सरकण्डा हुळकु आऊन ताल्ला मा बडुली कुरतुर. 31 याग आंदुर यीशु उन मज्याक हारस बुट्टुर, रा अद च्वांगी आऊन मा टु ईळसकु आऊन अच कपळा आऊक हाकसुसदुर, अदकि कूस मा येरसोर साटी वयली कुरतुर.

यीशु उक कूस मा येरसकु आगोद

(मरकुस १५:२१-३२; लूका २३:२६-४३; यूहनना १९:१७-२७)

32 याग आंदुर व्हार्या होळोर रा आंदरी शमौन हेसुर ईनव ऊंद कुरेनी मंळसा सकिदुन. आंदुर आऊक बेकार दा हुळदुर की आऊन कूस नेगुकु नळुल. 33 अदकि याग आंदुर आ जागा मा बंदुर जो गुलगुता कहलुसतद, मतलब खोपळी इन जागा, पोहचुसकु, 34 आंदुर पतित मलिसकु अंगुर इन राससा यीशु उक कुडुली कोट्टुर, लेकीन आव नेकदुन रा आऊक केय हतत अनकु आव हुळदीदलि.

35 आग आंदुर आऊक कूस मा येरसदुर, अदकि चिट्टी हाककु आऊन कपळागोळ वाटा माळदुर,

36 अदकि अल कुरतकु आऊक कायली कुरतुर. 37 अदकि आऊन दोषपत्र आऊन ताल्ला अन्द म्याकच हचदुर, की “इव यहूदीगोळद राजा यीशु हुन.” 38 आग आऊन सांगुळ येददु डाकूगोळ ऊंद ऊम्मा कय दी अदकि ऊंद डाक्या कय दी, कूस मा येरसकु आदुर.

39 होगा-बरावाळेर ताल्ला आलगाळस-आलगाळसकु आऊन अपमान माळतोगोर, 40 अदकि ईद अनतोगोर, “हे मंदिर इक केळावाळा अदकि मुर दनि दा माळावाळा, तान तान इक रा ऊळस! अगर नी परमेश्वर उन पार ह्य, रा कूस मा टु ईळदकु बर.”

41 ईंदा रीत दिेल प्रधान याजक भी नयिम इन गुरुगोळ अदकि पुरनयागोळद सांगुळ मज्याक माळ माळकु अनतोगोर, 42 “इव रा च्याच मुंदुर इक ऊळस्यान, अदकि तान तान इक ऊळस सकालुन. इव रा ‘इसत्राएल इन राजा’ हुन. ईग कूस मा टु ईळुकु बंदान रा नाव आऊन मा वशिवास माळव. 43 आव परमेश्वर मा भरोसा ईटदुन; अगर आव ईऊक चाहासतान, रा ईग इऊक बळिस कोमुल, यतकी ईव अददिन, ‘ना परमेश्वर उन पार हुईन.’”

44 ईदा प्रकार डाकू भी जो आऊन सांगुळ कूस मा येर्सकु आगीदुर, आऊन अपमान माळतोगोर.

यीशु उन जीव त्यागसोद

(मरकुस १५:३३-४१; लूका २३:४४-४९; यूहन्ना १९:२८-३०)

45 हननेळ मुरा टु रा मुर मुरास ताका आ सप्पा प्रदेश दा अधार आगकु ईतत. 46 मुर मुरा अन्द हात्तीपास यीशु धोळद आवाज दा चळिलासकु अंदुन, “एली, एली, लमा शबक्तनी?” मतलब “हे नान परमेश्वर, हे नान परमेश्वर, नी नानी येती बटिवुट?”

47 जो अल नीदुरकु ईरोर, आंदुर दा टु यास मुंदुर ईद केळकु अंदुर, “आव रा एलियाह अक कारतान.” 48 आंदुर दा टु ऊंद मंळसा तुरन्त हरदुन, अदकि स्पंज हुळकु सरिका दा डोब्सदुन, अदकि सरकण्डा मा ईटकु आऊक नेक्सदुन.

49 अदकि च्याच मुंदुर अंदुर, “ईल्या ईरी, नोळाता एलियाह आऊक ऊळसली बरतान का ईला.”

50 आग यीशु मातत धोळद आवाज देल चळिलासकु जीव बटि बुदुन.

51 अदकि नोळी, मंदरि इन परदा म्याकुच टु ल्यालमा ताका हरदकु येढ तुकळा आगेत: अदकि धरती डोलसेत अदकि चट्टानगोळ तळकुसेदव, 52 अदकि कबरगोळ तेरदोदव, अदकि जो कबरगोळ दा मगिकु ईरोर आ पवतिर लॉकुरद हापाळ सा लाश जतिता आदव, 53 अदकि आऊन जतिता आगदुर बाददा आंदुर कबरगोळ दा टु होटकु पवतिर नगर दा होदुर अदकि हापाळ मुंदुर इक काळसदुर.

54 आग सुवेदार अदकि जो लॉकुर आऊन सांगुळ यीशु उक कायोर, याग आंदुर भूकम्प अदकि जो येनारा आगीत अदरी नोळकु हापाळ अंजेदुर अदकि अंदुर, “खराखुरा ईव परमेश्वर उन पार ईरोन!”

55 अल हापाळ सा आर्तेर जो गलील टु यीशु उन स्यावा माळतेला आऊन सांगुळ बंदीदुर, दुर टु ईद नोळोर. 56 आंदुरदा मरयिम मगदलीनी, अदकि याकूब अदकि योसेस उन मोय मरयिम, अदकि जब्दी इन चकिोरगोळद मोय ईरोर.

यीशु उक नळसोद

(मरकुस १५:४२-४७; लूका २३:५०-५६; यूहन्ना १९:३८-४२)

57 याग द्याव आत रा यूसुफ हेसुर ईनव अरमितया अन्द ऊंद धनी मंळसा, जो खुद अच यीशु उन चेला ईरोन, बंदुन. 58 आव पलातुस उन हात्ती होगकु यीशु उन लाश वेळदुन. इदुर मा पलातुस कोळोद आग्या कोट्टुन. 59 आग यूसुफ लाश इक वोतकु बळीद मलमल इन चदुर दा गुंळसदुन, 60 अदकि यीशु उक तान वहाशोद कबर दा ईटदुन, जो आव चट्टान दा अगळुसीदुन, अदकि कबर अन्द दरवाजा मा धोळद कल्ल ढकलुसकु होटोदुन.

61 मरयिम मगदलीनी अदकि दुसरा मरयिम अल कबर अन्द मुंद कुरतकु ईरोर.

कबर मा पहरा कोळोद

62 दुसरा दशी जो तयारी इन दनि इन बाद इन दनि ईरोद, प्रधान याजकगोळ अदकि फरीसीगोळ पलातुस उन हात्ती जमा आगकु अंदुर, 63 अहे स्वामी, नामी याद आद कि आ भरमुसावाळा याग आव जतिता ईरोन, अंददुन, ‘ना मुर दनि इन बाददा जतिता आगाईन.’

64 इदुरसाटी आग्या कोळ कि तीसरा दनि ताका कबर अन्द रखवाली माळकु आगुल, हगि आगबाळुल कि आऊन चेलागोळ बंदकु आऊक काळताना माळकु वोयुल अदकि लॉकुर से अनली हतुल, ‘आव सोत्तुर दा टु जतिता आग्यान.’ आग हदिळोद धवाका पयला टु भी बुरा आदीत.”

65 पलातुस आंदुर से अंदुन, “नीम हात्ती पहरेदार रा आन. होगी, तान समझ इन अनुसार रखवाली माळी.”

66 इदुरसाटी आंदुर पहरेदारगोळी सांगुळ ओतुर, अदकि कल्ल मा मोहर हचकु कबर अन्द रखवाली माळदुर.

28

यीशु उन पुनरूथान

(मरकुस १६:१-१०; लुका २४:१-१२; यूहनना २०:१-१०)

1 आराम इन दिन इन बाददा हपता अनूद पयला दिन व्हातुर आगतेला अच मरयिम मगदलीनी अदकि दुसरा मरयिम कबर अक नोळली बंदुर. 2 अदकि नोळी, ऊंद हापाळ अच भारी भूकम्प आत, यतकी परमेश्वर उन ऊंद स्वर्गदूत स्वर्ग टु ईळ्ळुकु बंदुन अदकि आव कल्ल इक अलग ढकलुसकु अदुर मा कुरतुन. 3 आऊन रूप बजिली इन घाई अदकि आऊन कपळा वरफ इन घाई वळिव ईरव. 4 आऊन अंजूक देल पहेरदार नळगली कुरतुर, अदकि सोततुर घाई आगेदुर.

5 स्वर्गदूत आ येदुद आरतेर से अंदुर, “अंजवाळी ना जानसतीन की नीव यीशु उक जो कूस मा येरसकु आगीदुन आऊक दुदसेतीर. 6 आव ईल हैलेच, तान वचन इन अनुसार जतिता आग्यान. बरी, आ जागा अक नोळी यल प्रभु बदिकु ईरोन. 7 आऊन चेलागोळी इक तुरन्त होगकु हेळी की आव सोततुर दा टु जतिता आग्यान, अदकि नोळी, आव नीम से पयला गलील इक होदान. अल नीमी आऊन अव दर्शन सक्केव अदकि नीव आऊक नोळ सकीर. नोळी, ना नीमी हेळ बुटीन.”

8 इदुर मा आंदुर अंजूक अदकि बळा खुशी इन सांगुळ तुरन्त कबर टु वापस आगकु अदकि चेलागोळी इक ईद समाचार कोळोर साटी वोळली कुरतुर.

9 आग यीशु आंदरी सकिदुन. अदकि अंदुन, “सलाम.” आंदुर हातती बंदकु अदकि आऊन नव काल हूळकु प्रणाम माळदुर. 10 आग यीशु आ आरतेरी अंदुन, “अंजवाळी; नांद वार्दुरी होगकु अनी की गलील इक होगी, अल नानी नोळ्यार.”

पहेरदारगोळद सुचना कोळोद

11 आंदुर होगतेला अच ईरोर की पहेरदारगोळ दा टु थ्वाळासा पहेरदारगोळ बंदकु पुरा हाल प्रधान याजकगोळ से अनकु केळसदुर. 12 आग आंदुर पुर्वजगोळ सांगुळ जमा आगकु सम्तर्त माळदुर अदकि सपिाहीगोळी हापाळ चाँदी नव सक्कागोळ कोटकु अंदुर, 13 “ईद अनेतीर की ईळ्लक इक याग नाव मगिकु ईरेव, रा आऊन चेलागोळ बंदकु आऊक काळताना माळकु ओतुर. 14 अदकि अगर ईद मात न्यायाधीश उन कवि ताका पहचुसीत, रा नाव आऊक समझुस बुटव अदकि नीमी जोखमि टु वाचुस कोडेव.”

15 इदुरसाटी आंदुर पेस्या ताकोमकु ह्यांग आंदरी कलसकु आगीत. हांग अच माळदुर. ईद मात यहूदीगोळ दा दुर दुर ताका फैलुसेत अदकि ईगासताका प्रचलति आद.

यीशु उन काळसोद अदकि आखरी आग्या

(मरकुस १६:१४-१८; लुका २४:३६-४९; यूहनना २०:१९-२३; प्रेरतिगोळ १:६-८)

16 *हननेळ चेलागोळ गलील इन आ पहाळ मा होदुर, यारी यारी यीशु हेळीदुन. 17 आंदरी यीशु नव दर्शन सकिदव अदकि आऊक प्रणाम माळदुर, पर यारीकारा यारीकारा शंका आत. 18 यीशु आंदुर हातती बंदकु अंदुन, “स्वर्ग अदकि पृथ्वी इन पुरा अधकार नानी कोटकु आग्याद. 19 *इदुरसाटी नीव होगी, सप्पा जातीगोळ लॉकुरी चेला माळी; अदकि आंदरी आप्प, पार अदकि पवतिर आत्मा अनूद हेसुर देल बपतस्मिमा कोळी, 20 अदकि जो आग्यागोळ ना नीमी कोट्टीन अदुरद पालन ह्यांग माळतार अद कल्सी. अदकि नोळी, ना युग इन अन्त ताका सदा नीम सांगुळ आईन.”

मरकुस रचति यीशु मसीह का सुसमाचार मरकुस उन लखिसद यीशु मसीह अन बारा दा खुशखबरी परचिय

यीशु उन जीवन इन वर्णन माळोद नाक कतिाव दा टु ऊंद कतिाव मतलब मरकुस उन लखिसद खुशखबरी परचिय ईव नाक कतिावगोळी खुशखबरी अनतार यदुर्द सोपा मतलब वळ्ळीद कल्याणकारी बातणी या वार्ता आगतद

यीशु उन सोत्तुर बाददा ईव नाक खुशखबरी अनुक्रम मत्ती मरकुस लूका अदकि यूहन्ना इंदुर लखिसयार ईव नाक दा टु मरकुस रचति खुशखबरी सब से स्याळ्द कतिाव आद हापाळ ग्यानी लॉकूद मान्यता आद कि मरकुस रचति खुशखबरी बाकी नव मुर खुशखबरी इन पयले यीशु उन जनम इन ६५ टु ७० वर्ष इन बाददा लखिसकु आग्याद लखिसोद हदिळोद कारण मतलब रोम ईलीद मसीह अन मंडली अनद मनोबल वाढुसोद अदकि प्रोत्साहन माळोर साटी ताकोमकु आत.

ईव मरकुस याव हुन? प्रेरति पौलुस अदकि बरनबास इंदुर ईव हारोदव सहकारी ईवा रा यूहन्ना मतलब मरकुस रचति खुशखबरी इन लेखक मरकुस आंदुर सांगुळ पयला मशिनरी यात्रा अन न्याइया दा अच बटिकु होगदूर देल आऊन प्रतषिटा अक ठेस हत प्रेरतिगोळ १३:१३ बाददा ईवा मरकुस बरनबास उन सांगुळ सेवकाई दा शामिल आगूत कांळसदुन. प्रेरतिगोळ १५:३७-३९, अनुसार मरकुस, पतरस ऊंद हातती नव संगी ईरोन. १ पतरस ५:१३ ग्यानी लॉकूद हगि मान्यता आद कि याग मरकुस यीशु उन जीवन इन अदकि सेवाकार्य अक आमने सामने नोळीदील तरी भी पतरस उन साक्षी अन आधार मा आव आऊंद खुशखबरी लखिसदुन. ईद मरकुस उन खुशखबरी इन आधार इन मात हुन.

मरकुस रचति खुशखबरी इन येद्व बारा दा मतलब, यीशु उन खरा चेला बनसोद अदकि आखरी इन भवषिय अन बारा दा यीशु उन द्वारा कोळद शकिषा.

मरकुस रचति खुशखबरी दा यीशु उन “वनिमूर दास, सेवक” अदकि तान आपुप उन इच्छा पुरा माळोर साटी हमेशा तयार हगि “परमेश्वर उन प्रिय पार” ईव येद्व रूप दा दरसुसकु आन. हांग अच मरकुस दा यीशु उन द्वारा माळद चमत्कार इन बारा दा यककुल से यककुल लखिसकु आग्याद. ईद खुशखबरी इन समापन यीशु उन चेलागोळी कोटकु आत “महान आदेश कोटकु आग्याद.”

रूप-रेखा

१. बपतसिमा कोळावाळा यूहन्ना अदकि यीशु उन बपतसिमा १:१-१३
२. यीशु उन द्वारा गलील प्रदेश अदकि परसिर दा चमत्कार माळोद १:१४-९:५०
३. गलील टु यरूशलेम ताका यीशु उन यात्रा अदकि मंदिर दा बरोद १०:१-१२:४४
४. यीशु उन द्वारा भवषिय अनद बारा दा बातणी कोळोद १३:१-३७
५. यीशु उन मृत्यु अदकि पुनरूत्थान अदकि महान आदेश १४:१-१६:२०

यूहन्ना बपतसिमा कोळावाळा अनद प्रचार

(मत्ती ३:१-१२; लूका ३:१-१८; यूहन्ना १:१९-२८)

1 परमेश्वर उन पार, यीशु मसीह अनद खुशखबरी* इन सूरवात. 2 जसा यशायाह भवषियवक्ता† अनद कतिाव दा लखिसकु आद, परमेश्वर अंदुन,

“नोळ, ना नीन मुंद तान बातणी कोळावाळा अक कळुतीन,

जो नीन साटी हादी तयार माळ्यान.”

3 आळी दा ऊंद कारावाळा अनद आवाज केळ बरेत्याद: कि

* 1:१ १:१ शुभ बातणी † 1:2 १:२ भवषिय अनद बारा दा हेळावाळा

“प्रभु उन हादी तयार माळी, अदकि
आऊक होंगोर साटी सळकगोळी सरका माळी.”

4 बपतसिमा कोळावाळा यूहन्ना आळी दा बंदुन, “जो बपतसिमाः अन्द प्रचार माळतोगोन, अदकि पापगोळद माफ अन्द साटी मन तरिगुसोद बपतसिमा कोळतोगोन अदकि अनतोगोन, परमेश्वर नीम पापगोळी माफ माळयान.” 5 पुरा यहूदयिया अन्द प्रदेश, अदकि यूरुशलेम इन सप्पा ईरावाळेर नवासी होटकु आऊन हात्ती होदुर, “अदकि तान पापगोळी मान्सकु यरदन गांगा दा आऊन से बपतसिमा ताकोंडुर.”

6 यूहन्ना ऊँट इन चुट्टीगोळद फळक्या हाक्कु अदकि नेळु मा तोगुल इन पट्टा कटकु ईरतोगोन. फाफा^S अदकि आळी दाकळोद शयद तनितोगोन, 7 अदकि हगि अंद अंदकु प्रचार माळतोगोन क, “नान बाद्दा आव बरावाळा आन, जो नान से यक्कुल ताकतवर आन, ना रा ई लायक भी हेलेच क बांगकु आऊन काल ईनव केरु तेगु सकाईन. 8 ना रा नीमी नीर दा बपतसिमा कोट्टीन, लेकीन आव नीमी पवतिर आत्मा देल बपतसिमा कोट्टान.”

यीशु उन बपतसिमा

(मत्ती ३:१३-४:११; लूका ३:२१-२२; ४:१-१३)

9 आ दनिगोळ दा हगि आत क यीशु गलील इन नासरत नगर टु बंदकु, यरदन गांगा दा बपतसिमा कोळावाळा यूहन्ना से बपतसिमा ताकोंडुन. 10 अदकि याग आव नीर दा टु होटकु म्याकुच बंदुन, रा तुरन्त आव स्वर्ग इक खुलसत अदकि पवतिर आत्मा अक कव्तर इन घाई तान म्याकुच ईळतेला नोळदुन. 11 आग स्वर्ग दा टु ईद आकाशवाणी आत क, “नी नान प्रयि पार हुय, ना नीन देल हापाळ खुश आईन.”

यीशु उन परीक्षा

(मत्ती ३:१३-४:११; लूका ३:२१; २२; ४:१-१३)

12 आग पवतिर आत्मा तुरन्त यीशु उक आळी दी कळुत. 13 अदकि चालीस दनि ताका सुनसान जागा दा आऊन परीक्षा, शैतान उन द्वारा आगतेला ईरोद; अदकि आव आळी दाकळव पशुगोळ सांगुळ ईत्तुन, अदकि आग स्वर्गदूत बंदकु आऊन स्यावा माळतेला ईत्तुर.

यीशु उन स्यावा माळोद कयाल्सा अन सुरवात

(मत्ती ४:१२-१७; लूका ४:१४,१५)

14 बपतसिमा कोळावाळा यूहन्ना अक बंदी माळदुर वाद्दा यीशु गलील दा बंदकु परमेश्वर उन राज्य अन्द खुशखबरी प्रचार माळदुन, 15 अदकि अंदुन, “समय पुरा आगेग्याद, अदकि परमेश्वर उन राज्य हात्ती होट्ट बंदाद; मन तरिगुमी अदकि खुशखबरी मा वशिवास माळी.”

यीशु उन द्वारा नाक मेन हुडावाळेर इक कारोद आत

(मत्ती ४:१२-२२; लूका ४:१४-१५; ५:१-११)

16 याग यीशु गलील इन झील इन कनिरा कनिरा होंगोन, रा आव शमौन अदकि आऊन वारट अन्दरयिस उक झील दा जार हाकत नोळदुन; यतकी आंदुर मेन हुडावाळेर ईरोर. 17 यीशु आंदुर से अंदुन, “नान हदि बरी; ना नीमी मळसागोळी परमेश्वर उन हात्ती ह्यांग तरतार अद कलसाईन.” 18 आंदुर तुरन्त जारगोळी बटिकु आऊद हदि नळुली कुरतुर.

19 थवाळासा मुंद होंगदुर मा, आव जबदी इन पार याक्व, अदकि आऊन वारट यूहन्ना अक, इवांगा मा कुरतकु जारगोळी सुधूसतेला नोळदुन. 20 ह्यांग यीशु आंदरी नोळदुन हांगा तुरन्त कारदुन; अदकि आंदुर तान आपप जबदी इक मजदूरगोळद सांगुळ इवांगा मा बटिकु, आऊन हदि होटोदुर.

‡ 1:4 १:४ नीर दा मळकुसोद अदकि तेगोद वधि § 1:6 १:६ टडिडयिँ * 1:11 १:११ मत्ती ३:१७; १२:१८; मरकुस १:१७; लूका ३:२२ * 1:15 १:१५ मत्ती ३:२

दुष्टआत्मा हतकु मंळसा अक चंगा माळोद
(लूका ४:३१-३७)

21 आग आंदुर कफरनहूम नगर दा बंदुर, अदकि आव तुरन्त आराम इन दनि यहूदी लॉकुरद सभागूह दा होगकु उपदेश कोळली कुरतुन. 22 *अदकि लॉकुर आऊन उपदेश केळकु सट्ट आगेदुर; यतकी आव आंदरी शास्त्रीगोळद घाई ईला, लेकीन अधकारीगोळद घाई उपदेश कोळतोगोन.

23 आटोटीका, आंदुरद यहूदी लॉकुरद सभागूह दा ऊंद मंळसा ईरोन, यारदा ऊंद दुष्टआत्मा ईरोद. 24 आव ईद अनकु वलिळास कुरतुन, “हे यीशु नासरी, नामी नीन से येन क्याल्सा? येन नी नामी नाश माळली बंद्या? ना नीनी अरूतीन, नी याव हुय? परमेश्वर उन पवतिर जन!”

25 यीशु आऊक दनकुसकु अंदुन, “सुंगा ईर; अदकि आ मंळसा दा टु होटबुळ.”

26 आग दुष्टआत्मा आऊक मुरकुळसकु, अदकि धोळद आवाज देल चळिलासकु आऊन दा टु होट बुळत. 27 इदुर मा सप्पा लॉकुर आश्चर्य माळतेला आपस दा मातचीत माळली कुरतुर, “ईद येन मात आद? ईद रा ऊंद वहाशोद उपदेश आद! आव अधकार देल दुष्टआत्मागोळी भी आग्या कोळतान, अदकि दुष्टआत्मा भी आऊन आग्या मानसताव.”

28 अदकि यीशु उन हेसुर इन बारा दा ईद बातणी तुरन्त गलील इन आसपास इन सप्पा प्रदेश दा फैलुसेत.

यीशु हापाळ सा बमिर मंळसागोळी चंगा माळदुन
(मत्ती ८:१४-१७; लूका ४:३८-४१)

29 यीशु अदकि आऊन चेलागोळ यहूदी लॉकुरद सभागूह दा टु होटकु याक्व अदकि यूहनना अनूद सांगुळ शमौन अदकि अनूदरयास उन मान्या बंदुर. 30 अल शमौन उन आतत मय देल वहरस मा बदिकु ईरोर; अदकि आंदुर तुरन्त यीशु उन बारा दा आकी हेळदुर. 31 आग आव हातती होगकु आकनि कय हुळकु आक इक येव्सदुन; अदकि आकनि मय तुरन्त ईळदोदव, अदकि आक यीशु अदकि आऊन चेलागोळद स्यावा-पानी माळली कुरतुर.

32 द्यावगान होती याग सुर्य मुळकेत रा आग लॉकुर सब बमिरगोळी अदकि आंदरी, यारदा दुष्टआत्मागोळ ईरव, आंदरी भी यीशु उन हातती तंदुर. 33 अदकि सप्पा नगर इन लॉकुर शमौन उन मान्ना अनूद दरवाजा मा बंदकु जमा आदुर. 34 यीशु च्याच मुंदरी जो अलग अलग प्रकार इन बमिरी देल दुखी ईरोर, चंगा माळदुन, हापाळ सा दुष्टआत्मागोळी तेगदुन, अदकि दुष्टआत्मागोळी माताळ गोटीदील, यतकी अव आऊक अरव.

आवना दा यीशु उन प्रार्थना माळोद
(लूका ४:४२-४४)

35 अदकि यीशु वहातुर आगोर से हापाळ पयले, मान्या टु यदकु वहारया होदुन, अदकि ऊंद सुनसान जागा दा होगकु प्रार्थना माळली कुरतुन. 36 आग शमौन अदकि आऊन संगीगोळ यीशु उन खोज दा होदुर. 37 याग आव सकिदुन, रा आऊक अंदुर, “सप्पा लॉकुर नीनी वुंदसेत्यार.”

38 यीशु आंदुर से अंदुन, “बरी; नाव मातत येल्यारा आसपास इन ऊरगोळ दा होगाता, कनि ना अल भी प्रचार माळाईन, यतकी ना इदुरदा साटी बंदीन.”

39 *इदुरसाटी आव पुरा गलील दा यहूदी लॉकुरद सभागूहगोळ दा होग होगकु प्रचार माळदुन अदकि दुष्टआत्मागोळी तेगुतेला ईतुन.

कोद इन रोग इक चंगा माळोद
(मत्ती ८:१-४; लूका ५:१२-१६)

40 ऊंद कोद* इन रोगी मंळसा यीशु उन हातती बंदुन, अदकि आऊन मुंद ट्वांगारा टेक्सकु आऊन से वनिती माळदुन, क “अगर नी चाहास्या रा नानी शुद्ध माळ सकत्या.”

* 1:22 १:२२ मत्ती ७:२८,२९

* 1:39 १:३९ मत्ती ४:२३; ९:३५

* 1:40 १:४० कुष्ट रोग

41 यीशु आऊन मा तरस तनिकु तान कय वाळसदुन, अदकि आऊक मुटकु अंदुन, “ना चाहासतीन कनि नी शुद्ध आगेग.” 42 अदकि तुरन्त आऊद कोढ इन बमिरी वळ्लीद आगेत अदकि आव शुद्ध आगेदुन. 43 आग यीशु आऊक चेतावनी कोटकु तुरन्त सार माळदुन, 44 अदकि आऊन से अंदुन, “नोळ, यारीकु येनु हेळवाळेत, लेकीन होगकु तान तान इक याजका उक तोरस, अदकि तान शुद्ध आगेद बारा दा जो येनारा मूसा ठहरूस्यान अदरी भेंट येरस, कि आंदुर मा गवाही आगुल.”

45 लेकीन आव मंळसा व्हार्या होगकु ईद मात इन हापाळ प्रचार माळली अदकि ईल ताका फैलुसली कुरतुन कि यीशु बाक खुलेआम नगर दा ईला होग सकोन, लेकीन व्हार्या आळी दा ईरोन; अदकि नाकु दकिळोर लॉकुर आऊन हात्ती बरतेला ईरोर.

2

लकवा अन्द रोग इक चंगा माळोद

(मत्ती ९:१-८; लूका ५:१७-२६)

1 हापाळ दिन इन वाद्दा यीशु बाक कफरनहूम दा बंदुन, अदकि खबर फैलुसत कि आव मान्या आन. 2 बाक ईस लॉकुर जमा आदुर कि दरवाजा अन्द हात्ती भी जागा ईला ईरोद; अदकि आव आंदरी वचन केळसोन. 3 अदकि लॉकुर ऊद लकवा अन्द रोग इक नाक मंळसागोळ कय देल नेगुकु आऊन हात्ती तंदुर. 4 लेकीन याग आंदुर भीळ इन कारण आऊन हात्ती होग सकदील, रा आंदुर आ छत इक यदुर ल्यालमा आव नीदुरकु ईरोन, खोलस बुदुर; अदकि याग आंदुर अदरी बचिळ बुदुर, रा आ वहरस इक यदुर मा लकवा अन्द रोगी वदिकु ईरोन, आऊक ल्यालमा ईळसदुर अदकि वहरस इक हलिगुस बुदुर. 5 यीशु आंदुर वशिवास नोळकु आ लकवा अन्द रोग इक अंदुन, “हे नान पारा, नीन पाप माफ आदव.”

6 आग हापाळ नयिमगोळ गुरु जो अल कुरतकु ईरोर, आंदुर तान-तान मन दा वचिार माळली कुरतुर, 7 “इव मंळसा येती हगि अनेत्यान? इव रा परमेश्वर उन अपमान माळीत्यान! परमेश्वर उक बटिकु अदकि याव पाप माफ माळ सकतान?”

8 यीशु तुरन्त खुद तान आत्मा दा ईद जानस कोडुन कि आंदुर तान-तान मन दा हगि वचिार माळीत्यार, इदुरसाटी आव आंदुर से अंदुन, “नीव येती तान-तान मन दा ईद मात इन वचिार माळेतीर? 9 आसान येन आद? येन लकवा अन्द रोगी से ईद अनोद कि नीन पाप माफ आदव, या ईद अनोद कि येळ तान वहरस नेगुकु नळु अदकि टेटाळ? 10 ना नीम मुंद सावति माळ बुळाईन, कि मंळसा अन पार उक ईद पृथ्वी मा पाप माफ माळोद भी अधिकार आद.” 11 यीशु आ लकवा अन्द रोगी से अंदुन, “ना नीन से अनेतीन, येळ, तान वहरस नेगु अदकि तान मान्नी होटोग.”

12 बाक आव येदुन अदकि तुरन्त तांद वहरस नेगुकु सप्पा मुंदुर मुंद टु होटकु ओळेदुन, इदुर मा सप्पा लॉकुर सट्ट आदुर, अदकि परमेश्वर उन बळाई माळकु अनली कुरतुर, “नाव रा हगि यागलु नोळीदील!”

यीशु लेवी इक कारदुन

(मत्ती ९:९-१३; लूका ५:२७-३२)

13 यीशु बाक अल टु होटकु क्याररा अन्द कनिरा मा होदुन, अदकि सप्पा भीळ आऊन हात्ती बत्त, अदकि आव आंदरी उपदेश कोळली कुरतुन. 14 अल टु होगावती यीशु हलफई नव पार लेवी इक कर ताकोमोद चौकी मा कुरतकु नोळदुन, अदकि यीशु आऊन से अंदुन, “नान हदि आगेग.” अदकि आव यदकु आऊन हदि आगेदुन.

15 बाक हगि आत कि याग यीशु तान चेलागोळ सांगुळ आऊन मान्या ऊमली कुरतुन, आग हापाळ मुंदुर कर ताकोमावाळेरे अदकि पापी लॉकुर, यीशु अदकि आऊन चेलागोळ सांगुळ ऊमली कुरतुर; यतकी आंदुर हापाळ मुंदुर ईरोर, अदकि आऊन हदि आगेगीदुर. 16 नयिम इनोर गुरुगोळ अदकि फरीसीगोळ ईद नोळदुर कि आव रा पापीगोळ अदकि कर ताकोमावाळेरे सांगुळ ऊमेत्यान,

रा आऊन चेलागोळी अंदुर, “आव रा कर ताकोमावाळेर अदकि पापीगोळ सांगुळ तनितान-कुडुतान?”

17 ईद केळकु यीशु आंदुर से अंदुन, “भला चंगा मंळसागोळी वैद्यगोळद जरवत हैलेच, लेकीन बमिार मंळसागोळी आद: ना न्यायीगोळी ईला, लेकीन पापी लांकुरी कार्ली बंदीन.”

उपास इन प्रश्न

(मत्ती ९:१४-१७; लूका ५:३३-३९)

18 वपतस्मिमा कोळावाळा यूहन्ना अन्द चेलागोळ, अदकि फरीसी लांकुर चेलागोळ उपास माळतोगोर. अदकि थ्वाळासा लांकुर बंदकु यीशु से अनली कुरतुर, “यूहन्ना अन्द चेलागोळ अदकि फरीसी नोर चेलागोळ येती उपास ईटतार? लेकीन नीन चेलागोळ येती उपास ईटालुर?”

19 यीशु आंदुर से अंदुन, “येन नीव उम्मीद माळतीर कि ऊंद मदा दा वरातीगोळ बनिा ऊंदुर तदुर देल होदार? बलिकुल ईला! यागासताका मळगार आंदुर सांगुळ आन, आगासताका आंदुर उपासा हाग सकालुर. 20 लेकीन अव दनि बंदव याग मळगार उक आंदुर से अलग माळकु आदीत; अदकि आ दनि आंदुर उपास माळ्यार.”

21 “कवारा कपळा अन्द थगिर * हाळोद कपळा मा यारू हचालुर. ईलारा अद थगिर अदुर दा टु येनारा जेडु कोडीत, आग व्हाशोद, हाळोद से, अदकि अद पयले से यक्कुल हरदोदति.” 22 व्हाशोद अंगुर इन रास्सा अक हाळोद तोगुल इन चलिा † दा यारू ईटालुर, ईलारा अंगुर इन रास्सा तोगुल इन चलिा अक हर्द बुट्टीत, अदकि अंगुर इन रास्सा अदकि तोगुल इन चलिा येदुद्दा नाश आगेदव, “लेकीन व्हाशोद अंगुर इन रास्सा व्हाशोद तोगुल इन चलिा दा तुमकु आगतद.”

आराम दनि इन प्रश्न

(मत्ती १२:१-८; लूका ६:१-५)

23 अदकि हागि आत कि यीशु आराम इन दशिी केई दी टु आगतेला होगोन; अदकि आऊन चेलागोळ नळतेला गोदी नव लाम्बागोळी मूर कुरतुर. 24 आग फरीसीगोळ आऊन से अंदुर, “नोळ, इंदुर आराम इन दनि दा अद कयाल्सा येती माळतार जो नयिम इन अनुसार माळोद उचति हैलेच?”

25 यीशु आंदुरी उत्तर कोट्टुन, येन नीव ईद यागलु वाचुसीदील, कि याग दाऊद उक जरवत ईरोद, याग आव अदकि आऊन संगीगोळ हस्तकु ईरोर, आग आव येन माळीदुन? 26 “आव ह्यांग अबयितार महायाजक उन समय दा, परमेश्वर उन भवन दा हागकु भेट इन रोट्टीगोळी तदिन, यदुरद तनिद याजकगोळी बटिकु अदकि यारीकु भी उचति हैलेच, अदकि तान संगीगोळी भी कोट्टुन?”

27 आग यीशु आंदुर से अंदुन, “आराम इन दनि मंळसागोळद साटी माळकु आग्याद, ना कि मंळसा आराम दनि इन साटी. 28 इदुरसाटी मंळसा अन पार आराम दनि इन भी स्वामी आन.”

3

यीशु वंळगीद कयवाळा मंळसा अक चंगा माळदुन

(मत्ती १२:९-१४; लूका ६:६-११)

1 अदकि यीशु बाक यहूदी लांकुरद सभागूह दा होदुन; अदकि अल ऊंद मंळसा ईरोन यारुद कय वंळगेगीत, 2 अदकि आंदुर यीशु मा दोष हचोर साटी आऊन ताक मा हतकु ईरोर कि नोळाता, आव आराम दनि दा आऊक चंगा माळतान का ईला. 3 यीशु वंळगीद कयवाळा मंळसा से अंदुन, “येळ, लांकुर न्याड्या दा नीदरेग.”

4 अदकि यीशु आंदुर से अंदुन, “येन आराम इन दनि दा नयिम इन अनुसार भलाई माळोद उचति आद या बुरा माळोद? जीव इक उळसोद उचति आद या कोननोद?” लेकीन आंदुर सुंगा ईत्तुर.

5 बाक यीशु आंदुर मन इन कठोरता देल उदास आगकु, आंदुरी सट्टि देल नाकु दी नोळदुन, अदकि

* 2:21 २:२१ व्हाशोद कपळा अन्द चट्टी थगिर † 2:22 २:२२ तोगुल इन चलिा दा नीर

आ मंळसा से अंदुन, “तान कय मुंद वाळूस.” आव वाळूसदुन, अदकि आऊंद कय पयले अन्द घाई वळलीद आगेत. ⁶ आग फरीसीगोळ यहूदी लॉकुरद सभागूह दा टू व्हाऱ्या होगकु तुरनत हेरोदयिों लॉकुर सांगुळ यीशु उन वरिध दा साठगाठ माळली कुरतुर कर् आऊक याता प्रकार देल नाश माळव.

यीशु उन हदि भीळ इन नळोद

⁷ बाक यीशु तान चेलागोळ सांगुळ क्याररा दी होटोदुन. अदकि गलील दा टू ऊंद धोळद भीळ आऊन हदि नळुली कुरत, ⁸ अदकि यहूदयिया, अदकि यरूशलेम, अदकि इद्रूमयिया, अदकि यरदन गांगा अन आपपाटी, अदकि सूर अदकि सैदा अन्द आसपास टू ऊंद धोळद भीळ ईद केळकु आऊन हात्ती बंदुर कर्, आव ह्यांग अचम्भा अन्द क्यालसा माळतान. ⁹ *अदकि बाक यीशु तान चेलागोळ से अंदुन, “भीळ इन कारण ऊंद स्याळदतुसा इवांगा नान साटी तयार ईरूल ताकी आंदुर नानी वत्त ईला सकुल.” ¹⁰ यतर्की आव हापाळ मुंदरी चंगा माळीदुन; इदुरसाटी अल यास लॉकुर रोग देल बमिरा ईरोर, आऊक मूटदोर साटी आऊन मा बळिली आगोर. ¹¹ अदकि दुष्टआत्मागोळ देल गूरसत लॉकुर भी, याग आऊक नोळतोगोर, अरा आऊन मुंद बळितोगोर, अदकि चळिलासकु अनतोगोर कर् “नी परमेश्वर उन पार हुय.”

¹² यीशु दुष्टआत्मागोळी आदेश कोट्टुन कर् अव यारीकु भी ईद हेळतीदील कर् आव याव हुन.

हन्नेळ चेलागोळी नविळुसोद

(मत्ती १०:१-४; लूका ६:१२-१६)

¹³ बाक यीशु पहाळ मा येरेदुन अदकि यारी आव चाहासोन, आंदरी तान हात्ती कारदुन. अदकि आंदुर आऊन हात्ती बंदुर. ¹⁴ आग यीशु आंदुर दा टू हन्नेळ मंळसागोळद नविळ माळदुन, यारी आव प्रेरतिगोळ हेसुर कोट्टुन. अदकि अंदुन, “कर् ना नीमी तान सांगुळ ईदोरसाटी नीवळुसदीन, ‘ना नीमी प्रचार माळली व्हाऱ्या कळाईन, ¹⁵ अदकि नीम हात्ती दुष्टआत्मागोळी तेगोद अधिकार ईत्तीत.’”

¹⁶ ई प्रकार देल आव हन्नेळ चेलागोळद नविळ माळदुन. शमौन यार्द हेसुर आव पतरस ईटदुन, ¹⁷ अदकि जव्दी इन पार याकूब, अदकि याकूब उन वार्द यूहन्ना, यार्द हेसुर आव बुअनरगसि मतलब “शर्जन उन पार” ईटदुन, ¹⁸ अदकि अन्दर्यास, फलिपिपुस, बरतुल्मे, मत्ती, थोमा, हलफई इन पार याकूब, तद्दे अदकि शमौन कनानी जो रोमन सरकार उन खलिाप ईरोन. ¹⁹ अदकि यहूदा इस्करयिाती, जो यीशु उक ध्वाका देल हुळसुसीदुन.

यीशु अदकि बालजवूल

(मत्ती १२:२२-३२; लूका ११:१४-२३; १२:१०)

²⁰ बाक यीशु अदकि आऊन चेलागोळ मान्नी बंदुर; अदकि हगि भीळ जमा आगेत, कर् आंदुर रोट्टी भी तनि सकदील ²¹ याग आऊन मान्यागोळोर लॉकुर ईद केळदुर, रा आंदुर आऊक हुडोर साटी होट्टुर, यतर्की आंदुर अनतोगोर, कर् आऊन मन टकान मा हूलेच.

²² *अदकि शास्त्री भी जो यरूशलेम टू बंदीदुर, ईद अनतोगोर, कर् “आऊन दा बालजवूल* शैतान समुस्कु आन, अदकि ईद भी, कर् आव दुष्टआत्मागोळव सरदार उन मदत देल दुष्टआत्मागोळी तेगुतान.”

²³ इदुरसाटी यीशु आंदरी हात्ती कारकु, आंदुर से उदाहरण दा अनली कुरतुन, “शैतान ह्यांग शैतान उक तेगु सकतान?” ²⁴ अदकि अगर यातोदारा राज्य दा फूट बळिल, रा अद राज्य ह्यांग संची ईर सकतद? ²⁵ अदकि अगर यातोदारा मान्ना दा फूट बळिल, रा अद मान्ना ह्यांग संची ईर सककीत? ²⁶ इदुरसाटी अगर शैतान तान अच राज्य अन्द वरिधी आगकु तान दा फूट केडुल, रा आव तान राज्य अक ह्यांग सुरक्षति ईट सकतान? आऊंद रा अन्त अच आगेदीत.

* 3:9 ३:१, मरकुस ४:१; लूका ५:१-३

* 3:22 ३:२२ मत्ती ९:३४; १०:२५

* 3:22 ३:२२ बालजवूल-दुष्टआत्मागोळव

27 लेकीन यावारा मंळसा यातोवारा ताकतवर मंळसा अन्द मान्या होक्कु आऊंद माल हगि अच कदू सकालुन, पयले आव आ ताकतवर मंळसा अक कटयान; अदकि आग आ मंळसा आ ताकतवर मंळसा अन्द मान्या अन्द बुळ्क ईडद सामान इक कदू सकतान.

28 ना नीम से खरा माताळतीन, कि मंळसागोळ्द औलाद ईनव सप्पा पाप अदकि अपमान जो आंदुर माळतार, माफ माळ्कु आदव. 29 लेकीन जो यावारा पवतिर आत्मा अन्द खलिाप अपमान माळतान, आऊक यागलु माफ माळ्कु आगतीदील, “यतकी आव अनन्त पाप इन अपराधी आन.”

30 यीशु आ लॉकुरी इदुरसाटी ईव सब मातगोळ अंदुन “यतकी लॉकुर अनतोगोर, कि आऊन दा दुष्टआत्मा आद.”

यीशु नोर मोय आकतीग अदकि वार्ट

(मत्ती १२:४६-५०; लूका ८:१९-२१)

31 अदकि यीशु उन मोय आकतीग अदकि वार्ट बंदुर अदकि व्हार्या नीदुरकु यीशु उक कारूली कळ्दुर. 32 अदकि भीळ यीशु उन आसपास कुरतकु ईरोद, अदकि आंदुर आऊन से अंदुर, “नोळ, नीन मोय नीन वार्ट अदकि आकतीग व्हार्या नीनी कारेत्यार.”

33 यीशु आंदरी उत्तर कोटदुन, कि “नान मोय नान वार्ट अदकि नान आकतीग याक हळ?”

34 अदकि आव तान आसपास कुरतकु ईरोर आ लॉकुरी नोळदुन अदकि अंदुन, “नोळी! नान मोय, आकतीग अदकि वार्ट् इदुरा उर. 35 यतकी जो यावारा भी परमेश्वर उन इच्छा मा नळदान, आवा नान वार्ट, आकतीग, अदकि मोय हळ.”

4

बीजा बोऊसावाळा अन्द उदाहरण

(मत्ती १३:१-९; लूका ८:४-८)

1 यीशु वाक झील इन कनारामा उपदेश कोळली कुरतुन: अदकि हगि धोळ्द भीळ आऊन हात्ती जमा आगेत कि आव झील इन ऊंद इवांगा मा येरकु कुरतोदुन अदकि सप्पा भीळ भूमी मा झील इन कनारामा नीदुरकु ईत्त. 2 अदकि यीशु आंदरी उदाहरणगोळ दा हापाळ सा मात कल्सली कुरतुन, अदकि तान उपदेश दा आंदुर से अंदुन.

3 “केळी! ऊंद घन ऊंद मंळसा ईरोन जो बीजा बोऊसोर साठी होतीदुन. 4 अदकि आव केई दा बीजा भट्टिन आटोटी येनारा बीजा हादी मा बदिदव, अदकि पक्षीगोळ बंदकु अवरी तनि कोडोव. 5 अदकि येनारा बीजा कल्ल इन जागा मा बदिदव यल अदरी यक्कुल मुण्ण सकदील. अदकि गहरा मुण्ण ईला सकिदुर देल अव राटनेरी अंकुर हुळदव. 6 बाक याग सुर्य होळ्त्त; रा स्याणव मार्रगोळी होताक बुळ्त्त; यतकी जळीगोळ जादा गयरा ईला आगीदव, अदकि मार्रगोळ जल्दी अच वंळगेदव. 7 अदकि थ्वाळासा बीजा मुळ्ळ इन झुनकुळ दा बदिदव, अदकि धोड्डेव आगकु वेळ्कु बीजा अक वत्त बुट्टव अदकि आ बीजागोळी काय हत सकदील. 8 लेकीन थ्वाळासा बीजा वळ्त्त जागा मा बदिदव, अदकि अव वेळदव अदकि वेळ्कु अनाज पैदा माळदव; यातोवारा तीस गुणा, यातोवारा साठ गुणा अदकि यातोवारा सौ गुणा फसल तंदव.”

9 आग यीशु अंदुन, “यार हात्ती केळोर साटी कवि आव, आव केळ कोमुल.”

उदाहरणगोळ्द कारण

(मत्ती १३:१०-१७; लूका ८:९,१०)

10 याग यीशु आबना ईरोन, रा याता लॉकुर आऊन उदाहरण केळीदुर, आंदुर दा टु येनारा लॉकुर हन्नेळ चलागोळ सांगुळ आऊन हात्ती बंदुर अदकि आऊक उदाहरण इन मतलव येन आद.

11 यीशु आंदुर से अंदुन, नीमी परमेश्वर उन राज्य अन्द भेदगोळ्द समझ कोटकु आग्याद, लेकीन व्हार्या नोर लॉकुर साटी, सप्पा मातगोळ उदाहरणगोळ दा अदकु आग्याद:

12 यतकी आंदुर नोळ्ळ अदकि

नोळतेला अच ईरूल, लेकीन आंदरी येनु सम्सबाळ्ळ,
केळ्ळ अदकि केळतेला अच ईरूल
लेकीन येनु सम्सबाळ्ळ.

हगि आगबाळ्ळ क्कि आंदुर मन परमेश्वर उन दी तरिगुल
अदकि आंदरी माफ माळकु आगुल.

बीजा बोऊसावाळा उदाहरण इन व्याख्या

(मत्ती १३:१८-२३; लूका ८:११-१५)

13 बाक यीशु आंदुर से अंदुन, येन नीव ईद उदाहरण समसालीर? रा बाक दुसरा यातोदारा उदाहरणगोळी ह्यांग समसीर? 14 केईवाळा जो बोऊसतान, अद परमेश्वर उन वचन हुन. 15 येनारा लॉकुर हादी माकळोर बदिक्की बीजा अन्द घाई आर जो परमेश्वर उन वचनगोळी केळतार. रा श्रैतान तुरन्त बंदकु वचन रूपी बीजा जो आंदुरदा बोऊसकु आग्याद नेगुकु वोयतान. 16 दुसरा लॉकुर बीजागोळ घाई ईरतार जो कलवाळा जागा मा बीळताव. ह्यांग आंदुर बातणी केळतार, आंदुर इदरी खुशी देल ग्रहण माळ कोमतार. 17 लेकीन तान बुळ्ळक जळ ईला ईटदुर कारण आंदुर थवाळासा अच दनिगोळ साटी ईरतार; इदुरद बाददा याग वचन इन कारण आंदुर मा क्लेश या उपद्रव आगताव, रा आंदुर तुरन्त टोकर तनितार. 18 दुसरा लॉकुर मुळलवाला झुनकुळ दा बोऊसकु बीजा अन घाई आर. इंदुर वचन केळावाळेर उर. 19 अदकि दुनया अन चनिता, धन इन धवाका, अदकि च्याच वस्तुगोळद लोभ आंदुरदा तुमकु वचनगोळी वत्त बुळतद. अदकि अद नष्फल ईतोगतार. 20 लेकीन यारारा लॉकुर वळ्ळीद जागा अन्द घाई आर, जो वचन केळकु ग्रहण माळतार अदकि वळ्ळीद फसल तरतार, यारारा तीस गुणा, यारारा साठ गुणा, अदकि यारारा सौ गुणा.

दगिया अन्द उदाहरण

(लूका ८:१६-१८)

21 अदकि यीशु आंदुर से अंदुन; येन दगिया अक इदुरदा साटी तरतार क्कि बरतन या व्हरस इन ल्यालमा ईटुल? येन अदरी दीवट * मा ईट सकालुर? 22 अजो येनारा भी होचकु आद अदरी व्हार्या तनकु आदीत, अदकि जो येनारा भी कवर माळकु आग्याद, अदरी उजागर माळकु आदीत. 23 अगर यारोवारा केळव कवि आव, रा आव केळ कोमुल.

24 अबाक यीशु आंदुर से अंदुन, “जो नीव केळतीर अदुर मा ध्यान कोळी. याता नाप देल नीव दुसरा अक आळ्ळतीर अदा नयिम देल नीमी भी आळ्ळकु आदीत, अदकि नीम साटी अदुरदा यक्कुल जोळसकु आदीत. 25 अयतकी यार हात्ती आद, आऊक मात्त यक्कुल कोटकु आदीत; अदकि यार हात्ती हैलेच, आऊन से अद भी जो आऊन हात्ती आद, ताकोमकु आदीत.”

कोम होळोद बीजा अन्द उदाहरण

26 बाक यीशु अंदुन, “परमेश्वर उन राज्य हगि आद, जसा यावारा मंळसा तान केई इन भूमी दा बीजा भळितान, 27 अदकि आव इळ्ळकी मगिदुन अदकि व्हातर्या येददुन अदकि अद बीजा अंकुरीत आगकु हगि बेळुत, क्कि आव अरू सकदील क्कि ईद ह्यांग आत. 28 पृथ्वी तान ताना अनाज तरतद. पयले अंकुर, बाक लॉम्बा, अदकि आग अदुर बाददा लॉम्बा दा तयार बीजा. 29 लेकीन याग बीजा हण्ण आगेगतद, आग आव केईवाळा तुरन्त कुळगुल देल कडुली हततान, यतकी फसल इन कटाई होट्ट बंदाद.”

राई इन दाना अन्द उदाहरण

(मत्ती १३:३१-३२,३४; लूका १३:१८-१९)

* 4:21 ४:२१ मत्ती ५:१५; लूका ११:३३

* 4:21 ४:२१ दगिया ईटोद जागा * 4:22 ४:२२ मत्ती १०:२६; लूका १२:२

* 4:24 ४:२४ मत्ती ७:२; लूका ६:३८

* 4:25 ४:२५ मत्ती १३:२२; २५:२९; लूका १९:२६

30 बाक यीशु केळदुन, “नाव परमेश्वर उन राज्य ह्यांग आद इदुर उपमा यार देल कोट्टेव. अदकि याता उदाहरण देल आऊन वरणन माळेव? 31 आव राई इन दाना अन्द घाई आन याग पृथ्वी मा बोऊसकु आगतद रा पृथ्वी इन सप्पा बीजागोळ से स्यांळद ईरतद. 32 लेकीन याग बीजा वेळदोगतद, रा वेळकु सप्पा मारगोळ से धोळद आगोगतद, अदकि अदुरद हगि धोळद डगालगोळ होळताव यल आकाश इन पक्षी अदुरद सावली दा ग्वादा माळकु ईरताव.”

33 यीशु आंदरी ईत्ता प्रकार ईनव हापाळ सा उदाहरण कोट-कोटकु आंदुरद समझ इन अनुसार यक्कुल से यक्कुल समझ दा बरूल ई प्रकार देल वचन केळसतोगोन, 34 अदकि वनिा उदाहरण अदकु यीशु लांकुरी येनु ईला कल्सतोगोन. लेकीन आवना दा आव तान नज्जी चेलागोळी सप्पा मातगोळद मतलब हेळतोगोन.

यीशु आंधी इक शांत माळदुन

(मत्ती ८:२३-२७; लूका ८:२२-२५)

35 अदा दशिी द्यावगा अक, यीशु तान चेलागोळ से अंदुन, “बरी, नाव झील इन आप्पाटी होगता.” 36 आंदुर भीळ इक बट्टुर, याता इवांगा दा यीशु ईरोन अदा इवांगा मा चेलागोळ भी बंदुर अदकि यीशु उक तान सांगुळ झील इन आप्पाटी ओतुर; अदकि अल आऊन सांगुळ, मात हापाळ सा इवांगा भी ईरव. 37 अचानक आग ऊंद भयानक आंधी बतत, अदकि लयरगोळ इवांगा देल टकरूसली हत्त ईल ताका का नीर इवांगा दा तुमली हत्त. 38 अदकि यीशु इवांगा अन्द हदिळोद भाग दा ऊसी मा ताल्ला ईटकु मगिन. अदकि आंदुर आऊक येव्सदुर अदकि अंदुर, “हे गुरु, येन नीनी चन्तिा हेल्लेच का नाव मुळकेतेव?”

39 आग यीशु यदकु आंधी अक दनकुसदुन, अदकि लयरगोळ से अंदुन, “शांत आगेग, धाम्मेग!” अदकि आंधी धामसेत अदकि नाकु दी हापाळ सन्नाटा आगेत. 40 अदकि यीशु तान चेलागोळ से अंदुन, “नीव येती अंजेतीर? येन नीमी ईगासताका वशिवास हेल्लेच?”

41 अदकि चेलागोळ हापाळ अंजेदुर अदकि आपस दा अनली कुरतुर, “ईव मंळसा याव हुन ईल ताका का आंधी अदकि लयरगोळ भी ईऊन आग्या मानसताव?”

5

दुष्टआत्मा हतकु मंळसा अक चंगा माळोद

(मत्ती ८:२८-३४; लूका ८:२६-३९)

1 यीशु अदकि आऊन चेलागोळ झील इन आप्पाटी गरिसेनयागोळद प्रदेश दा पोहचुसदुर. 2 याग यीशु इवांगा मा टु ईळदुन रा तुनूत ऊंद मंळसा जो का यारदा दुष्टआत्मा हतकु ईरोद, कवरसतान दा टु होटकु यीशु से मलिसदुन. 3 आव कवरसतान दा ईरतोगोन अदकि याऊ आऊक शंकलीगोळ देल भी कटकु ईला ईट सकोन, 4 यतकी आऊक वेळीगोळ अदकि शंकलीगोळ देल कटकु आगीत, लेकीन आव हापाळ अनली शंकलीगोळी मुद बुटीदुन अदकि वेळीगोळद तुकळा-तुकळा माळ कोडीदुन, अदकि यारू आऊक बस दा ईला माळसकोर. 5 आव लगातार ईळलक-हागुल कवरसतान अदकि पहाळीगोळ दा वयाळोन अदकि कीटुरतोगोन, अदकि तान तान इक कलगोळ देल घायल माळतोगोन.

6 आव यीशु उक दुर टु उच नोळदुन, अदकि आव ओळतेला यीशु उन हात्ती बंदुन अदकि टवांगरा अन्द भार देल बदिक् पुरणाम माळदुन. 7 अदकि आव धोळ आवाज देल चळिलासकु अंदुन, “हे यीशु, महान परमेश्वर उन पारा, नानी नीन से येन क्यालसा? ना नीनी परमेश्वर उन करिया कोळतीन, का नी नानी दुख कोळवाळ.” 8 आव यीशु से इदुरसाटी हगि अंदुन यतकी यीशु आऊन से अंददुन, “हे दुष्टआत्मा, ई मंळसा अन्द मय दा टु होटवुळ!”

9 यीशु आ दुष्टआत्मा से केळदुन, “नीन येन हेसुर आद?”

अद यीशु से अन्त, “नान हेसुर सेना आद; यतकी नाव हापाळ सा आयेव.” 10 अदकि दुष्टआत्मा यीशु से च्याच वनिती माळकु अन्त, का नामी ई प्रदेश टु व्हार्या कळुवाळ.

11 हात्तीगोळद पहाळ इन ढलान मा हंदीगोळद ऊंद धोळद झुण्ड आळोद. 12 दुष्टआत्मागोळ यीशु से वनिती माळकु अंदव, “नामी आ हंदीगोळद झुण्ड दा कळबुळ का नाव आंदुर बुळक होककेव.” 13 इदुरसाटी यीशु आंदरी आग्या कोटुन अदकि दुष्टआत्मा आ मंळसा दा टु होटकु हंदीगोळद बुळक होकदव अदकि झुण्ड, जो लगभग येदूह हजार इन ईरोद, ढलान मा टु घसूसूकु झील दा होगकु वतित. अदकि अल्या मुळककु सोत्तव.

14 हंदीगोळी आळसावाळेर ओळकु नगर अदकि ऊरगोळ दा ईद खबर केळसदुर, अदकि जो आगीत, लॉकुर अदरी नोळली बंदुर. 15 यीशु उन हात्ती लॉकुर बंदकु, आ मंळसा अक नोळदुर यारदा दुष्टआत्मागोळ ईरव, मतलव सेना समुसूकु ईरोद, कपळा हाककु अदकि गुमसुम कुरत नोळकु अंजेदुर. 16 या लॉकुर ईद घटना अक पयले नोळीदुर रा हेळदुर का नोळावाळेर आऊन, यारदा दुष्टआत्मागोळ ईरव, अदकि हंदीगोळद पुरा हाल आंदरी अंदकु हेळदुर.

17 आग लॉकुर यीशु से वनिती माळकु अनली कुरतुर का नाम प्रदेश दा टु हाटोग.

18 अदकि याग यीशु ड्वांगा मा येरली कुरतुन रा आव यारदा पयले दुष्टआत्मागोळ ईरव, यीशु से वनिती माळली कुरतुन, “नानी तान सांगुळ ईरगोळ.”

19 लेकीन यीशु आऊक आग्या कोटीदील, अदकि आऊन से अंदुन, “तान मान्या होगकु तान परिवार इक हेळ का नीन मा दया माळकु प्रभु नीन साटी ह्यांग धोड्डेव क्याल्सा माळयान.”

20 बाक आव होगकु दिकापुलसि* दा ई मातगोळी हेळली कुरतुन का यीशु नान साटी ह्यांग धोड्डेव क्याल्सा माळयान; अदकि सप्पा लॉकुर ईद केळकु चकति आदुर.

सोत्त पोर अदकि ऊंद रोगी आरत
(मत्ती ९:१८-२६; लूका ८:४०-५६)

21 याग यीशु बाक ड्वांगा देल झील इन आप्पाटी होदुन, रा ऊंद धोळद भीळ आऊन हात्ती बंदकु जमा आगेत. आव झील इन कनार मा का ईरोन. 22 याईर हेसुर ईनव ऊंद यहूदी मंळसा, जो यहूदी लॉकुरद सभागृह अन्द सरदारगोळ दा टु ऊंद सरदार बंदुन, अदकि यीशु उक नोळकु आऊन कालगोळ मा बदिदुन, 23 अदकि ईद अंदकु यीशु से हापाळ वनिती माळदुन, “नान स्याण पोर सायापरी आगेग्यार: नी बंदकु आकनि मा कय ईट का आक वळ्लीद आगकु जित्ता ईरूल.”

24 आग यीशु आऊन सांगुळ नळदुन अदकि ऊंद धोळद भीळ आऊन हदि आगेत, ईल ताका का लॉकुर आऊन मा बळिली आगेर.

25 अल्या ऊंद आरत ईरोर, आक इक हननेळ वर्ष टु खुन होगोद रोग ईरोद. 26 आ आरत हापाळ परेशान ईरोर आक हापाळ वैदयगोळ से तान ईलाज माळीदुर तरी भी यककुल दुखी आगेगीदुर. अदकि तान सप्पा धन लुटसदुर बाददा भी आकी येनु आराम सकिदिल, लेकीन मात यककुल रोगी आगेगीदुर. 27 आक यीशु उन बारा दा चर्चा केळीदुर, अनकु “भीळ दा हदि टु बंदकु आऊन कपळा अन्द कनार अक मुटदुर.” 28 यतकी आक मन मन दा अच अनतोगोर, “अगर ना आऊन कपळा अक मुटाईन, रा वळ्लीद आगेगाईन.”

29 आग आक यीशु उन कपळा अक मुटदुर अदकि तुरन्त आकनि खुन होगोद बंद आगेत, अदकि आ आरत तान शरीर दा ईद जान्स कौडुर का ना तान आ बमारी देल वळलेर आगेदीन. 30 यीशु तुरन्त तान मन दा जान्स कौडुन का नान दा टु ईद सामर्थ्य होटाद. अदकि आव भीळ दा हदि त्रिंगकु केळदुन, “नान कपळा अक यार मुटदुर?”

31 आग आऊन चेलागोळ आऊक अंदुर, नी नोळत्या का भीळ नीन मा बळिली इक आगतद, अदकि नी अनत्या का यार नानी मुटदुर?

32 लेकीन यीशु आक इक नोळर साटी नाकु दी कण्ण नेगुकु नोळदुन, का यार नानी मुटदुर.

33 आग आ आरत जो आकनि सांगुळ आगीत आक ईद जान्सकु का नान ह्यांग भलाई आग्याद, अंजत अदकि नळगतेला बंदुर, अदकि आऊन कालगोळ मुंद ट्वांगारा टेक्सकु आऊक सब हाल

* 5:20 ५:२० हत्त नगरगोळद धोळद शयर

खरा-खरा हेळ बूदुर. 34 यीशु आकनि से अंदुन, “हे पोरी, नीन वशिवास नीनी वळ्ळीद माळ्यादः खुशी देल होग, अदकि तान ईद बमारी देल ऊळदकु ईर.”

35 यीशु ईद अनतेला अच ईरोन कां यहुदी लॉकुरद सभागूह अन्द सरदार उन मान्या टु ध्वाळासा लॉकुर बंदकु अंदुर, “नीन पोर रा सोतोग्यार, ईंग गुरु उक येतरी दुख कोळत्या?”

36 लेकीन जो मात आंदुर अनोर, अदरी यीशु केळदुन पर ध्यान कोटीदील, यहुदी लॉकुरद सभागूह अन्द सरदार से अंदुन, “अंजबाळ, सर्फि वशिवास ईट.” 37 अदकि यीशु पतरस अदकि याकूब अदकि आऊन वार्ट यूहन्ना अक बटिकु, दुसरा यारीकु तान सांगुळ बर गोटीदील. 38 याग आंदुर सप्पा मुंदुर यहुदी लॉकुरद सभागूह अन्द सरदार उन मान्या बंदुर, रा यीशु नोळदुन कां अल खलबली मचुसकु आद. अदकि लॉकुरी हापाळ वरलेतेला अदकि चलिळासतेला नोळदुन. 39 आग यीशु मान्या अन्द बुळ्क होककु आंदुर से अंदुन, “नीव येतरी खलबली मचुसतीर अदकि वरलेतीर? पोर सायलका आर, लेकीन मगित्यार.”

40 आंदुर यीशु उन मज्याक हारसली कुरतुर, लेकीन आव सप्पा मुंदुरी तेगुकु पोर इन मोय-आप्प अदकि तान मुर चेलागोळ सांगुळ बुळ्क यल पोर बदिक् ईरोर, अल होदुर. 41 अदकि आव पोर इन कय हुळ्क आकनि से अंदुन, “तलीता कुमी!” यदुरद मतलब आद, “हे पोरी, ना नीन से अनतीन, येळ.”

42 अदकि आ स्याण पोर तुरन्त यदकु नळुली अदकि वयाळली कुरतुर; यतकी आक हन्नेळ वर्ष इनोर ईरोर. इदुर मा लॉकुर हापाळ सट्ट आगेदुर. 43 बाक यीशु आंदरी चेतावनी कोटकु आग्या कोटुन कां ईद मात याू जान्स ईला पायजे, अदकि आव अंदुन “पोर इक येनारा तनिली कोळी.”

6

नासरत ऊर दा यीशु उन अनादर

(मत्ती १३:५३-५८; लूका ४:१६-३०)

1 अल टु होटकु यीशु तान प्रदेश दा बंदुन; अदकि आऊन चेलागोळ भी आऊन हदि बंदुर. 2 आराम इन दशिी आव यहुदी लॉकुरद सभागूह दा उपदेश कोळली होदुन, अल हापाळ सा लॉकुर ईरोर, याग लॉकुर आऊन मातगोळ केळदुर, रा आंदुर सट्ट आगेदुर अदकि अनली कुरतुर, “ईऊक ईव मातगोळ यल टु होटबंदव? अदकि ईद याता ग्यान हुन जो ईऊक कोटकु आग्याद? आव चमत्कार ह्यांग माळतान? 3 येन ईव वहरस हुळ्ळी माळावाळा अन पार आलच, जो मरयिम उन पार, अदकि याकूब, योसेस, यहुदा, अदकि शमौन उन वार्ट हुन? येन आऊन आकतींगेर ईल नाम न्याड्या दा ईरालुर?” इदुरसाटी लॉकुर आऊंद इनकार माळ बुदुर.

4 *यीशु आंदुर से अंदुन, “भवषियवक्ता अन्द तान नगर, तान परिवार, अदकि तान मान्या मान सम्मान आगाल लेकीन दुसरा लॉकुर आंदुरद मान सम्मान माळतार.”

5 अदकि यीशु अल येनु सामर्थ्य इन क्याल्सा माळीदील, सर्फि ध्वाळासा बमारि लॉकुर मा कय ईटकु आंदरी चंगा माळदुन.

यीशु हन्नेळ चेलागोळी प्रचार माळली कळुदुन

(मत्ती १०:५-१५; लूका ९:१-६)

6 अदकि यीशु उक आंदुरद अवशिवास मा हापाळ आश्चर्य आत, अदकि आव नाकु दाकळव ऊरगोळ दा उपदेश कोळतेला वयाळदुन.

7 यीशु तान हन्नेळ चेलागोळी तान हात्ती कारदुन अदकि आंदरी दुष्टआत्मागोळी तेगोद अधिकार कोटदुन. अदकि येदूह-येदूह माळकु नगर दा कळुदुन 8 अदकि आंदरी आग्या कोटदुन, “हादी इन साठी कोल इक बटिकु अदकि येनु हुडुबाळी; ना रा रोटी, ना झ्वारा, अदकि ना नीम खसा दा पैस्या, 9 लेकीन केरू हाकी अदकि यातोदारा दुसरा कुळता ओयबाळी.” 10 अदकि यीशु चेलागोळ से अंदुन, “येलयारा नीमद यारदारा मान्या स्वागत आत, रा यागासताका अल टु सार

आगालीर आगासताका अदा मान्या दा रूक्सकु ईरी. 11 ❖अगर नीव ऊंद ईतता नगर दा होगतीर येल लॉकर नीमद स्वागत माळालुर या नीम मातगोळी केळालुर, रा अदरी बटि बुळी अदक तान कालगोळद धुळा झाळस कोमी. ईद आंदुर साटी ऊंद चेतावनी आदीन.”

12 आग आंदुर अल टु होटोदुर. अदक आंदुर होगकु प्रचार माळदुर, तान पापगोळी बळी अदक परमेश्वर उन दी तरिगी. 13 ❖आंदुर हापाळ सा दुषटआतुमागोळी तेगदुर, अदक हापाळ सा बमिर मंळसागोळ मा जैतून इन याण्णा अन्द मालसि माळकु आंदरी चंगा माळदुर.

यूहन्ना बपतसिमा कोळावाळा अक कोन्नोद
(मत्ती १४:१-१२; लूका ९:७-९)

14 ❖हेरोदेस राजा भी यीशु उन चर्चा केळदुन, यतकी आऊन हेसुर हापाळ फैलुसेगति, अदक येनारा लॉकर अंदुर, “यूहन्ना बपतसिमा कोळावाळा सोत्तुर दा टु जतिता आग्यान, इदुरसाटी आऊन से इव सामर्थ्य ईनव क्यालसा प्रगट आगताव.”

15 दुसरा लॉकर अंदुर, “इव एल्यियाह हुन.”

लेकीन यारारा दुसरा लॉकर अंदुर, “इव भवषियवक्ता हुन, हाळोद जमाना अन भवषियवक्तागोळ घाई ऊंद.”

16 ईद केळकु हेरोदेस राजा अंदुन, “आव बपतसिमा कोळावाळा यूहन्ना हुन. यार्द ताल्ला ना कळसुमीदीन, आवा सोत्तुर दा टु जतिता आग्यान!” 17 ❖हेरोदेस राजा तान सपिाईगोळी कळकु यूहन्ना अक हळसुसदुन अदक संकलीगोळ देल कटकु जयल दा हाक बुटीदुन. ईद हेरोदयिस इन कारण हेरोदेस हगि माळदुन, यतकी हेरोदेस तान वार्ट फलिपिपुस उन हगिस हेरोदयिस इन सांगुळ मदा माळ कोंडीदुन. 18 बपतसिमा कोळावाळा यूहन्ना घळी घळी हेरोदेस राजा से अनतेला ईत्तुन, “नीन साटी तान वार्ट उन हगिस उन से मदा माळोद उचति हैलेच.”

19 इदुरसाटी हेरोदयिस बपतसिमा कोळावाळा यूहन्ना से दुश्मनी ईटतोगोर अदक ईद चाहासोर क् आऊक हयांगारा भी कोन्नसुस बुळाईन; लेकीन हेरोदेस राजा अन्द कारण देल हगि माळ सकदील. 20 हेरोदेस यूहन्ना से अंजतोगोन. यतकी हेरोदेस जानसतोगोन क् बपतसिमा कोळावाळा यूहन्ना ऊंद न्यायी अदक पवतिर मंळसा आन, इदुरसाटी हेरोदेस आऊक ऊळसुकु ईटतोगोन, अदक यागल्यारा भी आव यूहन्ना अन्द मातगोळ केळतोगोन रा हापाळ अंजगतोगोन, लेकीन खुशी देल आऊन मातगोळ भी केळतोगोन.

21 आखरी दा हेरोदयिस इक हेरोदेस उन जनम दिन मा वळलीद मौका सकित. अदक आंदुर प्रधानगोळी, सेनापतीगोळी, अदक गलील इन धोळ धोळ लॉकुरी ऊमली कार्सदुर. 22 रा हेरोदयिस इन पोर बुळक बंदुर, अदक कुणुकु हेरोदेस उक अदक आऊन सांगुळ जो कुरतकु पावनागोळ ईरोर आंदरी खुश माळदुर. रा राजा आ पोर इन से अंदुन, “नी जो चाहासुया अद नान से बेळ, ना नीनी कोळाईन.” 23 अदक आव करिया तनिकु आकी वचन कोट्टुन, क् नी जो भी नान से बेळ्या अद ना नीनी कोळाईन, ईल ताका क् नांद आरधा राज्य भी.

24 आग आ पोर व्हार्या होगकु तान मोय इन से केळदुर, “ना येन वेळाईन?” रा आक इन मोय हेरोदयिस माताळदुर,

“यूहन्ना बपतसिमा कोळावाळा अन्द ताल्ला.”

25 आक तुरन्त राजा हेरोदेस उन हात्ती बुळक बंदुर अदक आऊन से वनिती माळदुर, “ना चाहासतीन, क् नी ईगल्या बपतसिमा कोळावाळा यूहन्ना अन्द ताल्ला ऊंद टाटी दा नानी कारसुकु कोळ.”

26 इदुर देल हेरोदेस राजा हापाळ उदास आदुन, लेकीन आव तान सप्पा पाऊनागोळद मुंद वादा माळीदुन अदक करिया तर्दीदुन. ई कारण देल आकी मना माळ सकदील. 27 इदुरसाटी राजा

❖ 6:11 ६:११ पेरतिगोळ १३:२१

❖ 6:11 ६:११ लूका १०:४-११

❖ 6:13 ६:१३ याकूब ५:१४

❖ 6:14 ६:१४ मत्ती

१६:१४; मरकुस ८:२८; लूका १:१९

❖ 6:17 ६:१७ लूका ३:१९,२०

तुरन्त ऊंद सपिाही इक आग्या कोटकु कळुदुन कि बपतसिमा कोळावाळा यूहन्ना अन ताल्ला कळकु तंदान, आग जल्लाद जेलखाना दा होगकु आऊन ताल्ला कळदुन. 28 अदकि ऊंद टाटी दा ईटकु तंदुन अदकि आ पोर इक कोटदुन, अदकि पोर तान मोय इक कोटदुर. 29 ईद केळकु यूहन्ना नोर चेला बंदुर, अदकि आऊन लाश इक ओतुर अदकि कवर दा ईटदुर.

हन्नेळ प्रेरतिगोळ्द वापसी

(मत्ती १४:१३-२१; लूका ९:१०)

30 आग प्रेरतिगोळ्द वापस बंदुर अदकि यीशु से सकिदुर, अदकि जो भी आंदुर माळीदुर अदकि कलसीदुर, सब यीशु अक हेळदुर. 31 यीशु आंदुर से अंदुन, “नळी अदकि अलग येलयारा सुनसान जागा दा नळुकु आराम माळी.” यतकी अल हापाळ लांकुर होगोद-बरोद माळतोगोर, अदकि आंदरी ऊमोद मवका भी ईला सकितोगोद. 32 इदुरसाटी आंदुर ड्वांगा मा येरकु, सुनसान जागा दा अलग होटोदुर.

यीशु भीळ इक भोजन तनिसदुन

(मत्ती १४:१५-२१; लूका ९:११-१७; यूहन्ना ६:१-१४)

33 हापाळ मुंदुर आंदरी होग्त नोळदुर अदकि ऊंद घन दा अरत कोंडुर कि आंदुर यार उर; अदकि सप्या लांकुर नगरगोळ्द दा टु जमा आगकु अल पैदल हरदुर अदकि यीशु अदकि आऊन चेलागोळ्द से पयले होगकु पोहचुसदुर. 34 याग यीशु ड्वांगा दा टु व्हार्या होटदुन रा ऊंद धोळ्द भीळ नोळदुन, अदकि आऊक आंदुर मा दया होट्ट बत्त, यतकी आंदुर आ म्यांडागोळ्द घाई ईरोर, यार्द यारू रखवाला ईरालुर; इदुरसाटी यीशु आंदरी हापाळ सा मातगोळी कलसली कुरतुन. 35 याग द्याव हापाळ मुळकेत, रा आऊन चेलागोळ्द आऊन हात्ती बंदकु अनली कुरतुर, “ईद सुनसान जागा आद, अदकि द्याव हापाळ मुळकेग्याद. 36 लांकुरी सार माळ कि नाकु दाकळव ऊरगोळ्द अदकि मोहल्ला दा होगकु, ताम साटी येनारा तनिली कोंड कोमुल.”

37 लेकीन यीशु आंदरी उत्तर कोटदुन, “नीवा आंदरी येनारा तनिली कोळी.”

चेलागोळ्द यीशु से अंदुर, “नाव येद्व सौ दीनार* इन रोटीगोळी कोंडेव, अदकि आंदरी तनिसेव?”

38 इदुरसाटी यीशु आंदुर से अंदुन, “होगकु नोळी नीम हात्ती यास रोटीगोळ्द आव?”

आंदुर मालूम माळकु अंदुर, “अईद रोटीगोळ्द अदकि येद्व मेन.”

39 आग यीशु तान चेलागोळी आग्या कोटुन, कि सब मुंदरी हसीद काड्डा मा पंगत पंगत दा कुरस वूळी. 40 आग आंदुर सौ सौ अदकि पचास पचास माळकु पंगत पंगत दा कुरतोदुर. 41 आव आ अईद रोटीगोळी अदकि येद्व मेनगोळी हुळदुन, अदकि स्वरग दी नोळकु परमेश्वर उक धन्यवाद माळदुन, अदकि रोटीगोळ्द मूरू-मूरुकु चेलागोळी कोळतोदुन कि आंदुर लांकुरी वाळसुल, अदकि अव येद्व मेनगोळ्द भी आ सब मुंदुर दा वाळस बुटदुन. 42 अदकि सब मुंदुर तनिकु संतुष्ट आगेदुर. 43 अदकि चेलागोळ्द मकिकु रोटीगोळ्द अदकि मेनगोळ्द तुकळा देल हन्नेळ फुट्टीगोळ्द तुमकु नेगदुर. 44 यार रोटीगोळी तदुरि, आंदुरदा सर्फि मळसागोळ्द संख्या अईद हजार ईरोद.

यीशु उन नीर मा नळोद

(मत्ती १४:२२-३३; यूहन्ना ६:१५-२१)

45 आग यीशु तुरन्त तान चेलागोळी ड्वांगा मा कुरोर साटी मजबुर माळदुन कि आंदुर आऊन से पयले झील इन आप्पाटी बैतसैदा नगर इक होटोगुल, कि आव आगासताका लांकुरी सार माळ्यान. 46 लांकुरी सार माळकु यीशु पहाळी मा प्रारथना माळली होटोदुन. 47 याग द्याव मुळकेत, रा आग ड्वांगा झील इन न्याड्या दा ईरोद, अदकि यीशु आबना क्याररा अन्द भूमी इन कनाररा मा ईरोन. 48 याग यीशु नोळदुन कि आंदुर ड्वांगा नळ्स नळ्सकु घबरसेग्यार, यतकी आँधी ड्वांगा अन्द

* 6:34 ६:३६ मत्ती ९:३६

* 6:37 ६:३७ दीनार-ऊंद चाँदी इन सकिका याने ऊंद दनि इन रोजी

ऊलट ईरोद, रा ईळ्लक इन मुर अदकि आर पहर इन हात्ती आव झील मा नळुतेला आंदुर हात्ती बंदुन; अदकि आंदुर से मूंद होटबुळोद चाहासोन. ⁴⁹लेकीन आंदुर आऊक झील मा नळुतेला नोळकु रा सम्सदुर क ईद ऊंद भूत हुन, अदकि चलिळास कुरतुर;

⁵⁰यतकी सप्पा मुंदुर आऊक नोळकु अंजेगीदुर. लेकीन यीशु तुरन्त आंदुर से मात हेळदुन अदकि अंदुन, “हमिमत ईटी: ना हुईन; अंजवाळी!” ⁵¹आग आव आंदुर हात्ती इवांगा मा बंदुन, अदकि हवा रूकसेत: अदकि आंदुर हापाळ अच आशचर्य माळली कुरतुर. ⁵²आ चेलागोळ अईद हजार लॉकुरी रोटीगोळ तनिसोद मात सम्स ईला सकीदुर, यतकी आंदुर अव मन कट्टर आगेगीदव.

गन्नेसरत दा यीशु रोगीगोळी चंगा माळदुन
(मत्ती १४:३४-३६)

⁵³यीशु अदकि आऊन चेलागोळ आप्पाटी ईळुकु गन्नेसरत इन भूमी मा पोहचुसदुर, अदकि इवांगा घाट इन कनारा मा हचदुर. ⁵⁴याग आंदुर इवांगा मा टु ईळदुर, रा लॉकुर तुरन्त यीशु उक अर्त कौडुर. ⁵⁵आसपास इन पुरा प्रदेश दा हरदुर, अदकि बमारगोळी व्हर्स मा मगिसकु, येल येल समाचार केळदुर क आव हुन, अल अल हूतेला वयाळदुर. ⁵⁶अदकि येल्यारा यीशु ऊरगोळ, नगरगोळ या मोहल्ला दा होगतोगोन, रा लॉकुर बमारगोळी सात्तागोळ दा ईटकु आऊन से वनिती माळतोगोर, क आव आंदरी तान कपळा अन्द पल्लाक अच मुट गोळुल: अदकि यास आऊक मुटतोगोर, आंदुर सब चंगा आगेगीदव.

7

पुरवजगोळद परंपरा अन्द प्रश्न
(मत्ती १५:१-९)

¹आग फरीसी अदकि थवाळासा शास्त्री जो यूरशलेम टु बंदीदुर, यीशु उन आसपास जमा आदुर, ²आंदुर नोळदुर क फरीसीगोळद शिक्षा अन्द अनुसार अशुध्द मतलब बनिा कय तोळद आऊन चेलागोळ रोटीगोळ तनित्यार.

³यतकी फरीसी अदकि सप्पा यहूदी, तान पुरवजगोळद परंपरा मा नळुतार, अदकि आंदुर आगासताका ऊमालुर यागासताका वळलीसा कय तोळद कोमालुर. ⁴सात्ता टु तरत यातोदु चजि इक बनिा तोळद तनालुर, अदकि हगि हापाळ सा दुसरा मातगोळ आव, जो पुरवजगोळद शिक्षा अन्द अनुसार आंदुर हात्ती मानसोर साठी पोहचुसकु आग्याद, जसा कटोरा, अदकि गळु, व्हर्स अदकि तांबा नव बरतनगोळी तोळोद.

⁵इदुरसाटी आ फरीसी अदकि नयिम इन शास्त्रीगोळ आऊन से केळदुर, “नीनोर चेलागोळ येती पुरवजगोळद परंपरा अन्द पालन माळालुर, अदकि बनिा कय तोळद रोटी तनितार?”

⁶यीशु आंदुर से अंदुन, यशायाह नीम कपटीगोळद बारा दा खरा अच भवषियवाणी माळीदुन; हयांग लखिसकु आद;

ई लॉकुर टुटगोळ देल रा नान आदर माळतार,
लेकीन इंदुर मन नान से दुर ईरतद.

⁷इंदुर बेकार अच नान उपासना माळतार,
यतकी इंदुर खुद इन नयिमगोळी
परमेश्वर उन नयिम माळकु कल्सतार.

⁸यतकी नीव परमेश्वर उन आग्या अक टाल्सकु मळसागोळद रीतीगोळी मानसतीर.

⁹यीशु आंदुर से अंदुन, नीव परमेश्वर उन आग्या अक टाल्सदुर दा बळा चतुर आगेगीर, क तान परंपरागोळद स्थापना माळ सककीर. ¹⁰यतकी मूसा अंदान, तान आप्प अदकि तान मोय इन आदर माळी अदकि जो यावारा भी तान आप्प या मोय इक बुरा भला अनुल, रा आऊक जूर कौद बुळी. ¹¹लेकीन नीव अनतीर क अगर यावारा तान आप्प या मोय से अनुल, जो येनारा नीनी

नान से लाभ आग सकोद, अद ना पयले टु उच परमेश्वर उक अरपति माळ बूटीन. 12 रा नीमी आऊन आपुप या आऊन मोय इन स्यावा ईला माळोद बहाना सकिकेगतद. 13 ई परकार देल नीव लॉकुर तान परंपरागोळ देल, नयिम ठहूरस्तीर, अदकि परमेश्वर उन वचन टाल्स बुळतीर; अदकि हगि हापाळ सा मातगोळ माळतीर.

मंळसागोळी अशुध्द माळव मातगोळ (मत्ती १५:१०-२०)

14 आग यीशु लॉकुरी तान हातती कारूकु आंदुर से अंदुन, “नीव सब नान मातगोळ केळी, अदकि समसी. 15 हगि रा यातोद भी वस्तु ईलच जो मंळसा दा व्हार्या टु बुळक बंदकु आऊक अशुध्द माळीत लेकीन जो वस्तुगोळ मंळसा अन्द बुळक टु व्हार्या होळताव अव अच रा मंळसा अक अशुध्द माळताव. 16 *अगर यारोवारा केळव कवि आव रा केळ कोमुल.”

17 याग यीशु भीळ इन हातती टु मान्या होदुन, रा आऊन चेलागोळ ईद उदाहरण इन बारा दा आऊन से केळकु समझसली हेळदुर. 18 यीशु आंदुर से अंदुन, येन नीव भी हगि नासमज आईर? येन नीव समसालीर कि जो वस्तु व्हार्या टु मंळसा अन्द बुळक होगतद, अद आऊक अशुध्द माळ सकाल? 19 यतकी अद आऊन मन दा ईला, लेकीन आऊन व्हाट्टा दा होगतद अदकि थाळ्लकु दा टु व्हार्या होट्ट बुळतद! ईद अनकु आव सप्पा भोजन वस्तुगोळी शूध्द ठहूरसदुन.

20 वाक यीशु अंदुन, “जो मंळसा अन मन दा टु होळतद, अदा मंळसा अक अशुध्द माळतद. 21 यतकी बुळक टु, मतलब कि मंळसा अन मन दा टु, बेकार-बेकार वचिार, व्यभिचिार, दुष्टता, काळलपनी, कोन्नोद, परस्त्रीगमन, 22 लोभ, छल-कपट, लुचपन, बुरानजर, ईर्ष्या, अपमान, अभिमान, अहंकार अदकि मूर्खता होळतद. 23 ई सप्पा बुरा मातगोळ मन इन बुळक टु होळताव अदकि मंळसा अक अशुध्द माळताव.”

गैरयहूदी आर्त इन वशिवास (मत्ती १५:२१-२८)

24 वाक यीशु अल टु यदकु सूर इन आसपास इन प्रदेश दा बंदुन; अदकि ऊंद मान्या होदुन अदकि आव ईला चाहासोन कि यारीकु पता नळुल; कि आव अल आन लेकीन तरी भी आव होचकोम सकदील. 25 अदकि तुरनूत ऊंद आर्त यार्द स्याळ्द पोर इन दा दुष्टआत्मा ईरोद, आऊन बारा दा केळकु, अदा घनी आऊन हातती बंदुर अदकि आऊन कालगोळ मा बदिदुर. 26 ई आर्त गैरयहूदी ईरोर अदकि सीरयिा अन्द फनिनीका दा पैदा आगीदुर. आक यीशु से वनिती माळदुर कि नान पोर इन दा टु दुष्टआत्मा तेगुकोळ. 27 यीशु आकनि से अंदुन, “पयले पारगोळी संतुष्ट आगगोळ, यतकी पारगोळ्द रोट्टी हूळकु नायगोळ्द मुंद हाककोद उचति हैलेच.”

28 लेकीन आ आर्त यीशु उक उत्तर कोट्टुर, “खरा आद प्रभु; तरी भी नायगोळ भी रा मेज इन ल्यालमा चकिोर्द रोट्टी इन चुराचारा तनि कोमताव.”

29 इदुरसाटी यीशु आ आर्त इन से अंदुन, “ई उत्तर इन कारण देल होटोग; दुष्टआत्मा नीन पोर इन मय दा टु होटवुटाद.”

30 अदकि आक तान मान्नी बंदकु नोळदुर कि पोर व्हर्स मा मगिकु आर, अदकि दुष्टआत्मा आकनि मय दा टु होटवुटाद.

यीशु बयरा अदकि तोतळा मंळसा अक चंगा माळदुन

31 वाक यीशु सूर हेसुर इन प्रदेश टु होटकु सैदा टु आगतेला गलील इन क्यार्रा मा बंदकु आव दकिपुलसि ताका बंदुन. 32 रा लॉकुर ऊद बयरा अक जो तोतळा भी ईरोन, यीशु उन हातती तंदकु आंदुर आऊन से वनिती माळदुर कि तान कय आऊन मा ईटुल. 33 आग यीशु आऊक भीळ टु अलग आबना दा ओतुन, अदकि तान बेळ्लगोळी आऊन कवि दा हाकदुन, अदकि ऊगुळकु आऊन

* 7:16 ७:१६ अगर यारोवारा केळव कवि आव रा केळ कोमुल

ल्यालग्या अक मूटदुन; ³⁴ अदकि स्वरग इन दी नोळकु लंबा सास ताकोडुन, अदकि आऊन से अंदुन, “इप्फत्तह!” मतलब “तेरदोग!”

³⁵ अदकि आऊन अब कवि तेरदोदव, अदकि आऊन ल्यालग्या अनूद गाठ भी तेरदोत, अदकि आव साफ साफ माताळली कुरतुन. ³⁶ आग यीशु आंदरी चेतावनी कोटदुन कियारीकु हैळवाळी; लेकीन याट आव आंदरी चेतावनी कोटीदुन आट अच आंदुर मात प्रचार माळली कुरतुर. ³⁷ आंदुर हापाळ अच आश्रय चकति आगकु अनली कुरतुर, “यीशु याट वळलीद तरीका देल ई सब येनारा माळतान; आव बयरागोळी भी केळोद, अदकि मुक्कागोळी माताळोद शक्ति कोळतान.”

8

नाक हजार लॉकुरी ऊमली कोळोद
(मत्ती १५:३२-३९)

¹ आ दनिगोळ दा याग धोळद भीळ जमा आत, अदकि आंदुर हात्ती तनिली येनु ईला ईरोद, रा यीशु तान चेलागोळी हात्ती कारूकु आंदुर से अंदुन, ² “नानी ई भीळ मा हापाळ दया बरेत्याद यतकी इंदुर मुर दनि टु बराबर नान सांगुळ आर, अदकि इंदुर हात्ती तनिली येनु हैलेच! ³ अगार ना आंदरी उपासी मान्या कळाईन, रा हादी मा थक्सकु वदिदार; यतकी आंदुर दा टु यार यारारा हापाळ दुर टु बंदार.”

⁴ यीशु उन चेलागोळ आऊक उत्तर कोट्टुर, “ईल आळी दा ईस रोटी यारारा यल टु तर सकतार क इंदुर संतुष्ट आगुल?”

⁵ यीशु आंदुर से केळदुन, “नीम हात्ती यास रोटीगोळ आव?”

आंदुर अंदुर, “येळ.”

⁶ आग यीशु भीळ इक ल्यालमा कुरोद आदेश कोट्टुन, अदकि आ येळ रोटीगोळी हुळदुन, अदकि परमेश्वर उक धन्यवाद माळकु मुरदुन, अदकि अवरी तान चेलागोळी कोट्टुन क आंदुर आ मंळसागोळ मुंद ईटुल, अदकि आंदुर लॉकुर मुंद वाळस बुदुर! ⁷ आंदुर हात्ती थुवाळासा स्याणेव मेनगोळ भी ईरव. आव अऊर मा परमेश्वर उक धन्यवाद माळकु अवरी भी लॉकुर दा वाळसली अंदुन. ⁸ आंदुर तनिकु संतुष्ट आगोदुर अदकि चेलागोळ जो मगिद तुकळागोळ येळ फुट्टी तुमकु नेगदुर! ⁹ अदकि लॉकुर नाक हजार इन हात्तीपास ईरोर. यीशु आंदरी वदि माळदुन, ¹⁰ अदकि आव तुरन्त तान चेलागोळ सांगुळ इवांगा मा येरकु दलमनुता प्रदेश इक होटोदुन.

फरीसीगोळ यीशु उक चमत्कार माळली अंदुर
(मत्ती १२:३८-४२; १६:१-४)

¹¹ *बाक फरीसी बंदकु यीशु से बैसबाजी माळली कुरतुर, अदकि आऊन परीक्षा ताकोमोर साटी आंदुर आऊन से ऊंद स्वरगीय चमत्कार बेळदुर! ¹² *आव तान आत्मा दा आह तुमकु अंदुन, “ई समय इन लॉकुर योना अनूद चमत्कार येती दुंदसतार? ना नीम से खरा-खरा अनतीन क ई समय इन लॉकुरी येनु चमत्कार कोटकु आगतीदील.”

¹³ अदकि यीशु आंदरी बटिकु इवांगा मा येरेदुन अदकि दुसरा कनिरा मा होटोदुन.

फरीसीगोळ अदकि हेरोदेस उन खमीर
(मत्ती १६:५-१२)

¹⁴ चेलागोळ रोटी हुडोद मारतोगीदुर, अदकि इवांगा मा आंदुर हात्ती ऊंद अच रोटी ईरोद! ¹⁵ *यीशु आंदरी चेतावनी कोटकु अंदुन, “नोळी, फरीसी नव खमीर* अदकि हेरोदेस ईनव खमीर देल सावधान ईरी.”

* 8:11 द:११ मत्ती १२:३८; लुका ११:१६

* 8:12 द:१२ मत्ती १२:३९; लुका ११:२९

* 8:15 द:१५ लुका १२:१

* 8:15

द:१५ खमीर-फरीसीगोळद गलत शक्ति

16 आंदुर आपस दा मातचीत माळली कुरतुर, कऱि “नाम हात्ती रोट्टी हैलेच अनकु आव हगि अनेत्यान.”

17 ईद जानसकु यीशु आंदुर से अंदुन, “नीव आपस दा येती ईद वचऱार माळेतीर कऱि नाम हात्ती रोट्टी ईलच? येन नीम मन कट्टर आगोग्याव? 18 *येन कण्ण ईतकु भी नीव नोळ सकालीर? अदकऱि कवऱि ईतकु भी केळ सकालीर? अदकऱि येन नीमी याद ईलच?”

19 कऱि याग ना अईद हजार लॉकुर साटी अईद रोट्टी मुरददिन रा नीव तुकळा गोळ्द यास फुट्टी तुमकु नेगददिंर? आंदुर यीशु से अंदुर, “हननेळ फुट्टीगोळ.”

20 अदकऱि येन नीमी याद हैलेच कऱि “याग ना नाक हजार लॉकुर साटी येळ रोट्टी मुरददिन रा नीव तुकळा गोळ्द यास फुट्टी तुमकु नेगददिंर?”

आंदुर आऊन से अंदुर, येळ फुट्टीगोळ.

21 बाक यीशु आंदुर से केळदुन, “येन नीव ईगासताका समसीदील?”

यीशु बैतसैदा दा ऊंद कुदढ मंळसा अक चंगा माळदुन

22 आंदुर बैतसैदा दा बंदुर; अदकऱि लॉकुर ऊंद कुदढ मंळसा अक आऊन हात्ती तंदुर अदकऱि यीशु उन से वनिती माळदुर कऱि आऊक मुट्ट. 23 आव कुदढ मंळसा अन्द कय हुळकु आऊक ऊर इन व्हारया ओतुन, अदकऱि आऊन कण्णगोळ मा उगुळकु आऊन मा कय ईटदुन, अदकऱि आऊन से केळदुन, “येन नीनी येनारा कांळसतद?”

24 आव कण्ण नेगकु अंदुन, “ना मंळसागोळी नोळ सकतीन; आंदुर नानी माररगोळ आसपास नळुतेला कांळसीत्यार.”

25 आग यीशु दुवारा आऊन कण्णगोळ मा कय ईटदुन, अदकऱि आ कुदढ मंळसा ध्यान देल नोळदुन. आव चंगा आगोदुन, अदकऱि सब साफ-साफ नोळली कुरतुन. 26 यीशु आऊक ईद अनकु मान्नी कळुदुन, “ईद ऊर इन बुळक टु आगकु होंगवाळ सीधा तान मान्नी होंग.”

पतरस उन यीशु उक मसीह स्वीकार माळोद

(मत्ती १६:१३-२०; लूका ९:१८-२१)

27 यीशु अदकऱि आऊन चेला कैसरया फलिप्पी इन ऊरगोळ दा होटोदुर! हादी मा आव तान चेलागोळ से केळदुन, “लॉकुर नान बारा दा येन अनतार कऱि ना याव हुईन?”

28 *आंदुर उत्तर कोट्टुर, ईव “यूहन्ना बपतसिमा कोळावाळा; पर यारारा ईव एलयियाह अदकऱि यारारा ईव भवषियवक्तागोळ दा टु यावारा ऊंद हुन.”

29 *यीशु आंदुर से केळदुन, “लेकीन नीव नानी येन अनतीर?”

पतरस आऊक उत्तर कोट्टुन, “नी मसीह उध्दारक हुय.”

30 आग आव आंदरी आग्या कोटक अंदुन कऱि नान बारा दा यारीकु हेळवाळेतीर!

तांद मृत्यु अदकऱि पुनरूत्थान इन बारा दा यीशु उन भवषियवाणी

(मत्ती १६:२१-२८; लूका ९:२२-२७)

31 आग यीशु तान चेलागोळी कलसली कुरतुन कऱि मंळसा अन पार उन साटी जरूरी आद कऱि आव हापाळ दुख नेगदान, अदकऱि स्याणा अदकऱि प्रधान याजक, अदकऱि नयिम शास्त्रीगोळ द्वारा टहूसकु आगकु आऊक तुच्छ समसकु कोंदबुटार, लेकीन आव मुर दनि इन बाद्दा जत्तिता आगेदान.

32 आव ईद मात आंदुर से साफ-साफ अंद बुट्टुन. इदुर मा पतरस आऊक दनकुसकु अंदुन हगि आगसकाल. 33 लेकीन यीशु तर्गिकु तान चेलागोळ दी नोळदुन, अदकऱि पतरस उक दनकुसकु अंदुन, “हे शैतान, नान मुंद टु दुर आग; यतकी नी परमेश्वर उन मात मा ईला, लेकीन मंळसा अन मातगोळ मा मन हचत्या.”

34 *यीशु भीळ इक तान चेलागोळ सांगुळ हात्ती कार्कु आंदुर से अंदुन, “जो यावारा नान हदि बरोद चाहासतान, आव तान खुद इन इनकार माळ्ल अदकि आऊक दुख नेगोद बदिदीत अदकि सायोद बदिदीत आवा, तान कूस* नेगुक्, नान हदि आगुल. 35 *यतकी जो यावारा तान जीव ऊळसोद चाहासयान आव अदरी खोऊसयान, लेकीन जो यावारा नान अदकि खुशखबरी इन साटी तान जीव खोऊसयान, आव अदरी ऊळसयान. 36 अगर मंळसा पुरा दुनयिा अक हासलि माळ्ल अदकि तान जीव इन नुकसान आगगोळ्ल, रा आऊक येन लाभ आदीत? 37 मंळसा तान जीव इन बदला दा येन कोट्टान? 38 जो यावारा ईद व्यभचारी अदकि पापी जाती इन न्याइया नान से अदकि नान मातगोळ देल लाजुसयान, ना मंळसा अन पार याग पवत्रि स्वर्गदूतगोळ सांगुळ तान आप्प उन महमिा अन्द सांगुळ बराईन, आग आव नान से भी लाजुसयान आंदरी भी ना अपनुसाईन.”

9

1 यीशु आऊन से अंदुन, “ना नीम से खरा-खरा अनतीन कि जो ईल नीदुरकु आर, आंदुर दा टु यारारा-यारारा हगि आर, कि यागासताका परमेश्वर उन राज्य अक सामर्थ्य सहति बरत नोळकोमालुर, आगासताका आंदुर सायतीदील.”

यीशु उन रूप बदलुसोद

(मत्ती १७:१-१३; लूका ९:२८-३६)

2 *आर दिन इन वाद्दा यीशु, पतरस, याकूब अदकि यूहन्ना अक सांगुळ हुळदुन, अदकि आबना अन् दा ऊद धोळ्द पहाळी मा ओतुन. अल आंदुर मुंद आऊन रूप बदलुसेत, 3 अदकि आऊन कपळा हगि चमकुसली हतदव अदकि ईल ताका उजुळ आत, कि पृथ्वी मा यातोवारा धोबी भी हांग उजुळ माळ सकालुन. 4 अदकि आंदरी मूसा अन्द सांगुळ एलियिाह काळ्सदुन; आंदुर यीशु उन सांगुळ मात माळतोगोर! 5 इदुर मा पतरस यीशु से अंदुन, “हे गुर, नाम ईल ईरोद वळलीसा आद: इदुरसाटी नाव मुर हांदरा माळाता; ऊद नीन साटी, ऊद मूसा साटी, अदकि ऊद एलियिाह अन्द साटी.” 6 पतरस ईला जानसोन कि येन उत्तर कोळाईन, इदुरसाटी कि आंदुर हापाळ अजेगीदुर!

7 *आग ऊद बादल आंदरी घेरसकोमत्, अदकि आ बादल दा टु ईद आवाज होळत, इव नान परयि पार हुन, ईऊन केळी. 8 आग आंदुर अचानक नाकु दी नजर माळकु नोळदुर, अदकि यीशु उक बटिकु तान सांगुळ अदकि यारीकु नोळीदील.

9 पहाळी मा टु ईळा होती यीशु आंदरी आग्या कोट्टुन कि यागासताका ना मंळसा अन पार सोत्तुर दा टु जत्तिता आगालीन, आगासताका जो येनारा नीव नोळीर अद यारीकु हेळवाळेतीर.

10 आंदुर आऊन आग्या अक मान्सदुर; अदकि आपस दा चर्चा माळली हतदुर, “सोत्तुर दा टु जत्तिता आगोद येन मतलब आद?” 11 *अदकि आंदुर आऊन से केळदुर, “बाक शास्त्री यती अनतार कि एलियिाह अन्द पयले बरोद जरूरी आद?”

12 आव आंदरी उत्तर कोट्टुन, “एलियिाह खराखुरा पयले बंदकु सब येनारा सुधारसली बंदान, लेकीन मंळसा अन पार उन बारा दा ईद येती लखिसकु आद कि आव हापाळ दुख नेगदान, अदकि टुकूरसकु आदान? 13 लेकीन ना नीम से अनतीन, कि एलियिाह रा होटबंदुन, अदकि जसा आऊन बारा दा लखिसकु आद, आंदुर हयांग चाहासदुर हांग अच आऊन सांगुळ माळदुर.”

यीशु दुष्टआत्मा हतकु पार उक चंगा माळदुन

(मत्ती १७:१४-२१; लूका ९:३७-४३)

14 याग यीशु चेलागोळ हात्ती बंदुन, रा नोळदुन कि आंदुरद नाकु दी धोळ्द भीळ हतकु आद, अदकि नयिम इन शास्त्री आंदुर सांगुळ ववािद माळीत्यार. 15 आऊक नोळतेला अच सप्पा

* 8:34 द:३४ मत्ती १०:३८; लूका १४:२७ † 8:34 द:३४ कूस-दुख इन परतकि * 8:35 द:३५ मत्ती १०:३९; लूका १७:३३; यूहन्ना १२:२५ * 9:2 ९:२२ पतरस १:१७,१८ * 9:7 ९:७ मत्ती ३:१७; मरकुस १:११; लूका ३:२२ * 9:11 ९:११ मत्ती ११:१४

लॉकुर हापाळ आशचरय माळती कुरतुर, अदकि ह्यांग आंदुर यीशु उक नोळदुर रा आऊन दी ओळकु आऊक नमस्कार माळदुर. 16 यीशु आ चेलागोळ से केळदुन, “नीव इंदुर से येन बहस माळेतीर?”

17 भीळ दा टु ऊंद मंळसा यीशु उक उत्तर कोट्टुन, “हे गुरु, ना तान पार उक, यारदा मुक्की आत्मा समुस्याद, अदकि आव माताळ सकालुन नीन हात्ती तंददिन. 18 आक आऊक येल्यारा भी हुडूतार, अल्या पटकुस बुळतार: अदकि आव बाय दा फेस तरतान, अदकि हल्ल कचतान, अदकि वळगतेला होगतान. ना नीन चेलागोळ से अदीन कनिीव आ दुष्टआत्मा अक तेगी, लेकीन आंदुर तेगु सकदील.”

19 ईद केळकु यीशु चेलागोळी उत्तर कोटकु अंदुन, “हे अवशिवासी लॉकुरा, ना यागासताका नीम सांगुळ ईराइन? अदकि यागासताका नीमूद सहन माळाईन? आ पार उक नान हात्ती तरी.”

20 आग आंदुर आ पार उक आऊन हात्ती तंदुर: अदकि याग आव आऊक नोळदुन, रा अद आत्मा तुरन्त आऊक मुरकुळस्त; अदकि आव जागा मा बदिदुन, अदकि बाय दा टु फेस तेगुतेला गळवळी तनिली कुरतुन.

21 यीशु आऊन आप्प उन से केळदुन, “ईऊंद हगि दशा यागी टु आद?” आव अंदुन, “बचपन टु. 22 आ दुष्टआत्मा ईऊक कोन्नोर साटी यागलु बेक्की दा अदकि यागलु नीर दा केडुकु कोन्नोद कोशशि माळतद; लेकीन अगर नी येनारा माळ सकत्या रा, नाम मा तरस तनिकु नाम सहायता माळ.”

23 यीशु आऊन से अंदुन, “अगर नी माळ सकत्या? रा वशिवास माळ. यतकी वशिवास माळावाळेर साटी सब येनारा आग सकतद.”

24 पार उन आप्प तुरन्त गळिगळिासकु अंदुन, “हे प्रभु, ना वशिवास माळतीन, लेकीन नान वशिवास काफी हलैच नांद अवशिवास इन उपाय माळ.”

25 याग यीशु नोळदुन किलॉकुर ओळकु भीळ जमा माळीत्यार, रा आव दुष्टआत्मा अक ईद अनकु दनकुसदुन, “हे मुक्की अदकि दुश्मन दुष्टआत्मा, ना नीनी आग्या कोळतीन, आऊन दा टु होळबुळ, अदकि आऊन दा बाक यागलु प्रवेश माळबाळेत.”

26 आग दुष्टआत्मा चळिलासकु अदकि आऊक हापाळ मुरकुळसकु, होट्ट बुळत; अदकि पार सोत्तुर घाई आगेदुन, ईल ताका किलॉकुर लॉकुर अंदुर, “आव सोतोदुन.” 27 लेकीन यीशु आऊन कय हुळकु आऊक येवसदुन. अदकि आव पार नीदरेदुन.

28 याग यीशु मान्नी बंदुन, रा आऊन चेलागोळ आबना दा आऊन से केळदुर, “नाव आ दुष्टआत्मा अक आ पार उन दा टु यती तेगु सकदील?”

29 आव आंदुर से अंदुन, “ईद प्रार्थना अनूद अलावा अदकि दुसरा उपाय देल होळ सकाल.”

तान सायोद बारा दा यीशु उन मातत: भवषियवाणी

(मत्ती १७:२२-२३; लुका ९:४३-४५)

30 बाक यीशु अदकि आऊन चेला अल टु होटकु, गलील टु आगुत होगोर. आव ईला चाहासोन कियारीकु भी पता आगुल कनिा ईल आईन, 31 यतकी आव तान चेलागोळी उपदेश कोळोन अदकि आंदुर से अनतोगोन, “ना मंळसा अन पार, मंळसा अन कयदेला हुळसुसकु आगाईन, अदकि आंदुर नानी कौद वुटार; अदकि ना सोतकु मुर दनि इन बाददा जतित्ता आगाईन.”

32 पर ईद मात आंदुर समझ दा बंददील, अदकि चेलागोळ यीशु उक केळेर से अंजतोगोर.

सब से धोड्डेव याव?

(मत्ती १८:१-५; लुका ९:४६-४८)

33 बाक आंदुर कफरनहूम दा बंदुर; अदकि मान्ना दा बंदकु यीशु चेलागोळ से केळदुन, “हादी मा नीव याता मात मा बहस माळीर?”

34 *लेकीन आंदुर संग्गा ईततुर, यतकी हादी मा आंदुर आपस दा ईद बहस माळीदुर का नाम दा टु धोडडेव याव आन. 35 *आग यीशु कुरतकु हनुनेळ चलागोळी कारदुन अदकि आंदुर से अंदुन, “अगर यावारा धोडडेव आगोद चाहासतान, रा आव सब से स्याणेव अदकि सप्पा मुंदुरद सेवक आगुल.” 36 अदकि आव ऊंद पार उक हळकु आंदुरद न्याड्या दा नीदरूसदुन, अदकि आऊक मोगुल दा हळकु आंदुर से अंदुन, 37 *जो यावारा नान हेसुर देल ईतता पारगोळ दा टु यातोवारा ऊंद पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नानी ईला, लेकीन नानी याव कळ्यान आव आऊक ग्रहण माळतान.”

जो वरिध दा ईरोन, आव पक्ष दा आदुन
(लूका ९:४९-५०)

38 आग यूहन्ना यीशु से अंदुन, “हे गुरु, नाव ऊंद मळसा अक नीन हेसुर देल दुष्टआत्मागोळी तेगुतेला नोळदेव अदकि नाव आऊक मना माळली कुरतेव, यतकी आव नाम समुह दाकळव ईला ईरोन.”

39 यीशु अंदुन, “आऊक मना माळवाळी; यतकी हगि यारू हैलेच जो नान हेसुर देल सामर्थ्य इन क्याल्सा माळुल, अदकि राटनेरी नानी बुरा अन सकुल, 40 *यतकी आव नाम्द वरिध दा हैलेच, आव नाम्द सांगुळ आन. 41 *जो यावारा नीमी ऊंद वाटी नीर, इदुरसाटी कूळसुल का नीव मसीह नोर हुईर, रा ना नीम से खरा माताळतीन का आव तान प्रतफिल यातोदारा भी रीत दिल खोऊसतदिल.”

पाप माळावाळेरी इशारा
(मत्ती १८:६-९; लूका १७:१-२)

42 “जो यावारा भी स्याणेर दा टु नान मा वशिवास माळतार अदकि आंदरी यारारा टोकर तनिस्यार रा आऊन साटी वळलीद ईद आद काऊंद धोळद चक्की इन पट्टा आऊन कूतक्या दा लटकूसकु आगुल अदकि आव समुदर दा हाककु आगुल. 43 *अगर नीन कय नीन पाप माळोद कारण बनसतद रा वळलीद आद का अदरी कळद वुळ. इण्डा आगकु जीवन दा प्रवेश माळेत, नीन साटी इदुर से भला आद का येदद कय ईतकु नी, नरक इन बेक्की दा हाककु आदया जो यागलु नुनाल्द. 44 येल कळि सायाल्द अदकि बेक्की नुनाल्द. 45 अगर नीन काल पाप माळोद कारण आगुल रा अदरी कळद वुळ. लंगळा आगकु जीवन दा प्रवेश माळोद नीन साटी इदुर से वळलीद आद का नी येदद काल ईतकु नरक दा हाककु आदया! 46 येल कळि सायाल्द अदकि बेक्की नुनाल्द! * 47 *अगर नीन कण्ण नीनी टोकर तनिसतद रा, अदरी तेगुकु भीळ. वळलीद आद का कूदद आगकु परमेश्वर उन राज्य दा प्रवेश माळ. अपेक्षा इदुरद का नी येदद कण्णगोळ ईतकु नरक दा हाककु आदया! 48 येल कळि शायाल अदकि बेक्की नुनाल्द.”

49 यतकी हर ऊंद मळसा अक बेक्की देल शुद्ध माळकु आदीत? हयांग बलदान उक ऊप्प देल शुद्ध माळकु आगतद?

50 *ऊप्प रा वळलीसा आद; लेकीन अगर ऊप्प इन स्वाद ओळेत, रा अदरी मात नमकीन हयांग माळीर?”

ताम जीवन इक शुद्ध ईटी, जसा यातोदारा वस्तु ऊप्प देल शुद्ध माळकु आगतद, अदकि आपस दा संगीपना माळकु ईटी अदकि शांती देल ईरी.

* 9:34 ९:३४ लूका २२:२४ * 9:35 ९:३५ मत्ती २०:२६,२७; २३:११; मरकुस १०:४३,४४; लूका २२:२६ * 9:37 ९:३७ मत्ती १०:४०; लूका १०:१६; यूहन्ना १३:२० * 9:40 ९:४० मत्ती १२:३०; लूका ११:२३ * 9:41 ९:४१ मत्ती १०:४२ * 9:43 ९:४३ मत्ती ५:३० * 9:46 ९:४६ ईद वचन हाळोद नयिम दा लखिसकु हैलेच * 9:47 ९:४७ मत्ती ५:२९ * 9:50 ९:५० मत्ती ५:२३; लूका १४:३४,३५

10

छोळ चट्टी इन बारा दा यीशु उन शक्षिा
(मत्ती १९:१-१२; लूका १६:१८)

1 वाक यीशु अल टु होटकु यहूदिया अन्द प्रदेश टु आगतेला यरदन गांगा अन क्षेत्र अन्द आप्पाटी बंदुन. अदकि भीळ मात्त आऊन हात्ती बंदकु जमा आगेत, अदकि आव तान रीतर्ति अन्द अनुसार आंदरी मात्त उपदेश कोळली कुरतुन.

2 आग थ्वाळासा फरीसीगोळ आऊन हात्ती बंदुर अदकि आऊक फसुशोर कोशशि दा आऊन से केळदुर, नामी हेळ "येन ईद नयिम इन अनुसार सही आद कि यावारा मंळसा अन साटी ईद उचति आद कि आव तान हगिंस उक छोळ चट्टी कोळुल?"

3 यीशु आंदरी उत्तर कोट्टुन, "मूसा नीमी यातोद नयिम कोटान?"

4 आंदुर यीशु उक अंदुर, मूसा इजाजत कोटान कि ऊंद मंळसा छोळचट्टी लखिसकु तान हगिंस उक बळि सकतान.

5 यीशु आंदुर से अंदुन, "मूसा नीम साटी ईद नयिम लखिसयान यतकी नीमी कलसोद हापाळ मुशकलि आद. 6 लेकीन हयांग शास्त्र दा लखिसकु आद, सूरवात दा परमेश्वर आंदरी गळस अदकि आर्त इन रूप दा माळदुन." 7 ईद कारण देल ऊंद मंळसा तान मोय-आप्प उक बटिकु तान हगिंस उन सांगळ ईत्तान. 8 अदकि आंदुर येदुदु मुंदुर ऊंद तन आदार; इदुरसाटी आंदुर ईग येदुदु ईला पर ऊंद तन आर. 9 इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळसयान, अदरी यावारा भी मंळसा अलग माळवाळुल.

10 याग आंदुर वाक मान्या वापस बंदुर आग चेलागोळ इदुर बारा दा यीशु उक मात्त केळदुर.

11 आव आंदुर से अंदुन, ऊंद मंळसा जो तान पयला हगिंस उक छोळ चट्टी कोळतान अदकि दुसरा आर्त इन से मदा माळतान, रा आव तान पयला हगिंस उन खलिाप व्यभचारि माळतान.

12 अदुरदा घाई, ऊंद आर्त तान गांड उक छोळ चट्टी कोळतार, अदकि दुसरा मंळसा से मदा माळतार रा आक तान पयला गांड उन खलिाप व्यभचारि माळतार.

यीशु उन चकिोरगोळी आशरिवाद

(मत्ती १९:१३-१५; लूका १८:१५-१७)

13 वाक लांकुर चकिोरी यीशु उन हात्ती तरली कुरतुर कि आव आंदुर मा कय ईदुल, पर चेलागोळ लांकुरी दनकुसदुर. 14 याग यीशु ईद नोळदुन रा सट्टी बंदुन अदकि तान चेलागोळ से अंदुन, "चकिोरी नान हात्ती बरगोळी आंदरी मना माळवाळी, यतकी परमेश्वर उन राज्य इंदुरदा हुन.

15 ना नीम से खरा अनतीन कि जो यावारा परमेश्वर उन राज्य चकिोर घाई हासलि माळालुन, रा आव परमेश्वर उन राज्य दा यागलु उच दाखल आग सकालुन." 16 आग यीशु आ चकिोरी क्वारा दा हुळदुन, अदकि आंदुर मा तान कय ईदकु आंदरी आशरिवाद कोट्टुन.

धनी मंळसा

(मत्ती १९:१६-३०; लूका १८:१८-३०)

17 याग यीशु अल टु होटकु हादी मा टु होगोन, रा ऊंद मंळसा आऊन हात्ती ओळतेला बंदुन, अदकि आऊन मुंद ट्वांगारा टेक्सकु आऊन से केळदुन, "हे वळ्लेव गुदु, अनन्त जीवन हासलि माळोर साटी नानी येन माळोद बदिदीत?"

18 यीशु आ धनी मंळसा से अंदुन, "नी नानी वळ्लेव येती अनत्या? परमेश्वर उन अलावा यारू वळ्लेव हैलेच. 19 नी परमेश्वर उन आग्यागोळी जानसत्या: 'यारीकु कोनन बाळी, व्यभचारि माळवाळी, चोरी माळवाळी, यारदारा खलिाप ख्वाटा गवाही कोळवाळी, बयमानी माळवाळी, तान आप्प अदकि तान मोय इन आदर माळी.'"

20 आ मंळसा यीशु से अंदुन, “हे गुरु, ना रा स्याणपणी टु ईव सप्पा मातगोळ्द पालन माळतेला बंदीन.”

21 यीशु आऊक प्यार देल नोळदुन अदकि अंदुन, “नीन दा ईग भी ऊंद मात इन कमी आद जो येनारा नीन हात्ती आद, अदरी मारकु अव पैस्या गरीब लॉकुर दा वाट्स बुळ. नीनी स्वर्ग दा धन सक्कीत, अदकि बंदकु नान हदि आगेग.” 22 याग आ मंळसा ई मातगोळी केळदुन रा आऊन माररा अन्द नीर हारेत अदकि आव उदास आगेदुन, यतकी आव हापाळ धनी ईरोन.

23 यीशु नाकु दी नोळकु तान चेलागोळ से अंदुन, “आ लॉकुर साटी, यार्द हात्ती धन आद, आंदरी परमेश्वर उन राज्य दा प्रवेश माळोद याट कठनि आद!”

24 चेलागोळ आऊन मातगोळ देल अचम्भति आदुर. इदुर मा यीशु मातत आंदरी अंदुन, “हे चकिोरगोळा, जो धन मा भरोसा ईटतार, आंदुर साटी परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवान उन प्रवेश माळदुर देल ऊँट इन मुग्ग दा टु चुजी होटबुळोद आसान आद!”

26 इदुर मा चेलागोळ हापाळ चकति आगेदुर अदकि आवुर दावुर से केळली कुरतुर, “रा वाक यार्द उद्धार आग सकतद?”

27 यीशु आंदुर दी नोळकु अंदुन, “ईद मंळसागोळ साटी असंभव आद, लेकीन परमेश्वर उन साटी सब येनारा सम्भव आद; यतकी परमेश्वर से सब येनारा आग सकतद.”

28 आग पतरस यीशु उक अनली कुरतुन, “नोळ, नाव रा सप्पा येनारा बटिकु नीन हदि आगेगेव.”

29 यीशु अंदुन, “ना नीम से खरा अनेतीन कि हगि यारू हैलेच, जो नान साटी अदकि खुशखबरी इन साटी मानना या वारटुरी या आकतींगेरी या मोय या आप्प या चकिोर-चिळिगेर या केईगोळी बटि बुटीदान, 30 ई वर्तमान युग दा यक्कुल हापाळ हासलि माळ्यार. आंदुर सौ गुणा यक्कुल मानना, वारटुर, आकतींगेर, मोयगोळ, चकिोर अदकि केईगोळी हासलि माळ्यार. अदकि अऊर सांगुळ हापाळ दुखगोळी भी, अदकि बरावाळा युग दा आंदुर अनन्त जीवन हासलि माळ्यार. 31 अपर हापाळ सा लॉकुर जो पयला आर, आंदुर हदिळोर आदार; अदकि जो हदिळोर आर, आंदुर पयला आदार.”

तान सायोद बारा दा यीशु उन तसिरा भवषियवाणी

(मत्ती २०:१७-१९; लूका १८:३१-३४)

32 यीशु अदकि आऊन चेलागोळ ईग यरूशलेम इक होगोद हादी मा ईरोर. यीशु तान चेलागोळ से मुंद-मुंद होगोन, चेलागोळ धबरूसकु ईरोर अदकि जो लॉकुर आऊन हदि-हदि नळोर आंदुर अंजकु ईरोर. ऊंद धन मातत यीशु तान हननेळ चेलागोळी अलग वीतकु आंदुर से अव मातगोळी अनली कुरतुन, जो आऊन सांगुळ आगव ईरव. 33 आव आंदुर से अंदुन, “केळी, नाव यरूशलेम इक होगेतेव, अदकि मंळसा अन पार प्रधान याजकगोळ अदकि नयिम उन शास्त्रीगोळ कय दा कोटकु आदान, अदकि आंदुर आऊक कोन्नोर साटी आऊन मा दोष हच्यार, अदकि आंदुर आऊक गैरयहूदीगोळ कय दा कोट्टार. 34 आंदुर आऊन मज्याक हारस्यार, आऊन मा ऊगळ्यार, आऊक क्वाळागोळ देल बळदार, आऊक जान देल कौद बुट्टार, अदकि मुर दनि इन बाद्दा आव जतिता आदान.”

याक्व अदकि यूहन्ना अन्द वनिती

(मत्ती २०:२०-२८)

35 आग जव्दी इन पार याक्व अदकि यूहन्ना यीशु उन हात्ती बंदुर अदकि अंदुर, “हे गुरु, नाव चाहासतेव कि जो येनारा नाव नीन से वेळेव, अद नी नाम साटी माळेत.”

36 यीशु आंदुर से अंदुन, “नीव येन चाहासतीर कि ना नीम साटी माळाईन?”

37 आंदुर यीशु से अंदुर, “नामी ईद अधिकार कोळ कि नीन महिमा दा याग नी सहिसन मा कुरत्या, रा नाव चाहासतेव कि नाम दा टु ऊंद नीन ऊमा कय दी अदकि दुसरा अपमान डाक्या कय दी कुरल.”

38 *लेकीन यीशु आंदुर से अंदुन, “नीव जानसालीर कि नीव येन बेळेत्रीर. जो दुख इन प्याला ना कुडावाळा आईन, येन नीव कुडू सकतीर? अदकि जो बपतस्मिमा ना ताकोमावाळा आईन येन नीव ताकोम सकतीर?”

39 आंदुर आऊन से अंदुर, “नाम से आग सकतद.” यीशु आंदुर से अंदुन, जो दुख इन प्याला ना कुडावाळा आईन,

नीव कुळदीर अदकि जो बपतस्मिमा ना ताकोमावाळा आईन अदरी ताकोंडीर. 40 लेकीन नान अधिकार दा ईलच का याव नान ऊमा कय दी अदकि डाक्या कय दी कुरतान. परमेश्वर यार साटी ईद तयार माळदुन, आंदरी बटिकु अदकि यारीकु तान ऊमा कय दी अदकि तान डाक्या कय दी कुरसोद नान क्यालसा आलच.

41 दुसरा हतत चेलागोळ ईद केळदुर रा आंदुर याकूब अदकि यूहनना देल नाराज आदुर! 42 *इदुरसाटी यीशु आ सप्पा मुंदरी हात्ती कारूकु आंदुर से अंदुन, नीव जानसालीर कि जो गैर यहूदीगोळव शासक समसतार इंदुर आंदुर मा प्रभुता माळतार; अदकि आंदुरदा जो धोड्डेर आर, आंदुर मा अधिकार जतुसतार, ईद नीव जानसालीर. 43 *पर नीम दा हगि हैलेच, जो यावारा नीम दा धोड्डेव आगोद चाहासतान, रा नीमी बाकी लॉकुरद सेवक आग पायजे; 44 अदकि जो यावारा नीम दा प्रधान आगोद चाहासतान, आव नीम सप्पा मुंदुर दास आगुल. 45 यतकि ना मळसा अन पार इदुरसाटी बंददील कि नान स्यावा माळल, पर ना इदुरसाटी बंदीन कि नीमद सप्पा मुंदुरद स्यावा माळाईन, अदकि लॉकुर अव पापगोळ छुटकारा अन्द साटी तान जीवन कोळ सकाईन!

कुदुद बरतमिाई इक कण्ण इन ज्योत कोळोद

(मत्ती २०:२९-३४; लूका १८:३५-४३)

46 बाक यीशु अदकि आऊन चेलागोळ यरीहो दा बंदुर, अदकि याग आव अदकि आऊन चेलागोळ ऊंद धोळद भीळ इन सांगुळ यरीहो दा टु होंगोर, आग ऊंद कुदुद भखिारी, यारद हेसुर तमिाई नव पार बरतमिाई ईरोद, सळक इन कनिरा मा कुरतकु ईरोन. 47 आव ईद केळकु का यीशु नासरी हुन, कारू-कारूकु अनली कुरतुन, “हे दाऊद उन पारा यीशु नान मा दया माळ!”

48 आग हापाळ मुंदुर आऊक दनकुसदुर कि सुंगा ईर. पर आव यक्कुल जोर देल कारूली कुरतुन, “हे दाऊद उन पारा नान मा दया माळ!”

49 आग यीशु नदिरुकु अंदुन, “आऊक कारी.” अदकि लॉकुर आ कुदुद मळसा अक कारूकु आऊन से अंदुर.

हमिमत ईट, येळ! आव नीनी कारेतयान!

50 आव तान कपळा भटिकु तुरन्त येदुन, अदकि यीशु उन हात्ती बंदुन.

51 इदुर मा यीशु आऊन से अंदुन, “नी येन चाहासत्या का ना नीन साटी माळाईन?”

कुदुद मळसा आऊन से अंदुन, “हे गुरु, ना पयले घाई नोळोद चाहासतीन.”

52 यीशु आऊन से अंदुन, “होटोग, नीन वशिवास नीनी वळलीद माळबुटाद.”

आव तुरन्त नोळली कुरतुन, अदकि हादी मा आऊन हदि आगोदुन.

11

यूरुशलेम दा वजिय-प्रवेश

(मत्ती २१:१-११; लूका १९:२८-४०; यूहनना १२:१२-१९)

1 बाक याग आंदुर यूरुशलेम इन हात्ती, जैतून पहाळी मा बैतफगे अदकि बैतनयियाह अन्द हात्ती बंदुर रा यीशु तान चेलागोळ दा टु येदुद मुंदरी ईद सुझाव कोटकु कळदुन, 2 “कि मुंदळोद ऊर दा होगी, अदकि अदुर दा पोहचुसतेला अच ऊंद गधा अन पाडडा, अदुर मा यागलु यारू कुरतीदील,

* 10:38 १०:३८ लूका १२:५० * 10:42 १०:४२ लूका २२:२५,२६ * 10:43 १०:४३ मत्ती २३:११; मरकुस ९:३५; लूका २२:२६

अद नीमी कटक सक्कीत. अदरी बटिकु तरी. ³अगर नीम से यारारा केळ्यार, 'ईद येती माळतीर?' रा अनेतीर, प्रभु उक इदुरद जरवत आद, अदकि आव तुरन्त अदरी बाक ईल वापस कळु वटान."

⁴आंदुर होगकु आ गधा अन पाडडा अक व्हार्या दवारा इन हात्ती चौक दा कटक नोळदुर, अदकि अदरी वळिली कुरतुर. ⁵थवाळासा लॉकुर जो अल नीदुरकु ईरोर, यारारा यारारा अनली कुरतुर, ईद येन माळेतीर, गधा अन पाडडा अक येतरी वळिलीर?

⁶अदकि यीशु हयांग हेळीदुन आंदुर हांग अच आंदुर से अंद बुदुर; आग लॉकुर आंदरी आ पाडडा अक वोगगोटुर. ⁷आंदुर पाडडा अक यीशु उन हात्ती तनकु अदुर मा तान कपळा हाकदुर अदकि यीशु अदुर मा कुरतुन. ⁸आग हापाळ सा लॉकुर तान कपळा हादी मा हासदुर अदकि हापाळ मुंदुर केईगोळ दा टु खजुर इन डगाली कळ-कळकु हादी मा हासदुर. ⁹जो आऊन मुंद-मुंद होगोर अदकि जो हदि-हदि नळुतेला बरोर, कारू-कारूक अनतेला होगतोगोर, "परमेश्वर उन सतुती आगुल! जो प्रभु उन हेसुर देल बरतान! ¹⁰नाम आप्प दाऊन उन बरावाळा राज्य इक परमेश्वर आशीष कोळुल अदकि परमेश्वर उन सतुत आगुल!"

¹¹यीशु यरूशलेम पोहचुसकु मंदरि दा बंदुन; अदकि नाकु दी सप्पा वसतुगोळी नोळकु हननेळ चेलागोळ सांगुळ बैतनयियाह होदुन, यतकी द्याव मुळकेगीत.

यीशु अंजीर इन मारर इक श्राप कोट्टुन
(मत्ती २१:१८-१९)

¹²दुसरा दशिी याग यीशु अदकि आऊन चेलागोळ बैतनयियाह टु वापस बरोर रा आऊक हसु हत्त. ¹³अदकि याल्ला देल तुमकु ऊंद अंजीर इन मारर इक दुर टु नोळकु, यीशु अदुर हात्ती होदुन कि अल येनारा तनिली सक्केदति. अल पोहचुसकु याल्ला गोळी बटिकु अदकि येनु ईला ईरोद, यतकी काय हत्तोद मौसम ईला ईरोद.

¹⁴आग यीशु आ मारर से अंदुन, "ईगी टु यारू नीद काय यागलु तनितीदील." अदकि आऊन चेलागोळ केळोर.

यीशु मंदरि इन शुद्धीकरण माळदुन
(मत्ती २१:१२-१७; लूका १९:४५-४८; यूहन्ना २:१३-२२)

¹⁵बाक यीशु यरूशलेम दा बंदुन अदकि आव मंदरि दा होगकु अल लेन-वेन माळावाळेरी तेगुली कुरतुन, अदकि सावकारगोळद पांळसी अदकि कवूतर मारावाळेर्द चौकीगोळी ऊलदुसदुन; ¹⁶अदकि आव यारीकु भी मंदरि दा टु आगकु सामान वयोद आग्या कोटीदील. ¹⁷अदकि आव आंदरी उपदेश कोळली कुरतुन, "येन ईद शास्त्र दा लखिसकु हैलेच, 'किनांद मानना सप्पा राष्ट्र अन साटी प्रार्थना अनद मानना कहलुसीत?' पर नीव अदरी डाकूगोळद हड्डा माळकु ईटीर."

¹⁸प्रधान याजकगोळ अदकि नयिम इन गुरगोळ ईद केळदुर, रा आंदुर यीशु उक कोन्नोर साटी मवका ढुंढसली कुरतुर, यतकी आंदुर आऊन से अंजतोगोर, इदुरसाटी कि सप्पा लॉकुर आऊन उपदेश देल चकति ईरोर.

¹⁹अदकि द्यावगा आगतेला अच, यीशु अदकि आऊन चेला नगर टु व्हार्या होटोदुर.

वळगीद अंजीर इन मारर टु शकिषा
(मत्ती २१:२०-२२)

²⁰बाक दुसरा दशिी व्हातर्या का याग आंदुर हादी मा टु होगोर रा आ अंजीर इन मारर इक म्याकुच टु जळ ताका वळगीद नोळदुर. ²¹पतरस उक अद मात याद बत्त, अदकि आव यीशु से अंदुन, "हे गुरु, नोळ! ईद अंजीर इन मारर यदरी नी श्राप कोटीद, वळगेग्याद."

²²यीशु आंदरी उत्तर कोट्टुन, "परमेश्वर मा वशिवास ईटी. ²³ना नीम से खरा अनतीन कि जो यावारा ई पहाळी से अंदान, 'नी अल टु कतितेग, अदकि समुदर दा होगकु वळि,' अदकि तान मन दा संक्या ईट बाळुल, लेकीन वशिवास माळुल कि जो अनतीन अद आगेदीत, रा आऊन

साठी हांग अच आदीन. ²⁴ इदुरसाटी ना नीम से अनतीन, कजि जो येनारा नीव प्रार्थना माळकु बेळीर, रा वशिवास माळकोमी कजि अद नीमी सकिकेत, अदकि अद नीमद आगेत. ²⁵ अदकि याग यागलु नीव नीदुरकु प्रार्थना माळतीर रा अगार नीम मन दा यारदारा प्रती येनारा वरिध आद, रा माफ माळी, इदुरसाटी कजि नीम स्वर्गीय आप्प परमेश्वर भी नमिोव अपराध माफ माळल. ²⁶ *अदकि अगार नीव माफ माळतीदील रा नीम आप्प भी जो स्वर्ग दा आन नीम अपराध माफ ईला माळयान.”

यीशु उन अधिकार मा प्रश्न

(मत्ती २१:२३-२७; लूका २०:१-८)

²⁷ आंदुर मात्त ऊंद घन यरूशलेम दा बंदुर, अदकि याग यीशु मंदिर दा वयाळोन रा प्रधान याजक अदकि नयिम इन गुरु अदकि स्याणागोळ आऊन हात्ती बंदकु केळली कुरतुर, ²⁸ “नी ईद क्यालसा याता अधिकार देल माळत्या? अदकि ईद अधिकार नीनी याव कोटान कजि नी ईद क्यालसा माळत्या?”

²⁹ यीशु आंदुर से अंदुन, “ना भी नीम से ऊंद प्रश्न केळतीन; नानी उत्तर कोळी रा ना नीमी हेळाईन कजि ना ईद क्यालसा यातोद अधिकार देल माळतीन. ³⁰ यूहन्ना अक वपतसिमा कोळोद अधिकार स्वर्ग इन दी टु ईरोद या मंळसागोळ दी टु ईरोद. नानी उत्तर कोळी.”

³¹ आग आंदुर आपस दा मातगोळ माळली कुरतुर कजि अगार नाव अंदेव स्वर्ग इन दी टु, रा आव अंदान, बाक नीव यूहन्ना मा वशिवास येती माळीदील? ³² अदकि अगार नाव अंदेव, मंळसागोळ दी टु, रा लॉकुर नाम मा अच सट्टि माळ्यार आंदुर नयिम इन गुरु लॉकुर से हापाळ अंजतोगोर यतकी सप्पा लॉक ईद मानसोर कजि यूहन्ना वास्तव दा ऊंद भविष्यवक्ता आन.

³³ इदुरसाटी आंदुर यीशु उक उत्तर कोट्टुर, “नाव जानसालेव.” यीशु आंदुर से अंदुन, “ना भी नीमी हेळालीन कजि ईद क्यालसा ना याता अधिकार देल माळतीन.”

12

टयाका देल कोळद अंगुर इन केई इन उदाहरण

(मत्ती २१:३३-४६; लूका २०:९-१९)

¹ बाक यीशु उदाहरणगोळ दा आंदुर से मात माळली कुरतुन; ऊंद घन ऊंद मंळसा ईरोन याव ऊंद अंगुर इन केई हचदुन, अदकि बेली इन नाकू दी जवाळा कटदुन, अदकि राससा अनद गडडा अगुळदुन, अदकि मचान माळदुन; अदकि दुसरा केईवाळेरी आ अंगुर इन केई अनद टयाका कोटकु दुसरा दयाश दा होटोदुन. ² बाक काय इन मौसम दा आव केईवाळेर हात्ती ऊंद दास उक कळुदुन, कजि आ केईवाळेर से अंगुर इन केई इन फसल इन हसिसा ताकोमुल. ³ लेकीन आंदुर आ दास उक हळकु वळदुर अदकि आऊक खाली कय कळु बुटुर! ⁴ मालकि मात्त ऊंद दास उक आंदुर हात्ती कळुदुन; आंदुर आऊन ताल्ला ओळद बुटुर अदकि आऊन अपमान माळदुर! ⁵ बाक मालकि ऊंद दास उक अदकि कळुदुन; आंदुर आऊक कोंद बुटुर. अदकि आंदुर हापाळ लॉकुर सांगुळ हांगा व्यवहार माळदुर, आंदुर दा टु आंदुर यारीकारा वळदुर, अदकि यारीकारा कोंद बुटुर! ⁶ ईगा ऊंदा ईरोन, जो आऊन प्रयि पार ईरोन; आखरी दा आव आऊक भी आंदुर हात्ती ईद सोचकु कळुदुन कजि आंदुर नान पार उन आदर माळ्यार. ⁷ लेकीन आ केईवाळेर आबुर दाबुर से अंदुर, ईवा रा वारीस हुन; बरी, नाव ईऊक कोंद बुळाता, अदकि आऊन धन दौलत नामद आदीत! ⁸ इदुरसाटी आंदुर आ पार उक हळु कोंडुर अदकि आऊक कोंद बुटुर, अदकि अंगुर इन केई इन व्हारया भीट बुटुर!

⁹ इदुर मा यीशु से केळदुर अंगुर इन केई इन “सवामी येन माळयान? आव बंदकु केईवाळेर्द नाश माळयान अदकि अंगुर इन केई दुसरा अक कोट बुटान.” ¹⁰ येन नीव शास्त्र दा ईद वचन वाचुसीदील:

* 11:25 ११:२५ मत्ती ६:१४,१५ * 11:26 ११:२६ ईद वचन हाळोद नयिम दा हैलेच

“याता कल्ल इक कारीगरीगोळ बेकार मान्सीदुर,
अदा क्वाना अन्द महत्वपुर्ण कल्ल बनसेत;

11 ईद परभु अन्द दी टु आत,
अदकि नाम नजर दा अदभुत आद.”

12 आग नयिम इन गुरुगोळ आऊक हुडोद चाहासदुर; यतकी समसेगदुरि कर् यीशु नाम वरिोध
दा ईद उदाहरण अंदान. लेकीन आंदुर लांकुर से अंजोर, अदकि आऊक बटिकु होटोदुर.

सरकार उक कर कोळोद
(मत्ती २२:१५-२२; लूका २०:२०-२६)

13 आग आंदुर आऊक मातगोळ दा फसुसोरसाटी येनारा फरीसीगोळ अदकि हेरोदेस राजा अन्द
पक्ष इन येनारा लांकुरी यीशु उन हात्ती कळुदुर. 14 अदकि आंदुर बंदकु आऊन से अंदुर, “हे
गुरु, नाव जानसतेव, कर्नी खरा आय, अदकि यारदु परवा माळाल; यतकी नी मंळसागोळ्द बाय
नोळकु मात माळाल, लेकीन परमेश्वर उन खरा हादी कलसत्या! रा येन सरकार उक कर कोळोद
उचति आद का ईला?”

15 आव आंदुरद कपट जानसकु आंदुर से अंदुन, “नानी येती फसुसोद कोशशि माळेतीर? ऊंद
दीनार नान हात्ती तरी, कर्ना अदरी नोळाईन.”

16 आंदुर ऊंद चाँदी इन सक्का आऊन हात्ती तंदुर, अदकि आव आंदुर से अंदुन, “ईद छाप
अदकि हेसुर यारद हुन?”

आंदुर अंदुर, “रोमन राजा अन्द हुन.”

17 अदकि यीशु आंदुर से अंदुन, “जो रोमन राजा अन्द हुन अद रोमन राजा अक कोळी, अदकि
जो परमेश्वर उन आद अद परमेश्वर उक कोळी.”

अदकि आंदुर यीशु नव मात केळकु चकति आगोदुर.

दुवारा मातुत मदा माळोद
(मत्ती २२:२३-३३; लूका २०:२७-४०)

18 *बाक सद्कीगोळ भी, जो अनतार कर् सोत्त मंळसागोळ्द जतिता आगोद हई हैलेच, यीशु
उन हात्ती बंदकु आऊन से केळ कुरतुर, 19 आंदुर अंदुर, “हे गुरु, आंदुर यीशु उक अंदुर, मूसा इजाजत
कोटान कर् ऊंद मंळसा छोळ चटिठी लखिसकु तान हगिस उक तलाक कोळ सकतान. नाम साटी
लखिस्यान कर् अगर यारदारा वार्ट बनि औलाद पैदा माळ्द सोतोदान अदकि आऊनोर हगिस
ईतोदार, रा आऊन वार्ट आऊन हगिस उन से मदा माळ कोमुल, अदकि तान वार्ट उन साटी वंश
पैदा माळ्द. 20 ऊंद जागा दा येळ वारदुर ईरोर. पयला वार्ट मदा माळकु बनि औलाद सोतोदुन;
21 आग दुसरा वार्ट आ आर्त से मदा माळ कौडुन अदकि आव भी बनि औलाद सोतोदुन; अदकि
हांग अच तसिरा भी माळदुन. 22 अदकि येळु वारदुर ऊंद भी औलाद आगीदील. सप्पा मुंदुर
हर्दि आ आर्त भी सोतोदुर. 23 इदुरसाटी पुनरूत्थान आगदुर बाददा आक आंदुर दा टु यारोर हगिस
आदार? यतकी आक रा येळु मुंदुर हगिस आगीदील.”

24 यीशु आंदुर से अंदुन, “नीव रा शास्त्र अक जानसतीर, अदकि ना ही परमेश्वर उन सामर्थ्य
इक इदुरसाटी नीव गलती माळतीर? 25 यतकी याग आंदुर सोत्तुर दा टु जतिता आदार, रा
आंदुर ना मदा माळ्यार अदकि ना मदा दा कोटकु आदार, लेकीन स्वर्ग दा स्वर्गदूतगोळ धाई
आदार. 26 सोत्तुर दा टु जतिता आगोद बारा दा येन नीव मूसा अन्द कतिब दा होत्त झाळी इन
कात्ता दा वाचुसीदील कर् परमेश्वर आऊन से अंदुन, ‘ना अब्राहम उन परमेश्वर, अदकि इसहाक
उन परमेश्वर, अदकि याकूब उन परमेश्वर हुईन?’ 27 परमेश्वर जो सोत्तुर आंदुरव ईला उलटा
जतितागोळोव परमेश्वर हुन; इदुरसाटी नीव पुरा पुरा तरीका देल ख्वाटा आईर.”

सब से धोळद आग्या

(मत्ती २२:३४-४०; लूका १०:२५-२८)

28 आग शास्त्रीगोळ दा टु ऊंद बंदकु आंदरी ववािद माळत केळदुन, अदकि ईद जानुसकु यीशु सद्कीगोळी वळ्लीद रीत दिेल उत्तर कोट्टुन, आऊन से केळदुन, “सब से मुख्य आग्या यातोद आद?”

29 यीशु आऊक उत्तर कोट्टुन, सब आग्यागोळ दा टु ईद मुख्य आद: “हे इस्त्राएल इन लॉकुरा केळी! प्रभु नामव परमेश्वर ऊंदा प्रभु आन, 30 अदकि नी प्रभु तान परमेश्वर से तान पुरा मन देल, अदकि तान पुरा जीव देल, अदकि तान पुरा बुद्धी देल, अदकि तान पुरा ताकत देल प्यार ईटेत.” 31 अदकि दुसरा आग्या ईद आद, “नी तान मान्ना हातळोर से तांदा घाई प्यार ईटेत. ईव येदद आग्यागोळी बटिकु दुसरा यातु धोळद आग्या ईलच.”

32 नयिमगोळ गुरु यीशु से अंदुन, “हे गुरु,” हापाळ वळ्लीद! नी खरा अन्द कर् परमेश्वर ऊंदा आन, अदकि आऊक बटिकु अदकि याऊ दुसरा परमेश्वर हँलेच. 33 अदकि आऊन से पुरा मन, अदकि पुरा बुद्धी, अदकि पुरा जीव, अदकि पुरा ताकत देल प्यार ईटेत; अदकि बाजुवाळेर से तान घाई प्यार ईटेत, पुरा अग्न-बलगोळद अदकि पशु-बलगोळ से यक्कुल आद.

34 य्याग यीशु नोळदुन कर् आव समझदारी देल उत्तर कोट्टुन, रा आऊन से अंदुन, “नी परमेश्वर उन राज्य टु दुर हँलेच.”

अदकि यारीकु बाक आऊन से येनु केळोद हम्मिमत आगीदील.

मसीह दाऊद उन पार हुन?

(मत्ती २२:४१-४६; लूका २०:४१-४४)

35 बाक यीशु मंदरि दा उपदेश माळतेला ईद अंदुन, “नयिम इन गुरुगोळ अंदुर कर् मसीह ह्यांग दाऊद उन औलाद आग सकतान?” 36 दाऊद तान पवत्रि आत्मा अन्द सामर्थ्य देल हगि अंदुन: प्रभु परमेश्वर नान प्रभु से अंदुन,

“नान ऊमा कय मा कूल,

यागासताका कर् ना नीनोर दुश्मनगोळी अपमान काल दशी तरालनि.”

37 दाऊद रा खुद अच आऊक प्रभु अनतान, बाक आव आऊन पार ह्यांग आदुन?

नयिम इन गुरुगोळ से सावधान ईरी

(मत्ती २३:१-३६; लूका २०:४५-४७)

अदकि भीळ दाकळोर लॉकुर आऊद मात खुशी देल केळतोगोर. 38 यीशु तान उपदेश दा आंदुर से अंदुन, “शास्त्रीगोळ से सावधान ईरी, सम्मान सक्कोर साटी आंदुर ऊद-ऊद चवांगा हाककु वयाळतार अदकि सात्तागोळ दा खुद इक नमस्कार माळसुसोद आंदरी वळ्लीद हततद. 39 अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा भी चाहास्तार. 40 आंदुर रांड्यागोळद मान्नागोळ इक तदि वुळतार, अदकि लॉकुरी दखावा साटी हापाळ होतत ताका प्रार्थना माळतेला ईरतार. इंदरी यक्कुल से यक्कुल दण्ड सक्कीत.”

कंगाल रांड्या अन्द दान

(लूका २१:१-४)

41 यीशु मंदरि इन दानपेटी इन मुंद कुरतकु नोळतोगोन कर् लॉकुर मंदरि इन दानपेटी दा याता प्रकार देल पैस्या हाकतार; अदकि यक्कुल पैस्यावाळेर लॉकुर भी हापाळ येनारा हाकदुर. 42 इदुर दा ऊंद कंगाल रांड्यागीत बंदकु तांदा अन्द येदद स्याण-स्याणव सक्का हाकदुर यदुर कमित ईतु आतुद ऊंद पैस्या अन्द बराबर ईतीदाद, हाकदुर. 43 आग यीशु तान चेलागोळी हातती कारूकु आंदुर से अंदुन, “ना नीम से खरा खरा अनतीन, कर् मंदरि इन दानपेटी दा हाक्कावाळेर दा टु ई कंगाल

रांडयागीत सपपा मुंदुर से यक्कूल हाकदुर; 44 यतकी सपपा मुंदुर तान बळोतरी दा टु हाक्यार, लेकीन इक तांद कमी दा टु जो येनारा आकनि ईरोद, इदुर मतलब तांद पुरा जीवकिा हाक्क बुटार.”

13

मंदरि इन वनिाश इन भवषियवाणी

(मत्ती २४:१-२; लूका २१:५-६)

1 याग यीशु मंदरि टु होळीन, रा आऊन चेलागोळ दा टु ऊंद चेला आऊन से अंदुन, “हे गुरु, नोळ, ह्यांग धोड्डेव कल्ल अदकि ह्यांग भव्य भवन आव!”

2 यीशु आऊन से अंदुन, “येन नीव इव धोड्डेव-धोड्डेव भवन नोळतीर: ईल कल्ल मा कल्ल भी ऊळ्दकु ईरतीदील जो डाऊस्कु आगतीदील.”

यीशु परेशानी अदकि सताव इन बारा दा हेळदुन

(मत्ती २४:३-१४; लूका २१:७-१९)

3 याग यीशु जैतून इन पहाळ मा मंदरि इन मुंद कूरतकु ईरोन, रा पतरस अदकि याकूब अदकि यूहनना अदकि अन्दरियास अलग होगकु आऊन से केळदुर, 4 “नामी हेळ कि ईव मात याग आदव? अदकि याग ईव सब मात पुरा आगत होदव आ समय इन येन चनिह ईत्तीत?”

5 यीशु आंदुर से अनली कुरतुन, सावधान ईरी कि यारू नीमी भरमुस बाळुल. 6 अनेक नान हेसुर देल ईद अनतेला बंदार, “ना मसीह हुईन!” अदकि आंदुर हापाळ मुंदरी भरमुस्यार. 7 याग नीव लळाईगोळ मातचीत केळीर अदकि लळाईगोळ्द बारा दा अफवाह केळीर, रा घबरूस बाळेतीर; यतकी अव मातगोळ्द ईरोद जरूरी आद, लेकीन आ समय दा अन्त आगतीदील. 8 यतकी द्याश मा द्याश, अदकि राज्य मा राज्य चढाई माळ्यार. हर जागा दा भूकम्प आदव, अदकि अकाल बदिदव. ईद रा भयानक दुख इन सूरवात आदीत.

9 “लेकीन नीव तान बारा दा सावधान ईरी; यतकी लॉकुर नीमी महासभागोळ दा सोपस्यार अदकि नीव पंचायतगोळ दा बळ्स्कोडीर, अदकि नान कारण न्यायाधीशगोळ अदकि राजागोळ मुंद नदिरसकु आदीर, ताकी नीम साटी खुशखबरी केळसोर साटी मौका आदीत.” 10 पर जरूरी आद कि पयला खुशखबरी सब जातीगोळ्दा प्रचार माळकु आगुल. 11 याग आंदुर नीमी हुळकु न्यायालय दा ओतार, रा पयले टु चिता माळबाळेतीर कि नाव येन अदेव; पर जो येनारा नीमी आटोटीका हेळकु आदीत अदा अनतीर; यतकी अनावाळेर नीव आलच, लेकीन पवतिर आत्मा हून. 12 वार्ट उक वार्ट ध्वाका कोट्टान, अदकि आप्प तान पार उक कोनोर साटी नदिरयान, अदकि पार तान आप्प उक बडोर साटी नदिरयान अदकि चकिोर तान मोय आप्पुर खलिाप यदकु आंदरी कोनसुस बुट्टार. 13 *अदकि नान हेसुर इन कारण पुरा लॉकुर नीम से दुश्मनी माळ्यार; लेकीन जो आखरी ताका आऊन मा वशिवास ईट्यार, आंदुरदा उद्धार आदीत.

महासंकट-काल

(मत्ती २४:१५-२६; लूका २१:२०-२४)

14 लेकीन याग नीव अद बरवाद माळावाळा बेकार वस्तु उक यल उचित ईलच अल नीदुरकु नोळीर, वाचुसावाळा समसेगुल आग जो लॉकुर यहूदिया दा आर आंदुर पहाळी मा ओळेगुल; 15 *जो छत मा आर, आव तान मानना टु येनारा ताकोमोर साटी ल्यालमा ईळुवाळुल अदकि बुळ्क होगबाळुल; 16 अदकि आंदुर जो केई दा आर, आव तान कपळा तरोरसाटी हदि होगबाळुल. 17 आ दनिगोळ दा जो व्हाट्या दी ईरोर अदकि जो चगिद ऊरी हाल कुळसतेला ईतीदार, आंदुर साटी आ दनि याट भयानक ईत्तव! 18 अदकि परमेश्वर से प्रार्थना माळतेला ईरी कि ईद सोळ इन दनिगोळ दा आगबाळुल. 19 *यतकी आ दनि हगि बरवाद ईनव ईत्तव कि दुनया अन्द सूरवात

टु, जो परमेश्वर रचयान, ईगासताका ना रा आग्याव अदकि ना बाक यागलु आदव. ²⁰ अग्र प्रभु आ दनिगोळी ईला घट्टसायदुन, रा यातोदु प्राणी भी ईला ऊळाईत; लेकीन आ नविळुसकु आग्यार आ लॉकुर कारण यारी आव नविळुसदुन, आ दनिगोळी गोरत माळयान.

²¹ आ समय दा अग्र यावारा नीम से अंदान; नोळी, मसीह ईल आन, या नोळी, अल आन, रा वशिवास माळबाळ्तीर; ²² यतकी ख्वाटा मसीह अदकि ख्वाटा भवषियवक्ता यदकु नदर्यार, अदकि हगि-हगि चमत्कार अदकि अदभुत क्याल्सा तोरस्यार क अग्र आग सकुल रा नविळुसकु आग्यार आ लॉकुरी भी बैकुश बुळुल. ²³ लेकीन नीव सावधान ईरी: नोळी, ना नीमी सप्पा मात पयले टु ना हेळ बुटीन.

मंळसा अन पार यीशु उन दुवारा बरोद
(मत्ती २४:२९-३१; लूका २१:२५-२८)

²⁴ *आ दनि दा, आ बरबाद इन बाददा दा सुरज अंधार आगेदीत, अदकि चन्द्रमा उजुळ कोळतीदील; ²⁵ *अदकि आकाश टु तारागन बळिली हततेव; अदकि आकाश ईनव शक्तगोळी हालुसेदव." ²⁶ *आग लॉकुर ना मंळसा अन पार उक धोळद सामर्थ्य अदकि महमा अन्द सांगुळ बादल दा बरतेला नोळ्यार. ²⁷ आ समय आव तानव स्वर्गदूतगोळी कळुकु, पृथ्वी इन ईद भाग टु हुळुकु आ भाग ताका, नाकु दशा दी टु परमेश्वर तान नविळुसद लॉकुरी जमा माळयान.

अंजीर इन मार इन उदाहरण
(मत्ती २४:३२-३५; लूका २१:२९-३३)

²⁸ "अंजीर इन मार टु ईद उदाहरण कली: याग अदुर्द डगाली मुलायम आगताव, अदकि यालुला होळली हतताव; रा नीव जान्स कोमतीर कबिसुल इन दनि हात्ती आव." ²⁹ ईदा प्रकार याग नीव ईव मातगोळी आगतेला नोळीर, रा जान्स कोमी कान बरोद समय हात्ती आद. ³⁰ ना नीम से खरा अनतीन क यागासताका इव सप्पा मातगोळ पुरा आगालव, आगासताका ई पीढी नोर लॉकुर सायतीदील. ³¹ आकाश अदकि पृथ्वी टलुसेदति, लेकीन नान मातगोळ यागलु टलुसतीदलि.

जागसतेला ईरी
(मत्ती २४:३६-४४)

³² *आ दनि या आ घळी अन्द बारा दा यारू जान्सालुर, ना स्वर्ग ईनव स्वर्गदूत अदकि ना मंळसा अन पार; लेकीन सरिफ आप्प जान्सतान. ³³ नोळी, सावधान ईरी अदकि जागसतेला ईरी; यतकी नीव जान्सालीर क अद घळी याग बंदीत. ³⁴ *ईद आ मंळसा अन्द ह्यांग दशा आद, जो यात्रा दा होग्राहोती तान मानना बटिकु होगुल, अदकि तान दासगोळी अधिकार कोळुल: अदकि हर ऊंद मंळसा अक आऊंद क्याल्सा हेळबुळुल, अदकि चौकीदार उक जागसतेला ईरोद आग्या कोळुल." ³⁵ इदुरसाटी जागसतेला ईरी, यतकी नीव जान्सालीर क मानना नव मालकि याग बंदान, दयावगा या आरधा ईळलकी, या हुंज कुगतद आ घळी या वहातुर आगोर से पयले. ³⁶ हगि आगबाळुल क आव अचानक बंदकु नामी मगितेला नोळबाळुल. ³⁷ अदकि जो ना नीम से अनेतीन, अदा सप्पा मुंदुर से अनतीन: "जागसतेला ईरी!"

14

यीशु उक कोन्नोद योजना

(मत्ती २६:१-५; लूका २२:१-२; यूहनना ११:४५-५३)

¹ येदुद दनि इन बाददा फसह अदकि अखमीरी रोटी अन्द हाब्व आगोद ईरोद. प्रधान याजक अदकि नयिम इन गुर ईद मात इन खोज दा ईरोर क आऊक ह्यांग कपट देल हुळुकु कोनदेव; ² लेकीन अनतोगोर, "हाब्व इन रोज हगि ईला, ईलारा लॉकुर दा झगळा आगेदीत."

* 13:24 १३:२४ प्रकाशतिवाक्य ६:१२ * 13:25 १३:२५ प्रकाशतिवाक्य ६:१३ * 13:26 १३:२६ प्रकाशतिवाक्य १:१७

* 13:32 १३:३२ मत्ती २४:३६ * 13:34 १३:३४ लूका १२:३६-३८

बैतनयियाह नगर दा यीशु उन अत्तर देल स्वागत
(मत्ती २६:६-१३; यूहन्ना १२:१-८)

3 याग यीशु बैतनयियाह दा शमौन कोढी यारी कोढ इन रोग ईरोद आऊन मान्या ऊमली कुरतकु ईरोन, आग ऊंद आरत संगमरमर इन वाटुल दा जटामांसी अनद बारर शुद्ध अत्तर हुळकु बंदुर; अदकि वाटुल इक मूरकु अत्तर इक यीशु उन ताल्ला मा लपटुसदुर. 4 लेकीन यारारा यारारा तान मन दा कुळकुळसुकु अनली कुरतुर, “ईद अत्तर इन येती सत्यानाश माळकु आत? 5 इदुर मा यीशु अंदुन येती ईद अत्तर इक मूर सौ दीनार* से यक्कुल बारर दा मारकु कंगालगोळ दा वाटसुकु आग सकोद.” अदकि आंदुर आक इक दनकुसुली कुरतुर.

6 यीशु अंदुन, “आकी बट्टि वुळी; आकी येती सतुसतीर? आक रा नान सांगुळ भलाई माळदुर. 7 कंगाल नीम सांगुळ हमेशा ईरतार, अदकि नीव याग चाहासीर आग आंदुर से भलाई माळ सकतीर; पर ना नीम सांगुळ हमेशा ईरतीदील. 8 जो येनारा आक माळसकोर, आक माळदुर; आक नान नळसोद तयारी दा पयले टु ना नांद शरीर मा अत्तर मलुस्यार. 9 ना नीम से खरा माताळतीन कि पुरा दुनया दा येल्यारा भी खुशखबरी प्रचार माळदुर दा बंदीत, अल आक इन ईद क्याल्सा अनद चर्चा भी आक इन याद दा माळकु आदीत.”

यीशु उन वशिवासघात माळेर साटी यहूदा अनद सहमती
(मत्ती २६:१४-१६; लूका २२:३-६)

10 आग यहूदा इस्करियोती जो हन्नेळ चेलगोळ दा टु ऊंद ईरोन, प्रधान याजकगोळ हात्ती होदुन कि यीशु उक आंदुरद कय देल हुळसुसुकु आंदरी सौप्स बुळुल. 11 आंदुर ईद केळकु खुश आदुर, अदकि आऊक पैस्या कोळोद स्वीकार माळदुर; अदकि आव मवका नोळोन कि आऊक ह्यांगारा भी प्रकार देल हुळसुसुकु आंदुरद कय दा सौप्स बुळुल.

चेलगोळ सांगुळ फसह अनद आखरी भोज

(मत्ती २६:१७-२५; लूका २२:१७-१४; २१-२३; यूहन्ना १३:२१-३०)

12 अखमीरी रोटी इन हाबब इन पयला दनि, यदुरदा आंदुर फसह दा म्यांडा अनद पाड्डा अनद बलदिन माळतोगोर, यीशु उन चेलगोळ आऊक केळदुर, “नी येन चाहासत्या कनिाव होगकु नीन साटी फसह तनिोद तयारी माळेव?”

13 यीशु तान चेलगोळ दा टु येदद मंदरी ईद अनकु कळुदुन, “नगर दा होगी, अदकि ऊंद मळसा नीर इन माळका नेगुत नीमी सकियान, आऊंद हदि आगेगीर; 14 अदकि आव याता मान्या होदान, आ मान्ना अनद मालकि से अनेतीर, ‘गुरु अनतान कि पाऊनागोळद ईरोद जागा पाऊनागोळद कमरा यल आद यदुरदा ना तान चेलगोळ सांगुळ फसह तनिाईन अद जागा यल आद?’ 15 आव नीमी ऊंद सजुसुकु सजुसुद, अदकि तयार माळद धोळद म्याकळोद ठकान तोरस्यान, अल नाम साटी फसह तनिोद तयारी माळेतीर.”

16 चेलगोळ अल टु होट्टकु नगर दा बंदुर, अदकि ह्यांग यीशु आंदुर से अंददिन, हांग अच सकित; अदकि आंदुर फसह तनिोद तयारी माळदुर.

17 याग द्याव आत, रा आव हन्नेळ चेलगोळ सांगुळ बंदुन. 18 याग आंदुर कुरतकु ऊमोर, रा यीशु चेलगोळ से अंदुन, “ना नीम से खरा अनतीन कि नीम दा टु ऊंद, जो नान सांगुळ ऊमेत्यान, आव नानी धवाका देल हुळसुसुकु दुश्मनगोळ कय दा सौप्स कौडान.”

19 अदकि चेलगोळ मा उदासी छ्रासेत अदकि आंदुर ऊंद ऊंद माळकु यीशु उक अनली कुरतुर, “येन आव ना हुईन?”

20 यीशु आंदुर से अंदुन, “आंदुर नीम हन्नेळ दा टु ऊंद आन, जो नान सांगुळ तंळग्या दा कय हाकतान. 21 यतकी ना मळसा अन पार, ह्यांग नान बारा दा लखिसकु आग्याद, लेकीन आ मळसा

* 14:3 १४:३ लूका ७:३७,३८ * 14:5 १४:५ मूर सौ चाँदी नव सकिका ऊंद वर्ष इन रोजी

अन मा हाय याऊन द्वारा ना मंळसा अन पार उक हुळसुसकु आदीत अदकि सौपसकु आदीत! अगर आ मंळसा अनद जनम अच ईला आगाईत, रा आऊन साटी भला आगाईत.”

प्रभु-भोज

(मत्ती २६:२६-३०; लूका २२:१४-२०; १ कुरन्थि ११:२३-२५)

22 याग यीशु अदकि आऊन चेलागोळ ऊमतेला अच ईरोर, आव रोटी ताकोडुन, अदकि परमेश्वर उक धन्यवाद कोटक मुरदुन, अदकि आव चेलागोळी भी कोटदुन, अदकि अंदुन, “हुडी, ईद नान शरीर हुन.”

23 बाक यीशु कटोरा हुळकु परमेश्वर उक धन्यवाद माळदुन, अदकि आंदरी कोटदुन; अदकि आंदुर सप्पा मुंदुर अदुर दा टु कुळदुर. 24 अदकि यीशु चेलागोळ से अंदुन, “अद नान खुन हुन, जो हापाळ मुंदुर साटी वाहुसकु आगतद,” ईद प्रमाणति माळतद कि परमेश्वर अदकि मंळसा अन न्याड्या व्हाशोद वाचा अक दर्शुसतद. 25 “ना नीम से खरा अनतीन कि अंगुर इन रास्सा आ दनि ताका बाक यागलु कुडुतीदील, यागासताका परमेश्वर उन राज्य दा ना व्हाशोद अंगुर इन रास्सा ना कुडुतीदील.”

26 बाक आंदुर भजन हाळ हाळकु व्हार्या जैतून पहाळी मा होदुर.

पतरस उन इनकार इन भवषियवाणी

(मत्ती २६:३१-३५; लूका २२:३१-३४; यूहनना १३:३६-३८)

27 आग यीशु चेलागोळ से अंदुन, “नीव नानी बटिकु ओळीर, यतकी शास्त्र हगि अच अनतद: ‘ना रखवाला अक कोनाईन, अदकि म्यांडा ततिर-बतिर आगेदव.’” 28 *लेकीन ना तान जतिता आगदुर वाददा नीम से पयले गलील इक होगाईन.”

29 पतरस आऊन से अंदुन, “अगर सब नीनी बटिटर रा बटिटर, पर ना नीनी बटिकु होगालीन.”

30 यीशु आऊन से अंदुन, “ना नीन से खरा अनतीन कि ईदलया ईदा ईळलक इक हुंज इन येदद घन कुगुगोर से पयले, नी मुर घन नान इनकार माळ्या.”

31 बाक पतरस अदकि जोर कोटक अंदुन, “अगर नानी नीन सांगुळ सायोद भी बदिदीत, तरी ना नीन इनकार यागलु माळतीदील.”

ईदा प्रकार देल अदकि सप्पा मुंदुर भी अंदुर.

गतसमनी दा प्रार्थना

(मत्ती २६:३६-४६; लूका २२:३९-४६)

32 बाक यीशु अदकि आऊन चेलागोळ गतसमनी हेसुर इन ऊंद जागा दा बंदुर, अदकि आव तान चेलागोळ से अंदुन, “ईल कुरतकु ईरी, आगासताका ना प्रार्थना माळतीन.” 33 अदकि आव पतरस अदकि याकूब अदकि यूहनना अक तान सांगुळ ओतुन; अदकि च्याच दुखी अदकि व्याकुल आगली कुरतुन, 34 अदकि आंदुर से अंदुन, “नान मन च्याच उदास आद, ईल ताका काना सायोर मा आईन: नीव ईल रूकसी, अदकि जागसतेला ईरी.”

35 बाक आव थ्वाळासा मुंद होदुन अदकि धरती मा बदिकु प्रार्थना माळली कुरतुन कि अगर आग सकुल रा ईद घळी नान मा टु टुलसेगुल, 36 अदकि अंदुन, “हे बाबा, हे आप्पा, नीन से सप्पा येनारा आग सकतद; ईद दुख इन कटोरा अक नान हाती टु हटसुबुळ: तौभी ह्यांग ना चाहासतीन हांग ईला, पर जो नी चाहासत्या अदा आगुल.”

37 बाक यीशु वापस बंदुन अदकि नोळदुन कि मूर चेलागोळ मगिग्यार ईद नोळकु पतरस से अंदुन, “हे शमौन, नी मगित्या? येन नी ऊंद तास भी जागस सकदील? 38 जागसतेला अदकि प्रार्थना माळतेला ईरी कि नीव परीक्षा दा बळिबाळी. आत्मा अनद रा इच्छा आद, पर मय कमजोर आद.”

39 अदकि यीशु बाक ओळ्हेदुन अदकि अवा शब्दगोळ्हादा प्रारथना माळली कुरतुन. 40 बाक यीशु बंदकु आंदरी मगित नोळदुन, यतकी आंदुर अव कण्णगोळ जप देल तुमकु ईरव; अदकि ईला जान्सोर का आऊक येन उत्तर कोट्टेव.

41 बाक यीशु तसिरा गन बंदकु आंदुर से अंदुन, “ईग भी नीव मगितीर अदकि आराम माळ्हेतीर? नोळी, घळी होट्ट बंदाद; नोळी ना मंळसा अन पार पापीगोळ्हाद कय देल हळकु सौपसकु आगाईन.

42 येळी, होगाता! नोळी, नानी धवाका देल हळसुसकु सौपसावाळा नान हात्ती होट्ट बंदान!”

यीशु उन धवाका देल हळकु सौपसकु आगोद

(मत्ती २६:४७-५६; लूका २२:४७-५३; यूहन्ना १८:३-१२)

43 यीशु ईद अनतेला अच ईरोन काय हूदा जो हनुनेळ चलागोळ दा टु ऊंद ईरोन, आऊन हात्ती बंदुन. अदकि तान सांगुळ प्रधान याजक अदकि शास्त्रीगोळ अदकि स्याणागोळद द्वारा ऊंद धोळद भीळ कळकु आगीत, जो तलवार अदकि कोलगोळ हळकु बंदीदुर. 44 यीशु उक हळसुसकु सौपसावाळा आंदरी ईद पता कोटीदुन का याऊक ना चुम्मा ताकोमाईन आवा मंळसा हुन, आऊक हळकु शंकलीगोळ देल कटकु सावधानी देल वयेतीर ताकी आव ओळ बाळुल.

45 हूदा बंदुन, अदकि तुरन्त यीशु उन हात्ती होगकु अंदुन, “हे गुरु!” अदकि आऊन चुम्मा ताकोडुन. 46 आग आंदुर यीशु मा कय हाककु आऊक हुडुकोडुर अदकि कठ कोडुर. 47 आंदुर दा टु जो हात्ती नीदुरकु ईरोर, ऊंद मंळसा तलवार जेळकु महायाजक उन सेवक मा नळसदुन, अदकि आऊंद कवि हारस बुट्टुन. 48 यीशु आंदुर से अंदुन, “येन ना यावारा अपराधी हुईन, जो नानी हुडोर साटी तलवार अदकि कोलगोळ हळकु बंदीर? 49 *नारा रा हर रोज मंदिर दा नीम सांगुळ ईतकु उपदेश कोळतोगीन, अदकि आग नीव नानी हळदीदलि: लेकीन ईद इदुरसाटी आग्याद का शास्त्र अन्द मात पुरा आगुल.”

50 इव मातगोळ केळकु आऊन सप्पा चलागोळ आऊक आबना बटिकु वोळ्हेदुर.

51 ऊंद हारोदव पार तान दंगदंगा मय मा लुंगी होदुकु यीशु उन हदि-हदि होगान; अदकि लॉकुर आऊक हुडोद कोशशि माळदुर. 52 अदकि आव लुंगी बटिकु नंगा ओळ्हेदुन.

यहूदीगोळ्हाद महासभा अन्द मुंद यीशु उक तरोद आत

(मत्ती २६:५७-६८; लूका २२:५४,५५,६३-७१; यूहन्ना १८:१३-१४; १९:२४)

53 बाक आंदुर यीशु उक महायाजक उन माननी तंदुर; अदकि सब प्रधान याजक अदकि स्याणा अदकि नयिम इन गुरु आऊन मान्या जमा आगेदुर. 54 पतरस दुर दुर टु आऊंद हदि-हदि महायाजक उन आंगुळ इन बुळक ताका होदुन, अदकि आव पहरदारगोळ सांगुळ कुरतकु बेक्की सेक्सली कुरतुन. 55 प्रधान याजक अदकि सप्पा यहूदीगोळ्हाद महासभा यीशु उक कोंद बुळोरसाटी आऊंद वरिध दा गवाही इन खोज दा ईरोर, पर आऊंद वरिध दा यातोद भी सबुत सकिदील. 56 यतकी हापाळ सा लॉकुर यीशु उन वरिध दा ख्वाटा गवाही कोळोर, पर आंदुरद गवाही ऊंद सारखा ईला ईरोद.

57 आग येनारा लॉकुर यदकु यीशु उन खलिाप ईद ख्वाटा गवाही कोळली कुरतुर, 58 *नाव ईऊक ईद अन्त केळेव, ना ईद मंळसागोळ्हाद कय देल माळ्हाद ईद मंदिर इक केळद बुळाईन, अदकि मुर दनि दा दुसरा माळाईन, जो मंळसागोळ्हाद कय देल माळकु ईरतीदील.” 59 इदुर मा भी आंदुरद गवाही ऊंद सारखा होतीदलि.

60 आग महायाजक न्याड्या दा नीदुरकु यीशु से केळदुन, “नी येनु उत्तर कोळाल? ई लॉकुर नीन वरिध दा येन गवाही कोळतार?”

61 लेकीन यीशु सुंगा ईत्तुन, अदकि आव येनु उत्तर कोटीदील. महायाजक आऊन से मात्त केळदुन, “येन नी आ परमधन्य परमेश्वर उन पार मसीह हुय?”

62 यीशु अंदुन, हाव “ना हुईन: अदकि नीव मंळसा अन पार उक सर्वशक्तमान इन ऊम्मा कय दी कूर्त, अदकि आकाश इन बादल इन सांगुळ बरत नोळीर.”

63 आग महायाजक तानव फळक्या हरकु अंदुन, “ईग नामी यक्कुल गवाहगोळ्द येन जरवत आद?”

64 “येन नीव केळीदील, कि ईव परमेश्वर उन अपमान माळतान. ईग नीमद येन राय आद?” आ सप्पा लाँकुर आऊक अपराधी ठहरूसतेला अंदुर, कि ईऊक जीव दण्ड सीक पायजे.

65 आग यारारा आऊन मा उगुळली कुरतुर, अदकि यारारा आऊन कण्णगोळ मा पट्टी कटकु आऊक बुक्का बडुली कुरतुर, अदकि आऊन से अनली कुरतुर, “भवषियवाणी माळ.” नीनी यार बळदुर, अदकि पहरेदारगोळ आऊक हळकु क्याबरा बळदुर.

पतरस उन यीशु उक इनकार माळोद

(मत्ती २६:६९-७५; लूका २२:५६-६२; यूहन्ना १८:१५-१८, २५-२७)

66 याग पतरस ल्यालमा आंगुळ दा ईरोन, रा महायाजक इन दासीगोळ दा टु ऊंद दासी अल बंदुर. 67 अदकि आ दासीगीत पतरस उक बेक्की सेक्सत नोळकु आऊक टकटकी हचकु नोळदुर अदकि अनली कुरतुर, “नी भी रा आ नासरी यीशु उन सांगुळ ईर्या.”

68 अदकि आव बदलुसेदुन, अदकि अंदुन, “ना जानसालीन अदकि ना सम्सालीन कि नी येन अनेत्या.” बाक आव अल टु दरवाजा ताका होदुन; अदकि आटा होती हुंज कुगत.

69 आ दासी आऊक नोळकु आंदुर से अंदुर जो आऊन हात्ती नीदुरकु ईरोर, “ईव मंळसा आंदुर दा टु ऊंद हुन.”

70 लेकीन आव मात्त बदलुसेदुन. घळी तमिर बाददा दा आंदुर जो हात्ती नीदुरकु ईरोर मात्त पतरस से अंदुर, “खरा दा नी आंदुर दा टु ऊंद हुय; यतकी नी गलीली भी हुय.”

71 आग आव इनकार माळकु अनली कुरतुन कि ना करिया तनिकु खरा अनतीन, “ना आ मंळसा अक, यार्द नीव मातचीत माळतीर, ना अरालीन.”

72 बाक तुरन्त दुसरा घन हुंज कुगत. अदकि पतरस उक अद मात जो यीशु आऊन से अंददिन याद बत्त: “हुंज इन येदढ घन कुगोर से पयले नी मुर घन नान इनकार माळ्या.” अदकि आव ईद मात इक सोचकु आव वलली कुरतुन.

15

पलिातुस उन मुंद यीशु

(मत्ती २७:१-२; ११:१४; लूका २३:१-५; यूहन्ना १८:२८-३८)

1 वहातुर आगतेला अच तुरन्त प्रधान याजकगोळ, स्याणागोळ, अदकि शास्त्रीगोळ उलटा सप्पा यहूदी महासभा आपस दा सलाह माळकु यीशु उक कटसुसदुर, अदकि आऊक वीतकु पलिातुस उन कय दा सौप्सदुर.

2 पलिातुस आऊन से केळदुन, “येन नी यहूदीगोळ्द राजा हुय?” यीशु आऊक उत्तर कोट्टुन, हव “ह्यांग नी खुद अच अनत्या.”

3 प्रधान याजक आऊन मा हापाळ मात ईनव दोष हचचोर. 4 पलिातुस यीशु से मात्त केळदुन, “येन नी येनु उत्तर कोळाल? नोळ इंदुर नीन मा यास मात ईनव दोष हचीत्यार!”

5 यीशु फरि भी येनु उत्तर कोटीदील; ईल ताका कि पलिातुस उक बळा आश्चर्य आत.

मृत्यु-दण्ड इन आग्या

(मत्ती २७:१५-२६; लूका २३:१३-२५; यूहन्ना १८:३९; १९:१६)

6 हर ऊंद फसह हाव्व इन घळी दा पलिातुस यावारा भी ऊंद कैदी इक यारी यहूदी लाँकुर चाहासतोगोर, आऊक आंदुर साटी बट्टिबुळ तोगोन. 7 बरअब्बा हेसुर ईनव ऊंद मंळसा ईरोन जो आ बदिरोह इन सांगुळ कैदी ईरोन, जो रोमन सरकार उन खलिाप बदिरोह दा हत्या माळीदुर.

8 अदकि भीळ म्याकुच हांगकु पलिातुस से वनिती माळली कूर्त, किह्यांग नी नाम साटी माळतेला

बंद्या हांग अच माळ. ⁹ पलितासु आंदरी उत्तर कोट्टुन, “येन नीव चाहासतीर कि ना नीम साटी यहूदीगोळ राजा अक बटि बुळाईन?” ¹⁰ यतकी पलितासु जानसोन कप्रधान याजकगोळ आऊक सटिट देल सौपसीदुर.

¹¹ लेकीन प्रधान याजकगोळ लॉकुरी येरसदुर कि आव बरअबवा अक अच आंदुर साटी बीटबुळल. ¹² ईद केळकु पलितासु आंदुर से मात्त केळदुन, “रा यारी नीव यहूदीगोळव राजा अनतीर, आऊक ना येन माळाईन?”

¹³ आंदुर मात्त चळिलासदुर, अदकि अंदुर “आऊक कूस मा येरसबुळी!”

¹⁴ पलितासु आंदुर से अंदुन, “येती ईव येन बुराई माळयान?”

लेकीन आंदुर मात्त अदकि चलिळासदुर, “आऊक कूस मा येरसबुळी!”

¹⁵ आग पलितासु भीळ इक खुशु माळोद इचछा देल, बरअबवा अक आंदुर साटी बटिट बुट्टुन, अदकि यीशु उक कोळागोळ देल बळकु सौपसदुर कि कूस मा येरसुल.

सैनकिगोळ द्वारा यीशु उन अपमान

(मत्ती २७:२७-३१; यूहन्ना १९:२-३)

¹⁶ सैनकिगोळ यीशु उक कलिा अन्द बुळक राज्यपाल उन मानना अन्द आंगुळ दा ओतुर जो प्रीटोरियुम कहलुसतद, अदकि बाकी नोर रोमी सपिाईगोळी कारूकु तंदुर. ¹⁷ आग आंदुर आऊक जांभळा रंग इन कपळा हाक्सुसदुर अदकि मुळल इन मुकुट माळकु आऊन ताल्ला मा मळसदुर, ¹⁸ अदकि ईद अनकु आऊक नमस्कार माळली कुरतुर, “हे यहूदीगोळ राजा, नीन जय आगुल!” ¹⁹ आंदुर आऊन ताल्ला मा सरकण्डा बडोर, अदकि आऊन मा ऊगळोर, अदकि ट्वांगरा टेक्सकु आऊक प्रणाम माळतेला ईततुर. ²⁰ याग आंदुर आऊद मज्याक हारसकोड्डुर, रा आऊन मय मा कळव जांभळा रंग इन फळक्या ईळसकु आऊन अवा कपळा मात हाक्सुसदुर; अदकि आग आऊक कूस मा येरसोर साटी व्हार्या ओतुर.

यीशु उन कूस मा येरसोद

(मत्ती २७:३२-४४; लूका २३:२६-४३; यूहन्ना १९:१७-२७)

²¹ आंदरी कुरेन ईनव ईरावाळा शमौन हेसुर ईनव मळसा, हादी मा सकिदुन. आव ऊरी टु बरोन. अदकि आव सकिन्दर अदकि रूफूस उन आपुप ईरोन. सपिाहीगोळ आऊन मा जबरदस्ती दबाव हाकदुर कि आव यीशु उन कूस नेगुकु नळदान. ²² आंदुर यीशु उक गुलगुता हेसुर इन जागा मा तंदुर, यदुर मतलब खोपळी इन जागा हुन. ²³ अल यीशु उक केय मसाला मीसळुसद अंगुर इन राससा कोळली कुरतुर, लेकीन आव ताकोडीदील. ²⁴ आग आंदुर आऊक कूस मा येरसदुर अदकि आऊन कपळा मा चटिटी गोळ हाककु, कियारीक येन सकिकीत, अवरी वाटस बुट्टुर. ²⁵ याग आंदुर आऊक कूस मा येरसदुर रा व्हातरी नव ऊम्बत मुरददिव. ²⁶ अदकि आऊन दोषपतर लखिसकु कूस मा आऊद ताल्ला अन्द म्याकुच चपिकुस बुट्टुर “यहूदीगोळ राजा.” ²⁷ आंदुर आऊन सांगुळ येदह डाकूगोळी भी कूस मा येरसदुर, ऊद डाकू उक ऊमा कय दी अदकि दुसरा डाकू उक डाक्या कय दी कूस मा येरसदुर. ²⁸ आग पवतिरशास्त्र अन्द अद वचन कि आऊक अपराधीगोळ सांगुळ आळुकु आदीत, पुरा आत.*

²⁹ अदकि हादी मा टु होगावाळेर ताल्ला हालु-हालुसकु अदकि ईद अन-अनकु आऊद अपमान माळतोगोर, “वाह. मंदरि इक केळावाळा, अदकि मुर दनि दा माळावाळा! ³⁰ तान तान इक ऊळस अदकि कूस मा टु ईळुकु बा.”

³¹ ईदा रीति दिल प्रधान याजक भी, शास्त्रीगोळ सांगुळ, आपस दा आऊद मज्याक हारसकु अनतोगोर, “ईव रा दुसरा अक ऊळसयान,” लेकीन तान तान इक ऊळस सकालुन.

* 15:21 १५:२१ रोमियो १६:३३

* 15:28 १५:२८ ईद वचन हाळोद शास्त्र दा लखिसकु हेलेच

* 15:29 १५:२९ मरकुस

१४:५८; यूहन्ना २:१९

32 इसत्राएल इन राजा, मसीह, ईग कूस मा टु ईळदकु बर कानाव नोळकु वशिवास माळव. अदकि जो आऊन सांगुळ कूस मा येर्सकु आगीदुर, आंदुर भी आऊन नीम्दा माळतोगोर.

यीशु उन जीव त्यागसोद

(मत्ती २७:४५-५६; लूका २३:४४-४९; यूहन्ना १९:२८-३०)

33 याग दुसरा पहर आत रा पुरा द्याश दा अंधार आगेत अदकि मुर मुरास ताका हांग अच ईत्त. 34 अदकि मुर मुरा दी यीशु हापाळ धोळद शब्द दा चलिळासकु अंदुन, “इलोई, इलोई, लमा शबकतनी?” यदुर्द मतलब हुन, “हे नान परमेश्वर, हे नान परमेश्वर, नी नानी येती बटिबुट?”

35 आग जो आऊन हात्ती ईरोर आंदुर दा टु आरधा लॉकुर ईद केळकु अनली कुरतुर, “नोळी, आव एलियाह अक कारेत्यान.” 36 अदकि ऊद मंळसा ओळकु संपंज इक सरिके दा नेनाकदुन, अदकि सरकण्डे मा ईटकु आऊक नेक्सदुन अदकि अंदुन, “थाम्सेगी, नोळाता एलियाह आऊक ईळसोर साटी बरतान का ईला.”

37 आग यीशु धोळद शब्द दा चलिळासकु जीव बटि बुटुन.

38 अदकि मंदिर इन परदा म्याकुच टु ल्यालमा ताका हूकु येढढ तुकळा आगेत. 39 जो सुवेदार आऊन मुंद नीदुरकु ईरोन, याग आऊक हगि चलिळासकु जीव वीळतेला नोळदुन, रा आव अंदुन, “खरा ई आद ईव मंळसा, परमेश्वर उन पार ईरोन!”

40 हापाळ आर्तेर भी दुर टु नोळतोगोर: आंदुरदा मरयिम मगदलीनी, स्याणेव याकूब अदकि योसेस उन मोय मरयिम, अदकि सलोमी ईरोर. 41 याग आव गलील दा ईरोन रा इंदुर आऊद हदि आगेगोर; अदकि आऊद स्यावा टहल माळतोगोर; अदकि दुसरा हापाळ आर्तेर भी ईरोर, जो आऊन सांगुळ यरुशलम दा बंदीदुर.

यीशु उक नळसोद

(मत्ती २७:५७-६१; लूका २३:५०-५६; यूहन्ना १९:३८-४२)

42 याग द्याव मळकेत रा इदुरसाटी कतिथार इन दनि ईरोद, जो आराम इन ऊद दनि पयले ईरतद, 43 अरमितिया नव ईरावाळा यूसुफ बंदुन, जो महासभा दव सदस्य ईरोन अदकि तावा परमेश्वर उन राज्य अन्द हादी कायोन. आव हम्मिमत माळकु पलातुस उन हात्ती होगकु यीशु उन लाश वेळदुन. 44 पलातुस उक आश्चर्य आत कि आऊद जीव ईट जल्दी होटोत; अदकि आव सुवेदार उक कारूकु केळदुन, “येन आव सोतोग्यान?” 45 याग आव सुवेदार उन बाय देल हाल केळदुन, रा लाश यूसुफ उक वेळ कोट्टुन. 46 आग आव मलमल इन ऊद चादर कोडुन, अदकि लाश इक ईळसकु आ चादर दा गुंळसदुन, अदकि ऊद कवर दा जो चट्टान दा अगुळकु आगीत ईटदुन, अदकि कवर अन्द दरवाजा मा ऊद कल्ल ढकलुसदुन. 47 मरयिम मगदलीनी अदकि योसेस उन मोय मरयिम नोळतोगोर कि आऊक येल ईटकु आग्याद.

16

यीशु उन पुनरूत्थान

(मत्ती २८:१-८; लूका २४:१-१२; यूहन्ना २०:१-१०)

1 याग आराम इन दनि बतिसेत, रा मरयिम मगदलीनी, अदकि याकूब उन मोय मरयिम, अदकि सलोमी सुगन्धति अत्तर कोडुर अदकि बंदकु यीशु उन लाश मा हचचेव. 2 यहूदीगोळद अनुसार हप्ता अन्द पयला दनि आयत्थार इन वहातर्या अन्द आर मुरा याग सुर्य होळत, आंदुर कवर मा बंदुर, 3 अदकि आपस दा अनतोगोर, “नाम साटी कवर अन्द दरवाजा मा टु कल्ल याव ढकलुसयान?” 4 कल्ल हापाळ धोळद ईरोद. याग आंदुर कण्ण नेगुकु नोळदुर रा कल्ल कवर टु हटुसकु ईरोद. 5 आ आर्तेर याग कवर अन्द बुळक होदुर रा आंदुर ऊद स्वर्गदूत उक हारोदव मंळसा अन धाई बळिवे कपळा मा ऊमा कय दी कुरतकु नोळदुर, अदकि हापाळ अंजेदुर.

6 स्वरगद्दत आंदुर से अंदुर, “अंजवाळी, नीव नासरत इन यीशु उक द्दुदसेतीर, याऊक कूस मा येरसकु आगीत. आव जत्तिता आगयान, ईल हैलेच; नोळी, ईदा अद जागा हुन, यल आंदुर आऊक ईटीदुर. 7 *लेकीन नीव होगी, अदकि आऊन चेलागोळ अदकि पतरस से अनी क्क आव नीम से पयले गलील इक होदान. ह्यांग आव नीम से अंददिन, नीव अलया आऊक नोळीर.” 8 अदकि आ आरतेर होटकु कबूर टु वोळेदुर; यतकी धरधराहट अदकि घबराहट आंदुर मय दा तुम्मेगीत; अदकि आंदुर यारदारा से येनु अंददील, यतकी आंदुर हापाळ अंजकु ईरोर.

मरयिम मगदलीनी इक यीशु उन काळसोद
(मत्ती २८:९-१०; यूहन्ना २०:११-१८)

9 आयत्यार इक व्हातुर आगतेला अच यीशु जत्तिता आगकु पयले मरयिम मगदलीनी इक काळसदुन. आकनि दा टु आव येळ दुषटआत्मागोळ तेगदीदुन. 10 आक होगकु यीशु उन संगीगोळी जो शोक दा मुळककु ईरोर अदकि वोरलोर, ईद समाचार कोट्टुर. 11 आंदुर ईद कळदुर क्क यीशु जत्तिता आन अदकि मरयिम मगदलीनी आऊक नोळ्यार, रा आंदुर आकनि मातगोळ मा वश्वास माळीदील.

येदुद चेलागोळी यीशु उन काळसोद
(लूका २४:१३-३५)

12 ईदुर बाददा दा यीशु दुसरा रूप दा आंदुर दा टु येदुद चेलागोळी याग आंदुर ऊर इन दी होगोर, काळसदुन. 13 आंदुर भी होगकु दुसरा चेलागोळी ईद समाचार कोट्टुर, लेकीन आंदुर फरि भी आंदुरद मातगोळ मा वश्वास माळीदील.

हन्हुद चेलागोळी यीशु उन काळसोद
(मत्ती २८:१६-२०; लूका २४:३६-४९; यूहन्ना २०:१९-२३; प्रेरतिगोळ १:६-८)

14 यीशु आ हनुन चेलागोळी भी काळसदुन, याग आंदुर ऊमली कुरतीदुर, काळसदुन, अदकि आंदुरद अवश्वास अदकि मन इन कठोरता मा आंदरी दनकुसदुन, यतकी यार आऊद जत्तिता आगदुर बाददा आऊक नोळीदुर, आंदुर आऊद वश्वास माळीदलि. 15 *अदकि यीशु चेलागोळ से अंदुन, “नीव पूरा दुनया दा होगकु पूरा दुनया अन लॉकुरी खुशखबरी प्रचार माळी. 16 जो वश्वास माळ्यार अदकि बपतसिमा ताकोंडार आऊंदा उदधार आदीत, लेकीन जो वश्वास माळतीदील आऊंदा नयाय आदीत अदकि आऊक दोषी ठहूसकु आदीत; 17 वश्वास माळावाळेर दा ईव चनिह ईत्ताव क्क आंदुर नान हेसुर देल दुषटआत्मागोळी तेगदार, अदकि व्हासा व्हासा भाषा माताळ्यार, 18 अदकि आंदुर हाव इक नेगु कोंडार, अदकि अगर आंदुर जयर भी कुडु कोंडार रा आंदरी येनु नुकसयान आगतीदील; आंदुर वमारगोळ मा कय मळस्यार, अदकि वमार चंगा आगेदार.”

यीशु उक स्वरग दा नेगुकु आगोद
(लूका २४:५०-५३; प्रेरतिगोळ १:९-११)

19 *प्रभु यीशु आंदुर से माताळदुर बाददा दा स्वरग मा नेगुकु आदुन, अदकि परमेश्वर उन ऊम्मा कय दी कुरतुन. 20 अदकि आंदुर होटकु हर जागा मा प्रचार माळदुर, अदकि प्रभु आंदुर सांगुळ क्क्याल्सा माळतेला ईत्तुन, अदकि आ चनिह अन्द द्द्वारा जो सांगुळ सांगुळ आगतोगोव, वचन इक मजबूत माळतेला ईरोन. आमीन.*

* 16:7 १६:७ मत्ती २६:३२; मरकुस १४:२८ * 16:15 १६:१५ प्रेरतिगोळ १:८ * 16:19 १६:१९ प्रेरतिगोळ १:९-११

* 16:20 १६:२० इव आयतगोळ हस्त लिखित हाळोद शास्त्र दा सक्कीदील

लूका रचति यीशु मसीह का सुसमाचार लूका अन्द लखिसद यीशु मसीह अन बारा दा खुशखबरी परचिय

लूका अन्द लखिसद खुशखबरी व्हाशोद नयिम दाकळोद आ नाक कतिाब दा टु ऊंद कतिाब हुन, यदुरदा यीशु उन जीवन इन वर्णन आद. हर ऊंद कतिाब इक “खुशखबरी” अनतार. यीशु उन सोत्तुर बाद्दा मत्ती, मरकुस, लूका अदकि यूहनना ईद कतिाब लखिस्यार. लूका सर्रिफ यीशु उन जीवन इन कहानी इच लखिसदिलि बल्की, आऊन सोत्तुर बाद्दा आऊन चेलागोळ्द क्याल्सागोळ बारा दा भी लखिस्यान, “प्रेरतिगोळ्द क्याल्सा हेसुर इन कतिाब दा इंदुर बारा दा वाचुसली सकितद. लूका अन्द खुशखबरी येल अदकि याग लखिसकु आग्याद इदुर बारा दा नशिचति जानकारी हैलेच लेकीन यक्कुल अभ्यास माळावाळेरे ईद मानसतार किलूका कृत खुशखबरी यीशु उन जनम इन लगभग ७० साल इन बाद्दा लखिसकु आगीदाद.”

ई कतिाब इन लेखक खुद लूका हुन जो ऊंद वैद्य ईरोन. आऊन लखिसोद शैली अदकि भाषा देल ईद पता नळुतद किलूका ऊंद सुशक्षित मळसा ईरोन. लूका चाहासोन कियीशु उन जीवन इन खरा-खरा वर्णन लखिसकु आगुल, अदकि घटनागोळ हयांग आग्याव बराबर हांग अच लखिसकु आगुल ताकी आंदुर बारा दा वाचुसकु फायदा आगुल. १:१-३ लूका यहूदी ईला ईरोन कुलुस्सगोळ ४:१०-१४ आव हांग प्रकार देल लखिसदुन कियहूदी भी आऊन लखिसद आसानी देल सम्स सकुल यात्ता प्रकार देल यहूदी रीत-रिवाजगोळ्द वर्णन माळकु आग्याद अदुर देल ईद स्पष्ट आगतद. १:८

हापाळ मात्रा दा लूका कृत खुशखबरी मत्ती अदकि मरकुस इन कतिाबगोळ्द घाई आद. मूर कतिाबगोळ दा अवा घटनागोळ्द वर्णन ऊंद अच घाई माळकु आग्याद. लेकीन लूका अन्द कतिाब दा वपतसिमा कोळावाळा यूहनना अन्द जनम इन बारा दा सब से यक्कुल जानकारी सकितद. लूका दा “माफ इन बारा दा सब से यक्कुल लखिसकु आद” ३:३,११:४,१७:३-४,२३:३४, २४:४७

प्रार्थना अन्द बारा दा भी सब से यक्कुल लखिसकु आद. ३:२१, ५:१६, ६:१२,११:१-१२, २२:३२ रूप रेखा:

१. लूका रचति खुशखबरी इन भुमका अदकि लखिसोद कारण हेळतान. १:१-४
२. अदुर बाद्दा, यीशु उन जनम अदकि आऊन सेवकाई इन तयारी इन बारा दा लखिसकु आद. १:५-४:१३
३. यूहनना वपतसिमा कोळावाळा अन्द जनस्यावा ३:१-२०
४. यीशु उन वपतसिमा अदकि परीक्षा ३:२१-४:१३
५. गलील दा यीशु उन जनस्यावा ४:१४-९:५०
६. गलील टु यरूशलेम ताका यात्रा ९:५१-१९:२७
७. यरूशलेम दा आखरी हप्ता १९:२८-२३:५६
८. प्रभु उन पुनरूत्थान, काळसोद, अदकि स्वर्गारोहण २४:१-५३

परचिय

1 श्रीमान थयिफलिस, हापाळ सा लॉकर आ मातगोळी जो नाम न्याड्या दा घळुस्याव, इतहास लखिसोर साटी कय हच्यार, 2 हयांग कियीशु जो पयले टु ना ई मातगोळव नोळावाळेरे अदकि खुशखबरी इन प्रचार माळावाळेरे सेवक ईरोर, नाम ताका पोहचुसदुर. 3 इदुरसाटी,

थयिफलिस् नानी भी ईद उचति मालूम आत कि आ सप्पा मातगोळद पुरा हाल सूरू टू वळ्ळीसा-वळ्ळीसा जाँच माळकु, आंदरी नीन साटी क्रम इन अनुसार लखिसाईन. 4 ना ईद इदुरसाटी लखिसदीन ताकी नीमी पुरा हकगित यकीन मालूम आगोगुल.

यूहन्ना बपतसिमा कोळावाळा अन्द जनम इन भवषियवाणी

5 यहूदीगोळव राजा हेरोदेस उन समय अबयियाह अन्द दल दा जकरयाह हेसुर ईनव ऊंद याजक ईरोन, अदकि आऊन हगिस हारून इन वंश इनोर ईरोर आकनि हेसुर इलीशबिा ईरोद. 6 आंदुर येददु मुंदुर परमेश्वर उन नजर दा न्यायी* ईरोर, अदकि प्रभु उन सप्पा आग्यागोळ मा अदकि सप्पा वधिगोळ मा नर्दोष नळावाळेर ईरोर. 7 आंदुरद यातोदु औलाद ईला ईरोद, यतकी इलीशबिा वाञ्जला ईरोर, अदकि आंदुर येददु मुंदुर बाट्ट हाळामुंड ईरोर.

8 याग जकरयाह तान दल इन पारी मा परमेश्वर उन मुंद याजक उन क्याल्सा माळोन, 9 रा याजकगोळद रीतर्त इन अनुसार आऊन हेसुर मा चट्टी होळत कि प्रभु उन मंदिर दा होगकु धूप होताकुल. 10 धूप होताका समय लॉकुरद सप्पा मंडली व्हार्या प्रार्थना माळोद.

11 आ समय प्रभु उन ऊंद स्वर्गदूत धूप इन वेदी इन ऊम्मा कय दी नीदुरकु आऊन मुंद प्रगट आदुन. 12 जकरयाह आऊक नोळकु घबूरसुदुन अदकि आऊन मा धोळद अंजक तुम्मेत. 13 लेकीन स्वर्गदूत आऊन से अंदुन, “हे जकरयाह, अंजवाळ, यतकी नीन प्रार्थना केळकु आगोग्याद; अदकि नीन हगिस इलीशबिा देल नीन साटी ऊंद पार पैदा आदान, अदकि नी आऊन हेसुर यूहन्ना ईटेट. 14 आऊन जनम इन कारण नीनी खुशी अदकि हर्ष आदीत: अदकि हापाळ लॉकुर आऊन जनम इन कारण खुश आदार, 15 यतकी आव प्रभु उन नजर दा महान आदान; अदकि अंगुर इन राससा अदकि सारा यागलु कुडुतीदील; अदकि तान मोय इन व्हाट्टा दा टू अच पवतिर आत्मा देल परपिरण आगेदान; 16 अदकि इसत्राएलगोळ दा टू हापाळ लॉकुरी आंदुर प्रभु परमेश्वर उन दी वापस तंदान. 17 आव एलियियाह अन्द घाई आत्मा अदकि सामर्थ्य दा आगकु आऊन मुंद मुंद नळदान कि आप्प दादागोळद मन चकीर-चनिगेर दी हतकु ईरूल; अदकि आग्या ईला मानसावाळेर इक न्यायीगोळद घाई आंदुर समझ दा तरूल; अदकि प्रभु उन साटी ऊंद योग्य प्रजा तयार माळुल.”

18 जकरयाह स्वर्गदूत से केळदुन, “ना ईद ह्यांग जानसाईन? यतकी ना रा हाळावाट आईन; अदकि नान हगिस भी हाळामुंड आगोग्यार.”

19 स्वर्गदूत आऊक उत्तर कोट्टुन, “ना जबिराईल हुईन, जो परमेश्वर उन मुंद नदुरकु ईरतीन; अदकि नानी नीन से मातगोळी हेळली अदकि नीनी ईद खुशखबरी केळसली नानी कळकु आग्याद.

20 नोळ, या दनि ताका ई मातगोळ पुरा आगालव, आ दनि ताका नी मौन अवस्था दा ईत्या अदकि माताळ सकतीदलि, यतकी नी नान मातगोळद जो तान समय मा पुरा आदव, ई नान वचनगोळ मा नी विश्वास माळीदलि.”

21 लॉकुर जकरयाह अन्द हादी कायतेला ईत्तुर अदकि आशचर्य माळली कुरतुर कि आऊक मंदिर दा ईट समय येती हत. 22 याग आव व्हार्या बंदुन, रा आंदुर से माताळ सकदील: अत: आंदुर अरत कौडुर कि आव मंदिर दा यातोद तरी दर्शन नोळयान; अदकि आव अदुर वारा दा आंदुर से संकेत माळतेला ईत्तुन, अदकि मुक्का आगकु ईतोदुन.

23 याग आऊन मंदिर इन स्यावा अन्द दनि पुरा आदव, रा आव तान माननी होटोदुन. 24 ई दनिगोळद बाददा आऊन हगिस इलीशबिा व्हाट्ट्या दी ईत्तुर; अदकि आक ईद अनकु तान तान इक अईद तगुळ ताका होचकु ईटदुर, 25 अदकि इलीशबिा खुद अच अनतोगोर, कि “ई दनिगोळ दा प्रभु नान मा कृपा नजर माळकु, मळसागोळी नान अपमान इक दुर माळोर साटी इच प्रभु नान साटी हगि माळदुन.”

यीशु उन जनम इन घोषणा

* 1:6 न्यायी-न्याय इन क्याल्सा माळावाळा

26 इलीशबिा अन्द गरभ-अवस्था अन्द आर तगिळु दा परमेश्वर उन दी टु जबिराईल स्वर्गदूत, गलील इन नासरत नगर दा, 27 ऊंद क्वारा पोर इन हात्ती कळकु आदुन यारद सगाई यूसुफ हेसुर इन दाऊद उन घराना अन्द ऊंद मळसा से आगीत: आ क्वारा पोर इन हेसुर मरयिम ईरोद. 28 स्वर्गदूत आकनि हात्ती वुळक बंदकु अंदुन, “नी धन्य आय, नीन मा परमेश्वर उन अनुग्रह आग्याद! प्रभु नीन सांगुळ आन!”

29 मरयिम आ स्वर्गदूत उन वचन देल हापाळ घबूसेदुर, अदकि मन दा सोचली कुरतुर काईद याता प्रकार इन अभिवादन हुन? 30 स्वर्गदूत आकनि से अंदुन, “हे मरयिम, अंजवाळ, यतकी परमेश्वर उन अनुग्रह नीन मा आग्याद. 31 नोळ, नी व्हाट्या दी ईत्या, अदकि नीनी ऊंद पार पैदा आदान; नी आऊन हेसुर यीशु ईटेट. 32 आव महान ईत्तान अदकि परमेश्वर उन पार जो सब से धोड्डेव आन अंदकु आदान; अदकि प्रभु परमेश्वर आऊन आप् दाऊद उन सहिसन आऊक कोट्टान, 33 अदकि आव याकूब ऊंद घराना मा हमेशा राज माळ्यान; अदकि आऊन राज्य अन्द अन्त यागलु आगतीदील.”

34 मरयिम स्वर्गदूत से अंदुर, “ईद ह्यांग आदीत. ना रा यातोवारा भी मळसा अन्द संपर्क दा हल्लेच.”

35 स्वर्गदूत आक इक उत्तर कोट्टुन, “पवतिर आत्मा दी टु नी व्हाट्या दी ईत्या, अदकि परमेश्वर उन सामर्थ्य नीन मा सावली माळीत; इदुरसाटी आ पवतिर जो पैदा आगावाळा आन, परमेश्वर उन पार अंदकु आदान. 36 अदकि नोळ, नीन कुटुम्ब इनोर इलीशबिा अक भी वुळपन दा पार आगावाळा आन, ईद आकनि, यारी लॉकुर वांझला अनतोगोर आरवा तगिळु हुन. 37 यतकी परमेश्वर उन साटी येनु असम्भव हल्लेच.”

38 मरयिम अंदुर, “नोळ, ना प्रभु उन दासी हुईन, नानी नीन वचन इन अनुसार अच आगुल.” आग स्वर्गदूत आकनि हात्ती टु होटोदुन.

जकरयाह अदकि इलीशबिा अन्द हात्ती मरयिम इन होगोद

39 आ दनिगोळ दा मरयिम यदकु तुरन्त अच पहाळी द्याश दा यहूदा अन्द ऊंद नगर इक होदुर, 40 अदकि आव जकरयाह अन्द मान्या होगकु मरयिम इलीशबिा अक नमस्कार माळदुर. 41 आग हगि आत का ह्यांग इलीशबिा मरयिम इन नमस्कार केळदुर, हांग अच चगिद आकनि व्हाट्या दा हारदुन, अदकि इलीशबिा पवतिर आत्मा देल परपुर्ण आगेदुर. 42 अदकि इलीशबिा धोळ्द शब्द दा कारूकु अंदुर, “नी आर्तेर दा धन्य आय, अदकि नीन व्हाट्या अन्द चगिद भी धन्य आद! 43 ईद अनुग्रह नानी यल टु आत कनिान प्रभु उन मोय नान हात्ती बंदुर? 44 ह्यांग नीन नमस्कार इन शब्द नान कवि मा बतित, हांग अच चगिद नान व्हाट्या दा खुशी देल हारली हत. 45 धन्य आर आक यार वशिवास माळदुर का जो मातगोळ प्रभु उन दी टु आकनि से अंदकु आग्याव, अव पुरा आदव!”

मरयिम इन स्तुतिहाळ

46 आग मरयिम अंदुर,

“नान जीवन प्रभु उन बळाई माळतद

47 अदकि नान आत्मा नान उद्धार माळावाळा परमेश्वर देल खुश आद,

48 यतकी आव तान दासी मा नजर ईट्यान;

इदुरसाटी नोळी, ईंगी टु सप्पा युग-युग इन पीढी नानी धन्य अंदीत,

49 यतकी आ शक्तमान प्रभु नान साटी धोळ्द-धोळ्द क्याल्सा माळ्यान.

आऊन हेसुर पवतिर आद,

50 अदकि आऊन दया आंदुर मा, जो आऊन से अंजतार,

पीढी टु पीढी ताका बन्सकु ईरतद.

- 51 आव तान भुजा अन्द ताकत तोरसदुन,
अदकि जो तान मन दा घमण्ड माळतोगोर, आंदरी ततिर-बतिर माळदुन.
- 52 आव बलवानगोळी आंदुरद राज सहासनगोळ मा टु केळ्द बुट्टुन;
अदकि नमूर लॉकुरी मयाकूच नेगदुन.
- 53 आव हस्तकु लॉकुरी वळलीद वस्तुगोळ देल संतुष्ट माळदुन,
अदकि धनवानगोळी खाली कय तेगद बुट्टुन.
- 54 आव तान सेवक इस्त्राएल उक सम्भालस कौडुन
का तान आ दया अक याद माळुल,
- 55 जो अब्राहम अदकि आऊन वंश मा हमेशा ईत्तीत,
हयांग आव नाम आप्प-दादागोळ से अंददिन.”
- 56 मरयिम इलीशवा अन्द सांगुळ लगभग मुर तगिळ ईतकु तान मान्नी वापस बंदुर.

यूहन्ना बपतसिमा कोळावाळा अन्द जनम

- 57 आग इलीशवा अन्द चगिद हाळोद समय पुरा आत, अदकि आक पार उक जनम कोट्टुन.
- 58 आकनि मान्ना अन्द हात्तीवाळेर अदकि कुटुम्बीगोळ ईद केळकु काि प्रभु आकनि मा हापाळ दया माळयान, आकनि सांगुळ खुशी मनुसदुर,
- 59 अदकि हगि आत काि आठवा दशी आंदुर आ चगिद ऊद खतना माळली बंदुर अदकि आऊन हेसुर आऊन आप्प उन हेसुर मा जकरयाह ईटावाळेर ईरोर. ⁶⁰ इदुर मा आऊन मोय उत्तर कोट्टुन, “ईद ईला; उलटा आऊन हेसुर यूहन्ना ईटकु आगुल.”
- 61 आंदुर आकनि से अंदुर, “नीन कुटुम्ब दा यारदु हेसुर ईद हैलेच!” ⁶² आग आंदुर आऊन आप्प उक इशारा माळकु केळदुर काि नी आऊन हेसुर येन ईटोद चाहासत्या?
- 63 आव लखिसोद पट्टी कारस्कु लखिस बुट्टुन, “आऊन हेसुर यूहन्ना आद,” अदकि सप्पा लॉकुरी आश्चर्य आत. ⁶⁴ आग आ चगिद उन बाय अदकि लयालग्या तुरन्त खुलसेत; अदकि आव माताळली अदकि परमेश्वर उन धन्यवाद माळली कुरतुन. ⁶⁵ आऊन आसपास इनोर सप्पा ईरावाळेर मा अंजक तुम्मेत; अदकि आ सप्पा मातगोळ्द चर्चा पुरा यहूदी इन पहाळी प्रदेश दा फैलुसेत, ⁶⁶ अदकि सप्पा केळावाळेर तान-तान मन दा वचिार माळकु अंदुर, “ई पार हयांग ईतीदान?” यतकी प्रभु उन कय आऊन मा ईरोद.

जकरयाह अन्द भवषियवाणी

- 67 आऊन आप्प जकरयाह पवतिर आत्मा देल परपिरण आगेदुन, अदकि आव परमेश्वर उन वातणी कोळली कुरतुन:
- 68 “प्रभु इस्त्राएल ईनव परमेश्वर धन्य ईरूल,
यतकी आव तान लॉकुर मा नजर ईटदुन अदकि आंदुरद छुटकारा माळदुन,
- 69 अदकि तान सेवक दाऊद उन घराना दा
नाम साटी ऊद सामर्थ्यकारी उध्दारक कोटान.
- 70 आव तान पवतिर भवषियवक्तागोळ्द द्वारा जो दुनया अन्द सूरवात टु आगतेला बंदार,
अंददिन.
⁷¹ मतलब नाम दुश्मनगोळ से अदकि नाम से नफरत ईटावाळेर्द कय देल नाम उध्दार माळदुन,
- 72 आव तान आप्प-दादागोळ से अंददिन काि आव दया माळयान काि
तान पवतिर वाचा अन्द याद माळुल,
- 73 अद करिया आव नामव आप्प अब्राहम से तदीदुन,
⁷⁴ आव नामी ईद कोट्टान काि नाव तान
दुश्मनगोळ्द कय दा टु बटिकु,

- 75 आऊन मुंद पवतिरता अदकि नयायीपन देल पुरा
जीवन तीम नडिर ईतकु आऊन स्यावा माळतेला ईत्तेव.
- 76 अदकि नी हे पारा, परमेश्वर उन भवषियवक्ता कहलुस्या,
यतकी नी प्रभु उन हादी तयार माळोर साटी
आऊन मुंद-मुंद नळदया,
- 77 का आऊन लॉकुरी उद्धार इन ग्यान कोट्टान,
जो आंदुरद पापगोळी माफ माळीत.
- 78 ईद नाम परमेश्वर उन अदा धोळद कऱूणा देल आग्याद;
यदुर कारण म्याकुच टु नाम मा वहातुर इन उजुळ उदय आदीत,
79 का अंधकार अदकि मृत्यु ऊंद सावली दा कुरावाळेर इक प्रकाश कोळल,
अदकि नाम कालगोळी शांती इन हादी मा सरका नळसुल.”
- 80 अदकि आ चगिद धोळद अदकि आत्मा दा बलवन्त आगतेला ईत्तुन, अदकि इस्त्राएल
मा प्रगट आगोद दनि ताका आळीगोळ दा ईत्तुन.

2

यीशु उन जनम
(मत्ती १:१८-२५)

- 1 आ दनिगोळ दा रोम इन राजा औगुस्तस उन दी टु आग्या होळत का पुरा रोमन साम्राज्य
अनद लॉकुरद हेसुर नोंदणी माळकु आगुल. 2 ईद पयला जनगणना आ समय आत, याग सरकारी
अधिकारी क्वरिनिथिस हेसुर इन मळसा सीरया हेसुर इन नगर इन शासक ईरोन, 3 सप्पा लॉकुर
हेसुर लखिसुसोर साटी तान तान नगर इक होटोदुर.
- 4 इदुरसाटी यूसुफ भी दाऊद उन घराना नव ईरोन, इदुरसाटी गलील इन नासरत नगर टु यहूदया
दा दाऊद उन नगर बैतलहम इक होदुन, 5 का तान हगिस मरयिम इन सांगुळ जो वहाट्या दी ईरोर
हेसुर लखिसुसुल. 6 आंदुरद अल ईरा समय दा मरयिम इन चगिद हाळोद दनि पुरा आदव, 7 अदकि
मरयिम तान पयला चगिद उक हाळदुर अदकि आ चगिद उक कपळा दा लपटुसकु चरनी दा ईटदुर;
यतकी आंदुर साटी सरई दा जागा ईला ईरोद.

स्वर्गदूतगोळ द्वारा चरवाहगोळी वातणी

- 8 अदकि आ प्रदेश दा यास चरवाहगोळ ईरोर, जो ईळलक इक मैदान दा ईतकु तान तान झुण्ड
इन पहरा कोळतोगोर. 9 अदकि प्रभु उन ऊंद स्वर्गदूत आंदुर हातती बंदकु नीदरेदुन, अदकि
प्रभु उन तेज आंदुरद नाकु दी चमकुसत, अदकि आंदुर हापाळ अंजेदुर. 10 आग स्वर्गदूत आंदुर
से अंदुन, “अंजवाळी; यतकी, ना नीमी हापाळ खुशी इन खुशखबरी केळसतीन जो सप्पा लॉकुर
साटी ईत्तीत, 11 का ईद दाऊद उन नगर दा नीम साटी ऊंद उद्धारकर्ता पैदा आग्यान, अदकि
ईवा मसीह प्रभु हुन. 12 अदकि इदुरद नीम साटी ईद चनिह आद का नीव ऊंद पार उक कपळा दा
लपटुसकु अदकि चरनी दा बदिकु नोळीर.”

13 आग अचानक आ स्वर्गदूत उन सांगुळ स्वर्गदूतगोळद दल परमेश्वर उन स्तुतमाळतेला
अदकि ईद अनतेला काळसदव,

14 “आकाश दा परमेश्वर उन महिमा

अदकि पृथ्वी मा आ मळसागोळ देल यार से आव प्रसन्न आन, शांती आगुल.”

15 याग स्वर्गदूत आंदुर हातती टु स्वर्ग दी होटोदुर, रा चरवाहगोळ आपस दा अंदुर, “बरी,
नाव बैतलहम होंगकु ई मात जो आग्याव, अदकि यारी प्रभु नाम मा प्रगट माळयान, नोळाती.”

16 अदकि आंदुर तुरन्त होंगकु मरयिम अदकि यूसुफ उन हातती होदुर, अदकि आ चगिद उक
चरनी दा बदिकु नोळदुर. 17 ईद नोळकु चरवाहागोळ आ मात इक प्रगट माळ बुदुर, जो ई चगिद

उन बारा दा आंदुर से अंदकु आगीत, 18 अदकि सप्पा लॉकुर आ मातगोळी केळकु जो चरवाहगोळ आंदुर से अंदुर आश्चर्य माळदुर. 19 लेकीन मरयिम ई सप्पा मातगोळी तान दलि दा ईटकु मन दा वचारि माळतेला ईततुर. 20 चरवाहगोळ ह्यांग स्वरगदूतगोळ हेळीदुर सब येनारा हांग अच केळकु अदकि नोळकु परमेश्वर उन महिमा अदकि स्तुति माळतेला होटोदुर.

यीशु उन हेसुर ईटोद

21 ह्यांग येठ दनि पुरा आदव अदकि आऊन खतना अन्द समय बत्त, रा आऊन हेसुर यीशु ईटकु आत जो स्वरगदूत आऊन मोय इन गर्भ दा बरोद से पयला अंददिन.

मंदरि दा यीशु उन अरपण

22 याग आंदुर यीशु उक अंदुर, मूसा इजाजत कोटान कि ऊंद मंळसा छोळ चट्टी लखिसकु तान हगिस उक तलाक कोळ सकतान. व्यवस्था अन्द अनुसार यूसफ अदकि मरयिम इन तान खुद इन शुद्ध आगव दनि पुरा आदव, रा आंदुर यीशु उक यूरूशलेम दा ओतुर कि प्रभु उन मुंद अरपण माळल, 23 ह्यांग कि प्रभु उन व्यवस्था अन्द कतिब दा लखिसकु आद: “हर ऊंद पयला पार परमेश्वर उन साटी पवतिर ठहूसयान.” 24 अदकि प्रभु उन व्यवस्था अन्द वचन इन अनुसार आंदुर: “फंडकी इन ऊंद जवाळा, या कबूतर इन येढढ पाडडगोळ” तंदकु बली येरसूल.

25 यूरूशलेम दा शमौन हेसुर ईनव ऊंद मंळसा ईरोन, अदकि आ मंळसा न्यायी अदकि भक्त ईरोन; अदकि इस्त्राएल इन लॉकुरी ऊळसावाळा अन्द हादी कायोन, अदकि पवतिर आत्मा आऊन मा ईरोद. 26 अदकि पवतिर आत्मा अन्द द्वारा आऊन बारा दा वादा माळकु आगीत कि यागासताका नी प्रभु उन प्रगट मसीह अक नोळ कोमाल, आगासताका नी सायतीदील. 27 शमिओन पवतिर आत्मा अन्द प्रेरणा देल मंदरि दा बंदुन; अदकि याग मोय अदकि आपप व्यवस्था अन्द वधी इक पुरा माळोर साटी चगिद यीशु उक मंदरि दा तंदुर, 28 आग आव यीशु उक क्वारा दा हुळदुन अदकि परमेश्वर उक धन्यवाद माळकु अंदुन:

29 “हे प्रभु, ईग तान दास उक नी जो वादा माळीद अदुर अनुसार शांती देल सायगोळ,

30 यतकी नान कण्णगोळ नीन उद्धार इक नोळ कोंडाद,

31 यदरी नी सप्पा प्रदेश इन लॉकुरद मुंद तयार माळया,

32 कि आव अनय गैरयहूदीगोळी सच्चवाई प्रगट माळावाळा प्रकाश कोळोर साटी ज्योति, अदकि नीन नजिी जात इस्त्राएल इन साटी महिमा आगुल.”

33 आऊन आपप अदकि मोय आ मातगोळ देल जो शमिओन अनतोगोन, आश्चर्य माळतोगोर. 34 आग शमौन आंदरी आशीष कोटकु यीशु उन मोय मरयिम से अंदुन, “नोळ, ई पार उक इस्त्राएल दा हापाळ मुंदुरद बळोद, अदकि येळोद साटी, अदकि ऊंद हगि चमत्कार आगोर साटी ठहूसकु आग्याद, यारद वरिध दा मातगोळ हेळकु आदाव. 35 इदुर देल हापाळ लॉकुर मन दा वचारि प्रगट आदव उलटा नीन दलि भी दुखगोळ देल तुमकु आदीत.”

36 आशेर इन गोत्र दा टू हनुनाह हेसुर इन फनूएल उन पोर ऊंद भविष्यवक्तागति ईरोर. आक हापाळ हाळामुंड ईरोर, अदकि मदा आगदुर वाद्दा येळ वर्ष तान गांड उन सांगुळ ईततुर वाद्दा आकनि गांड सोतोगदिन.

37 ईग आक चौर्यासी वर्ष टू रांडया ईरोर: अदकि आक मंदरि इक ईला बळितोगोर, लेकीन ईळलक-हागुल उपास अदकि प्रार्थना माळ माळकु स्यावा दा हतकु ईरतोगोर. 38 अदकि आक आ घळी अल बंदकु प्रभु उन धन्यवाद माळली कुरतुर, अदकि आ सप्पा मुंदुर से, जो यूरूशलेम इन लॉकुरद छुटकारा अन्द हादी कायतोगोर, आ चगिद उन बारा दा मातगोळ हेळली कुरतुर.

यीशु उन नासरत नगर दा वापस बरोद

39 याग आंदुर प्रभु उन व्यवस्था अन्द अनुसार सब येनारा पुरा माळ कौदुर रा गलील दा तान नगर नासरत इक होटोदुर. 40 अदकि आ चगिद वाढूसत, अदकि बलवनत आगत, अदकि बुद्धी देल परपिण्ण आगत होदुन; अदकि परमेश्वर उन अनुग्रह आऊन मा ईरोद.

यीशु मंदिर दा

41 यीशु उन मोय अदकि आप्प हर वर्ष फसह अन्द हाब्व दा यरूशलेम होगतोगोर. 42 याग यीशु हन्नेळ वर्ष ईनव आदुन, रा आंदुर हाब्व इन रीत ईन अनुसार यरूशलेम इक होदुर. 43 याग आंदुर आ दनिगोळी पुरा माळकु वापस बरली आदुर, रा स्याण पार यीशु यरूशलेम दा ईतोदुन; अदकि ई मात आऊन मोय अदकि आप्प उक मालूम ईला ईरोद. 44 आंदुर ईद सम्सकु कर् आव दुसरा यात्रीगोळ सांगुळ इतदान, ऊंद रोज इन हादी नळदोदुर: अदकि आऊक तान कुटुम्बगोळ अदकि जान पयचान वाळेरद हात्ती दुंदूसली कुरतुर. 45 पर याग आव सकिदील, रा दुंदूसत-दुंदूसत मात्त यरूशलेम इक होटोदुर, 46 अदकि मुर दनि इन बाददा आंदुर आऊक मंदिर दा उपदेश कोळावाळेरद न्याड्या दा कुरत, अदकि आंदुर केळत, अदकि आंदुर से प्रश्न माळतेला नोळदुर. 47 यास आऊन केळतोगोर, आंदुर सप्पा आऊन समझ अदकि आऊन उत्तरगोळ देल चकति ईरोर. 48 आग आंदुर आऊक नोळकु चकति आदुर अदकि आऊन मोय आऊन से अंदुर, “हे पारा, नी नाम से येती हगि व्यवहार माळद? नोळ, नीन आप्प अदकि ना व्याकुल आगकु नीनी दुंदूसेव?”

49 यीशु आंदुर से अंदुन, “नीव नानी येती दुंदूसीर? येन नीव ईला जानसीर कनिनी तान आप्प उन भवन दा ईरोद जूगी आद?” 50 लेकीन जो मात आव आंदुर से अंदुन, आंदरी आ मात समसदिलि.

51 आग यीशु आंदुर सांगुळ होदुन, अदकि नासरत नगर दा बंदुन, अदकि आंदुर वस दा ईततुन; अदकि आऊन मोय ई सप्पा मातगोळ तान मन दा ईटदुर. 52 अदकि यीशु बुद्धी अदकि मय देल डील-डोल, अदकि परमेश्वर अदकि मळसा अन्द अनुग्रह दा वाळुसली कुरतुन.

3

यूहन्ना बपतसिमा कोळावाळा अन्द बातणी

(मत्ती ३:१-१२; मरकुस १:१-८; यूहन्ना १:११-२८)

1 तबिरियुस रोमन इन राज्य अन्द पंदरावा वर्ष दा पुन्तयुस पलातुस यहूदयिा अन्द न्यायाधीश ईरोन, अदकि गलील दा हेरोदेस, इतुरैया अदकि त्रखोनीतसि दयाश दा आऊन वार्ट फलिपिपुस, अदकि अबलिने दा लसिानयास, चौथाई इन राजा ईरोर, 2 अदकि याग हन्ना अदकि कैफा महायाजक ईरोर, आ समय दा परमेश्वर उन वचन आळी दा जकरयाह अन्द पार यूहन्ना अन्द हात्ती पोहचुसत. 3 बपतसिमा कोळावाळा यूहन्ना यरदन इन आसपास इन सप्पा प्रदेश दा होगकु, पश्चाताप माळी, बपतसिमा ताकोमी बाक परमेश्वर नीम पापगोळी माफ माळयान, हगि प्रचार माळत टेटदुन.

4 ह्यांग यशायाह भविष्यवक्ता अन्द माताळद वचनगोळ कतिाव दा लखिसकु आव: “आळी दा ऊंद कारावाळा अन्द आवाज केळ बरेत्याद कर्,

‘प्रभु उन हादी तयार माळी,

अदकि आऊन यात्रा अन्द साटी सळकगोळी सरका माळी.

5 हर ऊंद घाटी तुमकु आदीत,

अदकि हर ऊंद पहाळी अदकि टीला ल्यालमा माळकु आदीत;

अदकि जो वाकळा आद अद सीधा, अदकि जो म्याकुच आद अद ल्यालमा अदकि जो ल्यालमा आद अद म्याकुच

अदकि अद चौरस हादी बनसीत.

6 अदकि हर ऊंद मळसा परमेश्वर उन उद्धार इक नोळीत.’”

7 *जो भीळ इन भीळ आऊन हात्ती बपतसिमा ताकोमली होटकु बरतोगोद, आंदुर से यूहन्ना

अनतोगोन, “हे हाव इन चकिरा, याव नीमी चतरा माळ बुटुन कि परमेश्वर उन बरावाळा प्रकोप देल ओळी? ⁸ इदुरसाटी हगि मातगोळ माळी जो नीम पशचाताप इक तोरसतद, अदकि तान तान मन दा ईद वचिर माळवाळी कि नाम आप्प अब्राहम हुन; यतकी ना नीम से अनतीन कि परमेश्वर ई कल्लगोळ देल भी अब्राहम उन साटी औलाद पैदा माळ सकतान. ⁹ इंग कोळ्नी मार्रगोळ्द जळी मा ईटकु आद, इदुरसाटी जो-जो मार्र वळ्लीद काय तराल, अदरी कळकु अदकि बेक्की दा हाक्कु आदीत.”

¹⁰ आग लॉकुर आऊन से केळदुर, “रा नाव येन माळेव?”

¹¹ आव आंदरी उत्तर कोट्टुन, “यार्द हात्ती येदढ कुळता आव, आव आऊक ऊंद कुळता कोळ्नुल यार्द हात्ती हेल्लेच अदकि यार्द हात्ती तनिाद आद, आव भी हगि अच माळ्नुल.”

¹² कुर ताकोमावाळेर भी बपतस्मा ताकोमली बंदुर, अदकि आऊन से केळदुर, “हे गुरु, नाव येन माळेव?”

¹³ आव आंदुर से अंदुन, “जो नीम साटी ठहूसकु आग्याद, अदुर से यक्कुल ताकोम बाळेतीर.”

¹⁴ सपिाहीगोळ भी आऊन से ईद केळदुर, “नाव येन माळेव?”

यूहन्ना आंदुर से अंदुन, “यारदारा मा दबाव हाक्कु आऊन से पैस्या ताकोमवाळी अदकि ख्वाटा दोष हचवाळी, लेकीन तान रोजी देल अच संतुष्ट ईरी.”

¹⁵ याग लॉकुर आस हचकु ईरोर, अदकि सप्पा तान तान मन दा यूहन्ना अन्द बारा दा वचिर माळेर कि येन ईवा रा मसीह आलच, ¹⁶ रा बपतस्मा कोळावाळा यूहन्ना आ सप्पा मुंदुर से अंदुन, “ना रा नीमी नीर देल बपतस्मा कोळतीन, लेकीन आव बरावाळा आन जो नान से यक्कुल ताकतवर आन; ना रा ई लायक भी हेल्लेच कि आऊन केरू उन बंध खोलस सकाईन. आव नीमी पवतिर आत्मा अदकि बेक्की देल बपतस्मा कोट्टान. ¹⁷ आऊन मार्र, आऊन कय दा आद; अदकि आव तान केई वळ्लीद तरीका देल साफ माळयान; अदकि तान गोदीगोळी रा द्वाला दा जमा माळयान; लेकीन भूसा अन्द गवान्डा अक आ बेक्की दा हीताक्यान जो यागलु नुनाल्द.”

¹⁸ इदुरसाटी आव हापाळ सा शकिषा कोट कोटकु लॉकुरी चेताननी कोळतोगोन कि तान हादी बदलुसुल. ¹⁹ लेकीन याग आव चौथाई द्याश इन राजा हेरोदेस उक आऊन वारट फलिपिपुस उन हगिंस हेरोदय्यास इन बारा दा अदकि सप्पा कुकर्मगोळ्द बारा दा जो आव माळीदुन, फटकार्सदुन, ²⁰ रा हेरोदेस आ सप्पा देल वाढुस्कु ईद कुकर्म भी माळदुन कि बपतस्मा कोळावाळा यूहन्ना अक बंदीगृह दा हाक बुट्टुन.

यीशु उन बपतस्मा

(मत्ती ३:१३-१७; मरकुस १:९-११)

²¹ याग सप्पा लॉकुर बपतस्मा ताकौडुर अदकि यीशु भी बपतस्मा ताकोमकु प्रार्थना माळोन, रा स्वर्ग खुल्लेसत, ²² अदकि पवतिर आत्मा कबूतर इन घाई आऊन मय मा ईळ्नुत, अदकि स्वर्ग टु ईद आकाशवाणी आत कि: “नी नान प्रयि पार हुय, ना नीन देल हापाळ खुश आईन.”

यीशु उन वंशावली

(मत्ती १:१-१७)

²³ याग यीशु खुद उपदेश कोळली कुरतुन, रा लगभग तीस वर्ष ईनव ईरोन हयांग लॉकुर समसतोगोर अदकि यीशु यूसुफ ईनव पार ईरोन; अदकि यूसुफ एली नव, ²⁴ अदकि एली मत्तात ईनव, अदकि मत्तात लेवी नव, अदकि लेवी मलकी नव, अदकि मलकी यन्ना नव, अदकि यन्ना यूसुफ ईनव, ²⁵ अदकि यूसुफ मत्ततियाह नव, अदकि मत्ततियाह आमोस ईनव, अदकि आमोस नहूम ईनव, अदकि नहूम असल्याह नव, अदकि असल्याह नोगह ईनव, ²⁶ अदकि नोगह मात ईनव, अदकि मात मत्ततियाह नव, अदकि मत्ततियाह शमी नव, अदकि शमी योसेख ईनव,

☆ 3:8 ३:२६ यूहन्ना ८:३३ ☆ 3:9 ३:९ मत्ती ७:१९ ☆ 3:12 ३:१२ लूका ७:२९ ☆ 3:19 ३:१९ मत्ती १४:३,४; मरकुस ६:१७,१८ ☆ 3:22 ३:२२ मत्ती ३:१७; मरकुस १:११; लूका ९:३५

अदकि योसेख योदाह ईनव, ²⁷ अदकि योदाह यूहनना नव, अदकि यूहनना रेसा नव, अदकि रेसा जर्बुबाबल ईनव, अदकि जर्बुबाबल शालतएल ईनव, अदकि शालतएल नेरी ईनव, ²⁸ अदकि नेरी मलकी नव, अदकि मलकी अद्दी नव, अदकि अद्दी कोसाम ईनव, अदकि कोसाम इलमोदाम ईनव, अदकि इलमोदाम एर ईनव, ²⁹ अदकि एर यहोशू नव, अदकि यहोशू इलाजार ईनव, अदकि इलाजार योरीम ईनव, अदकि योरीम मत्तात ईनव, अदकि मत्तात लेवी नव, ³⁰ अदकि लेवी शमौन ईनव, अदकि शमौन यहूदा नव, अदकि यहूदा यूसुफ ईनव, अदकि यूसुफ योनान ईनव, अदकि योनान इल्याकीम ईनव, ³¹ अदकि इल्याकीम मलेआह ईनव, अदकि मलेआह मनिनाह ईनव, अदकि मनिनाह मत्तात ईनव, अदकि मत्तात नातान ईनव, अदकि नातान दाऊद ईनव, ³² अदकि दाऊद यशै ईनव, अदकि यशै ओवेद ईनव, अदकि ओवेद बोअज ईनव, अदकि बोअज सलमोन ईनव, अदकि सलमोन नहशोन ईनव, ³³ अदकि नहशोन अम्मीनादाव ईनव, अदकि अम्मीनादाव अरनी नव, अदकि अरनी हसित्रोण ईनव अदकि हसित्रोण फरिसि ईनव, अदकि फरिसि यहूदा नव, ³⁴ अदकि यहूदा याकूब ईनव, अदकि याकूब इसाहक ईनव, अदकि इसाहक अब्राहम ईनव, अदकि अब्राहम तरिह ईनव, अदकि तरिह नाहोर ईनव, ³⁵ अदकि नाहोर सरूग ईनव, अदकि सरूग रऊ नव, अदकि रऊ फलिंगि ईनव, अदकि फलिंगि एवरि ईनव, अदकि एवरि शलिह ईनव, ³⁶ अदकि शलिह केनान ईनव, अदकि केनान अरफकषद ईनव, अदकि अरफकषद शेम ईनव, अदकि शेम नूह नव, अदकि नूह लमिकि ईनव, ³⁷ अदकि लमिकि मथुशलिह ईनव, अदकि मथुशलिह हनोक ईनव, अदकि हनोक यरिदि ईनव, अदकि यरिदि महललेल ईनव, अदकि महललेल केनान ईनव, ³⁸ अदकि केनान एनोश ईनव, अदकि एनोश शेत ईनव, अदकि शेत आदम ईनव, अदकि आदम परमेश्वर उन पार ईरोन.

4

आळी दा यीशु उन परीक्षा

(मत्ती ४:१-११; मरकुस १:१२,१३)

¹ बाक यीशु पवतिर आत्मा देल परपुर्ण आगकु यरदन गांगा टु वापस वंदुन. ² अदकि चालीस दनि ताका आत्मा अन्द कलसदुर देल सुनसान जागा दा टेटाळतेला ईत्तुन; अदकि शैतान आऊन परीक्षा माळतेला ईत्त. आ दनिगोळ दा यीशु येनु तंददील, अदकि याग अव दनि पुरा आदव, रा आऊक हसु हत.

³ आग शैतान यीशु उक अंदुन, “अगर नी परमेश्वर उन पार हुय, रा ई कल्ल देल अन, किरोट्टी आगोगुल.”

⁴ यीशु आ शैतान उक उत्तर कोट्टुन, “शास्त्र दा लखिसकु आद: मंळसा सरिफ रोट्टी देल अच जतिता ईरतीदील.”

⁵ बाक शैतान यीशु उक ऊद हापाळ ऊँचा पहाळी मा ओईत अदकि आऊक घळी तमिुर दा दुनया अन्द सप्पा राज्य तोरस बुळत, ⁶ अदकि आग शैतान यीशु से अंत, “ना ई सप्पा अर्धिकार, अदकि सप्पा वैभव ना नीनी कोट बुळाईन, यतकी अद नानी सोपसकु आग्याद: अदकि ना यारी चाहासतीन आऊक कोट बुळतीन. ⁷ इदुरसाटी अगर नी बांगकु नानी प्रणाम माळ्या, रा ई सप्पा अपमान आगेदीत.”

⁸ यीशु आ शैतान उक उत्तर कोट्टुन, “शास्त्र दा लखिसकु आद, ‘नी तान प्रभु परमेश्वर उन भक्ति माळ; सरिफ आऊंदा उपासना माळ.’”

⁹ आग आ शैतान यीशु उक यरूशलेम दा वोटकु मंदिर इन स्यांडा मा नीदरूस्त, अदकि आऊन से अंत, “अगर नी परमेश्वर उन पार हुय, रा तान तान इक ईल टु ल्यालमा केळदबुळ. ¹⁰ यतकी शास्त्र दा लखिसकु आद: ‘आव नीन बारा दा तान स्वर्गदूतगोळी आग्या कोट्टान, किरांदुर नीन रक्षा माळुल.’ ¹¹ अदकि हगि भी अंदकु आग्याद, ‘आंदुर नीनी तुरन्त तान कयगोळ दा नेगु कोडार, ताकी नीन कालगोळी कल्ल देल टेस हतबाळुल.’”

12 यीशु आऊक उत्तर कोट्टुन, “शास्त्र दा ईद भी लखिसकु आद: ‘नी तान प्रभु परमेश्वर उन परीक्षा माळवाळ.’”

13 याग शैतान सप्पा परीक्षा माळकोम्त, आग थवाळासा समय इन साटी आऊन हात्ती टु होटोत.

गलील दा यीशु उन स्यावा-कार्य अन्द सुरवात
(मत्ती ४:१२-१७; मरकुस १:१४,१५)

14 वाक यीशु आत्मा अन्द सामर्थ्य देल तुमकु मात्त गलील दा बंदुन, अदकि आऊन चर्चा आसपास इन सप्पा प्रदेश दा फैलुसेत. 15 यीशु आंदुरद यहूदी लॉकुरद सभागूहगोळ दा उपदेश कोळतेला ईत्तुन, अदकि सप्पा मुंदुर आऊन बळाई माळतोगोर.

नासरत दा यीशु उन अपमान
(मत्ती १३:५३-५८; मरकुस ६:१-६)

16 वाक यीशु नासरत नगर दा बंदुन, यल आव स्याण टु धोडडेव आगीदुन; अदकि तान रीत अननुसार आराम इन दनि यहूदी लॉकुरद सभागूह दा होगकु वाचुसोर साटी नीदुरदुन. 17 अदकि यशायाह भवषियवक्ता अन्द कतिव आऊक कोटक आत, अदकि आव कतिव खोलसकु, अद जागा तेगदुन यल हांगि लखिसकु ईरोद:

18 “प्रभु उन आत्मा नान मा ईळ्दाद,
इदुरसाटी कि आव कंगालगोळी खुशखबरी केळसोर साटी आव नान अभषिक माळ्यान,
अदकि नानी इदुरसाटी कळ्यान कि बंदीगोळी छुटकारा अन्द घोषणा अदकि कुदढगोळी
नोळोद खुशखबरी प्रचार माळाईन
अदकि दलतिगोळी बळिसुसाईन,

19 अदकि परमेश्वर उन कृपा दृष्टी इन वर्ष इन घोषणा माळाईन.”

20 आग आव कतिव बंद माळकु सेवक उन कयगोळ दा कोट बुट्टुन अदकि कुरतोदुन; अदकि यहूदी लॉकुरद सभागूह अन्द सप्पा लॉकुर आऊक तार कोटक नोळोर. 21 आग आव आंदुर से अनली कुरतुन, “ईदल्या अच ईद लेखा ना वाचुसदनि अदकि नीम केळदुर देल पुरा आग्याद.”

22 सप्पा लॉकुर आऊन वाहवाही माळदुर, अदकि जो अनुग्रह नव मातगोळ आऊन बाय दा टु होळतोगोव, आ मातगोळ देल अचम्भति आदुर; अदकि अनली कुरतुर, “येन ईव यूसुफ उन पार आलच?”

23 यीशु आंदुर से अंदुन, “नीव नान बारा दा ई उदाहरण अंदीर कि हे वैदय, पयले तान तान इक वळलीद माळ! नाव केळेव कि जो येनारा नी कफरनहूम दा माळ्या, अद ईल तान नगर दा भी माळ.” 24 अदकि आव अंदुन, “ना नीम से खरा माताळतीन यावारा भी भवषियवक्ता अक तान द्याश दा मान सम्मान सकाल.”

25 लेकीन ना नीम से जो खरा आद अद माताळतीन किएलियाह अन्द दनिगोळ दा याग साळे मुर वर्ष ताका आकाश बंद ईरोद ईल ताका सूखा बतित अदकि इस्त्राएल द्याश दा भयंकर अकाल बतित, रा इस्त्राएल दा हापाळ सा रांड्यागतिर ईरोर. 26 “लेकीन एलियाह अक आंदुर दा टु यादारा मंळसा अन्द हात्ती कळुकु आगीदील, सर्फि सैदा अन्द सारफत नगर दा ऊद रांड्यागति इन हात्ती आऊक कळुकु आगीत. 27 अदकि एलीशा भवषियवक्ता अन्द काल दा इस्त्राएल दा ईरतोगोर आंदुर हापाळ लॉकुर कोद इन बमिारी देल ईरोर, लेकीन सीरिया नव ईरावाळा नामान सीरियाई इक बटिकु सप्पा मुंदरी शुद्ध माळकु आत.”

28 ईव मातगोळ केळतेला अच यास यहूदी लॉकुरद सभागूह दा ईरोर, सप्पा लॉकुर सट्टि दा बंदुर, 29 अदकि आंदुर यदकु आऊक उरा दा टु व्हार्या तेगदुर, अदकि यात्ता पहाळी मा आऊन

ऊर बसुसकु ईरोद, अदुरद स्यांडा मा ओतुर क्कि आऊक अल टु ल्यालमा भीळ सक्केव. 30 लेकीन आव आंदुर न्याड्या दा टु होटकु होटोदुन.

दुष्टआत्माग्रस्त मंळसा अक चंगा माळोद
(मरकुस १:२१-२८)

31 वाक यीशु गलील इन कफरनहूम नगर इक होटोदुन; अदकि आराम इन दनि लॉकुरी उपदेश कोळोन. 32 आंदुर आऊन उपदेश देल सट्ट आगेदुर यतकी आऊन वचन अधिकार देल माताळव. 33 यहूदी लॉकुरद सभागूह दा ऊंद मंळसा ईरोन, यारदा दुष्टआत्मा ईरोद आ दुष्टआत्मा जो परमेश्वर उन मुंद अशुध्द ठहूसतद, आव धोळ्द शब्द देल चलिळासली कुरतुन, 34 “हे यीशु नासरी, नामी नीन से येन क्यालसा? येन नी नामी नाश माळली बंद्या? ना नीनी जान्स्तीन नी याव हुय? नी परमेश्वर उन पवतिर जन हुय!”

35 यीशु आऊक दनकुसकु अंदुन, “सुंगा ईर, अदकि आऊन दा टु होटबुळ!” आग दुष्टआत्मा आऊक न्याड्या दा पटकुसकु बनि हाना पोहचुस्त आऊन दा टु होट्ट बुळत.

36 इदुर मा सप्पा लॉकुर इक अचम्भा आत, अदकि आंदुर आपस दा मातचीत माळकु अनली कुरतुर, “ईद ह्याग वचन हुन? यतकी आव अधिकार अदकि सामर्थ्य इन सांगुळ अशुध्द आत्मागोळी आग्या कोळतान, अदकि आ दुष्टआत्मा आत्मागोळ होट बुळताव.” 37 ई प्रकार देल नाकु दशा दी यीशु उन चर्चा आगली कुरतव.

यीशु उन हापाळ लॉकुरी चंगा माळोद
(मत्ती ८:१६-१७; मरकुस १:२९-३४)

38 यीशु यहूदी लॉकुरद सभागूह दा टु यदकु शमौन उन मान्नी होदुन. शमौन उन आत्त ज्वर इन बमिारी देल बदिक् ईरोर, अदकि आंदुर आकनि साटी यीशु उक वनिती माळदुर. 39 यीशु आकनि हात्ती नीदुरकु मय इक दनकुसदुन अदकि मय ईळदोदव, अदकि आक तुरन्त यदकु आंदुरद स्यावा-पानी माळली कुरतुर.

40 द्यावगान होती, याता-याता मान्या लॉकुर अलग अलग प्रकार इन बमिारीगोळ देल बदिक् ईरोर, आंदुर सब आंदरी आऊन हात्ती तंदुर, अदकि यीशु ऊंद ऊंद मा कय ईटकु आंदरी चंगा माळदुन. 41 अदकि दुष्टआत्मागोळ भी चलिळासव अदकि ईद अनतेला क्कि, “नी परमेश्वर उन पार हुय,”

हापाळ मुंदुर दा टु होट वुट्टव. पर यीशु अवरी दनकुसदुन अदकि माताळ गोटीदील, यतकी आ अशुध्द आत्मागोळ जानसव क्कि आव मसोह हुन.

यीशु उन यहूदी लॉकुरद सभागूहगोळ दा प्रचार माळोद
(मरकुस १:३५-३९)

42 याग व्हातुर आत रा यीशु होटकु ऊंद सुनसान जागा दा होटोदुन, अदकि भीळ इन भीळ आऊक दुंदसतेला आऊन हात्ती बत्त, अदकि यीशु उक रोक्सली कुरतुर क्कि आव आंदरी बटिकु होगवाळुल. 43 लेकीन यीशु आंदुर से अंदुन, “नानी दुसरा नगरगोळ दा भी परमेश्वर उन राज्य इन खुशखबरी केळसोद जरूरी आद, यतकी नानी इदुरदा साटी कळुकु आग्याद.”

44 अदकि यीशु गलील इन प्रदेश दा अदकि सप्पा यहूदीगोळ्द यहूदी लॉकुरद सभागूहगोळ दा प्रचार माळतेला ईत्तुन.

5

यीशु उन द्वारा पयला चेलागोळी कारोद आत
(मत्ती ४:१८-२२; मरकुस १:१६-२०)

* 4:32 ४:३२ मत्ती ७:२८,२९

1 ^१याग भीळ परमेश्वर उन वचन केळोर साटी आऊन मा बळिली आगतोगोद, अदकि यीशु गनुनेसरत इन झील इन कनिरा मा नीदुरकु ईरोन, रा हगि आत ^२क आब झील इन कनिरा दा येदुद इवांगागोळी हतकु ईरव अवरी नोळदुन, अदकि मेन हुडावाळेर अऊर मा टु ईळ्ळुकु जार तोळोर.

3 आ इवांगागोळ दा टु ऊंद मा, जो शमौन उन ईरोद, येरकु यीशु आऊन से वनिती माळदुन क कनिरा टु थवाळासा सरकुसकु नळु. आग आव कुरतकु लॉकुरी इवांगा मा टु उपदेश कोळली कुरतुन.

4 याग यीशु उन मातगोळ हेळकु आदव रा आव शमौन उक अंदुन, “खोल नीर दा होग, अदकि मेन हुडोर साटी तान जार हाक्क.”

5 ^५शमौन यीशु उक उत्तर कोट्टुन, “हे स्वामी, नाव पुरा ईळलक तीम मेहनत माळदेव अदकि येनु सक्कीदील; तरी नीन कयना देल ना जार हाकतीन.” ^६याग आंदुर हगि माळदुर, रा हापाळ मेनगोळ जार दा बंदव, अदकि आंदुरद जार हूरली कुरत. ^७इदुर मा आंदुर तान संगीगोळी जो दुसरा इवांगा मा ईरोर, आंदरी कारदुर क बंदकु नाम मदत माळी, अदकि आंदुर बंदकु येदुद इवांगागोळी इल ताका तुमदुर क आ इवांगागोळ मुळकली कुरतव. ^८ईद चमत्कार नोळकु शमौन पतरस यीशु उन काल मा वदिदुन अदकि अंदुन, “हे प्रभु, नान हात्ती टु होटोग, यतकी ना पापी मंळसा आईन!”

9 यतकी ईस मेनगोळ हुळदुर देल आऊक अदकि आऊन संगीगोळी हापाळ अचम्भा आत, ^{१०}अदकि हांग अच जवदी इन पार याकूब अदकि यूहनुना अक भी, जो शमौन उन भागीदार ईरोर, अचम्भा आत. आग यीशु शमौन से अंदुन, “अजबाळ; ईंगी टु नी मंळसागोळी परमेश्वर उन राज्य दा तंद्या.”

11 अदकि आंदुर इवांगागोळी कनिरा मा तंदुर अदकि सप्पा येनारा बटिकु आऊन हदि होटोदुर.

यीशु उन द्वारा कोद इन रोगी इक चंगा माळोद

(मत्ती ८:१-४; मरकुस १:४०-४५)

12 ऊंद घन याग यीशु यातोदारा तरी नगर दा ईरोन, आग आऊन हात्ती ऊंद मंळसा बंदुन; यारी कोद इन रोग हतकु ईरोद, आव यीशु उक नोळकु आऊन काल मा वदिदुन, अदकि वनिती माळदुन, “हे प्रभु, अगर नी चाहासुया रा नानी शुद्ध माळ सकत्या.”

13 यीशु कय मुंद माळकु आऊक मुटदुन अदकि अंदुन, “ना चाहसतीन, क नी शुद्ध आगोग.” अदकि आऊन कोद इन रोग तुरन्त दूर आगेत. ^{१४}यीशु आऊक आग्या कोट्टुन, “यारीकु हेळबाळेत, लेकीन होगकु तान तान इक याजक उक तोरस, अदकि तान शुद्ध आगोद बारा दा जो येनारा मूसा नीनी आग्या कोटान अदरी भेट येरस क आंदुर मा गवाही आगुल.”

15 लेकीन यीशु उन चर्चा दुर दुर ताका फैलुस्तेला होगोद, अदकि भीळ इन भीळ आऊन मातगोळ केळोर साटी अदकि तान बमिारीगोळ देल चंगा आगोर साटी जमा आत. ^{१६}लेकीन आव आळीगोळ दा येल्यारा भी ब्यारर हांगकु प्रार्थना माळतोगोन.

यीशु उन द्वारा लकवा अन्द रोगी इक चंगा माळोद

(मत्ती ९:१-८; मरकुस २:१-१२)

17 ऊंद दनि हगि आत क यीशु उपदेश कोळोन, अदकि फरीसी अदकि व्यवस्थापक अल कुरतकु ईरोर जो गलील अदकि यहूदिया अन्द हर ऊंद ऊरा टु अदकि यूरुशलेम टु बंदीदुर, अदकि चंगा माळोर साटी प्रभु उन सामरथ्य यीशु उन सांगुळ ईरोद. ^{१८}आ समय हापाळ लॉकुर ऊंद मंळसा अक जो लकवा अन्द रोगी ईरोन, वहरस मा नेगुकु तंदुर, अदकि आंदुर आऊक बुळ्क वयली अदकि यीशु उन मुंद ईटोद उपाय दुदुसोर. ^{१९}पर याग भीळ इन कारण आऊक बुळ्क वीय सकदील रा आंदुर मान्ना मा येरकु अदकि खपरेल सरकुसकु, आऊक वहरस सांगुळ न्याड्या दा यीशु उन मुंद ईळस बुटुर. ^{२०}आग यीशु आंदुर वशिवास नोळकु आऊन से अंदुन, “हे मंळसा, नीन पाप माफ आदव.”

21 आग नयिम इन गुरु अदकि फरीसी तान तान मन दा वचिार माळली कुरतुर, “ईव याव हुन? जो परमेश्वर उन अपमान माळतान! परमेश्वर उक बटिकु अदकि याव पापगोळी माफ माळ सकतान?”

22 यीशु आंदुर मन इन मातगोळ जान्सकु, आंदुर से अंदुन, “नीव तान तान मन दा याता मात इन वचिार माळेतीर? 23 आसान येन आद? येन ईद अनोद कि ‘नीन पाप माफ आदव,’ या ईद अनोद कि ‘येळ अदकि टेटाळ?’ 24 लेकीन इदुरसाटी कानिव जान्स कोमी काना मंळसा अन पार उक पृथ्वी मा पाप माफ माळोद भी अधकिार आद.” बाक यीशु आ लकवा अन्द रोगी से अंदुन, “ना नीन से अनतीन, येळ अदकि तान व्हर्स नेगुकु तान माननी होटोग.”

25 आव तुरन्त यीशु ऊद मुंद येदुन, अदकि या व्हर्स मा आव बदिक्ु ईरोन अदरी नेगुकु, परमेश्वर उन बळाई माळतेला तान माननी होटोदुन. 26 आग सप्पा लॉकुर चकति आदुर अदकि परमेश्वर उन बळाई माळली हतदुर अदकि हापाळ अंजतेला अनली कुरतुर, “ईद नाव अदभुत क्याल्सागोळी नोळेव!”

यीशु लेवी इक कारदुन

(मत्ती १:१-८; मरकुस २:१-१२)

27 इदुर बाद्दा यीशु व्हार्या होदुन अदकि लेवी हेसुर इन ऊंद कर ताकोमावाळा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.” 28 आग लेवी सब येनारा बटिकु येदुन, अदकि आऊन हदि आगेदुन.

29 आग लेवी तान मान्या आऊन साटी ऊंद धोळ्द भोज ईटदुन; अदकि कर ताकोमावाळेर्द अदकि दुसरा लॉकुर्द जो आऊन सांगुळ ऊमली कुरतीदुर, ऊंद धोळ्द भीळ ईरोद. 30 ईदुर मा फरीसी अदकि आंदुर नयिम इन गुरु आऊन चेलागोळ से ईद अंदकु बळबुळसली कुरतुर, “नीव कर ताकोमावाळेर् अदकि पापीगोळ्द सांगुळ येती तीनतीर अदकि कुडुतीर?”

31 यीशु आंदरी उत्तर कोट्टुन, “वैद्य भला चंगागोळ साटी ईला, लेकीन बमारगोळ साटी जरूरी आन. 32 ना न्यायीगोळी ईला, लेकीन पापीगोळ्द पापगोळी पश्चाताप माळसुसोर साटी कारली बंदीन.”

उपास इन प्रश्न

(मत्ती १:९-१३; मरकुस २:१३-१७)

33 आंदुर यीशु उक अंदुर, “बपतसिमा कोळावाळा यूहनना अन्द चेलागोळ रा बरावर उपास ईटतार अदकि प्रार्थना माळतार, अदकि हांग अच फरीसी नोर चेलागोळ भी, लेकीन नीन चेलागोळ रा तीनतार अदकि कुडुतार.”

34 यीशु आंदुर से अंदुन, “येन नीव वरातीगोळ से, यागासताका मंळगार आंदुर सांगुळ ईत्तान, उपास माळसुस सकतीर? बलिकूल ईला! 35 लेकीन अव दनि बंदाव, याग मंळगार आंदुर से ब्यार माळकु आदान, आग आंदुर आ दनिगोळ दा उपास माळयार.”

36 यीशु मात ऊंद उदाहरण भी आंदुर से अंदुन: “यावारा मंळसा क्वारा व्हाशोद कपळा हूरकु हाळोद कपळा दा थगिर हचालुन, ईलारा व्हाशोद कपळा हर्दोदति अदकि आ थगिर हाळोद कपळा दा मेल भी तनितीदील. 37 अदकि यावारा मंळसा व्हाशोद अंगुर इन रास्सा हाळोद तोगुल इन चलिा दा तुम्मालुन, ईलारा व्हाशोद अंगुर इन रास्सा तोगुल इन चलिागोळी वळकु चेल्लेदति, अदकि तोगुल इन चलिागोळ्द भी नाश आगेदीत. 38 लेकीन व्हाशोद अंगुर इन रास्सा व्हाशोद तोगुल इन चलिा दा अच तुम्म पायजे. 39 यतकी मंळसा हाळोद अंगुर इन रास्सा कुडुकु व्हाशोद रास्सा अन्द इच्छा माळालुन यतकी आव अनतान, कि हाळोद रास्सा अच वळ्दीद आद.”

6

यहूदीगोळ्द आराम दनि इन बारा दा प्रश्न

(मत्ती १२:१-८; मरकुस २:२३-२८)

1 बाक ऊंद आराम इन दनि दा हगि आत क यीशु केईगोळ दा टु आगतेला होगोन, अदकि आऊन चेलागोळ गोदी नव लॉम्बा मूर-मूरकु अदकि कय देल मसूस-मसूसकु तति होगोगोर. 2 आग फरीसीगोळ दा टु धवाळासा लॉकर अनली कुरतुर, “नीव अद कयाल्सा येती माळतीर जो आराम इन दनि दा नयिम इन वरिद्ध आद.”

3 यीशु आंदरी उत्तर कोट्टुन, “येन नीव ईद वाचुसीदील कि दाऊद, याग आव अदकि आऊन साथी उपासा ईरोर रा येन माळदुन? 4 आव हयांग परमेश्वर उन भवन दा होदुन, अदकि भेट इन रोट्टीगोळ हूळकु तदिन, यवरी तनिद याजकगोळी वटिकु अदकि बाकी मुंदुर साटी नयिम इन वरिद्ध आद, अदकि आव तान संगीगोळी भी कोट्टुन?”

5 अदकि यीशु आंदुर से अंदुन, “ना मंळसा अन पार आराम इन दनि ईनव भी स्वामी हुईन.”

यीशु कय इन लकवा वाळा मंळसा अक चंगा माळदुन

6 हगि आत क यातोदारा मात्त दुसरा आराम इन दनि दा यीशु यहूदी लॉकरुद सभागूह दा होगकु उपदेश माळली कुरतुन; अदकि अल ऊंद मंळसा ईरोन जो ऊम्मा कय देल लकवा ग्रस्त ईरोन. 7 आग नयिम इन गुरु अदकि फरीसी यीशु मा दोष हचूचोद मौका अन्द ताक मा ईरोर क नोळाता आव आराम इन दनि दा आऊक चंगा माळतान का ईला. 8 लेकीन आव आंदुर वचार जानसोन; इदुरसाटी आव वंळगीद कयवाळा मंळसा से अंदुन, “येळ, न्याड्या दा नीदुर.” आव यदकु नीदरेदुन. 9 यीशु आंदुर से अंदुन, “ना नीम से ईद केळतीन कि नयिम इन अनुसार आराम इन दनि दा येन उचित आद, भलाई माळोद या बुरा माळोद; जीव इक ऊळसोद या अदुरद नाश माळोद?” 10 आग आव नाकु दी आ सप्पा मुंदुर इक नोळकु आ मंळसा से अंदुन, “तान कय मुंद माळ.” आव हांग अच माळदुन, अदकि आऊन कय मात्त वळलीद आगेत.

11 लेकीन आंदुर गुससा दा तान सप्पा सुद-बुद मार्तकु आपस दा मातचीत माळकु वचार माळली हतदुर क “नाव यीशु उन सांगुळ येन माळव?”

यीशु उन द्वारा हन्नेळ प्रेरतिगोळी नयिकृत माळोद

12 आ दनिगोळ दा यीशु पहाळी मा प्रार्थना माळली होदुन, अदकि ईळलक तीम परमेश्वर ऊंद प्रार्थना माळतेला ईत्तुन. 13 याग व्हातुर आत रा आव तान चेलागोळी कारूकु आंदुर दा टु हन्नेळ मुंदुरद चुनाव माळदुन, अदकि आंदरी प्रेरति हगि हेसुर कोट्टुन; 14 अदकि आंदुर हेसुर हगि आव: शमीन यारद हेसुर आव पतरस भी ईटदुन, अदकि आऊन वार्ट अन्दरियास, अदकि याकूब, अदकि यूहन्ना, अदकि फलिपिपुस, अदकि बरतुल्मै, 15 अदकि मत्ती, अदकि थोमा, अदकि हलफई नव पार याकूब, अदकि शमीन याऊक द्याश भक्त भी अनतोगोर, 16 अदकि याकूब उन पार यहूदा, अदकि यहूदा इस्करियोती जो आऊक हूळसुसावाळा आदुन.

**यीशु उन द्वारा शक्ति कोळोद अदकि चंगा माळोद
(मत्ती ४:२३-२५)**

17 आग यीशु आंदुर सांगुळ ईळकु चौरस जागा दा नदिरदुन, अदकि आऊन चेलागोळद धोळद भीळ, अदकि सप्पा यहूदया, यूशल्लेम, अदकि सूर अदकि सैदा अन्द समुद्र अन्द कनिारा अन्द हापाळ लॉकर, 18 जो आऊन उपदेश केळली अदकि तान बमिरगोळ देल चंगा आगोर साटी आऊन हात्ती बंदीदुर, जो अल नदिरकु ईरोर. अदकि अशुध्द आत्मागोळ देल परेशान लॉकर भी आऊन हात्ती चंगा आगतोगोर. 19 सप्पा मुंदुर आऊक मुट्टोद चाहासोर, यतकी आऊन दा टु सामरथ्य होटकु सप्पा मुंदुर इक चंगा माळतोगोद.

**आशीष अदकि सराप इन वचन
(मत्ती ५:१-१२)**

20 आग यीशु तान चेलागोळ दी नोळकु अंदुन, “धन्य आईर नीव जो मन देल गरीब आईर,

यतकी परमेश्वर उन राज्य नीमद हुन.”

21 “धन्य आईर नीव जो हस्तकु आईर,
यतकी नीव संतुष्ट माळकु आदीर.”

“धन्य आईर नीव जो ईंग वरलेतीर,
यतकी बाददा नेगगीर.”

22 * “धन्य आईर नीव याग ना मळसा अन पार उन कारण लॉकुर नीम से दुश्मनी ईट्यार,
अदकि नीमी तेगद बुट्टार, अदकि नीम अपमान माळ्यार, अदकि नीम हेसुर इक बेकार जानस्यार.”

23 * “आ दनि खुश आगकु हारेत, यतकी नोळी, नीम साटी स्वर्ग दा धोळद प्रतफिल आद; यतकी आंदुर आप्प-दादागोळ भी भवषियवक्तागोळ सांगुळ हांग अच माळतोगोर.”

24 लेकीन नीम मा हाय जो धनवान आईर,
यतकी नीव तान सुख ताकोम कोंडीर.

25 “हाय नीम मा जो ईंग संतुष्ट आईर, यतकी बाददा उपासा ईत्तीर, हाय नीम मा जो ईंग नेगेतीर,
यतकी शोक माळीर अदकि वरलीर.”

26 हाय नीम मा याग सपपा मळसा नीमी भला अनुल, यतकी आंदुर आप्प-दादागोळ भी ख्वाटा भवषियवक्तागोळद सांगुळ भी हगि अच माळतोगोर.

दुश्मनगोळ से प्यार

(मत्ती ५:३८-४८; ७:१२)

27 “लेकीन ना नीव जो केळेतीर नीम से अनतीन कतिान दुश्मनगोळ से प्यार ईटी; जो नीम से नफरत माळतार, आंदुरद भला माळी. 28 जो नीमी श्राप कोट्टार, आंदरी आशीष कोळी; जो नीम सांगुळ दुर-व्यवहार माळुल, आंदुर साटी प्रारथना माळी. 29 जो नीन ऊंद गालुला मा क्यावरा बडुल रा आऊन दी दुसरा गालुला भी तरिगुस वूळ; अदकि जो नीन कोट कसुल, रा आऊक कुळता ओयोर देल भी रोक्सबाळ. 30 जो यावारा नीन से बेळुल, आऊक कोळ; अदकि जो नीन चीजगोळ कस्तबुळुल, आऊन से बाक वापस बेळबाळ. 31 * ह्यांग नीव चाहासतीर किलॉकुर नीम सांगुळ व्यवहार माळुल, नीव भी आंदुर सांगुळ हांग अच व्यवहार माळी.

32 “अगर नीव तान प्यार ईटावाळेर्द सांगुळ प्यार ईटी, रा नीम येन बळाई? यतकी पापी लॉकुर भी तान प्यार ईटावाळेर्द सांगुळ प्यार ईटतार. 33 अगर नीव तान भलाई माळावाळेर्द सांगुळ भलाई माळतीर, रा नीम येन बळाई? यतकी पापी लॉकुर भी रा हगि अच माळतार. 34 यार्द हात्ती टु वापस सक्किोद आशा आद आंदरी नीव उदार कोट्टीर, रा अदुर दा नीम येन बळाई? याट कोटीर आट वापस सक्किोद आशा देल पापी लॉकुर भी पापी लॉकुरी उदार कोळतार. 35 लेकीन तान दुश्मनगोळ से प्यार ईटी, अदकि आंदुरद भलाई माळी, अदकि उदार कोटकु वापस सक्किोद आशा माळबाळी, अदकि नीम साटी प्रतफिल धोळद आदीत अदकि नीव परमप्रधान उन पारगोळ ठहरूसरि, यतकी अच खुद अच दुष्टगोळ मा उपकार माळतान. 36 ह्यांग नीम स्वर्गीय आप्प दयालु आन, हांग अच नीव भी दयालु बनसी.

दोष हचवाळी

(मत्ती ७:१-४)

37 “यारदारा मा दोष हचवाळी, रा नीम मा भी दोष हचकु आगतीदील. याऊकु दोषी ठहरूसबाळी रा नीव भी दोषी ठहरूसकु आगतीदील. माफ माळीर रा नीमी भी माफ माळकु आदीत. 38 कोळतोगी, रा परमेश्वर भी नीमी कोट्टान. लॉकुर नीम क्वारा दा पुरा-पुरा नाप, वत्त-वोतकु अदकि आलगाळ-आलगाळसकु सींग हचकु हाक्यार. यतकी या नाप देल नीव दुसरा अन साटी आळेतीर, अदा नाप देल नीम साटी भी आळकु आदीत.”

39 *बाक यीशु आंदुर से ऊंद उदाहरण अंदुन: “येन ऊंद कुदढ मंळसा, दुसरा कुदढ मंळसा अक हादी हेळ सकतान? येन आंदुर येदुदु मुंदुर खोंदरा दा बळितीदील? 40 *चेला गुरु से धोड्डेव ईरालुन, लेकीन पुरा तरीका देल सपपा ग्यान ताकोमकु आगदुर बाददा हर ऊंद चेला गुरु उन घाई आगेगतान.”

41 नी तान वार्ट उन कण्ण इन तनिका अक येती नोळतया? येन नी तान कण्ण इन लट्टा नोळ सकाल? 42 जब नी तान अच कण्ण इन लट्टा नोळ सकाल, रा तान वार्ट उन से ह्यांग अन सकतया, “हे वार्ट; थामसेग ना नीन कण्ण दा टु तनिका तेगु कोळतीन?” हे कपटी, पयला तान कण्ण इन लट्टा तेगु, आग जो तनिका नीन वार्ट उन कण्ण दा आद, अदरी वळलीसा तरीका देल नोळकु तेगु सक्या.

ह्यांग मारर हांग अच काय
(मत्ती ७:१६-२०; १२:३३-३५)

43 “यातोदारा वळलीद मारर बेकार काय कोळालुद अदकि ना यातोदारा बेकार मारर वळलीद काय कोळतद. 44 *हर ऊंद मारर तान काय देल अरतकु आगतद; यतकी लॉकुर मुळल इन झाळीगोळ दा टु अंजीर कोयालुर अदकि ना मईन काय इन मारर मा टु अंगुर. 45 *वळलीद मंळसा तान आत्मा अनद वळलीद भंडार दा टु वळलीद मातगोळी का तेगुतान, अदकि बुरा मंळसा तान दलि इन बुरा भंडार दा टु बुरा मातगोळी तेगुतान; यतकी जो दलि दा तुमकु आद अदा आऊन वाय दा बरतद.

मान्ना माळावाळेर येदुदु मंळसा
(मत्ती ७:२४-२७)

46 “याग नीव नान कहना मान्सालरि रा येती नानी हे प्रभु, हे प्रभु, अनतीर? 47 जो यावारा नान हात्ती बरतान अदकि नान मातगोळ केळकु अवरी मान्सतान, ना नीमी हेळतीन कर् आव यार घाई आन: 48 आव आ मंळसा अन घाई आन, याव मान्ना माळाहोती जमीन खोल अगुळकु चट्टान मा पायवा हाकदुन, अदकि याग बाळ बत्त रा धारा आ मान्ना अक हत्त लेकीन अदरी आलगाळस सकदिल; यतकी अद मजबूत माळकु ईरोद. 49 लेकीन जो केळकु मान्सालुन आव आ मंळसा अन घाई आन, याव पृथ्वी मुण्ण जागा भूमी जमीन मा बनि पायवा अनद मान्ना माळदुन, याग अदुर मा धारा हत्त रा अद तुरन्त बदिदोत अदकि बदिकु अदुरद सत्यानाश आगेत.”

7

ऊंद सूबेदार उन वशिवास
(मत्ती ८:५-१३)

1 याग यीशु लॉकुर से ई सपपा मातगोळ अंद बुट्टुन, रा कफरनहूम नगर दा होदुन. 2 अल यावारा सौ रोमी सपिाहीगोळद सूबेदार उन ऊंद दास जो आऊन प्रयि ईरोन, बमिारी देल सायोर मा ईरोन. 3 आव यीशु उन चर्चा केळकु यहूदीगोळद हापाळ स्याणागोळी आऊन से ईद वनिती माळली आऊन हात्ती कळुदुन कर् बंदकु नान दास उक चंगा माळुल. 4 आंदुर यीशु उन हात्ती बंदुर, अदकि आऊन से धोळ वनिती माळकु अनली हतदुर, “आव ई लायक आन कर् नी आऊन साटी ई सपपा माळ सक्या, 5 यतकी आव नाम जाती से प्यार ईटतान, अदकि आवा नाम यहूदी लॉकुरद सभागृह कटकु कोटान.”

6 यीशु आंदुर सांगुळ होदुन, लेकीन याग आव मान्ना अनद हात्ती पोहचुसदुन, रा सुबेदार आऊन हात्ती तान संगीगोळी ईद अनली कळुदुन, “हे प्रभु नी तान तान इक यक्कुल कष्ट कोळबाळ, यतकी ना ई लायक हलैच कर् नी नान मान्ना अनद छ्प्रया ताका बर सक्या. 7 ईदा कारण ना तान तान इक ई लायक भी समसदिलि कर् ना नीन हात्ती बराईन, लेकीन सर्रिफ आग्या कोटबुळ रा नान सेवक चंगा आगेदान. 8 ना भी वास्त्व दा शासन इन हात्ती आईन, अदकि सपिाही नान हात्ती

* 6:39 ६:३९ मत्ती १५:१४

* 6:40 ६:४० मत्ती १०:२४,२५; यहूनना १३:३६; १५:२०

* 6:44 ६:४४ मत्ती १२:३३

* 6:45 ६:४५ मत्ती १२:३४

आर; अदकि याग ऊंद सपिाही इक अनतीन, 'होग,' रा आव होगतान; अदकि दुसरा से अनतीन, 'बर,' रा बरतान; अदकि तान यावारा दास उक अनतीन कि 'अमुक क्याल्सा माळ,' रा आव अदा माळतान."

⁹ ईद केळकु यीशु उक अचम्भा आत अदकि आव मार्रा तरिगुसकु आ भीळ से जो आऊन हदि बरोद, अंदुन, "ना नीम से अनतीन कि ना इस्त्राएल दा भी हगि वशिवास नोळीदील."

¹⁰ अदकि जो कळकु आगदुर आ लॉकुर मान्या बंदकु आ दास उक चंगा नोळदुर.

यीशु रांडयागीत इन पार उक जतिता माळदुन

¹¹ थवाळासा दनि इन बाद्दा यीशु नाईन हेसुर इन ऊंद नगर दा होदुन. अल आऊन चेलागोळ अदकि धोळद भीळ आऊन सांगुळ होगोद. ¹² याग यीशु नगर इन फाटक इन हात्ती पोहचुसदुन, रा लॉकुर ऊंद मुरदा अक व्हायथा वोयोर; जो तान मोय इन ऊंदा पार ईरोन, अदकि आक रांडया ईरोर; अदकि नगर इन हापाळ सा लॉकुर आकनि सांगुळ ईरोर. ¹³ आकी नोळकु प्रभु उक दया बत्त, अदकि आव आकनि से अंदुन, "वर्लवाळ." ¹⁴ आग आव हात्ती बंदकु सकोली इक मुटदुन, अदकि सकोली नेगावाळेर रूकसेदुर. आग आव अंदुन, "हे जवान, ना नीन से अनतीन, येळ!" ¹⁵ आग आ सोतकु पार यदकु कुरतुन, अदकि आ पार माताळली कुरतुन. बाक आव आ पार उक आऊन मोय इक सोप्स बुट्टुन.

¹⁶ इदुर देल सप्पा मुंदुर मा अंजक तुममेत, अदकि आंदुर परमेश्वर उन बळाई माळकु अनली हतदुर, "नाम न्याड्या दा ऊंद धोड्डेव भवषियवक्ता बंदान, अदकि परमेश्वर तान लॉकुर मा कृपा दृष्टी माळ्यान."

¹⁷ अदकि आऊन बारा दा ईद मात सप्पा यहूदिया अदकि आसपास इन सप्पा प्रदेश दा फैलुसेत.

यूहन्ना नीर संस्कार कोळावाळा अन्द प्रश्न

(मत्ती ११:२-१९)

¹⁸ बपतस्मा कोळावाळा यूहन्ना अक आऊन चेलागोळ ई सप्पा मातगोळद समाचार कोट्टुर.

¹⁹ आग यूहन्ना तान चेलागोळ दा टु येद्वद मुंदुर इक कारूकु प्रभु उन हात्ती ईद केळली कळदुन, "येन बरावाळा नीना हुय, या नाव यावारा दुसरा अन्द हादी नोळेव?"

²⁰ आंदुर यीशु उन हात्ती बंदकु अंदुर, "यूहन्ना बपतस्मा कोळावाळा नामी नीन हात्ती ईद केळली कळ्यान कि येन बरावाळा नी अच हुय, या नाव यावारा दुसरा अन्द हादी नोळेव?"

²¹ अदा समय आव हापाळ सा लॉकुरी बमिरगोळ देल अदकि दुखगोळ अदकि दुष्टआतमागोळ देल चंगा माळदुन; अदकि हापाळ सा कुद्वद मंळसागोळी कण्ण कोट्टुन; ²² अदकि आव आंदुर से अंदुन, "जो येनारा नीव नोळीर अदकि केळीर, होगकु बपतस्मा कोळावाळा यूहन्ना से अंदबुळी; कि कुद्वदगोळ नोळतार, अदकि लंगळा नळतार अदकि टेटतार, कोदी लॉकुर शुद्ध माळकु आगतार, बयरागोळ केळतार, मुरदागोळ जतिता माळकु आगताव, अदकि कंगालगोळी खुशखबरी केळसकु आगतद. ²³ धन्य आर आंदुर जो नान बारा दा टोकर तनिलुर."

²⁴ याग बपतस्मा कोळावाळा यूहन्ना अन्द कळद लॉकुर होटोदुर रा यीशु यूहन्ना अन्द बारा दा लॉकुर से अनली कुरतुन, "नीव आळी दा येन नोळली होगीदरि? येन हवा देल हालुसद सरकण्णगोळी?" ²⁵ रा बाक नीव येन नोळली होगीदरि? येन मुलायम कपळा हागद मंळसा अक? जो भळकीला कपळा हाकतार अदकि सुखवलास देल ईरतार, आंदुर राजभवनगोळ दा ईरतार. ²⁶ रा बाक येन नोळली होगीदरि? येन यावारा भवषियवक्ता अक? हव, ना नीम से अनतीन, उलटा भवषियवक्ता से भी धोड्डेव उक. ²⁷ ईव आवा यूहन्ना हुन, यारद बारा दा लखिसकु आद: "परमेश्वर अंदुन, ना तान स्वरगदूत उक नीन मुंद-मुंद कळुतीन, जो नीन मुंद अपमान हादी सरका माळ्यान." ²⁸ "ना नीम से अनतीन कि जो आर्तेर दा टु पैदा आग्यार, आंदुर दा टु यूहन्ना बपतस्मा कोळावाळा से धोड्डेव यारु हलैच. पर जो परमेश्वर उन राज्य दा स्याण से स्याणव आन, आव आऊन से भी धोड्डेव आन."

29 *अदकि सप्पा साधारण लॉकर केळकु अदकि कर ताकोमावाळेर भी यूहन्ना अन्द बपतसिमा ताकोमकु परमेश्वर उन हादी इक खरा मान्स कोंडुर. 30 लेकीन फरीसीगोळ अदकि व्यवस्थापकगोळ यूहन्ना से बपतसिमा ईला ताकोमकु तान संबंघ दा परमेश्वर उन योजना अक अस्वीकार माळदुर.

31 “इदुरसाटी ना ई पीदी इन लॉकरद तुलना यार देल कोळाईन कि आंदुर यार घाई आर? 32 इंदुर आ चकिर घाई आर जो सात्तागोळ दा कुरतकु ईरतार अदकि आबुर दाबुरी इक कारकु अनतार, ‘नाव नीम साटी कोळल मुरसदेव, अदकि नीव कुणदीदलि; नाव वलिाप इन हाळ हाळदेव, अदकि नीव वरलीदलि!’ 33 यतकी यूहन्ना बपतसिमा कोळावाळा ना रा रोटी तति बंदुन अदकि ना अंगुर इन राससा कुडुत बंदुन, अदकि नीव अनतीर, ‘आऊन दा दुष्टआत्मा आद.’ 34 ना मंळसा अन पार तति-कुडुत बंदीन, अदकि नीव अनतीर, ‘नोळी, व्हाट्टा तुममावाळा अदकि कुडावाळा मंळसा, कर ताकोमावाळेर अदकि पापीगोळव संगी.’ 35 जो लॉकर परमेश्वर उन ग्यान स्वीकार माळतार आंदुर सावति माळतार कि अद ग्यान खरा आद.”

यीशु उन पापी आर्त इक माफ माळोद

36 बाक यावारा ऊंद फरीसी यीशु से वनिती माळदुन कि आव आऊन सांगुळ ऊमली कुरल, इदुरसाटी यीशु आ फरीसी इन मान्या होगकु ऊमली कुरतुन. 37 *आ नगर इन ऊंद पापी आर्त ईद जान्सकु कि आव फरीसी इन मान्या ऊमली कुरतान, संगमरमर इन बाटुल दा ईत्तर तंदुर, 38 अदकि आऊन कालगोळ हात्ती, हदि नदुरकु, वरलतेला आऊन कालगोळी आसुगोळ देल नेनाकली अदकि तान ताल्ला अन्द चुटी देल सटिली हतदुर, अदकि आऊन कालगोळद घळी-घळी चुम्मा ताकोमकु अऊर मा अत्तर मलुसदुर. 39 ईद नोळकु आ फरीसी याव यीशु उक कारददिन, तान मन दा सोचली कुरतुन, “अगर ईव भवषियवक्ता ईरायदुन रा जानुसेगायदुन कि इक जो आऊक मुटेत्यार, आक यार अदकि ह्यांग आर्त आर, यतकी आक रा पापीगीत आर.”

40 यीशु आऊन उत्तर दा अंदुन, “हे शमौन, नानी नीन से येनारा अनोद आद.”

आव माताळदुन, “हे गुरु, अन.”

41 यीशु अंदुन, “यावारा महाजन उन येदद करजदार ईरोर, ऊंद अईद सौ चाँदी इन सक्कागोळद अदकि दुसरा पचास सक्का अन्द करजदार ईरोन. 42 याग आंदुरद हात्ती चुकुसली येनु ईतीदील, रा आव येदद मुंदुर इक माफ माळ बुट्टुन. इदुरसाटी आंदुर दा टु याव आऊन से यक्कुल प्यार ईट्यान?”

43 शमौन उत्तर कोट्टुन, “नान समझ देल आव, यारद आव यक्कुल बटि बुट्टुन.”

आव आऊन से अंदुन, “नी बराबर वचिार माळ्या.” 44 अदकि आ आर्त इन दी तरिगकु आव शमौन से अंदुन, “येन नी ई आर्त इक नोळीत्या? ना नीन मान्या बंदीन लेकीन नी नान काल तोळोर साटी नीर कोटीदील, पर इक नान काल आसुगोळ देल नेनाकदुर अदकि तान चुटीगोळ देल सटिदुर. 45 नी नानी चुमसीदलि, पर यागी टु ना बंदीन आगी टु इक नान कालगोळद चुम्मा ताकोमोद बटिदलि. 46 नी नान ताल्ला मा याण्णा मलुसदिलि, पर इक नान कालगोळी ईत्तर मलुस्यार. 47 इदुरसाटी ना नीन से अनतीन किईकीन पाप जो हापाळ ईरव, माफ आदव, यतकी इक हापाळ प्यार माळदुर; पर यारद थवाळा पाप माफ आग्याव, आव थवाळा अच प्यार माळतान.”

48 अदकि यीशु आ आर्त इन से अंदुन, “नीन पाप माफ आदव.”

49 आग जो लॉकर यीशु उन सांगुळ ऊमली कुरतकु ईरोर, आंदुर तान-तान मन दा वचिार माळली हतदुर, “ईव याव हुन जो पापगोळी भी माफ माळतान?”

50 बाक यीशु आ आर्त इन से अंदुन, “नीन वशिवास नीनी ऊळसबुटाद, शांती देल होटोग.”

8

यीशु उन स्यावा माकळोर चेलागोळ

1 ईदुर वाद्दा यीशु नगर-नगर अदकि ऊर-ऊर दा प्रचार माळतेला, अदकि परमेश्वर उन राज्य अन्द खुशखबरी केळसतेला टेटली कुरतुन, अदकि आ हन्नेळ चेलागोळ आऊन सांगुळ ईरोर, 2 यीशु उन स्यावा माकळोर आर्तेर भी ईरोर जो दुष्टआत्मागोळ देल अदकि बमारगोळ देल चंगा माळकु आगीदुर, अदकि ईदुर आंदुर उर: मरयिम जो मगदलीनी अंदकु आगतार, यारदा टु येळ दुष्टआत्मागोळ होटीदव, 3 अदकि हेरोदेस उन सेवक खुजा अन्द हगिस योअन्ना, अदकि सूसन्नाह, अदकि हापाळ सा दुसरा आर्तेर. ईदुर तान धन सम्पत्ति दा टु आऊन स्यावा माळतोगोर.

बीजा वोऊसावाळा अन्द उदाहरण

(मत्ती १३:१-९; मरकुस ४:१-९)

4 याग धोळद भीळ जमा आत अदकि नगर-नगर इन लांकुर यीशु उन हात्ती वरतोगोर, रा यीशु उदाहरण दा अंदुन:

5 “ऊद वोऊसावाळा बीजा वोऊसली होट्टान. वोऊसतेला येनारा हादी इन कनारा मा बत्ति, अदकि काल देल मेटकु आत, आकाश इन पक्षीगोळ बंदकु अदरी तनि कोंडव. 6 येनारा बीजा कल्ल इन जागा बत्ति, अदकि वेळुतेला अच वळगेत, यतकी अदुरदा नमी ईला ईरोद. 7 थ्वाळासा बीजा मुळलगोळ मारर इन न्याड्या दा बत्ति, अदकि माररगोळ सांगुळ-सांगुळ वाळुसकु अदरी वत्त वुट्टव. 8 थ्वाळासा बीजा वळ्लीद जागा मा बत्ति, अदकि वेळुकु सौ गुणा बीजा तरत.”

ईद अंदकु आव धोळद आवाज देल अंदुन, “यारव केळव कवि इतदाव आव केळ कोमुल.”

उदाहरणगोळद उद्देश

(मत्ती १३:१०-१७; मरकुस ४:१०-१२)

9 यीशु उन चेलागोळ यीशु से केळदुर की ई उदाहरण इन मतलब येन आद? 10 आव अंदुन, “नीमी परमेश्वर उन राज्य अन्द भेदगोळद समझ कोटकु आग्याद, पर दुसरा अक उदाहरणगोळ दा केळसकु आगतद,” इदुरसाटी की “आंदुर नोळतेला भी ना नोळुल, अदकि केळतेला भी ना समसुल.”

बीजा वोऊसावाळा उदाहरण इन मतलब समझुसोद

(मत्ती १३:१८-२३; मरकुस ४:१३-२०)

11 “उदाहरण इन मतलब ईद आद: बीजा परमेश्वर उन वचन हुन. 12 हादी इन कनारा दोर आंदुर उर, यार वचन रा केळदुर; लेकीन शैतान बंदकु आंदुर मन दा टु वचन नेगुकु वोयतान की ईदारा हगि आगवाळुल की आंदुर वशिवास माळकु आंदुरद उद्धार आगुल. 13 कल्ल माकळोर आंदुर उर जो वचन केळदुर मा अदरी हापाळ खुशी देल ग्रहण रा माळतार, पर जळी मजबूत ईला ईटदुर कारण घळी तमि रा वशिवास माळतार पर याग परीक्षा बरतद रा बैकुसेगतार. 14 जो मुळलगोळ मारर दा बत्ति, इंदुर आंदुर उर जो केळतार, पर मुंद नळुकु चनिता, अदकि धन, अदकि जीवन इन सुखवलिास दा फसुसेगतार अदकि परपिक्वता अन्द साटी आंदुर काय हण्ण आगाल. 15 लेकीन वळ्लीद जागा मा बदिक्ु बीजा इंदुर उर, जो वचन केळकु तान शुद्ध अदकि वळ्लीद दलि दा अदरी मजबूती देल ईटतार अदकि आंदुर वळा धीरज देल काय तरतार.”

दगिया अन्द उदाहरण

(मरकुस ४:२१-२५)

16 य्याऊ दगिया होत्ताकु बरतन देल मुच्चालुन, अदकि ना व्हरस इन ल्यालमा ईटतान, लेकीन दीवट मा ईटतान की बुळक बरावाळेर इक ऊजुळ सिकुल.

17 यतकी येनु भी होचकु हैलेच जो प्रगट आगतीदील, ना येनारा गुप्त मात आद जो जान्सकु आगतीदील.

18 इदुरसाटी सावधान ईरी की नीव याता प्रकार देल केळतीर? यतकी यार्द हात्ती आद आऊक मात्त कोटक आदीत, अदकि यार हात्ती हैलेच आऊन से अद भी ताकोमकु आगेदीत, यदरी आव तान समस्तान.

यीशु उन मोय अदकि वार्दुर

(मत्ती १२:४६-५०; मरकुस ३:३१-३५)

19 यीशु उन मोय अदकि आऊन वार्दुर यीशु उन हात्ती बंदुर, पर भीळ इन कारण आऊन से भेट माळ सकादील. 20 आऊक हेळकु आत, “नीन मोय अदकि नीन वार्दुर व्हारया नदिरकु आर, आंदुर नीन से मलिसोद चाहास्तार.”

21 यीशु इदुर उत्तर दा आंदुर से अंदुन, “नान मोय अदकि नान वार्दुर इंदुरा उर, जो परमेश्वर उन वचन केळतार अदकि मानस्तार.”

यीशु उन आँधी इक शांत माळोद

(मत्ती ८:२३-२७; मरकुस ४:३५-४१)

22 बाक ऊंद दशिी यीशु अदकि आऊन चेलागोळ इवांगा मा येरदुर, अदकि यीशु आंदुर से अंदुन, “बरी, झील इन आप्पाटी होगता.” इदुरसाटी आंदुर इवांगा खोलस बुदुर. 23 लेकीन याग इवांगा नळोद, रा यीशु मगिंदुन: अदकि झील दा तुफान वत्त, अदकि इवांगा नीर देल तुमली हत्त अदकि आंदुर जोखमि दा ईरोर. 24 आग आंदुर हात्ती होगकु आऊक येब्सदुर, अदकि अंदुर, “स्वामी! स्वामी! नाव नाश आगतेला होगीतेव.”

आग आव यदकु तुफान इक अदकि नीर इन लयरगोळी दनकुसदुन अदकि अव थामसेदव अदकि सप्पा शांत आगेत. 25 आग आव आंदुर से अंदुन, “नीम वशिवास यल ईरोद?”

लेकीन आंदुर अंजेदुर अदकि अचम्भति आगकु आपस दा अनली हतदुर, “ईव याव हुन जो तुफान अदकि नीर इक भी आग्या कोळतान, अदकि अव सप्पा आऊन मात केळताव?”

यीशु उन दुष्टआत्माग्रस्त मंळसा अक चंगा माळोद

(मत्ती ८:२८-३४; मरकुस ५:१-२०)

26 बाक यीशु अदकि आऊन चेलागोळ गरिसेनयागोळ्द प्रदेश दा पोहचुसदुर, जो गलील इन झील इन आप्पाटी आद. 27 याग यीशु कनिरा मा ईळदुन रा आ नगर इन ऊंद मंळसा आऊक सकिदुन यारदा दुष्टआत्मागोळ ईरव. आव हापाळ दनिगोळ टु ना कपळा हाकतोगेन अदकि ना मानया ईरतोगेन उलटा कब्रगोळ दा ईरतोगेन. 28 आव यीशु उक नोळकु चलिळासदुन अदकि आऊन मुंद बदिक् धोळद आवाज दा अंदुन, “हे परमप्रधान परमेश्वर उन पार यीशु! नानी नीन से येन क्याल्सा? ना नीन से वनिती माळतीन, नानी पीळा कोळबाळ.” 29 यतकी आव आ अशुध्द आत्मा अक आ मंळसा दा टु होळोद आग्या कोळोन, इदुरसाटी की अद आऊन मा घळी घळी प्रगट आगतोगोद. याग की लांकुर आऊक शंकलीगोळ अदकि वेळीगोळ देल कटक आऊन मा पहरा हचीदुर तरी आव बंधनगोळी मूरकु भळितोगेन, अदकि दुष्टआत्मा आऊक आळी दा वयाळसतेला टेटतोगोद.

30 यीशु आऊक केळदुन, “नीन येन हेसुर आद?”

आव अंदुन, “सेना,” यतकी हापाळ दुष्टआत्मागोळ आऊन दा होक्कोडीदव. 31 आंदुर आऊन से वनिती माळदुर की नामी अनन्त अधोलोक दा होगोद आग्या कोळबाळ.

32 अल पहाळी मा हंदीगोळ्द ऊंद धोळ्द झुण्ड आळोद, इदुरसाटी आंदुर आऊन से वनिती माळदुर की नामी अऊर दा हाकबुळ. यीशु आंदरी होगोद आग्या कोट्टुन. 33 आग

दुष्टआत्मागोळ आमंळसा दा टु होटकु हंदीगोळ दा होदव अदकि आ झण्ड ढलान मा टु झपटुसकु झील दा होगकु बदिदव अदकि मुळककु सोत्तव.

34 चरवाहागोळ ईद सपपा जो आगीत नोळकु ओळदुर, अदकि नगर दा अदकि ऊरगोळ दा होगकु आ घटना अन्द खबर कोटदुर. 35 लॉकुर ईद जो आगीत अदरी नोळली होटदुर, अदकि यीशु उन हात्ती बंदकु या मंळसा दा टु दुष्टआत्मागोळ होटीदव, आऊक यीशु उन काल इन हात्ती कपळा हाक्त अदकि सचेत अवस्था दा कुरत नोळकु अंजेदुर; 36 अदकि जो यावारा ई सपपा नोळीदुर आंदुर आ लॉकुरी हेळदुर क्क आव दुष्टआत्मा अन्द सतुसद मंळसा यात्ता प्रकार देल वळ्लेव आग्यान. 37 आग गरिसनया अन्द आसपास इन सपपा लॉकुर यीशु से वनिती माळदुर क्क नाम नगर दा टु होटोग; यतकी आंदुर हापाळ अंजेगीदुर. इदुरसाटी आव इवांगा मा येरकु होटोदुन. 38 या मंळसा दा टु दुष्टआत्मागोळ होटीदव आव आऊन से वनिती माळली कुरतुन क्क नानी तान सांगुळ ईरगोळ,

लेकीन यीशु आऊक वदि माळकु अंदुन, 39 “तान मान्नी होटोग अदकि लॉकुरी हेळ क्क परमेश्वर नीन साटी ह्यांग धोळ धोड्डेव क्क्याल्सा माळयान.”

आव होगकु सपपा नगर दा प्रचार माळली कुरतुन क्क यीशु नान साटी ह्यांग धोळ-धोड्डेव क्क्याल्सा माळयान.

याईर उन सोत्त पोर अदकि ऊंद रोगी आरत

(मत्ती ९:१८-२६; मरकुस ५:२१-४३)

40 याग यीशु गलील वापस बंदुन रा लॉकुर आऊन स्वागत माळदुर, यतकी आंदुर सपपा आऊन हादी कायोर. 41 इदुर दा याईर हेसुर ईनव ऊंद यहूदी मंळसा जो यहूदी लॉकुरद सभागूह अन्द सरदारगोळ दा टु ऊद सरदार ईरोन, बंदुन अदकि यीशु उन काल मा बदिकु आऊन से वनिती माळली कुरतुन क्क नान मान्नी नळ, 42 यतकी आऊन हन्नळ वर्ष इन ऊंद टैसा अच पोर ईरोर, अदकि आक सायोर मा ईरोर.

याग आव होगोन, आग लॉकुर आऊन मा बळिली आगोर. 43 ऊंद आरत आक इक हन्नळ वर्ष टु खुन होगोद रोग ईरोद, अदकि जो तान सपपा पैसया कवळी वैदयगोळद हदि बरबाद माळ वुटीदुर, तरी भी यारदु कय देल चंगा आगसकीदलि, 44 हदि टु बंदकु आऊन कपळा अन्द कनिरा अक मुटदुर, अदकि तुरन्त आकनि खुन होगोद बंद आगेत. 45 इदुर मा यीशु अंदुन, “नानी याव मुटदुन?”

याग सपपा इनकार माळली कुरतुर, रा पतरस अंदुन, “हे स्वामी, नीनी रा भीळ वोत्तेत्याद अदकि नीन मा बळित्याद.”

46 लेकीन यीशु अंदुन, “यावारा रा नानी मुट्यार, यतकी ना जान्स कोडीन क्क नान दा टु सामरथ्य होटाद.” 47 याग आ आरत नोळदुर क्क ना होचकोम सकालीन, आग नळगतेला बंदुर अदकि आऊन काल मा बदिकु सपपा लॉकुरद मुंद हेळदुर क्क आक यात्ता कारण देल आऊक मुटदुर, अदकि ह्यांग तुरन्त चंगा आगेदुर. 48 यीशु आकनि से अंदुन, “पोरी, नीन वशिवास नीनी वळ्लीद माळयाद, कुशल देल होटोग.”

49 यीशु ईद अनतेला अच ईरोन क्क यावारा यहूदी यहूदी लॉकुरद सभागूह अन्द सरदार उन अल टु बंदकु अंदुन, “नीन पोर सोतोदुर: गुरु उक दुख कोळबाळ.”

50 यीशु ईद मात केळकु याईर उक उत्तर कोटदुन, “अंजबाळ; सरिफ वशिवास ईट, रा आक ऊळदोदार.”

51 मान्या बंदकु आव पतरस, यहूना, याकूब, अदकि पोर इन मोय-आपू उक बटिकु दुसरा यारीकु तान सांगुळ वळक बर गोटीदील. 52 सपपा आकनि साटी वोरलोर, लेकीन आव अंदुन, “वरलबाळी; आक सायली आर लेकीन मगित्यार.”

53 आंदुर ईद जान्सकु क्क आक सोतोग्यार आऊन मज्याक हारसली हतदुर. 54 लेकीन आव आऊन कय हुळदुन, अदकि कारूतेला अंदुन, “हे पोरी, येळ!” 55 आग आकनि जीव वापस बत्त अदकि आक तुरन्त यदकु नदिरदुर. बाक आव आग्या कोटदुन क्क आकी येनारा तनिनी कोळी.

56 आकनि मोय-आपू चकति आदुर, लेकीन आव आंदरी आदेश कोट्टुन कि ईद जो आग्याद यारदारा से अनवाळेतीर.

9

यीशु उन द्वारा हन्नेळ प्रेरतिगोळी कळ्ळु आगोद
(मत्ती १०:५-१५; मरकुस ६:७-१३)

1 वाक यीशु तान हन्नेळ चेलागोळी तान हात्ती कारदुन आंदरी सप्पा दुष्टआत्मागोळ अदकि बमारिगोळी दुर माळोद साम्थ्य अदकि अधिकार कोट्टुन, 2 अदकि आंदरी परमेश्वर उन स्वर्गीय राज्य अन्द प्रचार माळली अदकि बमारिगोळी वळ्ळीद माळोद साटी कळ्ळुदुन. 3 यीशु आंदुर से अंदुन, “तान यात्रा अन्द साटी येनु वोयवाळेतीर, ना रा कोल, ना झ्वारा, ना रोटी, ना पैस्या अदकि ना येद्व-येद्व कळता. 4 जो यातोदु मान्या नीव ईळदीर, अल्या ईरी, अदकि अल टु उच वदि आगी. 5 *जो यावारा नीमी ग्रहण माळालुर, आ नगर टु होळावती तान कालगोळ्द धुळा झाळस बुळी कि आंदुर मा गवाही आगुल.”

6 इदुरसाटी आंदुर होटक ऊरा-ऊरा खुशखबरी केळसोर, अदकि हर जागा दा लॉकुरी चंगा माळ्त् टेटतेला ईत्तुर.

राजा हेरोदेस उन परेशानी
(मत्ती १४:१-१२; मरकुस ६:७-२९)

7 *दयाश इन चौथाई इन राजा हेरोदेस याग ई सप्पा घटनागोळ वारा दा केळदुन रा आव हापाळ घबरसेदुन, यतकी थवाळासा लॉकुर अंदुर कि यूहन्ना बपतसिमा कोळावाळा सोत्तुर दा टु जत्तिता आग्यान, 8 अदकि थवाळासा लॉकुर ईद अंदुर कि एलियियाह काळसयान, अदकि थवाळासा दुसरा लॉकुर ईद अंदुर कि हाळोद भवषियवक्तागोळ दा टु यावारा जत्तिता आग्यान. 9 लेकीन हेरोदेस अंदुन, “यूहन्ना अन्द रा ताल्ला ना कळसुसीदीन, ईग ई मंळसा याव हुन यार्द वारा दा ना हागि मातगोळ केळेतीन?” अदकि आव यीशु उक नोळोद प्रयत्न माळतेला ईत्तुन.

यीशु अईद हजार लॉकुरी तनिसदुन
(मत्ती १४:१३-२१; मरकुस ६:३०-४४; यूहन्ना ६:१-१४)

10 वाक प्रेरतिगोळ वापस बंदकु जो येनारा आंदुर माळीदुर, यीशु उक हेळ बुदुर; अदकि यीशु आंदरी अलग माळकु बैतसैदा हेसुर इन नगर दा ओतुन. 11 ईद जान्सकु भीळ आऊन हदि आगेत, अदकि आव खुशी देल आंदुर से मलिसदुन, अदकि आंदुर से परमेश्वर उन राज्य अन्द मातगोळ हेळली कुरतुन, अदकि जो चंगा आगोद चाहासोर आंदरी चंगा माळदुन.

12 याग द्याव आगली हत्त रा हन्नेळ चेलागोळ बंदकु यीशु से अंदुर, “भीळ इक वदि माळ कि नाकु दकिळोद ऊरगोळ अदकि ऊरगोळ दा होगकु तान साटी ईरली जागा अदकि तनिली येनारा तरी दुदस सकुल, यतकी नाव ईल सुनसान जागा दा आयेव.”

13 यीशु आंदुर से अंदुन, “नीव अच आंदरी तनिली इक कोळी.”

चेलागोळ अंदुर, “नाम हात्ती अईद रोटी अदकि येद्व मेनगोळी बटिकु अदकि येनु हैलेच; लेकीन हव, अगर नी चाहासत्या कि नाव होगकु ई सप्पा लॉकुर साटी भोजन कोंडेव, रा आग सकतद.” यतकी आ लॉकुर संख्या रा अईद हजार इन हात्तीपास ईरोद. 14 आग यीशु तान चेलागोळ से अंदुन,

“लॉकुरी पचास-पचास माळकु पंगत-पंगत दा कुरस बुळी.”

15 आंदुर हागि अच माळदुर, अदकि सप्पा मुंदरी कुरस बुदुर. 16 आग आव अव अईद रोटीगोळी अदकि येद्व मेनगोळी हुळदुन, अदकि स्वर्ग दी नोळकु परमेश्वर उक धन्यवाद माळदुन, अदकि

रोट्टी मूर-मूरकु चेलगोळी कोळत होदुन किल्लोकी वाळसुल. 17 आग सप्पा लॉकुर तनिकु संतुष्ट आदुर, अदकिल्ले चेलगोळ ऊळद टुकळगोळ दा टु हन्नेळ फुट्टी तुमकु नेगदुर.

पतरस उन यीशु उक “मसीह” स्वीकार माळोद
(मत्ती १६:१३-२०; मरकुस ८:२७-३०)

18 याग यीशु आबना दा प्रार्थना माळोन अदकिल्ले चेलगोळ आऊन सांगुळ ईरोर, रा आव आंदुर से केळदुन, “लॉकुर नान बारा दा येन अनतार?”

19 *चेलगोळ उत्तर कोट्टुर, “यूहन्ना बपतसिमा कोळावाळा, अदकिल्ले यावारा यावारा एलियिहाह, अदकिल्ले यावारा ईद किल्ले हाळव भवषियवक्तागोळद दा टु यावारा जित्ता आग्यान.”

20 *यीशु आंदुर से केळदुन, “लेकीन नीव नानी येन अनतीर?”

पतरस उत्तर कोट्टुन, “परमेश्वर उन द्वारा कळुद मसीह.”

तान सायोद बारा दा यीशु उन भवषियवाणी
(मत्ती १६:२१-२३; मरकुस ८:३१-३३)

21 आग यीशु आंदुरी आदेश कोटकु अंदुन किल्ले ईद मात इन उल्लेख यारदु से माळवाळेतीर. 22 वाक यीशु अंदुन, “ना मळसा अन पार उन साटी जूरी आद किल्ले ना दुख नेगाईन, अदकिल्ले स्याणा अदकिल्ले प्रधान याजक अदकिल्ले नयिम इन गुरु नानी तुच्छ जान्सकु कोद बुट्टार, अदकिल्ले ना मुर दनि दा जित्ता आगाईन.”

23 *यीशु सप्पा मंदुर से अंदुन, “अगर यावारा नान हदि बरोद चाहासतान, रा आव तान तान इक इनकार माळुल अदकिल्ले रोज जो तान जीव नान साटी कूस मा समरपति माळुल आवा नान हदि आगेगुल. 24 *यतकी जो यावारा तान जीव ऊळसोद चाहास्यान आव अदुरी खोऊस्यान, लेकीन जो यावारा नान साटी तान जीव खोऊस्यान आव अदुरी ऊळस्यान. 25 अगर मळसा पुरा दुनया अक हासलिल्ले माळुल अदकिल्ले तान जीव खोऊस बुळुल या अदुरद हानिल्ले नेगुल, रा आऊक येन लाभ आदीत? 26 जो नान देल अदकिल्ले नान वचन देल लज्जति आगतान, आऊन देल ना मळसा अन पार भी, आ समय लज्जति आदान याग आव खुद अदकिल्ले तान आप्प उन अदकिल्ले पवतिर स्वर्गदूतगोळद महिमा दा बंदान. 27 ना नीम से खरा माताळतीन, किल्ले जो ईल नदुरकु आर, आंदुर दा टु यारारा हगि आर किल्ले यागासताका परमेश्वर उन राज्य नोळतीदलि, आगासताका सायतीदलि.”

यीशु उन रूपान्तर

(मत्ती १७:१-८; मरकुस ९:२-८)

28 ई मातगोळद लगभग येठ दनि इन बाददा यीशु पतरस, यूहन्ना अदकिल्ले याकूब उक सांगुळ हुळकु प्रार्थना माळोर साटी पहाळी मा होदुन. 29 याग आव प्रार्थना माळतेला अच ईरोर, रा आऊन चेहरा अनंद रूप बदलुसेत, अदकिल्ले आऊन कपळा बळिव आगकु चमकुसली हत्त. 30 अदकिल्ले अचानक, मूसा अदकिल्ले एलियिहाह, ई येदद मळसा आऊन सांगुळ मातगोळ हेळोर. 31 आंदुर स्वर्गीय महिमा सहति काळसदुर अदकिल्ले यीशु उन सायोद चरचा माळोर, जो परमेश्वर उन उद्देश यरूशलेम दा पुरा आगोद ईरोद. 32 पतरस अदकिल्ले आऊन साथीगोळ कण्णगोळ जप देल तुमकु ईरव, लेकीन याग आंदुर पुरण रूप देल च्याता आदुर, रा आंदुर आऊन महिमा अक अदकिल्ले आ येदद मळसागोळी, जो यीशु उन सांगुळ नदुरकु ईरोर, नोळदुर. 33 याग आंदुर आऊन हात्ती टु होगली हतदुर, रा पतरस यीशु से अंदुन, “हे स्वामी, नामद ईल ईरोद वळलीद आद: इदुरसाटी नाव मुर हांद्रा माळेव, ऊंद नीन साटी, ऊंद मूसा अनंद साटी, अदकिल्ले ऊंद एलियिहाह अनंद साटी.” आव ईला जानसोन किल्ले आव येन माळेत्यान.

* 9:19 १:१९, मत्ती १६:१२,२; मरकुस ६:१६,१५; लुका ९:१७,८ * 9:20 १:२० यूहन्ना ६:६८,६९ * 9:23 १:२३ मत्ती १०:३८; लुका १६:२७ * 9:24 १:२४ मत्ती १०:३९; लुका १७:३३; यूहन्ना १२:२५

34 आव ईद माताळतेला अच ईरोन का ऊंद बादल बंदकु आंदरी होचकोमूत, अदकि याग चेलागोळ आ बादल देल घेरूसली हतदुर रा अंजेदुर. 35 ✨आग आ बादल दा टु आवाज होळ्त, “ईव नानव पार अदकि नान चुनुसदव हुन, ईऊंद केळी.”

36 ईव आवाज आगतेला अच यीशु आवना अच काळसदुन; अदकि आंदुर सुंगा ईततुर, अदकि जो येनारा नोळीदुर अदुरद बारा दा आंदुर आ दनिगोळ दा यारदारा से येनु माळीदलि.

दुष्टआत्माग्रसूत पार उक चंगा माळोद
(मत्ती १७:१४-१८; मरकुस ९:१४-२७)

37 दुसरा दनि याग यीशु अदकि आऊन मूर चेलागोळ पहाळ मा टु ईळदुर रा ऊंद धोळद भीळ बंदकु यीशु से मळिसूत. 38 अदकि नोळी, भीळ दा टु ऊंद मळसा चळिलासकु अंदुन, “हे गुरु, ना नीन से वनिती माळतीन का नान पार उन मयाकूच कृपादुष्टा माळ; यतकी आव नानव ऊंद टैसा पार आन. 39 अदकि नोळ, ऊंद दुष्टआत्मा आऊक हुडूतद, अदकि आव अचानक चळिलासकु येळतान; अदकि अद आऊक हगि मुरकुळसूतद का आव बाय दा फेस तुमकु तरतान; अदकि आऊक कठनाई देल बळितद. 40 ना नीन चेलागोळ से वनिती माळदीन का आ दुष्टआत्मा अक तेगुल लेकीन आंदुर तेगु सकदील.”

41 यीशु आंदरी उत्तर कोटदुन, “हे अवशिवासी अदकि जदिदी लॉकुरा, ना यागासताका नीम सांगुळ ईराइन अदकि नीम सहन माळाईन? तान पार उक ईल तर.”

42 आव पार वरतेला अच ईरोन का दुष्टआत्मा आऊक पटकूसकु मुरकुळसूत, लेकीन यीशु अशुध्द आत्मा अक दनकुसदुन अदकि पार उक वळलीद माळकु आऊन आप्प उक सौप्सदुन. 43 आग सब लॉकुर परमेश्वर उन महासामर्थ्य देल चकति आदुर.

तान सायोद बारा दा यीशु उन दुसरा घन भवषियवाणी
(मत्ती १७:२२,२३; मरकुस ९:३०-३२)

लेकीन याग सब लॉकुर आ सब कयाल्सागोळ देल जो यीशु माळतोगोन, अचम्भति ईरोर, रा आव तान चेलागोळ से अंदुन, 44 “नीव ई मातगोळ मा ध्यान कोळी, यतकी ना मळसा अन पार मळसागोळद कय दा सौप्सकु आगाईन.” 45 लेकीन आंदुर ई मात इक ईला समसोर, अदकि ईद आंदुर से होचकु ईत का आंदुर आऊक जान्स ईला सकुल; अदकि आंदुर ई मात इन बारा दा यीशु उक केळली अंजतोगोर.

सब से धोड्डेव याव?
(मत्ती १८:१-५; मरकुस ९:३३-३७)

46 ✨बाक आंदुरदा ईद ववािद आगली कुरत कनिनाम दा टु धोळ याव आन. 47 लेकीन यीशु आंदुरद मन इन वचिार जान्स कोडुन, अदकि ऊंद पार उक हुळकु तान हातूती नीदूरसदुन, 48 ✨अदकि आंदुर से अंदुन, “जो यावारा नान हेसुर देल ई पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नान कळावाळेर इक ग्रहण माळतान, यतकी जो नीम दा सब से स्याणेव टु स्याणेव आन, आवा धोड्डेव आन.”

जो वरिध दा ईला, आव पक्ष दा आन
(मरकुस ९:३८-४०)

49 आग यूहन्ना अंदुन, “हे स्वामी, नाव ऊंद मळसा अक अपमान हेसुर देल दुष्टआत्मागोळी तेगुतेला नोळदेव, अदकि नाव आऊक मना माळदेव, यतकी आव नाम सांगुळ आगकु अपमान हदि आगालुन.”

✨ 9:35 ९:३५ मत्ती ३:१७; १२:१८; मरकुस १:११; लुका ३:२२ ✨ 9:35 ९:३५ २ पतरस १:१७,१८ ✨ 9:46 ९:४६ लुका २२:२८ ✨ 9:48 ९:४८ मत्ती १०:४०; लुका १०:१६; यूहन्ना १३:२०

50 यीशु यूहन्ना अदकि बाकी चेलागोळ से अंदुन, “आऊक मना माळवाळी; यतकी जो नीम वरिध दा हैलेच, आव नीमूद सांगुळ आन.”

सामरीयागोळ द्वारा यीशु उन वरिध

51 याग यीशु उन स्वर्ग दा नेगुकु आगोद दिन हात्ती बरली हतदव रा आव यरूशलेम होगोद मजबूत नशिचय माळदुन. 52 आव तान मुंद स्वर्गदूत कळुदुन. आंदुर सामरीगोळद ऊंद ऊर दा होदुर क्क आऊन साटी जागा तयार माळुल. 53 लेकीन आ लॉकुर आऊक ईळु गोटीदील, यतकी आव यरूशलेम होगोन. 54 ईद नोळकु यीशु उन चेलागोळ याकूब अदकि यूहन्ना अंदुर, “हे प्रभु, येन नी चाहासत्या क्क नाव आग्या कोट्टेव, क्क आकाश टु बेक्की बळिसुस्कु आंदरी भसम माळसुस बुळुल?”

55 लेकीन यीशु तरिगुकु आंदरी दनकुसदुन. 56 यीशु अदकि आऊन चेलागोळ दुसरा ऊर दा होटोदुर.

यीशु उक मान्सावाळेर ह्यांग ईर पायजे

(मत्ती ८:११-२२)

57 याग आंदुर हादी देल होगोर, रा चेलागोळ दा टु यावारा यीशु से अंदुन, “यल-यल नी होदया, ना नीन ह्दि आगेगार्ईन.”

58 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव, लेकीन ना मळसा अन पार उन साटी ताल्ला होचकोमोर साटी भी जागा हैलेच.”

59 यीशु दुसरा से अंदुन, “नान ह्दि आगेग.”

आव अंदुन, “हे प्रभु, नानी पयले होगगोळ क्क तान आप्प उक नळसाईन.”

60 यीशु आऊन से अंदुन, “सोद मळसागोळी तान मुरदा नळसगोळ, लेकीन नी होगकु परमेश्वर उन राज्य अन्द पुरा प्रचार माळ.”

61 ऊंद मातूत मळसा भी अंदुन, “हे प्रभु, ना नीन ह्दि आगेगार्ईन; लेकीन पयले नानी होगगोळ क्क तान मान्ना अन्द लॉकुर से वदि ताकोमकु बराईन.”

62 यीशु आऊन से अंदुन, “जो यावारा तान कय नांगर मा ईटकु ह्दि नोळतान, आव परमेश्वर उन राज्य अन्द लायक हैलेच.”

10

यीशु बहात्तर चेलागोळी कळुदुन

1 ई मातगोळद बाददा प्रभु यीशु मातूत बहात्तर मळसागोळी नयिक्त माळदुन, अदकि याता-याता नगर अदकि जागा अक आव होगली ईरोन, अल आंदरी येद्व-येद्व माळकु तान मुंद कळुदुन.

2 यीशु आंदुर से अंदुन, हण्ण केई हापाळ आव, पर क्क्याल्सा माळावाळेर मजदुर गोर्त आर; इदुरसाटी फसल इन स्वामी से वनिती माळी क्क आव तान फसल कडोर साटी मजदूर कळु बुळुल.

3 होगी; ना नीमी म्यांडागोळ घार्ई लांडग्यागोळ न्याड्या कळुतीन. 4 इदुरसाटी तान सांगुळ ना चीला, ना झवारा, ना केरूगोळ हुडी; अदकि ना हादी मा यारदारा से नमस्कार माळी. 5 यातारा मान्या होगी, पयले अनी, “ई मान्ना मा कल्याण आगुल.” 6 अगर अल यावारा कल्याण इन लायक ईतीदान, रा नीम कल्याण आऊन मा ईत्तीत, ईलारा नीम हात्ती वापस बंदीत. 7 अदा मान्या ईरी, अदकि जो येनारा आंदुर से सक्कीत, अदा तनी-कुडी, यतकी मजदूर उक तान मजदूरी सक्क पायजे; मान्या-मान्या टेटबाळेतीर. 8 या नगर दा नीव होगी, अदकि अलेर लॉकुर याग नीम स्वागत माळ्यार रा जो येनारा नीम मुंद ईटकु आदीत अदा तनी. 9 अलेर बमिरगोळी चंगा माळी अदकि आंदुर से अनी, “परमेश्वर उन राज्य हात्ती होट बंदाद.” 10 लेकीन या नगर दा होदरि,

* 10:2 १०:२ मत्ती १:३७,३८ * 10:3 १०:३ मत्ती १०:१६ * 10:7 १०:७ १ कुर्निथ १:१४; १ तीमथियस ५:१८ * 10:10 १०:१० प्रेरितगोळ १३:३१

अदकि अलेर लॉकुर नीमी ग्रहण माळतीदील, रा आंदुरद गलीगोळ दा होगकु अनी, 11 *नीम वरिध दा नाव नीम नगर इन धुळा अक भी जो नाम कालगोळ मा हत्याद झाळस कोळतेव; फरि भी ईद जान्स कोमी क्क परमेश्वर उन राज्य नीम हात्ती होट बंदाद.” 12 *ना नीम से अनतीन क्क आ दनि परमेश्वर न्याय माळ्यान आ दशी सदोम इन दशा आ नगर से हापाळ गुणा सहन माळा लायक ईत्तीत.

अवशिवासी नगरगोळी धक्कार
(मत्ती ११:२०-२४)

13 “हाय खुराजीन! हाय बैतसैदा! जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा बॉरा होदुकु अदकि राख दा कुरतकु आंदुर यागुदु मन तरिगुसायदुर. 14 लेकीन न्याय इन दनि सूर अदकि सैदा अन्द दशा नीम से यक्कुल सहन माळा लायक ईत्तीत. 15 अदकि हे कफरनहूम, येन नी स्वर्ग ताका म्याकुच नेगुकु आद्या? नी पाताल लोक ताका ल्यालमा होद्या.”

16 *यीशु तान चेलागोळ से अंदुन, “जो नीम केळतान, आव नान केळतान; अदकि जो नीमी तुच्छ जान्सतान, आव नानी तुच्छ जान्सतान; अदकि जो नानी तुच्छ जान्सतान, आव नान कळावाळेर इक तुच्छ जान्सतान.”

बहात्तर चेलागोळद वापस बरोद

17 आंदुर बहात्तर चेलागोळ खुशी माळतेला बंदुर अदकि अनली हतदुर, “हे प्रभु, नीन हेसुर देल दुष्टआत्मा भी नाम आग्या मान्सताव.”

18 यीशु आंदुर से अंदुन, “ना शैतान उक वजिली इन घाई स्वर्ग टु बळिस नोळीन. 19 केळी, क्क ना नीमी हाव अदकि पुरा सामर्थ्य मा अधकार कोटीन; अदकि नीमी येनु हाना आगतीदील. 20 फरि भी ईदुर देल खुश आगवाळी क्क आत्मा नीम वश दा आद, लेकीन इदुर देल खुश आगी क्क नीम हेसुर स्वर्ग दा लखिसकु आद.”

यीशु उन खुश आगोद

(मत्ती ११:२५-२७; १३:१६,१७)

21 आ समय यीशु पवतिर आत्मा दा आगकु खुशी देल तुम्मेदुन, अदकि अंदुन, हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन क्क नी ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईट्टद, अदकि चकिोरगोळ मा प्रगट माळ्द. हव, हे आप्पा, यतकी नीनी ईदा वळलीद हत्त.

22 *नान आप्पा नानी सप्पा येनारा सोप्स बूट्टुन; अदकि याऊ जान्सालुन क्क पार याव हुन सरिफ आप्पा, “अदकि आप्पा याव हुन ईद भी याऊ जान्सालुन सरिफ पार अदकि आव यार मा पार अदरी प्रगट माळोद चाहासतान.”

23 आग चेलागोळ दी तरिगकु आवना दा अंदुन, “धन्य आव अव कण्णगोळ, जो ई मातगोळ जो नीव नोळतीर अव नोळताव. 24 यतकी ना नीम से अनतीन क्क हापाळ सा भवषियक्तागोळ अदकि राजागोळ चाहासदुर क्क जो मातगोळ नीव नोळतीर आंदुर नोळुल पर नोळीदील, अदकि जो मातगोळ नीव केळतीर आंदुर केळुल पर केळीदील.”

दयालु सामरी इन उदाहरण

25 *अदकि ऊद व्यवस्थापक येददुन अदकि ईद अनतेला यीशु उन परीक्षा माळली कुरतुन, “हे गुरु, अनन्त जीवन सकोद साटी ना येन माळाईन?”

26 यीशु आऊन से अंदुन, “मूसा अन्द व्यवस्था दा येन लखिसकु आद? नी ह्यांग वाचुसत्या?”

* 10:11 १०:११ मत्ती १०:७-१६; मरकुस ६:८-११; लुका १:३-५
१०:१६ मत्ती १०:४०; मरकुस १:३७; लुका १:४८; यूहन्ना १३:२०
१०:२५ मत्ती २२:३५-४०; मरकुस १२:२८-३४

* 10:12 १०:१२ मत्ती ११:२६; मत्ती १०:१५ * 10:16
* 10:22 १०:२२ यूहन्ना ३:३५; यूहन्ना १०:१५ * 10:25

27 आव उत्तर कोट्टुन, “भूसा अनद व्यवस्था अनतद, नी प्रभु तान परमेश्वर से तान सप्पा मन अदकि तान सप्पा जीव अदकि तान सप्पा शक्ति अदकि तान सप्पा बुद्धी इन सांगुळ प्यार ईट अदकि तान मान्ना हातळोर से तान घाई प्यार ईट.”

28 यीशु आऊन से अंदुन, “नी बराबर उत्तर कोट्ट, ईदा माळ रा नी जतिता ईत्या.”

29 लेकीन आव तान तान इक न्यायी ठहूरसोद इच्छा देल यीशु से केळदुन, “रा नान मान्ना हातळोर याव हुन?”

30 यीशु उत्तर कोट्टुन, “ऊंद मळसा यूरूशलेम टु यरीहो अक होगोन कि डाकूगोळ आऊक घेरसकु आऊन कपळा ईळस बुटुर, अदकि वडु माळकु आऊक सायोर साटी वटिकु होटोदुर.

31 अदकि हगि आत कि अदा हादी देल ऊंद याजक होगोन, लेकीन आऊक नोळकु आव अनदेखा माळदुन अदकि होटोदुन. 32 ईदा रीति देल ऊंद लेवी भी आ जागा मा बंदुन, आव भी आऊक अनदेखा माळकु होटोदुन. 33 लेकीन ऊंद सामरी जाती नव यात्री अल टु होगोन, अदकि आऊक नोळकु आऊन मा तरस तदिन. 34 आव आऊन हात्ती बंदकु आऊन जखमगोळ मा याण्णा अदकि अंगुर इन रास्सा हाक्कु पट्टी कटदुन, अदकि तान सवारी मा येरसकु आऊक सरई दा ओतुन, अदकि आऊन स्यावा टहल माळदुन. 35 दुसरा दिन आव येदद बेळ्ली इन सक्का तेगुकु सरई इन मालकि उक कोट्टुन, अदकि अंदुन, “ईऊन स्यावा टहल माळेत, अदकि जो येनारा अपमान दी टु हत्तीत, अद ना वापस बंदुर मा नीनी तुम कोळाईन.”

36 ईग यीशु “नीन वचिर देल ई मूरु दा टु आ मळसा अनद जो डाकूगोळ्द कय दा सक्केगीदुन, याव मान्ना हातळोर आदुन?”

37 आव अंदुन, “आवा याव आऊन मा दया माळदुन.”

यीशु आऊन से अंदुन, “होग, नी भी हगि अच माळ.”

मार्था अदकि मरयिम इन मान्या यीशु

38 ह्यांग आंदुर होगोर रा यीशु ऊंद ऊर दा होदुन, अदकि मार्था हेसुर इनोर ऊंद आरत यीशु उन तान मान्या स्वागत माळदुर. 39 मरयिम हेसुर इनोर आकनि ऊंद आकतींग ईरोर. आक प्रभु उन कालगोळ दी कुरतकु आऊन वचन केळतोगोर. 40 लेकीन मार्था स्यावा माळ्त-माळ्त व्याकुल आगेदुर, अदकि आऊन हात्ती बंदकु अनली हतदुर, “हे प्रभु, येन नीनी येनु अच चनिता हैलेच कि नान आकतींग नानी स्यावा माळोद साटी आबना अच वटि बुटार? इदुरसाटी आकनि से अन कि नान सहायता माळुल.”

41 प्रभु आक इक उत्तर कोट्टुन, “मार्था, हे मार्था; नी हापाळ मातगोळ्द साटी चनिता माळत्या अदकि व्याकुल आगत्या. 42 लेकीन ऊंद मात जरूरी आद, अदकि आ वळ्लीद भाग इक मरयिम चुनुस कोंडार जो आकनि से कस्तकु आगतीदील.”

11

यीशु आंदरी प्रार्थना माळोद कल्सदुन

(मत्ती ६:९-१३)

1 यीशु यातोदारा जागा दा प्रार्थना माळोन. याग यीशु प्रार्थना माळ कोंडुन, रा आऊन चेलागोळ दा टु ऊंद चेला आऊन से अंदुन, “हे प्रभु, ह्यांग नीर-संस्कार कोळावाळा यूहन्ना तान चेलागोळी प्रार्थना माळोद कल्सयान हांग अच नामी भी नी कल्सबुळ.”

2 यीशु आंदुर से अंदुन, याग नीव प्रार्थना माळी रा अनी: हे आप्पा:

नीन हेसुर पवतिर मान्सकु आगुल,

नीन राज्य बरूल.

3 नाम हागुल त्रिमुद रोट्टी रोज-रोज नामी कोळतोग,

4 ह्यांग नाव तान हर ऊंद अपराधीगोळी माफ माळतेव,

हांग अच नी भी नाम पापगोळी माफ माळ,
अदकि नामी परीक्षा दा तरबाळ.

5 आग यीशु आंदुर से अंदुन, “नीम दा टु याव आन क्क आऊन संगी आगुल, अदकि आव आर्धा ईळलकी आऊन हात्ती होगकु आऊन से अनुन, हे संगी; नानी मुर रोट्टीगोळ कोळ. 6 यतकी ऊंद यात्ती संगी नान हात्ती बंदान, अदकि आऊन तनिसोर साटी नान हात्ती येनु हेल्लेच.” 7 अदकि आव तान मन इन बुळक टु उत्तर कोळुल, “नानी माळवाळ; ईग रा दरवाजा बंद आद अदकि नान चकिोर नान हात्ती हासक्या मा आर, इदुरसाटी ना यदकु नीनी रोट्टी कोळ सकालीन?” 8 ना नीम से अनतीन, अगर आव आऊन संगी हुन तरी भी आव आऊक यदकु रोट्टी कोळालुन, फरि भी रोट्टी बेळावाळा तान शरम बटिकु बेळुल रा ईद कारण आव यदकु आऊक याट जरवत आद आस रोट्टी कोट्टान.

9 अदकि ना नीम से अनतीन क्क बेळी, रा नीमी कोटकु आदीत; ढुंढसी, रा नीमी सक्कीत; टोकसीर, रा नीम साटी तेरूकु आदीत. 10 यतकी जो यावारा बेळतान, आऊक कोटकु आगतद; अदकि जो ढुंढसतान, आऊक सकितद; अदकि जो टोकसतान, आऊन साटी तेरूकु आगतद. 11 नीम दा टु हगि याव आप्प आन, क्क आऊन पार मेन बेळतान*, रा मेन इन जागा आऊक हाव कोळतान? 12 या तत्ती बेळुल रा आऊक चेळ कोळुल? 13 इदुरसाटी याग नीव बुरा ईतकु तान चकिोरी वळ्लीद वसतु कोळोद जान्सतीर, रा नीम स्वरगीय आप्प तान बेळावाळेरी पवतिर आत्मा यती कोळतीदील.

यीशु अदकि बालजबूल

(मत्ती १२:२२-३०; मरकुस ३:२०-२७)

14 वाक यीशु ऊंद दुष्टआत्मा अक जो आऊन बुळक होगदुर मा आ मळसा माताळ ईला सकोन आ दुष्टआत्मा अक तेगदुन. याग दुष्टआत्मा होट बुळत रा मुक्का मळसा माताळली कुरतुन; अदकि लॉकुरी अचम्भा आत. 15 लेकीन आंदुर दा टु थवाळासा लॉकुर अंदुर, “ईव रा बालजबूल हेसुर ईनव दुष्टआत्मागोळव सरदार उन मदत देल दुष्टआत्मागोळी तेगुतान.”

16 दुसरा लॉकुर यीशु उन परीक्षा माळोर साटी आऊन से आकाश इन चमत्कार बेळदुर जो हगि तोरसुल क्क परमेश्वर आऊन सांगुळ आन. 17 लेकीन आव आंदुर मन इन मातगोळी जान्सकु, आंदुर से अंदुन, “या-या राज्य दा फूट बळितद, अद राज्य बरवाद आगेगतद; अदकि या मान्या फूट बळितद, अद नाश आगेगतद. 18 अगर श्रैतान तान अच वरिधी आगेगुल, रा आऊन राज्य हयांग वन्सकु ईत्तीत? यतकी नीव नान वारा दा रा अनतीर क्क ईव बालजबूल उन सहायता देल दुष्टआत्मा तेगुतान. 19 भला अगर ना बालजबूल उन सहायता देल दुष्टआत्मागोळी नेगुतीन, रा नीम मान्सावाळेर यार सहायता देल तेगुतार? इदुरसाटी आंदुर अच नीम न्याय माळावाळेर आदार. 20 लेकीन अगर ना परमेश्वर उन आत्मा अन्द सहायता देल दुष्टआत्मागोळी नेगुतीन, रा परमेश्वर उन राज्य नीम हात्ती होट बंदाद.

21 “याग ताकतवर मळसा हथयार हुडुकु तान हवेली इन रखवाली माळतान, रा आऊन संपत्ती ऊळदकु ईरतद.” 22 पर याग आऊन से थोड्डेव यावारा मात्त ताकतवर मळसा चढाई माळकु अदरी जीकस कोमतान, रा आऊन अव हथयार यऊर मा आऊक भरोसा ईरोद, कस्त कोमतान अदकि आऊन संपत्ती कस्तकु वाट्स बुळतान.

23 जो नान सांगुळ हेल्लेच आव नान वरिध दा आन, अदकि जो नान सांगुळ जमा माळालुन आव बगरसतान.

दुष्टआत्मा अन्द वापसी

(मत्ती १२:४३-४५)

* 11:11 ११:११ ईद वाचा हर ऊंद हस्तलेखा दा लखिसकु हेल्लेच. ✪ 11:15 ११:१५ मत्ती १:३४; १०:२५ ✪ 11:16 ११:१६ मत्ती १२:३८; १६:१; मरकुस ८:११ ✪ 11:23 ११:२३ मरकुस ९:४०

24 “याग दुष्टआत्मा मंळसा दा टु होट बुळतद रा वंळगीद जागागोळ दा आराम दुंदुसतेला टेटतद, अदकि याग जागा सकाल रा अनतद, ‘ना तान अदा मान्या दा यल टु ना होटीदनि होटोगाईन.’ 25 अदकि बंदकु आ मान्ना अक झाळ-झुळसकु अदकि सजुसकु नोळतद. 26 आग अद होगकु तान से बेकार येळ अदकि आत्मागोळी तान सांगुळ तरतद, अदकि अव आ मान्या होक्कु अल नवास माळताव, अदकि आ मंळसा अन्द दशा पयला टु भी बेकार आगोताव.”

खरा सुख

27 याग यीशु ईव मातगोळ अनतेला अच ईरोन रा भीळ दा टु यातारा आर्त धोळद आवाज देल अंदुर, “धन्य आद अद गर्भ यदुर्दा नी इत्या अदकि अव सतन यार्द हाल नी कुळदया.”

28 यीशु अंदुन, “हव; लेकीन धन्य आंदुर आर जो परमेश्वर उन वचन केळतार अदकि मान्सतार.”

परमेश्वर दी टु चमत्कार अन्द मांग

(मत्ती १२:३८-४२)

29 ११याग धोळद भीळ जमा आगतोगोद रा यीशु अनली कुरतुन, “ई दुनिया अन्द लॉकुर बुरा आर; आंदुर चमत्कार दुंदुसतार; पर योना अन्द चमत्कार अक बटिकु यातोदारा दुसरा चमत्कार आंदरी कोटकु आगतीदोल. 30 ह्यांग योना नीनवे अन्द लॉकुरद साटी चमत्कार ठहूसदुन, हांग अच मंळसा अन पार भी ई दुनिया अन्द लॉकुरद साटी ठहूसयान. 31 दक्षणि इन रानी न्याय इन दशिी ई दुनिया अन्द मंळसागोळद सांगुळ यदकु आंदरी दोषी ठहूसयार, यतकी आक सुलैमान उन ग्यान केळली पृथ्वी इन छोर टु बंदार, अदकि नोळी, ईल आव आन जो सुलैमान से भी धोड्डेव आन. 32 नीनवे नगर इन लॉकुर न्याय इन दशिी ई दुनिया अन्द लॉकुर सांगुळ नदिरकु, आंदरी दोषी ठहूसयार; यतकी आंदुर योना अन्द प्रचार केळकु पाप माळोद बटि बुटुर, अदकि नोळी, ईल आव आन जो योना से भी धोड्डेव आन.

मय इन दगिया

(मत्ती ५:१५; ६:२२,२३)

33 ११यावारा मंळसा दगिया होतताकु येल्यारा होचकु या बर्तन इन ल्यालमा ईटालुन, लेकीन दीवट मा ईटतान कबुळक बरावाळेर इक ऊजुळ सकिल. 34 नीन मय इन दगिया नीन कण्ण हुन, इदुरसाटी याग नीन कण्ण नर्मिल आव रा नीन सप्पा मय भी ऊजुळ इन घाई आद; लेकीन याग नीन कण्णगोळ अच बुरा आव रा नीन मय भी अंधार इन घाई आद. 35 इदुरसाटी सावधान ईरेत कजो ऊजुळ नीन दा आद अद अंधारकुप आगवाळुल. 36 इदुरसाटी अगर नीन सप्पा मय ऊजुळ आगुल अदकि अदुर्द यातोदु भाग अंधार ईरवाळुल रा सप्पा अन्द सप्पा हगि ऊजुळ आदीत, ह्यांग आ समय आगतद याग दगिया तान चमक देल नीनी ऊजुळ कोळतद.”

नयिम इन गुरुगोळ अदकि फरीसीगोळद शक्तिषा

(मत्ती २३:१-३६; मरकुस १२:३८-४०)

37 याग यीशु उन मातगोळ हेळकु आगेगीत रा यातोवारा फरीसी आऊन से वनिती माळदुन कनि नान मान्या भोजन माळ. यीशु बुळक होगकु भोजन माळली कुरतुन. 38 फरीसी इक ईद नोळकु अचम्भा आत कनि आव ऊमोर से पयले यहूदीगोळद रीतइन अनुसार कय तोळददील. 39 प्रभु आऊन से अंदुन, “हे फरीसीगोळा, नीव वाटी अदकि तंळग्या अक म्याक म्याकुच टु रा ऊदतीर, लेकीन नीम बुळक अंधार अदकि दुष्टता तुमकु आद. 40 हे नरिवुद्धीगोळा, याव व्हार्या अन्द भाग माळयान, येन आव बुळक इन भाग माळीदलि? 41 लेकीन हा, जो नीम हात्ती आद अद गरीबगोळी कोटबुळी, रा नोळी, सब येनारा नीम साटी शुद्ध आगेदीत.

42 “पर हे फरीसीगोळा, नीम मा हाय! नीव पदीना अदकि सुदाब इन अदकि हापाळ प्रकार इन साग पात इन दसवा अंश कोळतीर, लेकीन न्याय इक अदकि परमेश्वर उन प्यार इक टाल्स बुळतीर; माळोद रा हुन का इवरी भी माळतेला ईरायदीर अदकि अवरी भी ईला बळ्ळायदरि.”

43 “हे फरीसीगोळा, नीम मा हाय! नीव यहूदी लॉकुरद सभागूहगोळ दा मुख्य-मुख्य आसन अदकि सात्तागोळ दा नमस्कार अदकि प्यार चाहासतीर. 44 हाय नीम मा! यतकी नीव आ होचकोमद कवरगोळ घाई आईर, यार मा लॉकुर नळुतार लेकीन अरालुर.”

45 आग ऊंद व्यवस्थापक आऊक उत्तर कोट्टुन, “हे गुरु, ई मातगोळ्द अंदुर देल नी नाम अपमान माळत्या.”

46 आव अंदुन, “हे व्यवस्थापकगोळा, नीम मा भी हाय! नीव हगि ओझा यदरी नेगोद कठनि आद, मळसागोळ मा रचतीर लेकीन नीव खुद आ ओजागोळी नेगोर साटी तान ऊंद बेळल भी हचालीर. 47 हाय नीम मा! नीव आ भवषियवक्तागोळ्द कवरगोळ माळतीर, यवरी नीमद अच आप्प-दादागोळ कोंद बुटीदुर. 48 इदुरसाटी नीव गवाह आईर, अदकि तान आप्प-दादागोळ्द क्यालसागोळ देल सयमत आईर; यतकी आंदुर आंदरी कोंद बुदुर अदकि नीव आंदुरद कवरगोळ माळतीर. 49 इदुरसाटी परमेश्वर उन बुद्धी भी अंदाद, ‘ना आंदुर हात्ती भवषियवक्तागोळ अदकि प्रेरतिगोळी कळाईन, अदकि आंदुर आंदुर दा टु यारारा अक कोंद बुट्टार, अदकि यारारा अक सतुस्यार.’ 50 ताकी यास भवषियवक्तागोळ्द खुन दुनया अन्द उत्पत्तर्त दिल वाहुसकु आग्याद, सप्पा मुंदुरद हसिाब ई दुनया अन्द लॉकुर देल ताकोमकु आगुल: 51 हाबील उक कोंदकु आगीत आगुटु हुडुकु जकर्याह अक कोन्नोद ताका, जो वेदी अदकि मंदरि इन न्याड्या दा घात माळकु आगीत. ना नीम से खरा अनतीन, ई सप्पा मुंदुरद हसिाब ई समय इन लॉकुर देल ताकोमकु आदीत.

52 “हाय नीव व्यवस्थापकगोळ मा! नीव ग्यान इन कुंजी रा तान हात्ती इच ईटदीर, लेकीन नीव खुद अच प्रवेश माळीदलि, अदकि प्रवेश माळावाळेर इक भी रोकस बुट्टीर.”

53 याग यीशु अल टु होट्टुन, रा नयिम इन गुरु अदकि फरीसी कय तोळकु आऊन हदि बदिदुर अदकि हापाळ धोळ्द वाद माळली हतदुर का आव हापाळ सा मातगोळ्द चर्चा माळुल, 54 अदकि घात मा हतकु ईत्तुर का आऊन बाय इन यातोदारा मात हुडुल.

12

पाखंड इन वरिद्ध चैतावनी

(मत्ती १०:२६,२७)

1 ईट्टुर दा याग हजारो लॉकुरद भीळ हत्तेत, ईल ताका का आंदुर आवुर दाबुर मा बळ्ळी आगतोगोर, रा यीशु सब से पयले तान चेलगोळ से अनली कुरतुन, “फरीसीगोळ्द कपट्रूपी खमीर देल सावधान ईरतीर. 2 येनु होचकु हलैच, जो तेरूकु आगतीदील; अदकि ना येनारा होचकु आद, जो जान्सकु आगतीदील. 3 इदुरसाटी जो येनारा नीव अंधार दा अंदीर, अद ऊजुळ दा केळकु आदीत; अदकि जो नीव बुळ्क इन कमरागोळ दा कानो कान अंदीर, अद छत मा टु प्रचार माळकु आदीत.

यार देल अंजेव?

(मत्ती १०:२८-३१)

4 “ना नीम से जो नान संगी हुईर अनतीन का जो मय इन घात माळतार लेकीन अदुरद हदि मात्त येनु माळ सकालुर, आंदुर से अंजवाळी. 5 ना नीमी चैतावनी कोळतीन का यार से अंज पायजे, घात माळदुर बाद्दा यार इक नरक दा हाक्कोद अधिकार आद, आ परमेश्वर से अच अंजी; हव, ना नीम से अनतीन, आऊन से अच अंजी.

6 “येन येदद पैस्या अन्द अईद चमिणी पक्षी मारालव? तरी भी परमेश्वर अऊर दा टु ऊंद जीव इक भी मारालुन. 7 नीमव ताल्ला अन्द सप्पा चुट्टी भी आळ्ळु आव, इदुरसाटी अंजवाळी, नीव हापाळ चमिणीगोळ से भी कमिती आईर.

यीशु उक स्वीकार या अस्वीकार माळोद

(मत्ती १०:३२,३३; १२:३२; १०:१९,२०)

8 “ना नीम से अनतीन जो यावारा मंळसागोळ मुंद नानी मान्स कोंडान आऊक मंळसा अन पार भी परमेश्वर उन स्वर्गदूतगोळद मुंद मान्स कोंडान. 9 लेकीन जो मंळसागोळद मुंद नान इनकार माळुल आऊन परमेश्वर उन स्वर्गदूतगोळद मुंद इनकार माळकु आदीत.

10 “जो यावारा मंळसा अन पार उन वरिध दा यातोवारा मात अनुल, आऊन अद अपराध माफ माळकु आदीत, लेकीन जो पवतिर आत्मा अन्द अपमान माळुल, आऊन अपराध माफ माळकु आगतीदील.

11 “याग लॉकुर नीमी सभागोळ अदकि न्यायाधीशगोळ अदकि अधिकारीगोळद मुंद ओतार, रा चन्तिता माळबाळेतीर कानाव याता रीतदिले या येन उत्तर कोट्टेव, या येन अंदेव. 12 यतकी पवतिर आत्मा अदा समय नीमी कल्स बुट्टीत कियेन अनोद आद.”

ऊंद धनवान मूर्ख मंळसा अन्द उदाहरण

13 बाक भीळ दा टु ऊंद मंळसा यीशु से अंदुन, “हे गुरु, नान वार्ट से अन क्वापुप उन संपत्ती नान सांगुळ वाट्स कोमुल.”

14 आव आऊन से अंदुन, “हे मंळसा, याव नानी नीन न्यायी या बटवारा माळावाळा नयिक्त माळयान?” 15 अदकि आव आंदुर से अंदुन, “सावधान ईरी, अदकि हर प्रकार इन लोभ देल तान तान इक ऊळसकु ईटी; यतकी यारदारा जीवन आऊन संपत्ती मा नरिभर ईरालद.”

16 यीशु आंदुर से ऊंद उदाहरण अंदुन: “यावारा धनवान उन जमीन मा धोळ उपज आत. 17 आग आव तान मन दा वचिर माळली कुरतुन, ‘ना येन माळाईन? यतकी नान अल जागा हैलेच यल तान उपज ईट सकाईन.’ 18 अदकि आव अंदुन, ‘ना ईद माळाईन: ना तान लेल इन खरयान मूरदकु अदुर से वळलीद माळाईन; अदकि अल तान सप्पा अन्न अदकि संपत्ती ईटाईन; 19 अदकि ना खुद तान जीव से अनाईन क्वा, नीन हात्ती हापाळ वर्ष इन साटी हापाळ संपत्ती ईटकु आद; चैन ईट, तनि, कुड्ड, वळलीद देल ईर.’ 20 लेकीन परमेश्वर आऊन से अंदुन, हे मूर्ख! ईदा ईळलक नीन जीव नीन से ताकोमकु आदीत; आग जो येनारा नी जमा माळया अद यारद आदीत?

21 “हगि अच आव मंळसा भी आन जो तान साटी धन जमा माळतान, लेकीन परमेश्वर उन नजर दा धनी हैलेच.”

परमेश्वर मा भरोसा ईटी

(मत्ती ६:२५-३४)

22 बाक यीशु तान चेलागोळ से अंदुन, “इदुरसाटी ना नीम से अनतीन, तान जीव इन चन्तिता माळवाळी कानाव येन तनिदेव; ना तान मय इन कियेन हाक्केव. 23 यतकी भोजन से जीव, अदकि फळक्यागोळ से मय कमिती आद. 24 आकाश ईनव पक्षीगोळी नोळी; अव ना बीजा हचताव, ना कोयताव; ना तान तनि जागा दा संगरूसकु ईटताव; तरी भी परमेश्वर अवरी पालसतान. नीम कमित रा पक्षीगोळ से हापाळ यक्कुल आद! 25 नीम दा टु हगि याव आन जो चन्तिता माळकु तान जदिगी दा ऊंद घळी भी वाळस सकतान? 26 इदुरसाटी अगर नीव सब से स्यांळद कयाल्सा भी माळ सकालीर, रा दुसरा मातगोळद साटी येती चन्तिता माळतीर? 27 आळी दाकळव फूलगोळ मा ध्यान माळी क्वा अव ह्यांग वाळुसताव, ना तान साटी फळक्यागोळ माळताव; तरी भी ना नीम से अनतीन क्वा सुलैमान राजा भी तान पुरा जीवन दा, अऊर दा टु यारदु घाई कपळा हाक्कु ईला ईरोन. 28 इदुरसाटी अगर परमेश्वर मैदान इन काडडा अक, जो ईद आद अदकि नाळ बेक्की दा झोक्सकु आदीत, हगि कपळा हाकसुसतान; रा हे अल्पवशिवासीगोळा, आव नीमी येती हाकसुसतदिलि?”

29 “अदकि नीव ई मात इन खोज दा ईरवाळी क्वा येन तनिदेव अदकि येन कुळदेव, अदकि वचिर भी माळवाळी. 30 यतकी ई दुनिया अन्द लॉकुर ई सप्पा वस्तुगोळद खोज दा ईरतद: अदकि

नीम आप्प जानसतान की नीमी ई वस्तुगोळ्द जरवत आद. 31 लेकीन आऊन राज्य अन्द खोज दा ईरी, रा ई वस्तुगोळ भी नीमी सकिकेदव.”

स्वर्गीय धन

(मत्ती ६:१९-२१)

32 “हे नान स्यांळ्द झुण्ड इन लॉकरा, अंजबाळी; यतकी नीमव आप्प प्रसन्नता देल, नीमी राज्य कोळोद चाहास्यान. 33 तान संपत्ती मारकु दान माळबुळी; अदकि तान साटी हगि चीलागोळ माळी जो हाळोदव आगालव, मतलब स्वर्ग दा धन जमा माळी जो कम आगाल अदकि यऊर हात्ती काळ्ल होगालुन, अदकि कळिा भी बगिळ्दसाल. 34 यतकी यल नीम धन आद, अल नीम मन भी हतकु ईत्तीत.”

जागसतेला ईरी

35 *नीम नेळुगोळ कटकु ईरूल अदकि नीम दगिया होत्ताकु ईटी, 36 *अदकि नीव आ मंळसागोळ घाई बनसी, जो तान स्वामी इन हादी कायेत्यार की आव मदा दा टु याग बंदान, की याग आव बंदकु दरवाजा ठोकसुल रा तुरन्त आऊन साटी तेरू बुळुल 37 धन्य आर आ दासगोळ यारी स्वामी बंदकु च्याता नोळुल; ना नीम से खरा अनतीन की आव नेळु कटकु आंदरी भोजन माळली कुरस्यान, अदकि हात्ती बंदकु आंदुरद स्यावा माळ्यान. 38 अगर आव ईळ्लक इन दुसरा पहर या तसिरा पहर इक बंदकु आंदरी च्याता नोळुल, रा आ दासगोळ धन्य आर.

39 *लेकीन “नीव ईद ध्यान ईटी की अगर मान्ना अन्द स्वामी अरायदुन किकाळ्ल याता समय बंदान, रा च्याता ईरायदुन अदकि तान मान्या मान्ना अन काळ्लपनी ईला आग गोळायदुन.” 40 नीव भी तयार ईरी; यतकी याता घळी नीव भी सोचालीर, अदा घळी ना मंळसा अन पार होट बंदान.

वशिवासलायक या अवशिवासलायक दास

(मत्ती २४:४५-५१)

41 आग पतरस अंदुन, “हे प्रभु, येन ईद उदाहरण नी नाम से अच या सप्पा मुंदुर से अनत्या.”

42 प्रभु अंदुन, आव वशिवासलायक अदकि बुद्धिमान सेवक याव हुन, यार्द मुनीम आऊक नौकर चाकरगोळ्द म्याकुच अधिकारी नयिक्त माळुल की आंदरी समय मा भोजन सामग्री कोळुल. 43 धन्य आन आव दास, यारी आऊन स्वामी बंदकु हगि अच माळ्लत नोळुल. 44 ना नीम से खरा अनतीन, आव आऊक तान सप्पा संपत्ती मा अधिकारी नयिक्त माळ्यान. 45 लेकीन अगर आ दास तान मन दा ईद अनुल की नान स्वामी हापाळ समय देल बंदान, अदकि दास अदकि दासीगोळी बडुली-मेटली हतुल अदकि तदिर-कुळदुर दा हत्त ईतकु नशा दा चूर ईरूल. 46 रा आ दास उन स्वामी हगि दिन, याग आव आऊन हादी ईला कायतीदान, अदकि हगि समय यदरी आव जानसालुन, बंदान अदकि आऊक भारी दण्ड कोटकु आऊन जागा अवशिवासीगोळ्द सांगुळ टहरस्यान.

47 आ दास जो तान स्वामी इन इच्छा जानसोन, पर तयार आगकु आऊन इच्छा अन्द अनुसार कार्य माळीदलि, हापाळ बळसकोडान. 48 लेकीन जो ईद ईला जानसकु बळसकोमोद कार्य माळुल आव कम बळसकोडान. इदुरसाटी यारी हापाळ कोटकु आग्याद, आऊन से हापाळ बेळकु आदीत; अदकि यारी हापाळ सौप्सकु आग्याद, आऊन से हापाळ ताकोमकु आदीत.

यीशु उन कारण फूट बळोद

(मत्ती १०:३४-३६)

49 “ना पृथ्वी मा बेक्की हचली बंदीन; अदकि नान हापाळ इच्छा आद की अद बेक्की ईगलया हत्तेगाईत! 50 *नानी रा दुसरा प्रकार देल बपतसिमा ताकोमोद आद, अदकि यागासताका अद पुरा

आगाल आगासताका ना ह्यांग दुवधा दा ईराइन! ⁵¹ नीव येन समसतीर कनि धरती मा मल्लिाप माळसुसली बंदीन? ना नीम से अनतीन; ईला, उलटा ब्यारर माळसुसली बंदीन. ⁵² यतकी ईंगी टु ऊंद मानया दा अईद मुंदुर आपस दा दुश्मनी ईट्यार, मुर मुंदुर येद्वद मुंदुर से अदकि येद्वद मुंदुर मुर मुंदुर से. ⁵³ आप् पार उन, अदकि पार आप् उन खलिाप होदान; मोय पोर इन, अदकि पोर मोय इन, आत्त सास्सा अन्द, अदकि सास्स आत्ता अन्द खलिाप होदार.”

समय इन चमत्कार

(मत्ती १६:२,३)

⁵⁴ यीशु भीळ से अंदुन, “याग नीव बादल इक पश्चिमि टु येळत नोळतीर रा तुरन्त अनतीर कि माळ बंदीत, अदकि हांग अच आगतद; ⁵⁵ अदकि याग दक्षिण टु हवा नळत नोळतीर रा अनतीर कि बसिल हत्तीत, अदकि हांग अच आगतद. ⁵⁶ हे कपटीगोळा, नीव पृथ्वी अदकि आकाश इन रूप-रंग दा भेद माळ सकतीर, लेकीन ई युग इन बारा दा भेद माळोद येती जान्सालीर?”

सांगुळवाळेर सांगुळ समझौता

(मत्ती ५:२५,२६)

⁵⁷ “नीव खुद अच नरिणय येती माळ कोमालीर कि उचित येन आद? ⁵⁸ याग नी तान मुददई इन सांगुळ न्यायाधीश उन हात्ती होगेत्या रा हादी मा अच आऊन से बळिसुसोद प्रयत्न माळकोम, हगि आगबाळुल कि आव नीनी न्यायी इन हात्ती जेडुकु वोईल, अदकि न्यायी नीनी सपिाही इक सोपसुल अदकि सपिाही नीनी बंदीगृह दा हाक बुळुल. ⁵⁹ ना नीम से अनतीन कि यागासताका नी कवळी-कवळी तुम कोळतीदील आगासताका नी तान तान इक अल टु बळिस सकतीदलि.”

13

पाप माळोद बंद माळी या सोतोगी

¹ आ समय थवाळासा लॉकुर पोहचुसदुर, अदकि यीशु से आ गलीलीगोळद बारा दा चर्चा माळली कुरतुर, यारद खन पलितुस माळीदुन. ² ईद केळकु यीशु आंदुर से उत्तर दा ईद अंदुन, “येन नीव समसतीर कि ई गलीली येन सप्पा गलीलीगोळ से यक्कुल पापी ईरोर कि आंदुर मा हगि वपित्ती बतित? ³ ना नीम से अनतीन कि ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीत दिेल नाश आगीदीर. ⁴ या, येन नीव समसतीर कि आंदुर अठरा मुंदुर यार मा शीलोह इन गुममट बतित, अदकि आंदुर दबसकु सोतोदुर: यरूशलेम इन अदकि ईरावाळेर से यक्कुल अपराधी ईरोर? ⁵ ना नीम से अनतीन का ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीत दिेल नष्ट आदीर.”

बनि काय इन अंजीर इन मार्र इन उदाहरण

⁶ बाक यीशु ईद उदाहरण भी अंदुन: “यारदारा अंगुर इन केई दा ऊंद अंजीर इन मार्र हतकु ईरोद. आव अदुरदा काय दुंदुसली वंदुन, लेकीन नोळीदील. ⁷ आग आव बेल इन कायावाळा से अंदुन, ‘नोळ, मुर वर्ष टु ना ईद अंजीर इन मार्र दा काय दुंदुसली बरतीन, लेकीन नोळालीन. इदरी कळद बुळ कि ईद जागा अक भी येती रोकसकु ईटुल?’ ⁸ आग बेली कायावाळा उत्तर कोट्टुन, ‘हे स्वामी, इदरी ई वर्ष अदकि ईरगोळ कनि इदुर नाकु दी अगुळकु खात हाक्काईन. ⁹ बरावाळा साल दा अगर फलसूत रा भला, ईलारा अदरी कडु कोमत.’”

आराम इन दनि कुबळी आर्त इक चंगा माळोद

¹⁰ वशिराम इन दनि यीशु ऊंद यहूदी लॉकुरद सभागृह दा उपदेश माळोन. ¹¹ अल ऊंद आर्त ईरोर यारी अठरा वर्ष टु ऊंद कमजोर माळावाळा दुष्टआत्मा हतकु ईरोद, अदकि आक कुबळा आगेगीदुर अदकि यातोदु रीत दिेल सीधा ईला आग सकोर. ¹² यीशु आक इक नोळकु कारदुन अदकि अंदुन, “हे आर्त, नी तान कमजोरी देल वळ्लेर आगेद.” ¹³ आग आव आकनि मा कय ईटदुन, अदकि आक तुरन्त सरका आगेदुर अदकि परमेश्वर उन महिमा माळली हतदुर.

14 इदुरसाटी कऱ यीशु वशिराम इन दनि आकी वळलीसा माळीदुन, यहूदी इन यहूदी लॉकुरद सभागूह अनूद सरदार सट्टि दा बंदकु लॉकुर से अनली कुरतुन, “आऱः दनि आव यदुरदा क्याल्सा माळ पायजे अतः आ अच दनिगोळ दा बंदकु चंगा आगुल, लेकीन वशिराम इन दनि दा ईला.”

15 ईद केळकु प्रभु उत्तर कोट्टुन, “हे कपटीगोळा, येन वशिराम इन दनि नीम दा टु हर ऊंद मंळसा तान वसुता या गधा अक क्वाटक्या दा टु खोलसकु नीर कुळसुली वयालीर? 16 रा येन उचति ईला ईरोद कऱ ई आर्त जो अब्राहम इन औलाद उर यारी शैतान अठरा वर्ष टुकटकू ईटीदुन, आराम इन दनि ईद बंधन देल वळिसकु आगायदुर?” 17 याग आव ई मातगोळी अंदुन, रा आऊन सप्पा वरिधी सरमुसेदुर, अदकि सप्पा भीळ अव महामि अनूद क्याल्सागोळ से जो आव माळतोगोन, खुश आदुर.

राई इन बीजा अनूद उदाहरण

(मत्ती १३:३१-३२; मरकुस ४:३०-३२)

18 बाक यीशु अंदुन, “परमेश्वर उन राज्य यार घाई आद? अदकि ना आऊन उपमा यार देल कोळाईन? 19 आव राई इन ऊंद बीजा अनूद घाई आन, यारी यावारा मंळसा हुळकु तान केई दा बोऊसुदुन: अदकि अद वाळुसकु मार् आगेत; अदकि आकाश इन पक्षीगोळ अदुर डगालीगोळ मा बसेरा माळदव.”

खमीर इन उदाहरण

(मत्ती १३:३३)

20 यीशु बाक अंदुन, “ना परमेश्वर ऊन राज्य अनूद उपमा यार देल कोळाईन? 21 आव खमीर इन घाई आन, यदरी याकारा आर्त हुळकु हापाळ सा हीट दा मल्लिसदुर, अदकि आगूत-आगूत अद सप्पा हीट खमीर आगेत.”

स्यॉळद दरवाजा

(मत्ती ७:१३,१४-२१-२३)

22 यीशु नगर-नगर, अदकि ऊर-ऊर आगकु उपदेश माळतेला यरूशलेम इन दी होगोन, 23 रा यावारा आऊन से केळदुन, “हे प्रभु, यारी उद्धार सकितद आंदुर थ्वाळासा अच आर?”

यीशु आऊन से अंदुन, 24 “स्यॉळद हादी टु प्रवेश माळोद कोशशि माळी, यतकी ना नीम से अनतीन कऱ हापाळ सा प्रवेश माळोद चाहस्यार, अदकि माळ सकतीदलि. 25 याग मान्ना अनूद स्वामी यदकु दरवाजा बंद माळ कोंडान, अदकि नीव व्हारया नीदुरकु दरवाजा टोकसकु अनी, ‘हे प्रभु, नाम साटी खोलस बुळ,’ अदकि आव उत्तर कोळुल, ‘ना नीमी अरालीन, नीव येलेर हुईर?’ 26 आग नीव अनली हत्तीर, नाव नीन सामने तदिन-कुळदीन अदकि नी नाम सात्तागोळ दा उपदेश माळद. 27 लेकीन आव अंदान, ना नीम से अनतीन, ‘ना अरालीन नीव येलेर हुईर. हे अन्याय माळावाळेरा, नीव सब नान से दुर आईर.’ 28 *अल वोरलोद अदकि हल्ल कचचोद आदीत; याग नीव अब्राहम अदकि इसहाक अदकि याकूब अदकि सब भवषियवक्तागोळी परमेश्वर उन राज्य दा कुरतकु नोळीर, अदकि तान तान इक व्हारया तेगुत नोळीर. 29 अदकि पूव अदकि पश्चिम; उत्तर अदकि दक्षिण टु लॉकुर बंदकु परमेश्वर उन राज्य अनूद भोज दा भागी आदार. 30 *अदकि आंदुर जो ईग हदिळोर आर आंदुर पयला आदार, अदकि जो ईग पयला आर, आंदुर हदिळोर आदार.”

यीशु उन यरूशलेम इन साटी प्यार

31 अदा घळी येनारा फरीसीगोळ बंदकु यीशु से अंदुर, “ईल टु होटकू येल्यारा अलग होटोग, यतकी हेरोदेस नीनी कोंद बुळोद चाहासतान.”

32 यीशु आंदुर से अंदुन, “होगकु आ कोलया से अंदबुळी कऱ नोळ, ना ईद अदकि नाळ दुष्टआत्मागोळी नेगुतीन अदकि बमिरागोळी चंगा माळतीन, अदकि तसिरा दनि तांद क्याल्सा

* 13:28 १३:२८ मत्ती २२:१३; २५:३०

* 13:28 १३:२८ मत्ती ८:११,१२

* 13:30 १३:३० मत्ती ११:३०; २०:१६; मरकुस

पुरा माळाईन. 33 तरी नीनी ईद अदकि नाळ अदकि तसिरा दशी नळोद जरूरी आद, यतकी आगसकाल की यावारा भवषियवक्ता यूरुशलेम इन व्हार्या कोनुसुसकु आगुल.

34 “हे यूरुशलेम! हे यूरुशलेम! नी जो भवषियवक्तागोळी कोंद वुळत्या, अदकि जो परमेश्वर उन दी टु अपमान हात्ती कळ्ळु आगुयार आंदुर मा पथराव माळत्या. यास अच घन ना ईद चाहासदीन की ह्यांग कोळी तान पाडडगोळी तांद पक्किागोळ्द ल्यालमा जमा माळतद, हांग अच ना भी नीन चकोरगोळी जमा माळाईन, पर नीव ईद चाहासीदलि. 35 नीम मान्ना नीम साटी उजाळ वटिकु होगतद, अदकि ना नीम से अनतीन: यागासताका नीव ईला अंदीर, धन्य आन आव, जो प्रभु ऊंद हेसुर देल बरतान, आगासताका नीव नानी वाक यागलु नोळतीदलि.”

14

आराम इन दशी चंगा माळोद

1 वाक आव आराम इन दनि फरीसीगोळ सरदारगोळ दा टु यारदारा मान्या रोट्टी तनिली होदुन; अदकि आंदुर आऊंद घात दा ईरोर. 2 अल ऊंद मंळसा आऊन सामने ईरोन, यारी मय इन सुजन इन बमिारी ईरोद. 3 ईदुर मा यीशु व्यवस्थापकगोळ अदकि फरीसीगोळ से अंदुन, “नाम नयिम इन अनुसार येन आराम इन दनि वळ्लीद माळोद उचति आद या ईला?”

4 लेकीन आंदुर सुंगा ईत्तुर. आग आव आऊक मुटकु चंगा माळदुन अदकि होग गोट्टुन, 5 यीशु आंदुर से अंदुन, “नीम दा टु हगि याव आन, यार्द पार या वस्ता भाय दा बदिगुल अदकि आव आराम इन दनि अदरी तुरन्त व्हार्या तेगुतदिल?”

6 आंदुर ई मातगोळ्द येनु उत्तर कोळ सकदिल.

नमरता अदकि अतथी-स्तकार

7 याग यीशु नोळदुन की आमन्त्रति लॉकर ह्यांग मुख्य-मुख्य जागा नीवळ्ळुस कोमतार रा ऊंद उदाहरण कोटकु आंदुर से अंदुन, 8 “याग यावारा नीनी मदा दा कारदान, रा मुख्य जागा मा कुरबाळेत, ईदारा हगि आगबाळ्ळुल की आव नीन से भी यावारा धोड्डेव उक नेवता कोटीदान, 9 अदकि याव नीनी अदकि आऊक येददु मुंदरी नेवता कोटान, बंदकु नीन से अनुल, ईऊक जागा कोळ, अदकि आग नीनी सर्मदि आगकु सब से ल्यालमा जागा दा कुरोद बदिदीत. 10 पर याग नीनी कारूकु आगुल रा सब से ल्यालमागोळ्द जागा मा होगकु कुर की याग आव, याव नीनी बावस्या कोटान बरूल, रा नीन से अनुल, हे संगी, मुंद बंदकु कुर; आग नीन सांगुळ कुरावाळ्ळेरद मुंद नीन बळाई आदीत. 11 यतकी जो यावारा तान तान इक धोड्डेव हेळ्यान, आव स्याणैव माळकु आदान; अदकि जो यावारा तान तान इक स्याणैव हेळ्यान, आव धोड्डेव माळकु आदान.”

12 आग यीशु तान बावस्या कोळावाळा से भी अंदुन, “याग नी हागुल इन या ईळ्ळक इन भोज ईट, रा तान संगीगोळी या वारटुरी या कुटुम्बगोळ या धनवान मान्ना हातळोर इक कारूबाळ, ईदारा हगि आगबाळ्ळुल की आंदुर भी नीनी बावस्या कोळ्ळुल, अदकि नीन वाटा खळ्ळुसेगुल. 13 लेकीन याग नी भोज माळ्या रा कंगालगोळी, लंगळा, लुलागोळी अदकि कुदुदगोळी कारू. 14 आग नी धन्य आद्या, यतकी आंदुर हात्ती नीनी बदला कोळली येनु हैलेच, लेकीन नीनी न्यायीगोळ जत्तिता आगदुर मा इदुर प्रतफिल सकिकीत.”

धोळद भोज इन उदाहरण

(मत्ती २२:१-१०)

15 आऊन सांगुळ भोजन माळावाळेर दा टु ऊंद मंळसा ई मातगोळी केळकु यीशु से अंदुन, “धन्य आन आव जो परमेश्वर उन राज्य दा धोळद भोज तदिान.”

16 यीशु आऊन से अंदुन, “यावारा मंळसा धोळद भोज कोट्टुन अदकि हापाळ मुंदुर इक कारदुन.

17 याग भोजन तयार आगेत रा आव ताम दास उन कय देल आमन्त्रति लॉकुरी कारूली कळ्ळुदुन

‘बरी, ईग भोजन तयार आद.’ 18 पर आंदुर सब इन सब माफ बेळली कुरतुर. पयला आऊन से अंदुन, ना केई कोंड कोंडीन, अदकि ज़री आद कनि अदरी नोळाईन; ना नीन से वनिती माळतीन, नानी माफ माळकोम. 19 दुसरा मंळसा अंदुन, ना अईद जोडी वसता कोंड कोंडीन, अदकि अऊर जाँच माळली होगतीन; ना नीन से वनिती माळतीन नानी माफ माळ बुळ. 20 ऊंद मंळसा मातत अंदुन, ना मदा माळीन, इदुरसाटी ना बर सकालीन.

21 “आ दास बंदकु तान स्वामी इक ई मातगोळी अंदकु हेळदुन. आग मान्यागोळ स्वामी सट्टि दा बंदकु तान दास से अंदुन, ‘नगर इन सात्तागोळ दा अदकि गलीगोळ दा तुरनुत होगकु कंगालगोळी, लुला, लंगळागोळ अदकि कृढगोळी ईल तरी.’ 22 दास मातत अंदुन हे स्वामी, ह्यांग नी अंददि, हांग अच माळकु आग्याद; अदकि तरी भी जागा आद.’ 23 स्वामी दास से अंदुन, ‘सळकगोळ मा अदकि वाळागोळ दी होग अदकि लाँकुरी वविश माळकु ता ताकी नान मान्ना तुमगेगुल. 24 यतकी ना नीम से अनतीन कि आ आमनूत्रति लाँकुर दा टु यारू नांद भोज इक नेकतीदलि.’”

चेला बनसोद कमित
(मत्ती १०:३७,३८)

25 याग धोळद भीळ आऊन सांगुळ होगोद, रा यीशु हदि तरिगकु आंदुर से अंदुन, 26 * “अगर यावारा नान हात्ती बंदान अदकि तान आप्प अदकि मोय अदकि हगिस अदकि चकिोर अदकि वारटुर अदकि आकतीगेर उलटा तान जीव इक भी नान से यक्कुल अप्पयि जानसालुन, रा आव नान चेला आग सकालुन; 27 * अदकि जो यावारा मंळसा दुख नेगुकु कूरस मा सायली तयार आगालुन, अदकि नान हदि बरालुन, आव भी नान चेला आग सकालुन.

28 “नीम दा टु याव आन जो मान्ना माळोद चाहस्तीदान, अदकि पयला कुरतकु खर्च जोळसालुन कि याट खर्चा आदीत अदरी पुरा माळोद ताकत नान हात्ती आद का ईला? 29 ईदारा हगि आगबाळुल कि याग आव पायवा रा हाक्क बुट्टुन पर पुरा तयार माळसकीदलि, रा सप्पा नोळावाळेरे ईद अंदकु आऊक मज्याक दा हारसली हतदुर, 30 ईव मंळसा माळली रा कुरतुन पर तयार माळ सकदील!’

31 “या याव हगि राजा आन जो दुसरा राजा से युद्ध माळली होगतान, अदकि पयले कुरतकु वचारि माळ कोमालुन कि जो ईपपत हजार सेना हुळकु नान मा येरकु बरतान, येन ना हत्त हजार सेना हुडुकु आऊंद सामना माळ सकतीन, या ईला? 32 ईलारा आऊन दुर ईरतेला अच आव स्वर्गदूतगोळ इक कळुकु मलिाप माळोद चाहास्यान. 33 ईदा रीति देल नीम दा टु जो यावारा तान सब येनारा त्यागसालुन, आव नांद चेला आग सकालुन.

बनिा स्वाद इन ऊप्प
(मत्ती ५:१३; मरकुस ९:५०)

34 “ऊप्प रा वळलीसा आद, लेकीन अगर ऊप्प इन स्वाद बगिळुसेत, रा अद याता चजि देल नमकीन माळकु आदीत. 35 अद ना रा जागा अन्द अदकि ना खात इन साटी क्याल्सा दा बरतद: अदरी रा लाँकुर व्हार्या भीट बुळतार. यारव केळव कवि आव आव केळ कोमुल.”

15

काळद म्यांडा अन्द उदाहरण
(मत्ती १८:१२-१४)

1 * सब कर ताकोमावाळेरे अदकि पापी यीशु उन हात्ती बंदुर ताकी आऊन केळुल. 2 पर फरीसी अदकि नयिम इन गुरु कुळकुळुसुकु अनली कुरतुर, “ईव पापीगोळ से सकितान अदकि आंदुर सांगुळ तनितान.” 3 आग आव आंदुर से ईद उदाहरण अंदुन:

* 14:26 १४:२६ मत्ती १०:३७ * 14:27 १४:२७ मत्ती १०:३८; १६:२४; मरकुस ८:३४; लुका ९:२३ * 15:1 १५:१ लुका ५:२९,३०

4 “नीम दा टु याव आन यार्द सौ म्यांडागोळ ईरूल, अदकि अऊर दा टु ऊंद काळ्दोगुल, रा नीन्यानव म्यांडागोळी आळी दा बटिकु, आ काळ्द म्यांडा अक यागासताका सक्किकाल आगासताका हुंदसतेला ईरबाळ्दल? 5 अदकि याग सक्किकेगताव, आग आव बळा खुशी देल अदरी खांदा मा नेगु वुळतान; 6 अदकि मान्या बंदकु संगीगोळी अदकि मान्ना हातळोर लॉकुरी जमा माळकु अनतान, ‘नान सांगुळ खुशी माळी, यतकी नान म्यांडा जो काळ्दोगीत सक्किकेग्याद.’ 7 ना नीम से अनतीन कि ईंदा रीतिले ऊंद मन तरिगुसावाळा पापी इन बारा दा भी स्वर्ग दा ईट अच खुशी आदीत, याट कि नीन्यानव ईतता न्यायीगोळ्द बारा दा आगाल्द, जो पाप माळोद पयला अच बटि वुटार.

काळ्द सक्किका अन्द उदाहरण

8 “या याक हगि आर्त ईतीदार यार्द हात्ती हत्त सक्किकागोळ ईरूल, अदकि अऊर दा टु ऊंद काळ्दोगुल, रा आक दगिया होत्ताकु अदकि मान्ना उळ्ग उळ्गकु, यागासताका आ सक्किका सक्किकेगाल जी जान हचकु हुंदसतीदलि? 9 अदकि याग सक्किकेगताव, रा आक तान सैलीगोळी अदकि मान्ना बाजुवाळेर इक जमा माळकु अनतार, ‘नांद सांगुळ खुशी माळी, यतकी नांद सक्किका जो काळ्दोगीत सक्किकेग्याद.’ 10 ना नीम से अनतीन कि ईंदा रीतिले ऊंद मन तरिगुसावाळा पापी अन्द बारा दा परमेश्वर उन स्वर्गदूतगोळ्द मुंद खुशी आगतद.”

काळकु पार ऊंद उदाहरण

11 बाक यीशु अंदुन, “यावारा मंळसा नव येदद चकिोर ईरोर. 12 आंदुर दा टु स्याणेव आप्प से अंदुन, ‘हे आप्पा, संपत्ती दा टु जो भाग नांद आद अद नानी कोटवुळी.’ आव आंदरी तान सम्पत्ती वाट्सदुन. 13 यक्कुल दिन बतिसलीका ईरव कि स्याणेव पार सब येनारा जमा माळकु दुर द्याश इक होटोदुन, अदकि अल कुक्कम इन क्याल्सा दा तान सप्पा सम्पत्ती हारस बुटदुन. 14 याग आव सब येनारा खर्च माळ कोडुन, रा आ द्याश दा धोळ्द अकाल बतित, अदकि आव कंगाल आगेदुन. 15 इदुरसाटी आव आ द्याश दा अल ईरावाळा ऊंद मंळसा अन्द मान्या क्याल्सा नोळली होदुन. आव आऊक तान केय दा हंदी आळसोर साटी कळुदुन. 16 अदकि आव चाहासोन कि अव फल्लुगीगोळ से यवरी हंदी तनिव, तांद व्हाट्टा तुम्मूल; अदकि आऊक याऊ येनु ईला कोळोन. 17 याग आव तान होश दा बंदुन आग अनली कुरतुन, नान आप्प ऊंद यासारा अच मजदूरगोळी व्हाट्टा से यक्कुल रोटी सकिताव, अदकि ना ईल उपास सायेतनि. 18 ना ईग यदकु तान आप्प उन हात्ती होगार्दन अदकि आऊन से अनार्दन कि हे आप्प, ना स्वर्ग इन वरिध दा अदकि नीन नजर दा पाप माळदीन. 19 ईग ई लायक ईतीदील कि नानी नीन पार अंदकु आगुल, नानी तान ऊंद मजदूर उन घार्ई ईट कोम. 20 आग आव यदकु, तान आप्प उन हात्ती होदुन:

“आव ईगल्या दुर अच ईरोन कि आऊन आप्प उक आऊक नोळकु दया बत्त, अदकि ओळतेला आऊक तान याददा से हचदुन, अदकि आऊद हापाळ चुम्मा ताकोडुन. 21 पार आऊन से अंदुन, ‘हे आप्प, ना स्वर्ग इन वरिध दा अदकि नीन नजर दा पाप माळीन; ना ईग नीन पार अना लायक ईतीदील.’ 22 लेकीन आप्प तान दासगोळ से अंदुन, ‘जल्दी वळ्लीसा सा वळ्लीसा कपळा तेगुकु आऊक हाकसुसी, अदकि आऊद कय दा ऊंगरा, अदकि कालगोळ दा केर हाकसुसी, 23 अदकि पाल्सद व्हात तनकु कोण्णी ताकी नाव तनिदेव अदकि खुशी मान्सेव. 24 यतकी नानव ईव पार सोतोगदिन, बाक जत्तिता आग्यान: काळ्दोगदिन, ईग सक्किकेग्यान.’ अदकि आंदुर खुशी माळली कुरतुर.

25 “लेकीन आऊन धोळ पार केई दा ईरोन. याग आव वरतेला मान्ना अन्द हात्ती पोहचुसदुन, रा आव गाना मुरसोद अदकि कुण्णोद आवाज केळदुन. 26 इदुरसाटी आव ऊंद दास उक कारूकु केळदुन, ‘ईद येन आगेत्याद?’ 27 आव आऊन से अंदुन ‘नीन स्याणेव वार्ट बंदान, अदकि नीन आप्प आऊक भला चंगा नोळ्यान, इदुरसाटी नीन आप्प धोळ्द पाल्सद व्हात कळसुस्यान.’

28 “ईद केळकु आव सट्टि देल तुममेदुन अदकि वुळक होगोद चाहासीदल, लेकीन आऊन आप्प व्हाऱ्या बंदकु आऊक मनुसली कुरतुन. 29 आव तान आप्प उक उत्तर कोट्टुन, ‘नोळ, ना ईस वरष ट्टु नीन स्यावा माळ्ळीतीन अदकि ना यागलु भी नीन आग्या टाल्सीदील, तरी नी नानी यागलु ऊंद मर्री इन पाड्डा भी कोटीदील का ना अदरी वोतकु तान संगीगोळी सांगुळ खुशी माळाईन. 30 लेकीन याग नीनव ईव पार बंदुन, याव नीन सप्पा संपत्ती वेश्यागोळ मा हारस बुट्टुन, तरी आऊन साठी नी धोळद पालसद पाड्डा कळसुस बुट.’ 31 आप्प तान धोळ पार उन से अंदुन, ‘नान पारा, नी हमेशा नान सांगुळ ईत्या; अदकि जो येनारा नांद आद अद सप्पा अपमान अच हुन. 32 लेकीन नामी ईग खुशी माळोद अदकि मग्न ईरोद आद यतकी नीनव ई वार्ट सोतोगदिन, ईग जत्तिता आगेग्यान; अदकि पयले काळदोगदिन, ईग सकिकेग्यान.’”

16

चतुर मुनीम

1 बाक यीशु चेलागोळ से भी अंदुन, “यातोवारा धनवान ईनव ऊंद मुनीम ईरोन, अदकि लॉकुर आऊन सामने आऊन मा ईद दोष हचदुर का आव अपमान सप्पा संपत्ती हारस कोमतान. 2 इदुरसाटी आव आऊक कारूकु अंदुन, ईद येन हुन जो ना नीन बारा दा केळेतीन? तांद मुनीमगीरी इन लेखा कोळ, यतकी नी मुंद नळ्ळु भंडारी ईरसकाल.” 3 आग मुनीम वचिर माळली कुरतुन, “ईग ना येन माळाईन? यतकी नान स्वामी रा ईग इन कयाल्सा नान कय दा ट्टु कसेत्यान. मूण्ण रा नान से अगुळकु आगाल; अदकि भीख वेळदुर दा नानी शरम वरतद. 4 ना समसेगीन का येन माळाईन ताकी याग ना मुनीम इन कयाल्सा मा ट्टु तेगुकु आगाईन रा लॉकुर नानी तान मान्नागोळ दा ताकोम कोमुल.”

5 “आग आव ताम स्वामी इन देनदारगोळी ऊंद-ऊंद माळकु कारदुन अदकि पयला देनदार उन से केळदुन, नीन मा नान स्वामी इन याट कर्ज आद?” 6 आव अंदुन, “सौ माफ जैतून इन याण्णा,” आग आव आऊन से अंदुन, “तान खाता हुडु अदकि कुरतकु तुरन्त पचास मन लखिस कोम.” 7 बाक आव दुसरा से केळदुन, नीन मा याट कर्ज आद? आव अंदुन, “सौ मन गोदी नव बॉरा,” आग आव आऊन से अंदुन, तान खाता दा येठ्ट सौ लखिस कोम.

8 “स्वामी आ न्यायी मुनीम उन वाहवाही माळदुन यतकी आव चतुराई देल कयाल्सा माळदुन. ई दुनया अन लॉकुर तान समय इन लॉकुर सांगुळ रीत वियवहारगोळ दा ऊजुळ दा नळावाळर लॉकुर से यक्कुल चालाक आर.”

9 अदकि यीशु आंदुर से अंदुन का दुनया अन धन देल तान साठी संगी माळकोमी, यतकी याग आंदुर होग्त् ईत्तार रा आंदुर नीमी अननन्त नवासगोळ दा ताकोम कोमुल. 10 जो थ्वाळासा दा वशिवासलायक आन, आव हापाळ दा वशिवासलायक आन: अदकि जो थ्वाळासा दा अन्यायी आन, आव हापाळ दा भी अन्यायी आन. 11 इदुरसाटी याग नीव दुनया अन धन दा खरा ठहूरसतीदील, रा वशिवासलायक धन नीमी याव सोपस्यान? 12 अदकि अगर नीव दुसरा लॉकुर धन इन प्रती वशिवासयोग्य ईरतीदील रा जो नीमद धन आद, अदरी नीमी यार कोट्टार?

13 * “यावारा दास येदुद स्वामीगोळ्द स्यावा माळ सकालुन: यतकी आव रा ऊंद से दुश्मनी अदकि दुसरा से प्यार ईत्यान; या ऊंद मंळसा अक ईमानदार अदकि दुसरा अक नीच जानस्यान. नीव परमेश्वर अदकि धन येदुद स्यावा माळ सकालीर.”

यीशु उन थ्वाळासा उपदेश

(मत्ती ११:१२, १३; ५:३१, ३२; मरकुस १०:११, १२)

14 फरीसी जो धन इन लालची ईरोर, ई सब मातगोळी केळकु अवरी मज्याक दा हारसली हतदुर. 15 यीशु आंदुर से अंदुन, नीव रा मंळसागोळ मुंद तान तान इक न्यायी ठहूरसतरि, लेकीन परमेश्वर

नीम मन इक जानूसतान, यतकी जो वस्तु मंळसागोळ्द नजर दा महान आद, अद परमेश्वर ऊंद हात्ती बेकार आद.

16 *मूसा अन्द व्यवस्था अदकि भवषियवक्ता यूहन्ना बपतसिमा कोळावाळा ताका ईरूल; आ समय टु परमेश्वर उन राज्य अन्द खुशखबरी केळसकु आगेत्याद, अदकि हर यावारा अदुर दा प्रबलता देल प्रवेश माळतान. 17 *आकाश अदकि पृथ्वी इन टलसोद व्यवस्था अन्द ऊंद बदि उन मटिसोर से यककुल आसान आद.”

18 *जो यावारा मंळसा तान हगिस उक छोळ चटिठी कोटकु दुसरा से मदा माळतान, आव व्यभचार माळतान, अदकि जो यावारा हगि छोळ चटिठी वळत आरुत इन से मदा माळतान, आव भी व्यभचार माळतान.”

धनी मंळसा अदकि लाजर

19 “ऊंद धनवान मंळसा ईरोन जो रेशमी धागा अन्द कपळा अदकि मुलायम कपळा हाकतोगोन अदकि हर रोज सुख-विलास देल ईरतोगोन. 20 अदकि लाजर हेसुर नव ऊंद कंगाल मंळसा धावगोळ देल तुमकु आ धनी मंळसा अन्द दरवाजा मा बटिकु आगतोगोन, 21 अदकि आव चाहासोन कि धनवान इन मेज माकळोद बदिद खाना देल तान व्हाट्टा तुम्यान; ईल ताका कनिायगोळ भी बंदकु आऊन धावगोळी नेकतोगव.”

22 “हगि आत कि आव गरीब मंळसा सोतोदुन, अदकि स्वर्गदूतगोळ आऊक वोतकु अब्राहम उन हात्ती पोहचुसदुर. आव धनवान मंळसा भी सोतुतुन अदकि नळसकु आदुन, 23 अदकि मृत्यु अन्द दुनिया दा आव पीळा दा बदिकु तान कण्णगोळी नेगदुन, अदकि दुर अब्राहम उन हात्ती लाजर उक नोळदुन.” 24 आग आव कारूकु अंदुन, “हे आप्प अब्राहम, नान मा दया माळकु लाजर उक कळबुळ, ताकी आव तान बेळल इन सरिा नीर दा नेनाक्कु नान ल्यालग्या अक टंडा माळुल, यतकी ना ई ज्वाला दा तळपुसेतनि.”

25 लेकीन अब्राहम अंदुन, “हे पारा, याद माळ कि नी तान जीवन दा वळ्ळीद वस्तुगोळी कौड कोड्या, अदकि हांग अच लाजर बेकार वस्तुगोळी: लेकीन ईग आव ईल सुख ताकोमेतयान, अदकि नी तळपुसेत्या. 26 ई सब मातगोळी बटिकु नाम्द अदकि नीम्द न्याड्या ऊंद गड्डा ठहरूसकु आग्याद कि जो ईल टु आप्पाटी नीम हात्ती होगोद चाहास्तार, आंदुर होगसकीदलि; अदकि ना यावारा अल टु ईपाटी नाम हात्ती बरसकीदलि.”

27 आ धनी मंळसा अंदुन, “रा हे आप्पा अब्राहम, ना नीन से वनिती माळतीन किनी लाजर उक नान आप्प उन मान्या कळ, 28 यतकी अल नान अईद वारटुर आर; आव आंदुर मुंद ई मातगोळ्द चेतावनी कोळुल, हगि आगबाळुल कि आंदुर भी ई पीळा अन्द जागा दा बरूल.”

29 अब्राहम आऊन से अंदुन, “नीन वारटुर हात्ती रा मूसा अन्द नयिम अदकि भवषियवक्तागोळ्द कतिबगोळ आव जो आंदरी चेतावनी कोळताव, आंदुर अदुरद केळुल.” 30 आव अंदुन, “ईला, हे आप्प अब्राहम; पर अगर यावारा जतिता आगकु आंदुर हात्ती होगुल, रा आंदुर पापगोळी माळोद बंद माळ बुट्टार.” 31 अब्राहम आऊन से अंदुन, “जव आंदुर मूसा अदकि भवषियवक्तागोळ्द केळालुर, रा अगर सोत्तुर दा टु यावारा जतिता भी आगुल तरी आऊंद मान्सालुर.”

17

पाप, वशिवास, कर्तव्य

(मत्ती १६:६,७,२१,२२; मरकुस ९:४२)

1 बाक यीशु तान चेलागोळ से अंदुन, “ईद रा आगोद अच आद कि मंळसा थ्वाळासा मातगोळ कारण पाप दा बळुल, लेकीन हाय, आ मंळसा मा यार कारण पाप आगताव! 2 जो ई स्याणेर दा टु

यावारा ऊंद मंळसा अक पाप दा हाकतान, आऊन साटी ईद भला आगाईत कि चक्की इन पट्टा आऊन कुतक्या दा हलिंगुसकु आगाईत, अदकि आऊक समुद्र दा हाक्कु आगाईत.” 3 *सचेत ईरी;

अगर “नीन वार्ट अपराध माळुल रा आऊक समझुस, अदकि अगर पसतावा माळतान रा आऊक माफ माळ. 4 अगर हागुल तमि दा आव येळ घन नीन खलिाप पाप माळुल अदकि येळु घन नीन हात्ती बंदकु अनुल, ‘ना पसतावा माळेतीन,’ रा आऊक माफ माळ.”

वश्वास

5 आग प्रेरतिगोळ यीशु से अंदुर, “नामद वश्वास वाळुस.”

6 प्रभु अंदुन, “अगर नीमी राई इन बीजा अन्द बराबर भी वश्वास ईराईत, रा नीव ई शहतूत इन मारूर से अनायदीर का तान ताना जळ सकट कतिकु समुद्र दा हत्तेग, रा अद नीम आग्या मानस कोमाईत.

वळ्लेव सेवक बनसी

7 “नीम दा टु हगि याव आन, यारद दास नांगर जोत्सतदिन या म्यांङागोळी आळसतदिन, अदकि याग आव केई दा टु बरूल, रा आऊन से अनुल, ‘तुरन्त बंदकु ऊमली कुर?’ 8 नश्चिति अच ईला! आव आऊन से ईला अंदान, ‘नान ऊमोर साटी येनारा माळ अदकि अदकि यागासताका ना तनिद-कुडोद माळ कोमालीन, आगासताका नान स्यावा माळ; अदुर वाद्दा नी भी तनिद-कुडोद माळ कोमेत?’ 9 आग्यागोळद पालन माळोर साटी येन आव तान दास उक धन्यवाद कोट्टान? 10 ईदा रीत दैल नीव भी याग आ सप्पा क्याल्सागोळी माळ कोंडीर यदुर्द आग्या नीमी कोट्टकु आगीत, रा अनी, ‘नाव साधारण दास आयेव; जो नामी माळ पायजे ईरोद नाव सर्रिफ अदा माळदेव.’”

कोढ इन हत्त रोगीगोळी चंगा माळोद

11 हगि आत का यीशु यरूशलेम होगाहोती सामरीया अदकि गलील इन न्याड्या टु आगूत होगोन. 12 यातोदारा ऊर दा प्रवेश माळाहोती आऊक हत्त कोढी लॉकुर सकिदुर जो आऊन से दुर नदिरकु ईरोर. 13 आंदुर धोळद आवाज दा कारूकु अंदुर, “हे यीशु, हे स्वामी, नाम मा दया माळ!”

14 यीशु आंदरी नोळकु अंदुन, “होगी, अदकि तान तान इक याजकगोळी तोरसी.”

अदकि होगूत-होगूत अच आंदुर शुद्ध आगेदुर. 15 आग आंदुर दा टु ऊंद ईद नोळकु का ना चंगा आगेगनि, ऊँचा आवाज दैल परमेश्वर उन बळाई माळतेला वापस बंदुन; 16 अदकि यीशु उन कालगोळ मा वाय इन भार बदिक्कु आऊन धन्यवाद माळली कुरतुन; अदकि आव सामरी ईरोन. 17 ईदुर मा यीशु अंदुन, “येन हत्तु मंदुर शुद्ध आगीदील, रा बाक आंदुर ऊँभवत यल आर? 18 येन ई परदेशी अक बटिकु मात्त यावारा वापस बंददील जो परमेश्वर उन बळाई माळायदुन?” 19 आग यीशु आऊन से अंदुन, “यदकु होटोग; नीन वश्वास नीनी वळ्लीद माळ्याद.”

परमेश्वर उन राज्य अन्द आगमन

(मत्ती २४:२३-२८,३७-४१)

20 याग फरीसीगोळ यीशु से केळदुर का परमेश्वर उन राज्य याग बंदीत, रा यीशु आंदरी उत्तर कोट्टुन, “परमेश्वर उन राज्य दूश्य रूप दा बराल. 21 अदकि लॉकुर ईद अनतीदलि, ‘नोळी, ईल आद, या अल आद.’ यतकी, परमेश्वर उन राज्य नीम न्याड्या आद.”

22 बाक आव चेलागोळ से अंदुन, “हगि दनि बंदव, यारदा नीव मंळसा अन पार उन दनिगोळ दा टु ऊंद दनि इक नोळोद चाहासीर, अदकि नीव नोळ सकतीदलि. 23 लॉकुर नीम से अंदार, ‘नोळी, अल आन!’ या ‘नोळी, ईल आन!’ लेकीन नीव होगबाळेतीर अदकि आंदुरद हदि भी आगबाळेतीर. 24 यतकी ह्यांग बजिली आकाश इन ऊंद छोर टु दुसरा छोर ताका चमकुसतद, हांग अच मंळसा

अन पार भी तान दिन दा प्रगट आदान. 25 लेकीन पयला जरूरी आद की आव हापाळ दुख नेगदान, अदकि ई समय इन लॉकुर द्वारा आऊक तुच्छ टहरुसकु आदीत. 26 हयांग नूह अन्द दनिगोळ दा आगीत, हांग अच मंळसा अन पार उन दनिगोळ दा भी आदीत. 27 याता दिन ताका नूह जहाज मा येरीदलि, आ दिन ताका लॉकुर तनिर-कुडोर, अदकि आंदुर दा मदा आगतोगेव. आग नीर इन बाळ बंदकु आ सब मुंदरी नाश माळत. 28 अदकि हयांग लूत इन दनिगोळ दा आगीत की लॉकुर तनिर-कुडोर, लेन-देन माळोर, मार्र हचोर अदकि मानना माळतोगोर; 29 लेकीन याता दशिी लूत सदोम टु होट्टुन, आ दशिी बेककी अदकि गन्धक आकाश टु वरसुस्त अदकि सब मुंदरी नाश माळ वूळत. 30 मंळसा अन पार उन प्रगट आगोद दशिी भी हगि अच आदीत.”

31 *आ दशिी जो मानना अन्द आळा मा ईततान अदकि आऊन सामान मान्या ईततीत, आव अदरी नेगुली ईळुवाळुल; अदकि हांग अच जो केई दा आन आव वापस माननी होगवाळुल. 32 लूत इन हगिस उक याद ईटी! 33 *जो यावारा तान जीव ऊळसोद चाहासयान आव अदरी खोऊसयान, अदकि जो यावारा अदरी खोऊसयान आव अदरी ऊळसयान. 34 ना नीम से अनतीन, आ ईळ्लक इक येद्व मंळसा ऊद वहरस मा मगित ईततार; ऊद ताकोमकु आदान अदकि दुसरा बटिकु आदान. 35 येद्व आत्रेर ऊद सांगुळ जाता दा पीसुसतेला ईततार, ऊद ताकोमकु आदार अदकि दुसरा बटिकु आदार. 36 येद्व मुंदुर केई दा ईततार, ऊद ताकोमकु आदान अदकि दुसरा बटिकु आदान*.”

37 ईद केळकु आंदुर आऊन से केळदुर, “हे प्रभु ईद यल आदीत?” आव आंदुर से अंदुन, “यल लाश बदिक् आद, अल गीधाळ जमा आदव.”

18

न्यायी न्यायाधीश अदकि रांड्या आरत इन उदाहरण

1 बाक यीशु चलागोळ से इदुर बारा दा लगातार प्रार्थना माळ पायजे अदकि हमिमत ईला बळि पायजे, हगि उदाहरण अंदुन: 2 “यातोदारा नगर दा ऊद न्यायी ईरतोगोन, जो ना परमेश्वर से अंजतोगोन अदकि ना यातोवारा मंळसा अन्द परवा माळतोगोन. 3 अदा नगर दा ऊद रांड्या भी ईरतोगोर, जो आऊन हात्ती बंद-बंदकु अनतोगोर, ‘नांद न्याय माळकु नानी आरोपी देल ऊळस.’ 4 थ्वाळासा समय ताका रा आव मानसदिलि लेकीन आखरी दा आव तान तान इक अंदुन, ‘यतकी ना परमेश्वर से अंजतीन, अदकि ना मंळसागोळ्द येनारा परवा माळतीन; 5 तरी ई रांड्या नानी सतुसतेला ईरतार, इदुरसाटी ना आकनि न्याय माळाईन, ईदारा हगि आगवाळुल की घळी-घळी बंदकु अन्त दा नांद मुग्ग दा दम माळुल.’”

6 प्रभु अंदुन, “केळी, ईव न्यायी येन अनतान? 7 इदुरसाटी येन परमेश्वर तान नविळुसुद लॉकुरद न्याय माळतीदील, जो ईळ्लक-हागुल मदत साटी वरलत ईरतार? येन आव आंदुरद बारा दा समय माळयान? 8 ना नीम से अनतीन, आव तुरन्त आंदुरद न्याय माळयान. तरी मंळसा अन पार याग बंदान, रा येन आव पृथ्वी मा वशिवास नोळयान?”

फरीसी अदकि कर ताकोमावाळा अन्द उदाहरण

9 यीशु आंदुर से जो तान म्याकुच भरोसा ईटतोगोर, की नाव न्यायी आयेव, अदकि दुसरागोळी तुच्छ जान्सतोगोर, ईद उदाहरण अंदुन: 10 “येद्व मंळसा मंदिर दा प्रार्थना माळोर साटी होदुर; ऊद फरीसी ईरोन अदकि दुसरा कर ताकोमावाळा.”

11 फरीसी नीदुरकु तान मन दा ईद प्रार्थना माळली कुरतुन, “हे परमेश्वर, ना अपमान धन्यवाद माळतीन की ना दुसरा मंळसागोळ्द घाई लोभी, बयमान अदकि व्यभचिारी हेल्लेच, अदकि ई कर ताकोमावाळा अन्द घाई भी हेल्लेच. 12 ना हप्ता दा येद्व गण उपास ईटतीन; ना तान सप्पा कमाई इन दसवा हसिसा भी कोळतीन.”

* 17:31 १७:३१ मत्ती २४:१७,१८; मरकुस १३:१५,१६ * 17:33 १७:३३ मत्ती १०:३९; १६:२५; मरकुस ८:३५; लूका ९:२८; यूहनना १२:२५ * 17:36 १७:३६ ईद वचन हाळोद शास्त्र लेख दा लखिसकु हेल्लेच.

13 “लेकीन कर ताकोमावाळा दुर नीदुरकु, स्वर्ग दी कण्णगोळी नेगोद भी चाहासीदलि, उलटा तान याददा पटिस-पटिसकु अंदुन, ‘हे परमेश्वर, ना पापी मंळसा मा दया माळ!’ 14 *ना नीम से अनतीन क्क आव दुसरा आलच, लेकीन ईवा कर ताकोमावाळा मंळसा न्यायी ठह्रूसकु आदुन अदकि तान मान्नी होदुन; यतकी जो यावारा तान तान इक महान माळयान, आव नम्र माळकु आदान; अदकि जो तान तान इक नम्र माळयान, आव महान माळकु आदान.”

चकिोर इक आश्रिवाद

(मत्ती १९:१३-१५; मरकुस १०:१३-१६)

15 बाक लांकुर तान चकिोरी भी आऊन हात्ती तरली कुरतुर क्क आव आंदुर मा कय ईदुल; लेकीन चेलागोळ नोळकु आंदरी चलिळासली कुरतुर. 16 यीशु चकिोरी हात्ती कारूकु अंदुन, “चकिोरी नान हात्ती बरगोळी, अदकि आंदरी मना माळवाळी: यतकी परमेश्वर उन राज्य आंदुरद अच घाई आद. 17 ना नीम से खरा अनतीन क्क जो यावारा परमेश्वर उन राज्य अक चग्िद उन घाई ग्रहण माळतीदील आव अदुरदा यागलु प्रवेश माळ सकतीदलि.”

धनी मंळसा अदकि अनन्त जीवन

(मत्ती १९:१६-३०; मरकुस १०:१७-३१)

18 ऊंद यहूदी अधकिारी यीशु से केळदुन, “हे वळ्लीद गुरु, अनन्त जीवन इन अधकिारी आगोर साटी ना येन माळाईन?”

19 यीशु आऊन से अंदुन, “नी नानी वळ्लीद येती अनत्या? याऊ वळ्लीद हैलेच, सर्फ ऊंद, मतलब परमेश्वर उक बटिकु याऊ वळ्लीद हैलेच. 20 नी आग्यागोळी रा जान्सत्या: ‘व्यभचार माळबाळी, यारीकु कोन्न बाळी, अदकि काळ्लपनी माळबाळी, यारदु ख्वाटा कोळबाळी, तान आप्प अदकि तान मोय इन आदर माळी.’”

21 यहूदी अधकिारी अंदुन, “ना रा ई सप्पा आग्यागोळी स्याणपणी टु अच मान्सतेला बंदीन.”

22 ईद केळकु यीशु आऊन से अंदुन, “नीन दा ईग भी अदकि ऊंद मात माळोद आद, तान सब येनारा मारकु कंगालगोळ दा वाट्स बुळ; नीनी स्वर्ग दा धन सक्कीत, अदकि बंदकु नान हदि आगेग.” 23 आव ईद केळकु हापाळ उदास आदुन, यतकी आव हापाळ धनी ईरोन.

24 यीशु आऊक नोळकु अंदुन, “धनवानगोळद परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवानगोळ साटी प्रवेश माळदुर देल ऊँट इन मुग्ग दा टु चुजी होटबुळोद आसान आद.”

26 ईदुर मा केळावाळेर अंदुर, “रा बाक यारद उद्धार आग सकतद?”

27 यीशु अंदुन, “जो मंळसा अन्द साटी असंभव आद, अद परमेश्वर उन साटी संभव आद.”

28 पतरस अंदुन, “नोळ, नाव रा मान्न-मार बटिकु नीन हदि आगेगेव.”

29 आव आंदुर से अंदुन, “ना नीम से खरा माताळतीन क्क हिगि याऊ हैलेच जो परमेश्वर उन राज्य अन्द साटी मान्न मार, या हगिस, या वारटुर, या मोय-आप्प, या चकिोर चळिगेर बटि बूटीदान; 30 याऊक ई समय हापाळ यक्कुल अदकि बरावाळा युग दा अनन्त जीवन सकतीदलि हिगि याऊ हैलेच.”

तान सायोद बारा दा यीशु उन तसिरा भवषियवाणी

(मत्ती २०:१७-१९; मरकुस १०:३२-३४)

31 बाक यीशु हन्नेळ चेलागोळी बाजू दा वोतकु आंदुर से अंदुन, “नोळी, नाव यरूशलेम इक होगतेव, अदकि यास मातगोळ मंळसा अन पार उन साटी भवषियवक्तागोळ द्वारा लखिसकु आग्याव, अव सप्पा पुरा आदव. 32 यतकी आव गैरयहूदीगोळ कय दा सोपस्कु आदान, अदकि आंदुर आऊक मज्याक दा हारस्यार; अदकि आऊद अपमान माळ्यार, अदकि आऊन मा

ऊगळ्यार, 33 अदकि आऊक क्वाळा बळदार, अदकि घात माळ्यार; अदकि आव तसिरा दशी जतिता आदान.”

34 पर चेलागोळी ई मातगोळ दा टु जो यीशु अंददिन यातोदु मात उमसीदलि; अदकि ई मात आंदुर से होचकु ईतत, अदकि जो अंदकु आगीत अद आंदुरद समझ दा बंददिल.

कुदढ भखिारी इक दृष्टीदान

(मत्ती २०:२९-३४; मरकुस १०:४६-५२)

35 याग यीशु यरीहो अनंद हात्ती पोहचुसदुन, रा ऊंद कुदढ मंळसा सळक इन कनिरा मा कुरतकु भीख बेळोन. 36 आव लॉकुरद भीळ इन नळोद आवाज केळकु केळली कुरतुन, “ईद येन आगोत्याद?”

37 आंदुर आऊक हेळदुर, “यीशु नासरी होगेत्यान.”

38 आग आव कारूकु अंदुन, “हे यीशु, दाऊद उन औलाद, नान मा दया माळ!”

39 जो मुंद मुंद होगोर, आंदुर आऊक दनकुसली कुरतुर कि आव सुंगा ईरूल; लेकीन आव अदकि जोर से चलिळासली कुरतुन, “हे दाऊद उन औलाद नान मा दया माळ!”

40 आग यीशु नीदुरकु आग्या कोट्टुन कि आ कुदढ मंळसा अक नान हात्ती तरी, अदकि याग आव हात्ती बंदुन रा आव आऊन से केळदुन, 41 “नी येन चाहासत्या कि ना नीन साटी माळाईन?” आव अंदुन, “हे प्रभु, ईद कि ना मात नोळली हतुल.”

42 यीशु आऊन से अंदुन, “नोळली हतुत; नीन वशिवास नीनी वळलीद माळबुटाद.”

43 आग आव तुरन्त नोळली कुरतुन अदकि परमेश्वर उन बळाई माळतेला आऊन हदि आगोदुन; अदकि सप्पा लॉकुर नोळकु परमेश्वर उन स्तुति माळदुर.

19

कर ताकोमावाळा जकई

1 यीशु यरीहो दा प्रवेश माळकु होगोन. 2 अल जकई हेसुर ईनव ऊंद मंळसा ईरोन जो कर ताकोमावाळेर प्रधान ईरोन अदकि धनी ईरोन. 3 आव यीशु अक नोळोद चाहासोन कि आव याव हुन. लेकीन भीळ इन कारण नोळ ईला सकोन, यतकि आव गुडड ईरोन. 4 आग आऊक नोळोर साटी आव मुंद ओळकु ऊंद उम्वर इन मारर मा येरेदुन, यतकि यीशु अदा हादी देल होगवाळा ईरोन. 5 याग यीशु आ जागा पोहचुसदुन, रा म्याकुच दृष्टी माळकु आऊन से अंदुन, “हे जकई, झट से ल्यालमा ईळकु बर; यतकि ईद नानी नीन मान्या ईरोद जरूरी आद.”

6 आव तुरन्त ईळकु खुशी देल आऊंद स्वागत माळदुन.

7 ईद नोळकु सप्पा लॉकुर कुळकुळुसकु अनली कुरतुर, “आव रा ऊंद पापी मंळसा अन मान्या पाऊना बन्सकु ईळदान.”

8 जकई नीदुरकु प्रभु से अंदुन, “हे प्रभु, नोळ, ना तान आर्धा सम्पत्ति कंगालगोळी कोळतीन, अदकि अगर यारदारा येनारा भी अन्याय माळकु ताकोम कौडीन रा अदरी नाकगुना वापस माळ बुळतीन.”

9 आग यीशु आऊन से अंदुन, “ईद ई मान्या उदधार बंदान, इदुरसाटी कि ईव भी अबराहम उन ऊंद औलाद हुन. 10 यतकि मंळसा अन पार जो काळ्दोग्यार आंदरी दुंदसली अदकि आंदुरद उदधार माळली बंदान.”

हतत वहानना नव सकिकागोळद उदाहरण

(मत्ती २५:१४-३०)

11 याग आंदुर ई मातगोळी केळोर, रा यीशु उन उदाहरण अंदुन, इदुरसाटी कि आव यरूशलेम इन हात्ती ईरोन, अदकि आंदुर सम्सतोगोर कि परमेश्वर उन राज्य प्रगट आगोद आद. 12 इदुरसाटी आव अंदुन, “ऊंद धोळ पद इन मंळसा दुर राज्य दा होदुन ताकी राजपद हासलि माळकु बर सकुल.

13 आव तान दासगोळ दा टु हत्त मुंदुर इक कारूकु आंदरी हत्त व्हानना अनद सक्का कोटदुन अदकि आंदुर से अंदुन, 'नाद वापस बरासताका ताका लेन देन माळ्तेर.' 14 लेकीन आऊन खुद इन लांकुर आऊन से दुशमनी ईटतोगोर, अदकि आऊन हदि स्वर्गदूतगोळ द्वारा खबर कळुदुर, 'नाव चाहासालेव का ईव नाम मा राज्य माळुल.' "

15 "याग आव राजपद हासलि माळकु बंदुन, रा हगि आत का आव तान दासगोळी यारी व्हानना अनद सक्का कोटीदुन, तान हात्ती कारसदुन ताकी आऊक मालूम नळुल का आंदुर लेन देन देल येन-येन कमुसदुर. 16 आग पयला दास बंदकु अंदुन, 'हे स्वामी, नीन व्हानना अनद सक्का देल ना मात्त हत्त व्हानना नव सक्का कमुसीन.' 17 आव आऊन से अंदुन, 'शाववास, हे वळलेव अदकि वशिवासयोग्य दास! नी हापाळ अच गोरत दा वशिवासलायक होट्ट ईग हत्त नगरगोळ मा अधिकार ईट.' 18 दुसरा दास बंदकु अंदुन, 'हे स्वामी, नीन सक्का देल अईद मात्त सक्का कमुसीन.' 19 स्वामी आऊन से भी अंदुन, 'नी भी अईद नगरगोळ मा अधिकार ईट.' "

20 तसिरा बंदकु अंदुन, "हे स्वामी, नोळ नीन सक्का ईद हुन, यदरी ना कपळा अनद तुकळा दा कटक ईटदिन. 21 यतकी नी कठोर मंळसा आय, इदुरसाटी ना नीन से अंजतोगीन: जो नी ईटीदील अदरी नेगु कोमत्या, अदकि जो नी बोऊसीदलि, अदरी भी कळ्द वुळत्या." 22 आव आऊन से अंदुन, "हे दुष्ट दास, ना नीन आवाज देल अच नीनी दोषी ठहूरसतीन. नी नानी अरूतोग्या का कठोर मंळसा आईन, जो ना ईटीदील अदरी नेगु कोमतीन, अदकि जो ना बोऊसीदलि अदरी कळ्द वुळतीन; 23 रा नी नान सक्का सावकार उन हात्ती येती ईट कोंडीदलि का ना बंदकु ब्याज समेत ताकोम कोमयदीन?"

24 अदकि जो लांकुर हात्ती नीदुरकु ईरोर, आव आंदुर से अंदुन, "अद सक्का आऊन से ताकोमकोमी, अदकि यार्द हात्ती हत्त व्हानना नव सक्का आव आऊक कोट्ट वुळी." 25 आंदुर आऊन से अंदुर, "हे स्वामी, आऊन हात्ती रा पयले टु अच हत्त सक्कागोळ आव." 26 * "ना नीम से अनतीन का यार्द हात्ती आद, आऊक मात्त कोटक आदीत; अदकि यार हात्ती हैलेच, आऊन से अद भी जो आऊन हात्ती आद ताकोमकु आदीत. 27 *लेकीन नानोर आ दुशमनगोळ जो ईला चाहासोर का ना आंदुर मा राज्य माळाईन, आंदरी ईल तनकु नान मुंद घात माळी."

यूशलेम दा वजिय प्रवेश

(मत्ती २१:१-११; मरकुस ११:१-११; यूहन्ना १२:१२-१९)

28 ईव मातगोळी अंदकु यीशु यूशलेम इन दी आंदुर मुंद मुंद नळदुन. 29 याग आव जैतून हेसुर इन पहाळ मा बैतफगे अदकि बैतनयियाह अन हात्ती पोहचुसदुन, रा आव तान चेलागोळ दा टु येहद मुंदरी ईद अनकु कळुदुन, 30 "मुंदळोद ऊर दा होगी; अदकि अल होगत अच ऊंद गधा अनद पाड्डा यदुर मा याऊ यागलु सवार आगीदील, कटक नीमी सक्कीत, अदरी खोल्सकु तरी. 31 अगर यावारा नीम से केळयान का येती खोल्सतीर, रा ईद अंद वुळ्तेर का प्रभु अक इदुरद प्रयोजन आद."

32 जो कळुकु आगीदुर, आंदुर होगकु ह्यांग यीशु आंदुर से अंददिन, हांग अच नोळदुर. 33 याग आंदुर गधा अनद पाड्डा अक खोलसोर, रा गधा अनद मालकि आंदुर से केळदुन, "ई पाड्डा अक येती खोल्सतीर?"

34 आंदुर अंदुर, "प्रभु उक ईदुरद जरवत आद." 35 आंदुर अदरी यीशु उन हात्ती तंदुर, अदकि तान कपळा आ पाड्डा मा हाककु यीशु उक अदुर मा कुरस बुदुर. 36 याग आव होगोन, रा आंदुर तान कपळा हादी मा हासतेला होगतोगोर.

37 हात्ती बरतेला याग आव जैतून पहाळ इन दलान मा पोहचुसदुन, रा चेलागोळद सप्पा मंडली आ सप्पा सामर्थ्य अनद क्यालसागोळद कारण जो आंदुर नोळीदुर, सुश आगकु धोळद आवाज देल परमेश्वर उन सत्तुर्ता माळली हतदुर: 38 "परमेश्वर आ राजा अक आशीष कोळुल, जो प्रभु अन हेसुर देल बरतान! स्वर्ग दा शांती अदकि आकाश मंडल दा महिमा आगुल!"

39 आग भीळ दा टु येनारा फरीसी आऊन से अनली कुरतुर, “हे गुरु, तान चेलागोळी आग्या कोटकु दनकुस.”

40 आव उत्तर कोट्टुन, “ना नीम से अनतीन, अगर इंदुर सुंगा ईत्तुर रा कल्ल चलिळासली हत्तेव.”

यूरुशलेम इन साटी वलिाप

41 याग आव हात्ती बंदुन रा नगर इक नोळकु अदुर मा वरलदुन 42 अदकि अंदुन, अगर नी, ईद इन दशी शांती नव मातगोळ जान्स कोमाईद, रा याट वळ्ळीद आगोगाईत, लेकीन ईग अव नीन कण्ण इन हात्ती टु गुप्त ईटकु आगोग्याव. 43 यतकी अव दनि नीन मा बंदव कनिनीन से दुशमनी ईटावाळेर मोर्चा कटकु नीनी घेर्स कोंडार, अदकि नाकु दी टु नीनी वतत बुट्टार; 44 अदकि नीनी अदकि नीन चकिरगोळी जो नीन दा आर, मुण्ण दा मल्लिस्यार, अदकि नीन दा ऊंद कल्ल मा दुसरा कल्ल भी वळितीदिल; यतकी परमेश्वर नीमी ऊळ्ळसली बंदीदुन ई समय इक नीव अरतीदलि.”

मंदिर टु व्यापारीगोळ्द तेगुकु आगोद

(मत्ती २१:१२-१७; मरकुस ११:१५-१९; यूहन्ना २:१३-२२)

45 आग यीशु मंदिर दा होगकु व्यापारीगोळी व्हार्या तेगुली कुरतुन, 46 अदकि परमेश्वर अनतान, “शास्त्र दा लखिसकु आद, नान मान्ना प्रार्थना अन्द मान्ना आदीत, लेकीन नीव अदरी डाकूगोळ्द हड्डा माळ बुट्टीर.”

47 यीशु रोज मंदिर दा उपदेश माळ्तोगोन; अदकि प्रधान याजक अदकि नयिम इन गुरु अदकि लॉकुर्द प्रमुख आऊक कोनोद चाहासोर. 48 लेकीन याऊ उपाय तेगु सकर्दिल कि ईव याता प्रकार माळ्व, यतकी सप्पा लॉकुर बळा चाह देल आऊंद केळ्तोगोर.

20

यीशु उन अधिकार मा प्रश्न

(मत्ती २१:२३-२७; मरकुस ११:२७-३३)

1 ऊंद दशी हगि आत कियोग यीशु मंदिर दा लॉकुरी उपदेश कोळोन अदकि खुशखबरी केळसोन, रा प्रधान याजक अदकि नयिम इन गुरु, पुरनयागोळ्द सांगुळ हात्ती बंदकु नदिरदुर; 2 अदकि अनली हतदुर, “नामी हेळ, नी ई क्यालसागोळी याता अधिकार देल माळत्या, अदकि आव याव हुन याव नीनी ईद अधिकार कोटान?”

3 यीशु आंदरी उत्तर कोट्टुन, “ना भी नीम से ऊंद सवाल केळतीन; नानी हेळी 4 यूहन्ना अक वपतसिमा कोळोद अधिकार स्वर्ग दी टु ईरोद या मळसागोळ दी टु ईरोद?”

5 “आग आंदुर आपस दा चर्चा माळली कुरतुर, नाव येन अंदेव, अगर स्वर्ग इन दी टु,” रा आव अंदान, “बाक नीव आऊंद वशिवास येती माळीदलि?” 6 अदकि अगर नाव अंदेव, मळसागोळ दी टु, रा सप्पा लॉकुर नाम मा कलगोळ भटार, यतकी आंदुर खराखुरा अरतार कि यूहन्ना भवषियवक्ता ईरोन. 7 इदुरसाटी आंदुर उत्तर कोट्टुन, “नाव अरालेव कि आव यार दी टु ईरोन.”

8 यीशु आंदुर से अंदुन, “रा ना भी नीमी हेळालीन कि ना ईद क्यालसा याता अधिकार देल माळतीन.”

दुष्ट कसिनगोळ्द उदाहरण

(मत्ती २१:३३-४६; मरकुस १२:१-१२)

9 आग यीशु लॉकुर से ईद उदाहरण अनली कुरतुन: “यावारा मळसा अंगुर इन केई हचदुन, अदकि कसिनगोळी अदरी बटई दा कोट बुट्टुन अदकि हापाळ दनिगोळ्द साटी परदेश होटोदुन. 10 याग अंगुर इन जमा माळोद समय वत्त रा मालक कसिनगोळ हात्ती ऊंद दास उक कळुदुन कि आंदुर अंगुर इन केई अन येनारा कायगोळ भाग आऊक कोळुल, पर कसिनगोळ आऊक बळकु खाली

कय कळु बुदुर. 11 बाक आव ऊंद अदकि दास उक कळुदुन, अदकि आंदुर आऊक भी बळकु अदकि आऊन अपमान माळकु खाली कय कळु बुदुर. 12 बाक आव तसिरा दास उक कळुदुन, अदकि आंदुर आऊक भी घायल माळकु व्हाऱ्या तेगु बुदुर. 13 आग अंगुर इन केई नव स्वामी अंदुन, 'ना येन माळाईन? ना तान प्रथि पार उक कळाईन, जरूर अच आंदुर आऊन आदर माळ्यार.' 14 याग कसिनगोळ आऊक नोळदुर रा आपस दा वचारि माळली कुरतुर, 'ईव रा वारीस हुन; बरी, नाव ईऊक कोंद बुळाती रा बाक आऊन जायदाद नाम्द आगेदीत.' 15 अदकि आंदुर आऊक अंगुर इन केई टु व्हाऱ्या तेगुकु कोंद बुदुर."

"इदुरसाटी अंगुर इन केई इन स्वामी आंदुरद सांगुळ येन माळ्यान? 16 आव बंदकु आ कसिनगोळी नाश माळ्यान, अदकि अंगुर इन केई दुसरा अक सोपस्यान."

ईद केळकु आंदुर अंदुर "परमेश्वर माळुल हगि आगवाळुल."

17 यीशु आंदुर दी नोळकु अंदुन, बाक ईद येन लखिसकु आद:

"याता कल्ल इक राजमहल माळावाळेर बेकार ठहरुसीदुर,
अदा क्वाना अनूद सरि आगेत."

18 "जो यातोदारा कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत."

कर कोळोद प्रश्न

(मत्ती २२:१५-२२; मरकुस १२:१३-१७)

19 आटा होती नयिम इन गुगुगोळ अदकि प्रधान याजकगोळ आऊक हुडोद चाहासदुर, यतकी आंदुर समसेगादुरि क्क आव नाम मा ईद उदाहरण अंदान, लेकीन आंदुर लॉकुर से अंजदुर. 20 अदकि आंदुर आऊन ताक दा हतदुर अदकि भेद ताकोमावाळेरि कळुदुर क्क न्याय इन भेष हुळकु यीशु उक आंदुर सवाल दा हुडुल, ताकी बाक आऊक रोमन शासक उन कय दा सौपस बुळुल. 21 आ जासुसगोळ यीशु से केळदुर, "हे गुरु, नाव जानसतेव क्क नी बराबर अनतया अदकि कलसत्या, अदकि यारदु पक्षपात माळाल, उलटा परमेश्वर उन हादी सच्चाई देल हेळत्या. 22 येन नामी कैसर सरकार उक कर कोळोद उचित आद या ईला?"

23 आव आंदुरद चतुराई इक अरूकु आंदुर से अंदुन, 24 "ऊंद चाँदी इन सकिका नानी तोरसी. ईदुर मा यारद छाप अदकि हेसुर आद?"

आंदुर अंदुर "कैसर सरकार उन."

25 यीशु आंदुर से अंदुन, "रा जो कैसर सरकार उन हुन, अद सरकार उक कोळी; अदकि जो परमेश्वर उन आद, अद परमेश्वर उक कोळी."

26 आंदुर लॉकुरद मुंद ईद मात दा यीशु उक फसुस सकदिल, उलटा आऊन उत्तर देल अचम्भति आगकु सुंगा आगेदुर.

पुनरूत्थान अदकि मदा

(मत्ती २२:२३-३३; मरकुस १२:१८-२७)

27 *बाक सद्कीगोळ जो अनतार क्क सोत्तुर दा टु जतिता आगेद अच हैलेच, आंदुरदा टु थवाळासा लॉकुर आऊन हात्ती बंदकु केळदुर, 28 "हे गुरु, मूसा नाम साटी हगि नयिम लखिसयान: अगर यारोवारा धोळ वारट तान हगिस उन ईतकु भी बनि औलाद सोतोदान, रा आऊन वारट आ रांडयागति इन से मदा माळ कोमुल, अदकि तान वारट उन साटी वंश पैदा माळुल. 29 येळ वारटुर ईरोर, पयला वारट मदा माळकु बनि औलाद सोतोदुन. 30 बाक दुसरा वारट भी आकनि से मदा माळदुन, 31 अदकि तसिरा वारट भी अदा आरत से मदा माळ कोंडुन. ईदा रीतदिल येळु वारटुर बनि औलाद देल सोतोदुर. 32 आखरी दा आ आरत भी सोतोदुर. 33 इदुरसाटी जतिता आगेदुर मा आक आंदुरदा टु यारो हगिस आदर? यतकी आ येळु वारटुर आकनि से मदा माळीदुर."

34 यीशु आंदुर से अंदुन, “ई युग इन लॉकुर दा रा मदगोळ आगताव, 35 लेकीन जो लॉकुर ई लायक ठहूस्यार क्वा आ युग इक अदकि सोत्तुर दा टु जत्तिता आगोद प्रापूत माळुल, आंदुर ना मदा माळ्यार अदकि ना मदा दा कोटकु आदार. 36 बाक आंदुर ना रा यागलु सोत्तार, यतकी आंदुर पुनरूतथान इन औलाद बनसकु स्वरगदूतगोळद घाई अदकि सोत्तुर दा टु जत्तिता आगदुर कारण देल परमेश्वर उन औलाद ईत्तार. 37 लेकीन ई मात इक क्वा सोत्तुर जत्तिता आगता, मूसा भी होत्त झाळी इन उदाहरण दा प्रगट माळयान क्वा आव प्रभु अक ‘अब्राहम उन परमेश्वर, अदकि इसहाक उन परमेश्वर अदकि याकूब उन परमेश्वर’ अनतान. 38 परमेश्वर रा मुरदागोळ ईला लेकीन जत्तितागोळद परमेश्वर हुन: यतकी आऊन हात्ती सप्पा जत्तिता आर.”

39 आग ईद केळकु शास्त्रीगोळ दा टु येनारा ईद अंदुर, “हे गुरु, नी बराबर उत्तर कोट्ट.”
40 अदकि आ सद्कीगोळी बाक आऊन से येनारा अदकि केळोद हमिमत आगीदील.

मसीह यार पार हुन?

(मत्ती २२:४१-४६; मरकुस १२:३५-३७)

41 बाक यीशु आंदुर से केळदुन, “मसीह अक दाऊद उन औलाद हयांग अनतार?” 42 दाऊद तान भजन संहिता अन क्वाताव दा अनतान:

“प्रभु नान प्रभु से अंदुन,

43 नान ऊम्मा कय दी कुर,

यागासताका क्वा ना नीन से दुश्मनी ईटावाळेर इक नीन काल दशी माळ कोमालीन.”

44 “दाऊद रा आऊक प्रभु अनतान; रा बाक आव आऊन औलाद हयांग ठहूसदुन?”

शास्त्रीगोळ से सावधान

(मत्ती २३:१-३६; मरकुस १२:३८-४०)

45 याग सप्पा लॉकुर केळोर, रा यीशु तान चेलागोळ से अंदुन, 46 “शास्त्रीगोळ से सावधान ईरी, यारी ऊद-ऊद च्वांगा हाक्कु वयाळोद वळ्लीद हततद, अदकि यारी सात्तागोळ दा नमस्कार अदकि आदर, अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा प्रयि हतताव. 47 आंदुर रांड्यागोळद माननागोळ इक तदि वुळतार अदकि आंदुर फायदा नेगुतार, अदकि लॉकुरी दखावा साटी हापाळ होत्त ताका प्रार्थना माळतेला ईरतार: इंदरी यक्कुल से यक्कुल दण्ड सक्कीत.”

21

कंगाल रांड्यागीत इन दान

(मरकुस १२:४१-४४)

1 बाक यीशु नाकु दी कण्ण नेगुकु पैसयावाळेर लॉकुर इक तान मंदरि इन दानपेटी दा दान हाक्त्त नोळदुन. 2 आव ऊद कंगाल रांड्या अक भी अदुरदा येदुद तांबा नव सक्किा हाक्त्त नोळदुन. 3 आग यीशु आंदुर से अंदुन, “ना नीम से खरा अनतीन क्वा ई कंगाल रांड्यागीत सप्पा मुंदुर से यक्कुल हाक्यार. 4 यतकी आ सप्पा मुंदुर तान तान बचत दा टु दान कोट्टुर, लेकीन इक तान कंगालपन दा टु तान सप्पा जीवकि, हाक्क बुदुर.”

मंदरि इन वनिश इन भवषियवाणी

(मत्ती २४:१,२; मरकुस १३:१,२)

5 याग चेलागोळ दा टु थवाळासा चेलागोळ मंदरि इन बारा दा अनोर क्वा अद हयांग सुंदर कल्लगोळ अदकि परमेश्वर उक कोळद भेट इन वस्तुगोळ से सवारसकु आग्याद, रा यीशु अंदुन, 6 “अव दनि बंदव, यारदा ईद सप्पा जो नीव नोळतीर, अऊर्दा टु ईल ऊद कल्ल मा कल्ल भी ईरतीदील जो केडुकु आगतीदील.”

संकट अदकि सताप
(मत्ती २४:३-१४; मरकुस १३:३-१३)

7 आंदुर यीशु से केळदुर, “हे गुरु, ई सब याग आदीत? अदकि ई मातगोळ याग पुरा आगदुर मा ईततव, रा आ समय इन येन चमत्कार ईततीत?”

8 आव अंदुन, “सावधान ईरी कनिव भरमुसकु आगतीदील, यतकी हापाळ सा नान हेसुर देल बंदकु अंदार, ‘ना आवा हुईन,’ अदकि ईद भी कनि, ‘समय हातती होट्ट बंदाद.’ नीव आंदुर हदि होगवाळेतीर. 9 याग नीव लळाईगोळ मातचीत केळीर अदकि लळाईगोळद बारा दा अफवाह केळीर रा घबरूस बाळेतीर, यतकी ईऊरुद आगोद जरूरी आद; लेकीन आ समय तुरन्त अन्त आगतीदील.”

10 आग आव आंदुर से अंदुन, “द्याश मा द्याश अदकि राज्य मा राज्य चढाई माळीत, 11 अदकि धोड्डेव-धोड्डेव भूकम्प आदव, अदकि जागा जागा मा अकाल अदकि महामारी बदिदव, अदकि आकाश टु भयंकर मातगोळ अदकि धोड्डेव-धोड्डेव चमत्कार प्रगट आदव. 12 लेकीन इव सप्पा मातगोळ से पयले आंदुर नान हेसुर इन कारण नीमी हुळदार, अदकि सतुस्यार, अदकि पंचायतगोळ दा सोपस्यार, अदकि बंदीगूह दा हाकसुस्यार, अदकि राजागोळ अदकि शासकगोळ मुंद ओतार. 13 पर ईद नीम साठी खुशखबरी इन गवाही कोळोद मवका आगेदीत. 14 *इदुरसाटी तान तान मन दा ठानसकु ईटी कनिव पयले टु तान तान इक ऊळसोर साटी येन अंदेव ईदुर चनिता माळबाळेतीर. 15 यतकी ना नीमी हगि बोल अदकि बुद्धी कोळाईन कनिम यावारा भी वरिधी सामना या खंडन माळ सकतीदलि. 16 नीम मोय आप्प, अदकि वारटुर, अदकि रशितेदार, अदकि संगी भी नीमी हुळसुस्यार; ईल ताका कनिम दा टु थवाळासा मुंदुर इक कौसुस बुट्टार. 17 नान कारण सप्पा लॉकुर नीम से दुशमनी ईट्यार. 18 लेकीन नीम ताल्ला अन्द ऊंद चुट्टी भी कति सकतीदलि. 19 धीरज ईट्टीर रा नीव तान जीवगोळी ऊळसकु ईट्टीर.

यूरुशलेम इन वनिश इन भवषियवाणी
(मत्ती २४:१५-२१; मरकुस १३:१४-१९)

20 “याग नीव यूरुशलेम इक सेनागोळ से घेरसकु नोळीर, रा जानुस कोमेतीर कनि अदुरद बरबाद आगोद हातती आद. 21 आग जो यहूदिया दा आर आंदुर पहाळीगोळ मा ओळगुल; अदकि जो यूरुशलेम इन बुळक आर आंदुर व्हार्या होट्ट बुळुल; अदकि जो ऊरगोळ दा आर आंदुर नगरगोळ दा होगबाळुल. 22 यतकी ईव बदला ताकोमव हगि दनि ईततव, यदुर दा वचन दा लखिसकु अव सप्पा मातगोळ पुरा आगेदव. 23 आ दनिगोळ दा जो व्हाट्ट्या दी अदकि हाल कुळसतीदार, आंदुर साटी हाय, हाय! यतकी पृथ्वी मा धोळद क्लेश अदकि ई लॉकुर मा धोळद प्रकोप ईततीत. 24 आंदुर तलवार देल कौसुसकु आदार, अदकि सप्पा द्याशगोळ लॉकुर दा बंदी आगकु पोहचुसकु आदार; अदकि यागासताका गैरयहूदीगोळद समय पुरा आगाल्द, आगासताका यूरुशलेम गैरयहूदीगोळ देल मेटकु आदीत.

मळसा अन पार उन दुबारा बरोद
(मत्ती २४:२९-३१; मरकुस १३:२४-२७)

25 *सूरज, अदकि चंद्र, अदकि तारागोळ दा चमत्कार कांळसेव; अदकि पृथ्वी मा द्याश-द्याश इनोर लॉकुरी संकट आदीत, यतकी आंदुर समुद्र अन गर्जन अदकि लयरगोळ आवाज देल घबरूसेदार. 26 अंजक इन कारण अदकि दुनिया मा बरोद घटनागोळद हादी नोळत-नोळत लॉकुरद जीव दा जीव ईरतीदील, यतकी आकाश इन शक्तगोळी आलगाळसकु आदीत. 27 *आग आंदुर मळसा अन पार उक सामर्थ्य अदकि धोळद महिमा अन्द सांगुळ बादल मा बरतेला नोळ्यार. 28 याग ई मातगोळ आगली कुरतव, रा नदिरकु तान ताल्ला म्याकुच नेगेतीर; यतकी नीम छुटकारा हातती आदीत.”

* 21:14 २१:१४ लूका १२:११,१२

* 21:25 २१:२५ प्रकाशतिवाक्य ६:१२,१३

* 21:27 २१:२७ प्रकाशतिवाक्य १:१७

अंजीर इन मार्र इन उदाहरण

(मत्ती २४:३२-३५; मरकुस १३:२८-३१)

29 यीशु आंदुर से ऊंद उदाहरण भी अंदुन: “अंजीर इन मार्र अदकि सप्पा मार्रगोळी नोळी. 30 ह्यांग अऊरदा कोम होळताव, रा नीव नोळकु खुद अच जान्स कोमतीर कि वसिल इन दनि हात्ती आव. 31 ईदा रीतदिल याग नीव ईव मातगोळी आगतेला नोळीर, आग जान्स कोमी कि परमेश्वर उन राज्य हात्ती आद.

32 “ना नीम से खरा अनतीन कि यागासताका इव सप्पा मातगोळ आगालव, आगासताका ईद पीढी इन यागलु अनूत आगतीदील. 33 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.”

वशिवास दा ईरी

(मत्ती २४:३६-४४; मरकुस १३:३२-३७)

34 “इदुरसाटी सावधान ईरी, हगि आगवाळुल कि नीम मन दुराचार, पयिक्कळपन अदकि जीवन इन चनितागोळद भार देल वत्तेगुल, अदकि अद दनि अचानक नीम मा फंदा अन्द घाई होट्ट वरूल.

35 यतकी अद सप्पा पृथ्वी अन सब ईरावाळेर मा ईदा प्रकार देल बंदकु बदिदीत. 36 इदुरसाटी जागसतेला ईरी अदकि हर घळी वनिती माळत ईरी कि नीव ई सप्पा बरावाळा घटनागोळ देल वुळुली अदकि मळसा अन पार उन मुंद नदिरोद लायक आगी.”

37 यीशु हर रोज मंदरि दा शकिषा कोळतोगोन, अदकि हर रोज द्यावगा होगकु जैतून हेसुर इन पहाळी मा ईळलक कडुतोगोन; 38 अदकि रोज हुंजकुका सप्पा लॉकुर आऊद शकिषा केळोर साटी मंदरि दा आऊन हात्ती बरतोगोर.

22

यीशु उन वरिद्ध साजीश

(मत्ती २६:१-५; मरकुस १४:१-२; यूहन्ना ११:४५-५३)

1 अखमीरी रोट्टी अन हाब्व जो फसह कहलुसतद, हात्ती ईरोद; 2 अदकि प्रधान याजक अदकि नियम इन गुरु ई मात इन खोज दा ईरोर कि यीशु उक ह्यांग कोंद बुटेव, पर आंदुर लॉकुर से अंजतोगोर.

यहूदा अन्द वशिवासघात

(मत्ती २६:१४-१६; मरकुस १४:१०,११)

3 आग शैतान यहूदा दा समुस्त, जो इस्करयिती कहलुस्तान अदकि हन्नेळ चेलागोळ दा आळुकु आगतोगोन. 4 आव यहूदा दा होगकु प्रधान याजकगोळ अदकि मंदरि इन पहरेदारगोळद सरदारगोळ सांगुळ मातचीत माळदुन कि यीशु उक याता प्रकार आंदुर कय देल हूळसुस्यार. 5 आंदुर खुश आदुर, अदकि आऊक पैस्या कोळोर साटी तयार आदुर. 6 आव मान्स कोंडुन, अदकि मौका हुंढसली कुरतुन कि याग भीळ ईरतीदील रा आऊक आंदुर कय देल हूळसुस कोंडेव.

चेलागोळद सांगुळ फसह अन आखरी भोज

(मत्ती २६:१७-२५; मरकुस १४:१२-२१; यूहन्ना १३:२१-३०)

7 आग अखमीरी रोट्टी इन हाब्व इन दनि बत्त, यारदा फसह मयांडा अन्द पाड्डा अन्द बलि कोळोद जरी ईरोद. 8 यीशु पतरस अदकि यूहन्ना अक ईद अनकु कळुदुन: “होगकु नाम फसह अन्द ऊमोद तयारी माळी.”

9 आंदुर आऊन से केळदुर, “नी यल चाहासत्या कि नाव इदरी तयार माळेव?”

10 आव आंदुर से अंदुन, “नोळी, नगर दा प्रवेश माळतेला अच ऊंद मळसा नीर इन माळका नेगुकु नीमी सकियान; याता मान्ना दा आव होदान नीव आऊन हदि होटोगेतीर, 11 अदकि आ

मानना अन स्वामी से अनेतीर: भुगु नीन से अनतान कि अद पाऊनागोळ्द कमरा यल आद यदुर दा ना तान चेलागोळ्द सांगुळ्द फसह अन्द भोजन तनाईन? 12 आव नीमी ऊंद सजुसुद धोळ्द म्याकुच इन कमरा तोरस्यान; अलया तयारी माळ्तेर.

13 “आंदुर होगकु, ह्यांग यीशु आंदुर से अंददिन, हांग अच नोळदुर अदकि फसह अन्द भोजन तयार माळ्दुर.”

प्रभु उन आखरी भोज

14 याग घळी होट्ट वत्त, रा आव चेलागोळ्द सांगुळ्द ऊमली कुरतुन. 15 अदकि आव आंदुर से अंदुन, “नान हापाळ्द इच्छा ईरोद कि दुख भोगसोर से पयले ईद फसह अन्द भोजन नीम सांगुळ्द तनाईन. 16 यतकी ना नीम से अनतीन कि यागासताका अद परमेश्वर उन राज्य दा पुरा आगाल आगासताका ना अदरी यागलु तनितीदील.”

17 आग यीशु कटोरा हुळ्दु धन्यवाद माळ्दुन अदकि अंदुन, “इदरी हुडी अदकि आपस दा वाट्स कोमी. 18 यतकी ना नीम से अनतीन कि यागासताका परमेश्वर उन राज्य बराल्द आगासताका ना अंगुर इन रास्सा ईंगी टु यागलु कुडुतीदील.”

19 बाक आव रोटी हुळ्दुन, अदकि धन्यवाद माळ्दु मुरदुन, अदकि आंदरी ईद अनतेला कोट्टुन, “ईद नाद शरीर हुन जो नीम साठी कोटकु आगतद: नांद याद इन साठी ईदा माळ्तोगी.” 20 ईदा रीत दिेल आव भोजन इन बाद्दा कटोरा भी ईद अनतेला कोट्टुन, “ईद कटोरा नांद आ खुन इन व्हाशोद वाचा हुन. जो नीम साठी वाहुसकु आगतद.

21 “पर नोळी, नानी हुळसुसावाळा अन कय नान सांगुळ्द मेज मा आद. 22 यतकी मळसा अन पार रा जसा आऊन साठी ठहूरसकु आग्याद, हांग अच आव सोत्तान, पर हाय आ मळसा मा यार्द द्वारा आव हुळसुसकु आदान!”

23 आग आंदुर आपस दा वचार माळली कुरतुन कि नाम दा टु याव आन, जो ईद क्याल्सा माळ्यान.

सब से यककुल महान याव?

24 *आंदुरदा ईद वाद-वविाद भी आत कि आंदुर दा टु याव धोड्डेव समसकु आगतान. 25 यीशु आंदुर से अंदुन, “गैरयहूदीगोळ्द राजा आंदुर मा प्रभुता माळतार; अदकि जो आंदुर मा अधिकार ईटतार, आंदुर उपकार माळावाळेर कहलुस्तार. 26 *लेकीन नीव हगि आगवाळ्तेर; उलटा जो नीम दा धोड्डेव आन, आव स्याणव उन घाई अदकि जो स्याणा आन, आव सेवक उन घाई आगुल. 27 *धोड्डेव याव आन, आव जो ऊमोर साठी कुरतकु आन, या आव जो स्यावा माळतान? येन आव ईला जो ऊमली कुरतकु आन? लेकीन ना नीम न्याड्या सेवक उन घाई आईन.

28 “नीव आंदुर हुईर, जो नान परीक्षागोळ्द दा लगातार नान सांगुळ्द ईतीर; 29 अदकि ह्यांग नान आप्प नानी राज्य मा अधिकार कोटान, हांग अच ना भी नीमी हांग अच अधिकार कोळतीन, 30 *ताकी नीव नान राज्य दा नान मेज मा तनि-कुडी, उलटा सहिसनगोळ्द मा कुरतकु इस्त्राएल इन हन्नेळ वंशगोळ्द न्याय माळी.

पतरस उन इनकार

(मत्ती २६:३१-३५; मरकुस १४:२७-३१; यूहन्ना १३:३६-३८)

31 “शमौन, हे शमौन! शैतान नीम लॉकुरी परखुसोर साठी आग्या वेळ कौडान कि बेकार दा टु वळ्लेर इक अलग माळ्दुल ह्यांग केईवाळा गोदी दा टु फरकंडा अलग माळतान, 32 लेकीन ना नीन साठी वनिती माळदीन कि नीन वशिवास गोरत आगवाळ्दुल; अदकि याग नी वापस बंद्या, रा तान वार्दुर इक हम्मिमत कोळेत.”

* 22:24 २२:२४ मत्ती १८:१; मरकुस ९:३४; लुका ९:४६ * 22:26 २२:२६ मत्ती २३:११; मरकुस ९:३५ * 22:26 २२:२६ मत्ती २०:२५-२७; मरकुस १०:४२-४४ * 22:27 २२:२७ यूहन्ना १३:१२-१५ * 22:30 २२:३० मत्ती १९:२८

33 पतरस यीशु से अंदुन, “हे प्रभु, ना नीन सांगुळ बंदीगृह दा होगली, अदकि सायली भी तयार आईन.”

34 यीशु अंदुन, “हे पतरस, ना नीन से अनतीन कि ईद हुंज कुग्गतदील आगासताका नी मुर घन नांद इनकार माळ कोंड्या कि नी नानी जान्साल.”

चीला, झ्वारा, अदकि तलवार

35 श्वाक यीशु आंदुर से अंदुन, “याग ना नीमी चीला, झ्वारा, अदकि जुता बनिा कळीदीन, रा येन नीमी यातोदारा वस्तु उन कमी आगीत?”

“आंदुर अंदुर, यातोदु वस्तु उन ईला.”

36 आव आंदुर से अंदुन, “लेकीन ईग यार्द हात्ती चीला आद आव अदरी हुडुल अदकि हांग अच झ्वारा भी, अदकि यार्द हात्ती तलवार ईला ईतीदाद आव तान कपळा मारकु ऊंद कोंड कोमुल.”

37 यतकी ना नीम से अनतीन, कि ईद जो लखिसकु आद: “अद अपराधीगोळ सांगुळ आळुकु आगयाद, अदुरद नान दा पुरा आगोद जरूरी आद; यतकी नान बारा दा लखिसद मातगोळ पुरा आगदुर मा आव.”

38 आंदुर अंदुर, “हे प्रभु, ईल येदद तलवारगोळ आव.”

आव आंदुर से अंदुन, “हापाळ आव.”

जैतून इन पहाळी मा यीशु उन प्रार्थना

(मत्ती २६:३६-४६; मरकुस १४:३२-४२)

39 आग यीशु व्हारया होटकु तान रीतइन अनुसार जैतून इन पहाळी मा होदुन, अदकि चेलागोळ आऊन हदि आगदुर. 40 आ जागा दा होगकु आव आंदुर से अंदुन, “प्रार्थना माळी कि नीव परीक्षा दा बळिबाळी.”

41 आव आंदुर से अलग लगभग कल्ल भीळोद ईट दुर ताका होदुन अदकि ट्वांगरा टेक्सकु प्रार्थना माळली कुरतुन, 42 “हे आप्पा, अगर नी चाहास्या रा ईद दुख देल तुम्द कटोरा अक नान हात्ती टु सर्कुसबुळ, तरी भी नान ईला लेकीन नीन इच्छा पुरा आगुल.” 43 आग स्वर्ग दा टु ऊंद स्वर्गदूत आऊक काळ्सदुन जो आऊक सामर्थ्य कोळतोगोन. 44 आव हापाळ व्याकुल आगकु मात्त यक्कुल वेदना देल प्रार्थना माळली कुरतुन; अदकि आऊन पच्ची रा खुन इन धोळद-धोळद वुंद इन घाई धरती मा बळितोगोद.

45 आग आव प्रार्थना माळुकु येददुन अदकि तान चेलागोळद हात्ती बंदकु आंदरी उदासी इन मारा देल मगित नोळदुन 46 अदकि आंदुर से अंदुन, “येती मगितीर? येळी, प्रार्थना माळी कि नीव परीक्षा दा बळिबाळी.”

यीशु उक श्वाका देल हुडुकु आगोद

(मत्ती २६:४७-५७; मरकुस १४:४३-५०; यूहन्ना १८:३-१२)

47 यीशु ईद अंत अच ईरोन कि ऊंद भीळ बत्त, अदकि आ हननेळ दा टु ऊंद यार्द हेसुर यहूदा ईरोद आंदुरद मुंद मुंद बरोन. आव यीशु उन हात्ती बंदुन कि आऊन गाल्ला अनद चुम्मा ताकोम सकुल. 48 यीशु आऊन से अंदुन, “हे यहूदा, येन नी चुम्मा ताकोमकु मंळसा अन पार उक हुळसुसली बंदया?”

49 आऊन चेलागोळ जो यीशु उन सांगुळ ईरोर याग नोळदुर कि येन आगावाळा आद, रा अंदुर, “हे प्रभु, येन नाव तलवार नळसेव?” 50 अदकि आंदुर दा टु ऊंद मंळसा महायाजक ऊंद दास मा तलवार नळसकु आऊन ऊम्मा कवि हार्स बुट्टुन.

51 इदुर मा यीशु अंदुन, “ईग बस माळी.” अदकि आऊन कवि इक मुटकु आऊक वळ्लीद माळदुन.

52 आग यीशु प्रधान याजकगोळ अदकि मंदरि इन पहरेदारगोळद सरदारगोळ अदकि पुरनयागोळ से, जो आऊन मा येरकु बंदीदुर, अंदुन, “येन नीव नानी वदिरोह जानूसकु तलवारगोळ अदकि कोलगोळ हुडुक् होटीर? 53 याग ना मंदरि दा हर रोज नीम सांगुळ ईरीन, रा नीव नानी हुडोद कोशशि माळीदील; पर ईद नीम समय आद, अदकि अंधकार इन राज आद.”

पतरस उन इनकार

(मत्ती २६:५७,६९-७५; मरकुस १४:५३,५४,६६-७२; यूहन्ना १८:२५-२७)

54 बाक आंदुर यीशु उक हुडुक् ओतुर, अदकि महायाजक उन मान्या तंदुर. पतरस दुर दुर टु उच आऊन हदि-हदि नळुतोगोन; 55 अदकि याग आंदुर आंगुळ दा बेक्की होत्ताकु ऊंद ऊज्या कुरतुर, रा पतरस भी आंदुर नयाडया दा कुरतोदुन. 56 आग ऊंद दासी आऊक सगिळी इन उजुळ दा कुरत नोळकु अदकि आऊक वळ्लीसा नोळकु अनली कुरतुर, “ईव भी रा यीशु उन सांगुळ ईरोन.”

57 लेकीन पतरस ईद अंदकु इनकार माळदुन, “हे आरत, ना आऊक अरालीन.”

58 धवाळासा समय इन बाददा यावारा दुसरा मळसा आऊक नोळकु अंदुन, “नी भी रा आंदुर दा टु ऊंद हुय.”

पतरस अंदुन, “हे मळसा, ना आलच.”

59 बाक मात्त ऊंद घंटा अन्द बाददा ऊंद मळसा भरोसा माळकु अंदुन, “जरूर ईव भी रा आऊन सांगुळ ईरोन, यतकी ईव गलीली हुन.”

60 पतरस अंदुन, “हे मळसा, ना जान्सालीन कि नी येन अनेत्या!”

आव अनतेला अच ईरोन कि तुरन्त हुंज कुत्त. 61 आग प्रभु तरिगकु पतरस उन दी नोळदुन, अदकि पतरस उक प्रभु उन आ मात याद बत्त जो आव अंददिन: “ईद हुंज इन कुग्गोर से पयला, नी मुर घन नान इनकार माळ्या.” 62 अदकि आव व्हार्या होटकु हुदक्या कोट कोटकु वरलदुन.

यीशु उन अपमान

(मत्ती २६:६७,६८; मरकुस १४:६५)

63 जो मळसागोळ यीशु उक हुडुक् ईरोर, आंदुर आऊन मज्याक हारसकु आऊक बडुली कुरतुर; 64 आंदुर आऊन कण्णगोळ मा पट्टी कटकु आऊन से केळदुर, “भवषियवाणी हेळ कि नीनी याव बळदुन!” 65 अदकि आंदुर आऊन अपमान माळकु आऊन वरोध दा हापाळ सा मातगोळ अंदुर.

महासभा अन्द मुंद यीशु

(मत्ती २६:५९-६६; मरकुस १४:५५-६४; यूहन्ना १८:१९-२४)

66 याग हागुल आत रा लाँकुरद स्याणा अदकि प्रधान याजक अदकि नयिम इन गुरु जमा आदुर, अदकि यीशु उक तान महासभा दा तनकु केळदुर, 67 “येन नी मसीह हुय? रा नाम से अंद बुळ!”

यीशु आंदरी उत्तर कोट्टुन, “अगर ना नीम से अनाईन, तरी भी नीव विश्वास माळतीदील; 68 अदकि अगर ना सवाल केळाईन रा नीव उत्तर कोळतीदील. 69 लेकीन ईगी टु ना मळसा अन पार सरवशक्तमिान परमेश्वर उन ऊमा कय दी कुरतकु ईराइन.”

70 इदुर मा सप्पा मुंदुर अंदुर, “रा येन नी परमेश्वर उन पार हुय?”

यीशु उत्तर कोट्टुन, “नीव खुद अच अंतीर, कि ना हुईन.”

71 आग आंदुर अंदुर, “ईग नामी गवाही इन येन जरवत आद; यतकी नाव खुद आऊन बाय देल केळ कोडेव.”

23

पलितुस उन मुंद यीशु

(मत्ती २७:१,२,११-१४; मरकुस १५:१-५; यूहन्ना १८:२८-३८)

1 आग सप्पा सभा यदकु यीशु उक पलातुस उन हात्ती ओतुर. 2 आंदुर ईद अनकु आऊन मा दोष हचली कुरतुर: “नाव ईऊक यहूदी लॉकुरी बयकुसत, अदकि रोमन सम्राट उक कर कोळोद से मना माळत, अदकि तान तान इक मसीह, अन राजा अनतेला केळेव.”

3 पलातुस यीशु उक केळदुन, “येन नी यहूदीगोळद राजा हुय?”

यीशु आऊक उत्तर कोट्टुन, “नी खुद अच अनेत्या.”

4 आग पलातुस प्रधान याजकगोळ अदकि लॉकुर से अंदुन, “ना ई मंळसा अन्द बुळक यातोदु दोष नोळालीन.”

5 लेकीन आंदुर मातत यक्कुल यकीन देल अनली कुरतुर, “ईव गलील टु ईल ताका, सप्पा यहूदी प्रदेश दा उपदेश कोट कोटकु लॉकुरी भळकुसतान.”

हेरोदेस उन मुंद यीशु

6 ईद केळकु पलातुस केळदुन, “येन ईव मंळसा गलीली हुन?” 7 अदकि याग पलातुस ईद जानसदुन का आव हेरोदेस उन रयासत ईनव हुन, रा आऊक हेरोदेस उन हात्ती कळु बुट्टुन, यतकी आ दनिगोळ दा हेरोदेस भी यूशलेम दा ईरोन. 8 हेरोदेस यीशु उक नोळकु हापाळ खुश आदुन, यतकी आव हापाळ दनि टु आऊक नोळोद चाहासोन; यतकी हेरोदेस आऊन बारा दा केळीदुन, अदकि आऊन से येनारा चमत्कार नोळोद आशा ईटोन. 9 आव आऊन से हापाळ सा प्रश्न केळत ईत्तुन, पर आव आऊक येनु उत्तर कोटीदील. 10 प्रधान याजक अदकि नयिम इन गुरु नदिउकु आऊन मा गंभीर आरोप हचतेला ईत्तुर. 11 आग हेरोदेस तान सपिाहीगोळद सांगुळ आऊन अपमान माळकु आऊक मज्याक दा हारसदुन, अदकि सुंदर कपळा हाकसुसकु आऊक पलातुस उन हात्ती कळु बुट्टुन. 12 अदा दशी पलातुस अदकि हेरोदेस संगी आगेदुर; इदुर से पयले आंदुर आबुर दाबुर्द दुश्मन ईरोर.

पलातुस द्वारा यीशु उक मृत्यु दण्ड

(मत्ती २७:१५-२६; मरकुस १५:६-१५; यूहन्ना १८:३१-३९, ३६)

13 पलातुस प्रधान याजकगोळ अदकि सरदारगोळ अदकि लॉकुरी कारदुन, 14 अदकि आंदुर से अंदुन, “नीव ई मंळसा अक लॉकुरी बयकुसावाळा समसकु नान हात्ती तदीर, अदकि नोळी, ना नीम मुंद आऊन जांच माळदीन, लेकीन या मातगोळद नीव आऊन मा दोष हचेतीर आ मातगोळद बारा दा रा ना आऊन बुळक दा येनु अच दोष नोळीदील; 15 अदकि ना रा हेरोदेस राजा आऊन दा येनारा दोष नोळदुन, यतकी आव आऊक नाम हात्ती कळु बुट्टुन; अदकि नोळी, आऊन से हगि यातोदु दोष आगीदील क आऊक मृत्यु दण्ड कोटकु आगुल. 16 इदुरसाटी ना आऊक बळसुसकु बटि बुळतीन.” 17 यतकी आ हाब्व इन समय दा पलातुस उक आंदुर साटी ऊंद बंदी इक बळोद बळितोगोद*.

18 आग सप्पा मुंदुर गुट माळकु चळिलासकु येददुर, “ईऊक कोंद बुळ, अदकि नाम साटी वरअबवा अक बटि बुळ!” 19 वरअबवा दंगा फसाद इन कारण जो नगर दा आगीत, अदकि हत्या अन्द कारण बंदीगृह दा हाक्कु आगीदुन.

20 लेकीन पलातुस यीशु उक बळोद इच्छा देल लॉकुरी मातत समजुसदुन, 21 लेकीन आंदुर मातत चलिळासकु अंदुर, “आऊक कूरस मा येरस, कूरस मा!”

22 आव तसिरा घन आंदुर से अंदुन, “येती, आव याता गुणा माळ्यान? ना आऊन बुळक मृत्यु दण्ड इन लायक यातोदु दोष नोळीदील. इदुरसाटी ना आऊक क्वाळा बळसुसकु बटि बुळतीन.”

23 लेकीन आंदुर चलिळास-चलिळासकु आऊन हदि हत्तेदुर क आऊक कूरस मा येरसकु आगुल, अदकि आखरी दा आंदुर चलिळासोद सफल आगेत. 24 इदुरसाटी ह्यांग लॉकुर चाहासदुर हांग अच पलातुस आंदुर मांग इन अनुसार सहमती कोट्टुन. 25 आव आ मंळसा अक जो दंगा फसाद अदकि हत्या अन्द कारण बंदीगृह दा हाक्कु आगीदुन, अदकि यारी आ लॉकुर बेळोर, आऊक बटि

* 23:17 २३:१७ ईद वचन हाळोद हस्तलेखा दा लखिसकु हेल्लेक

बुट्टुन; अदकि यीशु उक आ लॉकुरद इच्छा अन्द अनुसार सौप्स बुट्टुन, कि आंदुर जो चाहस्यार अद आऊन सांगुळ माळ सकुल.

यीशु उक कूस मा येरसोद

(मत्ती २७:३२-४४; मरकुस १५:२१-३२; यूहन्ना १९:१७-२७)

26 याग आंदुर यीशु उक ओयोर, रा आंदुर शमौन हेसुर इन ऊंद कुरेनी मंळसा जो नगर दी टु बरोन, आऊक हुडुकु आऊन मा कूस मंळस बुटुर कि आऊक यीशु ऊंद हदि-हदि वोय सकुल.

27 लॉकुरद धोळद भीळ आऊन हदि आगेत अदकि अदुरदा हापाळ सा आर्तेर भी ईरोर जो आऊन साटी याद्दा-पटिसोर अदकि वलिाप माळतोगोर. 28 यीशु आंदुर दी तरिगकु अंदुन, “हे यूरशलेम इन पोरगोळा, नान साटी वरलबाळी; लेकीन तान अदकि तान चकीरगोळ साटी वरली. 29 यतकी नोळी, अव दनि बरताव, या दनि दा लॉकुर अंदार, ‘धन्य आर आंदुर जो वांझला आर अदकि अव गर्भ जो हाळददिल अदकि अव सतन जो हाल कुळसदिल.’” 30 *आ समय ‘आंदुर पहाळीगोळ से अंदार कनि नाम मा बळी, अदकि ट्याकरागोळ से अंदार कनिामी मुच बुळी.’ 31 यतकी याग आंदुर हविरा नान् इन सांगुळ हगि माळतार, रा वळगीद मार इन सांगुळ येन-येन माळतीदील?”

32 आंदुर अन्य येद्द मंळसागोळी जो अपराधी ईरोर आंदरी भी यीशु उन सांगुळ कोनली ओतुर. 33 याग आंदुर आ जागा यारी खोपळी अनतार होदुर, रा आंदुर अल यीशु उक अदकि आ अपराधीगोळी भी, ऊंद मंळसा अक ऊमा कय दी अदकि दुसरा मंळसा अक डाक्या कय दी कूसगोळ मा येरसदुर. 34 आग यीशु अंदुन, “हे आप्पा, इंदरी माफ माळ, यतकी इंदुर जान्सा लुर कि इंदुर येन माळीतयार.”

अदकि आंदुर चट्टी गोळी हाक्कु आऊन कपळा वाट्स कोडुर. 35 लॉकुर नदुर-नदुरकु नोळोर, अदकि सरदार भी मज्याक माळ माळकु अनतोगोर: “ईव दुसरा अक ऊळसदुन, अगर ईव परमेश्वर उन मसीह हुन, अदकि आऊन नविळसदव हुन, रा तान तान इक ऊळस कोमुल.”

36 सपिाही भी हात्ती बंदकु अदकि केय हुळलग अंगुर इन रास्सा कोटकु आऊन मज्याक हारसकु अनतोगोर, 37 “अगर नी यहूदीगोळद राजा हुय, रा तान तान इक ऊळस!”

38 अदकि आऊन म्याकुच ऊंद दोष चट्टी भी हच बुटुर: “ईव यहूदीगोळद राजा हुन.”

39 जो अपराधीगोळ अल लटकुसकु आगदुर, आंदुर दा टु ऊंद अपराधी यीशु उन अपमान माळकु अंदुन, “येन नी मसीह आलच? रा बाक तान तान इक अदकि नामी ऊळस!”

40 इंदुर मा दुसरा अपराधी आऊन मा चळिलासकु अंदुन, “येन नी परमेश्वर से भी अंजाल? नीनी भी रा अदा दण्ड सकिकेत्याद, 41 अदकि नामी रा न्यायनुसार दण्ड सकित्याद, यतकी नामी तान क्यालसागोळद बराबर फल सकित्याद; लेकीन ईव रा यातोदु अपराध माळीदलि.” 42 आग आव अंदुन, “हे यीशु, याग नी तान राज्य दा बंद्या, रा नांद याद माळेत.”

43 यीशु आऊन से अंदुन, “ना नीन से खरा माताळतीन कि ईदलया अच नी नान सांगुळ सुखदलोक दा ईत्या.”

यीशु उन जीव त्यागसोद

(मत्ती २७:४५-५६; मरकुस १५:३३-४१; यूहन्ना १९:२८-३०)

44 ईग ईद हागुल इन लगभग हन्नेळ मुरांद समय ईरोद अदकि हागुल इन मुर मुरास ताका सप्पा द्याश दा अंधार आगकु ईत्त, 45 अदकि सुर्य अन्द उजुळ होगत ईत्त, अदकि मंदिर इन परदा न्याइया दा टु हरदोत, 46 अदकि यीशु धोळद आवाज देल कारूकु अंदुन, “हे आप्पा, ना तान आत्मा नीन कय दा सौप्सतीन.” अदकि ईद अंदकु सोतोदुन.

47 सपिाहीगोळव अधकिरी, जो येनारा आगीत नोळकु परमेश्वर उन स्तुति माळदुन, अदकि अंदुन, “नश्चय ई मंळसा न्यायी ईरोन.”

48 अदकि भीळ जो ई येनारा आगीत नोळली जमा आगीत, ई घटना अक नोळकु याद्दा बडुत वापस होटोत. 49 *लेकीन आऊनोर सप्पा जान पयचान वाळेर, अदकि जो आर्तेर गलील टु आऊन हदि बंदीदुर, दुर नदिरकु ई सप्पा नोळोर.

यीशु उक नळसोद

(मत्ती २७:५७-६१; मरकुस १५:४२-४७; यूहन्ना १९:३८-४२)

50 अल यूसुफ हेसुर ईनव महासभा अन्द ऊद वळलीद सदस्य ईरोन जो सज्जन अदकि न्यायी ईरोन. 51 अदकि आंदुरद फैसला देल अदकि आंदुरद ई क्याल्सा देल सयमत ईला ईरोन. आव यहूदीगोळद अरमितिया नगर इन ईरावाळा अदकि परमेश्वर उन राज्य अन्द हादी कायावाळा ईरोन. 52 आव पलातुस उन हात्ती होगकु यीशु ऊद लाश बेळदुन; 53 अदकि आग यीशु उक क्रूस मा टु ईळसकु मलमल इन चद्दर दा गुळसदुन, अदकि ऊद कबर दा ईटदुन, जो कल्ल इन जागा दा अगुळकु ईरोद; अदकि आ जागा दा यावारा अक भी यागलु ईटकु आगीदील. 54 अद तयारी इन दनि ईरोद, अदकि आराम इन दनि सूर आगोद ईरोद.

55 मरयिम मगदलीनी जो यीशु उन सांगुळ गलील टु बंदीदुर, यूसुफ उन हदि हदि होगकु आ कबर अक नोळदुर, अदकि ईद भी नोळदुर क आऊन लाश इक याता रीत देल ईटकु आग्याद. 56 आग आंदुर वापस मान्या बंदकु सुगन्धति अत्तर अदकि मसालागोळ तयार माळदुर; अदकि आराम इन दनि आंदुर आग्या अन्द अनुसार आराम माळदुर.

24

यीशु उन पुनरूत्थान

(मत्ती २८:१-१०; मरकुस १६:१-८; यूहन्ना २०:१-१०)

1 लेकीन हप्ता अन्द पयला दशी हापाळ व्हातर्या का आंदुर आ सुगन्धति सामानगोळी जो आंदुर तयार माळीदुर, हुळकु कबर मा बंदुर. 2 आंदुर जो कल्ल कबर अन्द दरवाजा मा झाक्सकु ईरोद अदरी सरकुसकु नोळदुर, 3 पर याग आंदुर बुळक होदुर रा आंदरी प्रभु यीशु उन लाश काळसीदील. 4 याग आंदुर ई मात देल चकति आगोर रा नोळी, येद्व मंळसा बरफ इन घाई बळिव चमकदार झलकुसुत कपळा हाककु आंदुर हात्ती बंदकु नदिरदुर. 5 याग आंदुर अंजेदुर अदकि पृथ्वी इन दी बाय बांगसोर रा आ स्वरगदूतगोळ आंदुर से अंदुर, “नीव जतिता मंळसा अक सोत्तकु मंळसा दा येती दुंदुसेती? 6 *आव ईल हैलेच, लेकीन जतिता आग्यान. याद माळी क आव गलील दा ईतकु नीम से येन अंददिन, 7 *जुरी आद कनि मंळसा अन पार पापीगोळद कय दा हुळसुसकु आगाईन, अदकि क्रूस मा यरसकु आगाईन, अदकि तसिरा दशी मात्त जतिता आगाईन.”

8 आग यीशु जो मातगोळ आंदरी अंददिन अव मातगोळ आंदरी याद बंदव, 9 अदकि कबर टु बंदकु आंदुर आ हनुन मुंदरी, अदकि अनय सप्पा मुंदरी, इव मातगोळी अनकु केळसदुर. 10 आंदुर परेरतिगोळ से ईव मातगोळी अंदुर आंदुर मरयिम मगदलीनी अदकि योअनना अदकि याकव उन मोय मरयिम अदकि आंदुर सांगुळ इन दुसरा आर्तेर भी ईरोर. 11 लेकीन आंदुर मातगोळ आंदरी फालतु हतदव, अदकि आंदुर आंदुरद वशिवास माळीदील. 12 आग पतरस यदकु कबर दी ओळतेला होदुन, अदकि बांगकु सरिफ कफन इन कपळा बदिकु नोळदुन, अदकि जो आगीत अदुर देल अचम्भा माळतेला तान मान्नी होटोदुन.

इम्माऊस ऊर इन हादी मा यीशु तान चेलागोळ सांगुळ

(मरकुस १६:१२-१३)

13 अदा दशी आंदुर दा टु येद्व मुंदर इम्माऊस हेसुर इन ऊद ऊर इक होगोर, जो यरशलेम टु येनारा येळ कोस इन दुरी मा ईरोद. 14 आंदुर इव सप्पा मातगोळ मा जो आगीदव, आपस दा

* 23:49 २३:४९ लुका ८:२,३

* 24:6 २४:६ मत्ती १६:२१; १७:२२,२३; २०:१८,१९; मरकुस ८:३१; ९:३१; १०:३३,३४; लुका

९:२२; १८:३१-३३

मातचीत माळतेला होगोर, ¹⁵ अदकि याग आंदुर आपस दा मातचीत अदकि जाँच माळोर, रा यीशु खुद हात्ती बंदकु आंदुर सांगुळ आगेदुन. ¹⁶ आंदुर आऊक नोळदुर लेकीन अरू सकदील. ¹⁷ यीशु आंदुर से केळदुन, “ईव येन मातगोळ आव, जो नीव नळत नळत आपस दा माळतीर?”

आंदुर उदास सा नदुरकु ईतोदुर. ¹⁸ ईद केळकु आंदुर दा टु कलियोपास हेसुर ईनव ऊंद मळसा अंदुन, “येन नी यरूशलेम दा आबना परदेशी आय, जो जान्सालुन कि ई दनिगोळ दा अदुरदा येन येन आग्याद?”

¹⁹ आव आंदुर से केळदुन, “यातव मातगोळ?”

आंदुर आऊन से अंदुर, “यीशु नासरी इन बारा दा जो परमेश्वर अदकि सप्पा लॉकुर हात्ती क्याल्सा अदकि वचन दा सामर्थी भवषियवक्ता ईरोन, ²⁰ अदकि प्रधान याजकगोळ अदकि नाम सरदारगोळ आऊक हुळसुस बुटुर कि आऊन मा मृत्यू ऊंद आग्या कोटकु आगुल; अदकि आऊक कूस मा येरसुसदुर. ²¹ लेकीन नामी आशा ईरोद कि ईवा इस्त्राएल द्याश इक छुटकारा कोट्टान. इव सब मातगोळद अलावा ईद घटना अक आत तसिरा दनि हुन, ²² अदकि नाम दा टु हापाळ आर्तेर भी नामी आश्रय दा हाक बुटार, जो हुंजकुका अच कवर मा होगीदुर; ²³ अदकि याग यीशु उन लाश नोळीदील रा ईद अनतेला बंदुर कि नाव स्वर्गदूतगोळद दर्शन माळदेव, यार अंदुर कि आव जत्तिता आन. ²⁴ आग नाम साथीगोळ दा टु हापाळ मुंदुर कवर मा होदुर, अदकि ह्यांग आर्तेर अंदीदुर हांग अच नोळदुर; लेकीन आऊक नोळीदील.”

²⁵ आग यीशु आंदुर से अंदुन, “हे नरिबुद्धीगोळा, अदकि भवषियवक्तागोळद सब मातगोळ मा वशिवास माळदुर दा याट धीर आईर! ²⁶ येन जरी ईला ईरोद कि मसीह ईद दुख नेगुकु तान महमा दा प्रवेश माळुल?” ²⁷ आग आव मूसा से अदकि सप्पा भवषियवक्तागोळ से सुरवात माळकु सप्पा पवत्रिशास्त्र दा टु तान बारा दा लखिसदव मातगोळद अर्थ, आंदरी समझुस बुट्टुन.

²⁸ इटुर दा आंदुर आ ऊर इन हात्ती पोहचुसदुर यल आंदुर होगोर, अदकि आऊन ढंग देल हगि समझ दा बरोद कि आव मुंद आगोद चाहासतान. ²⁹ लेकीन आंदुर ईद अनकु आऊक वनिती माळकु रोकसदुर, “नाम सांगुळ ईर, यतकी द्याव मुळकत बरेत्याद अदकि हागुल हापाळ दलुसीग्याद.” आग आव आंदुर सांगुळ ईरोर साठी बुळक होदुन. ³⁰ याग आव आंदुर सांगुळ ऊमली कुरतुन, रा आव रोट्टी हुळकु परमेश्वर उन धन्यवाद माळदुन अदकि अदरी मुरकु आंदरी कोळली कुरतुन. ³¹ आग आंदुरद कण्णगोळ तेरोदव; अदकि आंदुर आऊक अर्त कोडुर, अदकि आव आंदुर कण्णगोळ देल पचचेदुन. ³² आंदुर आपस दा अंदुर, “याग आव हादी मा नाम से मातगोळी माळतोगोन अदकि पवत्रिशास्त्र अनूद अर्थ नामी समझुस तोगोन, रा येन नाम मन दा उत्तेजना पैदा आगीदील?”

³³ आंदुर अदा समय यदकु मातुत यरूशलेम इक होटोदुर, अदकि आ हनुन चेलागोळी अदकि आंदुर संगीगोळी जमा नोळदुर. ³⁴ आंदुर अनतोगोर, “प्रभु खराखुरा जत्तिता आग्यान, अदकि शमौन उक काळस्यान.”

³⁵ आग आंदुर हादी इन मातगोळी आंदरी हेळ बुटुर अदकि ईद भी कि येद्दु मुंदुर यीशु उक रोट्टी मुरा होती ह्यांग अरतुर.

यीशु चेलागोळी काळसुदुन

(मत्ती २८:१६-२०; मरकुस १६:१४-१८; यूहन्ना २०:१९-२३; प्रेरतिगोळ १:६-८)

³⁶ आंदुर ई मातगोळी अनतेला अच ईरोर कि आव खुद अच आंदुर न्याड्या दा नदुरदुन, अदकि आंदुर से अंदुन, “नीमी शांती सकुल.”

³⁷ लेकीन आंदुर घबरूसदुर अदकि अंजेदुर, अदकि समसेदुर कि नाव यातोदारा भूत इक नोळीतेव. ³⁸ आव आंदुर से अंदुन, “येती घबरूसतीर? अदकि नीम मन दा येती संदेह येळताव? ³⁹ नान कय अदकि नान कालगोळी नोळी कि ना आवा हुईन. नानी मुटकु नोळी, यतकी भूत इन येलु दा मास ईराल ह्यांग नान दा नोळतीर.”

40 ईद अंदकू यीशु आंदरी तान कय काल तोरसदुन. 41 आंदरी खुशी इन मारा देल वशिवास ईला आगोद, अदकि आंदुर आश्चर्य माळतोगोर, रा आव आंदुर से केळदुन, “येन ईल नीम हात्ती येनारा ऊममोद आद?” 42 आंदुर आऊक सुळ्द मेन इन तुकळा कोट्टुर. 43 आव हुडुकु आंदुर मुंद तदुन.

44 वाक आव आंदुर से अंदुन, “ईव नानव अव मातगोळ ह, जो ना नीम सांगुळ ईरतेला नीम से अंददिन कि जूरी आद कि यास मातगोळ मूसा अन व्यवस्था अदकि भवषियवक्तागोळ अदकि भजनगोळ कतिवगोळ दा नान बारा दा लखिसकु आव, सप्पा पुरा आगुल.”

45 आग यीशु पवतिरशास्त्र जानसोर साटी आंदुर समझ खोल्सदुन, 46 अदकि यीशु अंदुन, “ईद लखिसकु आद कि मसीह दुख नेगदान, अदकि तसिरा दशिी सोत्तुर दा टु जतिता आदान, 47 अदकि यरूशलेम टु हुळकु सप्पा जातीगोळ्द लॉकुर दा आंदुर हगि प्रचार माळली कुरतुर कि आंदुर तान पाप माळोद बंद माळुल अदकि परमेश्वर आंदरी माफ माळुल. 48 नीव ई सप्पा मातगोळ्द गवाह आईर. 49 *अदकि नोळी, जो ईनाम नान आप्प नानी कोळोद वादा माळीदुन, ना अदरी नीम मा ईळसाईन अदकि यागासताका म्याकुच स्वर्ग टु सामर्थ्य सकाल, आगासताका नीव ईदा नगर दा रूक्सकु ईरी.”

यीशु उन स्वर्गारोहण

(मरकुस १६:१९, २०; प्रेरतिगोळ १:९-११)

50 *आग यीशु आंदरी बैतनयियाह ताका नगर इन व्हार्या ओतुन, अदकि तान कय नेगुकु आंदरी आशीष कोट्टुन; 51 अदकि आंदरी आशीष कोळतेला आव आंदुर से अलग आगेदुन अदकि स्वर्ग मा नेगुकु आदुन. 52 आग आंदुर आऊक दण्डवत माळकु बळा खुशी देल यरूशलेम इक मात्त वापस वंदुर; 53 अदकि आंदुर लगातार मंदिर दा उपस्थिति आगकु परमेश्वर उन धन्यवाद माळतोगोर.

यूहन्ना रचति यीशु मसीह का सुसमाचार यूहन्ना अन्द लखिसद यीशु मसीह अन बारा दा खुशखबरी परचिय

ईद यूहन्ना अन लखिसद ई खुशखबरी इन कतिब व्हाशेव नयिम इन नाक खुशखबरी इन कतिबगोळ दा टु ऊंद हुन, जो यीशु मसीह अन जीवन इन बारा दा हेळतद. यीशु मसीह अन सोत्तुर बाददा, मत्ती, मरकुस, लुका, अदकि यूहन्ना अन दवारा ई कतिबगोळी लखिसकु आग्याद. ई सपपा कतिबगोळी खुशखबरी इन कतिब अनतार. मसीह अन जनम इन १० वर्ष इन बाददा ईद खुशखबरी परेरति यूहन्ना लखिसयान. ई कतिब दा ईद लखिसकु हैलेच कि इदरी लखिसावाळा लेखक यूहन्ना हुन, तरी भी पयला यूहन्ना, दुसरा यूहन्ना अदकि तसिरा यूहन्ना अन लखिावट देल मेल तनितद. आ समय यूहन्ना इफसिस शयर दा ईरतोगोन इदुरसाटी ई कतिब इफसिस दा लखिसकु आग्याद हगि येनारा स्याणा लेखकगोळ मानसतार.

यूहन्ना ई कतिब लखिसोद उद्देश सफाई देल ईटतान कि लॉकुरी, यीशु मसीह हुन अदकि जत्तिता परमेश्वर उन पार हुन यूहन्ना २०:३१ ई मात मा वशिवास माळोर साटी लॉकुरी मदत सकिल. आऊन मा वशिवास माळदुर दवारा आऊन हेसुर देल नामी जीवन सकि सकुल. ईद कतिब यहूदी अदकि गैरयहूदी येदुहु मुंदुर साटी लखिसकु आग्याद. यूहन्ना अन खुशखबरी दा बाकी नव मुर खुशखबरी दा टु येनारा मातगोळ अलग आव. यीशु मसीह अन माळद चमत्कारगोळ मा यूहन्ना ऊजुळ हाकतान अदकि आऊन उदाहरणगोळ बारा दा यक्कुल लखिसकु आगीदील. यीशु अन वपतसिमा अदकि सुनसान जागा दा परीक्षा, ऊंदा घाई जरूरी घटनागोळी ई खुशखबरी दा लखिसकु आगीदील.

रूप रेखा:

१. यूहन्ना खुशखबरी इन सूरवात १:१-१८
२. बाददा आव आ चमत्कारगोळ बारा दा लखिसतान जो यीशु माळयान १:१९-१२:५०
३. मुंद आव हापाळ घटनागोळ बारा दा हेळतान जो यीशु मसीह इन जीवन इक मृत्यु अदकि पुनरूत्थान ताका ओयताव १३:१-२०:३१
४. यूहन्ना अन २१ आ पाठ दा खुशखबरी खतम माळतान, यदुर दा यीशु सोत्तुर दा टु जत्तिता आगकु लॉकुर मुंद बरतान. अदकि आखरी दा तान कतिब लखिसोद उद्देश हेळतेला खतम माळतान.

जीवन इन शब्द

१ सूरवात दा शब्द ईरोद, अदकि शब्द परमेश्वर उन सांगुळ ईरोद, अदकि शब्द परमेश्वर ईरोन. २ ईदा शब्द सूरवात टु परमेश्वर उन सांगुळ ईरोद. ३ सपपा येनारा शब्द इन दवारा पैदा आत, अदकि जो येनारा पैदा आग्याद अदुर दा टु यातोदारा भी चजि आऊन सविाय बनसीदील. ४ शब्द जीवन इन स्त्रोत ईरोद अदकि अद जीवन लॉकुर साटी ऊजुळ तर्त. ५ ऊजुळ अंधार दा चमकुसतद, अदकि अंधार यागलु इदरी हारूस सकाल.

६ परमेश्वर ऊंद बातणी कोळावाळा कळुदुन यारद हेसुर यूहन्ना ईरोद. ७ आव गवाही कोळली बंदुन कि ऊजुळ इन गवाही कोळुल, ताकी सपपा मुंदुर आऊन बातणी केळकु वशिवास माळुल. ८ आव खुद रा ऊजुळ ईला ईरोन, लकीन आ ऊजुळ इन गवाही कोळोर साटी बंदीदुन. ९ खरा ऊजुळ जो हर ऊंद मंळसा अक प्रकाशति माळतद, दुनयिा दा बरावाळा ईरोद.

✱ 1:6 १:६ मत्ती ३:१; मरकुस १:४; लुका ३:१,२

10 अदक शब्द दुनयिया दा ईरोद, अदकि परमेश्वर आऊन द्वारा दुनयिया माळदुन, तरी भी दुनयिया आऊक अरतीदलि. 11 आव तान खुद इन लॉकुर हाती बंदुन लेकीन आऊन खुद इन लॉकुर आऊक ग्रहण माळीदील. 12 लेकीन यास मुंदुर आऊक ग्रहण माळदुर, मतलब आंदरी जो आऊन हेसुर मा वशिवास ईटतार, आव आंदरी परमेश्वर उन औलाद आगोद अधकारि कोट्टुन. 13 आंदुर ना रा स्वाभाविक तरीका देल परमेश्वर उन औलाद बनसदुर, मतलब मानवीय आप्प उन देल पैदा आगीदील बलकी परमेश्वर खुद आंदुरव आप्प ईरोन.

14 अदकि वचन देहधारी आत; अदकि अनुग्रह अदकि सच्चाई देल परपिण आगकु नाम न्याड्या ड्यारा हाकत, अदकि नाव अदुरद हगि महमा नोळदेव, जसा आप्प उन ऊंद ठैसा अन्द महमा.

15 यूहन्ना आऊन बारा दा गवाही कोट्टुन, अदकि कारूकु अंदुन, “ईव आवा हुन, यारद वर्णन ना माळदीन कि जो नान बाद्दा बरेत्यान, आव नान से वाळुसकु आन यतकी आव नान से पयले ईरोन.”

16 यतकी आऊन परपिणता दा टु नाव सप्पा मुंदुर प्राप्त माळदेव मतलब अनुग्रह मा अनुग्रह प्राप्त माळदेव. 17 इदुरसाटी कि व्यवस्था रा मूसा अन्द द्वारा कोटकु आत, लेकीन अनुग्रह अदकि सच्चाई यीशु मसीह अन्द द्वारा बत्त. 18 परमेश्वर उक याऊ यागलु नोळीदील, ऊंद ठैसा पार जो आप्प उन क्वारा दा आन, आवा परमेश्वर उक प्रगट माळदुन.

यूहन्ना बपतस्मा कोळावाळा अन्द बातणी

(मत्ती ३:१-१२; मरकुस १:१-८; लूका ३:१-१८)

19 यूहन्ना अन्द गवाही ईद आद, कि याग यहूदीगोळ यरूशलेम टु याजकगोळ अदकि कर ताकोमावाळेर इक आऊन से ईद केळोर साटी कळुदुर, “नी याव हुय?”

20 रा आव ईद मान्स कोंडुन अदकि इनकार माळीदलि, लेकीन मान्स कोंडुन, “ना मसीह आलच.”

21 आग आंदुर आऊन से केळुदुर, “रा बाक नी याव हुय? येन नी एलयियाह हुय?”

आव अंदुन, ईला, “ना एलयियाह आलच.”

“रा येन नी आ भवषियवक्ता हुय?”

आव उत्तर कोट्टुन, “ईला.”

22 आग आंदुर आऊन से केळुदुर, “बाक नी हुय याव? यतकी नाव तान कळावाळेर इक उत्तर कोट्टेव. नी तान बारा दा येन हेळत्या?”

23 यूहन्ना अंदुन, “हयांग यशायाह भवषियवक्ता अंदान:

“ना आळी दा ऊंद कारावाळा अन्द आवाज हुईन
कि नीव प्रभु उन हादी सरका माळी.”

24 आंदुर फरीसीगोळद दी टु कळुकु आगीदुर. 25 आंदुर आऊन से केळुदुर, “अगर नी मसीह आलच, अदकि ना एलयियाह, अदकि ना आ भवषियवक्ता हुय, रा बाक बपतस्मा येती कोळत्या?”

26 बपतस्मा कोळावाळा यूहन्ना आंदरी उत्तर कोट्टुन, “ना रा नीर देल बपतस्मा कोळतीन, लेकीन नीम बीच दा ऊंद मंळसा नदुरकु आन यारी नीव अरालीर. 27 मतलब नान बाद्दा बरावाळा आन, आऊन केरु उन बन्ध भी ना खोल्सा लायक हैलेच.”

28 “ई मातगोळ यरदन गांगा अन्द आप्पाटी बैतनयियाह नगर दा आदव, यल यूहन्ना बपतस्मा कोळतोगोन.”

परमेश्वर उन मेमना*

29 “दुसरा दशिी यूहन्ना यीशु उक तान दी बरत नोळकु अंदुन, नोळी ईव परमेश्वर उन म्यांडा अन पाड्डा हुन जो दुनयिया अन्द पाप नेगुकु वोयतान. 30 ईव आवा हुन यारद बारा दा ना अंददीन,

* 1:28 १:२९ म्यांडा अन पाड्डा

ऊंद मळसा नान हदि बरतान जो नान से श्रेष्ठ आन, यतकी आव नान से पयले ईरोन. 31 ना भी रा आऊक ईला अरीन, लेकीन इदुरसाटी ना नीर देल बपतसिमा कोळतेला बंदीन की आव इस्त्राएल मा परगट आगोगुल.”

32 अदकि बपतसिमा कोळावाळा यूहन्ना ईद गवाही कोट्टुन: “ना पवतिर आत्मा अक कबूतर इन घाई स्वर्ग टु ईळ्ळतेला नोळीन, अदकि नोळदीन की आ आत्मा आऊन मा बंदकु टेहूरसेत.

33 ना रा आऊक ईला अरीन, लेकीन याव नानी नीर देल बपतसिमा कोळली कळ्ळुन, आवा नान से अंदुन, ‘यार मा नी आत्मा अक ईळ्ळत अदकि टेहूरसेत नोळ्या, आवा पवतिर आत्मा देल बपतसिमा कोळावाळा हुन.’ 34 अदकि ना नोळदीन, अदकि गवाही कोट्टीन की ईवा परमेश्वर उन पार हुन.”

यीशु नोर पयला चेलागोळ

35 दुसरा दनि मात्त यूहन्ना तान येदढ चेलागोळ सांगुळ नदिरकु ईरोन, 36 अदकि आव यीशु उक होग्त नोळदुन, अदकि अंदुन, “नोळी, ईव परमेश्वर उन मयांडा अन पाडडा हुन.”

37 आग आंदुर येदढु चेलागोळ आऊन मातगोळ केळकु यीशु उन हदि आगोदुर. 38 यीशु तरिगकु आंदरी बरत नोळदुन अदकि आंदुर से अंदुन, “नीव यार्द खोज दा आईर?”

आंदुर आऊन से अंदुर, “हे गुरु, ‘नी यल ईरतया?’”

39 यीशु आंदुर से अंदुन, “नळी, रा नोळ कोंडीर.” आग आंदुर होगकु आऊन ईरोद जागा नोळदुर, अदकि आ दनि आऊन सांगुळ ईत्तुर. यतकी दयावमुळका नव लगभग नाक मुरदोगदिव.

40 आ येदढु मुंदुर दा टु, जो यूहन्ना अन्द मात केळकु हदि आगोगीदुर, ऊंद शमौन पतरस उन वार्द अन्दरियास ईरोन. 41 आव पयले तान सगगा वार्द शमौन से सक्कि आऊन से अंदुन, “नामी खरसित, मतलब मसीह, सक्किगेयान.” 42 अन्दरियास आऊक यीशु उन हात्ती तंदुन.

यीशु आऊन मा दृष्टी माळकु अंदुन, “नी यूहन्ना अन्द पार शमौन हुय: नीनी कैफा मतलब पतरस अंदकु आदीत.

फलिपिपुस अदकि नतनएल उक कारूकु आगोद

43 “दुसरा दशिी यीशु गलील नगर इक होगोद चाहासदुन. यीशु फलिपिपुस से भेट माळदुन अदकि अंदुन, ‘नान हदि आगोग.’” 44 फलिपिपुस, अन्दरियास अदकि पतरस उन नगर बैतसैदा नव ईरावाळा ईरोन. 45 फलिपिपुस नतनएल से भेट माळदुन अदकि आऊन से अंदुन, “यार्द वरणन मूसा व्यवस्था अन्द कतिब दा अदकि भवषियवक्तागोळ माळ्यार, आव नामी सक्किेदुन; आव यूसुफ उन पार, यीशु नासरी हुन.”

46 नतनएल आऊन से अंदुन, “येन येनारा वळ्लीद वस्तु भी नासरत नगर टु होळ सकतद?”

फलिपिपुस आऊन से अंदुन, “नळ्ळकु नोळ कोम.”

47 यीशु नतनएल उक तान दी बरत नोळकु आऊन बारा दा अंदुन, “नोळी, ईव सही दा इस्त्राएली हुन: ईऊन बुळक कपट हैलेच.”

48 नतनएल आऊन से अंदुन, “नी नानी हयांग अरूतया?”

यीशु आऊक उत्तर कोट्टुन, “इदुर से पयले की फलिपिपुस नीनी कारदुन, याग नी अंजीर इन मारर इन ल्यालमा ईर्या, आग ना नीनी नोळीदीन.”

49 नतनएल आऊक उत्तर कोट्टुन, “हे गुरु, नी परमेश्वर उन पार हुय; नी इस्त्राएल इन राजा हुय.”

50 यीशु आऊक उत्तर कोट्टुन, “ना जो नीन से अंदीन कनि नीनी अंजीर इन मारर इन ल्यालमा नोळदीन, येन नी इदुरसाटी नान मा वशिवास माळ्तया? नी इदुर से भी धोड्-धोड्डेव क्यालसा नोळ्या.” 51 बाक आऊन से अंदुन, “ना नीम से खरा खरा माताळतीन की नीव स्वर्ग इक तेरूतेला, अदकि परमेश्वर उन स्वर्गदूतगोळ इक मळसा अन पार उन म्याकुच ईळ्ळत अदकि म्याकुच होग्त नोळीर.”

2

काना नगर दा मदा

1 तसिरा दशी गलील इन काना नगर दा यारदारा मदा ईरोद, अदकि यीशु उन मोय भी अल ईरोर. 2 यीशु अदकि आऊन चेलागोळ भी आ मदा दा आमंत्रति ईरोर. 3 याग अंगुर इन रास्सा खतम आगेत, रा यीशु उन मोय यीशु से अंदुर, “आंदुर हातती अंगुर इन रास्सा मकिदिलि.”

4 यीशु आकनि से अंदुन “हे आर्त, नानी नीन से येन क्याल्सा? ईगल्या नान समय बरली आद.”

5 आऊन मोय सेवकगोळ से अंदुर, “जो येनारा आव नीम से अंदान, अदा माळेतीर.”

6 अल यहूदीगोळद कय-काल तोळोद प्रथा अन्द अनुसार कललगोळद आर: माळका ईटकू ईरव, हर ऊंद माळका दा लगभग येदूद-येदूद, मुर-मुर मन तुमकु आगोद. 7 यीशु सेवकगोळ से अंदुन, “माळकागोळ दा नीर तुम वुळी.” आंदुर अवरी सीगासीग तुम बुदुर. 8 आग आव आंदुर से अंदुन, “ईग थवाळासा नीर तेगुकु सयपाक माळावाळा प्रधान उन हातती ओई.” अदकि आंदुर ओतुर. 9 याग सयपाक माळावाळा प्रधान अद नीर इक नेकदुन, जो अंगुर इन रास्सा बनसंगति अदकि आव ईला अरोन कि अद यल टु बंदाद लेकीन जो सेवकगोळ नीर तेगददुर आंदुर अरोर, रा सयपाक माळावाळा प्रधान मंळगार उक कारूकु आऊन से अंदुन, 10 “हर ऊंद मंळसा पयले वळ्लीद अंगुर इन रास्सा कोळतान, अदकि याग लांकुर कुडुकु संतुषट आगेगतार, आग थवाळासा मध्यम प्रकार इन रास्सा कोळतान; लेकीन नी रा वळ्लीद अंगुर इन रास्सा ईगासताका मक्सकु ईट्या.”

11 यीशु गलील इन काना नगर दा तान ईद पयला चमत्कार तोरसकु तान महमा प्रगट माळदुन अदकि आऊन चेलागोळ आऊन मा वशिवास माळदुर.

12 इदुर बाद्दा यीशु अदकि आऊन मोय अदकि आऊन वार्दुर अदकि आऊन चेलागोळ कफरनहूम नगर इक होदुर अदकि अल थवाळासा दनि ईत्तुर.

यीशु उन मंदिर दा होगोद

(मत्ती २१:१२,१३; मरकुस ११:१५-१७; लूका १९:४५,४६)

13 यहूदीगोळद फसह अन्द हाब्व हातती ईरोद, अदकि यीशु यरूशलेम इक होदुन. 14 आव मंदरि दा वस्ता, मयांडा अदकि कबूतर मारावाळेर अदकि वहान्ना मारावाळेर लांकुरी कुर्तकु नोळदुन. 15 आग आव जाळीगोळद क्वाळा माळकु, सप्पा मयांडागोळ अदकि वस्तागोळी मंदरि टु तेगद बुट्टुन, अदकि वहान्ना मारावाळेर लांकूद पैस्या भटिकु सळा माळ बुट्टुन अदकि पांळसीगोळी उलटुस बुट्टुन, 16 अदकि कबूतरमारावाळेर से अंदुन, “इवरी ईल टु राटनेरी ओई. नान आप्प उन मान्ना अक व्यापार इन मान्ना माळबाळी.” 17 *आग आऊन चेलागोळी याद बत्त कि लखिसकु शास्त्र आद, “नीन मान्ना अन्द धुन नानी तदि बुट्टीत.”

18 इदुर मा यहूदीगोळ आऊन से अंदुर, “नी जो ईद माळत्या रा नामी यातोद चमत्कार तोरसत्या?”

19 यीशु आंदरी उत्तर कोट्टुन, “ई मंदरि इक केळद वुळी, अदकि ना इदरी मुर दनि दा नदिरूस वुळाईन.”

20 यहूदीगोळ अंदुर, “ई मंदरि इक माळदुर दा छयालीस वर्ष हत्याव, अदकि येन नी ईदरी मुर दनि दा नदिरूस बुट्ट्या?”

21 लेकीन यीशु तान मय इन मंदरि इन बारा दा अंददिन. 22 इदुरसाटी याग आव सोत्तुर दा टु जत्तिता आदुन रा आऊन चेलागोळी याद बत्त कि आव ईद अंददिन; अदकि आंदुर पवतिरशास्त्र अदकि आ वचन इन जो यीशु अंददिन, वशिवास माळदुर.

यीशु मंळसा अन्द मन इक अरूतान

* 2:12 २:१२ मत्ती ४:३३ * 2:17 २:१७ भजन संहिता ६ ९:९ * 2:19 २:१९ मत्ती २६:६१; २७:४०; मरकुस १४:५८; १५:२९

23 याग यीशु यरूशलेम दा फसह अन्द समय हाव्व दा ईरोन, रा हापाळ मंदुर आ चमत्कारगोळी जो आव तोरसतोगोन नोळकु आऊन हेसुर मा वशिवास माळदुर. 24 लेकीन यीशु तान तान इक आंदुर भरोसा मा बटिदलि, यतकी आव सप्पा मंदुर मनगोळी अरतोगोन; 25 अदकि आऊक जरवत ईला ईरोद किमंळसा अन्द बारा दा यावारा गवाही कोळ्ल, यतकी आव खुद अच अरोन किमंळसा अन्द मन दा येन आद?

3

यीशु अदकि नीकुदेमुस

1 फरीसीगोळ दा नीकुदेमुस हेसुर ईनव ऊंद मंळसा ईरोन, जो यहूदी लॉकुरव सरदार ईरोन. 2 आव ईळ्लक इक यीशु उन हात्ती बंदकु आऊन से अंदुन, “हे गुरु, नाव जानसतेव कीनी परमेश्वर दी टु गुरु आगकु बंद्या, यतकी ई चनिहगोळी जो नी तोरसत्या, अगर परमेश्वर नीन सांगुळ ईला ईरायदुन रा नी ई चनिहगोळी ईला तोरस सकाईद.”

3 यीशु आऊक उत्तर कोट्टुन, “ना नीन से खरा खरा अनतीन, अगर यावारा व्हाशोद रीति देल पैदा आगालुन रा आव परमेश्वर उन राज्य नोळ सकालुन.”

4 नीकुदेमुस यीशु उक अंदुन, “मंळसा याग हाळावाट आगोदुन, रा ह्यांग पैदा आग सकतान? येन आव तान मोय इन गर्भ दा दुसरा घन प्रवेश माळकु पैदा आग सकतान?”

5 यीशु उत्तर कोट्टुन, “ना नीन से खरा खरा अनतीन, यागासताका यावारा मंळसा नीर अदकि आत्मा देल पैदा आगालुन आगासताका आव परमेश्वर उन राज्य दा प्रवेश माळ सकालुन.

6 यतकी जो मय देल पैदा आग्याद, अद मय हुन; अदकि जो आत्मा देल पैदा आग्याद, अद आत्मा हुन. 7 अचम्भा माळबाळ कीना नीन से अंदीन, ‘नीनी व्हाशोद रीति देल पैदा आगोद जरूरी आद.’ 8 हवा यात चाहासतद आत नळुतद अदकि नी अदुर्द शब्द केळत्या, लेकीन अरू सकाल की अद यात टु बरतद अदकि यात होगतद? जो यावारा आत्मा देल पैदा आग्यान आव हगि अच आन.”

9 नीकुदेमुस आऊक उत्तर कोट्टुन, “ईव मातगोळ ह्यांग आग सकताव?”

10 ईद केळकु यीशु आऊन से अंदुन, “नी इस्त्राएलीगोळद गुरु ईतकु भी येन ई मातगोळी समसाल? 11 ना नीन से खरा खरा अनतीन कीनाव जो अरूतेव अद माताळतेव, अदकि यदरी नाव नोळेव अदुर्द गवाही कोळतेव, अदकि नीव नाम गवाही ग्रहण माळालीर. 12 याग ना नीम से पृथ्वी इन मातगोळ माळदीन अदकि नीव वशिवास माळीदलि, रा अगर ना नीम से स्वर्ग इन मातगोळ माळीईन रा बाक ह्यांग वशिवास माळीर? 13 याऊ स्वर्ग मा येरीदलि, सरिफ आवा जो स्वर्ग टु ईळदान, मतलब मंळसा अन पार जो स्वर्ग दा आन.”

14 अदकि याता रीति देल मूसा आळी दा हाव इक ऊंचाई मा येरसदुन, अदा रीति देल जरूरी आद किमंळसा अन पार भी ऊंचाई मा येरसकु आगुल; 15 ताकी जो यावारा आऊन मा वशिवास माळ्यान आऊक अनन्त जीवन सकिल. 16 “यतकी परमेश्वर दुनया से हगि प्यार ईटदुन की आव तान ऊंद ठैसा पार कोट बुट्टुन, ताकी जो यावारा आऊन मा वशिवास माळ्यान आऊन नाश आगवाळ्ल, लेकीन आऊक अनन्त जीवन सकिल. 17 परमेश्वर तान पार उक दुनया दा इदुरसाटी कळीदलि की दुनया मा दण्ड इन आग्या कोळ्ल, लेकीन इदुरसाटी कळ्यान की दुनया अक आऊन द्वारा उद्धार सकिल.

18 “जो आऊन मा वशिवास माळतान, आऊन मा दण्ड इन आग्या आगाल, लेकीन जो आऊन मा वशिवास माळालुन, आव दोषी ठहूसतान; इदुरसाटी की आव परमेश्वर उन ऊंद ठैसा पार उन हेसुर मा वशिवास माळीदलि. 19 अदकि दण्ड इन आग्या अन्द कारण ईद आद की ज्योति दुनया दा बंदाद, अदकि मंळसागोळ अंधार इक ज्योति से यककुल प्रथि सम्सदुर यतकी आंदुर क्याल्सा बुरा ईरव. 20 यतकी जो यावारा बुराई माळतान, आव ज्योति से दुश्मनी ईटतान, अदकि ज्योति इन हात्ती बरालुन, हगि आगवाळ्ल की आऊन क्याल्सागोळ मा दोष हचकु आगुल. 21 लेकीन

आव जो सचचाई मा नळतान, अदकि ज्योती इन हात्ती बरतान, यदुर देल ईद प्रगट आगोगुल का आऊन क्यालसा परमेश्वर उन दी टु माळकु आग्याव.”

यीशु अदकि यूहन्ना

22 इदुर बाद्दा यीशु अदकि आऊन चेलागोळ यहूदिया द्याश दा बंदुर; अदकि यीशु अल आंदुर सांगुळ ईतकु बपतसिमा कोळली कुरतुन. 23 यूहन्ना भी शालेम नगर इन हात्ती एनोन दा बपतसिमा कोळतोगोन, यतकी अल हापाळ नीर ईरोद, अदकि लॉकुर बंदकु बपतसिमा ताकोम तोगोर. 24 *यूहन्ना आ समय ताका बंदीगूह दा हाक्कु आगली ईरोन.

25 अल यूहन्ना अन्द चेलागोळ्द यावारा यहूदी इन सांगुळ शुद्धीकरण इन बारा दा वाद-ववाद आत. 26 अदकि आंदुर यूहन्ना अन्द हात्ती बंदकु आऊन से अंदुर, “हे गुरु, जो मंळसा यरदन इन आप्पाटी नीन सांगुळ ईरोन, अदकि यार्द नी गवाही कोट्या; नोळ, आव बपतसिमा कोळतान, अदकि सप्पा मुंदुर आऊन हात्ती बरतार.”

27 यूहन्ना उत्तर कोट्टुन, “यागासताका मंळसा अक स्वर्ग इन दी टु कोट्टु आगाल, आगासताका आव येनु हासलि माळ सकालुन. 28 *नीव रा खुद अच नान गवाह हुईर का ना अंदीन, ना मसीह आलच, लेकीन आऊन मुंद कळकु आगीन.’ 29 यारद मंळगीत आर, आवा मंळगार हुन; लेकीन मंळगार उन संगी जो नदिरकु आऊन कळतान, मंळगार उन शब्द कळकु हापाळ खुश आगतान: ईग नान ईद खुशी पुरा आग्याद. 30 जरूरी आद का आव धोड्डेव आगुल अदकि ना स्याणेव.

स्वर्ग टु बरावाळा आव याव हुन

31 “जो म्याकूच टु बरतान आव सब से वळलेव आन; जो पृथ्वी टु बरतान आव पृथ्वी नव हुन, अदकि पृथ्वी इन मातगोळी हेळतान: जो स्वर्ग टु बरतान, आव सप्पा मुंदुरद म्याकूच आन. 32 जो येनारा आव नोळयान अदकि कळयान, अदुरदा गवाही कोळतान; अदकि याऊ आऊन गवाही ग्रहण माळालुन. 33 याव आऊन गवाही ग्रहण माळ कौडुन आव ई मात मा छाप हच बुट्टुन का परमेश्वर खरा आन. 34 यतकी यारी परमेश्वर कळयान, आव परमेश्वर उन मातगोळ अनतान; यतकी आव आत्मा आळु आळुकु कोळालुन. 35 *आप्प पार से प्यार ईटतान, अदकि आव सप्पा वस्तुगोळ आऊन कय दा ईट बुटान. 36 जो पार मा वशिवास माळतान, अनन्त जीवन आऊन हुन; लेकीन जो पार उन मातगोळी मान्सालुन, आव जीवन इक नोळतीदलि, लेकीन परमेश्वर उन सट्टि आऊन मा ईरतद.”

4

यीशु अदकि सामरी आरत

1 फरीसीगोळ कळयार का यीशु बपतसिमा माळावाळा यूहन्ना से यक्कुल चेलागोळी बपतसिमा कोळतान. 2 यीशु खुद यागलु ईला उलटा आऊन चेलागोळ बपतसिमा कोळतोगोर. 3 याग यीशु अक पता नळुत का फरीसीगोळ हगि मातगोळी माळतार रा आव यहूदिया बटिकु गलील इक ओळेंदुन, 4 अदकि आऊक सामरीया टु आगकु होगोद जरूरी ईरोद. 5 इदुरसाटी आव सूखार हेसुर इन सामरीया अन्द ऊद नगर ताका बंदुन, जो आ भूमी इन हात्ती आद यदरी याकूब तान पार यूसुफ उक कोटीदुन; 6 अदकि याकूब उन भाय भी अल्या ईरोद. इदुरसाटी यात्रा टु थकूस माळकु यीशु भाय इन हात्ती हगि अच कुरतोदुन. आ समय लगभग हागुल इनव हन्नेळ मुरददिव. 7 इदुर दा ऊद सामरी जाती नोर आरत नीर तुमली बंदुर. यीशु आकनि से अंदुन, “नानी नीर कुळस.” 8 यतकी आऊन चेलागोळ रा नगर दा भोजन कोम्मोर साटी होगीदुर. 9 आ सामरी जात इन आरत आऊन से अंदुर, “नी यहूदी ईतकु ना सामरी जाती नोर आरत इन से नीर येती बेळत्या?” यतकी यहूदी सामरी जात इन लॉकुर सांगुळ यातोदु प्रकार इन व्यवहार ईटालुर. 10 यीशु उत्तर

* 3:24 ३:२४ मत्ती १४:३; मरकुस ६:१७; लुका ३:११,२० * 3:28 ३:२८ यूहन्ना १:२० * 3:35 ३:३५ मत्ती ११:२७; लुका १०:२२

कोट्टुन, “अगर नी परमेश्वर उन वरदान इक जानसाईद, अदकि ईद भी जानसाईद कि आव याव हुन जो नीन से अनतान, ‘नानी नीर कुळस,’ रा नी आऊन से बेळाईद, अदकि आव नीनी जीवन इन नीर कोळायदुन.” 11 आरत आऊन से अंदुर, “हे परभु, नीन हात्ती नीर तुमली रा बाल्टी भी हैलेच, अदकि भाय खोल आद; रा बाक अद जीवन इन नीर नीन हात्ती यल टु बत्त? 12 येन नी नाम आप्प याकूब से धोड्डेव आय, याव नामी ईद भाय कोट्टुन; अदकि खुद अच तान औलाद, अदकि तान जनावरगोळ सांगुळ इदुर दा टु नीर कुळदुन?” 13 यीशु आक इक उत्तर कोट्टुन, “जो यावारा ईद नीर कुळदान आव मात्त प्यासा ईत्तान, 14 लेकीन जो यावारा आ नीर इक कुळदान जो ना आऊक कोळाईन, आव बाक अनन्त काल ताका प्यासा आगतीदील; लेकीन जो नीर ना आऊक कोळाईन, अद आऊन दा ऊंद झरना बनसेदति जो अनन्त जीवन इन साटी उमळुसतेला ईत्तीत.” 15 आरत आऊन से अंदुर, “हे परभु, अद नीर नानी कोळ ताकी ना प्यासा आगवाळुल अदकि ना नीर तुमली ईट दुर बराईन.” 16 यीशु आकनि से अंदुन, “होग, तान गांड उक ईल कारूक तर.” 17 आरत उत्तर कोट्टुन, “ना बनि गांड उन आईन.” यीशु आकनि से अंदुन, “नी ठीक अनत्या, ‘ना बनि गांड उन आईन.’ 18 यतकी नी अईद गांडुरी माळ कोड्या, अदकि यार हात्ती नी ईग आय आव भी नीन गांड आल्लच. ईद नी सही अच अनत्या.” 19 आरत आऊन से अंदुर, “हे परभु, नानी हततद कि नी भवषियवक्ता हुय. 20 नाम आप्प दादागोळ ईदा पहाळी मा आराधना माळदुर, अदकि नीव अनतीर कि अद जागा यल आराधना माळ पायजे यूरुशलेम दा आद.” 21 यीशु आकनि से अंदुन, “हे आरत, नान मात इन वशिवास माळ कि अद समय बरतद कि नीव ना रा ईद पहाळी मा आप्प उन आराधना माळीर, ना यूरुशलेम दा. 22 नीव यारी जान्सालीर, आऊन आराधना माळतीर; अदकि नाव यारी जान्सतेव आऊन आराधना माळतेव; यतकी उद्धार यहूदीगोळ दा टु आद. 23 लेकीन अद समय बरतद, लेकीन ईग भी आद, यारदा खरा भक्त आप्प उन आराधना आत्मा अदकि सच्चाई देल माळेव, यतकी आप्प तान साटी हगि अच आराधकगोळी हुंदसतान. 24 परमेश्वर आत्मा आन, अदकि जगूरी आद कि आऊन आराधना माळावाळेर आत्मा अदकि सच्चाई देल आराधना माळुल.” 25 आरत आऊन से अंदुर, “ना जान्सतीन कि मसीह जो खरसित कहलुस्तान, बरावाळा आन; याग आव बंदान, रा नामी सप्पा मातगोळी हेळ बुट्टान.” 26 यीशु आकनि से अंदुन, “ना जो नीन से अनेतीन, आवा हुईन.”

27 इदुर दा यीशु उन चेलागोळ होट्ट बंदुर, अदकि अचम्भा माळली कुरतुर कि आव आरत से मातगोळी हेळत्यान; तरी याऊ केळीदील, “नी येन चाहासत्या?” या “यदुर साटी आकनि से मातगोळी हेळत्या?” 28 आग आरत तान घागरी बटिकु नगर दा वोळेदुर, अदकि लॉकुर से अनली कुरतुर, 29 “बरी, ऊंद मळसा अक नोळी, याव सप्पा येनारा जो ना माळीन नानी हेळ बुट्टन. येनारा ईवा रा मसीह आल्लच?” 30 इदुरसाटी लॉकुर नगर टु होट्टु आऊन हात्ती बरली कुरतुर. 31 ईदुर बीच दा आऊन चेलागोळ यीशु से ईद वनिती माळदुर, “हे गुरु, येनारा तनि कोम.” 32 लेकीन आव आंदुर से अंदुन, “नान हात्ती तनोर साटी हगि भोजन आद यदरी नीव जान्सालीर.” 33 आग चेलागोळ आपस दा अंदुर, “येन यावारा आऊन साटी येनारा तनिली तंदान?” 34 यीशु आंदुर से अंदुन, “नान भोजन ईद आद कि तान कळावाळा अनूद इच्छा अन अनुसार नळाईन अदकि आऊन क्याल्लासा पूरा माळाईन. 35 येन नीव अनालीर, ‘कतनी आगदुर दा ईग भी नाक तगिळ बाकी आव?’ नोळी, ना नीम से अनतीन, तान कण्णगोळी नेगुकु केयगोळ मा नजर हाक्की कि अव कटाई इन साटी फसल पकसेग्याद. 36 फसल कडावाळा अक मजदूरी सकितद अदकि अनन्त जीवन इन साटी काय जमा माळतान, ताकी हचावाळा अदकि कडावाळा येदुदु मुंदुर मल्लिसकु आनन्द माळुल. 37 यतकी ईल ईद कहावत सही कुरतद: ‘फसल हचावाळा दुसरा आन अदकि कडावाळा दुसरा.’ 38 ना नीमी अद केई कडोर साटी कळुदीन यदुरदा नीव मेहनत माळीदील: दुसरागोळ मेहनत माळदुर अदकि नीव आंदुरद मेहनत इन फल दा हसिसेदार आदीर.”

39 आ नगर इन हापाळ सा सामरी लॉकुर आ आरत इन अंदुर देल यीशु मा वशिवास माळदुर; यतकी आक ईद गवाही कोटीदुर: आव सप्पा येनारा जो ना माळदीन, नानी हेळ बुट्टन. 40 इदुरसाटी

याग ई सामरी लॉकुर आऊन हात्ती बंदुर, रा आऊन से वनिती माळली कुरतुर कि नाम ईल ईर. इदुरसाटी आव अल येढ्ढ दनि ताका ईत्तुन. 41 आऊन वचन इन कारण अदकि भी हापाळ सा लॉकुर वशिवास माळदुर. 42 अदकि आ आरत से अंदुर, “ईंग नाव नीन अंदुर देल अच वशिवास माळालेव; यतकी नाव खुद अच केळ कोडेव, अदकि जानसतेव कि ईवा सही दा दुनयिा अन उद्धारकर्ता हुन.”

यीशु अधिकारी अन पार उक चंगा माळदुन

43 बाक आ येढ्ढ दनिगोळ बाद्दा यीशु अल टु होटक गलील इक होदुन, 44 यतकी यीशु खुद अच गवाही कोट्टुन कि भवषियवक्ता अन्द तान द्याश दा आदर आगाल्द. 45 याग आव गलील दा बंदुन, रा गलीली लॉकुर खुशी देल आऊन सांगुळ मलिसदुर; यतकी यास क्याल्सा आव यूरशलेम दा हाव्ब इन समय माळीदुन, आंदुर आ सप्पा अक नोळीदुर, यतकी आंदुर भी हाव्ब दा होगीदुर.

46 आग यीशु बाक गलील इन काना नगर दा बंदुन, यल आव नीर इक अंगुर इन रास्सा माळीदुन. अल राजा अन ऊंद कर्मचारी ईरोन यार पार कफरनहम नगर दा बमिरा ईरोन. 47 आव ईद केळकु कि यीशु यहूदयिा टु गलील दा होट बंदान, आऊन हात्ती होदुन अदकि आऊन से ईद वनिती माळली कुरतुन कि नळ्ळु कु नान पार उक चंगा माळ्ळुल: यतकी आव सोत्तुर मा ईरोन. 48 यीशु आऊन से अंदुन, “यागासताका नीव चमत्कार अदकि अदभुत क्याल्सा नोळालीर आगासताका यागलु वशिवास माळतीदील.” 49 राजा अन कर्मचारी आऊन से अंदुन, “हे प्रभु, नान पार उन सायोर से पयले नळ.” 50 यीशु आऊन से अंदुन, “होग, नीन पार जतिता आन.” आमंळसा यीशु उन अंद मात इन भरोसा माळदुन अदकि ओळ्ळेदुन. 51 आव हादी मा का ईरोन कि आऊन दास आऊन से बंदकु सकिदुर अदकि अनली कुरतुर, “नीन पार जतिता आन.” 52 आव आंदुर से केळदुन, “याता घळी आव वळ्ळेव आगली कुरतुन?” आंदुर आऊन से अंदुर, “नाळ सातवा तास दा आऊन मय ईळदव.” 53 आग आप्प जान्स कौडुन कि ईद अदा घळी आत याता घळी यीशु आऊन से अंदुन, “नीन पार जतिता आन,” अदकि आव अदकि आऊन सप्पा परिवार वशिवास माळदुर. 54 ईद दुसरा आश्चर्यकर्म ईरोद जो यीशु यहूदयिा टु गलील दा बंदकु तोरसदुन.

5

अळतीस वर्ष इन रोगी अक चंगा माळोद

1 ई मातगोळ बाद्दा यहूदीगोळ्द ऊंद हाव्ब आत, अदकि यीशु यूरशलेम इक होदुन. 2 यूरशलेम दा भेट-फाटक इन हात्ती ऊंद कुण्ड आद जो इब्रानी भाषा बैतसेदा कहलुसतद; अदुर अईद छपरया आव. 3 इऊर दा हापाळ सा बमिरा, कुद्द, लंगळा अदकि लकवा अन रोगी लॉकुर बदिकु ईरतोगोर. 4 यतकी नविळ्ळुसद समय मा परमेश्वर उन स्वरगदूत कुण्ड दा ईळ्ळु कु नीर इक हालुसतोगोर. नीर हालुसतेला अच जो यावारा पयले ईळ्ळुतोगोन आव चंगा आगोग तोगोन बाक आऊक यातोदारा बमिरी येती आगबाळ्ळुल. 5 अल ऊंद मंळसा ईरोन, जो अळतीस वर्ष टु बमिरी देल बदिकु ईरोन. 6 यीशु आऊक बदिकु नोळकु अदकि ईद जान्सकु कि आव हापाळ दनि टु ई दशा दा बदिकु आन, आऊन से केळदुन, “येन नी चंगा आगोद चाहासत्या?” 7 आ बमिरा मंळसा आऊक उत्तर कोट्टुन, “हे प्रभु, नान हात्ती याऊ मंळसा हैलेच कि जो नीर हालुस्कु आगुल, रा नानी कुण्ड दा ईळ्ळुसयान; लेकीन नान पोहचुस ताका यावारा दुसरा नान से पयले ईळ्ळुदोगतान.” 8 यीशु आऊन से अंदुन, “येळ, तान व्हरस नेगु, नळ्ळु अदकि वयाळ.” 9 आव मंळसा तुरन्त चंगा आगोदुन, अदकि तान व्हरस नेगु कु नळ्ळुली कुरतुन.

10 अद आराम इन दनि ईरोद. इदुरसाटी यहूदी आऊन से जो चंगा आगीदुन, अनली कुरतुर, “ईद रा आराम इन दनि आद, नीनी व्हरस नेगोद उचति हैलेच.” 11 आव आंदरी उत्तर कोट्टुन, “याव नानी चंगा माळदुन, आवा नान से अंदुन, तान व्हरस नेगु, नळ्ळु अदकि वयाळ.” 12 आंदुर आऊन

से केळदुर, “आव याव मंळसा हून याव नीन से अंदुन, व्हरस नेगु, नळ्ळु अदकि वयाळ.” 13 लेकीन जो चंगा आगेगदिन आव ईला जानसोन कऱि आव याव हून, यतकी आ जागा दा भीळ इन कारण यीशु अल टु हटसेगदिन. 14 ई मातगोळ वाददा आव यीशु अक मंदरि दा सकिदुन. यीशु आऊन से अंदुन, “नोळ, नी चंगा आगेग्याः मातूत पाप माळबाळेत, हांगि आगवाळुल कऱि इदुर देल यातोदारा भारी परेशानी नीन मा बंदकु बळिल.” 15 आ मंळसा होगकु यहूदी लॉकुर से अंद बुदुन कऱि याव नानी चंगा माळदुन आव यीशु हून. 16 ईद कारण यहूदी यीशु अक सतुसुली कुरतुर, यतकी आव ईतता क्याल्सा आराम इन दशि माळतोगोन. 17 इदुर मा यीशु आंदुर से अंदुन, “नान आपू इंगासताका क्याल्सा माळतान, अदकि ना भी क्याल्सा माळतीन.” 18 ईद कारण यहूदी अदकि भी यक्कुल आऊक कोंद बुळोद कोशशि माळली कुरतुर, यतकी आव ना सर्रि आराम इन दनि इन वधि अक मुरोन, लेकीन परमेश्वर उक तान आपू अंदकु तान तान इक परमेश्वर उन घाई भी ठहरूसतोगोन.

पार उन अधकार

19 इदुर मा यीशु आंदुर से अंदुन, “ना नीम से खरा खरा अनतीन, पार खुद देल येनु माळ सकालुन, सर्रि आव जो आपू उक माळत नोळतान; यतकी याता याता क्याल्सागोळी आव माळतान अवरी पार भी अदा रीतऱि देल माळतान. 20 यतकी आपू पार उन से प्यार ईततान अदकि जो जो क्याल्सा आव खुद माळतान, आव सप्पा आऊक तोरसतान; अदकि आव इऊर से भी धोड्डेव क्याल्सा आऊक तोरसतान, ताकी नीव अचम्भा माळीर. 21 ह्यांग आपू सोतुतुरी नेगुतान अदकि जतिता माळतान, हांग अच पार भी यारी चाहासतान आंदरी जतिता माळतान. 22 आपू यारदु न्याय माळालुन, लेकीन न्याय माळोद सप्पा क्याल्सा पार उक कोट्ट बुदुन, 23 कऱि सप्पा लॉकुर ह्यांग आपू उन आदर माळतार हांग अच पार उन भी आदर माळुल. जो पार आदर माळालुन, आव आपू उन यारी आव कळयान, आदर माळालुन. 24 ना नीम से खरा खरा अनतीन, जो नान वचन केळकु नान कळावाळा मा वशिवास माळतान, अननुत जीवन आऊद हून; अदकि आऊन मा दण्ड इन आग्या आगालद लेकीन आव मृत्यु टु आपूपाटी आगकु जीवन दा प्रवेश माळ कोंडान.

25 “ना नीम से खरा खरा अनतीन अद समय वरतद, अदकि ईंग आद, यारदा सायावाळेर परमेश्वर उन पार उन आवाज केळयार, अदकि जो केळयार आंदुर जतिता ईततार. 26 यतकी याता रीतऱि देल आपू तान तान दा जीवन ईततान, अदा रीतऱि देल आव पार उक भी ईद अधकार कोटान कऱि तान तान दा जीवन ईदुल; 27 लेकीन आऊक न्याय माळोद भी अधकार कोटान, इदुरसाटी कऱि आव मंळसा अन पार हून. 28 इदुर देल अचम्भा माळवाळी; यतकी अद समय वरतद कऱि यास कब्रगोळ दा आर आंदुर आऊन आवाज केळकु व्हार्या होटकु बंदार. 29 यार वळ्लीद माळयार आंदुर जीवन इन पुनरूत्थान इन साटी जतिता आदर अदकि यार बुराई माळयार आंदुर दण्ड इन पुनरूत्थान इन साटी जतिता आदर.

यीशु अन वारा दा गवाही

30 “ना तान तान देल येनु माळ सकालीन; ह्यांग केळतीन, हांगा न्याय माळतीन; अदकि नान न्याय खरा आद, यतकी ना तान इच्छा देल ईला लेकीन तान कळावाळा अन्द इच्छा चाहासतीन. 31 अगर ना खुद अच तान गवाही कोळाईन, रा नान गवाही खरा हैलेच. 32 दुसरा अदकि आन जो नान गवाही कोळतान, अदकि ना जानसतीन कऱि नान जो गवाही आव कोळतान, अद खरा आद. 33 *नीव यूहन्ना से केळसुसदीर अदकि आव सच्चाई इन गवाही कोट्टुन. 34 लेकीन ना तान वारा दा मंळसा अन गवाही चाहासालीन; तरी ना ई मातगोळी इदुरसाटी अनतीन कऱि नीमी उद्धार सकिकुल. 35 आव रा होतततेला अदकि चमकुसतेला दगिया ईरोन, अदकि नीमी येनारा समय ताका आऊन ज्योतऱि दा मग्न आगोद वळ्लीद हत. 36 लेकीन नान हात्ती जो गवाही आद अद यूहन्ना अन गवाही देल धोळद आद; यतकी जो क्याल्सा आपू नानी पुरा माळोर साटी कोटान मतलब ईदा क्याल्सा जो ना माळतीन, अव नान गवाह आव कऱि आपू नानी कळयान. 37 *अदकि

आपू याव नानी कळयान, आवा नान गवाही कोटान. नीव ना यागल्यारा आऊंद आवाज केळदीर, अदकि ना आऊंद रूप नोळदीर; 38 अदकि आऊन वचन इक मन दा जमा ईटालीर, यतकी आव यारी कळयान नीव आऊंद वशिवास माळालीर. 39 नीव पवतिरशास्त्र दा हुंदसतीर, यतकी समसतीर कि अदुरदा अनन्त जीवन नीमी सकितद; अदकि ईव आवा हुन जो नान गवाही कोळतान; 40 तरी भी नीव जीवन साटी नान हात्ती बरोद चाहासालीर. 41 ना मळसागोळ से आदर चाहासालीन. 42 लेकीन ना नीमी जान्सतीन कि नीम दा परमेश्वर उन प्यार हैलेच. 43 ना तान आपू उन हेसुर देल बंदीन, अदकि नीव नानी ग्रहण माळालीर; अगर दुसरा यावारा तांद अच हेसुर देल बंदान, रा आऊक ग्रहण माळ कौडीर. 44 नीव जो आवुर दाबुर से आदर चाहासतीर अदकि अद आदर जो ऊंद मातू परमेश्वर उन दी टु आद, चाहासालीर, याता प्रकार वशिवास माळ सकतीर? 45 ईद समसवाळी कि ना आपू उन मुंद नीम मा दोष हचाईन; नीम मा दोष हचावाळा रा मूसा हुन, यार मा नीव भरोसा ईटीर. 46 यतकी अगर नीव मूसा अन वशिवास माळायदीर, रा नान भी वशिवास माळायदीर, इदुरसाटी कि आव नान बारा दा लखिस्यान. 47 लेकीन अगर नीव आऊन लखिसद मातगोळ मा वशिवास माळालीर, रा नान मातगोळ मा ह्यांग वशिवास माळीर?”

6

अईद हजार मळसागोळी तनिसोद

(मत्ती १४:१३-२१; मरकुस ६:३०-४४; लूका ९:१०-१७)

1 ई मातगोळद बाददा यीशु गलील इन झील* मतलव तविरियास इन झील इन आप्पाटी होदुन. 2 अदकि ऊंद धोळद भीळ आऊन हदि आगेत यतकी जो आश्चर्यकर्म आव बमिरगोळ मा तोरसतोगोन आंदुर अवरी नोळतोगोर. 3 आग यीशु पहाळी मा येरकु तान चेलागोळ सांगुळ अल कुरतोदुन. 4 यहूदीगोळद फसह अन हाब्व हात्ती ईरोद. 5 याग यीशु तान कण्णगोळी नेगुकु ऊंद धोळद भीळ इक तान हात्ती बरत नोळदुन, रा फलिपिपुस से अंदुन, “नाव इंदुर भोजन इन साटी यल टु रोटी कौडकु तंदेव?” 6 आव ईद मात आऊक परखुसोर साटी अंदुन, यतकी आव खुद जानसोन कि आव येन माळयान. 7 फलिपिपुस आऊक उत्तर कोटदुन, “येदद सौ दीनार इन रोटी भी आंदुर साटी पुरा आगतीदील कि आंदुर दा टु हर ऊंद इक थवाळा-थवाळा सक्केगुल.” 8 आऊन चेलागोळ दा टु शमौन पतरस उन वारट अन्दरियास आऊन से अंदुन, 9 “ईल ऊंद पार आन यार हात्ती जवारी इन अईद रोटी अदकि येदद मेनगोळ आव; लेकीन ईस लॉकुर साटी अव येन आव?” 10 यीशु अंदुन, “लॉकुरी कुरस वुळी.” आ जागा दा हापाळ काडडा ईरोद: आग लॉकुर यारदा गळसूरद संख्या लगभग अईद हजार इन ईरोद, कुरतोदुर. 11 आग यीशु रोटीगोळी हुळदुन, अदकि धन्यवाद माळकु कुरावाळेर इक वाटस बुटुन; अदकि हांग अच मेनगोळ दा टु यास आंदुर चाहासोर वाटस बुटुन. 12 याग आंदुर तनिकु संतुषट आगेदुर रा आव तान चेलागोळ से अंदुन, “मकिकु तुकळागोळी जमा माळवुळी कि येनु भटिकु आगबाळुल.” 13 इदुरसाटी आंदुर जमा माळदुर, अदकि जवारी इन अईद रोटीगोळ तुकळागोळ से जो तनिवाळेर ऊळोर, हन्नेळ फुटी तुमदव. 14 आग जो आश्चर्यकर्म आव माळकु तोरसदुन अदरी आ लॉकुर नोळकु अनली कुरतुर, “आव भवषियवक्ता जो दुनया दा बरावाळा ईरोन नश्चय ईवा हुन.” 15 यीशु ईद जान्सकु कि आंदुर नानी राजा माळोर साटी हुडोद चाहासतार, वाक पहाळी मा आवना ओळ्हेदुन.

यीशु उन नीर मा नळोद

(मत्ती १४:२२-३३; मरकुस ६:४५-५२)

16 याग द्याव मुळकत, रा यीशु उन चेलागोळ झील इन कनारार मा होदुर, 17 अदकि इवांगा मा येरकु झील इन आप्पाटी कफरनहम इक होगली कुरतुर. आ समय अंधार आगेगीत, अदकि यीशु ईगासताका आंदुर हात्ती ईला बंदीदुन. 18 आँधी अन कारण झील दा लयरगोळ येळली कुरतव.

* 6:1 ६:१ झील इन मतलव धोळ क्यार्या हुन

19 याग आंदुर केई केई अईद-आर कोस इन लगभग होटोदुर, रा आंदुर यीशु उक झील मा नळत अदकि इवांगा अन हात्ती बरत नोळदुर, अदकि अंजेदुर. 20 लेकीन आव आंदुर से अंदुन, “ना हईन; अंजबाळी.” 21 इदुरसाटी आंदुर आऊक इवांगा मा येरसोर साटी तयार आदुर अदकि तुरन्त अद इवांगा आ जागा मा पोहचुसेत यल आंदुर होगोर.

लॉकुरद यीशु उक दुंदसोद

22 दुसरा दशी आ भीळ, जो झील इन आप्पाटी नदुरकु ईरोद, ईद नोळदुर कि ईल ऊद इक बटिकु अदकि यातोदु इवांगा ईला ईरोद; अदकि यीशु तान चेलागोळ सांगुळ आ इवांगा मा ईला येरीदुन, लेकीन सर्रिफ आऊन चेलागोळ अच होगीदुर. 23 आग हापाळ इवांगागोळ तबिरियास टु आ जागा अन हात्ती बंदव, यल आंदुर प्रभु उक धन्यवाद माळदुर बाद्दा रोट्टी तदिदुर. 24 इदुरसाटी याग भीळ नोळत कि ईल ना यीशु आन अदकि ना आऊन चेलागोळ, रा आंदुर भी इवांगागोळ मा येरकु यीशु उक दुंदसतेला कफरनहूम पोहचुसदुर.

यीशु जीवन इन रोट्टी

25 झील इन आप्पाटी याग लॉकुरद भीळ यीशु से सकिदुर रा अंदुर, “हे गुरु, नी ईल याग बंद?” 26 यीशु आंदरी उत्तर कोट्टुन, “ना नीम से खरा खरा अनतीन, नीव नानी इदुरसाटी दुंदसालीर कि नीव आश्चर्यकर्म नोळदीर, लेकीन इदुरसाटी कि नीव रोट्टीगोळी तनिकु संतुष्ट आदीर. 27 नाशवान भोजन इन साटी मेहनत माळबाळी, लेकीन आ भोजन इन साटी जो अनन्त जीवन ताका टहरूसतद, यारी मंळसा अन पार नीमी कोट्टान; यतकी आप्प मतलब परमेश्वर अदुर मा छाप हच्यान.” 28 आंदुर आऊन से अंदुर, “परमेश्वर उन कयालसा माळोर साटी नाव येन माळव?” 29 यीशु आंदरी उत्तर कोट्टुन, “परमेश्वर उन कयालसा ईद आद कि नीव आऊन मा वशिवास माळी, यारी आव कळयान.” 30 आग आंदुर आऊन से अंदुर, “बाक नी यातोद चमत्कार तोरसत्या कि नाव अदरी नोळकु नीन वशिवास माळव? नी यातोद कयालसा तोरसत्या?” 31 नाम आप्प दादागोळ आळी दा मनुना तदुर; हयांग लखिसकु आद, “आव आंदरी तनोर साटी स्वरग टु रोट्टी कोट्टुन.” 32 यीशु आंदुर से अंदुन, “ना नीम से खरा खरा अनतीन कि मूसा नीमी अद रोट्टी स्वरग टु कोटीदील, लेकीन नान आप्प नीमी खरा रोट्टी स्वरग टु कोळतान. 33 यतकी परमेश्वर उन रोट्टी अदा हुन जो स्वरग टु ईळकु दुनयिा अक जीवन कोळतद.” 34 आग आंदुर आऊन से अंदुर, “हे प्रभु, ईद रोट्टी नामी हमेशा कोळतेला ईर.”

35 यीशु आंदुर से अंदुन, “जीवन इन रोट्टी ना हईन: जो नान हात्ती बरतान आव यागलु उपासा ईरतीदील, अदकि जो नान मा वशिवास माळतान आव यागलु प्यासा ईरतीदील. 36 लेकीन ना नीम से अंददीन कि नीव नानी नोळ भी कोडीर तरी वशिवास माळालीर. 37 जो येनारा आप्प नानी कोळतान अद सप्पा नान हात्ती बंदीत, अदकि जो यावारा नान हात्ती बंदान आऊक ना यागलु तेगुतदील. 38 यतकी ना तान इच्छा ईला लेकीन तान कळावाळा अनद इच्छा पुरा माळोर साटी स्वरग टु ईळदीन; 39 अदकि नान कळावाळा अन इच्छा ईद आद कि जो येनारा आव नानी कोटान, अदुर दा टु ना येनारा खोऊसालीन, लेकीन आऊक आखरी दशी बाक जत्तिता माळाईन. 40 यतकी नान आप्प उन इच्छा ईद आद कि जो यावारा पार उक नोळल अदकि आऊन मा वशिवास माळल, आऊक अनन्त जीवन सकिकीत; अदकि ना आऊक आखरी दशी बाक जत्तिता माळाईन.” 41 “इदुरसाटी यहूदी लॉकुर आऊन मा कूळकूळसली हतदुर, यतकी आव अंददिन, जो रोट्टी स्वरग टु ईळत, अद ना हईन.” 42 अदकि आंदुर अंदुर, “येन ईव यूसुफ उन पार यीशु आल्लच, यार मोय-आप्प उक नाव अरूतेव? रा आव हयांग अनतान कि ना स्वरग टु ईळदीन?” 43 यीशु आंदरी उत्तर कोट्टुन, आपस दा कूळकूळसबाळी. 44 याऊ नान हात्ती बर सकालुन यागासताका आप्प, याव नानी कळयान, आऊक जेडु कोमालुन; अदकि ना आऊक आखरी दशी बाक जत्तिता माळाईन. 45 भवषियवक्तागोळद लेखगोळ दा ईद लखिसकु आद: “आंदुर सप्पा

परमेश्वर उन दी टू कलसकु ईत्तार.” जो यावारा आप्प से केळयान अदकि कलतान, आव नान हात्ती बरतान. 46 ईद ईला का यावारा आप्प उक नोळयान; लेकीन जो परमेश्वर उन दी टु आन, सर्फि आवा आप्प उक नोळयान. 47 “ना नीम से खरा खरा अनतीन का जो यावारा वशिवास माळतान, अनन्त जीवन आऊंदा हुन. 48 जीवन इन रोटी ना हुईन. 49 नीम आप्प दादागोळ आळी दा मन्ना तदुर लेकीन आंदुर सोतोदुर. 50 लेकीन ईद अद रोटी हुन जो स्वर्ग टु ईळुतद ताकी मंळसा अदरी तनिल अदकि सायवाळुल. 51 जीवन इन रोटी जो स्वर्ग टु ईळुत, ना हुईन. अगर यावारा ईद रोटी दा टु तदिन, रा सदा जतिता ईत्तान; अदकि जो रोटी ना दुनिया अक जतिता ईरोरसाटी कोळाईन, अद नान मय हुन.”

52 इदुर मा यहूदी ईद अनकु आपस दा झगळा माळली कुरतुर, “ईव मंळसा ह्यांग नामी तान मय तनिली कोळ सकतान?” 53 यीशु आंदुर से अंदुन, “ना नीम से खरा खरा अनतीन का यागासताका नीव मंळसा अन पार उन मय तनिलीर, अदकि आऊन खुन कुडालीर, नीम दा जीवन हैलेच. 54 जो नान मास तनितान अदकि नान खुन कुडुतान, अनन्त जीवन आऊंदा आद; अदकि ना आऊक आखरी दशि बाक जतिता माळाईन. 55 यतकी नान मास सही दा तनिद चजि हुन, अदकि नान खुन सही दा कुडोद चजि हुन. 56 जो नान मास तनितान अदकि नान खुन कुडुतान आव नान दा संची वन्सकु ईरतान, अदकि ना आऊन दा. 57 ह्यांग जतिता आप्प नानी कळयान, अदकि ना आप्प उन कारण जतिता आईन, हांगा आव भी जो नानी तदिन नान कारण जतिता ईत्तान. 58 जो रोटी स्वर्ग टु ईळुत अदा हुन, आ रोटी अन घाई यारी आप्प दादागोळ तदुर अदकि सोतोदुर; जो यावारा ईद रोटी तदिन, आव सदा जतिता ईत्तान.” 59 ई मातगोळी आव कफरनहूम इन ऊंद यहूदी लांकुरद सभागृह दा उपदेश कोळाहोती अंदुन.

अनन्त जीवन इन वचन

60 यीशु उन चेलागोळ दा टु हापाळ मुंदुर ईद केळकु अंदुर, “ईद कठोर मात आद; इदरी याव केळ सकतान?” 61 यीशु तान मन दा ईद जान्सकु का नान चेलागोळ आपस दा ईद मात मा कुळकुळुसतार, आंदुर से केळदुन, “येन ईद मात देल नीमी ठोकर हततद? 62 अगर नीव मंळसा अन पार उक येल आव पयले ईरोन, अल म्याकुच होग्त नोळीर, रा येन आदीत? 63 आत्मा रा जीवनदायक आद, मय देल येनु लाभ हैलेच; जो मातगोळी ना नीम से अदीन अव आत्मा हु, अदकि जीवन भी हुन. 64 लेकीन नीम दा टु येनारा हगि आर जो वशिवास माळालुर.” यतकी यीशु पयले टु अच जानसन का जो वशिवास माळालुर, आंदुर यार उर; अदकि याव नानी हुळसुसयान. 65 अदकि आव अंदुन, “इदुरदा साटी ना नीम से अंददिन का यागासताका यारीकारा आप्प उन दी टु ईद वरदान कोटकु आगाल्द आगासताका आव नान हात्ती बर सकालुन.”

66 इदुर मा आऊन चेलागोळ दा टु हापाळ मुंदुर वापस आगेदुर अदकि अदुर बाददा आऊन सांगुळ हागीदील. 67 आग यीशु आ हन्नेळ चेलागोळी अंदुन, “येन नीव भी होगोद चाहासतीर?” 68 शमौन पतरस आऊक उत्तर कोटदुन, “हे प्रभु, नाव यार हाती होदेव? अनन्त जीवन इन मातगोळ रा नीद अच हाती आव; 69 अदकि नाव वशिवास माळदेव अदकि जान्स कोडेव का परमेश्वर उन पवतिर जन नीना हुय.” 70 यीशु आंदरी उत्तर कोटदुन, “येन ना नीव हन्नेळ मुंदरी नीवळुसीदील? तरी नीम दा टु ऊंद मंळसा शैतान आन.” 71 ईद आव शमौन इस्करथिती इन पार यहूदा अन बारा दा अंददिन, यतकी आवा जो हन्नेळ चेलागोळ दा टु ऊंद ईरोन, आऊक हुळसुसोद ईरोद.

7

यीशु अदकि आऊन वार्दुर

1 ई मातगोळद बाददा यीशु गलील दा टेटाळतेला ईततुन; यतकी यहूदी लॉकुर आऊक कोंद बुळोद कोशशि माळोर, इदुरसाटी आव यहूदिया दा टेटाळोद ईला चाहासोन. 2 यहूदीगोळद झोपळीगोळद हाब्व* हात्ती ईरोद. 3 इदुरसाटी आऊन वारटुर आऊन से अंदुर, “ईल टु यहूदिया अक होग, क्जो क्ज्याल्सा नी माळत्या अवरी नीन चेलागोळ अल भी नोळुल. 4 यतकी हगि याऊ ईला ईतीदान जो प्रसदिह आगोद चाहासुल, अदकि होचकु क्ज्याल्सा माळुल. अगर नी क्ज्याल्सा माळत्या, रा तान तान इक दुनया मा प्रगट माळ.” 5 यतकी आऊन वारटुर भी आऊन मा वशिवास ईला माळतोगोर. 6 आग यीशु आंदुर से अंदुन, “नान समय ईगासताका बंददील, लेकीन नीम साटी सप्पा समय आद. 7 दुनया नीम से दुश्मनी माळ सकाल, लेकीन अद नान से दुश्मनी माळतद यतकी ना अदुर वरिध दा ईद गवाही कोळतीन क्जो अदुर क्ज्याल्सा बुरा आद. 8 नीव हाब्व दा होगी; ना ईगल्या ईद हाब्व दा होगालीन, यतकी ईगासताका नान समय पुरा आगीदील.” 9 आव आंदुर से ई मातगोळी अनकु गलील दा अच ईतोदुन.

झोपळीगोळद हाब्व दा यीशु

10 लेकीन याग आऊन वारटुर हाब्व दा वोळेदुर रा आव खुद भी, प्रगट दा ईला लेकीन मान्सी गुप्त रूप देल होदुन. 11 यहूदी हाब्व दा आऊक ईद अनकु हुंदसली कुरतुर, “आव यल आन?” 12 अदकि लॉकुर दा आऊन बारा दा सुंगा मुंगा हापाळ सा मातगोळ आदव: यारारा अनतोगोर, “आव वळलेव मळसा आन.” अदकि यारारा अनतोगोर, “ईला, आव लॉकुरी भरमुसतान.” 13 तरी यहूदीगोळद अंजक इन कारण याऊ मळसा आऊन बारा दा खुलसकु ईला माताळोन.

14 याग हाब्व इन आर्धा दिन बतिसेदव; रा यीशु मंदिर दा होगकु उपदेश माळली कुरतुन. 15 आग यहूदीगोळ चकति आगकु अंदुर, “ईऊक बनिा वाचुसद अककल ह्यांग होटवत?” 16 यीशु आंदरी उत्तर कोट्टुन, “नान उपदेश नांद ईला, लेकीन नान कळावाळा अन हुन. 17 अगर यावारा आऊन इच्छा मा नळोद चाहासतान, रा आव ईद उपदेश इन बारा दा जान्स कौडान क्जो ईद परमेश्वर उन दी टु हुन या तान दी टु अनतीन. 18 जो तान दी टु येनारा अनतान, आव तांद अच बळाई चाहासतान; लेकीन जो तान कळावाळा अन बळाई चाहासतान आवा खरा आन, अदकि अदुर दा अनुयाय ईला. 19 येन मूसा नीमी व्यवस्था कोटीदील? तरी नीम दा टु याऊ व्यवस्था मा नळालुन. नीव येती नानी कोंद बुळोद चाहासतीर?” 20 लॉकुर उत्तर कोट्टुन, “नीन दा दुष्टआत्मा आद! याव नीनी कोंद बुळोद चाहासतान?” 21 यीशु आंदरी उत्तर कोट्टुन, “ना ऊंद क्ज्याल्सा माळदीन, अदकि नीव सप्पा आश्चर्य माळतीर. 22 ईदा कारण मूसा नीमी खतना अन आग्या कोटान ईद ईला क्जो अद मूसा अन दी टु आद लेकीन आपुप दादागोळ टु नळुत बंदाद, अदकि नीव आराम इन दिन मळसा अन खतना माळतीर. 23 याग आराम इन दिन मळसा अन खतना माळकु आगतद ताकी मूसा अन व्यवस्था अन आग्या टलस बाळुल, रा नीव नान मा येती इदुरसाटी सट्टि माळतीर क्जो ना आराम इन दिन ऊंद मळसा अक पुरा रीतदिल चंगा माळदीन. 24 बाय नोळद न्याय माळवाळी, लेकीन ठीक ठीक न्याय माळी.”

येन यीशु अच मसीह हुन?

25 आग येनारा यरूशलेम इन लॉकुर अनली कुरतुर, “येन ईव आवा आल्लच यारी कोंद बुळोद कोशशि माळकु आगेत्याद? 26 लेकीन नोळी, आव रा मसीहगोळ धाई खुल्लम खुल्ला मातगोळी माळतान अदकि याऊ सरदार आऊन से येनु अनालुर. 27 ईऊक रा नाव जान्सतेव क्जो ईव येलेव हुन; लेकीन मसीह याग बंदान रा याऊ जान्सतीदील क्जो आव येलेव हुन.” 28 आग यीशु मंदिर दा उपदेश कोळतेला कारूकु अंदुन, “नीव नानी जान्सतीर, अदकि ईद भी जान्सतीर क्जो ना येलेव हुईन. ना रा खुद देल बंददील, लेकीन नानी कळावाळा खरा आन, आऊक नीव जान्सालीर. 29 ना आऊक जान्सतीन यतकी ना आऊन दी टु आईन अदकि आवा नानी कळ्यान.” 30 इदुर मा आंदुर आऊक हुडोद चाहासदुर, तरी याऊ आऊन मा कय हाकदील यतकी आऊन सही समय ईगासताका बरली

* 7:2 ७:२ हाब्व इन मतलब त्थौहार ✨ 7:23 ७:२३ यूहनना ५:९

का ईरोद. 31 तरी भी भीळ दा टु हापाळ सा लॉकुर आऊन मा वशिवास माळदुर, अदकि अनली कुरतुर, “मसीह याग बंदान रा येन इदुर से यक्कुल आश्चर्यकर्म तोरस्यान जो ईव तोरसदुन?”

यीशु उक हुडोद कोशशि

32 फरीसीगोळ लॉकुरी यीशु उन बारा दा ई मातगोळ सुंगा मुंगा अंत केळदुर; अदकि प्रधान याजकगोळ अदकि फरीसीगोळ आऊक हुडोर साटी सपिाही कळुदुर. 33 इदुर मा यीशु अंदुन, “ना थ्वाळासा समय ताका अदकि नीम सांगुळ आईन, आग तान कळावाळा अन हात्ती होटोगाईन. 34 नीव नानी दुंदूसीर, लेकीन नीमी सकितीदील; अदकि येल ना आईन, अल नीव बर सकालीर.”

35 इदुर मा यहूदीगोळ आपस दा अंदुर, “ईव येल होदान कि नामी सकितीदील? येन ईव आंदुर हात्ती होदान जो ग्रीकगोळ दा ततिर-बतिर आगकु ईरतार, अदकि ग्रीकगोळी भी उपदेश कोट्टान? 36 ईद येन मात आद जो आव अंदुन, कि नीव नानी दुंदूसीर, लेकीन सकितीदील; अदकि येल ना आईन, अल नीव बर सकालीर.”

जीवन नीर इन गांगा

37 हाब्व इन आखरी दशिी, जो मुख्य दिन आद, यीशु नदिरदुन अदकि कारकु अंदुन, “अगर यावारा प्यासा आन रा नान हात्ती बरूल अदकि कुडुल. 38 जो नान मा वशिवास माळयान, हयांग पवतिरशास्त्र दा बंदाद, ‘आऊन दलि दा टु जीवन इन नीर इन गांगा वाहुसकु होट्टीत.’” 39 आव ईद वचन पवतिर आत्मा अन बारा दा अंदुन, यारी आऊन मा वशिवास माळावाळेरी सकिकोद ईरोद; यतकि आत्मा ईगासताका ईला ईळदीत, यतकि यीशु ईगासताका तान महमिा अक ईला पोहचुसीदुन.

लॉकुर दा भेदभाव

40 आग भीळ दा टु यारारा यारारा ई मातगोळी केळकु अंदुर, “सही दा ईवा आव भवषियवक्ता हुन.” 41 दुसरागोळ अंदुर, “ईव मसीह हुन.” लेकीन येनारा लॉकुर अंदुर, “येती? येन मसीह गलील टु बंदान? 42 येन पवतिरशास्त्र दा ईद बंददील कि मसीह दाऊद इन वंश टु अदकि बैतलहम ऊर टु बंदान, यल दाऊद ईरतान?” 43 इदुरसाटी आऊन कारण लॉकुर दा फूट बत्ति. 44 आंदुर दा टु यारारा आऊक हुडोद चाहासोर, लेकीन याऊ आऊन मा कय हाकीदील.

यहूदी अधकिरीगोळद अवशिवास

45 आग सपिाही प्रधान याजक अदकि फरीसीगोळ हात्ती वापस बंदुर; आंदुर सपिाहीगोळ से अंदुर, “नीव आऊक येती तंददील?” 46 सपिाहीगोळ उत्तर कोट्टुर, “यावारा मंळसा यागलु हगि मातगोळी माळीदील.” 47 फरीसीगोळ आंदरी उत्तर कोट्टुर, “येन नीव भी भरमुसकु आगीर? 48 येन सरदारगोळ या फरीसीगोळ दा टु यारारा आऊन मा वशिवास माळ्यार? 49 लेकीन ई लॉकुर जो व्यवस्था जान्सालुर, शापति आर.” 50 “नीकुदेमुस, जो पयले आऊन हात्ती बंदीदुन अदकि आंदुर दा टु ऊद ईरोन, आंदुर से अंदुन, 51 “येन नाम व्यवस्था यावारा मंळसा अक, यागासताका पयले आऊद केळकु जानस कोमालुर कि आव येन माळतान, दोषी ठहूरसतार?” 52 आंदुर आऊक उत्तर कोट्टुर, “येन नी भी गलील इन हुय? दुंदूस अदकि नोळ कि गलील टु यावारा भवषियवक्ता प्रगत ईला आगोद.” 53 आग सप्पा लॉकुर तान तान मान्नी वोळेदुर.

8

व्यभचारिणी इक माफ

1 लेकीन यीशु जैतून इन पहाळी मा होदुन. 2 व्हातर्या आव मात्त मंदिर दा बंदुन; सप्पा लॉकुर आऊन हात्ती बंदुर अदकि आव कुरतकु आंदरी उपदेश कोळली कुरतुन. 3 आग शास्त्री अदकि फरीसी ऊद आरत इक तंदुर जो व्यभचारि दा हुळकु आगीदुर, अदकि आकी वीच दा नदिरूसकु यीशु से अंदुर, 4 “हे गुर, ई आरत व्यभचारि माळ्त हुळकु आदुर. 5 व्यवस्था दा मूसा नामी आग्या कोटान

का हिगि आरतेर मा पथराव माळ्ल. इदुरसाटी नी ई आरत इन बारा दा येन अनत्या?" 6 आंदुर आऊक परखुसोर साटी ईद मात अंदुर ताकी आऊन मा दोष हचोर साटी येनारा मात सकिकुल. लेकीन यीशु बांगकु बेळल देल जागा मा लखिसली कुरतुन. 7 याग आंदुर आऊन से केळतेला अच ईततुर, रा आव संधिा नदिरकु आंदुर से अंदुन, "नीम दा जो नषिपाप आन, आवा पयले आकी कल्ल होळदान." 8 अदकि बाक बांगकु जागा मा बेळल देल लखिसली कुरतुन. 9 लेकीन आंदुर ईद केळकु धोड्डेर टु हुळकु स्याणेर ताका, ऊंद ऊंद माळकु होट्ट बुदुर, अदकि यीशु आवना ईतोदुन, अदकि आरत अल्या वीच दा नदिरकु ईतोदुर. 10 यीशु सरका आगकु आकनि से अंदुन, "हे आरत, आंदुर येल होदुर? येन यारारा दण्ड इन आग्या कोटीदील?" 11 आक अंदुर, "हे प्रभु, याऊ ईला." यीशु अंदुन "ना भी नीनी दण्ड इन आग्या कोळालीन; होग, अदकि बाक पाप माळवाळेत."

यीशु दुनयिा अन ज्योती

12 यीशु बाक लाँकुर से अंदुन, "दुनयिा अन ज्योती ना हुईन; जो नान हदि आगेदान आव अंधकार दा नळुतीदील; लेकीन जीवन इन ज्योती सकिकीत." 13 फरीसीगोळ आऊन से अंदुर, "नी तान गवाही खुद अच कोळत्या, नीन गवाही सही हैलेच." 14 यीशु आंदरी उत्तर कोट्टुन, "भला ही ना तान गवाही खुद अच कोळतीन, तरी भी नान गवाही खरा आद, यतकी ना जानसतीन का ना यल टु बंदीन अदकि यल होगतीन? लेकीन नीव जानसालीर का ना यल टु बरतीन या यल होगतीन. 15 नीव मय इन अनुसार न्याय माळतीर; ना यारदु न्याय माळालीन. 16 अदकि अगर ना न्याय माळाईन भी, रा नान न्याय खरा आद; यतकी ना आवना हैलेच, लेकीन ना हुईन, अदकि आप्प आन याव नानी कळुदुन. 17 नीम व्यवस्था दा भी लखिसकु आद का येदुद मुंदुर गवाही मलिसकु सही आगतद; 18 ऊंद रा ना खुद तान गवाही कोळतीन, अदकि दुसरा आप्प नान गवाही कोळतान याव नानी कळ्यान." 19 आंदुर आऊन से अंदुर, "नीन आप्प यल आन?" यीशु उत्तर कोट्टुन, "ना नीव नानी जानसतीर, ना नान आप्प उक, अगर नानी जानसायदीर रा नान आप्प उक भी जानसायदीर." 20 ई मातगोळी आव मंदिर दा उपदेश कोळतेला भंडार मान्या अंदुन, अदकि याऊ आऊक हुळदीदलि, यतकी आऊन समय ईगासताका ईला बंदीत.

तान बारा दा यीशु उन कथन

21 यीशु बाक आंदुर से अंदुन, "ना होगतीन, अदकि नीव नानी हुंडसीर अदकि तान पाप दा सोत्तीर; यल ना होगतीन, अल नीव बर सकालीर." 22 इदुर मा यहूदीगोळ अंदुर, "येन आव तान तान इक कौद बुटान, जो अनतान, 'यल ना होगतीन अल नीव बर सकालीर.'" 23 आव आंदुर से अंदुन, "नीव ल्यालमा नोर हुईर, ना म्याकुच इनव हुईन; नीव दुनयिा नोर हुईर, ना दुनयिा इनव आल्लच. 24 इदुरसाटी ना नीम से अंदीन का तान पापगोळ दा सोत्तीर, यतकी अगर नीव वशिवास माळतीदील का ना आवा हुईन रा तान पापगोळ दा सोत्तीर." 25 आंदुर आऊन से अंदुर, "नी याव हुय?" यीशु आंदुर से अंदुन, "आवा हुईन जो सूरवात टु नीम से अनतेला बंदीन. 26 नीम बारा दा नानी हापाळ येनारा अनोद अदकि नरिण्य माळोद आद; लेकीन नान कळावाळा खरा आन, अदकि जो ना आऊन से केळदीन अदा दुनयिा अक अनतीन." 27 आंदुर ईद समसीदील का नाम से आप्प उन बारा दा अनतान. 28 आग यीशु अंदुन, "याग नीव मळसा अन पार उक म्याकुच येरसीर, रा जानसीर का ना आवा हुईन; ना तान तान से येनु माळालीन लेकीन ह्यांग नान आप्प नानी कलसयान हांग अच ई मातगोळी अनतीन. 29 नान कळावाळा नान सांगुळ आन; आव नानी आवना बटिदील यतकी ना सदा अदा कयाल्सा माळतीन यदुर देल आव प्रसन्न आगतान." 30 आव ईव मातगोळी अनतेला अच ईरोन का हापाळ मुंदुर आऊन मा वशिवास माळदुर.

सच्चाई नीमी स्वतंत्र माळीत

31 आग यीशु आ यहूदीगोळ से यार आऊन मा वशिवास माळीदुर, अंदुन, “अगर नीव नान वचन दा बनसकु ईत्तीर, रा सही दा नान चेलागोळ ठहरूसीर. 32 नीव सही अक जानसीर, अदकि सही नीमी स्वतंत्र माळीत.” 33 *आंदुर आऊक उत्तर कोट्टुर, “नाव रा अब्राहम उन वंश टु आयेव, अदकि यागलु यारदु दास आगीदील. बाक नी ह्यांग अनत्या क नीव स्वतंत्र आगेदीर?” 34 यीशु आंदीर उत्तर कोट्टुन, “ना नीम से खरा खरा अनतीन क जो यावारा पाप माळतान आव पाप इन दास आन. 35 दास सदा मान्या ईरालुन; पार सदा ईरतान. 36 इदुरसाटी अगर पार नीमी स्वतंत्र माळयान, रा सचमुच नीव स्वतंत्र आगेदीर. 37 ना जानसतीन क नीव अब्राहम उन वंश टु आईर; तरी नान वचन नीम दलि दा जागा हुडाल्द, इदुरसाटी नीव नानी कौद बुळोद चाहासतीर. 38 ना अदा अनतीन, जो तान आप्प उन मान्या नोळदीन; अदकि नीव अदा माळतेला ईरतीर जो नीव तान आप्प उन से केळदीर.” 39 आंदुर आऊक उत्तर कोट्टुर, “नाम आप्प रा अब्राहम हुन.” यीशु आंदुर से अंदुन, “अगर नीव अब्राहम उन औलाद आगयदीर, रा अब्राहम उन घाई क्याल्सा माळयदीर. 40 लेकीन ईग नीव नान घाई मळसा अक कौद बुळोद चाहासतीर, याव नीमी अद सही वचन हेळदुन जो परमेश्वर से केळदेव; हगि रा अब्राहम ईला माळीदुन. 41 नीव तान आप्प उन घाई क्याल्सा माळतीर.” आंदुर आऊन से अंदुर, “नाव व्यभचारि देल पैदा आगीदील, नाम ऊंद आप्प आन मतलब परमेश्वर.” 42 यीशु आंदुर से अंदुन, “अगर परमेश्वर नीम आप्प ईरायदुन, रा नीव नान से प्यार ईटायदीर; यतकी ना परमेश्वर उन दी टु बंदीन. ना खुद देल बंददील, लेकीन आवा नानी कळयान. 43 नीव नान मात येती समसालीर? इदुरसाटी क नीव नान वचन केळ सकालीर. 44 नीव तान आप्प शैतान उन दी टु आईर अदकि तान आप्प उन लालसागोळी पुरा माळोद चाहासतीर. आव रा सूखाटा टु हत्यारा आन अदकि सही मा संची ईतीदील; यतकी सही आऊन दा हैलेच. याग आव ख्वाटा माताळतान, रा तान स्वभाव देल अच माताळतान; यतकी आव झुटा आन अदकि झुट इन आप्प आन. 45 लेकीन ना जो खरा माताळतीन, इदुरदा साटी नीव नांद वशिवास माळालीर. 46 नीम दा टु याव नानी पापी ठहरूसतान? अगर ना खरा माताळतीन, रा नीव नान वशिवास येती माळालीर? 47 जो परमेश्वर टु आगतान, आव परमेश्वर उन मातगोळी केळतान; अदकि नीव इदुरसाटी केळालीर क परमेश्वर उन दी टु आल्लच.”

यीशु अदकि अब्राहम

48 ईद केळकु यहूदीगोळ यीशु से अंदुर, “येन नाव खरा अनालेव क नीनी सामरी हुय, अदकि नीन दा दुष्टआत्मा आद?” 49 यीशु उत्तर कोट्टुन, “नान दा दुष्टआत्मा हैलेच; लेकीन ना तान आप्प उन आदर माळतीन, अदकि नीव नान नरिादर माळतीर. 50 लेकीन ना तान प्रतषिटा चाहासालीन; हव, ऊंद आन जो चाहासतान अदकि न्याय माळतान. 51 ना नीम से खरा खरा अनतीन क अगर यावारा मळसा नान वचन मा नळदान, रा आव अनन्त काल ताका मृत्यु अक नोळतीदलि.” 52 यहूदीगोळ आऊन से अंदुर, “ईग नाव जान्स कौडेव क नीन दा दुष्टआत्मा आद. अब्राहम सोतोदुन, अदकि भवषियवक्तागोळ भी सोतोग्यार; अदकि नी अनत्या, ‘अगर यावारा नान वचन मा नळदान रा आव अनन्त काल ताका मृत्यु नोळतीदलि.’ 53 नाम आप्प अब्राहम रा सोतोदुन. येन नी आऊन से धोड्डेव आय? अदकि भवषियवक्तागोळ भी सोतोदुर. नीमी येन हततद क नीव येन हुईर?” 54 यीशु उत्तर कोट्टुन, “अगर ना खुद तान महमा माळाईन, रा नान महमा येनु ईला; लेकीन नान महमा माळावाळा नान आप्प आन, यारी नीव अनतीर क आव नीम परमेश्वर हुन. 55 नीव रा आऊक जानसीदील: लेकीन ना आऊक जानसतीन. अगर ना अनाईन क ना आऊक जानसालीन, रा ना नीम घाई ख्वाटा ठहरूसईन; लेकीन ना आऊक जानसतीन अदकि आऊन वचन मा नळुतीन. 56 नीम आप्प अब्राहम नान हागुल नोळोद आशा देल हापाळ मग्न ईरोन; अदकि आव नोळदुन अदकि खुश आदुन.” 57 यहूदीगोळ आऊन से अंदुर, “ईगासताका नी पचास वर्ष इन हैलेच, तरी भी नी अब्राहम उक नोळ्या?” 58 यीशु आंदुर से अंदुन, “ना खरा खरा अनतीन, क पयले इदुरद क

अब्राहम पैदा आदुन, ना आईन.” 59 आग आंदुर आऊक बडोर साटी कल्ल नेगदुर, लेकीन यीशु होचकु मंदरि टु होटबुदुन.

9

जनम इन कुदुद उक कण्ण कोळोद

1 होगाहोती यीशु ऊद मंळसा अक नोळदुन जो जनम टु कुदुद ईरोन. 2 आऊन चेलागोळ आऊन से केळदुर, “हे गुरु, याव पाप माळीदुन कि ईव कुदुद पैदा आदुन, ई मंळसा या ईऊन मोय या ईऊन आप्प?” 3 यीशु उत्तर कोट्टुन, “ना रा ईव पाप माळीदुन, ना ईऊन मोय ना आप्प; लेकीन ईद इदुरसाटी आत कि परमेश्वर उन क्याल्सा आऊन मा प्रगट आगुल. 4 याव नानी कळयान, नामी आऊन क्याल्सा हागुल ईरतेला अच माळोद जरूरी आद; अद ईळलक बरोद आद यदुरदा याऊ क्याल्सा माळ सकतीदलि. 5 यागासताका ना दुनयिा दा आईन, आगासताका दुनयिा अन ज्योती आईन.” 6 ईद अनकु आव जागा मा ऊगुळदुन, अदकि आ ऊगळा देल मुण्ण इक काल्सदुन, अदकि अद मुण्ण आ कुदुद उन कण्णगोळ मा हचकु 7 *आऊन से अंदुन, “होग, शीलोह अन कुण्ड दा तोळकोम” आव होगकु तोळदुन, अदकि नोळतेला वापस बंदुन. 8 आग आऊन बाजुवाळेर अदकि यार पयले आऊक भीख बेळतेला नोळीदुर, अनली कुरतुर, “येन ईव आवा आल्लच, जो कुरतकु भीख बेळतोगोन?” 9 येनारा लॉकुर अंदुर, “ईव आवा हुन,” दुसरागोळ अंदुर, “ईला, लेकीन आऊन घाई आन.” आव अंदुन, “ना आवा हुईन.” 10 आग आंदुर आऊन से केळली कुरतुर, “नीन कण्णगोळ हयांग खुलसेदव?” 11 आव उत्तर कोट्टुन, “यीशु हेसुर इन ऊद मंळसा मुण्ण काल्सदुन, अदकि नान कण्णगोळ मा हचकु नान से अंदुन, ‘शीलोह दा होगकु तोळकोम,’ इदुरसाटी ना होदीन अदकि तोळदनि अदकि नोळली कुरतीन.” 12 आंदुर आऊन से केळदुर, “आव यल आन?” आव अंदुन, “ना जान्सालीन.”

फरीसीगोळ द्वारा चंगाई इन जाँच पळताल

13 लॉकुर आऊक जो पयले कुदुद ईरोन फरीसीगोळ हात्ती ओतुर. 14 याता दशिी यीशु मुण्ण काल्सकु आऊन कण्णगोळी तेरदीदुन, अद आराम इन दनि ईरोद. 15 बाक फरीसीगोळ भी आऊन से केळदुर कि आऊन कण्णगोळ याता रीति देल खुलसेदव. आव आंदुर से अंदुन, “आव नान कण्णगोळ मा मुण्ण हचदुन, बाक ना तोळु कोडीन, अदकि ईग ना नोळ सकतीन.” 16 इदुर मा येनारा फरीसी अनली कुरतुर, “ई मंळसा परमेश्वर उन दी टु आल्लच, यतकी आव आराम इन दनि मानसालुन.” दुसरागोळ अंदुर, “पापी मंळसा हगि चमतकार हयांग तोरस सकतान?” इदुरसाटी आंदुर दा फूट बदिात. 17 आंदुर आ कुदुद मंळसा से मात्त अंदुर, “आव नीन कण्णगोळी खोलसयान. नी आऊन बारा दा येन अनत्या?” आव अंदुन, “आव भवषियवक्ता आन.”

18 लेकीन यहूदीगोळी वशिवास आगीदील कि आव कुदुद ईरोन अदकि ईग नोळतान, यागासताका आंदुर आऊन, याद कण्णगोळ खुलसेगीदव, आऊन मोय-आप्प उक काकू 19 आंदुर से केळीदील, “येन ईव नीम पार हुन, यारी नीव अनतीर कि कुदुद पैदा आगीदुन? बाक ईग हयांग नोळतान?” 20 आऊन मोय-आप्प उत्तर कोट्टुन, “नाव रा जान्सतेव कि ईव नाम पार हुन, अदकि कुदुद पैदा आगीदुन: 21 लेकीन नाव ईद जानसालेव कि ईग हयांग नोळतान, अदकि ना ईद जान्सतेव कि याव आऊन कण्णगोळी तेरदुन. आव स्याणा आन, आऊन से अच केळ कोमी: आव यान बारा दा खुद अंद बुटान.” 22 ई मातगोळी आऊन मोय आप्प इदुरसाटी अंदुर यतकी आंदुर यहूदीगोळ से अंजोर, यतकी यहूदी ऊद मत आगेगीदुर कि अगर यावारा अंदान कि आव मसीह हुन, रा आव सभागूह टु तेगुकु आदान. 23 ईदा कारण आऊन मोय आप्प अंदुर, “आव स्याणा आन, आऊन से अच केळ कोमी.”

* 9:5 १:५ मत्ती ५:४४; यूहनना ८:१२

* 9:7 १:७ शीलोह अन मतलब “कळकु आगोद” हुन.

24 आग आंदुर आ मळसा अक जो कुढ्द ईरोन, दुसरा घन कारूकु आऊन से अंदुर, “परमेश्वर उन सुत्ती माळ. नाव रा जानसतेव कर् आ मळसा पापी आन.” 25 आव उत्तर कोट्टुन, “ना जानसालीन कर् आव पापी आन या हैलेच; ना ऊंद मात जानसतीन कर् ना पयले कुढ्द ईरीन अदकि ईग नोळतीन.” 26 आंदुर आऊन से मात्त अंदुर, “आव नीन सांगुळ येन माळदुन? अदकि याता प्रकार देल नीन कण्णगोळी खोल्सदुन?” 27 आव आंदुर से अंदुन, “ना रा नीम से अंद कौडीन, अदकि नीव केळीदील; ईग दुसरा घन येती केळोद चाहासतीर? येन नीव भी आऊन चेला वनसोद चाहासतीर?” 28 आग आंदुर आऊक बुरा भला अनली कुरतुर, “नी अच आऊन चेला आय, नाव रा मूसा अन चेला हुयेव. 29 नाव जानसतेव कर् परमेश्वर मूसा से मातगोळी हेळदुन; लेकीन ई मळसा अक जानसालेव कर् येलेव हुन.” 30 आव आंदरी उत्तर कोट्टुन, “ईद रा आश्चर्य अन मात आद कर् नीव जानसालीर कर् आव येलेव हुन, लेकीन आव नान कण्णगोळी खोल्स बुटुन. 31 नाव जानसतेव कर् परमेश्वर पापीगोळ्द केळालुन, लेकीन अगर यावारा परमेश्वर उन भक्त आन अदकि आऊन इच्छा मा नळुतान, रा आव आऊन केळतान. 32 दुनिया अन सुरवात देल ईद यागलु केळदुर दा बंददील कर् यावारा जनम इन कुढ्द उन कण्णगोळी खोल्सदुन. 33 अगर ईव मळसा परमेश्वर उन दी टु ईला ईरायदुन, रा येनु भी ईला माळ सकायदुन.” 34 आंदुर आऊक उत्तर कोट्टुर, “नी रा बलिकुल पापगोळ दा पैदा आग्या, नी नामी येन कल्सत्या?” अदकि आंदुर आऊक व्हाऱ्या तेगद बुटुर.

आत्मकि कुढ्दपन

35 यीशु केळदुन कर् आंदुर आऊक व्हाऱ्या तेगद बुटुर, अदकि याग आऊन से भेट आत रा अंदुन, “येन नी परमेश्वर उन पार उन मा वशिवास माळत्या?” 36 आव उत्तर कोट्टुन, “हे प्रभु, आव याव हुन, कर् ना आऊन मा वशिवास माळाईन?” 37 यीशु आऊन से अंदुन, “नी आऊक नोळ्या, अदकि जो नीन सांगुळ मातगोळी हेळेत्यान आव आवा हुन.” 38 आव अंदुन, “हे प्रभु, ना नीन मा वशिवास माळतीन.” अदकि आऊक वांगकु प्रणाम माळदुन. 39 आग यीशु अंदुन, “ना ई दुनिया दा न्याय इन साटी बंदीन, ताकी जो नोळालुर आंदुर नोळुल, अदकि जो नोळतार आंदुर कुढ्द आगोगुल.” 40 जो फरीसी आऊन सांगुळ ईरोर आंदुर आऊन ई मातगोळी केळकु आऊन से अंदुर, “येन नाव भी कुढ्द आयेव?” 41 यीशु आंदुर से अंदुन, “अगर नीव कुढ्द ईरायदीर रा पापी ईला ठहूरसायदीर; लेकीन ईग अनतीर कर् नाव नोळतेव, इदुरसाटी नीम दा पाप वनसकु ईरतद.

10

चरवाहा अदकि म्यांडागोळ्द उदाहरण

1 “ना नीम से खरा खरा अनतीन कर् जो यावारा दरवाजा टु म्यांडाशाला दा प्रवेश माळालुन, लेकीन दुसरा दी टु येरतान, आव कालळ अदकि डाकू हुन. 2 लेकीन जो दरवाजा टु बुळ्क प्रवेश माळतान आव म्यांडागोळ्द चरवाहा हुन. 3 आऊन साटी चौकीदार दरवाजा खोल्स बुळतान, अदकि म्यांडा आऊन आवाज केळताव, अदकि आव तान म्यांडागोळी हेसुर ताकोम ताकोमकु कारूतान अदकि व्हाऱ्या वोयतान. 4 याग आव तान सप्पा म्यांडागोळी व्हाऱ्या तेगु कोमतान, रा अऊर मुंद मुंद नळुतान, अदकि म्यांडागोळ आऊन हदि हदि आगोगताव, यतकी अव आऊन आवाज अरूताव. 5 लेकीन अव दुसरा अन हदि होगतीदील, लेकीन आऊन से दुर ओळेव, यतकी अव दुसरा अन आवाज अरालव.” 6 यीशु आंदुर से ईद उदाहरण अंदुन, लेकीन आंदुर समसीदील कर् ईव याता मातगोळ हु जो आव नाम से अनतान.

यीशु वळ्लेव चरवाहा

7 आग यीशु आंदुर से मात्त अंदुन, “ना नीम से खरा खरा अनतीन, म्यांडागोळ दरवाजा ना हुईन. 8 यास नान से पयले बंदुर आंदुर सप्पा कालळुर अदकि डाकू उर, लेकीन म्यांडागोळ आंदुरद केळीदील. 9 दरवाजा ना हुईन; अगर यावारा नान द्वारा बुळ्क प्रवेश माळयान, रा उद्धार

सक्कीत, अदकि बुळक व्हराया होगत बरत ईत्तान अदकि चारा सक्कीत. ¹⁰ कालूळ यातोदारा क्याल्सा अन साटी ईला लेकीन सरिफ चोरी माळली अदकि घात माळली अदकि नाश माळली इक बरतान; ना इदुरसाटी बंदीन क्क आंदरी जीवन सक्किल, अदकि हापाळ जीवन सक्किल.”

¹¹ “वळलेव चरवाहा ना हुईन; वळलेव चरवाहा म्यांडागोळ साटी तान जीव कोळतान. ¹² मजदूर जो ना चरवाहा आन अदकि ना म्यांडागोळ मालकि आन, लांडग्या अक बरत नोळ म्यांडागोळी बटिकु वोळगतान; अदकि लांडग्या अवरी हुडुतद अदकि ततिर बतिर माळ बुळतद. ¹³ आव इदुरसाटी वोळगतान क्क आव मजदूर हुन, अदकि आऊक म्यांडागोळ चिता हैलेच. ¹⁴ *वळलेव चरवाहा ना हुईन; ना तान म्यांडागोळी जान्सतीन, अदकि नान म्यांडागोळ नानी जान्सताव. ¹⁵ ह्यांग आप्प नानी जान्सतान अदकि ना आप्प उक जान्सतीन अदकि ना म्यांडागोळ साटी तान जीव कोळतीन. ¹⁶ नान अदकि भी म्यांडागोळ आव, जो ई म्यांडाशाला अन आल्लच. नानी अवरी भी तरोद जूरी आद. अव नान आवाज केळेव, आग ऊंद अच झुण्ड अदकि ऊंद अच चरवाहा ईत्तान. ¹⁷ आप्प इदुरसाटी नान से प्यार ईटतान क्क ना तान जीव कोळतीन क्क अदरी मात्त ताकोम कोमाईन. ¹⁸ याऊ अदरी नान से कसालुन, लेकीन ना अदरी खुद अच कोळतीन. नानी आऊंद कोळोद भी अधिकार आद, अदकि अदरी बाक ताकोम कोमोद भी अधिकार आद: ईद आग्या नान आप्प उन देल नानी सक्कियाद.”

¹⁹ ई मातगोळ कारण यहूदीगोळ दा मात्त फूट बवित. ²⁰ आंदुर से हापाळ सा लॉकुर अनली कुरतुर, “आऊन दा दुष्टआत्मा आद, अदकि आव येरर आन; आऊंद येती केळतीर?” ²¹ अनय लॉकुर अंदुर, “ई मातगोळ ईत्ता मळसा नव आल्लच यारदा दुष्टआत्मा आद. येन दुष्टआत्मा कुद्वगोळ कण्णगोळी खोल्स सकतद?”

यीशु उक नकारसोद

²² यूरशलेम दा स्थापना हाव्व मनुस्कु आगोद; अदकि सोळ इन दनि ईरव. ²³ यीशु मंदिर दा सुलैमान उन छपर्या दा टेटाळोन. ²⁴ आग यहूदीगोळ आऊक बंदकु घेरसदुर अदकि केळदुर, “नी नाम मन इक यागासताका दुवधिं दा ईट्या? अगर नी मसीह हुय रा नाम से साफ साफ अंद बुळ.” ²⁵ यीशु आंदरी उत्तर कोट्टुन, “ना नीम से अंद बुटीन पर नीव वशिवास अच माळालीर. जो क्याल्सा ना तान आप्प उन हेसुर देल माळतीन अव अच नान गवाह हु, ²⁶ लेकीन नीव इदुरसाटी वशिवास माळालीर यतकी नीव नान म्यांडागोळ दा टु आल्लच. ²⁷ नान म्यांडागोळ नान आवाज केळताव; ना अवरी जान्सतीन, अदकि अव नान हदि हदि नळुताव; ²⁸ अदकि ना अवरी अनन्त जीवन कोळतीन. अव यागलु नाश आगतीदिल, अदकि याऊ अवरी नान कय दा टु कसु सकालुन. ²⁹ नान आप्प, याव अवरी नानी कोटान, सप्पा से धोड्डेव आन अदकि याऊ अवरी आप्प उन कय देल कसु सकालुन. ³⁰ ना अदकि नान आप्प ऊंद आयेव.” ³¹ यहूदीगोळ आऊन मा पथराव माळोर साटी मात्त कल्लगोळी नेगदुर. ³² इदुर मा यीशु आंदुर से अंदुन, “ना नीमी तान आप्प उन दी टु हापाळ सा भला क्याल्सा तोरसदीन; अऊर दा टु याता क्याल्सा अन साटी नीव नान मा पथराव माळतीर?” ³³ यहूदीगोळ आऊक उत्तर कोट्टुर, “भला क्याल्सा अन साटी नाव नीन मा पथराव माळालेव लेकीन परमेश्वर उन अपमान माळोद कारण; अदकि इदुरसाटी क्क नी मळसा आगकु भी तान तान इक परमेश्वर माळत्या.” ³⁴ यीशु आंदरी उत्तर कोट्टुन, “येन नीम व्यवस्था दा लखिसकु हैलेच, ‘ना अंदीन, नीव मय हुईर?’ ³⁵ अगर आव आंदरी मय अंदुन यार हात्ती परमेश्वर उन वचन पोहचुस्त अदकि शास्त्र अन मात ख्वाटा आग सकालव. ³⁶ रा यारी आप्प पवतिर ठहूरस्कु दुनया दा कळुदुन, नीव आऊन से अनतीर, ‘नी अपमान माळत्या,’ इदुरसाटी क्क ना अंदीन, ‘ना परमेश्वर उन पार हुईन?’ ³⁷ अगर ना तान आप्प उन क्याल्सा माळालीन, रा नान वशिवास माळबाळी. ³⁸ लेकीन अगर ना माळतीन, रा चाहे नान वशिवास भी माळबाळी, लेकीन आ क्याल्सागोळ्द रा वशिवास माळी, ताकी नीव जान्सी अदकि समसी क्क आप्प नान दा आन

अदकि ना आप्प दा आईन.” 39 आग आंदुर मात्त आऊक हुडोद कोशशि माळदुर लेकीन आव आंदुर कय दा ट्ट होटवुदुन.

40 *बाक आव यरदन इन आप्पाटी आ जागा मा ओळ्दुन, यल यूहन्ना पयले बपतसिमा कोळ्तोगोन, अदकि अल्या ईत्तुन. 41 हापाळ सा लॉकुर आऊन हात्ती बंदकु अनतोगोर, “यूहन्ना रा यातोदु चमत्कार तोरसीदील, लेकीन जो येनारा यूहन्ना ईऊंद बारा दा अंददिन, अद सप्पा सही ईरोद.” 42 अदकि अल हापाळ सा लॉकुर यीशु मा वशिवास माळदुर.

11

लाजूर उन मृत्यु

1 *मरयिम अदकि आकनि आकतींग मारथा अनूद ऊर बैतनयियाह अनूद लाजूर हेसुर इन ऊंद मळसा बमिर ईरोन. 2 *इक आका मरयिम ईरोर यार प्रभु मा अत्तर हाक्कु आऊन कालगोळी तान चूट्टीगोळ देल सट्टीदुर, ईकी नवा वार्ट लाजूर बमिर ईरोन. 3 इदुरसाटी आऊन आकतींगेर यीशु उक बातणी कळ्दुर, “हे प्रभु, नोळ, यार से नी प्यार ईटत्या, आव बमिर आन.”

4 ईद केळकु यीशु अंदुन, “ईद बमिरी सायोद आलच; लेकीन परमेश्वर उन महिमा अनूद साटी हुन, क्क आऊन द्वाारा परमेश्वर उन पार ऊंद महिमा आगुल.”

5 यीशु मारथा अदकि आकनि आकतींग अदकि लाजूर से प्यार ईटतोगोन. 6 तरी भी याग आव केळदुन क्क आव बमिर आन, रा याता जागा मा आव ईरोन, अल येदुद दनि मात्त रूकसेदुन. 7 ईदुर बाददा आव चेलागोळ से अंदुन, “बरी, नाव मात्त यहूदिया नगर इक होगीता.”

8 चेलागोळ यीशु से अंदुर, “हे गुरु, ईगलया रा यहूदी लॉकुर नीन मा कल्लगोळी होडोद चाहासोर, अदकि येन नी मात्त अल्या होगोद चाहासत्या?”

9 यीशु उत्तर कोट्टुन, “येन हागुल ईनव हन्नेळ घंटा ईरालव? अगर यावारा हागुल इन होती नळुतान रा ठोकर तनिलुन, यतकी ई दुनिया अनूद उजुळ नोळतान. 10 लेकीन अगर यावारा ईळलक इन होती नळुतान रा ठोकर तनितान, यतकी अदुरदा उजुळ हैलेच.” 11 आव ई मातगोळ अंदुन, अदकि ईदुर बाददा आंदुर से अनली कुरतुन, “नाम संगी लाजूर मर्गिग्यान, लेकीन ना आऊक येवसली होगतीन.”

12 आग चेलागोळ आऊन से अंदुर, “हे प्रभु, अगर आव मर्गिग्यान, रा वळलेव आगोदान.”

13 यीशु रा आऊन मृत्यु ऊंद बारा दा अंददिन, लेकीन आंदरी हगि हत्त क्क आव जप देल मर्गोद बारा दा अंदान. 14 आग यीशु आंदुर से साफ साफ अंद वुट्टुन, “लाजूर सोतोग्यान; 15 अदकि ना नीम कारण खुश आईन क्क ना अल ईला ईरीन यदुर देल नीव वशिवास माळी. लेकीन ईग बरी, नाव आऊन हात्ती होगीता.” 16 आग थोमा यारी ददिमुस अनतार, तान साथी चेलागोळ से अंदुन, “बरी, नाव भी आऊन सांगुळ सायली होगीता.”

यीशु ऊंद पुनरूत्थान अदकि जीवन

17 अल होगदुर मा यीशु उक ईद मालूम आत क्क लाजूर उक कवर दा ईटकु नाक दनि आगोद्याव.

18 बैतनयियाह यरूशलेम इन हात्ती येदुद मील इन दुरी मा ईरोद. 19 हापाळ सा यहूदी मारथा अदकि मरयिम इन हात्ती आकनि वार्ट ऊंद मृत्यु मा शांती कोळोर साटी बदीदुर.

20 याग मारथा यीशु ऊंद बरोद समाचार केळदुर रा आऊन से मुलाकात माळली होदुर, लेकीन मरयिम मान्या अच ईत्तुन. 21 मारथा यीशु से अंदुर, “हे प्रभु, अगर नी ईल ईराईद, रा नान वार्ट ईला सायायदुन. 22 लेकीन ना ईग भी जान्सतीन क्क नी जो येनारा परमेश्वर से बेळ्या, परमेश्वर नीनी कोट्टान.”

23 यीशु आकनि से अंदुन, “नीन वार्ट मात्त जत्तिता आदान.”

24 मारथा आऊन से अंदुर, “ना जानसतीन कऱ आखरी दनऱगोळ दा पुनरूथान इन समय आव जतऱता आदान.”

25 यीशु आकनऱ से अंदुन, “पुनरूथान अदकऱ जीवऱन नऱ अच हुईन; जो यावऱरऱ नऱन मऱ वऱशऱवऱस मऱळतऱन आव अगऱ सऱतऱ भी दऱन तरऱ भी जतऱता आदान, 26 अदकऱ जो यावऱरऱ जतऱता आन अदकऱ नऱन मऱ वऱशऱवऱस मऱळतऱन, आव अननूत कऱल तऱकऱ सऱयतीदील. येन नी ई मऱत मऱ वऱशऱवऱस मऱळतऱयऱ?”

27 आक आऊन से अंदुर, “हव हे प्रभु, नऱ वऱशऱवऱस मऱळतीन कऱ परमेश्वर उन पऱर मसीह जो दुनऱयऱ दऱ बऱरऱवऱळऱ ईरोन, आव नी अच हुय.”

यीशु वऱलदुन

28 ईद अनकू आक होटऱदुर, अदकऱ तऱन आकतीग मऱरऱयऱम इक कऱरूकु सुंगऱसुंग अंदुर, “गुरु ईवऱ हुन अदकऱ नीनी कऱरूतऱन.” 29 ईद केळत अच आक तुरनुत यदकु आऊन हऱतऱती बंदुर. 30 यीशु ईगलुयऱ ऊर दऱ बऱरली इक ईरोन लेकीन अदऱ जऱगऱ मऱ ईरोन यल मऱरथा आऊन से मुलऱकऱत मऱळीदुर. 31 आग जो यहूदी आऊन सऱंगुळ मऱनुयऱ ईरोर अदकऱ आऊक शऱंती कोळोर, ईद नऱळकु कऱ मऱरऱयऱम तुरनुत यदकु वऱहऱरुयऱ होगुयऱर आंदुर ईद सऱसुसदुर कऱ आक कबूर मऱ वऱली होगुेतुयऱर, रऱ आकनऱ हऱदऱ आगुेदुर.

32 यऱग मऱरऱयऱम अल पऱहचुसदुर यल यीशु ईरोन, रऱ आऊक नऱळत अच आऊन कऱलगऱळ मऱ बऱदऱदुर अदकऱ अंदुर, “हे प्रभु, अगऱ नी ईल ईरऱईद रऱ नऱन वऱरूट ईलऱ सऱयऱयदुन.”

33 यऱग यीशु आक इक अदकऱ आ यहूदीगऱळी जो आकनऱ सऱंगुळ बंदीदुर, वऱलतेलऱ नऱळदुन, रऱ तऱन आतुमऱ दऱ हऱपऱळ अच उदऱस अदकऱ वुयऱकुल आदुन, 34 अदकऱ अंदुन, “नीव आऊक यल ईटीर?”

आंदुर आऊन से अंदुर, “हे प्रभु, नळकु नऱळ कोम.”

35 यीशु वऱलदुन. 36 आग यहूदी अनली हतदुर, “नऱळी, आव आऊन से यऱट प्यऱर ईटतऱन.”

37 लेकीन आंदुर दऱ टु थुवऱळऱसऱ यहूदीगऱळ अंदुर, “येन ईव यऱव कुदुद मंळसऱ अनूद कणुणगऱळ तेरदुन, येन ईद भी मऱळ सकऱदील कऱ ई मंळसऱ ईलऱ सऱयऱयदुन?”

यीशु लऱजर उक जतऱता मऱळदुन

38 यीशु तऱन मऱन दऱ मऱतूत हऱपऱळ अच उदऱस आगकु कबूर मऱ बंदुन. अद ऊद गुफऱ ईरोद अदकऱ ऊद कलुल आ गुफऱ मऱ ईटकु ईरोद. 39 यीशु अंदुन, “कलुल सरकुसी.”

जो सऱतकु ईरोन आऊन आकतीग मऱरथा आऊन से अनली हतदुर, “हे प्रभु, आऊन दऱ टु ईग वऱस बऱरतद, यतकऱी आऊक सऱतकु नऱक दनऱ आगुगुयऱव.”

40 यीशु आकनऱ से अंदुन, “येन नऱ नीन से ईलऱ अंददीन कऱ अगऱ नी वऱशऱवऱस मऱळुयऱ, रऱ परमेश्वर ऊद महऱमऱ अक नऱळुयऱ.” 41 आग आंदुर आ कलुल इक सरकुसदुर. यीशु तऱन कणुणगऱळ नेगुकु अंदुन, “हे आपुपऱ, नऱ नऱद धनुयवऱद मऱळतीन कऱ नी नऱद केळ कऱंडुयऱ. 42 नऱ जऱनसीन कऱ नी हऱमशऱ नऱद केळतुयऱ, लेकीन जो भीळ आसपऱस नऱदुरकु आद, आंदुर कऱरण नऱ हऱगऱ अंदीन, यदुर देल कऱ आंदुर वऱशऱवऱस मऱळुल कऱ नी नऱनी कळुयऱ.” 43 ईद अंदकु आव धऱळुद आवऱज देल कऱरदुन, “हे लऱजर, वऱहऱरुयऱ बऱ!” 44 जो सऱतऱगदुनऱ आव कबूर दऱ टु हऱयऱग आऊनव कय कऱल कटकु ईरव हऱंगऱ वऱहऱरुयऱ बंदुन, अदकऱ आऊन बऱय गमळऱ देल होचकु ईरोद. यीशु आंदुर से अंदुन, “आऊक तेरू बुळी अदकऱ हऱगऱगऱळी.”

यीशु उन खलऱप सऱजीश

(मतुती २६:१-५; मऱरकुस १४:१,२; लूकऱ २२:१,२)

45 आग जो यहूदी मऱरऱयऱम इन हऱतऱती बंदीदुर अदकऱ यीशु उन ईद कऱलऱसऱ नऱळीदुर, आंदुर दऱ टु हऱपऱळ मुंदुर आऊन मऱ वऱशऱवऱस मऱळदुर. 46 लेकीन आंदुर दऱ टु थुवऱळऱसऱ यहूदीगऱळ फऱरीसीगऱळदुद हऱतऱती हऱगकु यीशु उन कऱलऱसऱगऱळदुद बऱतणी कोटुदुर. 47 ईदुर मऱ प्रधऱन

याजकगोळ अदकि फरीसीगोळ महासभा कार्सदुर, अदकि अंदुर, “नाव येन माळ्तेवे? ई मंळसा रा हापाळ चमत्कार तोरसतान. 48 अगर नाव आऊक हागि अच बटि बुटेव, रा सप्पा आऊन मा वशिवास माळ कोंडार, अदकि रोमी साम्राज्य अनूद लॉकुर बंदकु नाम जागा अदकि जाती येद्दु मा अधिकार माळ कोंडार.”

49 आग आंदुर दा टु कैफा हेसुर ईनव ऊंद मंळसा जो आ वर्ष ईनव महायाजक ईरोन, आंदुर से अंदुन, “नीव येनु अच जानसाली; 50 अदकि ना नीमी ईद ऊम्सतद कर्नीम साटी ईद वळलीद आद कर्नाम लॉकुरद साटी ऊंद मंळसा सायुल, अदकि सप्पा जाती इन नाश आगबाळुल.” 51 ईद मात आव तान दी टु अंददिल, लेकीन आ वर्ष इन महायाजक आगकु भवषियवाणी माळ्दुन, कर्नी यीशु आ जाती इन साटी सोत्तान; 52 अदकि ना सर्फि आ जाती इन साटी, उलटा इदुरसाटी भी कर्परमेश्वर उन जो ततिर-बतिर औलाद आव अवरी ऊंद माळ सकुल.

53 इदुरसाटी अदा दिन टु आंदुर आऊक कोंद बुळोद साजीश माळली कुरतुर. 54 इदुरसाटी यीशु आ समय टु यहूदीगोळ दा परगट आगकु टेटीदलि, लेकीन अल टु आळी इन हात्तीपास इन प्रदेश इन इफ्राईम हेसुर इन ऊंद नगर इक होटोदुन; अदकि तान चेलागोळद सांगुळ अल्या ईरली कुरतुन.

55 यहूदीगोळद फसह अनूद हाब्व हात्ती ईरोद, अदकि हापाळ सा लॉकुर फसह से पयले देहात टु यरूशलेम इक होदुर कर्नी तान तान इक शुद्ध माळ्दुल. 56 इदुरसाटी आंदुर यीशु उक हुँदसली हतदुर अदकि मंदिर दा नदिरकु आपस दा अनली हतदुर, “नीव येन सोचतीर? येन आव हाब्व दा वरतीदील?” 57 प्रधान याजकगोळ अदकि फरीसीगोळ ईद आदेश कोटक ईटीदुर कर्नी यावारा यीशु उक नोळुल रा खबर कोळुल, कर्नी आंदुर आऊक हुँड सकुल.

12

यीशु उन कालगोळ मा अत्तर हाक्कोद

(मत्ती २६:६-१३; मरकुस १४:३-९)

1 यीशु फसह हाब्व इन आर दिन पयले बैतनयियाह दा बंदुन यल लाजर ईरोन, यारी यीशु सोत्तुर दा टु जतिता माळीदुन. 2 अल आंदुर आऊन साटी भोजन तयार माळ्दुर; अदकि मारथा स्यावा माळोर, अदकि लाजर आंदुर दा टु ऊंद ईरोन जो आऊन सांगुळ भोजन माळली कुरतीदुन. 3 आग मरथिम जटामांसी इन आरधा लीटर कमिती शुद्ध अत्तर तनकु यीशु उन कालगोळ मा हाकदुर, अदकि तान चुट्टीगोळ देल आऊन काल सटिदुर; अदकि अत्तर इन वास देल सप्पा मान्ना सुगन्धति आगत. 4 लेकीन आऊन चेलागोळ दा टु यहूदा इस्करियोती हेसुर ईनव ऊंद चेला जो आऊक हुँडसुसदुर मा ईरोन, अनली कुरतुन, 5 “ईद अत्तर मुर सौ दीनार दा मारकु कंगालगोळी येती कोटक आगीदील?” 6 आव ईद मात इदुरसाटी अंददिल कर्नी आऊक कंगालगोळद चन्तिता ईरोद लेकीन इदुरसाटी कर्नी आव काळ्दुल ईरोन, अदकि आऊन हात्ती आंदुरद झ्वारा ईरतोगोद अदकि अदुरदा जो येनारा भी हाक्कु आगतोगोद, आव तेगु कोम तोगोन.

7 यीशु अंदुन, “आऊक ईरगोळी. आऊक ईद नांद नळसा दशी इन साटी ईटगोळी. 8 यतर्की कंगाल रा नीम सांगुळ सदा ईरतार, लेकीन ना नीम सांगुळ सदा ईरतीदील.”

लाजर इन वरिद्ध साजीश

9 याग यहूदीगोळद धोळद भीळ जानसेत कर्नी आव अल आन, रा आंदुर ना सर्फि यीशु उन कारण बंदुर लेकीन इदुरसाटी भी कर्नी लाजर उक नोळुल, यारी आव सोत्तुर दा टु जतिता माळ्दुन. 10 आग प्रधान याजकगोळ लाजर उक भी कोंद बुळोद साजीश रचुसदुर. 11 यतर्की आऊन कारण हापाळ सा यहूदी होटोदुर अदकि यीशु मा वशिवास माळ्दुर.

यरूशलेम दा वजिय-प्रवेश

(मत्ती २१:१-११; मरकुस ११:१-११; लूका १९:२८-४०)

12 दूसरा दशी हापाळ सा लॉकुर जो हाब्व दा बंदीदुर ईद केळदुर कथीशु यूरूशलेम दा बरेत्यान.
13 इदुरसाटी आंदुर खजुर इन डगालगोळी हुळदुर अदकि आऊन से भेट माळोर साठी होटदुर, अदकि कारूली कुरतुर, “होशाना*! धन्य इस्त्राएल ईनव राजा, जो प्रभु उन हेसुर देल बरतान.”

14 याग यीशु उक गधा अनूद पाड्डा सकित; रा आव अदुर मा कुरतुन, हयांग शास्त्र दा लखिसकु आद,

15 “हे सय्योन इन पोरी, अंजबाळ;

नोळ, नीन राजा

गधा अनूद पाड्डा मा येरकु नीन हातूती बरेत्यान.”

16 आऊन चेलागोळ ई मातगोळी पयले सम्स सकर्दिल, लेकीन याग यीशु उन महमा प्रगट आत रा आंदरी याद बतत कि ई मातगोळ आऊन बारा दा लखिसकु ईरोव अदकि लॉकुर आऊन से ईदा प्रकार इन व्यवहार माळीदुर. 17 आग भीळ इन आ लॉकुर गवाही कोट्टुर, जो आ समय आऊन सांगुळ ईरोर याग आव लाजुर उक कबर दा टु कारूकु सोतुतुर दा टु जतिता माळदुन. 18 ईदा कारण लॉकुर आऊन से मुलाकात माळली बंदीदुर यतकी आंदुर केळीदुर कि आव ईद आश्रयकरम तोरसयान. 19 आग फरीसीगोळ आपस दा अंदुर, “सोची रा सही कनिम से येनु बनसाल. नोळी, दुनया आऊन हदि आगेत्याद.”

गैरयहूदीगोळद यीशु उक हुंढसोद

20 जो लॉकुर आ हाब्व दा आराधना माळली बंदीदुर आंदुर दा टु येनारा गैरयहूदी ईरोर. 21 आंदुर गलील इन बैतसैदा नोर ईरावाळेर फलिपिपुस उन हातूती बंदकु आऊन से वनिती माळदुन, “श्रीमान, नाव यीशु से मुलाकात माळोद चाहासतेव.”

22 फलिपिपुस बंदकु अन्दरयास से अंदुन, आग अन्दरयास अदकि फलिपिपुस होगकु यीशु से अंदुन. 23 इंदुर मा यीशु आंदुर से अंदुन, “आ समय होट वंदाद कमळसा अन पार उन महमा आगुल. 24 ना नीम से खरा खरा अनतीन कथियागासताका गोदी इन बीजा जमीन मा बदिकु सोतोगाल, अद आवना ईरतद; लेकीन याग सोतोगतद, रा हापाळ फसल तरतद. 25 जो तान जीव इक प्रयि जान्सतान, आव अदरी खोऊस बुळतान; अदकि जो ई दुनया दा तान जीव इक अप्रयि जान्सतान, आव अनन्त जीवन इन साठी अदुरद रक्षा माळयान. 26 अगर यावारा नान स्यावा माळयान, रा नान हदि आगेगुल; अदकि यल ना आईन, अल नान सेवक भी ईत्तान. अगर यावारा नान स्यावा माळयान, रा नान आप्प आऊन आदर माळयान.

कूस इन मृत्यु इन इशारा

27 “ईग नान जीव व्याकुल आद. इदुरसाटी ईग ना येन अनाईन, हे आप्पा, नानी ई घळी देल ऊळस?” ईला, यतकी ना ईदा कारण ई घळी इक पोहचुसीन. 28 हे आप्पा, तान हेसुर इन महमा माळ.”

“आग ईद आकाशवाणी आत, ना आऊंद महमा माळीन, अदकि मातूत माळईन.”

29 आग जो लॉकुर नदिरकु केळोर आंदुर अंदुर कि बादल गरजुस्त. दुसरागोळ अंदुर, येनारा स्वरगदूत आऊन से माताळदुन.

30 इंदुर मा यीशु अंदुन, “ईद आवाज नान साटी ईला, लेकीन नीम साटी वंदाद. 31 ईग ई दुनया अन न्याय आगतद, ईग ई दुनया अन सरदार तेगुकु आदान; 32 अदकि ना अगर पृथ्वी मा टु म्याकुच येरसकु आगाईन, रा सप्पा मुंदुरी तान हातूती जेडाईन.” 33 हगि अंदकु आव ईद प्रगट माळ बुट्टुन कि आव हयांग मृत्यु देल सोत्तान.

34 इदुर मा लॉकुर आऊन से अंदुर, “नाव व्यवस्था अनूद ईद मात केळेव कि मसीह हमेशा ईत्तान, वाक नी येती अनत्या कि मळसा अनूद पार उक म्याकुच येरसोद जरूरी आद? ईव मळसा अन पार याव हुन?”

* 12:13 १२:१३ प्रभु अनूद जय ✪ 12:25 १२:२५ मत्ती १०:३९; १६:२५; मरकुस ८:३५; लूका ९:२४; १७:३३

35 यीशु आंदुर से अंदुन, “ज्योती ईग थवाळासा देर ताका नीम बीच दा आद. यागासताका ज्योती नीम सांगुळ आद आगासताका नळुतेला ईरी, हगि आगबाळुल कि अंधकार नीमी बंदकु घेरसुल; जो अंधकार दा नळुतान आव जानसालुन कि यातत होगतान. 36 यागासताका ज्योती नीम सांगुळ आद, ज्योती मा वशिवास माळी ताकी नीव ज्योती अन औलाद आगी.”

यहूदीगोळ अवशिवास दा बनसकु ईरेतीर

ईव मातगोळी अंदकु यीशु ओळुदुन अदकि आंदुर से होचकु ईततुन 37 आव आंदुर मुंद ईस चमत्कारां तोरसदुन, तरी आंदुर आऊन मा वशिवास माळीदलि; 38 ताकी यशायाह भवषियवक्ता अन्द वचन पुरा आगुल जो आव अंदुन:

“हे प्रभु, नाम बातणी इन याव वशिवास माळ्यान?

अदकि प्रभु अन्द ताकत यार मा प्रगट आग्याद?”

39 ई कारण आंदुर वशिवास माळ सकदिल, यतकी यशायाह ईद भी अंदान:

40 “आव आंदुर कण्णगोळी कुदद,

अदकि आंदुर मन कठोर माळ बुदुन;

येलयारा हगि आगबाळुल कि आंदुर कण्णगोळ देल नोळुल,

अदकि मन देल समसुल,

अदकि तरिगुल,

अदकि ना आंदरी चंगा माळाईन.”

41 यशायाह ई मातगोळी इदुरसाटी अंदुन कि आव आऊन महमा नोळुदुन, अदकि आव आऊन बारा दा मातगोळी हेळदुन.

42 तरी अधकारीगोळ दा टु हापाळ लॉकुर आऊन मा वशिवास माळदुर, लेकीन फरीसीगोळ कारण प्रगट दा ईला मानसोर, येलयारा हगि आगबाळुल कि आंदुर यहूदी लॉकुरद सभागूह दा टु तेगु कु आदार: 43 यतकी मळसागोळ दी टु प्रशंसा आंदरी परमेश्वर उन दी टु प्रशंसा अन्द अपेक्षा यक्कुल प्रयि हततोगोद.

यीशु नव वचन: न्याय इन आधार

44 यीशु कारकु अंदुन, “जो नान मा वशिवास माळतान, आव नान मा ईला उलटा नान कळावाळा मा वशिवास माळतान. 45 अदकि जो नानी नोळतान, आव नान कळावाळा अक नोळतान. 46 ना दुनिया दा ज्योती आगकु बंदीन, ताकी जो यावारा नान मा वशिवास माळुल आव अंधकार दा ईरबाळुल. 47 अगर यावारा नान मातगोळी केळकु मानसालुन, रा ना आऊक दोषी ठहूसालीन; यतकी ना दुनिया अक दोषी ठहूसोर साटी ईला, लेकीन दुनिया अन्द उद्धार माळोर साटी बंदीन. 48 जो नानी तुच्छ जानस्तान अदकि नान मातगोळी ग्रहण माळालुन आऊक दोषी ठहूसवाळा रा ऊद आन: मतलब जो वचन ना अंदीन, अदा हदिळोव दनि दा आऊक दोषी ठहूसीत. 49 यतकी ना तान दी टु मातगोळी माळीदलि; लेकीन आप्प याव नानी कळ्यान आवा नानी आग्या कोटान कि येन येन अनाईन अदकि येन येन माताळाईन? 50 अदकि ना जान्स्तीन कि आऊन आग्या अनन्त जीवन आद. इदुरसाटी ना जो येनारा माताळतीन, अद ह्यांग आप्प नान से अंदान हांगा माताळतीन.”

13

यीशु उन चेलागोळ्द काल तोळोद

1 फसह इन हाब्ब से पयले, याग यीशु जान्स् कोडुन कि नांद आ घळी होट्ट बंदाद कि दुनिया बटिकु आप्प उन हात्ती होगाईन, रा तान लॉकुर से जो दुनिया दा ईरोर ह्यांग प्यार आव ईटतोगोन, आखरी ताका हांग अच प्यार ईटतेला ईततुन. 2 याग शैतान शमौन उन पार यहूदा

इस्करयिती इन मन दा ईद हाक बुटीदुन कि आऊक हळसुसुल, रा भोजन इन समय 3 यीशु, ईद जान्सकु कि आप्प सप्पा येनारा नांद कय दा माळ बुटान अदकि ना परमेश्वर उन हात्ती टु बंदीन अदकि परमेश्वर उन हात्ती होगतीन, 4 भोजन मा टु यदकु तान मयाकळव कपळागोळी ईळस बुट्टुन, अदकि गमछा हड्डुकु तान नेळु कटदुन. 5 आग वरतन दा नीर तुमकु चेलागोळद काल तोळुली अदकि याता गमछा देल आऊन नेळु कटकु ईरोद अदुर देल अच सीटली कुरतुन. 6 याग आव शमौन पतरस उन हात्ती बंदुन, आग पतरस आऊन से अंदुन, “हे प्रभु, येन नी नांद काल तोळुत्या?” 7 यीशु आऊक उत्तर कोट्टुन, “जो ना माळतीन, नी अदरी ईगल्या जान्साल, लेकीन ईदुर बाद्दा नीनी ऊमसीत.” 8 पतरस आऊन से अंदुन, “नी नान काल यागलु तोळु सकतीदलि!” ईद केळकु यीशु आऊन से अंदुन, “अगर ना नीन काल तोळुतीदलि, रा नांद सांगुळ नीद येनु संबंघ हेलेच.” 9 शमौन पतरस आऊन से अंदुन, “हे प्रभु, रा बाक नान काल अच ईला, उलटा कय अदकि ताल्ला भी तोळु कोळ.” 10 यीशु आऊन से अंदुन, “जो मय तोळु कौडान आऊक काल इन अलावा अदकि येनु तोळांद जरवत हेलेच, लेकीन आव बलिकुल शुद्ध आन; अदकि नीव शुद्ध आईर, लेकीन सप्पा अनूद सप्पा मुंदुर ईला.” 11 आव रा तान हळसुसावाळा अक अरोन इदुरसाटी आव अंदुन, “नीव सप्पा मुंदुर शुद्ध हेलेच.” 12 ययाग आव आंदुर काल तोळद बुट्टुन, अदकि तान कपळा हाक्कु मातत कुरतोदुन, रा आंदुर से अनली कुरतुन, “येन नीव सम्सदीर कि ना नीम सांगुळ येन माळदीन? 13 नीव नानी गुरु अदकि प्रभु अनकु कारतीर, अदकि ठीक अच अनतीर, यतकि ना आवा हुईन. 14 अगर ना प्रभु अदकि गुरु ईतकु नीम काल तोळदनि, रा नीमी भी आवुर दाबुर काल तोळु पायजे. 15 यतकि ना नीमी नमुना तोरस बुटीन कि हयांग ना नीम सांगुळ माळदीन, नीव भी हांग अच माळतोगी. 16 एना नीम से खरा खरा माताळतीन, दास तान स्वामी देल धोड्डेव हेलेच, अदकि ना कळुदव तान कळावाळा से. 17 नीव ई मातगोळ जानसतीर, अदकि अगर अऊर मा नळी रा धन्य आईर. 18 ना नीम सप्पा मुंदुर बारा दा अनालीन; यार्द ना चुनाव माळीन, आंदरी ना अरूतीन; लेकीन ईद इदुरसाटी हुन कि पवतिरशास्त्र अनूद अद वचन पुरा आगुल, ‘जो नांद रोट्टी तनितान, आव नान मा ल्यात नेगदुन.’ 19 ईग ना अदुर आगोर से पयले नीमी हेळ बुळतीन कि याग ईद पुरा आगेदीत रा नीव वशिवास माळेतीर कि ना आवा हुईन. 20 एना नीम से खरा खरा माताळतीन कि जो नानी कळावाळा अक ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान.”

यीशु अन वशिवासघात माळावाळा अन दी इशारा

(मत्ती २६:२०-२५; मरकुस १४:१७-२१; लूका २२:२१-२३)

21 ई मातगोळ अंदकु यीशु आत्मा दा व्याकुल आदुन अदकि ईद गवाही कोट्टुन, “ना नीम से खरा खरा अनतीन कि नीम दा टु ऊंद मंळसा नानी हळसुसुयान.” 22 चेलागोळ संदेह देल, आवुर दाबुर दी नोळली कुरतुर कि आव यार बारा दा अनेत्यान. 23 आऊन चेलागोळ दा टु ऊंद यार से यीशु प्यार ईटतोगोन, यीशु उन याद्दा अनूद दी बांगकु कुरतकु ईरोन. 24 शमौन पतरस आऊन दी इशारा माळकु आऊन से केळदुन, “रा हेळ, आव यार बारा दा अनेत्यान?” 25 आग आव हांग अच यीशु उन याद्दा अनूद दी बांगकु आऊन से केळदुन, “हे प्रभु, आव याव हुन?” 26 यीशु उत्तर कोट्टुन, “यारी ना ईद रोट्टी इन तुकळा तंळग्या दा डोव्सकु कोळाईन आवा हुन.” अदकि आव तुकळा डोव्सकु शमौन इस्करयिती इन पार यहूदा अक कोट्टुन. 27 तुकळा ताकोमूत अच शैतान आऊन दा समुसेत. आग यीशु आऊन से अंदुन, “जो नी माळत्या, तुरन्त माळ.” 28 लेकीन कुरावाळेर दा टु यावारा भी जान्सीदलि कि आव ईद मात आऊन से यदुर साटी अंदुन. 29 यहूदा अनूद हात्ती झ्वारा ईरतोगोद, इदुरसाटी यारारा यारारा सम्सदुर कि यीशु आऊन से अनेत्यान

☆ 13:12 १३:१२ लूका २२:२७

☆ 13:16 १३:१६ मत्ती १०:२४; लूका ६:४०; यूहन्ना १५:२०

☆ 13:20 १३:२० मत्ती

१०:४०; मरकुस ९:३७; लूका १:४८; १०:१६

कजि जो येनारा नामी हाव्व इन साठी पायजे अद कोंड कोम, या ईद कि कंगालगोळी येनारा कोळ.
30 इदुरसाठी आव तुकळा हळुकु तुर्नत व्हार्या होटोदुन; अदकि ईद ईळ्लक इन समय ईरोद.

व्हाशोद आग्या

31 याग आव व्हार्या होटोदुन रा यीशु अंदुन, “ईग मंळसा अन पार उन महिमा आग्याद, अदकि परमेश्वर उन महिमा आऊन दा आग्याद; 32 अगर परमेश्वर उन महिमा आऊन द्वारा आत, रा परमेश्वर भी तान द्वारा आऊन महिमा प्रगट माळ्यान अदकि तुर्नत माळ्यान. 33 हे चकौरगोळा, ना मातत घळी तमि नीम हात्ती आईन: बाक नीव नानी दुदसीर, अदकि ह्यांग ना यहूदीगोळ से अंदीन, ‘यल ना होगतीन अल नीव बर सकालीर,’ हांग अच ना ईग नीम से भी अनतीन. 34 ना नीमी ऊंद व्हाशोद आग्या कोळतीन कि आबुर दाबुर से प्यार ईटी; ह्यांग ना नीम से प्यार ईटीन, हांग अच नीव भी आबुर दाबुर से प्यार ईटी. 35 अगर नीव आपस दा प्यार ईट्टीर, रा ईदुर देल सप्पा मुंदुर जानस्यार कि नीव नांद चेलागोळ हुईर.”

यीशु उन द्वारा पतरस उन इनकार इन इशारा

(मत्ती २६:३१-३५; मरकुस १४:२७-३१; लूका २२:३१-३४)

36 शमौन पतरस यीशु से अंदुन, “हे प्रभु, नी यल होगत्या?” यीशु उत्तर कोट्टुन, “यल ना होगतीन अल नी ईगल्या नान हदि बर सकाल; लेकीन बाददा नी नान हदि बंद्या.” 37 पतरस आऊन से अंदुन, “हे प्रभु, ईगल्या ना नीन हदि येती बर सकालीन? ना रा नीन साठी तान जीव भी कोट्ट बुळाईन.” 38 यीशु उत्तर कोट्टुन, “येन नी नान साठी तान जीव कोट्ट्या? ना नीन से खरा खरा माताळतीन कि हुंज कुग्गोर से पयले ताका नी नांद मुर घन इनकार माळ कोड्या.

14

परमेश्वर ताका होगोद हादी

1 “नीम मन व्याकुल आगबाळुन; परमेश्वर मा वशिवास ईटी अदकि नान मा भी वशिवास ईटी. 2 नान आप्प उन मान्या हापाळ सा ईरोद जागा आद, अगर ईला ईराईत रा ना नीम से अनबुळायदनि; यतकी ना नीम साठी जागा तयार माळली होगतीन. 3 अदकि अगर ना होगकु नीम साठी जागा तयार माळाईन, रा बाक बंदकु नीमी तान मान्या ओयाईन कि ना यल इराईन नीव भी अल ईरी. 4 ना यल होगतीन नीव अल ईद हादी अरूतीर.” 5 थोमा आऊन से अंदुन, “हे प्रभु, नाव ईद अरालेव कि नी यल होगत्या; रा हादी ह्यांग अरतेव?” 6 यीशु आऊन से अंदुन, “हादी अदकि सच्चाई अदकि जीवन ना अच हुईन; बनि नान द्वारा याऊ आप्प उन हात्ती हांग सकालुन. 7 आव आंदुर से अंदुन अगर नीव नानी अर्त कोमायदीर, रा नान आप्प उक भी अरायदरि; अदकि ईग आऊक अरूतीर, अदकि आऊक नोळीर भी.”

8 फलिपिपुस आऊन से अंदुन, “हे प्रभु, आप्प उक नामी तोरस बुळ, ईदा नाम साठी हापाळ आद.” 9 यीशु आऊन से अंदुन, “हे फलिपिपुस, ना ईस दिन टु नीम सांगूळ आईन, अदकि येन नी नानी जानसाल? याव नानी नोळ्यान आव आप्प उक नोळ्यान. नी येती अनत्या कि आप्प उक नामी तोरस?” 10 येन नी वशिवास माळाल कि ना आप्प दा आईन अदकि आप्प नान दा आन? ई मातगोळी जो ना नीम से अनतीन, तान दी टु अनालीन, लेकीन आप्प नान दा ईतकु तान क्यालसा माळतान. 11 नान वशिवास माळी कि ना आप्प उन दा आईन अदकि आप्प नान दा आन; ईदारा क्यालसागोळद अच कारण नान वशिवास माळी. 12 “ना नीम से खरा खरा अनतीन कि जो नान मा वशिवास ईटतान, ई क्यालसा जो ना माळतीन आव भी माळ्यान, बल्की ईऊर से भी धोड्डेव क्यालसा माळ्यान, यतकी ना आप्प उन हात्ती होगतीन. 13 जो येनारा नीव नान हेसुर देल बेळीर, अदा ना माळाईन कि पार उन दरवाजा मा आप्प उन महिमा आगुल. 14 अगर नीव नान से नान हेसुर देल येनारा बेळीर, रा ना अदरी माळाईन.”

पवतिर आत्मा अन वादा

15 “अगर नीव नान से प्यार ईटतीर, रा नान आग्यागोळी मानसीर. 16 ना आप्प उन से वनिती माळाईन, अदकि आव नीमी ऊंद अदकि सहायक कोट्टान क्क आव सदा नीम सांगुळ ईरूल. 17 मतलब खरा अन आत्मा, यारी दुनयिया ग्रहण माळ सकालुद, यतकी आव ना आऊक नोळतान अदकि ना आऊक अरतान; नीव आऊक अरूतीर, यतकी आव नीम सांगुळ ईरतान, अदकि आव नीम दा ईतूतान. 18 ना नीमी अनाथ वळितीदील; ना नीम हात्ती बरतीन. 19 अदकि थवाळासा समय ईतोग्याद क्क बाक दुनयिया नानी नोळतीदलि, लेकीन नीव नानी नोळीर; इदुरसाटी क्क ना जत्तिता आईन, नीव भी जत्तिता ईतूतीर. 20 आ दशिी नीव जानसीर क्क ना तान आप्प दा आईन, अदकि नीव नान दा, अदकि ना नीम दा. 21 यार हात्ती नान आग्यागोळ आव अदकि आव अवरी मानसतान, आवा नान से प्यार ईटतान; अदकि जो नान से प्यार ईटतान आऊन से नान आप्प प्यार ईट्यान, अदकि ना आऊन से प्यार ईटाईन अदकि तान तान इक आऊन मा प्रगट माळाईन.” 22 आ यहूदा जो इस्करयिती ईला ईरोन, आऊन से अंदुन, “हे प्रभु, येन आत क्क नी तान तान इक नाम मा प्रगट माळोद चाहासत्या अदकि दुनयिया मा ईला?” 23 यीशु आऊक उत्तर कोट्टुन, “अगर यावारा नान से प्यार ईट्यान रा आव नान वचन इक मानस्यान, अदकि नान आप्प आऊन से प्यार ईट्यान, अदकि नाव आऊन हात्ती बंदेव अदकि आऊन सांगुळ वास माळेव. 24 जो नान से प्यार ईटालुन, आव नान वचन मानसालुन; अदकि जो वचन नीव केळतीर अद नांद ईला लेकीन आप्प उन हुन, याव नानी कळुदुन.” 25 “ई मातगोळी ना नीम सांगुळ ईतकु नीम से अंदीन. 26 लेकीन सहायक मतलब पवतिर आत्मा यारी आप्प नान हेसुर देल कळयान, आव सप्पा मातगोळी कलसयान, अदकि जो येनारा ना नीम से अंदीन, आव सप्पा नीमी याद माळसुसयान. 27 ना नीमी शांती कोटकु होगतीन, तान शांती नीमी कोळतीन; ह्यांग दुनयिया कोळतद, ना नीमी हांग कोळलीन: नीम मन व्याकुल आगवाळुल अदकि अंजवाळुल.” 28 नीव केळदीर क्क ना नीम से अंदीन, “ना होगतीन, अदकि नीम हात्ती मात्त बराईन.” अगर नीव नान से प्यार ईटायदीर, रा ई मात देल खुश आगायदीर क्क ना आप्प उन हात्ती होगतीन, यतकी आप्प नान से धोडुडेव आन. 29 अदकि ना ईग इदुरद आगोर से पयले नीम से अंद बुटीन, क्क याग अद आगेदीत, रा नीव वशिवास माळी. 30 ना ईग नीम सांगुळ अदकि हापाळ मातगोळी माळतीदील, यतकी ई दुनयिया अन सरदार बरतान. नान मा आऊन येनु अधकार हेल्लेच; 31 लेकीन ईद इदुरसाटी आगतद क्क दुनयिया जानसुल क्क ना आप्प से प्यार ईटतीन, अदकि ह्यांग आप्प नानी आग्या कोट्टुन ना हांग अच माळतीन. येळी, ईल टु नळी.

15

यीशु खरा दाखलता

1 “खरा दाखलता ना हुईन, अदकि नान आप्प कसिन आन. 2 जो खांदी नान दा आद अदकि फलसालुद, अदरी आव कळुद वुळतान; अदकि जो फलसतद, अदरी आव छाट्टसतान ताकी अदकि फलसुल. 3 नीव रा आव वचन इन कारण जो ना नीम से अंदीन, शुद्ध आईर. 4 नीव नान दा बनसकु ईरी, अदकि ना नीम दा. ह्यांग खांदी अगर दाखलता दा बनसकु ईरतीदील रा तान तान देल फलस सकालुद, हांगा नीव भी अगर नान दा बनसकु ईरतीदील रा फलस सकालीर. 5 ना दाखलता हुईन: अदकि नीव खांदीगोळ हुईर. जो नान दा बनसकु ईरतान अदकि ना आऊन दा, अद हापाळ काय तरतद, यतकी नान से अलग आगकु नीव येनु माळ सकालीर. 6 अगर यावारा नान दा बनसकु ईरूल, रा आव खांदी अन घाई भटिकु आगतान, अदकि वळुगगतान; अदकि लॉकरु अवरी सकलुसकु बेक्की दा भीट वुळतार, अदकि अव होत्तेगताव. 7 अगर नीव नान दा बनसकु ईतूतीर अदकि नान वचन नीम दा बनसकु ईतूतीत, रा जो चाहासीर बेळी अदकि अद नीम साटी आगेदीत. 8 नान आप्प उन महमा ईदुर देल आगतद क्क नीव हापाळ सा काय तरी, आग अच नीव नान चेला ठहरूसीर.” 9 ह्यांग आप्प नान से प्यार ईटदुन, हांग अच ना नीम से प्यार ईटदीन; नान प्यार दा बनसकु

ईरी. 10 अगर नीव नान आग्यागोळी मानसीर, रा नान प्यार दा बन्सकु ईततीर; ह्यांग कनि तान आप्प उन आग्यागोळी मान्सदीन, अदकि आऊन प्यार दा बन्सकु ईरतीन. 11 ना ई मातगोळी नीम से इदुरसाटी अंदीन, कनि नान खुशी नीम दा बन्सकु ईरूल, अदकि नीम खुशी पुरा आगेगुल. 12 *नान आग्या ईद आद, कनि ह्यांग ना नीम से प्यार ईटदीन, हांग अच नीव भी आबुर दाबुर से प्यार ईटी. 13 इदुर से धोळद प्यार यारदु ईला कनि यावारा तान संगीगोळ साटी तान जीव कोळुल. 14 जो आग्या ना नीमी कोळतीन, अगर अदरी मानसीर रा नीव नान संगी हुईर. 15 ईंगी टु ना नीमी दास अनतीदलि, यतकि दास जानसालुन कनि आऊन मालकि येन माळतान; लेकीन ना नीमी संगी अंदीन, यतकि जो मातगोळी ना तान आप्प से केळदीन, अव सप्पा नीमी हेळ बुटीन. 16 नीव नानी नीवळुसीदील लेकीन ना नीमी नीवळुसदीन कनि नीव हांगकु काय तरी अदकि नीम काय बन्सकु ईरूल, कनि नीव नान हेसुर देल जो येनारा आप्प से बेळी, अद नीमी कोळुल. 17 ई मातगोळ आग्या ना नीमी इदुरसाटी कोळतीन कनि नीव आबुर दाबुर से प्यार ईटी.”

दुनया अन दुश्मनी

18 “अगर दुनया नीम से दुश्मनी ईटतद, रा नीव जान्सतीर कनि आव नीम से पयले नान से दुश्मनी ईटदुर. 19 अगर नीव दुनया नोर आगायदीर, रा दुनया तानोर से प्यार ईटाईत; लेकीन ईद कारण कनि नीव दुनया अन आल्लच, लेकीन ना नीमी दुनया दा टु नीवळुस कोडीन, इदुरसाटी दुनया नीम से दुश्मनी ईटतद. 20 *जो मात ना नीम से अंददीन, ‘दास तान स्वामी से धोड्डेव ईरालुन,’ अदरी याद ईटी. अगर आंदुर नानी सतुसदुर, रा नीमी भी सतुस्यार; अगर आंदुर नान मात मान्सदुर, रा नीमूद भी मानस्यार. 21 लेकीन ईद सप्पा येनारा आंदुर नान हेसुर इन कारण नीम सांगुळ माळ्यार, यतकि आंदुर नानी कळावाळा अक जानसालुर. 22 अगर ना ईला बरायदीन अदकि आंदुर से मातगोळी ईला माळायदीन, रा आंदुर पापी ईला ठहरूसयदुर; लेकीन ईंग आंदरी पाप इन साटी येनु बहाना हैलेच. 23 जो नान से दुश्मनी ईटतान, आव नान आप्प से भी दुश्मनी ईटतान. 24 अगर ना आंदुर दा आंदुर क्यालसा ईला माळायदीन जो अदकि याऊ माळीदील, रा आंदुर पापी ईला ठहरूसयदुर; लेकीन ईंग रा आंदुर नानी अदकि नान आप्प येदुदु मुंदरी नोळदुर अदकि येदुदु से दुश्मनी माळदुर. 25 ईद इदुरसाटी आत कनि अद वचन पुरा आगुल, जो आंदुरद व्यवस्था दा लखिसकु आद, ‘आंदुर नान से फालतु दुश्मनी माळदुर.’ 26 लेकीन याग आव मदतगार बंदान, यारी ना नीम हाती आप्प उन दी टु कळाईन, मतलब सच्चाई अन आत्मा जो आप्प उन दी टु होळतान, रा आव नान गवाही कोट्टान; 27 अदकि नीव भी नान गवाह आईर यतकि सूरवात टु नान सांगुळ ईतीर.”

16

1 “ई मातगोळी ना नीम से इदुरसाटी अंदीन कनि नीव टोकर तनिबाळी. 2 आंदुर नीमी यहूदी लॉकुरद सभागृहगोळ दा टु तेगु बुट्टार, लेकीन अद समय बंदाद, कनि जो यावारा नीमी कोंद बुट्टान आव समस्यान कनि ना परमेश्वर उन स्यावा माळतीन. 3 हांग आंदुर इदुरसाटी माळ्यार कनि आंदुर ना आप्प उक जानस्यार अदकि ना नानी जानसतार. 4 लेकीन ई मातगोळी ना इदुरसाटी अंदीन, कनि याग इंदुर समय बंदीत रा नीमी याद होट बंदीत कनि ना नीम से पयले अच अंद बुटीदीन.”

पवतिर आत्मा अन क्यालसा

“ना सूरवात टु नीम से ई मातगोळी इदुरसाटी अंददील यतकि ना नीम सांगुळ ईरीन. 5 लेकीन ईंग ना तान कळावाळा अन हात्ती हांगतीन; अदकि नीम दा टु याऊ नान से केळालुन, कनि ‘नी येल हांगत्या.’” 6 लेकीन ना जो ई मातगोळी नीम से अंदीन, इदुरसाटी नीम मन शोक देल तुमगेग्याद. 7 तरी ना नीम से खरा माताळतीन कनि नांद हांगोद नीम साटी वळ्लीद आद, यतकि अगर ना हांगतीदील रा आव सहायक नीम हात्ती बरतीदील; लेकीन अगर ना हांगाईन, रा आऊक

* 15:12 १५:२२ यूहना १३:३४; १५:१७; १ यूहना ३:२३; २ यूहना १:५

* 15:20 १५:२० मत्ती १०:२४; लुका ६:४०; यूहना १३:३६

नीम हात्ती कळाईन. 8 आव बंदकु दुनया अक पाप अदकि न्यायीपन अदकि न्याय इन बारा दा समझसयान. 9 पाप इन बारा दा इदुरसाटी की आंदुर नान मा वशिवास माळालुर; 10 अदकि न्यायीपन अन बारा दा इदुरसाटी की ना आप्प उन हात्ती होगतीन, अदकि नीव नानी बाक नोळतीदलि; 11 न्याय इन बारा दा इदुरसाटी की दुनया अन सरदार दोषी ठहूसकु आगयान. 12 “नानी नीम से अदकि भी हापाळ सा मातगोळी अनोद आद, लेकीन ईगल्या नीव अवरी सहन माळ सकालीर. 13 लेकीन याग आव मतलब सच्चाई अन आत्मा बंदान, रा नीमी सप्पा सच्चाई अन हादी हेळयान, यतकी आव तान दी टु ईला अंदान लेकीन जो येनारा केळयान अदा अंदान, अदकि बरावाळा मातगोळी नीमी हेळयान. 14 आव नांद महिमा माळयान, यतकी आव नान मातगोळ दा टु हुळकु नीमी हेळयान. 15 जो येनारा आप्प उन आद, अद सप्पा नान हुन; इदुरसाटी ना अंदीन की आव नान मातगोळ दा टु हुळकु नीमी हेळयान.

दुख सुख दा बदलुसेदीत

16 “घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर.” 17 आग आऊन येनारा चेलागोळ आपस दा अंदुर, “ईद येन हुन जो आव नाम से अनतान, ‘घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?’ अदकि ईद ‘इदुरसाटी की ना आप्प उन हात्ती होगतीन.’” 18 आग आंदुर अंदुर, “ईद ‘घळी तीमुर’ जो आव अनतान, येन मात आद? नाव जानसालेव की आव येन अनतान.” 19 यीशु ईद जानसकु की आंदुर नान से केळोद चाहासतार, आंदुर से अंदुन, “येन नीव आपस दा नान ई मात इन बारा दा जाँच माळतीर, ‘घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?’” 20 ना नीम से खरा खरा अनतीन की नीव वरलीर अदकि दुख माळीर, लेकीन दुनया खुशी माळीत; नीमी शोक आदीत, लेकीन नीम शोक खुशी दा बदलुसेदीत. 21 चगिद हाळोद समय आरत इक दुख आगतद, यतकी आकनि दुख इन घळी होट बंदाद, लेकीन याग आक चगिद उक जनम कोट वूळतार, रा ईद खुशी देल की दुनया दा ऊद मंळसा पैदा आदुन, आ संकट इक बाक याद माळालुर. 22 अदा प्रकार नीमी भी ईग रा दुख आद, लेकीन ना नीम से बाक सकाईन अदकि नीम मन खुशी देल तुममेदव; अदकि नीम खुशी याऊ नीम से कसु सकतीदलि. 23 आ दशिी नीव नान से येनु कोळतीदील. ना नीम से खरा खरा माताळतीन, अगर आप्प उन से येनारा बेळीर, रा आव नान हेसुर देल नीमी कोट्टान. 24 ईगासताका नीव नान हेसुर देल येनु बेळीदील; बेळीर रा नीमी सकीत ताकी नीम खुशी पुरा आगेगुल.

दुनया मा वजिय

25 “ना ई मातगोळी नीम से उदाहरणगोळ दा अंदीन, लेकीन अद समय बंदीत की ना नीम से बाक उदाहरणगोळ दा अनतीदलि, लेकीन खुलसकु नीमी आप्प उन बारा दा हेळाईन. 26 आ दशिी नीव नान हेसुर देल बेळीर; अदकि ना नीम से ईद अनालीन की ना नीम साटी आप्प उन से वनिती माळाईन; 27 यतकी आप्प रा खुद अच नीव से प्यार ईटतान, इदुरसाटी की नीव नान से प्यार ईटदीर अदकि ईद भी वशिवास माळदीर की आप्प उन दी टु बंदीन. 28 ना आप्प उन दी टु दुनया दा बंदीन; ना मातुत दुनया अक बटिकु आप्प उन हात्ती होगतीन.” 29 आऊन चेलागोळ अंदुर, “नोळ, ईग रा नी खुलसकु अनत्या, अदकि येनु उदाहरण अनाल. 30 ईग नाव जानस कौडेव की नी सब येनारा जानसत्या, अदकि इदुर जरवत हैलेच की यावारा नीन से येनारा केळल; इदुर देल नाव वशिवास माळतेव की नी परमेश्वर उन दी टु बंद्या.” 31 ईद केळकु यीशु आंदुर से अंदुन, “येन नीव ईग वशिवास माळतीर? 32 नोळी, अद घळी वरतद बलकी होट बंदाद की नीव सप्पा ततिर बतिर आगकु तान तान हादी हुळदीर, अदकि नानी आवना बटि वुट्टीर; तरी ना आवना ईला यतकी आप्प नान सांगुळ आन. 33 ना ई मातगोळी नीम से इदुरसाटी अंदीन की नीमी नान दा शांती सकिल. दुनया दा नीमी दुख आगतद, लेकीन हमिमत ईटी, ना दुनया अक जीत्स कोडीन.”

17

यीशु उन महायाजकीय प्रार्थना: खुद इन साटी

1 यीशु ई मातगोळी अंदुन अदकि तान कण्णगोळी आकाश इन दी म्याकुच नेगुकु अंदुन, “हे आप्पा, अद घळी होट बंदाद; तान पार उन महमा माळ कपार भी नीन महमा माळुल, 2 यतकी नी आऊक सप्पा प्राणीगोळ मा अधकार कोट्या, कियारी नी आऊक कोट्या आ सप्पा अक आव अनन्त जीवन कोळुल. 3 अदकि अनन्त जीवन ईद आद कपि आंदुर नीन ऊंद मातर खरा परमेशवर उक अदकि यीशु मसीह अक, यारी नी कळ्या, जानसुल. 4 जो कयाल्सा नी नानी माळली कोटीद, अदरी पुरा माळकु ना पृथ्वी मा नीन महमा माळीन. 5 ईंग हे आप्प, नी तान सांगुळ नान महमा आ महमा देल माळ जो दुनया अन दुनया से पयले, नांद नीन सांगुळ ईरोद.

6 “ना नीन हेसुर आ मळसागोळ मा प्रगट माळीन यारी नी दुनया दा टु नानी कोट्ट. आंदुर नीनोर ईरोर अदकि नी आंदरी नानी कोट्ट, अदकि आंदुर नीन वचन इक मान्स कोंडुर. 7 ईंग आंदुर जान्स कोंडुर कपि जो येनारा नी नानी कोट्या अद सप्पा नीन दी टु आद; 8 यतकी जो वचन नी नानी कोट्ट, ना अदरी आंदुर हाती पोहचुस बुटीन; अदकि आंदुर अदरी ग्रहण माळदुर, अदकि खरा खरा जान्स कोंडुर कपि ना नीन दी टु बंदीन, अदकि वशिवास माळ कोंडुर कपि नी अच नानी कळ्या. 9 ना आंदुर साटी वनिती माळतीन; दुनया अन साटी वनिती माळलीन लेकीन आंदुरदा साटी यारी नी नानी कोट्या, यतकी आंदुर नीनोर उर; 10 अदकि जो येनारा नांद आद अद सप्पा नांद हुन, अदकि जो नांद हुन अद नांद हुन, अदकि ईऊर देल नांद महमा प्रगट आग्याद. 11 ना ईंग दुनया दा ईरतीदील, लेकीन इंदुर दुनया दा ईततार, अदकि ना नीन हात्ती बरतीन. हे पवतिर आप्प, तान आ हेसुर देल जो नी नानी कोट्या, अऊरद रक्षा माळ कपि अव नाम घाई ऊंद आगुल. 12 *याग ना आंदुर सांगुळ ईरीन, रा ना नीन अद हेसुर देल, जो नी नानी कोट्या अदुरद रक्षा माळदीन. ना आंदुरद सावधानी माळदीन, अदकि वनिश इन पार उक बटिकु आंदुर दा टु याऊ नाश आगीदील, इदुरसाटी कपि जो पवतिरशास्त्र दा अंदक आग्याद अद पुरा आगुल. 13 ईंग ना नीन हात्ती बरतीन, अदकि ई मातगोळी दुनया* दा अनतीन, कपि आंदुर नान खुशी तान दा पुरा आगुल. 14 ना नीन वचन आंदरी पोहचुस बुटीन; अदकि दुनया आंदुर से दुश्मनी माळत, यतकी हयांग ना दुनया नव आल्लच, हांग अच आंदुर भी दुनया नोर आल्लच. 15 ना ईद वनिती माळलीन कपि नी आंदरी दुनया टु नेगु कोम; लेकीन ईद कपि नी आंदरी आ दुष्ट टु ऊळसकु ईट. 16 हयांग ना दुनया नव आल्लच, हांगा आंदुर भी दुनया नोर आल्लच. 17 सच्चाई अन द्वारा आंदरी पवतिर माळ: नीन वचन सही आद. 18 हयांग नी नानी दुनया दा कळुद, हांगा ना भी आंदरी दुनया दा कळुदीन; 19 अदकि आंदुर साटी ना तान तान इक पवतिर माळतीन, ताकी आंदुर भी सही अन द्वारा पवतिर माळकु आगुल.

20 “ना सरिफ इंदुरदा साटी वनिती माळलीन, लेकीन आंदुर साटी भी जो इंदुर वचन इन द्वारा नान मा वशिवास माळ्यार, 21 कपि आंदुर सप्पा ऊंद आगुल; हयांग नी हे आप्प नान दा आय, अदकि ना नीन दा आईन, हांग अच आंदुर भी नाम दा आगुल, यार से दुनया वशिवास माळुल कपि नी अच नानी कळ्या. 22 अद महमा जो नी नानी कोट्या ना आंदरी अद कोट्टीन, कपि आंदुर हांग अच ऊंद आगुल हयांग कपि नाव ऊंद आयेव, 23 ना आंदुर दा अदकि नी नान दा कपि आंदुर सदिध आगकु ऊंद आगुल, अदकि दुनया जानसुल कपि नी अच नानी कळ्या, अदकि हयांग नी नान से प्यार ईट्ट हांग अच आंदुर से प्यार ईट्ट. 24 हे आप्प, ना चाहासतीन कियारी नी नानी कोट्या, येल ना आईन अल आंदुर भी नान सांगुळ ईरूल, कपि आंदुर नान आ महमा अक नोळुल जो नी नानी कोट्या, यतकी नी दुनया अन उत्पत्ती से पयले नान से प्यार ईट्ट. 25 हे न्यायी आप्प, दुनया नानी जानसीदील, लेकीन ना नीनी जानसदीन; अदकि इंदुर भी जानसदुर कपि नी अच नानी कळ्या. 26 ना नीन हेसुर आंदरी हेळदीन अदकि हेळत ईराइन कपि जो प्यार नीनी नान से ईरोद अद आंदुर दा ईरूल, अदकि ना आंदुर दा ईरूल.”

* 17:12 १७:१२ यूहना १३:१८

* 17:13 १७:१३ पुरा दुनया

18

यीशु उक हुळसुसकु आगोद

(मत्ती २६:४७-५६; मरकुस १४:४३-५०; लूका २२:४७-५३)

1 यीशु ई मातगोळी अनकु तान चेलागोळ सांगुळ कदिरोन नाला अन आप्पाटी होदुन. अल ऊंद बेली ईरोद, यदुरदा आव अदकि आऊन चेलागोळ होदुर. 2 आऊक हुळसुसावाळा यहूदा भी अद जागा जानसोन, यतकी पयले हापाळ घन यीशु तान चेलागोळ सांगुळ अल होगोदुन. 3 आग यहूदा, सैनकिगोळद ऊंद दल इक अदकि प्रधान याजकगोळी अदकि फरीसीगोळ दी टु चौकीदारगोळी हुळकु, कंदीलगोळ, मशालगोळी अदकि हथयारगोळी हुळकु अल बंदुन. 4 आग यीशु, आ सप्पा मातगोळी जो आऊन मा बरावाळा ईर्व जानसकु, होट्टुन अदकि आंदुर से अंदुन, “यारी हुँदसतीर?” 5 आंदुर आऊक उत्तर कोट्टुर, “यीशु नासरी अक.” यीशु आंदुर से अंदुन, “ना हुईन.” आऊक हुळसुसावाळा यहूदा भी आंदुर सांगुळ नदिरकु ईरोन. 6 आऊंद ईद अनतेला अच, “ना हुईन,” आंदुर हदि सरकुसकु जागा मा बदिदुर. 7 आग आव मातुत आंदुर से केळदुन, “नीव यारी हुँदसतीर.” आंदुर अंदुर, “यीशु नासरी अक.” 8 यीशु उत्तर कोट्टुन, “ना रा नीम से अंद कोडीन काना हुईन, अगर नानी हुँदसतीर रा इंदरी होगोळी.” 9 ईद इदुरसाटी आत कानि अद वचन पुरा आगुल जो आव अंदुन: “यारी नी नानी कोट्ट्या आंदुर दा टु ना ऊंद इक भी खोऊसीदील.” 10 आग शमौन पतरस तलवार, जो आऊन हात्ती ईरोद, जेळदुन अदकि महायाजक उन दास मा नळसकु आऊन ऊमा कवि हारस बुदुन. आ दास उन हेसुर मलखुस ईरोद. 11 *आग यीशु पतरस से अंदुन, “तान तलवार म्यान दा ईट. जो कटोरा आप्प नानी कोटान, येन ना अदरी कुडुतीदील?”

हन्ना अन पयले यीशु

12 आग सैनकिगोळ अदकि आंदुर सूबेदार अदकि यहूदीगोळ चौकीदारगोळ यीशु उक हुळकु कट बुदुर, 13 अदकि पयले आऊक हन्ना अन हात्ती ओतुर, यतकी आव आ वर्ष इन महायाजक कैफा अन माँव ईरोन. 14 *ईव आव काँफा ईरोन, यार यहूदीगोळी सलाह कोटीदुन कानि नाम लॉकुर साटी ऊंद मळसा अन सायोद वळ्लीद आद.

पतरस उन इनकार

(मत्ती २६:६९,७०; मरकुस १४:६६-६८; लूका २२:५४-५७)

15 शमौन पतरस अदकि ऊंद अन्य चेला भी यीशु उन हदि आगेदुर. ईव चेला महायाजक उन जाना पयचाना ईरोन, इदुरसाटी आव यीशु उन सांगुळ महायाजक उन आंगुळ दा होदुन, 16 लेकीन पतरस व्हार्या दरवाजा मा नदिरकु ईत्तुन. आग आव दुसरा चेला जो महायाजक उन जान पयचान इनव ईरोन, व्हार्या होट्टुन अदकि चौकीदारगीत इन से अनकु पतरस उक बुळक तंदुन. 17 आ दासी जो चौकीदारगीत ईरोर, पतरस से अंदुर, “येनारा नी भी ई मळसा अन चेलागोळ दा टु रा हल्लेच?” आव अंदुन, ईला “ना आल्लच.” 18 दास अदकि चौकीदार सोळ इन कारण कौरसा होत्ताकु नदिरकु बेक्की सेकसोर, अदकि पतरस भी आंदुर सांगुळ नदिरकु बेक्की सेकसोन.

महायाजक उन द्वारा यीशु उन जाँच

(मत्ती २६:५९-६६; मरकुस १४:५५-६४; लूका २२:६६-७१)

19 आग महायाजक यीशु से आऊन चेलागोळ वारा दा अदकि आऊन उपदेश इन वारा दा जाँच माळदुन. 20 यीशु आऊक उत्तर कोट्टुन, “ना दुनयिा अन सांगुळ खुलसकु मातगोळी हेळदीन; ना सभागूहोळ अदकि मंदरि दा, यल सप्पा यहूदी जमा आगतोगोर, सदा उपदेश माळदीन अदकि गुप्त दा येनु अंददील. 21 नी नान से येती केळत्या? केळावाळेर से केळ कानि आंदुर से येन अदीन. नोळ, आंदुर जानसतार कानि येन येन अदीन.” 22 याग आव ईद अंदुन, रा चौकीदारगोळ दा टु ऊंद जो हात्ती नदिरकु ईरोन, यीशु उक क्याबरा वळकु अंदुन, “येन नी महायाजक उक ईत्ता

परकार देल उत्तर कोळत्या?" 23 यीशु आऊक उत्तर कोट्टुन, "अगर ना बुरा अंदीन, रा आ बुराई अन गवाही कोळ; लेकीन अगर भला अंदीन, रा नानी येती बडुत्या?" 24 हन्ना आऊक कटकु कैफा महायाजक उन कळु बुटुन.

पतरस उन दुबारा इनकार

(मत्ती २६:७१-७५; मरकुस १४:६९-७२; लूका २२:५८-६२)

25 शमौन पतरस नदिरकु बेक्की सेकसोन. आग आंदुर आऊन से अंदुर, "येनारा नी भी रा आऊन चेलागोळ दा टु रा हेल्लेच?" आव इनकार माळकु अंदुन, "ना आल्लच." 26 महायाजक उन दासगोळ दा टु ऊंद, जो परवार दा टु ईरोन यार्द कवि पतरस कोद बुटीदुन, अंदुन, "येन ना नीनी आऊन सांगुळ बेली दा ईला नोळीदनि?" 27 पतरस मात्त इनकार माळदुन, अदकि तुरन्त हुंज कुगत.

पलातुस उन मुंद यीशु

(मत्ती २७:१,२,११-१४; मरकुस १५:१-५; लूका २३:१-५)

28 आग आंदुर यीशु उक कैफा अन हात्ती टु कलिा अक ओतुर, अदकि वहातुर इन समय ईरोद, लेकीन आंदुर खुद कलिा अन बुळक होगीदील ताकी अशुधद आगबाळुल लेकीन फसह तनि सकुल. 29 आग पलातुस आंदुर हात्ती वहार्या होटकु बंदुन अदकि अंदुन, "नीव ई मंळसा मा याता मात इन आरोप हचतीर?" 30 आंदुर आऊक उत्तर कोट्टुन, "अगर आव कुकर्मी ईला ईरायदुन रा नाव आऊक नीन कय दा ईला कोळायदेव." 31 पलातुस आंदुर से अंदुन, "नीव अच ईऊक वोतकु तान व्यवस्था अन अनुसार आऊंद नयाय माळी." यहूदीगोळ आऊन से अंदुर, "नामी अधिकार हेल्लेच कियारदारा जीव ताकोडेव." 32 ईद इदुरसाटी आत कियीशु उन अद मात पुरा आगुल जो आव ईद संकेत कोळाहोती अंददिन किय आऊंद मृत्यु हयांग आदीत.

33 आग पलातुस मात्त कलिा अन बुळक होदुन, अदकि यीशु उक कारूक आऊन से केळदुन, "येन नी यहूदीगोळ राजा हुय?" 34 यीशु उत्तर कोट्टुन, "येन नी ईद मात तान दी टु अनत्या या दुसरागोळ नान बारा दा नीन से ईद अंदार?" 35 पलातुस उत्तर कोट्टुन, "येन ना यहूदी हुईन? अपमान अच जाती अदकि प्रधान याजकगोळ नीनी नान कय दा कोटार. नी येन माळ्या?" 36 यीशु उत्तर कोट्टुन, "नान राज्य ई दुनयिया अन आल्लच; अगर नान राज्य ई दुनयिया अन आगाईत, रा नान सेवकगोळ लळाई माळायदुर किय नानी यहूदीगोळ कय दा कोटकु आगबाळुल: लेकीन नान राज्य ईल ईद आल्लच." 37 पलातुस आऊन से अंदुन, "रा येन नी राजा हुय?" यीशु उत्तर कोट्टुन, "नी अनत्या किय ना राजा हुईन. ना इदुरसाटी पैदा आदीन अदकि इदुरसाटी दुनयिया दा बंदीन किय सचचाई इन गवाही कोळाईन. जो यावारा सचचाई नव आन, आव नान आवाज केळतान." 38 पलातुस आऊन से अंदुन, "सही येन आद?"

मृत्यु दण्ड इन आग्या

(मत्ती २७:१५-३१; मरकुस १५:६-२०; लूका २३:१३-२५)

ईद अनकु आव मात्त यहूदीगोळ हात्ती होदुन अदकि आंदुर से अंदुन, "नानी रा आऊन दा येनु दोष सकिकीदील. 39 लेकीन नीमद ईद रीत आद किय ना फसह दा नीमद साटी ऊंद मंळसा अक बटि बुळाईन. इदुरसाटी येन नीव चाहासतीर किय ना नीम साटी यहूदीगोळ राजा अक बटि बुळाईन?" 40 आग आंदुर मात्त चलिळासकु अंदुर, "ईऊक ईला, लेकीन नाम साटी बरअबवा अक बटि बुळ." अदकि बरअबवा डाकु ईरोन.

19

1 इदुर मा पलातुस यीशु उक क्वाळा बळसुसदुन. 2 सपिाहीगोळ मुळलगोळ मुकुट माळकु आऊन ताल्ला मा ईददुर, अदकि जाभळा कलर इन कपळा हाकसुसदुर. 3 अदकि आऊन हात्ती खुशी देल बंद बंदकु अनली कुरतुर, "हे यहूदीगोळ राजा, प्रणाम!" अदकि आऊक क्याबरा भी बळदुर. 4 आग पलातुस मात्त वहार्या होटकु लॉकुर से अंदुन, "नोळी, ना आऊक नीम हात्ती

मातृ व्हाऱ्या तरतीन; ताकी नीव जानूसी क्क आऊन दा नानी येनु भी दोष सक्कीदील.” 5 आग यीशु मूळगोळ मुकूट अदक जांभळा कलर इन कपळा हाक्कु व्हाऱ्या होट्टुन; अदक पलितासुस आंदुर से अंदुन, “नोळी, ईव मंळसा!” 6 “याग प्रधान याजकगोळ अदक चौकीदारगोळ आऊक नोळदुर, रा चलिळासकु अंदुर, आऊक कूस मा येरस, कूस मा!” पलितासुस आंदुर से अंदुन, “नीव अच आऊक हूळकु कूस मा येरसी, यतकी नानी आऊन दा येनु दोष सक्कीदील.” 7 यहूदीगोळ आऊक उत्तर कोट्टुर, “नामद भी व्यवस्था आद अदकि आ व्यवस्था अन अनुसार आव कोद बुळोद योग्य आन, यतकी आव तान तान इक परमेश्वर उन पार माळदुन.” 8 याग पलितासुस ईद मात केळदुन रा अदकि भी अंजेदुन, 9 अदकि मातृ कलि अन बुळक होदुन अदकि यीशु से अंदुन, “नी येलेव ह्य?” लेकीन यीशु आऊक येनु भी उत्तर कोटीदील. 10 इदुर मा पलितासुस आऊन से अंदुन, “नान से येती माताळाल? येन नी जानूसाल क्क नीनी बटि बुळोद अधकार नानी आद, अदकि नीनी कूस मा येरसोद भी अधकार नानी आद.” 11 यीशु उत्तर कोट्टुन, “अगर नीनी म्याकुच टु कोटकु ईला आगाईत, रा नीन नान मा येनु अधकार ईला ईराईत; इदुरसाटी याव नानी नीन कय दा हूळसुसयान आऊन पाप यक्कुल आव.” 12 इदुर मा पलितासुस आऊक बटि बुळोद चाहासदुन, लेकीन यहूदीगोळ चलिळास चलिळासकु अंदुर, “अगर नी ईऊक बटिबुट्या, रा नीन भक्ती कैसर सरकार उन दी हैलेच. जो यावारा तान तान इक राजा माळतान आव कैसर सरकार इन सामना माळतान.” 13 ई मातगोळी केळकु पलितासुस यीशु उक व्हाऱ्या तंदुन अदकि आ जागा कलल इन ऊंद चवुतरा ईरोद जो इव्वरानी भाषा दा “गब्वता” कहलुसतद, अदकि अल न्याय आसन मा कुरतुन. 14 ईद फसह अन तयारी इन दनि ईरोद, अदकि सहावा घंटा अन लगभग ईरोद. आग आव यहूदीगोळ से अंदुन, “नोळी नीम राजा!” 15 लेकीन आंदुर चलिळासदुर, “ओय! ओय! आऊक कूस मा येरस!” पलितासुस आंदुर से अंदुन, “येन ना नीम राजा अक कूस मा येरसाईन?” प्रधान याजकगोळ उत्तर कोट्टुर, “कैसर सरकार उक बटिकु नाम याऊ राजा हैलेच.” 16 आग पलितासुस यीशु उक आंदुर कय दा कोट बुटुन ताकी आव कूस मा येरसकु आगुल.

यीशु उक कूस मा येरसकु आगोद

(मत्ती २७:३२-४४; मरकुस १५:२१-३२; लूका २३:२६-४३)

इदुरसाटी आंदुर आऊक तान कबजा दा माळदुर. 17 आग आंदुर यीशु उक ओतुर, अदकि आव तान कूस नेगुक् आ जागा ताका व्हाऱ्या होदुन, जो “खोपळी इन जागा” अनकु आगतद अदकि इव्वरानी भाषा दा “गुलगुता.” 18 अल आंदुर आऊक अदकि आऊन सांगुळ अदकि येद्व मंळसागोळी कूस मा येरसदुर, ऊंद इक इत्त अदकि ऊंद इक आतुत, अदकि न्याय्या दा यीशु उक. 19 पलितासुस ऊंद दोष चट्टी लखिसकु कूस मा हच बुटुन, अदकि अदुर दा ईद लखिसकु ईरोद, “यीशु नासरी, यहूदीगोळ राजा.” 20 ईद दोष चट्टी हापाळ सा यहूदीगोळ वाचुसदुर, “यतकी अद जागा यल यीशु कूस मा येरसकु आगीदुन नगर इन हाती ईरोद; अदकि चट्टी इव्वरानी अदकि लतीनी अदकि ग्रीक भाषा दा लखिसकु ईरोद. 21 आग यहूदीगोळ प्रधान याजकगोळ पलितासुस से अंदुर, ‘यहूदीगोळ राजा’ लखिसबाळ लेकीन ईद क्क ‘आव अंदुन’ ना यहूदीगोळ राजा हुईन.” 22 पलितासुस उत्तर कोट्टुन, “ना जो लखिस बुटीन, अद लखिस बुटीन.” 23 याग सैनिक यीशु उक कूस मा येरस बुटुर, रा आऊन कपळा हूळकु नाक भाग माळदुर, हर सैनिक उन साटी ऊंद भाग, अदकि कूळता. भी ताकोडुर, लेकीन कूळता. बनिा होलदकु म्याकुच टु ल्यालमा ताका वनसकु ईरोद. 24 इदुरसाटी आंदुर आपस दा अंदुर, “नाव इदरी हरालेव, लेकीन इदुर मा चट्टी हाक्केव क्क ईद यार्द आदीत.” ईद इदुरसाटी आत क्क पवतिरशास्त्र दा जो लखिसकु आद पुरा आगुल

“आंदुर नान कपळा आपस दा वाट्स बुटुर अदकि नान कपळा मा चट्टी हाकदुर.” 25 इदुरसाटी सैनिकगोळ हगि अच माळदुर. यीशु उन कूस इन हाती आऊन मोय, अदकि आऊन मोय इन आकतीग, क्लोपास उन हगिस मरयिम, अदकि मरयिम मगदलीनी नदिरकु ईरोर. 26 याग यीशु तान मोय, अदकि आ चेला अक यार से आव प्यार ईदतोगोन हातती नदिरकु नोळदुन रा तान मोय

से अंदुन, “हे आरत, नोळ, ईव नीन पार हुन.” 27 आग आव चेला से अंदुन, “ईक नीन मोय उर.” अदकि अदा समय टु आव चेला आकी तान मान्या ओतुन.

यीशु उन मृत्यु

(मत्ती २७:४५-५६; मरकुस १५:३३-४१; लूका २३:४४-४९)

28 इदुर बाद्दा यीशु ईद जान्सकु की ईग सप्पा येनारा पुरा आगोग्याद, इदुरसाटी की पवत्रिशास्त्र दा जो अंदकु आगीत अद पुरा आगुल, अंदुन, “ना प्यासा आईन.” 29 अल हुळ्ळग अंगुर इन रास्सा देल तुमकु ऊंद बरतन ईटकु ईरोद, इदुरसाटी आंदुर सरिका दा नेनाकद ऊंद संपंज इक हसिसप इन डगालगोळ मा ईटदुर अदकि म्याकुच नेगुकु, आऊन बाय इक हचदुर. 30 याग यीशु अद सरिका हुळ्ळदुन अदकि अंदुन, “पुरा आत.” अदकि ताल्ला ल्यालमा माळकु जीव बटि वुटुन.

भाला देल छेद माळोद

31 इदुरसाटी की अद तयारी अन दनि ईरोद यहूदीगोळ पलातुस से वनिती माळदुर की आंदुर कालगोळी मुरदकु आगुल अदकि आंदुर ईळ्ळसकु आगुल, ताकी आराम इन दशिी आंदुर क्रूस मा ईरबाळ्ळ, यतकी अद आराम इन दनि धोळद दनि ईरोद. 32 इदुरसाटी सैनिकिगोळ बंदकु आ मंळसागोळ दा टु पयला मंळसा अन कालगोळी मुरदुर आग दुसरा अन भी, जो यीशु उन सांगुळ क्रूस मा येरसकु आगीदुर; 33 लेकीन यीशु उन हातती बंदकु नोळदुर की आव सोतोग्यान, रा आऊन कालगोळी मुरदीदील. 34 लेकीन सैनिकिगोळ दा टु ऊंद सैनिकि बरची देल आऊंद हतोरी दा छेद माळदुन, अदकि अदुर दा टु तुरन्त खुन अदकि नीर होळ्ळत. 35 याव ईद नोळदुन, आव गवाही कोटान, अदकि आऊन गवाही खरा आद; अदकि आव जान्सतान की आव सही अनतान की नीव भी वशिवास माळी. 36 ई मातगोळ इदुरसाटी आदव की पवत्रिशास्त्र दा जो अनकु आगीत अद पुरा आगुल, “आऊंद यातोदु येल्तु मूरुकु आगतीदील.” 37 *मातूत ऊंद अदकि शास्त्र दा ईद लखिसकु आद, “यारी आंदुर छेद माळ्यार, अदुर मा आंदुर नजर हाक्यार.”

यीशु उक नळ्ळसकु आगोद

(मत्ती २७:५७-६१; मरकुस १५:४२-४७; लूका २३:५०-५६)

38 ई मातगोळ बाद्दा अरमितया अन यूसुफ जो यीशु उन चेला ईरोन, लेकीन यहूदीगोळ अंजुक देल ई मात इक होचकु ईटतोगोन, पलातुस से वनिती माळदुन की येन आव यीशु उन लाश ओय सकतान. पलातुस आऊन वनिती केळदुन, अदकि आव बंदकु आऊन लाश ओतुन. 39 *नीकुदेमुस भी, जो यीशु उन हातती ईळ्ळकी होगीदुन, पचास सेर इन लगभग मल्लिसुद अततर अदकि एलवा तंदुन. 40 आग आंदुर यीशु उन लाश ताकोडुर, अदकि यहूदीगोळ नळसोद रीत अन अनुसार आऊक सुगन्ध द्रव इन सांगुळ मलमल इन चददर दा गुळसदुन. 41 आ जागा मा यल यीशु क्रूस मा येरसकु आगीदुन, ऊंद बेली ईरोद, अदकि आ बेली दा ऊंद व्हाशोद कवर ईरोद यल यागलु यारदु लाश ईटकु ईला आगीत. 42 इदुरसाटी यहूदीगोळ तयारी अन दनि इन कारण आंदुर यीशु उक अदुर दा ईटदुर, यतकी अद कवर हाती ईरोद.

20

खाली कवर

(मत्ती २८:१-८; मरकुस १६:१-८; लूका २४:१-१२)

1 हप्ता अन पयला दशिी मरयिम मगदलीनी व्हातर्या का अंधार ईरतेला अच कवर मा बंदुर, अदकि कल्ल इक कवर मा टु हटुसकु नोळदुर. 2 आग आक ओळतेला होदुर अदकि शमौन पतरस अदकि आ दुसरा चेला अन हातती यार से यीशु प्यार ईटतोगोन, बंदकु अंदुर, “आंदुर प्रभु उक कवर दा टु तेगुकु ओतुर, अदकि नाव जानसालेव की आऊक येल् ईट बुटार.” 3 आग पतरस अदकि आव

दुसरा चेला होटकु कवर अन दी होदुर. 4 आंदुर येदढु मुंदुर सांगुळ सांगुळ ओळोर, लेकीन दुसरा चेला पतरस से मुंद वाळुसकु कवर मा पयले पोहचुसदुन; 5 अदकि बांगकु कफन इन कपळा बदिकु नोळदुन, तरी आव बुळक हांगीदील. 6 आग शमौन पतरस आऊन हदि हदि पोहचुसदुन, अदकि कवर अन बुळक होदुन अदकि कफन इन कपळा बदिकु नोळदुन; 7 अदकि अद गमछा जो आऊन ताल्ला अक कटकु ईरोद, कफन इन कपळागोळ सांगुळ बदिकु ईला ईरोद, लेकीन अलग ऊंद जागा दा लपटुसकु ईटकु नोळदुन. 8 आग दुसरा चेला भी जो कवर मा पयले पोहचुसीदुन, बुळक होदुन अदकि नोळकु वशिवास माळदुन. 9 आंदुर रा ईगासताका पवतिरशास्त्र अन अद मात ईला समसीदुर क आऊक सोत्तुर दा टु जतिता आगोद बदिदीत. 10 आग ई चेलागोळ तान मान्नी होटोदुर.

मरयिम मगदलीनी मा प्रगट आगोद
(मत्ती २८:१,१०; मरकुस १६:१-११)

11 लेकीन मरयिम वरलतेला कवर अन हात्ती अच व्हारया नदिरकु ईत्तुर, अदकि वरलत वरलत कवर अन दी बांगकु, 12 येदढु स्वरगदूतगोळ इक बळिवे कपळा हाक्कु ऊंद इक ताल्ला अन दी अदकि दुसरा अक काल इन दी कुरतकु नोळदुर, यल यीशु उन लाश ईटकु आगीत. 13 आंदुर आकनि से अंदुर, “हे नारी, नी येती वरलत्या?” आक आंदुर से अंदुर, “आंदुर नान प्रभु उक नेगुकु ओतुर अदकि ना जानसालीन क आऊक येल ईट्यार.” 14 ईद अनकु आक हदि नोळदुर अदकि यीशु उक नदिरकु नोळदुर, लेकीन पहचानसीदील क ईव यीशु हुन. 15 यीशु आकनि से अंदुर, “हे नारी, नी येती वरलत्या? यारी दूढसत्या?” आक माली सम्सकु आऊन से अंदुर, “हे महाराज, अगर नी आऊक नेगु कोंड्या रा नानी हेळ क आऊक येल ईट्या, अदकि ना आऊक ओयाईन.” 16 यीशु आकनि से अंदुर, “मरयिम!” आक हदि नोळकु आऊन से इव्रानी भाषा दा अंदुर, “एव्वूनी!” मतलब “हे गुरु.” 17 यीशु आकनि से अंदुर, “नानी मुटवाळ, यतकी ना ईगासताका आप्प उन हात्ती म्याकुच हांगली आईन, लेकीन नान वारटुर हात्ती हांगकु आंदुर से अंद बुळ, क ना तान आप्प अदकि नीम आप्प, अदकि तान परमेश्वर अदकि नीम परमेश्वर उन हात्ती म्याकुच हांगतीन.” 18 मरयिम मगदलीनी हांगकु चेलागोळी हेळदुर, “ना प्रभु उक नोळदीन, अदकि आव नान से ई मातगोळी अंदुन.”

चेलागोळ मा प्रगट आगोद

(मत्ती २८:१६-२०; मरकुस १६:१४-१८; लूका २४:३६-४९)

19 अदा दशिी जो हप्ता अन पयला दिन ईरोद, द्यावगा अन होती याग अलेव दरवाजा येल चेलागोळ ईरोर, यहूदीगोळ अंजूक इन मारा देल बंद ईरव, आग यीशु बंदुन अदकि आंदुर न्याड्या दा नदिरकु आंदुर से अंदुर, “नीमी शांती सकिल.” 20 अदकि ईद अनकु आव तान कय अदकि तान हतोरी आंदुरी तोरसदुन. आग चेलागोळ प्रभु उक नोळकु खुश आदुर. 21 यीशु आंदुर से मातत अंदुर, “नीमी शांती सकिल; हयांग आप्प नानी कळयान, हांग अच ना भी नीमी कळुतीन.” 22 ईद अनकु आव आंदुर मा ऊरदुन अदकि आंदुर से अंदुर, “पवतिर आत्मा हुडी. 23 थ्यार पाप नीव माफ माळी, अव आंदुर साटी माफ माळकु आग्याव; यार नीव ईटी, अव ईटकु आग्याव.”

थोमा मा प्रगट आगोद

24 लेकीन हननेळ दा टु ऊंद, मतलब थोमा जो ददिमुस कहलुस्तान, याग यीशु बंदुन रा आंदुर सांगुळ ईला ईरोन. 25 याग अनूय चेलागोळ आऊन से अनली कुरतुर, “नाव प्रभु उक नोळेव,” आग आव आंदुर से अंदुर, “यागासताका ना आऊन कयगोळ दा खलिलागोळ छेद नोळ कोमालीन, अदकि खलिलागोळ छेद दा तान बेळल हाक्क कोमालीन, अदकि आऊन हतोरी दा तान कय हाक्क कोमालीन, आगासताका ना वशिवास माळतीदील.” 26 येठठ दिन इन बाद्दा आऊन चेलागोळ मातत मान्ना अन बुळक ईरोर, अदकि थोमा आंदुर सांगुळ ईरोन; अदकि दरवाजा बंद ईरव, आग यीशु बंदुन अदकि आंदुर बीच दा नदिरकु अंदुर, “नीमी शांती सकिल.” 27 आग आव थोमा से अंदुर,

“तान बेळ्ळ ईल तनकु नान कयगोळी नोळ अदकि तान कय तनकु नान कुसी दा हाक्क, अदकि अवशिवासी ईला लेकीन वशिवासी आग.” 28 ईद केळकु थोमा उत्तर कोट्टुन, “हे नान प्रभु, हे नान परमेश्वर!” 29 यीशु आऊन से अंदुन, “नी नानी नोळ्या, येन इदुरसाटी वशिवास माळ्द? धन्य आंदुर आर यार बनिा नोळ्द वशिवास माळ्दुर.”

ई कतिाब इन उद्देश

30 यीशु अदकि भी हापाळ सा चमत्कार चेलागोळ मुंद तोरसदुन, जो ई कतिाब दा लखिसकु आगीदील; 31 लेकीन ईव इदुरसाटी लखिसकु आदव कानीव वशिवास माळी क यीशु अच परमेश्वर उन पार मसीह हुन, अदकि वशिवास माळी क आऊन हेसुर देल जीवन सकिकुल.

21

तविरियास झील इन कनिरा चेलागोळ मा प्रगट आगोद

1 ई मातगोळ बाद्दा यीशु तान तान इक तविरियास झील इन कनिरा चेलागोळ मा प्रगट माळ्दुन, अदकि ई रीत देल प्रगट माळ्दुन: 2 शमौन पतरस, अदकि थोमा जो ददिमुस कहलुस्तान, अदकि गलील इन काना नगर इन नतनएल, अदकि जव्दी अन पार, अदकि आऊन चेलागोळ दा टु येद्वह मुंदुर जमा ईरोर. 3 शमौन पतरस आंदुर से अंदुन, “ना मेन हुडुली होगेतीन.” आंदुर आऊन से अंदुर, “नाव भी नीन सांगुळ बरतेव.” इदुरसाटी आंदुर होटकु ड्वांगा मा येरदुर, लेकीन आ ईळ्ळली येनु हुळ्ळदीदील. 4 वहातुर आगतेला अच यीशु कनिरा मा बंदकु नदुरदुन; तरी चेलागोळ पहचानसीदील क ईव यीशु हुन. 5 आग यीशु आंदुर से अंदुन, “हे चकिोरगोळा, येन नीम हात्ती येनारा मेनगोळ आव?” आंदुर उत्तर कोट्टुर, “ईला.” 6 आव आंदुर से अंदुन, “ड्वांगा अन ऊमा कय इन दी जार हाक्की रा सकिकेव.” इदुरसाटी आंदुर जार हाकदुर, अदकि सप्पा मेनगोळ बहुतायत इन कारण अदरी जेडु सकदील. 7 आग आ चेला यार से यीशु प्यार ईटतोगोन, पतरस से अंदुन, “ईव रा प्रभु हुन!” शमौन पतरस ईद केळकु क आव प्रभु हुन, नेळ्ळ मा गमछा कसुसदुन, यतकी आव बनिा कपळा नव ईरोन, अदकि झील दा हारेदुन. 8 लेकीन दुसरा चेलागोळ ड्वांगा मा मेनगोळ देल तुमकु जार जेडुतेला बंदुर, यतकी आंदुर कनिरा टु यक्कुल दुर ईला ईरोर, लेकीन येनारा येद्वह सौ कय मा ईरोर.

9 याग आंदुर कनिरा मा ईळ्ळदुर, रा आंदुर कौरसा अन वेक्की अदकि अदुर मा मेन ईटकु, अदकि रोट्टी नोळ्दुर. 10 यीशु आंदुर से अंदुन, “जो मेनगोळी नीव ईगल्या हुळ्ळदीर, अऊर दा टु येनारा तरी.” 11 रा शमौन पतरस ड्वांगा मा येरकु ऊंद सौ तरूपन धोड्डेव मेनगोळ देल तुमकु जार कनिरा मा जेळ्ळदुन, अदकि ईस मेनगोळ ईत्तुर मा भी जार हरदीदील. 12 यीशु आंदुर से अंदुन, “बरी, भोजन माळी.” चेलागोळ दा टु यारकु साहस आगीदील क आऊन से केळुल, “नी याव हुय?” यतकी आंदुर जानसोर क ईव प्रभु अच हुन. 13 यीशु बंदुन अदकि रोट्टी हुळ्ळकु आंदरी कोट्टुन, अदकि हांग अच मेन भी. 14 ईद तसिरा बार हुन क यीशु सोत्तुर दा टु जत्तिता आगदुर बाद्दा चेलागोळी काळ्ळसदुन.

यीशु अदकि पतरस

15 भोजन माळ्दुर बाद्दा यीशु शमौन पतरस से अंदुन, “हे शमौन, यूहन्ना अन पार, येन नी इंदुर से वाळ्ळसकु नान से प्यार ईटत्या?” आव आऊन से अंदुन, “हव, प्रभु; नी रा जान्सत्या कनिा नीन से प्यार ईटतीन.” आव आऊन से अंदुन, “नान म्यांडा अन पाड्डागोळी आळ्ळस.” 16 आव मात्त दुसरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” आव आऊन से अंदुन, “हव, प्रभु; नी रा जान्सत्या कनिा नीन से प्यार ईटतीन.” आव आऊन से अंदुन, “नान म्यांडागोळ्ळ रखवाली माळ.” 17 आव तसिरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” पतरस उदास आदुन क यीशु आऊन से तसिरा घन अंदुन, “येन

नी नान से प्यार ईटत्या?" अदकि आऊन से अंदुन, "हे प्रभु, नी रा सप्पा येनारा जानसत्या; नी ईद जानसत्या कना नीन से प्यार ईटतीन." यीशु आऊन से अंदुन, "नान म्यांडागोळी आळस. 18 ना नीन से सही सही अनतीन, याग नी हारोदव ईरया रा तान नेळु कटक येल चाहस्या अल टेटाळ्या; लेकीन नी याग हाळावाट आदया रा तान कय फैलुस्या, अदकि दुसरा नीन नेळु कटक येल नी चाहासतीदील अल नीनी वोतान." 19 आव ई मातगोळ देल इशारा कोट्टुन कि पतरस हयांग मृत्यु देल परमेश्वर उन महिमा माळ्यान. अदकि आग आव आऊन से अंदुन, "नान हदि आगेग."

यीशु अदकि आऊन प्रयि चेला

20 *पतरस पलटुसकु आ चेला अक हदि वरतेला नोळदुन, यार से यीशु प्यार ईटतोगोन, अदकि याव भोजन इन समय आऊन याददा अन दी बांगकु केळीदुन, "हे प्रभु, नीनी हळसुसावाळा याव हुन?" 21 आऊक नोळकु पतरस यीशु से अंदुन, "हे प्रभु, ईऊंद येन हाल आदीत?" 22 यीशु आऊन से अंदुन, "अगर ना चाहासाईन कि आव नान बरासताका रूक्सकु ईरूल, रा नीनी इदुर से येन? नी नान हदि आगेग." 23 इदुरसाटी वारटुर दा ईद मात फैलुसेत कि आव चेला सायतीदील, तरी यीशु आऊन से ईद अंददिल कि आव सायतीदील, लेकीन ईद कि "अगर ना चाहासाईन कि आव नान बरासताका रूक्सकु ईरूल, रा नीनी इदुर से येन?"

24 ईव आवा चेला हुन जो ई मातगोळ गवाही कोळतान अदकि याव ई मातगोळी लखिस्यान, अदकि नाव जान्स्तेव कि आऊन गवाही खरा आद.

उपसंहार

25 अदकि भी हापाळ सा क्याल्सा आव, जो यीशु माळदुन; अगर अव ऊंद ऊंद माळकु लखिसकु आगायदव, रा ना सम्सतीन कि कितावगोळ जो लखिसकु आगायदव अव दुनिया दा भी ईला समुसयदव.

प्रेरतिं के कामों का वर्णन प्रेरतिगोळ क्याल्सागोळ्द वर्णन परचिय

प्रेरतिगोळ क्याल्सागोळ्द कतिब मंडली अनूद सूरवात इन कात्ता हुन अदकि ईद यूरूशलेम टु यहूदिया, सामरीया अदकि अदुर मुंद ताका हयांग फैलुस्त, जसा यीशु तान चेलागोळी स्वरग दा होगा से पयले हेळीदुन १:८ इदरी लूका लखिस्यान, आव ऊंद डाक्टर ईरोन अदकि ऊंद सीधा खाता ईटोरसाटी हापाळ सावधान ईरोन. आंदुर तान खुशखबरी अदकि अधनियिमगोळ्द कतिब थयिफलिस उक संभोधति माळदुर, जो ऊंद ग्रीक ईरोन, लेकीन कतिबगोळ्द उद्देश शायद मसीह समुदायगोळ साटी भी ईरोद यदुर दा ग्रीक अदकि यहूदी येदुदु शामलि ईरोर १:१

प्रेरतिगोळ क्याल्सा आग सकतद यीशु मसीह अन जनम इन बाददा ६०-६४ साल इन बीच दा लखिसकु आगीदव यतकी कतिब, कैद टु पौलुस उन रीहाई से पयले खतम आगतद. लूका भी प्रेरति पौलुस उन सांगुळ यात्रा माळदुन अदकि शायद अनुताकिया नगर दा अधनियिम लखिसदुन. प्रेरतिगोळ लूका अन खुशखबरी इक चालु ईट्यार अदकि यीशु उन स्वरग दा होगगा सांगुळ सूर आगतद. लेखन दा लूका अन उद्देश आंदुर खुशखबरी इन घाई अच आद. ईद थयिफलिस चाहासोन, सांगुळ अच मसीहगोळ्द वाळुस्त गनिती देल नश्चिति आद कि आंदरी येन कलसकु आगीत अदकि इदुरसाटी आंदुर यीशु उन जीवन अदकि मसीह न्याय प्रचार इन ऊंद सीधा लेख लखिसदुर.

प्रेरतिगोळ्द कतिब नाम साटी सूरवाती मंडली अन उदाहरण प्रदान माळतद अदकि यीशु दा वशिवास दा जीवन जीऊसोर साटी ईद हयांग तोरसतद. प्रेरतिगोळ्द उदाहरण नामी तोरसताव किदुसरागोळी खुशखबरी बातणी फैलुसदुर दा पवतिर आत्मा अन शक्तमा भरोसा हयांग माळोद आद.

रूप रेखा:

१. पयले आत्मा चेलागोळ मा बरतद अदकि मंडली वाळुसली हततद १:१-८:१
२. इदुर बाददा मंडली अक सतुसकु आगतद अदकि यूरूशलेम टु मुंद फैलुसली हततद ८:२-१२:२३
३. अदुर बाददा पौलुस तान पयला प्रचार यात्रा मा होगतान १२:२४-१४:२८
४. इदुर बाददा मंडली यूरूशलेम दा बाक माळकु ईद तय माळत किव्हाशोर वशिवासीगोळ्द येन जरवत आव १५:१-३५
५. बाक पौलुस तान दुसरा प्रचार यात्रा मा होगतान १५:३६-१८:२२
६. इदुर बाददा आव तान तसिरा प्रचार यात्रा मा होगतान १८:२३-२०:३८
७. आग पौलुस उक यूरूशलेम दा गरिफतार माळकु आत २१:२६
८. आखरी दा पौलुस उक रोम शयर दा पोहचुसकु आत. २७-२८

परचिय

1 ^०हे प्रिय, थयिफलिस:

ना पयला कतिब आ सप्पा मातगोळ्द बारा दा लखिसीन जो यीशु सूरवात टु माळतेला अदकि कलसतेला ईत्तुन ² आ दशिी ताका यागासताका आव आ प्रेरतिगोळी यारी आव नीवळुसदिन पवतिर आत्मा अनूद द्बारा आग्या कोटकु म्याकुच नेगुकु आगीदील, नरिदेश कोळतेला ईत्तुन ³ आव सोत्तुर बाददा हापाळ सा पक्का प्रमाणगोळ देल तान-तान इक आंदरी जतिता तोरसदुन, अदकि चालीस दनि ताका आव आंदरी काळसतेला ईत्तुन, अदकि परमेश्वर उन राज्य अनूद मातगोळी हेळतेला ईत्तुन. ⁴ अदकि आंदुर से सीककु आंदरी आग्या कोटदुन, "यूरूशलेम इक बळिवाळी, लेकीन आप्प उन आ वादा अनूद पुरा आगोद हादी कायतेला ईरी, यार्द बारा दा ना

नीमी हेळीदन. 5 *यतकी बपतस्मिमा कोळावाळा यूहन्ना रा नीर दा बपतस्मिमा कोटान लेकीन थ्वाळासा दनिगोळ्द बाद्दा नीव पवतिर आत्मा देल बपतस्मिमा ताकोडीर.”

यीशु उन स्वर्गारोहण

6 इदुरसाटी आंदुर जमा आगकु आऊन से केळदुर, “हे प्रभु, येन नी ईदा समय इस्त्राएल इक राज्य मात्त वापस माळ कोड्या?”

7 यीशु आंदुर से अंदुन, “आ समयगोळी या कालगोळी जानसोद, यारी आप्प तांद अच अधकारि दा ईट्यान, नीमद क्यालसा आलच. 8 *लेकीन याग पवतिर आत्मा नीम मा बंदीत आग नीमी सामरथय सकिकीत; अदकि यूशलेम अदकि पुरा यहूदया अदकि सामरीया दा, अदकि पृथ्वी इन आखरी ताका नान गवाह ईत्तार.” 9 *ईद अनकु आव आंदुर नोळ्दत-नोळ्दत अच म्याकुच नेगुकु आदुन, अदकि आकाश इन ढग आऊक आंदुर कण्णगोळ देल होच वुळ्दत.

10 यीशु उन होगोहोती याग आंदुर आकाश दी तार हचकु नोळोर, रा नोळी, येदढ मंळसागोळ बळिचे चमकदार कपळा हाक्कु आंदुर हात्ती बंदकु नदिरदुर, 11 अदकि आंदुर से अंदुर, “हे गलीली लॉकुरा, नीव येती नदिरकु आकाश दी नोळेतीर? ईवा यीशु, जो नीम हात्ती टु स्वर्ग मा नेगुकु आदुन, याता रीतदिल नीव आऊक स्वर्ग इक होगूत नोळदीर अदा रीतदिल आव मात्त बंदान.”

यहूदा अन्द जागा मा मत्तयाह अन्द नविळ

12 आग प्रेरति जैतून हेसुर इन पहाळी टु ईळदुर जो यूशलेम नगर इन हात्ती आरधा कोश इन दुरी मा आद, यूशलेम इक मात्त वापस बंदुर. 13 *याग आंदुर अल पोहचुसदुर रा आ म्याकुच इन कमरा दा होदुर, यल पतरस अदकि यूहन्ना अदकि याकूब अदकि अन्दरयास अदकि फलिपिपुस अदकि थोमा अदकि बरतुलमै अदकि मत्ती अदकि हलफई नव पार याकूब अदकि द्याश भक्त शमौन अदकि याकूब उन पार यहूदा ईरतोगोर. 14 ई सप्पा मुंदुर हापाळ आर्तेर अदकि यीशु उन मोय मरयिम अदकि आ वार्दुर सांगुळ ऊंद मन अदकि जमा आगकु प्रार्थना दा हतकु ईत्तुर.

15 अवा दनिगोळ दा पतरस, वशिवासी वार्दुर वीच दा जो ऊंद सौ ईप्पत मंळसागोळ लगभग ईरोर, नदिरकु अनली कुरतुन, 16 “हे नान वार्दुरा,” यीशु अक बंदी माळावाळेर अगुवा यहूदा अन बारा दा पवतिरशास्त्र अन अद लेख यारी दाऊद उन बाय देल पवतिर आत्मा हापाळ पयले अच अंद बुटीत, अदुर पुरा आगोद जरूरी ईरोद.

17 यतकी यहूदा रा नाम दा टु ऊंद ईरोन, अदकि ई क्यालसा दा सहभागी आगोर साटी आऊक नविळुस्कु आगीत. 18 *आव अन्याय इन कमाई देल ऊंद केई कोड कोडुन, अदकि ताल्ला अन्द भार देल बदिदुन अदकि आऊन व्हाट्टा वळदोत अदकि आऊन कळलपच्चीगोळ होटकु बदिदव. 19 ई मात इक यूशलेम ईनोर सप्पा ईरावाळेर अर्त कोडुर, ईल ताका कर् आ केई इन हेसुर आंदुर भाषा दा हकलदमा, मतलब “खुन इन केई” बदिदत.

20 * “भजन संहिता अन्द कतिाव दा लखिसकु आद,”

आऊन मान्ना बरवाद आगेदीत;

अदकि अदुर दा यारू ईरबाळी.

अदकि आऊन पद यावारा

दुसरा ताकोम कोमुल.

21 *इदुरसाटी यास दनि ताका प्रभु यीशु नाम सांगुळ होगूत बर्त ईत्तुन, मतलब यूहन्ना अन्द बपतस्मिमा टु हुडुकु आऊन नाम हात्ती टु नेगासताका जो लॉकुर बराबर नाम सांगुळ ईत्तुर,

* 1:5 १:५ मत्ती ३:११; मरकुस १:८; लूका ३:१६; यूहन्ना १:३३ * 1:8 १:८ मत्ती २८:१९; मरकुस १६:१५; लूका २४:४७,४८

* 1:9 १:९ मरकुस १६:१९; लूका २४:४०,५१ * 1:13 १:१३ मत्ती १०:२-४; मरकुस ३:१६-१९; लूका ६:१४-१६ * 1:18 १:१८

मत्ती २७:३-८ * 1:20 १:२० भजन संहिता ६९:२५, भजन संहिता १०९:८ * 1:21 १:२१ मत्ती ३:१६; मरकुस १:९; लूका

३:२१; मरकुस १६:१९; लूका २४:५१

22 उचित आद कर् आंदुर दा टु ऊंद मंळसा नाम सांगुळ प्रभु अन्द जत्तिता आगोद गवाह आगोगुल.

23 आग आंदुर येदुद मुंदुर इक नदिरसदुर, ऊंद यूसुफ उक यार इक बरसबवा अंदकु आगतद, आऊन दुसरा हेसुर यूस्तुस आद, दुसरा मत्तयिाह अक, 24 अदकि ईद प्रार्थना माळदुर, “हे प्रभु, नी जो सप्या मुंदुरद मन अरूत्या, ईद प्रगट माळ कर् ई येदुद मुंदुर दा टु नी यार इक नीवळसुया, 25 ताकी आव ई सेवकाई अदकि प्रेरति पद इन जागा ग्रहण माळुल, यदरी यहूदा बटिकु तान जागा अक होटोदुन.” 26 आग आंदुर तान साटी चट्टी गोळ हाकदुर, अदकि चट्टी मत्तयिाह अन्द हेसुर देल होळत. इदुरसाटी आव आ हनुन प्रेरतिगोळद सांगुळ आळुकु आदुन.

2

पवतिर आत्मा अन्द ईळोद

1 याग पनितेकुस्त उन दनि बंदव, “मतलब फसह अन हावब खतम आगतद आग टु पचासवा दनि” बत्त, रा आंदुर सप्या वशिवासी ऊंद जागा मा जमा ईरोर. 2 अचानक आकाश दी टु धोळद आंधी घाई सनसनाहट इन शब्द केळ बत्त, अदकि आ शब्द देल सप्या मानना यल आंदुर सप्या मुंदुर कुरतकु ईरोर, तुममेत. 3 अदकि आंदरी बेक्की इन घाई लयालग्या हरूतेला अदकि फैलुसतेला काळसत अदकि आंदुर दा टु हर ऊंद मंळसा मा बंदकु रूकसेत. 4 आंदुर सप्या मुंदुर पवतिर आत्मा देल तुममेदुर, अदकि या प्रकार देल आत्मा आंदरी माताळोद सामर्थ्य कोळत, आंदुर अलग-अलग भाषा दा माताळली कुरतुर.

5 आकाश इन लयालमा नोर सप्या द्याशगोळ दा टु बरावाळेर अलग-अलग प्रकार इन भाषा माताळावाळेर यहूदी भक्त आ समय यरुशलेम दा ईरतोगोर. 6 याग ईद शब्द आत रा हापाळ भीळ हत्तेत अदकि लॉकुर चकति आगोदुर, यतकी हर ऊंद मंळसा अक ईदा केळ बरतोगोद कर् ईदुर नांद अच मात दा माताळेत्यार. 7 आंदुर सप्या मुंदुर चकति अदकि अचम्भति आगकु अनली कुरतुर, “नोळी, ईदुर जो माताळेत्यार येन सप्या गलीली आल्लच? 8 रा बाक येती नाम दा टु हर ऊंद मंळसा तान-तान जनम भूमी इन भाषा केळतान? 9 नाव जो पारथी अदकि मेदी अदकि एलामी अदकि मेसोपोटामिया अदकि यहूदिया अदकि कपपदूकिया अदकि पुन्तुस अदकि आसया, 10 अदकि फ्रूगिया अदकि पंफूलिया अदकि मसिर् अदकि लीबिया द्याश जो कुरेन इन आसपास आद, ई सप्या द्याश इनोर ईरावाळेर अदकि रोमी प्रवासी, 11 मतलब यहूदी अदकि यहूदी मत धारण माळावाळेर, क्रेती अदकि अरबी भी आर, लेकीन तान-तान भाषा दा आंदुर से परमेश्वर उन धोळद-धोळद क्यालसागोळद चर्चा केळतार.” 12 अदकि आंदुर सप्या मुंदुर चकति आदुर अदकि घबरसुकु आबुर दाबुर से अनली कुरतुर, “ईद येन आगोत्याद?”

13 लेकीन दुसरा लॉकुर मज्याक माळकु अंदुर, “आंदुर रा कुडुकु नशा दा चूर आर.”

पतरस उन बातणी

14 आग पतरस आ हनुन प्रेरतिगोळद सांगुळ नदिरदुन अदकि धोळद शब्द दा अनली कुरतुन, “हे यहूदी अदकि हे यरुशलेम इनोर सप्या ईरावाळेर लॉकुरा, ईद अर्त कोमी अदकि कवि हचकु नान मातगोळ केळी. 15 हयांग नीव समसेतरि; ई लॉकुर नशा दा हैलेच, यतकी ईगल्या रा व्हातुर ईनव ऊंभवत अच मुरदाव. 16 लेकीन ईद अद मात हुन, जो परमेश्वर उन दी टु बातणी तरावाळा योएल उन दवारा अंदकु आगीत” 17 परमेश्वर अनतान: कर् आखरी इन दनिगोळ दा हगि आदीत कर्

ना तान आत्मा सप्या मंळसा जाती मा हाक्काईन.

अदकि नीम पारगोळ अदकि पोरगोळ

परमेश्वर उन दी टु बातणी कोट्टार, अदकि नीम हारोदोर मंळसागोळ दर्शन नोळ्यार,

अदकि नीम स्याणागोळ कान्सा नोळ्यार.

18 ना तान दासगोळ अदकि तान दासीगोळ मा भी

आ दनिगोळ दा तान आत्मा दा टु हाक्काईन,
अदकि आंदुर परमेश्वर उन दी टु बातणी कोट्टार.

19 अदकि ना म्याक्च आकाश मा अदभूत क्यालसा
अदकि ल्यालमा पृथ्वी मा चमत्कारगोळी तोरसाईन,
मतलव खुन अदकि बेक्की अदकि धुंगा अन्द बादल तोरसाईन.

20 प्रभु उन महान अदकि तेजस्वी दनि इन बरोर
से पयले सुर्य करीद अदकि चंद्र खुन घाई क्याचांद
आगोदीत.

21 अदकि जो यावारा परमेश्वर उन हेसुर देल प्रारथना माळयान, आऊन उद्धार आदीत.

22 हे इस्त्राएलगोळा, ई मातगोळी केळी: यीशु नासरी ऊंद मंळसा ईरोन यारद परमेश्वर उन दी
टु आगोद प्रमाण आ सामर्थ्य अन्द क्यालसागोळ अदकि आश्चर्य अन्द क्यालसागोळ अदकि
चमत्कारगोळ देल परगट आद, जो परमेश्वर नीम न्याड्या आऊन द्वारा माळकु तोरस्यान यदरी
नीव खुद अच अरूतीर. 23 अदकि नीव आवा यीशु उक, जो परमेश्वर उन ठहरूसद योजना अदकि
पूर्व ग्यान इन अनुसार हळसुसकु आदुन, नीव अन्यायीगोळद कय देल कूस मा येरसुसकु कोंद
बुट्टीर. 24 अलेकीन आऊका परमेश्वर मृत्यु उन बंधन दा टु बळिसकु जत्तिता माळदुन; यतकी ईद
अशक्य ईरोद क् यीशु परमेश्वर उन वंश दा ईरायदुन. 25 यतकी दाऊद आऊन बारा दा अनतान,
ना परमेश्वर उक हमेशा तान मुंद नोळतेला ईत्तीन:

यतकी आव नांद ऊम्मा कय दी आन, क् नान मनोबल कम आगेगवाळुल.

26 ईदा कारण नान मन खुश आत,
अदकि नान ल्यालग्या मग्न आत;
उलटा नान मय इक भी
आशा देल आराम सक्कीत.

27 यतकी नी नान जीव इक मृत्यु अन दुनया दा बळितीदील;
अदकि ना तान पवतिर जनगोळी क्वरगोळ दा हुळु गोट्या.

28 नी नानी जीवन इन हादी हेळ्या;
नी नानी तान दर्शन इन द्वारा खुशी देल तुम बुट्या.

29 हे वारटुरा, ना नाम पुर्वज दाऊद उन बारा दा नीम से हम्मित देल अन सकतीन क् आव रा
सोतोदुन अदकि नळसकु भी आदुन लेकीन आऊन क्वर ईद भी नाम अल उपस्थति आद. 30 यतकी
आव परमेश्वर उन दी टु बातणी तरावाळा ईरोन, आव जानसोन क् परमेश्वर नान से हगि करिया
तदिान क् ना नीद वंश दा टु ऊंद मंळसा अक नीन सहासन मा कुरसाईन; 31 आव आगावाळा
मात इक पयले टु अच नोळकु मसीह अन्द जत्तिता आगोद बारा दा भवषियवाणी माळदुन क् ना
रा आऊन जीव
मृत्यु अन्द दुनया दा बटिकु आदीत अदकि
ना आऊन मय हुळतति.

32 ईवा यीशु उक परमेश्वर सोत्तुर दा टु जत्तिता माळदुन, यारद नाव सप्पा मुंदुर गवाह आयेव.

33 ई प्रकार आव नेगुकु आदुन अदकि परमेश्वर उन उजवा कय देल सर्वोच्च पद ताकोमकु, अदकि
आप्प से अद पवतिर आत्मा हासलि माळकु यदुद वादा माळकु आगीत, आव ईद रचिस बुटान जो
नीव नोळतीर अदकि केळतीर. 34 यतकी दाऊद रा स्वर्ग मा येरीदलि; लेकीन आव खुद अनतान,
प्रभु नान परमेश्वर से अंदुन,

नान ऊमा कय दी कुर,

35 यागासताका क् ना नीन से दुश्मनी ईटावाळेर इक नीन काल दशी तनकु आंदरी नीन काल इन
आशन माळ कोमालीन.

36 “इदुरसाटी ईग इस्त्राएल इन सप्पा घराना नश्चिति रूप देल अर्त कोमूल कि परमेश्वर आवा यीशु अक यारी नीव कूस मा येरसदरि, प्रभु भी टहूसदुन अदकि मसीह भी.”

37 आग केळावाळेर मन तुममेदव, अदकि आंदुर पतरस अदकि मक्कि कु प्रेरतिगोळ से केळली कुरतुर, “हे वारदुरा, नाव येन माळेव?”

38 पतरस आंदुर से अंदुन, “मन तरिगुसी, अदकि नीम दा टु हर ऊंद मळसा तान-तान पापगोळद माफ अन्द साटी यीशु मसीह अन्द हेसुर देल वपतसिमा ताकोम; रा नीमी पवतिर आत्मा अन्द दान सकिकीत. 39 यतकी ईद वादा नीम, अदकि नीम औलादगोळ, अदकि आ सप्पा दुर-दुर इन लॉकुर साटी भी हुन यारी प्रभु नाम परमेश्वर तान हात्ती कारस्यान.”

40 आव मात्त हापाळ मातगोळ देल भी गवाही कोट कोटकु समजुसदुन कि “तान-तान इक ई बेकार पीढी देल ऊळसकु ईटी.” 41 इदुरसाटी यार आऊन वचन ग्रहण माळदुर आंदुर वपतसिमा ताकोडुर; अदकि अदा दशिी मुर हज्जार मळसागोळ हात्तीपास आंदुरदा जमा आगेदुर. 42 अदकि आंदुर प्रेरतिगोळ से शकिषा ताकोमली, अदकि संगत ईटली, अदकि भोजन माळली, अदकि प्रार्थना माळदुर दा मग्न ईरतोगोर.

वशिवासीगोळद जीवन

43 अदकि सप्पा लॉकुर मा अंजक तुममेत, अदकि हापाळ सा अदभुत क्यालसा अदकि चमत्कार प्रेरतिगोळ द्वारा प्रगट आगतोगोव. 44 अदकि सप्पा वशिवास माळावाळेर ऊंदा ऊज्या जमा ईरतोगोर, अदकि आंदुर सप्पा वस्तुगोळ गुट दा ईरव. 45 आंदुर तान-तान समपत्त अदकि सामान मार मारकु यार्द ह्यांग जरवत ईरतोगोद वाटसतोगोर. 46 आंदुर हर दशिी ऊंद मन आगकु मंदरि दा ऊंदा ऊज्या जमा आगतोगोर, अदकि मानोन माननी खुशी अदकि पवतिर मन देल ऊमतोगोर, 47 अदकि परमेश्वर उन स्तुति माळतोगोर, अदकि सप्पा लॉकुर आंदुर से खुश ईरोर: अदकि यारी उद्धार सकितोगोद, आंदरी प्रभु हर दशिी आंदुर दा जमा माळ वुळतोगोन.

3

लंगळा भीख बेळावाळा अन्द वळ्ळीद आगोद

1 पतरस अदकि यूहन्ना मदणी अन्द मुर मुरा प्रार्थना अन्द होती आंदुर म्याकुच मंदरि दी होगोर. 2 अदकि लॉकुर ऊंद पैयदायसी लंगळा अक तरोर, यारी आंदुर रोज मंदरि इन आ दरवाजा मा यदरी सुंदर अंदकु आगतद, कूस वुळतोगोर कि आव मंदरि दा होगावाळेर से भीख वेळ सकुल. 3 याग आव पतरस अदकि यूहन्ना अक मंदरि दा होगुत नोळदुन, रा आंदुर से भीखा वेळदुन. 4 पतरस यूहन्ना अन्द सांगुळ आऊन दी ध्यान देल नोळकु अंदुन, “नाम दी नोळ!” 5 इदुरसाटी आव आंदुर से येनारा ताकोमोद लालसा ईटतेला आंदुर दी तार हचकु नोळली कुरतुन. 6 लेकीन पतरस अंदुन, “वहान्ना वेळली रा नान हाती ह्यैलेच, लेकीन जो नान हाती आद अद नीनी कोळतीन; यीशु मसीह नासरी इन हेसुर देल नळु अदकि ओयाळ.” 7 अदकि पतरस आऊन ऊमा कय हुडुकु आऊक नेगदुन; अदकि तुरन्त आऊन कालगोळ अदकि टवांगरागोळ दा जोर होट वत्त. 8 आव यदकु नदिरेदुन अदकि नळुली कुरतुन; अदकि नळुतेला, हारतेला अदकि परमेश्वर उन स्तुति माळतेला आंदुर सांगुळ मंदरि दा होदुन. 9 सप्पा लॉकुर आऊक नळुत टेटाळत अदकि परमेश्वर उन स्तुति माळत नोळकु, 10 आऊक अर्त कोडुर कि ईव आवा हुन जो मंदरि इन सुंदर फाटक मा कुरतकु भीखा वेळतोगोन; अदकि आ घटना देल जो आऊन सांगुळ आगीत आंदुर हापाळ अचम्भति अदकि चकति आदुर.

मंदरि दा पतरस उन उपदेश

11 याग आव पतरस अदकि यूहन्ना अक हुडुकु ईरोन, रा सप्पा लॉकुर हापाळ आश्चर्य माळतेला आ छपर्या दा यदरी सुलेमान उन छपर्या अंदकु आगतद, आंदुर हाती ओळतेला वंदुर.

12 ईद नोळकु पतरस लॉकुर से अंदुन, “हे इस्त्राएलगोळा, नीव ई मंळसा मा येती आश्रय माळेतीर, अदकि नाम दी हगि येती नोळेतीर जसा नाव अच तान सामरथ्य या भक्ती देल ईऊक नळोद अदकि टेटाळोद लायक माळ बुटेव. 13 अब्राहम अदकि इसहाक अदकि याकूब उन परमेश्वर, नाम आपप दादागोळ परमेश्वर तान सेवक यीशु उन महिमा माळदुर, यारी नीव हुळसुस बुट्टीर, अदकि याग पलातुस आऊक बळोद वचिर माळदुन, आग नीव आऊन मुंद आऊन इनकार माळदीर. 14 *नीव आ पवतिर अदकि न्यायी मंळसा अन्द इनकार माळदीर, अदकि वनिती माळदीर कि ऊंद हत्यारा अक नीम साटी बटिकु आगेगुल; 15 अदकि नीव जीवन इन कर्ता धर्ता अक कोंद बुट्टीर, यारी परमेश्वर सोत्तुर दा टु जतिता माळदुन; अदकि ई मात इन गवाह नाव आयेव. 16 अदकि आऊंदा हेसुर, आ वशिवास इन द्वारा जो आऊन हेसुर मा आद, ई मंळसा अक यारी नीव नोळतीर अदकि अरूतीर सामरथ्य कोटान. अदा वशिवास जो आऊन द्वारा आद, ईऊक नीम सप्पा मुंदुर मुंद बलिक्कल भला चंगा माळ बुटान.

17 “ईग हे वारटुरा, नानी मालूम आद कि ईद क्याल्सा नीव अग्यानता दा माळदीर, अदकि हांगा नीम अधिकारीगोळ भी माळदुर. 18 लेकीन याता मातगोळी परमेश्वर सप्पा भविष्यवक्तागोळ बाय देल पयले अच हेळ बुटीदुन, कि आऊन मसीह दुख नेगदान, अवरी आव ई रीत देल पुरा माळदुन. 19 इदुरसाटी, मन तरिगुसी अदकि वापस बरी कि नीम पाप माफ माळकु आदव, 20 ताकी आत्मकिता शांती इन समय प्रभु उन देल बरूल अदकि आव यीशु अक कळुल जो नीम साटी पयले टु ना मसीह ठहरूसकु आग्यान, 21 जरूरी आद कि आव स्वर्ग दा आ समय ताका ईरूल यागासताका कि आव सप्पा मातगोळद सुधार माळ कोमालुन यदुरद चर्चा स्याणा लॉकुर काल टु परमेश्वर तान पवतिर भविष्यवक्तागोळ बाय देल माळ्यान. 22 * ह्यांग कि मूसा अंदुन, ‘प्रभु परमेश्वर नीम वारटुर दा टु नीम साटी नान घाई ऊंद भविष्यवक्ता पैदा माळ्यान, जो येनारा आव नीम से अंदान, नीव आऊन केळी. 23 लेकीन हर ऊंद मंळसा जो आ भविष्यवक्ता अन्द केळतीदलि, परमेश्वर उन लॉकुर दा टु ब्यारर माळकु नाश माळकु आदान.’ 24 अदकि शमूएल इन हात्ती टु हुडुकु रा आऊन बादवाळेर ताका यास भविष्यवक्ता माताळदुर आ सप्पा ई दनिगोळ बारा दा बातणी कोटार. 25 नीव भविष्यवक्तागोळ औलाद अदकि आ वादा अन भागी हुईर, जो परमेश्वर नीम आपप दादागोळ से कटदुन, याग आव अब्राहम से अंदुन, ‘नीन घराना अन्द द्वारा पृथ्वी इन सप्पा लॉकुरी आर्शवािद सकिकीत.’ 26 परमेश्वर तान सेवक उक नेगुकु पयले नीम हात्ती कळुदुन, कि नीम दा टु हर ऊंद मंळसा अक आऊन बुराईगोळ देल तरिगुसकु आर्शवािद कोळुल.”

4

महासभा अन मुंद पतरस अदकि यूहन्ना

1 याग पतरस अदकि यूहन्ना लॉकुर से ईद अनोर, रा याजक अदकि मंदिर इन रखवाली माळावाळेद शासक अदकि सद्की आंदुर मा येरकु बंदुर. 2 यतकी आंदुर हापाळ सट्टी बंदुर कि पतरस अदकि यूहन्ना लॉकुरी उपदेश कोळतेला यीशु उन सोत्तुर दा टु जतिता आगोद द्वारा अदकि यीशु उन उदाहरण कोट कोटकु सोत्तुर दा टु जीत्ता आगोद प्रचार माळतोगोर. 3 आंदुर आंदरी हुडुकु दुसरा दनि ताका जयल दा ईटदुर यतकी द्याव मुळकेगति. 4 लेकीन वचन इक केळावाळेर दा टु हापाळ मुंदुर वशिवास माळदुर, अदकि आंदुर गनिती अईद हजार मंळसागोळद हात्तीपास आगेत.

5 दुसरा दशिी यरूशलेम दा यहूदी अधिकारीगोळ अदकि स्याणा लॉकुर अदकि न्यायशास्त्र अन्द गुरुगोळ, 6 अदकि महायाजक हन्ना अदकि कैफा अदकि यूहन्ना अदकि सकिन्दर अदकि यास महायाजक इन घराना नोर ईरोर, सप्पा यरूशलेम दा जमा आदुर. 7 आंदुर पतरस अदकि

* 3:14 ३:१४ मत्ती २७:१५-२३; मरकुस १५:६-१४; लुका २३:१३-२३; यूहन्ना १९:१२-१५

* 3:22 ३:२२ व्यवस्थावकिण

यूहन्ना अक न्याय्या नदिरूसकु केळली कुरतुर कि “नीव ईद क्याल्सा याता सामर्थ्य देल अदकि याता हेसुर देल माळीर.”

8 आग पतरस पवतिर आत्मा देल परपुर्ण आगकु आंदुर से अंदुन, “हे लॉकुरद्व अधकारी अदकि स्याणा लॉकुरा. 9 ई लंगळा मंळसा अन्द सांगुळ जो भलाई माळकु आग्याद, अगर ईद नाम से आऊन बारा दा केळकु आगतद, कि आव ह्यांग वळ्लेव आदुन. 10 रा नीव सप्पा अदकि पुरा इस्त्राप्ली लॉकुर जान्स कोमी कि यीशु मसीह नासरी इन हेसुर दा जो सामर्थ्य आद अदुर द्वारा ई लंगळा मंळसा नीम मुंद भला चंगा नदिरकु आन, या यीशु अक नीव कूस मा येरसदरि, अदकि परमेश्वर सोततुर दा टु जतिता माळदुन. 11 शास्त्र दा लखिसकु आद, ईव यीशु अदा कल्ल हुन यारी नीव राजमसित्रीगोळ बेकार मानसदरि अदकि

आव हापाळ महत्वपुर्ण कल्ल आगेदुन.

12 यावारा दुसरा अन्द द्वारा उद्धार ईला; यतकी स्वर्ग इन ल्यालमा मंळसागोळ दा अदकि यातोदु दुसरा हेसुर कोटकु आगीदील, यार्द द्वारा नामी उद्धार सकिल.”

13 याग आंदुर पतरस अदकि यूहन्ना अन्द हमिमत नोळदुर, अदकि ईद अरतुर कि इंदुर अनपद अदकि साधारण मंळसा आर, रा आश्चर्य माळदुर; बाक आंदरी अरतुर, कि इंदुर यीशु उन सांगुळ ईतार. 14 आ लंगळा मंळसा अक जो वळ्लेव आगीदुन, पतरस अदकि यूहन्ना अन्द सांगुळ नदिरुत नोळकु, आंदुर वरीध दा येनु अन सकदील. 15 लेकीन आंदरी सभा अन्द व्हार्या होगोद आग्या कोटकु, आंदुर तांदुर दा वचिार माळली कुरतुर, 16 अदकि अनली कुरतुर, “नाव ई मंळसागोळ सांगुळ येन माळेव? यतकी यूरशलेम इन सप्पा ईरावाळेरे मा प्रगट आद, कि इंदुर द्वारा ऊंद प्रसदिध चमत्कार तोरसकु आग्याद, अदकि नाव अदुरद इनकार माळ सकालेव. 17 इदुरसाटी कि ई मात लॉकुर दा मातत यक्कुल फैलुस बाळ्ल, नाव आंदरी धमकुसेव, कि आंदुर यीशु उन हेसुर देल बाक यातोदु मंळसा से मातगोळी हेळतीदील.”

18 आग आंदुर पतरस अदकि यूहन्ना अक कारदुर अदकि चेतावनी कोटकु ईद अंदुर, “यीशु उन हेसुर देल येनु अच माताळ बाळेतीर अदकि कल्स बाळेतीर.” 19 लेकीन पतरस अदकि यूहन्ना आंदरी उत्तर कोटदुर, “नीवा न्याय माळी; येन ईद परमेश्वर उन नजर दा भला आद कि नाव परमेश्वर उन मात से यक्कुल नीम मात केळेव. 20 यतकी ईद रा नाम से आगसकाल कि जो नाव नोळेव अदकि केळेव, अद अनतीदलि.” 21 आग आंदुर आंदरी मातत यक्कुल धमकी कोटकु बटि बुटुर, यतकी आंदरी समझ दा बंददील कि आंदरी ह्यांग दण्ड कोट्टेव, यतकी जो घटना आगीत अदुर कारण सप्पा लॉकुर परमेश्वर उन बळाई माळतोगोर. 22 आ लंगळा मंळसा, यार मा ईद चंगाई इन चमत्कार तोरसकु आगीत, चालीस साल से यक्कुल उमर ईनव ईरोन.

वशिवासीगोळद साटी हमिमत इन प्रार्थना

23 पतरस अदकि यूहन्ना बटिकु तान संगीगोळ हात्ती बंदुर, अदकि जो येनारा प्रधान याजकगोळ अदकि स्याणा लॉकुर आंदुर से अंदीदुर, आंदरी केळस बुटुर. 24 ईद केळकु वशिवासीगोळ ऊंद मन आगकु धोळद आवाज देल परमेश्वर से अंदुर, हे स्वामी, नी आवा हुय याव स्वर्ग अदकि पृथ्वी अदकि समुद्र अदकि जो येनारा अऊरदा आद माळ्या. 25 नी पवतिर आत्मा अन द्वारा तान सेवक नाम पुरवज दाऊद उन बाय देल अंद, गैरयहूदीगोळ हल्ला येती मचुसदुर? अदकि द्याश-दयाश इन लॉकुर

येती बनिा मतलब इन मातगोळद वचिार माळदुर?

26 प्रभु अदकि आऊन मसीह अन्द वरीध दा

पृथ्वी इन राजा नदिरदुर,

अदकि अधिकारीगोळ ऊंद सांगुळ जमा आगेदुर.

27 यतकी खराखुरा नीन पवतिर सेवक यीशु उन खलिाप दा, यारद नी अभषिक माळ्द, हेरोदेस अदकि पुनतयिस पलातुस भी गैरयहूदीगोळ अदकि इस्त्राएलीगोळ सांगुळ ई नगर दा जमा आदुर, 28 आंदुर जमा आदुर यतकी नीन ताकत अदकि इच्छा अन अनुसार जो येनारा पयले अच नशिचति आगेगीत अद पुरा आगुल. 29 ईंग हे प्रभु, आंदुर धमकीगोळी नोळ; अदकि तान दासगोळी ईद इजाजत कोळ कनिनीन वचन हापाळ हम्मिमत देल केळसुल. 30 चंगा माळोर साटी नी तान कय मुंद माळ कचिचमत्कार अदकि अदभुत कयाल्सा नीन पवतिर सेवक यीशु उन हेसुर देल माळकु आगुल.

31 याग आंदुर प्रार्थना माळ कोंडुर, रा अद जागा यल आंदुर जमा ईरोर हालुसेत, अदकि आंदुर सपपा मुंदुर पवतिर आत्मा देल परपिर्ण आगेदुर, अदकि परमेश्वर उन वचन हम्मिमत देल केळसतेला ईततुर.

वशिवासीगोळ्द एकता अन जीवन

32 वशिवास कळावारळेद मंडली ऊंद चतित अदकि ऊंद मन इन ईरोद, ईल ताका कियारारा भी तान धन सम्पत्ती तान ईला अनतोगोन, लेकीन सपपा येनारा गुट दा ईरोद. 33 प्रेरति बळा सामर्थ्य देल प्रभु यीशु उन जतिता आगेद गवाही कोळ्द ईततुर अदकि आ सपपा मुंदुर मा हापाळ अनुग्रह ईरोद. 34 आंदुर दा याऊ भी गरीब वेळावाळा ईला ईरोन; यतकी यारद हातती जागा अदकि मान्नागोळ ईरव, आंदुर अवरी मार-मोटकु, मारद वस्तुगोळ्द दाम तरोर, 35 अदकि अवरी प्रेरतिगोळ्द कालगोळ मा ईटतोगोर; अदकि ह्यांग यारी जरवत ईरतोगोद, अदुर अनुसार हर ऊंद मळसा अक कोट बुळतोगोर.

36 यूसुफ हेसुर ईनव साइप्रस नगर इन ऊंद लेवी ईरोन यारद हेसुर प्रेरतिगोळ बरनवास मतलब हम्मिमत कोळावाळा ईटीदुर. 37 आऊन थवाळासा जागा जमीन ईरोद, यदरी आव मारदुन, अदकि दाम इन पैस्या तनकु प्रेरतिगोळ्द कालगोळ मा ईट बुटुन.

5

हनन्याह अदकि सफीरा

1 हनन्याह हेसुर इन ऊंद मळसा ईरोन, अदकि आव तान हगिस सफीरा अन सांगुळ तान थवाळासा जागा मारदुन. 2 अदकि आव आ जागा अन दाम दा टु थवाळासा पैस्या ईट बुटुन; अदकि ईद मात आऊन हगिस भी जानसोर, अदकि अदुर मगिद भाग तनकु प्रेरतिगोळ्द कालगोळ मुंद ईट बुटुन. 3 पतरस अंदुन, “हे हनन्याह! शैतान नीन मन दा ईद मात ह्यांग हाक्त कनिनी पवतिर आत्मा से खवाटा माताळ्या, अदकि जागा अन दाम दा टु येनारा ईट्या? 4 यागासताका अद नीन हातती ईतत, येन अद जागा अपमान ईतीदील? अदकि याग अद मारेत रा येन अदुर कमित नीन अधकार दा ईला ईरोद? अदकि नी ई मात इन तान मन दा येती बचिर माळ्द? नी मळसागोळ से ईला, लेकीन परमेश्वर से खवाटा माताळ्द.” 5 ई मातगोळ केळकु हनन्याह बदिदुन अदकि जीव बटि बुटुन, अदकि सपपा केळावाळेर मा धोळ्द अंजुक तुममेत. 6 बाक हारोद मळसागोळ यदकु आऊन सकोली तयार माळदुर अदकि आऊन लाश व्हाऱ्या ओतकु नळस बुटुर.

7 लगभग मुर तास इन बाददा आऊन हगिस, जो येनारा आगीत ईला जानसकु, बुळक बंदुर.

8 आग पतरस आकनि से अंदुन, “नानी हेळ येन नीव अद जागा इटुर दा अच मार बुटीदीर?” आक अंदुर, “हव, इटुर दा अच.”

9 पतरस आकनि से अंदुन, “ईद येन मात हुन कनिनीव येदुदु मुंदुर प्रभु अनद आत्मा अन परीक्षा साटी ऊंद मन माळदीर? नोळ, नीन गांड् उक नळसावाळेर दरवाजा मा अच नदिरकु आर, अदकि नीनी भी व्हाऱ्या ओतार.” 10 आग आक तुरन्त आऊन कालगोळ मा बदिदुर, अदकि सोतोदुर; अदकि हारोद मळसागोळ बुळक बंदकु आकी सोतकु नोळदुर, अदकि व्हाऱ्या वातकु आकनि गांड्

☆ 4:27 ४:२७ लुका २३:७-११; मत्ती २७:१,२; मरकुस १५:१; लुका २३:१; यूहन्ना १८:२८,२९

☆ 4:32 ४:३२ प्रेरतिगोळ

उन हात्ती नळस बुदुर. 11 सप्पा मंडली मा अदकि ई मातगोळ्द सप्पा केळावाळेर मा धोळ्द अंज्क तुम्मेत.

चमत्कार अदकि अदभुत क्याल्सा

12 प्रेरतिगोळ्द कयगोळ देल हापाळ चमत्कार अदकि अदभुत क्याल्सा लॉकुर न्याइया दा तोरसकु आगतोगोव, अदकि आंदुर सप्पा ऊंद मन आगकु सुलेमान उन छपर्या दा जमा आगतोगोर. 13 लेकीन हापाळ दा टु यारीकु ईद हम्मिमत ईला आगतोगोद कि आंदुर दा होगकु मलिसेव; तरी लॉकुर आंदुर्द बळाई माळतोगोर. 14 वशिवास माळावाळेर हापाळ सा मळसा अदकि आर्तेर मंडलीगोळ दा धोळ्द संख्या दा सकित ईत्तुर. 15 ईल ताका किलॉकुर बमारगोळी सळकगोळ मा तन तनकु, वहरसगोळ मा मगिस बुळतोगोर कियाग पतरस बंदान, रा आऊन सावली अच आंदुर दा टु यारदारा मा बदिगुल. 16 यूरशलेम इन आसपास इन नगरगोळ से भी हापाळ लॉकुर बमारगोळ अदकि अशुध्द आत्मागोळ्द सतुस्द लॉकुरी तन तनकु, जमा आगतोगोर, अदकि सप्पा वळ्लेर माळकु आगोर.

प्रेरतिगोळ्द गरिफ्तारी

17 आग महायाजक अदकि आऊन सप्पा संगी जो सद्कीगोळ्द पंथ नोर ईरोर, जलनखोरी देल तुम्मेदुर. 18 अदकि प्रेरतिगोळी हुडुकु बंदीगूह दा बंद माळ बुदुर. 19 लेकीन ईळल इक प्रभु उन ऊंद स्वर्गदूत बंदीगूह अन्द दरवाजा तरूकु आंदरी व्हाख्या तनकु अंदुन, 20 “होगी, मंदिर दा नदिरकु ई व्हाशोद जीवन इन सप्पा मातगोळ लॉकुरी केळसी.” 21 आंदुर ईद केळकु व्हातुर आगतेला अच मंदिर दा होगकु शकिषा कोळली कुरतुर.

लेकीन महायाजक अदकि आऊन साधीगोळ बंदकु इस्त्राएलगोळ सप्पा स्याणा लॉकुरद पुरा सभा अक जमा माळदुर, अदकि बंदीगूह दा बातणी कळ्दुर कि आंदरी तरूल. 22 लेकीन अधिकारीगोळ अल पोहचुसकु आंदरी बंदीगूह दा नोळीदील, अदकि वापस बंदकु बातणी कोट्टुर, 23 “नाव बंदीगूह अक हापाळ सावधानी देल बंद माळकु, अदकि पहरेदारगोळी व्हाख्या दरवाजागोळ मा नदिरकु नोळदेव; लेकीन याग तेरदेव, रा बुळक याऊ सकिकीदील.” 24 याग मंदिर इन सरदार अदकि प्रधान याजक ई मातगोळी केळदुर, आंदरी समझ दा बंदीदलि कि प्रेरतिगोळ्द येन आत अदकि ईग येन आदीत! 25 ईदुर दा यावारा बंदकु आंदरी हेळदुन, “नोळी, यारी नीव बंदीगूह दा बंद ईटीदीर, आ मळसागोळ मंदिर दा नदिरकु लॉकुरी शकिषा कोळेत्यार.” 26 आग सरदार, अधिकारीगोळ सांगुळ होगकु, आंदरी तंदुन, लेकीन ताकत देल ईला, यतकि आंदुर लॉकुर से अंजतोगोर कि नाम मा पथराव माळबाळुल.

27 आंदुर प्रेरतिगोळी तनकु महासभा अन्द मुंद नदिरूस बुदुर; अदकि महायाजक आंदुर से पूछताछ माळदुन, 28 “येन नाव नीमी कठोर आग्या कोटीदील कि नीव ई हेसुर देल शकिषा कोळ बाळेतीर? तरी भी नोळी, नीव सप्पा यूरशलेम इक तान शकिषा देल तुम बुट्टीर अदकि आ मळसा अन्द खुन नाम कुतक्या मा तरोद चाहासतीर.”

29 आग पतरस अदकि दुसरा प्रेरतिगोळ उत्तर कोट्टुर, “मळसागोळ्द आग्या से वाळुसकु परमेश्वर उन आग्या अन्द पालन माळोद अच नाम्द करतवय आद. 30 नाम आप्प दादागोळ्द परमेश्वर यीशु उक सोतेतुर दा टु जित्ति माळदुन, यारी नीव कूस मा येरसकु कोंद बुटीदीर. 31 आऊक अच परमेश्वर शासक अदकि उद्धारकर्ता ठहरूसकु, तान ऊमा कय मा नेग्द बुट्टुन, कि आव इस्त्राएलगोळी मन तरिगुसोद ताकत अदकि पापगोळ्द माफ प्रदान माळुल. 32 नाव ई मातगोळ गवाह आवेव अदकि हांगा पवतिर आत्मा भी, यारी परमेश्वर आंदरी कोटान जो आऊन आग्या मानसतार.”

33 ईद केळकु आंदुर सट्टी होट बंदुर, अदकि प्रेरतिगोळी कोंद बुळोद चाहासदुर. 34 लेकीन गमलीएल हेसुर इन ऊंद फरीसी जो व्यवस्था अन शकिषक अदकि सप्पा लॉकुर दा मानवाईक

ईरोन, न्याय सभा दा नदिरकु प्रेरतिगोळी थवाळासा समय इन साटी व्हारया माळोद आग्या कोट्टुन. ³⁵ आग आव अंदुन, “हे इस्त्राएलगोळा, नीव जो येनारा ई मंळसागोळ सांगुळ माळोद चाहासतीर, सोच वचिार माळकु माळोतीर. ³⁶ यतकी ई दनिगोळ से पयले थयूदास ईद अनतेला अच वदिरोह अन्द झंदा नेगदीदुन, क्ना भी येनारा आईन; अदकि कम से कम नाक सौ मंळसा आऊन सांगुळ आगेदुर, लेकीन आव कोनुससकु आदुन अदकि यास लॉकुर आऊक मानसतोगोर, सप्पा ततिर बतिर आदुर अदकि मट्टिसेदुर. ³⁷ अदुर बाददा जनगणना अन्द दनिगोळ दा गलील दा ईरावाळा यहूदा वदिरोह दा तालुला नेगदुन, अदकि थवाळासा लॉकुरी तान दी माळ कोंडुन; अदकि आव भी नाश आगेदुन अदकि यास लॉकुर आऊक मानसतोगोर, सप्पा ततिर बतिर आगेदुर. ³⁸ इदुरसाटी ईंग ना नीम से अनतीन, ई मंळसागोळ से दुर अच ईरी अदकि ईदरी होगगोळी; यतकी अगर ईद न्याय या क्यालसा मंळसागोळ दी टु आद आग रा मट्टिसेदीत; ³⁹ लेकीन अगर परमेश्वर उन दी टु आद, रा नीव आंदरी यागलु मट्टिस सकतीदलि. ईलारा हगि आगबाळुल क्नीव परमेश्वर से भी लळुसावाळेर ठहूसी. आग सभा अन लॉकुर गमलीएल उन मात मान्स कोंडुर.” ⁴⁰ अदकि प्रेरतिगोळी कार्सकु वळसुसदुर; अदकि ईद आदेश कोटकु बटि बुदुर क्नी यीशु उन हेसुर देल बाक यातोदु मात माळवाळोतीर. ⁴¹ प्रेरतिगोळ ई मात देल खुश आगकु महासभा अन्द मुंदु टु अनतेला होटोदुर, क्ना नाव यीशु उन हेसुर इन साटी अपमानीत आगोद लायक रा ठहूसदेव. ⁴² आंदुर रोज मंदिर दा अदकि मानोन माननी लगातार खुशखबरी इन प्रचार माळतोगोर अदकि कल्सतोगोर क्नी यीशु उच मसीह हुन.

6

येळ सेवक

¹ आ दनिगोळ दा चेलागोळद संख्या हापाळ वाळुसली कुरत, आग गैरयहूदी भाषा माताळावाळेर इव्रानी भाषा मातावाळेर मा कूळकाळ माळली हतदुर, क्नी रोज इन दान दा नाम रंडयागोळद बारा दा वचिार माळकु आगालुद. ² आग आ हनुनेळ प्रेरतिगोळ चेलागोळद मंडली इक तान हात्ती कारकु अंदुर, “ईद ठीक हैलेच क्ना नाव परमेश्वर उन वचन बटिकु तनिंसदुर कूळसदुर स्यावा दा ईत्तेव. ³ इदुरसाटी, हे वार्दुरा अदकि आकतींगेरा, तान दा टु येळ मानवाईक मंळसागोळी जो पवतिर आत्मा अदकि बुदधी देल परपिर्ण आर, नविळुस कोमी, क्ना नाव आंदरी ई क्यालसा मा ठहूस बुटेव. ⁴ लेकीन नाव रा प्रार्थना दा अदकि वचन केळसोद सेवकाई दा हतकु ईत्तेव.”

⁵ ईद मात सप्पा मंडली इक वळ्लीद हत, अदकि आंदुर स्तफिनुस हेसुर इन ऊंद मंळसा अक जो वशिवास अदकि पवतिर आत्मा देल परपिर्ण ईरोन, अदकि फलिपिपुस, अदकि पुरखुरूस, अदकि नीकानोर, अदकि तीमोन, अदकि परमनास, अदकि अन्ताकिया वासी नीकुलाउस उक जो यहूदी मत दा होट्ट बंदीदुन, नीवळुस कोंडुर. ⁶ ईदरी प्रेरतिगोळद मुंद नदिरूसदुर अदकि आंदुर प्रार्थना माळकु आंदुर मा कय ईटदुर.

⁷ परमेश्वर उन वचन फेलुस्तेला होत अदकि यरूशलेम दा चेलागोळ गनिती हापाळ वाळुसेत; अदकि याजकगोळद ऊंद धोळद समाज ई मत इक मान्सावाळा आगेत.

स्तफिनुस उन गरिफ्तारी

⁸ स्तफिनुस अनुग्रह अदकि सामर्थ्य देल परपिर्ण आगकु लॉकुर दा धोळ धोडडेव अदभुत क्यालसा अदकि चमत्कार तोरसतोगोन. ⁹ आग आ सभागूह दा टु जो लबिरितीन इन कहलुसतोगोद, अदकि कुरेनी अदकि सकिन्दरिया अदकि कलिकिया अदकि आसिया अन लॉकुर दा टु थवाळासा लॉकुर यदकु स्तफिनुस से झगळा माळली हतदुर. ¹⁰ लेकीन आ ग्यान अदकि आ आत्मा अन्द यार देल प्रेरति आगकु स्तफिनुस मातगोळी माळतोगोन, आंदुर सामना माळ सकदील. ¹¹ इदुर मा आंदुर थवाळासा लॉकुरी भळकुसदुर जो अनली कुरतुर, “नाव ईऊक मूसा अदकि परमेश्वर उन वशिध दा तरिस्कार इन मातगोळी अनतेला केळव.” ¹² अदकि लॉकुर

अदकि स्याणागोळ अदकि शास्त्रीगोळी भळकुसदुर अदकि आंदुर आऊक हुडुकु महासभा दा तंदुर. ¹³ अदकि खवाटा गवाह नदिरसदुर, आंदुर अंदुर, “ईव मंळसा ई पवतिर जागा अदकि व्यवस्था अनूद वरिध दा माताळोद वळालुन. ¹⁴ यतकी नाव आऊक ईद अनतेला केळेव कि ईवा यीशु नासरी ई मंदिर इक केळद बुट्टान, अदकि आरीतीगोळी बदलुस बुट्टान जो मूसा नामी सोपसयान.” ¹⁵ आग सप्पा लॉकर जो सभा दा कुरतकु ईरोर, स्तफिनुस मा नजर हाकदुर रा आऊन वाय स्वर्गदूत उन घाई नोळदुर.

7

स्तफिनुस उन भाषण

1 आग महायाजक स्तफिनुस से अंदुन, “येन ई मातगोळ सही आव?”

2 स्तफिनुस अंदुन, “हे वारटुरा, अदकि आप्पगोळा केळी. नाम स्याणा अब्राहम हारान द्याश दा कुरोर से पयले मेसोपोटामिया दा ईरोन; रा तेजोमय परमेश्वर आऊक दर्शन कोट्टुन, ³ अदकि आऊन से अंदुन, ‘नी तान द्याश अदकि तान कुटुम्ब टु होटकु आ द्याश दा होग, यदरी ना नीनी तोरसाईन.’ ⁴ आग आव कसदयागोळ द्याश दा टु होटकु हारान द्याश दा होगकु कुरतुन. अब्राहम उन आप्प उन सोत्तुर बाददा परमेश्वर आऊक अल टु ई द्याश दा तनकु कुरसदुन यदुरदा ईग नीव कुरतीर, ⁵ अदकि आऊक येनारा मीरास मतलब काल ईटली भी आऊक जागा कोटीदोल, लेकीन वादा माळदुन काना ईद द्याश नीद अदकि नीन बाददा नीन वंश इन कय दा माळ वुळाईन; लेकीन आ समय आऊन यातोदु औलाद भी ईला ईरोद. ⁶ अदकि परमेश्वर ईद अंदुन, ‘नीन औलाद इन लॉकर दुसरा द्याश दा परदेशी आदार, अदकि लॉकर आंदरी दास माळ्यार अदकि नाक सौ वर्ष ताका सत्सुकु आदार.’ ⁷ बाक परमेश्वर अंदुन, ‘या राष्ट्र इन आंदुर दास आदार, आंदरी ना दण्ड कोळाईन, अदकि इदुर बाददा आंदुर होटकु ईदा जागी नान स्यावा माळ्यार.’ ⁸ अदकि परमेश्वर आऊन से खतना अनूद वादा माळदुन; अदकि ईदा दशा दा इसहाक आऊन से पैदा आदुन अदकि आऊन जनम इन बाददा आठवा दशी आऊन खतना माळकु आत; अदकि इसहाक से याकूब पैदा आदुन अदकि याकूब से हन्नेळ पारगोळ पैदा आदुर ईदुरद भी खतना माळकु आत आंदुर नाम कुलपती बनसदुर.

⁹ “कुलपतिगोळ यूसुफ से जलन माळकु आऊक मसित्तर द्याश होगावाळेर इक मारदुर. लेकीन परमेश्वर आऊन सांगुळ ईरोन, ¹⁰ अदकि आऊक आऊन सप्पा दुखगोळ देल वळिसकु मसित्तर अनूद राजा फरीन उन नजर दा अनुग्रह अदकि बुद्धी प्रदान माळदुन, अदकि आव आऊक मसित्तर मा अदकि तान सप्पा मानुना मा शासक नयिकुत माळदुन. ¹¹ आग मसित्तर अदकि कनान इन सप्पा द्याश दा अकाल बतित; यदुर देल भारी दुखगोळ बंदव, अदकि नाम आप्प दादागोळी तनिली ईला सकितोगोद. ¹² लेकीन याकूब ईद केळकु कि मसित्तर द्याश दा अनाज आद, नाम आप्प दादागोळी पयला घन कळदुन. ¹³ दुसरा घन यूसुफ खुद इक तान वारटुर मा प्रगट माळदुन अदकि यूसुफ उन जाती फरीन उक मालूम आगेत. ¹⁴ आग यूसुफ तान आप्प याकूब अदकि तान सप्पा कुटुम्ब इक, जो पच्यात्तर मंळसा ईरोर, बातणी कळदुन. ¹⁵ आग याकूब मसित्तर दा ल्यालमा होदुन; अदकि अल आव अदकि आऊन चकीर सोतोदुर. ¹⁶ आंदुर लाश शकेंम नगर दा पोहचुसुकु आ कवर दा ईटकु आदव, यारी अब्राहम चाँदी इन सकिका कोटकु शकेंम दा हमोर उन औलाद से कोंडीदुन.

¹⁷ “लेकीन याग आ वादा अनूद पुरा आगोद घळी हात्ती बतत जो परमेश्वर अब्राहम से माळीदुन, रा मसित्तर द्याश दा आ लॉकर वाळुसेदुर अदकि हापाळ आगोदुर. ¹⁸ आग मसित्तर दा दुसरा राजा आदुन जो यूसुफ उक ईला अरोन. ¹⁹ आव नाम जाती से चालाकी माळकु नाम आप्प दादागोळ सांगुळ ईल ताका बुरा व्यवहार माळदुन, कि आंदरी तान चकीरी भीट बुळोर साटी मजबुर माळदुन. ²⁰ आ समय मूसा पैदा आदुन. आव परमेश्वर उन नजर दा हापाळ अच सुंदर ईरोन. आव मुर तगिळ ताका तान आप्प उन मान्या पालसुकु आदुन. ²¹ याग भटिकु आदुन रा फरीन उन पोर

आऊक नेगु कोंडुर, अदकि तान पार उन घाई पालसदुर. 22 मूसा अक मस्तिरीगोळ सप्पा वदिया कलसकु आत, अदकि आव वचन अदकि कर्म येद्वदु दा ताकतवर ईरोन.

23 “याग आव चालीस वर्ष इनव आदुन, रा आऊन मन दा बत्त क्ति ना इस्त्राएली वारदुर से मुलाकात माळाईन. 24 आव ऊंद मंळसा मा अन्याय आग्त नोळकु आऊक ऊळ्सदुन, अदकि मस्तिरी इक कोंदकु अत्याचार माळ्द मंळसा अन्द बदला ताकोडुन. 25 आव वचारि माळ्दुन क्ति आऊन लॉकुर समस्यार क्ति परमेश्वर आऊन कयगोळ देल आंदुरद उद्धार माळयान, लेकीन आंदुर समसीदील. 26 दुसरा दशी याग आंदुर आपस दा झगळा माळोर, रा आव अल बंदुन; अदकि ईद अनकु आंदरी मल्लिसोर साटी समजुसदुन, हे मंळसागोळा, आव अंदुन, ‘नीव रा वारदुर-वारदुर हुईर,’ आवुर दावुर मा येती अन्याय माळ्तीर? 27 लेकीन जो तान बाजुवाळा मा अन्याय माळोन, आव आऊक ईद अनकु हटुस बुदुन, ‘नीनी याव नाम मा अधिकार अदकि न्याय माळावाळा ठहूसयान? 28 येन याता रीतदिल नी नीन मस्तिरी इक कोंद बुट नानी भी कोंद बुळोद चाहासत्या?’ 29 ईद मात केळकु मूसा ओळ्दुन अदकि मद्यान द्याश दा परदेशी आगकु ईरली कुरतुन, अदकि अल आऊन येद्वदु पारगोळ पैदा आदुर.

30 “याग पुरा चालीस वर्ष बतिसेदव, रा ऊंद स्वर्गदूत सीनै पहाळी इन आळी दा आऊक होततेला झाळी इन बेक्की अन लपेट दा दर्शन कोटदुन. 31 मूसा अक ईद दर्शन नोळकु आशचरय आत, अदकि याग नोळोर साटी आव हात्ती होदुन, रा प्रभु अन्द ईद आवाज बत्त, 32 ना नीन आपप दादागोळ, अबराहम, इसहाक अदकि याक्व उन परमेश्वर हुईन. आग रा मूसा नळ्गली कुरतुन, ईल ताका क्ति आऊक नोळोद हम्मिमत आगीदील. 33 आग प्रभु आऊन से अंदुन, ‘तान कालगोळ दा टु केरू तेगु कोम, यतकि याता जागा दा नी नदिरकु आय, अद पवतिर जागा हुन. 34 ना सचमुच तान लॉकुरद जो मस्तिर द्याश दा आर, दुर्दशा अक नोळीन; अदकि आंदुरद आह अदकि आंदुरद वोरलोद केळीन; इदुरसाटी आंदरी बळिसोर साटी ईळदीन. ईग वा, ना नीनी मस्तिर द्याश दा कळाईन.’

35 “या मूसा अक आंदुर ईद अनकु अस्वीकार माळीदुर, ‘नीनी यार नाम मा अधिकार अदकि न्याय माळावाळा ठहूसयार?’ आऊक अच परमेश्वर शासक अदकि बळिसावाळा ठहूसकु, आ स्वर्गदूत उन दवारा यार आऊक झाळी दा दर्शन कोटीदुन, कळ्दुन. 36 ईवा मंळसा मस्तिर द्याश अदकि क्याचांद समुदुर अदकि आळी दा चालीस वर्ष ताका अदभुत क्याल्सा अदकि चमत्कार तोरस तोरसकु आंदरी तेगुकु तंदुन. 37 ईव आवा मूसा हुन, याव इस्त्राएलगोळ से अंदुन, ‘परमेश्वर नीम वारदुर दा टु नीम साटी नान घाई ऊंद बातणी तरावाळा नेगदान.’ 38 ईव आवा हुन, याव आळी दा मंडली अन न्याड्या आ स्वर्गदूत उन सांगुळ सीनै पहाळी मा आऊन से मातगोळी हेळ्दुन अदकि नाम आपप दादागोळ सांगुळ ईरोन, आऊक अच जीवति वचन सकियाव क्ति नाम ताका पोहचुसुल. 39 लेकीन नाम आपप दादागोळ आऊन मानसोद चाहसीदील, बल्की आऊक हटुसकु तान मन मस्तिर दी फेरसदुर, 40 अदकि हारून से अंदुन, ‘नाम साटी हगि देवता माळ, जो नाम मुंद-मुंद नळुल, यतकि ईव मूसा जो नामी मस्तिर द्याश टु तेगुकु तंदुन, नाव जानसालेव आऊक येन आग्याद?’ 41 आ दनिगोळ दा आंदुर ऊंद वसता अन घाई काळ्सावाळा मूर्ति माळदुर, अदकि अदुर मा बली येरसदुर, अदकि तान कयगोळ देल पाऊनचार माळकु खुशी मानसदुर. 42 इदुरसाटी परमेश्वर अनदेखा माळकु आंदरी बटि बुदुन, क्ति आकाशगण इन पुजा माळुल, ह्यांग भवषियवक्तागोळ कतिब दा लखिसकु आद, ‘हे इस्त्राएल इन घराना, येन नीव आळी दा चालीस वर्ष ताका पशुबली अदकि अन्नबली नान इक अच येरसत ईत्तीर?’

43 नीव मोलेक इन तम्बू

अदकि रफान देवता अन्द तारा अक हुडुकु टेटाळ तोगीर,
मतलब आ मूर्तगोळी यारी नीव दण्डवत माळोर साटी माळदीर.

इदुरसाटी ना नीमी बेबीलोन इन हात्ती ओतकु कुरसाईन.’

44 “नाम आप्प दादागोळ हात्ती परमेश्वर उन सानधिय अनूद तम्बू, ह्यांग परमेश्वर मूसा अक हेळदुन हांग माळीदुन. अद आ नमुना अन घाई ईरोद जो मूसा अक तोरसकु आगीत.” 45 अदा तम्बू अक नाम आप्प दादागोळ पूर्वकाल टु हुडुक्क यहोशू अनूद सांगुळ ईल तंदुर; याता समय इन आंदुर आ गैरयहूदीगोळ मा अधिकार माळदुर, यारी परमेश्वर नाम आप्प दादागोळ मुंद टु तेगु वुटदुन, अदकि अद तम्बू दाऊद उन समय ताका ईत्त. 46 आऊन मा परमेश्वर अनुग्रह माळदुन; इदुरसाटी आव वनिती माळदुन कि आव याक्व उन परमेश्वर उन साटी नवास स्थान माळुल. 47 आव ईला लेकीन सुलैमान आऊन साटी मानना माळदुन.

48 लेकीन परमप्रधान कय इन माळद माननागोळ दा ईरालुन, ह्यांग कि भवषियवक्ता अंदुन,

49 प्रभु अनतान, स्वर्ग नांद सहासन

अदकि पृथ्वी नान कालगोळ तल्ला अनूद आशन हुन,

नान साटी नीव याता प्रकार इन मानना माळीर?

अदकि नांद आराम इन साटी यातोद जागा ईत्तीत?

50 येन ई सप्पा वस्तुगोळ नान कय इन माळदव आल्लच?

51 “नीव याट जीददी आईर, अदकि मन अदकि कवि इन खतनारहति लॉकुरा, नीव हमेशा पवतिर आत्मा अनूद वरिध माळतीर. ह्यांग नीम आप्प दादागोळ माळतोगोर, हांगा नीव भी माळतीर.

52 भवषियवक्तागोळ दा टु यारी नीम आप्प दादागोळ सतुसीदील? आंदुर आ न्यायी अनूद आगमन इन पूर्वकाल टु बातणी कोळावाळेर इक कोंद बुटुर; अदकि ईंग नीव भी आ न्यायी मळसा अक हुळसुसावाळेर अदकि कोनसुसावाळेर आदीर. 53 नीव स्वर्गदूतगोळ द्वारा टहर्सूद व्यवस्था रा नोळदीर, लेकीन अदुर पालन माळदीर.”

सुतफिनूस कल्लगोळ होळदुर देल सोत्तुन

54 ई मातगोळी केळकु आंदुर होत्तेदुर अदकि आऊन मा हल्ल कचली कुरतुर. 55 लेकीन आव पवतिर आत्मा से परपुण आगकु स्वर्ग दी नोळदुन अदकि परमेश्वर उन महिमा अक अदकि यीशु उक परमेश्वर उन ऊमा कय दी नदिरत नोळकु अंदुन, 56 “नोळी, ना स्वर्ग इक तेरूत अदकि मळसा अन पार उक परमेश्वर उन ऊमा कय दी नदिरकु नोळतीन.”

57 आग आंदुर धोळद आवाज देल चळिलासकु कवि बंद माळ बुटुर, अदकि सभा अन सभासदगोळ ऊद सांगुळ आऊन मा झपट्टा होळदुर; 58 अदकि आऊक नगर इन व्हार्या तेगुकु आऊन मा कल्लगोळी होडुली कुरतुर. गवाहगोळ तान कपळा शाऊल हेसुर ईनव ऊद हारोद मळसा अन कालगोळ हात्ती तेगुकु ईट बुटुर. 59 आंदुर सुतफिनूस मा कल्लगोळी होडुतेला ईत्तुर, अदकि आव ईद अनकु प्रार्थना माळतेला ईत्तुन, “हे प्रभु यीशु, नान आत्मा अक ग्रहण माळ.”

60 बाक ट्वांगारा टेकसकु धोळद आवाज देल कारदुन, “हे प्रभु, ईद पाप आंदुर मा हचबाळ.” अदकि ईद अनकु आव सोतोदुन.

8

1 शाऊल आऊक कोन्नोर दा सहमत ईरोन.

मंडली मा अत्याचार

अदा दशी टु यूरशलेम इन मंडली मा धोळद दुख इन सूवात आत अदकि प्रेरतिगोळी वटिकु सप्पा अनूद सप्पा मुंदुर यहूदिया अदकि सामरीया द्याशगोळ दा ततिर बतिर आगेदुर. 2 येनारा भक्तगोळ सुतफिनूस उक कबर दा ईटदुर अदकि आऊन साटी जोर जोर देल वरलदुर.

3 शाऊल मंडली अक बरबाद माळोन; अदकि मानोन माननी होक्कु मळसागोळी अदकि आर्तेर इक जेडु जेडुक्कु बंदीगूह दा हाक्क तोगोन.

सामरीया दा फलिपिपुस उन प्रचार

4 जो वशिवासी लॉकुर ततिर बतिर आगीदुर, आंदुर खुशखबरी केळसतेला टेटाळोर; 5 अदकि फलिपिपुस लयालमा सामरीया नगर दा होगकु लॉकुर दा मसीह अनूद प्रचार माळली कुरतुन. 6 जो मातगोळी फलिपिपुस अंदुन अवरी लॉकुर केळकु अदकि जो चमत्कार आव तोरसतोगोन अवरी नोळ नोळकु, ऊंद चतित आगकु मन हचदुर. 7 यतकी हापाळ दा टु अशुध्द आत्मागोळ धोळद शब्द दा चलिळासतेला होट्ट बुवद, अदकि हापाळ सा लकवा अनूद रोगी अदकि लंगळागोळ भी वळलेर माळकु आदुर; 8 अदकि आ नगर दा धोळद खुशी छासेत.

9 इदुर से पयले आ नगर दा शमौन हेसुर ईनव ऊंद मंळसा ईरोन, जो जादू टोना माळकु सामरीया अनूद लॉकुरी चकति माळतोगोन अदकि तान तान इक ऊंद धोळद मंळसा हेळतोगोन. 10 स्याणेर से धोड्डेर ताका सप्पा आऊंद सम्मान माळकु अनतोगोर, “ईव मंळसा परमेश्वर उन अद ताकत हुन, जो महान कहलुसतद.” 11 आव हापाळ दनिगोळ टु आंदरी तान जादू अनूद कयाल्सागोळ देल चकति माळकु ईटीदुन, इदुरसाटी आंदुर आऊक हापाळ मानसोर. 12 लेकीन याग आंदुर फलिपिपुस उन बातणी इन वशिवास माळदुर जो परमेश्वर उन राज्य अदकि यीशु मसीह अनूद हेसुर इन खुशखबरी केळसतोगोन, रा लॉकुर, येन मंळसा, येन आर्तेर, बपतसिमा ताकोमली कुरतुन. 13 आग शमौन खुद भी वशिवास माळदुन अदकि बपतसिमा ताकोमकु फलिपिपुस उन सांगुळ ईरली कुरतुन. आव धोड्डेव-धोड्डेव चमत्कार अदकि चमत्कार इन कयाल्सा आगत नोळकु चकति आगतोगोन.

14 याग प्रेरतिगोळ जो यूरशलेम दा ईरोर, केळदुर का सामरीयागोळ परमेश्वर उन वचन मान्स कोंडार रा पतरस अदकि यूहन्ना अक आंदुर हाती कळदुर. 15 आंदुर होगकु वशिवासीगोळ साटी प्रार्थना माळदुर का पवतिर आत्मा सकिकुल. 16 यतकी ईगासताका आंदुर दा टु यारदु मा पवतिर आत्मा ईळदीदलि; आंदुर रा सरिफ प्रभु यीशु अनूद हेसुर देल बपतसिमा ताकोडीदुर. 17 आग पतरस अदकि यूहन्ना आंदुर मा कय ईटदुर अदकि आंदरी पवतिर आत्मा सकित.

18 याग शमौन नोळदुन का प्रेरतिगोळ कय ईटदुर देल पवतिर आत्मा कोटक आगतद, रा आंदुर हातती पैस्या तनकु अंदुन, 19 “ईद अधिकार नानी भी कोळी, का जो यावारा मंळसा मा कय ईटाईन आऊक पवतिर आत्मा सकिकुल.”

20 पतरस आऊन से अंदुन, “नीन पैस्या नीन सांगुळ नाश आगुल, यतकी नी परमेश्वर उन दान पैस्यागोळ देल कोंड कोमोद वचिर माळद. 21 ई मात दा ना नान हसिसा आद, ना भाग; यतकी नीन मन परमेश्वर उन मुंद वळलीद हैलेच. 22 इदुरसाटी तान ई बुराई देल मन तरिगुस प्रभु से प्रार्थना माळ, आग सकतद का अपमान मन इन वचिर माफ माळकु आगुल. 23 यतकी ना नोळतीन का नी पतित घाई केयजोर अदकि अन्याय अनूद बंधन दा बदिक् आय.”

24 शमौन, पतरस अदकि यूहन्ना से अंदुन, “नीव नान साटी प्रभु से प्रार्थना माळी का जो मातगोळी नीव अंदीर, अऊर दा टु यातोदारा नान मा बंदकु वळिवाळुल.”

25 इदुरसाटी आंदुर गवाही कोटक अदकि प्रभु उन वचन केळसकु यूरशलेम इक होटोदुर, अदकि सामरीगोळद हापाळ सा ऊरगोळ दा खुशखबरी केळसत होदुर.

फलिपिपुस अदकि कूश दयाश इन अधिकारी

26 बाक प्रभु अनूद ऊंद स्वरगदूत फलिपिपुस से अंदुन, “येळ, अदकि दक्षणि दी आ हादी मा होग, जो यूरशलेम टु गाजा अक होगतद.” ईद धुळा अनूद हादी हुन. 27 आव यदकु होटोदुन, अदकि नोळी, कूश दयाश इन ऊंद मंळसा बरोन जो खोजा जाती अदकि कूश इन रानी कनदाके अनूद मंत्री अदकि पैस्या अनूद हिसाव ईटावाळा खजांची ईरोन. आव आराधना माळली यूरशलेम बंदीदुन. 28 आव तान रथ मा कूतकु ईरोन, अदकि यशायाह भवषियवक्ता अनूद कतिब वाचुसतेला वापस होगोन. 29 आग पवतिर आत्मा फलिपिपुस से अन्त, “हातती होगकु ई रथ इन सांगुळ आगेग.” 30 फलिपिपुस आऊन दी हरदुन अदकि आऊक यशायाह भवषियवक्ता अनूद कतिब वाचुसतेला केळदुन, अदकि आऊन से केळदुन, “नी जो वाचुसतिया येन अदरी नी समस्तया भी?”

31 आव अंदुन, “यागासताका यावारा नानी समझूसतीदील रा ना ह्यांग समसाईन?” अदकि आव फलिपिपुस से वनिती माळदुन क्कि आव येरकु आऊन हात्ती कूरुल. 32 पवतिरशास्त्र अन्द जो अध्याय आव वाचुसोन,

अद ईद ईरोद: “आव म्यांडा अन घाई बली आगली पोहचुसकु आदुन,
अदकि ह्यांग म्यांडा अन पाडडा तान चुट्टी कातरूसावारुळेद मुंद चुपचाप ईरतद,
हांगा आव भी तान बाय खोलसीदील.

33 आऊन दीनता दा आऊंद न्याय ईला आग पायजे
आऊंद समय इन लॉकुरद वर्णन याव माळयान?
यतकी पृथ्वी टु आऊंद जीव तेगुकु आगेत.”

34 इदुर मा खोजा जाती इन ऊंद अधकारी मंळसा फलिपिपुस से केळदुन, “ना नीन से वनिती माळतीन, ईद हेळ क्कि भवषियवक्ता ईद यार बारा दा अनतान, तांद या यावारा दुसरा अन्द बारा दा?” 35 आग फलिपिपुस तान बाय खोलसदुन, अदकि ईद शास्त्र भाग से सूवात माळकु आऊक यीशु उन खुशखबरी केळसदुन. 36 हादी मा नळुत नळुत आंदुर यातोदारा नीर इन जागा मा पोहचुसदुर. आग खोजा जाती इन अधकारी मंळसा अंदुन, “नोळ ईल नीर आद, ईग नानी बपतसिमा ताकोडुर दा येन रोक आद.” 37 फलिपिपुस अंदुन, “अगर नी पुरा मन देल वशिवास माळत्या रा ताकोम सकत्या.” आव उत्तर कोट्टुन, “ना वशिवास माळतीन क्कि यीशु मसीह परमेशवर उन पार हुन.”

38 आग आव रथ नदिरूसोद आग्या कोट्टुन, अदकि फलिपिपुस अदकि खोजा नीर दा ईळदुर, अदकि आव खोजा अक बपतसिमा कोट्टुन. 39 याग आंदुर नीर दा टु होटकु म्याकुच बंदुर, रा प्रभु अन्द आतमा फलिपिपुस उक नेगुकु ओईत, अदकि खोजा जाती इन अधकारी आऊक वाक नोळीदील, अदकि आव खुशी माळतेला तान हादी मा होटोदुन. 40 फलिपिपुस उक हगि हत्त क्कि आव अशदोद नगर दा आन, अदकि यागासताका कैसरया दा पोहचुसीदील, आगासताका नगर नगर खुशखबरी केळसतेला होदुन.

9

शाऊल उन दलि इन बदलाव

1 शाऊल जो ईगासताका प्रभु अन्द चेलागोळी धमकुसोद अदकि कोद बुळोद धुन दा ईरोन, महायाजक उन हात्ती होदुन 2 अदकि आऊन से दमशिक इन सभागृहगोळ दा हेसुर मा ई अभपिराय इन चट्टी गोळी बेळदुन क्कि येन गंळस येन आरत, यारी आव ई पंथ मा नोळ्यार आंदरी कटक यूशलेम तरूल.

3 लेकीन नळुत नळुत याग आव दमशिक इन हात्ती पोहचुसदुन, रा अचानक आकाश टु आऊंद नाकु दी ज्योती चमकुस्त, 4 अदकि आव जमीन मा वदिदुन अदकि ईद शब्द केळदुन, “हे शाऊल, हे शाऊल, नी नानी येती सतुसेत्या?”

5 शाऊल केळदुन, “हे प्रभु, नी याव हुय?”

आव अंदुन, “ना यीशु हुईन, यारी नी सतुसेत्या. 6 लेकीन ईग यदकु नगर दा होग, अदकि जो नीनी माळोद आद अद नीन से अंदकु आदीत.”

7 जो मंळसागोळ आऊन सांगुळ ईरोर, आंदुर सट्ट ईतोदुर; यतकी शब्द रा केळ बरतोगोद लेकीन याऊ कांळसतोगोन ईला. 8 आग शाऊल भूमी मा टु येददुन, लेकीन याग कण्णगोळी तेरदुन रा आऊक येनु कांळसीदील, अदकि आंदुर आऊन कय हुडुकु दमशिक नगर दा ओतुर. 9 आव मुर दनि ताका नोळ सकदील, अदकि ना तदिन अदकि ना कुळदुन.

10 दमशिक दा हनन्याह हेसुर इन ऊंद चेला ईरोन, आऊन से प्रभु दर्शन दा अंदुन, “हे हनन्याह!”

आव अंदुन, “प्रभु, ना हुईन.”

11 आग प्रभु आऊन से अंदुन, “यदकु आ गली दा होग जो ‘सरका’ कहलुसतद, अदकि यहूदा अन्द मानना दा शाऊल हेसुर इन ऊंद तरसुसवासी इक केळ; नोळ, आव प्रार्थना माळेत्यान, 12 अदकि आव हनन्याह हेसुर इन ऊंद मळसा अक बुळ्क बर्त अदकि तान म्याकुच कय ईटतेला उदाहरण दा नोळदुन; ताकी दुबारा नोळ सकुल.”

13 हनन्याह उत्तर कोटदुन, “हे प्रभु, ना ई मळसा अन्द बारा दा हापाळ मुंदुर से केळीन कर् ईव यूरुशलेम दा नीन पवतिर लॉकुर सांगुळ धोळद-धोळद बुराईगोळ माळयान; 14 अदकि ईल भी ईऊक प्रधान याजकगोळद दी टु अधिकार सकियाद कजो लॉकुर नीन हेसुर ताकोमतार, आ सप्पा मुंदरी कटवुळ.”

15 लेकीन प्रभु आऊन से अंदुन, “नी होटोग; यतकी आव रा गैरयहूदीगोळी अदकि राजागोळी अदकि इस्त्राएलीगोळद मुंद नान हेसुर प्रगट माळोर साटी नान नीवळुसद पात्र हुन. 16 अदकि ना आऊक हेळाईन कानान हेसुर इन साटी आऊक ह्यांग-ह्यांग दुख नेगोद बदिदीत.”

17 आग हनन्याह यदकु आ मानना दा होदुन, अदकि आऊन मा तान कय ईटकु अंदुन, “हे वार्ट शाऊल, प्रभु, मतलब यीशु, जो आ हादी मा, याता हादी देल नी बंद्या नीनी काळसीदुन, आवा नानी कळयान कानिनी मातूत कण्णगोळ देल काळसुल अदकि नी पवतिर आत्मा देल परपिरण आगोगुल.” 18 अदकि तुरन्त आऊन कण्णगोळ दा टु छलिका घाई बतित अदकि आव नोळली कुरतुन, अदकि यदकु बपतसिमा ताकोडुन; 19 बाक भोजन माळकु आऊक आऊद ताकत वापस सकित.

दमशिक दा शाऊल द्वारा प्रचार

शाऊल हापाळ दनि ताका आ चेलागोळद सांगुळ ईत्तुन जो दमशिक दा ईरोर. 20 अदकि आव तुरन्त यहूदी लॉकुरद सभागूहगोळ दा यीशु उन प्रचार माळली कुरतुन कर् आव परमेश्वर उन पार हुन.

21 सप्पा केळावाळेर चकति आगकु अनली कुरतुर, “येन ईव आवा मळसा आल्लच जो यूरुशलेम दा आंदरी जो यीशु उन उपासना माळावाळेर इक, नाश माळतोगोन; अदकि ईल भी इदुरसाटी बंदीदुन कर् आंदरी कटकु प्रधान याजकगोळद हात्ती तूरुल?”

22 लेकीन शाऊल मातूत ताकतवर आगतेला होदुन, अदकि ई मात इन प्रमाण कोट कोटकु कर् मसीह ईवा हुन, दमशिक इन ईरावाळेर यहूदीगोळी आशचर्य चकति माळत ईत्तुन.

23 म्याग हापाळ दनि बतिसेदेव, रा यहूदीगोळ मलिसकु आऊक कोंद बुळोद साजीश रचुसदुर.

24 लेकीन आंदुरद साजीश शाऊल उक मालूम नळदोत. आंदुर रा आऊक कोन्नोर साटी ईळलक हागुल नगर इन फाटकगोळ मा तयार ईरतोगोर. 25 लेकीन ईळलकी आऊन चेलागोळ आऊक फुट्टी दा कुरसदुर, अदकि दवार इन खवादरा दा टु हल्लिगुकसकु ईळस बुदुर.

यूरुशलेम दा शाऊल

26 यूरुशलेम दा पोहचुसकु शाऊल चेलागोळ सांगुळ मलिसोद कोशशि माळदुन; लेकीन सप्पा आऊन से अंजतोगोर, यतकी आंदरी वशिवास ईला आगतोगोद, कर् आव भी चेला हुन. 27 लेकीन बरनवास आऊक तान सांगुळ प्रेरतिगोळ हात्ती ओतकु आंदरी हेळदुन कर् ईव याता रीतर् दैल हादी मा प्रभु उक नोळदुन, अदकि आव ईऊन से मातगोळी हेळदुन; बाक दमशिक दा ईव ह्यांग हम्मिमत देल यीशु उन हेसुर देल प्रचार माळदुन. 28 आव आंदुर सांगुळ यूरुशलेम दा होगूत बर्त अदकि पुरा हम्मिमत देल प्रभु उन हेसुर इन प्रचार माळली कुरतुन. 29 अदकि गैरयहूदी भाषा माताळावाळेर यहूदीगोळद सांगुळ मातचीत अदकि झगळा माळतोगोन; लेकीन आंदुर आऊक कोंद बुळोद कोशशि माळली कुरतुर. 30 ईद जान्सकु वार्दुर आऊक कैसरया बंदरगाह दा तदुर, अदकि तरसुस नगर इक कळु बुदुर.

31 ई प्रकार सप्या यहूदिया, गलील, अदकि सामरीया दा मंडली अक शांती सकित, अदकि अदुरद उननती आगूत ईतूत; अदकि अद प्रभु उन अंजुक अदकि पवतिर आत्मा अन्द शांती दा नळूत अदकि वाळूस्त ईतूत.

लुददा अदकि याफा नगर दा पतरस

32 वाक हगि आत कर् पतरस हर जागा टेटाळतेला, परमेश्वर उन पवतिर लॉकर हात्ती भी पोहचुसदुन जो लुददा नगर दा ईरतोगोर. 33 अल आऊक एनय्यास हेसुर इन लकवा अन्द ऊंद रोगी मंळसा सकिदुन, जो येठठ वर्ष टु वहरस मा वदिकु ईरोन. 34 पतरस आऊन से अंदुन, “हे एनय्यास! यीशु मसीह नीनी चंगा माळतान. येळ, तान हासक्या नेगु.” आग आव तुरन्त यदकु नदिरदुन. 35 आग लुददा अदकि शारोन इन सप्या ईरावाळेर आऊक नोळकु प्रभु उन दी तरिगदुर.

36 याफा दा तबीता गैरयहूदी दा दोरकास मतलब हरिण हेसुर इनोर ऊंद वशिवासनी ईरतोगोर. आक हापाळ सा वळलेव क्याल्सा अदकि दान माळतोगोर. 37 अवा दनिगोळ दा आक बमार आगकु सोतोदुर; अदकि आंदुर आकनि मय तोळसकु म्याकुच इन कमरा दा ईट बुदुर. 38 इदुरसाटी कर् लुददा याफा अन हात्ती ईरोद, चेलागोळ ईद केळकु कर् पतरस अल आन, येदूढ मंळसा कळकु आऊन से वनिती माळदुर, “नाम हाती बरोर साटी देर माळबाळ.” 39 आग पतरस यदकु आंदुर सांगुळ आगेदुन, अदकि याग आव पोहचुसदुन रा आंदुर आऊक आ अटारी म्याकुच मा ओतुर. सप्या रांड्यागतिर वरलेला आऊन हात्ती बंदकु नदिरदुर, अदकि जो कुळता गोळ अदकि कपळागोळ दोरकास याग आक जतिता ईरोर आंदुर सांगुळ ईरतेला माळीदुर, तोरसली कुरतुर. 40 आग पतरस सप्या मुंदरी व्हारया माळ बुदुन, अदकि टवांगरा टेकसकु प्रार्थना माळदुन अदकि लाश इन दी तरिगकु नोळदुन अदकि अंदुन, “हे तबीता, येळ.” आग आक तान कण्णगोळी तेरदुर; अदकि पतरस उक नोळकु यदकु कुरतुर. 41 आव कय कोटक आकी नेगदुन, अदकि परमेश्वर उन पवतिर लॉकर अदकि रांड्यागतिर इक कारूक आकी जतिता तोरस बुदुन. 42 ईद मात सप्या याफा दा फैलुसेत; अदकि हापाळ सा लॉकर प्रभु मा वशिवास माळदुर. 43 अदकि पतरस याफा दा शमौन हेसुर इन यावारा तोगुल इन धंदा माळावाळा अन्द मान्या हापाळ दनि ताका ईतूतुन.

10

कुरनेलयिस अदकि पतरस

1 कैसरिया दा कुरनेलयिस हेसुर इन ऊंद मंळसा ईरोन, जो इटालयिन सेनादल इन अध्यक्ष ईरोन. 2 आव परमेश्वर उक अंजावाळा भक्त ईरोन, अदकि तान सप्या घराना सांगुळ परमेश्वर उन आराधना माळतोगोन, अदकि यहूदी लॉकुरी हापाळ दान कोळतोगोन, अदकि रोज परमेश्वर उन से प्रार्थना माळतोगोन. 3 आव मदणी लगभग मुर मुरा अन हात्ती दर्शन दा स्पष्ट रूप देल नोळदुन कर् परमेश्वर उन ऊंद स्वर्गदूत आऊंद हात्ती वुळक बंदकु अनतान, “हे कुरनेलयिस!”

4 कुरनेलयिस स्वर्गदूत उक ध्यान देल नोळदुन अदकि अंजकु अंदुन, “हे प्रभु, येन हुन?”

स्वर्गदूत आऊन से अंदुन, “नीन प्रार्थनागोळ अदकि नीन दान न्याय इन क्याल्सा हसिाव कोळोर साटी परमेश्वर उन मुंद पोहचुसयाव; 5 अदकि ईग याफा दा मंळसा कळकु शमौन उक, जो पतरस कहलुस्तान, कार्स कोमी. 6 आव शमौन हेसुर इनव मंळसा जो तोगुल इन धंदा माळतान आऊन मान्या पतरस पाऊना आन, यार्द मान्ना समुद्र अन्द कनिरा मा आद.” 7 याग आव स्वर्गदूत याव आऊन से मातगोळी हेळीदुन होटोदुन, रा आव येदूढ सेवक, जो आऊन हात्ती मौजूद ईरतोगोर आंदुर दा टु ऊंद भक्त सपिाही इक कारदुन, 8 अदकि आंदरी सप्या मातगोळी हेळकु याफा नगर इक कळदुन.

9 दुसरा दशी याग आंदुर नळूत नळूत याफा नगर इन हात्ती पोहचुसदुर, रा मदणी इन हात्ती पतरस छत मा प्रार्थना माळली येरदुन. 10 आऊक हसु हत अदकि येनारा तनिंद चाहासोन, लेकीन याग ऊम्मोद बनसोद आग अच आऊक दर्शन आत; 11 अदकि आव नोळदुन, कर् आकाश खुलसेत;

अदकि ऊंद पात्र धोळद चादर इन घाई नाकु क्वाना टु लटकसतेला, पृथ्वी इन दी ईळेत्याद. 12 आ चादर दा पृथ्वी इन सप्पा प्रकार इन नाक कालवाळा पशू अदकि रेंगसावाळा जन्तु अदकि आकाश इन पक्षी ईरव. 13 आऊक ऊंद हगि शब्द केळ वतत, “हे पतरस येळ, कोन्न अदकि तीन.”

14 लेकीन पतरस अंदुन, “ईला प्रभु, यागलु ईला; यतकी ना यागलु यातोदु अपवतिर या अशुध्द वस्तु तंददिल.”

15 वाक दुसरा घन आऊक शब्द केळ वतत, “जो येनारा परमेश्वर शुद्ध ठहरूस्यान, अदरी नी अशुध्द मान्सवाळ.” 16 मुर घन हगि अच आत; अदकि तुरन्त अद चादर आकाश मा नेगुकु आगेत.

17 याग पतरस तान मन दा दुवधिा दा ईरोन, कर् ईद दर्शन जो ना नोळदीन अद येन आग सकतद, रा नोळी, आ मंळसागोळ यारी कुरनेलयिस कळीदुन, शमौन उन मान्ना अन्द पता हचकु दरवाजा मा बंदकु नदुरदुर, 18 अदकि कारूकु केळली कुरतुर, “येन शमौन जो पतरस कहलुस्तान, ईवा पाऊना हुन?”

19 पतरस रा आ दर्शन मा सोचतेला अच ईरोन, कर् आत्मा आऊन से अंदुन, “नोळ, मुर मंळसा नीन खोज दा आर. 20 इदुरसाटी यदकु ल्यालमा होग, अदकि बनिा संकोच देल आंदुर सांगुळ आगेग; यतकी ना अच आंदरी कळीन.” 21 आग पतरस ईळुकु आ मंळसागोळ से अंदुन, “नोळी, यार्द खोज नीव माळोतीर, आव ना अच हुईन. नीम्द बरोद येन कारण आद?”

22 आंदुर अंदुर, “कुरनेलयिस सूबेदार नामी कळ्यान जो न्यायी अदकि परमेश्वर उन उपासना माळावाळा अदकि सप्पा यहूदी लॉकुर दा मानवाईक मंळसा आन, आऊक ऊंद परमेश्वर उन पवतिर स्वरुगदूत से ईद नरिदेश सकियाद कर् नीनी तान मान्या कारूकु नीन से वचन केळुल.”

23 आग पतरस आंदरी बुळक कारूकु आंदुरद पाऊनचार माळदुन. दुसरा दशिी आव आंदुर सांगुळ होदुन, अदकि याफा अन्द वारटुर दा टु येनारा आऊन सांगुळ आगेदुर. 24 दुसरा दशिी आंदुर कैसरया पोहचुसदुर, अदकि कुरनेलयिस तान परिवार अदकि हात्तीगोळोर संगीगोळी जमा माळकु आंदुरद हादी कायान. 25 याग पतरस बुळक बरोन, रा कुरनेलयिस आऊन से भेट माळदुन, अदकि आऊन कालगोळ मा बदिक् आऊक प्रणाम माळदुन; 26 लेकीन पतरस आऊक नेगुकु अंदुन, “नदुर, ना भी रा सरिफ मंळसा हुईन.” 27 अदकि पतरस कुरनेलयिस उन सांगुळ मातचीत माळतेला बुळक होदुन, यल आव हापाळ सा लॉकुरी जमा नोळदुन. 28 आंदुर से अंदुन, “नीव जान्सतीर कर् गैरयहूदी अन्द संगत माळोद या आऊन मान्या होगोद यहूदीगोळ इन साटी अन्याय आद, लेकीन परमेश्वर नानी हेळदुन कर् यावारा मंळसा अक अपवतिर या अशुध्द अनवाळेत. 29 इदुरसाटी ना याग कारूकु आदीन रा बनिा येनारा माताळोद होटबदीन. ईग ना केळतीन कर् नानी याता क्यालसा अन्द साटी कारूकु आग्याद?”

30 कुरनेलयिस अंदुन, “ईदा घळी टु पुरा नाक दनि पयले, ना तान मान्या मदणी इन मुर मुरा अन लगभग प्रार्थना माळीन; रा नोळी, अचानक ऊंद मंळसा चमकीला कपळा हाक्कु, नान मुंद बंदकु नदुरदुर 31 अदकि अनली कुरतुन, ‘हे कुरनेलयिस, नीन प्रार्थना केळकु आगेग्याद अदकि नीन दान न्याय इन स्यावा परमेश्वर उन मुंद याद माळकु आग्याव. 32 इदुरसाटी यारीकारा याफा कळुकु शमौन उक जो पतरस कहलुस्तान, कारू. आव समुदर अन्द कनिरा मा शमौन जो तोगुल इन धंदा माळतान अन्द मान्या पाऊना आन.’ 33 आग ना तुरन्त नीन हात्ती लॉकुरी कळुदीन, अदकि नी भला माळद जो होटबंद. ईग नाव सप्पा ईल परमेश्वर उन मुंद आयेव, ताकी जो येनारा परमेश्वर नीन से माताळोर साटी अंदान अदरी केळेव.”

पतरस उन भाषण

34 आग पतरस अंदुन, “ईग नानी सही दा पता नळुत कर् परमेश्वर यारदु पक्षपात माळालुन, 35 लेकीन हर राष्ट्र अन्द लॉकुर दा जो आऊन से अंजतार अदकि न्याय इन क्यालसा माळतार, आंदुर आऊक भाऊस्तार. 36 अद वचन नीव जान्सतीर, जो वचन आव इस्त्राएलगोळ हात्ती कळुदुन, याग आव यीशु मसीह अन्द द्वाारा जो सप्पा मुंदुर प्रभु आन शांती इन खुशखबरी केळसदुन, 37 नीव आ महान घटना अक जान्सतीर, जो इस्त्राएल इन जागा मा आगीत, गलील

दा सूरवात आगकु यूहनुना अन द्वारा बपतसिमा कोट्टुर बाददा टु यदुरद प्रचार माळकु आगीतः 38 नीव नासरी यीशु उन बारा दा जानसायदीर क ह्यांग परमेश्वर आऊन मा पवतिर आत्मा अदकि सामर्थ्य पलट्टुसीदुन, अदकि यीशु वळलेव कयाल्सा माळतेला अदकि आ सप्पा मुंदरी जो शैतान उन वश दा ईरोर चंगा माळतेला नाकु दी आव ह्यांग ओयाळोन, यतकी परमेश्वर आऊन सांगुळ ईरोन. 39 नाव आ सप्पा कयाल्सागोळद गवाह आयेव; जो आव इस्त्राएल इन भूमी मा अदकि यूरूशलेम दा भी माळदुन, अदकि आंदुर आऊक कूस मा येरसकु कोद बुदुर. 40 लेकीन आऊक परमेश्वर तसिरा दशिी मात्त जत्तिता माळदुन, अदकि प्रगट भी माळ बुदुन; 41 सप्पा लॉकुर मा ईला लेकीन आ गवाहगोळ मा यारी परमेश्वर पयले टु नविळुस कोडीदुन, मतलव नाम मा यार आऊन सोत्तुर दा टु जत्तिता आगदुर बाददा आऊन सांगुळ तनिदेव कुळदेव; 42 अदकि आव नामी आग्या कोट्टुन कालांकुर दा प्रचार माळी अदकि गवाही कोळी, क ईव आवा हुन यारी परमेश्वर जीवति अदकि सोतकु लॉकुरद न्यायी ठहूसयान. 43 आऊद सप्पा भविष्यवक्ता गवाही कोळतार कजो यावारा आऊन मा वशिवास माळयान, आऊक आऊद हेसुर इन ताकत इन द्वारा पापगोळद माफ सकिकीत.”

गैरयहूदीगोळ मा पवतिर आत्मा ईळुत

44 पतरस ई मातगोळी अनतेला अच ईरोन क पवतिर आत्मा वचन इन सप्पा केळावाळेर मा ईळुकु बत्त. 45 अदकि यास यहूदी वशिवासी जो याफा टु पतरस उन सांगुळ बंदीदुर, आंदुर सप्पा चकति आदुर क गैरयहूदीगोळ मा भी पवतिर आत्मा अनद दान पलट्टुसकु आग्याद. 46 यतकी आंदुर आंदरी अलग अलग भाषा माताळत अदकि परमेश्वर उन बळाई माळत केळदुर. इदुर मा पतरस अंदुन, 47 “येन यावारा इंदरी नीर देल बपतसिमा ताकोमली रोक्स सकतान, यारी नाम घाई पवतिर आत्मा सकियाद?” 48 अदकि आव आग्या कोट्टुन क आंदरी यीशु मसीह अनद हेसुर देल बपतसिमा कोट्टु आगुल, आग आंदुर पतरस से वनिती माळदुर क आव येनारा दनि अदकि आंदुर सांगुळ ईरूल.

11

पतरस उन यूरूशलेम इन मंडली अक तान कयाल्सागोळ बारा दा हेळोद

1 बाक प्रेरतिगोळ अदकि वशिवासी वारटुर जो यहूदिया दा ईरोर केळदुर क गैरयहूदीगोळ भी परमेश्वर उन वचन मान्स कोडार. 2 इदुरसाटी याग पतरस यूरूशलेम दा बंदुन, रा यहूदी वशिवासी खतना माळद लॉकुर आऊन से झगळा माळली कुरतुर, 3 “नी खतना ईला माळद गैरयहूदी लॉकुर मान्या होगकु आंदुर सांगुळ तदि.” 4 आग पतरस आंदरी सूरवात टु येन येन आत अद सप्पा हेळदुन:

5 “ना याफा नगर दा प्रार्थना माळीन, आग ऊद दर्शन नोळदीन क ऊद वस्तु, धोळद चादर इन घाई नाकु क्वाना टु लटकुसद, आकाश टु ईळुकु नान हात्ती बत्त. 6 याग ना अदुर मा ध्यान माळदीन, रा अदुरदा पृथ्वी इन नाक कालवाळा पालतु पशुगोळ अदकि वनपशु अदकि रंगसावाळा जन्तु अदकि आकाश इन पक्षी नोळदीन; 7 अदकि ईद शब्द भी केळदीन, हे पतरस येळ, कोनुन अदकि तनि! 8 लेकीन ना अंदीन, ईला प्रभु, ईला; यतकी यातोदु अपवतिर या अशुध्द भोजन नान वाय दा यागलु होगीदील.’ 9 इदुर उत्तर दा आकाश टु दुसरा घन आवाज आत, ‘जो येनारा परमेश्वर शुध्द ठहूसयान, अदरी अशुध्द अनबाळ.’ 10 मुर घन हांगा आत; आग सप्पा येनारा बाक आकाश मा जेडुकु आगेत. 11 अदकि नोळी, तुरनत मुर मंळसा जो कैसरिया टु नान हात्ती कळुकु आगीदुर, आ मान्या यल नाव ईरेव, बंदकु नदिरदुर. 12 आग आत्मा नान से आंदुर सांगुळ बनि संकोच देल आगली हेळत, अदकि याफा दा टु आर वशिवासी वारटुर भी नान सांगुळ कैसरिया बंदुर; अदकि नाव कुनेलयिस उन मान्या होदेव. 13 कुनेलयिस नामी हेळदुन, क आव ऊद स्वर्गदूत उक तान मान्या नदिरकु नोळदुन, याव आऊन से अंदुन, ‘याफा दा यातारा मंळसा अक कळुकु शमीन उक जो पतरस कहलुस्तान, कारसुस बुळ. 14 आव नीम से हगि मातगोळी अंदान, यार द्वारा नीनी अदकि

अपमान सप्पा परवार इक उदधार सकिकीत.' 15 याग ना मातगोळी हेळली कुरतीन, रा पवतिर आत्मा आंदुर मा अदा रीता देल ईळ्ळत याता रीता देल सूरवात दा नाम मा ईळदीत. 16 *आग नानी प्रभु उन अद वचन याद बत्त; जो आव अंददिन, 'बपतसिमा कोळावाळा यूहनुना रा नीर देल बपतसिमा कोट्टुन, लेकीन नीमी पवतिर आत्मा देल बपतसिमा सकिकीत.' 17 इदुरसाटी याग परमेश्वर गैरयहूदीगोळी भी अदा दान कोट्टुन, जो नामी प्रभु यीशु मसीह मा वशिवास माळदुर देल सकिकीत; रा ना याव ईरीन जो परमेश्वर उक रोक्स सकीन?"

18 ईद केळकु आंदुर अपमान माळोद बंद माळकु, अदकि परमेश्वर उन बळाई माळकु अनली कुरतुर, "आग रा परमेश्वर गैरयहूदीगोळी भी जीवन इन साटी मन तरिगुसोद दान कोटान."

अन्ताकिया अन्द मंडली

19 *वशिवासीगोळ दा टु थ्वाळासा लॉकुर आ दुख इन मारा देल जो स्तफिनुस उन मृत्यु उन समय दा बदीत, ततिर बतिर आगेगीदुर, आंदुर वयाळत-वयाळत फनीकी अदकि साइप्रस अदकि अन्ताकिया दा बंदुर; लेकीन यहूदीगोळी बटिकु यारीकु वचन ईला केळसतोगोर. 20 लेकीन आंदुर दा टु थ्वाळासा साइप्रस नवासी अदकि कुरेनी ईरोर, जो अन्ताकिया दा बंदकु गैरयहूदीगोळी भी प्रभु यीशु उन खुशखबरी इन मातगोळी केळसली कुरतुर. 21 प्रभु उन सामर्थ्य आंदुर सांगुळ ईरोद, अदकि हापाळ लॉकुर वशिवास माळकु प्रभु उन दी तरिगुर.

22 याग आंदुर चर्चा यरूशलेम इन मंडली अन्द केळदुर दा बत्त, रा आंदुर बरनबास उक अन्ताकिया कळदुर. 23 याग आव अल पोहचुसदुन अदकि नोळदुन का परमेश्वर लॉकुरी ह्यांग आशषीत माळयान, अदकि आव खुश आदुन अदकि आंदुर से वनिती माळदुन का तान सप्पा मन इन सांगुळ पुरा सचचाई देल अदकि वशिवासयोग्य प्रभु उन सांगुळ बनसकु ईरी. 24 बरनबास ऊंद वळलेव मंळसा ईरोन, अदकि पवतिर आत्मा अदकि वशिवास देल परपुर्ण ईरोन; अदकि अन्य हापाळ सा लॉकुर प्रभु दा बंदकु मलिसदुर.

25 आग आव शाऊल उक नोळोर साटी तरसुस नगर इक होटोदुन. 26 याग आव आऊन से मलिसदुन रा आऊक अन्ताकिया तंदुन; अदकि हगि आत का आंदुर ऊंद वर्ष ताका मंडली अन्द सांगुळ सकोर अदकि हापाळ सा लॉकुरी उपदेश कोळतेला ईत्तुर; अदकि सब से पयले अन्ताकिया दा ईदा चेलागोळी मसीह अंदकु आत.

27 अवा दनिगोळ दा थ्वाळासा भवषियवक्ता यरूशलेम टु अन्ताकिया बंदुर. 28 *आंदुर दा टु अगबुस हेसुर इन ऊंद मंळसा नदिरकु आत्मा अन्द अगुवाई दा भवषियवाणी माळदुन का सप्पा दुनया दा थोळ्द अकाल बदिदीत. अद अकाल क्लौदयिस उन समय दा बतित. 29 आग चेलागोळ नरिणय माळदुर का हर ऊंद तान तान पूजी इन अनुसार यहूदिया दा ईरावाळेर वशिवासी वारटुर मदत अन्द साटी येनारा कळुल. 30 आंदुर हांगा माळदुर; अदकि बरनबास अदकि शाऊल उन कय मंडली अन्द स्याणागोळ हात्ती थ्वाळासा पैस्या कळुदुर.

12

अदकि छल

1 आ समय हेरोदेस राजा मंडली अन्द थ्वाळासा सदस्यगोळी सतुपोद सूरवात माळदुन. 2 आव यूहनुना अन्द वारट याकूब उक तलवार देल कोनसुस बूट्टुन. 3 याग आव नोळदुन का यहूदी लॉकुर आऊन से खुश आगतार, रा आव पतरस उक भी हुडुकोडुन. अव दनि अखमीरी रोट्टी इन हावब ईनव दनि ईरव. 4 आव पतरस उक हुडुकु बंदीगूह दा हाकदुन, अदकि रखवाली माळोर साटी नाक नाक सपिाहीगोळद नाक समुह माळीदुन; ईद वचिार देल का फसह अन बाददा आऊक लॉकुर मुंद तूरुल. 5 बंदीगूह दा पतरस बंद ईरोन; लेकीन मंडली आऊन साटी मन हचकु परमेश्वर से प्रार्थना माळोद.

पतरस उन बंदीगूह दा टु बळिोद

6 याग हेरोदेस आऊक लॉकर मुंद तरली ईरोन, अदा ईळलकी पतरस येद्व शंकलीगोळ देल कटकु येद्व सपिाहीगोळद वीच दा मगिोन; अदकि पहरेदारगोळ दरवाजा मा बंदीगूह अनूद रखवाली माळोर. 7 रा नोळी, प्रभु उन ऊंद स्वर्गदूत बंदकु नदिरदुन अदकि आ कोठरी दा ज्योतचिमकुसुत, अदकि आव पतरस उन पासळी मा कय बळकु आऊक येदुन अदकि अंदुन, “येळ, जलदी माळ.” अदकि आऊन कयगोळ दा टु शंकलीगोळ बटिकु बदिोदव. 8 आग स्वर्गदूत आऊन से अंदुन, “नेळु कट, अदकि तान केरू हाक्क कोम.” आव हांगा माळदुन. बाक स्वर्गदूत आऊन से अंदुन, “तान कपळा हाक्कु नान हींद आगेग.” 9 पतरस होटकु आऊन हींद नळुत नळुत बंदीगूह टु व्हार्या बंदुन; लेकीन ईद ईला जानसोन कजिो येनारा स्वर्गदूत माळेत्यान अद सही आद, लेकीन ईद समसदुन कनिा दर्शन नोळेतान. 10 आग आंदुर पयला अदकि दुसरा पहरा टु होटकु आ लोवा अनूद फाटक मा पोहचुसदुर, जो नगर दी हादी होगतद. अद फाटक आंदुर साटी तान ताना खुलसेत, अदकि आंदुर होटकु ऊंद अच गली टु आगकु ऊंद हादी मा बंदुर, अदकि तुरन्त अच स्वर्गदूत आऊक बटिकु होटोदुन.

11 आग पतरस सावधान आगकु अंदुन, “ईग ना जानस कोडीन कफि प्रभु तान स्वर्गदूत कळुकु नानी हेरोदेस उन कय देल अदकि यहूदीगोळद सप्पा आशा टु बळिस वुटदुन.”

12 ईद जानसकु पतरस आ यूहन्ना अनूद मोय मरयिम इन मान्या बंदुन, जो मरकुस कहलुसतान. अल हापाळ सा लॉकर जमा आगकु प्रारथना माळोर. 13 याग आव फाटक इन खळिकी ठोकसदुन, रा रूदे हेसुर इन ऊंद दासी दरवाजा तेरोर साटी बंदुर. 14 पतरस उन शब्द केळकु आक खुशी अन मारा देल फाटक तेर्ददील, लेकीन ओळकु वळक होदुर अदकि हेळदुर कफि पतरस दरवाजा मा नदिरकु आन. 15 आंदुर आकनि से अंदुर, “नी यरर आय.” लेकीन आक हमिमत माळकु अंदुर कफि हगि अच आद, “आग आंदुर अंदुर आऊन स्वर्गदूत आगीदान.”

16 लेकीन पतरस ठोकसतेला अच ईततुन: आखरी दा आंदुर खळिकी खोलसदुर, अदकि आऊक नोळकु चकति ईतोदुर. 17 आग आव आंदरी कय देल इशारा माळदुन कफि चुप ईरूल; अदकि आंदरी हेळदुन कफि प्रभु याता रीत दैल आऊक बंदीगूह दा टु तेगुकु तंदान. बाक अंदुन, “याकूव अदकि बाकी वशिवासी वारदुरी ईद मात हेळ वुळेतोर.” आग होटकु येल्यारा दुसरा जागा अक होटोदुन.

18 हुंजकूका अच सपिाहीगोळ दा बळा हलचल मचुसेत कफि पतरस उन येन आत.

19 याग हेरोदेस सपिाहीगोळ से आऊन खोज माळोद आदेश कोटदुन लेकीन पतरस सकिकीदील, रा पहरेदारगोळ जाँच माळकु आग्या कोटदुन कफि आंदरी कोदकु आगुल: अदकि आव यहूदया अक बटिकु कैसरया दा होगकु ईरली कुरतुन अदकि अल आव थवाळासा समय बतिसदुन.

हेरोदेस उन सायोद

20 हेरोदेस सूर अदकि सैदा अनूद लॉकर से हापाळ सट्टि दा ईरोन. इदुरसाटी आंदुर ऊंद समुह माळकु राजा से मलिसली बंदुर, पयले आंदुर बलास्तुस उक जो राजा अनूद ऊंद सेवक ईरोन, समझुसकु मेल माळोद चाहासदुर; यतकी हेरोदेस राजा अनूद द्याश देल आंदुरद द्याश इन पालन पोषण आगतोगोद.

21 ठहरूसद दशिी हेरोदेस राजा अन कपळा हाक्कु सहिसन मा कुरतुन, अदकि आंदरी भाषण कोळली कुरतुन. 22 आग लॉकर चलिळास कुरतुर, “ईद रा मंळसा अनूद ईला परमेश्वर उन आवाज हुन.” 23 अदा घळी प्रभु उन ऊंद स्वर्गदूत तुरन्त आऊक बळदुन, यतकी आव परमेश्वर उक महमिा कोटीदील; अदकि आव कळिा हतकु सोतोदुन अदकि अव कळिागोळ आऊक तनिनी हतदव.

24 लेकीन परमेश्वर उन वचन लगातार वाळुसत अदकि फैलुसतेला होत.

25 याग बरनबास अदकि शाऊल यूहूशलेम दा तान क्याल्सा पुरा माळकु यूहन्ना अक जो मरकुस कहलुसतान, सांगुळ हुडुकु अनूताकिया वापस बंदुर.

13

बरनबास अदकि शाऊल उक नविळुसोद अदकि कळोद

1 अनताकिया अन्द मंडली दा कई भवषियवक्ता अदकि गुरु ईरोर; जसा: बरनबास, शमौन जो (नीगर) करेव कहलुसतान; अदकि लूकयुस कुरेनी, अदकि मनाहेम जो हेरोदेस शासक उन सांगूळ दा धोड्डेर आदुन, अदकि शाऊल. 2 याग आंदुर उपास सहति प्रभु उन स्यावा माळोर, रा पवतिर आत्मा आंदुर से अन्त, “नान साटी बरनबास अदकि शाऊल उक आ क्याल्सा अन्द साटी अलग माळी यार साटी ना आंदरी कारसीन.”

3 आग आंदुर उपास अदकि प्रार्थना माळकु अदकि आंदुर मा कय ईटकु आंदरी सार माळदुर.

कुप्रा दा बरनबास अदकि शाऊल

4 इदुरसाटी बरनबास अदकि शाऊल पवतिर आत्मा अन कळुद सल्लूकिया अक होदुर; अदकि अल टु जहाज मा कुर्तकु साइपूस इक होदुर; 5 अदकि सलमीस दा पोहचुसकु, परमेश्वर उन वचन यहूदीगोळद सभागूहगोळ दा कळसदुर. यहून्ना जो मरकुस कहलुसोन, मदत माळावाळा अन रूप दा आंदुर सांगूळ ईरोन.

6 आंदुर आ सप्पा टापू दा आगतेला पाफुस ताका पोहचुसदुर. अल आंदरी बार-यीशु हेसुर इन ऊद यहूदी जादूगर अदकि ख्वाटा भवषियवक्ता सकिदुन. 7 आव शासक सरिगयुस पौलुस उन संगी ईरोन, जो बुद्धमिान मंडसा ईरोन. आव बरनबास अदकि शाऊल उक तान हात्ती कारूकु परमेश्वर उन वचन केळोद चाहासदुन. 8 लेकीन इलीमास जादूगर, यतकी गैरयहूदीगोळ दा ईदा आऊन हेसुर इन मतलब आद, आंदुर वरिध माळकु शासक उक वशिवास माळोर से रोकसोद चाहासदुन. 9 आग शाऊल यारद हेसुर पौलुस भी आद, पवतिर आत्मा देल परपिण्ण आगकु इलीमास जादुगर उन दी टकटकी हचकु नोळदुन अदकि अंदुन, 10 “हे सप्पा कपट अदकि सप्पा चतुराई देल तुमकु शैतान उन औलाद, सप्पा न्यायीपन अन्द दुश्मन, येन नी प्रभु उन सरका हादीगोळी वाकळा माळोद बळितीदील? 11 ईग नोळ, प्रभु उन कय नीन वरिध दा येदोग्याद; अदकि नी थ्वाळासा समय ताका कुदढ ईत्या अदकि सुर्य अन्द उजुळ नोळतीदलि.”

आग तुरन्त धुंधरापन अदकि अंधार आऊन कण्णगोळ मा छासेत, अदकि आव ईत्त आत्त ताळु कुरतुन ताकी यावारा आऊन कय हुडुकु आऊक संभाळसुल. 12 आग शासक जो येनारा अल आगीत अदरी नोळकु अदकि प्रभु उन उपदेश देल चकति आगकु वशिवास माळदुन.

पसिदिया अन्द अनताकिया दा

13 पौलुस अदकि आऊन संगी पाफुस टु जहाज इन द्वारा पंफूलिया प्रदेश इन परिगा नगर दा बंदुर; अदकि यहून्ना आंदरी बटिकु यूशलेम इक होटोदुन. 14 परिगा नगर टु मुंद वाळुसकु आंदुर पसिदिया अन्द अनताकिया दा पोहचुसदुर; अदकि आराम इन दनि यहूदी लॉकुरद सभागूह दा होगकु कुरतोदुर. 15 मूसा अन्द व्यवस्था अदकि भवषियवक्तागोळ कतिब देल वाचुसदुर बाददा यहूदी लॉकुरद सभागूह अन्द अधिकारीगोळ आंदुर हात्ती बातणी कळुदुर, “हे वारदुरा अदकि आकतीगेरा, नाव चाहासतेव क लॉकुरी प्रोत्साहति माळोर साटी नीम मन दा येनारा मात आद रा अनी.”

16 आग पौलुस नदिरकु अदकि कय देल इशारा माळकु अंदुन, “हे इस्त्राएलगोळा, अदकि सप्पा गैरयहूदीगोळा जो परमेश्वर उन आराधना माळतीर, केळी: 17 ई इस्त्राएली लॉकुरद परमेश्वर नाम आपप दादागोळी नीवळुस कोडीदुन, अदकि याग ई लॉकुर मसित्तर द्याश दा परदेशी आगकु ईरतोगोर, रा आंदुर उन्नती माळदुन; अदकि धोळद सामर्थ्य देल आंदरी इजपित टु तेगुकु तंदुन. 18 आव येनारा चालीस वर्ष ताका रेगसितान दा आंदुरद सहन माळतेला ईत्तुन, 19 अदकि कनान द्याश दा येळ राष्ट्रगोळद नाश माळकु परमेश्वर अद पृथ्वी इस्त्राएल इन लॉकुरी अत्तरधिकारी इन रूप दा कोट बुट्टुन. 20 इदुर बाददा आव शमूएल भवषियवक्ता ताका आंदुर दा न्यायी ठहरूसदुन. 21 अदुर बाददा आंदुर ऊद राजा वेळदुर: आग परमेश्वर चालीस वर्ष इन

साटी बनियामीन इन जाती दा टु ऊंद मंळसा; मतलब कीश उन पार शाऊल उक आंदुर मा राजा ठहूसदुन. ²² वाक आऊक अलग माळकु दाऊद उक आंदुर राजा माळदुन; यार बारा दा आव गवाही कोट्टुन, 'नानी ऊंद मंळसा, यशिशे उन पार दाऊद, नान मन इन अनुसार सकिकेदुन; आवा नांद सप्पा इच्छा पुरा माळयान.' ²³ दाऊद उन वंश दा टु परमेश्वर तान वादा अनूद अनुसार इस्त्राएल इन हात्ती ऊंद उद्धारकर्ता, मतलब यीशु उक कळुदुन. ²⁴ यीशु तान कार्यगोळद सूरवात माळोर से पयले यूहन्ना सप्पा इस्त्राएलगोळ दा मन तरिगुसोद प्रचार माळदुन अदकि बपतसिमा माळदुन. ²⁵ य्याग बपतसिमा कोळावाळा यूहन्ना तांद स्यावा पुरा माळदुर मा ईरोन, रा आव अंदुन, 'नीव नानी येन समसतीर? ना आव आल्लच यार हादी नीव कायेतीर. उलटा नोळी, नान बाद्दा ऊंद बरावाळा आन, आऊन कालगोळ करू उन बंध भी ना खोल्सा लायक हैलेच.'

²⁶ हे इस्त्राएली वारटुरा, नीव जो अब्राहम उन औलाद हुईर; अदकि सप्पा गैरयहूदी जो परमेश्वर उन आराधना माळतार, नीम हात्ती ई उद्धार इन वचन कळुकु आग्याद. ²⁷ यतकी यरूशलेम इन ईरावाळेर अदकि आंदुर अधिकारीगोळ ना उद्धारकर्ता अक अरतुर अदकि ना भवषियवक्तागोळद अव मातगोळ जो हर ऊंद आराम इन दनि वाचुसकु आगतद आऊक समसत. अदकि यीशु उक दोषी ठहूसदुर द्वारा भवषियवक्तागोळद मातगोळी सही साबति माळद. ²⁸ आंदरी कोंद बुळोद लायक येनु दोष आऊन दा सकिकीदील, तरी भी पलातुस से वनिती माळदुर क्क आव कोंदकु आगुल. ²⁹ य्याग शास्त्र दा आऊन बारा दा लखिसद सप्पा मातगोळ आंदुर पुरा माळदुर, रा आऊक क्रूस मा टु ईळसकु कवर दा ईटदुर." ³⁰ लेकीन परमेश्वर आऊक सोत्तुर दा टु जतिता माळदुन, ³¹ अदकि आव आंदरी जो आऊन सांगुळ गलील टु यरूशलेम बंदीदुर, हापाळ दनिगोळ ताका काळसतेला ईततुन; इस्त्राएल लॉकुरद मुंद ईग आंदुर अच आऊन गवाह आर. ³² नाव नीमी आ वादा अनूद बारा दा जो नाम आप्प दादागोळ से माळकु आगीत, ईद खुशखबरी केळसतेव, ³³ क्क परमेश्वर यीशु उक जतिता माळकु, अदा वादा नाम औलाद इन साटी पुरा माळदुन; ह्यांग भजन संहिता दा भी लखिसकु आद, नी नान पार हुय;

ईद ना अच नीनी पैदा माळीन.

³⁴ अदकि परमेश्वर आऊक सोत्तुर दा टु जतिता माळकु येव्सदुन ताकी सळुसोर साटी कवर दा वदिकु ईला ईरूल, इदुरसाटी आव ईद अंदुन,

ना नीनी पवतिर अदकि अटल आशीष कोळाईन

जो ना दाऊद उन सांगुळ वादा माळीन.

³⁵ इदुरसाटी आव भजन संहिता दा भी अंदान,

नी तान वशिवासयोग्य सेवक उक कवर दा सळुस गोळतीदील.

³⁶ यतकी दाऊद रा परमेश्वर उन इच्छा अनूद अनुसार तान समय दा स्यावा माळकु सोतोदुन, अदकि तान आप्प दादागोळ सांगुळ दा नळसकु आदुन, अदकि आऊन मय कवर दा सळुसेत.

³⁷ लेकीन यारी परमेश्वर सोत्तुर दा टु जतिता माळदुन, आव सळुसीदील. ³⁸ इदुरसाटी, हे नान इस्त्राएली संगीगोळा, नीव जानस कोमी क्क यीशु उन द्वारा पापगोळद माफ अनूद बातणी नीमी कोटक आगतद; ³⁹ अदकि याता मातगोळ दा नीव मूसा अनूद व्यवस्था अनूद द्वारा पापगोळ देल मुक्त आग सकालीर, अवा सप्पा दा हर ऊंद यीशु मा वशिवास माळावाळा पापगोळ देल मुक्त आगतान. ⁴⁰ इदुरसाटी सावधान ईरी, हगि आगबाळुल क्क जो भवषियवक्तागोळ कतिव दा बंदाद, नीम मा भी अद घटुस बाळुल:

⁴¹ हे अपमान माळावाळेर, नोळी, चकति आगी, अदकि सोतोगी;

यतकी ना नीम दनिगोळ दा ऊंद क्याल्सा माळतीन,

✱ 13:24 १३:२६ मरकुस १:६; लूका ३:३ ✱ 13:25 १३:२५ यूहन्ना १:२७; मत्ती ३:११; मरकुस १:१७; लूका ३:१६; यूहन्ना १:२७

✱ 13:28 १३:२८ मत्ती २७:२२,२३; मरकुस १५:३३,१४; लूका २३:२१-२३; यूहन्ना १९:५ ✱ 13:29 १३:२९ मत्ती २७:५७-६१; मरकुस १५:४२-४७; लूका २३:५०-५६; यूहन्ना १९:३८-४२ ✱ 13:31 १३:३१ प्रेरतिगोळ १:३

हगि कयालसा क्कि अगर यावारा नीम से आऊन बारा दा मातचीत माळ्ल, रा नीव यागल्ल वशिवास माळ्तीदील.

42 पौलुस अदकि बरनबास उन यहूदी सभागूह टु व्हारया होळा समय लॉकुर आंदुर से वनिती माळली कुरतुर क्कि अगला आराम इन दनि नामी ई मातगोळी बाक केळसकु आगुल. 43 याग सभा येदोत रा यहूदीगोळ अदकि गैरयहूदी मत दा बरावाळेर भक्तगोळ दा टु हापाळ सा पौलुस अदकि बरनबास इन हदि आगोदुर; अदकि प्रेरतिगोळ आंदुर से मातगोळी हेळकु प्रोत्साहति माळदुर क्कि परमेश्वर उन अनुग्रह दा जीवन बनसकु ईटी.

44 अगला आराम इन दनि नगर इन सप्पा लॉकुर परमेश्वर उन वचन केळोर साटी जमा आगोदुर. 45 लेकीन यहूदी भीळ इक नोळकु जलन देल तुम्मेदुर, अदकि अपमान माळतेला पौलुस उन मातगोळद वरिध दा अपशब्द अनली कुरतुर. 46 आग पौलुस अदकि बरनबास नडिर आगकु अंदुर, जूरी ईरोद क्कि परमेश्वर उन वचन पयले नीमी केळसकु आगाईत; लेकीन याग नीव अदरी टुकूस बुळतीर, अदकि खुद इक अनन्त जीवन इन योग्य ठहूसालीर, रा नोळी, नाव नीमी बटिकु गैरयहूदी लॉकुर दी तरिगतेव. 47 यतकी प्रभु नामी ईद आग्या कोटान, ना नीनी गैरयहूदीगोळ साटी ज्योति ठहूसीन, ताकी पुरा संसार ऊळसकु आगुल.

48 ईद केळकु गैरयहूदीगोळ खुश आदुर, अदकि परमेश्वर उन वचन इन वळाई माळली कुरतुर; अदकि यास अनन्त जीवन इन साटी ठहूसकु आगीदुर, आंदुर वशिवास माळदुर.

49 आग प्रभु उन वचन आ सप्पा दयाश दा फैलुसली कुरत. 50 लेकीन यहूदीगोळ परमेश्वर उन आराधना माळावाळेर अदकि प्रसदिध गैरयहूदी आरतेर इक अदकि नगर इन प्रमुख लॉकुरी उकसुसदुर, अदकि पौलुस अदकि बरनबास इन वरिध उपदव माळसुसकु आंदरी तान सीमा दा टु तेगद बुदुर. 51 आग प्रेरति आंदुर मुंद आंदुर वरिध दा तान कालगोळ धुळा झाळसकु इकुनयिम नगर इक होटोदुर. 52 अदकि अन्ताकयिा नोर वशिवासी पुरा खुशी देल अदकि पवतिर आत्मा देल परपुर्ण आगतेला होदुर.

14

इकुनयिम दा पौलुस अदकि बरनबास

1 इकुनयिम दा हगि आत क्कि पौलुस अदकि बरनबास यहूदीगोळद सभागूहगोळ दा सांगुळल्या होदुर, अदकि ई प्रकार देल मातगोळी हेळदुर क्कि यहूदीगोळ अदकि गैरयहूदीगोळ येदुदु दा टु हापाळ मुंदुर वशिवास माळदुर. 2 लेकीन वशिवास ईला माळावाळेर यहूदीगोळ गैरयहूदी लॉकुरद मन दा वशिवासी वारटुर वरिध दा उकसुसदुर अदकि आंदुर मन दा कळवाहटपन पैदा माळ कौडुर. 3 पौलुस अदकि बरनबास हापाळ दनि ताका अल ईतुतुर, अदकि प्रभु उन बारा दा नरिभयता देल प्रचार माळत ईतुतुर आंदुरद दवारा प्रभु अदभुत चनिह अदकि आशचर्यगोळी माळसुसतेला तान अनुग्रह अनद बातणी ईद पुरा सच्चाई देल आद इदरी प्रगट माळतेला ईतुतुन. 4 लेकीन नगर इन लॉकुर दा फूट वदित, इदुर देल यास रा यहूदीगोळ दी अदकि यास प्रेरतिगोळद दी आगोदुर.

5 आग धवाळासा गैरयहूदी अदकि यहूदी तान अधिकारीगोळ सांगुळ मल्लसकु आंदुर सांगुळ बुरा व्यवहार माळली अदकि आंदुर मा कल्लगोळ भळिोद चाल नळदुर. 6 आग पौलुस अदकि बरनबास उक ई मात इन पता नळुत आग आंदुर लुकाउनयिा अनद लुसुत्रा अदकि दरिबे घाई नगरगोळ दा अदकि अदुरद आसपास इन क्षेत्तुरगोळ दा ओळदुर. 7 अदकि आंदुर अल खुशखबरी केळसली कुरतुर.

लुसुत्रा अदकि दरिबे दा पौलुस अदकि बरनबास

8 लुसुत्रा दा ऊंद मळसा कुरतकु ईरोन, जो कालगोळ देल अपंग ईरोन. आव जनम टु अच लंगळा ईरोन अदकि यागलु नळु ईला सकोन. 9 आव पौलुस उक मातगोळी माळत केळोन. पौलुस आऊंद दी तार हचकु नोळदुन का आऊक वळलेव आगोद वशिवास आद, 10 अदकि धोळ शब्द देल अंदुन, “तान कालगोळ बल देल सीधा नदुर.” आग आव हारकु नळुली टेटाळली कुरतुन. 11 लॉकुर पौलुस उन ईद कयालसा नोळकु लुकाउनया अनूद भाषा दा धोळद आवाज देल अंदुर, “दयावगोळ मळसागोळद रूप दा आगकु नाम हात्ती ईळुकु बंदार.” 12 आंदुर बरनबास उक ज्यूस, अदकि पौलुस उक हरिमेस अंदुर, यतकी पौलुस मातगोळ हेळदुर दा मुख्य ईरोन. 13 ज्यूस दयाव उन आ मंदरि इन पुजारी जो आंदुर नगर इन मुंद ईरोन, वस्ता अदकि फूलगोळ हार फाटकगोळ मा तनकु लॉकुर सांगुळ बलदान माळोद चाहासोन.

14 लेकीन बरनबास अदकि पौलुस प्रेरतिगोळ याग ईद केळदुर, रा तान कपळा हरदुर अदकि भीळ दा होदुर, अदकि कारूकु अनली कुरतुर, 15 “हे लॉकुरा, नीव ईद येती माळेरि? नाव भी रा नीम घाई मळसा हुयेंव, अदकि नीमी परमेश्वर उन खुशखबरी केळसोर साटी नाव ईल आयेंव, का नीव ई बेकार वस्तुगोळ देल अलग आगकु जतिता परमेश्वर उन दी तरिगी, याव स्वर्ग अदकि पृथ्वी अदकि समुद्र अदकि जो येनारा अऊर्दा आद माळदुन. 16 आव बतुसुद समयगोळ दा सप्पा लॉकुरी तान तान हादीगोळ दा नळु गोदुन. 17 लेकीन आव हमेशा भला कयालसा माळदुर द्वारा तान असततिव अक प्रमाणति माळदुन: आव नीमी आकाश टु माळ कोदुन अदकि मौसम इन अनुसार फसल कोदुन; आवा नीमी तनिली कोळतान अदकि नीम दलिगोळी खुशी देल तुमम बुळतान.” 18 ईद अनकु भी प्रेरतिगोळ लॉकुरी धोळद परेशानी देल रोक्सदुर का आंदुर साटी बलदान माळवाळुल.

19 लेकीन येनारा यहूदीगोळ पसिदिया अनूद अनताकिया अदकि इकुनयिम टु बंदकु लॉकुरी तान दी माळ कोंडुर, अदकि पौलुस मा कल्लगोळ देल बळदुर, अदकि सोतकु समसकु आऊक नगर इन व्हारया जेडुकु ओतुर. 20 पर याग चेलागोळ आऊन नाकु दी बंदकु नदुरदुर, रा आव यदकु मातत नगर दा होदुन अदकि दुसरा दशी बरनबास उन सांगुळ दरिबे अक होटोदुन.

सीरया अनूद अनताकिया दा वापस बरोद

21 पौलुस अदकि बरनबास दरिबे नगर इन लॉकुरी खुशखबरी केळसकु, अदकि हापाळ सा चेलागोळी माळकु, लुसुत्रा अदकि इकुनयिम अदकि पसिदिया अनूद अनताकिया अक वापस बंदुर, 22 अदकि चेलागोळ मन इक संची माळत ईतुतुर अदकि ईद प्रोत्साहन कोळोर का वशिवास दा सच्चार्ई देल बनसकु ईरी; अदकि ईद शकिषा कोळतोगोर, “नामी बळा दुख नेगुकु परमेश्वर उन राज्य दा प्रवेश माळोद आद.” 23 अदकि आंदुर हर ऊंद मंडली दा आंदुर साटी स्याणा लॉकुरी नयिकुत माळदुर अदकि उपास सहति प्रार्थना माळकु आंदरी प्रभु उन कय दा सौपसदुर यार मा आंदुर वशिवास माळतोगोर.

24 आग पसिदिया टु आगतेला आंदुर पंफूलया पोहचुसदुर; 25 बाक परिगा दा वचन केळसकु अततलया दा बंदुर, 26 अदकि अल टु आंदुर जहाज मा अनताकिया होदुर, यल आंदुर आ कयालसा अनूद साटी जो आंदुर पुरा माळीदुर परमेश्वर उन अनुग्रह दा कोटकु आगीदुर.

27 याग आंदुर अनताकिया बंदुर रा आंदुर मंडली अन लॉकुर जमा माळकु जो परमेश्वर आंदुर सांगुळ माळदुन अद केळसदुर अदकि हेळदुर का ह्यांग परमेश्वर गैरयहूदीगोळद वशिवास माळोर साटी दरवाजा तेरदुन. 28 अदकि आंदुर वशिवासीगोळ सांगुळ हापाळ दनि ताका अल ईतुतुर.

15

यूशलेम इन सभा

1 बाक थवाळासा लॉकुर यहूदिया टु अनताकिया बंदकु वशिवासी वारदुरी कलसली हतदुर: “अगर मूसा अनूद व्यवस्था अन अनुसार नीमूद खतना ईला आगाईत रा नीमी उद्धार सकि सकाल.”

2 इदुर बारा दा पौलुस अदकि बरनबास आंदुर से सहमत ईला ईरोर ईदा कारण देल आंदुर सांगुळ आंदुरद हापाळ धोळद झगळा आत रा ईद टहूरसकु आत कि पौलुस अदकि बरनबास अदकि आंदुर दा टु थवाळासा संगीगोळ ई मात इन समाधान माळोर साटी प्रेरतिगोळ अदकि मंडली नोर स्याणा मळसागोळ हातूती यूरुशलेम इक कळुकु आगुल.

3 इदुरसाटी मंडली आंदरी येनारा दुर ताका सफर माळोर साटी पोहचुसदुर; अदकि आंदुर फनीकी अदकि सामरीया टु आगतेला गैरयहूदी लॉकुर ह्यांग परमेश्वर उन दी तरिगदुर इदुरद जानकारी केळसतेला होदुर, अदकि ई जानकारी देल वशिवासी वारटुर हापाळ खुश आदुर. 4 याग आंदुर यूरुशलेम पोहचुसदुर, रा मंडली अदकि प्रेरति अदकि मंडली नोर स्याणा लॉकुर आंदुर स्वागत माळदुर, अदकि आंदुर हेळदुर कि परमेश्वर आंदुर सांगुळ आगकु येन-येन कयालसा माळीदुन. 5 लेकीन फरीसीगोळ समुह दा टु थवाळासा लॉकुर जो यार वशिवास माळीदुर, आंदुर यदकु अंदुर, “गैरयहूदीगोळद खतना आग अच पायजे अदकि आंदुर मूसा अन्द व्यवस्था अन पालन माळ पायजे.”

6 आग प्रेरति अदकि मंडली अन स्याणा लॉकुर ई मात इन बारा दा वचार माळोर साटी जमा आदुर. 7 आग पतरस हापाळ झगळा आगदुर बाददा नदुरकु आंदुर से अंदुन, “हे वारटुरा, नीव जान्सतीर कि हापाळ दिन पयले परमेश्वर नीम दा टु नानी नीवळुस कोंडुन कि नान बाय देल गैरयहूदीगोळी खुशखबरी इन वचन केळसुसुल ताकी आंदुर केळकु वशिवास माळुल. 8 सपपा मुंदुरद मन अरावाळा परमेश्वर आंदरी भी नाम घाई पवतिर आतमा कोटकु आंदुर गवाही कोटकु आंदुरद संबंघ दा तान समरथन दरशुसदिन; 9 अदकि वशिवास इन द्वारा आंदुर पापगोळी माफ माळदुन आंदुरद अदकि नामद न्याइया येनु भेदभाव ईटीदलि. 10 रा ईग नीव येती परमेश्वर उन परीक्षा माळतीर कि वशिवासीगोळ कृतक्या मा हगि जुआळी ईटी, यारी ना नाम आप्प दादागोळ नेगु सकीदुर अदकि ना नाव नेगु सकतेव? 11 ईला, नामद ईद वशिवास आद कि जसा ह्यांग नाम प्रभु यीशु उन अनुग्रह देल उद्धार आग्याद; हांगा आंदुरद भी आग्याद.”

12 आग सपपा सभा चुपचाप बरनबास अदकि पौलुस उन केळली कुरतुर, कि परमेश्वर आंदुर द्वारा गैरयहूदीगोळ दा ह्यांग धोळ धोळ चमत्कार अदकि अदभुत कयालसा तोरसदुन. 13 याग आंदुर चुप आदुर रा याकूब अनली कुरतुन, हे वारटुरा, अदकि आकतीगेरा, नांद केळी. 14 शमौन ईगल्या हेळदुन कि परमेश्वर पयले गैरयहूदीगोळ मा ह्यांग कृपा दृष्टी माळदुन, कि आंदुर दा टु तान हेसुर इन साटी ऊंद लॉकुर माळ कोमुन. 15 इदुर देल भवषियवक्तागोळ वचन भी समरथन माळताव, जसा कि शास्त्र दा लखिसकु आद,

16 इदुर बाददा ना मातूत बंदकु दाऊद उन

बदिकु राज्य मातूत स्थापति माळाईन,

अदकि आऊन खंडरगोळी मातूत

मजबूत कटाईन,

17 इदुरसाटी कि मगिद मळसागोळ, मतलब सपपा

गैरयहूदी जो नान हेसुर इन कहलुस्तार, प्रभु अक हुंदसुल,

18 ईद आवा प्रभु अनतान जो दुनया अन उत्पत्ती देल ई मातगोळी प्रगट माळतेला बंदान.

19 “इदुरसाटी नान वचार ईद आद कि गैरयहूदीगोळ दा टु जो लॉकुर परमेश्वर उन दी तरिगतार, नाव आंदरी दुख कोळतीदील; 20 बल्की नामी आंदुर हातूती चिट्ठी लखिसकु कळु पायजे: कि आंदुर भोजन तनिवाळुल जो प्रथा अन अनुसार अशुध्द आद यतकी अद मूरतीगोळ मा येरसद हुन, वयभचार देल आंदुर दुर ईरूल अदकि कृतक्या ओतकु कोद यातोदु पशु उन मास अदकि खुन तनिवाळुल. 21 यतकी स्याणा लॉकुर काल टु नगर नगर मूसा अन्द व्यवस्था अन्द प्रचार माळावाळेर आगूत बंदार, अदकि अद हर आराम इन दिन सभागूह दा वाचुसकु आगतद.”

गैरयहूदी वशिवासीगोळी चिट्ठी

22 आग सप्पा मंडली सहित प्रेरतिगोळ अदकि मंडली अन्द स्याणागोळ नश्चय माळदुर कि नाम दा टु येनारा येद्व मंळसागोळी नीवळसुल, मतलब यहूदा जो बरसबवा कहलुस्तान, अदकि सीलास उक जो वारटुर दा स्याणा ईरोन; अदकि आंदरी पौलुस अदकि बरनबास उन सांगुळ अन्ताकिया कळुल.

23 आंदुर आंदुर कय दा ईद चिट्ठी लखिसकु कळुदुर: “अन्ताकिया अदकि सीरिया अदकि कलिकिया अन्द ईरावाळे वारटुर इक जो गैरयहूदीगोळ दा टु आर, प्रेरतिगोळ अदकि स्याणा लॉकुर वारटुरद नमस्कार. 24 नाव ईद केळदेव कि नाम दा टु यावारा आदेश हासलि माळद वनि अच नाम दा टु थ्वाळासा लॉकुर होगकु, तान शब्दगोळ देल नीमी प्रेशानी अदकि दुख पोहचुसयान. 25 नाव सप्पा मुंदुर आपस दा सहमत आगकु ईद नश्चय माळदेव कि नाम दा टु नविळसुद मंळसागोळी तान प्रयि बरनबास अदकि पौलुस उन सांगुळ नीम हात्ती कळेव. 26 ई हगि मंळसा आर यार तान जीव नाम प्रभु यीशु मसीह अन्द क्याल्सागोळ साटी जोखमि दा हाक्यार. 27 इदुरसाटी नाव यहूदा अदकि सीलास उक कळेव, जो मातगोळ नाव लखिसेतेव, आंदुर ऊद आगकु नीमी ईवा मातगोळ हेळ्यार. 28 पवतिर आत्मा अक अदकि नामी उचति जान्सकु वतिर कि ई जरूरी मातगोळी वटिकु, नीम मा बोझ हाकवाळुल; 29 कि नीव मूर्तीगोळ मा बली माळावाळे से अदकि खुन देल, अदकि कुतक्या वत्त पशुगोळद मास देल, अदकि व्यभचार देल दुर ईरी. ईऊर से दुर ईरी रा नीमद भला आदीत. नाम शुभकामनागोळ मुंद नीम सांगुळ ईरूल.”

30 बाक आंदुर सार आगकु अन्ताकिया पोहचुसदुर, अदकि वशिवासीगोळद सभा अक जमा माळकु अद चिट्ठी आंदरी कोट्ट बुटुर. 31 आ लॉकुर चिट्ठी जोर देल वाचुसकु अद प्रोत्साहन सकिकावाळा बातणी इन द्वारा हापाळ खुश आगोदुर. 32 यहूदा अदकि सीलास जो खुद भी भवषियवक्ता ईरोर, हापाळ मातगोळ देल वारटुरी शकिषा कोटक प्रोत्साहित अदकि संची माळदुर. 33 आंदुर येनारा दनि ईतकु, वशिवासी वारटुर आंदरी शांती देल आंदुर दा हात्ती वापस होगली वदि माळदुर जो आंदरी कळीदुर. 34* लेकीन सीलास उक अल ईरोद वळलीद हत.

35 लेकीन पौलुस अदकि बरनबास अन्ताकिया दा ईतोदुर: अदकि अन्य हापाळ सा लॉकुरद सांगुळ प्रभु उन वचन केळसतेला ईततुर.

पौलुस अदकि बरनबास उन अलग आगोद

36 थ्वाळासा दनि बाददा पौलुस बरनबास से अंदुन, “था नगर दा नाव प्रभु उन वचन केळसीदेव, बरी, बाक आंदुर दा नळुकु तान वारटुरी अदकि आकतींगेरी नोळाता कि आंदुर ह्यांग आर.” 37 आग बरनबास यूहन्ना अक जो मरकुस कहलुस्तान, सांगुळ हुडोद वचारि माळदुन. 38* लेकीन पौलुस ईद वळलीद समसीदील कि आऊक तान सांगुळ हुळदेव, यतकी यूहन्ना जो मरकुस कहलुस्तान, पंफूलिया टु आंदुर हात्ती वापस हदि तरिगेगदिन अदकि आंदुर स्यावा कार्य पुरा आगासताका आंदुर सांगुळ ईला ईरोन. 39 इदुर मा बरनबास अदकि पौलुस उन दा धोळद वरीध पैदा आगेत अदकि परणिाम ईद सकित कि आंदुर आपस दा आवुर दाबुर से अलग आगेदुर; बरनबास, मरकुस उक हुडुकु जहाज मा साइप्रस होटोदुन. 40 लेकीन पौलुस सीलास उक नविळसुस कौडुन, अदकि वशिवासी वारटुर से परमेशवर उन अनुगारह दा कोटक अल टु होटोदुन; 41 अदकि आव मंडलीगोळी संची माळतेला सीरिया अदकि कलिकिया टु आगतेला होट्टुन.

16

तीमुथियुस उन पौलुस अदकि सीलास उन सांगुळ होगोद

1 बाक पौलुस दरिबे अदकि लुस्तुरा दा भी होदुन. अल तीमुथियुस हेसुर इन ऊद मसीह ईरोन, आऊन मोय यहूदी वशिवासी ईरोर, लेकीन आऊन आप्प गैरयहूदी ईरोन. 2 आव लुस्तुरा अदकि

* 15:34 १५:३४ येनारा हस्तलेखगोळ दा ईद वचन सकिलद * 15:38 १५:३८ प्रेरतिगोळ १३:१३

इकूनयिम उन वारट्टर दा वळलेव मळसा ईरोन. ³ पौलुस उन इच्छा ईरोद क्ति तीमुथयिस आऊन सांगुळ बरूल; अदकि जो यहूदी लॉकुर आ जागागोळ दा ईरोर आंदुर कारण आव आऊंद खतना माळदुन, यतकी आंदुर सप्पा जानसोर, क्ति आऊन आप्प गैरयहूदी ईरोन. ⁴ अदकि नगर नगर होगतेला आंदुर आ नयिमगोळी जो यूरुशलेम इन प्रेरतिगोळ अदकि स्याणागोळ ठहूरसीदुर, मानसोर साटी आंदरी हेळकु आगोद. ⁵ ई प्रकर मंडलीगोळ विश्वास दा संची आगतेला होत अदकि संख्या दा रोज वाळुसत होत.

त्रोआस दा पौलुस उन दर्शन

⁶ आंदुर फ्रूगिया अदकि गलातिया प्रदेशगोळ दा टु आगकु होदुर, यतकी पवतिर आत्मा आंदरी आसिया दा वचन केळसोर से मना माळत. ⁷ आंदुर मूसिया अन्द सीमा अन हात्ती पोहचुसकु, बतूनिया क्षेत्र दा होगोद चाहासदुर; लेकीन यीशु उन आत्मा आंदरी इजाजत कोटीदील. ⁸ इदुरसाटी आंदुर मूसिया टु आगकु त्रोआस दा बंदुर. ⁹ अल पौलुस ईळलकी ऊंद दर्शन नोळदुन क्ति ऊंद मकदिनी मळसा नदुरकु आऊन से वनिती माळकु अनेत्यान, “ईपाटी ईळुकु मकदिनिया दा बा, अदकि नाम्द मदत माळ.” ¹⁰ आऊन ईद दर्शन नोळतेला अच नाव तुरन्त मकदिनिया होगोद चाहासदेव, ईद समसकु क्ति परमेश्वर नामी आंदरी खुशखबरी केळसोर साटी कारस्यान.

फलपिपी दा: लुदिया अन्द मन-वदलुसोद

¹¹ इदुरसाटी त्रोआस टु जहाज कुरतकु नाव सधा सुमात्राके होदेव अदकि दुसरा दशिी नयिापुलसि दा बंदेव. ¹² अल टु नाव फलिपिपी पोहचुसदेव, जो मकदिनिया द्याश इन मुख्य नगर अदकि रोमीगोळ ऊर हुन; अदकि नाव आ नगर दा थ्वाळासा दनि ताका ईत्तेव. ¹³ आराम इन दनि नाव नाग इन फाटक इन व्हार्या गांगा अन्द कनारा ईद समसकु होदेव क्ति अल प्रार्थना माळोद जागा ईतीदाद, अदकि कुरतकु आ आर्तेर से जो जमा आगीदुर, मातगोळी माळली कुरतेव. ¹⁴ लुदिया हेसुर इन थुआतीरा नगर इन जांभळा रंग इन कपळा मारावळत ऊंद भक्त आर्त केळोर. प्रभु आकनि मन खोल्सदुन क्ति आक पौलुस उन मातगोळ मा मन हचुल. ¹⁵ याग लुदिया तान धराना समेत बपतसिमा ताकोडुर, रा आक नाम से वनिती माळदुर, “अगर नीव नानी प्रभु उन विश्वासनि समसतीर, रा नळुकु नान मान्या ईरी,” अदकि आक नामी मान्सकु ओतुर.

पौलुस अदकि सीलास बंदीगूह दा

¹⁶ ऊंद दशिी याग नाव प्रार्थना माळोद जागा मा होगेव, रा नाम मुलाकात ऊंद हारोद आर्त दासी से आत यारदा भवषिय हेळावाळा दुष्टआत्मा ईरोद; अदकि लॉकुरद भवषिय हेळदुर देल स्वामीगोळ साटी हापाळ पैसया कमसकु तरतोगोद. ¹⁷ आक पौलुस उन दी नाम हीद बंदकु चलिळासली कुरतुर, “ई मळसा परमप्रधान परमेश्वर उन दास हुय, जो नामी उद्धार इन हादी इन कात्ता केळसतार.” ¹⁸ आक हापाळ दनि ताका हगि अच माळतेला ईत्तुर; लेकीन पौलुस परेशान आदुन, अदकि पलदुसकु आ दुष्टआत्मा से अंदुन, “ना नीनी यीशु मसीह अन्द हेसुर देल आग्या कोळतीन क्ति आकनि दा टु होटबुळ.” अदकि अद आत्मा अदा घळी होट बुळत. ¹⁹ याग आ पोर इन स्वामीगोळ नोळदुर क्ति नाम्द कमाई इन आशा होगूत ईत्त, रा पौलुस अदकि सीलास उक हुळकु चौक दा प्रधानगोळ हात्ती जेडुकु ओतुर; ²⁰ अदकि आंदरी रोमन अधिकारीगोळ हात्ती ओतुर अदकि अंदुर, “ई लॉकुर जो यहूदी आर, नाम नगर दा बळा अशांती फैलुसेत्तार; ²¹ अदकि हगि रीतर्त् रवाजगोळी कल्सेत्तार, यारी ग्रहण माळोद या मानसोद नाम रोमीगोळ साटी वळलीद हेलेच अदकि नाव ईदुरद पालन भी माळ सकालेव अदकि मान्स भी सकालेव.”

²² आग भीळ इन लॉकुर आंदुरद वरिध दा जमा आगकु पौलुस अदकि सीलास उन मा येरतेला बंदुर, अदकि शासकगोळ आंदुर कपळा हरदुर अदकि अदकि आंदरी कोळागोळ बडोद आग्या कोट्टुर. ²³ हापाळ कोळा बळसुसकु आंदुर आंदरी बंदीगूह दा हाक बुटुर अदकि दरोगा अक आग्या

कोट्टुर क्क आंदरी कळक बंदोबस्त दा ईटुल. 24 आऊक हगि आग्या सकितेला अच आव आंदरी बुळ्क इन कोठरी दा ईटदुन अदकि आंदुर कालगोळ कोल इक टोक्स बुदुन.

25 आर्धा ईळ्ळक इन लगभग पौलुस अदकि सीलास प्रारथना माळतेला परमेश्वर उन भजन हाळोर, अदकि कैदी आंदुरद केळोर. 26 इटुर दा अचानक धोळद भुकम्प बत्त, ईल ताका क्क बंदीगूह अनद पायवा हालुसेदव अदकि तुरन्त सप्पा दरवाजा खुलसेदव; अदकि सप्पा कैदीगोळव बंधन खुलसेदव. 27 दरोगा जप दा टु येदुन, अदकि बंदीगूह अनद दरवाजा खुला नोळ्कु सम्सदुन क्क कैदी ओळ्ळेग्यार, इदुरसाटी आव तलवार तेगुक्क तान तान इक कोंद बुळ्ळोद चाहासदुन. 28 लेकीन पौलुस धोळ शब्द दा कार्कु अंदुन, “तान तान इक येनु हाना पहचुसबाळ, यतकी नाव सप्पा ईलया आयेव.”

29 आग बंदीगूह अनद दरोगा दगिया कार्सदुन अदकि राटनेरी बुळ्क होदुन, अदकि अंज्क देल नळ्गतेला पौलुस अदकि सीलास उन मुंद बदिदुन; 30 अदकि आंदरी व्हार्या तनक्क अंदुन, “हे सज्जनगोळा, उदधार सकिकोर साटी ना येन माळाईन?”

31 आंदुर अंदुर, “परभु यीशु मसीह मा वशिवास माळ, रा नीनी अदकि नीन घराना अक उदधार सकिकीत.” 32 अदकि आंदुर आऊक अदकि आऊद सप्पा मान्ना अनद लॉकुरी परभु उन वचन केळसदुर. 33 ईळ्ळकी अदा घळी दरोगा आंदरी ओतक्क आंदुरद जखमगोळी तोळदुन, अदकि आव तान सप्पा घराना समेत तुरन्त बपतसिमा ताकौडुन. 34 आग आव पौलुस अदकि बरनबास उक तान मान्या ओतक्क आंदुरद मुंद भोजन ईटदुन, अदकि सप्पा घराना समेत परमेश्वर मा वशिवास माळ्ळक्क खुशी माळ्ळदुन.

35 याग हागुल आत आग रोमन शासकगोळ तान सपिाहीगोळ अधकारीगोळद कय देल बातणी कळ्ळदुर क्क आ मंळसागोळी बटि बुळी.

36 दरोगा ईद मातगोळी पौलुस से अंदुन, “शासकगोळ नीमी बटि बुळ्ळोद आग्या कळ्ळु बुटार. इदुरसाटी ईग होटक्क शांती देल होटोगी.”

37 लेकीन पौलुस सपिाहीगोळ अधकारीगोळ से अंदुन, “आंदुर नामी जो रोमी मंळसा आर, दोषी ठहूरुसद बनि लॉकुर मुंद बळदुर अदकि बंदीगूह दा हाकदुर. ईग येन नामी चुपचाप तेगेतयार? हगि ईला; लेकीन आंदुर खुद बंदक्क नामी व्हार्या तेगुल.”

38 सपिाहीगोळद अधकारीगोळ ई मातगोळद रोमी शासकगोळी जानकारी कोट्टुर, अदकि आंदुर ईद केळक्क क्क पौलुस अदकि सीलास रोमन नागरीत्वावाळेर लॉकुर उर, अजेदुर, 39 आग रोमन अधकारीगोळ बंदक्क आंदुर से माफ वनिती माळदुर, अदकि आंदरी बंदीगूह टु व्हार्या तनक्क नगर बटिक्क होगली हेळदुर. 40 पौलुस अदकि सीलास बंदीगूह टु होटक्क लुदया अनद ईल होदुर, अदकि वशिवासी वार्दुर से भेट माळक्क आंदरी प्रोत्साहन कोटक्क होटोदुर.

17

थसिसलुनीके नगर दा

1 वाक पौलुस अदकि सीलास अम्फपुलिस अदकि अपुल्लोनिया आगक्क थसिसलुनीके दा बंदुर, यल यहूदीगोळद ऊद यहूदी लॉकुरद सभागूह ईरोद. 2 पौलुस तान रीत इन अनुसार सभागूह दा होदुन, अदकि मुर आराम इन दिन नयिम शास्त्रगोळ देल यहूदी लॉकुर सांगुळ झगळा माळ्ळदुन; 3 अदकि अऊर अर्थ आसान भाषा दा समझुस तोगोन क्क मसीह अक दुख नेगोद, अदकि सोत्तुर दा टु जत्तिता माळ्ळोद, जूरी ईरोद; अदकि “ईवा यीशु यार्द बारा दा ना नीमी हेळतीन, मसीह हुन.” 4 आंदुर दा टु येनारा लॉकुर वशिवास माळ्ळदुर अदकि पौलुस अदकि सीलास उन सांगुळ मीलुसेदुर. परमेश्वर उन आराधना माळावाळेर हापाळ पुरा गैरयहूदीगोळ भी आंदुर दा मीलुसेदुर, ईदुर दा मुख्य आर्तेर भी ईरोर,

5 लेकीन यहूदीगोळ जलन देल तुमक्क बाजारू लॉकुर दा टु येनारा दुष्ट मंळसागोळी तान सांगुळ दा हूळदुर, अदकि भीळ जमा माळ्ळक्क नगर दा हल्ला मचुसली कुरतुर, अदकि यासोन उन मान्ना मा

चढाई माळकु अदकि कोशशि माळली कुरतुर कि ह्यांगारा तरी पौलुस अदकि सीलास उक लॉकुर मुंद तंदेव. 6 आंदरी अल ईला नोळकु आंदुर ईद चलिळासतेला यासोन अदकि येनारा वशिवासी वारट्टुरी नगर इन शासकगोळ मुंद जेडुतेला तंदुर अदकि अंदुर, “ई लॉकुर यार सप्पा दी मुसीवत पैदा माळ वुटार, आंदुर नाम नगर दा भी होट बंदार. 7 अदकि यासोन आंदरी तान मान्या ईटयान. ई सप्पा च्या सप्पा ईद अनतार कथीशू राजा आन, अदकि कैसर उन नयिमगोळद वरिध माळतार.” 8 आंदुर लॉकुरी अदकि नगर इन शासकगोळी ईद केळसकु भळकुस वुटुर. 9 इदुरसाटी आंदुर यासोन अदकि बाकी लॉकुर से जमानत ताकोमकु आंदरी बटि वुटुर.

वरिया नगर दा

10 वशिवासी वारट्टुर तुरन्त ईळलक इन ईळलक इच पौलुस अदकि सीलास उक वरिया कळ वुटुर; अदकि आंदुर अल पोहचुसकु यहूदीगोळद सभागूह दा होदुर. 11 आ लॉकुर रा थसिसलुनीके अन्द लॉकुर से भला ईरोर, अदकि आंदुर धोळ लालसा देल वचन ग्रहण माळदुर, अदकि रोज शास्त्रगोळ दा अध्ययन माळ माळकु नोळेर कि जो ई मातगोळ पौलुस हेळदुन अव सही आव का ईला. 12 अदकि इदुर परणाम स्वरूप हापाळ सा यहूदीगोळ अदकि मानवाईक यूनानी आर्तेर मंळसागोळ भी वशिवास ग्रहण माळदुर. 13 लेकीन याग थसिसलुनीके अन्द यहूदी जान्स कोंडुर कि पौलुस वरिया दा भी परमेश्वर उन वचन केळसतान, रा अल भी बंदकु लॉकुरी भळकुसली अदकि दंगा माळली कुरतुर. 14 आग वशिवासी वारट्टुर तुरन्त पौलुस उक वदिा माळदुर कि समुदुर अन्द कनिारा होटोगुल; लेकीन सीलास अदकि तीमुथयुस अल्या ईतोदुर. 15 पौलुस उक वशिवासी वारट्टुर एथेस ताका ओतुर; अदकि सीलास अदकि तीमुथयुस उन साटी आंदुर पौलुस उन से ईद आग्या ताकोमकु वदिा आदुर कि आंदरी नान हात्ती जल्दी से जल्दी कळुल.

एथेस नगर दा

16 याग पौलुस एथेस दा तीमुथयुस अदकि सीलास उन हादी कायोन, अदकि एथेस नगर इक मूर्तीगोळ देल तुमकु नोळकु आव हापाळ नरिश आगोदुन. 17 इदुरसाटी आव यहूदी लॉकुरद सभागूह दा यहूदीगोळ अदकि गैरयहूदीगोळ जो परमेश्वर उन आराधना माळतोगोर, अदकि चौक दा होगा बरावाळेर लॉकुर आऊन से सकितोगोर आंदुर से हर रोज झगळा माळतोगोन.

18 आग इपकिरी अदकि स्तोईकी गुरुगोळ दा टु थवाळासा गुरु आऊन से तरक माळली कुरतुर, अदकि येनारा अंदुर, “ईव अग्यानी येन अनोद चाहासतान?” लेकीन दुसरा अंदुर, आव “अन्य देवतागोळद प्रचारक मालूम वळितान.” यतकी आव यीशू उन अदकि आऊन पुनरूत्थान इन खुशखबरी केळसतोगोन. 19 आग आंदुर पौलुस उक तान सांगूळ अरयिपगुस इन नगर दा ओतुर अदकि केळदुर, “येन नाव जान्स सकतेव कि ईद वहाशोद शकिषा जो नी हेळत्या, येन हुन? 20 यतकी नी अनोखा मातगोळी नामी केळसत्या, इदुरसाटी नाव जानसोद चाहासतेव कि ईऊरद अर्थ येन आद.” 21 इदुरसाटी कि सप्पा एथेसवासी अदकि परदेशी जो अल ईरतोगोर, सप्पा आऊन वहासा वहासा मातगोळी केळली अदकि हेळदुर दा समय बतिसतोगोर.

22 आग पौलुस अरयिपगुस उन नगर इन सभा अन न्याड्या दा नदिरकु अंदुन, हे एथेस इन लॉकुरा, ना नोळतीन कि नीव हर प्रकार देल धार्मकि आईर. 23 यतकी ना नगर दा टेटाळतेला याग नीमद आराधना माळोद जागागोळी नोळीन, रा ऊंद हगि वेदी भी नोळदीन, यदुर मा लखिसकु ईरोद, अनजाना परमेश्वर उन साटी. इदुरसाटी यार्द नीव बनिा नोळद आराधना माळतीर, ना नीमी आऊंद बारा दा हेळतीन. 24 *या परमेश्वर पृथ्वी अदकि अदुर सप्पा वस्तुगोळी माळदुन, आव स्वरुग अदकि पृथ्वी इन स्वामी आन, अदकि आव कय इन माळद मंदरिगोळ दा ईरालुन; 25 ना यातोदु वस्तु उन जरवत इन कारण मंळसागोळद कयगोळद स्यावा ताकोमतान, यतकी आव खुद अच सप्पा मुंदरी जीवन अदकि श्वास अदकि सप्पा येनारा कोळतान. 26 आव ऊंद अच मंळसा द्वाारा पुरा मंळसागोळद पैदा माळदुन अदकि सप्पा पृथ्वी मा आव ईरसकुल इदुरसाटी

आव माळदुन. अदकि आव पयले टूच लॉकूरद समय नशिचति माळ कोंडान अदकि आंदुर नवािस इन यल आंदुर ईरतार अदुरद सीमागोळी कट बुट्टुन, ²⁷ईद इदुरसाटी माळदुन कालॉकूर परमेश्वर उक ढुंडसुल, आग सकतद कालॉकूर आऊन ताका पोहचुसुक हासलि माळ कोमुल, तरी भी आव नाम दा टु यारदु से दुर हैलेच. ²⁸जसा यावारा अंदान कालॉकूर नाव आऊंदा जतिता ईरतेव, अदकि नळुतेला वयाळतेला ईरतेव, अदकि आऊन दा अच नाम अस्ततिव आद.

ईदा प्रकार खुद नीमद अच थवाळासा कवगिगोळ भी अंदार, नाव रा आऊंदा औलाद हुयेव.

²⁹इदुरसाटी परमेश्वर उन औलाद आगकू नामी ईद समसोद उचति हैलेच कालॉकूर परमेश्वर उन दविय रूप व्हांनना या पैसाया या कल्ल इन घाई आद, जो मंळसा अनूद कारीगरी अदकि कल्पना देल माळकू आगीदाव. ³⁰“इदुरसाटी परमेश्वर याग लॉकूर परमेश्वर उक ईला जानसोर आ समयगोळ मा ध्यान कोटीदील, लेकीन ईग हर जागा सपपा मंळसागोळी मन तरिगुसोद आग्या कोळतान. ³¹परमेश्वर ऊंद दनि नशिचति माळयान आ दशिी आव तान नविळुसुद ऊंद मंळसा अन द्वाारा सचचाई देल दुनया अन न्याय माळयान अदकि ई मात इन प्रमाण आव आ मंळसा अक सोत्तुर दा टु जतिता माळकू सपपा मुंदुरी कोटान.”

³²सोत्तुर दा टु जतिता आगोद इन मात केळकू थवाळासा लॉकूर पौलुस से मज्याक माळली कुरतुर, लेकीन दुसरा थवाळासा लॉकूर अंदुर, “नाव ईद मातगोळ नीन से केळोद चाहासतेव.”

³³ईदुर मा पौलुस आंदुर न्याड्या दा टु होटबुट्टुन. ³⁴लेकीन थवाळासा मंळसा आऊन सांगुळ मीलुसंदुर, अदकि वशिवास माळदुर; यारदा दयिनुसयिसुस जो नगर सभा अन सदस्य ईरोन, अदकि दमरसि हेसुर इन ऊंद आरत ईरोर, अदकि आंदुर सांगुळ मातत दुसरा लॉकूर ईरोर.

18

कुरनिथुस नगर दा पौलुस

¹इदुर बाददा पौलुस एथेस नगर इक बटिकू कुरनिथुस नगर दा बंदुन. ²अल आऊक अकवलिा हेसुर इन ऊंद यहूदी सकिदुन, यारद जनम पुनतुस दा आगीत. आव तान हगिस प्रसिकलिला अनूद सांगुळ इटली टु ईग ईग अच बंदीदुन, यतकी कलौदयिसुस सपपा यहूदीगोळी रोम टु होटट बुळोद आग्या कोटीदुन. इदुरसाटी आव आंदुर अल होदुन. ³आंदुर ऊंदा ऊज्या ईरतोगोर अदकि आंदुर कयालसा ऊंदा ईरोद आंदुर तान कमाई इन साटी तम्बू माळोद कयालसा माळतोगोर. ⁴आव हर ऊंद आराम इन दनि यहूदी लॉकूरद सभागूह दा झगळा माळकू यहूदीगोळ अदकि गैरयहूदीगोळी भी समझुस तोगोन.

⁵याग सीलास अदकि तीमूथयिसुस मकदिनया टु बंदुर, रा पौलुस वचन केळसदुर दा पुरा समय कोट्टुन अदकि यहूदीगोळी गवाही कोळली कुरतुन कालॉकूर उच मसीह हुन. ⁶लेकीन याग आंदुर वरिध अदकि अपमान माळली कुरतुर, रा आव तान कपळा झाळसकू आंदुर से अंदुन, “नीम सायोद कारण नीव खुद आईर! ना नरिदोष आईन. अदकि इदुर जमिमेदार ना हैलेच, ईग टु ना गैरयहूदीगोळद हाती होगाईन.” ⁷अल टु होटकू आव तीतुस यूसतुस हेसुर इन परमेश्वर उन आराधना माळावाळा ऊंद मंळसा अनूद मान्या बंदुन; यारद मान्ना यहूदी सभागूह टु हतकू ईरोद.

⁸आग सभागूह अन सरदार कुरसिपुस तान सपपा घराना समेत प्रभु मा वशिवास माळदुन; अदकि हापाळ सा कुरनिथवासी ईद बातणी केळकू वशिवास माळदुर अदकि बपतसिमा ताकोडुर.

⁹प्रभु ऊंद ईळलकी दर्शन इन द्वाारा पौलुस से अंदुन, “अंजवाळ, उलटा अनतेला ईर अदकि सुंगा ईरवाळ; ¹⁰यतकी ना नीन सांगुळ आईन, अदकि याऊ नीन मा चढाई माळकू अपमान हानाई माळतीदील; यतकी ई नगर दा नान हापाळ सा लॉकूर आर.” ¹¹इदुरसाटी आव आंदुरदा परमेश्वर उन वचन कलसतेला दळि वरष ताका ईत्तुन.

12 याग गल्लियो अक अखाया दयाश इन शासक माळकु आत, आग यहूदी लॉकुर ऊंद आगकु पौलुस मा येरतेला बंदुर, अदकि आऊक न्याय आसन इन मुंद तंदुर, 13 अदकि अनली कुरतुर, “ईव लॉकुरी समझुस्तान कि परमेश्वर उन उपासना हगि रीति देल माळी, जो नाम्द व्यवस्था अन्द वपिरीत आद.”

14 याग पौलुस माताळदुर मा अच ईरोन, रा गल्लियो यहूदीगोळ से अंदुन, “हे यहूदीगोळा, अगर् ईद येनारा अन्याय या दुष्टता अन्द मात आगाईत, रा उचति ईरोद कि ना नीम्द केळायदनि.

15 लेकीन अगर् ईद झगळा शब्दगोळ, अदकि हेसुरगोळ, अदकि नीम खुद इन व्यवस्था अन्द बारा दा आद, रा नीव अच खुद सुलझुसी; यतकी ना ई मातगोळद न्यायी बनसोद चाहासालीन.”

16 अदकि आव आंदरी न्याय आसन इन मुंद टु तेगसुसबुटुन. 17 आग सप्पा लॉकुर सभागूह अन अध्यक्ष सोस्थनिस उक हुळकु न्याय आसन इन मुंद बळदुर. लेकीन गल्लियो ई मातगोळ मा ध्यान कोटीदील.

अन्ताकिया अक वापस होगोद

18 पौलुस हापाळ दनि ताका कुरनिथुस दा ईततुन. बाक वशिवासी वारटुर से वदि ताकोमकु जहाज देल सीरिया होदुन आग आऊन सांगुळ प्रसिकलिला अदकि अक्वला भी ईरोर. पौलुस कखिरिया दा तान मुंडन माळदुन, यतकी आव ऊंद मननत बेळीदुन. 19 आव इफसिस पोहचुसकु प्रसिकलिला अदकि अक्वला अक अल बट्टिदुन, अदकि खुद सभागूह दा होगकु यहूदीगोळ से झगळा माळली कुरतुन. 20 याग अलेर लॉकुर आऊन से वनिती माळदुर, “नाम सांगुळ अदकि ध्वाळासा दनि ईर.” रा आव स्वीकार माळीदील; 21 लेकीन ईद अनकु आंदुर से सार आदुन, “अगर् परमेश्वर चाहास्यान रा ना नीम हात्ती मात्त बराईन.” आग आव इफसिस टु जहाज मा कुरतकु होटोदुन;

22 अदकि कैसरिया दा ईळुकु यरूशलेम इक होदुन अदकि मंडली अक मुलाकात माळकु अन्ताकिया दा बंदुन. 23 बाक येनारा दनि अन्ताकिया दा ईतकु गलातिया अदकि फूरगिया क्षेत्त्र टु आगतेला होट्टुन, अदकि सप्पा चेलागोळी वशिवास दा संची माळतेला तरिगदुन.

इफसिस अदकि कुरनिथुस दा अपुल्लोस

24 अपुल्लोस हेसुर इन ऊंद यहूदी ईरोन, यार्द जनम सकिन्दरिया दा आगीत, जो अक्कलवाळा मंळसा ईरोन अदकि शास्त्र अक वळ्लीद तरीका देल जानसोन, इफसिस दा बंदुन. 25 आव प्रभु उन हादी इन शिक्षा ताकोडदिन, अदकि मन हचकु अदकि पुरा उत्साह देल यीशु उन बारा दा वळ्लीद-वळ्लीद केळसोन अदकि कलसोन, लेकीन आव सर्फि यूहन्ना अन्द बपतस्मा अन्द मात जानसोन. 26 आव सभागूह दा नडिर आगकु माताळली कुरतुन, लेकीन प्रसिकलिला अदकि अक्वला आऊंद मातगोळी केळकु आऊक तान मान्या ओतुर अदकि परमेश्वर उन हादी आऊक मात्त वळ्लीद-वळ्लीद हेळदुन. 27 याग अपुल्लोस नशिचय माळदुन कि आप्पारी ईळुकु अखाया अक होदेव इफसिस उन वशिवासी वारटुर आऊन हमिमत वाळुसदुर अदकि अखाया अन अनुयायीगोळी आऊन स्वागत माळेर साटी ऊंद चट्टी कळदुर; अदकि आव अल पोहचुसकु आ लॉकुरद बळा सहायता माळदुन जो परमेश्वर उन अनुग्रह अन कारण वशिवास दा बंदीदुर. 28 यतकी आव शास्त्र देल प्रमाण कोट कोटकु कि यीशु उच मसीह हुन, धोळ प्रबलता देल यहूदीगोळद सप्पा मुंदुर मुंद बोलती बंद माळ्त ईततुन.

19

इफसिस नगर दा पौलुस

1 याग अपुल्लोस कुरनिथुस दा ईरोन, रा पौलुस म्याकुच इन सप्पा प्रदेश टु यात्रा माळतेला इफसिस दा बंदुन. अल आऊक ध्वाळासा चेलागोळ सकिदुर

2 आव आंदुर से केळदुन, “येन नीव वशिवास माळावती पवतिर आत्मा अक नोळदीर?” आंदुर आऊन से अंदुर, “नाव रा पवतिर आत्मा अनंद चरचा भी केळीदील.”

3 आव आंदुर से अंदुन, “रा बाक नीव यार्द बपतसिमा ताकोडीर?” आंदुर अंदुर, “यूहन्ना अनंद बपतसिमा.”

4 *पौलुस अंदुन, यूहन्ना आंदरी बपतसिमा कोट्टुन का आंदुर तान पापगोळ देल तरिगुल, का जो नान बाददा बरावाळा आन, आऊन मा मतलब यीशु मा वशिवास माळेतीर.

5 ईद केळकु आंदुर प्रभु यीशु उन हेसुर दा बपतसिमा ताकोडुर. 6 याग पौलुस आंदुर मा कय ईटदुन, रा पवतिर आत्मा आंदुर मा ईळूत, अदकि आंदुर अलग-अलग भाषा माताळली अदकि भवषियवाणी माळली कुरतुर. 7 इंदुर सप्पा लगभग हननेळ मंळसा ईरोर.

8 आव यहूदी सभागूह दा होगकु मुर तगिळ ताका नडिर आगकु माताळतेला ईततुन, अदकि परमेश्वर उन राज्य अनंद बारा दा झगळा माळतेला अदकि समझुसतेला ईततुन. 9 लेकीन याग येनारा लॉकर कठोर आगकु आऊद मानसीदील उलटा लॉकर मुंद ई हादी अक बेकार अनली कुरतुर, रा आव आंदरी बटि बुटुन अदकि चेलागोळी अलग माळ बुटुन, अदकि रोज तुरनुस उन शक्षिा अन मान्ना दा झगळा माळतोगोन. 10 येदूद वर्ष ताका ईदा आगतेला ईतत, ईल ताका का आसयिा नोर ईरावाळेर येन यहूदी येन गैरयहूदी सप्पा प्रभु उन वचन केळ कोडुर.

स्केवा अन पार

11 परमेश्वर पौलुस उन कयगोळ देल सामर्थ्य अनंद अनोखा क्यालुसा तोरसतोगोन. 12 ईल ताका का रूमाल अदकि गमछा आऊन मय देल स्पृश माळसुसकु बमिरगोळ मा हाकतोगोर, अदकि आंदुर बमिरीगोळ होगत ईरतोगोव; अदकि दुष्टआत्मागोळ आंदुर दा टु होट बुळतोगव. 13 लेकीन येनारा यहूदी जो झाळ फुक माळत टेटाळोर, आंदुर प्रभु यीशु मसीह अन हेसुर इस्तेमाल माळली कुरतुर आंदुर दुष्टआत्मागोळी अनतोगोर, “या यीशु उन प्रचार पौलुस माळतान, ना नीमी आ यीशु उन हेसुर देल आग्या कोळतीन.” 14 अदकि स्क्कविा हेसुर इन ऊद यहूदी प्रधान याजक उन येळ चकोर ईरोर, जो हगि माळतोगोर.

15 लेकीन दुष्टआत्मा आंदरी उत्तर कोळत, “यीशु उक ना अरूतीन, अदकि पौलुस उक भी अरूतीन, लेकीन नीव यार हुईर?”

16 अदकि आ मंळसा यारदा दुष्टआत्मा ईरोद आंदुर मा हावी आगकु अदकि आंदरी वश दा तनकु, आंदरी हगि बडुत का आंदुर ऊगळा अदकि घायल आगकु आ मान्या टु होटकु ओळदुर. 17 ईद मात इफसिस इन ईरावाळेर सप्पा यहूदी अदकि गैरयहूदी भी जानुस कोडुर, अदकि आ सप्पा मुंदुर दा अंजुक तुममेत; अदकि प्रभु यीशु उन हेसुर इन बळाई आत. 18 यार वशिवास माळीदुर, आंदुर दा टु हापाळ मुंदुर बंदकु तान तान बेकार क्यालुसागोळी मानुस कोडुर अदकि अल बंदुर. 19 जादू माळावाळेर दा टु हापाळ मुंदुर तान तान पोथळीगोळी जमा माळकु सप्पा मुंदुर मुंद होताक बुदुर, अदकि याग अऊरद दाम जोळसकु आत, रा पचास हजार बेळली इन सक्किागोळ बराबर होळत. 20 ई प्रकार प्रभु उन वचन बलपूर्वक फैलुस्त अदकि मजबूत आगतेला होत.

इफसिस नगर दा दंगा

21 याग ई मातगोळ आगोदव रा पौलुस मन दा टानुसदुन का मकदिनयिा अदकि अखाया टु आगकु यूरूशलेम इक होगईन, अदकि अंदुन, “अल होगदुर बाददा नानी रोम इक भी नोळोद जरूरी आद.”

22 इदुरसाटी तान स्यावा माळावाळेर दा टु तीमुथयिुस अदकि इरास्तुस उक मकदिनयिा कळुकु खुद ध्वाळासा दनि आसयिा दा ईतोदुन.

23 आ समय इफसिस दा प्रभु उन हादी इन बारा दा बळा हंगामा आत. 24 अल बेळली इन क्यालुसा माळावाळा देमेत्रयिुस हेसुर इनव ऊद सोनार ईरतोगोन आव देवी अरतमिसि इन बेळली

इन मंदरि माळतोगोन, यदुर देल कारीगरगोळी हापाळ फायदा सकितोगोद. 25 आव आंदरी अदकि हगि अच वस्तुगोळद कारीगरगोळी जमा माळकु अंदुन, “हे मंळसागोळा, नीव जानूसतीर कि ई कयाल्सा देल नामी याट धन सकितद. 26 नीव नोळतीर अदकि केळतीर कि सरिफ इफसिस अच दा ईला, उलटा सप्पा आसयाि कषेत्र दा ईद अन अनकु ई पौलुस हापाळ सा लॉकुरी समझूसदुन, कि जो कय इन कारीगरी आद, आंदुर परमेश्वर आल्लच. 27 इदुर देल ईग सरिफ ईदा मात इन अच अंजुक हॅलेच कि नाम ई धंदा अन्द महत्व होगूत ईत्तीत, उलटा ईद कि महान देवी अरतमिसि इन मंदरि तुच्छ सम्सकु आदीत, अदकि यारी सप्पा आसयाि अदकि दुनयाि पुजा माळतद आकनि महत्व भी होगूत ईत्तीत.”

28 आंदुर ईद केळकु सट्टि देल तुम्मेदुर अदकि चलिळास चलिळासकु अनली कुरतुर, इफसिगिोळ अरतमिसि देवी, महान आर! 29 अदकि सप्पा नगर दा धोळद हंगामा मचुसेत, अदकि लॉकुर गयुस अदकि अरसितरखुस उक जो पौलुस उन संगी यात्री ईरोर जो मकदिनयाि टु बंदीदुर, आंदरी हुळद बुटुर, अदकि नाटक घर दा ओतुर. 30 याग पौलुस लॉकुरद हात्ती बुळक होगोद चाहासदुन रा चेलागोळ आऊक होगोटीदील. 31 आसयाि नोर शासकगोळ दा टु भी आऊन कई संगीगोळ आऊन हात्ती बातणी कळुदुर अदकि वनिती माळदुर कि नाटक घर दा होगकु जोखमि नेगुवाळेत. 32 अल यावारा येनारा चलिळासोन रा यावारा येनारा, यतकिी सभा दा बळा गळवळी आगोद, अदकि हापाळ सा लॉकुर रा ईद जानसोर भी ईला कि नाव यदुर साटी जमा आगेव. 33 आग आंदुर सकिन्दर उक, यारी यहूदीगोळ नदिरसदुर, भीळ दा टु मुंद वाळुसदुर. सकिन्दर कय देल इशारा माळकु लॉकुर मुंद खुद इन बचाव इन साटी भाषण कोळोद चाहासोन. 34 लेकीन याग आंदुर जानूस कौडुर कि आव यहूदी हुन, रा सप्पा च्या सप्पा ऊद आवाज देल कम से कम येदद तास ताका चलिळासतेला ईत्तुर, “इफसिगिोळ अरतमिसि, महान आर.”

35 आग नगर इन लेखा जोखा ईटावाळा लॉकुरी शांत माळकु अंदुन, “हे इफसिस इन लॉकुरा, येन दुनयाि दा हगि यावारा मंळसा आन जो जानुसालुन कि इफसिगिोळ नगर इन महान देवी अरतमिसि, मंदरि इन अदकि स्वरग टु बळिवाळा पवतिर कल्ल इन रकषा माळावळत उर. 36 इदुरसाटी जब कि ई मातगोळद खंडन अच आगसकाल, रा उचति आद कि नीव शांत ईरी अदकि बनिा सोचद समद येनु माळवाळी. 37 यतकिी नीव ई मंळसागोळी तंदीर जो ना मंदरि इन लुटसावाळेर आर ना नाम देवी इन अपमान माळावाळेर उर. 38 अगर देमेत्रियुस अदकि आऊन संगी कारीगरगोळी यारदारा से शकियत आद रा कचेरी खुला आद अदकि शासक भी आन; अल होगकु आंदुर आबुर दाबुर मा आरोप हचुल. 39 लेकीन अगर नीव यातोदारा दुसरा मात इन बारा दा येनारा केळोद चाहास्तीर, रा कानूनी सभा दा फैसला माळकु आदीत. 40 यतकिी ईद इन दंगा अन्द कारण नाम मा दोष हचचोद अंजुक आद, इदुरसाटी कि इदुर येनु कारण हॅलेच, अदकि नाव ई भीळ इन जमा आगोद येनु उत्तर कोळ सकालेव.” 41 ईद अनकु नगर इन लेखा जोखा कोळावाळा सभा अक सार माळदुन.

20

मकदिनयाि अदकि अखाया दा पौलुस

1 याग दंगा धामसेत रा पौलुस चेलागोळी कारसुसकु हमिमत वाळुसदुन, अदकि आंदुर से सार आगकु मकदिनयाि अन्द दी होटोदुन. 2 आ सप्पा प्रदेश दा टु आगकु अदकि चेलागोळी हापाळ उत्साहीत माळकु आव अखाया दा बंदुन. 3 याग मुर तगिळ ईतकु आव अल टु जहाज मा सीरयाि अन दी होगोन, रा यहूदी आऊक कोनली ताक दा हतकु ईरोर, इदुरसाटी आव ईद नशिचय माळदुन कि मकदिनयाि आगकु वापस आगेगुल. 4 बरिया अन्द पुररुस उन पार सोपत्रुस अदकि थसिसलुनीके अन्द अरसितरखुस अदकि सकिन्दुस, अदकि दरिबे अन्द गयुस, अदकि तीमुथयुस, अदकि आसयाि अन्द तुखकुस अदकि त्रुफमुस आसयाि ताका आऊन सांगुळ ईरोर. 5 आंदुर मुंद होटोदुर अदकि त्रोआस दा नाम हादी कायतेला ईत्तुर. 6 अदकि नाव अखमीरी रोट्टी इन हाब्व

खतम आगदुर बाददा फलिपिपी टु जहाज देल होटकु अईद दनि इन बाददा त्रोआस दा बंदकु आंदुर से मुलाकात माळदेव, अदकि ऊंद हप्ता अल्या ईत्तेव.

पौलुस उन त्रोआस दा आखरी मुलाकात

7 बाक नाव शण्यार इन द्यावगा याग ऊमोर साटी आपस दा जमा आदेव, रा पौलुस आंदुर से मातचीत हेळली कुरतुन, आऊक दुसरा दशी इच होगोद ईरोद, इदुरसाटी आव आर्धा ईळलक ताका मातगोळी हेळतेला ईत्तुन. 8 या म्याकुच इन कमरा दा नाव जमा ईरेव, अदुर दा हापाळ दगिया होत्तव. 9 अदकि यूतुखुस हेसुर इन ऊंद हारोदव खळिकी मा कुरतकु भर जप्प देल डोलसोन. याग पौलुस हापाळ होत ताका मातगोळी हेळतेला ईत्तुन रा आव जप्प इन झ्वाका देल तसिरा मंजील मा टु ल्यालमा बदिदुन, अदकि याग आंदुर आऊक नेगदुर रा आव सोतोगीदुन. 10 लेकीन पौलुस ल्यालमा ईळदुन अदकि आऊन से लपटुसेदुन, अदकि कुतक्या हतकु अंदुन, “घबरूसबाळी; यतकी आव जत्तिता आन.” 11 अदकि पौलुस म्याकुच होगकु ऊंडुन अदकि ईंट होत ताका आंदुर से मातगोळी हेळतेला ईत्तुन किव्हातुर आगेत. बाक आव होटोदुन. 12 अदकि आंदुर आ हारोदव पार उक जत्तिता तंदुर अदकि हापाळ शाती सकित.

त्रोआस टु मलितुस इक होगोद

13 नाव पयले अच जहाज मा कुरतकु अससुस इक ईद वचिर देल मुंद होदेव किल टु नाव पौलुस उक सांगुळ हुडुकोडेव, यतकी आव ईद इदुरसाटी ठहूसीदुन किल खुद अच पैदल बरोद चाहासोन. 14 याग पौलुस अससुस दा नामी सकिदुन रा नाव आऊक जहाज दा कुरसकु मत्तिलेने नगर दा वळेदेव. 15 अल टु जहाज दा कुरतकु नाव दुसरा दशी खयिस नगर इन मुंद पोहचुसदेव, अदकि दुसरा दशी सामुस नगर दा बंदेव; बाक अदुर दुसरा दशी नाव मलितुस नगर दा बंदेव. 16 यतकी पौलुस इफसिस उन हात्ती टु आगकु होगोद नश्चय माळीदुन किलयेल्यारा हगि आगवाळल किल आऊक आसया दा समय हतुन; यतकी आव जल्दी दा ईरोन किल अगर आग सकुल रा आव पनितेकुस्त हाव्व दशी यूरशलेम दा ईरूल.

पौलुस उन इफसिस उन स्याणागोळी आखरी भाषण

17 पौलुस मलितुस नगर टु इफसिस नगर दा बातणी कळुदुन, अदकि मंडली अनूद स्याणागोळी कारसुसदुन. 18 याग आंदुर आऊन हात्ती बंदुर, रा आव अंदुन: नीव जानसतीर किलपयला अच दशी टु याग ना आसया दा पहुचुसदीन, ना हर समय नीम सांगुळ याता प्रकार देल ईत्तीन. 19 मतलव बळा नम्रता देल, अदकि वरल वरलकु, अदकि आ परीक्षागोळ दा जो यहूदीगोळद साजीश इन कारण नान मा बंदकु बतित, ना प्रभु उन स्यावा माळतेला अच ईत्तीन; 20 अदकि जो जो मातगोळ नीम फायदा नव ईरेव, आंदरी हेळली अदकि लाँकुरद मुंद अदकि मानोन माननी कलसोर से यागलु हदि आगीदील, 21 उलटा यहूदीगोळ अदकि गैरयहूदीगोळद मुंद गवाही कोळत ईत्तुन किलपरमेश्वर उन दी मन तरिगुसोद अदकि नाम प्रभु यीशु मसीह मा वशिवास माळ पायजे. 22 ईग नोळी, ना पवतिर आत्मा अन आग्या अन अनुसार यूरशलेम इक होगतीन, अदकि जानसालीन किल अल नान मा येन येन बतिसीत; 23 ना रा बस ईंट चाहासतीन किल हर ऊंद नगर दा पवतिर आत्मा नानी चेतावनी कोळतद किलबंदीगूह अदकि मुशकलि घळीगोळ नान हादी कायताव. 24 लेकीन ना तान जीव इक येनु समसालीन, सरिफ ईंट चाहासतीन किल प्रभु यीशु उन कोळद क्यालसा अक पुरा माळाईन, जो क्यालसा आव नानी कोटान, अदकि अद क्यालसा ईद किल परमेश्वर उन अनुग्रह अनूद खुशखबरी इन घोषणा माळाईन.

25 ना परमेश्वर उन राज्य अन प्रकार नीम सप्पा मुंदुर दा माळत ओयाळदनि, अदकि ना जानसतीन किलनीम दा टु नानी यावारा भी यागलु नोळ सकतीदलि. 26 इदुरसाटी ना ईद इन दशी पुरा रीत अदकि सफाई देल नीम से अनतीन, किलनीम नाश इन जमिंदार ना आल्लच ना नरिदोष

आईन. 27 यतकी ना परमेश्वर उन पुरा योजना जो नीम साटी आव, पुरा रीतदिल हेळोर साटी हदि आगीदील. 28 तान अदकि तान लॉकुरद पुरा गुट इन देखभाल माळावाळेर बनसी यतकी पवतिर आत्मा आंदुर दा टु नीमी आंदुरद चंति माळावाळा माळयान, क नीव परमेश्वर उन मंडली अनद रखवाली माळी, यारी आव तान खुन देल कोंडीदुन. 29 ना जानसतीन क नान होगदुर बाददा भयंकर लांडग्यागोळ नीम लॉकुर न्याड्या होक्केव अदकि अव ई भोला भाला लॉकुर गुट इक वळितीदील. 30 हगि समय बंदीत क नीमद अच न्याड्या दा टु भी हगि-हगि लॉकुर येददार जो चेलागोळी तान हींद जेडुली उलटा संधि मातगोळी हेळ्यार. 31 इदुरसाटी सावधान ईरी, अदकि याद ईंटेतीर क नीम मुर वर्ष ताका ईळल हागुल वरल वरलकु हर ऊंद मळसा अक कलसीन.

32 अदकि ईग ना नीमी परमेश्वर उक, अदकि आऊन अनुग्रह अनद बातणी इन कय दा सोप्स बुळतीन; जो नीमी पवतिर माळ सकतान अदकि सप्पा लॉकुर दा सप्पा आशीष कोळ सकतान. 33 ना यारदार बेळली, व्हानना या कपळा अन लालच माळीदील. 34 नीव खुद अच जानसतीर क ईवा कयगोळ नान अदकि नान संगीगोळद जरवत पुरा माळदव. 35 ना नीमी सप्पा येनारा माळकु तोरसदीन क ईंद रीतदिल मेहनत माळतेला नरिबलगोळी संभालसोद अदकि प्रभु यीशु उन वचन याद ईटोद जरूरी आद, जो आव खुद अच अंददिन: ताकोमोर से कोळोद वळलीद आद.

36 ईंद अनकु पौलुस आंदुर सांगुळ ट्वांगरा टेक्सदुन परार्थना माळदुन. 37 आग आंदुर सप्पा मुंदुर हापाळ वरलदुर अदकि पौलुस उन कुतक्या हुडुकु आऊन चुम्मा ताकोमली कुरतुर अदकि सार माळदुर. 38 आंदुर खास माळकु ई मात देल शोक दा ईरोर जो आव अंददिन क नीव नान माररा बाक नोळतीदलि. आग आंदुर आऊक जहाज ताका पोहचुसदुर.

21

पौलुस उन यरूशलेम इक होगोद

1 याग नाव आंदुर से अलग आगकु जहाज खोलसदेव, रा सरका हादी देल कोस नगर दा बंदेव, अदकि दुसरा दशि रूदुस दा अदकि अल टु पतरा दा होदेव. 2 अल ऊंद जहाज फनीकी अक होगतेला सकित, अदकि नाव अदुर मा येरकु अदुर मा कुरतोदेव. 3 याग साइपरस काळसत, रा नाव अदरी डाक्या कय दी वट्टेव, अदकि सीरयिा अक नळुकु सूर दा ईळदेव; यतकी अल जहाज इन माल ईळसोद ईरोद. 4 अल नामी थवाळासा वशिवासीगोळ सकिदुर अदकि नाव अल येळ दनि ताका ईत्तेव. आंदुर आत्मा अनद सामर्थ्य अन दवारा पौलुस से अंदुर क यरूशलेम होगवाळेत. 5 बाक अल रूकसोद नाम समय पुरा आगेत, रा नाव आंदुर से वदि ताकोमकु अल टु सार आगेदेव; अदकि सप्पा मुंदुर आर्तेर अदकि चकिोर समेत नामी नगर इन व्हारया ताका पोहचुसदुर; अदकि नाव कनार मा ट्वांगरा टेक्सकु परार्थना माळदेव, 6 आग आवुर दावुर से वदि आगकु, नाव रा जहाज मा येरदेव अदकि आंदुर तान तान मान्नी वापस होटोदुर.

7 आग नाव सूर टु जलयात्रा पुरा माळकु पतुलमियसि दा पोहचुसदेव, अदकि वशिवासी वार्दुरी नमस्कार माळकु आंदुर सांगुळ ऊंद दनि ईत्तेव. 8 दुसरा दशि नाव अल टु नळुकु कैसरयिा दा बंदेव, अदकि फलिपिपुस खुशखबरी प्रचारक उन मान्या जो नविळुसद वशिष येळ सेवकगोळ दा टु ऊंद ईरोन; होगकु आऊन मान्या ईत्तेव. 9 आऊन नाक कुवारा पोरगोळ ईरोर, जो परमेश्वर उन दी टु बरावाळा बातणी कोळतोगोर. 10 ययाग नाव अल हापाळ दनि ईत कोंडेव, रा अगबुस हेसुर इन ऊंद भविष्यवक्ता यहूदयिा टु बंदुन. 11 आव नाम हात्ती बंदकु पौलुस उन पट्टा ताकोडुन, अदकि तान कय काल कटकु अंदुन, “पवतिर आत्मा ईंद अनतद क यिात मळसा अनद ईंद पट्टा हुन, आऊक यरूशलेम दा यहूदी ईंदा रीतदिल कट्यार, अदकि गैरयहूदीगोळ कय दा सोपस्यार.”

12 याग नाव ई मातगोळ केळदेव, रा नाव अदकि अलेर लॉकुर आऊन से वनिती माळदुर क यरूशलेम इक होगवाळुल. 13 लेकीन पौलुस उत्तर कोट्टुन, “नीव येन माळतीर, हगि वरल वरलकु

नान मन मूरतीर? ना रा प्रभु यीशु उन हेसुर इन साटी यरूशलेम दा सरिफ कटक आगोर साटी अच ईला उलटा सायोर साटी भी तयार आईन.”

14 याग आव मानसीदील रा नाव ईद अनकु चुप आगेदेव, “प्रभु उन इच्छा पुरा आगुल.”

15 अल काईक दिन ईततुर बाददा नाव तयारी माळदेव अदकि यरूशलेम इक होतोदेव. 16 कैसरया टु भी थवाळासा चेलागोळ नाम सांगुळ आगेदुर, अदकि नामी मनासोन हेसुर इन साइप्रस इन ऊंद हाळव चेला अन्द मान्या तंदुर, कानाव आऊन मान्या इत्तेव.

पौलुस उन याकूब उन से मुलाकात

17 याग नाव यरूशलेम दा पोहचुसदेव, रा वशिवासी वार्दुर बळा खुशी इन सांगुळ नाम स्वागत माळदुर. 18 दुसरा दशी पौलुस नामी हुळकु याकूब उन हात्ती होदुन, यल सप्पा स्याणा लॉकुर जमा ईरोर. 19 आग पौलुस आंदरी नमस्कार माळकु, जो जो क्याल्सा परमेश्वर आऊन सेवकाई इन द्वाारा गैरयहूदीगोळ दा माळीदुन, ऊंद ऊंद माळकु सप्पा हेळदुन. 20 आंदुर ईद केळकु परमेश्वर उन महामा माळदुर, बाक आऊन से अंदुर, “हे वार्द पौलुस, नी नोळत्या कियहूदीगोळ दा टु कई हजार लॉकुर वशिवास माळदुर; अदकि सप्पा व्यवस्था अन साटी धुन हचकु आर. 21 आंदरी नीन बारा दा कलसकु आग्याद कानि गैरयहूदीगोळ दा ईरावाळेर यहूदीगोळी मूसा अन व्यवस्था अक वटि बुळोद कलसत्या, अदकि अनत्या, काना तान चकोरद खतना माळसुसी अदकि ना रीतगोळ मा नळी. 22 रा बाक येन माळ पायजे? लॉकुर जरूर केळ्यार कानि बंद्या. 23 इदुरसाटी जो नाव नीन से अनतेव, अद माळ. नाम ईल नाक मळसा आर यार मननत वेळ्यार. 24 आंदरी हुळकु आंदुर सांगुळ तान तान इक शुद्ध माळ; अदकि आंदुर साटी खर्चा माळ कानि आंदुर मुंडन आगुल. आग सप्पा जान्स कोंडार कानि जो मातगोळ आंदरी नीन बारा दा हेळकु आग्याद, अऊरदा येनु सचचाई हैलेच लेकीन नी खुद भी मूसा अन व्यवस्था अक मानसकु अदुर अनुसार नळत्या. 25 अलेकीन आ गैरयहूदीगोळद बारा दा यार वशिवास माळ्यार, नाव ईद नरिणय माळकु आंदरी चट्टी लखिसकु कळुदेव कानि आंदरी येनारा इत्ता भोजन ईला तनि पायजे जो मूरतीगोळ मा बली येरसकु आग्याद, अदकि खुन देल अदकि कुतक्या वतत पशु उन मास देल, अदकि व्यभचार देल ऊळदकु ईरूल.”

26 ई प्रकार पौलुस आ मळसागोळी तान सांगुळ हुळदुन, अदकि दुसरा दशी आंदुर सांगुळ शुद्धीकरण इन रीत इन अनुसार तान तान इक शुद्ध माळदुन अदकि मंदिर दा होदुन यल आव घोषणा माळदुन, कानि शुद्धीकरण इन दिन याग पुरा आदव अदकि नाम दा टु हर ऊंद मळसा अन साटी चढावा याग येरसकु आदीत.

मंदिर दा पौलुस उक हुडकु आगोद

27 याग अव येळ दिन पुरा आगदुर मा ईरव, रा आसया अन यहूदीगोळ पौलुस उक मंदिर दा नोळकु सप्पा भीळ इक भळकुस बुदुर, अदकि पौलुस उक हुडकुंडुर, 28 आंदुर चळिलासकु अनली कुरतुर, “हे इस्त्राएलगोळा, सहायता माळी; ईव आवा मळसा हुन, जो इस्त्राएली लॉकुरद, अदकि मूसा अन व्यवस्था अन, अदकि ई मंदिर इन वरिध दा हर जागा सप्पा लॉकुरी कलसतान, ईल ताका कानि गैरयहूदीगोळी भी मंदिर दा तनकु आव ई पवतिर जागा अक अपवतिर माळयान.” 29 आंदुर हगि इदुरसाटी अंदुर, यतकी आंदुर इदुर से पयले इफसिसवासी तुरफमिस उक आऊन सांगुळ नगर दा नोळीदुर, अदकि समसीदुर कानि पौलुस आऊक मंदिर दा हुळकु बंदान.

30 आग सप्पा नगर भळकुसेत, अदकि लॉकुर ओळकु जमा आदुर अदकि पौलुस उक हुळकु मंदिर इन व्हांर्या जेडुकु तंदुर, अदकि तुरनत दरवाजा बंद माळकु आदव. 31 याग भीळ इन लॉकुर आऊक कोद बुळोद चाहासोर, रा रोमी तुकळी इन सेनानायक उक खबर सकित कानि पुरा यरूशलेम दा खलबली मचुसेग्याद. 32 आग आव तुरनत सैनिकगोळी अदकि सूबेदारगोळी हुळकु आंदुर हात्ती ल्यालमा ओळकु बंदुन; अदकि आंदुर पलटन इन सूबेदार उक अदकि सैनिकगोळी नोळकु पौलुस उक बडोद

बटि बुदुर. 33 आग रोमी सेनानायक पौलुस उन हात्ती बंदुन अदकि आऊक बंदी माळ कोडुन; अदकि आव आऊक येदूद शंकलीगोळ देल कटोद आग्या कोटकु केळदुन, “ईव याव हुन अदकि ईव येन माळयान?” 34 लेकीन भीळ दा टु यावारा येनारा रा यावारा येनारा चलिळासतेला ईततुर. याग आव दंगा इन कारण नश्चिति रूप देल सच्चाई जानुस सकदील, रा आऊक कलिा दा ओयोद आग्या कोटदुन. 35 याग आव सीळी मा पोहचुसदुन, रा हगि आत कि भीळ इन दबाव इन कारण सैनकिगोळी आऊक नेगुकु ओयोद बतित, 36 यतकी लॉकुरद भीळ ईद चलिळासतेला आऊन हदि बदिकु ईरोद, “आऊक कोद बुळी.”

पौलुस उन खुद इक ऊळसोद

37 याग सैनिक पौलुस उक कलिा दा ओयोर मा ईरोर, रा आव रोमी सेनानायक से अंदुन, “येन नानी आग्या आद कि ना नीन से येनारा अनाईन?”

आग सेनानायक आव अंदुन, “येन नी ग्रीक भाषा माताळत्या? 38 येन नी आव मसित्त्री मळसा रा आल्लच, याव थ्वाळासा समय पयले वदिरोह सूरु माळसुसदिन, अदकि जो ईल रेगसितान दा नाक हजार कटारबन्द आतंकवादीगोळद अगुवाई माळोन?”

39 आग पौलुस अंदुन, “ना रा तरसुस इन यहूदी मळसा हुईन! कलिकिया अनन्द प्रसदिध नगर इन नविसी हुईन. ना नीन से वनिती माळतीन कि नानी लॉकुर से मातगोळी हेळगोळ.”

40 याग आव आग्या कोटदुन, रा पौलुस सीळी मा नदुरकु लॉकुरी कय देल इशारा माळदुन. याग आंदुर चुप आगेदुर रा आव इव्रानी भाषा दा माताळली कुरतुन:

22

1 “हे वारदुरा अदकि आप्प उन घाई सज्जनगोळा, नान बचाव दा जो नानी माताळोद आद अदरी केळी, जो ना ईंग नीम मुंद प्रसतुत माळतीन.” 2 आंदुर ईद केळकु कि आव नाम से इव्रानी भाषा दा माताळतान, रा आंदुर मातुत यककुल चुप आगेदुर. आग आव अंदुन:

3 “ना रा ऊंद यहूदी मळसा हुईन, कलिकिया अन तरसुस दा पैदा आदीन; लेकीन ईदा यरूशलेम नगर दा गमलीएल इन कालगोळद हात्ती कुरतकु पुरवजगोळद नयिमगोळी कठनि नरदिशगोळी प्राप्त माळदीन, अदकि परमेश्वर उन साटी हगि धुन हचकु ईरीन, हयांग नीव सप्पा ईद हचकु आईर. 4 “ना मळसा अदकि आर्तेर येदूद मुंदरी केदी माळ माळकु बंदीगूह दा हाकदीन, ई हादी मा नळावाळेर इक ईल ताका सतुसदीन कि आंदरी कोनुसुस भी बुटीन. 5 ना सही माताळतीन ई मात इन साटी महायाजक अदकि सप्पा स्याणागोळ गवाह आर, ना दमशिक दा यहूदी वारदुरद हेसुर देल ईदुर से चिट्टी भी ताकोडीदनि, कि जो लॉकुर ई हादी मा नळुतार आंदरी बंदी माळकु यरूशलेम दा तराईन कि आंदरी ना दण्ड कोळसुस सकाईन.

पौलुस तान मन परविरतन इन बारा दा हेळतान

6 “याग ना यात्रा माळतेला दमशिक इन हात्ती पदुचुसदीन, रा हगि आत किलगभग मदणी इक अचानक ऊंद तेज उजुळ आकाश टु नान नाकु दी चमकुसुत. 7 अदकि ना जागा मा बदिदीन अदकि ईद आवाज केळदीन, हे शाऊल, हे शाऊल, नी नानी येती सतुसत्या?” 8 ना उत्तर कोटीन, ‘हे प्रभु, नी याव हुय?’ आव नान से अंदुन, ‘ना यीशु नासरी हुईन, यारी नी सतुसत्या.’ 9 नान संगीगोळ ज्योतीरा नोळदुर, लेकीन जो नान से माताळोन आऊन आवाज केळीदील. 10 आग ना अंदीन, ‘हे प्रभु, ना येन माळाईन?’ प्रभु नान से अंदुन, ‘यदकु दमशिक दा होग, अदकि जो येनारा नीन माळोर साटी ठहरूसकु आग्याद अल नीन से सप्पा हेळकु आगेदीत.’ 11 आ तेज ऊजुळ इन कारण ना कुदूद आगेगदीन, रा नान संगीगोळ नान कय हुडुकु दमशिक दा तंदुर.

12 “आग हनन्याह हेसुर इन व्यवस्था अन अनुसार नळावाळा ऊंद भक्त मळसा, जो अल ईरावाळेर सप्पा यहूदीगोळ दा सुनाम ईरोन, नान हात्ती बंदुन, 13 अदकि नदुरकु नान से अंदुन, हे

वार्ट शाऊल, बाक नोळली हत.' अदा घळी नान कण्णगोळ खुलसेदव अदकि ना आऊक नोळदीन. 14 आग आव अंदुन, 'नाम आप्प दादागोळ परमेश्वर नीनी इदुरसाटी ठहरूसेव कानि आऊन इच्छा अक जानस्या, अदकि आ न्यायी सेवक उक नोळ्या अदकि आऊन बाय देल मातगोळी केळ्या. 15 यतकी नी आऊन दी टु सपुपा मळसागोळद मुंद आ मातगोळद गवाह आदया जो नी नोळ्या अदकि केळ्या. 16 ईग येती देर माळत्या? येळ, बपतसिमा ताकोम, अदकि आऊन हेसुर ताकोमकु तान पापगोळी तोळद बुळ.'

पौलुस उन गैरयहूदीगोळ दा प्रचार इन बुलावा

17 'याग ना बाक यूरुश्लेम दा बंदकु मंदरि दा प्रार्थना माळीन, रा ऊंद दर्शन नोळदीन, 18 अदकि यदुर दा ना प्रभु उक नोळदीन कानि आव नान से अनतान, 'जल्दी माळकु यूरुश्लेम टु राटनेरी होटबुळ; यतकी आ लॉकुर नान बारा दा नीन गवाही मानसतीदील.' 19 ना अंदीन, 'हे प्रभु, अद रा नीव जानसतीर कानि ना नीन मा वशिवास माळावाळेरी बंदीगूह दा हाक तोगीन अदकि जागा जागा सभागूह दा बळसुस तोगीन. 20 *याग नीन गवाह स्तफिनुस उक कोन्सुसकु आत आग ना भी अल नदिरकु ईरीन अदकि ई मात दा सयमत ईरीन, अदकि आऊन कोन्नावाळेर्द कपळागोळ रखवाली माळ तोगीन.' 21 अदकि प्रभु नान से अंदुन, 'होटोग: यतकी ना नीनी गैरयहूदीगोळ हात्ती दुर दुर कळाईन.'

22 आंदुर ईद मात ताका पौलुस उन केळतेला ईत्तुर, आग ऊँचा आवाज दा चलिळासदुर, 'हगि मळसा अन अनत माळी, आऊन ई संसार दा जतिता ईरोद उचति हैलेच!' 23 याग आंदुर चलिळास तोगोर अदकि कपळा भीळतोगोर अदकि हवा दा धुळा हास तोगोर; 24 रा रोमी सेनानायक अंदुन, 'इऊक कलिा दा ओयी, अदकि क्वाळा बळकु जाँच माळी, कानि जानसाईन कानि यहूदी लॉकुर याता कारण आऊन वरिध दा हगि चलिळासेत्यार.' 25 याग आंदुर आऊक बडोर साटी कट्टुर रा पौलुस आ सूवेदार से अंदुन जो हात्ती नदिरकु ईरोन, 'येन ईद उचति आक कानि नीव ऊंद रोमी मळसा अक, अदकि आव भी बानि दोषी ठहरूस, क्वाळा बडी?'

26 सूवेदार ईद केळकु सेनानायक उन हात्ती होगकु अंदुन, 'नी ईद येन माळत्या? ईव रा रोमी मळसा हुन.'

27 आग रोमी सेनानायक आऊन हात्ती बंदकु अंदुन, 'नानी हेळ, येन नी रोमी मळसा हुय?' आव अंदुन, 'हव.'

28 ईद केळकु सेनानायक अंदुन, 'नानी रोमी नागरीक आगोद पद हापाळ पैस्या कोटकु सकियाद.' पौलुस अंदुन, ना रा जनम टु रोमी मळसा हुईन.

29 आग जो लॉकुर आऊक जाँच माळावाळेर ईरोर, आंदुर तुरन्त आऊन हात्ती टु हटसेदुर; अदकि रोमी सेनानायक भी ईद जानसकु कानि ईव रोमी हुन अदकि ना ईऊक कट्टीन, अंजेदुन.

महासभा अन मुंद पौलुस

30 दुसरा दशी रोमी सेनानायक ठीक ठीक जानसोद इच्छा देल कानि यहूदी आऊन मा येती दोष हचतार, आऊन बंधन खोल्स बुट्टुन; अदकि प्रधान याजकगोळ अदकि पुरा महासभा अक जमा आगोद आग्या कोट्टुन, अदकि पौलुस उक ल्यालमा ओतकु आंदुरद मुंद नदिरूस बुट्टुन.

23

1 पौलुस महासभा दी टकटकी हचकु नोळदुन अदकि अंदुन, 'हे इस्त्राएल इन वार्दुरा, ना ईद ताका परमेश्वर उन साटी बलिकुल वळ्लीद वविक देल जीवन बतिसीन.' 2 इदुर मा हनन्याह महायाजक आंदरी जो आऊन हाती नदिरकु ईरोर, आऊन बाय मा कयाबरा बडोद आग्या कोट्टुन. 3 *आग पौलुस आऊन से अंदुन, 'हे चुना हचद भीती, परमेश्वर नीनी बळदान. नी व्यवस्था अन

अनुसार नान न्याय माळली कुरत्या, अदकि नी खुद व्यवस्था अन वरिद्ध नानी बडोद आग्या कोळत्या?"

4 जो पौलुस उन हात्ती नदिरकु ईरोर आंदुर अंदुर, "येन नी परमेश्वर उन महायाजक उक बुरा भला अनत्या?"

5 पौलुस अंदुन, "हे नान इस्त्राएल इन वार्दुरा, ना ईला जानसीन कि ईव महायाजक हुन; यतकी शास्त्र दा लखिसकु आद: तान लांकुरद अधिकारी इक बुरा माताळबाळेत."

6 आग पौलुस ईद जानसकु कि ऊंद दल सद्कीगोळ अदकि दुसरा फरीसीगोळद हुन, सभा दा कारूकु अंदुन, "हे इस्त्राएल इन वार्दुरा, ना फरीसी अदकि फरीसीगोळद वंश इन हुईन, सोत्तुर आंदुर आशा अदकि पुनरूत्थान इन बारा दा नान मुकदमा आगेत्याद."

7 याग आव ईद मात अंदुन रा फरीसीगोळ अदकि सद्कीगोळ दा झगळा आगली कुरत; अदकि सभा दा फूट बदीत. 8 यतकी सद्की रा ईद अनतार, कि ना सोत्तुर दा टु जतिता आगोद आद, ना स्वर्गदूत अदकि ना आत्मा आद; लेकीन फरीसी ईव सपपा अक मानसतार. 9 आग बळा हल्ला मचुसत अदकि येनारा नयिम इन गुरुगोळ जो फरीसीगोळ दल इन ईरोर, यदकु नदिरदुर अदकि ईद अनकु झगळुसली कुरतुर, "नाव ई मंळसा दा येनु बुराई नोळालेव, अदकि अगर यातोदारा आत्मा या स्वर्गदूत आऊन से माताळ्यान रा बाक येन?"

10 याग हापाळ झगळा आत, रा पलटन इन सरदार ईद अंजक देल कि आंदुर पौलुस उन तुकळा तुकळा माळबाळुल, पलटन इक आग्या कोट्टुन कि ईळुकु आऊक आंदुर न्याड्या दा टु जबरदस्ती तेगुल, अदकि गढ दा ओयुल.

11 अदा ईळुलकी प्रभु आऊन हात्ती नदिरकु अंदुन, "हे पौलुस, हमिमत ईट; यतकी ह्यांग नी यूरूशलेम दा नान गवाही कोट्ट, हांग अच नीनी रोम दा भी गवाही कोळोद बदिदीत."

पौलुस उन हत्या अन साजीश

12 दुसरा दशी थ्वाळासा यहूदीगोळ मलिसकु साजीश रचदुर अदकि करिया तदिर कि यागासताका नाव पौलुस उक कोंद बुळालेव, आगासताका नाव येनारा तनिदेव या कुळदेव. 13 यार आपस दा ईद साजीश रचुसीदुर, आंदुर चालीस मुंदुर से यक्कुल ईरोर. 14 आंदुर प्रधान याजकगोळ अदकि स्याणागोळ हात्ती होगकु अंदुर, "नाव ईद ठान्स कोडेव कि यागासताका नाव पौलुस उक कोंद बुळालेव, आगासताका येनु तनितीदील अदकि कुडुतीदील. 15 इदुरसाटी ईंग महासभा समेत पलटन इन सरदार उक समझुसी कि आऊक नीम हात्ती त्रूल, मान्सी कि नीव आऊन बारा दा यक्कुल अच वळ्लीसा जाँच माळोद चाहासतीर; अदकि नाव आऊन पोहचुसोर से पयले अच आऊक कोन्नोर साटी तयार ईत्तेव."

16 पौलुस उन आकतींग इन पार केळदुन कि आंदुर आऊन घात दा आर, रा गढ दा होगकु पौलुस उक बातणी कोट्टुन. 17 पौलुस सूबेदारगोळ दा टु ऊंद मंळसा अक तान हात्ती कारूकु अंदुन, "ईव आऊन से येनारा अनोद चाहासतान." 18 इदुरसाटी आव आऊक पलटन इन सरदार उन हात्ती ओतकु अंदुन, "बंदी पौलुस नानी कारूकु वनिती माळदुन कि ईव जवान पलटन इन सरदार से येनारा अनोद चाहासतान; ईऊक आऊन हाती ओय."

19 पलटन इन सरदार आऊन कय हुडुकु अदकि अलग ओतकु केळदुन, "नी नान से येन अनोद चाहासत्या?"

20 आव अंदुन, "यहूदीगोळ साजीश रचुस्यार कि नीन से वनिती माळुल कि नाळ पौलुस उक महासभा दा त्रूल, आंदुर हगि दखिवा माळ्यार कि अदकि ठीक देल आऊंद जाँच माळोद चाहास्ता. 21 लेकीन आंदुरद मानसबाळेत, यतकी आंदुर दा टु चालीस से म्याकुच मंळसा आऊन घात दा आर, यार ठान्स कोडार कि यागासताका आंदुर पौलुस उक कोंद बुळालुर, आगासताका ना तदार अदकि ना कुळदार. अदकि ईंग आंदुर तयार आर अदकि नीन फैसला अन हादी कायेत्यार."

22 आग पलटन इन सरदार जवान उक ईद आग्या कोटकु सार माळदुन, “थारदु से अनबाळेत का नी नान ईक ई मातगोळ हेळ्या.”

पौलुस उक फेलकिस शासक उन हात्ती कळोद

23 आग आव येदूद सूबेदारगोळी तान हात्ती कारूकु अंदुन, “कैसरया होगोर साटी ईळ्लकी ऊम्बत मुरा ताका येदूद सौ सैनिक, सत्तर घोळसवार, अदक येदूद सौ भालावाळेर इक तयार ईटी.” 24 अदक पौलुस उन सवारी साटी घवाळागोळी तयार ईटी, का आऊक फेलकिस शासक उन हात्ती वळ्लीसा पोहचुस बुळुल. 25 आव ई प्रकार इन चट्टी भी लखिसदुन:

26 “महामहमि फेलकिस शासक उक क्लौदयिस लूसयािस उन नमस्कार. 27 ई मंळसा अक यहूदीगोळ हुडुक् कोंद बुळोद चाहासदुर, लेकीन याग ना जान्सदीन का रोमी हुन, रा पलटन हुळकु बळिसकु तंदीन. 28 ना जानसोद चाहासीन का आंदुर आऊन मा याता कारण दोष हचतार, इदुरसाटी आऊक आंदुरद सभा दा वोतीन. 29 आग ना जान्स कौडीन का आंदुर तान व्यवस्था अन ववािदगोळ बारा दा आऊन मा दोष हचतार, लेकीन कोंद बुळोद या शंकलीगोळ देल कटकु आगोद योग्य आऊन दा येनु दोष हैलेच. 30 याग नानी हेळकु आत का आंदुर ई मंळसा अन घात दा हतकु आर रा ना तुरन्त आऊक नीन हात्ती कळु बुटीन; अदक आऊन मा दोष हचावाळेर इक भी आग्या कोट्टीन का आंदुरद हचद दोष आव नीन मुंद ईटुल.”

31 इदुरसाटी हयांग सैनिकगोळी आग्या कोटकु आगीत, हांग अच आंदुर पौलुस उक हुळकु ईळ्लकी इन ईळ्लकी अन्तपितरसि उन हात्ती तंदुर. 32 दुसरा दशिी घवाळा अन सवारगोळी पौलुस उन सांगुळ मुंद होगोर साटी पैदल नळावाळेर सपिाहीगोळ बटि बुटुर अदक आंदुर वापस कलिा दा होट बंदुर. 33 आंदुर कैसरया पोहचुसकु शासक उक चट्टी कोट्टुर; अदक पौलुस उक भी आऊन मुंद नदिरूसदुर. 34 आव चट्टी वाचुसकु केळदुन, ईव याता द्याश इन हुन? अदक याग जान्स कोंडुन का कलिकिया अन हुन, 35 रा आव अंदुन, “याग नान दोष हचावाळेर बंदार, आग ना नीन केळाईन.” अदक आव आग्या कोट्टुन का आऊक हेरोदेस शासक उन कलिा दा सुरक्षा दा ईटकु आगुल.

24

पौलुस उन खलिाप कारवाई

1 अईद दिन इन बाददा हनन्याह महायाजक कई स्याणागोळ अदक तरितुल्लुस हेसुर इन वकील उक सांगुळ हुळकु बंदुन. आंदुर शासक फेलकिस उन मुंद पौलुस मा आरोप हचदुर. 2 याग पौलुस उक कारूकु आत रा तरितुल्लुस आऊन मा दोष हचकु अनली कुरतुन:

“हे महामहमि फेलकिस, नीन अगुवाई दा नाव हापाळ समय टु घोळद शांती इन सांगुळ ईरतेव, अदक नीन दुर दृष्टी देल द्याश दा हापाळ वळलेव सुधार आगयाव. 3 फेलकिस शासक उक नाव हर जागा अदक हर प्रकार देल इदुरद स्वागत माळतेव अदक नाव नीम प्रती हापाळ आभारी आयेव. 4 ना नीमद हापाळ यक्कुल समय ताकोमोद चाहासालीन, रा ना नीन से वनिती माळतीन कक्पया नीव थवाळासा दा नाम्द केळकोम. 5 यतकी नाव ई मंळसा अक उपदरवी अदक दुनयािा दा सप्या यहूदीगोळ दा फूट हाकावाळा, अदक नासरीगोळी समुह दा स्याणा मानसतेव. 6 आव मंदरिगोळी अपवतिर माळोद चाहासदुन, लेकीन नाव आऊक हुडुकोडेव. 7 लेकीन पलटन इन सरदार लूसयािस आऊक जबरदस्ती नाम कय दा टु कसु कोंडुन, 8 ई सप्या मातगोळी यदुरद बारा दा नाव आऊन दोष हचतेव, नी खुद अच आऊक जाँच माळकु जान्स कोंड्या.” 9 यहूदीगोळ भी इदुर दा शामिल आगकु हम्मिमत देल सांगुळ कोटकु अंदुर, का ई मातगोळ सप्या सही आव.

फेलकिस उन मुंद पौलुस उन बचाव

10 याग शासक पौलुस उक माताळोद इशारा माळदुन, रा आव उत्तर कोट्टुन:

“ना ईद जानसकु की नी हापाळ साल टु ई जाती इन न्याय माळेत्या, ईद जानसकु ना खुशी देल तान बचाव साटी थवाळासा मातगोळी माताळोद चाहासतीन. 11 नी खुद जानस सकत्या की यागी टु ना यरूशलेम दा आराधना माळली बंदीन, नानी हननेळ दनि से यक्कुल आगीदील. 12 यहूदीगोळ नानी ना रा यहूदी सभागूह दा अदकि ना रा नगर दा लॉकरू भीळ दा दंगा माळत नोळदुर. 13 अदकि ना रा आंदुर आ मातगोळी, यारद बारा दा नान मा दोष हचतार, नीन मुंद सच प्रमाणति माळ सकतार. 14 लेकीन ना नीन मुंद ईद मान्स कोमतीन कयाता हादी इक आंदुर खुवाटा अनतार, अदुरदा रीतमा ना तान आप्प दादागोळ परमेश्वर उन आराधना माळतीन. लेकीन ना ईद भी वशिवास माळतीन जो मातगोळ मूसा अन व्यवस्था अदकि भवषियवक्ता अन कतिबा दा लखिसकु आद. 15 अदकि परमेश्वर उन मा हांगा आशा ईटतीन ह्यांग आंदुर खुद भी ईटतार, की वळ्लेर अदकि बेकार येदुदु लॉकरुद भी पुनरूत्थान आदीत. 16 इदुर से ना खुद भी कोशशि माळतीन की परमेश्वर उन, अदकि मळसागोळ दी नान वविक हमेशा नरिदोष ईरूल.

17 * “हापाळ वर्ष इन बाददा ना तान गरीब लॉकुरी पैस्या कोळली, अदकि बलदिन येरसली बंददिन. 18 याग आंदुर नानी हासलि माळदुर आग ना शुद्धीकरण इन रीत इक पुरा माळीन अदकि ना नान हातती यातोदारा भीळ ईरोद अदकि ना यातोदारा अव्यवस्था फैलुसदिन. 19 लेकीन अल आसया क्षेत्र अन थवाळासा यहूदी भी ईरोर. आंदरी जरूरी ईरोद, की अगर नान वरिोध दा आंदुर हातती येनारा मात आद रा ईल नीन मुंद बंदकु नान मा दोष हचायदुर. 20 या ईद खुद अच हेळुल की याग ना महासभा अन मुंद नदिरकु ईरीन, रा आंदुर नान दा यातोद अपराध नोळदुर? 21 * सवाय ईदुरद की याग आंदुर न्याड्या दा ईरीन आग ना धोळ दण दा अंददिन ‘सोतुर दा टु जतिता आगोद बारा दा नान वशिवास इन कारण नान न्याय माळकु आगेत्याद.’”

22 फेलकिस, जो ई हादी इन बारा दा ठीक ठीक जानसोन, आंदरी ईद अनकु टालस वुदुन, “याग पलटन इन सरदार लूसयास बंदान, रा नीम मात इन नरिणय माळाईन.” 23 अदकि सुबदार उक आग्या कोट्टुन की पौलुस उक येनारा छुट कोटकु रखावली माळेत, अदकि आऊन संगीगोळ दा टु यारीकु भी आऊन स्यावा माळेर से रोक्सवाळेत.

फेलकिस अदकि दुरसल्लिा अन मुंद पौलुस

24 थवाळासा दनिगोळ बाददा फेलकिस तान हगिस दुरसल्लिा अक, जो यहूदीनी ईरोर, सांगुळ हुळकु बंदुन अदकि पौलुस उक कार्सुसकु आ वशिवास इन बारा दा जो मसीह यीशु मा आद, आऊन से केळदुन. 25 याग आव वळ्लेव मातगोळ, अदकि संयम, अदकि बरावाळा न्याय इन दनि इन चर्चा माळोन, रा फेलकिस अंजकु उत्तर कोट्टुन, “ईग नी होग; मवका नोळकु ना नीनी मात्त काराईन.” 26 आऊक पौलुस टु येनारा पैस्या सीकोव भी आशा ईरोद, इदुरसाटी घळी घळी कारूक आऊन से मातगोळ हेळेतोगोन.

27 लेकीन याग येदुदु वर्ष वीतसेदव रा पुरकयुस फेस्तुस, फेलकिस इन जागा मा वहासा शासक बनसकु बंदुन; अदकि फेलकिस यहूदीगोळी खुश माळोद इच्छा देल पौलुस उक बंदी इच बटिकु होदुन.

25

पौलुस उन रोमी साम्राज्य अक अपलि

1 फेस्तुस आ द्याश दा पोहचुसोद मुर दनि बाददा कैसरया टु यरूशलेम इक होदुन. 2 आग प्रधान याजकगोळ अदकि यहूदीगोळद प्रमुख लॉकरू आऊन मुंद पौलुस उन मा आरोप हचदुर; अदकि आऊन से वनिती माळदुर. 3 की आव पौलुस उक यरूशलेम दा कारसुल की आंदुर आऊक हादी मा अच कोदबुळुल. 4 फेस्तुस उत्तर कोट्टुन, “पौलुस कैसरया अन्द कैद दा आन, अदकि ना खुद राटनेरी अल होगाईन.” 5 बाक अंदुन, “नीम दा जो अधिकार ईटतार आंदुर नान सांगुळ

कैसरया नळ्ळ, अदकि अगर ई मंळसा येनारा अनुचति क्वाल्सा माळ्यान रा आऊन मा दोष ह्चुल.”

6 आंदुर न्याड्या येनारा येठ हत्त दनि ईतकु फेस्तुस कैसरया होटोदुन; अदकि दुसरा दशी न्याय आसन मा कुर्तकु पौलुस उक तरोद आग्या कोट्टुन. 7 याग पौलुस बंदुन रा जो यहूदी यूरूशलेम टु बंदीदुर, आंदुर आसपास नदिरकु आऊन मा हापाळ सा गंभीर आरोप ह्चदुर, यदरी आंदुर सावति ईला माळसकोर. 8 लेकीन पौलुस खुद इन बचाव दा उत्तर कोट्टुन, “ना रा ना यहूदीगोळ्द व्यवस्था अन अदकि ना मंदरि इन, अदकि ना रोमन शासक कैसर उन वरूद्ध येनारा पाप माळीन.”

9 आग फेस्तुस यहूदीगोळी खुश माळोद इच्छा देल पौलुस से अंदुन, “येन नी चाहासत्या कि यूरूशलेम इक होदया; अदकि अल नान मुंद नीन ईद मुकदमा तय माळकु आगुल?”

10 पौलुस अंदुन, “ना कैसर इन न्याय आसन इन मुंद नदिरकु आईन; नान मुकदमा अन्द ईल्या फैसला आग पायजे. ह्यांग नी वळ्लीद तरीका देल जानसत्या, यहूदीगोळ्द ना येनु अपराध माळीदील. 11 अगर ना अपराधी आईन अदकि कोंद बुळोद लायक येनारा क्वाल्सा माळीन, रा सायोर से मार्रा तरिगुसालीन लेकीन याता मातगोळ्द ईदुर नान मा दोष ह्चतार, अगर अऊर दा टु यातोदारा भी मात सही आगीदील, रा नानी याऊ आंदुर कय दा कोळ सकालुन. हगि ना कैसर उन से वनिती माळतीन.”

12 आग फेस्तुस सलाहकारगोळ से सलाह मसवरा माळकु उत्तर कोट्टुन, “नी कैसर उन से वनिती माळ्या, इदुरसाटी नीनी कैसर उन हात्ती इच ओतकु आदीत.”

राजा अग्रपिपा अदकि बरनकि अन मुंद पौलुस

13 येनारा दनि बतिसदुर बाददा अग्रपिपा राजा अदकि बरिनीके कैसरया दा बंदकु फेस्तुस से भेट माळदुर. 14 आंदुर हापाळ दनि अल ईत्तुर बाददा फेस्तुस पौलुस उन बारा दा राजा अक हेळदुन: “ऊंद मंळसा आन, यारी फेलकिस बंदीगृह दा बटिकु होटोग्यान. 15 याग ना यूरूशलेम होगीदीन, रा प्रधान याजक अदकि यहूदीगोळ्द स्याणागोळ आऊन मा आरोप ह्चदुर अदकि चाहासदुर कि ना आऊक दोषी सावति माळाईन. 16 लेकीन ना आंदरी उत्तर कोटीन कि रोमीगोळ्द ईद रीति हिलेच कियवारा मंळसा अक दण्ड इन साटी यारदारा कय दा कोट्ट बुळ्ळ, यागासताका आरोपी इक तान दोष ह्चावाळेर मुंद नदिरकु दोष इन उत्तर कोळोद मवका सकाल. 17 इदुरसाटी याग आंदुर नान सांगुळ ईल बंदुर, रा ना येनु देर माळीदील, लेकीन दुसरा अच दशी न्याय आसन मा कुर्तकु पौलुस उक तरोद आग्या कोटीन. 18 याग आऊन दोष ह्चावाळेर नदिरदुर, रा आंदुर हगि अनुचति मातगोळ्द दोष ह्चीदलि, ह्यांग ना समसीन. 19 लेकीन यहूदी रीति इन अनुसार अदकि यीशु हेसुर इनव यावारा मंळसा अन बारा दा, जो सोतोगदिन अदकि पौलुस आऊक जीवति हेळतोगोन, विवाद माळतोगोर. 20 ना उलझन दा ईरीन कि ई मातगोळ्द पता ह्यांग ह्चाईन? इदुरसाटी ना आऊन से केळदीन, येन नी यूरूशलेम होदया कि अल ई मातगोळ्द फैसला आगुल?” 21 लेकीन याग पौलुस वनिती माळदुन कि आऊंद मुकदमा अन फैसला कैसर उन अल आगुल, रा ना आग्या कोटीन कि यागासताका आऊक कैसर उन हात्ती कळालीन, आऊक कैद दा ईटकु आगुल.”

22 आग अग्रपिपा फेस्तुस से अंदुन, “ना भी आ मंळसा अन केळोद चाहासतीन.” आव अंदुन, “नी नाळ केळ कोड्या.”

23 इदुरसाटी दुसरा दशी याग अग्रपिपा अदकि बरिनीके वळा धूमधाम देल बंदुर अदकि पलटन इन सरदारगोळ अदकि नगर इन प्रमुख लॉकुरद सांगुळ दरबार दा पोहचुसदुर. आग फेस्तुस आग्या कोट्टुन कि आंदुर पौलुस उक तूरल. 24 फेस्तुस अंदुन, “हे राजा अग्रपिपा, अदकि हे सप्पा मंळसागोळा जो ईल नाम सांगुळ आईर, नीव ई मंळसा अक नोळतीर, यार्द बारा दा सप्पा यहूदीगोळ यूरूशलेम दा अदकि ईल भी चलिळास चळिलासकु नान से वनिती माळदुर कि ईऊंद जित्ता ईरोद उचति हिलेच. 25 लेकीन ना जान्स कोडीन कि आव हगि येनु माळीदील कि कोंदकु आगुल; अदकि जब कि आव खुद अच कैसर उन से नान न्याय आगुल हगि वनिती माळदुन, रा ना

आऊक रोम दाकळोद नरिणय माळदीन. ²⁶लेकीन ना आऊन बचाव इन बारा दा यातोदु नश्चिति मात नोळीदील कि कैसर उन हात्ती लखिसकु कळाईन. इदुरसाटी ना आऊक नीम मुंद अदकि खास माळकु हे राजा अग्रपिपा, नीन मुंद तंदीन कि जाँचसदुर बाददा नानी येनारा रा आऊन बारा दा लखिसली सकिल. ²⁷यतर्की बंदी इक कळोद अदकि जो दोष आऊन मा हचकु आग्याव, अवरी स्पष्ट रीता देल ईला हेळोद, नानी बेकार जान्सकु वळितद.”

26

पौलुस उन अग्रपिपा से खुद इन बचाव इन मातगोळ

1 अग्रपिपा पौलुस से अंदुन, “नीनी तान बारा दा माताळोद आग्या आद.” आग पौलुस कय वाळुसकु उत्तर कोळली कुरतुन:

2 “हे राजा अग्रपिपा, यास मातगोळद यहूदी नान मा दोष हचतार, ईद नीन मुंद आंदुरद उत्तर कोळोर दा ना तान इक धन्य समसतीन, ³खास माळकु इदुरसाटी की नी यहूदीगोळद सप्पा रीत र्वाजगोळी अदकि झगळागोळी जानसत्या. इदुरसाटी ना वनिती माळतीन, धीरज देल नांद केळ.”

4 “नान चाल चलन सूवात टु तान लॉकुर न्याइया अदकि यूरशलेम दा ह्यांग ईरोद, अद सप्पा यहूदी जानसतार. ⁵★आंदुर नानी हापाळ समय टु अरूतार अदकि अगर आंदुर चाहासतदार रा ई मात इन गवाही कोळ सकतार कि ना तान रीति इन सब से कट्टर फरीसी समुह अन ऊंद सदस्य अन रूप दा जीवन जीऊसीन. ⁶अदकि ईग आ वादा दा आशा अन कारण जो परमेश्वर नाम आपप दादागोळ से माळीदुन, नान मा मुकदमा नळेत्याद. ⁷अदा वादा अन पुरा आगोद आशा हचकु, नाम हननेळ गोत्र तान पुरा मन देल ईळलक-हागुल परमेश्वर उन स्यावा माळतेला बंदार. हे राजा, ईदा आशा अन बारा दा यहूदी नान मा दोष हचतार. ⁸याग कि परमेश्वर सोत्तुरी जतिता माळयान, रा नीम मान्या ईद मात येती वशिवास इन योग्य समसालुर?” ⁹★“ना भी खुद वचार माळ तोगीन कि यीशु नासरी इन हेसुर इन वरिध दा ना हापाळ येनारा माळाईन. ¹⁰अदकि ना यूरशलेम दा हगि अच माळदीन; अदकि प्रधान याजकगोळ से अधिकार ताकोमकु हापाळ सा पवतिर लॉकुरी बंदीगूह दा हाकदीन, अदकि याग आंदुर कोंदकु आगतोगोर रा ना भी आंदुरद वरिध दा तान सम्मती कोळतोगीन. ¹¹हर यहूदी सभागूह दा ना आंदरी हापाळ अनली सजा कोळसुसकु यीशु उन माकळोद वशिवास इक नकार माळली हेळ तोगीन, आंदुर प्रती नान सट्टि यक्कुल ईरोद कि आंदरी सतुसोर साटी ईल ताका कि ना वदिशी नगरगोळ दा भी होदीन.

पौलुस उन मन परविरतन इन वरणन

(प्रेरतिगोळ ९:१-१९; २२:६-१६)

12 “ईदा उद्देश इक हुडुका ना प्रधान याजकगोळ से अधिकार अदकि आग्या-चट्टी ताकोमकु दमशिक इक होगीन; ¹³रा हे राजा, हादी दा मदणी इन समय ना आकाश टु सुर्य अन तेज से भी वाळुसकु ऊंद ज्योर्त, तान अदकि तान सांगुळ नळावाळेद नाकु दी चमकुसतेला नोळदीन. ¹⁴याग नाव सप्पा जागा मा बदिदेव, रा ना इब्रानी भाषा दा, नान से ईद अनतेला ऊंद शब्द केळदीन, हे शाऊल, हे शाऊल, नी नानी येती सतुसत्या? नी हगि माळकु तान तान इक का दुख कोळेत्या ह्यांग वस्ता तान ल्यात तुतारी इन आरू मा होडेत्याद. ¹⁵ना अंदीन, हे प्रभु, नी याव हुय? प्रभु अंदुन, ना यीशु हुईन, यारी नी सतुसत्या. ¹⁶लेकीन नी येळ, तान कालगोळ मा नदुर; यतर्की ना नीनी इदुरसाटी दर्शन कोटीन कि नीनी आ मातगोळद भी सेवक गवाह ठहरसाईन, जो नी ईद नोळ्या, अदकि अदुर साटी भी जो ना नीनी भवषिय दा हेळाईन. ¹⁷अदकि ना नीनी नीन लॉकुर यहूदीगोळ से अदकि गैरयहूदीगोळ से बळिसाईन, यार हात्ती ना ईग नीनी कळाईन ¹⁸कि नी आंदुरद कण्णगोळी तेरद्या कि आंदुर अधिकार देल ज्योर्त दी, अदकि शैतान इन अधिकार देल

परमेश्वर उन दी तरिगुल; कर् आंदुरद वशिवास इन द्वारा जो नान मा आद आंदुर आंदुरद पापगोळ्द माफ अदकि परमेश्वर उन नविळुसद लॉकुर सांगुळ पवतिर स्थान हासलि माळ्यार."

पौलुस उन तान क्याल्सागोळ बारा दा हेळोद

19 "इदुरसाटी हे राजा अग्रपिपा, ना आ स्वर्गीय दर्शन इन आग्या टालसीदील, 20 लेकीन पयले दमर्शिक इन, बाक यरूशलेम इन, अदकि आग यहूदिया अन सप्पा द्याश इन ईरावाळे इक, अदकि गैरयहूदीगोळी समझुसतेला ईत्तीन, कर् पापगोळ से पश्चाताप माळी अदकि परमेश्वर उन दी तरिगुकु मन तरिगुसोद लायक क्याल्सा माळी. 21 ई मातगोळ्द कारण यहूदी नानी मंदरि दा हुडुकु कैद दा हाकदुर अदकि कोद बुळोद कोशशि माळतोगोर. 22 लेकीन परमेश्वर उन सहायता देल ना ईद ताका बनसकु आईन अदकि स्याणेर थोड्डेर सप्पा मुंदुर मुद ईल नदिरकु गवाही कोळतीन, अदकि आ मातगोळी बटिकु येनु अनालीन जो भवषियवकतागोळ अदकि मूसा भी अंदुन कर् आगावाळा आद, 23 कर् मसीह अक दुख नेगोद वदिदीत, अदकि आवा सब से पयले सोत्तुर दा टु जत्तिता आगकु, नाम यहूदी लॉकुर दा अदकि गैरयहूदीगोळ दा मुक्ती इन ऊजुळ इन बातणी कोट्टान."

24 याग पौलुस तान बचाव दा ई मातगोळी माताळोन, रा फेस्तुस थोळ्द शब्द देल चळिलासकु अंदुन, "हे पौलुस, नी यरर आय. हापाळ अक्कल नीनी यरर माळबुटाद."

25 लेकीन पौलुस अंदुन, "हे ग्यानी फेस्तुस, ना यरर हैलेच, लेकीन सही अदकि समसावाळा मातगोळी अनतीन. 26 खुद राजा अग्रपिपा भी ई मातगोळी जानसतान अदकि ना पुरा हमिमत इन सांगुळ ई मातगोळ आऊन से हेळेतीन यतकी ना पक्का जानसतीन कर् ईऊर दा टु यातोदु मात आंदरी पता हैलेच हगि हैलेच ना हगि इदुरसाटी अनेतीन कर् ईव मात यातोदारा क्वाना दा होचकोमकु आगीदील. 27 हे राजा अग्रपिपा, येन नी भवषियवकतागोळ्द वशिवास माळत्या? हव, ना जानसतीन कर् नी वशिवास माळत्या."

28 आग अग्रपिपा पौलुस से अंदुन, "येन नी ईद वचारि माळत्या कर् ईट सरलता देल अदकि कम समय दा नी नानी मसीह माळ सकत्या?"

29 पौलुस उत्तर कोट्टुन, थवाळा समय दा अन या यक्कुल समय दा, "परमेश्वर से नान प्रार्थना आद कर् ना सर्फि नी हांगा आगेग ह्यांग ना आईन लेकीन सवािय ई शकलीगोळ्द."

30 आग राजा, शासक, बरिनीके अदकि आंदुर सांगुळ कुरावाळेर नदिरदुर; 31 अदकि ब्यारर होगकु आपस दा अनली कुरतुर, "ईव मळसा हगि रा येनु माळालुन, जो मृत्यु दण्ड या बंदीगूह दा हाक्कु आगोद लायक ईरूल." 32 अग्रपिपा फेस्तुस से अंदुन, "अगर ईव मळसा कैसर उक न्याय ईला वेळायदुन, रा बळि सकोन."

27

पौलुस उन रोम दा कळुकु आगोद

1 याग ईद तय आगेत कर् नाव जहाज द्वारा इटली होदेव, रा आंदुर पौलुस अदकि थवाळासा दुसरा बंदीगोळी भी यूलियुस हेसुर ईनव औगुस्तुस उन पलटन इन ऊंद सुवेदार उन कय दा कोट्ट बुदुर. 2 याग ना आसयाि क्शेतर अन कनारा मा जो ऊंद बंदरगाह ईरोद अल टु होगावाळेर अद्रमुत्तयिमु हेसुर इन नगर इन ऊंद जहाज मा कुरतकु होट्टुर आग मकदिनुयाि अन थसिसलुनीके नगर इन ऊंद अरसितरखुस हेसुर इन मळसा नाम सांगुळ ईरोन. 3 दुसरा दनि नाव सैदा नगर दा जहाज टु ईळदेव, अदकि यूलियुस पौलुस मा कृपा माळुकु आऊक संगीगोळ अल होग गोट्टुन कर् आऊक जो वस्तुगोळ हततावा अदुरद पुरती माळ सकुल. 4 अल टु नाव समुद्र अन हादी देल होट्टेव हवा नाम वरिद्ध दशिा दा ईरोद ई कारण नाव साइप्रस टापू उन बाजु दा टु आगकु होदेव; 5 अदकि कलिकिया अदकि पंफूलिया नगर इन हात्तीगोळ्द समुद्र दा टु आगत् लूसयाि अन्द

मूरा नगर दा ईळदेव. ⁶ अल सेनानायक उक सकिन्दरया अनूद ऊंद जहाज इटली होगतेला सकित, अदकि आव नामी अदुर मा येर्स बुट्टुन.

⁷ याग नाव हापाळ दनि ताका धीरू-धीरू नळुतेला कठनिई देल कनदिस नगर इन मुंद पोहचुसदेव, रा इदुरसाटी कं हवा नामी मुंद वाळुस ईला गोळोद, नाव सलमोने नगर इन मुंदु टु आगतु करेते टापू उन आडुड आगतेला नळदेव. ⁸ अदकि अदुर कनिरा-कनिरा कठनिई देल नळुकु सुरक्षित बंदरगाह हेसुर इन ऊंद जागा दा पोहचुसदेव, यल टु लूसिया नगर हात्ती ईरोद.

⁹ याग नाव हापाळ समय अल बीतुसदेव अदकि जहाज इक मुंद वाळुसोर साटी इदुरसाटी तकलीफ आगोद यतकी उपास इन दनि ईग खतम आगोगीदव. इदुरसाटी पौलुस आंदरी ईद अंदकु समजुसदुन, ¹⁰ "हे लांकुरा, नानी हगि हतेत्याद कं ईद समुद्र यात्रा हापाळ खतरनाक आदीत, ना सरिफ माल मत्ता अदकि जहाज इन साटी अच उलटा नाम जीवन इन साटी भी." ¹¹ लेकीन सुवेदार पौलुस उन मातगोळ से यक्कल जहाज नळसावाळा अदकि जहाज इन मालकि इन मातगोळी वाळुसकु मानुसदुन. ¹² ईद बंदरगाह सोळ इन समय कडोद साटी वळुलीद ईला ईरोद, इदुरसाटी हापाळ मुंदुद आग सकुल रा फीनकिस पोहचुसोद कोशशि माळोद अच टानुसदुर अदकि सोळ इन समय अल्या कडोद नशिचय माळदुर. ईद रा करेते अनूद ऊंद बंदरगाह आद जो दक्षणि-पश्चमि अदकि उत्तर पश्चमि येदुदु दशिा अन दी खुलसतद.

समुद्र दा तुफान

¹³ याग थ्वाळा-थ्वाळा दक्षणि टु हवा बरली हत, रा ईद समसकु कं नाम योजना पुरा माळ सकुकेव, लंगर नेगदेव अदकि करेते अन कनिरा टु नळुतेला जहाज इक मुंद वाळुसली हतदेव. ¹⁴ लेकीन घळी तमिरु दा जमीन दी टु ऊंद धोळद तुफान येळत, यदरी उत्तर पूव तुफान अंदकु आगतद. ¹⁵ याग तुफान जहाज से टकरूसत रा आ जहाज अदुर कारण मुंद ईला वाळुस सकोद, अदकि नाव कोशशि माळोद वटि बुटेव अदकि जहाज इक हवा सांगुळ यात होगोद आत होग गोट्टेव. ¹⁶ आग कौदा हेसुर इन ऊंद स्याळदतुसा टापू उन आळ दा वाहुसत-वाहुसत नाव कठनिई देल जहाज इक वश दा माळदेव. ¹⁷ बाक जहाज नळसावाळेर अदरी नेगुकु अनक उपाय माळकु जहाज इक ल्यालमा टु कटदुर, अदकि सुरतसि इन चोरबालु मा टकिसोद अंजक देल पाल अदकि सामान ईळसकु जहाज इक नीर दा वाहुस गोट्टुर. ¹⁸ याग नाव तुफान देल हापाळ ऊफान अदकि धक्कागोळ तनिदेव, रा दुसरा दनि आंदुर जहाज इन माल भीळली हतदुर; ¹⁹ अदकि तसिरा दनि आंदुर तान कयगोळ देल जहाज इन साज-सामान भी भीट बुदुर. ²⁰ याग हापाळ दनिगोळ ताका ना सुर्य अदकि तारागोळ कांळसीदील अदकि धोळद तुफान नळुतेला ईतत, रा आखरी दा तान ऊळोद सप्पा आशा नाव वटि बुटेव.

²¹ याग आंदुर हापाळ दनिगोळ ताका उपासा ईतोदुर, रा पौलुस आंदुर न्याइया नदिरुकु अंदुन, "हे लांकुरा, अगर करेते टु रवाना ईला आगोद नान सलाह नीव मानुस कोमायदीर रा ई वनिाश अदकि नुकसान देल ऊळदोगायदीर. ²² लेकीन ईग ना नीम से वनिती माळतीन कं तान हम्मिमत कटकु ईटी, यतकी नीम दा टु यारदु जीव इन हानि आगतीदील, पर सरिफ ईद जहाज नषट आगोदीत. ²³ यतकी अंसी इन ईळलकी, याता परमेश्वर उन ना हुईन अदकि यारद ना आराधना माळतीन आऊन ऊंद स्वरगादूत नान हात्ती वंदुन, ²⁴ अदकि अंदुन 'हे पौलुस, अंजवाळ! नीनी कैसर उन मुंद नदिरोद जरूरी आद. नोळ, परमेश्वर सप्पा मुंदुरी जो नीन सांगुळ यात्रा माळेत्यार, आंदुर भी जीवन नीन सांगुळ आद.' ²⁵ इदुरसाटी, हे लांकुरा, हम्मिमत ईटी; यतकी ना परमेश्वर उन वशिवास माळतीन, कं ह्यांग आव नान से अंदान, हांग अच आदीत. ²⁶ लेकीन नामी यातोदारा टापू मा होगकु टकिसोद बदिदीत."

²⁷ याग चौदावा ईळलक बत्त, अदकि नाव भूमध्य समुद्र दा भटकुसतेला टेटाळेव, रा आर्था ईळलक इन हात्ती जहाज नळसावाळेर अनुमान हचकु जानुसदुर कं नाव यातोदारा जमीन इन हात्ती पोहचुसेतेव. ²⁸ नीर इन गहराई अन अंदाज ताकोडुर मा ऊंद सौ ईपपत फूट इन गहराई

ईरोद, अदकि थ्वाळा मुंद वाळुसकु बाक गहराई अन अंदाज ताकोडुर रा नवबे फूट गहराई ईरोद. 29 आग कल्ल इन जागागोळ देल टकूसोद अंजक देल आंदुर जहाज इन हदिळोद भाग दा नाक लंगर हाकदुर, अदकि व्हातुर आगोद प्रार्थना माळोर. 30 लेकीन याग जहाज नळसावाळेर जहाज मा टु ओळोद कोशशि माळोर, अदकि गली टु लंगर हाककोद बहाना देल जहाज समुद्र दा ईळस बुटुर; 31 लेकीन पौलुस सूवेदार अदकि सैनिकिगोळ से अंदुन, “अगर इंदुर जहाज मा ईतीदील, रा नीव भी ऊळु सकालीर.” 32 आग सैनिकिगोळ जाळी कडुकु जहाज समुद्र दा होगोदटुर.

33 याग व्हातुर आगदुर मा ईरोद, आग पौलुस ईद अनकु, सप्पा मुंदरी ऊममोर साटी वनिती माळदुन, “ईद चौदा दनि आदव क्नीव हादी काईत काईत उपास ईतीर, अदकि येनु तंददील. 34 ना इदुरसाटी नीमी तनिर साटी वनिती माळेतीन क्नीम जत्तिता ईरोरसाटी जरूरी आद; यतकी नीम दा टु यारदु तालला अनद ऊंद चुट्टी भी बळिवाळुल.” 35 ईद अनकु आव रोटी हडुकु सप्पा मुंदुर मुंद परमेश्वर उन धन्यवाद माळदुन अदकि मूरकु तनिली कुरतुन. 36 आग आंदुर सप्पा मुंदुर भी हमिमत कटकु ऊमली कुरतुर. 37 नाव सप्पा मल्लिसकु जहाज मा येद्व सौ छयात्तर मुंदुर ईरेव. 38 याग आंदुर ऊंडकु संतुषट आदुर, रा गोदी इक समुद्र दा भटिकु जहाज इक हलका माळली कुरतुर.

जहाज इन बरवादी

39 याग व्हातुर आत रा आंदुर आ द्याश इक अरतीदल, लेकीन ऊंद खाळी इन कनिरा काळसत, अदकि वचिरा माळदुर क्नी अगर आग सकुल रा इदुर मा जहाज इक टेकसेव. 40 आग आंदुर लंगरगोळी खोलसकु समुद्र दा बटि बुटुर अदकि अदा समय जाळीगोळद बंधन खोलस बुटुर, अदकि जहाज इन मुंद मुंदळोद पाल येरसकु कनिरा दी होटोदुर. 41 लेकीन येद्व समुद्र अन संगम इन जागा हडुकु आंदुर जहाज इक टेकसदुर, अदकि जहाज इन मुंदळोद हसिसा धक्का तनिकु नट्टोत अदकि आलगाळ सकदील; लेकीन हदिळोद लयरगोळद बल देल मूरली हत.

42 आग सैनिकिगोळ ईद वचिरा आत क्नी बंदीगोळी कोंद बुटेव, हगि आगबाळुल क्नी यावारा तैरसकु ओळेगुल. 43 लेकीन सूवेदार पौलुस उक सुरक्षति माळोद इच्छा देल आंदरी ईद वचिरा देल रोकसदुन अदकि उल्टा ईद आग्या कोट्टुन, क्नी जो तैरस सकतार, पयले हारकु कनिरा मा होट बुळुल; 44 अदकि बाकी यारारा पट्टीगोळ मा, अदकि यावारा जहाज इन मुरद तुकळा गोळद सहारा देल होट बुळुल. ईद रीतदिल सप्पा मुंदुर कनिरा मा सुरक्षति ऊळदकु होट्टुर.

28

माल्टा टापू दा पौलुस

1 याग नाव कनिरा मा सुरक्षति पोहचुसदेव, आग पता नळुत क्नी ईद टापू उक माल्टा अंदकु आगतद. 2 अलेर नवासीगोळ नाम मा अनोखा कृपा माळदुर; यतकी माळ बरोद कारण सोळ इन ईरोद, इदुरसाटी आंदुर बेक्की होत्ताकु नाम सप्पा मुंदुरद स्वागत माळदुर. 3 याग पौलुस वळगेव हळलीगोळद गट्टा सकलसकु बेक्की मा ईददुन, रा ऊंद हाव बेक्की इन आच देल होळत अदकि आऊन कय इक गुणसेत. 4 याग आ नवासीगोळ हाव इक आऊन कय इक गुंडसकु नोळदुर, रा आपस दा अंदुर, “सचमुच ईव मंळसा हत्यारा आन लेकीन ईऊन कसिमत वळलेव आव जो समुद्र दा ऊळदोदुन, तरी भी न्याय जीवति ईर गोटीदील.” 5 आग आव हाव इक बेक्की दा झटकुस बुटुन, अदकि पौलुस उक येनु हानि भी पोहचुसीदील. 6 लेकीन आंदुर हादी कायतोगोर क्नी आव वातोदान या एकाएक बदिक्को सोतोदान, लेकीन याग आंदुर हापाळ होत ताका नोळत ईत्तुर अदकि नोळकु आऊक असाधारण रूप दा भी येनु आगदील, रा तान वचिरा बदलुसकु अनली हतदुर, “ईव रा यावारा देवता हुन.”

7 आ जागा अन आसपास आ टापू उन प्रधान अधिकारी पुबल्युस उन जागा ईरोद. आव नामी तान मान्या ओतकु नाम स्वागत माळदुन मुर दनि संगीभाव देल पाऊनचार माळदुन. 8 पुबल्युस उन आप्प मय देल अदकि आव खुन देल रोगी बदिक्को ईरोन. इदुरसाटी पौलुस आऊन हात्ती मान्या

होगकु प्रारथना माळदुन अदकि आऊन मा कय ईटकू आऊक चंगा माळदुन. ⁹ याग हगि आत रा आ टापू उन बाकी बमिर बंदुर अदकि चंगा माळकु आदुर. ¹⁰ आंदुर नामद हर प्रकार देल आदर माळदुर, अदकि याग नाव होगली कुरतेव रा जो येनारा नाम साटी जरूरी ईरोद, जहाज मा ईट बुदुर.

माल्टा टापू टु रोम दी

¹¹ मुर तगिळ इन बाददा नाव सकिनदरिया अन्द ऊंद जहाज मा येरदेव, अदकि ई जहाज ईदा टापू दा सोळ इन दनिगोळ कारण ईल्या रूक्सकु ईरोद, आ जहाज इक जुळवा ईश्वर अंदकु आगोद. ¹² नाव सुरकूसा दा पोहचुसदेव अदकि मुर दनि ताका अल्या ईत्तेव. ¹³ अल टु नाव रवाना आगकु रेगयिम नगर दा बंदेव; अदकि दुसरा दशी दक्षिण टु हवा नळुत, अदकि नाव दुसरा दशी पुतयिली नगर दा बंदेव. ¹⁴ अल नामी वशिवासी वारटुर सकिदुर, अदकि आंदुर कहना देल नाव आंदुर अल येळ दनि ताका ईत्तेव; अदकि ई रीत देल नाव रोम इक होटोदेव. ¹⁵ याग रोम इन वशिवासी वारटुर इक नाम सूचना सकित रा अप्पयिस इन सात्ता अदकि मुर-सराए ताका नाम से मुलाकात माळली बंदुर, यारी नोळकु पौलुस परमेश्वर उन धन्यवाद माळदुन अदकि प्रोत्साहति आदुन.

रोम दा पौलुस

¹⁶ याग नाव रोम दा पोहचुसदेव, रा पौलुस उक ऊंद सैनिकि उन सांगुळ जो आऊन रखवाली माळतोगन, आवना ईरोद आगया सकिकेत.

¹⁷ मुर दनि इन बाददा आव यहूदीगोळद प्रमुख लॉकुरी कारदुन, अदकि याग आंदुर जमा आदुर रा आंदुर से अंदुन, “हे वारटुरा, ना तान लॉकुरद या आप्प दादागोळ व्यवहारगोळद वरिध दा येनु अच माळीदील, तरी नानी बंदी माळकु यरूशलेम टु रोमीगोळद कय दा कोटकु आत. ¹⁸ आंदुर नान जाँच माळदुर अदकि नानी बटि बुळोद चाहासदुर, यतकी नान दा मृत्यु उन योग्य येनु दोष ईला ईरोद. ¹⁹ लेकीन याग यहूदी ईदुरद वरिध दा माताळली कुरतुर, रा नानी कैसर से न्याय बेळोद प्रार्थना माळोद बतित: इदुरसाटी ईला कानानी तान लॉकुर मा येनारा दोष हचोद ईरोद. ²⁰ इदुरसाटी ना नीमी कारदनि कानिम से मलिसाईन अदकि मातचीत हेळाईन; यतकी आ मळसा अन साटी ना ई शंकली देल जकळुसकु आईन यार्द इस्त्राएल इन लॉकुर आशा माळतोगोर.”

²¹ आंदुर आऊन से अंदुर, “ना नामी नीन बारा दा यहूदीगोळ से चट्टी गोळ सकिदव, अदकि ना वारटुर दा टु यावारा बंदकु नीन बारा दा येनारा हेळदुर अदकि ना बुरा अंदुर. ²² लेकीन नीन वचार येन आद? अदा नाव नीन से केळोद चाहासतेव, यतकी नाव जान्सतेव कानि याता समुह टु बरत्या अद समुह अन वरिध सप्पा दी लॉकुर माळतार.”

²³ आग आंदुर आऊन साटी ऊंद दनि ठहूसदुर, अदकि हापाळ सा लॉकुर जमा आदुर, अदकि आव परमेश्वर उन राज्य अन गवाही कोळतेला, अदकि मूसा अन व्यवसाध अदकि भवषियवक्तागोळद कतिबगोळ देल यीशु उन बारा दा समझूस समझूसकु वहातर्या टु द्यावगा ताका वर्णन माळतेला ईत्तुन. ²⁴ आग थवाळासा लॉकुर आ मातगोळी मानस कौडुर, अदकि थवाळासा लॉकुर वशिवास माळीदील. ²⁵ बाक आंदुर आपस दा आवुर दाबुर देल असयमत आगतेला आंदुर अल टु हाग कुरतुर, आग पौलुस ईद ऊंद मात अंदुन अदकि यशायाह भवषियवक्ता अन द्वारा पवतिर आत्मा नीम आप्प दादागोळ से याट सही अदीत, ²⁶ यतकी आव अंदुन, होगकु ई लॉकुर से अन,

कानिब केळीर, लेकीन समसतदील,

अदकि नीव नोळतेला अच ईत्तीर, लेकीन नीमी काळसतदील;

²⁷ यतकी ई लॉकुरद मन कठोर अदकि आंदुर तान कवि बंद माळ बुदुर,

अदकि आंदुर कण्णगोळ बंद आगोग्याव,

हगि आगवाळुल कानि आंदुर यागलु कण्णगोळ देल नोळुल अदकि कविगोळ देल केळुल

अदकि मन देल समसुल अदकि नान दी तरिगुल,

अदकि ना आंदरी चंगा माळाईन.

28 अदकि पौलुस ई मात देल ईदुरद समापन माळदुन कऱि “नीमी जान्स कोम पायजे कऱि परमेश्वर उन ई उदधार इन बातणी गैरयहूदीगोळ हात्ती कळ्कु आगेग्याद, आंदुर ईदरी केळ्यार.” 29* याग आव ईद अंदुन रा यहूदी आपस दा हापाळ झगळा माळली कुरतुर अदकि अल टु होटोदुर.

30 पौलुस पुरा येदूढ वर्ष तान करिया अन मान्या ईत्तुन, अदकि जो आऊन हात्ती आऊन से मुलाकात माळली वरतोगोर, आ सप्पा मुंदुरद स्वागत माळत ईत्तुन. 31 अदकि पुरा स्वतंत्रता अदकि हम्मत इन सांगुळ परमेश्वर उन राज्य अन्द प्रचार माळोन अदकि प्रभु यीशु मसीह अन वारा दा कल्सतेला ईत्तुन.

* 28:29 २८:२९ येनारा हस्तलेख दा ईद वचन सकाल्द

रोमियों के नाम पौलुस प्रेरति की पत्नी रोमियों अन्द हेसुर पौलुस प्रेरति उन चट्टी परचिय

रोमियों अन्द कतिब आग सकतद प्रेरति पौलुस ५४-५८ वर्षगोळ बीच दा यीशु मसीह अन्द जनम इन बाददा लखिसकु आगीत. पौलुस ईगासताका रोमियोंगोळद दवरा ईला ताकोडीदुन, इदुरसाटी आंदुर ईद चट्टी रोम दा ईसाईगोळी नरिदेश कोळोर साटी कळुदुर, येदुदु यहूदी अदकि गैरयहूदी. आंदुर कूरन्थियों शयर टु चट्टी लखिसीदुर, येल आंदुर आ समय ईरतोगोर. पौलुस लखिसदुन क सप्पा राष्ट्र यीशु मसीह १६:२६ मा वशिवास अदकि पालन माळ सकुल.

रोमियोंगोळद कतिब हर जागी अदकि हर समय ईसाईगोळ साटी ऊंद खास कतिब आद यतकी पौलुस आसान रूप देल अदकि वळलीद तरीका देल समझुसतान क नाव यीशु मसीह अन्द उद्धार इन बारा दा हेळ सकतार. पौलुस यीशु मसीह अन्द खुशखबरी इक हाळोद नयिम देल भी जोळसदुन. हापाळ ग्यानी लॉकुरद तर्क आद क कतिब दा सब से खास कवति १:१६ आद जो अनतद, "नानी खुशखबरी देल येनु शरम हेलेच, यतकी ईद सप्पा मुंदुर उद्धार इन साटी परमेश्वर उन ताकत हुन, पयले यहूदीगोळ साटी बाक गैरयहूदीगोळ साटी जो हगि मानसतार." रोमियोंगोळद पयला भाग रोमियों १-१२ गयरा न्यायशास्त्र आद अदकि दुसरा भाग १३-१५ दा ईसाई जीवन इन साटी हापाळ व्यावहारिक नरिदेश आव.

रूप-रेखा

१. पौलुस साधारण रूप देल तान पयचान कोळतेला तान चट्टी अन्द सूरवात माळतान अदकि अनतान क आव यारी लखिसेत्यान १:१-१५
२. इदुर बाददा आव यीशु मसीह अन्द जरीया देल मळसा जाती अन्द स्थिति अदकि संभावति उद्धार इन बारा दा लखिसतान १:१६-११:३६
३. इदुर बाददा पौलुस ईसाई जीवन जीऊसोर साटी हापाळ व्यावहारिक नरिदेश कोळतान १२:१-१५:१३
४. आव रोम इन अध्याय १६ दा मंडली अन्द लॉकुरी हापाळ शुभकामना कोटक रोमियों अन्द कतिब इक खतम माळतान.

१ पौलुस उन दी टु जो यीशु मसीह अन दास आन, अदकि यारी परमेश्वर प्रेरति आगोर साटी कारसयान, अदकि परमेश्वर उन आ खुशखबरी इन प्रचार इन साटी अलग माळकु आत. २ यारी पयले अच संदेश कोळावाळेरद द्वारा प्रतगिया माळकु आत, हयांग पवतिरशास्त्र दा लखिसकु आग्याद. ३ अद आऊन पार उन बारा दा हुन; आव मय इन भाव देल रा दाऊद उन वंश देल पैदा आदुन. ४ अदकि पवतिरता अन आत्मा अन भाव देल सोत्तुर दा टु जित्ता आगोद कारण सामर्थ्य अन सांगूळ परमेश्वर उन पार ठहरसकु आदुन; आव यीशु मसीह नाम प्रभु हुन. ५ आऊदा द्वारा परमेश्वर नामी अनुग्रह कोट्टुन क प्रेरतिई सकिल, ताकी सप्पा गैरयहूदी लॉकुर आऊन हेसुर मा वशिवास माळुल अदकि आग्या अन पालन माळुल. ६ इदुर दा नीव भी शामलि आईर जो रोम दा ईरतीर, यारी परमेश्वर यीशु मसीह नोर आगोर साटी कारसयान. ७ आ सप्पा मुंदुर हेसुर ना लखिसतीन जो रोम दा परमेश्वर उन प्रथि आर, अदकि आंदरी परमेश्वर तान लॉकुर आगोर साटी कारसयान. नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

८ पयले ना नीम सप्पा मुंदुर साटी यीशु मसीह अन द्वारा तान परमेश्वर उन धन्यवाद माळतीन, यतकी नीम वशिवास इन बारा दा पुरा दुनिया दा चर्चा आगेत्याद. ९ परमेश्वर यार्द स्यावा ना

तान आत्मा देल आऊन पार उन खुशखबरी इन बारा दा माळतीन, आवा नान गवाह आन का ना नीमी याता प्रकार लगातार याद माळत ईरतीन, ¹⁰ अदकि लगातार तान प्रार्थनागोळ दा ना हमेशा अच वनिती माळतीन का यातोदारा रीत देल ईग नीम हाती बरोद नान यात्रा परमेश्वर उन इच्छा देल सफल आगुल. ¹¹ यतकी ना नीम से मल्लिसोद इच्छा हापाळ ईटतीन का नीम सांगुळ आत्मकि आशीषगोळ वाट्स सकाईन यदुर देल नीमी सामर्थ्य सकिल; ¹² मतलब ईद का याग ना नीम बीच दा आगाईन, रा नामी आ वशिवास इन द्वारा जो नान दा अदकि नीम दा आद, आवुर दाबुर से प्रोत्साहन सकिल. ¹³ *हे वारटुरा अदकि आकर्तीगेरा, ना घळी घळी नीम हाती बरोद चाहासदीन, का ह्यांग नानी गैरयहूदीगोळ दा व्हासा वशिवासीगोळद काय सकित, हांग अच नीम दा भी सकिल, लेकीन ईगासताका रूकावटगोळ बंदव. ¹⁴ ना सप्पा लॉकुरद कर्जदार आईन यूनानीगोळद अदकि गैर यूनानीगोळद, कलतकु अदकि अशक्तिगोळद. ¹⁵ इदुरसाटी ना नीमी भी जो रोम नगर दा ईरतीर, खुशखबरी केळसोर साटी हापाळ उत्साहीत आईन.

खुशखबरी इन सामर्थ्य

¹⁶ *यतकी ना खुशखबरी देल नाचालीन, इदुरसाटी का अद हर ऊंद वशिवास माळावाळा अन साटी, पयले रा यहूदी बाक गैरयहूदी, यतकी ईद उद्धार तरावाळा परमेश्वर उन सामर्थ्य हुन. ¹⁷ यतकी खुशखबरी ईद प्रगट माळतद का परमेश्वर मंळसागोळी तान प्रती सही ह्यांग माळतान ईद सूवात टु आखरी ताका वशिवास इन द्वारा अच आद. ह्यांग का शास्त्र दा लखिसकु आद, “जो मंळसा परमेश्वर उन सांगुळ न्यायी आन आव वशिवास इन द्वारा जतिता ईततान.”

मंळसा जाती इन पाप

¹⁸ परमेश्वर उन सट्टि रा आ लॉकुरद पाप अदकि बुराई मा स्वर्ग टु प्रगट आगतद, जो सत्य अक बुराई देल वोतकु ईततार. ¹⁹ इदुरसाटी का परमेश्वर उन ग्यान आंदुरद मनगोळ दा प्रगट आद, यतकी परमेश्वर आंदुर मा प्रगट माळयान. ²⁰ यागी टु परमेश्वर दुनिया अनूद रचना माळदुन आगी टु आऊन अदृश्य वशिषतागोळ, मतलब अननूत ताकत अदकि आऊन दैवकि स्वभाव आ वसतुगोळ दा जो परमेश्वर रचयान पुरा रीत देल साफ काळसकु बळितद. इदुरसाटी आ लॉकुर हाती येनु बहाना हऐलेच. ²¹ *यतकी आंदुर परमेश्वर उक अरूतार लेकीन जो आऊन सममान आद अद आऊक कोळालुर अदकि ना धन्यवाद माळतार. लेकीन आऊन जागा आंदुर वचिर पुरा रीत देल नरिस्थक आग्याव अदकि आंदुरव खाली दमिाक अंधार देल तुममेग्याव. ²² आंदुर तान तान इक बुद्धमिान समसतार लेकीन मूरख आर, ²³ अदकि अवनिशी परमेश्वर उन महमिा अक नाशवान मंळसागोळ, पक्षीगोळ, नाक कालवाळा जनावरगोळ, अदकि रेंगसावाळा कळिागोळ मूर्ति इन समानता दा आंदुर बदलुस बुटुर. ²⁴ ई कारण परमेश्वर आंदरी आंदुर मन इन अभलिाषागोळ अनुसार अशुधदता अन साटी बट्टि बुटुन का आंदुर आपस दा तान शरीर इन अनादर माळल. ²⁵ यतकी आंदुर परमेश्वर उन सचचाई अक बदलुसकु खवाटा माळ बुटुर, अदकि परमेश्वर उन बदला दुनिया अन उपासना अदकि स्यावा माळदुर यदरी आव घळुसयान, ना का आ माळावाळा अनूद जो हमेशा धन्य आन! आमीन. ²⁶ इदुरसाटी परमेश्वर आंदरी नीच वासनागोळ कय दा सोपस बुट्टुन; ईल ताका का आंदुर आरतेर स्वाभाविक यौन संबंधगोळ बदला अस्वभाविक यौन संबंध ईटली कुरतुर. ²⁷ हांग अच गंळसुर भी आरतेर सांगुळ स्वाभाविक व्यवहार बटिकु आपस दा कामातुर आगकु होतली हतदुर, अदकि गंळसुर दुसरा गंळसुर सांगुळ नरिलज क्याल्सा माळकु तान गलत कर्मगोळद सजा ताकोडुर. ²⁸ याग आंदुर परमेश्वर उक अरोद चाहासीदील, रा परमेश्वर भी आंदरी आंदुरद भ्रष्ट मन मा बटि बुट्टुन का आंदुर अनुचति क्याल्सा माळली हतुल जो ईला माळ पाहीजे होता. ²⁹ इदुरसाटी आंदुर सप्पा प्रकार इन अन्याय, दुष्टता, लोभ, अदकि अनैतिकता देल तुममेग्यार; अदकि आंदुर जलन, हत्या, अदकि झगळा, छल कपट, अदकि

* 1:13 १:१३ प्रेरितगोळ १:१:२१

* 1:16 १:१६ मारकुस ८:३८

* 1:21 १:२१ इफसिगोळ ४:१७,१८

बुराईगोळ देल तुम्हेंदुर, अदकि चुगलीखोर आगोदुर, ³⁰ अदकि आवुर दाबुर बुराई माळावाळेर, परमेश्वर उन अपमान माळावाळेर, अदकि अय्यासी माळावाळेर, घमण्डी अदकि अहंकारी, अदकि बुराई माळोर साटी अनेक हादी हुंढसावाळेर, अदकि मोय आपुपुद आग्या ईला मानसावाळेर बनसतार, ³¹ आंदुर मन इन कमजोर, अदकि तान कोळद वचन मुरावाळेर, अदकि आवुर दाबुरद प्रती नरिदयी आगोयार. ³² आंदुर जानसतार कि परमेश्वर उन व्यवस्था येन अनतद जो लॉकुर ई हादी मा नळुतार आंदुर मृत्यु दण्ड इन लायक आर, तरी भी ई लॉकुर ना सरिफ आ कयाल्सागोळी माळतार उलटा हांग माळावाळेर इक साथ भी कोळतार.

2

परमेश्वर उन न्याय

¹ इदुरसाटी हे दोष हचावाळा, नी यावारा येती आगबाळल, नी नरित्तर आय; यतकी याता मात दा नी दुसरा मा दोष हचत्या अदा मात दा तान तान इक भी दोषी ठहूसत्या, इदुरसाटी कि नी जो दोष हचत्या खुद अच अद कयाल्सा माळत्या. ² यतकी नाव जानसतेव कि जो लॉकुर हगि कयाल्सा माळतार, परमेश्वर आदुरद सचचाई देल न्याय माळतान. ³ लेकीन हे मळसा, नी जो हगि-हगि कयाल्सा माळावाळेर मा दोष हचत्या अदकि खुद अच अव कयाल्सा माळत्या; येन ईद समसत्या कि नी परमेश्वर उन न्याय देल ऊळदोदया? ⁴ येन नी आऊन महान दया, अदकि शहनशीलता, अदकि धीरज इक तुच्छ जानसत्या? येन नी सही दा ईद समसाल कि परमेश्वर उन दया नीनी मन फरिाव दी ओयतद? ⁵ लेकीन नी तान कठोरता अदकि जीददी मन इन कारण आ दनि इन साटी, जो दनि परमेश्वर उन सट्टि अदकि खरा न्याय प्रगट आदीत, नी तान साटी दण्ड तयार माळेत्या. ⁶ परमेश्वर नाम सप्पा मुंदुरी तान कर्मगोळद हसाब देल प्रतफिल कोट्टान: ⁷ जो लॉकुर वळ्लीद कयाल्सा दा हतकु ईरतार परमेश्वर उन दी टु सीकतद महामि, आदर, अदकि अमरता अन खोज दा आर, आंदरी परमेश्वर अनन्त जीवन कोट्टान; ⁸ लेकीन जो लॉकुर मतलबी आर अदकि जो सचचाई इक स्वीकार माळतार. ताकी बुरा कयाल्सा माळ सकुल ईत्ता लॉकुर मा परमेश्वर तान सट्टि अदकि प्रकोप पलटुस्यान. ⁹ दुख अदकि परेशानी हर ऊंद मळसा मा जो बुराई माळतान बंदीत, पयले यहूदी मा बाक गैरयहूदीगोळ मा; ¹⁰ लेकीन परमेश्वर जो वळलेव कयाल्सा माळतार आंदरी महामि, आदर अदकि शांती प्रदान माळयान, पयले यहूदीगोळ इक बाक गैरयहूदीगोळ इक. ¹¹ यतकी परमेश्वर बनिा पक्षपात देल सप्पा मुंदुरद न्याय माळतान.

¹² गैरयहूदीगोळ हात्ती मूसा अनद व्यवस्था हैलेच अदकि आंदुरद न्याय भी बनिा व्यवस्था देल आदीत, यहूदीगोळ हात्ती मूसा अनद व्यवस्था आद अदकि आंदुरव माळदव पापगोळ न्याय व्यवस्था अन अनुसार अच आदीत. ¹³ यतकी परमेश्वर उन मान्या व्यवस्था अक केळावाळेर न्यायी हैलेच, लेकीन व्यवस्था मा नळावाळेर न्यायी ठहूसकु आदार. ¹⁴ गैरयहूदी लॉकुर यार हात्ती व्यवस्था हैलेच, लेकीन आंदुर तान तान दा व्यवस्था मा नळुतार, इदुरसाटी आंदुर तान तान दा अच व्यवस्था आर, जब की आंदुर हात्ती मूसा अनद व्यवस्था हैलेच. ¹⁵ आ लॉकुरद चाल चलन तोरसतद कि व्यवस्था आंदुरद दलिंगोळ दा लखिसकु आग्याद. अदकि आंदुरव मन भी अनताव कि ईदा सत्य हुन, अदकि ईदरी हुडुकु आंदुरव वचार आंदरी यागलु नरिदोष या यागलु अपराधी ठहूसताव; ¹⁶ आ दशिी परमेश्वर नान प्रचार माळद खुशखबरी इन अनुसार परमेश्वर यीशु मसीह अन दवारा मळसागोळ गुप्त वचारगोळद न्याय माळयान.

यहूदी अदकि व्यवस्था

¹⁷ अगर नी तान तान इक यहूदी अनत्या, अदकि नीनी तान परमेश्वर मा अभिमान आद, ¹⁸ अदकि नीनी मालूम आद कि परमेश्वर नीन से येन माळसुसोद चाहासतान अदकि सही मातगोळ इक नविळुसोद नी व्यवस्था देल कलत्या; ¹⁹ अदकि तान तान मा भरोसा ईटतान कि ना

कुदृढगोळव अगुवा, अदकि अंधकार दा वदिकु आर आंदुर ज्योत, 20 मूरखगोळ इक नरिदेश कोळावाळा, अदकि भोला मंळसा गोळोव शक्षिक आन. अदकि नी सही आय कि जो नयिम शास्त्र नीन हात्ती आद, अदुरदा पुरा सत्यता अदकि पुरा ग्यान इन समावेश आद. 21 इदुरसाटी येन नी जो दुसरागोळी कलसत्या, तान तान मा येती लागु माळाल? येन नी जो काळलपन ईला माळोद शक्षिा कोळत्या, खुद अच काळलपन येती माळत्या? 22 नी जो अनत्या, “व्यभचार ईला माळ पायजे,” रा खुद अच व्यभचार येती माळत्या? नी जो मूर्तीगोळ से घृणा माळत्या, येन खुद अच मंदरिगोळी येती लुटसत्या? 23 नी जो व्यवस्था अन बारा दा घमण्ड माळत्या, रा खुद परमेश्वर उन व्यवस्था ईला मानसकु परमेश्वर उन अनादर माळत्या? 24 “यतकी नीम कारण गैरयहूदीगोळ दा परमेश्वर उन हेसुर इन अपमान माळकु आगतद,” ह्यांग शास्त्र दा लखिसकु आद.

25 अगर नी व्यवस्था अन्द पालन माळ्या रा खतना देल लाभ रा आद, लेकीन अगर नीव व्यवस्था अन उल्लंघन माळत्या रा नीद खतना बनिा खतना अन्द दशा ठहूरस्त. 26 इदुरसाटी अगर गैरयहूदी यार्द खतना आगीदील तरी भी व्यवस्था अन्द पालन माळतान रा येन आऊन खतनारहति आगदुर मा भी खतना माळकु आत आळकु आगतीदील? 27 अदकि खुद यहूदीगोळी गैरयहूदीगोळ द्वारा दोषी ठहूरसकु आदीत जब की नीम हात्ती लखिसद व्यवस्था अदकि खतना माळकु आगीर लेकीन गैरयहूदी व्यवस्था अन पालन माळतार जब की आंदुरद शारीरकि रूप देल खतना आगीदील. 28 ऊंद खरा यहूदी यार्द सही दा खतना आग्याद, आव याव हुन? खरा यहूदी आव आलच जो सर्फि बाहरी रूप देल यहूदी आन, यार्द खतना सर्फि शारीरकि आद. 29 लेकीन खरा यहूदी आवा हुन जो बुळक टु यहूदी आन; यार्द दलि देल खतना आग्याद अदकि ईद परमेश्वर उन आत्मा अन्द कयाल्सा हुन, ना कलिखिसद व्यवस्था अन्द. ईत्ता मंळसा परमेश्वर उन दी टु पुरांसा पाऊस्यान ना कि मंळसा अन दी टु.

3

1 इदुरसाटी गैरयहूदीगोळ मुंद नीमद यहूदी आगोद येन फायदा? अदकि नीमद खतना अन्द येन लाभ? 2 सप्पा प्रकार देल हापाळ लाभ आद. पयले रा ईद कि परमेश्वर उन वचन यहूदीगोळी कोटकु आग्याव. 3 अगर येनारा यहूदी वशिवासघाती होट्टुर भी रा येन आत? येन आंदुर वशिवासघाती आगदुर देल परमेश्वर उन सच्चार्ई बेकार ठहूरसीत? 4 यागलु ईला! लेकीन परमेश्वर खरा आन अदकि हर ऊंद मंळसा ख्वाटा ठहूरस सकतान, ह्यांग शास्त्र दा लखिसकु आद, “याग नी खुद इन बचाव दा माताळ्या आग नी सही ठहूरस्या अदकि न्याय माळावती नीनी जीत प्रापुत आदीत.” 5 इदुरसाटी अगर नाम गलत कयाल्सा परमेश्वर उक सही ठहूरस बुळतद, रा नाव येन अंदेव? येन ईद कि परमेश्वर जो दण्ड कोळतान गलत माळतान? ईद रा ना साधारण सवाल केळीतीन. 6 यागलु ईला! ईदारा परमेश्वर ह्यांग दुनयिा अन न्याय माळयान? 7 अगर नान झुट इन कारण परमेश्वर उन सच्चार्ई आऊन महिमा अन साटी, यक्कुल माळकु परगट आत रा बाक येती पापी अन घार्ई ना दण्ड इन साटी ठहूरसकु आगतीन? 8 “नाव येती बुरार्ई माळेव कि भलाई होळल?” ह्यांग नाम मा ईदा दोष हचकु भी आगतद, अदकि येनारा अनतार कि ईंदुरद ईदा अनोद आद. लेकीन ईत्तरी दोषी ठहूरसोद ठीक आद.

याऊ न्यायी हैलेच

9 रा बाक येन आत? येन नाव यहूदी आ गैरयहूदीगोळ से वळ्लेर आयेव? यागलु ईला; यतकी नाव यहूदीगोळ अदकि गैरयहूदीगोळ येदुदु मा ईद दोष हच कोंडेव कि आंदुर सप्पा च्या सप्पा पाप इन वश दा आर. 10 ह्यांग शास्त्र दा लखिसकु आद:

“याऊ न्यायी हैलेच, ऊंद भी हैलेच.

11 याऊ समझदार हैलेच;

याऊ परमेश्वर उक दुंडसावाळा हैलेच.

- 12 सपूपा परमेश्वर उन से भटकसेग्यार, सपूपा च्या सपूपा नकिम्मा बनसेग्यार;
याऊ भलाई माळावाळा हैलेच, ऊंद भी हैलेच.
13 आंदुरद कुतक्या खुल्सद कबर हुन,
आंदुर तान ल्यालग्यागोळ देल छल माळ्यार,
आंदुरद टुट्टीगोळ दा हावगोळद जहर आद.
14 आंदुरद बाय श्राप अदकि कळवाहट देल तुमकु आद.
15 आंदुर काल खुन वाहुस्ली फुरतीला आव,
16 आंदुर हादीगोळ मा नाश अदकि क्लेश आद,
17 आंदुर शांती इन हादी अरालुर.
18 *आंदुरद कण्णगोळ मुंद परमेश्वर उन
अंजक हैलेच.”

19 नाव जानसतेव कि व्यवस्था जो येनारा अनतद आंदुर से अच अनतद, जो व्यवस्था अन हातती आर; इदुरसाटी कि हर ऊंद बाय बंद माळकु आगुल अदकि पुरा दुनिया परमेश्वर उन न्याय इन लायक ठहूरसुल; 20 *यतकी व्यवस्था अन क्याल्सागोळ देल यातोदु मळसा परमेश्वर उन मुंद न्यायी ठहूरसतीदील, इदुरसाटी कि व्यवस्था अन द्वारा पाप इन पयचान आगतद.

वशिवास द्वारा न्यायीपन

21 लेकीन ईग व्यवस्था टु अलग परमेश्वर उन अद न्यायीपन प्रगट आग्याद, यदुरद गवाही मूसा अन व्यवस्था अदकि भवषियवक्ता कोळतार, 22 *मतलब परमेश्वर उन अद न्यायीपन जो यीशु मसीह मा वशिवास माळदुर देल सपूपा वशिवास माळावाळेर साटी आद. यतकी येनु फरक हैलेच; 23 इदुरसाटी कि सपूपा मुंदुर पाप माळ्यार अदकि परमेश्वर उन महमा देल हापाळ दुर आर, 24 लेकीन आऊन अनुग्रह देल आ छुटकारा अन द्वारा जो मसीह यीशु दा आद, सपूपा च्या सपूपा न्यायी ठहूरस्कु आगतार. 25 यीशु उक परमेश्वर आऊन रक्ता अन द्वारा ऊंद हगि प्रायश्चति बली ठहूरसदुन, जो वशिवास माळदुर देल कार्यकारी आगतद, कि जो पाप पयले माळकु आग्याव अदकि यऊर मा परमेश्वर तान सहनशीलता अन कारण ध्यान कोटीदील. यीशु उन रक्ता अन बारा दा आव तान न्यायीपन प्रगट माळुल. 26 लेकीन ईदा समय आऊन न्यायीपन प्रगट आगुल कि यदुर देल आव खुद अच न्यायी ठहूरसुल, अदकि जो यीशु मा वशिवास माळुल आऊन भी न्यायी ठहूरसावाळा ईरूल. 27 रा घमण्ड येल आद? अदकि घमण्ड इक वहार्या माळकु आत? येन नाव व्यवस्था अन पालन माळतेव? ईला, लेकीन नाव वशिवास माळतेव इदुरसाटी. 28 इदुरसाटी नाव ईद परिणाम मा पोहचुसतेव कि मळसा व्यवस्था अन क्याल्सागोळ से अलग आन, मळसा परमेश्वर मा वशिवास इन द्वारा अच न्यायी ठहूरस्तान. 29 या परमेश्वर सरिफ यहूदीगोळव अच हुन? येन गैर यहूदीगोळव परमेश्वर हैलेच? नश्चिति अच आव गैर यहूदीगोळव भी परमेश्वर हुन. 30 *यतकी ऊंद अच परमेश्वर आन, जो यहूदीगोळी वशिवास देल अदकि गैरयहूदीगोळी भी वशिवास इन द्वारा न्यायी ठहूरस्यान. 31 रा येन नाव व्यवस्था अक वशिवास इन द्वारा बेकार ठहूरसतेव? यागलु ईला! लेकीन व्यवस्था अक कायम ईटतेव.

4

अब्राहम उन उदाहरण

1 इदुरसाटी नाव येन अंदेव नाम शारीरिक आप्प अब्राहम उक येन हासलि आत? 2 यतकी अगर अब्राहम क्याल्सागोळ देल न्यायी ठहूरस्कु आगायदुन, रा आऊक घमण्ड माळोद जागा ईराईत, लेकीन परमेश्वर उन नजर दा ईला. 3 *पवत्रिशास्त्र येन अनतद? ईद कि “अब्राहम परमेश्वर

* 3:18 ३:१८ भजन संहिता ३६:१ * 3:20 ३:२० गलातगिळ २:१६ * 3:22 ३:२२ गलातगिळ २:१६ * 3:30 ३:३० गलातगिळ ३:२० * 4:3 ४:३ गलातगिळ ३:६

मा वशिवास माळदुन, अदकि आऊन वशिवास इन कारण परमेश्वर आऊक न्यायी ठहूसदुन.”⁴ क्यालसा माळावाळा अन्द मजदूरी कोळोद दान आलच, लेकीन हक्क समसकु आगतद. ⁵ लेकीन जो वशिवास मा नरिभर ईरतान ना कि क्यालसागोळ मा, अदकि परमेश्वर मा वशिवास माळतान जो परमेश्वर अभक्तहिनि उक भक्तहिनि माळतान, आऊन ईदा वशिवास देल परमेश्वर आऊक न्यायी ठहूसतान. ⁶ यारी परमेश्वर बनिा कर्मगोळद न्यायी ठहूसतान, आऊक दाऊद भी धन्य अनतान:

⁷ धन्य आर आंदुर यारव अन्याय माफ आदव, अदकि यारव पाप होतुरसकु आदव.

⁸ धन्य आन आ मंळसा यारी परमेश्वर पापी ठहूसतीदील.

⁹ “जो धन्य आगोद मात दाऊद अनेत्यान, येन खतना माळद यहूदीगोळद साटी अच हुन या बनिा खतना माळद गैरयहूदीगोळद साटी भी हुन. अब्राहम परमेश्वर मा वशिवास माळदुन अदकि आऊन वशिवास इन कारण अच परमेश्वर आऊक न्यायी स्वीकार माळदुन.” ¹⁰ रा ईद याग आत? येन याग आऊन खतना आगेगीत या आव बनिा खतना अन्द ईरोन. ईला, खतना अन बाददा ईला उलटा खतना आगा पयले हगि आत. ¹¹ अदकि आऊन खतना आगोद अद ऊंद चनिह बन्सत कितोरस सकूल कि परमेश्वर आऊक खतना आगा पयले अच आऊन वशिवास इन द्वारा न्यायी स्वीकार माळदुन. अदकि अब्राहम सप्पा वशिवासीगोळद आत्मकि आप्प बन्सदुन यतकी आंदुर बनिा खतना नोर आर लेकीन वशिवासी आर, इदुरसाटी आंदुर भी न्यायी ठहूसकु आदार. ¹² अदकि आव आंदुर भी आप्प हुन यार्द खतना आग्याद, आ लॉकुर सरिफ खतना माळकु ना ईला ईरोर उलटा नाम आप्प अब्राहम उन वशिवास इन पद चनिहगोळ मा नळावाळेर ईरोर आव अब्राहम जो खतना आगोर से पयले नळदुन.

वशिवास इन द्वारा परमेश्वर उन प्रतगिया सकोद

¹³ याग परमेश्वर अब्राहम अदकि आऊन वंशजगोळ से प्रतगिया माळदुन कि आंदुर दुनया अन्द वारीस आदार, ईद प्रतगिया अब्राहम उक व्यवस्था अन पालन माळदुर देल अच सकादील लेकीन आव वशिवास माळदुन अदकि आव परमेश्वर उन द्वारा न्यायी स्वीकार माळकु आदुन ई कारण अच सकित. ¹⁴ अदकि इदुरसाटी अगर नीव मानसतीर कि परमेश्वर उन कोळद प्रतगिया ईद व्यवस्था अन पालन माळावाळेर कारण सकित रा नीमद वशिवास बेकार अदकि परमेश्वर उन कोळद प्रतगिया भी बेकार आद. ¹⁵ यतकी व्यवस्था देल परमेश्वर उन सटिट पैदा आगतद, लेकीन यल व्यवस्था हैलेच, अल अदुरद उल्लंघन भी हैलेच. ¹⁶ ईदा कारण प्रतगिया वशिवास मा आधारति आद अदकि ईद प्रतगिया ई सप्पा अब्राहम उन वंशजगोळ साटी परमेश्वर उन मुफ्त उपहार हुन, ईद सरिफ व्यवस्था अन पालन माळावाळेर साटी इच ईला लेकीन आंदुर साटी भी आद जो वशिवास माळतार ह्यांग वशिवास अब्राहम माळदुन यतकी अब्राहम नाम सप्पा मुंदुरव आत्मकि आप्प हुन. ¹⁷ ह्यांग शास्त्र दा लखिसकु आद, “ना नीनी हापाळ सा दयाशगोळद आप्प ठहूसीन” अदकि ईद प्रतगिया परमेश्वर उन नजर दा वळलीद आद. ईव आव परमेश्वर हुन यार मा अब्राहम वशिवास माळदुन अदकि जो सोतुतुरी जतिता माळतान, अदकि ईव आव परमेश्वर हुन जो मातगोळ असततिव दा हैलेच आ मातगोळी असततिव दा तरतान. ¹⁸ ह्यांग शास्त्र दा लखिसकु आद, “नी हापाळ सा दयाशगोळद आत्मकि आप्प आदया. अदकि नीन वंशजगोळ तारागोळ घाई आदार ई मात मा आशा ईटोद येनु कारण ईला ईरोद तरी भी अब्राहम वशिवास अदकि आशा ईटदुन,” ¹⁹ यतकी आव लगभग सौ साल इनव आगेगदिन लेकीन आऊन वशिवास आऊन शरीर इन घाई कमजोर ईला आगीत ह्यांग कि आऊन शरीर लगभग सायापरी आगेगीत अदकि सच्चाई रा ईद भी आद कि सारा अन क्वाता भी चगिद उक हाळु ईला सकोद. ²⁰ तरी भी आव तान वशिवास इक बटिंददिल अदकि ना आव परमेश्वर उन प्रतगिया मा सक माळदुन आऊन वशिवास आऊक सामर्थ्य देल तुम्त अदकि आव परमेश्वर उन महामा माळदुन;

21 अदकि आऊक पुरा भरोसा ईरोद कर् परमेश्वर आऊक जो परतगिया कोटीदुन, आव अदरी पुरा माळदुर दा भी समर्थ आन. 22 ई कारण परमेश्वर अब्राहम उक आऊन वशिवास इन द्वारा न्यायी स्वीकार माळदुन. 23 अदकि ईद वचन, “वशिवास इन द्वारा न्यायी स्वीकार माळोद” सरिफ आऊन आवना अन साटी लखिसकु ईला आगति. 24 ऊलटा ईद नाम साटी भी लखिसकु आत जो नाव न्यायी ठहूसकु आगेव अदकि जो यीशु नाम प्रभु जो सोत्तुर दा टु जतिता आदुन आऊन मा वशिवास माळतार. 25 यतकी आव नाम पापगोळ कारण मृत्यु उन साटी सौप्सकु आदुन अदकि नामी परमेश्वर उन सांगुळ न्यायी ठहूसोर साटी सोत्तुर दा टु जतिता आदुन.

5

परमेश्वर उन से मेल मलिाप

1 ईग जो नाव तान वशिवास इन कारण परमेश्वर उन मुंद न्यायी ठहूसेव, रा नाम प्रभु यीशु मसीह अन कारण परमेश्वर नामी शांती कोटान. 2 अदकि ईग आऊंदा द्वारा वशिवास इन कारण नाव परमेश्वर उन अनुग्रह दा जीवन व्यतीत माळतेव. अदकि नाव आ आशा मा घमण्ड माळतेव यदुर द्वारा नामी परमेश्वर उन महिमा अन सांगुळ भागीदारी सकियाद. 3 सरिफ ईटा ईला, यतकी नाव तान आपदगोळ मा घमण्ड माळतेव यतकी नामी मालूम आद नाम आपद धीरज इक उत्पन्न माळतद. 4 अदकि धीरज देल वळलीद चरतिर वनसतद, अदकि वळलीद चरतिर देल आशा उत्पन्न आगतद; 5 अदकि ईद आशा नामी नरिश माळाल, यतकी परमेश्वर आऊन प्यार नाम मनगोळ दा हाक्यान, मतलब पवतिर आत्मा जो नाम साटी परमेश्वर उन उपहार हुन.

6 यतकी याग नाव आशाहीन ईरेव, रा ठीक समय मा नाव भक्तहीनगोळ साटी मसीह तान बलदान माळदुन. 7 यावारा न्यायी जन इन साटी यावारा सायुल, ईद रा दुरलब आद; लेकीन आग सकतद यावारा वळलेव मळसा अन साटी यावारा सायोद भी हम्मिमत माळुल. 8 लेकीन परमेश्वर नाम मा तान प्यार इन भलाई ई रीत देल प्रगट माळतान कर् याग नाव पापी अच ईरेव आग भी मसीह नाम साटी सोत्तुन. 9 इदुरसाटी याग कर् नाव ईग आऊन रक्ता अन कारण न्यायी ठहूसदेव, रा आऊन द्वारा परमेश्वर उन सटिट देल येती ऊळसकु आगतीदील? 10 यतकी याग नाव परमेश्वर उन दुश्मन ईरेव लेकीन परमेश्वर तान पार उन मृत्यु उन द्वारा नाम सांगुळ मेल मलिाप माळदुन, रा ईग नाव परमेश्वर उन संगी आयेव रा आ मसीह अन जीवन इन द्वारा नाम हापाळ यककुल उद्धार आदति. 11 सरिफ ईदा ईला, लेकीन नाव तान प्रभु यीशु मसीह से, यार्द द्वारा नाम परमेश्वर उन सांगुळ मेल मलिाप आत, परमेश्वर दा खुश आगतार.

आदम अदकि मसीह

12 इदुरसाटी ह्यांग ऊंद मळसा अन द्वारा पाप दुनयिा दा बत्त, अदकि पाप इन द्वारा मृत्यु बत्त, अदकि ई रीत देल मृत्यु सप्पा मळसागोळ दा फैलसेत, यतकी सप्पा मुंदुर पाप माळदुर. 13 व्यवस्था अन कोटकु आगेर से पयले ताका पाप दुनयिा दा रा ईरोद, लेकीन येल व्यवस्था हैलेच अल पाप आळदकु आगालुद. 14 लेकीन आग भी आदम टु मूसा ताका पुरा मृत्यु आ लॉकुर मा राज्य माळत याग कर् आ लॉकुर आदम घाई आग्या मुरोद पाप माळीदलि तरी भी पापी ठहूसीदील, जो आ बरावाळा अन चमत्कार हुन, आ अपराध घाई पाप माळीदलि.

15 लेकीन ह्यांग अपराध इन दशा आद, हांगा अनुग्रह अन वरदान इन हैलेच, यतकी याग ऊंद आदम उन अपराध देल हापाळ लॉकुर सोत्तुर, रा परमेश्वर उन अनुग्रह अदकि आऊन जो दान ऊंद मळसा अन, मतलब यीशु मसीह अन अनुग्रह देल हापाळ लॉकुरी कृपा सकित. 16 अदकि परमेश्वर उन भेट अदकि ऊंद मळसा अन पाप ई येदुदु दा फरक आद. तरी भी पाप इन कारण दोष इन न्याय बत्त, लेकीन हापाळ पुरा पापगोळ्द बाद्दा अदकि नरिदोष आगेद यदुरद नाव लायक ईला ईरेव अद भेट बत्त. 17 यतकी याग ऊंद मळसा अन अपराध इन कारण मृत्यु आ ऊंद मळसा अन द्वारा अच राज्य माळत, रा जो लॉकुरी अनुग्रह अदकि न्यायूपी वरदान बहुतायत

देल सकितद आंदुर ऊंद मंळसा अन, मतलव यीशु मसीह अन द्वारा जरूरी अच अनन्त जीवन दा राज्य माळ्यार.

18 इदुरसाटी ह्यांग ऊंद अपराध सप्पा मंळसागोळ साटी दण्ड इन आग्या अन कारण आत, हांग अच ऊंद न्यायीपन इन क्याल्सा भी सप्पा लॉकुरी मुक्त माळतद अदकि आंदरी जीवन कोळतद. 19 यतकी ह्यांग ऊंद मंळसा अन आग्या ईला मानसदुर देल हापाळ लॉकुर पापी ठहूरसदुर, हांग अच ऊंद मंळसा अन आग्या मानसोद कारण सप्पा लॉकुर परमेश्वर उन मुंद न्यायी ठहूरसकु आदार. 20 व्यवस्था अन पयचान इदुरसाटी आत कि अपराध वाळुसेगुल, लेकीन यल पाप वाळुसत अल परमेश्वर अनुग्रह अदकि यक्कुल वाळुसत, 21 कि ह्यांग पाप मृत्यु फैलुसतेला राज्य माळत, हांग अच नाम प्रभु यीशु मसीह अन द्वारा अनुग्रह भी अनन्त जीवन इन साटी न्यायीपन इन द्वारा राज्य माळीत.

6

पाप इन साटी मृतक: मसीह दा जीवति

1 रा नाव ईग येन अंदेव? येन नाव लगातार पाप माळतेला ईततेव कि परमेश्वर उन अनुग्रह आगुल? 2 नश्चिति अच ईला! नाव याग पाप इन साटी सोतोदेव रा बाक ईदुर मुंद अदुर दा ह्यांग जीवन बतुसेव? 3 येन नीव जान्सालीर कि नाव सप्पा यार मसीह यीशु दा बपतसिमा ताकोंडेव, आऊन मृत्यु उन भागीदारी दा बपतसिमा ताकोंडेव. 4 इदुरसाटी आ मृत्यु उन बपतसिमा ताकोंडुर देल नाव आऊन सांगुळ नळसकु आदेव, ताकी ह्यांग मसीह आपुप उन महमिा अन द्वारा सोततुर दा टु जतिता आदुन, हांग अच नाव भी व्हाशोद जीवन इन घाई चाल नळदेव.

5 यतकी अगर नाव आऊन मृत्यु उन समानता दा आऊन सांगुळ जमा आगेगेव, रा नश्चिय आऊन जतिता आगेद समानता दा भी जमा आगेदेव. 6 नाव जानसतेव कि नाम हाळोद मनुष्यत्व आऊन सांगुळ क्रूस मा येरसकु आत ताकी पाप इन मय बेकार आगेगुल, अदकि नाव मुंद पाप इन दासत्व दा ईरतीदील. 7 यतकी जो सोतोदुन, आव पाप इन बंधन देल न्यायी आगेदुन. 8 इदुरसाटी अगर नाव मसीह अन सांगुळ सोतोदेव, रा नाम वश्वास ईद आद कि आऊन सांगुळ जतिता भी ईततेव. 9 यतकी ईदुर जानसतार कि मसीह सोततुर दा टु जतिता आगकु मातत सायतीदील; आऊन मा मातत मृत्यु उन प्रभुता आगतीदील. 10 अदकि आव सोतोदुन आऊन मा पाप इन बंधन हैलेच अदकि ईग आव परमेश्वर उन सांगुळ आऊन जीवन व्यतीत माळतान. 11 हगि अच नीव भी तान बारा दा ईद समसी कि नीव भी पाप इन साटी सोतोगीर, लेकीन मसीह यीशु उन द्वारा परमेश्वर दा जतिता समसी.

12 इदुरसाटी पाप नीम मरनहार शरीर दा राज्य माळबाळुल, कि नीव अदुर लालसागोळ हात्ती ईरी; 13 तान शरीर इन अंगगोळी अर्धम इन स्यावा अन साटी पाप इन हवाला माळबाळी, उलटा सोततुर दा टु जतिता आगावाळेर घाई परमेश्वर उन हवाला माळबुळी, अदकि तान शरीर इन अंगगोळी न्यायीपन इन स्यावा अन साधन इन रूप दा परमेश्वर उन हवाला माळबुळी. 14 आग नीम मा पाप इन प्रभुता आगतीदील, यतकी नीव व्यवस्था अन हात्ती ईला उलटा परमेश्वर उन अनुग्रह अन हात्ती आईर.

न्यायीपन इन दास

15 रा नाव येन माळेव? येन नाव पाप माळेव यतकी नाव व्यवस्था अन हात्ती हैलेच उलटा परमेश्वर उन अनुग्रह अन हात्ती जीऊसतेव? नश्चिति अच ईला! 16 येन नीव जान्सालीर कि यावारा ऊंद मंळसा अन आग्या मानसोर साटी नीव तान तान इक दासगोळ घाई सोप्स बुळतीर रा यार्द आग्या मानसतीर आऊंदा दास बनसेगतीर: चाहे बाक पाप इन, यदुर्द परिणाम मृत्यु आद, चाहे बाक आग्या मानसावाळेरद, यार्द अनत न्यायीपन आद? 17 लेकीन परमेश्वर उन धन्यवाद आगुल कि नीव जो पाप इन दास ईरीर ईग मन देल आ सच्चाई इक ग्रहण माळदीर अदकि उपदेश

मानसावाळेर आगेदीर, यार्द साचा दा ढलसकु आगेदीर, 18 अदकि नीव पाप देल बटिकु न्याय इन दास आगेदीर. 19 ना नीम शारीरिक कमजोरी अन कारण मळसागोळ रीतमा अनतीन. ह्यांग नीव तान अंगगोळी कुकरम अदकि अशुध्दता अन दास माळकु सौप्सदीर, हांग अच ईग तान अंगगोळी पवतिरता अन साटी न्यायीपन इन दास माळकु सौप्स बुळी.

20 याग नीव पाप इन दास ईरीर, रा न्याय इन दी टु स्वतंत्र ईरीर. 21 इदुरसाटी याता मातगोळ देल ईग नीव लज्जति आगतीर, अऊर से आ समय नीमी येन काय सक्तोगोद? यतकी आ मातगोळ अनत रा मृत्यु आद. 22 लेकीन ईग पाप देल स्वतंत्र आगकु परमेश्वर उन दास बनसकु नीमी काय सकित यदुर देल पवतिरता हासलि आगतद, अदकि अदुर अनत अननत जीवन आद. 23 यतकी पाप इन मजदूरी रा मृत्यु आद, लेकीन नाम परमेश्वर उन अनुग्रह अन भेट नाम प्रभु मसीह यीशु दा अननत जीवन आद.

7

मदा जीवन इन उदाहरण

1 हे वारटुरा अदकि आकतीगेरा, येन नीव जान्सालीर, ना व्यवस्था अन जान्सावाळेर से अनतीन, कयागासताका मळसा जतिता ईरतान, आगासताका आऊन मा व्यवस्था अन अधिकार ईरतद? 2 उदाहरण इन साटी ऊद मदावळत आरत तान मान्नावाळा अन व्यवस्था अन अनुसार आगासताका बंधन दा आर यागासताका आकनि मान्नावाळा जतिता आन लेकीन अगर आकनि मान्नावाळा सोतोगतान रा आक मदा संबंधी व्यवस्था देल मुक्त आगोगतार. 3 इदुरसाटी अगर गांडड उन जीते जी आक यावारा दुसरा गंळस उन आगोगुल, रा व्यभिचारिणी अंदकु आदार, लेकीन अगर गांडड सोतोगुल, रा आक आ व्यवस्था देल बटिटोदुर, ईल ताका क अगार यावारा दुसरा गंळस उन आगोदुर तरी भी व्यभिचारिणी ठहूरसतीदील. 4 हांग अच हे नान वारटुरा अदकि आकतीगेरा, नीव भी मसीह अन मय इन द्वारा व्यवस्था अन साटी सोतकु बनसेदीर, क आ दुसरा अन आगोगी, जो सोततुर दा टु जतिता आदुन: ताकी नाव परमेश्वर उन स्यावा दा उपयोगी ठहूरसुल. 5 यतकी याग नाव शारीरिक स्वभाव इन हात्ती ईरेव, रा पापगोळ अभलिाषागोळ जो व्यवस्था अन द्वारा ईरोद, मृत्यु अन काय पैदा माळोर साटी नाम अंगगोळ दा कयाल्सा माळोद. 6 लेकीन यार्द बंधन दा नाव ईरेव आऊन साटी सोतकु, ईग व्यवस्था देल हांगि बटोदेव, क शास्त्र लेख इन हाळोद रीतमा ईला, उलटा आत्मा अन वहाशोद रीतमा स्यावा माळतेव.

व्यवस्था अदकि पाप

7 रा नाव येन अंदेव? येन व्यवस्था पाप आद? यागलु ईला! उलटा बनिा व्यवस्था अन ना पाप इक अरालीन: व्यवस्था अगर ईला अनाईत, किलालच माळवाळ रा ना लालच इन बारा दा ईला जान्स सकायदनि. 8 लेकीन पाप मौका नोळकु आग्या अन द्वारा नान दा सप्पा प्रकार इन लालच पैदा माळत, यतकी बनिा व्यवस्था अन पाप मुरदा आद. 9 ना रा व्यवस्था अन बनिा पयले जतिता ईरीन, लेकीन याग आग्या बतत, रा पाप जतिता आगेत, अदकि ना सोतोदीन. 10 अदकि अदा आग्या जो जीवन तरोरसाटी ईरोद, नान साटी मृत्यु उन कारण ठहूरसत. 11 यतकी पाप मवका नोळकु आग्या अन द्वारा नानी वहकुसत, अदकि अदुरदा द्वारा नानी कौद भी बुळत.

12 *इदुरसाटी व्यवस्था पवतिर आद, अदकि आग्या भी सही अदकि वळ्लीद आद. 13 रा येन अद जो वळ्लीद ईरोद, नान साटी मृत्यु ठहूरसत? यागलु ईला! लेकीन पाप आ वळ्लीद वस्तु उन द्वारा नान साटी मृत्यु उक पैदा माळावाळा आत क अदुर पाप आगोद प्रगट आगुल, अदकि आग्या अन द्वारा पाप हापाळ अच पापमय ठहूरसुल.

बुळक इन लळाई

* 7:12 ७:१२ हाळोद नयिम दा ईद वचन सकाल्द

14 नाव जानसतेव क वयवस्था रा आत्मकि आद, लेकीन ना शारीरकि अदकि पाप इन कय देल मारकु आईन. 15 *जो ना माळतीन अदरी अरालीन; यतकी जो ना चाहासतीन अद माळालीन, लेकीन यदुर देल नानी घृणा बरतद अदा माळतीन. 16 अगर जो ना चाहासालीन अदा माळतीन, रा ना मान्स कोमतीन क वयवस्था भला आद. 17 रा हगि दशा दा अदुरद माळावाळा ना आल्लच, उलटा पाप हुन जो नान दा कुरतकु आद. 18 यतकी ना जानसतीन क नान दा मतलब नान मय दा यातोदु वळ्लीद वस्तु वास माळालुद. इच्छा रा नान दा आद, लेकीन वळ्लीद कयाल्सा नान से आग सकालव. 19 यतकी यातोद वळ्लीद कयाल्सा अन ना इच्छा माळतीन, अद रा माळालीन, लेकीन यातोद बुराई अन इच्छा माळालीन, अदा माळतीन. 20 इदुरसाटी अगर ना अदा माळतीन यदुरद इच्छा माळालीन, रा अदुरद माळावाळा ना ईतीदील, लेकीन पाप जो नान दा कुरतकु आद. 21 ई प्रकार ना ईद अनुभव ताकोमतीन क याग भलाई माळोद इच्छा माळतीन, रा बुराई नान से आगतद. 22 यतकी ना अंतर आत्मा देल रा परमेश्वर उन नयिम देल हापाळ खुश ईरतीन. 23 लेकीन नानी तान शरीर दा दुसरा प्रकार इन वयवस्था कांळसकु बळितद, जो नान दमिक इन नयिम देल लळाई माळतद अदकि नानी पाप इन नयिम इन बंधन दा हाकतद जो नान शरीर दा आद. 24 ना हयांग दुखी मंळसा आईन! नानी ई मृत्यु उन मय देल याव बळिस्यान? 25 जो नानी पापगोळ देल छुटकारा कोळतान आ प्रभु यीशु मसीह अन द्वारा आ परमेश्वर उन धन्यवाद माळतीन. ईतता प्रकार बुद्धी देल परमेश्वर उन नयिम इन पालन माळतीन.

8

पवतिर आत्मा अन द्वारा जीवन

1 इदुरसाटी ईग जो मसीह यीशु दा जीवन व्यतीत माळतार, आंदुर मा दण्ड इन आग्या हैलेच. 2 यतकी जीवन इन आत्मा अन वयवस्था मसीह यीशु दा नानी पाप इन अदकि मृत्यु अन वयवस्था देल स्वतंत्र माळबुटाद. 3 यतकी जो कयाल्सा वयवस्था शरीर इन कारण दुर्बल आगकु माळ सकादील, अदरी परमेश्वर माळदुन, मतलब तांद अच पार उक पापमय शरीर इन समानता दा अदकि पाप बली आगोर साटी कळकु, शरीर दा पाप मा दण्ड इन आग्या कोटदुन. 4 इदुरसाटी क वयवस्था अन आवश्यकतागोळ नाम दा शरीर इन अनुसार ईला उलटा आत्मा अन अनुसार नळतार, पुरा माळकु आगुल. 5 यतकी शारीरक मंळसागोळ शरीर इन मातगोळ मा मन हचतार; लेकीन जो आत्मा अन मातगोळ मा मन हचतार. 6 शरीर मा मन हचोद रा मृत्यु हुन, लेकीन आत्मा मा मन हचोद जीवन अदकि शांती हुन; 7 यतकी शरीर मा मन हचोद रा परमेश्वर उन से दुश्मनी ईटोद हुन, यतकी ना रा परमेश्वर उन वयवस्था अन हात्ती आद अदकि ना आग सकतद; 8 अदकि जो शरीर इन हात्ती आर, आंदुर परमेश्वर उक खुश माळ सकालुर.

9 लेकीन याग क परमेश्वर उन आत्मा नीम दा वास माळतद, रा नीव शारीरक दशा दा ईला लेकीन आत्मिक दशा दा आईर. अगर यारदारा दा मसीह अन आत्मा हैलेच रा आंदुर आऊन लॉकर आल्लच. 10 अगर मसीह नीम दा आन, रा शरीर पाप इन कारण सोतकु आद; लेकीन आत्मा न्यायीपन इन कारण जतिता आद. 11 *अगर आऊदा आत्मा याव यीशु उक सोततुर दा टु जतिता माळदुन, नीम दा वास माळेत्याद; रा याव मसीह अक सोततुर दा टु जतिता माळदुन आव नीम सोतकु शरीरगोळी भी तान आत्मा अन द्वारा जो नीम दा वास माळेत्याद, जतिता माळयान.

12 इदुरसाटी हे वारटुरा अदकि आकतीगोरा, नाम मा भौतिक शरीर इन कर्जा रा आद लेकीन ईदुरद ईद मतलब हैलेच क नाव ईदुर अनुसार जीतता ईततेव, 13 यतकी नीव मय इन अनुसार दनि कळदीर रा सोततीर, अगर आत्मा देल मय इन कयाल्सागोळी कौदीर रा जतिता ईततीर. 14 इदुरसाटी क यास लॉकर परमेश्वर उन आत्मा अन अनुसार नळतार, आंदुर अच परमेश्वर उन चकिोर उर. 15 *यतकी नीमी दासगोळद आत्मा सकादील क मात्त अंजबाळुल, लेकीन

* 7:15 ७:१५ गलातगोळ ५:१७
मारकुस १४:३६; गलातगोळ ४:६

* 8:11 ८:११ १ कुरनिथि ३:१६

* 8:15 ८:१५ गलातगोळ ४:५-७

* 8:15 ८:१५

परमेश्वर उन सन्तान इन आत्मा सकियाद, यदुर देल नाव हे अब्बा, हे आप्पा अनकु कारूतेव. 16 परमेश्वर उन आत्मा खुद अच नाम आत्मा अन सांगुळ गवाही कोळतद, कनाव परमेश्वर उन सन्तान हुयेव; 17 अदकि अगर सन्तान आर रा वारीस भी आर, उलटा परमेश्वर उन वारीस अदकि मसीह अन सांगुळ वारीस आयेव, कयाग नाव आऊन सांगुळ दुख नेगदेव रा आऊन सांगुळ महमा भी सकिल.

भवषिय दा प्रगट आगावाळा महमा

18 यतकी ना समझसतीन कि ई समय इन दुख अदकि क्लेश आ महमा अन मुंद, जो नाम मा प्रगट आगावाळा आद, येनु अच हैलेच. 19 यतकी दुनिया हापाळ आशा तुमद नजर देल परमेश्वर उन पारगोळ प्रगट आगोद हादी कायेत्याद. 20 यतकी दुनिया तान इच्छा देल ईला लेकीन हात्ती माळावाळा अन दी टु, वयरथया अन हात्ती ई आशा देल माळकु आग्याद 21 कि दुनिया भी खुद अच वनिश इन दासत्व देल छुटकारा ताकोमकु, परमेश्वर उन चकिरद महमा अन स्वतंत्रता प्राप्त माळीत. 22 यतकी नाव जानसतेव कि सप्पा दुनिया ईगासताका मलिसकु कननासतेला अदकि दुखगोळ दा बदिकु तळपुसतद; ह्यांग कि चगिद पैदा आगा समय मा तळपुसतान. 23 अदकि सरिफ आवा ईला लेकीन नाव भी यार हाती आत्मा अन पयला काय आद, खुद अच तांदुर दा कननासतेव; अदकि लेपालक आगोद, मतलब तान मय इन छुटकारा अन हादी कायेतेव. 24 ई आशा अन द्वारा नाम उद्धार आग्याद; लेकीन याता वस्तु अन आशा माळकु आगतद, याग अद नोळदुर दा बंदीत रा बाक आशा येल ईतत? यतकी याता वस्तु अक यावारा नोळत्यान अदुर आशा येन माळया? 25 लेकीन याता वस्तु अक नाव नोळ सकालेव, अगर अदुरद आशा ईटतेव, रा धीरज देल अदुरद हादी भी कायेतेव.

26 ईदा रीत देल आत्मा भी नाम कमजोरी दा सहायता माळतद: यतकी नाव जानसालेव कि प्रार्थना याता रीत देल माळ पायजे, लेकीन आत्मा खुद अच हगि आहट तुम तुमकु, जो बयान देल व्हार्या आद, नाम साटी वनिती माळतद; 27 अदकि परमेश्वर जानसतान कि नाम मनगोळ दा येन आद, कि परमेश्वर आत्मा अन मनसा येन आद? यतकी आव पवतिर लॉकुर साटी परमेश्वर उन इच्छा अन अनुसार वनिती माळतान.

28 नाव जानसतेव कि जो लॉकुर परमेश्वर से प्यार ईटतार, आंदुर साटी सप्पा मातगोळ मलिसकु वळलीद इका पैदा माळतान; मतलब आंदुरदा साटी जो आऊन इच्छा अन अनुसार कारसकु आग्यार. 29 यतकी यारी आव पयले टु जानस कौडान आंदरी पयले टु अच ठहूस्यान कि आऊन पार उन स्वूप दा आगुल, ताकी आव हापाळ वार्दुर दा पयला ठहूसुल. 30 बाक यारी आव पयले टु ठहूसदुन, आंदरी कारसदुन भी; अदकि यारी कारसदुन, आंदरी न्यायी भी ठहूसदुन अदकि आंदरी महमा भी कोटदुन.

परमेश्वर उन प्यार

31 इदुरसाटी नाव ई मातगोळ बारा दा येन अदेव? अगर परमेश्वर नाम दी आन, रा नाम खलाप याव आग सकतान? 32 याव तान नजि पार उक भी ईटीदील, लेकीन आऊक नाम सप्पा मुंदुर साटी कोट्ट बुदुन, आव आऊन सांगुळ नामी अदकि सप्पा येनारा मुफ्त दा येती कोळतीदील? 33 परमेश्वर उन नविळुसद लॉकुर मा दोष याव हचयान? परमेश्वर अच आन जो आंदरी न्यायी ठहूसवावाळा आन. 34 बाक याव आन जो दण्ड इन आग्या कोट्टान? यीशु मसीह अच आन जो सोतोदुन लेकीन मूरदागोळ दा टु जित्ता भी आदुन, अदकि परमेश्वर उन ऊमा कय इन दी आन, अदकि नाम साटी समझौता भी माळतान. 35 याव नामी मसीह अन प्यार देल अलग माळयान? येन क्लेश, या कठिन समय, या सताव, या अकाल, या गरीबी, या जोखिम, या मृत्यु? 36 ह्यांग शास्त्र दा लखिसकु आद,

नीन साटी नाव हागुल तीम घात माळकु आगतेव;

नाव वध आगावाळा म्यांडागोळ घाई आळ्कु आगेव.

³⁷लेकीन ई सप्पा मातगोळ दा नाव आऊन द्वाारा याव नाम से प्यार माळयान, पुरा तरीका देल वजिय प्राप्त माळतेव. ³⁸यतकीं ना नश्चिय जानसतीन कयाऊ नामी आऊन प्यार देल अलग माळ सकालून ना मृत्यु, ना जीवन, ना स्वर्गदूत, ना दुष्ट शासन, ना वर्तमान, ना भवषिय, ना सामर्थ्य, ना ऊँचाई, ³⁹ना धरती इन गहराई, अदकि ना धरती इन ऊँचाई अदकि ना संसार इन यातोदु नरिमति वस्तु नामी परमेश्वर उन प्यार देल जो नाम प्रभु मसीह यीशु दा आद, अलग माळ सकीत.

9

परमेश्वर अदकि आऊन नविळुसदोर लॉकुर

¹ना मसीह दा सही अनतीन, ना खाटा माताळालीन अदकि नान मन भी पवतिर आत्मा दा गवाही कोळतद ²कनि नानी बळा दुख आद, अदकि नान मन हमेशा दुखी ईरतद, ³यतकीं ना ईल ताका चाहासीन कतिान वारटुर साटी जो मय इन भाव देल नान कूटुम्बी आर, खुद अच परमेश्वर देल शरापति अदकि मसीह से अलग आगेगतद. ⁴आंदुर इस्त्राएली उर, अदकि परमेश्वर उन पार उन अधिकार अदकि महिमा अदकि वादागोळ अदकि व्यवस्था अन उपहार अदकि परमेश्वर उन उपासना अदकि प्रतगियागोळ आंदुरवा ह्व. ⁵पुर्वज भी आंदुरा उर, अदकि मसीह भी मय इन भाव देल आंदुर दा टु आदुन. परमेश्वर जो सप्पा मुंदुर म्याकुच राजय माळतान आव हमेशा हमेशा धन्य ईरल. आमीन.

⁶लेकीन ईद ईला कनि परमेश्वर उन वचन टलसेत, इदुरसाटी कनि जो इस्त्राएल इन वंश आर, आंदुर सप्पा इस्त्राएली आल्लच; ⁷अदकि ना अब्राहम उन वंश आगेद कारण सप्पा आऊन औलाद टहूरसदुर, लेकीन शास्त्र दा लखिसकु आद, “इसहाक टु अच नीन वंश कहलुसयान.” ⁸मतलब मय इन औलाद परमेश्वर उन औलाद आल्लच, लेकीन प्रतगिया अन औलाद वंश आळ्कु आगतद. ⁹यतकीं प्रतगिया अन वचन ईद हुन: “ना उचित समय इन अनुसार बराईन, अदकि सारा अक पार आदान.” ¹⁰अदकि सर्फ ईदा ईला, लेकीन याग रबिका भी ऊँद देल मतलब नाम आप्प इसहाक देल येदुद पारगोळ आदुर, ¹¹लेकीन आकनि ऊँद चगिद उक नविळुसोद ईद पुरा तरीका देल परमेश्वर उन खुद इन उपदेश इन परणिमा ईरोद, परमेश्वर आकनि से अंदुन, धोड्डेव स्याणेंव उन स्यावा माळयान. ¹²ई मातगोळ परमेश्वर आंदुर जनम इन पयले अदकि आंदुर येनारा बुरा भला माळ से पयले अंदुन रा परमेश्वर उन पसंद आऊन कारदुर मा नरिभर आद, ना अदुर मा कनि आंदुर येन माळदुर. ¹³हयांग शास्त्र दा लखिसकु आद, “ना याकूब से प्यार माळदीन, लेकीन एसाव उक अप्रिय जानसदीन.”*

¹⁴इदुरसाटी नाव येन अंदेव? येन परमेश्वर उन हाती अन्याय आद? यागलु ईला. ¹⁵यतकीं आव मूसा से अनतान, “ना याता मंळसा मा दया माळोद चाहासाईन आऊन मा अच दया माळाईन, अदकि याता मंळसा मा कृपा माळोद चाहासाईन, आऊन मा का कृपा माळाईन.”

¹⁶इदुरसाटी ईद ना रा चाहासावाळा अन, ना मयनत माळावाळा अन लेकीन दया माळावाळा परमेश्वर मा नरिभर आद. ¹⁷यतकीं शास्त्र दा फरिीन से अंदकु आत, “ना नीनी इदुरा साटी नदिर्सीन कनि नीन दा तान सामर्थ्य तोरसाईन, अदकि नान हेसुर इन प्रचार पुरा पृथ्वी मा आगुल*.” ¹⁸इदुरसाटी आव यार मा चाहासतान आऊन मा दया माळतान, अदकि यारी चाहासतान आऊक कठोर माळ वुळतान.

परमेश्वर उन सट्टि अदकि आऊन दया

¹⁹इदुरसाटी नीम दा टु यावारा नानी ईद अंदान, “रा बाक परमेश्वर नामी दोषी येती टहूरसतान? याव परमेश्वर उन इच्छा अन सामना माळ सकतान?” ²⁰हे मंळसा, नी याव हुय जो परमेश्वर

उन वरिध दा माताळत्या? ऊंद घळुसद वस्तु तान घळुसावाळा से केळ सकतद, “नी नानी हागि येती माळ्या?” 21 येन कुंभार उक मृण्ण मा अधिकार हैलेच का ऊंद अच लवांदा दा टु ऊंद वरतन आदर इन साटी अदकि दुसरा अक अनादर इन साटी माळ्यान? 22 परमेश्वर तान सट्टि तोरसली अदकि तान सामर्थ्य प्रगट माळोद इच्छा देल सट्टि इन वरतनगोळद, जो वनिाश इन साटी तयार माळकु आगीदव, बळा धीरज देल सहन माळदुन; 23 अदकि दया अन वरतनगोळ मा, यवरी आव महमा अन साटी पयले टु तयार माळदुन, तान महमा अन धन इक प्रगट माळोद इच्छा माळदुन? 24 मतलब नाम मा यारी आव ना सर्फि यहूदीगोळ दा टु, उलटा गैरयहूदीगोळ दा टु भी कारदुन. 25 ह्यांग आव होशे अन कतिाव दा भी अनतान, “जो नान लॉकुर ईला ईरोर, आंदरी ना तान लॉकुर अनाईन; अदकि याता लॉकुर मा प्यार ईला ईरोद, आंदरी प्रयि अनाईन. 26 अदकि हागि आदीत का याता जागा दा आंदुर से ईद अनकु आगीत का नीव नान लॉकुर आल्लच, अदा जागा आंदुर जतिता परमेश्वर उन औलाद अंदकु आदार.”

27 अदकि यशायाह इस्त्राएल इन बारा दा कारूकु अनतान, “चाहे इस्त्राएल इन औलादगोळ गनिती समुदर अन धुळा अन बराबर ईरूल, तरी भी आंदुर दा टु धवाळासा अच ऊळसकु आदार.

28 यतकी प्रभु तान वचन पृथ्वी मा पुरा माळकु, राटनेरी अदरी सदिध माळ्यान.”

29 ह्यांग यशायाह पयले भी अंददिन,

“अगर सेनागोळ प्रभु नाम साटी येनारा वंश बळिलुन,

रा नाव सदोम उन घाई आगेगायदेव, अदकि गमोरा अन सदृश टहरसायदेव.”

इस्त्राएल इन अवशिवास

30 इदुरसाटी नाव येन अंदेव? ईद का गैरयहूदीगोळ जो न्यायीपन इन खोज ईला माळतोगोर, न्यायीपन हाशील माळदुर मतलब आ न्यायीपन इक वशिवास देल हाशील माळयार; 31 लेकीन इस्त्राएली, जो न्यायीपन इन व्यवस्था अन खोज माळतोगोर आ व्यवस्था ताका पोहचुसीदील.

32 यदुर साटी? इदुरसाटी का आंदुर वशिवास देल ईला, लेकीन कर्मगोळ देल अदुर खोज माळतोगोर. आंदुर आ ठोकर इन कल्ल मा ठोकर तदुर, 33 ह्यांग पवतिरशास्त्र दा लखिसकु आद, “नोळी, ना सयियोन दा ऊंद चट्टान ईटतीन, अदकि जो परमेश्वर उन वचन मा वशिवास माळ्यान आव लज्जति आगतीदील*.”

10

1 हे वारटुरा अदकि आकतीगोरा, नान मन इन अभलाषा अदकि आंदुर साटी परमेश्वर से नान प्रार्थना आद का आंदरी उद्धार सकिकुल. 2 यतकी ना ई मात देल गवाही कोळतीन आंदुर परमेश्वर दा मगन ईरतार, लेकीन आंदुर भक्ती खरा ग्यान मा आधारति हैलेच. 3 यतकी आंदुर परमेश्वर उन न्यायीपन देल अनजान आगकु, अदकि तान न्यायीपन स्थापति माळोद कोशशि माळकु, परमेश्वर उन न्यायीपन इन हातती आगीदील. 4 मसीह व्यवस्था अन अन्त माळदुन का हर ऊंद जो वशिवास माळतान परमेश्वर उन साटी न्यायी आगुल.

उद्धार सप्पा मुंदुर साटी

5 यतकी मूसा ईद लखिस्यान का जो मंळसा आ न्यायीपन मा जो व्यवस्था देल आद, नळुतान, आव अदुर देला जतिता ईततान. 6 लेकीन जो न्यायीपन वशिवास देल आद, अदुर बारा दा शास्त्र ईद अनतद, “नी तान मन दा ईद अनबाळेत का, मसीह अक ईळसकु तरोरसाटी स्वर्ग मा याव येर्यान?” मतलब मसीह अक लयालमा तरोरसाटी, 7 या “मसीह अक सोततुर दा टु जतिता माळकु म्याकुच तरोरसाटी अधोलोक दा याव ईळदान?” मतलब मसीह अक सोततुर बाददा म्याकुच ओयोर साटी. 8 लेकीन अद येन अनतद? ईद का “वचन नीन हाती आद, नीन बाय दा अदकि नीन मन दा आद,” ईद अदा वशिवास इन वचन हुन, जो नाव प्रचार माळतेव, 9 का अगर नी तान बाय

देल यीशु उक प्रभु जानसकु अंगीकार माळ्या, अदकि तान मन देल वशिवास माळ्या कऱि परमेश्वर आऊक सोततुर दा टु जतिता माळदुन, रा नीन जरूर उदधार आदति. ¹⁰ यतकी वशिवास माळदुर देल नाव परमेश्वर उन सांगुळ सही संबंघ दा बरतेव अदकि बाय देल कबुल माळदुर देल नामी मुक्तिसकितद. ¹¹ यतकी पवतिरशास्त्र ईद अनतद, “जो यावारा आऊन मा वशिवास माळतान आव लज्जति आगतीदल.” ¹² यहूदीगोळ अदकि गैरयहूदीगोळ दा येनु फरक हैलेच, इदुरसाटी कऱि आव परमेश्वर सप्पा मुंदुर प्रभु हुन अदकि आव सप्पा मुंदुरी बहुतायत देल आशीर्षित माळतान जो आऊक कारतार. ¹³ यतकी शास्त्र दा लखिसकु आद, “जो यावारा प्रभु उक मदत साटी कारतान, आव ऊळसकु आदान.”

¹⁴ लेकीन यार मा आंदुर वशिवास माळीदल, आंदुर आऊक हयांग मदत साटी कारदान? अदकि यार संदेश केळीदल आऊन मा हयांग वशिवास माळ्यार? अदकि प्रचारक बनिा हयांग केळ्यार? ¹⁵ अदकि अगर संदेश केळसावाळेर कळुकु आगतीदल, रा हयांग प्रचार माळ्यार? हयांग शास्त्र दा लखिसकु आद, “आंदुर काल येन सुहावना आव, जो खुशखबरी हुडुकु बरतार!” ¹⁶ लेकीन सप्पा मुंदुर आ खुशखबरी मा कवि हचीदलि: यशायाह अनतान, “हे प्रभु, याव नाम समाचार मा वशिवास माळयान?” ¹⁷ इदुरसाटी वशिवास संदेश इन केळदुर देल अदकि संदेश मसीह अन वचन देल आगतद.

¹⁸ लेकीन ना अनतीन, येन आंदुर केळीदल? केळोद रा जरूरी आद; यतकी शास्त्र दा लखिसकु आद,

“आंदुर स्वर सप्पा पृथ्वी मा,

अदकि आंदुर वचन दुनया अन आखरी ताका पोहचुसेग्याव.”

¹⁹ ना मात्त अनतीन, येन इस्त्राएली ईला जानसोर? पयले रा मूसा अनतान,

“ना आंदुर द्वारा जो लॉकुर ईला, नीम मन दा जलन उपजुसाईन;
ना ऊंद मूळ लॉकुर द्वारा नीमी सटिट तोरसाईन*.”

²⁰ बाक यशायाह हापाळ हम्मिमत इन सांगुळ अनतान,

“जो नानी ईला हुंढसोर, आंदरी ना सक्केदीन;

अदकि जो नानी केळतोगोर भी ईला, आंदुर मा ना प्रगट आगेदीन*.”

²¹ लेकीन इस्त्राएल इन बारा दा आव ईद अनतान,

“ना पुरा दनि तान कय ऊंद आग्या ईला मानसावाळेर अदकि झगळा माळावाळेर लॉकुर दी पसरसकु ईत्तीन*.”

11

इस्त्राएल मा परमेश्वर उन दया

¹ इदुरसाटी ना अनतीन, येन परमेश्वर तान लॉकुरी त्याग्स बुटुन? यागलु ईला! ना भी रा इस्त्राएली हुईन; अब्राहम उन वंश अदकि बनि्यामीन उन गोत्र दा टु आईन. ² परमेश्वर तान लॉकुरी त्यागसीदल, यारी आव पयले टु अच नविळुसदुन. येन नीव जान्सातीर कऱि शास्त्र एलियाह अन बारा दा येन अनतद, याग आव इस्त्राएल इन वरिध दा परमेश्वर से वनिती माळतान? ³ “हे प्रभु, आंदुर नीन भविष्यवक्तागोळद घात माळदुर, अदकि नीन वेदीगोळी केळद वुटार; अदकि ना अच आवना ऊळदीन, अदकि आंदुर नानी भी कौननोर साटी खोज माळेत्यार.” ⁴ लेकीन परमेश्वर से आऊक येन उत्तर सकित? “ना तान साटी येळ हजार गंळसुरी ईटकु बर्दिन, यार खवाटा बाअल भगवान उन उपासना माळीदलि.” ⁵ ठीक ईदा रीति देल ई समय भी, अनुग्रह देल नविळुसद थवाळासा लॉकुर मकिकु आर. ⁶ अगर ईद अनुग्रह देल आग्याद, रा बाक कर्मगोळ देल ईला; ईदारा अनुग्रह बाक अनुग्रह ईतीदल.

* 10:15 १०:१५ यशायाह ५२:७ * 10:16 १०:१६ यशायाह ५३:१ * 10:19 १०:१९ व्यवस्थावविरण ३२:२१ * 10:20 १०:२० यशायाह ६५:१ * 10:21 १०:२१ यशायाह ६५:२ * 11:1 ११:१ फलिपिगोळ ३:५

7 इदुरसाटी परणाम येन आत? ईद कि इस्त्राएल यार्द खोज दा ईरोर, अद आंदरी सकदील; लेकीन नविळ्स्द लॉकुरी सकित, अदकि बाकी लॉकुर कठोर माळ्कु आदुर. 8 ह्यांग शास्त्र दा लखिसकु आद,

“परमेश्वर आंदुर मन अदकि दलिगोळी चेतना शुन्य माळ बुटान, अदकि हगि कण्णगोळी कोट्टुन जो नोळवाळ्ळुल अदकि हगि कवि जो केळवाळ्ळुल.”

9 अदकि दाऊद अनतान,

“आंदुर भोजन आंदुर साटी जाल अदकि फासा,

ताकी आंदुर बळ्ळुल अदकि आंदरी दण्ड सकिल.

10 आंदुर कण्णगोळ मा अंधार छासेगुल ताकी नोळ ईला सकुल,

अदकि नी हमेशा आंदुर बेन इक वांग्सकु ईट.”

11 इदुरसाटी ना अनतीन येन आंदुर इदुरसाटी ठोकर तदुर कि बदिगुल? यागलु ईला! लेकीन आंदुर बळ्ळोद कारण गैरयहूदीगोळी उद्धार सकित, कि आंदरी जलन आगुल. 12 इदुरसाटी अगर आंदुरद बळ्ळोद दुनिया अन साटी धन अदकि आंदुर घटी गैरयहूदीगोळ साटी सम्पत्ती इन कारण आत, रा आंदुरद भरपुरी देल येन आगतीदील.

गैरयहूदीगोळद उद्धार

13 इंग ना नीव गैरयहूदीगोळ से ई मातगोळी अनतीन. यागासताका ना वशिष रूप देल गैरयहूदीगोळ साटी प्रेरति आईन, रा ना तान स्यावा अन प्रती बळाई माळतीन, 14 ताकी यातोदारा रीत देल ना तान कुटुम्बगोळ दा जलन पैदा माळसुसकु आंदुर दा टु थवाळासा लॉकुरद उद्धार माळसुसाईन. 15 यतकी अगर परमेश्वर उन द्वारा आंदुर नकार माळ्कु आगोद इदुर देल परमेश्वर उन सांगुळ मेल मलाप आगतद रा बाक आंदुर अपनुसदुर देल येन सोत्तुर दा टु जत्तिता आगोद आगतीदील? 16 याग भेट इन पयला लोई पवतिर ठहूरूत्, रा पुरा काल्सद हीट भी पवतिर आद; अदकि याग मार इन जळ पवतिर ठहूरूत्, रा खांदीगोळ भी हगि अच आव.

17 लेकीन अगर थवाळासा खांदीगोळ मूरूकु आदव, अदकि नी आळी दाकळोद जैतून आगकु अऊदा हचकु आद, अदकि जैतून इन जळ इन चकिनाई इन भागी आग्या, 18 रा खांदीगोळ मा घमण्ड माळवाळेत; अदकि अगर नी घमण्ड माळ्या रा जान्स कोम कि नी जळ इक ईला लेकीन जळ नीनी संभाल्सतद. 19 बाक नी अंद्या, “खांदीगोळ इदुरसाटी मूरूकु आदव कि ना अल हचकु आगाईन.” 20 ठीक आद, अव रा अवशिवास इन कारण मूरूकु आदव, लेकीन नी रा वशिवास देल बनसकु ईरत्या इदुरसाटी अभिमानी आगबाळ, लेकीन अंजक मान्स, 21 यतकी परमेश्वर स्वाभाविक खांदीगोळी बटिदलि रा नीनी भी बळ्ळीदील. 22 इदुरसाटी परमेश्वर उन कृपा अदकि कठोरता अक नोळ! जो बदिदुर आंदुर मा कठोरता, लेकीन नीन मा कृपा, अगर नी आऊन दा बनसकु ईत्या, रा ठीक आद ईदारा नी भी कळ्कु आद्या. 23 अगर यहूदी भी अवशिवास दा ईतीदील, रा हचकु मार से जोळसकु आदार; यतकी परमेश्वर समर्थ आन अदकि आंदरी मात्त जोळस सकतान. 24 यतकी अगर गैरयहूदी आ जैतून देल, जो स्वभाव देल आळी दाकळोद आद, कळ्कु आत अदकि स्वभाव इन वरिद्ध वळ्ळीद जैतून दा जोळ्सकु आत, रा ईव जो यहूदी खांदीगोळ आव, तांद अच जैतून दा येती हचकु आगतीदील.

पुरा इस्त्राएल इन उद्धार

25 हे वारटुरा अदकि आकतींगेरा, ईदारा हगि आगवाळ्ळुल कि नीव तान तान इक बुद्धमिान सम्स कोमी; इदुरसाटी ना चाहासालीन कि नीव ई भेद देल अनजान ईरी कि यागासताका गैरयहूदीगोळ पुरा रीत देल प्रवेश माळ कोमालुर, आगासताका इस्त्राएल इन ऊंद भाग हगि अच कठोर ईत्तीत. 26 अदकि ई रीत देल सप्या इस्त्राएल इक उद्धार सकिकीत. ह्यांग शास्त्र दा लखिसकु आद, “बळिसावाळा सयियोन टु बंदान, अदकि अभक्ती इक याकुव उन वंशगोळ से दुर माळ्यान;”*

27 अदकि आंदुर सांगुळ नान ईदा वादा आग आदति, याग ना आंदुर पापगोळी दुर माळ बुळाईन.”
 28 यतकी आंदुर खुशखबरी इक अस्वीकार माळदुर अदकि गैरयहूदीगोळ हेसुर इन कारण यहूदी परमेश्वर उन दुश्मन आगोदुर, लेकीन नविळुसकु आगदुर देल आंदुर आंदुरद आप्प दादागोळद कारण परमेश्वर उन प्रथि आर. 29 यतकी परमेश्वर तान वरदानगोळ देल यागलु बदलुसालुन अदकि आशीषगोळ अटल आव. 30 यतकी ह्यांग नीव गैरयहूदीगोळ पयले परमेश्वर उन आग्या मान्सीदील, लेकीन हांगा ईंग यहूदीगोळद आग्या ईला मान्सदुर देल नीम मा दया आत; 31 नीम मा जो दया आत अदुर कारण यहूदी ईंग परमेश्वर उन आग्या मान्सालुर, इदुरसाटी कि ईंग नीम घाई दया आंदुर मा भी आगुल. 32 यतकी परमेश्वर सप्पा मुंदरी आग्या उल्लंघन माळदुर कारण वंदी माळकु ईटदुन, ताकी आव सप्पा मुंदुर मा दया माळुल.

परमेश्वर उन स्तुर्ता

33 आहा! परमेश्वर उन धन अदकि दमिाक अदकि ग्यान येन महान आद! आऊन फैसलागोळी याव सप्पट माळ सकतान अदकि आऊन हादीगोळी याव सम्स सकतान!

34 ह्यांग शास्त्र दा लखिसकु आद, “प्रभु उन मन इक याव जान्स सकतान? अदकि आऊक याव सलाह कोळ सकतान? 35 येन यावारा परमेश्वर उक येनारा कोटान यदरी आव मात्त आऊक वापस कोळुल?”

36 *यतकी आऊंदा दी टु, अदकि आऊंदा द्वारा, अदकि आऊंदा साटी सब कुछ माळकु आग्याद. आऊन महमा हमेशा हमेशा आगतेला ईरूल: आमीन.

12

परमेश्वर उन स्यावा अन जीवन

1 इदुरसाटी हे वारटुरा अदकि आकतींगेरा, ना नीम से परमेश्वर उन दया याद तोरसकु वनिती माळतीन कि तान शरीर इक जतिता, अदकि पवतिर, अदकि परमेश्वर उक संतोष कोळावाळा बलदान माळकु येरसी. अगर नीमद खरा उपासना आद. 2 ई दुनिया अन घाई आगवाळी; लेकीन नीम मन इन व्हाशोद आगदुर देल नीम चाल चलन भी बदलुसतेला ईरूल, यदुर देल नीव परमेश्वर उन भला, अदकि भावती, अदकि सिद्धि इच्छा अनुभव देल मालूम माळतेला ईत्तीर.

3 यतकी ना आ अनुग्रह अन कारण जो नानी सकियाद, नीम दा टु हर ऊंद मळसा से अनतीन कि ह्यांग सम्स पायजे अदुर देल यक्कुल यावारा भी तान तान इक सम्सबाळुल; लेकीन ह्यांग परमेश्वर हर ऊंद मळसा अक वशिवास परणिाम इन अनुसार वाट्स बुटान, हांग अच सुबुध्दा इन सांगुळ तान इक समसुल. 4 *यतकी ह्यांग नाम शरीर दा हापाळ सा अंग आव, अदकि सप्पा अंगगोळद ऊंदा घाई कयालसा हैलेच; 5 हांग अच नाव जो हापाळ अंग ईतकु भी मसीह दा आबुर दाबुर अंग आयेव. 6 *याग कि आ अनुग्रह अन अनुसार जो नामी कोटकु आग्याद, नामी संदेश हेळोद वरदान सकियाद, रा यारी भविष्यवाणी इन दान सकियाद, आव वशिवास इन परणिाम इन अनुसार भविष्यवाणी माळुल; 7 अगर स्यावा माळोद दान सकीदाद, रा स्यावा दा हतकु ईरूल; अगर यावारा कलसावाळा आन, रा कलसदुर दा हतकु ईरूल; 8 जो प्रोत्साहन कोळवाळा आन, आव प्रोत्साहन कोळुल; दान कोळावाळा उदारता देल कोळुल; अदकि जो अगुवाई माळावाळा आन, आव लगन इन सांगुळ अगुवाई माळुल; अदकि यारी दया तोरसोद दान आद, माळुल, आव खुशी देल दान माळुल.

9 नीम प्यार नषिकपट ईरूल; बुराई देल घृणा माळी; अदकि भलाई दा हतकु ईरी. 10 भाईचारा अन भाव देल आबुर दाबुर से प्यार ईटी; परस्पर आदर माळदुर दा आबुर दाबुर से वाळुसकु नळी. 11 कोशशि माळदुर दा आलसी ईरवाळुल; आत्मकि उत्सुक दा तुमकु ईरी; प्रभु उन स्यावा माळतेला ईरी. 12 आशा दा खुश ईरी; क्लेश दा स्थरि ईरी; हर समय प्रार्थना दा हतकु ईरी.

13 पवतिर लॉकुरी जो येनारा जरूरी आद, अदुर दा आंदुरद मदत माळी; पाहुनचार माळदुर दा हतकु ईरी.

14 *तान सतुसावाळेरी आशीष कोळी; आशीष अच कोळी श्राप कोळवाळी. 15 आनन्द माळावाळेरे सांगुळ आनन्द माळी, अदकि वर्ला वाळेरे सांगुळ वरली. 16 आपस दा ऊंद घाई मन ईटी; अभमिनी आगवाळी, लेकीन गरीबगोळ सांगुळ संगत ईटी; तान नजर दा तान तान इक बुद्धमिान सम्सवाळी. 17 बुराई इन बदला यारदु से बुराई माळवाळी; जो मातगोळ सप्पा लॉकुर नजर दा भला आव, अवरी माळोद कोशशि माळी. 18 येल ताका आग सकुल, नीव सप्पा मंळसागोळ सांगुळ शांती देल ईरी. 19 हे प्रयिगोळा, बदला ताकोम वाळेतीर, लेकीन परमेश्वर उन सट्टि इक मौका कोळी, यतकी शास्त्र दा लखिसकु आद, “बदला ताकोमोद नान क्याल्सा आद, प्रभु अनतान ना अच बदला ताकोमाईन.” 20 लेकीन “अगर नीन दुश्मन उपासा आन रा आऊक तनिनी कोळ, अगर नीरअळक देल आन रा आऊक नीर कुळस; यतकी हगि माळदुर देल आव खुद अच नीन से शर्मदा आदान.” 21 बुराई देल हारूसवाळी, लेकीन भलाई देल बुराई इक जीतुस कोमी.

13

राज्य अन अधिकारीगोळ प्रती कर्तव्य

1 हर ऊंद मंळसा शासकीय अधिकारीगोळ हात्ती ईरूल, यतकी यातोदु अधिकार हगि हैलेच जो परमेश्वर उन दी टु ईला ईतीदाद; अदकि जो अधिकार आद, अद परमेश्वर उन दी टु ठहरसकु आव. 2 इदुरसाटी जो यावारा अधिकार इन वरिध माळतान, आव परमेश्वर उन वधि इन वरिध माळतान, अदकि वरिध माळावाळेरी दण्ड सकिकीत. 3 यतकी शासक वळलीद क्याल्सा नोर हैलेच, लेकीन बेकार क्याल्सा अन साटी अंजूक इन कारण आर; इदुरसाटी अगर नी शासक से नडिर ईरोद चाहासत्या, रा वळलीद क्याल्सा माळ, अदकि आऊन दी टु नीन बळाई आदति; 4 यतकी आव नीन भलाई इन साटी परमेश्वर उन सेवक आन. लेकीन अगर नी बुराई माळया, रा अंज, यतकी आव तलवार बेकार हूळकु हैलेच; अदकि परमेश्वर उन सेवक हुन का आऊन सट्टि इन अनुसार बेकार क्याल्सा माळावाळा अक दण्ड कोळुल. 5 इदुरसाटी नीव अधिकारीगोळद आग्या मानसी, सर्फ परमेश्वर उन दण्ड इन कारण ईला, लेकीन नाम मन इन कारण देल. 6 *इदुरसाटी कर भी कोळी यतकी शासन माळावाळेरे परमेश्वर उन सेवक उर अदकि हमेशा ईदा क्याल्सा दा हतकु ईरतार. 7 इदुरसाटी हर ऊंद मंळसा अन हक्क चुक्ता माळी; यारी कर पायजे, आऊक कर कोळी; यारी महसूल पायजे, आऊक महसूल कोळी; यारी मान पायजे, आऊक मान कोळी; यार्द आदर माळ पायजे, आऊन आदर माळी.

आबुर दाबुर प्रती प्यार

8 आपस इन प्यार इक बटिकु अदकि यातोदु मात दा यारदु करजदार आगवाळी; यतकी जो दुसरा से प्यार ईटतान, आवा व्यवस्था अन पालन माळयान. 9 यतकी ईद का “व्यभचार माळवाळेतीर, कोनन वाळेतीर, चोरी माळवाळेतीर, लालच माळवाळेतीर,” अदकि इवरी बटिकु अदकि यातोद भी आग्या ईतीदाद रा सप्पा अन सारांश ई आग्या दा सकितद, “तान मान्ना हात्तीवाळेरे से तान घाई प्यार ईट.” 10 प्यार तान संगी इन यागलु बुरा माळाल्द, इदुरसाटी प्यार माळोद ईद व्यवस्था अन पालन माळोद हुन.

11 समय इक अरूकु हगि अच माळी, इदुरसाटी का ईंग नीम साटी जप्प दा टु येळोद समय होत बंदाद; यतकी याता समय नाव वशिवास माळीदेव, आ समय इन वचार देल ईंग नाम उद्धार हात्ती आव. 12 ईळलक हापाळ आगेग्याद, अदकि व्हातुर आगदुर मा आद; इदुरसाटी नाव अंधकार इन क्याल्सागोळी त्यागस्कु ज्योर्ता इन हथयार कट कोडव. 13 ह्यांग हागुल इक शोभा कोळतद, हांग अच नाव सीधा चाल ईट्टेव, ना का कामवासना अदकि पयिक्कळपन दा,

ना व्यभिचार अदकि लुचपन दा, अदकि ना झगळा अदकि डाह दा. ¹⁴ लेकीन प्रभु यीशु मसीह अन हथयार हुडु कोमी, अदकि तान मानव स्वभाव इन शरीर इन अभलिषागोळी पुरा माळदुर दा हतकु ईरवाळी.

14

आबुर दाबुरद न्याय माळबाळी

¹ जो वशिवास दा नरिबल आन, आऊक तान संगती दा ताकोमकोमी, लेकीन आऊन व्यक्तगित वचारगोळ मा झगळा माळोर साटी ईला. ² ऊंद मळसा अक वशिवास आद कसिप्पा येनारा तनिद उचति आद, लेकीन जो वशिवास दा नरिबल आन आव साग पात अच तनितान. ³ तनिवाळा जो तनिलुन आऊक तुच्छ जान्स बाळुल, अदकि जो तनिलुन आव तनिवाळा मा दोष हचबाळुल; यतकी परमेश्वर आऊक ग्रहण माळ्यान. ⁴ नी याव हुय जो दुसरा अन सेवक मा दोष हचत्या? आऊन स्थरि ईरोद या बदिगोद आऊन स्वामी से अच संबंध ईटतद; बल्की आव स्थरि अच माळकु आदान, यतकी प्रभु आऊक स्थरि ईट सकतान.

⁵ यावारा रा ऊंद दनि इक दुसरा दनि से यक्कुल महत्वपुरण मानसतान, अदकि यावारा सप्पा दनिगोळी ऊंदा घाई मानसतान. हर ऊंद तांद अच मन दा नशिचय माळ कोमुल. ⁶ जो यातोदारा दनि इक महत्वपुरण मानसतान, रा आव प्रभु उक महत्वपुरण मानसतान. अदकि जो सब कुछ तनितान, आव प्रभु उन साटी तनितान, यतकी आव आंदुर भोजन इन द्वारा परमेश्वर उन धन्यवाद माळतान, अदकि जो मास बटिकु साग पात तनितान, आव प्रभु उन साटी तनिलुन अदकि परमेश्वर उन धन्यवाद माळतान. ⁷ यतकी नाम दा टु यावारा तान साटी जतिता आन, अदकि ना यावारा तान साटी सायतान. ⁸ अगर नाव जतिता आयेव, रा प्रभु उन साटी जतिता आयेव; अदकि अगर सायतेव, रा प्रभु उन साटी सायतेव; इदुरसाटी नाव जतिता ईतेव या सोतेव, नाव प्रभु नोर अच हुयेव. ⁹ यतकी मसीह इदुरदा साटी सोततुन अदकि जतिता भी आग्यान क आव सोततुती अदकि जतिता आग्यार येदुदु मुंदुर प्रभु आगुल.

¹⁰ नी तान वार्ट उन मा येती दोष हचत्या? या नी बाक येती तान वार्ट उक तुच्छ जानसत्या? नाव सप्पा च्या सप्पा मुंदुर परमेश्वर उन न्याय सहासन इन मुंद नदिरव. ¹¹ यतकी शास्त्र दा लखिसकु आद,

“प्रभु अनतान, नान जीवन इन करिया क हर ऊंद ट्वांगारा नान मुंद टकिसीत,

अदकि हर ऊंद ल्यालग्या ईद कबुल माळीत काना परमेश्वर हुईन.”

¹² इदुरसाटी नाम दा टु हर ऊंद मळसा परमेश्वर उक तान तान लेखा जोखा कोट्टान.

तान वार्ट उन कमजोर आगोद कारण बनसबाळी

¹³ इदुरसाटी मुंद टु नाव आबुर दाबुर मा दोष हचतदील, लेकीन नीव ईद ठानस कोमी क यावारा तान वार्ट उन मुंद ठोकर तनिकु पाप दा बळिद कारण बनसबाळुल. ¹⁴ प्रभु यीशु दा ऊंद आगदुर नाता देल ना नशिचित जानसतीन यातोदारा वस्तु तांदुर देल अशुधद हैलेच, लेकीन जो अदरी अशुधद समसतान आऊन साटी अशुधद आद. ¹⁵ अगर नीन वार्ट या आकतींग नीन भोजन इन कारण दुखी आगतार, रा बाक नी प्यार इन रीति देल नळाल; यदुर साटी मसीह सोततुन, आऊक नी तान भोजन इन द्वारा नाश माळबाळ. ¹⁶ यारी नीव भला मानसतीर आऊक यारीकु बुरा माताळगोळ बाळेतीर. ¹⁷ यतकी परमेश्वर उन राज्य तनिद कुडोद ईला, लेकीन न्यायीपन, शांती अदकि आनन्द जो पवतिर आत्मा कोळतद. ¹⁸ जो यावारा ई रीति देल मसीह अन स्यावा माळतान, आव परमेश्वर उक भाऊस्तान अदकि मळसागोळ दा ग्रहण माळा लायक ठहरूस्तान. ¹⁹ इदुरसाटी नाव आ मातगोळ दा हतकु ईतेव यऊर देल मेल मलिाप अदकि आबुर दाबुरी आत्मकि उन्नती दा मदत सकितद. ²⁰ भोजन इन साटी जो परमेश्वर माळ्यान अदरी नष्ट

माळबाळी. सप्पा येनारा शुद्ध रा आद, लेकीन आ खाना देल यारीकारा ठोकर हततद रा अद बेकार आद. ²¹ भला रा ईद आद की नी ना रा मास तनि अदकि ना रा सारा कुडू, अदकि ना रा हगि येनारा माळेत यदुर देल नीन वशिवासी वार्ट या आकतीग ठोकर तनिल. ²² नीन जो वशिवास ईरूल, अदरी परमेश्वर उन मुंद तांद अच मन दा ईट. धन्य आन आव जो आ मात दा, यदरी आव ठीक समसतान, तान तान इक दोषी ठहूसालुन. ²³ लेकीन जो लॉकुर संदेह माळकु तनितार आंदरी परमेश्वर दोषी ठहूसतान, यतकी आंदुर कार्य वशिवास इन आधार मा हैलेच; अदकि जो येनारा वशिवास इन आधार मा हैलेच, अद पाप हुन.

15

दुसरा अक संतुष्ट माळी

¹ इदुरसाटी नाव बलवानगोळी पायजे की नरिबलगोळद नरिबलतागोळी सहन माळेव, ना की तान तान इक संतुष्ट माळेव. ² नाम दा टु हर ऊंद तान मानना अन आंदुरद भलाई इन साटी खुश माळेव ताकी आंदुरद वशिवास दा उन्नती आगुल. ³ यतकी मसीह तान तान इक खुश माळीदील, लेकीन ह्यांग शास्त्र दा लखिसकु आद: “नीन अपमान माळावाळेद अपमान नान मा बंदकु बदिद.” ⁴ यास मातगोळ पयले टु लखिसकु आग्याव, अव नामद अच शकिषा अन साटी लखिसकु आग्याव कनाव धीरज अदकि शास्त्र अन प्रोत्साहन द्वारा आशा ईटुल. ⁵ धीरज अदकि शांती अन दाता परमेश्वर नीमी ईद वरदान कोळुल की मसीह यीशु अन अनुसार आपस दा ऊंद मन ईरी. ⁶ ताकी नीव ऊंद मन अदकि ऊंद स्वर दा नाम प्रभु यीशु मसीह अन आप्प परमेश्वर उन स्तुति माळी.

⁷ इदुरसाटी, ह्यांग मसीह परमेश्वर उन महिमा अन साटी नीमी ग्रहण माळ्यान, हांग अच नीव भी आवुर दाबुर इक ग्रहण माळी. ⁸ इदुरसाटी ना अनतीन की जो वादागोळ आप्प दादागोळी कोटकु आगीदव अवरी मजबूत माळोर साटी मसीह, परमेश्वर उन सच्चाई इन प्रणाम कोळोर साटी, यहूदी लॉकुरद सेवक बन्सदुन; ⁹ अदकि गैरयहूदीगोळ भी दया अन कारण परमेश्वर उन स्तुति माळुल; ह्यांग शास्त्र दा लखिसकु आद, “इदुरसाटी पुरा राष्ट्र दा नीन धन्यवाद माळाईन, अदकि नीन हेसुर इन भजन हाळाईन.”

¹⁰ वाक अंदान,

“हे गैरयहूदीगोळ,

परमेश्वर उन नविळुसद लॉकुर सांगुळ आनन्द माळी.”

¹¹ अदकि वाक,

“हे गैरयहूदीगोळ सप्पा लॉकुर, प्रभु उन स्तुति माळी;

अदकि हे राष्ट्र अन लॉकुरा, आऊक समसी.”

¹² अदकि वाक यशायाह अनतान,

“यशै अन ऊंद वंशज प्रगट आदीत,

अदकि आव गैरयहूदीगोळ मा शासन माळ्यान,

अदकि आ लॉकुर आऊन मा आशा ईट्यार.”

¹³ परमेश्वर जो आशा अन दाता आन नीमी वशिवास माळदुर दा सप्पा प्रकार इन आनन्द अदकि शांती देल परपिरण माळुल, की पवतिर आत्मा अन सामर्थ्य देल नीम आशा वाळुसतेला होगुल.

साहस देल लखिसोद कारण

¹⁴ हे नान वारटुरा अदकि आकतीगेरा, ना खुद नीम बारा दा सही दा जानसतीन की नीव भी खुद अच भलाई देल तुमकु अदकि ईश्वरीय ग्यान देल भरपुर आईर, अदकि आवुर दाबुर इक कलस सकी. ¹⁵ तरी भी ना येल्यारा-येल्यारा याद दलिसोर साटी नीमी जो हापाळ हिम्मत माळकु चिट्ठी लखिसदीन. ईद आ अनुग्रह अन कारण आत जो परमेश्वर नानी कोट्टान, ¹⁶ की ना गैरयहूदीगोळ

साटी मसीह यीशु उन सेवक आगकु परमेश्वर उन खुशखबरी इन स्यावा याजक उन घाई माळाईन, यदुर देल गैरयहूदीगोळ मान्सी चळुसकु आगोद, पवतिर आत्मा देल पवतिर बनसकु ग्रहण माळकु आगुल. 17 इदुरसाटी आ मातगोळ बारा दा जो परमेश्वर उन से संबंध ईटताव, ना मसीह यीशु दा बळाई माळ सकतीन. 18 यतकी आ मातगोळी बटिकु नानी अदकि यातोदु मात इन बारा दा अनोद हमिमत हैलेच, जो मसीह गैरयहूदीगोळ हात्ती ता अन साटी वचन, अदकि कर्म, 19 अदकि चमत्कारगोळ, अदकि अदभुत कयालसागोळ सामर्थ्य देल, अदकि पवतिर आत्मा अन सामर्थ्य देल नांद अच दवारा माळकु आदव; ईल ताका क्फि ना यूरुशलेम टु ताकोमकु नाकु दी इल्लुरकुिम ताका मसीह अन खुशखबरी इन पुरा पुरा प्रचार माळदीन. 20 लेकीन नान मन इन उमंग आद क्फि येल येल मसीह अन हेसुर ताकोमकु आगीदील, अदा खुशखबरी केळसाईन ताकी हगि आगवाळुल क्फि दुसरा अन पायवा मा मान्ना माळाईन. 21 लेकीन ह्यांग शास्त्र दा लखिसकु आद हांग अच आगुल, “यारी आऊन खुशखबरी पोहचुसीदील, आंदुर अच नोळ्यार अदकि यार केळीदील आंदुर अच समस्यार.”

रोम यात्रा अन पौलुस उन योजना

22 *इदुरदा साटी ना नीम हाती बरोर से घळी घळी थाम्सकु ईत्तीन. 23 लेकीन ईग ई द्याशगोळ दा नान कयाल्सा अन साटी अदकि जागा ईतीदील, अदकि हापाळ साल टु नानी नीम हाती बरोद लालच आद. 24 इदुरसाटी याग ना स्पेन इक होगोईन रा नीम हाती टु आगतेला होगोईन, यतकी नानी आशा आद क्फि आ यात्रा दा नीम से मुलाकात आदीत, अदकि याग नीम से सीकाईन रा नीव नानी येनारा दुर मुंद पोहचुस बुळेतीर. 25 *लेकीन ईगलया रा ना परमेश्वर उन लॉकुरद स्यावा माळोर साटी यूरुशलेम इक होगीतीन. 26 यतकी मकदिनया अदकि अखाया अन लॉकुरी ईद वळ्लीद हत्त क्फि यूरुशलेम इन पवतिर लॉकुर दा नरिधनगोळ साटी येनारा चंदा माळुल. 27 *आंदरी वळ्लीद रा हत्त, लेकीन आंदुर आंदुरद कर्जदार भी आर, यतकी अगर गैरयहूदीगोळ आंदुरद आत्मकि मातगोळ दा भागी आदुर, रा आंदरी भी उचति आद क्फि शारीरकि मातगोळ दा आंदुरद स्यावा माळुल. 28 इदुरसाटी ना ईद कयाल्सा पुरा माळकु अदकि आंदरी ईद भेट कोटकु नीम हाती टु आगतेला स्पेन इक होगोईन. 29 अदकि ना जान्सतीन क्फि याग ना नीम हाती बराईन, रा मसीह अन पुरा आर्शवाद्गोळ सांगुळ बराईन.

30 हे वारटुरा अदकि आकतींगेरा, नाम प्रभु यीशु मसीह अन अदकि पवतिर आत्मा अन प्यार इन याद दलिसकु ना नीम से वनिती माळतीन, क्फि नान साटी परमेश्वर से प्रार्थना माळदुर दा नान सांगुळ हतकु ईरी 31 क्फि ना यहूदिया अन अवशिवासी लॉकुर से ऊळदकु ईराइन, अदकि नान अद स्यावा जो यूरुशलेम इन साटी आद, परमेश्वर उन लॉकुरी पंसद बरूल; 32 अदकि ना परमेश्वर उन इच्छा देल नीम हाती आनन्द इन सांगुळ वंदकु नीम सांगुळ आराम माळाईन. 33 शांती अन परमेश्वर नीम सप्पा मुंदुर सांगुळ ईरूल. आमीन.

16

व्यक्तगित अभिवादन

1 ना नीम से फीबे अन साटी जो नाम आकतींग अदकि कखिरिया अन मंडली नोर सेवकि आर, वनिती माळतीन 2 क्फि नीम, ह्यांग क्फि परमेश्वर उन लॉकुरी पायजे, आकी प्रभु दा ग्रहण माळी; अदकि यातोदारा मात दा आकी नाम जरवत आद, आकनि मदत माळी, यतकी आक भी हापाळ मुंदुरद बल्की नान भी मदत माळावळ्ळत ईतार.

3 *प्रसिका अदकि अक्वलिा अक जो मसीह यीशु दा नान सहकर्मी आर, नमस्कार. 4 आंदुर नान जीव इन साटी तांद अच जीवन जोखमि दा हाक बुटीदुर; अदकि सरिफ ना अच ईला, बल्की गैरयहूदीगोळद सप्पा मंडलीगोळ भी आंदुरद धन्यवाद माळतद. 5 आ मंडली अक भी नमस्कार जो

* 15:22 १५:२२ रोमियों १:१३

* 15:25 १५:२५ १ कुर्नियथि १६:३-८

* 15:27 १५:२७ १ कुर्नियथि ९:११

* 16:3

१६:३ परेतिगोळ १८:२

आंदुर मान्या आद. नान प्रयि इपैनतिस उक, जो मसीह अन साटी आसया प्रांत इन पयला फल आद, नमस्कार. 6 मरथिम इक, याक नीम साटी हापाळ मयनत माळदुर, नमस्कार. 7 अन्दुनीकुस अदकि यूनयास उक जो नान घरजनी नोर आर, अदकि नान सांगुळ कैद आगीदुर अदकि प्रेरतिगोळ दा हेसुर वाळेर आर, अदकि नान से पयले मसीह आगीदुर, नमस्कार. 8 अम्पलयातुस उक, जो प्रभु दा नान प्रयि संगी आन, नमस्कार. 9 उरबानुस उक, जो मसीह दा नाम सहकरमी आन, अदकि नान प्रयि इसतखुस उक नमस्कार. 10 अपुल्लोस उक जो मसीह दा सही होट्टुन, नमस्कार. अरसित्तुबुलुस उन घराना इक नमस्कार. 11 नान रशितेदार हेरोदयोन यहूदी संगी इक नमस्कार. नरकसिसुस उन घराना इन जो लॉकुर प्रभु दा आर, आंदरी नमस्कार. 12 त्रूफेना अदकि त्रूफोसा अक जो प्रभु दा मेहनत माळतार, नमस्कार. प्रयि परिससि उक, याव प्रभु दा हापाळ मेहनत माळदुन नमस्कार. 13 रूफूस उक जो प्रभु दा नविळुसकु आन अदकि आऊन मोय इक, जो नान भी मोय उर, येदहु मुंदरी नमस्कार. 14 असुंकरतिस, फलिगोन, हरिमेस, पत्रुबास, हरिमास अदकि आंदुर सांगुळ इन वार्दुर अदकि आकतीगरी नमस्कार. 15 फलितुगुस, यूलाया, नेर्युस अदकि आकनि आकतीग, अदकि उलुम्पास अदकि आंदुर सांगुळ इन सप्पा परमेश्वर उन लॉकुरी नमस्कार. 16 आपस दा पवतिर चुम्बन देल नमस्कार माळी. नीमी मसीह अन सप्पा मंडलीगोळ दी टु नमस्कार.

आखरी नरिदेश

17 ईग हे वार्दुरा अदकि आकतीगेरा, ना नीम से वनिती माळतीन, कजो लॉकुर आ शकिषा अन वपिरीत, जो नीमी सकियाद, फूट हाककोद अदकि ठोकर तनिसोद कारण बन्सतार, आंदरी अरत कोमी अदकि आंदुर से दुर ईरी. 18 यतकी हगि लॉकुर नाम प्रभु मसीह नोर आल्लच, लेकीन तान व्हाट्टा अन स्यावा माळतार; अदकि चकिना चुपळा मातगोळ देल सीधा साधा मन इन लॉकुरी बयकुस बुळतार. 19 नीम आग्या मानसोद चर्चा सप्पा लॉकुर दा फैलुसेत, इदुरसाटी ना नीम बारा दा आनन्द माळतीन, लेकीन ना ईद चाहासतीन कनीव भलाई इन साटी बुद्धमिान लेकीन बुराई इन साटी भोला बन्सकु ईरी. 20 शांती इन परमेश्वर शैतान उक नीम कालगोळ देल राटनेरी मेटसुस बुट्टान.

नाम प्रभु यीशु मसीह अन अनुग्रह नीम मा आगतेला ईरूल. 21 *नान सहकरमी तीमुथयिस उन, अदकि नान घराना इन लूकयिस, यासोन अदकि सोसपित्तुरस ई नान यहूदी संगीगोळद नीमी नमस्कार. 22 ना चट्टी लखिसावाळा तरितयिस उन, प्रभु दा नीमी नमस्कार. 23 (२४) *गयुस जो नान अदकि मंडली अन पाहुनचार माळावाळा आन, आऊन नीमी नमस्कार. इरास्तुस जो नगर इन भंडारी आन, अदकि वार्ट क्वारतुस उन नीमी नमस्कार. 24

परमेश्वर उन स्तुति

25 आ परमेश्वर उन महिमा आगुल नीम वशिवास ईग जो नीमी नान खुशखबरी मतलब यीशु मसीह अन संदेश इन प्रचार इन अनुसार स्थरि माळ सकतद, परमेश्वर उन ई रहस्य पूर्ण सत्य युगयुग टु होचकु ईरोद, 26 लेकीन ईग प्रगट आगकु सनातन परमेश्वर उन आग्या देल भवषियवक्तागोळद कतिबगोळ द्वारा सप्पा जातीगोळी हेळकु आग्याद क आंदुर वशिवास देल आग्या मानसावाळेर आगेगुल, 27 आवा सरिफ ऊंद बुद्धमिान परमेश्वर उन यीशु मसीह अन द्वारा हमेशा हमेशा महिमा आगतेला ईरूल. आमीन.

* 16:13 १६:१३ मरकुस १४:२१ * 16:21 १६:२१ प्रेरतिगोळ १६:१ १:१६; २ तीमुथयिस ४:२०

* 16:21 १६:२१ प्रेरतिगोळ १६:१

* 16:23 १६:२३ प्रेरतिगोळ १९:२९; १ कुर्नियथ

कुरनिर्थायों के नाम पौलुस प्रेरति की पहली पत्री कुरनिर्थागोळ्द हेसुर पौलुस प्रेरति उन पयला चट्टी परचिय

प्रेरति पौलुस पयला कुरनिर्था ईद चट्टी यीशु उन जनम इन ५५ साल इन बाददा लखिसदुन. १:१ पौलुस कुरनिर्थावासीगोळी येदद चट्टी लखिसयान पौलुस उन ईद इच्छा ईरोद का आव मकदिनया होगाईन अल होगा समय अदकि वापस बरा समय कुरनिर्थावासीगोळ से मुलाकात माळाईन मकदिनया अक होगा से पयले पौलुस ईद चट्टी लखिसदुन आग आव इफसियों दा ईरतोगोन. १६:५-९.

पौलुस उक कुरनिर्थागोळ मंडली दा जो फूट, व्यभचार, अनैतकता घाई अलग अलग समस्यागोळ नळव अऊरद अहवाल आऊक सकीत ई अहवाल इक प्रतिसाद कोळोर साटी पौलुस ईद चट्टी लखिसदुन. कुरनिर्था नगर व्यभचार घाई अनैतकता दा प्रसदिध ईरोद. इदुरसाटी ईद स्वाभाविक अच ईरोद का हिंगि समस्यागोळ मंडली दा भी प्रवेश माळ्याव. पयला कुरनिर्थागोळ्द ईद चट्टी दा प्यार इन बारा दा जो सुप्रसदिध अध्याय आद, अदुर्द भी समावेश आद. १३ रूप-रेखा:

१. पौलुस उन दी टु कुरनिर्थावासीगोळी नमस्कार १:१-९
२. कुरनिर्थागोळ्द मंडली दा आगावाळा दलबन्दी इन बारा दा पौलुस उन उत्तर १:१०-४:२१
३. लैगिक अदकि अनैतकता अन अळचन अदकि आबुर दाबुर न्यायालयीन झगळा ५-६
४. मदा अन समस्या अदकि मुरतपुजक चढावा, सामुहिक आराधना, आत्मिक दान अदकि पुनरूतथान ७-१५
५. व्यावहारिक अदकि व्यक्तगित मुद्दागोळ बारा दा पौलुस उन सलाह १६

1 पौलुस उन दी टु जो परमेश्वर उन इच्छा देल यीशु मसीह अन्द प्रेरति आगोर साटी कारूक आत अदकि वार्ट सोस्थनिस दी टु,

2 परमेश्वर उन आ मंडली अन्द हेसुर जो कुरनिर्थास दा आद, मतलब आंदुर हेसुर जो मसीह यीशु दा पवतिर माळकु आग्यार, अदकि पवतिर आगोर साटी कारूक आग्यार; अदकि आ सप्पा मुंदुर हेसुर भी जो हर जागा दा आंदुर अदकि नाम प्रभु यीशु मसीह अन्द हेसुर देल प्रार्थना माळतार.

3 नाम आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

यीशु मा वशिवास ईटावाळेर मा आशीषगोळ

4 ना नीमूद बारा दा तान परमेश्वर उन धन्यवाद हमेशा माळतीन, इदुरसाटी का परमेश्वर उन ईद अनुग्रह नीम मा यीशु मसीह दा आत. 5 क नीव यीशु मसीह दा ऊद आगदुर कारण नीव हर मात दा, मतलब सप्पा वचन अदकि सप्पा ग्यान दा धनी माळकु आदीर. 6 यीशु मसीह अन्द बारा दा बातणी नीम दा पक्का होळल. 7 इदुरसाटी कियातोदारा वरदान दा नीमी कमी ना आगुल, ह्यांग नीव नाम प्रभु यीशु मसीह अन्द बरोद हादी नोळतेला ईरतीर. 8 आव नीमी आखरी ताका पक्का भी माळयान का नीव नाम्द प्रभु यीशु मसीह अन्द वापस बरोद दनि दा नरिदोष ठहूसी. 9 परमेश्वर वशिवास इन लायक आन, याव नीमी तान पार नाम्द प्रभु यीशु मसीह इन संगत दा कारस्यान.

वशिवासीगोळ्द मंडली दा दरार

10 हे वार्दुरा, ना नीम से नाम प्रभु यीशु मसीह अनूद हेसुर देल वनिती माळतीन क नीव सप्पा मुंदुर ऊंद अच मात अनी, अदकि नीम दा फूट बळिवाळुल, लेकीन ऊंद अच मन अदकि ऊंद अच मत आगकु मलिसकु ईरी. 11 हे नान वार्दुरा अदकि आकतींगेरा, खलोए अनूद घराना अनूद लॉकुर नानी नीमद बारा दा हेळदुर क नीम दा झगळा आगेत्याव. 12 *नांद अनोद मतलब ईद आद क नीम दा टु यावारा रा तान तान इक “पौलुस उन,” यावारा “अपुल्लोस उन,” यावारा “कैफा अन,” रा यावारा “मसीह अनूद” अन्यायी अनतार. 13 येन मसीह अनूद वाटा हसिसा आगेत? येन पौलुस नीम साटी कूस मा येरसुसकु आदुन? या नीमी पौलुस उन हेसुर मा बपतसिमा सकित?

14 *ना परमेश्वर उन धन्यवाद माळतीन क क्रिसिपुस अदकि गथुस उक बटिकु ना नीम दा टु याऊकु भी बपतसिमा कोटीदील, 15 इदुरसाटी हगि आगवाळुल क यावारा अनुल क नीमी नान हेसुर मा बपतसिमा सकित. 16 *अदकि हा, ना स्तफिनास इन घराना अक भी बपतसिमा कोट्टीन; इंदरी बटिकु ना जानसालीन क ना अदकि यारीक बपतसिमा कोट्टीन. 17 यतकी मसीह नानी बपतसिमा कोळली ईला, लेकीन खुशखबरी केळसली कळुदुन, अदकि ईद भी मळसा अनूद ग्यान इन आवाजगोळद अनुसार ईला, हगि आगवाळुल क यीशु मसीह अनूद कूस बेकार ठहूरसुल.

मसीह परमेश्वर उन ग्यान अदकि सामर्थ्य हुन

18 यतकी कूस इन कात्ता नाश आगावाळेर साटी मूरखता आद, लेकीन नाव उद्धार ताकोमावाळेर साटी परमेश्वर उन सामर्थ्य आद. 19 यतकी शास्त्र दा लखिसकु आद, “ना ग्यानवंतगोळ ग्यान इक नाश माळाईन,

अदकि समझदार गोळद समझ इक सब से बेकार माळ बुळाईन.”

20 येल आन ग्यानवान? येल आन नयिम इन गु? येल आन ई दुनया अन ववािद माळावाळा? येन परमेश्वर ई दुनया अन ग्यान इक मूरखता ठहूरसीदील?

21 यतकी याग परमेश्वर उन ग्यान इन अनुसार ईद दुनया तान ग्यान देल परमेश्वर उक जान्स सकदील, रा परमेश्वर उक ईद वळलीद हत क ई प्रचार इन “मूरखता” अनूद द्वारा वशिवास माळावाळेर इक उद्धार कोळुल. 22 यहूदी रा चमत्कार इन चमत्कार चाहासतार, अदकि ग्रीक ग्यान इन खोज दा आर, 23 लेकीन नाव रा आ कूस मा येरसकु आग्यान आ मसीह अनूद प्रचार माळतेव, जो यहूदीगोळद साटी टोकर इन कारण अदकि गैरयहूदीगोळ साटी मूरखता आद; 24 लेकीन जो कारूकु आग्यार, येन यहूदी येन गैरयहूदी, आंदुर हात्ती मसीह परमेश्वर उन सामर्थ्य अदकि परमेश्वर उन ग्यान आद. 25 यतकी परमेश्वर उन मूरखता मळसागोळद ग्यान देल ग्यानवान आद, अदकि परमेश्वर उन कमजोरी मळसागोळद ताकत देल हापाळ बलवान आद.

26 हे वार्दुरा अदकि आकतींगेरा, तान कारूकु आगोद मा रा सोची कनि मय इन अनुसार हापाळ ग्यानवान, अदकि ना हापाळ सामर्थी, अदकि ना हापाळ वळलीद घराना टु कारूकु आग्यार. 27 लेकीन परमेश्वर दुनया अन मूरखगोळी नीवळुसदुन क ग्यानवंतगोळी शर्मदि माळुल, अदकि परमेश्वर दुनया अन कमजोर मळसागोळी नविळुसदुन क बलवानगोळी शर्मदि माळुल; 28 अदकि परमेश्वर दुनया अन नीचगोळी अदकि तुच्छगोळी इक भी जो खुद ईला अनूद बराबर समसतार आंदरी भी नीवळुसदुन, ताकी महत्वपुर्ण मातगोळ आंदरी व्यर्थ ठहूरसुल. 29 परमेश्वर हगि माळदुन ताकी यातोदु प्राणी आऊन मुंद घमण्ड माळवाळुल. 30 लेकीन परमेश्वर नामी यीशु मसीह दा ऊंद माळदुन, जो परमेश्वर उन दी टु नाम साटी ग्यान ठहूरस्त. आऊन द्वारा नाव परमेश्वर उन मुंद न्यायी ठहूरसुल, अदकि पवतिर अदकि स्वतंत्र माळकु आदेव; 31 ताकी हयांग शास्त्र दा लखिसकु आद, हांग अच आगुल, “जो घमण्ड माळयान आव प्रभु दा घमण्ड माळुल.”

* 1:12 १:१२ परेतगोळ १८:२४

* 1:14 १:१४ परेतगोळ १८:८; परेतगोळ १९:२९; रोमियों १६:२३

* 1:16 १:१६

2

कूरस मा येरसकु आग्यान मसीह अन्द बारा दा बातणी

1 हे वारटुरा अदकि आकतीगेरा, याग ना परमेश्वर उन रहस्यमय सच्चार्ई अदकि भेद केळसतेला नीम्द हातती बंदीन, रा आवाजगोळ या ग्यान इन उत्तमता अन्द सांगुळ बंददील. 2 यतकी ना ईद टान्स कोंडीदिन कि नीम्द न्याड्या यीशु मसीह बल्की कूरस मा येरसकु आदुन मसीह अदकि आऊन मृत्यु इक बटिकु यातोदु अदकि मात इक जान्सतीदील. 3 *ना कमजोरी अदकि अंज्क इन सांगुळ, अदकि हापाळ नळगत-नळगत नीम हातती बंदीन; 4 अदकि नान वचन, अदकि नान प्रचार दा ग्यान इक लुभावना मातगोळ ईला, बल्की आत्मा अदकि सामर्थ्य इन प्रमाण ईरोद, 5 इदुरसाटी कि नीम्द वशिवास मळसागोळ्द ग्यान मा ईला, लेकीन परमेश्वर उन सामर्थ्य मा नरिभर ईरूल.

परमेश्वर उन ग्यान

6 तरी भी जानकार लॉकुर दा नाव ग्यान केळसतेव; लेकीन ई दुनया अन अदकि ई दुनया अन नाश आगावाळेर शासकगोळ्द ग्यान ईला; 7 लेकीन नाव परमेश्वर उन अद होचकु ग्यान, भेद इन रहस्य अन्द वर्णन माळतेव मतलब आ होचकु ग्यान इक यारी परमेश्वर दुनया माळोद पयले टु ना नाम्द महिमा अन्द साटी ठहरूस्यान, 8 यारी ई दुनया अन शासकगोळ दा टु यारु जान्सीदलि, यतकी अगर आंदुर जान्सायदुर रा महिमा माळावाळा प्रभु उक कूरस मा ईला येरसायदुर. 9 लेकीन ह्यांग लखिसकु आद,

“जो मात कर्णगोळ नोळीदील अदकि कविगोळ केळीदील,

अदकि जो मातगोळ मळसा अन्द मगज दा तुमीदलि,

आंदुर अच उर जो परमेश्वर तान प्यार ईटावाळेर साटी तयार माळ्यान.”

10 लेकीन परमेश्वर आंदरी तान आत्मा अन्द द्वारा नाम मा प्रगट माळदुन, यतकी आत्मा सप्या मातगोळ, उलटा परमेश्वर उन रहस्यमय मातगोळ भी जाँच तान. 11 मळसागोळ दा टु याव यावारा मळसा अन्द मातगोळी जान्सतान, सरिफ मळसा अन आत्मा जो आऊंदा आद? हांग अच परमेश्वर उन मातगोळ भी याऊ जान सकालुन, सरिफ परमेश्वर उन आत्मा अच जान सकतद. 12 लेकीन नामी दुनया अन आत्मा ईला, लेकीन अद आत्मा सकियाद जो परमेश्वर उन दी टु आद कि नाव आ मातगोळी जान्सेव जो परमेश्वर नामी कोटान.

13 यारी नाव मळसागोळ्द ग्यान इन कलसद मातगोळ दा ईला, लेकीन परमेश्वर उन आत्मा अन्द कलसद मातगोळ मा, यारी परमेश्वर उन आत्मा आद आंदरी आत्मकि मातगोळ केळसतेव.

14 जो मळसा परमेश्वर उन आत्मा अन्द मातगोळी ग्रहण माळालुन, यतकी अव आऊन नजर दा मूर्खता नव मातगोळ आव, अदकि ना आव आंदरी जान्स सकतान यतकी आंदुर जाँच आत्मा अन्द रीतदिन आगतद. 15 यारी परमेश्वर उन आत्मा आद आव मळसा सप्या येनारा जाँच तान, लेकीन आव खुद यारदु से जाँच कु आगालुन. 16 ह्यांग पवतिरशास्त्र दा लखिसकु आद,

“याव जान्स सकतान प्रभु उन मन इक?

याव आऊक सलाह कोळ सकतान?”

लेकीन नाम दा मसीह अन्द मन आद.

3

परमेश्वर उन सेवक

1 हे वारटुरा अदकि आकतीगेरा, ना नीम से ई रीतदिन मातगोळ माळ सकदील ह्यांग कि आत्मकि लॉकुर से, लेकीन ह्यांग कि दुनया अन लॉकुर से, अदकि आंदुर से जो मसीह दा चकिोर आर. 2 *ना नीमी हाल कुळसदीन, अनाज तनिसदील; यतकी नीव अदरी पचुस ईला सकीर; सही

दा नीव ईगास ताका अदरी पचुस सकालीर, 3 यतकी नीव ईगास ताका दुनयिया अन लॉकुर घाई आईर. यागासताका नीम दा मतभेद अदकि झगळा आद, रा येन नीव ई दुनयिया नोर आल्लच? अदकि येन मंळसा अनंद रीत मा नळालीर? 4 *यतकी याग पयला अनतान, “ना पौलुस उन हुईन,” अदकि दुसरा अनतान, “ना अपुल्लोस उन हुईन,” रा येन नीव दुनयिया अन मंळसागोळद घाई जीऊस सकालीर?

5 येन हुन अपुल्लोस? अदकि येन हुन पौलुस? सरिफ सेवक, याऊन द्वारा नीव वशिवास माळदीर, हयांग हर ऊंद मंळसा अक प्रभु सौपसदुन हांग आंदुर कयाल्सा माळ पायजे. 6 *ना हचदीन, अपुल्लोस सचिसदुन, लेकीन परमेश्वर वाळुसदुन. 7 इदुरसाटी ना हचावाळा येनारा आन अदकि अदरी सचावाळा, लेकीन परमेश्वर अच सप्पा येनारा आन जो वाळुसावाळा आन. 8 हचावाळा अदकि सचावाळा येदुदु ऊंद सारखा आर; लेकीन हर ऊंद मंळसा अक तान अच मेहनत इन अनुसार आऊक परमेश्वर आऊन कयाल्सा अनंद अनुसार आऊक मजदूरी कोट्टान. 9 यतकी नाव परमेश्वर उन सहकर्मी आयेव; नीव परमेश्वर उन केई

अदकि परमेश्वर उन रचना हुईर. 10 परमेश्वर उन आ अनुग्रह अनंद अनुसार जो नानी कोटक आग्याद, ना बुद्धमिान राजमसित्री इन घाई पायवा हाकदिन, अदकि दुसरा अदुर मा रद्दा मंळसतान. लेकीन हर ऊंद मंळसा सावधान ईरूल क आव आऊन मा हयांग रद्दा ईटतान. 11 यतकी आ पायवा अक वटिकु जो बदिक्कु आद, अदकि अद यीशु मसीह हुन, याऊ दुसरा पायवा हाक सकालुन. 12 अगर यावारा मंळसा ई पायवा मा वहानना, बेळली, बार कल्ल, हूळली या काड्डा देल रद्दा मंळसयान, 13 रा हर ऊंद मंळसा अनंद कयाल्सा प्रगट आगोदीत; यतकी न्याय इन अद दिन आऊक हेळीत, इदुरसाटी क बिक्की इन सांगुळ प्रगट आदान अदकि अद बेक्की हर ऊंद मंळसा अनंद कयाल्सा परखुसीत क हयांग आद. 14 याऊन कयाल्सा आ नीव मा माळकु स्थिर ईततीत, रा आऊक मजदूरी सक्कीत. 15 अगर यावारा मंळसा अनंद कयाल्सा होतेदति, रा आव घाटा नेगदान; लेकीन अव खुद ऊळदोदान लेकीन वहततेला-वहततेला.

16 *येन नीव जानूसालीर क नीव परमेश्वर उन मंदरि हुईर, अदकि परमेश्वर उन आत्मा नीम दा वास माळतद? 17 अगर यावारा मंळसा परमेश्वर उन मंदरि इक नाश माळयान रा परमेश्वर आऊक नाश माळयान; यतकी परमेश्वर उन मंदरि पवतिर आद, अदकि अद नीव हुईर.

18 याऊ तान तान इक ध्वाका कोळवाळुल. अगर नीम दा टु यावारा ई दुनयिया दा तान तान इक ग्यानी समसतान, रा आव मूरख बनसुल क ग्यानी आगेगुल. 19 यतकी ई दुनयिया अन ग्यान परमेश्वर उन हातती मूरखता आद, हयांग शास्त्र दा लखिसकु आद, “आव ग्यानीगोळी आंदुरद चतुराई दा फसुस कोमतान,” 20 शास्त्र दा हगि लखिसकु आद क, “प्रभु ग्यानीगोळद वचारगोळी इक जानसतान क अव वयरथ आव.” 21 इदुरसाटी मंळसागोळ बारा दा यार घमण्ड माळबाळी, यतकी सप्पा येनारा नीम दा हुन: 22 येन पौलुस, येन अपुल्लोस, येन कैफा, येन दुनयिया, येन जीवन, येन सायोद, येन वर्तमान, येन भवषिय, सप्पा येनारा नीमदा हुन: 23 नीव मसीह नव हुईर, अदकि मसीह परमेश्वर उन हुन.

4

मसीह अनंद प्रेरति

1 मंळसा नामी मसीह अन सेवक अदकि परमेश्वर उन मातगोळद मुनीम समसुल. 2 वाक ईल भंडारी दा ईद मात जरूरी आद क भंडारी देखरेख माळावाळा मुनीम वशिवासलायक ईरूल. 3 लेकीन नांद नजर दा ईद हापाळ स्यांळद मात आद क नीव या मंळसागोळद यावारा न्यायालय नानी न्याय दलिसुल, बलकी ना खुद तान तान इक न्याय दलिस सकालीन. 4 यतकी नांद मन नान न्याय माळालद, लेकीन इदुर देल ना नरिदोष ठहूसालीन, यतकी नांद जाँच माळावाळा प्रभु

* 3:4 ३:४ १ कुरनिर्था १:२२

* 3:6 ३:६ प्रेरतिगोळ १:८-११; प्रेरतिगोळ १:८-२४-२८

* 3:16 ३:१६ १ कुरनिर्था ६:१९;

२ कुरनिर्था ६:१६

आन. 5 इदुरसाटी यागासताका प्रभु बरालुन, समय टु पयला यातोदु मात इन नयाय माळवाळी: आवा अंधकार इन होचकु मातगोळ ज्योर्ता दा तोरस्यान, अदकि मनगोळ अभपिरायगोळी इक प्रगट माळयान, आग परमेश्वर उन दी टु हर ऊंद मंळसा अन्द परशंसा आदीत.

6 हे वारटुगा अदकि आकतींगेरा, ना ई मातगोळ दा नीम साटी तान अदकि अपुल्लोस उन मातगोळ उदाहरण इन रीतमा माळीन, इदुरसाटी क नीव नाम द्वारा ईद कली क जिो शास्त्र दा लखिसकु आद अदुर से मुंद आगवाळेतीर, अदकि ऊंद मंळसा अन्द वरिध दा अदकि दुसरा मंळसा अन्द वरिध दा गर्व माळवाळेतीर. 7 नीन दा अदकि दुसरा मंळसा दा याव भेद माळतान? अदकि नीन हात्ती येन आद जो नीनी परमेश्वर देल सकिकीदील? अदकि याग क नीनी परमेश्वर देल सकियाद, रा हगि घमण्ड येती माळत्या क मान्सी नानी सकिकीदील?

8 नीव रा संतुष्ट आगीदीर, नीव धनी आगीदीर, नीव नाम बनि राज्ज माळदीर; लेकीन भला आगाईत क नीव राज्ज माळायदीर क नाव भी नीम सांगुळ राज्ज माळायदेव. 9 नान समझ दा परमेश्वर नाव प्रेरतिगोळी सब मुंदुरद बाददा आ लॉकुर घाई ठहरूस्यान, यार्द सायोद आग्या आगेग्याद; यतकी नाव दुनया अदकि स्वरगदूतगोळ अदकि मंळसागोळ साटी ऊंद तमाशा ठहरूसकु आयेव. 10 नाव मसीह अन साटी मूर्ख आयेव, लेकीन नीव मसीह दा बुद्धिमान आईर! नाव कमजोर आयेव, लेकीन नीव बलवान आईर! नीमी आदर सकितद, लेकीन नाम्द अपमान आगतद! 11 नाव ई घळी ताका हस्तकु नीरअळक अदकि हरकु कपळा हाकतेव, नाम सांगुळ बुरा तरीका देल व्यवहार माळतार अदकि नाव मारा मारा टेटतेव; 12 अदकि तान अच कयगोळ देल क्याल्सा माळकु मेहनत माळतेव. लॉकुर नामी बुरा अनतार, नाव आशीष कोळतेव; आंदुर सतुस्तार, नाव सहन माळतेव. 13 आंदुर बदनाम माळतार, नाव वनिती माळतेव. नाव ईद ताका दुनया अन मईल अदकि सपपा वस्तुगोळ्द खात कचरा अन घाई ठहरूसकु आयेव.

14 ना नीमी शर्मदा माळोर साटी ईव मातगोळ लखिसालीन, लेकीन नानव प्रयि चकिोर घाई समसकु नीमी चेतावनी कोळतीन. 15 यतकी अगर मसीह दा नीमी कलसावाळेर हत्त हजार भी ईरायदुर, तरी भी नीमव गुरुगोळ हापाळ सा हैलेच; इदुरसाटी क मसीह यीशु दा खुशखबरी इन द्वारा ना नीमव आप्प आदीन. 16 इदुरसाटी ना नीम से वनिती माळतीन क नीव नान अनुकरण माळी. 17 ईदा कारण ना तीमथयिस उक, जो प्रभु दा नानव प्रयि पार अदकि विश्वासयोग्य सेवक आन, नीम हात्ती कळदीन. आव नीमी मसीह दा नान आचरण इन याद माळयान, ह्यांग क ना हर जागा दा, हर ऊंद मंडली अक उपदेश कोळतीन.

18 येनारा लॉकुर घमण्ड देल हगि बातोग्यार, मान्सी ईग ना नीम हात्ती बरातीदील. 19 लेकीन प्रभु चाहास्यान रा ना नीम हात्ती राटनेरी इच बराईन, अदकि आ बातकुगोळ्द मातगोळ इक ईला, लेकीन आंदुर सामर्थ्य इक जान्स कोमाईन. 20 यतकी परमेश्वर उन राज्ज मातगोळ दा ईला लेकीन सामर्थ्य दा आद. 21 नीव येन चाहासतीर? येन ना कोल हुळकु नीम हात्ती बराईन, या प्यार अदकि नम्रता अन सांगुळ?

5

मंडली दा अनैतिकता

1 ईद सही दा केळ सकियाद क नीम बीच दा व्यभचार आगतद, अदकि हगि व्यभचार जो गैरयहूदीगोळ दा भी आगाल्द, मतलब ऊंद मंळसा तान आप्प उन हगिस उक ईटतान. 2 पर नीव घमण्ड देल बातोगीर, अदकि नीव इदुर बदला दुख माळालीर, यदुर देल क हगि क्याल्सा माळवाळा नीम बीच दा टु तेगुकु आगायदुन. 3-4 ना रा मय देल दुर ईरीन, लेकीन आत्मा देल नीम सांगुळ आगकु मान्सी उपस्थिती इन दशा दा हगि क्याल्सा माळवाळेर्द बारा दा ईद आग्या कोटबुट्टीन क याग नीव अदकि नांद आत्मा, नामव प्रभु यीशु उन सामर्थ्य इन सांगुळ जमा

आगुल, रा हगि मंळसा नामव प्रभु यीशु उन हेसुर देल 5 रा हगि मंळसा मय इन वनाश इन साटी भूत इक सौप्सकु आगुल, कि आऊन आत्मा अक प्रभु यीशु उन दनि दा उद्धार सकिकुल.

6 नीमद घमण्ड माळोद वळलीद ईलच; येन नीव जानसालीर कथिवाळासा खमीर पुरा कालसकु हीट इक खमीर माळ बुळतद? 7 हाळोद खमीर तेगुकु तान तान इक शुद्ध माळी कथिवाशोद कालसकु हीट आगोगी; मतलब नीव अखमीरी हीट आगोगी हयांग नीव सही दा आईर. यतकी नामद भी फसह, जो मसीह आन, आऊन बलदान आगयाद. 8 इदुरसाटी बरी, नाव हाबब दा खुशी मानसाता, ईदारा हाळोद खमीर टु अदकि ना बुराई अदकि दुष्टता अन खमीर टु, लेकीन सीधाई अदकि सच्चाई इन अखमीरी रोटी देल.

9 ना तान चट्टी दा नीमी लखिसीन कथिबचिारीगोळद संगती माळवाळेत. 10 ईद ईला कथि नीव ई दुनया अन ब्यभचिारीगोळ, या लोभ माळावाळेर, या अंधार माळावाळेर, या मूर्त इन पुजा माळावाळेरद संगती माळबाळी; यतकी ईद दशा दा टु होटबुळोद अच बळ्ळीत. 11 पर नान कहना ईद आद कथि अगर यावारा वार्ट अदकु, ब्यभचिारी, या लोभ माळावाळा, या मूर्त इन पुजा माळावाळा, या बोयावाळा, या सारा कुडावाळा, या अंधार माळावाळा हुन, रा आऊन संगती माळवाळेत; उलटा हगि मंळसा अनद सांगुळ ऊम भी बाळेतीर.

12 यतकी नानी व्हारयावाळेरद न्याय माळदुर देल येन क्याल्सा? येन नीमी आंदुरद न्याय माळोद ईलच जो मंडली दा आर? 13 लेकीन व्हारयावाळेरद न्याय परमेश्वर माळतान. इदुरसाटी आ कुकर्मी अक तान बीच दा टु तेगु बुळी.

6

मसीहगोळ दा मुकदमेबाजी

1 याग नीम न्याइया आपस दा झगळा आगतद रा येन नीम दा टु हगि यावारा आन जो पवतिर लॉकुर हात्ती होगोद बदला अवशिवासीगोळ देल न्याय माळसुसोद दुससाहस माळतान? 2 येन नीव जानसालीर कथिवशिवासी पवतिर लॉकुर दुनया अन न्याय माळ्यार? इदुरसाटी याग नीमी दुनया अन न्याय माळोद आद, रा येन नीव स्याळद से स्याळद झगळागोळद भी नरिणय माळोद लायक ईलच? 3 येन नीव जानसालीर कथिनाव स्वर्गदूतगोळ न्याय माळेव? रा येन सांसारिक मातगोळद नरिणय माळतीदील? 4 अगर नीमी सांसारिक मातगोळद नरिणय माळोद ईतीदाद, रा येन आंदरी अक अच कुरसेतीर यारद मंडली दा येनु भी संबंघ ईलच? 5 ना नीमी शर्मदा माळोर साटी ईद अनतीन. येन खराखुरा नीम दा ऊद भी बुद्धमिान सकालुन, जो तान वारदुर नरिणय माळ सकुल? 6 नीम दा वारदुर वारदुर दा मुकदमा आगतद, अदकि अद भी अवशिवासीगोळ मुंद.

7 लेकीन सही दा नीम दा हापाळ दोष रा ईद आद कथि आपस दा मुकदमा माळतीर. अन्याय येती सहन माळालीर? तान हाना येती सहन माळालीर? 8 लेकीन नीव रा खुद अच अन्याय माळतीर अदकि हाना पहचुसतीर, अदकि अद भी वारदुरी का. 9 येन नीव जानसालीर कथिअन्यायी लॉकुर परमेश्वर उन राज्य अनद वारीस आगसकालुर? धवाका तनिबाळी; ना यौन संबंघ, ना मूर्त इन पुजा माळावाळा, ना परस्त्रीगामी, ना गंळसगामी, 10 ना काळल, ना लोभी, ना सारा कुडावाळा, ना बोयावाळा, अदकि टगुसावाळेर परमेश्वर उन राज्य अनद वारीस आदार. 11 अदकि नीम दा टु यास हगि अच ईरोर, लेकीन नीव प्रभु यीशु मसीह अनद हेसुर देल अदकि नाम परमेश्वर उन आत्मा देल तोळुकु आदव अदकि पवतिर आदुर अदकि न्यायी ठहरूसदुर.

मय परमेश्वर उन महिमा अनद साटी

12 सप्पा वस्तुगोळ नान साटी उचति रा आद, लेकीन सप्पा वस्तुगोळ लाभ इन आलच; सप्पा वस्तुगोळ नान साटी उचति आद, लेकीन ना यारदु मात इन हात्ती आगालीन. 13 आमली काण्णा व्हाट्टा अनद साटी, अदकि व्हाट्टा आमली काण्णा अनद साटी आद, लेकीन परमेश्वर

इदरी अदकि अदरी येदुदु उक नाश माळयान. लेकीन शरीर व्यभचार इन साटी ईला, बलकी प्रभु उन साटी हुन, अदकि प्रभु शरीर इन देखभाल माळोर साटी आन. 14 परमेश्वर तान सामर्थ्य देल प्रभु उक जतिता माळदुन, अदकि नामी भी जतिता माळयान.

15 येन नीव जानसालीर कि नीमद मय मसीह अनूद मय इन अंग हुन? रा येन ना मसीह अनूद मय इन अंग हुळकु आंदरी वेश्या अनूद अंग माळाईन? यागलु ईला. 16 येन नीव जानसालीर कि जो यावारा वेश्या से संगती माळतान, आव आकनि सांगुळ ऊंद तन आगोगतान? यतकी शास्त्र दा लखिसकु आद: “आंदुर येदुदु मुंदुर ऊंद तन आदार.” 17 अदकि जो प्रभु उन संगती दा जोळसकु आग्यार, आव आऊन सांगुळ ऊंद आत्मा बनसेगुल.

18 व्यभचार देल ऊळदकु ईरी. यास अन्य पाप मंळसा माळतान अव मय इन व्हार्या आद, लेकीन व्यभचार माळावाळा तान अच मय इन वरिद्ध पाप माळतान. 19 येन नीव जानसालीर कि नीमद मय पवतिर आत्मा अनूद मंदिर आद, जो नीम दा कुरतकु आद अदकि नीमी परमेश्वर उन दी टु सक्ियाद; अदकि नीव तानव आलच? 20 यतकी परमेश्वर नीमी दाम कोटकु कोडुन, इदुरसाटी तान मय इन द्वारा परमेश्वर उन महिमा माळी.

7

मदा से संबंघति प्रश्न

1 आ मातगोळ वारा दा जो नीव लखिसीर,

ईद वळलीद आद कि गंळस आरत इक मुठवाळुल. 2 लेकीन व्यभचार इन अंजक देल हर ऊंद गंळस उन हगिस, अदकि हर ऊंद आरत इन गांडु ईरूल. 3 गांडु तान हगिस उन हक्क पुरा माळुल; अदकि हांग अच हगिस भी तान गांडु उन हक्क पुरा माळुल. 4 हगिस उक तान मय मा अधकार हैलेच लेकीन आकनि गांडु उन अधकार आद; हांग अच गांडु उक भी तान मय मा अधकार हैलेच, लेकीन हगिस उन आद. 5 नीव आबुर दाबुरी ई अधकार देल वंचति माळवाळी, लेकीन सरिफ आपसी सहमती देल थ्वाळासा समय ताका अलग ईरी कि प्रार्थना अनूद साटी मवका सक्िकुल, अदकि बाक ऊंद सांगुळ आगेगी, ईदारा हगि आगवाळुल कि नीमद असंयम इन कारण भूत नीमद परीक्षा ताकोमुल.

6 लेकीन ना इजाजत इन रूप दा ईद अनतीन, आदेश इन रूप दा ईला. 7 ना ईद चाहासतीन कि ह्यांग ना आईन, हांग अच सप्पा मंळसा ईरूल; लेकीन हर ऊंद मंळसा अक परमेश्वर उन दी टु वशिष वशिष वरदान सक्ियाव; यारीकारा यातोदारा प्रकार इन, अदकि यारीकारा यातोदारा अलग प्रकार इन.

8 ईग ना क्वारा अदकि रांडयागीतेर वारा दा अनतीन कि आंदुर साटी हगि अच ईरोद वळलीद आद, ह्यांग ना आईन. 9 लेकीन अगर आंदुर संयम ईट सकालुर, रा मदा माळुल; यतकी मन दा गलत बचारि माळदुर देल मदा माळोद भला आद.

10 थ्यारद मदा आगेग्याद, आंदरी ना ईला, बलकी प्रभु आग्या कोळतान कि हगिस तान गांडुन से अलग आगवाळुल. 11 अदकि अगर अलग भी आदार, रा दुसरा मदा माळवाळुल हांगा ईरूल; या तान गांडु उन से बाक मेल माळ कोमुल, अदकि ना गांडु तान हगिस उक बळिवाळुल.

12 दुसरा से प्रभु ईला लेकीन ना अच अनतीन, अगर यावारा वारट उन हगिस वशिवास ईला ईटतीदार अदकि आऊन सांगुळ ईततुर देल खुश ईतीदार, रा आव आक इक बळिवाळुल. 13 या आरत इन गांडु अवशिवासी ईतीदान, अदकि आकनि सांगुळ ईततुर देल खुश ईरूल; रा आक तान गांडु उक बळिवाळुल. 14 यतकी हगि गांडु जो अवशिवासी ईतीदान, आव हगिस उन कारण पवतिर ठहरूसतान; अदकि हगि हगिस जो वशिवास ईला ईटतीदार, गांडु उन कारण पवतिर ठहरूसतार; ईदारा नीमव चकोर-चळिगेर अशुध्द ईरायदुर, लेकीन ईग रा पवतिर आर. 15 लेकीन

जो गंळस अवशिवाव ईतीदान, अगर आव अलग आदान रा अलग आगगोळी, हगि दशा दा याऊ वार्ट या आकतीग बंधन दा ईला. परमेश्वर नामी मेल मल्लिप माळोर साटी कारस्यान. 16 यतकी हे आरत, नी येन जानसत्या कनिनी तान गांडड उन उदधार माळसुस कोंड्या? अदकि हे गंळसा, नी येन जानसत्या कनिनी तान हगिस उन उदधार माळसुस कोंड्या?

परमेश्वर हयांग कारूतान अदुर अनुसार नळी

17 हयांग प्रभु हर ऊंद मंळसा अक जीवन कोट्टुन, अदकि हयांग परमेश्वर हर ऊंद मंळसा अक कारदुन, हांग अच आव नळुल. ना सप्पा मंडलीगोळ दा हगि अच कल्सतीन. 18 येन यावारा खतना अन्द दशा दा कारूकु आग्यान, अदकि परमेश्वर हयांग यारी कारस्यान, आव खतनारहति बन्सबाळुल. जो खतनारहति दशा दा कारूकु आग्यान? आव खतना माळबाळुल? 19 ना खतना येनु आद अदकि ना खतनारहति, लेकीन परमेश्वर उन आग्यागोळ अनुसार नळोद सप्पा येनारा आद. 20 हर ऊंद मंळसा या दशा दा परमेश्वर कारदान, आव अदा दशा दा ईरूल. 21 अगर नी दास उन दशा दा कारूकु आगिद्या रा चनिता माळबाळ; लेकीन अगर नी आजाद आगोद चाहासत्या, रा हगि अच क्याल्सा माळ. 22 यतकी जो दास उन दशा दा प्रभु दा कारूकु आग्यान, आव प्रभु उन स्वतंत्र माळकु जन हुन. हांग अच जो स्वतंत्रता अन्द दशा दा कारूकु आग्यान, आव मसीह अन्द दास हुन. 23 नीमी परमेश्वर दाम कोटकु कोंडुन; मंळसागोळद दास बन्सबाळी. 24 हे वार्टुरा अदकि आकतीगेरा, जो यावारा या दशा दा कारूकु आग्यान, आव परमेश्वर उन मुंद ईरूल.

बनि मदावळत अदकि रांडयागीतेर

25 कुवारा पोरगोळ बारा दा प्रभु उन यातोदु आग्या नानी सकिकीदील, लेकीन वशिवासयोग्य आगोर साटी हयांग दया प्रभु नान मा माळदुन, ना अदुरदा अनुसार सममती कोळतीन.

26 नांद समझ दा ईद वळलीद आद कि ईद नाळ क्लेश इन कारण, मंळसा हयांग आन हांग अच ईरूल. 27 अगर नीन हगिस आर, रा आकनि से अलग आगोद प्रयास माळबाळ; अदकि अगर नीन हगिस ईलच, रा हगिस उन खोज माळबाळ. 28 लेकीन अगर नी मदा भी माळ्या रा पाप माळाल. अदकि अगर कुवारा पोर मदा माळुल, रा आक पाप माळालुर. तरी भी मदा माळतार आंदरी ई जीवन दा शारीरिक दुख आदीत, अदकि ना नीमी ऊळसोद चाहासतीन.

29 हे वार्टुरा अदकि आकतीगेरा, ना ईद अनतीन कि समय कम माळकु आग्याद, इदुरसाटी ईग टु यार हगिस आर आंदुर हगि ईरी मान्सी कि आंदुर हगिस ईलच; 30 अदकि वर्ला वाळेर हगि ईरूल मान्सी वर्लालुर, अदकि खुशी माळावाळेर हगि ईरूल मान्सी खुशी माळालुर. अदकि जो पैस्या कोटकु कोमावाळेर आर आंदुर हगि ईरूल मान्सी आंदुर हात्ती येनु हईच ईलच. 31 अदकि ई दुनया अन सांगुळ व्यवहार माळावाळेर हगि ईरूल, मान्सी कि आंदुर आ व्यवहार होचकु हैलेच; यतकी ई दुनया अन रीत अदकि व्यवहार खतम आगेगताव.

32 लेकीन ना ईद चाहासतीन कि नीमी चिता आगबाळुल. बनि मदावाळा गंळस प्रभु उन मातगोळद चिता दा इरतान कि प्रभु उक हयांग खुश ईटुल. 33 लेकीन मदावाळा मंळसा दुनया अन मातगोळद चनिता दा इरतान कि तान हगिस उक याता रीत देल खुश ईटुल. 34 मदावळत अदकि बनि मदावळत पोर दा भी भेद आद: बनि मदावळत पोर प्रभु उन चनिता दा ईरतार कि आक मय अदकि आत्मा येदुदु दा पवतिर ईरूल, लेकीन मदावळत दुनया अन चनिता दा ईरतार कि तान गांडड उक खुश ईटुल.

35 ना ईद मात नीमदा लाभ साटी अनतीन, ना कनिम मा बंधन हचचोर साटी, बल्की इदुरसाटी कि हयांग शोभा कोळतद हांग अच माळ पायजे, कनिनी व ऊंद मगज आगकु प्रभु उन स्यावा दा हतकु ईरी.

36 या सगाई माळत ज्वाळा मदा ईला माळोद नरिणय ताकोडाद, लेकीन अगर आ मंळसा अक हततद, कि आऊन व्यवहार आ कुवारा पोर इन प्रती वळलीद हैलेच, अदकि आऊन भावनागोळ हापाळ मजबूत आव अदकि आऊक हततद, कि आंदरी मदा माळकोम पायजे, रा आंदरी जरूर मदा

माळ पायजे ह्यांग आव चाहासतान, ईदुर दा येनु पाप हैलेच. 37 लेकीन याव ईद मामला अक तान दमाक दा तय माळदुन, जो यातोदारा भी मजबुरी अन हात्ती हैलेच, लेकीन तान इच्छा मा काबु ईटतान, अदकि याव क्वारा पोर इन से मदा ईला माळोद तान मन माळ कोंडान, आव मंळसा भी वळ्लीद माळतान. 38 जो मदा माळतान, आव वळ्लीद माळतान, अदकि जो मदा माळालुन, आव मात्त अदकि भी वळ्लीद माळतान.

39 यागासताका यातारा आरत इन गांडड जतिता इरतान, आगासताका आ आरत आऊन बंधन दा ईरतार; लेकीन अगर आकनि गांडड सोतोदान रा यारी चाहस्यार आऊन से मदा माळ सकतार, लेकीन प्रभु दा वशिवासी ईर पायजे. 40 लेकीन अगर आक बनिा मदा माळदुर देल ईरूल, रा नान वचिार दा अदकि भी धन्य आर; अदकि ना सम्सतीन कि परमेश्वर उन आत्मा नान दा भी आद.

8

मूर्तगिोळी येरसकु आगोद आमली काण्णा

1 ईग मूर्तगिोळद मुंद बली माळद भोजन वस्तुगोळद बारा दा नाव जानसतेव कि नाव सप्पा मुंदरी ग्यान आद.

ग्यान घमण्ड पैदा माळतद, लेकीन प्यार देल उनुनती आगतद. 2 अगर यावारा समसुल कि ना येनारा जानसतीन, रा ह्यांग जानसोद पायजे हांगा ईग ताका जान्सालुन. 3 लेकीन अगर यावारा परमेश्वर से प्यार ईटतान, रा परमेश्वर आऊक अरूतान.

4 इदुरसाटी मूर्तीगोळद मुंद बली माळद वस्तुगोळद तनिोद बारा दा नाव जानसतेव कि मूर्त इन दुनया दा येनु असततिव ईलच, अदकि आऊक वटिकु याऊ परमेश्वर ईलच. 5 इदुरसाटी आकाश दा अदकि पृथ्वी मा हापाळ सा “दयाव” कहलुसतार. ह्यांग कि हापाळ सा दयाव अदकि हापाळ सा “प्रभु” आर. 6 तौभी नाम साटी रा ऊंद अच परमेश्वर आन: मतलब आप्पा याऊन दी टु सप्पा वस्तुगोळ माळकु आगयाव, अदकि नाव आऊन साटी आयेव. अदकि आव ऊंद अच प्रभु आन, मतलब यीशु मसीह याऊन द्वारा सप्पा वस्तुगोळ माळकु आव, अदकि नाव भी आऊन द्वारा माळकु आगेव.

7 लेकीन सप्पा मंळसागोळी ईद ग्यान ईलच, लेकीन येनारा लॉकर ईग ताका मूर्त इन संपर्क दा ईत्तुर कारण ईग ताका बली कोळद वस्तु अक हगि तनितार मान्सी खराखुरा मूर्त इन मुंद बली माळकु आगयाद, अदकि आऊन वविक नरिबल आगोद कारण अशुध्द आगेगतान. 8 ऊमोद नामी परमेश्वर उन हात्ती पहुचुसाल्द. अगर नाव तनितीदील रा नाम्द येनु हाना ईलच, अदकि अगर तनिदेव रा येनु लाभ ईलच.

9 लेकीन सावधान! हगि आगबाळुल कि नीम्द ईद आजादी ईदारा नरिबलगोळ साटी टोकर इन कारण आगेगुल. 10 अगर यावारा मंळसा नीन घाई ग्यानी इक मूर्त इन मंदिर दा ऊमतेला नोळ्यान अदकि आव नरिबल जन आगुल रा येन इदुर देल आऊन वविक इक मूर्त इन मुंद बली माळद वस्तु तनिोद हम्मिमत आगतीदील. 11 ई रीति देल अपमान ग्यान इन कारण आव नरिबल वार्ट यार्द साटी मसीह सोत्तुन, नाश आगेदान. 12 ई प्रकार वार्टगोळ वरिद्ध अपराध माळदुर देल अदकि आदुरद नरिबल मन इक दुख पोहचुसदुर देल, नीव मसीह अन्द वरिद्ध अपराध माळतीर. 13 ई कारण अगर ऊमोद नान वार्ट उक टोकर तनितीत, रा ना यागलु यातारा रीति देल मॉदरा तनितीदील, ना आगुल कि ना तान वार्ट उन साटी टोकर इन कारण बनसाईन.

9

प्रेरतिगोळद अधिकार अदकि कर्तव्य

1 येन ना आजाद हैलेच? येन ना भी प्रेरति आल्लच? येन ना यीशु उक जो नामव प्रभु हुन, नोळीदील? येन नीव प्रभु दा नांद मेहनत इन प्रतफिल आल्लच. 2 अगर ना दुसरा अन्द साटी

प्रेरति आल्लच, तरी भी नीम साटी रा हुईन; यतकी ना परमेश्वर उन क्याल्सा माळदीन, नीम प्रभु दा एकता अच नान प्रेरति आगोद प्रमाण आद.

3 जो नानी जाँच तार, आंदुर साटी ईदा नांद उत्तर आद. 4 येन नामी कमाई माळकु तनिद कुडोद अधिकार ईलच? 5 येन नामी ईद अधिकार ईलच, कि यातारा मसीह आकतींग इन सांगुळ मदा माळकु आक इक हुळकु टेटेव, हयांग दुसरा प्रेरति अदकि प्रभु उन वार्ट अदकि कैफा माळतार? 6 या सरिफ नानी अदकि बरनबास उक अच कमाई माळकु तनिद अधिकार ईलच. 7 हगि याव आन जो तांद अच खर्च मा सेना दा स्यावा माळतान? याव आन जो अंगुर इन केई हचकु अदुरद काय तनालुन? हगि याव आन जो म्यांडागोळ्द रखवाली माळकु अऊर्द हाल कुडालुन?

8 येन ना ईव मातगोळ मंळसागोळ्द अच रीतमा अनतीन? यतकी व्यवस्था अन्द कतिब दा ईदा मात लखिसकु आद. 9 *येन व्यवस्था ईद अनाल्द? यतकी मूसा अन्द व्यवस्था दा लखिसकु आद, “दावन दा नळुतेला वस्ता अन्द बाय कट बाळेतार.” येन परमेश्वर वस्तागोळ्द अच चनिता माळतान? 10 या वशिष माळकु नाम साटी अनतान. हा नाम साटी अच लखिसकु आग्याद, यतकी उचित आद कानांगर नळसावाळा आशा देल केई नळसुल, अदकि दावन कोळावाळा फसल सकिकोद आशा देल दावनी माळुल. 11 *याग नाव नीम्द साटी आत्मकि मातगोळ बोऊसदेव, अदकि अगर नाव आ शारीरकि वस्तुगोळ्द फसल कडुतेव, रा येन अद धोळ्द मात आद. 12 अगर नीम मा दुसरा लॉकुर अधिकार जतुसतार, रा येन नाम्द नीम मा यक्कुल अधिकार हल्लेच?

तरी भी नाव ई अधिकार इन इस्तेमाल माळीदलि, लेकीन नाव सब येनारा सहन माळतेव कि नाम्द द्वारा मसीह अन खुशखबरी दा अळचन बरबाळुल. 13 येन नीव जान्सालीर कि जो मंदरि दा स्यावा माळतार, आंदुर मंदरि दा टु तनितार; अदकि जो वेदी इन स्यावा माळतार, आंदुर वेद इन भेट इन सहभागी आगतार? 14 *ईदा रीति देल प्रभु भी ठहरूसदुन कि जो लॉकुर खुशखबरी केळसतार, आंदुर जीवकि खुशखबरी देल आगुल.

15 लेकीन ना इदुर दा टु यातोदारा भी मात इक क्याल्सा दा तंददील, अदकि ना ईव मातगोळ इदुरसाटी लखिसीदलि किनांद साटी हगि माळुल, यतकी इदुर देल रा नांद सायोद अच भला आद कि यावारा नांद घमण्ड इक बेकार ठहरूसुल. 16 अगर ना खुशखबरी केळसाईन, रा नांद साटी येनु घमण्ड इन मात आलच; यतकी ईद रा नांद साटी जरूरी आद. अगर ना खुशखबरी ईला केळसाईन, रा नान मा हाय! 17 यतकी अगर तान इच्छा देल ईद माळतीन रा मजदूरी नानी सकितद, अदकि अगर तान इच्छा देल माळालीन तरी भी परमेश्वर नानी ईद सौपसदुन अदकि ईदा नांद करतव्य हुन. 18 रा नांद मजदूरी येन हुन? ईद कि याग ना खुशखबरी प्रचार माळाईन रा अदरी फुकट दा माळाईन, अदकि खुशखबरी दा जो नान अधिकार आद अदरी पुरा रीति देल उपयोग दा ईला तराईन.

19 यतकी ना मंळसागोळ से आजाद आईन तरी भी ना तान तान इक सप्पा मुंदुरद दास माळ कोडीन कि हापाळ लॉकुरी परमेश्वर उन राज्य दा तर सकुल. 20 ना यहूदीगोळ साटी यहूदी आदीन कि यहूदीगोळी परमेश्वर उन राज्य दा तर सकुल. जो लॉकुर मूसा अन्द व्यवस्था अन्द हातूती आर आंदुर साटी ना व्यवस्था अन्द हातूती ईला आगदुर मा भी व्यवस्था अन्द हातूती आदीन कि आंदरी जो व्यवस्था अन्द हातूती आर, आंदरी भी परमेश्वर उन राज्य दा तर सकुल. 21 जो व्यवस्था रहति आर आंदुर साटी ना यीशु मसीह जो परमेश्वर उन व्यवस्था देल रहति आईन, व्यवस्था रहति-सा आगेदीन कि जो व्यवस्था रहति आर आंदरी भी परमेश्वर उन राज्य दा तर सकुल. 22 ना नरिबलगोळ साटी नरिबल सा आगेदीन कि नरिबलगोळी जकिस्कु तराईन. ना सब मंळसागोळ साटी सब येनारा बन्सदीन कि यातोद ना यातोद रीति देल यावारा ऊंद मंळसा अन्द उद्धार माळसुसाईन.

23 ना ईद सब येनारा खुशखबरी इन साटी माळतीन कि दुसरा अन्द सांगुळ अदुरद भागी आगोगाईन. 24 येन नीव जानसालीर कि दवळ दा रा सप्पा अच वोळतार, लेकीन ईनाम ऊंदा मळसा वोयतान? नीव भी ई प्रकार देल वोळी कि नीव जीतस सकी. 25 आळोद प्रतयोगिता दा भाग ताकोमावाळा हर ऊंद खलिाळी सप्पा प्रकार इन संयम ईटतान. आव रा नाश आगोद हार इन प्राप्ती इन साटी ईद सप्पा येनारा माळतार, लेकीन नाव रा आ मुकुट साटी माळतेव जो मुद्दुसाल. 26 इदुरसाटी ना रा ईदा रीत देल हरीतन, लेकीन लक्ष्यहीन ईलच; ना भी ईदा रीत देल बुक्की देल आळतीन, लेकीन अदुर घाई ईला जो हवा पीटसतेला आळतान. 27 लेकीन ना तान मय इक बडुतीन कुटतीन अदकि वश दा तरतीन, यागल्यारा हगि ना आगवाळुल कि दुसरा अक प्रचार माळकु ना खुद अच यातोदारा रीत देल नकिम्मा ठहूसईन.

10

इसत्राएल इन इतहास देल चेतावनी

1 हे वार्टुरा अदकि आकतीगेरा, ना चाहसालीन कि नीव ई मात देल अनजान ईरी कि नाम सप्पा आपपुर मृतीगोळ बादल इन ल्यालमा ईरोर, अदकि सप्पा च्या सप्पा समुद्र अन्द न्याइया टु आप्पाटी होटोदुर; 2 अदकि सप्पा मुंदुर बादल दा अदकि समुद्र दा, मूसा अन्द बपतसिमा ताकोडुर; 3 अदकि सप्पा मुंदुर ऊंद अच आत्मकि भोजन माळदुर; 4 अदकि सप्पा मुंदुर ऊंद अच आत्मकि नीर कुळदुर, यतकी आंदुर आ आत्मकि चट्टान देल कुडोर जो आंदुर सांगुळ-सांगुळ नळोद, अदकि अद चट्टान मसीह ईरोन. 5 लेकीन परमेश्वर आंदुर दा टु हापाळ सा मळसागोळ देल खुश आगीदील, इदुरसाटी आंदुर आळी दा सोतकु ढेर आगेदुर.

6 ई मातगोळ नाम साटी उदाहरण ठहूसदव, कि हयांग आंदुर लालच माळदुर, हांग नाव बेकार वस्तुगोळद लालच माळतीदील; 7 अदकि मूर्त इन पुजा माळावाळेर आगवाळी जसा कि आंदुर दा टु यास मुंदुर आगेगीदुर, हयांग शास्त्र दा लखिसकु आद, “लॉकर तनिनी-कुडुली कुरतुर, अदकि बाददा आबुर दाबुर सांगुळ कुकर्म माळली कुरतुर.” 8 अदकि नाव व्यभचारि माळालेव, हयांग आंदुर दा टु यास मुंदुर माळदुर; अदकि ऊंद दनि दा तेवीस हजार मळसागोळ सोतोदुर. 9 नामी परभु यीशु मसीह अक परीक्षा दा हाक्कोद हैलेच, हयांग आंदुर दा टु यास मुंदुर माळदुर, जसा कि आंदुर दा टु थवाळासा मुंदुर हगि माळीदुर अदकि आंदुर हावगोळ द्वारा नाश माळकु आदुर. 10 अदकि नीव कुळकुळुस बाळतीर, या रीत देल आंदुर दा टु यास कुळकुळुसदुर अदकि स्वर्गदूत उन द्वारा नाश माळकु आदुर.

11 लेकीन ई सप्पा मातगोळ, जो आंदुर मा घळुसदव, उदाहरण इन रीत मा ईरव; अदकि आंदुर नाम चेतावनी इन साटी जो दुनयिा अन आखरी समय दा ईरतार लखिसकु आगीदव.

12 इदुरसाटी जो समस्तान, “ना स्थरि आईन,” आव सावधान ईरूल कि येल्यारा बळिवाळुल. 13 नीव यातोदारा हगि परीक्षा दा बळिवाळी, जो मळसागोळद सहन इन व्हार्या आद. परमेश्वर खरा आन अदकि आव नीमी सामर्थ्य देल व्हार्या परीक्षा दा बळिगोळालुन, बल्की परीक्षा अन्द सांगुळ ऊळसोद उपाय भी माळयान कि नीव अदरी सहन माळ सकीर.

14 ई कारण, हे प्रयि नान वार्टुरा अदकि आकतीगेरा, मूर्तपूजा देल ऊळुकु ईरी. 15 ना नीमी बुद्धमिान जान्सकु नीम से अनतीन: जो ना अनतीन, अदरी नीव परखुसी. 16 *जो प्याला प्रभु भोज दा उपयोग माळतार यदुर दा टु नाव कुडुतेव प्रभु उन धन्यवाद माळतेव; अद रोट्टी यदरी नाव मूरतेव, येन अद मसीह अन्द मय इन सहभागी ईलच? 17 इदुरसाटी कि ऊंद अच रोट्टी आद रा नाव भी जो हापाळ आयेव, ऊंद शरीर आयेव: यतकी नाव सब अदा ऊंद रोट्टी दा भागीदार आगतेव.

18 जो इसत्राएली आर, आंदरी नोळी: येन बलदान इन तनिवाळेर परमेश्वर उन वेदी इन सहभागी ईलच? 19 नाद अनोद मतलब येन आद? येन ईद कि मूर्तीगोळद मुंद बली येरुसद

वस्तु येनारा दुसरा आद, या मूर्त्ति येनारा दुसरा आद? 20 ईला, पर ना ईद अनतीन कि प्रभु उक ईला जानुसावाळेर लॉकुर जो बलदान माळतार; आंदुर परमेश्वर उन साटी ईला लेकीन दुष्टआत्मागोळ साटी बलदान माळतार अदकि ना चाहसालीन कि नीव दुष्टआत्मागोळद सहभागी आगी. 21 नीव प्रभु उन प्याला अदकि दुष्टआत्मागोळद प्याला येददु दा टु कुडू सकालीर. नीव प्रभु उन मेज अदकि दुष्टआत्मागोळद मेज येददु मुंदुर सहभागी आग सकालीर. 22 येन नाव प्रभु उक सट्टि तरसुसोद चाहसतेव? येन नाव आऊन से ताकतवर आवेव?

23 येनारा लॉकुर अनतार, सप्पा वस्तुगोळद उपयोग माळोद नान साटी उचति आद, लेकीन सप्पा फायदा अन्द ईलच: लेकीन दुसरा लॉकुर अनतार, “सप्पा वस्तुगोळ नांद साटी सही रा आव.” लेकीन सप्पा वस्तुगोळ देल उन्नती ईलच. 24 याऊ तान हति इन चनिता माळवाळुल लेकीन दुसरा अन्द हति इन चनिता माळुल.

25 जो माँदरा कसाई सात्ता दा मारतान, अदरी तनी, अदकि वविक इन कारण येनु केळवाळी? कि नीमद मन नीमी मन इन मन दा अच तनिवाळुल. 26 यतकी पवतिरशास्त्र अनतद, पृथ्वी अदकि जो येनारा अदुर दा आद सप्पा प्रभु उन हुन.

27 अगर अवशिवासीगोळ दा टु यावारा नीमी बावसया कोळुल, अदकि नीव होगोद चाहासीर, रा जो येनारा नीमद मुंद ईटकु आगुल अदा तनी; अदकि मन इन कारण येनु केळवाळी. 28 लेकीन अगर यावारा नीम से अनुल, “ईद रा मूर्त्ति इक बली माळद वस्तु हुन,” रा आवा हेळावाळा अन्द कारण अदकि मन इन कारण तनिवाळी. 29 नान मतलब नीन मन से हेलेच लेकीन आ दुसरा मळसा अन्द मन देल आद.

“भला नांद,” आजादी आ दुसरा अन्द मन देल येती परखसकु आदीत. 30 अगर ना परमेश्वर उक धन्यवाद माळकु सहभागी आगतीन, रा यार मा ना धन्यवाद माळतीन आऊन कारण नान बदनामी येती आगतद?

31 इदुरसाटी नीव चाहे तनी, चाहे कुडी, चाहे जो येनारा माळी, सप्पा येनारा परमेश्वर उन महिमा अन्द साटी माळी. 32 नीव ना यहूदीगोळ, ना गैरयहूदीगोळ, अदकि ना परमेश्वर उन मंडली अन्द साटी टोकर इन कारण बनसी. 33 हयांग ना भी सप्पा मातगोळ दा सप्पा मुंदुरी खुश ईटतीन, अदकि तान ईला लेकीन हापाळ मुंदुरद फायदा दुंदसतीन कि आंदरी उद्धार सकिल.

11

1 हयांग ना मसीह अन्द अनुकरण माळतीन, हांग अच नीव भी नांद अनुकरण माळी.

आराधना दा ताल्ला होचचोद

2 हे वारटुरा अदकि आकतींगरा, ना नीमद बळाई माळतीन कि सप्पा मातगोळ दा नीव नानी याद माळतीर; अदकि जो शकिषागोळ इक ना नीमी सौपसदीन, अदुरद पालन माळतीर. 3 लेकीन ना चाहासतीन कि नीव ईद जानुस कोमी कि हर ऊंद गंळस उन ताल्ला मसीह हुन, अदकि आर्त इन ताल्ला गंळस हुन, अदकि मसीह अन्द ताल्ला परमेश्वर हुन. 4 जो गंळस ताल्ला होचकु परार्थना या परमेश्वर उन दी टु बातणी कोळतान, आव तान ताल्ला अन्द अपमान माळतान. 5 लेकीन जो आर्त ताल्ला तेरूकु परार्थना या परमेश्वर उन दी टु बातणी कोळतार, आक तान ताल्ला अन्द अपमान माळतार, यतकी आक हगि आर्त इन घाई आर आकनि ताल्ला मुंडन माळकु आग्याद. 6 अगर आर्त ओदनी देल शेरग्या हाकालुर रा चुट्टी भी कळद बुळुल; अगर आर्त इन साटी चुट्टी कळसुसोद या मुंडन माळसुसोद शरम इन मात आद, रा ओदनी देल शेरग्या हाकाल. 7 हा, गंळस उक तान ताल्ला होचचोद बराबर ईलच, यतकी आव परमेश्वर उन स्वरूप अदकि महिमा हुन; लेकीन आर्त रा गंळस उन महिमा हुळ. 8 यतकी गंळस आर्तेर देल आगीदील, लेकीन आर्त गंळस देल आग्यार; 9 अदकि गंळस आर्त इन साटी माळकु आगीदील, लेकीन आर्त गंळस उन साटी माळकु आग्यार. 10 ई कारण अदकि स्वर्गदूतगोळद कारण आर्त इक जर्गी आद कि अधिकार इन चनिह

सम्सकु तान ताल्ला मा ईदुल. 11 तरी भी, प्रभु दा एकता अनन्द कारण, आर्त बनि गंळस उन अलग ईलच अदकि गंळस उन बनि आर्त अलग ईलच. 12 यतकी ह्यांग आर्त गंळस देल आर, हांग अच गंळस आर्त इन द्वारा जनम ताकोमतान; लेकीन सप्पा वस्तुगोळ परमेश्वर उन द्वारा वंदाद.

13 नीव खुद अच बचिार माळी, येन आर्त इक बनि शेरग्या देल परमेश्वर से प्रार्थना माळोद शोभा कोळतद? 14 येन स्वाभाविकि रीत देल भी नीव जानसालीर कि अगर गंळस ऊदद चुट्टी ईदुल, रा आऊन साटी अपमान आद. 15 लेकीन अगर आर्त ऊदद चुट्टी ईरूल रा आक इक शोभा कोळतद यतकी चुट्टी आक इक शेरग्या हाक्कोर साटी कोटकु आग्याव. 16 लेकीन अगर यावारा झगळा माळोद चाहस्यान, रा ईद जानस कोमुल कनि नाम्द अदकि ना परमेश्वर उन मंडलीगोळद हगि रीत आद.

प्रभु भोज इन बारा दा

(मत्ती २६:२६-२९; मरकुस १४:२२-२५; लूका २२:१४-२०)

17 याग नीव परमेश्वर उन आराधना माळोर साटी जमा आगतीर. रा ईद आग्या कोळतेला ना नीम्द ईज्जत माळालीन, इदुरसाटी कनिम जमा आगदुर देल भलाई आगाल्द, लेकीन नुसक्यान आगतद. 18 यतकी पयला रा ना ईद केळतीन, कनि याग नीव मंडली दा जमा आगतीर रा नीम दा फूट बळितद, अदकि ना ईदुर मा थवाळा-थवाळा वशिवास भी माळतीन. 19 यतकी गुटवन्दी भी नीम दा जरूरी ईतीदाद, इदुरसाटी कनि जो लॉकुर नीम दा सही आर आंदुर प्रगट आगेगुल. 20 इदुरसाटी नीव जो ऊद जागा दा जमा आगतीर रा ईदुर मतलब प्रभु-भोज तनिोर साटी आल्लच, 21 यतकी तनिोद समय ऊद मंळसा दुसरा मंळसा से पयला तान भोज तनि कोमतान, ई प्रकार यावारा रा हस्तकु ईरतान अदकि यावारा मस्त आगेगतान. 22 येन तनिोद-कुडोद साटी नीम्द मान्ना हेल्लेच? या परमेश्वर उन मंडली अक तुचछ जानसतीर, अदकि यारद हात्ती हेल्लेच आंदरी शर्मदा माळतीर? ना नीम से येन अनाईन? येन ई मात दा नीम्द प्रशंसा माळाईन? ईला, ना प्रशंसा माळालीन.

23 यतकी ईद शकिषा नानी जो प्रभु दी टु सकित, अदकि ना नीम दी भी पहुचुस बुटीन कनि प्रभु यीशु या ईळलक आव हुळसुस्कु आगीदुन, रोट्टी ताकोडुन, 24 अदकि परमेश्वर उन धन्यवाद माळकु अदरी मुरदुन अदकि अंदुन, "ईद नान शरीर हुन, जो नीम साटी कोटकु आग्याद: नांद याद साटी ईदा माळतेला ईरी." 25 ईदा रीत देल आव कटोरा भी हुळदुन अदकि अंदुन, "ईद कटोरा नांद खुन दा व्हाशोद वादा हुन: जब यागल्यारा कुडी, रा नांद याद साटी ईदा माळतेला ईरी."

26 यतकी जब यागलु नीव ईद रोट्टी तीनतीर अदकि ई कटोरा दा टु कुडुतीर, रा प्रभु उन मृत्यु इक यागासताका आव बरालुन, प्रचार माळतेला ईरी. 27 इदुरसाटी जो यावारा अनुचित रीत देल प्रभु उन रोट्टी तनिलु या आऊन कटोरा दा टु कुडुल, आव प्रभु उन मय अदकि खुन उन पापी ठहरूस्यान. 28 इदुरसाटी मंळसा तान तान इक जाँच कोमुल अदकि ईदा रीत देल ई रोट्टी दा टु तनिलु, अदकि ई कटोरा दा टु कुडुल. 29 यतकी जो तनिोद-कुडोद समय प्रभु उन मय इक अरालुन, आव ई तनिोद अदकि कुडोर देल तान मयाकुच दण्ड तरतान. 30 ईदा कारण नीम दा हापाळ सा नरिबल अदकि रोगी आर, अदकि हापाळ सा सोतोग्यार. 31 अगर नाव तान तान इक जाँचायदेव रा दण्ड ईला सकाईत. 32 लेकीन प्रभु नामी दण्ड कोटकु नाम्द न्याय माळतान, इदुरसाटी कनि नाव दुनया अन सांगुळ दोषी ईला ठहरूसुल.

33 इदुरसाटी, हे नांद वारटुरा अदकि आकतीगेरा, याग नीव प्रभु भोज तनिोर साटी जमा आगतीर रा आवुर दावुर साटी थाम्सी. 34 अगर यावारा हस्तकु ईरूल रा तान मान्या तनिलु, यदुर देल नीम्द जमा आगोद दण्ड इन कारण आगवाळुल. मकिदव मातगोळी ना बंदकु वळलीद माळाईन.

1 हे वारटुरा अदकि आकतीगेरा, ना चाहसालीन कनीव पवतिर आत्मा अनूद वरदानगोळ बारा दा अनजान ईरी. 2 नीव जानसतीर क्ति याग नीव खरा परमेश्वर उक अरालीर, हापाळ मुक्का मूर्तीगोळद पुजा माळकु अदकि अवरी मानसोर अदकि अऊर हदि नळोर. 3 इदुरसाटी ना नीमी चेतावनी कोळतीन क्ति जो यावारा परमेश्वर उन आत्मा अनूद अगुवाई देल माताळतान, आव अनालुन क्ति यीशु स्रापति आन; अदकि ना यावारा पवतिर आत्मा अन बनि अन सकतान क्ति यीशु प्रभु आन.

4 अवरदान रा हापाळ प्रकार इन आव, लेकीन पवतिर आत्मा ऊंद अच आद; 5 अदकि स्यावा भी हापाळ प्रकार इन आव, लेकीन प्रभु ऊंद अच आन; 6 अदकि प्रभावशाली क्वालसा हापाळ प्रकार इनव आव, लेकीन परमेश्वर ऊंद अच आन, जो सब दा हर प्रकार इन प्रभाव पैदा माळतान. 7 लेकीन सप्पा मुंदरी लाभ पहचुसोर साटी हर ऊंद इक परमेश्वर उन पवतिर आत्मा अन प्रगट आगोद. 8 यतकी ऊंद अक आत्मा अनूद द्वारा बुद्धी इन मातगोळ कोटकु आगतव, अदकि दुसरा अक अदा आत्मा अनूद अनुसार ग्यान इन मातगोळ. 9 यावारा अक अदा आत्मा देल वशिवास, अदकि यावारा अक अदा ऊंद आत्मा देल चंगा माळोद वरदान कोटकु आगतद. 10 बाक यावारा अक सामर्थ्य अनूद क्वालसा माळोद शक्ती, अदकि यावारा अक परमेश्वर उन वचन कोळोद दान कोटदुन, अदकि यावारा अक परमेश्वर उन आत्मा अनूद दान इक परखुशोर साटी, अदकि यावारा अक अनेक प्रकार इन भाषा माताळोर साटी, अदकि यारीकारा अग्यात भाषागोळद अर्थ हेळोर साटी. 11 लेकीन ईव सप्पा प्रभावशाली क्वालसा अदा ऊंद अच परमेश्वर उन पवतिर आत्मा माळसुसतद, अदकि यारी जो चाहसतान अद वाटस कोमतान.

मय ऊंद: अंग हापाळ

12 अयतकी या प्रकार शरीर रा ऊंद आद अदकि अदुरव अंग हापाळ सा आव, अदकि आ ऊंद शरीर इन सप्पा अंग हापाळ आगदुर मा भी सप्पा मलिसकु ऊंद अच शरीर आद, अदा प्रकार मसीह अनूद मय भी आद. 13 यतकी नाव सप्पा मुंदुर येन यहूदी आगुल येन गैरयहूदी, येन दास आगुल येन स्वतंत्र, ऊंद अच आत्मा अनूद द्वारा ऊंद शरीर आगोर साटी बपतसिमा ताकोडेव, अदकि नाव सप्पा मुंदरी ऊंद अच परमेश्वर उन आत्मा कोटकु आगयाद.

14 इदुरसाटी क्ति शरीर दा ऊंद अच अंग ईला लेकीन हापाळ सा आव. 15 अगर काल अनुल, “ना कय आलच, इदुरसाटी शरीर इन आलच,” रा येन अद ई कारण शरीर इन आलच? 16 अदकि अगर कवि अनुल, “ना कण्ण आलच, इदुरसाटी शरीर इन आलच,” रा येन अद ई कारण शरीर इन आलच? 17 अगर पुरा शरीर कण्ण अच आगाईत रा केळोद यल टु आगाईत? अगर पुरा शरीर कवि अच आगाईत, रा सूँधसोद यल टु आगाईत? 18 लेकीन परमेश्वर अंगगोळी तान इचछा अनूद अनुसार ऊंद ऊंद माळकु मय दा ईट्यान. 19 अगर अदुर सप्पा ऊंद अच अंग ईरायदुर, रा मय यल ईराईत? 20 लेकीन ईंग अंग रा हापाळ सा आव, लेकीन मय ऊंद अच आद.

21 कण्ण कय देल अन सकालद, “नानी नीद जरवत हैलेच,” अदकि ना ताल्ला कालगोळ देल अन सकतद, “नानी नीमूद जरवत हैलेच.” 22 लेकीन मय इन आ अंग जो दुसरागोळ देल नरिबल हतताव, हापाळ अच जरवत आद; 23 अदकि मय इन या अंगगोळी इक यदरी तोरसोर देल नामी शरम बरतद हगि अंगगोळी नाव वळ्लीद तरीका देल मुचतेव. अदरी नाव आदर इन योग्य समसालेव आंदरी अक अच नाव यक्कूल आदर कोळतेव; अदकि नामव जंग अंग अदकि भी हापाळ सुंदर आगोगताव. 24 तरी भी नामूद सुंदर अंगगोळी इक इदुर जरवत हैलेच. लेकीन परमेश्वर मय इक हगि माळ कौडुन क्ति या अंग इक आदर इन कमी ईरोद अदरी का अदकि भी हापाळ आदर सकितद. 25 ताकी मय दा फूट बळि बाळुल, लेकीन अंग इन अवयव आवुर दाबुर बराबर चनिता माळुल. 26 इदुरसाटी अगर ऊंद अंग इन हसिसा अक दुख सकितद, रा सब अंगगोळ हसिसा अक अदुर सांगुळ दुख सकिताव; अदकि अगर ऊंद अंग इनव हसिसा अन बळाई आगतद, रा अदुर सांगुळ सब अंग आननूद माळताव.

27 ई प्रकार नीव सब मलिसकु मसीह इन मय हुईर, अदकि अलग अलग आऊनव अंग हुईर; 28 *अदकि परमेश्वर मंडली दा अलग अलग मंळसागोळद नविळ माळदुन: पयला प्रेरति, दुसरा भवषियवक्ता, तसिरा गुरु, बाक सामर्थ्य इन कयाल्सा माळावाळेर, बाक चंगा माळावाळेर, अदकि उपकार माळावाळेर, अदकि व्यवस्था अन वरदान माळावाळेर, अदकि अग्यात प्रकार इन भाषा माताळावाळेर. 29 येन सब प्रेरति आर? येन सब भवषियवक्ता आर? येन सब शक्तिषा कोळावाळा गुरु हुन? येन सब सामर्थ्य अन्द कयाल्सा माळावाळेर आर? 30 येन सप्पा मुंदी चंगा माळोद वरदान सकियाद? येन सप्पा मुंदुर अग्यात प्रकार इन भाषा माताळतार? येन सप्पा मुंदुर अग्यात भाषा अन्द अनुवाद माळ सकतार? 31 नीव धोळ से धोळ वरदानगोळद लालसा ईटतीर. लेकीन ना नीमी अदकि भी सब से वळ्लीद हादी हेळतीन.

13

प्यार-सब से वळ्लीद हादी

1 अगर ना मंळसागोळ अदकि स्वरगदूतगोळद भाषागोळ माताळाईन अदकि प्यार ईटालीन, रा ना टनठनासकु पीतल इन धोळ घंटी अदकि झनझनासकु झाँझ हुईन. 2 *अदकि अगर ना परमेश्वर उन दी टु बरावाळा बातणी इन प्रचार माळ सकाईन, अदकि सब भेदगोळ अदकि सब प्रकार इन ग्यान इक समसाईन, अदकि नानी ईल ताका पुरा वशिवास आगेदीत काना पहाळगोळी सरकुस बुळाईन, लेकीन प्यार ईटालीन, रा ना येनु अच हैलेच. 3 अगर ना तान पुरा धन संपत्ती कंगालगोळी तनिस बुळाईन, या तान मय होताकोर साटी कोट बुळाईन, अदकि प्यार ईटालीन, रा नानी येनु अच लाभ हैलेच.

4 प्यार धीरजवन्त आद, अदकि कृपालु आद; प्यार जलन माळाल्द; प्यार तान बळाई माळाल्द, अदकि बायाल्द, 5 अद अनरीति नळाल्द, अद तान भलाई चाहसाल्द, चळिसाल्द, प्यार दुसरा अन्द बुरा मातगोळ लेखा ईटाल्द. 6 अन्याय देल खुश आगाल्द, लेकीन सच्चाई देल खुश आगतद. 7 आव सप्पा मातगोळ सहन माळतान, सप्पा मातगोळ मा वशिवास माळतान, सप्पा मातगोळद आशा ईटतान, सप्पा मातगोळ दा धीरज ईटतान.

8 प्यार यागलु खतम आगाल्द; परमेश्वर उन दी टु बरावाळा बातणी खतम आगेदव; अग्यात भाषागोळ दा सकिकावाळा दान आगुल रा होगतेला ईतव; ग्यान आगुल, रा मटिसेदाव. 9 यतकी नाम्द ग्यान अधूरा आद, अदकि परमेश्वर उन दी टु बरावाळा बातणी अधूरा आद; 10 लेकीन याग परमेश्वर सप्पा पुरा माळयान, रा अधूरा पन मटिसेदति.

11 याग ना चगिद ईरीन, रा ना चगिदुरगोळ घाई माताळीन, चगिदुरगोळ घाई मन ईरोद, चगिदुर घाई समझ ईरोद; लेकीन याग समझदार आगेदीन रा स्यानपनी नव मातगोळ बटि वुटीन. 12 ईग नामी आरसा दा धुँधला सा कांळसतद, लेकीन आ समय आमने सामने नोळेव; ई समय नांद ग्यान अधूरा आद, लेकीन आ समय हगि पुरा रीति देल अराईन, हयांग नानी परमेश्वर अरतुन.

13 पर ईग वशिवास, आशा, प्यार ईव मूर नाम सांगुळ आव, पर इऊर दा सब से धोळद प्यार आद.

14

पवतिर आत्मा अन्द वरदान इन बारा दा यक्कुल शक्तिषागोळ

1 प्यार इन अनुकरण माळेर साटी कोशशि माळी, अदकि आत्मिक वरदानगोळद भी धुन दा ईरी, खास माळकु परमेश्वर उन दी टु बरावाळा बातणी इन दान माळी. 2 यतकी जो अग्यात भाषा दा मातगोळ माळतान आव मंळसागोळ से ईला लेकीन परमेश्वर से मातगोळ माळतान; इदुरसाटी क आऊन मातगोळी याऊ समसालुन, यतकी आव भेद इन मातगोळ पवतिर आत्मा अन्द सामर्थ्य दा आगकु माताळतान. 3 लेकीन जो परमेश्वर उन बातणी वाळस्तान, आव मंळसागोळ से उन्नती

अदकि उपदेश अदकि दलिासा अन्द मातगोळ माताळतान. 4 जो अग्यात भाषा दा मातगोळ माळतान, आव तांद अच उन्नती माळतान; लेकीन जो भवषियवाणी माळतान, आव मंडली अन्द उन्नती माळतान.

5 ना चाहासतीन का नीव सप्पा मुंदुर अग्यात भाषागोळ दा मातगोळ माळी लेकीन इदुर से यक्कुल ईद चाहासतीन का परमेश्वर उन दी टु बरावाळा बातणी इन मातगोळ माळी: यतकी अगर अग्यात भाषा माताळावाळा मंडली अन्द उन्नती इन साटी अनुवाद माळवाळुल रा परमेश्वर उन दी टु बरावाळा बातणी अग्यात भाषा टु वाळुसकु आद. 6 इदुरसाटी हे वार्दुरा अदकि आकतीगेरा, अगर ना नीम हात्ती बंदकु अग्यात भाषागोळ दा मातगोळ माळाईन, रा नान से नीनी येन लाभ आदीत. अदकि ऊजुळ या ग्यान या परमेश्वर उन दी टु बरावाळा बातणी या उपदेश इन मातगोळ माळाईन, रा नीमी यक्कुल फायदा आदीत,

7 ईदा प्रकार अगर नर्जीव वस्तुगोळ भी यदुर देल आवाज होळतद, जसा कोळल या बीन, अगर अऊर्द स्वरगोळ दा भेद ईरतीदील रा जो कोळल ऊयकु या बनि मुरसकु आगतद, आ हाळ इक ह्यांग अरूकु आदीत? 8 अदकि अगर तुर्ही इन आवाज साफ ईरतीदील, रा याव लळाई इन साटी तयारी माळ्यान? 9 हगि अच नीव भी अगर ल्यालग्या देल साफ मातगोळ अनतीदलि, रा जो येनारा अंदकु आगतद अद ह्यांग सम्सकु आदीत? नीव रा हवा देल मातगोळ हेळावाळेर ठहूसीर. 10 दुनिया दा यासारा अच प्रकार इन भाषागोळ येती ईला इतदाव, लेकीन अऊर दा टु यातोदारा भी बनिा मतलब इन ईला इतीदाद. 11 इदुरसाटी अगर ना यातोदारा भाषा अन्द मतलब समसालीन, रा माताळावाळा अन्द नजर दा ना परदेशी ठहूसीर अदकि माताळावाळा नान नजर दा परदेशी ठहूस्यान. 12 इदुरसाटी नीव भी याग आत्मकि वरदानगोळद धुन दा आईर, रा हगि कोशशि माळी का या वरदानगोळ देल मंडली अन्द उन्नती आगतद. आ वरदानगोळद कोशशि माळी.

13 ई कारण जो अग्यात भाषा माताळुल, आव दान सकिकोद साटी प्रार्थना माळुल का अदुरद अनुवाद भी माळ सकुल. 14 इदुरसाटी अगर ना अग्यात भाषा दा प्रार्थना माळाईन, रा नान आत्मा प्रार्थना माळतद लेकीन नान दमाक कयालसा कोळल. 15 इदुरसाटी येन माळ पायजे? ना आत्मा देल भी प्रार्थना माळाईन, अदकि दमाक देल भी प्रार्थना माळाईन; ना आत्मा देल भी हाळाईन, अदकि दमाक देल भी हाळाईन. 16 ईलारा अगर नी आत्मा देल अच धन्यवाद माळ्या, रा बाक लॉकुर नीन धन्यवाद मा आमीन अनकु सहमत ह्यांग आदार? यतकी आव रा अरालुन का नी येन अनत्या? 17 नी रा सही देल धन्यवाद माळत्या, लेकीन दुसरा अन्द उन्नती आगाल.

18 ना तान परमेश्वर उन धन्यवाद माळतीन, का ना नीम सप्पा मुंदुर से यक्कुल अग्यात भाषागोळ दा माताळतीन. 19 लेकीन मंडली दा अग्यात भाषा दा हतत हजर मातगोळ माताळदुर देल नानी ईद वळलीद समस्तद, का दुसरा मळसागोळी कलसोर साटी दमाक देल अईद अच मातगोळ अनाईन.

20 हे वार्दुरा अदकि आकतीगेरा, नीव समझदारी दा चकिोर घाई आगवाळी: बुराई दा रा चकिोर घाई अनजान ईरी, लेकीन समझदारी दा स्याणा मळसा घाई आगी. 21 व्यवस्था दा लखिसकु आद का प्रभु अनतान,

“ना अपरचिति भाषा माताळावाळेरद द्वारा,

अदकि पराया बाय देल माताळावाळेर लॉकुर द्वारा

ई लॉकुर से मातगोळ माळाईन

तरी भी आंदुर नांद केळतीदलि.”

22 इदुरसाटी अग्यात भाषागोळ माताळोद वरदान वशिवासीगोळ साटी ईला, लेकीन अवशिवासीगोळ साटी चमत्कार इन चमत्कार हुन; लेकीन परमेश्वर उन दी टु बरावाळा बातणी अवशिवासीगोळ साटी ईला, लेकीन वशिवासीगोळ साटी चमत्कार इन चमत्कार हुन.

23 इदुरसाटी अगर मंडली ऊंद जागा दा जमा आगुल, अदकि सप्पा च्या सप्पा मुंदुर अग्यात भाषागोळ माताळुल, अदकि व्हार्यावाळेर या अवशिवासी लॉकुर बुळक होट बरूल रा येन आंदुर नीमी पागल अनतीदलि? 24 लेकीन अगर सप्पा मुंदुर परमेश्वर उन दी टु सकिवाळा बातणी कोळली हत्यार, अदकि यावारा अवशिवासी या व्हार्यावाळा मळसा बुळक होट बरूल, रा सप्पा मुंदुर आऊक दोषी ठहरूस बुट्टार अदकि जाँच कोंडार कि आव पापी आन; अदकि आव जानूस कोंडान कि आऊक पश्चाताप इन जरवत आद. 25 अदकि आऊन मन इन भेद प्रगट आगोदव, अदकि आग आव बाय इन भार देल वदिकु परमेश्वर उक दण्डवत माळ्यान, अदकि कबुल माळ कोंडान कि खराखुरा परमेश्वर नाम न्याड्या आन.

मंडली दा आराधना अन्द अनुशासन

26 इदुरसाटी हे वार्टुरा अदकि आकतीगेरा, येन माळ पायजे? याग नीव जमा आगतीर, रा हर ऊंद मळसा अन्द मन दा हाळ या उपदेश या अग्यात भाषा या प्रकाशक या अग्यात भाषा अन्द अर्थ हेळोद ईरतद. सप्पा येनारा मंडली अन्द उन्नती इन साटी आग पायजे. 27 अगर अग्यात भाषा दा मातगोळ माळोद आद रा येद्वह या हापाळ मुंदुर ईरूल रा मुर मुंदुर पारी-पारी देल माताळुल, अदकि ऊंद मळसा अनुवाद माळुल. 28 लेकीन अगर अनुवाद माळावाळा हैलेच, रा अग्यात भाषा माताळावाळा मंडली दा सुंगा ईरूल, अदकि तान मन देल परमेश्वर से मातगोळ माळुल. 29 परमेश्वर उन दी टु बरावाळा बातणी इक माताळावाळेर दा टु येद्वह या मुर मुंदुर माताळुल, अदकि बाकी लॉकुर आंदुर वचन इक परखुसुल. 30 लेकीन जो कुरतकु आन अगर आऊन मा, येनारा मय उन दी टु बातणी प्रगट आत. रा आव पयला मळसा सुंगा आगेगुल. 31 यतकी नीव सप्पा मुंदुर ऊंद ऊंद माळकु परमेश्वर उन दी टु सकिकावाळा बातणी इक कल्स सकतार, ताकी सप्पा मुंदुर कलुल अदकि सप्पा मुंदुरी शांती सकुल. 32 यतकी परमेश्वर उन दी टु बातणी कोळावाळा अन्द आत्मा बातणी कोळावाळा अन्द वश दा आद. 33 यतकी परमेश्वर अव्यवस्था अन्द ईला, लेकीन शांती इन परमेश्वर हुन.

ह्यांग पवतिर लॉकुरद सप्पा मंडलीगोळ दा हगि अच आगतद. 34 आरतेर मंडली अन्द सभा दा सुंगा ईरूल, यतकी आंदरी मातगोळ माळोद आग्या हैलेच, लेकीन आंदुर हात्ती ईरोद आग्या आद, ह्यांग व्यवस्था दा लखिसकु आद. 35 अगर आंदुर येनारा कलोद चाहसतार, रा मान्या तान तान मान्नावाळा से केळुल, यतकी आरत इन मंडली अन्द सभा दा मातगोळ माळोद नाचक इन मात आद.

36 येन परमेश्वर उन वचन नीम दा टु होताद? या सर्फि नीम ताका अच पोहचुस्याद? 37 अगर यावारा मळसा तान तान इक परमेश्वर उन दी टु बरावाळा बातणी कोळावाळा समसुल या आऊन हात्ती पवतिर आत्मा अन्द वरदान आद, रा ईद अरत कोमुल कि जो मातगोळ ना नीमी लखिसतीन, अव परभु उन आग्यागोळ ह्. 38 लेकीन अगर यावारा ईद स्वीकार माळालुर, रा आंदरी भी स्वीकार माळकु आगतीदील.

39 इदुरसाटी हे वार्टुरा अदकि आकतीगेरा, परमेश्वर उन दी टु बरावाळा बातणी इन धुन दा ईरी अदकि अग्यात भाषा माताळदुर देल मना माळवाळी; 40 पर सप्पा मातगोळ क्रम देल अदकि व्यवस्थति रूप देल माळकु आगुल.

15

यीशु उन सोत्तुर दा टु जतिता आगोद

1 हे वार्टुरा अदकि आकतीगेरा, ईग ना नीमी याद दलिसोद चाहसतीन अदा खुशखबरी केळसतीन जो पयला केळस बुटीन, यारी नीव अंगीकार भी माळदीर अदकि यदुर दा नीव स्थरि भी आईर. 2 अदुरदा द्वाारा नीमूद उद्धार भी आगतद, अगर आ खुशखबरी इक जो ना नीमी केळसीदनि ध्यान दा ईटतीर; ईदारा नीम वशिवास माळोद बेकार आत.

3 ईदा कारण ना सब से पयले नीमी अदा मात पहचुसदीन, जो नान हात्ती पहचुसीत ईद पयला महत्वपूरण हुन कि पवतिरशास्त्र अन वचन इन अनुसार यीशु मसीह नाम पापगोळ साटी सोतोदुन, 4 अदकि नळसकु आदुन, अदकि पवतिरशास्त्र अन अनुसार तसिरा दशिी जत्तिता भी आदुन, 5 आव कैफा अक अदकि हन्नेळ प्रेरतिगोळी काळसदुन. 6 बाक आव अईद सौ से यक्कुल वशिवासी वारट्टरी सांगुळल्या काळसदुन, यारदा ट्ट हापाळ सा ईगासताका जत्तिता आर पर येनारा मळसा सोतोग्यार. 7 बाक आव याक्ब उक काळसदुन आग सप्पा प्रेरतिगोळी काळसदुन.

8 सप्पा मुंदुर बाददा नानी भी काळसदुन, जो मान्सी समय इन पयला पैदा आगीदान. 9 यतकी ना प्रेरतिगोळ दा सब से स्याणव आईन, बल्की प्रेरति अनोद योग्य भी हैलेच, यतकी ना परमेश्वर उन मंडली इक सतुसीदीन. 10 लेकीन ना जो येनारा भी आईन, परमेश्वर उन अनुग्रह देल आईन. आऊन अनुग्रह जो नान मा आत, अद बेकार आगीदील; लेकीन ना आ सप्पा मुंदुर से वाळसकु मेहनत भी माळदीन: तरी भी ईद नान दी ट्ट आगीदील लेकीन परमेश्वर उन अनुग्रह देल जो नान मा ईरोद. 11 इदुरसाटी चाहे बाक ना आगुल, चाहे बाक आंदुर आगुल, नाव सब ईदा प्रचार माळतेव, अदकि इदुर मा नीव भी वशिवास माळदीर.

नाम जत्तिता आगोद

12 इदुरसाटी याग भी यीशु मसीह अन्द ईद प्रचार माळकु आगतद कि आव सोत्तुर दा ट्ट जत्तिता आग्यान, रा नीम दा ट्ट यास मुंदुर ह्यांग अनतार कि सोत्तुकु मळसा जत्तिता आग अच सकालुन? 13 अगर सोत्तुर मळसा अन्द जत्तिता आगोद अच ईलच, रा मसीह भी जत्तिता आगीदील; 14 अदकि अगर मसीह जत्तिता आगीदील, रा नामद प्रचार माळोद भी बेकार आद, अदकि नीमद वशिवास भी बेकार आद. 15 इदुर से भी वाळसकु नाव परमेश्वर उन खवाटा गवाह ठहूसेव; यतकी नाव परमेश्वर उन बारा दा ईद गवाही कोट्टेव कि आव मसीह इक जत्तिता माळदुन, लेकीन सोतकु मळसा सही दा जत्तिता माळ सकालुर रा आव मसीह अक भी जत्तिता माळीदील. 16 अदकि अगर मुरदा जत्तिता आगालव, रा मसीह भी जत्तिता आगीदील; 17 अदकि अगर मसीह जत्तिता आगीदील, रा नीमद वशिवास बेकार आद, अदकि नीव ईग ताका तान पापगोळ्द भागीदार आईर. 18 बल्की जो मसीह मा वशिवास माळतार आंदुर भी सोतोग्यार. 19 अगर नाव सर्फि ईदा जीवन दा मसीह देल आशा ईटतेव रा नाव सब मळसागोळ देल यक्कुल अभागा आयेव.

20 लेकीन सही दा मसीह सोत्तुर दा ट्ट जत्तिता आग्यान, अदकि जो सोतोग्यार आंदुर भी जत्तिता आदार ईद पयला प्रमाण हुन. 21 यतकी याग ऊंद मळसा अन्द द्वारा मृत्यु बत्त, रा ऊंद मळसा अन्द अच द्वारा सोत्तुर मळसा अन्द पुनरूथान भी बत्त. 22 अदकि ह्यांग आदम सब मा मृत्यु तंदुन, हांग अच मसीह भी वशिवास ईटावाळेर इक जत्तिता माळयान, 23 लेकीन हर ऊंद तान तान पारी देल: पयला मसीह जत्तिता आदुन, बाक मसीह अन्द वापस बंदुर देल आऊन मा वशिवास माळावाळेर लॉकुर जत्तिता आदार. 24 इदुर बाददा अन्त आदीत. आ समय सब प्रधान माळावाळा दुष्टआत्मा अदकि पुरा अधिकार. अदकि सामर्थ्य अन्द मसीह अन द्वारा अन्त माळकु आदीत अदकि राज्य अक परमेश्वर आपु उन कय दा सौप्स कौडान. 25 यतकी यागासताका आव तान दुश्मनी ईटावाळरी तान काल इन ल्यालमा तरतीदील, आगासताका मसीह अन्द राज्य माळोद जजूरी आद. 26 सब से आखरी दुश्मनी माळावाळा जो नाश माळकु आदान, अद मृत्यु हुन. 27 यतकी पवतिर शास्त्र अनतद, “परमेश्वर सप्पा येनारा आऊन काल इन ल्यालमा माळ कौडुन,” लेकीन याग आव अनतान कि सप्पा येनारा मसीह अन्द हात्ती माळकु आग्याद रा प्रत्यक्ष आद कि यार आऊन हात्ती माळ कौडुन, परमेश्वर खुद अलग ईत्तुन. 28 अदकि याग

* 15:4 १५:४ मत्ती १२:४०; प्रेरतिगोळ २:२४-३२ * 15:5 १५:५ लुका २४:३४; मत्ती २६:१७; मरकुस १६:१४; लुका २४:३६; यूहन्ना २०:१९ * 15:8 १५:८ प्रेरतिगोळ ९:३-६ * 15:9 १५:९ प्रेरतिगोळ ८:३

सप्या हात्ती आगोदार, रा पारा खुद अच परमेश्वर उन हात्ती आगोदान, याव सप्या येनारा आऊन हात्ती माळ कौडुन, यदुर देल कर् परमेश्वर सब वस्तुगोळ मा पुरा तरीका देल राज्य माळयान.

29 ईदारा जो लाँकुर सोतकु मळसा अन्द साटी बपतसिमा ताकोमतार आंदुर येन माळयार? अगर सोतकु मळसा जतिता आगालुर रा बाक येती आंदुर साटी बपतसिमा ताकोमतार? 30 अदकि नाव भी येती हर घळी जोखिमि दा बदिक् ईरतार? 31 हे वारटुरा अदकि आकतींगेरा, नानी आ घमण्ड इन करिया जो नाम्द मसीह यीशु दा ना नीमद बारा दा माळतीन कर् ना हर दनि सायतीन. 32 अगर ना मळसा अन्द रीतर्मा इफसिस दा आळी अन पशुगोळ घाई लळाई आळदीन रा नानी येन लाभ आत? अगर मुरदा जतिता माळकु आगालव, “रा बरी, तनी-कुडी, यतकी नाळ रा सायोद अच आद.”

33 धवाका तनिवाळी, “बुरा संगत वळलीद चरतिर अक बगिळस बुळतद.” 34 सही वचिार माळोद सूरु माळी अदकि पाप इक बटि बुळी; यतकी येनारा हगि आर जो परमेश्वर उक जानसालुर, ना नीमी शर्मदि माळोर साटी ईद अनतीन.

पुनरूत्थान इन मय

35 ईग यावारा ईद अंदान, “मुरदा या रीतर्दिल जतिता आगताव, अदकि हयांग मय इन सांगुळ बरताव?” 36 हे नरिबुधी! जो येनारा नी बोऊसत्या, यागासताका आव सायालुन जतिता माळकु आगालुन. 37 अदकि जो नी बोऊसत्या, ईद अद मारूर आलच जो वाळुसावाळा आद, लेकीन सरिफ दाना हुन, चाहे गोदी इन चाहे यातोदु अदकि अनाज इन. 38 लेकीन परमेश्वर तान इच्छा अन्द अनुसार आऊक मय कोळतान, अदकि हर ऊंद बीजा अक अदुर्द वशिष मय.

39 सब मय ऊंद घाई ईलच: मळसागोळद मय अलग आद, पशुगोळद मय अलग आद; पक्षीगोळद मय अलग आद; मेनगोळद मय अलग आद.

40 स्वरगीय मय आद अदकि अलग पार्थवि मय भी आद लेकीन स्वरगीय मयगोळद तेज अलग आद, अदकि पार्थवि इन अलग. 41 सुर्य अन्द तेज अलग आद, चंद्रमा अन्द तेज अलग आद, अदकि तारागनगोळद तेज अलग आद, यतकी ऊंद तारा से दुसरा तारा अन्द तेज दा फरक आद.

42 मुरदागोळद जतिता आगोद भी हगि अच आद. मय नाशवान दशा दा बोऊसकु आगतद अदकि अवनिशी रूप दा जतिता आगतद. 43 अद अपमान इन सांगुळ बोऊसकु आगतद, अदकि तेज इन सांगुळ जतिता आगतद; नरिबलता अन्द सांगुळ नळसकु आगतद. अदकि सामर्थ्य इन सांगुळ जतिता आगतद. 44 स्वाभाविक मय नळसकु आगतद, अदकि आत्मिक मय जतिता आगतद: जब कर् स्वाभाविक मय आद, रा आत्मिक मय भी आद. 45 हगि अच शास्त्र दा लखिसकु आद, कर् “पयला मळसा मतलव आदम जतिता प्राणी आदुन” अदकि आखरी आदम, जीवनदायक आत्मा आदुन. 46 लेकीन पयला आत्मिक मय ईला ईरोद पर स्वाभाविक ईरोद, इदुर वादा आत्मिक आत. 47 पयला मळसा आदम पृथ्वी टु मतलव मुण्ण इन ईरोन; दुसरा स्वरगीय आन. 48 हयांग आव मुण्ण इनव ईरोन, हांग अच आंदुर भी आर जो मुण्ण इनोर आर; अदकि हयांग आव स्वरगीय आन, हांग अच आंदुर भी आर जो स्वरगीय आर. 49 अदकि हयांग नाव आऊन मय धारण माळदेव जो मुण्ण इन ईरोद हांग अच आ स्वरगीय अन्द मय भी धारण माळव.

50 हे वारटुरा अदकि आकतींगेरा, ना ईद अनतीन कर् मास अदकि खुन परमेश्वर उन राज्य दा प्रवेश माळ सकालव, अदकि ना नाशवान अवनिशी इन प्रवेश आग सकतद.

51 एनोळी, ना नीम से भेद इन मात अनतीन: नाव सप्या मुंदुर सायालेव, लेकीन सब बदलुसेव, 52 अदकि ईद क्षण भर दा, पतनी होडुतेला अच आखरी तुरही ऊएतेला अच ईतीदान. यतकी तुरही ऊयकु आदीत अदकि मुरदा अवनिशी दशा दा नेगुकु आदाव, अदकि नाव बदलुसेदव. 53 यतकी जूरी आद कर् ईद नाशवान मय अवनिशा इक हाक्क कोमुल, अदकि ईद मनहराण मय अमरता अक हाक्क कोमुल. 54 याग अद वचन जो शास्त्र दा लखिसकु आद पुरा आगोदीत: अदकि याग ईद

नाशवान अवनाश इक हाक्क कोडीत, अदकि ईद मरनहार अमरता अक हाक्क कोडीत, मृत्यु इन अनूत आत अदकि वजिय प्रापूत आत.

55 हे मृत्यु, अपमान जय यल ईतूत?

हे मृत्यु, अपमान डंक यल ईतूत?

56 मृत्यु इन डंक पाप आद, अदकि पाप इन बल मूसा अनूद नयिम शास्त्र टु वरतद. 57 लेकीन परमेश्वर उन धन्यवाद आगुल, जो नाम्द प्रभु यीशु मसीह अनूद द्वारा नामी जयवन्त माळतान.

58 इदुरसाटी हे नान प्रयि वारटुरा अदकि आकतींगेरा, मजबूत अदकि अटल ईरी, अदकि प्रभु उन क्याल्सा दा सदा वाळुसतेला होगी, यतकी ईद जानसतीर कि नीम्द मेहनत प्रभु दा बेकार हैलेच.

16

वशिवासीगोळ साटी दान

1 ईंग आ चन्दा अनूद बारा दा जो परमेश्वर उन पवतिर यहूदा लॉकुर साटी माळकु आगोद, ह्यांग आग्या ना गलातिया अनूद मंडलीगोळ इक कोट्टीन, हांग अच नीव भी माळी. 2 हपूता अनूद पयला दनि नीम दा टु हर ऊंद तान आमदनी अनूद अनुसार येनारा तान हात्ती ईटकू ईरूल कि नान बंदुर मा चन्दा माळोद बळिबाळुल. 3 अदकि याग ना बराईन, रा यारी नीव चाहासीर आंदरी ना चटिटी गोळ कोटकू कळु बुळाईन कि नीम्द दान यूरुशलेम पहचुस बुळुल. 4 अगर नांद भी होगोद उचित आत, रा आंदुर नांद सांगुळ होदार.

पौलस उन यात्रा अनूद कार्यक्रम

5 *ना मकदिनया आगकु नीम्द हात्ती बराईन, यतकी नानी मकदिनया आगकु होगोद अच आद. 6 लेकीन संभव आद कि ना नीम्द सांगुळ ठहूसार्ईन अदकि सोळी इन मौसम दा भी नीम्द सांगुळ ईल कढाईन, आग या दशा दी नांद होगोद आगुल आ दशा दी नीव नानी पहचुस बुळेतीर. 7 यतकी ना ईंग हादी दा नीम से भेट माळोद चाहसालीन; लेकीन नानी आशा आद कि अगर प्रभु चाहसयान रा येनारा समय ताका नीम्द सांगुळ ईराइन.

8 *लेकीन ना पन्तिकुस्त इन हाब्व ताका इफसिस दा ईराइन, 9 नान साटी अल ऊंद धोळ अदकि उपयोगी दरवाजा तेरकु आद, अदकि वरिधी हापाळ सा आर.

10 *अगर तीमुथियुस होट बंदान, रा नोळेतीर कि आऊक नीम्द अल सम्मान सकुल; यतकी आव नान घाई प्रभु उन क्याल्सा माळतान. 11 इदुरसाटी याऊ आऊक बेकार समसबाळी, लेकीन अदरी खुशी देल ईपाटी पोहचुस बुळी कि नान हात्ती होट बरूल; यतकी ना आऊद हादी नोळेतीन कि आव वारटुर सांगुळ बरूल.

12 वारट अणुल्लोस से ना हापाळ वनिती माळदीन कि नीम्द हात्ती वारटगोळ सांगुळ होगोता; लेकीन आव ई समय होगोद येनु भी इच्छा माळीदलि, लेकीन याग मवका सक्कीत आग होट बंदान.

आखरी आदेश अदकि अभिवादन

13 जागसतेला ईरी, वशिवास दा स्थरि ईरी, हमिमत ईटी, अदकि बलवन्त आगी. 14 जो येनारा माळतीर प्यार देल माळी.

15 *हे वारटुरा, नीव स्तफिनास उन घराना अक जानसतीर कि आंदुर अखाया अनूद पयला वशिवासी उर, अदकि परमेश्वर उन पवतिर लॉकुरद सयावा अनूद साटी तयार ईरतार. 16 इदुरसाटी ना नीम से वनिती माळतीन कि हिंगि माळावाळेरद हात्ती ईरी, अदकि हर ऊंद मंळसा अनूद जो ई क्याल्सा दा मेहनती अदकि सहकर्मी आन.

17 ना स्तफिनास अदकि फूरतूनातुस अदकि अखईकुस उन बंदुर देल खुश आईन, यतकी आंदुर नीमद घट इक पुरा माळदुर. 18 आंदुर नानी अदकि नीमद आत्मागोळ इक चैन कोट्टुर, इदुरसाटी हगि माळावाळेर इक मान्सी.

19 ✨आसया इन मंडलीगोळद दी टु नीमी नमस्कार; अक्वला अदकि प्रसिका अन्द अदकि आंदुरद मान्ना अन्द मंडली अन्द भी नीमी प्रभु दा हापाळ हापाळ नमस्कार! 20 सप्पा वशिवासी वारटुरद नीमी नमस्कार.

पवतिर चुम्मा आवुर दाबुर इक कुतक्या अक हचकु आपस दा नमस्कार माळी.

21 ना पौलुस उन तान कय देल लखिस्कु ईरोद नमस्कार.

22 अगर यावारा प्रभु से प्यार ईला ईटुल रा आऊन मा हाय.

हे नाम प्रभु, बर!

23 प्रभु यीशु उन अनुग्रह नीम मा आगतेला ईरूल.

24 नांद प्यार मसीह यीशु दा नीव सप्पा मुंदुर सांगुळ ईरूल. आमीन.

कुरनिथियों के नाम पौलुस प्रेरति की दूसरी पत्री कुरनिथिगोळ्द हेसुर पौलुस प्रेरति उन दूसरा चट्टी परचिय

दुसरा कुरनिथी ईद चट्टी प्रेरति पौलुस यीशु मसीह अन्द जनम इन ५५-५६ साल इन बाद्दा लखिसदुन १:१ ईद आ येदद चट्टी गोळ दा टु दुसरा चट्टी हुन जो पौलुस कुरनिथिवासीगोळ साटी लखिसदुन. हापाळ पंडीत वधिवान हगि समस्तार कि ई चट्टी इन पयले कुरनिथिगोळी ऊंद धोळ्द कळक चट्टी लखिसीदुन इदुर बारा दा आव २:३-४ ई वचन दा उल्लेख माळतान लेकीन ई चट्टी इन प्रतकि नाम हात्ती हैलेच. ईद दुसरा कुरनिथी इन चट्टी पौलुस संभव अच मकदिनया नगर दा टु लखिसीदान. २:१३

दुसरा कुरनिथी ई चट्टी इन वशिषता ईद आद कि चट्टी दा वैकतिक अदकि भावनात्मक मातगोळ्द चर्चा माळकु आग्याद ई चट्टी दा पौलुस जो वळ्दीद अहवाल आव कुरनिथिगोळ बारा दा तीतुस से हासलि माळदुन अदुर बारा दा खुशी जाहीर माळतान. ई चट्टी दा वसितार देल शकिषा कोळोद बारा दा व्हाशोद नयिम इन दृष्टीकोन देल कांळसतद. ईद शकिषा ई वभिग दा सकितद याता वभिग दा पौलुस आ चंदा अन्द बारा दा मात हेळतान जो चंदा यूरुशलेम इन वशिवासीगोळ्द सहायता साटी ताकोमकु आगीत ८-९ मंडली दा थ्वाळासा लॉकुर पौलुस उन खलाप ईरोर लेकीन थ्वाळासा मुंदुर अल बरावाळेर ख्वाटा प्रेरति ई वरिध इन फायदा नेगुकु पौलुस उक वोतकु खुद उन्नती माळोद चाहामोर. आंदुर पौलुस उन अधकारि माळदुर मा प्रश्न नरिमाण माळदुर इदुरसाटी ई चट्टी इन आखरी भाग दा यीशु मसीह अन्द प्रेरति आगदुर नाता देल जो अधकारि आऊक सकियाद आ अधकारि मा पौलुस जोर कोळतान.

रूप-रेखा:

१. पौलुस उन मंडलीगोळी नमस्कार १:१-७
२. पौलुस उन तान यात्रा अन्द बारा दा बदलाव अदकि जो अहवाल कुरनिथिगोळ बारा दा हासलि आगीत अदुर बारा दा चर्चा अदकि हदिळा कळक चट्टी यदुर बारा दा आंदुर प्रश्न नरिमाण माळीदुर अऊर बारा दा हेळोद १:८-७:१६
३. यूरुशलेम दा ईरावाळेर वशिवासीगोळ साटी चंदा माळदुर बारा दा सुचना ८:१-९:१५
४. आखरी दा पौलुस उन तान प्रेरतिपन इन बचाव माळोद अदकि तान बरावाळा मुलाकात इन बारा दा चेतावनी कोळोद १०:१-१३:१०

1 ^१पौलुस उन दी टु जो परमेश्वर उन इच्छा देल मसीह यीशु उन प्रेरति हुन, अदकि वार्ट तीमुथयिस उन दी टु परमेश्वर उन आ मंडली इन हेसुर,

जो कुरनिथुस दा आद, अदकि सप्पा अखाया नगर इन सप्पा पवतिर लॉकुर हेसुर:

2 नाम आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

परमेश्वर उन धन्यवाद माळोद

3 नामव प्रभु यीशु मसीह अन्द परमेश्वर अदकि आप्प उन धन्यवाद आगुल, जो दया अन्द आप्प अदकि सप्पा प्रकार इन शांती इन परमेश्वर हुन 4 आव नामव सप्पा क्लेशगोळ दा दलासा कोळतान; ताकी नाव आ दलासा अन्द कारण जो परमेश्वर नामी कोळतान, आंदरी भी दलासा कोळ सकुल जो यातारा प्रकार इन क्लेश दा इतीदार. 5 यतकी ह्यांग मसीह अन्द दुखगोळ दा नाव यक्कुल सहभागी आगतेव, हांग अच नाव शांती दा भी मसीह अन्द द्वारा यक्कुल सहभागी

आगतेव. 6 अगर नामी क्लेश सकितद, रा ईद नीमद शांती अदकि उदधार इन साटी हुन; अदकि अगर शांती सकितद, रा ईद नीमद शांती इन साटी हुन; यदुर प्रभाव देल नीव धीरज इन सांगुळ आ क्लेशगोळ इक सहन माळ कोमतीर, यवरी नाव भी सहन माळतेव. 7 नामद आशा नीमद वारा दा मजबूत आद; यतकी नाव अरूतेव की नीव हयांग नाम दुखगोळ दा, हांग अच शांती दा भी सहभागी आईर.

8 हे वारटुरा अदकि आकतीगेरा, नाव चाहसालेव की नीव नाम आ क्लेश देल अनजान ईरी जो आसथिया प्रदेश दा नाम मा बतित; नाव ईत्ता भारी बोझ देल वत्तेगीदेव, जो नाम सामर्थ्य अन व्हारया ईरोद, ईल ताका की नाव जीवन देल भी कय तोळकु कुरतीदेव. 9 अदकि नाव तान मन दा समसंगीदेव की नाम मा मृत्यु उन आग्या आगेग्याद. ताकी नाव तान भरोसा ईदतीदल बल्की आ परमेश्वर उन जो सोत्तुर इक जतिता माळतान. 10 आवा नामी मृत्यु उन हगि धोळद संकट देल ऊळसदुन, अदकि ऊळस्यान; अदकि आऊन मा नामी ईद आशा आद की आव मुंद भी ऊळसतेला ईत्तान. 11 नीव भी ऊंद आगकु प्रार्थना अन्द द्वारा नाम सहायता माळीर की जो वरदान नामी हापाळ मुंदुर द्वारा सकित, अदुर कारण हापाळ लॉकुर नाम दी टु धन्यवाद माळुल.

पौलुस उन यात्रा-योजना दा परविरतन

12 यतकी नाव तान अंतर मन इन ई गवाही मा घमण्ड माळतेव, की दुनयिा दा अदकि वशिष माळकु नीम न्याइया, नाम चरतिर परमेश्वर उन योग्य हगि पवतिरता अदकि सच्चाई सहति ईरोद, जो शारीरिक ग्यान देल ईला लेकीन परमेश्वर उन अनुग्रह अन्द सांगुळ ईरोद. 13 नाव अदा लखिसतेव जो नीव वाचुस या सम्स सकतीर. लेकीन बाक भी नीव नामी थ्वाळासा समस्तीर. 14 अदकि नानी आशा आद की या दनि प्रभु यीशु मसीह नीम हात्ती बंदान आ दनि नीव घमण्ड इन दनिगोळ दा अदकि अन्त ताका भी मानसतेला ईत्तीर.

15 ईदा भरोसा देल ना चाहासीन की पयले नीम हात्ती बराईन की नीमी दुगना खुशी सकिल; 16 ना सोचदनि की नीम हात्ती टु आगकु मकदिनयिा नगर इक होगतेला, नीम से सीकाईन, अदकि बाक मकदिनयिा नगर टु नीम हात्ती बराहोती; मात्त सीकाईन; अदकि नीव नानी यहूदीगोळ दी थ्वाळासा दुर ताका सार माळी. 17 इदुरसाटी ना जो ईद इच्छा माळीदनि रा येन ना अनुचित ईरीन? या जो माळोद चाहासतीन येन मय इन अनुसार माळोद चाहासतीन की ना मात दा “हव, हव” भी माळाईन अदकि थ्वाळासा समय दा “ईला ईला” भी माळाईन? 18 परमेश्वर खरा गवाह आन की नाम आ बातणी दा जो नीम से अंदुन “हव” अदकि “ईला” येदहु शब्द सकालव. 19 यतकी परमेश्वर उन पार यीशु मसीह यार्द नाम द्वारा मतलब नान अदकि सलिवानुस अदकि तीमुथयिस उन द्वारा नीम न्याइया दा प्रचार आत, अदुर दा “हव” अदकि “ईला” येदहु ईला ईरव, इदुरसाटी परमेश्वर नामव हव हुन. 20 यतकी परमेश्वर उन यास भी वादा आव, अव सप्पा अदुर दा “हव” इन सांगुळ आव. इदुरसाटी आऊन द्वारा “आमीन” भी आत की नाम द्वारा परमेश्वर उन महामिा आगुल. 21 अदकि जो नामी नीम सांगुळ मसीह दा ऊंद माळकु मजबूत माळतान, अदकि याव नामी अभिषिक माळ्यान आव परमेश्वर हुन, 22 नाव आऊन नव हुयव याव नाम मा आऊन आगोद छाप हच्यान अदकि बयाना दा आत्मा अक नाम मनगोळ दा कोटान. जो भवष्यिा दा सकोद आद.

23 ना परमेश्वर उक गवाह माळकु अनतीन की ना ईगासताका कुरनिथुस दा इदुरसाटी बंददिल, की ना ईला चाहासीन की नीमी बोयाईन. 24 ईद ईला की नाव वशिवास इन वारा दा नीम मा प्रभुता जत्सोद चाहासतेव; लेकीन नीम खुशी दा सहायक आवेव यतकी नीव वशिवास देल अच संची ईरतीर.

2

1 ना तान मन दा ईदा ठान्स कोडीदनि की बाक मात्त नीम हात्ती नीमी उदास माळली बरतीदिल. 2 यतकी ना अगर नीमी उदास माळाईन, रा नानी खुशी कोळावाळा याव ईत्तान,

सरिफ आवा यारी ना उदास माळदीन? ³ अदकि ना ईदा मात नीमी इदुरसाटी लखिसदीन कि यागल्यारा हगि आगवाळुल कि नान बंदुर मा, यार देल नानी खुशी सीक पायजे नानी आंदुर से उदासी सकिल; यतकी नानी नीम सप्पा मुंदुर मा ई मात इन भरोसा आद कि जो नान खुशी आद, अदा खुशी नीम सप्पा मुंदुर मा भी आद. ⁴ धोळ क्लेश अदकि मन इन दुख देल ना हापाळ सा नीर कण्णगोळ दा टु वाहुसकु नीमी लखिसीदीन, अद इदुरसाटी ईला कि नीव उदास आगी लेकीन इदुरसाटी कि नीव नान आ धोळ प्यार इक अर्त कोमी, जो नानी नीम से आद.

गलती माळावाळेर इक माफ

⁵ अगर यावारा नीमी दुख कोटान, रा नानी का ईला बल्की ना आऊन सांगुळ यककुल दुख इन व्यवहार माळालीन थवाळा-थवाळा नीम सप्पा मुंदरी भी उदास माळयान. ⁶ ईत्ता मंळसा अन्द साटी ईद दण्ड जो वारटुर दा टु हापाळ मुंदुर कोटार, हापाळ आद. ⁷ इदुरसाटी ईदुर से वळ्लीद ईद आद कि आऊन अपराध माफ माळी अदकि आऊक दलासा कोळी, ईदारा हगि आगवाळुल आ मंळसा हापाळ उदासी दा मूळकेगुल. ⁸ ई कारण ना नीम से वनिती माळतीन कि आऊक तान प्यार इन एहसास तोरसी. ⁹ यतकी ना इदुरसाटी भी लखिसीदीन कि नीमी वळ्लीद देल परकुस कोमाईन कि नीव नान सप्पा मातगोळ मानसोर साटी तयार आईर का ईला. ¹⁰ अगर नीव यारीकारा माफ माळतीर रा आऊक ना भी माफ माळतीन, यतकी ना भी जो येनारा माफ माळीन, अगर हगि माळीन, रा नीम कारण मसीह अन्द जागा दा ईतकु माफ माळीन ¹¹ कि नाम मा शेतान उन दावपेच नळु वाळुल, यतकी नाव आऊन युक्तगोळ देल अनजान हैलेच.

त्रोआस दा पौलुस उन व्याकुलता

¹² *याग ना मसीह अन्द खुशखबरी केळसली त्रोआस नगर दा बंदीन, अदकि प्रभु नान क्याल्सा अक पुरा माळोर साटी ऊंद दरवाजा तेर्द बुट्टुन, ¹³ रा नान मन इक चैन सक्कीदील, यतकी ना तान वारट तीतुस उक अल नोळीदील; इदुरसाटी आंदुर से वदि ताकोमकु ना मकडुिनयिा नगर इक होटोदीन.

मसीह दा वज्रिय-हाब्ब

¹⁴ लेकीन परमेश्वर उन धन्यवाद आगुल जो मसीह दा हमेशा नामी जय इन हाब्ब दा हुळकु वयाळतान, अदकि मसीह अन्द ग्यान इन वास नाम द्वारा सप्पा जागा दा फैलुसतान. ¹⁵ यतकी नाव परमेश्वर उन हात्ती उदधार ताकोमावाळेर अदकि नाश आगावाळेर येदु मुंदुर साटी मसीह अन्द वास हुयेव. ¹⁶ थवाळासा लॉकुर साटी रा सोत्तुर घाई मृत्यु उन वास, अदकि हापाळ सा लॉकुर साटी जीवन इन घाई जीवन इन वास. ई मातगोळद लायक याव आन? ¹⁷ यतकी नाव आ हापाळ मुंदुर घाई हैलेच जो तान फायदा साटी परमेश्वर उन वचन इस्तेमाल माळतार; परमेश्वर नामी कळयान. मन इन सच्चवाई देल अदकि परमेश्वर उन सेवक आगोद नाता देल नाव परमेश्वर उक उपस्थति जान्सकु मसीह दा माताळतेव.

3

व्हाशोद वाचा अन्द सेवक

¹ येन नाव मात्त तान बळाई माळली हत्तेव? या मात्त नामी दुसरा लॉकुर घाई सफिारीश इन चटिठी गोळ नीम हात्ती तरोद या नीम से ताकोमोद आद? ² नाम चटिठी नीवा हुईर, जो नाम दलिगोळ मा लखिसकु आद अदकि अदरी सप्पा मंळसा अरूतार अदकि वाचुसतार. ³ ईद प्रगट आद कि नाम नीम न्याड्या दा सेवकाई इन कारण देल नीव मसीह अन्द चटिठी हुईर. अदकि जो स्याही देल ईला लेकीन जतिता परमेश्वर उन आत्मा देल, कल्ल इन पाटीगोळ मा ईला, लेकीन दलि इन मास रूपी पाटीगोळ मा जो मसीह लखिस्यान.

4 नामी मसीह अनंद द्वारा परमेश्वर मा भरोसा आद अदा कारण नाव हगि अनतेव. 5 नाव ई लायक हैलेच कितान दी टु यातारा क्याल्सा माळ सककेव, लेकीन नाम लायकीयत परमेश्वर उन दी टु आद, 6 परमेश्वर नामी व्हाशोद वाचा अनंद सेवक आगोद लायक भी माळदुन, जो लखिसद व्यवस्था अनंद नयिम देल ईला पर आत्मा अनंद नयिम देल आद; यतकी नयिम कोंतद, लेकीन आत्मा जतित्ता माळतद.

7 मूसा अनंद व्यवस्था यऊर अक्षर कल्लगोळ मा अगुळकु आगीदव, ईल ताका चमकदार आदव कि मूसा अनंद मार्रा मा ऊजुळ इन कारण जो गोरत भी आगतोगोद, इस्त्राएली लॉकुर आऊन मार्रा मा दृष्टी माळ ईला सकोर. 8 ईद गौरव मुरजुसेत रा पवतिर आत्मा अनंद स्यावा अदकि यक्कुल चमकदार येती आगतीदील? 9 याग मृत्यु दण्ड कोळोद क्याल्सा चमकदार आद, रा उद्धार कोळोद क्याल्सा याट चमकदार ईत्तीत? 10 अदकि जो चमकदार ईरोद, अद भी आ तेज इन कारण जो अदुर से यक्कुल चमकदार ईरोद, हाळोद तेज पचेत्याद अदकि व्हाशोद तेज यक्कुल चमकदार आगत्याद. 11 यतकी याग जो गोरत आग्त होगोद अद चमकदार ईरोद, रा अद जो संची ईत्तीत मात्त यक्कुल चमकदार येती ईरतीदील?

12 इदुरसाटी हगि आशा ईटकु नाव हमिमत इन सांगुळ माताळतेव, 13 अदकि मूसा अनंद घाई ईला, याव तान बाय मा पळदा माळ बुटीदुन ताकी इस्त्राएली लॉकुर आ गोरत आगावाळा तेज इन अनंत इक नोळ सकबाळुल. 14 लेकीन आंदुर मतमिनद आगेदुर, यतकी ईंगासताका हाळोद नयिम वाचुसाहोती आंदुर दलिगोळ मा अदा पळदा बदिक् ईरतोगोद, याग यावारा मंळसा मसीह दा होट बरतान आग अद पळदा येदोगतद. 15 ईंगासताका यागल्यारा भी मूसा अनंद कतिब वाचुसकु आगतद, रा आंदुरद दलिगोळ मा पळदा बदिक् ईरतद. 16 लेकीन याग भी आंदुरद दलि प्रभु उन दी तरिगति, आग अद पळदा येदोदीत. 17 प्रभु रा आत्मा हुन: अदकि येल्यारा भी प्रभु उन आत्मा आद अल आजादी आद. 18 लेकीन याग नाव सप्पा मुंदुरद खुला चेहरा देल प्रभु उन तेज इत्ता प्रकार प्रगट आगतद, हयांग आरसा दा, रा प्रभु उन द्वारा जो आत्मा आद, नाव अदा तेजस्वी रूप दा अंश अंश माळकु बदलुसत होगतेव.

4

मुण्ण इन गळग्यागोळ दा धन

1 इदुरसाटी याग नाम मा हगि दया आत कि नामी ईद स्यावा सकित, रा नाव हमिमत बळालेव. 2 लेकीन नाव शरम इन होचकु क्याल्सागोळद त्याग माळ बुटेव, अदकि ना चतुराई देल नळुतेव, अदकि ना परमेश्वर उन वचन दा मलिावट माळतेव; लेकीन सच्चार्ई इक प्रगट माळकु, परमेश्वर उन मुंद हर ऊद मंळसा अनंद अंतर मन दा तान भलाई कुरसतेव. 3 लेकीन ईद खुशखबरी जो नाव केळसतेव इदुर मा पळदा बदिक् आद, रा ईद नाश आगावाळेर दा साटी बदिक् आद. 4 अदकि आ अवशिवासीगोळद साटी, यारद बुद्धी ई दुनया अन मय कुदद माळ बुटान, ताकी मसीह जो परमेश्वर उन परतरिप हुन, आऊन चमकदार खुशखबरी इन उजुळ आंदुर नोळ सकबाळुल. 5 यतकी नाव तान तान इक ईला, लेकीन मसीह यीशु उक प्रचार माळतेव कि आव प्रभु हुन; अदकि तान बारा दा ईद अनतेव कि नाव खुद यीशु मसीह नव सेवक हुयेव. 6 इदुरसाटी कि परमेश्वर अच हुन, याव अंदुन, “अंधार दा टु ज्योत चमकुसुल,” अदकि अदा नाम दलिगोळ दा चमकुसुत कि परमेश्वर उन महिमा अनंद पयचान इन ज्योत यीशु मसीह अनंद मार्रा मा टु प्रकाशमान आगुल.

7 लेकीन नाव जो मुण्ण इन गळग्यागोळ घाई आयेव यदुर दा अद आत्मिक धन ईटकु आद कि ईद तोरसोर साटी कि ईद असीम सामर्थ्य नाम दी टु ईला, बलकी परमेश्वर उन दी टु अच हुन. 8 नाव नाकु दी टु क्लेश रा भोगसतेव, लेकीन मुसीबत दा बळालेव; नीर उपाय रा आयेव, पर नरिश आगालेव; 9 सतुसुक् रा आगतेव, पर त्यागसुक् आगालेव; केडुकु रा आगतेव; लेकीन नाश आगालेव. 10 नाव यीशु उन मृत्यु उक तान मय मा हर समय हुडुकु वयाळतेव कि यीशु उन जीवन भी नाम मय दा प्रगट आगुल. 11 यतकी नाव जतित्ता जी हमेशा यीशु उन कारण मृत्यु उन कय दा

सोपसकु आगतेव क् यीशु उन जीवन भी नाम मरनहार मय दा पूरगत आगुल. 12 ई प्रकार सायोद कारय नाम मा प्रभाव हाकतद अदकि जीवन नीम मा.

13 इदुरसाटी क् नाम दा अदा वशिवास इन आत्मा आद, यदुर बारा दा शास्त्र दा लखिसकु आद, “ना वशिवास माळदीन, इदुरसाटी ना माताळदनि.” इदुरसाटी नाव भी वशिवास माळतेव, इदुरसाटी माताळतेव. 14 यतकी नाव जान्सतेव क् याव प्रभु यीशु मसीह अक जत्तिता माळदुन, आवा नामी भी मसीह दा भागी जान्सकु जत्तिता माळयान, अदकि नीमी तान मुंद उपस्थति माळयान. 15 यतकी सप्पा वस्तुगोळ नीम साटी हुव, ताकी अनुग्रह हापाळ मुंदुर द्वारा यक्कुल आगकु परमेश्वर उन महिमा साटी धन्यवाद कोळोद यक्कुल वाळुसति.

वशिवास देल जनिदगी माळोद

16 इदुरसाटी नाव हमिमत बळालेव; यतकी नाम मय इन नाश आगुत ईरतद, तरी भी नाम बुळक इन मळसातत्व दनि रोज वहाशोद आगुत होगतद. 17 यतकी नाम घळी तमिरद स्यांळदतुसा क्लेश नाम साटी हापाळ महत्वपुरण अदकि अनन्त महिमा उत्पन्न माळत होगतद; 18 अदकि नाव रा नोळद वस्तुगोळी ईला लेकीन अनदेखा वस्तुगोळी नोळत ईरतेव; यतकी नोळद वस्तुगोळ थवाळासा अच दनि साटी आव, लेकीन अनदेखा वस्तुगोळ अनन्त काल ताका वन्सकु ईरताव.

5

1 यतकी नाव जान्सतेव क् याग नाम पृथ्वी माकळोद ड्यारा घाई मान्ना केडुकु आदीत, रा नामी परमेश्वर उन दी टु स्वर्ग मा ऊंद हगि भवन सक्कीत जो मान्ना कय देल माळकु ईरतीदील, लेकीन अनन्तकालीन आद. 2 ईदुर दा रा नाव यक्कुल श्वास ताकोमकु माताळतेव अदकि हापाळ लालसा ईटतेव क् तान स्वर्गीय मान्ना अक हाकक कोडेव 3 क् ईदुर हाकदुर देल नाव दंगदंगा सीक बाळुल. 4 अदकि नाव ई ड्यारा दा ईरतेला बोझ देल वोतकु श्वास ताकोमतेला माताळत ईरतेव, यतकी नाव ईळसोद ईला बल्की हाककोद चाहासतेव, ताकी अद जो मरनहार आद जीवन दा मुळकेगुल. 5 याव नामी ईदा मात इन साटी तयार माळयान आव परमेश्वर हुन, याव नामी बयाना दा आत्मा भी कोटान.

6 इदुरसाटी नाव हमेशा हमिमत कटकु ईरतेव अदकि ईद जान्सतेव क् यागासताका नाव मय दा ईरतेव, आगासताका प्रभु से ब्यार आयेव. 7 यतकी नाव रूप इक नोळकु ईला, लेकीन वशिवास देल नळुतेव. 8 इदुरसाटी नाव हमिमत कटकु ईरतेव, अदकि मय टु ब्यार आगकु प्रभु उन सांगुळ ईरोद मातुत यक्कुल वळलीद सम्सतेव. 9 ईदुर कारण नाम मन इन उमंग ईद आद क् चाहे सांगुळ ईततेव चाहे ब्यार ईततेव, लेकीन नाव आऊक भाऊस्त ईततेव. 10 यतकी जरूरी आद क् नाव सप्पा मुंदुर हाल मसीह अन्द न्याय आसन इन मुंद तेदोगुल, क् हर ऊंद मळसा तान तान वळलीद बुरा क्वालसागोळद बदला जो आव मय इन द्वारा माळयान सकुल.

परमेश्वर से मेल-मलाप

11 इदुरसाटी प्रभु उन अंजक मान्सकु नाव लॉकुरी समझुसतेव; लेकीन परमेश्वर मा नाम हाल पूरगत आद, अदकि नान आशा ईद आद क् नीम वविक मा भी पूरगत आगीदाद. 12 नाव तरी भी तान बळाई नीम मुंद माळालेव, बल्की नाव तान बारा दा नीमी घमण्ड माळोद मवका कोळतेव क् नीव आंदरी उत्तर कोळ सकी, जो मन मा ईला बल्की दखावटी मातगोळ मा घमण्ड माळतार. 13 अगर नाव बेसुध आयेव रा परमेश्वर उन साटी, अदकि अगर चैतन्य आयेव रा नीम साटी आयेव. 14 यतकी मसीह अन प्यार नामी मजबुर माळ बुळतद; इदुरसाटी क् नाव ईद सम्सतेव क् याग ऊंद सप्पा मुंदुर साटी सोत्तुन रा सप्पा सोत्तुर. 15 अदकि आव ई नमित्त सप्पा मुंदुर साटी सोत्तुन क् जो जत्तिता आर, आंदुर मुंद इक तान साटी जत्तिता ईरबाळुल लेकीन आऊन साटी जो आंदुर साटी सोत्तुन अदकि बाक जत्तिता आदुन.

16 इदुरसाटी ईंग टु नाव यारीकु मय इन अनुसार समसतीदील. यतकी नाव मसीह अक भी मय इन अनुसार जान्सीदेव, तरी भी ईंग टु आऊक हगि जान्सतीदील. 17 इदुरसाटी अग्र यावारा मसीह दा आन रा आव वहाशोद दुनया आनः हाळोद मातगोळ बतिसेगयाव; नोळी, सप्पा मातगोळ वहाशेव आगोग्याव. 18 ईव सप्पा मातगोळ परमेश्वर उन दी टु आव, याव मसीह अन द्वारा तान सांगुळ नाम मेल-मलाप माळ कोंडुन, अदकि मेल-मलाप इन स्यावा नामी सौप्सदुन. 19 मतलव परमेश्वर मसीह अन द्वारा तान सांगुळ दुनया अन मेल-मलाप माळ कोंडुन, अदकि आंदुरद अपराधगोळद दोष आंदुर मा हचीदलि, अदकि आव मेल-मलाप इन वचन नामी सौप्सदुन.

20 इदुरसाटी, नाव मसीह अन राजस्वर्गदूत हुयेव; मान्सी परमेश्वर नाम द्वारा वनिती माळेत्यान. नाव मसीह अन दी टु नविदन माळतेव कि परमेश्वर उन सांगुळ मेल-मलाप माळकोमी. 21 जो पाप देल अग्यात ईरोन, आऊक अच आव नाम साटी पाप ठहूसदुन कि नाव आऊन दा आगकु परमेश्वर उन मुंद नेक मळसा बनसेगुल.

6

1 नाव जो परमेश्वर उन सहकर्मी आयेव ईद भी हेळतेव कि आऊन अनुग्रह जो नीम मा आत, अदरी वाया होगोळवाळी. 2 यतकी आव रा अनतान, "तान खुश आगोद समय दा ना नीन केळ कोंडीन, अदकि उद्धार इन दनि ना नीन सहायता माळदीन."

नोळी, ईंग अद खुश

इन समय आंद;

नोळी, ईंग अद उद्धार इन दनि आद.

3 नाव यातोदु मात दा ठोकर तनिोद यातोद भी मवका कोळालेव ताकी नाम स्यावा मा यातोद भी दोष बरवाळुल. 4 लेकीन हर मात देल परमेश्वर उन सेवकगोळद घाई तान लायकत इक प्रगट माळतेव, बळा धीरज देल, क्लेशगोळ देल, दरदिरगोळ देल, संकटगोळ देल, 5 *क्वाळा तनिोद देल, कैद आगदुर देल, दंगा देल, मयनत देल, च्याता ईरोद देल, उपास माळदुर देल, 6 पवतिरता देल, आ गयान देल, धीरज देल, परमेश्वर उन प्यार अदकि कृपा देल, पवतिर आत्मा देल, 7 सही प्यार देल, सच्चाई इन वचन देल, परमेश्वर उन सामर्थ्य देल, न्यायीपन इन हथधारगोळ देल जो उजवा डाक्या कयगोळ दा आव, 8 आदर अदकि नरिादर देल, बेकार कीर्ता अदकि वळ्लीद कीर्ता देल. अग्र भरमुसावाळेर घाई मालूम आगतेव तरी भी सही आयेव; 9 अनजानगोळद घाई आयेव, तरी भी प्रसदिध आयेव; सोत्तुर घाई आयेव अदकि नोळी जतिता आयेव; बळसकोमावाळेर घाई आयेव पर जीव देल कोनसुस्कु आगालेव; 10 शोक माळावाळेर घाई आयेव, पर हमेशा खुश ईरतेव; कंगालगोळद घाई आयेव, पर हापाळ मुंदुर इक धनवान माळ बुळतेव; हगि आयेव जसा नाम हात्ती येनु हैलेच तरी भी सब येनारा ईटतेव.

11 हे कुरनिधिगोळा, नाव तान मन तेरूकु नीम से मातगोळ हेळेव, नाम मन नीम दी तेरूकु आव 12 नीम साटी नाम मन दा यातोदु संकोच हैलेच, लेकीन नीमूद अच मनगोळ दा संकोच आद. 13 लेकीन तान चकिोर जान्सकु नीम से अनतीन कि नीव भी अदुर बदला दा तान मन तेरूद बुळी.

देवभक्ति ईला ईटावाळेर से सावधान

14 अवशिवासीगोळद सांगुळ संबंघ माळकु जुआळी दा जूत्सवाळी, यतकी न्यायीपन अदकि अन्याय इन येन मेल-जोल आद? या उजुळ अदकि अंधार इन येन संगती? 15 अदकि मसीह अन्द शैतान उन सांगुळ येन लगाव? या वशिवासी इन सांगुळ अवशिवासी इन येन नाता? 16 *अदकि मूर्तीगोळद सांगुळ परमेश्वर उन मंदिर इन येन संबंघ? यतकी नाव रा जतिता परमेश्वर उन मंदिर हुयेव; हयांग परमेश्वर अंदान, "ना आंदुर दा ईराइन

अदकि आंदुर दा नळुतोगाईन;
अदकि ना आंदुर परमेश्वर आगाईन,
अदकि आंदुर नान लॉकुर आदार.”

17 इदुरसाटी प्रभु अनतान,
“आंदुर न्याइया दा टु होळी
अदकि ब्यारर ईरी;

अदकि अशुध्द वस्तु उक मुट बाळी,
रा ना नीमी ग्रहण माळाईन;

18 अदकि ना नीम आप्प आगाईन,
अदकि नीव नान पार अदकि पोर् आदीर.
ईद सर्वशक्तमान प्रभु परमेश्वर उन वचन हुन.”

7

1 इदुरसाटी हे प्रथिगोळा, याग कि ई वादागोळ नामी सकियाव, रा बरी, नाव तान तान इक मय अदकि आत्मा अन्द सप्पा मलनिता देल शुद्ध माळेव, अदकि परमेश्वर उन अंजक ईटतेला पवतिरता अक सद्धि माळेव.

पौलुस उन खुशी

2 नामी तान दलि दा जागा कोळी. नाव ना रा यारदु सांगुळ अन्याय माळेव, ना यारीकारा बगिळुसेव अदकि ना यारीकारा टगुसेव. 3 ना नीनी दोषी ठहूसोर साटी ईद अनालीन. यतकी ना पयले अच अन बूटीन कि नी नाम दलि दा हगि कुर्तोग्या कि नाव नीन सांगुळ सायोर अदकि ऊळोर साटी तयार आयेव. 4 ना नीम से हापाळ हम्मिमत इन सांगुळ माताळेतनि, नानी नीम मा बळा घमण्ड आद; ना शांती देल तुम्मेगीन. तान सप्पा क्लेश दा ना खुशी देल हापाळ तुमकु ईरतीन.

5 यतकी याग नाव मकदिनयिा नगर दा बंदेव, आग भी नाम मय इक चैन सकिदील, लेकीन नामी नाकु दी टु क्लेश सकितोगोद; व्हार्या लळाईगोळ ईरव, बुळक भयंकर मातगोळ ईरव. 6 फरि भी दनि गरीब मंळसागोळी शांती कोळावाळा परमेश्वर तीतुस उन बंदुर देल नामी शांती कोट्टुन; 7 अदकि ना सरिफ आऊन बंदुर देल लेकीन आऊन आ शांती देल भी, जो आऊक नीम दी टु सकित. आव नीम लालसा, नीम दुख अदकि नान साटी नीम धुन इन बातणी नामी केळसदुन, यदुर देल नानी मातत खुशी आत.

8 यतकी कदाचति ना तान चट्टी देल नीनी दुखी माळदीन, लेकीन अदुर देल पछतासालनि ह्यांग कि पयले पछतासनि, यतकी ना नोळतीन कि आ चट्टी देल नीनी दुख रा आत लेकीन अद घळी तमिरुद साटी ईरोद. 9 ईंग ना खुश आईन पर इदुरसाटी ईला कि नीनी दुख पोहचुसत, उलटा इदुरसाटी कि नी आ दुख इन कारण मन तरिगुसद, यतकी नीन दुख परमेश्वर उन इच्छा अन्द अनुसार ईरोद कि नाम दी टु नीनी यातोदु मात दा हाना पोहचुस बाळुल. 10 यतकी परमेश्वर-भक्ता इन दुख हगि पश्चाताप पैदा माळतान यदुरद परणिाम उद्धार आद अदकि वाक अदुर देल पछतासोद बळाल. लेकीन दुनयिा अक दुख मृत्यु पैदा माळतद. 11 इदुरसाटी नोळी ईदा मात देल कि नीमी परमेश्वर उन दी टु बरोद दुख आत नीम दा याट उत्साह अदकि खुद इक उळसोद इच्छा अदकि हतास, अदकि अंजक, अदकि लालसा, अदकि आस्था अदकि न्याय कोळोद वचिार पैदा आत? नीव हर प्रकार देल ईद सद्धि माळकु तोरसदीर कि नीव ई मात दा नरिदोष आईर.

12 वाक ना जो नीम हात्ती लखिसीदनि, अद ना रा आऊन कारण लखिसदीन याव अन्याय माळदुन अदकि ना आऊन कारण यार मा अन्याय माळकु आत, लेकीन इदुरसाटी कि नीम उत्साह जो नाम साटी आद, अद परमेश्वर उन मुंद नीम मा प्रगट आगेगुल. 13 इदुरसाटी नामी दिलासा सकित. नाम ई दिलासा अन्द सांगुळ तीतुस उन खुशी इन कारण मातत यक्कुल खुशी आत यतकी

आऊन जीव नीम सप्पा मुंदुर कारण खुश आगेत. 14 यतकी अगर ना आऊन मुंद नीम बारा दा येनारा घमण्ड तोरसदीन, रा लज्जति आगीदील, लेकीन ह्यांग नाव नीम से सप्पा मातगोळ सही-सही अन बुटदिव, हांग अच नाम घमण्ड तोरसोद तीतुस उन मुंद भी सही होळत. 15 याग आऊक नीम सप्पा मुंदुरद आग्याकारी आगेद याद आगतद कि ह्यांग नीव अंजुक अदकि नळगतेला आऊन से मुलाकात माळदीर; रा आऊन प्यार नीम दी मातुत यक्कुल वाळुसेगतद. 16 ना खुश आईन यतकी ना हर मात दा नीम मा पुरा भरोसा माळ सकतीन.

8

उदारता पुरवक दान कोळोद

1 ईंग हे वारटुरा अदकि आकतीगेरा, नाव नीमी परमेश्वर उन अनुग्रह जो मकदिनया नगर इन मंडलीगोळ मा आत नाव चाहासतेव कि नीमी मालूम नळुल. 2 कि क्लेश इन धोळद परीक्षा दा आंदुरद धोळद खुशी अदकि भारी कंगालपन दा आंदुर उदारता हापाळ वाळुसेत. 3 आंदुर बारा दा नान ईद गवाही आद कि आंदुर तान सामर्थ्य तुमकु उलटा सामर्थ्य से भी व्हाण्या, मन देल कोटार. 4 अदकि ई दान दा अदकि यहूदीगोळद परमेश्वर उन पवतिर लांकुरद स्यावा दा सहभागी आगेद अनुग्रह अनद बारा दा, नाम से घळी-घळी हापाळ वनिती माळदुर, 5 अदकि ह्यांग नाव आशा माळीदेव, हांग अच ईला उलटा आंदुर प्रभु उक बाक परमेश्वर उन इच्छा देल नामी भी तान तान इक कोट बुटदुर. 6 इदुरसाटी नाव तीतुस से वनिती माळीदेव कि ह्यांग आव पयले सूरवात माळीदुन, हांग अच नीम न्याइया दा ई दान कोळोद कृपा अनद क्यालसा अक लगातार पुरा माळुल. 7 इदुरसाटी ह्यांग नीव सप्पा मात दा मतलब विश्वास, वचन, ग्यान अदकि सप्पा प्रकार इन कोशिश दा, अदकि आ प्यार दा जो नाम से ईटतीर, वाळुस्त होगतीर, हांग अच ई दान इन कृपा अनद क्यालसा दा भी वाळुस्त होगी.

8 ना आग्या अनद रीत मा रा ईला, लेकीन दुसरा लांकुरद तोरसद उत्साह देल नीम प्यार इन सच्चाई इक परखुसोर साटी अनतीन. 9 नीव नाम प्रभु यीशु मसीह अन अनुग्रह अरूतीर कि आव धनी ईतकु भी नीम साटी कंगाल आगेदुन, ताकी आऊन कंगाल आगदुर देल नीव धनी आगेगी.

10 ई मात दा नान सला ईदा आद: ईद नीम साटी वळलीद आद, जो ऊंद साल टु ना रा सरिफ क्यालसा अक माळदुर दा अच, लेकीन ई मात इन चाहासदुर दा भी पयला आगदुर, 11 इदुरसाटी ईंग ईद क्यालसा पुरा माळी कि ह्यांग इच्छा माळदुर दा नीव तयार ईरीर, हांग अच तान तान पूंजी इन अनुसार पुरा भी माळी. 12 यतकी अगर मन देल कोळोद तयारी आद रा अदुर अनुसार परमेश्वर आ दान इक ग्रहण भी माळ्यान जो आऊन हात्ती आद, ना कि आऊन अनुसार जो आऊन हात्ती हैलेच.

13 हिंग ईला कि दुसरा अक चैन अदकि नीमी क्लेश सकिल, 14 लेकीन बराबरी इन वचार देल ई समय नीम बळती आंदुर घटी दा क्यालसा बरूल, ताकी आंदुर बळती भी नीम घटी दा क्यालसा बरूल कि बराबरी आगेगुल. 15 ह्यांग शास्त्र दा लखिसकु आद, “याव हापाळ जेळदुन आऊन ज्यादा होटीदलि, अदकि याव थवाळासा जेळदुन आऊन गोर्त भी होटीदलि.”

तीतुस अदकि आऊन सहकरमी

16 परमेश्वर उन धन्यवाद आगुल, याव नीम साटी अदा उत्साह तीतुस उन दलि दा हाकुक बुटान! 17 कि आव नाम समजुसोद मान्स कौडुन उलटा हापाळ उत्साही आगकु आव तान इच्छा देल नीम हात्ती होग्याद. 18 नाव आऊन सांगुळ आ वारट उक भी कळेव यार्द हेसुर खुशखबरी इन बारा दा सप्पा मंडली दा फेलुसकु आद; 19 अदकि ईट अच ईला, लेकीन आव मंडली द्वारा नयिकुत भी आदुन कि ई दान इन क्यालसा अनद साटी नाम सांगुळ होगुल. नाव ईद स्यावा इदुरसाटी माळतेव कि प्रभु उन महिमा अदकि नाम मन इन तयारी प्रगट आगेगुल.

20 नाव ई मात दा सावधान ईरतेव कि ई उदारता अन्द कयाल्सा अन्द बारा दा यार स्यावा नाव माळतेव, यावारा नाम मा दोष हच सकबाळुल. 21 यतकी जो मातगोळ सर्फि प्रभु उन हात्ती इच ईला, लेकीन मळसागोळद हात्ती भी भला आव नाव अऊरद चनिता माळतेव.

22 नाव आऊन सांगुळ तान वार्ट उक भी कळेव, यारी नाव घळी-घळी परखुसकु हापाळ सा मातगोळ दा उत्साही आगतेला नोळेव; लेकीन ईग नीम मा आऊक हापाळ भरोसा आद, ई कारण आव मात्त यक्कुल उत्साही आन. 23 अगर यावारा तीतुस उन बारा दा केळुल, रा आव नान संगी अदकि नीम साटी नान सहकर्मी हुन; अदकि अगर नाम वार्टुर्द बारा दा केळुल, रा आंदुर मंडलीगोळद कळुकु अदकि मसीह अन्द महमा उर. 24 इदुरसाटी तान प्यार अदकि नाम अद घमण्ड जो नीम बारा दा आद मंडलीगोळद मुंद सदिध माळकु आंदी तोरसी.

9

संगी-मसीहगोळद साटी सहायता

1 ईग आ स्यावा अन्द बारा दा जो पवतिर लॉकुरद साटी माळकु आगतद, नानी नीमी लखिसोद जरूरी हैलेच. 2 यतकी ना नीम मन इन तयारी इक अरूतीन, यदुर कारण ना नीम बारा दा मकदिनया नगर इन ईरावाळेर्द मुंद घमण्ड तोरसतनि कि अखाया नगर इन लॉकुर ऊंद साल टु तयार आग्यार, अदकि नीम उत्साह मात्त हापाळ मुंदुर इक भी तयार माळयाद. 3 लेकीन ना वार्टुर इक इदुरसाटी कळीन कि नाव जो घमण्ड नीम बारा दा तोरसदेव, अद ई मात दा व्यर्थ ईरबाळुल; लेकीन ह्यांग ना अंदीन हांग अच नीव तयार ईरी, 4 हगि आगवाळुल कि अगर यावारा मकदिनया नोर ईरावाळेर्द नान सांगुळ बरूल अदकि नीमी तयार ईला नोळुल, रा आग सकतद कि ई भरोसा अन्द कारण नाव ईद अनालेव कि नीव लज्जति आदेव. 5 इदुरसाटी ना वार्टुर से ईद वनिती माळोद जरूरी समसदीन कि आंदुर पयले टु नीम हात्ती होगुल, अदकि नीम उदारता अन्द काय यदुर बारा दा पयले टु वचन कोटकु आगीत, तयार माळकु ईटुल कि ई दबाव देल ईला लेकीन उदारता अन्द काय इन घाई तयार आगुल.

6 लेकीन मात ईद आद: जो थवाळासा बोऊसतान, आव थवाळा अच कळदान; अदकि जो हापाळ बोऊसतान, आव हापाळ कळदान. 7 हर ऊंद मळसा ह्यांग मन दा टानस्यान हांग अच दान माळुल; ना कळकळस तेला अदकि ना दबाव देल, यतकी परमेश्वर खुशी देल जो कोळतान आऊन से अच प्यार ईटतान. 8 परमेश्वर सपपा प्रकार इन अनुग्रह नीमी हापाळ तरीका देल कोळ सकतान यदुर देल हर मात दा अदकि हर समय, सपपा येनारा, जो नीमी जरूरी आद, नीम हात्ती ईरूल; अदकि हर ऊंद वळलीद कयाल्सा अन्द साटी नीम हात्ती हापाळ येनारा ईरूल. 9 ह्यांग शास्त्र दा लखिसकु आद,

“आव सळग्यान माळदुन, आव कंगालगोळी दान कोट्टुन,
आऊन न्याय हमेशा बन्सकु ईत्तीत.”

10 इदुरसाटी जो बोऊसावाळा अक बीजा अदकि ऊमोर साटी रोट्टी कोळतान, आव नीमी बीजा कोट्टान, अदकि आऊक फलवन्त माळ्यान; अदकि नीम न्याय इन कायगोळी वाळुस्यान.

11 नीव हर मात दा सपपा प्रकार इन उदारता अन्द साटी जो नाम द्वारा परमेश्वर उन धन्यवाद माळसुसतद, धनवान माळकु आदीर. 12 यतकी ई स्यावा अक पुरा माळदुर देल ना सर्फि पवतिर लॉकुरद जरवतगोळ पुरा आगताव, लेकीन लॉकुर दी टु परमेश्वर उन भी हापाळ धन्यवाद आगतद.

13 यतकी ई स्यावा अक प्रमाण स्वीकार माळकु आंदुर परमेश्वर उन महमा प्रगट माळतार कि नीव मसीह अन्द खुशखबरी इक मान्सकु आऊन हात्ती ईरतीर, अदकि आंदुरद अदकि सपपा मुंदुरद सहायता माळदुर दा उदारता प्रगट माळतेला ईरतीर. 14 अदकि आंदुर नीम साटी प्रार्थना माळतार; अदकि इदुरसाटी कि नीम मा परमेश्वर उन हापाळ अच अनुग्रह आद, नीम लालसा माळतेला ईरतार. 15 परमेश्वर उन, आऊन आ दान इन साटी जो वर्णन टु व्हार्या आद, धन्यवाद आगुल.

10

पौलुस उन अधकार

1 ना आवा पौलुस हुईन जो नीम मुंद गरीब आईन लेकीन बेन हदि नीम दी साहस माळतीन, नीमी मसीह अनंद नम्रता अदकि कोमलता अनंद कारण समझूसतीन. 2 ना ईद वनिती माळतीन क नीम मुंद नानी नरिभय आगकु साहस माळोद बळिबाळुल, हयांग ना थवाळासा लॉकुर मा जो नामी मय इन अनुसार नळावाळेर समसतार, आंदरी साहस तोरसोद वचार माळतीन. 3 यतकी नाव मय इन अनुसार नळुतेव अदकि वयाळतेव, तरी भी नाव मय इन अनुसार लळाई माळालेव. 4 यतकी नाम लळाई इन हथयार शारीरिक ईला, लेकीन कलिलागोळद नाश माळोर साटी परमेश्वर उन सामर्थ्य देल परपुर्ण आद. 5 इदुरसाटी नाव कल्पनागोळद अदकि हर ऊंद धोळद मात इन, जो परमेश्वर उन पयचान इन वरिध दा येळतद, खंडन माळतेव; अदकि हर ऊंद भावना अक कैद माळकु मसीह अनंद आग्याकारी माळ बुळतेव, 6 अदकि तयार ईरतेव कियाग नीम आग्या पालन पुरा आगोगुल, रा हर ऊंद प्रकार इन आग्या अनंद उल्लंघन माळावाळेर इक दण्डति माळेव.

7 नीव अवा मातगोळी नोळी, जो कण्णगोळद मुंद आव. अगर यारीकारा तान मा ईद भरोसा आद क नीम मसीह नव हुईन, रा आव ईद भी जान्स कोमुल क हियांग आव मसीह नव हुन हांग अच नाव भी हुयेव. 8 यतकी अगर ना आ अधकार इन बारा दा मातूत यक्कुल घमण्ड तोरसाईन, जो प्रभु नीम बीगळुसोर साटी ईला लेकीन सुधूरसोद साटी नामी कोटान, रा ना लज्जति ईला आगाईन. 9 ईद ना इदुरसाटी अनतीन क चिट्टी गोळद द्वारा नीमी अंजक्या तोरसावाळा ठहूसतीदील. 10 यतकी आंदुर अनतार, “आऊन चिट्टी गोळ रा गंभीर अदकि प्रभावशाली आव; लेकीन याग आव मुंद इरतान, रा आव मय देल कमजोर अदकि माताळदुर दा हल्का अरूक आगतान.” 11 जो हगि अनतान, आव ईद ऊमसुल क हियांग बेन हदि चिट्टी गोळ दा नामव वचन आव, हांग अच नीम मुंद नामव क्यालसा भी ईतताव.

12 यतकी नामी ईद साहस हैलेच क नाव तान तान इक आंदुर दा टु येनारा सांगुळ आळुल या आंदुर से खुद इक मीलसुल, जो तान प्रशंसा खुद माळतार, अदकि तान तान इक आपस दा आळदकु तौलसकु आबुर दाबुर से मलान माळतार, आ लॉकुर खुद मूरख ठहूसतार. 13 नाव रा सीमा टु व्हारया घमण्ड यागालु भी माळतीदील, लेकीन अदा सीमा ताका जो परमेश्वर नाम साटी ठहूसयान, अदकि अदुरदा नीव भी होट बंदीर, अदकि आऊंदा अनुसार घमण्ड भी माळयार. 14 यतकी नाव तान मर्यादा अनंद व्हारया होगालेव, जसा क नीम ताका पोहचुसोद दशा दा ईला ईराईत, उलटा मसीह अनंद खुशखबरी केळसतेला नीम ताका पोहचुसेग्याव. 15 नाव मर्यादा टु व्हारया दुसरा अन मेहनत मा घमण्ड माळालेव; लेकीन नामी आशा आद कियाग-याग नीम वशिवास वाढुसतेला होदीत आग-आग नाव तान मर्यादा अनंद अनुसार नीम कारण मातूत वाढुसत होदेव, 16 ताकी नाव नीम मर्यादा से मुंद वाढुसकु खुशखबरी केळसेव, अदकि ईद ईला क नाव दुसरा अन मर्यादा अनंद बुळक माळदव क्यालसा मा घमण्ड माळेव.

17 हयांग शास्त्र अनतद, घमण्ड माळोद आद, आव प्रभु मा घमण्ड माळुल. 18 यतकी जो तान बळाई माळतान आव ईला, लेकीन यार्द बळाई प्रभु माळतान, आवा ग्रहण माळकु आगतान.

11

पौलुस अदकि खवाटा प्रेरति

1 अगर नीव नान थवाळासा मूरखता सहन माळ कोमायदीर रा येन ईद भला आगाईत; हव, नान सहन भी माळी. 2 ना नीम बारा दा ईरुष्या ईटतीन हयांग परमेश्वर ईटतान, नीव ऊंद पवतिर कुवारा पोर इन घाई आईर, यारी ना सरिफ ऊंद मंळसा अक, खुद मसीह अनंद सांगुळ मदा माळोद वादा माळीदनि. 3 लेकीन ना अंजतीन क हियांग हाव तान चतुराई देल हवा अक वयकुसत, हांग अच नीम सीधा साधा मन अदकि पवतिरता देल जो मसीह अनंद सांगुळ ईर पायजे, येलयारा भ्रष्ट माळकु आगबाळुल. 4 अगर यावारा नीम हातूती बंदकु यावारा दुसरा यीशु उन प्रचार माळुल,

यारद प्रचार नाव माळीदील; या यातारा दुसरा आत्मा नीमी सकिल, जो पयले ईला सकीदाद; या मातूत यावारा खुशखबरी केळसुल यदरी नीव पयले मान्सीदील, रा नीव अदरी स्वीकार माळ कोमतीर.

5 ना रा सम्सतीन कनि यातारा मात दा धोळ से धोळ प्रेरतिगोळ से गोर्त हेलेच. 6 अगर ना माताळदुर दा अनाळी आईन, तरी भी ग्यान दा गोर्त हेलेच. नाव इदरी हर मात दा सप्पा प्रकार देल नीम साटी प्रगट माळेव.

7 येन ईदुर दा ना येनारा पाप माळीन कनि नीमी परमेश्वर उन खुशखबरी ह्यांगारा-मुंगारा केळसदीन; अदकि तान तान इक नम्र माळदीन कनि नीव म्याकुच आगेगी? 8 ना दुसरा मंडलीगोळी लुटसदिन, मतलब ना आंदुर से मजदूरी ताकोडीन ताकी नीम स्यावा माळाईन. 9 अदकि याग ना नीम सांगुळ ईरीन अदकि नानी गोर्त आत, रा ना यारदु मा बोझ हाक्कीदलि, यतकी वारटुर मकदिनया नगर टु बंदकु नान जो गोर्त ईरोद अदरी पुरा माळदुर; अदकि ना हर मात दा तान तान इक नीम मा बोझ आगदुर देल रोकसदिन, अदकि रोकसकु ईटाईन. 10 अगर मसीह अन्द सच्चाई नान दा आद रा अखाया द्याश दा याऊ नानी ई घमण्ड देल रोकसतदिलि. 11 येती? येन इदुरसाटी कनि ना नीम से प्यार ईटालीन? परमेश्वर ईद अरूतान कनि ना प्यार ईटतीन.

12 लेकीन जो ना माळतीन, अदा माळत ईराइन कनि जो धोळ प्रेरति मवका दुंदूसतार ना आ धोळ सीक गोळालीन, ताकी याता मात दा आंदुर घमण्ड माळतार, अदुरदा आंदुर नामद अच घाई ठहूरसुल. 13 यतकी ईत्ता लॉकुर खवाटा प्रेरति, अदकि छल कपट देल क्यालसा माळावाळेर, अदकि मसीह अन्द प्रेरतिगोळद रूप ताकोमावाळेर उर. 14 ईद येनु अचमभा अन्द मात आल्लच यतकी शैतान खुद भी ज्योतरिमय स्वरगदूत उन रूप धारण माळतान. 15 इदुरसाटी अगर आऊन सेवक भी न्याय इन सेवकगोळद घाई रूप ताकोमुल, रा येनु धोळद मात हेलेच, लेकीन आंदुर न्याय आंदुर कर्मगोळद अनुसार आदीत.

प्रेरति उन रूप दा पौलुस उन दुख भोगसोद

16 ना मातूत अनतीन, याऊ नानी मूरख सम्सवाळुल; ईलारा मूरख अच सम्सकु नान सहन माळी, ताकी थवाळासा ना भी घमण्ड माळ सकाईन. 17 ई आत्मवश्वास इन घमण्ड दा जो येनारा ना अनतीन, अद प्रभु उन आग्या अन्द अनुसार ईला पर मान्सी मूरखता देल अच अनतीन. 18 याग कनि हापाळ सा लॉकुर मय इन अनुसार घमण्ड माळतार, रा ना भी घमण्ड माळाईन. 19 नीव रा समझदार ईतकु खुशी देल मूरख लॉकुरद सहन माळ कोमतीर. 20 यतकी याग यावारा नीमी दास माळ कोमतान, या फायदा नेगुतान, या फसुस कोमतान, या तान तान इक धोड्डेव माळतान, या नीम बाय मा क्याबरा बडुतान, रा नीव सहन माळ कोमतीर. 21 नान अनोद अनादर इन अच बारा दा आद, मान्सी नाव इदुरसाटी नरिबल घाई ईरेव.

लेकीन याग यावारा यातोदारा मात दा हमिमत माळतान-ना मूरखता देल अनतीन-रा ना भी हमिमत माळतीन. 22 येन आंदुर अच इब्रानी उर? ना भी हुईन. येन आंदुर अच इस्त्राएली उर? ना भी हुईन. येन आंदुर अच अब्राहम उन वंश उर? ना भी हुईन. 23 येन आंदुर अच मसीह अन्द सेवक उर ना यरर इन घाई अनतीन ना आंदुर से यक्कुल आईन. यक्कुल मयनत माळदुर दा; घळी घळी कैद आगदुर दा; क्वाळागोळ तदुर दा; घळी घळी मृत्यु उन जोखीमगोळ दा. 24 अईद घन ना यहूदीगोळद कय देल उंच्यालीस क्वाळागोळ तनिदिन. 25 मूर घन ना बळसकोडडीन; ऊंद घन नान मा कल्लगोळ देल पथराव माळकु आत; मूर घन जहाज, यऊर मा ना येरीदिन, मुरदोदव; ऊंद ईळलक ऊंद हागुल ना समुद्र दा कळदिन. 26 अना घळी घळी यात्रागोळ दा; गांगागोळ जोखीमगोळ दा; डाकूगोळ जोखीमगोळ दा; तान जातीवाळेर देल जोखीमगोळ दा; गैरयहूदीगोळ देल जोखीमगोळ दा; नगरगोळ जोखीमगोळ दा; आळी इन जोखीमगोळ दा; समुद्र

* 11:9 ११:९ फलिपिगोळ ४:१५-१६ * 11:23 ११:२३ प्रेरतिगोळ १६:२३ * 11:25 ११:२५ प्रेरतिगोळ १६:२२; प्रेरतिगोळ १४:१९ * 11:26 ११:२६ प्रेरतिगोळ ९:२३; प्रेरतिगोळ १४:५

अनूद जोखीमगोळ दा; ख्वाटा वारदूरद न्याइया जोखीमगोळ दा ईततीन. 27 मयनत अदकि कष्ट दा; घळी घळी च्याता ईरदुर दा; हसु-नीरअळक दा; घळी घळी उपास माळदुर दा; सोळ इन दनि दा; बनि फळक्या अनूद ईरदुर दा; 28 अदकि दुसरा मातगोळी बटिकु यऊर वर्णन ना माळालीन; सपपा मंडलीगोळद चनिता हर दनि नानी वतूत वुळतद. 29 यार नरिबलता देल ना नरिबल आगालीन? यार्द टोकर तदुर देल नान जीव नोयाल?

30 अगर घमण्ड माळोद जरूरी आद, रा ना तान नरिबलता अनूद मातगोळ मा घमण्ड माळाईन. 31 प्रभु यीशु उन परमेश्वर अदकि आप्प जो हमेशा धन्य आन, अरूतान का ना ख्वाटा माताळालीन. 32 *दमशिक नगर दा अरतिस राजा दी टु जो शासक ईरोन, आव नानी हुळसुसोर साटी दमशिकगोळद नगर मा पयरा कुरसकु ईटीदुन. 33 लेकीन नानी जाळी इन माळद फुट्टी दा कुरसकु ऊंद दवार इन खळिकी टु ईळसकु आत, ईतता प्रकार देल ना आऊन कय दा टु ऊळदकु हटोदनि.

12

पौलुस उन दविय दरशन

1 यतकी घमण्ड माळोद नान साटी ठीक हेल्लेच तरी भी माळोद बळितद; इदुरसाटी ना प्रभु उन कोळद दरशनगोळ अदकि प्रकाशगोळद चर्चा माळाईन. 2 ना मसीह दा ऊंद मळसा अक अरूतीन; जो चौदा वर्ष आग्याव का मालूम ईला शरीर सहति, मालूम ईला शरीर रहति, परमेश्वर अरूतान; हगि मळसा तसिरा स्वर्ग ताका नेगुकु आदुन. 3 ना हगि मळसा अक अरूतीन का मालूम ईला शरीर सहति, या मालूम ईला शरीर रहति परमेश्वर अच अरूतान 4 का स्वर्गलोक मा नेगुकु आदुन, अदकि हगि मातगोळ केळदुन जो माताळकु आगालव; अदकि आ मातगोळी बाय मा तरोद बराबर हेल्लेच. 5 हगि मळसा मा रा ना घमण्ड माळाईन, लेकीन तान मा तान नरिबलतागोळी बटिकु, तान बारा दा घमण्ड माळतीदील. 6 यतकी अगर ना घमण्ड माळोद चाहासाईन भी रा मूर्ख आगतीदील, यतकी ना सही माताळाईन; तरी भी रूक्सगतनि, हगि आगबाळुल का ह्यांग नानी यावारा नोळतान या नान से केळतान, नानी अदुर देल यक्कुल समसुल.

7 इदुरसाटी का ना परमेश्वर उन प्रकाशन इन यक्कुलता अन कारण तुमंगाईन, नान मय दा ऊंद मुळल नळसकु आत, मतलब शैतान उन ऊंद स्वर्गादूत नानी बुक्की बडुल अदकि घमण्ड माळदुर देल नानी रोकसकु ईटुल. 8 ईदुर बारा दा ना प्रभु से मुर धन वनिती माळीन का ईंद नान से दुर आगोगुल. 9 अदकि आव नान से अंदुन, “नान अनुग्रह नीन साटी हापाळ आद; यतकी नान सामर्थ्य नरिबलता दा सदिध आगतद.” इदुरसाटी ना हापाळ खुशी देल तान नरिबलतागोळ मा घमण्ड माळाईन का मसीह अनूद सामर्थ्य नान मा सावली माळतला ईरूल. 10 ई कारण ना मसीह अनूद साटी नरिबलतागोळ दा, अपमान गोळ दा, अदकि गरीबी दा, अदकि उपद्रवगोळ दा, अदकि संकटगोळ दा खुश आईन; यतकी याग ना नरिबल ईरतीन आग अच सामर्थी आगतीन.

कुरनिधिगोळद साटी पौलुस उन चनिता

11 ना मूर्ख रा बनसदीन, लेकीन नीव अच नानी ईंद माळोर साटी मजबुर माळदीर. नीव रा नान प्रशंसा माळायदीर, यतकी अगर ना येनु हेल्लेच, तरी भी आ धोड्डेर से धोड्डेर प्रेरतिगोळ से यातोदारा मात दा गोरत हेल्लेच. 12 सही प्रेरतिगोळद लक्षण भी नीम न्याइया सपपा प्रकार इन धीरज सांगुळ चमत्कारगोळ, अदकि अदभुत क्यालसागोळ, अदकि सामर्थ्य अनूद क्यालसागोळ देल तोरसकु आदव. 13 नीव याता मात दा दुसरा मंडलीगोळ देल गोरत ईरीर, सर्फ इदुर दा का ना नीम मा तान भार हाक्कीदलि. नान ईंद अन्याय माफ माळी.

14 ना तसिरा धन नीम हातती बरली तयार आईन, अदकि ना नीम मा यातोदारा भार हाकतदलि, यतकी ना नीम धन दौलत ईला उलटा नीमी का चाहासतीन. यतकी चकिोरगोळी मोय-आप्प उन

साटी धन दौलत जमा माळोद बळिल, पर मोय-आपू उक चकिरगोळ साटी धन जमा माळोद बळितद. 15 ना नीम आत्मागोळ साटी हापाळ खुशी देल खर्च माळाईन, उलटा खुद भी खर्च आगोर्गाईन. येन याट यक्कूल ना नीम से प्यार ईटतीन, आट अच गोर्त नीव नान से प्यार ईटटीर?

16 हगि आग सकतद कनि ना नीम मा भार हाकीदलि, लेकीन चतुराई देल नीमी धवाका कोटकु फसुस कोडीन! 17 भला, यारी ना नीम हात्ती कळुदीन, येन आंदुर दा टु यारदारा द्वारा ना छल कपट माळकु नीम से येनारा ताकोम कोडीन? 18 ना तीतुस उक वनिती माळदीन अदकि आऊन सांगुळ ऊंद वार्ट उक कळुदीन, रा तीतुस छल कपट माळकु नीम से येनारा ताकोडुन का? नाव ऊंद अच आत्मा देल सारखा अच हादी देल नळददिल का?

19 नीव ईगासताका समसतर्दिर कनि नाव नीम मुंद खुद इन बचाव माळतेव. नाव रा परमेश्वर उक उपस्थति जान्सकु मसीह दा माताळतेव, अदकि हे पर्यिगोळा, सप्पा मातगोळ नीम उन्नती साटी अच अनतेव. 20 नानी अंजक आद, ईदारा हगि आगबाळुल कनि ना बंदकु ह्यांग चाहासतीन, हांग नीमी नोळतीदलि; अदकि नानी भी ह्यांग नीव चाहासलीर हांग अच नोळीर; अदकि नीम दा झगळा, जलन, सट्टि, वरिध, ईर्ष्या, चुगली, अभिमान अदकि चेंगळ आगुल; 21 अदकि ईलारा हगि आगबाळुल कनि नान परमेश्वर नान मातूत नीम मान्या बंदुर मा नान मा दबाव हाकुल अदकि नानी हापाळ मुंदुर साटी मातूत शोक माळोद बळिल, यार पयले पाप माळीदुर अदकि खराब क्याल्सा अदकि व्यभचार अदकि वासना देल, जो आंदुर माळदुर, मन तरिगुसदिल.

13

आखरी चेतावनी

1 ईग तसिरा बार ना नीम हात्ती बरतीन: हर ऊंद मुकदमा सदिध माळोर साटी येद्व या मुर गवाहगोळद जरवत ईरतद. 2 ह्यांग ना दुसरा बार नीम सांगुळ ईरीन, हांगा ईग दुर ईरतेला आ लॉकुर से यार पयले पाप माळ्यार, अदकि अन्य सप्पा लॉकुर से ईग पयले से अन बुळतीन कनि अगर ना मात बराईन रा बळितीदिल, 3 यतकी नीव रा इदुरद सबुत चाहासतीर कनि मसीह नान दा माताळतान, जो नीम साटी कमजोर ईला लेकीन नीम दा सामर्थी आद. 4 आव कमजोर इन कारण कूस मा येरसकु रा आदुन, तरी भी परमेश्वर उन सामर्थ्य देल जतिता आन. नाव भी अदुरदा कमजोर आयेव, लेकीन परमेश्वर देल जो नीम साटी आन, आऊन सांगुळ ऊळदेव.

5 तान तान इक जाच वशिवास दा आईर का ईला. तान तान इक जाच. येन नीव तान बारा दा ईद जान्सालीर कनि यीशु मसीह नीम दा आन? ईलारा नीव जाच दा नकिम्मा होटीर. 6 लेकीन नान आशा आद कनि नीव जान्स कोडीर कनि नाव नकिम्मा ह्येलेच. 7 नाव तान परमेश्वर से ईद प्रार्थना माळतेव कनि नीव येनु बुराई माळवाळी, इदुरसाटी ईला कनि नाव सही काळसीगेव, लेकीन इदुरसाटी कनि नीव भलाई माळी, वाक नाव नकिम्मा अच ठहूसेगुल. 8 यतकी नाव सचचाई इन वरिध दा येनु माळ सकालेव, लेकीन सचचाई इन साटी इच माळ सकतेव. 9 याग नाव कमजोर आयेव अदकि नीव ताकतवर आईर, रा नाव खुश आगतेव, अदकि ईद प्रार्थना भी माळतेव कनि नीव सदिध आगेगी. 10 ईदुर कारण ना नीम बेन हीद ई मातगोळी लखिसतीन, कनि उपस्थति आगकु नानी आ अधकार इन अनुसार यदरी प्रभु बीगळुसोर साटी ईला लेकीन नीम भलाई इन साटी कोटान, कटनाई देल येनु माळोद बळिवाळुल.

आखरी अभिवादन

11 इदुरसाटी हे वार्दुरा अदकि आकतीगेरा, खुश ईरी; सदिध आगतेला होगी; हमिमत ईटी; ऊंदा मन ईटी; मेल मलिाप देल ईरी. अदकि प्यार अदकि शांती इन दाता परमेश्वर नीम सांगुळ ईतूतान.

12 परमेश्वर उन शुद्ध प्यार दा आवुर दाबुरी पवतिर चुम्मा देल नमस्कार माळी.

13 सप्पा मसीह परमेश्वर उन लॉकुर नीमी प्यार अदकि नमस्कार अनतार.

14 प्रभु यीशु मसीह अन अनुग्रह अदकि परमेश्वर उन प्यार अदकि पवतिर आत्मा अन सहभागीता नीम सप्पा मुंदुर सांगुळ आगतेला ईरूल.

गलातयियों के नाम पौलुस प्रेरति की पत्री गलातगिळ हेसुर पौलुस प्रेरति उन चट्ठी परचिय

गलातयिया अनन्द ईद चट्ठी प्रेरति पौलुस लखिसदुन १:१ ईद अद चट्ठी हुन जो पौलुस गलातयिया अनन्द मंडली इक मसीह अन जनम इन बाददा ४८-५७ साल इन बीच दा लखिसदुन, गलातयिया आ लॉकुर उर जो गलातयिया हेसुर इन रोमी प्रांत दा ईरतोगोर. ग्यानी लॉकुरी ईद चट्ठी सही रूप देल मालूम हैलेच, याग आव ईद चट्ठी लखिसदुन आग आव यल ईरोन. मान्सकु आगतद का आव इफसिगिळ कुरनिथि नगर दा ईतकु ईद कताव लखिसीदान.

आ यहूदी अदकि गैरयहूदी मसीह लॉकुरद हेसुर जो गलातयिया दाकळोर मंडली इन सभासद ईरोर आंदुर हेसुर देल ईद चट्ठी लखिसदुन. मसीहगोळी यहूदी नयिमगोळद वशिष रूप देल खतना अन पालन माळ पायजे ईद अनावाळेर ख्वाटा शक्तिगोळद सामना माळोर साटी पौलुस वशिष रूप देल ईद चट्ठी लखिसदुन. ईद मसीहगोळ दा हगि समुह ईरोद यदरी जूळाइजर अंदकु आगोद इंदुर मान्सतोगोर का गैरयहूदी मसीहगोळद खतना माळोद जरूरी आद, आंदुर पौलुस उन प्रेरतिपन इन अधिकार मा प्रश्न चनिह हाकदुर. पौलुस आंदुरद थ्वाळासा जीवन कात्ता अन थ्वाळासा भाग हेळकु तान प्रेरतिपन इन पुष्टी माळदुन. १:११-२:१४ ईद स्पष्ट माळतेला कि मुक्ति सरिफ यीशु मसीह मा वशिवास माळदुर देल अच सकितद, आव खुशखबरी इन पुष्टी माळदुन. २:१६ मुक्ति परमेश्वर उन प्यार इन फल हुन अद लॉकुरद कर्मकांड इन फल आल्लच.

रूप-रेखा

१. गलातयिया अन मंडली इक नमस्कार अंदकु पौलुस ईद चट्ठी इन सूरावत माळतान. १:१-५
२. तान शक्ति कोळोद अधिकार इन पुष्टी माळोर साटी पौलुस तान जीवन इन थ्वाळासा पार्श्वभुमी स्पष्ट माळतान आव ईद हेळोर साटी का आव नयिम शास्त्र अन अनुसार ईरोद ईद जीवन इन कोशशि माळदुन, लेकीन आव येनु सफलता हासलि माळोदलि. १:६-२:२१
३. इदुर बाददा नयिम अदकि कृपा नामी मुक्ति कोळोर साटी येन भुमकि नभिसताव ईद आव स्पष्ट माळतान. ३-४
४. वळलीद मसीह जीवन इन साटी आव थ्वाळासा साधारण सूचना कोळतान. ५:१-६:१०
५. पौलुस आखरी दा आखरी वनिती माळतान का परमेश्वर उन द्वारा वहाशोद मळसा बनसोद ईद खतना घाई व्हारयागोळद रीत देल हापाळ महत्वपुर्ण आद इदरी याद ईटी अदकि नमस्कार माळकु आव ई चट्ठी इक खतम माळतान. ६:११-१८

१ पौलुस उन दी टु यारी प्रेरति नविळसुक् आत जो ना मळसागोळ दी टु अदकि ना मळसा अन द्वारा, उलटा यीशु मसीह अदकि परमेश्वर आप्प उन द्वारा, याव आऊक सोत्तुर दा टु जतिता माळदुन, प्रेरति हुन २ अदकि सप्पा वशिवासी वार्दुर दी टु जो नान सांगुळ आर, गलातयिया अन मंडलीगोळी शुभकामनागोळ कळदुर दा शामलि आर:

३ नाम परमेश्वर आप्प अदकि प्रभु यीशु मसीह अन दी टु नीमी अनुग्रह अदकि शांती कोळतेला ईरूल. ४ प्रभु यीशु मसीह तान तान इक नाम पापगोळ साटी कोट बुट्टुन, ताकी नाम परमेश्वर अदकि आप्प उन इच्छा अन अनुसार नामी ई वर्तमान बुरा युग देल वळिसुसुल. ५ परमेश्वर उन स्तुति अदकि महिमा हमेशा आगतला ईरूल. आमीन.

यातोदु दुसरा खुशखबरी हैलेच

६ नानी आश्चर्य आगतद का याव नीमी मसीह अन अनुग्रह देल कार्सदुन आऊन से नीव ईट जल्दी तरिगकु दुसरा अच प्रकार इन खुशखबरी इन दी झुक्सली हतदीर. ७ लेकीन अद दुसरा

खुशखबरी इच हैलेच: लेकीन मात ईद आद कऱ्यास हगि आर जो नीमी उलझन दा हाक्क बुळतार, अदकि मसीह अन खुशखबरी इक बगिळुसोद चाहासतार. ⁸लेकीन अगर नाव, या स्वरुग टु यावारा स्वरुगदूत भी खुशखबरी इक बटिकु जो नाव नीमी प्रचार माळकु केळसेव, यावारा अलग खुशखबरी नीमी प्रचार माळकु केळसुल, जो आ खुशखबरी टु अलग आद, रा आंदुर शापति आदार. ⁹हयांग नाव पयले अंद कोडेव, हांग अच ना ईग मातून अनतीन कऱि आ खुशखबरी इक बटिकु यदरी नीव ग्रहण माळीर, अगर यावारा मातून खुशखबरी केळसतान, रा शापति आगुल.

¹⁰ ईग ना येन मळसागोळी मानसतीन या परमेश्वर उक? येन ना मळसागोळी समझुसोद चाहासतीन? अगर ना ईगासताका मळसागोळी इच समझुसतेला ईरायदीन रा मसीह अन दास ईला आगायदीन.

पौलुस हयांग प्रेरति वनसदुन

¹¹ हे वारदुरा अदकि आकतींगरा, ना नीमी हेळ बुळतीन कऱि जो खुशखबरी ना केळसदीन, अद मळसागोळद आल्लच. ¹² यतकी अद नानी मळसा अन दी टु पोहचुसीदील, अदकि ना नानी केळसकु आत, लेकीन यीशु मसीह अन प्रकाशन देल सकित. ¹³ यहुदी मत दा जो पयले नांद चाल चलन ईरोद अदुरद बारा दा नीव केळ कोंडीर कऱि ना परमेश्वर उन मंडली इक हापाळ अच सतुसीन अदकि नाश माळ तोगीन. ¹⁴ एतान हापाळ सा जातीवाळेर से जो नान अवस्था अन ईरोर, यहुदी मत दा यक्कूल वाळुसतेला होगतोगोद अदकि तान आपुप दादागोळ परंपरागोळ साटी हापाळ अच उत्साही ईरीन. ¹⁵ लेकीन परमेश्वर उन, याव नान मोय इन गर्भ टु अच नानी ठहूसदुन अदकि तान अनुग्रह देल कार्स वुटदुन, ¹⁶ याग इचछा आत कऱि नान दा तान पार उक प्रगट माळुल कऱि ना गैरयहुदीगोळ दा आऊन खुशखबरी केळसाईन, रा ना मास अदकि रक्ता देल सलाह ताकोडीन, ¹⁷ अदकि ना यूरुशलेम इक आंदुर हाती होदीन जो नान से पयले प्रेरति ईरोर, लेकीन अरब इक ओळेदीन अदकि वाक अल टु दमशिक इक वापस बंदीन.

¹⁸ वाक मुर वर्ष इन बाददा ना कैफा टु मुनाकात माळोर साटी यूरुशलेम होदीन, अदकि आऊन हाती पंदरा दिन ताका ईततीन. ¹⁹ लेकीन प्रभु उन वारट याकूब उक बटिकु अदकि प्रेरतिगोळ दा टु यारूकु नोळीदील. ²⁰ जो मातगोळ ना नीमी लखिसतीन, नोळी, परमेश्वर उक उपस्थति जानसकु अनतीन कऱि अव ख्वाटा हैलेच. ²¹ इदुर बाददा ना सीरथिा अदकि कलिकिया अन ऊरगोळ दा बंदीन. ²² लेकीन यहुदिया अन मंडलीगोळ जो मसीह दा ईरोर, नान बाय यागलु ईला नोळीदुर; ²³ लेकीन ईदा केळतोगोर कऱि जो नामी पयले सतुस तोगोन, आव ईग अदा वशिवास इन खुशखबरी केळसतान यारी पयले नाश माळतोगोन. ²⁴ अदकि आंदुर नान बारा दा परमेश्वर उन महमिा माळतोगोर.

2

अन्य प्रेरतिगोळ द्वारा पौलुस उक मान्यता

¹ चौदा वर्ष इन बाददा ना बरनबास उन सांगुळ मातून यूरुशलेम इक होदीन, अदकि तीतुस उक भी सांगुळ ओतीन. ² नान होगोद ईश्वरीय प्रकाशन इन अनुसार आत; अदकि जो खुशखबरी ना गैरयहुदीगोळ दा प्रचार माळतीन, अदरी ना आंदरी हेळ वुटीन, लेकीन आबना दा आंदरी जो धोड्डेर समसकु आगोर, ताकी हगि आगवाळुल कऱि नान ई समय इन या पछिला दवळ धूप बेकार ठहूसुल. ³ लेकीन तीतुस उक भी जो नान सांगुळ ईरोन अदकि गैरयहुदी आन, खतना माळसुसोर साटी मजबूर माळकु आगीदील. ⁴ ईद आ ख्वाटा वारदुर कारण आत जो चोरी देल बंदीदुर, कऱि आ स्वतंत्रता अन जो मसीह यीशु दा नामी सकियाद, भेद ताकोमकु नाम मा नयितरण हासलि माळुल. ⁵ ऊद घळीतीम आंदुरद हातुती आगोद नाव मानसीदील, इदुरसाटी कऱि खुशखबरी इन उपज नीम

* 1:13 १:१३ प्रेरतिगोळ ८:३; २२:४,५; २६:१-११ * 1:14 १:१४ प्रेरतिगोळ २:२३ * 1:15 १:१५ प्रेरतिगोळ १:३-६; २२:६-१०; २६:१३-१८ * 1:18 १:१८ प्रेरतिगोळ १:२६-३० * 2:1 २:१ प्रेरतिगोळ ११:३०; १५:२

दा बनसकु ईरूल. ⁶ बाक जो लॉकुर येनारा समसकु आगोर आंदुर चाहे ह्यांग भी ईतीदार नानी इदुर से येनु लेना-देना हैलेच; परमेश्वर यारदु पक्षपात माळालुन आंदुर से जो येनारा समसकु आगोर, नानी येनु भी पुरापत आगीदील. ⁷ लेकीन इदुर वपिरीत याग आंदुर वशिवास इक नोळदुर क ह्यांग यहूदी लॉकुर साटी खुशखबरी इन कयालसा पतरस उक कोटक आत, हांग अच गैरयहूदीगोळ साटी नानी खुशखबरी केळसोद कोटक आत. ⁸ यतकी याव पतरस से खतना माळद लॉकुर दा पुरेताई इन कयालसा बळा प्रभाव सहति माळसुसदुन, आवा नान से भी गैरयहूदीगोळ दा प्रभावशाली कयालसा माळसुसदुन, ⁹ अदकि याग आंदुर आ अनुग्रह अक जो नानी सकिकीत जानस कोंडुर, रा याकूब, अदकि कैफा, अदकि यूहनना जो मंडली इन खंवा समसकु आगोर, नानी अदकि बरनबास उक संगती इन ऊमा कय कोटदुर क नाव गैरयहूदीगोळ हातूती होदेव अदकि आंदुर खतना माळद लॉकुर हातूती; ¹⁰ सरिफ ईद अंदुर क नाव कंगालगोळद सुधी ताकोडेव, अदकि ईदा कयालसा अक माळोद ना खुद भी कोशशि माळीन.

पौलुस द्वारा पतरस उन वरिध

¹¹ लेकीन याग कैफा अनताकया दा बंदुन, रा ना आऊन बाय मा आऊन सामना माळदीन, यतकी आव दोषी ठहूसीदुन. ¹² इदुरसाटी क याकूब उन दी टु येनारा लॉकुर बरोर से पयले आव गैरयहूदीगोळ सांगुळ तनितांगोन, लेकीन याग आंदुर बंदुर रा खतना माळद लॉकुर अंजक इन कारण आव हदि सरकुसेदुन अदकि कनारा माळली कुरतुन. ¹³ आऊन सांगुळ जमा यहूदीगोळ भी कपट माळदुर, ईल ताका क बरनबास भी आंदुर कपट दा बदिदुन. ¹⁴ लेकीन याग ना नोळदीन क आंदुर खुशखबरी इन सच्चार्च मा सीधा चाल नळालुर, रा ना सप्पा मुंदुर मुंद कैफा से अदीन, “याग नी यहूदी आगकु गैरयहूदीगोळ घाई नळुत्या अदकि यहूदीगोळ घाई ईलारा नी गैरयहूदीगोळी यहूदीगोळ घाई नळुली येती अनत्या?”

वशिवास द्वारा न्यायी ठहूसोद

¹⁵ नाव रा जनम टु यहूदी हुयेव, अदकि पापी गैरयहूदीगोळ दा टु हैलेच. ¹⁶ तरी ईद जानसकु क मंळसा व्यवस्था अन कयालसागोळ देल ईला, लेकीन सरिफ यीशु मसीह मा वशिवास माळोद द्वारा न्यायी ठहूसतान, नाव खुद भी मसीह यीशु मा वशिवास माळदेव क नाव व्यवस्था अन कयालसागोळ देल ईला, लेकीन मसीह मा वशिवास माळदुर देल न्यायी ठहूसदेव; इदुरसाटी क व्यवस्था अन कयालसागोळ देल यातोदु प्राणी न्यायी ठहूसतीदील. ¹⁷ नाव जो मसीह दा न्यायी ठहूसोद चाहासतेव, अगर खुद अच पापी होट्टेव रा येन मसीह पाप इन सेवक आन? यागलु ईला! ¹⁸ यतकी जो येनारा ना केळद बुटीन अगर अदरी मातूत माळतीन, रा तान तान इक अपराधी ठहूसतीन. ¹⁹ ना रा व्यवस्था अन द्वारा व्यवस्था अन साटी सोतोदीन क परमेश्वर मसीह अनूद साटी जतिता ईराइन. ²⁰ ना मसीह अन सांगुळ कूस मा येरसकु आगीन, ईंग ना जतिता ईतीदील, लेकीन मसीह नान दा जतिता आन; अदकि ना मय दा ईंग जो जतिता आईन रा सरिफ आ वशिवास देल जतिता आईन जो परमेश्वर उन पार उन मा आद, याव नान से प्यार माळदुन अदकि नान साटी तान तान इक कोट बुट्टुन. ²¹ ना परमेश्वर उन अनुग्रह अक बेकार ठहूसालीन; यतकी अगर व्यवस्था अन द्वारा न्यायीपन आगाईत, रा मसीह अन सायोद बेकार आगाईत.

3

व्यवस्था या वशिवास

¹ हे नरिबुद्धी गलातगोळा, याव नीमी मोहीत माळ कोंडान? नीम रा मानसी कण्णगोळ मुंद यीशु मसीह कूस मा येरसकु आदुन! ² ना नीम से सरिफ ईद जानसोद चाहासतीन क नीमी आत्मा, येन व्यवस्था अन कयालसागोळ देल या वशिवास इन समाचार देल सकित? ³ येन नीव हगि

नरिबुद्धी आईर क आत्मा अन रीतमा सूरवात माळकु ईग मय इन रीतमा अनत माळीर? 4 येन नीव ईट दुख बेकार अच नेगदीर? लेकीन यागलु बेकार हल्लेच. 5 जो नीमी आत्मा दान माळतान अदकि नीम दा सामर्थ्य नव कयाल्सा माळतान, आव येन व्यवस्था अन कयाल्सागोळ देल या खुशखबरी मा वशिवास देल हगि माळतान?

6 *अब्राहम रा परमेश्वर मा वशिवास माळदुन अदकि ईद आऊन साटी न्यायीपन आळकु आत." 7 *इदुरसाटी ईद जान्स कोमी क जे वशिवास माळावाळेर आर, आंदुर अच अब्राहम उन औलाद उर. 8 अदकि पवत्रिशास्त्र पयले टु अच ईद जान्सकु क परमेश्वर गैरयहूदीगोळी वशिवास देल न्यायी ठहूस्यान, पयले टु अच अब्राहम उक ईद खुशखबरी केळस वुटदुन क "नीन दा सप्पा जातीगोळी आशीष सकिकीत." 9 इदुरसाटी जो वशिवास माळावाळेर आर, आंदरी अब्राहम उन सांगुळ आशीष सकिकीत.

10 इदुरसाटी यास लांकुर व्यवस्था अन कयाल्सागोळ मा भरोसा ईटतार, आंदुर सप्पा श्राप इन हातूती आर, यतकी शास्त्र दा लखिसकु आद, "जो यावारा व्यवस्था अन कताव दा लखिसकु सप्पा मातगोळ माळदुर दा स्थरि ईरालुन, आव श्रापति आन." 11 लेकीन ईद मात प्रगट आद क व्यवस्था अन द्वारा परमेश्वर उन ईल याऊ न्यायी ठहूसालुन, यतकी न्यायी जन वशिवास देल जित्ता ईततान. 12 लेकीन व्यवस्था अन वशिवास देल येनु संबंघ हल्लेच; यतकी "जो अवरी मानस्यान, आव अऊर कारण जित्ता ईततान." 13 मसीह जो नाम साटी श्रापति बनसुदुन, नामी कोंडकु व्यवस्था अन श्राप देल वळिसुसुदुन, यतकी शास्त्र दा लखिसकु आद, "जो यावारा कूस मा लटकूसकु आगतान आव श्रापति आन." 14 ईद इदुरसाटी आत क अब्राहम उन आशीष मसीह यीशु दा गैरयहूदीगोळ ताका पोहचुसुल, अदकि नाव वशिवास इन द्वारा आ आत्मा अक प्राप्त माळव यदुरद वादा आग्याद.

व्यवस्था अदकि वाचा

15 हे वारदुरा अदकि आकतींगेरा, ना मळसा अन रीतमा अनतीन; मळसा अन वाचा जो पक्का आगोतद, रा ना यावारा अदरी टाल्सतान अदकि ना अदुरदा येनारा वाळुस्तान. 16 इदुरसाटी वादागोळ अब्राहम उक अदकि आऊन वंश इक कोटकु आग्याव. आव ईद अनालुन, "वंशगोळी," ह्यांग हापाळ मुंदुर बारा दा अंदुन; लेकीन ह्यांग ऊंद इन बारा दा क "नीन वंश इक" अदकि आव मसीह हुन. 17 लेकीन ना ईद अनतीन: जो वाचा परमेश्वर पयले टु पक्का माळीदुन, अदरी व्यवस्था नाक सौ तीस वर्ष इन बाद्दा बंदकु टाल्स सकाल्द क वादा बेकार ठहूसुल. 18 *यतकी अगर मीरास व्यवस्था देल सकियाद रा बाक वादा देल ईला, लेकीन परमेश्वर अब्राहम उक वादा अन द्वारा कोट बुटान.

19 आग वाक व्यवस्था येती कोटकु आत? अद रा अपराधगोळ कारण बाद्दा कोटकु आत क आ वंश इन बरासताका ईरूल, यारी वादा कोटकु आगीत; अदकि आव स्वर्गदूतगोळ द्वारा ऊंद मध्यस्थ अन कय दा ठहूसकु आत. 20 मध्यस्थ रा ऊंद इन आगाल्द, लेकीन परमेश्वर ऊंद अच आन.

व्यवस्था अन उद्देश

21 रा येन व्यवस्था परमेश्वर उन वादागोळ वरिध दा आद? यागलु ईला! यतकी अगर हगि व्यवस्था कोटकु आगाईत जो जीवन कोळ सकाईत, रा खराखुरा न्यायीपन व्यवस्था देल ईराईत. 22 लेकीन पवत्रिशास्त्र सप्पा मुंदरी पाप इन हातूती माळ बुळत, ताकी अद वादा यदुरद आधार यीशु मसीह मा वशिवास माळोद आद, वशिवास माळावाळेर साटी पुरा आगेगुल.

23 लेकीन वशिवास इन बरोर से पयले व्यवस्था अन हातूती ता दा नाम रखवाली आगतोगोद, अदकि आ वशिवास इन बरासताका जो प्रगट आगावाळा ईरोद, नाव अदुरदा बंधन दा ईततेव. 24 इदुरसाटी व्यवस्था मसीह ताका पोहचुसोर साटी नाम गुरु आग्याद क नाव वशिवास देल

न्यायी ठहरसेव. 25 लेकीन याग वशिवास होट्ट बत्त, रा ईंग नाव गुरु उन हात्ती ईतीदील. 26 यतकी नीव सप्पा आ वशिवास इन द्वारा जो मसीह यीशु मा आद, परमेश्वर उन औलाद हुईर. 27 अदकि नीम दा ट्ट यास मुंदुर मसीह दा बपतसिमा ताकोडार आंदुर मसीह अक हाक्क कोडार. 28 ईंग ना यावारा यहूदी ईत्तुन अदकि ना यावारा गैरयहूदी, ना यावारा दास ना यावारा स्वतंत्र, ना यावारा नर ना नारी, यतकी नीव सप्पा यीशु मसीह दा ऊंद आईर. 29 *अदकि अगर नीव मसीह अन आईर रा अब्राहम उन वंश अदकि वादा अन अनुसार वारीस भी हुईर.

4

1 ना ईद अनतीन की वारीस यागासताका चगिंद आन, बल्की सप्पा वस्तुगोळद स्वामी आन, तरी आऊन दा अदकि दास दा यातोदु भेद हैलेच. 2 लेकीन आप्प उन ठहरूसद समय ताका संरक्षकगोळ अदकि मुनीमगोळ वश दा ईरतान. 3 हांग अच नाव भी, याग चकीर ईरव, रा दुनिया अन पयले ट्ट शकिषा अन वश दा आगकु दास बनसकु ईरव. 4 लेकीन याग समय पुरा आत, रा परमेश्वर तान पार उक कळुदुन जो आरत देल पैदा आदुन, अदकि व्यवस्था अन हात्ती पैदा आदुन, 5 *ताकी व्यवस्था अन हात्ती गोळी कोंडकु वळिस कोमुल, अदकि नामी पार आगोद हक्क सकुल. 6 अदकि नीव जो पार हुईर, इदुरसाटी परमेश्वर तान पार उन आत्मा अक, जो "हे अब्बा, हे आप्प" अनकु कारूतान, नाम दलिगोळ दा कळयान. 7 इदुरसाटी नी ईंग दास हैलेच, लेकीन पार हुय; अदकि याग पार आद, रा परमेश्वर उन द्वारा वारीस भी आद.

गलतीगोळ बारा दा पौलस उन चनिता

8 पयले रा नीव परमेश्वर उक ईला जानसकु आंदुर दास ईरोर जो स्वभाव देल परमेश्वर हैलेच, 9 लेकीन ईंग जो नीव परमेश्वर उक अरत कोंडीर बल्की परमेश्वर नीमी अरतुन, रा आ नरिबल अदकि नकिम्ममा पयले ट्ट शकिषा अन मातगोळ दी येती तरिगतीर, यारद नीव द्वारा दास आगोद चाहासतीर? 10 नीव दनिगोळ अदकि तगिळगोळ अदकि नयित समयगोळ अदकि वर्षगोळी मानसतीर. 11 ना नीम बारा दा अंजतीन, येल्यारा हगि आगवाळुल की जो मेहनत ना नीम साटी माळदीन अद बेकार ठहरूसुल.

12 हे वारट्टरा अदकि आकतींगोरा, ना नीम से वनिती माळतीन, नीव नान घाई आगेगी; यतकी ना भी नीम घाई आगेगीन; नीव नांद येनु बगिळुसीदील. 13 लेकीन नीव जानसतीर की पयले पयले ना मय इन नरिबलता अन कारण नीमी खुशखबरी केळसदीन. 14 अदकि नीव नान शारीरकि दशा अक जो नीम परीक्षा अन कारण ईरोद, तुच्छ जानसीदील; ना अदुर देल घृणा माळदीन; अदकि परमेश्वर उन स्वर्गदूत बल्की खुद यीशु मसीह अन घाई नानी ग्रहण माळदुन. 15 रा अद नीम खुशी मानसोद येल होत? ना नीम गवाह हुईन की अगर आग सकाईत रा नीव तान कण्णगोळी भी तेगुकु नानी कोट्ट बुळायदीर. 16 रा येन नीम से सही माताळोद कारण ना नीम दुशमन बनसेगीन? 17 आंदुर नीमी संगी माळोद रा चाहासतार, लेकीन भला उददेश देल ईला; बल्की नीमी ब्यार्र माळोद चाहासतार की नीव आंदरी का संगी माळकोमी. 18 लेकीन ईद भी वळलीद आद की भला मात दा हर समय संगी माळोद कोशशि माळकु आगूल, ना सरिफ अदा समय याग ना नीम सांगुळ ईरतीन. 19 हे नान चकीरा, यागासताका नीम दा मसीह अन रूप बनसेगाल्द, आगासताका ना नीम साटी वाक चगिंद हाळाहोती जो दुख आगतद अद दुख नेगुतीन. 20 इच्छा रा ईद आगतद की ईंग नीम हाती बंदकु दुसरा अच प्रकार देल माताळाईन, यतकी नीम बारा दा ना उलझन दा आईन.

पुरा अदकि हाजरी अन उदाहरण

21 नीव जो व्यवस्था अन हात्ती आगोद चाहासतीर, नानी हेळी, येन नीव व्यवस्था अन केळालीर? 22 शासत्र दा ईद लखिसकु आद की अब्राहम उन येदूद पारगोळ आदुर; ऊंद दासी देल अदकि ऊंद स्वतंत्र आरत देल. 23 लेकीन जो दासी देल आदुन, आव शारीरकि रीत देल पैदा

आदुन; अदकि जो स्वतंत्र आर्त देल आदुन, आव वादा अन अनुसार पैदा आदुन. ²⁴ ई मातगोळ दा उदाहरण आदः ई आर्तेर मान्सी येद्व वाचागोळ आर, ऊंद रा सीनै पहाळ इन यदुर देल दास अच पैदा आगतार; अदकि आक हाजरा हुळ. ²⁵ अदकि हाजरा मान्सी अरब इन सीनै पहाळ हुळ, अदकि आधुनकि यरूशलेम आकनि बराबर आद, यतकी आक तान चकिोर समेत दासत्व दा आर. ²⁶ लेकीन म्याकुच इन यरूशलेम स्वतंत्र आद, अदकि अद नाम मोय हुन. ²⁷ यतकी शास्त्र दा लखिसकु आद,

“हे वांझला, नी जो पैदा माळाल खुशी माळ;

नी यारी दुख नेगाल, कृतक्या खोलसकु जय जयकार माळ;

यतकी त्यागसद मंळसा अनंद औलाद सुहागीन इन औलाद देल भी यक्कुल आद.”

²⁸ हे वार्दुरा अदकि आकतींगेरा, नाव इसहाक इन घाई वादा अन औलाद हुयेव. ²⁹ अदकि ह्यांग आ समय मय इन अनुसार पैदा आगद आत्मा अन अनुसार पैदा आगद उक सतुसोद, हांग अच ईंग भी आगतद. ³⁰ लेकीन पवत्रिशास्त्र येन अनतद? “दासी अदकि आकनि पार उक तेगु बुळ, यतकी दासी अन पार स्वतंत्र आर्त इन पार उन सांगुळ उत्तराधिकारी आगतीदील.” ³¹ इदुरसाटी हे वार्दुरा अदकि आकतींगेरा, नाव दासी नोर ईला लेकीन स्वतंत्र आर्त इनोर औलाद हुयेव.

5

स्वतंत्रता अक सुरक्षति ईटी

¹ मसीह स्वतंत्रता अन साटी नामी स्वतंत्र माळयान; इदुरसाटी इदुरदा अच स्थरि ईरी, अदकि दासत्व अन जुआ दा मातत बळिवाळी. ² नोळी, ना पौलस नीम से अनतीन कि अगर खतना माळसुसीर, रा मसीह देल नीमी येनु लाभ आगतीदील. ³ तरी भी ना हर ऊंद खतना माळसुसावाळा अक वनिती माळतीन कि आऊक सप्पा व्यवस्था मानसोद बदिदीत. ⁴ नीव जो व्यवस्था अन द्वारा न्यायी ठहरूसोद चाहासतीर, मसीह देल अलग अदकि अनुग्रह देल बदिगीर. ⁵ यतकी आत्मा अन कारण नाव वशिवास देल, आशा माळद न्यायीपन इन हादी कायतेव. ⁶ मसीह यीशु दा ना खतना अदकि ना खतनारहति येनारा क्याल्सा अन आद, लेकीन सरिफ वशिवास, जो प्यार इन द्वारा प्रभाव हाकत्या. ⁷ नीव रा भला भार्ता हरीर. ईंग याव नीमी रोक्स बुटुन कि सच्चाई इन भरोसा माळवाळी. ⁸ हगि सीख नीम कारावाळा अन दी टु हेल्लेच. ⁹ *धवाळासा खमीर सप्पा काल्सद हीट इक खमीर माळ बुळतद. ¹⁰ ना प्रभु मा नीम बारा दा भरोसा ईटतीन कि नीम यातोदारा दुसरा वचार ईरतीदील; लेकीन जो नीमी धबरूस बुळतान, आव यावारा येती आगबाळुल फैसला आदीत. ¹¹ लेकीन हे वार्दुरा अदकि आकतींगेरा, अगर ना ईगासताका खतना अन प्रचार माळतीन, रा येती ईगासताका सतुस्कु आगतीन? बाक रा कूस इन टोकर होगतेला ईत्त. ¹² भला आगाईत कि जो नीमी डावाडोल माळतार, आंदुर तान मय अच कोद बुळायदुर.

¹³ हे वार्दुरा अदकि आकतींगेरा, नीव स्वतंत्र आगोर साटी कार्सकु आगीर; लेकीन हगि आगबाळुल कि ईद स्वतंत्रता शारीरकि क्याल्सागोळ साटी मवका बनसुल, बल्की प्यार देल आवुर दाबुर दास बनसी. ¹⁴ यतकी सप्पा व्यवस्था ई ऊंद अच मात दा पुरा आगेगतद, “नी तान हातळोर से तान घाई प्यार ईट.” ¹⁵ लेकीन अगर नीव आवुर दाबुर इक हल्ल देल कचतीर अदकि हूरूक तनितीर, रा सावधान ईरी कि आवुर दाबुर सत्यानाश ना माळबुळी.

पवत्रि आत्मा द्वारा संचालन

¹⁶ लेकीन ना अनतीन, आत्मा अन अनुसार नळदीर रा नीव मय इन लालसा यातोदारा रीत देल पुरा माळतीदील. ¹⁷ *यतकी मय आत्मा अन वरिध दा अदकि आत्मा मय इन वरिध दा लालसा माळतद, अदकि ईव आवुर दाबुर वरिधी आव, इदुरसाटी कि जो नीव माळोद चाहासतीर अद माळ सकवाळी. ¹⁸ अदकि अगर नीव आत्मा अन नळसदुर देल नळुतीर रा व्यवस्था अन

हातूती ईतीदील. ¹⁹ मय इन कयाल्सा रा परगट आव, मतलब व्यभचार, खराब कयाल्सा, लुचपन, ²⁰ मूर्तपूजा, जादु टोना, दुशमनी, झगळा, जलन, सट्टि, वरिध, फूट, स्वार्थीपन, ²¹ जलन, मतवालापन, अवैध संबंध, अदकि ईऊर घाई मातुत दुसरा कयाल्सा आव, ईऊर बारा दा ना नीम से पयले टु अच अंद वुळतीन ह्यांग पयले अंद भी कौडीन, कि ईतता कयाल्सा माळावाळेर परमेश्वर उन राज्य अन वारीस आगतीदील. ²² लेकीन आत्मा अन काय, प्यार, खुशी, शांती, धीरज, कृपा, भलाई, वशिवास, ²³ नम्रता, अदकि संयम आद; हगि-हगि कयाल्सागोळ वरिध दा यातोदारा भी व्यवस्था हैलेच. ²⁴ अदकि जो मसीह यीशु नोर आर, आंदुर मय इक आऊन लालसागोळ अदकि अभलिाषागोळ समेत क्रूस मा येर्स बुटार.

²⁵ अगर नाव आत्मा अन द्वारा जत्तिता आयेव, रा आत्मा अन अनुसार नळदेव भी. ²⁶ नाव घमण्डी आगकु ना आबुर दाबुर इक छेळसेव, अदकि ना आबुर दाबुर से जलनखोरी माळेव.

6

आबुर दाबुर सहायता माळी

¹ हे वारदुरा अदकि आकतीगेरा, अगर यावारा मंळसा यातोदारा अपराध दा हुळकु भी आगतान रा नीव जो आत्मकि आईर, नम्रता अन सांगुळ ईतता मंळसा अक संभाळसी, अदकि तांद भी सावधानी ईटी कि नीव भी परीक्षा दा बळिवाळी. ² नीव आबुर दाबुर बोझ नेगी, अदकि ईतता प्रकार मसीह अन व्यवस्था अक पुरा माळी. ³ यतकी अगर यावारा येनु ईला ईततुर मा भी तान तान इक येनारा समस्तान, रा तान तान इक ध्वाका कोळतान. ⁴ लेकीन हर ऊंद तांद अच कयाल्सा अक जाच कोमुल, अदकि आग दुसरा अन बारा दा ईला लेकीन तांद अच बारा दा आऊक घमण्ड माळोद मवका सक्कीत. ⁵ यतकी हर ऊंद मंळसा तांद अच बोझ नेगदान.

⁶ यारी वचन इन शक्षिा सक्तिद, आव सप्पा वळलेव वस्तुगोळ दा कलसावाळा अक भागी माळुल.

⁷ ध्वाका तनिवाळी; परमेश्वर मज्याक दा हार्सकु आगालुन, यतकी मंळसा जो फसल हचयान आव अदा कळदान. ⁸ यतकी जो तान मय इन साटी हचतान, आव मय इन द्वारा वनिाश इन कटनी कळदान; अदकि जो आत्मा अन साटी हचतान, आव आत्मा अन द्वारा अननूत जीवन इन कटनी कळदान. ⁹ नीव भला कयाल्सा माळदुर दा साहस बळिवाळी, यतकी अगर नाव ढलिा ईरतीदील रा ठीक समय मा कटनी कळदेव. ¹⁰ इदुरसाटी येल ताका समय सक्कीत नाव सप्पा घराना अन सांगुळ वळलीद माळेव, वशिष माळकु वशिवासी वारदुर सांगुळ.

आखरी चेतावनी अदकि अभवादन

¹¹ नोळी, ना ह्यांग धोळ धोळ अक्षरगोळ दा नीमी तान कय देल लखिसीन. ¹² जो लॉकुर शारीरकि दखावा चाहासतार आंदुर अच नीमूद खतना माळसुसोर साटी दबाव हाकतार, सर्फि इदुरसाटी कि आंदुर मसीह अन क्रूस इन कारण सतुस्कु आगबाळुल. ¹³ यतकी खतना माळसुसावाळेर खुद रा व्यवस्था मा नळाळुर, लेकीन नीम खतना इदुरसाटी माळसुसोद चाहासतार कि नीम शारीरकि दशा मा घमण्ड माळुल. ¹⁴ लेकीन हगि आगबाळुल कि ना दुसरा यातोदारा मात मा घमण्ड माळाईन, सर्फि नाम प्रभु यीशु मसीह अन क्रूस इन, यारद द्वारा दुनयिा नान नजर दा अदकि ना दुनयिा अन नजर दा क्रूस मा येर्सकु आगीन. ¹⁵ यतकी ना खतना अदकि ना खतनारहति येनारा आद, लेकीन व्हाशोद दुनयिा. ¹⁶ यास ई नयिम मा नळदार आंदुर मा, अदकि परमेश्वर उन इस्त्राएल मा शांती अदकि दया आगतेला ईरूल.

¹⁷ मुंद नानी याऊ दुख कोळवाळुल, यतकी ना यीशु अन दागगोळी तान मय दा हुळकु टेटाळतीन. ¹⁸ हे वारदुरा अदकि आकतीगेरा, नाम प्रभु यीशु मसीह अन अनुग्रह नीम आत्मा अन सांगुळ ईरूल. आमीन.

इफसियों के नाम पौलुस प्रेरति की पत्नी इफसिगिळ हेसुर पौलुस प्रेरति उन चट्टी परचिय

मसीह अन जनम इन साठ वर्ष पयले इफसिगिळ चट्टी अदकि कुलुससगिळ चट्टी लगभग सांगुळ लखिसकु आगीत.

प्रेरति पौलुस ईद सुचति माळतान की आवा चट्टी इन लेखक हुन १:१ कुलुससगिळ चट्टी इन घाई ईद चट्टी दा व्यक्तत्व शुभेच्छा नोळकु आगाल. तरी भी ज्यादा तर वधिवानगोळ ईद मानसतार की पौलुस अच ईद चट्टी लखिसीदान. ईदा कारण प्रांत इन अलग अलग मंडली दा ईद चट्टी तरिगुसकु वाचुसकु आगुल हगि पौलुस उन ईरादा आग सकतद, याग आव ईद चट्टी लखिसदुन आग पौलुस ईद हेळतान की आव कैद दा ईरोन, ३:१; ४:१ अदकि ६:२० याग तकिकुस इफसिगिळ मंडली इक सकिली इफसियों होगोन आग पौलुस ईद चट्टी आऊन कय दा कळुदुन ६:२१-२२

इफसियों ऊंद हापाळ धोळद शयर ईरोद, आ समय एशिया माइनर प्रांत इन अद राजधानी ईरोद. शयर दा अरतमसि हेसुर ईनव ग्रीक दयाव उन ऊंद धोळद मंदरि ईरोद यदुर कारण देल इफसियों अक हापाळ प्रसदिधी सकित, प्रेरतिगोळ ११:२३-३१ ईद इफसिगिळ मंडली सुरवात वळलीद आत लेकीन बाददा कमजोर भी काळसत प्रकाशतिवाक्य २:१-७ परमेश्वर तान लांकुरी नविळुसकु यीशु मसीह अन द्वारा ह्यांग आंदुरव पापगोळ से छुटकारा कोटदुन ईद मात पौलुस उन चट्टी इन पयला भाग स्पष्ट माळतद, आव मंडली इन तुलना आ शरीर इन सांगुळ माळतान की यार्द मस्तक मसीह अच हुन अदकि आव अद क्वाना अन्द कल्ल आ इमारत देल यार्द क्वाना अन्द कल्ल मसीह हुन कतिाब इन दुसरा भाग दा मसीह जीवन ह्यांग जीऊस पायजे ईदुर बारा दा हेळतान.

रूप रेखा

१. पौलुस खुद इन परचिय कोटकु इफसियों अक शुभेच्छा कोळतान. अध्याय १:१-२
२. बाददा आ मंडली इन मसीह अन सांगुळ ह्यांग रशिता ईर पायजे १:३-३:१
३. बाददा पौलुस मसीह जीवन ह्यांग जीऊस पायजे ईदुर बारा दा हेळतान ४:१-६:२०
४. पौलुस आखरी शब्द दा चट्टी लखिसकु खतम माळतान ६:२१-२४

१ *नान पौलुस उन दी टु जो परमेश्वर उन इच्छा देल यीशु मसीह अन प्रेरति आन, आ पवतिर अदकि मसीह यीशु दा वशिवासी लांकुरद हेसुर जो इफसिसु दा आद:

२ नाम्द आप्प परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

मसीह दा आत्मिक आशीषगोळ

३ नाम्द प्रभु यीशु मसीह अन्द परमेश्वर अदकि आप्प उन धन्यवाद आगुल की आव नामी मसीह दा स्वर्गीय जागागोळ दा सब प्रकार इन आत्मिक आशीष कोटदुन. ४ ह्यांग आव नामी दुनिया अन उत्पत्ती टु पयला अदुरदा नीवळुस कोडान

की नाव आऊन हात्ती प्यार दा पवतिर अदकि नरिदोष आगुल. ५ अदकि तान इच्छा अन्द भला अभपिराय इन अनुसार नामी तान साटी पयला टु ठहूसदुन की यीशु मसीह अन्द द्वारा नाव आऊन गोद पार आगुल, ६ की आऊन आ अनुग्रह अन्द महिमा अन्द स्तुति आगुल, यारी आव नामी आ प्र्यि दा सेत-मेंत कोटदुन. ७ *नामी अदुरदा आऊन रक्ता अन द्वारा छुटकारा, मतलब

अपराधगोळद माफी, आऊन आ अनुग्रह अन्द धन इन अनुसार सकियाद, 8 यारी आव पुरा ग्यान अदकि समझ सहति

नाम मा बहुतायत देल माळदुन. 9 यतकी आव तान इच्छा अन्द भेद आ भला अभिप्राय इन अनुसार नामी हेळदुन, यारी आव खुद तान दा ठान्स कोंडीदुन 10 कि समयगोळद पुरा आगोद हगि पूर्वन्ध आगुल कि जो येनारा स्वर्ग दा आद अदकि जो येनारा पृथ्वी मा आद, सप्पा येनारा अद मसीह दा जमा माळुल.

11 अदुरदा यदुरदा नाव भी आऊन मनसा देल जो तान इच्छा अन्द मत इन अनुसार सप्पा येनारा माळतान, पयला टु ठहूसकु आगकु मीरास बनसुल 12 कि नाव, यार पयला टु मसीह मा आशा ईटीदेव, आऊन महिमा अन्द स्तुति इन कारण आगुल.

13 अदकि अदुरदा नीम मा भी, याग नीव सच्चाई इन वचन केळदीर जो नीमद उद्धार इन खुशखबरी आद अदकि यदुर मा नीव विश्वास माळदीर, वादा माळकु आत पवतिर आत्मा अन्द छाप हत्त. 14 परमेश्वर उन साटी पैस्या देल कोंडकु आग्यार आंदुरद छुटकारा अन्द साटी नाम्द मीरास इन बयाना हुन, कि आऊन महिमा अन्द स्तुति आगुल.

पौलुस उन प्रार्थना

15 ई कारण, ना भी आ विश्वास इन बातणी केळकु जो नीम लॉकर दा प्रभु यीशु मा आन अदकि सप्पा पवतिर लॉकर मा प्यार प्रगट आद, 16 नीम साटी धन्यवाद माळोद वळालीन, अदकि तान प्रार्थनागोळ दा नीमी याद माळतेला ईरतीन 17 कि नाम्द प्रभु यीशु मसीह अन्द परमेश्वर जो महिमा अन्द आप्प हुन, नीमी तान पहचान दा ग्यान अदकि प्रकाश इन आत्मा कोळुल, 18 अदकि नीमद मन इन कण्णगोळ ज्योतरिम्य आगुल कि नीव जान्स कोमी कि आऊन बुलाहट इन आशा येन आद, अदकि पवतिर लॉकर दा आऊन मीरास इन महिमा अन्द धन ह्यांग आद, 19 अदकि आऊन सामर्थ्य नाम दा जो विश्वास माळतार, याट महान आद, आऊन शक्ति इन प्रभाव इन आ कार्य अन्द अनुसार 20 जो आव मसीह दा माळदुन कि आऊक सोत्तुर दा टु जतिता माळकु स्वर्गीय जागागोळ दा तान ऊम्मा कय दी कुरसदुन 21 ताकी सब प्रकार इन प्रधानता, अदकि अधिकार, अदकि सामर्थ्य, अदकि प्रभुता अन्द, अदकि हर ऊंद हेसुर इन मयाकुच, जो ना सरिफ ई दुनया दा पर बरावाळा दुनया दा भी ताकोमकु आदीन, कुरसदुन; 22 अदकि सप्पा येनारा आऊन कालगोळ ल्यालमा माळ बूटदुन; अदकि आऊक सब वस्तुगोळ मा श्रेष्ट ठहूसकु मंडली इक कोट बूटदुन, 23 ईद आऊन मय हुन, अदकि आऊन परपिरणता आद जो सब दा सब येनारा पुरा माळतान.

2

मृत्यु टु जीवन दी

1 आ आव नीमी भी जतिता माळदुन, जो तान अपराधगोळ अदकि पापगोळद कारण सोतकु ईरोर 2 यदुर मा नीव पयला ई दुनया अन रीतमा, अदकि आकाश इन अधिकार इन शासक मतलब आ आत्मा अन्द अनुसार नळीर, जो ईंग भी आग्या ईला मान्सावाळेर्द कार्य माळतान. 3 इंदुर दा नाव भी सप्पा अच मुंदुर पयला तान मय इन लालसागोळ दा दिन वतिसेव, अदकि मय अदकि मन इन इच्छागोळी पुरा माळेव, अदकि अन्य लॉकर घाई स्वभाव देल सटिट इन औलाद ईरेव.

4 लेकीन परमेश्वर जो दया अन्द धनी आन, तान आ धोळ प्यार इन कारण यार देल आव नाम से प्यार माळदुन, 5 याग नाव अपराधगोळद कारण सोतकु ईरेव रा नामी मसीह अन्द सांगुळ जतिता माळदुन अनुग्रह देल अच नीमद उद्धार आत, 6 अदकि मसीह यीशु दा आऊन सांगुळ नेगदुन, अदकि स्वर्गीय जागा दा आऊन सांगुळ कुरसदुन 7 कि आव तान आ कृपा देल जो मसीह यीशु दा नाम मा आद, बरावाळा समय इन दुनया दा तान अनुग्रह अन्द असीम धन तोरसदुन. 8 यतकी विश्वास इन भेट इन द्वारा अनुग्रह देल अच नीमद उद्धार आत, अदकि ईद नीमद दी टु ईला,

बलकी परमेश्वर उन दान हुन, ⁹अदकि ना करमगोळद कारण, हगि आगबाळ्लु कऱियावारा घमण्ड माळ्लु. ¹⁰यतकी आव नामी माळयान, अदकि मसीह यीशु दा आवळ्तीद क्याल्सागोळद साटी माळकु आगीर यारी परमेश्वर पयला टु नामी माळोर साटी तयार माळदुन.

मसीह दा ऊंद

¹¹ई कारण याद माळी कऱि नीव जो शारीरिक रीतऱि देल गैरयहूदी आईर अदकि जो लॉकुर मय दा कय इन माळकु खतना देल खतनावाळेर कहलुस्तार, आंदुर नीम इक खतनारहति अनतार, ¹²नीव लॉकुर आ समय मसीह टु अलग, अदकि इस्त्राएल इन प्रजा अन्द पद देल अलग माळकु आदीर, अदकि वादा अन्द वाचागोळद भागी ईला ईरोर, अदकि आशाहीन अदकि दुनयिा दा मय रहति ईरोर. ¹³लेकीन ईग मसीह यीशु दा नीव जो पयला दुर ईरीर, मसीह अन्द रक्ता अन द्वारा हात्ती आगेगीर. ¹⁴यतकी आवा नाम्द मेल हुन जो येदुदु मुंदरी ऊंद माळ कोंडुन अदकि अलग माळावाळा दवार इक जो बीच दा ईरोद केडु बुट्टुन, ¹⁵अदकि तान मय दा दुश्मनी मतलब अद व्यवस्था यदुरद आग्यागोळ वधिगोळद रीतऱिमा ईरव, मटिकुस बुट्टुन कऱियेदुदु देल तान दा ऊंद व्हाशोद मंळसा पैदा माळकु मेल माळसुस बुळ्लु, ¹⁶अदकि कूस मा दुश्मनी इक नाश माळकु इदुर द्वारा येदुदु मुंदरी ऊंद मय माळकु परमेश्वर देल भेट माळसुसयान. ¹⁷आव बंदकु नीमी जो दुर ईरीर अदकि आंदरी जो हात्ती ईरोर, येदुदु मुंदरी मेल मलिाप इन खुशखबरी केळसदुन. ¹⁸यतकी आऊन द्वारा नाव येदुदु मुंदुरद ऊंद आत्मा दा आप्प उन हात्ती प्रवेश आगतद.

¹⁹इदुरसाटी नीव ईग परदेशी अदकि मुसाफरि ईतीदील, लेकीन पवतिर लॉकुरद संगी स्वदेशी अदकि परमेश्वर उन घराना दोर आगेदीर. ²⁰अदकि प्रेरतिगोळ अदकि भवषियवक्तागोळद पायवा मा, यार्द क्वाना अन्द कल्ल मसीह यीशु खुद अच आन, माळकु आगीर. ²¹यदुरदा पुरा रचना ऊंद सांगुळ मलिसकु प्रभु दा ऊंद पवतिर मंदरि बनसतेला होगतद, ²²यदुरदा नीव भी आत्मा अन्द द्वारा परमेश्वर उन नवास स्थान आगोर साटी ऊंद सांगुळ माळकु आगतीर.

3

गैरयहूदीगोळ दा पौलुस उन स्यावा

¹ईदा कारण ना पौलुस जो नीव गैरयहूदीगोळद साटी मसीह यीशु दा बंदीन. ²अगर नीव परमेश्वर उन आ अनुग्रह अन्द प्रबन्ध इन समाचार केळीदीर, जो नीम्द साटी नानी कोटकु आग्याद, ³मतलब ईद कऱि अद भेद नान मा प्रकाशन इन द्वारा प्रगट आत, ह्यांग ना पयला अच थवाळासा दा लखिसदीन, ⁴यारी नीव वाचुसकु जानुस सकतीर कऱि ना मसीह अन्द अद भेद यल ताका समसतीन. ⁵जो अन्य समयगोळ दा मंळसागोळद औलादगोळ इक हगि ईला हेळकु आगीत, ह्यांग कऱि आत्मा अन्द द्वारा ईग आऊन पवतिर प्रेरतिगोळ अदकि भवषियवक्तागोळ मा प्रगट माळकु आग्याद. ⁶मतलब ईद कऱि मसीह यीशु दा खुशखबरी इन द्वारा गैरयहूदी लॉकुर मीरास दा हसिसेदार, अदकि ऊंद अच मय इन अदकि वादा अन्द भागी आर.

⁷ना परमेश्वर उन अनुग्रह अन्द आ दान इन अनुसार, जो आऊन सामर्थ्य अन्द प्रभाव इन अनुसार नानी कोटकु आग्याद, आ खुशखबरी इन सेवक बनसदीन, ⁸नान मा जो सप्पा पवतिर लॉकुर दा टु स्याणेर दा टु भी स्याणव आईन, ईद अनुग्रह आत कऱि ना गैरयहूदीगोळ इक मसीह अन्द अगम्य धन इन खुशखबरी केळसाईन, ⁹अदकि सब मा ईद मात प्रकाशति माळ्लु कऱि आ भेद इन प्रबन्ध येन आद, जो सप्पा मुंदुर सृजनहार परमेश्वर दा सूखात टु गुप्त ईरोद. ¹⁰ताकी ईग मंडली इन द्वारा, परमेश्वर उन अलग अलग प्रकार इन ग्यान आ प्रधानगोळी अदकि अधिकारीगोळ मा जो स्वर्गीय जागा दा आर, प्रगट माळकु आगुल. ¹¹आ अनन्त मंळसा अन्द अनुसार जो आव नाम प्रभु मसीह यीशु दा माळीदुन. ¹²यदुर दा नामी आऊन मा वशिवास माळदुर देल साहस अदकि भरोसा अन्द सांगुळ परमेश्वर उन हात्ती बरोद अधिकार आद. ¹³इदुरसाटी ना वनिती

माळतीन की जो क्लेश नीम साटी नानी आगेत्याद, अदुर कारण साहस बळिवाळी, यतकी अदुर दा नीमद् महिमा आद.

मसीह अन्द प्यार

14 ना ईदा कारण आ पृथ्वी मा आप्प उन मुंद ट्वांगरा टेक्सतीन, 15 यदुर देल स्वर्ग अदकि पृथ्वी मा, हर ऊंद घराना अन्द हेसुर ईटकु आगतद, 16 की आव तान महिमा अन्द धन इन अनुसार नीमी ईद दान कोळुल कीनीव आऊन आत्मा देल तान बुळ्क इन मळसातत्व दा सामर्थ्य हासलि माळकु बलवन्त आगतेला होगी; 17 अदकि विश्वास इन द्वारा मसीह नीमद् दलि दा कूरुल कीनीव प्यार दा जळ हुळकु अदकि पायवा हाक्कु, 18 सप्पा पवतिर लॉकुरद सांगुळ भला-भात समसोद शक्ति सिकुल की आऊन चौळाई, अदकि लंबाई, अदकि ऊँचाई, अदकि गहराई याट आद, 19 अदकि मसीह अन्द आ प्यार इक जान्स सकी जो ग्यान देल अनजान आर की नीव परमेश्वर उन पुरा भरपुरी ताका परपिरुण आगेगी.

20 ईग जो हगि सामर्थी आन की नामद वनिती अदकि समझ देल मात्त यक्कुल क्यालसा माळ सकतान, आ सामर्थ्य अन्द अनुसार जो नाम दा कार्य माळतान, 21 मंडली दा अदकि मसीह यीशु दा आऊन महिमा पीढी टु पीढी ताका हमेशा हमेशा आगतेला ईरूल. आमीन.

4

मसीह अन मय दा एकता

1 इदुरसाटी ना जो प्रभु दा बंदीन नीम से वनिती माळतीन की या बुलाहट देल नीव कारूकु आगीदीर, अदुर लायक व्यवहार माळी, 2 अमतलब पुरा दीनता अदकि नम्रता सहति, अदकि धीरज हुळकु प्यार देल आबुर दाबुरद सहन माळी; 3 अदकि मेल इन बंधन दा आत्मा अन्द एकता ईटोद यत्न माळी. 4 ऊंद अच मय आद अदकि ऊंद अच आत्मा; ह्यांग नीमी जो कारूकु आगीदीर तान कारूकु आगोर देल ऊंद अच आशा आद. 5 ऊंद अच प्रभु आन, ऊंद अच विश्वास ऊंद अच वपतस्मा, 6 अदकि सब मुंदुरव ऊंद अच परमेश्वर अदकि आप्प आन, जो सप्पा मुंदुर म्याकुच अदकि सप्पा मुंदुर बीच दा अदकि सब मुंदुर दा आन.

7 लेकीन नाम दा टु हर ऊंद मळसा अक मसीह अन्द दान इन परमाण इन अनुसार अनुग्रह सकियाद. 8 इदुरसाटी आव अनतान:

“आव ऊँचाई मा येरदुन

अदकि बंदीगोळ इक कटकु ओतुन,

अदकि मळसागोळ इक दान कोट्टुन.”

9 आऊन येरदुर देल, अदकि येन सकितद सरिफ ईद की अद पृथ्वी इन लयालमा जागागोळद दा ईळसी भी दुन. 10 अदकि जो ईळदुन ईव आवा हुन जो पुरा आकाश टु म्याकुच येरे भी दुन की सब येनारा परपिरुण माळुल. 11 आव थवाळासा लॉकुरी प्रेरति नयिकुत माळकु, अदकि थवाळासा लॉकुरी भवषियवक्ता नयिकुत माळकु, अदकि थवाळासा लॉकुरी खुशखबरी केळावाळेर नयिकुत माळकु, अदकि थवाळासा लॉकुरी रखवाला अदकि उपदेशक नयिकुत माळकु कोट बूट्टुन, 12 यदुर देल पवतिर लॉकुर सदिध आगोगुल अदकि स्यावा अन्द क्यालसा माळकु आगुल अदकि मसीह अन्द मय इक उन्नती सकिकुल, 13 यागासताका की नाव सब इन सब विश्वास अदकि परमेश्वर उन पार उन पहचान दा ऊंद आगवाळुल, अदकि ऊंद सदिध मळसा आगवाळुल अदकि मसीह अन्द पुरा डील-डौल ताका ना वाळुसुल. 14 ताकी नाव मुंदु टु चकोर ईरतीदील जो मळसागोळद ठग-वदिद्या अदकि चतुराई देल, आंदुर भ्रम इन युक्तगिोळद अदकि उपदेश इन हर ऊंद ध्वाका देल उच्छलसकु अदकि ईल अल तरिगुसकु आगताव. 15 बल्की प्यार दा सच्चाई देल माताळतेला सब मातगोळ दा अदुरदा जो ताल्ला आद, मतलब मसीह दा वाळुसतेला होगुल, 16 यदुर देल पुरा

मय, हर ऊंद जोळ इन सहायता देल ऊंद सांगूळ मल्लसकु अदकि ऊंद सामरथय सांगूळ गटुसकु, आ प्रभाव उन अनुसार जो हर ऊंद अंग इन ठीक-ठीक कार्य माळोर द्वारा आऊन दा आगतद, तान तान इक वाळुसतद क्वाव प्यार दा उननती माळतेला होगुल.

मसीह दा व्हाशोद जीवन

17 इदुरसाटी ना ईद अनतीन अदकि प्रभु दा आग्रह माळतीन क्वाह्यांग गैरयहूदी लॉकुर तान मन इन अनरथ रीति मा नळुतार, नीव ईंगी टु वाक हगि व्यवहार माळवाळेंतीर. 18 यतकी आंदुर बुद्धी भ्रष्ट आगेग्याद, अदकि आ अग्यानता अन्द कारण जो आंदुर दा आद अदकि आंदुर मन इन कठोरता अन्द कारण आंदुर परमेश्वर उन जीवन टु अलग माळकु आदुर; 19 अदकि आंदुर सुन्न आगकु लुचपन दा हतेदुर क्वा सब प्रकार इन खराब क्वाल्सा लालसा देल माळुल.

20 पर नीव मसीह अन्द हगि शिक्षा ताकोडीदील. 21 बल्की नीव खराखुरा आऊंदा केळदीर अदकि, ह्यांग यीशु दा सच्चाई आद, अदुर दा कल्सकु भी आग्यार 22 *क्वा नीव पछिला चाल चलन इक हाळोद मळसातत्व अक जो भरमुसावळ्त अभलिषागोळ्द अनुसार भ्रष्ट आगेगतद, ईळु बुळी 23 अदकि तान मन इन आत्मिक स्वभाव दा व्हाशोद बन्सतेला होगी, 24 *अदकि व्हाशोद मळसातत्व अक हाक्क कोमी जो परमेश्वर उन अनुरूप सच्चाई इन न्यायीपन अदकि पवतिरता दा सजुसकु आग्याद.

25 ई कारण ख्वाटा माताळोद बटिकु हर ऊंद मळसा तान मानना हातळोर से सही माताळुल, यतकी नाव आपस दा आवुर दावुर अंग हुयेव. 26 सट्टि रा माळी, पर पाप माळवाळी; सुर्य मुळका ताका नीमद गुससा ईरवाळुल, 27 अदकि ना शैतान उक मवका कोळी. 28 काळताना माळावाळा बाक काळताना माळवाळुल, बल्की वळलीद क्वाल्सा माळोर साटी तान कयगोळ देल मेहनत माळुल, इदुरसाटी क्वायारी प्रयोजन आद आऊक कोळली आऊन हात्ती येनारा ईरूल. 29 यातोदु सही मात नीमद बाय देल होळवाळुल, पर जरवत इन अनुसार अदा होळुल जो उननती इन साटी वळलीद ईरूल, ताकी आऊन से केळावाळेर मा अनुग्रह ईरूल. 30 परमेश्वर उन पवतिर आत्मा अक दुख माळवाळी, यदुर देल नीम मा छुटकारा अन्द दनि इन साटी छाप कोटकु आग्याद. 31 सब प्रकार इन कळवाहट, अदकि प्रकोप अदकि सट्टि, अदकि कलह, अदकि अपमान, सप्पा वैरभाव समेत नीम से दुर माळकु आगुल. 32 *आवुर दावुर मा क्वा माळी अदकि मेहरबान आगी, अदकि ह्यांग परमेश्वर मसीह दा नीमद अपराध माफ माळदुन, हांग अच नीव भी आवुर दावुरद अपराध माफ माळी.

5

ऊजुळ दा ईरोद

1 इदुरसाटी प्रथि चकिोरगोळ घाई परमेश्वर उन अनुकरण माळी, 2 अदकि प्यार दा नळी ह्यांग मसीह भी नीम से प्यार माळदुन, अदकि नाम साटी तान तान इक सुखदायक सुगन्ध इन साटी परमेश्वर उन मुंद भेट माळकु बलदान माळ वुटदुर.

3 ह्यांग पवतिर लॉकुरद लायक आद. हांग नीम दा व्यभचार अदकि यातोदु प्रकार इन अशुधद क्वाल्सा या लोभ इन मात भी आगवाळुल; 4 अदकि ना नरिलज्जता, ना मूढता अन्द मातचीत माळदेव, ना मज्याक माळदेव; यतकी ईव मातगोळ शोभा कोळालव, बल्की धन्यवाद अच केळकु आगुल. 5 यतकी नीव ईद जान्सतीर क्वा यावारा व्यभचारी, या अशुधद जन, या लोभी मळसा अन्द, जो मूर्त्ति इन पुजा माळावाळा अन बराबर आन, मसीह अदकि परमेश्वर उन राज्य दा मीरास ईल्लच.

6 यावारा नीमी व्यर्थ मातगोळ देल ध्वाका कोळवाळुल, यतकी ईवा क्वाल्सागोळ्द कारण परमेश्वर उन सट्टि आग्या ईला मान्सावाळेर मा भळकुसतद. 7 इदुरसाटी नीव आदुर सहभागी

* 4:22 ४:२२ कुलुससिगिळ ३:१९

* 4:24 ४:२४ कुलुससिगिळ ३:१९

* 4:32 ४:३२ कुलुससिगिळ ३:१३

ईरबाळी. 8 यतकी नीव रा पयला अंधकार ईरीर लेकीन ईंग प्रभु दा ज्योती आईर, इदुरसाटी ज्योती इन औलाद इन घाई नळी 9 यतकी ज्योती इन फल सब प्रकार इन भलाई, अदकि न्यायीपन, अदकि सच्चाई आद, 10 अदकि ईद परखुसी की प्रभु उक येन भाऊसतद. 11 अंधकार इन नष्फल क्यालसागोळ दा सहभागी ईरबाळी, बल्की अदुर मा उलाहना कोळी. 12 यतकी आंदुर गुप्त क्यालसागोळद चर्चा भी शरम इन मात आद. 13 पर यास क्यालसागोळ मा उलाहना कोटक आगतद अव सप्पा ज्योती टु प्रगट आगतद, यतकी जो सप्पा येनारा अक प्रगट माळतद अद ज्योती हुन. 14 ई कारण आव अनतान, "हे मगिावाळा,

जाग्स अदकि मुर्दागोळ दा टु जतिता येळ;

रा मसीह अन्द ज्योती नीन मा चमकुसीत."

15 इदुरसाटी ध्यान देल नोळी, की हयांग चाल नळुतीर: नरिबुद्धीगोळद घाई ईला पर बुद्धमिनगोळद घाई नळी. 16 मवका अक वार् सप्पी, यतकी दनि बुरा आव. 17 ई कारण नरिबुद्धी ईरबाळी, पर ध्यान देल सप्पी की प्रभु उन इच्छा येन आद.

18 अंगुर इन रास्सा टु मतवाला बनसवाळी, यतकी इदुर देल लुचपन आगतद, पर आत्मा देल परपुण आगतला होगी, 19 अदकि आपस दा भजन अदकि स्तुति हाळ अदकि आत्मकि हाळगोळ हाळतोगी, अदकि तान तान मन दा प्रभु उन मुंद हाळतेला अदकि कीरतन माळतेला ईरी. 20 अदकि हमेशा सब मातगोळद साटी नाम्द प्रभु यीशु मसीह अन्द हेसुर देल परमेश्वर आप्प उन धन्यवाद माळतेला ईरी.

गांडड अदकि हगिस

21 मसीह अन्द अंजक देल आवुर दाबुरद हात्ती ईरी.

22 हे हगिसुरा, तान तान गांडड उन हगि हात्ती ईरी जसा प्रभु उन. 23 यतकी गांडड हगिस उन तालला हुन हयांग की मसीह मंडली इन तालला आन अदकि खुद अच मय इन उदधारकरता आन. 24 पर हयांग मंडली मसीह अन्द हात्ती आद, हांग अच हगिसुर भी हर मात दा तान तान गांडड उन हात्ती ईरूल.

25 हे गांडडुरा, तान तान हगिसुर से प्यार ईटी हयांग मसीह भी मंडली से प्यार माळकु तान तान इक अदुर साटी कोट बुट्टुन 26 की आऊक वचन इन द्वारा नीर इन मयतोळदुर देल शुद्ध माळकु पवतिर माळी, 27 अदकि आऊक ऊंद हगि तेजस्वी मंडली माळकु तान हात्ती नदिरसुल, यदुर दा ना कलंक, ना झुररी, ना यातोदारा अदकि हगि वस्तु ईरूल बल्की पवतिर अदकि नरिदोष ईरूल. 28 ईदा प्रकार उचति आद की गांडड तान तान हगिसुर से तान मय इन घाई प्यार ईटली पायजे. जो तान हगिस उन से प्यार ईटतान, आव तान तान से प्यार ईटतान. 29 यतकी याऊ यागलु तान मय देल दुश्मनी ईटीदलि बल्की अदुरद पालन-पोषण माळतान, जसा मसीह भी मंडली इन सांगुळ माळतान. 30 इदुरसाटी की नाव आऊन मय इन अंग हुयेव. 31 "ई कारण मळसा तान मोय-आप्प उक बटिकु तान हगिस उन सांगुळ ईततान, अदकि आंदुर येदुदु ऊंद तन आदार." 32 ईद भेद रा धोळ आद, पर ना ईल मसीह अदकि मंडली इन बारा दा अनतीन. 33 पर नीम दा टु हर ऊंद तान हगिस उन से तान घाई प्यार ईटुल, अदकि हगिस भी तान गांडड उन आदर माळुल.

6

मोय-आप्प अदकि चकिोर

1 हे चकिोरगोळा, प्रभु दा तान मोय-आप्प उन आग्याकारी बनसी, यतकी ईद उचति आद. 2 "तान मोय अदकि आप्प उन आदर माळ ईद पयला आग्या हुन यदुर सांगुळ वादा भी आद. 3 की

* 5:16 प्र.१६ कुलुससगोळ ४:५ * 5:19 प्र.१९ कुलुससगोळ ३:१६,१७ * 5:22 प्र.२२ कुलुससगोळ ३:१८; १ पतरस ३:१ * 5:25 प्र.२५ कुलुससगोळ ३:१९; १ पतरस ३:७ * 6:1 ६:१ कुलुससगोळ ३:२०

अपमान भला आगुल, अदकि नी पृथ्वी मा हापाळ दनि ताका जतिता ईर." 4 *हे चकिरवाळरा, तान चकिर इक गुससा तरगोळबाळी लेकीन प्रभु उन शकिषा अदकि चेतावनी कोळतेला आंदुरद पालन-पोषण माळी.

स्वामी अदकि दास

5 *हे दासगोळा, जो लॉकुर ई दुनया दा नीम स्वामी आर, तान मन इंद सही देल अंजुक अदकि नळगतेला, हयांग मसीह अन्द हांगा आंदुरद भी आग्या मानसी. 6 मंळसागोळी खुश माळावाळेर घाई तोरसोर साटी स्यावा माळबाळी, लेकीन मसीह अन्द दासगोळ घाई अंतर आत्मा देल परमेश्वर उन इच्छा मा नळी, 7 अदकि आ स्यावा अक मंळसागोळद ईला लेकीन प्रभु उन स्यावा जान्सकु खरा मन देल माळी. 8 यतकी नीव जान्सतीर का हर मंळसा हयांगारा वळलीद क्याल्सा माळयान, या रा दास ईरूल या रा स्वतंत्र, प्रभु से हांगा हासलि माळयान. 9 *हे स्वामीगोळा, नीव भी धमकीगोळ कोळव बटिकु आंदुर सांगुळ हांग अच व्यवहार माळी; यतकी नीव जान्सतीर का आंदुर अदकि नीम येदुदु मुंदुरव स्वामी स्वर्ग दा आन, अदकि आव यारदु पक्षपात माळालुन.

आत्मिक लळाई इन औजार

10 इदुरसाटी प्रभु दा अदकि आऊन शक्ति इन प्रभाव दा ताकतवर बनसी. 11 परमेश्वर उन सप्पा हथियार हाक्क बुळी का नीव शैतान उन युक्तगिोळ मुंद नदुरकु ईर सकीर. 12 यतकी नाम्द ईद मल्लयुद्ध रक्ता अदकि मास देल ईला लेकीन प्रधानगोळ देल, अदकि अधिकारीगोळ देल, अदकि ई दुनया अन अंधकार इन शासकगोळ देल अदकि आ दुष्टता अन्द आत्मिक सेनागोळ देल आद जो आकाश दा आव. 13 इदुरसाटी परमेश्वर उन पुरा हथियार कट कोमी का नीव बुरा दनि दा सामना माळ सकी, अदकि सप्पा येनारा पुरा माळकु संची ईर सकी.

14 इदुरसाटी सच्चाई देल तान नेळु कसुसकु, अदकि न्यायीपन इन कवच हाक्कु, 15 अदकि कालगोळ दा मेल इन खुशखबरी इन तयारी इन जुता हाक्कु; 16 अदकि ई सब मुंदुर सांगुळ वशिवास इन ढाल हुडुकु स्थरि ईरी यदुर देल नीव आ दुष्ट इन सब होततेला तीरगोळ इक नुनाक सकी. 17 अदकि उद्धार इन टोप, अदकि आत्मा अन्द तलवार, जो परमेश्वर उन वचन हुन, ग्रहण माळकोमी. 18 हर समय अदकि हर प्रकार देल आत्मा दा प्रार्थना, अदकि वनिती माळतेला ईरी, अदकि इदुरसाटी जागसतेला ईरी का सब पवतिर लॉकुरद साटी लगातार वनिती माळतेला ईरी, 19 अदकि नान साटी भी का नानी माताळोद समय हगि प्रबल वचन कोटकु आगुल का ना साहस इन सांगुळ खुशखबरी इन भेद खोलसोद कार्य माळ सकाईन, 20 ई खुशखबरी इन खातरि ना शंकली देल जकळुसकु राजस्वर्गदूत हुईन; हालाकाईंग ना जयल दा आईन. प्रार्थना माळी का ना खुशखबरी इन बारा दा माताळली साहसी आग सकतीन ईद जरूरी आद जसा का ना आईन.

आखरी अभिवादन

21 *नुखकिंस, जो प्रयि वार्ट अदकि प्रभु दा वशिवासयोग्य सेवक आन, नीमी सब मातगोळ हेळयान का नीव भी नान दशा जानसी का ना हयांग ईरतीन. 22 आऊक ना नीमद हातती इदुरसाटी कळुदीन का नीव नाम्द दशा अक जानसी, अदकि आव नीमद मनगोळ इक शांती कोळुल.

23 परमेश्वर आपुप अदकि प्रभु यीशु मसीह अन्द दी टु वार्टुरी शांती अदकि वशिवास सहति प्यार सकिल. 24 जो नाम्द प्रभु यीशु मसीह टु खरा प्यार ईटतार, आ सब मा अनुग्रह आगतेला ईरूल.

* 6:4 ६:४ कुलुसगिोळ ३:२१ * 6:5 ६:५ कुलुसगिोळ ३:२२-२५ * 6:9 ६:९ कुलुसगिोळ ४:११; कुलुसगिोळ ३:२५
* 6:21 ६:२१ प्रेरतिगोळ २०:४; २ तीमुथिस ४:१२ * 6:21 ६:२१ कुलुसगिोळ ४:१७,८

फलपिपी के नाम पौलुस प्रेरति की चट्टी फलपिपिगोळ हेसुर पौलुस प्रेरति उन चट्टी परचिय

पौलुस फलपिपी दा वशिवासीगोळ इक यीशु उन जनम इन लगभग ६१ वर्ष इन बाददा चट्टी लखिसदुन. आव बंदीगूह दा १:१३ ईरतेला लखिसदुन, शायद रोम दा. ईद चट्टी फलपिपी नगर दा स्थति मंडली इक लखिसकु आगीत. नाव फलपिपी इन बारा दा अधनियिमगोळद कतिव देल थ्वाळासा कलु सकतेव. फलपिपी मकदिनया प्रांत इन ऊंद राजधानी ईरोद. ईद पयला मंडली ईरोद यदरी मकदिनया दा स्थापति माळकु आगीत. पौलुस अदकि सलिस ऊंद सांगुळ मंडली इन सूरवात माळदुर अदकि ईल ताका कऱ ऊंद ईळलक इन साटी बंदीगूह दा हाक्कु आत, याग आंदुर अल ईरोर प्रेरतिगोळ १६ ईद चट्टी इक लखिसोर दा पौलुस उन कई उद्देश ईर सकताव. आंदुर ईद मवका अन उपयोग मंडली इक आंदुर द्वारा कळुकु आग्याव उपहार इन साटी धन्यवाद कोळोर साटी माळदुर याग आंदुर केळदुर कऱ आव बंदीगूह दा आन ४:१०-१९ आंदुर बंदीगूह दा आंदुर स्थति मा आंदरी अध्ययन भी माळदुर अदकि मंडली इक तीमुथयिस अदकि एपाफ्रदितिस उन सफिरीश माळदुर २:१९-३० ताकी आंदुर आंदुरद् स्वागत माळल अदकि आंदुरद नेतृत्व अन्द सम्मान माळल.

रूप रेखा

१. फलपिपि फलपिपी दा मंडली इक नमस्कार माळकु चट्टी सूरु माळतान. १:१-२
२. मुंद आव तान स्थति इन बारा दा थ्वाळासा जानकारी साझा माळतान अदकि थ्वाळासा चितागोळ जो आऊन हात्ती आव १:३-२:३०
३. बाक आव ईसाई जीवन जीऊसोर साटी हापाळ व्यावहारकि नरिदेश कोळतान ३:१-४:९
४. पौलुस फलपिपीया अन्द मंडली इक आंदुरद उपहार इन साटी धन्यवाद कोटक अदकि आंदुरद अभिवादन कळुकु चट्टी खतम माळतान ४:१०-२३

1*मसीह यीशु उन दास पौलुस अदकि तीमुथयिस उन दी टु, सप्पा पवतिर लॉकर हेसुर जो यीशु मसीह दा आगकु फलपिपी दा, अध्यक्षगोळ अदकि सेवकगोळ सांगुळ ईरतार.

2 नामव आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरल.

पौलुस उन प्रार्थना अदकि धन्यवाद

3 ना याग याग नीमी याद माळतीन, आग आग तान परमेश्वर उन धन्यवाद माळतीन; 4 अदकि याग यागलु नीम सप्पा अन साटी वनिती माळतीन, रा हमेशा खुशी इन सांगुळ वनिती माळतीन. 5 इदुरसाटी कऱ नीव पयला दनि टु हुडुकु ईद ताका खुशखबरी बगूसदुर दा नान सहभागी ईतीर. 6 नानी ई मात इन भरोसा आद कऱ याव नीम दा वळलीद क्यालसा सूरु माळयान, आवा अदरी यीशु मसीह अन्द दनि ताका पुरा माळयान. 7 उचति आद कऱ ना नीम सप्पा मुंदुर साटी हगि अच वचिार माळाईन, यतकी नीव नान मन दा बंदकु बसुसेगीर, अदकि ना शंकलीगोळ देल कैद दा अदकि खुशखबरी इन साटी उत्तर अदकि प्रमाण कोळदुर दा नीव सप्पा मुंदुर नान सांगुळ अनुग्रह दा सहभागी आगी. 8 इदुर दा परमेश्वर नान गवाह आन कऱ ना मसीह यीशु उन घाई प्यार माळकु नीम सप्पा मुंदुरद लालसा माळतीन. 9 ना तरी भी ईद प्रार्थना माळतीन कऱ नीम प्यार ग्यान अदकि हर प्रकार इन वविक सांगुळ अदकि यककुल वाळुस्त होगुल, 10 ईल ताका कऱ नीव वळलीद से वळलीद मातगोळद जाच माळी, अदकि मसीह अन्द दनि ताका खरा वन्सकु

ईरी, अदकि ठोकर तनिबाळी; ¹¹ अदकि आ न्यायीपन इन काय देल जो यीशु मसीह अन्द द्वारा आगताव, यक्कुल आग्त होगी यदुर देल परमेश्वर उन महिमा अदकि स्तुति आग्त ईरूल.

पौलुस उन कैद टु खुशखबरी इन उन्नती

¹² हे वार्दुरा, ना चाहासतीन कि नीव ईद जान्स कोमी कि नान मा जो घळुस्याद, अदुर देल खुशखबरी वाळुसतेला होग्याद. ¹³ *ईल ताका कि कैसर उन राजभवन इन सप्पा पलटन अदकि मगिद सप्पा लॉकुर मा ईद प्रगट आगेग्याद कि ना मसीह अन्द साटी शंकलीगोळ देल कैद दा आईन; ¹⁴ अदकि प्रभु दा जो वार्दुर आर, आंदुर दा टु यक्कुल मुंदुर नान शंकलीगोळ देल कैद आगदुर कारण, भरोसा माळकु परमेश्वर उन वचन बेधळक केळसाद मातत यक्कुल हम्मिमत माळतार.

¹⁵ थ्वाळासा रा जलन अदकि झगळा अन्द कारण मसीह अन्द प्रचार माळतार अदकि थ्वाळासा भला इच्छा देल. ¹⁶ हापाळ पुरा रा ईद जान्सकु कि ना खुशखबरी इन साटी उत्तर कोळली ठहरूसकु आगीन, प्यार देल प्रचार माळतार. ¹⁷ अदकि हापाळ मुंदुर रा सरका ईला लेकीन मतलब देल मसीह अन्द कात्ता केळसतार, ईद वचिर माळकु कि ना शंकलीगोळ देल कैद दा आईन नान साटी क्लेश पैदा माळुल. ¹⁸ रा येन आत? सरिफ ईद कि हर प्रकार देल, या बहाना देल या सच्चाई देल, मसीह अन्द कात्ता केळसकु आगतद, अदकि ना ईदुर देल खुश आईन अदकि खुश भी ईराइन. ¹⁹ यतकि ना जान्सतीन कि नीम वनिती इन द्वारा, अदकि यीशु मसीह अन्द आत्मा अन्द दान इन द्वारा, इदुरद प्रतफिल नान उद्धार आदीत. ²⁰ ना रा ईदा हापाळ लालसा अदकि आशा ईटतीन कि ना यातोदु मात दा लज्जति आगतीदील, लेकीन ह्यांग नान प्रबल हम्मिमत इन कारण मसीह अन्द बळाई नान मय इन द्वारा हमेशा आग्त ईताद, हांग अच ईग भी आगुल, चाहे ना जतिता ईराइन या सोतोगाईन. ²¹ यतकि नान साटी जतिता ईरोद मसीह हुन, अदकि सोतोगोद फायदा हुन. ²² लेकीन अगर मय दा जतिता ईरोद अच नान कयाल्सा साटी फायदा मंद आद रा ना जान्सालीन कि यदुरद चुनाव माळाईन. ²³ यतकि ना येदुदु चीज इन न्याड्या अधर दा हलिगुसकु आईन; जीव रा चाहासतद कि होगकु मसीह अन्द हात्ती ईराइन, यतकि ईद रा हापाळ वळलीद आद, ²⁴ लेकीन मय दा ईरोद नीम कारण मातत यक्कुल जरूरी आद. ²⁵ इदुरसाटी कि नानी इदुरद भरोसा आद इदुरसाटी ना जान्सतीन कि ना जतिता ईराइन, उलटा नीम सप्पा मुंदुर सांगुळ ईराइन यदुर देल नीव विश्वास दा मजबूत आग्त होगी अदकि अदुर दा खुश ईरी; ²⁶ अदकि जो घमण्ड नीव नान बारा दा माळतीर, अद नाद मातत नीम हात्ती बंदुर देल मसीह यीशु दा यक्कुल वाळुसेगुल.

²⁷ सरिफ ईट माळी कि नीम चाल-चलन मसीह अन्द खुशखबरी इन लायक ईरूल कि चाहे रा ना बंदकु नीमी नोळाईन, चाहे रा वर भी तदिलि, नीम बारा दा नानी ईदा केळ सकुल कि नीव ऊंद अच अंतरात्मा दा जतिता आईर, अदकि ऊंद मन आगकु खुशखबरी इन विश्वास इन साटी मयनत माळत ईरतीर. ²⁸ अदकि यातोदारा मात दा वरिध माळावाळेर से अंजुक तुमालीर. ईद आंदुर साटी वनिाश इन स्पष्ट चमत्कार हुन, लेकीन नीम साटी उद्धार इन अदकि ईद परमेश्वर उन दी टु आद. ²⁹ यतकि मसीह अन्द कारण नीम मा ईद अनुग्रह आत कि ना सरिफ आऊन साटी भरोसा कोळी लेकीन आऊन साटी दुख भी नेगी; ³⁰ *अदकि नीमी हांग अच मयनत माळोद आद, ह्यांग नीव नानी माळतेला नोळीर, अदकि ईग भी केळतीर कि ना हांग अच माळतीन.

2

मसीह अन्द दीनता अदकि महानता

¹ इदुरसाटी अगर मसीह दा थ्वाळासा शांती, अदकि प्यार देल हम्मिमत, अदकि आत्मा अन्द प्रोत्साहन, अदकि थ्वाळासा कूणा अदकि संगती आद, ² रा नान ईद खुशी पुरा माळी कि ऊंद मन आगकु ईरी, अदकि ऊंद अच प्यार, ऊंद अच चत्ति, अदकि ऊंद अच मनसा ईटी. ³ मतलब देल

या ख्वाटा बळाई साटी येनु माळवाळी, लेकीन दीनता देल आबुर दाबुर इक तान से वळ्लेर समसी. 4 हर ऊंद तान हति इन ईला, उलटा दुसरा अन्द हति इन भी चनिता माळुल. 5 ह्यांग मसीह यीशु उन वचार ईरव हांग अच नीम भी वचार ईरूल;

6 याव परमेश्वर उन स्वरूप दा ईतकु भी परमेश्वर उन तुलय आगली तान वश दा ईटोद वस्तु समसीदील.

7 उलटा तान तान इक हगि शून्य माळ बुट्टुन, अदकि दास उन रूप धारण माळदुन,

अदकि मंळसा अन्द समानता दा आगोदुन.

8 अदकि मंळसा अन्द रूप दा प्रगट आगकु तान तान इक दीन माळदुन, अदकि ईल ताका आग्याकारी ईततुन कि मृत्यु, हव, कूस इन मृत्यु भी सहन माळदुन.

9 ई कारण परमेश्वर आऊक हापाळ महान भी माळदुन, अदकि आऊक अद हेसुर कोट्टुन जो सप्पा हेसुरगोळ से श्रेष्ठ आद,

10 कि जो स्वरग दा अदकि पृथ्वी मा अदकि पृथ्वी इन लयालमा आद, अव सप्पा यीशु उन हेसुर मा ट्वांगरा टेकसुल;

11 अदकि परमेश्वर आप्प उन महिमा साटी हर ऊंद लयालग्या अंगीकार माळ कोमुल कि यीशु मसीह अच प्रभु हुन.

दुनिया दा ज्योति इन घाई चमकुसी

12 इदुरसाटी हे नान प्रयिगोळा, ह्यांग नीव हमेशा टु आग्या मानसतेला बंदीर, हांग अच ईंग भी ना सर्कि नान सांगुळ ईरा होती लेकीन जरूर माळकु ईंग नान दुर ईततुर मा भी अंजक अदकि नळगतेला तान तान उद्धार इन क्याल्सा पुरा माळत होगी; 13 यतकी परमेश्वर अच हुन याव तान खुद इन इच्छा अन्द कारण नीम मन दा इच्छा अदकि क्याल्सा, येदु मातगोळद माळोद प्रभाव हाक्यान.

14 सप्पा क्याल्सा बनि बळबळ अदकि बनि बाय कय मुरसद माळतोगी, 15 कि नीव नरिदोष अदकि भोला आगकु वाकळा अदकि जदिदी लॉकर न्याड्या परमेश्वर उन नषिकलंक औलाद बनसकु ईरी, यार न्याड्या दा नीव जीवन इन वचन हुडुकु दुनिया दा होतकु दगियागोळ घाई काळसतीर, 16 कि मसीह अन्द दशिी नान हात्ती कारण ईरूल कि ना नान जतिता इरोद अदकि ना नांद घमण्ड माळोद बेकार आत. 17 अगर नानी नीम वशिवास रूपी बलदान अदकि स्यावा अन्द सांगुळ तान रक्ता भी वाहुसोद बळुल, तरी भी ना खुश आईन अदकि नीम सप्पा मुंदुर सांगुळ खुशी माळतीन. 18 हांग अच नीव भी खुश ईरी अदकि नान सांगुळ खुशी माळी.

तीमुथयिस अदकि इपफुदीतुस

19 नानी प्रभु यीशु दा आशा आद कि ना तीमुथयिस उक नीम हात्ती तुरन्त कळाईन, ताकी नीम दशा केळकु नानी खुशी सकुल. 20 यतकी नान हात्ती हगि स्वभाव इनव याऊ हैलेच जो शुद्ध मन देल नीम चनिता माळुल. 21 यतकी सप्पा मुंदुर तान स्वार्थ इन खोज दा ईरतार, ना कि यीशु मसीह अन्द. 22 लेकीन आऊक रा नीव परकुसदीर अदकि जान्स भी कोंडीर कि ह्यांग पार आप्प उन सांगुळ माळतान, हांग अच आव खुशखबरी इक फैलसदुर दा नान सांगुळ स्यावा माळदुन. 23 इदुरसाटी नानी आशा आद कि ह्यांग नानी समझ दा बंदीत कि नान येन दशा आदीन, हांग अच ना आऊक तुरन्त कळु बुळाईन. 24 अदकि नानी प्रभु दा भरोसा आद कि ना खुद भी राटनेरी बराईन.

25 लेकीन ना इपफुदीतुस उक जो नान वारट अदकि सहकमी अदकि संगी योद्धा अदकि नीम स्वर्गदूत, अदकि जरूरी मातगोळ दा नान स्यावा टहल माळावाळा हुन, नीम हात्ती कळोद जरूरी समसदीन. 26 यतकी आऊन लालसा नीम सप्पा मुंदुर दा हतकु ईरोद, ई कारण आव व्याकुल ईरतोगोन यतकी नीव आऊन बमिारी इन बारा दा केळीदीर. 27 नश्चय आव बमिार रा आगोदिन

ईल ताका की सायोर मा ईरोन, लेकीन परमेश्वर आऊन मा दया माळदुन, अदकि सरिफ आऊन मा अच ईला लेकीन नान मा भी की नानी शोक मा शोक सकिवाळुल. ²⁸ इदुरसाटी ना आऊक कळोद मातूत यक्कुल कोशशि माळदीन की नीव आऊक मातूत नोळकु खुश आगेगी अदकि नान भी दुख गोरत आगेगुल. ²⁹ इदुरसाटी नीव प्रभु दा आऊन से हापाळ खुशी इन सांगुळ मुलाकात माळोतीर, अदकि ईतूतोरद आदर माळतोगेतीर. ³⁰ यतकी आव मसीह अन्द क्यालसा साटी तान जीव इक जोखमि दा हाक्कु मृत्यु उन हातूती होट बंदीदुन ताकी जो कमी नीम दी टु नान स्यावा दा आत अदरी पुरा माळुल.

3

सही न्यायीपन

¹ इदुरसाटी हे नान वार्दुरा, प्रभु दा खुश ईरी. अव अच मातगोळ नीमी घळी घळी लखिसली नानी रा येनु तकलीफ आगाल, अदकि ईदुर दा नीम कुशलता आद, ² नायगोळ से सावधान ईरी, आ बेकार क्यालसा माळावाळेर से सावधान ईरी, आ काट कूट माळावाळेर से सावधान ईरी. ³ यतकी खतनावाळेर रा नाव अच हुयेव जो परमेश्वर उन आत्मा अन्द अगुवाई देल उपासना माळतेव, अदकि मसीह यीशु मा घमण्ड माळतेव, अदकि मय मा भरोसा ईटालेव. ⁴ लेकीन ना रा मय मा भी भरोसा ईट सकतीन. अगर यारारा दुसरा अक मय मा भरोसा ईटोद वचिर आगुल, रा ना आऊन से यक्कुल ईट सकतीन. ⁵ आठवा दशी नान खतना आत, इस्त्राएल इन वंश अदकि बनियामीन इन गोत्र नव हुईन; इब्रानगोळव इब्रानी हुईन; व्यवस्था अन्द बारा दा अगर अंदीर रा फरीसी हुईन. ⁶ उत्साह अन्द बारा दा अगर अंदीर रा मंडली इन सतुसावाळा; अदकि व्यवस्था अन्द न्यायीपन इन बारा दा अगर अंदीर रा नर्दोष ईरीन. ⁷ लेकीन जो जो मातगोळ नान फायदा नव ईरव, अवरीका ना मसीह अन्द कारण नुकसान सम्स कोंडीन. ⁸ उलटा ना तान प्रभु यीशु मसीह अन्द पयचान इन उत्तमता अन्द कारण सपपा मातगोळी नुकसान सम्सतीन. यदुर कारण ना सपपा वस्तुगोळद नुकसान नेगदीन, अदकि अवरी काळी कचरा सम्सतीन, यदुर से ना मसीह अक हासलि माळाईन ⁹ अदकि अदुर दा ना सकिक् आगुल; ना की तान अद न्यायीपन इन सांगुळ, जो व्यवस्था देल आद, उलटा आ न्यायीपन इन सांगुळ जो मसीह मा वशिवास माळदुर कारण आद अदकि परमेश्वर दी टु वशिवास माळदुर मा सकितद; ¹⁰ ताकी ना अदरी अदकि अदुरद मृत्युजय इन सामर्थ्य अक, अदकि अदुर सांगुळ दुखगोळ दा सहभागी आगोद मर्म इक जानुसाईन, अदकि आऊन मृत्यु उन समानता अक हासलि माळाईन. ¹¹ की ना यातोदारा भी रीत देल सोतुतुर दा टु जित्ता आगोद पद ताका पोहचुसाईन.

नशिाना दी ओळोद

¹² ईद मतलव हैलेच की ना ईग हासलि माळ कोंडीन, या सदिध आगेगनि; लेकीन आ पदार्थ अक हुडोर साटी ओळत होगतीन, यदुर साटी मसीह यीशु नानी हळददिन. ¹³ हे वार्दुरा, नान ईद भावना हैलेच की ना हासलि माळ कोंडीन; लेकीन सरिफ ऊंद क्यालसा माळतीन की जो मातगोळ हदि ईतोगयाव अवरी मारूक, मुंदळव मातगोळ दी वाळुसतेला, ¹⁴ नशिाना दी ओळत होगतीन, ताकी अद ईनाम हासलि माळाईन यदुर साटी परमेश्वर नानी मसीह यीशु दा म्याकुच कारदान. ¹⁵ नाम दा टु यास सदिध आर, ईदा वचिर ईटुल, अदकि अगर यातोदारा मात दा नीम दुसरा अच वचिर ईरूल रा परमेश्वर अदरी भी नीम मा प्रगट माळ बुट्टान. ¹⁶ इदुरसाटी यल ताका नाव पोहचुसेव, अदुरदा अनुसार नळदेव. ¹⁷ हे वार्दुरा, नीव सपपा मुंदुर मलिसकु नान घाई व्यवहार माळी, अदकि आंदरी पयचान दा ईटी जो ई रीत मा नळुतार यदुर उदाहरण नीव नाम दा नोळतीर; ¹⁸ यतकी हापाळ सा हगि व्यवहार माळतार, यार्द चर्चा ना नीम से घळी घळी माळीन, अदकि ईग भी वर्ल वर्लकु अनतीन की आंदुर तान चाल-चलन देल मसीह अन्द क्रूस देल दुश्मनी माळावाळेर उर.

☆ 3:5 ३:५ रोमियों ११:१; पुरेतिगोळ २३:६; २६:५

☆ 3:6 ३:६ पुरेतिगोळ ८:३; २२:४; २६:९-११

☆ 3:17 ३:१७ १

कुरनिर्था ४:१६; ११:१

19 आंदुर अन्त वनिाश आद, आंदुर मय व्हाट्टा हुन, आंदुर तान शरम इन मातगोळ मा वचिार माळतार अदकि पृथ्वी इन वस्तुगोळ मा महमा हचकु ईरतार. 20 लेकीन नाम स्वदेशे स्वर्ग मा आद; अदकि नाव ऊंद उदधारकर्ता प्रभु यीशु मसीह अन्द अल टु बरोद हादी कायेतेव. 21 आव तान शक्ती इन आ प्रभाव इन अनुसार यदुर दवारा आव सप्पा वस्तुगोळी तान वश दा माळ सकतान, नाम दीन-हीन मय इन रूप बदलुसकु, तान महमा अन्द मय इन अनुकूल माळ बुट्टान.

4

नरिदेश

1 इदुरसाटी हे नान प्रयि वारट्टरा, यदुर दा नान जीव हतकु ईरतद, जो नान खुशी अदकि मुकुट हुईर, हे प्रयि वारट्टरा, प्रभु दा हागा हादी कायतेला स्थरि ईरी.

2 ना यूओदयिा अक भी वनिती माळतीन अदकि सन्तुखे अक भी, कर् आंदुर प्रभु दा ऊंद वचिार आगकु ईरल. 3 हे खरा सहकर्मी, ना नीन से भी वनिती माळतीन कर् नी आ आरतेर मदत माळ, यतर्की आंदुर नान सांगुळ खुशखबरी प्रचार माळदुर दा, क्लेमेस अदकि नान दुसरा सहकर्मीगोळ सांगुळ मयनत माळदुर, यार्द हेसुर जीवन इन कर्ताव दा लखिसकु आव. 4 प्रभु दा हमेशा खुश ईरी; ना मात्त अनतीन, खुश ईरी. 5 नीम कोमलता सप्पा मंळसागोळ मा प्रगट आगुल. प्रभु हात्ती आन. 6 यातोदु मात इन चर्नता माळवाळी; लेकीन हर ऊंद मात दा नीम नर्विदन, प्रार्थना अदकि वनिती इन दवारा धन्यवाद इन सांगुळ परमेश्वर उन मुंद उपस्थति माळकु आगुल. 7 आग परमेश्वर उन शांती, जो सप्पा मुंदुर समझ इन व्हार्या आद, नीम मन अदकि नीम वचिारगोळी मसीह यीशु दा सुरक्षति ईट्टीत. 8 इदुरसाटी हे वारट्टरा, जो जो मातगोळ सच्चाई आव, अदकि जो जो मातगोळ आदरणीय आव, अदकि जो जो मातगोळ उचति आव, अदकि जो जो मातगोळ पवत्रि आव, अदकि जो जो मातगोळ सुहावनी आव, अदकि जो जो मातगोळ मनभावनी आव, मतलव जो भी सदगुण अदकि प्रशंसा अन्द मातगोळ आव अऊर मा ध्यान हचतोगी. 9 जो मातगोळ नीव नान हात्ती टु कलतीर, अदकि ग्रहण माळदीर, अदकि केळदीर, अदकि नांदुरदा नोळदीर, अऊरदा पालन माळतोगी, आग परमेश्वर जो शांती नव सोता आन नीम सांगुळ ईत्तान.

दान इन साटी धन्यवाद

10 ना प्रभु दा हापाळ खुश आईन कर् ईंग ईस दनिगोळ बाददा नीम चर्नता नान बारा दा मात्त जागृत आग्याद; नश्चय नीमी सूरवात दा भी इदुरद वचिार ईरोद, लेकीन नीमी मवका सकिदील.

11 ईद ईला कर्ना तान कमी इन कारण ईद अनतीन यतर्की ना ईद कलतीन कर्याता दशा दा आईन; अदा दशा दा संतुष्ट ईराइन. 12 ना दीन आगोद भी जानसतीन अदकि वाळुसोद भी जानसतीन; हर ऊंद मात अदकि सप्पा दशागोळ दा ना संतुष्ट आगोद, उपास ईरोद, अदकि वाळुसोद-घटुसोद कलतीन. 13 जो नानी सामर्थ्य कोळतद अदुर दा ना सप्पा येनारा माळ सकतीन.

14 तरी भी नीव वळलीद माळदीर कर्नान क्लेश दा नान सहभागी आदीर. 15 हे फलपिपिगोळा, नीव खुद भी जानसतीर कर् खुशखबरी प्रचार इन सूरवात दा, याग ना मकदिनया टु वदिा आदीन, आग नीमी वटिकु मात्त यातोदु मंडली लेन देन इन बारा दा नान सहायता माळीदलि. 16 *ईदा प्रकार याग ना थसिसलुनीके दा ईरीन, आग भी नीव नान कमी पुरा माळोर साटी ऊंद घन येन उलटा येदुद घन येनारा कळीदरि. 17 ईद ईला कर्ना दान बेळोद चाहासतीन लेकीन ना हागि काय चाहासतीन जो नीम फायदा साटी वाळुस्त हागुल. 18 नान हात्ती सप्पा येनारा आद, उलटा हापाळ पुरा भी आद; जो वस्तुगोळ नीव इपफुरदीतुस उन कय देल कळीदरि अवरी प्राप्त माळकु ना संतुष्ट आगोगनि, अद रा सुखदायक सुगन्ध, ग्रहण माळा लायक बलदिन आद, जो परमेश्वर उक वळलीद हततद. 19 नान परमेश्वर भी तान आ धन इन अनुसार जो महमा सांगुळ मसीह यीशु दा आद, नीम हर ऊंद कमी इक पुरा माळीत. 20 नाम परमेश्वर अदकि आप्प उन महमा हमेशा हमेशा आगतेला ईरूल. आमीन.

आखरी नमस्कार

²¹हर ऊंद पवतिर जन उक, जो यीशु मसीह दा आन नमस्कार अनी. जो वार्ट नान सांगुळ आन, नीमी नमस्कार अनतार. ²²सप्पा पवतिर लॉकुर, वशिष माळकु जो कैसर उन घराना नोर उर, नीमी नमस्कार अनतार.

²³नाम प्रभु यीशु मसीह अन्द अनुग्रह नीम आत्मा अन्द सांगुळ ईरूल.

कुलुससयिों के नाम पौलुस प्रेरति की पत्नी कुलुससगिोळ हेसुर पौलुस प्रेरति उन चट्ठी परचिय

कुलुससयिों अन्द चट्ठी प्रेरति पौलुस उन १:१ द्वारा मंडली इक लखिसकु आगीत. आव ईद चट्ठी आग लखिसदुन याग आव जयल दा ईरोन, शायद रोम दा, मसीह अन जनम इन लगभग ६० साल बाद्दा. कुलुससयिों, इफसियिों अदकि फलिमोन ईद चट्ठी पौलुस जयल दा ईतकु लखिसीदुन इदुरसाटी ईदरी जयल चट्ठी अंदकु आगतद.

आव ईद चट्ठी कोलोसे शयर दा मंडली इक लखिसीदुन. पौलुस कुलुससे दा मंडली चालु माळलका ईरोन, यतकी आंदुर २:१ दा उल्लेख माळ्यार, लेकीन इदुरसाटी येनारा जमिमेदारी महसूल माळीदुर. ईद संभव आद कएपाफ्रास मंडली इन स्थापना माळीदुर यतकी आंदुर कोलोसे टु ईरोर. पौलुस कोलोसे अन्द मंडली दा येनारा गलत शक्षिागोळ देल संबधति ईरोन. आंदुर ईदुर बारा दा चट्ठी लखिसुसोर दा हापाळ खर्च माळदुर, आग सकतद कयिहूदी ईसाईगोळद ऊंद समूह ईतीदाद, जो हाळोद नयिम देल यहूदी कानूनगोळद पालन माळोर साटी दुसरा ईसाई वार्टुरगोळी मजबुर माळोद कोशशि माळोर, वशिष रूप देल खतना. पौलुस वशिष रूप देल लखिसतान किमसीह अक परमेश्वर १:१५-२० उन द्वारा स्वीकार माळकु आगोद अलावा मसीह अन्द अलावा येनु ईला या यावारा दुसरा अन्द जरवत आद अदकि मानव तर्क मा आधारति शक्षिागोळ बेकार आव २:८ रूप-रेखा

१. पौलुस कोलोसे दा मंडली इक नमस्कार माळकु चट्ठी सूरु माळतान. १:१-२
२. बाक आव मसीह अन्द महानता अन्द बारा दा लखिसतान वशिष रूप देल कोलोसे १:३-३:४ दा खवाटा शक्षिा अन जवाब दा.
३. पौलुस हापाळ चट्ठी गोळ दा, आव चट्ठी गोळद उत्तरार्ध इक व्यक्त माळतान, जो वळलीद ईसाई जीवन जीऊसोर साटी थवाळासा वशिषिट नरिदेश कोळतद ३:५-४:६
४. पौलुस अन्य मंडलीगोळ ४:७-१८ दा जोर देल वाचुसद चट्ठी इन साटी शुभकामनागोळ अदकि नरिदेश कोळतान.

1 पौलुस अदकि आऊन वार्ट तीमुथयिस उन दी टु, जो परमेश्वर उन इच्छा देल मसीह यीशु उन प्रेरति आन,

2 कुलुससे दा ईरावाळेर परमेश्वर उन आ पवतिर वशिवासयोग्य वार्टुर इक जो मसीह दा ऊंद आर:

नाम आप्प परमेश्वर उन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

3 नाव नीम साटी हमेशा प्रार्थना माळतेव आग नाव तान प्रभु यीशु मसीह अन्द आप्प परमेश्वर उन धन्यवाद माळतेव. 4 यतकी नाव मसीह यीशु दा नीम वशिवास अदकि सप्पा परमेश्वर उन पवतिर लाँकुर प्रती नीम प्यार इन बारा दा केळव; 5 याग सही बातणी, खुशखबरी, पयला धन नीम हात्ती बत्त, रा नीव ई आशा अन्द बारा दा केळदीर कि ईद प्रदान माळतद. इदुरसाटी नीम वशिवास अदकि प्यार आ वस्तु मा आधारति आद, यदुर नीव उम्मीद माळतीर, जो नीम साटी स्वर्ग दा सुरक्षति ईटकु आद. 6 खुशखबरी आशरिवाद तरेत्याद अदकि सप्पा दुनयाि दा फैलुसेत्याद, ठीक हांग अच ह्यांग नीम न्याड्या दा आ दशिी टु आद या दशिी टु नीव पयला धन परमेश्वर उन कृपा अन बारा दा केळीदीर अदकि अदुर देल ईद पता नळुत कि ईद सही दा आद. 7 परमेश्वर उन अनुग्रह अक नीव नाम प्रयि सहकर्मि सेवक इपफ्रास उन से कलतीर, जो

नाम दी टु मसीह नव वशिवासयोग्य कर्मचारी आन. ⁸ आवा नामी आ प्यार इन बारा दा हेळ्यान जो आत्मा नीमी कोटाद.

⁹ ई कारण यागी टु नाव नीम बारा दा केळेव आगी टु नाव नीम साटी हमेशा प्रारथना माळेव, परमेश्वर उन से नाव प्रारथना माळतेव की अद पुरा बुद्धी अदकि समझ जो आऊन आत्मा कोळतद आऊन सांगुळ अदुरद इच्छा अन्द ग्यान देल नीमी तुम बुळुल. ¹⁰ ताकी नीमद चाल चलन प्रभु उन लायक ईरूल, अदकि आव सब प्रकार देल परसनन ईरूल, अदकि नीम जीवन दा टु वळलेव कयाल्सा होळुल, अदकि नीव परमेश्वर उन ग्यान दा वाळुसतेला होगी. ¹¹ आऊन महमिमय शक्ति देल जो सामर्थ्य प्राप्त आगतद अदुर दा शक्तिशाली आगत ईरी, ताकी नीव धीरज इन सांगुळ सप्पा येनारा सहन माळा लायक वन्सी. ¹² अदकि खुशी इन सांगुळ आप्प उक धन्यवाद माळी, याव नीमी ई लायक माळदुन की परमेश्वर उन आ लॉकुर सांगुळ जो आव आंदुर साटी पयले टु ना सुरक्षति माळद प्रकाश इन राज्य दा नीव पवतिर लॉकुर सांगुळ उत्तराधिकार प्राप्त माळदुर दा सहभागी वन्सी. ¹³ आवा नामी अंधकार इन वश टु बचाव माळकु तान प्रयि पार उन राज्य दा प्रवेश माळसुसदुन, ¹⁴ अदकि आऊन द्वारा नाव स्वतंत्र माळकु आदेव, मतलब नामी नाम पापगोळद माफ सक्ति.

मसीह नव कयाल्सा अदकि व्यक्तित्व

¹⁵ मसीह अदृश्य परमेश्वर उन समानता दा दृश्य रूप हुन अदकि आव सप्पा निर्मितीगोळ दा पयला पार हुन. ¹⁶ परमेश्वर तान द्वारा स्वर्ग अदकि पृथ्वी मा सूरवात टु सप्पा येनारा माळदुन, आध्यात्मिक शक्तिगोळ, प्रभुगोळ, शासकगोळ अदकि अधिकारीगोळ सहति नोळद या बनिनोळद वस्तुगोळ, परमेश्वर आऊन द्वारा पुरा ब्रम्हाण्ड इन निर्माण माळदुन. ¹⁷ सप्पा वस्तुगोळ से पयले मसीह अन्द अस्तित्व ईरोद अदकि आऊन दा सप्पा वस्तुगोळ तान सही जागा मा स्थिर ईरताव. ¹⁸ आव तान मय इन स्याणा हुन, मतलब मंडली इन ताल्ला हुन; आवा सूरवात हुन, अदकि सोत्तुर दा टु जतिता आगावाळा पयला जनम ताकोमावाळा पार हुन, ताकी सप्पा वस्तुगोळ दा पयला स्थान हासलि माळ सकुल. ¹⁹ यतकी परमेश्वर उन खुद इन ईद फैसला ईरोद की आऊन दा परमेश्वर उन सप्पा परिपूर्णता वास माळुल. ²⁰ पार उन माध्यम देल परमेश्वर पुरा दुनिया अक तान ताना वापस तरोद फैसला माळदुन परमेश्वर कूस मा तान पार उन रक्ता अन माध्यम देल शांती माळदुन अदकि इदुरसाटी पृथ्वी अदकि स्वर्ग दा सप्पा वस्तुगोळी वापस तंदुन.

²¹ ऊद समय ईरोद याग नीव परमेश्वर उन से हापाळ दुर ईरीर अदकि तान वचारगोळ अदकि बेकार कर्मगोळ कारण परमेश्वर उन दुश्मन ईरीर; ²² लेकीन ईंग, आव तान पार उन शारीरिक मय इन मृत्यु उन द्वारा नीमी तान संगी माळ कौडान, ताकी नीमी तान हात्ती पवतिर अदकि शुद्ध, अदकि निर्दोष माळकु उपस्थिति माळुल. ²³ अगर नीव वशिवास इन पायवा मा मजबूत वन्सकु ईत्तीर अदकि आ खुशखबरी इन आशा अक यदरी नीव केळीर बळिबाळी, यदुरद प्रचार आकाश इन ल्यालमा अन्द पुरा दुनिया दा माळकु आत, अदकि यदुरद ना, पौलुस, सेवक वन्सदीन.

पौलुस उन मंडली दा स्यावा कार्य

²⁴ ईंग ना आ दुखगोळद कारण खुशी माळतीन, जो नीमद साटी नेगोतीन अदकि मसीह अन्द क्लेशगोळद कमी आऊन मय इन साटी, मतलब मंडली इन साटी, तान मय दा पुरा माळतीन; ²⁵ अदकि नानी परमेश्वर उन द्वारा मंडली इन सेवक माळकु आत अदकि याव नानी नीम भलाई इन कयाल्सा अन्द साटी कोटदुन, अदकि ई कयाल्सा पुरा तरीका देल आऊन बातणीगोळद घोषणा माळतद. ²⁶ ईद बातणी रहस्य पूर्ण सच्चाई आद जो सूरवात काल टु सप्पा मंळसागोळ से गुपत ईटसुसकु आग्याद, लेकीन ईंग आऊन पवतिर लॉकुर मा प्रगट माळकु आग्याद. ²⁷ परमेश्वर

उन ईद योजना ईरोद कति तान लॉकुर मा ईद रहस्य परगट माळ्ळुल कि ईद रहस्य याट महामिमय कमिती आ जो तान लॉकुर साटी आद. अदकि अद रहस्य ईद हुन कि मसीह नीम दा आन, मतलब नीव परमेश्वर उन महमा अन्द सहभागी आग सकतीर. 28 इदुरसाटी नाव मसीह अन्द प्रचार सप्पा मुंदुरी माळतेव. अदकि जो बुद्धी नामी प्राप्त आग्याद आ सप्पा बुद्धी इन इस्तेमाल माळतेला नाव सप्पा मुंदुरी नर्दिदेश अदकि शिक्षा प्रदान माळतेव ताकी नाव आंदरी मसीह दा ऊंद व्यक्तगित परंपुरण मळसा माळकु परमेश्वर उन मुंद उपस्थति माळ सककेव. 29 अदकि इदरी पुरा माळोर साटी मसीह अन्द महान सामर्थ्य जो नानी सकितेला ईरतद अदकि नान दा कार्य माळतद, अदुरद इस्तेमाल माळतेला ना कठनि मयनत अदकि संघर्ष माळतीन.

2

1 ना चाहासतीन नीमी ई मात इन पता नळदोगुल कि ना नीम साटी, लौदीकयाि दा ईरावाळेर लॉकुर साटी अदकि आ सप्पा मुंदुर साटी जो व्यक्तगित रूप देल नानी यागलु सकिदील, ना याट कठनि मयनत माळतीन. 2 ताकी आंदुर मनगोळी प्रोत्साहति सकिल अदकि परस्पर प्यार दा एकजुट आगोगुल, अदकि अद पुरा वशिवास इन धन जो खरा समझ देल प्राप्त आगतद आंदरी सकिकेगुल. ई प्रकार देल आंदरी परमेश्वर उन भेद पता नळदोदति, जो मसीह खुश आन. 3 याऊन दा परमेश्वर उन बुद्धी इन भंडार अदकि ग्यान होचकु आद.

4 ईद ना इदुरसाटी अनतीन कि यावारा मळसा नीमी ख्वाटा वाद विवाद देल ध्वाका कोळबाळुल. बाक चाहे आंदुर याटारा भी वळ्लेर येती हतबाळुल. 5 ना मय इन भाव देल नीम से दुर आईन, तरी भी आत्मकि भाव देल नीमद हात्ती आईन, अदकि नीमद व्यवस्थति जीवन इक अदकि नीमद वशिवास इन, जो मसीह दा आर, मजबूती नोळकु प्रसन्न आगतीन.

मसीह दा जीवन इन परंपुरणता

6 इदुरसाटी ह्यांग नीव मसीह यीशु उक प्रभु मानसकु ग्रहण माळ कोंडीर, हांगा आऊन दा वनसकु ईरी. 7 अदकि अदुरदा जळ हुळकु अदकि वाळुसतेला ईरी; अदकि ह्यांग नीव कल्सकु आगीर हांग अच वशिवास दा मजबूत आगतेला होगी, अदकि यक्कुल से यक्कुल धन्यवाद माळतेला ईरी.

8 सावधान ईरी कियावारा नीमी आ मळसा अन्द बुद्धी इन व्यरथ ध्वाका देल गुलाम माळसुस बुळुल, जो मळसागोळद परंपरागोळ देल प्राप्त आगतेला बंदाद अदकि ब्रम्हाण्ड इक शासन माळावाळा आत्मागोळद देन हुन, ना कि मसीह अन्द. 9 यतकी आऊन दा ईश्वरत्व स्वभाव हमेशा मसीह अन्द मय दा वास माळतद. 10 अदकि नीमी आऊन एकता दा पुरा जीवन कोटकु आग्याद. आव सूरवात टु सप्पा आध्यात्मिक शासकगोळ अदकि अधिकार इन स्याणा हुन.

11 मसीह अन्द सांगुळ दा नीमद खतना माळकु आग्याद, ना कि आ खतना अन्द सांगुळ जो मळसागोळ कय देल माळकु आग्याद, लेकीन मसीह अन्द द्वारा माळद खतना अन्द सांगुळ, नीम पापगोळद सामर्थ्य देल मुक्त माळकु आगताव. 12 य्यांग नीव वपतसिमा ताकोडीदरि रा नीमी मसीह अन्द सांगुळ दफनुसकु आगीत अदकि वपतसिमा दा नीम परमेश्वर उन सक्रयि शक्ती दा वशिवास इन माध्यम देल मसीह अन्द सांगुळ भी नेगुकु आगीत, आऊन सांगुळ जतिता भी आदुर. 13 ऊंद समय नीव भी आत्मकिता दा सोतकु ईरीर यतकी नीव पापी, अदकि गैरयहूदी बनिा व्यवस्था नोर ईरोर. लेकीन ईग परमेश्वर नीमी मसीह अन्द सांगुळ जीवन दा तंदान. परमेश्वर नाम सप्पा अपराधगोळ इक माफ माळ्यान. 14 परमेश्वर नाम बेकार क्यालसागोळद लेखा जोखा अक नाम न्याड्या दा टु हटुस बुट्टुन यदुर दा आ वधीगोळद उल्लेख माळकु आगीत जो नाम प्रतकिल अदकि नाम वरिद्ध ईरोरद आव अदरी कूस मा खलिलागोळ देल टोकसकु मटिस बुटान. 15 अदकि मसीह कूस इन द्वारा आध्यात्मिक शासकगोळद सूरवात टु सामर्थ्य अक

अदकि अधकिारीगोळी शासन हीन माळ बुट्टुन अदकि तान वजिय अभयान दा बंदी माळकु लॉंकुर मुंद आंदुर तमाशा माळदुन.

16 *इदुरसाटी यावारा भी मंळसा नीम तनीद-कुडोद या हाव्व या व्हाशोद चांद इन हाव्व, या वशिराम इन दनि इन बारा दा नीमद याऊ न्याय माळवाळुल. 17 यतकी ईव सब बरावाळा मातगोळद छाया हुव, लेकीन वास्तवकिता अच मसीह हुन. 18 यातोवारा भी मंळसा अन्द द्वारा तान अपमान माळसुसोद इजाजत कोळवाळी जो वशिष दर्शन इन कारण श्रेष्ट आगोद दावा माळतद अदकि जो ख्वाटा वनिमरता अदकि स्वर्गदूतगोळद पुजा मा जोर कोळतद. बनि यातोदारा कारण इन ईत्ता मंळसा तान मानवीय सोच देल व्यर्थ बायतान. 19 *अदकि मसीह अक हुळकु ईटोद बंद माळ बुटार, आव मसीह जो मय इन ताल्ला हुन. मसीह अन्द हात्ती ता दा सप्पा मय आद जो जोळगोळ अदकि नशगोळ से ऊदा सांगुळ जोळसकु आव, अदकि परमेश्वर जसा वाळसोद चाहासतान हांग वाळुस्त होगतद.

मसीह अन्द सांगुळ सायोद अदकि ऊळोद

20 यतकी नीव मसीह अन्द सांगुळ सोतोगीर अदकि ब्रम्हाण्ड इन शासन माळावाळा आत्मागोळ से मुक्त माळकु आगीर. रा बाक येती आंदुर घाई जो दुनया नोर आर जीवन जीऊसतीर? नीव ईत्ता वधीगोळ वश दा येती ईरतीर. 21 कि “इदरी मुठवाळेतीर, अदरी नेकवाळेतीर, अदकि अदरी कय हचवाळेतीर?” 22 ईव सप्पा वस्तुगोळ क्यालसा दा तरास ताका नष्ट आगेदव यतकी ईव मंळसागोळ नयिम अदकि आग्यागोळ अदकि शक्तिगोळद अनुसार आव. 23 नशिचति अच ईत्ता प्रकार इन सप्पा नयिम स्वर्गदूतगोळद जबरदस्ती देल पुजा अदकि ख्वाटा वनिमरता, अदकि मय इन गंभीर उपचारगोळ ग्यान मा आधारति आद लेकीन शारीरकि लालसागोळी रोकसदुर दा ईऊर देल येनु उच फायदा आगाल्द.

3

1 याग नीव मसीह अन्द सांगुळ जतिता माळकु आगीर, इदुरसाटी तान दलि इक स्वर्गीय मातगोळ मा हची, यल मसीह तान ऊम्मा कय दी वरिजमान आन अदकि परमेश्वर उन ऊम्मा कय दी कर्तकु आन. 2 पृथ्वी माकळव वस्तुगोळ ईला लेकीन स्वर्गीय वस्तुगोळ मा ध्यान हची, 3 यतकी नीव रा सोतोगीर अदकि नीमद जीवन मसीह अन्द सांगुळ परमेश्वर दा होचकु आद. 4 नीम खरा जीवन मसीह हुन याग मसीह प्रगट आदान, आग नीव भी आऊन सांगुळ महिमा सहति प्रगट माळकु आदीर.

हाळोद अदकि व्हाशोद जीवन

5 इदुरसाटी पृथ्वी माकळव तान आ संसारकि इच्छागोळी कोंद बुळी जो नीम दा कार्य माळतद, मतलब व्यभचार, अशुध्दता, दुष्कामना, बेकार लालसा अदकि लोभ इक जो मूर्तपूजा अन्द बराबर आद. 6 यतकी ईवा मातगोळ कारण जो आऊन आग्या मानुसालुर आंदुर मा परमेश्वर उन सट्टि प्रगट आगली होगेत्याद. 7 अदकि ऊंद समय ईरोद याग नीव भी ईत्तव इच्छागोळ अनुसार तान जीवन जीऊसतोगीर, अदकि नीम जीवन आऊंदा प्रभुत्व दा का ईरोद.

8 लेकीन ईग नीव भी ईव सप्पा मातगोळी, मतलब सट्टि, उत्तेजना, वैरभाव, अपमान अदकि बाय देल बोयोद ईव सप्पा मातगोळ बटि बुळी. 9 *आबुर दाबुर से ख्वाटा माताळवाळी, यतकी नीव हाळोद स्वभाव इक आऊन आदतगोळ सांगुळ ईळस कोंडीर. 10 *अदकि व्हाशोद व्यक्ततिव अक धारण माळ कोंडीर, जो तान सजनहार इन स्वरूप दा पुरा ग्यान प्राप्त माळोर साटी लगातार व्हाशोद बनसतेला ईरतद. 11 अदकि ईदुर परणाम ईद आद कअल यहूदी अदकि गैरयहूदी दा येनु फरक ईराल, अदकि ना रा यातोदारा खतना माळ्द अदकि खतनारहति दा, अदकि ना यातोदारा

सभ्य अदकि ना असभ्य दा, ना दास अदकि ना स्वतंत्र मळसा दा, लेकीन मसीह अच सब येनारा हुन अदकि सप्पा वशिवासीगोळ दा मसीह अन्द वास आद.

12 *अदकि नीव परमेश्वर उन लॉकुर हुईर आव नीम से प्यार माळतान अदकि आव तान पवतिर आगोर साटी नीम चुनाव माळयान. रा बाक सहानुभूती, दया, नम्रता, कोमलता अदकि धीरज इक धारण माळी. 13 *अदकि अगर यारीकारा यारदारा मा दोष हचोद यातारा कारण ईरूल, रा आवुर दावुर सहन माळी अदकि आवुर दावुरद अपराध माफ माळी; हयांग प्रभु नीमद अपराध माफ माळदुन, हांग अच नीव भी माळी. 14 अदकि ई सप्पा मातगोळ अलावा प्यार इक धारण माळी, प्यार अच सप्पा मुंदुरी आपस दा कटकू ईटतद अदकि परपुण माळतद. 15 नीम साटी होगावाळा नरिण्यगोळ मा अद शांती इन जो मसीह देल प्राप्त आगतद मार्गदर्शन ईरूल, इदुरसाटी परमेश्वर नीमी ऊंदा सांगुळ आ शांती दा ऊंदा मय आगोर साटी कारस्थान. अदकि हमेशा धन्यवाद माळत ईरी. 16 *तान सप्पा संपन्नता अन्द सांगुळ मसीह अन्द बातणी नीम दलिगोळ दा वास माळुल. अदकि तान सप्पा बुद्धी देल आवुर दावुर इक शक्ति अदकि नरिदेश कोळत ईरी. भजनगोळ सुतुति अदकि आत्मकि हाळगोळी हाळतेला तान दलिगोळ दा परमेश्वर उक धन्यवाद कोळत ईरी. 17 जो येनारा भी नीव माळी या अनी अद सप्पा प्रभु यीशु उन हेसुर मा आग पायजे, अदकि आऊन द्वारा परमेश्वर आप्प उन धन्यवाद माळी.

व्हाशोद जीवन इन पारिवारिक नियम

18 *हे हगिसुरा, तान तान गांडडुरद हात्ती ईरी, हयांग मसीह अन्द अनुयायीगोळी शोभा कोळतद.

19 *हे गांडडुरा, तान तान हगिसुर से प्यार ईटी, अदकि आंदुर से कठोर व्यवहार माळवाळी.

20 *हे चकिोरा, सप्पा मातगोळ दा तान तान मोय-आप्प उन आग्या अन्द पालन माळी, यतकी मसीह अनुयायी इन ईत्ता व्यवहार देल परमेश्वर प्रसन्न आगतान.

21 *हे मोय आपपुरा, तान चकिोर इक तंग माळवाळी, हगि आगवाळुल कि आंदुरद साहस मुरदोगुल.

22 *हे सेवकगोळा, जो मय इन अनुसार नीमद स्वामी आन, सप्पा मातगोळ दा आंदुरद आग्या अन्द पालन माळी, सरिफ लॉकुरी खुश माळोर साटी अदा समय ईला याग आंदुर नोळतेला आर, बल्की खरा मन देल आंदुरद मानसी यतकी नीव प्रभु उन आदर माळतीर. 23 जो येनारा क्यालसा नीव माळतीर, तान पुरा मन देल माळी, ईद समसकु कि मळसागोळद साटी ईला लेकीन प्रभु उन साटी माळतेव; 24 याद ईटी कि प्रभु ईदुर प्रतफिल नीमी कोट्टान जो आव तान लॉकुर साटी ईटयान, यतकी मसीह खरा स्वामी हुन यार्द नीव स्यावा माळतीर. 25 *जो अपराध माळतान आव तान अपराध ईद फल ताकोडान, यतकी परमेश्वर यारदारा सांगुळ पक्षपात माळालुन.

4

1 *हे स्वामीगोळा, नीव तान तान सेवकगोळी आंदुर क्यालसागोळ अनुसार जो सही बदला आद आंदरी कोळी. याद ईटी कि स्वर्ग दा नीमव भी यावारा स्वामी आन.

थवाळासा व्यावहारिक नरिदेश

2 प्रार्थना दा लगातार हतकु ईरी, अदकि परमेश्वर उक धन्यवाद कोळतेला अदुर दा जागृत ईरी; 3 अदकि इदुर सांगुळ सांगुळ अच नाम साटी भी प्रार्थना माळतेला ईरी, कि परमेश्वर नाम साटी मसीह अन्द आ भेद इन बातणी प्रचार माळोर साटी वळलीद मवका प्रदान माळुल, यतकी

* 3:12 ३:१२ इफसिगिळ ४:२ * 3:13 ३:१३ इफसिगिळ ४:३२ * 3:16 ३:१६ इफसिगिळ ५:१९,२० * 3:18 ३:१८ इफसिगिळ ५:२२; १ पतरस ३:१ * 3:19 ३:१९ इफसिगिळ ५:२५; १ पतरस ३:७ * 3:20 ३:२० इफसिगिळ ६:१ * 3:21 ३:२१ इफसिगिळ ६:४ * 3:22 ३:२२ इफसिगिळ ६:५-८ * 3:25 ३:२५ इफसिगिळ ६:९ * 4:1 ४:१ इफसिगिळ ६:९

इदुर दा कारण ना कैद दा आईन. 4 प्रार्थना माळी का ना इदरी हगि सपष्टता अन्द सांगुळ हेळ सकाईन हयांग नानी हेळोद जर्री आद.

5 *समय इन पुरा पुरा इस्तेमाल माळी अदकि अवशिवासीगोळ सांगुळ बुद्धमिानी देल व्यवहार माळी. 6 नीम मातगोळ पुरा अनुग्रह देल तुमकु अदकि लॉकुरी पसंद बरा लायक ईरूल ताकी नीव जान्स कोमी का हर मंळसा अक हयांग उत्तर कोळोद जर्री आद.

आखरी अभिवादन

7 *नाम प्रयि वार्ट अदकि वशिवासयोग्य सेवक, तुखकिस, जो प्रभु दा नान सहकरमी आन, नान सप्पा समाचार नीमी हेळ बुट्टान. 8 आऊक ना इदुरसाटी नीमद हात्ती कळुदीन का नीमी नाम्द दशा मालूम आगोगुल अदकि आव नीमद दलिगोळ इक प्रोत्साहित माळुल. 9 *आऊन सांगुळ ना उनेसमिस उक भी कळुदीन जो वशिवासलायक अदकि प्रयि वार्ट अदकि नीम दा टु ना ऊंद हुन; ईदुर नीमी ईलेव सप्पा मातगोळ हेळ बुट्टार.

10 *अस्तित्रखुस, जो नान सांगुळ बंदीगृह दा सांगुळ ईतान, अदकि बरनवास उन वार्ट मरकुस उन नीमी नमस्कार, मरकुस उन बारा दा नीमी नरिदेश सकिकेग्याद अच अगर आव नीम हात्ती बंदान रा आऊन स्वागत माळकु आऊक ग्रहण माळेतीर. 11 यूस्तुस अंदकु आगावाळा यीशु उन भी नीमी नमस्कार सकिल. सरिफ ई मुरा मुंदुरा यहूदी वशिवासी परमेश्वर उन राज्य अन्द साटी नान सांगुळ क्याल्सा माळेत्तार, अदकि ईदुरद नानी हापाळ सहायता सकियाद.

12 *इपफ्रास, जो नीम दा टु ऊंद आन अदकि मसीह यीशु उन दास आन, नीमी नमस्कार अनतान अदकि सदा नीम साटी प्रार्थनागोळ दा प्रयत्न माळतान, ताकी नीव सदिध आगकु पुरा वशिवास इन सांगुळ परमेश्वर उन इच्छा मा स्थरि ईरी. 13 ना व्यक्तगित रीतदिल आऊन गवाह आईन का आव नीम साटी अदकि लौदीकिया अदकि हयिरापुलसिवाळेर्द साटी कठिन मेहनत माळतेला ईरतान. 14 *नाम प्रयि वैद्य लूका अदकि देमास नीमी नमस्कार कळुतार.

15 लौदीकिया अन्द वशिवासी वार्टुर, अदकि आकतींग नुमफास अदकि आकनि मानना अन्द मंडली इक नाम दी टु नमस्कार अनेत. 16 याग ईद चट्टी नीम अल वाचुसकु आदीत रा हगि माळेतीर का लौदीकिया अन्द मंडली दा भी वाचुसकु आगुल, अदकि अदा समय अद चट्टी जो लौदीकिया नोर वशिवासी नीमी कळुयार अदरी नीव भी वाचुसेतीर. 17 *अदकि अरखपिपुस से अनेतीर का "जो स्यावा प्रभु दा आऊक सौपसकु आग्याद आव अदरी नशिचय इन सांगुळ पुरा माळुल.

18 "ना पौलुस खुद तान कय देल नीमी नमस्कार लखिसेतीन. याद ईटी का ना शंकलीगोळ देल कटकु बंदीगृह दा आईन,"

परमेश्वर उन अनुग्रह नीम सांगुळ बन्सकु ईरूल.

* 4:5 ४:१३ इफसिगोळ ५:१६ * 4:7 ४:१७ पुरेतिगोळ २०:४; २ तीमुथयिस ४:१२ * 4:7 ४:१७ इफसिगोळ ६:२१,२२
 * 4:9 ४:११ फलिमोन १:१०-१२ * 4:10 ४:१० पुरेतिगोळ ११:२१; २७:२; फलिमोन १:२४; पुरेतिगोळ १२:१२,२५; १३:१३;
 १५:३७-३९ * 4:12 ४:१२ कुलुससंगोळ १:१७; फलिमोन १:२३ * 4:14 ४:१४ २ तीमुथयिस ४:११; फलिमोन १:२४; २
 तीमुथयिस ४:१०; फलिमोन १:२४ * 4:17 ४:१७ फलिमोन १:२

थसिसलुनीकियों के नाम पौलुस प्रेरति की पहली पत्री थसिसलुनीकगिोळ हेसुर पौलुस प्रेरति उन पयला चट्टी परचिय

थसिसलुनीकगिोळद पयला चट्टी पौलुस १:१ लखिसिदुन पयले पवतिरशास्त्र अन भाग वनसत अदकि मसीह अन जनम इन ५१ साल इन बाददा लखिसकु आगीत, याग पौलुस चट्टी लखिसदुन आग आव कुरन्थि नगर दा ईरोन थसिसलुनीकगिोळद मंडली यारी आव चट्टी लखिसदुन दुसरा मशिनरी यात्रा अन न्याइया दा स्थापति माळकु आगीत प्रेरतिगोळ १७:१-१० प्रेरतिगोळ क्याल्सागोळद कतिाबगोळ दा हगि हेळकु आग्याद कि ईद मंडली यहूदीगोळद अदकि ग्रीकगोळद वनसकु ईरोद.

ई मंडली इन स्थापना माळदुर बाददा पौलुस थसिसलुनीकियों दा यककुल दिन ताका रूकसीदलि. इदुरसाटी आव ई चट्टी इक प्रोत्साहन कोळोर साटी लखिसदुन, ई चट्टी दा हापाळ वषियगोळद चर्चा माळकु आग्याद, जसा कि मसीहगोळ ह्यांग ईरली पायजे. पौलुस मसीह अन दुसरा आगमन इन ताका लखिसतान सायद इदुरसाटी कि थसिसलुनीकगिोळद मंडलीगोळ दा ईरावाळे वशिवासीगोळी केळसदुर दा हापाळ उत्साह ईरोद, पौलुस ई बारा दा चट्टी इन द्वारा यीशु उन दुसरा आगमन इक लखिसकु हगि जीवन व्यतीत माळली प्रोत्साहित माळतान यदुर देल परमेश्वर संतुष्ट आन ५:६-८

रूप-रेखा:

१. मंडली इक नमस्कार अदकि परमेश्वर उन धन्यवाद १
२. पौलुस तान कार्य अन बारा दा अदकि तीमथयिस जो समाचार इन साटी ईरोन आऊन बारा दा चर्चा माळदुन २-३
३. यीशु उन दुसरा आगमन इन तयारी माळोर साटी मसीह दा ह्यांग जीवन व्यतीत माळ पायजे ४:१-५:१५
४. पौलुस उन मंडली इक नमस्कार अदकि सप्पा मुंदुर आऊन चट्टी वाचुस पायजे ईदुर बारा दा सुचना ५:१६-२८

1 *पौलुस अदकि सलिवानुस अदकि तीमथयिस उन दी टु थसिसलुनीकेगोळ मंडली नव हेसुर जो परमेश्वर आप्प अदकि प्रभु यीशु मसीह अन लाँकुर आर अनुग्रह अदकि शांती नीमी सकितेला ईरूल.

थसिसलुनीकगिोळद जीवन अदकि वशिवास

2 नाव तान प्रार्थनागोळ दा नीमी हमेशा याद माळतेव अदकि हमेशा नीम सप्पा अन बारा दा परमेश्वर उन धन्यवाद माळतेव. 3 अदकि तान परमेश्वर अदकि आप्प उन मुंद नीमव वशिवास इन क्याल्सा अदकि प्यार इन मेहनत अदकि नाम प्रभु यीशु मसीह दा धीरज देल हूळकु आशा अक लगातार याद माळतेव. 4 नामोर वार्टुरा अदकि आकतीगेरा, नाव जान्सतेव कि परमेश्वर नीम से प्यार माळतान आव नीमी नीवळुस्यान. 5 यतकी नाव नीम हात्ती नाम्द खुशखबरी सर्फ शब्दगोळ देल अच ईला लेकीन सामर्थ्य देल, अदकि पवतिर आत्मा अनंद पुरा सच्चई इन नश्चिता देल तंदान; ह्यांग नीव जान्सतीर कि नाव नीम सांगूळ ईरेव, रा नाव ह्यांग ईत्तेव ईद नीम भलाई इन साटी ईरोद. 6 *नीव धोळद क्लेशगोळ बावजुद. पवतिर आत्मा देल सकिद खुशी इन सांगूळ, वचन इक ग्रहण माळदुर अदकि नाम्द अदकि प्रभु उन अनुकरण माळली हतदुर. 7 इदुरसाटी हगि माळदुर देल मकदिनया अदकि अखाया दयाश इन सप्पा वशिवासीगोळ साटी नीव आदर्श वनसेदरि. 8 यतकी नीम हात्ती टु प्रभु उन वचन सर्फ मकदिनया अदकि अखाया

दा अच केळसकु आत हगि अच ईला, लेकीन नीम वशिवास इन जो परमेश्वर मा आद, हर जागा दा अदुर चर्चा फैलुसेत कि ईदुर बारा दा नामी येनु अनोद जरवत अच हैलेच. 9 यतकी आ लॉकुर नाम बारा दा हेळतार कि नीमद हातूती नामद स्वागत हयांग आत; अदकि नीव हयांग मूर्तीगोळ देल परमेश्वर उन दी तरिगदरि ताकी जतिता अदकि खरा परमेश्वर उन स्यावा माळी, 10 अदकि आऊन पार उन स्वरागा मा टु बरोद हादी कायतेला ईरी यारी आव सोत्तुर दा टु जतिता माळयान, अर्थात यीशु उन, जो नामी परमेश्वर उन बरोद आद प्रकोप देल उळस्तान.

2

थमिसलुनीकियोंं दा पौलुस उन कार्य

1 हे वारटुरा अदकि आकतीगेरा, नीव खुद अच जान्सतीर कि नाम नीम हातूती बरोद बेकार आगीदील 2 लेकीन नीव खुद अच जान्सतीर नीम हातूती बरोर से पयले फलिपिपी दा दुख नेगुली अदकि अपमान सहन माळदुर मा भी नाम परमेश्वर नामी ईतता साहस कोट्टुन, कि नाव परमेश्वर उन खुशखबरी भारी वरिभगोळ ईरतेला भी नीमी केळसेव. 3 यतकी नामद उपदेश गलतीगोळ से हैलेच अदकि अशुधद वचार देल, अदकि चालाकी इन सांगुळ हैलेच; 4 लेकीन हयांग परमेश्वर नामी योग्य ठहूसकु खुशखबरी सौपसदुन, नाव हांग अच हेळतेव, अदकि इदुर दा मंळसागोळी इक ईला, लेकीन परमेश्वर उक, जो नाम मन इन उद्देशगोळी जाच तान, प्रसन्न माळतेव. 5 यतकी नीव जान्सतीर, नाव ना रा यागलु चापलुसी माळवे अदकि ना पैस्या अन लालच इन साटी येनारा बहाना माळवे परमेश्वर नाम गवाह आन 6 अदकि नाव ना मंळसागोळ देल, ना दुसरा से, अदकि ना खुद देल प्रशंसा चाहसदेव. 7 यीशु मसीह अन प्रेरति आगा नाता देल नाम नीम मा बोझ हाक सकेव. लेकीन याता प्रकार मोय तान चकिरद पालन पोषण माळतार हांग अच नाव भी नीम न्याड्या दा ईतकु धोळद कोमलता तोर्सदेव; 8 अदकि हांग अच नाव नीमी हापाळ प्यार माळतेला, नाव खुशी इन सांगुळ परमेश्वर उन खुशखबरी दा नाम जीवन इन द्वारा पुरा तरीका देल सामर्थ्य देल नीमद मदत माळली तयार ईरेव, इदुरसाटी कि नीव नाम प्रिय आगोगीदीर.

9 यतकी, हे वारटुरा अदकि आकतीगेरा, नश्चिती अच नीव नाम मेहनत अदकि कष्ट इक याद ईटतीर; नाव इदुरसाटी ईळलक हागुल क्याल्सा धंदा माळतेला नीम दा परमेश्वर उन खुशखबरी प्रचार माळदेव कि नीम दा टु यारदु मा भार आगवाळुल. 10 नीव ई मात इन गवाह हुईर, अदकि हांग अच परमेश्वर भी आन, कि नाव नीम विश्वासीगोळ सांगुळ पवतिरता, लायकत अदकि नर्दोषता अन व्यवहार माळेव. 11 नीव जान्सतीर कि नाव नीम सांगुळ हांग अच व्यवहार माळतेव हयांग आपप तान चकिरगोळ सांगुळ व्यवहार माळतान. 12 कि नाव नीमी प्रोत्साहित माळदेव दलासा कोट्टेव नाव नीमी वनिती माळतेला ईततेव कि तान जीवन हगि बतिसी कि परमेश्वर खुश आगुल, याव नीमी तान महिमा अदकि राज्य दा सहभागी आगोर साटी कारदान. 13 इदुरसाटी नाव भी परमेश्वर उन धन्यवाद लगातार माळतेव कि याग नाम द्वारा परमेश्वर उन खुशखबरी इन वचन नीम हातूती पोहचुसत, रा नीव अदरी मंळसागोळद ईला लेकीन परमेश्वर उन वचन समसकु ग्रहण माळदीर; अदकि सही दा ईद हगि अच आद; अदकि अद नीम विश्वासीगोळ दा जो विश्वास ईटतीर, प्रभावशाली आद. 14 इदुरसाटी हे वारटुरा अदकि आकतीगेरा, नीम सांगुळ भी अदा मात आगतद हयांग मसीह यीशु दा परमेश्वर उन आ मंडलीगोळद यहूदिया दा आद, यतकी नीव तान लॉकुर से हांग अच छल सहन माळतीर, हयांग आंदुर भी यहूदीगोळ द्वारा सहन माळीदुर, 15 यार प्रभु यीशु उक अदकि भविष्यवक्तागोळी भी कौद कौडुर अदकि नाम सांगुळ छल माळदुर, अदकि परमेश्वर आंदुर से प्रसन्न हैलेच, अदकि आंदुर सप्पा मंळसागोळद वरिध माळतार, 16 अदकि आंदुर गैरयहूदीगोळी आंदुर उद्धार इन साटी परमेश्वर उन खुशखबरी

* 2:2 २:२ प्रेरतिगोळ १६:१९-२४; प्रेरतिगोळ १७:१-९ * 2:14 २:१४ प्रेरतिगोळ १७:५ * 2:15 २:१५ प्रेरतिगोळ १:२३,२९; १३:४५,५०; १४:२५,१९; १७:५,१३; १८:१२

हेळोर साटी नामी रोकूसतार क हिमेशा तान पाप इन घळा तुमतेला ईरूल; लेकीन आंदुर मा परमेश्वर उन भयानक प्रकोप होट बंदाद.

पौलुस उन दुवारा थसिलनीकगिोळी सकोद अभलाषा

17 हे वारटुरा अदकि आकतीगेरा, याग नाव थवाळासा समय इन साटी, मन दा ईला लेकीन मय देल, नीम से अलग आगेगीदेव, रा नाव हापाळ कोशशिगोळ सांगुळ नीमी नोळोर साटी हापाळ कोशशि माळदेव. 18 इदुरसाटी नाव ऊंद धन ईला लेकीन घळी-घळी नीम हात्ती बरोद चाहसदेव, लेकीन शैतान नामी रोकूसकु ईटदुन. 19 भला नाम आशा या आनन्द या बळाई इन मुकुट येन आद? येन नाम प्रभु यीशु उन मुंद आऊन बरोद समय नीम अच ईरतीदील? 20 नाम बळाई अदकि खुशी नीव अच हुईर.

3

तीमुथयुस उन मुलाकात

1 इदुरसाटी याग नाम से अदकि ईतकु आगीदील, रा नाव ईद टहरूसदेव क एथेस नगर दा आबना ईतोगुल, 2 अदकि नाव तीमुथयुस उक, जो मसीह अन खुशखबरी दा नामव वारट अदकि परमेश्वर उन भी सेवक आन, इदुरसाटी कळ्यान क आव नीमी संची माळुल अदकि नीम वशिवास इन बारा दा नीमी समझुसुल.

3 क नीम दा टु यावारा भी इव क्लेशगोळ कारण डगमगुस वाळुल. यतकी नीव खुद अच जानसतीर क ईद सताप नाम साटी परमेश्वर उन इच्छा अन भाग हुन. 4 यतकी पयला अच, याग नाव नीम सांगुळ ईर तोगेव रा नीम से अन तोगेव क नामी क्लेश नेगव बदिदव, अदकि हगि अच आग्याद, हयांग क नीव जानसतीर भी. 5 ईद कारण याग नान से अदकि ईतकु आगीदील, रा नीमद वशिवास इन बारा दा जानसोर साटी कळुदीन, क यागलु हगि आगवाळुल क परीक्षा माळावाळेर शैतान नीम परीक्षा माळीदार, अदकि नाम मेहनत बेकार आगीदाद.

6 लेकीन इंगल्या तीमुथयुस, जो नीम हात्ती टु नाम हात्ती बंदान, नीमद वळलीद वशिवास अदकि प्यार इन बातणी केळसदुन अदकि ईद मात इक भी केळसदुन क नीव हमेशा प्यार इन सांगुळ नामी याद माळतीर, अदकि हयांग नाव नीमी नोळोर साटी लालच ईटतेव हांगा नीव भी ईटतीर. 7 इदुरसाटी हे वारटुरा अदकि आकतीगेरा, तान सप्पा दुख अदकि क्लेश दा नीम वशिवास इन कारण नामी नीम बारा दा प्रोत्साहन सकित. 8 यतकी इंग अगर नीव प्रभु दा संची ईरी रा नाव जतिता आयेव. 9 यतकी नाव नीम साटी परमेश्वर उन धन्यवाद माळ सकतेव. जो खुशी नामी परमेश्वर उन उपस्थिती दा सकितद, इदुरसाटी परमेश्वर उन धन्यवाद माळतेव. 10 नाव ईळलक हागुल हापाळ अच प्रार्थना माळतेला ईरतेव क नीमी मुंद नोळेव, अदकि नीम वशिवास इन कमी पुरा माळेव.

11 इंग नामव परमेश्वर अदकि आप्प खुद अच अदकि नाम प्रभु यीशु, नीम हात्ती बरोर साटी नाम हादी तेरूल; 12 अदकि प्रभु हगि माळुल क हयांग नाव नीम से प्यार ईटतेव, हांग अच नीम प्यार भी आपस दा अदकि सप्पा मंळसागोळ सांगुळ वाळुसुल, अदकि उनुनती माळतेला हागुल, 13 ताकी आव नीम मनगोळी हगि संची माळुल क याग नामव प्रभु यीशु तान सप्पा पवतिर लांकुर सांगुळ बरूल, रा खुद नाम परमेश्वर आप्प उन उपस्थिती नरिदोष टहूसुल.

4

जीवन जो परमेश्वर उक खुश माळुल

1 इदुरसाटी हे वारटुरा अदकि आकतीगेरा, नाव नीम से वनिती माळतेव अदकि नीमी प्रभु यीशु मसीह दा समझुसतेव क हयांग नीव नाम से योग्य चाल नळोद अदकि परमेश्वर उक खुश माळोद

कलतीर, अदकि ह्यांग नीव नळ्ळतीर भी, हांग अच अदकि भी वाळ्ळुस्तेला होगी. 2 यतकी नीव जान्सतीर का नाव प्रभु यीशु उन अधकार देल नीमी याता-याता शक्षिागोळ कोटेव. 3 परमेश्वर उन इच्छा ईद आद का नीव पवतिर वन्सी: अर्थात व्यभिचार देल उळ्ळदकु ईरी, 4 अदकि नीम दा टु हर ऊंद मळसा अक ईद जान्स पायजे का तान-तान हगिस उन सांगुळ पवतिरता अदकि आदर इन सांगुळ व्यवहार माळोद आद ईद नीमी कल्टु पायजे, 5 अदकि ईद क्याल्सा अभलाषा देल ईला, अदकि ना आ गौरयहूदीगोळ घाई जो परमेश्वर उक जान्सालुर, 6 का ईद मात दा याऊ तान सहकर्मी वार्ट उक टगुसबाळ्ळु, अदकि आऊन फायदा नेगुबाळी, यतकी प्रभु ईव सप्पा मातगोळ बदला ताकोमावाळा आन; ह्यांग का नाव पयले अच नीम से अंदेव अदकि चत्तिस देव भी. 7 यतकी परमेश्वर नामी अशुध्द दा ईरोरसाटी ईला, लेकीन पवतिर आगोर साटी कारदान. 8 ईद कारण जो ईद शक्षिा अक नकारस्तान, आव मळसा अक ईला लेकीन परमेश्वर उक नकारस्तान, जो तान पवतिर आत्मा नीमी कोळतान.

9 लेकीन भाईचारा अन प्यार इन बारा दा ईद जरूरी ह्यैलेच का ना नीम हात्ती येनारा लखिसाईन, यतकी आपस दा प्यार ईटोद नीव खुद अच परमेश्वर देल कलतीर; 10 अदकि पुरा मकदिनया नोर सप्पा वार्टुर आकतीगेर सांगुळ हगि प्यार माळतीर. लेकीन हे वार्टुरा अदकि आकतीगेरा, नाव नीमी समझुसतेव का यक्कुल अच वाळ्ळुस्तेला होगी, 11 अदकि ह्यांग नाव नीमी आग्या कोटेव, हांग अच शांती देल जीवन जीऊसोद अदकि तान-तान क्याल्सा माळली अदकि तान-तान कय देल कमुसोद कोशशि माळी; 12 ताकी व्हार्यावाळेर से आदर प्राप्ट माळी, अदकि नीमी यातोदु वस्तु उन कमी आगबाळ्ळुल.

प्रभु उन दुवारा बरोद

13 हे वार्टुरा अदकि आकतीगेरा, नाव चाहसालेव का नीव आंदुर बारा दा जो सोतकु आर, अग्यानी ईरी; हगि आगबाळ्ळुल का नीव दुसरा अन घाई शोक माळी यारी आशा ह्यैलेच. 14 यतकी अगार नाव वशिवास माळतेव का यीशु सोत्तुन अदकि जत्तिता भी आदुन, रा हांग अच परमेश्वर आंदरी भी जो यीशु मा वशिवास माळतेला सोत्तुर, यीशु उन सांगुळ जत्तिता माळ्यान. 15 यतकी जो प्रभु नामी कलसयान नाव प्रभु उन वचन इन अनुसार नीम से ईद अनतेव का नाव जो जत्तिता आयेव अदकि प्रभु उन बरासताका ताका उळ्ळदकु ईततेव, सोत्तुर देल मुंद वाळ्ळुसतीदलि. 16 यतकी प्रभु खुद अच स्वर्ग टु ईळदान; आ समय ललकार, अदकि प्रधान स्वर्गदूत उन शब्द केळ बंदीत, अदकि परमेश्वर उन तुरही उदकु आदीत; अदकि जो मसीह दा वशिवास माळतेला सोतार, आंदुर पयले जत्तिता माळकु आदार. 17 आग नाव जो जत्तिता अदकि उळ्ळदकु ईततेव आंदुर सांगुळ बादलगोळ मा नेगुकु आदेव का हवा दा प्रभु उन सांगुळ सकुल; अदकि ईद रीत देल नाव हमेशा प्रभु उन सांगुळ ईततेव. 18 ईद प्रकार इव मातगोळ देल आबुर दाबुरी प्रोत्साहति माळतोगी.

5

प्रभु उन बरोद साटी तयार ईरी

1 लेकीन हे वार्टुरा अदकि आकतीगेरा, समय अदकि कालगोळ बारा दा नीमी येनु लखिसोद जरवत ह्यैलेच. 2 यतकी नीव खुद अच जान्सतीर का ह्यांग ईळ्ळक इक काळ्ळुल वरतान, हांग अच प्रभु उन दनि बरोद आद. 3 याग लॉकुर अनतेला ईततार, “कुशल आद, अदकि येनु अंजक ह्यैलेच,” रा आंदुर मा अचानक वनिश बंदीत, याता प्रकार व्हाट्या दी आर्त इक दुख; अदकि आंदुर यातोदु रीत देल ऊळ्ळुतीदील. 4 लेकीन हे वार्टुरा अदकि आकतीगेरा, नीव रा अंधकार दा ह्यैलेच का अद दनि नीम मा काळ्ळुल उन घाई बंदकु बळ्ळुल. 5 यतकी नीव सब ज्योत अदकि हागुल इन चकोर हुईर; नाव ना ईळ्ळक इन आयेव, ना अंधकार इन आयेव. 6 इदुरसाटी नाव दुसरा अन घाई मगिकु ईरतीदील, लेकीन जागस्तेला अदकि सावधान ईततेव. 7 यतकी जो मींगतार आंदुर

ईळ्लकी इच मींगतार, अदकि जो मतवाला ईरतार आंदुर ईळ्लकी इच मतवाला ईरतार. 8 लेकीन नाव जो हागुल इनोर हुयेव, वशिवास अदकि प्यार इन कवच हाक्कु अदकि उदधार इन आशा अन टोप हाक्कु सावधान ईत्तेव. 9 यतकी परमेश्वर नामी सट्टि इन साटी ईला, लेकीन इदुरसाटी ठहूस्यान कानाव तान प्रभु यीशु मसीह अन दवारा उदधार प्रापत माळेव. 10 यीशु नाम साटी ईद कारण सोत्तुन कानाव जतिता ईरूल या सोतकु ईरूल, याग आव बंदान आग सप्पा मीलुसकु आऊंदा सांगुळ जीऊसेव. 11 ईद कारण आवुर दाबुरी दलासा कोळी अदकि आवुर दाबुर इन मदत इन कारण वन्सी, ह्यांग कानाव माळतीर भी.

आखरी शकिषा

12 हे वारटुरा अदकि आकतींगेरा, नाव नीम से वनिती माळतेव कानाव नीम दा मेहनत माळतार, अदकि नीम मसीह जीवन दा नीमोर अगुवे आर, अदकि नीमी शकिषा कोळतार, आंदुरद सममान माळी. 13 अदकि आंदुर कयाल्सा अन कारण प्यार इन सांगुळ आंदरी हापाळ अच आदर इन योग्य समसी. आपस दा मेल मलाप देल ईरी. 14 हे वारटुरा अदकि आकतींगेरा, नाव नीमी समझुसतेव कानाव ठीक चाल नळालूर आंदरी समझुसी, कायरगोळी हम्मिमत कोळी, नरिबलगोळी सभाळसी, सप्पा दी सहनशीलता तोरसी. 15 सावधान. याऊ यारदु से बुराई इन बदला बुराई माळबाळुल; लेकीन हमेशा वळलीद माळदुर मा तत्पर ईरी, आपस दा अदकि सप्पा मुंदुर से भी भलाई माळी. 16 हमेशा खुश ईरी. 17 हमेशा प्रार्थना दा हतकु ईरी. 18 हर मात दा धन्यवाद माळी; यतकी नीम मसीह यीशु दा परमेश्वर उन ईदा इच्छा आद. 19 आत्मा अक नुनाक बाळी. 20 परमेश्वर उन दी टु बरावाळा बातणी इन धक्कार माळबाळी. 21 सप्पा मातगोळी परखुसी; जो वळलेव आव अवरी हुळकु ईटी. 22 सप्पा प्रकार इन बुराई देल उळ्दकु ईरी.

23 शांती नव परमेश्वर खुद अच नीमी पुरा रीत दिल पवतिर माळुल; अदकि नीमद आत्मा अदकि जीव अदकि शरीर नाम प्रभु यीशु मसीह अन बरोद ताका पुरा-पुरा अदकि नरिदोष सुरक्षति ईरूल.

24 नीमव कारावाळा वशिवासलायक आन, अदकि आव हगि अच माळ्यान.

25 हे वारटुरा अदकि आकतींगेरा, नाम साटी प्रार्थना माळी.

26 सप्पा वशिवासी वारटुरी परमेश्वर उन पवतिर प्यार दा नमस्कार.

27 ना नीमी प्रभु उन अधिकार देल नीमी वनिती माळतीन कानाव ईद चट्टी सप्पा वशिवासी वारटुरी वाचसकु केळसकु आगुल.

28 नाम प्रभु यीशु मसीह अनंद अनुग्रह नीम मा आगतेला ईरूल.

थसिसलुनीकियों के नाम पौलुस प्रेरति की दूसरी पत्री थसिसलुनीकगोळ हेसुर पौलुस प्रेरति उन दुसरा चट्टी परचिय

ईद थसिसलुनीकगोळद लखिसद पौलुस उन दुसरा चट्टी १:१ पयला चट्टी लखिसदुर बाददा ईद चट्टी लगभग मसीह अन्द जनम इन ५१ साल इन बाददा लखिसदुन. याग आव ईद चट्टी लखिसदुन आग आव कुरनिथि नगर दा ईरोन ईद चट्टी जो थसिसलुनीकगोळद मंडली इक लखिसकु आगीत, ईद पौलुस तान दुसरा मशिनरी यात्रा अन न्याइया दा स्थापति माळदुन प्रेरतिगोळ १७:१-१० ईद मंडली यहूदी अदकि गैरयहूदीगोळद बनसकु ईरोद.

ई मंडली इन लॉकुर आखरी समय इन बारा दा अदकि प्रभु अन दुसरा आगमन ईद बारा दा इन बारा दा जानसोर साटी हापाळ उत्सुक ईरोर, इदुरसाटी पौलुस तांद येदहु चट्टी दा ई मातगोळद जकिर माळतोगोन. ईद दुसरा थसिसलुनीकगोळद चट्टी हुन आर्धा से यक्कुल हसिसा आखरी समय इन बारा दा आद जो आलसी आर आंदुर बारा दा भी जकिर माळतान. अदकि ईद अनतान का हिर ऊंद मळसा तान जीवन नरिवाह माळोर साटी क्याल्सा माळुल ३:६-१०

रूप-रेखा

१. पौलुस खुद इन अदकि तान संगीगोळद परचिय कोळतान १:१-२
२. पौलुस परमेश्वर उन थसिसलुनीकगोळद मंडली इक धन्यवाद माळतान, अदकि आंदुर साटी प्रार्थना माळतान १:३-१२
३. आखरी समय इन बारा दा चर्चा २
४. आलस इन वरिध दा अदकि मयनत इन जरवत इन बारा दा पौलुस उन शकषा ३:१-१५
५. पौलुस उन मंडली इक दुबारा नमस्कार ३:१६-१८

1 ^०पौलुस अदकि सलिवानुस अदकि तीमुथयुस इन सांगुळ नाम आप्प परमेश्वर अदकि प्रभु यीशु मसीह अन लॉकुरी चट्टी लखिसतीन, थसिसलुनीकगोळ मंडली दा आद: 2 नाम आप्प परमेश्वर अदकि प्रभु यीशु मसीह अन दी टु नीमी अनुगुरह अदकि शांती सकितेला ईरूल.

न्याय इन दनि

3 हे वारटुरा अदकि आकतींगेरा, नीम बारा दा नामी हर समय परमेश्वर उन धन्यवाद माळ पायजे, अदकि ईद उचित भी आद, इदुरसाटी का नीम वशिवास हापाळ वाळुसीग्याद, अदकि नीम सप्पा मुंदुरद प्यार आपस दा हापाळ अच वाळुसतेला होगेत्याद. 4 ईल ताका का नाव खुद परमेश्वर उन मंडली दा नीम बारा दा धमण्ड माळतेव का यास उपद्रव अदकि क्लेश नीव सहन माळतीर, आ सब दा नीम धीरज अदकि वशिवास प्रगट आगतद.

5 ईद परमेश्वर उन खरा न्याय इन सपष्ट प्रमाण हुन का नीव परमेश्वर उन राज्य अन योग्य ठहूसी, यदुर साटी नीव दुख भी नेगतीर. 6 यतकी परमेश्वर उन हात्ती ईद न्याय आद का जो नीमी क्लेश कोळतार, आंदरी बदला दा क्लेश कोळल 7 अदकि नीमी, जो क्लेश पाऊसतीर, नाम सांगुळ चैन कोळल; आ समय याग का प्रभु यीशु तान सामरथी स्वर्गदूतगोळ सांगुळ, धधकुसतेला बेक्की दा स्वर्ग टु प्रगट आदान, 8 अदकि जो परमेश्वर उक अरालुर अदकि नाम प्रभु यीशु उन खुशखबरी इक मानसालुर आंदुर से बदला ताकोडान. 9 आंदुर प्रभु उन मुंदु टु अदकि आऊन ताकत इन तेज देल दुर आगकु अनन्त वनिश इन दण्ड ताकोडार. 10 ईद आ दशी आदीत, याग आव तान पवतिर लॉकुर दा महमिा ताकोमोर अदकि सब वशिवास माळावाळेर दा आशुचर्य अन कारण आगोर साटी बंदान; ईदुर दा नीव भी सहभागी आईर यतकी नीव नाम गवाही मा

वशिवास माळदीर. ¹¹ इदुरसाटी नाव हमेशा नीम साटी प्रार्थना भी माळतेव क्नि नाम परमेश्वर नीमी आ जीवन इन योग्य समसुल, अदकि भलाई इन हर ऊंद इच्छा अदकि वशिवास इन हर ऊंद क्यालसा अक सामर्थ्य सहति पुरा माळुल, ¹² ताकी नाम परमेश्वर अदकि प्रभु यीशु मसीह इन अनुग्रह अन अनुसार नाम प्रभु यीशु उन हेसुर इक महिमा सकिल, अदकि नीमी भी.

2

दुष्ट मंळसा

¹ हे वार्दुरा अदकि आकतीगेरा, ईग नाव तान प्रभु यीशु मसीह अन बरोद, अदकि आऊन हात्ती तान जमा आगोद बारा दा नीम से वनिती माळतेव. ² क्नि परमेश्वर उन दी टु बरावाळा बातणी, या वचन, या चट्टी इन द्वारा, जो क्नि नाम चट्टी इन द्वारा नीमी ईतीदाद, ईद समसुकु क्नि प्रभु उन दनि होट बंदाद, नीम मन अचानक असंची आगवाळुल अदकि नीव दुखी आगवाळी. ³ यातारा रीत दिेल यारदारा ध्वाका दा बरवाळेतीर, यतकी प्रभु उन दनि आगासताका बरतीदील यागासताका परमेश्वर उन खलिाप आखरी वदिरोह सूरू आगतीदील, अदकि आव पाप इन मंळसा मतलव दुष्ट मंळसा प्रगट आगतीदील जो नरक दा नष्ट माळुकु आदान. ⁴ आव दुष्ट मंळसा वरिध माळतान, अदकि हर ऊंद से जो ईश्वर उन या पुजा अन वस्तुगोळद वरिध माळतान, तान तान इक अदुर से धोळद ठहरूसतान, ईल ताका क्नि आव परमेश्वर उन मंदिर दा कुर्तकु तान तान इक ईश्वर कहलूसतान. ⁵ येन नीमी याद हैलेच क्नि याग ना नीम सांगुळ ईरीन, रा नीम से ईव मातगोळ अनतोगिन? ⁶ नीव आ मात इक जानसतीर, जो आऊक ईग प्रगट आगली रोकसेत्याद. अदकि आव दुष्ट मंळसा सही समय मा बंदान. ⁷ यतकी होचद दुष्ट शक्तगिोळ ईग भी क्यालसा माळत होगताव, लेकीन ईगलया ऊंद रोकसावाळा आन, अदकि यागासताका अद दुर आगेगाल आव रोकसकु ईतान. ⁸ आग आव दुष्ट मंळसा प्रगट आदान, लेकीन याग प्रभु यीशु मसीह बंदान अदकि आ दुष्ट मंळसा अक तान बाय इन फुक देल कौद बुटान, अदकि तान आगमन इन तेज देल भसम माळयान. ⁹ आ दुष्ट मंळसा अन बरोद जैतान उन सामर्थ्य देल आदीत सब प्रकार इन ख्वाटा सामर्थ्य, अदकि चमत्कार, अदकि अदभुत क्यालसागोळ सांगुळ आदीत, ¹⁰ अदकि नाश आगावाळेरे साटी सप्पा प्रकार इन दुष्टता देल फसुस्यान. यतकी आ लॉकुरद नाश आदीत यार आ सत्य से प्यार ईटीदलि. ¹¹ ईदा कारण परमेश्वर आंदुरदा ऊंद जो भटकुसतद आ सामर्थ्य अक कळयान क्नि आंदुर ख्वाटा अन वशिवास माळुल, ¹² ताकी यास लॉकुर सत्य अन वशिवास माळालुर, उलटा अन्याय देल प्रसन्न आगतार, आंदरी सप्पा मुंदुरी दण्ड सकिल.

मजबूत बनसकु ईरी

¹³ हे वार्दुरा अदकि आकतीगेरा, अदकि प्रभु उन प्रयि लॉकुरा, आगली होना क्नि नाव नीम बारा दा हमेशा परमेश्वर उन धन्यवाद माळतेला ईततेव, यतकी परमेश्वर पयले टु नीमी नीवळुस्यान क्नि पवतिर आत्मा अन सामर्थ्य अनद द्वारा पवतिर आगकु, अदकि सत्य अन वशिवास माळुकु उदधार ताकोमी, ¹⁴ यदुर साटी नाव जो खुशखबरी नीमी केळसदेव, क्नि नीव नाम प्रभु यीशु मसीह अन महिमा दा सहभागी आगी. ¹⁵ इदुरसाटी हे वार्दुरा अदकि आकतीगेरा, संची ईरी; अदकि जो जो मातगोळ नीव उपदेश या चट्टी इन द्वारा नीमी कोटेव, अवरी हुळुकु ईटी.

¹⁶ नाम प्रभु यीशु मसीह खुद अच, अदकि नाम आप्प परमेश्वर, याव नाम से प्यार ईटदुन अदकि अनुग्रह देल प्रोत्साहन शांती अदकि वळलीद आशा नामी कोटान, ¹⁷ नीम मनगोळ दा प्रोत्साहन कोळुल अदकि नीमी हर ऊंद वळलीद क्यालसा अदकि वचन दा मजबूत माळुल.

3

नाम साटी प्रार्थना

1 अनृत दा, हे वारटुरा अदक आकतीगेरा, नाम साटी प्रारथना माळतोगी क्क प्रभु उन वचन हगि राटनेरी फैलसुल अदक महमा आगुल, हयांग नीम दा आत, 2 अदक नाव तेळा अदक दुष्ट मळसागोळ देल उळ्वदकु ईरूल यतकी हर मळसा वचन मा वशिवास माळालुन.

3 प्रभु वशिवासयोग्य आन; आव नीमी मजबूती देल संची माळयान अदक आ शैतान उन से सुरक्षति ईट्यान. 4 नामी प्रभु नीम बारा दा भरोसा कोळतान क्क जो-जो आग्या नाव नीमी कोळतेव, अवरी नीव मानसतरि, अदक मानसतेला भी ईत्तीर. 5 परमेश्वर उन प्यार अदक मसीह दा हमिमत ईला वळोद अदक प्रभु नीम मन इन अगुवाई माळालु.

कार्य माळोद उत्तरदायत्व

6 हे वारटुरा अदक आकतीगेरा, नाव नीमी तान प्रभु यीशु मसीह अन हेसुर देल आग्या कोळतेव क्क नीव हर ऊंद ईत्ता वशिवासी से ब्यारर ईरी जो अनुचति चाल नळुतान अदक जो शक्का आव नाम से ताकोंडान अदुर अनुसार माळालुन. 7 यतकी नीव खुद अच जानसतीर क्क याता रीत देल नाम घाई चाल नळु पायजे, यतकी नाव नीम न्याड्या दा ईरेव आग आलसी ईला ईरेव, 8 अदक यारदु रोटी फुकट दा तंददिल; लेकीन मयनत अदक कष्ट देल ईळलक हागुल क्क्याल्सा धंदा माळतोगेव क्क नीम दा टु यारदु मा भार बरवाळुल. 9 हगि ईला क्क नामी नीम से मदत वेळोद अधकार हैलेच, लेकीन इदुरसाटी क्क तान तान इक नीम साटी आदरश ठहूरसदेव क्क नीव नाम घाई चाल नळी. 10 यतकी याग नाव नीम मान्या ईरेव, आग भी ईद आग्या नीमी कोळ तोगेव क्क "अगर यावारा क्क्याल्सा ईला माळोद चाहसतदिान रा ऊम भी बाळुल. 11 नाव केळतेव क्क थ्वाळासा लॉकर नीम न्याड्या दा आलसी आर अदक येनु क्क्याल्सा धंदा माळालुर, लेकीन दुसरा अन क्क्याल्सा दा कय हाकतोगतार. 12 ईत्ता मळसागोळी नाव प्रभु यीशु मसीह दा आग्या कोळतेव अदक समझुसतेव क्क वळ्लीद रीत देल क्क्याल्सा माळकु तांद अच रोटी तनिल.

13 "नीव, हे वारटुरा अदक आकतीगेरा, भलाई माळदुर दा हमिमत वळिबाळी. 14 अगर यावारा नाम ई चट्टी इन मात इक मान्सालुन रा आऊन मा नजर ईटी, अदक आऊन संगत माळबाळी, यदुर देल आव लज्जति आगुल. 15 तरी भी आऊक दुश्मन सम्सबाळी, लेकीन सप्पा मुदुरी वशिवासी जान्सकु समझुसी."

आखरी शब्द

16 ईग प्रभु जो शांती नव सोता हुन खुद अच नीमी हमेशा अदक हर प्रकार देल शांती कोळुल. प्रभु नीम सप्पा मुदुर सांगुळ हमेशा ईरूल.

17 ना, पौलुस, तान कय देल नमस्कार लखिसतीन. हर चट्टी इक ना हगि खतम माळतीन; ना ईदा प्रकार देल लखिसतीन अदक हर ऊंद चट्टी दा ना हगिा हस्ताक्षर माळतीन. 18 नाम प्रभु यीशु मसीह अन्द अनुग्रह नीम सब मा आगतेला ईरूल.

तीमुथयुस के नाम पौलुस प्रेरति की पहली पत्री तीमुथयुस उन हेसुर पौलुस प्रेरति उन पयला चट्टी परचिय

पयला तीमुथयुस उन कतिाव प्रेरति पौलुस तान चेला तीमुथयुस उक लखिसद ऊंद चट्टी हुन. तीमुथयुस उन कतिाव शायद मसीह अन जनम इन वाद्दा ६२ से ६४ साल इन वाद्दा लखिसकु आगीत. ईद पौलुस उन जीवन इन अन्त इन हात्ती आत. पौलुस उन तीमुथयुस उन सांगुळ ऊंद करीवी रशिता ईरोद अदकि आव आऊक हापाळ घन पार उन रूप दा संदर्भति माळदुन फलिपिपिगोळ २:२२१ तीमुथयुस १:२; १:१८

ईद पौलुस उन नाक चट्टी गोळ दा टु ऊंद चट्टी हुन यदरी मंडली इन बजाय यातारा मंडसा अक संबोधति माळकु आगतद. दुसरा मुर चट्टी दुसरा तीमुथयुस, तीतुस, अदकि फलिपिपी. पयला तीमुथयुस दा मंडली इन आराधना २:१-१५ मंडली नोर अधिकारीगोळ साटी लायकत ३:१-१३ अदकि ख्वाटा गुरुगोळ खलिाप चेतावनीगोळ १:३-११; ४:१-५; ६:२-५ ईद तोरसतद कि पौलुस तीमुथयुस उक मंडली इन न्याड्या उपदेशक वनसोद प्रशक्षिण कोळोन. पयला तीमुथयुस दा हापाळ सदिधांतगोळ आव जो नाम मंडली इन मंत्रालय इन प्रबंधन माळोर दा सहायता माळ सकतेव.

रूप-रेखा

१. पौलुस तीमुथयुस उन अभिवादन से सुरूवात माळतान. १:१-२
२. आग आव तीमुथयुस उक ख्वाटा गुरुगोळ खलिाप चेतावनी कोळतान. १:३-११
३. पौलुस यीशु मसीह अन साटी याट आभारी आन, ईद हेळतान. १:१२-१९
४. ईदुर वाद्दा आव तीमुथयुस उक आराधना अदकि मंडली इन अगुवा अन बारा दा नरिदेश कोळतान. २-३
५. पौलुस तीमुथयुस उक थ्वाळासा आखरी नरिदेश कोटकु तान चट्टी पुरा माळतान. ४-६

1 नामव उद्धारकर्ता परमेश्वर अदकि नाम्द आशा अन आधार मसीह यीशु उन आग्या देल मसीह यीशु उन प्रेरति पौलुस उन दी टु,

2 तीमुथयुस उन हेसुर जो वशिवास दा नानव खरा पार आन.

आपू परमेश्वर, अदकि नामव प्रभु यीशु मसीह अन दी टु नीनी अनुग्रह, अदकि दया अदकि शांती सकितेला ईरूल.

ख्वाटा गुरुगोळ वरिद्ध चेतावनी

3 ह्यांग ना मकदिनया अक होगतेला नीनी समझूसीदीन, कि इफसिस दा ईतकु थ्वाळासा लॉकुरी आग्या कोळुल कि ख्वाटा सदिधांतगोळ शक्षिा कोळबाळुल, 4 आंदरी अन पुरातन कालपनकि कात्तागोळ अदकि अनन्त वंशावलीगोळ मा मन हचवाळी, यदुर देल वविाद आगताव, इव परमेश्वर उन कार्य ईला, जो वशिवास इन द्वारा आव आन. 5 आग्या अन उद्देश ईद आद कि शुद्ध मन अदकि वळलीद वविक, प्यार अदकि कपट रहति वशिवास इन द्वारा बरतद. 6 इवरी वटिकु थ्वाळासा लॉकुर बेकार मातगोळ दी भटकुसेग्यार. 7 अदकि आंदुर व्यवस्था अन गुरु रा आगोद चाहसतार, लेकीन जो मातगोळ अनतार अदकि यवरी मजबूती देल माताळतार, आंदरी सम्सालेव भी.

8 लेकीन नाव जान्सतेव कि अगर यावारा व्यवस्था अक उचति रीत देल क्याल्सा दा तंदान रा अद भला आद. 9 नाव ईद भी जान्सतेव कि व्यवस्था लॉकुर साटी ईला लेकीन व्यवस्था अक ईला

मानसावाळेर, वदिरोह, परमेश्वर उन अनादर माळावाळेर, पापीगोळ, अपवतिर अदकि न्यायी मंळसागोळ, मोय आप्प उन घात माळावाळेर, हत्या माळावाळेर, ¹⁰ व्यभचिरीगोळ, गंळस गामगिोळ, गुलाम उक मारावाळेर, खवाटा माताळावाळेर, अदकि खवाटा गवाही तीनावाळेर, अदकि इंदुरद अतरिकित खरा सदिधांतगोळ शकिषा अन वरिधीगोळ साटी ठहरूसकु आग्याद. ¹¹ ईद खुशखबरी महमिामय परमेश्वर यार हात्ती सप्पा आशीषगोळ आव अदकि आऊन द्वारा नानी सौप्सकु आग्याद.

पौलुस मा प्रभु उन अनुग्रह

¹² ना तान प्रभु यीशु मसीह अन्द याव नानी सामर्थ्य कोटान, धन्यवाद माळतीन क्क आव नानी वशिवासलायक सम्सकु तान स्यावा अन्द साटी ठहरूसदुन. ¹³ *ना रा पयले अपमान माळावाळा, अदकि सतुसावाळा, अदकि हसिा माळावाळा ईरीन; तरी भी नान मा दया आत, यतकी ना अवशिवास इन दशा दा बनिा सोच समझुसकु ई क्यालसागोळ माळीदीन. ¹⁴ अदकि नाम प्रभु उन अनुग्रह आ वशिवास अदकि प्यार इन सांगुळ जो मसीह यीशु दा आद, हापाळ इदुर देल आत. ¹⁵ ईद मात खरा अदकि हर प्रकार देल मानसोद लायक आद क्क मसीह यीशु पापीगोळ उद्धार माळेर साटी दुनया दा बंदुन, यारदा सब से बेकार पापी ना आईन. ¹⁶ लेकीन नान मा इदुरसाटी दया आत क्क ना सब से बेकार पापी नान दा यीशु मसीह तान पुरा सहनशीलता तोरसुल, क्क जो लॉकर आऊन मा अनन्त जीवन साटी वशिवास माळ्यार आंदुर साटी ना ऊंद आदर्श बनसाईन. ¹⁷ ईग अनन्त राजा मतलब अवनिाशी, अदृश्य, ऊंद मात्र परमेश्वर उन आदर अदकि महमिा हमेशा हमेशा आगतेला ईरूल. आमीन.

¹⁸ हे नान पारा तीमूथयुस, आ भवषियवाणीगोळ अनुसार जो पयले नीन बारा दा माळकु आगीदव, ना ईद आग्या कोळतीन क्क नीन आऊरद अनुसार वळलीद लळाई माळतेला ईर, ¹⁹ अदकि वशिवास अदकि आ वळलीद वविक इक हुडुकु ईट, यदुरद इनकार माळदुर कारण यास मुंदुरद वशिवास रूपी जहाज मुळकेत. ²⁰ आंदुर दा टु उच हुमनियुस अदकि सकिन्दर हुन, यारी ना शैतान उक कोट्ट बुटीन क्क आंदुर परमेश्वर उन अपमान माळोद कलु वाळुल.

2

आराधना अन नरिदेश

¹ ईग ना सब से पयले ईद आग्रह माळतीन क्क विनिती, प्रार्थना, नविदन, अदकि धन्यवाद सप्पा मंळसागोळ साटी माळकु आगुल. ² राजागोळ अदकि सप्पा धोळ अधिकारीगोळद नमित्तित इदुरसाटी क्क नाव शांती अदकि चैन इन सांगुळ परमेश्वर उक आदर कोळतेला अदकि पवतिरता देल जीवन बीतुसेव ³ ईद नाम उद्धारकर्ता परमेश्वर उक वळलीसा हततद अदकि प्रसन्न भी माळतद, ⁴ जो ईद चाहासतान क्क सप्पा मंळसागोळ ऊळसकु आगुल, अदकि आंदुर सच्चाई इन ग्यान इक जानुस कोमुल. ⁵ यतकी परमेश्वर ऊंद अच आन, अदकि परमेश्वर अदकि मंळसागोळ न्याइया दा भी ऊंद अच मध्यस्थ भी आन, मतलब मसीह यीशु जो मंळसा हुन. ⁶ यीशु नाम सप्पा मुंदरी छटकारा कोळेर साटी तान बलदिान कोटकु आजादी कौंडुन, अदकि आऊन गवाही सही समय मा कोटकु आत. ⁷ *ना सही अनतीन, खवाटा माताळालीन, क्क ना ईदा उददेश देल प्रचारक अदकि प्रेरति अदकि गैरयहूदीगोळ साटी खरा वशिवास इन उपदेशक ठहरूसकु आदीन.

⁸ इदुरसाटी मंडली दा आराधना हाळाहोती ना चाहसतीन क्क हर जागा मंळसा, बनिा सट्टि अदकि वविाद इन पवतिर कयगोळी नेगुकु प्रार्थना माळतोगुल. ⁹ *हाग अच आरतेर भी नम्रता अदकि खुद: नयितरण इन सांगुळ साधासुधा कपळागोळ देल तान तान इक सवारसुल; ना क्क चुट्टी सवारसकु अदकि ना व्हान्ना अदकि मोती अदकि कमिती कपळा देल, ¹⁰ लेकीन भला क्याल्सा देल,

यतकी परमेश्वर उन भक्तमाळावळतेर आर्तेरी भी ईदा वळलीद आद. 11 आर्त इक शांतता देल अदकि पुरा हात्ती ता देल कलु पायजे. 12 ना आर्तेरी ईजाजत कोळालीन की आर्त ना शकिषा कोळल अदकि ना मंडसा मा अधिकार जतुसुल, लेकीन सुंगा मुंगा ईरूल. 13 यतकी आदम पयले, आऊन बाददा हवा माळकु आदुर; 14 अदकि आदम ईला जो बहकुसकु आगीदुन, लेकीन आ आर्त हळ जो बहकुसकु आगदुर अदकि पापी ठहूसदुर. 15* तरी भी आर्त इक चकिोर पैदा माळोर द्वारा उद्धार सकिकीत, अगर आक संयम सांगुळ वशिवास, प्यार, अदकि पवतिरता दा संची ईरूल.

3

मंडली नोर अभ्यक्ष

1 ईद मात सही आद अगर यावारा तान मन दा सोचतान की स्याण्णा आगोद चाहासतान, आव भला क्यालसा अन इच्छा माळतान. 2* ईद जरूरी आद की स्याण्णा नरिदोष, अदकि ऊंदा हगिस उन गळस, शालीन, आत्मसंयमी, आदरणीय, अतथी-सत्कार माळावाळा, अदकि कलसोर दा नपिणु ईरूल. 3 कुडावाळा या वडावडी माळावाळा ईला ईरूल; बलकी मुलायम ईरूल, अदकि ना झगळेल्, अदकि ना धन इन लालची ईरूल. 4 तान मान्ना अन वळलीद व्यवस्था माळुल, अदकि तान चकिोर चळिगेर अनुशासन दा ईटकु आंदुर से आदर ताकोमावाळा ईरूल. 5 अगर यावारा तान मान्ना अनूद अच व्यवस्था माळोद ईला जान्सीतान, रा परमेश्वर उन मंडली इन रखवाली हयांग माळयान? 6 वाक ईद की आव वशिवास दा परीपक्व ईरूल, ईदारा हगि आगबाळुल की अभिमान माळकु शैतान उन घाई दण्ड पाऊसुल. 7 अदकि मंडली इन व्हाऱ्या दा भी आऊन हेसुर आगुल, हगि आगबाळुल की अपमानीत आगकु शैतान उन फासा दा फसुसेगुल.

मंडली नोर सेवक

8 हांग अच मंडली अनूद सेवकगोळी भी गंभीर आग पायजे, येदूद रंगवाळेर, कुडावाळेर अदकि नीच कमाई इन लोभ माळावाळेर ईला ईरूल; 9 लेकीन वशिवास इन भेद इन शुद्ध वविक इक गहराई देल हुडकु ईदुल. 10 अदकि आंदुर पयले परख आगुल, आग अगर नरिदोष होट्टुर रा वाक मंडली इन सेवक उन क्यालसा माळुल. 11 ईदा प्रकार देल आंदुर हगिसुर भी आदर ताकोमा लायक आर्तेर ईरूल; अदकि अपमान इन मातगोळी माळावळतेर ईला ईरूल, लेकीन शालीन अदकि सपपा मातगोळ दा वशिवास इन लायक ईरूल. 12 मंडली इन सेवक ऊंदा हगिस उन गळस ईरूल अदकि चकिोर चणिग अदकि तान मान्ना अनूद वळलीद व्यवस्था माळोद जानसुल. 13 यतकी जो मंडली इन सेवक वळलीद क्यालसा माळतार, आंदुर तान साटी वळलीद पद अदकि मसीह यीशु दा जो आंदुरद वशिवास आद, अदुरदा महान साहस हासलि माळतार.

महान राज

14 ना नीन हात्ती राटनेरी बरोद आशा ईटदुर मा भी ई चट्टी नीनी इदुरसाटी लखिसतीन, 15 की अगर नान बंदुर दा समय आगुल, रा नी जान्स कोम की परमेश्वर उन घराना दा जो जित्ता परमेश्वर उन मंडली आद अदकि जो सच्चई इन खंवा अदकि पायवा आद, लॉकुर आपस दा हयांग वर्ताव माळ पायजे. 16 ईदुर दा संदेह हेलैच की भक्ती इन भेद गंभीर आद, मतलब अद जो मय दा प्रगट आत,

आत्मा दा न्यायी ठहूसूत,
स्वर्गदूतगोळ इक काळसदुन,
गैरयहूदीगोळ दा आऊन प्रचार आत,
दुनिया दा आऊन मा वशिवास माळकु आत,
अदकि महमा दा म्याकुच नेगुकु आदुन.

* 2:15 २:१५ चकिरी पैदा माळकु उद्धार ताकोडार: या चकिरी हाळाहोती सुरक्षित ईटकु आदार. ✱ 3:2 ३:२ तीतुस १:६-९

* 3:2 ३:२ सरिफ ऊंदा हगिस ईरूल; या ऊंदा धन मदा आगुल.

4

तीमूथयिस उक नर्देश

1 पवत्रि आत्मा सपष्टता देल अनतद क बरावाळा समयगोळ दा हापाळ सप्पा लाँकुर तान वशिवास इक त्याग्स बुट्टार अदकि भटकसावाळा आत्मागोळ अदकि शैतान उन द्वारा कलसद मातगोळ हींद आगेदार. 2 ईद आ खवाटा पाखंडी मंळसागोळद कारण आदीन, यार्द वविक मान्सी होततेला लोवा देल दागसकु आग्याद, 3 जो मदा माळोर से रोकस्यार, अदकि ऊमोद येनारा वस्तुगोळ देल अलग ईरोद आग्या कोट्टार, यवरी परमेश्वर इदुरसाटी घळुस्यान क वशिवासी अदकि सच्चाई इक अरावाळेर अवरी धन्यवाद इन सांगुळ तनिल. 4 यतकी परमेश्वर उन माळद हर ऊंद वस्तु वळलीद आद, अदकि यातोदु वस्तु अस्वीकार माळोद लायक हैलेच; लेकीन ईद क धन्यवाद इन सांगुळ तनिकु आगुल, 5 यतकी परमेश्वर उन वचन अदकि प्रार्थना अन द्वारा शुद्ध आगेगतद.

यीशु मसीह ऊंद वळलेव सेवक

6 अगर नी वारटुर इक ई मातगोळद याद कोळतेला ईत्या, अदकि वशिवास इन सच्चाई अदकि आ वळलीद शकिषा अन मातगोळ से, जो नी मानसतेला बंद्या; रा मसीह यीशु उन वळलेव सेवक ठहूस्या. 7 परमेश्वर रहति कात्ता-कात्तागोळ देल जो सर्फ हाळामुंडगोळ द्वारा केळसकु अशुद्ध कात्तागोळ आव येनु संबंघ ईटवाळ, लेकीन भक्ती इन साधना माळ. 8 यतकी मय इन साधना देल फायदा गोरत आगतद, लेकीन भक्ती सप्पा मातगोळ साटी लाभदायक आद, यतकी ई समय इन जीवन अदकि बरावाळा जीवन इन भी वादा इदुरदा साटी आद. 9 हगि ऊंद वशिवास ईटा लायक कहावत आद, जो पुरा रीत देल स्वीकार माळा लायक आद. 10 यतकी नाव मयनत अदकि कोशशि इदुरसाटी माळतेव क नाम आशा आ जतिता परमेश्वर मा आद, जो सप्पा मंळसागोळद अदकि खास माळकु वशिवासीगोळव उद्धारकर्ता आन.

11 इव मातगोळद आग्या कोळ अदकि कलसतेला ईर. 12 याऊ नीन जवानी इक तुच्छ सम्सबाळुल; लेकीन वचन, माताळदुर दा, चाल-चलन, अदकि प्यार, अदकि वशिवास, अदकि पवत्रिस्ता दा वशिवासीगोळ साटी आदर्श बनसेग. 13 यागासताका ना बरालीन, आगासताका लाँकुर न्याड्या प्रभु उन वचन वाचुसदुर दा अदकि उपदेश कोळदुर दा अदकि कलसदुर दा तान इक मग्न ईट. 14 आ वरदान इन प्रती जो नीन दा आद, अदकि भवषियवाणी इन द्वारा स्याणागोळद कय दा ईटा होती नीनी सीकीत, अदरी अनदेखा माळबाळ. 15 ई मातगोळद वचिर माळत ईर अदकि ईऊर दा तान ध्यान हचकु ईट, ताकी नीन उननती सप्पा मुंदुर मा प्रगट आगुल. 16 तान जीवन इन दी अदकि तान शकिषागोळ सावधानी ईट. ई मातगोळ मा संची ईर, यतकी अगर हगि माळतेला ईत्या रा नी तान अदकि तान केळावाळेर साटी भी उद्धार इन कारण आदया.

5

वशिवासीगोळ प्रती जमिमेदारीगोळ

1 यातारा वाट्ट उक कठोरता देल दनकुस वाळेत, लेकीन आऊक आप्प सम्सकु समझुसबुळ, अदकि हारोदोर मंळसागोळी वारट सम्सकु; 2 हाळामुंड आर्तेर इक मोय सम्सकु; अदकि हारोदोर आर्तेर इक आकतीग सम्सकु पुरा पवत्रिस्ता देल समझुसबुळ.

3 आ रांड्यागोळद ध्यान ईट, जो सही दा जरवतमंद आर. 4 अगर यातारा रांड्या अन चकिोर या नातु-नतरागोळ ईतीदार, रा आंदुर तान मोय-आप्प अदकि आज-आजी इन पालन पोषण इन बदला चुकुसली अदकि तान परिवार इन चनिता माळोर द्वारा तान न्यायी मातगोळी जीवन कार्य दा तरोद पयले कलु पायजे, यतकी ईद परमेश्वर उक पंसद आद. 5 जो रांड्या सही दा जरवतमंद आर, अदकि आकनि यारु हैलेच, अदकि आक तान पुरा आशा परमेश्वर मा ईट्यार, अदकि ईळलक हागुल वनिती अदकि प्रार्थना माळतेला परमेश्वर से मदत बेळतार; 6 लेकीन जो रांड्या भोग

वलास दा जीऊसतार, आक जत्तिता हैलेच लेकीन जत्तिता दा का सोतोग्यार. 7 इव मातगोळद भी लॉकुरी नरिदेश कोळतोग ताकी आंदुर नरिदोष ईरूल. 8 लेकीन अगर यावारा तान रशितेदारगोळ दी, वशिष तान परवार इन सदस्यगोळद मदत माळालुन, रा आव वशिवास देल तरिगेग्यान अदकि अवशिवासी देल भी हापाळ बुरा बनसेग्यान.

9 आ रांड्यागोळद वशिष सुची दा जो आर्थकि सहायता ताकोमेत्यार आका रांड्या अन हेसुर लखिसकु आगुल जो साठ वर्ष से कमीनोर ईला ईतीदार, अदकि तान गंळस उन वशिवासलायक ईतीदार, 10 अदकि भला क्याल्सा दा सुनाम ईतीदार, याक चकिरद पालन-पोषण माळीदार; पाऊनागोळद स्यावा माळीदार, पवतिर लॉकुरद काल तोळददार, दुखीगोळद सहायता माळीदार, अदकि हर ऊंद भला क्याल्सा दा मन हचीदार.

11 लेकीन हारोदोर रांड्यागतिरद ईद सुची सम्मलीत माळबाळी यतकी मसीह अन प्रती आंदुरद समरपन मा याग आंदुरद बारा दा वासना पुरा इच्छुगोळ हावी आगताव रा आंदुर मात मदा माळीद चाहसतार, 12 अदकि दोषी ठहूसतार, यतकी आंदुर तान पयला वचन इक मुद्द बुट्टुर. 13 ईदुर अलावा आंदुर बेकार आगतार अदकि मानोन-माननी वयाळकु आलसी आगोद कलुतार, अदकि सरिफ आलसी ईला लेकीन ईतत आतत माळतार अदकि बनिा मतलब इन अनुचति मातगोळ माताळतार. 14 इदुरसाटी ना ईद चाहासतीन कि हारोदोर रांड्यागतिर मदा माळुल, अदकि चकिर हाळुल अदकि मानुन मकान संभाळसुल, अदकि यातारा वरिष इक बदानाम माळीद मवका कोळबाळुल. 15 यतकी हापाळ रा बयकुसकु शैतान उन हदि आगेग्यार. 16 अगर यातारा वशिवासीगीत इन मान्या रांड्यागोळ आर, रा आका आंदुरद सहायता माळुल कि मंडली मा बोझ ईला आगुल, ताकी आंदुर आंदुरद सहायता माळ सकुल जो रांड्यागोळ खराखुरा जरवतमंद आर.

17 जो हाळाबाट्टुर मंडली इन वळलीद स्यावा माळतार, खास माळकु आंदुर जो वचन केळसोर अदकि कलसदुर दा मयनत माळतार, आंदुर येदद गुणा आदर इन लायक सम्सकु आगुल. 18 यतकी शास्त्र अनतद, “जो वस्ता दावन इन आद अदुर बाय कट बाळेतीर,” यतकी “मजदूर तान मजदूरी इन हकदार आन.” 19 यातारा दोष यातारा मंडली इन हाळाबाट्टुर मा हचकु आगुल रा येदद या मुर गवाहगोळद बनिा अदरी केळबाळ. 20 पाप माळावाळेर इक सपपा मुंदुर मुंद दनकुस, ताकी दुसरा लॉकुर भी अंजुल.

21 परमेश्वर, अदकि मसीह यीशु अदकि नविळसुद स्वर्गदूतगोळ इक उपस्थति जानसकु ना नीनी चेतावनी कोळतीन कि ई नरिदेशगोळी बनिा मतभेद इन अदकि यावारा ऊंद इन पक्षपात ताकोमकु यातोदु क्याल्सा माळबाळ. 22 मंडली इन स्यावा अन्द नयिकुती इन साटी बनिा सोच सम्सकु यारदारा मा तान कय राटनेरी ईट बाळेत, अदकि दुसरा अन पापगोळ दा भागी आगबाळेत; तान-तान इक पवतिर माळकु ईटेत.

23 सरिफ नीर इक अच कुडावाळा ईरबाळ, लेकीन तान व्हाट्टा अन्द घळी-घळी बमिर आगोद कारण थ्वाळा-थ्वाळा अंगुर इन रास्सा भी क्याल्सा दा तरतोग.

24 थ्वाळासा मंळसागोळव पाप स्पष्ट रूप देल प्रगट आगेगताव, अदकि न्याय इन साटी प्रस्तुत माळकु आगेगताव, लेकीन दुसरा मंळसागोळव पाप बाददा प्रगट आगताव. 25 ईदा प्रकार भला क्याल्सा भी स्पष्ट रूप देल प्रगट आगेगताव; लेकीन जो भला क्याल्सा प्रगट आगालव अव भी होचकु ईर सकालव.

6

1 यास दासगोळ जुआळी इन ल्यालमा आर, आंदुर तान-तान स्वामी इक धोळद आदर इन लायक जानसुल, ताकी परमेश्वर उन हेसुर अदकि शक्ति अनन्द अपमान आगबाळुल.

ख्वाटा शक्ति अदकि धन इन लोभ

2 यार स्वामी वशिवासी आर आंदरी आंदुर कम आदर कोळबाळुल यतकी आंदुर वारदुर उर, बल्की आंदुरद मातत यक्कूल स्यावा माळी, यतकी यारी स्यावा अन लाभ सीकतद आंदुर वशिवासी अदकि आंदुर परयि आर. ई मातगोळ शक्षिा कोळी अदकि हांग अच माळोर साटी प्रोत्साहति माळतेला ईरी. 3 अगर यावारा दुसरा अच प्रकार इन शक्षिा कोळतान अदकि सही मातगोळी, मतलब नाम प्रभु यीशु मसीह अनूद नरिदेशगोळ इक अदकि आ शक्षिा इक मान्सालुन, जो देवी शक्षिा अन अनुसार आद, 4 रा आव अभिमानी आगोदुन, अदकि येनु जान्सालुन; बल्की आऊक वविाद अदकि शब्दगोळ मा तर्क हचोद वमिारी आद, यदुर देल ह्यावा, अदकि झगळा, अदकि अपमान नव मातगोळ, अदकि बेकार-बेकार संक्या, 5 अदकि आ मंळसागोळ दा फालतु लळाई-झगळा पैदा आगताव यार्द दमिाक भ्रष्ट आगोग्याद, अदकि आंदुर सच्चाई इन हादी देल अलग आगोग्यार, जो सम्सतार की भक्ती कमाई ईद जरया हुन.

6 लेकीन सन्तोष इन सांगुळ भक्तीमाळोद धोळ्द कमाई आद. 7 यतकी नाव रा ना दुनया दा येनारा हुडुकु बंदेव अदकि ना येनारा वय सकतेव. 8 अगर नाम हात्ती तनिली अदकि हाकली आद, रा ईऊरदा का सन्तोष ईर पायजे. 9 लेकीन जो धनी आगोद चाहासतार, आंदुर ईत्ता परीक्षा अदकि फासा अदकि हापाळ सा मूर्खतापुरण अदकि हानकारक लालसागोळ दा फसुसतार, जो मंळसागोळी बगिळुस बुळतद अदकि वनिाश इन खाई दा ढकलुस बुळतद. 10 यतकी पैस्या अनूद लोभ हर प्रकार इन बुराईगोळद जळ हुन, यदरी हासलि माळोद कोशशि माळतेला हापाळ मुंदुर वशिवास देल भटकुसकु तान-तान इक कई प्रकार इन दुखगोळ देल छल्ली माळ कोडार.

तीमूथयिस उन व्यक्तगित नरिदेश

11 लेकीन हे परमेश्वर उन वशिवासी जन, नी ई मातगोळ हात्ती टु ओळ, अदकि न्याय, भक्ती, वशिवास, प्यार, धीरज अदकि नम्रता अनूद हदि हत. 12 वशिवास इन वळ्लीद कुस्ती आळ; अदकि तान साटी आ अनन्त जीवन इक हासलि माळकोम, यदुर साटी नी कारूकु आग्या अदकि हापाळ सा गवाहगोळ मुंद वळ्लीद अंगीकार माळीद. 13 एना नीनी ईद आग्या परमेश्वर उन मुंद जो सप्पा मुंदुरी जीवन कोळतान, अदकि मसीह यीशु उक गवाह माळकु याव पुनूतयिस पल्लातुस उन मुंद वळ्लीद गवाही कोट्टुन. कोळतीन, 14 की नी नाम प्रभु यीशु मसीह अनूद प्रगट आगासताका ई आग्या अक नषिकलंक अदकि नरिदोष ईट, 15 परमेश्वर जो परमधन्य अदकि ऊंद मात्र शासक अदकि राजागोळ राजा अदकि प्रभुगोळ प्रभु हुन, आऊन द्वारा यारी आव ठीक समय मा प्रगट माळयान. 16 अदकि अमरता सरिफ आऊंदा हुन, अदकि आव ज्योर्ता दा ईरतान, येल ताका याऊ पोहचुस सकालुन, अदकि ना आऊक यावारा मंळसा नोळयान अदकि ना नोळ सकतान. आऊन प्रतषिठा अदकि सामर्थ्य हमेशा हमेशा ईत्तीत. आमीन.

17 ई दुनया अन धनवानगोळी आग्या कोळ की आंदुर अभिमानी आगवाळुल अदकि चंचल धन मा आशा ईट बाळुल, लेकीन परमेश्वर मा जो नाम सुख इन साटी सप्पा येनारा बहुतायत देल कोळतान. 18 आंदरी आग्या कोळ की आंदुर भलाई माळुल, अदकि भला क्याल्सागोळ दा धनी आगुल. अदकि उदारता देल सहायता कोळदुर दा तयार ईरूल, 19 अदकि मुंदळोद साटी ऊंद वळ्लीद पायवा हाक्कु ईटुल की खरा जीवन इक वश दा माळ कोमुल.

20 हे तीमूथयिस, ई धरोवर इन रखवाली माळ; अदकि यदरी येनारा लॉकुर गलती देल ग्यान अनतार, अदुरद बेकार मातगोळ अदकि वरिध इन मातगोळ देल अलग ईर. 21 यास मुंदुर ई ग्यान इक मान्सकु वशिवास देल भटकुसेग्यार.

नीम मा अनुग्रह आगूत ईरूल.

तीमथयुस के नाम पौलुस प्रेरति की दूसरी पत्नी तीमथयुस उन हेसुर पौलुस प्रेरति उन दुसरा चिट्ठी परचिय

दुसरा तीमथयुस उन कतिाब प्रेरति पौलुस उन दुसरा चेला तीमथयुस उन साटी दुसरा चिट्ठी हुन. दुसरा तीमथयुस पौलुस उन जीवन इन आखरी दा लखिसकु आगीत. ई समय रोम दा आऊक कैद माळकु आगीत १:१६ पौलुस तीमथयुस उन सांगुळ घनषिठ संबंध ईटदुन अदकि आऊक पार उन रूप दा संदर्भति माळदुन. फलिपिपिगोळ २:२२,१ तीमथयुस १:२; १:१८

ईद पौलुस उन नाक चिट्ठी दा टु ऊंद हुन याऊक मंडली इन बजाय यातारा मंळसा अक संबोधति माळकु आगतद. अन्य हगि मूर चिट्ठी गोळ आव हयांग कि पयला तीमथयुस, तीतुस अदकि फलिपिपी. आ समय इन दौरान यंदुद तीमथयुस लखिसकु आगीदव, रोमन साम्राज्य देल मसीहगोळी सतुसकु आगोद. शायद ईदा कारण ईरोद कि पौलुस जयल दा ईरोन अदकि तीमथयुस उक कठनिई ईद सामना माळोद नरिदेश कोळोन. पयला तीमथयुस दा, पौलुस तीमथयुस उक खवाटा गुरगोळ बारा दा हापाळ चेतावनीगोळ कोट्टुन १ तीमथयुस १:१६-१८ आव तीमथयुस उक भी हेळतान कि मुंद कठनि समय ईततव ३:१

रूप-रेखा

१. पौलुस तीमथयुस उक बधाई कोळतान अदकि वाक आऊक प्रोत्साहति माळतान १:१-१८
२. आग आव तीमथयुस उक मुंद वाळसोर साटी चुनौती कोळतान २:१-१३
३. ईदुर बाददा आव आंदरी थवाळासा साधारण नरिदेश कोळतान २:१४-२६
४. वाक आव भवषिय अन घटनागोळ अदकि जवाब कोळोद सही तरीका अन बारा दा चेतावनी कोळतान ३:१; ४:८
५. पौलुस तीमथयुस उन साटी येनारा व्यक्तगित टपिपणगिोळ सांगुळ चिट्ठी खतम माळतान ४:१-२२

1 पौलुस इन दी टु जो परमेश्वर उन इच्छा देल मसीह यीशु उन प्रेरति आन, अदकि यारी यीशु मसीह दा ऊंद आगोर साटी वादा अन प्रचार माळोर साटी कळयान,

2 प्रयि पार तीमथयुस उन हेसुर:

परमेश्वर आप्प अदकि नामव प्रभु मसीह यीशु उन दी टु नीनी अनुग्रह अदकि दया अदकि शांती सकितेला ईरूल.

धन्यवाद अदकि प्रोत्साहन

3 याता परमेश्वर उन स्यावा ना तान आप्प दादागोळ रीति मा शुद्ध वविक देल माळतीन, आऊन धन्यवाद आगुल अदकि ईळलक हागुल याग ना प्रार्थनागोळ दा नीमी हमेशा याद माळतीन, अदकि आऊक धन्यवाद माळतीन. 4 अदकि नीन कण्ण दाकळव नीर इन याद माळ माळकु दलि देल नीनी भेट माळोद लालच ईटतीन कि खुशी देल तुमेगाईन. 5 *ना नीद आ खरा वशिवास इक याद माळतीन, जो पयले नीन आजी लोईस अदकि नीन मोय यूनीके दा ईरोद, अदकि नानी पुरा यकीन आद कि अदा वशिवास नीन दा भी आद. 6 ईदा कारण ना नीनी याद कोळतीन कि नी आ वरदान इक जतिता ईट जो नीन म्याकुच नांद कय ईटदुर दवारा परमेश्वर नीनी कोटान. 7 यतकि परमेश्वर नामी अंजक इन ईला लेकीन सामर्थ्य अदकि प्यार अदकि संयम इन आत्मा कोटान.

८ इदुरसाटी नामव प्रभु उन गवाही देल, अदकि नान देल जो मसीह अन कैदी आईन, लज्जति आगवाळ, लेकीन आ सामर्थ्य जो परमेश्वर नीनी कोटान अदुर अनुसार खुशखबरी साटी नान सांगुळ दुख नेगु ९ याव नामी ऊळस्यान अदकि पवतिर जीवन जीऊसोर साटी नामी कारदुन, अदकि ईद नाम क्यालसा अन अनुसार ईला लेकीन आऊन उद्देश अदकि अनुग्रह अन अनुसार आद. आव ईद अनुग्रह नाम मा माळयान मतलव प्रभु यीशु मसीह अन द्वारा काल इन सूरवात देल नाम मा आग्याद, १० लेकीन ईंग नाम उद्धार माळावाळा मसीह यीशु उन प्रगट आगोद द्वारा प्रगटीत आत, याव मृत्यु उन सामर्थ्य अन नाश माळदुन अदकि जीवन इक खुशखबरी इन द्वारा प्रगट माळदुन.

११ प्यार साटी परमेश्वर नानी प्रेरति, अदकि शक्ति कोळावाळा नयिकृत माळदुन, ताकी ना खुशखबरी इन प्रचार माळाईन. १२ ई कारण ना ई दुखगोळी भी नेगुतीन, लेकीन नाचालीन, यतकी ना आऊक यार मा ना वशिवास माळदीन, अरूतीन; अदकि नानी वशिवास आद क आव नांद धरोवर ईद आ दनि ताका रखवाली माळ सकतान. १३ जो सही मातगोळ नी नान बाय देल केळया अवरी आ वशिवास अदकि प्यार इन सांगुळ, जो मसीह यीशु दा आद, तान आदर्श माळकु ईट, १४ अदकि पवतिर आत्मा अन द्वारा जो नाम दा समुस्कु आद, ई वळलीद मातगोळ रखवाली माळ.

१५ नी जानसत्या क आसया नगर वाळेर सप्पा मुंदुर नान से तरिगेग्यार, यारदा फूगलिस अदकि हरिमुगानिस आर. १६ उनेसफ़िरस उन घराना मा प्रभु दया माळुल, यतकी आव हापाळ अनली नानी सुख पोहचुस्यान, अदकि आव नान शकलीगोळ दा ईत्तुर देल नाचीदलि. १७ लेकीन याग आव रोम दा बंदुन, रा यागासताका ना सकिदील आगासताका आव नानी दुंदसतेला ईत्तुन, अदकि नान से मुलाकात माळदुन १८ प्रभु माळुल क आ दशी आऊन मा प्रभु उन दया आगुल अदकि जो जो स्यावा आव इफसिस दा माळयान अवरी भी नी वळलीद देल जानसत्या.

2

मसीह यीशु उन स्वामीभक्त सैनिक

१ इदुरसाटी हे नान पारा, नी आ अनुग्रह देल जो मसीह यीशु दा आद, बलवन्त आगेग, २ अदकि जो शक्तिगोळ नी हापाळ सा गवाहगोळ मुंद नान से केळया, अवरी वशिवासी मंळसागोळी सौप्स बुळ; जो दुसरा अक भी कलसोद लायक ईरूल.

३ मसीह यीशु उन वळलीद योद्धा अन घाई नान सांगुळ दुख नेगु. ४ याग यावारा योद्धा लळाई मा होगतान, रा इदुरसाटी क आऊक जो भरती माळ्यार आंदरी खुश माळुल, आव तान तान इक दुनिया अन क्यालसागोळ दा फसुसालुन. ५ बाक अखाळा दा लळुसावाळा अगर नयिम इन अनुसार लळुसालुन रा ईनाम सीक सकाल. ६ जो मयनती किसान मयनत माळतान, रा काय इन अंश पयले आऊक सीक पायजे. ७ जो ना अनतीन ई सप्पा मातगोळ मा ध्यान कोळ, अदकि प्रभु नीनी सप्पा मातगोळद समझ कोळुल.

८ यीशु मसीह अक याद ईट, जो दाऊद उन वंश देल आग्यान अदकि सोत्तुर दा टु जित्ता आदुन, अदकि ईद नान खुशखबरी इन अनुसार आद. ९ यार साटी ना कुकरमी इन घाई दुख नेगुतीन, ईल ताका क बिंधन भी आईन; लेकीन परमेश्वर उन वचन कैद हैलेच. १० ई कारण ना नविळुसद लॉकुर साटी सप्पा येनारा सहन माळतीन, क आंदरी भी आ उद्धार जो मसीह यीशु दा आद अनन्त महमा अन्द सांगुळ सकिल. ११ ईद मात खरा आद, क अगर नाव आऊन सांगुळ सोतोगेव,

रा आऊन सांगुळ जित्ता भी आदेव;

१२ अगर नाव धीरज देल सहन माळत ईत्तेव,

रा आऊन सांगुळ राज्य भी माळेव;

अगर नाव आऊन इनकार माळेव,

रा आव भी नाम इनकार माळयान;
 13 अग्र नाव अवशिवासी भी आयेव,
 तरी भी आव वशिवासयोग्य बनसकु ईरतान,
 यतकी आव खुद तान इनकार माळ सकालुन.

वळ्दीद कारीगर

14 ई मातगोळद याद आंदरी तोरस अदकि प्रभु उन मुंद वशिवास देल हेळ क्क शब्दगोळ मा तर्क-वतिर्क माळतोग बाळुल, यऊर देल येनु फायदा आगाल उलटा केळावाळेर्द नाश आगोगतद. 15 तान तान इक परमेश्वर उन ग्रहण माळा लायक अदकि हगि क्याल्सा माळावाळा ठहूसोद कोशशि माळ, जो नाचक ईला पायजे, अदकि जो सच्चाई इन वचन इक बराबर रीत दिल क्याल्सा दा तरतोगुल. 16 लेकीन बेकार मातगोळ देल ऊळदकु ईर, यतकी हगि लॉकुर मातत यक्कुल अभक्ती दा वाळुसत ईततार, 17 अदकि आंदुर वचन हुळतकु दुख घाई फैलुसत होदति. हुमनियुस अदकि फलितुस आंदुर दा टु आर, 18 जो ईद अंदकु क्क पुनरूतथान आगोग्याद सच्चाई इन हादी टु काळदोग्यार, अदकि यास मुंदुरद वशिवास इक नाश माळ बुळतार. 19 तरी भी परमेश्वर उन पक्का पायवा बनसकु ईरतद, अदकि आऊन मा ईद छाप हतकु आद: “प्रभु तान लॉकुरी अरूतान,” अदकि “जो यावारा प्रभु उन हेसुर ताकोमतान, आव अन्याय देल ऊळदकु ईरूल.”

20 धोळ मान्या सरिफ व्हानना-बेळ्ली इंद अच ईला, लेकीन हुळ्ली अदकि मुण्ण इन भी गळग्या ईरताव; यातारा-यातारा आदर, अदकि यातारा-यातारा अनादर इन साटी. 21 अग्र यावारा तान तान इक ईऊर देल शुद्ध माळयान, रा अद आदर इन गळग्या मातत पवतिर ठहूसीत; अदकि स्वामी इन क्याल्सी बंदीत, अदकि सप्पा वळ्दीद क्याल्सा साटी तयार आदीत. 22 हारोदपन इन मोहमाया देल ओळ, अदकि जो शुद्ध मन देल प्रभु उन हेसुर ताकोमतार आंदुर सांगुळ न्याय, अदकि वशिवास, अदकि प्यार, अदकि मेल मलिाप इन हदि हत. 23 लेकीन मूर्खपन अदकि अवदि्या अन्द वविवादगोळ देल अलग ईर, यतकी नी जानसतया क्क ईऊर देल झगळा नरिमाण आगताव. 24 प्रभु उन दास उक झगळेलेु ईला ईर पायजे, लेकीन आव सप्पा मुंदुर सांगुळ मुलायम अदकि शक्षिा दा नपिण अदकि सहन माळावाळा ईरूल. 25 आव वरिध माळावाळेर्द इक नमरता देल समझुसुल, येन मालूम परमेश्वर आंदरी मन तरिगुसोद मन कोळुल क्क आंदुर भी सच्चाई इक अरूल, 26 अदकि आंदुर सचेत आगकु शैतान उन फासा दा टु बटिटोगुल. याव आंदरी आंदुरद इच्छा पुरा माळोर साटी बंदी माळदुन.

3

आखरी दनि

1 लेकीन ईद याद ईट क्क आखरी दनिगोळ दा कठनि समय बंदव. 2 यतकी मंळसा मतलबी, धन इन लालची, घमण्ड माळावाळेर्द, अभिमानी, अपमान माळावाळेर्द, मोय-आप्पुरद आगया कडावाळेर्द, एहसान मारावाळेर्द, अपवतिर, 3 प्यार ईला माळावाळेर्द, माफ ईला माळावाळेर्द, अपमान माळावाळेर्द, असंयमी, कठोर, भलाई इन दुश्मन, 4 वशिवासघत माळावाळेर्द, लापरवाह, घमण्ड माळावाळेर्द, अदकि परमेश्वर उन ईला उलटा सुखवलिास इक चाहासावाळेर्द ईततार. 5 आंदुर भक्ती इन भेष रा माळयार, लेकीन अदुरद ताकत इक मानसतदिलि; हगि लॉकुर से दुर ईरत. 6 ईंदुर दा टु अच आ लॉकुर आर जो माननागोळ दा वतत काल देल होक्कोमतार, अदकि आ दुखल आर्तेर इक वश दा माळ कोमतार जो पापगोळ देल वोतकु अदकि सप्पा प्रकार इंद अभलिाषागोळद वश दा आर, 7 अदकि ईतता आर्तेर हमेशा कलुतेला रा ईरतार लेकीन सच्चाई इक जानस सकालुर. 8 ह्यांग यन्नेस अदकि यम्ब्रेस मूसा अन्द वरिध माळीदुर, हांग अच ईंदुर भी सच्चाई इन वरिध माळतार; ईंदुर हगि मंळसा आर, यार्द दमिाक भ्रष्ट आगोग्याद अदकि ईंदुर वशिवास दा असफल आर. 9 लेकीन ई लॉकुर ईंदुर से मुंद वाळुस सकालुर, यतकी सप्पा लॉकुर नोळ्यार क्क आंदुर याट मूर्ख आर. हांग अच ह्यांग यन्नेस अदकि यम्ब्रेस उन सांगुळ आत.

तीमूथयिस उक वशिष नरिदेश

10 लेकीन नी नान शकिषा, नान जीवन इन आचरण, उद्देश वशिवास, धीरज, प्यार, सहनशीलता ई सप्पा मातगोळी वळ्लीद रीत देल जान्सत्या; 11 *नांद सताव अदकि नानव दुख, अदकि अन्ताकिया अदकि इकुनयिम अदकि लुस्त्रा दा जो भयंकर यातनागोळ नानी कोटकु आगीदव अदकि यदरी ना सहन माळदीन, ईद नी जान्सत्या, तरी भी प्रभु नानी ईव सप्पा दुखगोळ से बीळसदुन. 12 लेकीन यास मसीह यीशु दा भक्ती इन सांगुळ जनिदगी बतिसोद चाहासतार आंदुर सप्पा मुंदुर सतुसकु आदार; 13 लेकीन दुष्ट अदकि बयकुसावाळेर धवाका कोळतेला अदकि धवाका तनितेला, बगिळसुत होटोदार. 14 लेकीन नी आ सचचाई इन मातगोळ मा जो नी कलत्या अदकि वशिवास माळया, ईद जान्सकु मजबूत बनसकु ईर कनी अवरी याता लॉकुर से कलत्या, 15 अदकि स्याणपन टु पवतिरशासत्र अपमान अर्तकु आद, जो नीनी यीशु मसीह मा वशिवास माळदुर देल उद्धार हासलि माळोर साटी हुश्यार माळ सकतद. 16 सम्पुर्ण पवतिरशासत्र परमेश्वर उन प्रेरणा देल रचुसकु आग्याद अदकि उपदेश, अदकि समजुसोद, अदकि सुधारन माळोद, अदकि न्यायीपन इन शकिषा साटी फायदेमंद आद, 17 ताकी परमेश्वर उन जन सदिध आगुल, अदकि हर ऊंद वळ्लीद क्याल्सा साटी तयार आगेगुल.

4

1 ना परमेश्वर अदकि मसीह यीशु उन मुंद जो जतिता अदकि सोतकु मंळसागोळद न्याय माळयान, अदकि राजा आगकु शासन माळोर साटी बंदान, आंदरी गवाह मानसकु ना वनिती माळतीन, 2 कनी वचन इन प्रचार माळ, समय बेसमय तयार ईर, सप्पा प्रकार इन सहनशीलता अदकि शकिषा अन्द सांगुळ नरिदेश कोळ, दनकुस अदकि समजुस. 3 यतकी हगि समय बंदीत याग लॉकुर सचचाई इन शकिषा केळतीदलि, लेकीन आंदुर खुद इक समाधान सीकुल ईत्ता मातगोळ केळोर साटी तान अभलिषागोळद अनुसार तान साटी हापाळ सा शकिषा कोळावाळेर जमा माळ कौडार, 4 अदकि तान कवि सचचाई इन हादी दी टु तरिगुसकु काल्पनकि कात्तागोळ मा हच्यार. 5 लेकीन नी सप्पा मातगोळ दा नयितरण ईट, दुख नेगु, खुशखबरी प्रचार इन क्याल्सा माळ, अदकि तान स्यावा अक पुरा माळ.

6 यतकी ईग नांद अर्पण इन घळी होट बंदाद, अदकि नान ईद जीवन इक त्यागसोद समय होट बंदाद. 7 ना वळ्लीद कुस्ती आळ कौडीन, ना तान दवळ पुरा माळ कौडीन, ना वशिवास इन रखवाली माळीन. 8 भवषिय दा नान साटी वजियी ईनाम इन मुकुट ईटकु आद, यदरी प्रभु, जो आसान हादी देल नळसावाळा हुन, नानी आ दशिी कोट्टान, अदकि नानी इच ईला उलटा आ सप्पा मुंदुर इक भी जो आऊन प्रगट आगोद प्रयि जान्सतार

व्यक्तगित वचन

9 नान हात्ती राटनेरी बरोद कोशशि माळ. 10 *यतकी देमास ई दुनिया अक प्रयि जान्सकु नानी बटि बुटान अदकि थसिसलुनीके अक होटोग्यान. क्रिसकेस गलातिया अक अदकि तीतुस दलमतिया अक होटोग्यान. 11 *सरिफ लूका नान सांगुळ आन. मरकुस उक हुडुकु होटबर; यतकी स्यावा अन्द साटी आव हापाळ उपयोगी आन. 12 *तुखकिस उक ना इफसिस कळीन. 13 *याग नी बंद्या रा झागा अक यदरी ना त्रोआस दा करपुस उन मान्या बटिकु बंददीन तरेत; अदकि नानव कतिबगोळ वशिष माळकु तोगुल इन चटिठी गोळी हुडुत बरेत.

* 3:11 ३:११ परेतिगोळ १३:१४-२२; परेतिगोळ १४:१७-१७; परेतिगोळ १४:२०-२० * 4:10 ४:१० कुलुससगिळ ४:१४; फलिमोन १:२४; २ कुरनिथि ६:२३; गलातगिळ २:३; तीतुस १:४ * 4:11 ४:११ कुलुससगिळ ४:१४; फलिमोन १:२४; परेतिगोळ १२:१२, २५; १३:१३; १५:३७-३९; कुलुससगिळ ४:१०; फलिमोन १:२४ * 4:12 ४:१२ परेतिगोळ २०:४; इफसिसगिळ ६:२१, २२; कुलुससगिळ ४:१७, ६ * 4:13 ४:१३ परेतिगोळ २०:६

14 *धातु उन क्याल्सा माळावाळा सकिन्दर नानी हापाळ नुकसान पोहचुस्यान; प्रभु आऊक आऊन क्याल्सागोळ अनुसार बदला कोट्टान. 15 नी भी आऊन से सावधान ईर, यतकी आव नाम उपदेशगोळद हापाळ अच वरिध माळयान.

16 नान पयले पक्ष इन समय याऊ भी नान साथ कोटीदील, उलटा सप्पा मुंदुर नानी बटि बूटीदुर. 17 लेकीन प्रभु नान सांगुळ नीदुरकु ईत्तुन अदकि नानी सामर्थ्य कोट्टुन, ताकी नान द्वारा पुरा पुरा प्रचार आगुल अदकि सप्पा गैरयहूदी लॉकुर केळ कोमुल. ना हुल्ल इन बाय देल बळिसकु आगीन. 18 अदकि प्रभु नानी हर ऊंद बुरा क्याल्सा देल बळिस्यान, अदकि तान स्वर्गीय राज्य दा उद्धार माळकु पोहचुस्यान. आऊन महमा हमेशा हमेशा आगतेला ईरूल. आमीन.

आखरी अभिवादन

19 *प्रसिका अदकि अक्वला अक अदकि उनेसफिरूस इन घराना अक नमस्कार. 20 *इरास्तुस कुरन्थुस दा ईतोदुन, अदकि त्रुफमिस उक ना मलितुस दा बमिर आगा कारण बटिन. 21 सोळीन दनि से पयले बरोद कोशशि माळ. यूबूलुस, अदकि पूदेस, अदकि लीनुस अदकि क्लौदिया, अदकि सप्पा वशिवासी वार्टुर्द नीनी नमस्कार.

22 प्रभु नीन आत्मा अन सांगुळ ईरूल.

नीम मा अनुग्रह आगतेला ईरूल.

तीतुस के नाम पौलुस प्रेरति की पत्री तीतुस उन हेसुर पौलुस प्रेरति उन चट्टी परचिय

तीतुस उन ईद कतिव पौलुस उन नाक चट्टी गोळ दा टु ऊंद आद यदरी मंडली इन बजाय यातारा मळसा अक संबोधति माळकु आगतद. दुसरा मुर चट्टी गोळ १ तीमुथयुस, २ तीमुथयुस अदकि फलिमोन ईव हुव. पौलुस तीतुस उक लखिसोन, लेकीन आव ईद भी लखिसदुन का ई चट्टी सार्वजनकि रूप देल धोळद रीत देल वाचुसकु आगतद. नाव ईऊक अरू सकतेव यतकी आव ऊंद प्रेरति उन रूप दा तान लायकत हेळतान, जो का पौलुस पयले टु अच जानसोन. पौलुस शायद मसीह अन जनम इन बाददा ६३ से ६५ साल इन न्याड्या दा ई चट्टी लखिसीदुन.

पौलुस तीतुस उक करते मा जो मंडलीगोळ आव अऊर नेतृत्व माळोद नरिदेश कोटीदुन. पौलुस उपदेशकगोळ इक मंडली इन उपदेशगोळद चयन शकषिा मा नरिदेश कोळोर साटी ई चट्टी इक लखिसीदुन. आव तीमुथयुस उक तान चट्टी गोळ दा सारखा नरिदेश कोटान. आंदुर चट्टी दा वर्णन माळकु आग्याद का ह्यांग मंडली अन उपदेशकगोळी उच्च मानक इन साटी माळकु आग पायजे. मंडलीगोळ अदकि मंडली इन उपदेशकगोळी ईद नेतृत्व दा आ लॉकुर साटी जरूरी मानकगोळ मा सावधानी पुरवक ध्यान कोळ पायजे.

रूप-रेखा

१. पौलुस यातरीगोळ इक नयिकुत माळोर साटी तीतुस उक नरिदेश कोळतान १:१-१६
२. आव लॉकुरी भी ईश्वरीय जीवन जीऊसोर साटी प्रशकषिति माळोद नरिदेश कोळतान २:१-३:११
३. अनंत दा, पौलुस तान थवाळासा योजनागोळ इक साजा माळकु अदकि बधाई बातणी कळकु चट्टी खतम माळतान ३:१२-१५

१ पौलुस उन दी टु जो परमेश्वर उन दास अदकि यीशु मसीह अनंद प्रेरति हुन.

नाम मंडली इन खरा ग्यान इन अगुवाई माळोर साटी कळकु आग्याद अदकि सच्चाई इन पयचान जो भक्ति इन अनुसार आद, २ आ अनन्त जीवन इन आशा मा यदुरद वादा परमेश्वर, जो ख्वाटा माताळालुन सनातन देल माळयान, ३ लेकीन सही समय मा तान वचन इक आ प्रचार इन द्वारा प्रगट माळदुन, जो नाम उद्धारकर्ता परमेश्वर उन आग्या अन अनुसार नानी सौपसकु आग्याद.

४ तीतुस उन हेसुर, जो वशिवास इन सहभागीता अनंद वचार देल नान खरा पार हुन:

परमेश्वर आप्प अदकि नाम उद्धारकर्ता मसीह यीशु उन दी टु नीनी अनुग्रह अदकि शांती सकितेला ईरूल.

करते दा तीतुस उन कार्य

५ ना इदुरसाटी नीनी करते दा बटिकु बंददीन का नी मगिद मातगोळद सुधारन माळया, अदकि नान आग्या अन अनुसार नगर नगर स्याणागोळी नयिकुत माळया. ६ जो नरिदोष अदकि ऊंदा हगिस उन गंळस ईरूल, यारोर चकिोर वशिवासी ईरूल, अदकि अनुशासन इन हनिता अनंद दोष आंदुर मा हचकु ईला आग सकुल तथा आंदुर नरिकुष भी ईरवाळुल. ७ यतकी मंडली इन अध्यक्ष उक परमेश्वर उन कार्य अन नरििक्षक आगा कारण आव नरिदोष ईर पायजे; आऊक ना हटीला, ना सट्टि, या कुडावाळा, या झगळेलु, या पैस्या अन लालची ईला ईर पायजे, ८ लेकीन पाऊनागोळद आदर माळावाळा, भलाई इक चाहसावाळा, संयमवाळा, न्याय माळावाळा, पवतिर

अदकि सभयताशील ईरूल; 9 आऊक आ वश्र्वास माळा योग्य अदकि सदिधांतगोळ मा सयमत आगावाळा वातणी इक मजबूती देल हुडुकु ईर पायजे ई परकार आव लॉकुरी सही शक्रिषा कोटकु आंदरी प्रोत्साहति माळ्ल अदकि ईदुर दा सांगुळ जो ईदुर वरिधी आर आंदुरद खंडन माळ सकुल.

10 यतकी हापाळ सा लॉकुर नरिक्श, वयरथ माताळावाळेर अदकि धवाका कोळावाळेर आर; यककुल माळकु यहूदी दा टु बंदार. 11 ईद जरूरी आद कि ईदुर बाय बंद माळ पायजे. यतकी ई लॉकुर नीच कमाई साटी अनुचति मातगोळी कलसकु मान्ना अनद मान्ना वगिळुस बुळतार. 12 आंदुर दा टु ऊंद करते नोर अच भवषियवक्ता, तान लॉकुर बारा दा खुद अंदान, “करते अन नवासी हमेशा खवाटा माताळतार आंदुर आळी दाकळोद जनावर आर अदकि आलसी व्हाट्टा तुमावाळेर आर.” 13 ईद गवाही सत्य आद, इदुरसाटी आंदरी कळकता देल चेतावनी कोळतोग कि आंदुर वश्र्वास दा पक्का आगेगुल, 14 अदकि यहूदीगोळद कहानी कात्तागोळ अदकि आ मळसागोळद आग्यागोळ मा मन हचवाळुल, जो सचचाई इन हादी देल काळदोगतार. 15 शुद्ध लॉकुर साटी सप्पा वस्तुगोळ शुद्ध आव, लेकीन अशुध्द अदकि अवश्र्वासीगोळ साटी येनु भी शुद्ध हलैच, उलटा आंदुरद बुद्धी अदकि वविक येदुदु अशुध्द आव. 16 आंदुर अनतार कि नाव परमेश्वर उक अरूतेव, लेकीन तान क्याल्सा देल आऊन इनकार माळतार; यतकी आंदुर बेकार अदकि आग्या ईला मानसावाळेर उर, अदकि यातोदु वळ्तीद क्याल्सा अन लायक हलैच.

2

आचरण इन साटी सही शक्रिषा

1 लेकीन नी ईत्ता मातगोळ अनतोग जो सही सदिधांतगोळ लायक आव. 2 मतलब हाळाबाट मळसा शालीन, सचेत अदकि खुद नयित्तरति ईरूल, अदकि वश्र्वास दा मजबूत, प्यार अदकि धैर्य पुरण सहनशील ईरूल. 3 हांगा हाळामुंड आरतेरद चाल-चलन पवतिर लॉकुर धाई ईरूल; आंदुर नदिक आगवाळुल तथा अंगुर शयद या याल्ला अनद लत आंदरी ईरवाळुल लेकीन वळ्तीद मातगोळ कलसावळतेर ईरूल. 4 ताकी आंदुर हारोदोर आरतेर इक चेतावनी कोळत ईरूल कि तान गांडुर से अदकि चक्रोर से प्यार ईटुल; 5 अदकि खुद नयित्तरति, पवतिर, अदकि मान्ना अनद वळ्तीद व्यवस्था माळावळत, अदकि तान गांडुड उन हात्ती ईरावळत ईरूल, ताकी यावारा भी परमेश्वर उन दी टु बरावाळा वचन इन अपमान ईला माळुल.

6 हगि अच हारोदोर मळसागोळी भी समझुसतोग कि खुद नयित्तरति आगुल. 7 सप्पा मातगोळ दा तान तान इक वळ्तीद आचरण इन नमुना माळ. नीन शक्रिषा दा सफाई, गंभीरता, 8 अदकि हगि सचचाई सकिल कि यावारा अदुरद आलोचना माळ सकवाळुल, ताकी नीन वरिधी लज्जति आगुल यतकी आंदुर हात्ती नीन वरिध दा अनली येनु ईरतीदील.

9 दासगोळी समजुस कि तान-तान स्वामी इन सांगुळ ईरूल, अदकि सप्पा मातगोळ दा आंदरी खुश ईटुल, अदकि तरिगकु जवाब कोळवाळुल; 10 काळलपनी अदकि चालाकी माळवाळुल, लेकीन हर परकार देल पुरा वश्र्वासी होळुल कि आंदुर सप्पा मातगोळ दा नाम उद्धारकर्ता परमेश्वर उन बारा दा शक्रिषा अन शोभा वाळुसुल.

11 यतकी परमेश्वर उन अद अनुग्रह प्रगट आद, जो सप्पा मळसागोळद उद्धार इन कारण आद, 12 अदकि अद अनुग्रह नामी कलसतद कि नाव अभक्ती इन जीवन अदकि सांसारिक अभलिषागोळी त्यागस बुटेव अदकि खुद नयित्तरति, अदकि पवतिर अदकि भक्तमिय जीवन ईद दुनिया दा माळेव. 13 अदकि धन्य आर आ आशा अनद मतलब तान महान परमेश्वर अदकि उद्धारकर्ता यीशु मसीह अनद महिमा अनद प्रगट आगोद हादी काईत ईरूल. 14 *याव तान तान इक नाम साटी कोट बुट्टुन कि नामी सप्पा प्रकार इन अन्याय देल बीळसुस बुळुल, अदकि नामी आऊदा पवतिर लॉकुर माळुल अदकि वळ्तेव-वळ्तेव क्याल्सागोळ दा ईरूल.

15 तान पुरा अधिकार इन सांगुळ ई मातगोळ कलस, ह्यांग नी तान वरिधीगोळी दनकुसत्या अदकि प्रोत्साहति माळत्या. ताकी याऊ नीनी तुच्छ समसबाळुल.

3

मसीह चाल-चलन

1 लॉकुरी याद तोरस क्ति शासक अदकि अधिकारीगोळ हात्ती ईरूल, अदकि आंदुर आग्या मानसुल, अदकि हर ऊंद वळलीद क्यालसा साटी तयार ईरूल, 2 आंदरी हेळ क्ति यारदु बारा दा बुरा अनबाळुल, लेकीन शांती प्रयि अदकि संगीभाव देल ईरूल, अदकि सप्पा मुंदुर सांगुळ हमेशा शालीन व्यवहार ईटुल. 3 यतकी नाव भी पयले नरिबुद्धी, अदकि आग्या ईला मानसावाळेर, अदकि गलत ईरेव. अदकि अलग अलग प्रकार इन अभिलाषागोळ अदकि सुखवलास इन गुलामी दा ईरेव, अदकि दुश्मनी भाव, अदकि जलनखोरी माळदुर दा जीवन व्यतीत माळतोगेव, अदकि बेकार ईरेव, अदकि आवुर दावुर से दुश्मनी ईटतोगेव. 4 लेकीन याग नाम उद्धारकर्ता परमेश्वर उन कृणा अदकि प्यार प्रगट आत, 5 रा आव नाम उद्धार माळदुन; अदकि ईद वळलेव कर्मगोळ वजह देल ईला, जो नाव खुद माळेव, लेकीन आऊन दया देल नामी उळसदुन पवतिर आत्मा अन द्वारा, जो नामी व्हाशोद जनम कोळतान अदकि शुद्ध माळकु व्हाशोद जीवन कोळतान. 6 परमेश्वर नाम मा पवतिर आत्मा अक उद्धारकर्ता यीशु मसीह अन द्वारा भरपुरी देल कोटान. 7 इदुरसाटी परमेश्वर नामी तान अनुग्रह अन द्वारा आऊन सांगुळ न्यायी ठहरसान ताकी यार्द आशा नाव माळेव आ अनन्त जीवन इन उत्तराधिकारी इक हासलि माळ सकेव.

8 ईद सही अनकु आग्याद, अदकि ना चाहासतीन क्ति नी ई मातगोळद बारा दा हम्मित देल माताळ इदुरसाटी क्ति यार परमेश्वर मा वश्वास माळ्यार, आंदुर वळलीद-वळलीद क्यालसागोळ दा हतकु ईरोद ध्यान ईटुल. ई मातगोळ वळलेव अदकि मंळसागोळद फायदा नव आव. 9 लेकीन मूरखपन ईद ववािदगोळ अदकि वंशावलीगोळ, अदकि वरिध अदकि झगळागोळ देल जो व्यवस्था अन्द बारा दा आद, रा ऊळदकु ईर; यतकी अव नष्फल अदकि व्यर्थ आव. 10 यावारा फूट हाकावाळा मंळसा अक कम से कम येद्व घन चेताननी कोळ, अदकि वाक आऊन सांगुळ ज्यादा येनु माळबाळ. 11 यतकी नीव जानसतीर क्ति ईतता लॉकुर भ्रष्ट आगेग्यार अदकि आंदुर पाप आंदुर गलत आगोद प्रमाण कोळताव.

व्यक्तगित नरिदेश अदकि अभिवादन

12 *याग ना नीन हात्ती अरतमास या तुखकुस उक कळाईन रा नान हात्ती नकिपुलसि नगर दा बरोद कोशशि माळेत्, यतकी ना अल्या सोळ कडोद तय माळीन. 13 *जेनास व्यवस्थापक अदकि अपुल्लोस उक कोशशि माळकु मुंद पोहचुस बुळ, अदकि नोळ क्ति आंदरी यातोदु चजि इन कमी आगबाळुल. 14 नाम लॉकुर भी वळलेव क्यालसा माळोर साटी समय तेगोद कलु पायजे ताकी जो जरूरी आद अदुरद पुरती आग सकुल ताकी आंदुर बेकार इन जीवन जीऊस बाळुल.

15 नान सप्पा साथीगोळद नीनी नमस्कार. जो वश्वास इन कारण नाम से प्यार ईटतार, आंदरी नमस्कार.

नीन सप्पा मुंदुर मा परमेश्वर उन अनुग्रह आगूत ईरूल.

फलिमोन के नाम पौलुस प्रेरति की पत्री फलिमोन उन हेसुर पौलुस प्रेरति उन चट्टी परचिय

फलिमोन उन स्यांळद कतिाव प्रेरति पौलुस द्वारा लखिसकु आगीत. १:१ पौलुस जयल दा ईरोन, जब कऱ आव लखिसीदुन, यदुर मतलव आद कऱ आव शायद रोम टु ईऊक लखिसोन. अगर आव रोम दा ईरोन रा ईद मसीह अन जनम इन ६१ साल इन वाद्दा लखिसीदान, जो अदा समय हुन याग आव कुलुससयिं लखिसोन.

आव ईद चट्टी इक फलिमोन हेसुर इनव मंळसा अक लखिसीदुन. फलिमोन मंडली इन सदस्य अदकऱ मालकऱ भी ईरोन. पौलुस आऊन से केळदुन कऱ आव तान दास ओनेसमिस उक दंडति माळतीदील जो फलिमोन टु ओळेगीदुन. रोमन कानून द्वारा फलिमोन अदकऱ ओनेसमिस उक मृत्यु साटी ईटोद अधकार ईरोद. पौलुस फलिमोन उक ऊंद मसीह वार्ट उन रूप दा ओनेसमिस उक स्वीकार माळोर साटी प्रोत्साहति माळोर साटी प्रेरति तर्कगोळ्द इस्तेमाल माळतान अदकऱ ईद भी सलाह कोळतान कऱ ओनेसमिस उक पौलुस १:१३-१४ उन सांगुळ स्यावा माळोद इजाजत कोटकु आदीत.

रूप-रेखा

१. पौलुस फलिमोन उक नमस्कार कोळतान १:१-३
२. आग पौलुस ओनेसमिस उन दी टु केळतान कऱ फलिमोन आऊक ऊंद मसीह वार्ट उन रूप दा स्वीकार माळयान १:४-२१
३. पौलुस यात्रा माळली अदकऱ वधाई कळोद तान ईरादा अन घोषणा माळकु चट्टी खतम माळतान १:२२-२५

1 पौलुस उन दी टु जो मसीह यीशु उन कैदी आन, अदकऱ वार्ट तीमुथयिस उन दी टु नाम प्रयि सहकरमी फलिमोन, 2 *अदकऱ आकतीग अफफया, अदकऱ नाम संगी योद्धा अरखपिपुस अदकऱ फलिमोन उन मानना अन्द मंडली नव हेसुर:

3 नाम आप्प परमेश्वर अदकऱ प्रभु यीशु मसीह अन्द दी टु अनुग्रह अदकऱ शांती नीमी सक्ति ईरूल.

फलिमोन उन प्यार अदकऱ विश्वास

4 वार्ट फलिमोन, ना हमेशा परमेश्वर उन धन्यवाद माळतीन, अदकऱ तान प्रार्थनागोळ दा भी नीनी याद माळतीन, 5 यतकी ना नीन आ प्यार अदकऱ विश्वास इन चर्चा केळतीन, जो सप्पा परमेश्वर उन पवतिर लॉकुर सांगुळ अदकऱ प्रभु यीशु मा आद. 6 ना प्रार्थना माळतीन कऱ खुद विश्वास दा नीन सहभागी आगोद, नीम सप्पा भलाई इन पयचान दा, मसीह अन्द साटी प्रभावशाली ईरूल. 7 यतकी हे वार्ट, नानी नीन प्यार देल हापाळ खुशी अदकऱ शांती सक्याद, इदुरसाटी कऱ नीन द्वारा परमेश्वर उन पवतिर लॉकुरद मन वळ्लेव आगोग्याव.

उनेसमिस उन साटी नविदन

8 इदुरसाटी अगर नानी मसीह दा हापाळ साहस आद कऱ जो मात ठीक आद, अदुर आग्या नीनी कोळाईन. 9 तरी भी ना वाट्ट पौलुस उक जो ईग मसीह यीशु उन साटी कैदी आईन, ईद मातूत वळ्लीद जान्सकु आत कऱ प्यार देल वनिती माळाईन. 10 *ना तान चगिद उनेसमिस उन साटी, जो नान देल नान बंधन दा पैदा आग्यान, नीन से वनिती माळतीन. 11 आव रा पयले नीन येनु क्याल्सा नव ईला ईरोन, लेकीन ईग नीन अदकऱ नान येदहु मुदुरद हापाळ क्याल्सा नव आन.

* 1:2 १:२ कुलुससगोळ ४:१७ * 1:10 १:१० कुलुससगोळ ४:९

12 आऊका मतलब जो नान दलि इन तुकळा हुन, ना नीन हात्ती वापस माळ बुटीन. 13 आऊक ना तान हात्ती इच ईटोद चाहासीन कि आव नीन दी टु ई बंधन दा जो खुशखबरी इन कारण आन, नान स्यावा माळुल. 14 लेकीन ना नीन इच्छा अन्द बगेर येनु भी माळोद चाहासीदलि, कि नीन ईद कृपा दबाव देल ईला लेकीन इच्छा देल आगुल

15 यतकी शायद आव नीन से थवाळासा दनि साटी ईदा कारण अलग आदुन कि हमेशा नीन हात्ती ईरूल. 16 लेकीन ईगी टु दास उन घाई ईला उलटा दास से भी वळलेव प्रयि वार्ट उन घाई, मतलब ना रा आऊन से प्यार माळतीन, लेकीन नीव आऊक मळसा अन नाता देल अदकि प्रभु उन नाता देल नान से यक्कुल प्यार माळी.

17 इदुरसाटी अगर नी नानी तान सहभागी समस्त्या, रा आऊक ईतता प्रकार देल ग्रहण माळ ह्यांग नानी माळत्या. 18 अगर आव नीन येनारा नुकसान माळ्यान, या आऊन मा नांद येनारा कर्ज बरतद, रा नान हेसुर मा लखिस कोम. 19 ना पौलुस तान कय देल लखिसतीन कि ना खुद तुम कोळाईन; अदकि ईद अनोद येनु जरवत हैलेच कि नान कर्जा जो नीन मा आद आव नी अच हुय. 20 हे वार्ट, ईद खुशी नानी प्रभु दा नीन दी टु सक्याद. मसीह दा नान जीव इक हरिवा-गार माळ बुळ.

21 ना नीन आग्याकारी आगोद भरोसा ईटकू नीनी लखिसतीन, अदकि ईद जान्सतीन कि जो येनारा ना अनतीन, नी नान से यक्कुल माळ्या. 22 अदकि ईद भी कि नान साटी ठहूसोद जागा तयार ईट. नानी आशा आद कि नीम प्रार्थनागोळ द्वारा ना नीमी कोटकू आगेगाईन.

आखरी अभिवादन

23 *इपफरास, जो मसीह यीशु दा नान सांगुळ कैदी आन, 24 *अदकि मरकुस अदकि अरस्त्रुस अदकि देमास अदकि लूका जो नान सहकर्मी आर, ईदुरद नीनी नमस्कार.

25 नाम प्रभु यीशु मसीह अन्द अनुग्रह नीम आत्मा मा आगतेला ईरूल. आमीन.

इब्रानियो के नाम पत्त्री इब्रानगिळ हेसुर चट्टी परचिय

यीशु हाळोद नयिम इन हापाळ सा भवषियवाणीगोळी पुरा हयांग माळतान ईदा तोरसावाळा “इब्रानियो अन्द चट्टी” ईद ऊंद धरिज कोळावाळा कताब हुन. ऊंद उपदेश देल इदुर रचना माळकु आग्याद. सप्पा भवषियवाणी अदकि स्याणा याजकगोळ्द जमिमेदारीगोळी यीशु हयांग पुरा माळदुन ईद सरलता देल तोरसावाळा ६० से यक्कुल हाळोद नयिम इन संदर्भ ई कताब दा आव. ईदा कारण देल ई कताब इक यहूदी मसीह लांकुर साटी दलिासा कोळावाळा मान्सकु आग्याद. इदुर मुंद याजकगोळी यग्य माळोद जरवत हैलेच ईद व्यवस्था यीशु हयांग पुरा माळदुन ईद ई कताब दा स्पष्ट माळकु आग्याद. सप्पा पापगोळ साटी ऊंदा घन अदकि हमेशा हमेशा अन्द यग्य हगि यीशु आदुन. ई कताब देल नामी हगि समझ दा बरतद क, यीशु मसीह, नामी परमेश्वर मा वशिवास माळोर साटी तयार माळतान. १२:२ ईदा रीति देल ई युग इन नाव मसीह वशिवासीगोळ साटी ई कताब दा धोळद दलिासा आद. नामी अदुर मा नरिभर ईर पायजे.

इब्रानियो अन्द चट्टी याव लखिसदुन ईद नामी मालूम हैलेच तरी भी थ्वाळासा वधिवान लाँकुर मान्ना आद क, ईद परेति पौलस, लुका या बरनबास ई परमेश्वर उन सेवकगोळ लखिसीदार. हांगा ईद कताब याग लखिसकु आग्याद ईद भी नामी मालूम हैलेच. तरी भी हापाळ सा वधिवान लाँकुर हगि मान्सतार क, ईद मसीह अन्द जनम इन वाद्दा ७० वर्ष इन पयले लखिसकु आगीदाद. इदुर कारण हगि क, याग यरूशलेम नगर ७० इन साल दा नाश माळकु आत तरी भी ई कताब दा यरूशलेम इन वर्णन ईतता प्रकार देल माळकु आग्याद, जसा क अद नाश माळकु अच ईला आगीत. ईद कताब हापाळ सा मंडलीगोळ दा होगकु वाचुसकु आगीदाद. अद रोम नगर दा लखिसकु आगीत. १३:२४

रूप रेखा

१. लखिसावाळा हगि तोरसतान क, यीशु ईव परमेश्वर उन सप्पा भवषियवक्ता अदकि स्वर्गदूत इंदुर से भी महान आन १:१-४:१३
२. इदुर वाद्दा आव ईद तोरसतान क, जो याजकगोळ यरूशलेम इन मंदिर दा स्यावा माळतार आंदुर से भी यीशु महान आन ४:१४-७:२८
३. मूसा अक कोटकु आगीद आ आग्यागोळ द्वारा जो हाळोद व्यवस्था परमेश्वर तान लाँकुर से माळदुन अदुर से भी यीशु उन स्यावा महान आद ८:१-१०:३१
४. यीशु हर मात दा श्रेष्ठ आन ईद स्पष्ट माळदुर वाद्दा लेखक हापाळ सा दनिचर्या अन्द व्यवहारगोळ बारा दा सुचना कोळतान १०:३२-१३:१७
५. आखरी दा थ्वाळासा बोध अदकि शुभेच्छा कोटकु लेखक ई चट्टी इक खतम माळतान १३:१८-२५

परमेश्वर उन वचन, पार उन द्वारा

1 पयला अन्द युग दा परमेश्वर आप्पा दादागोळ से थ्वाळा-थ्वाळा माळकु अदकि अलग-अलग देल भवषियवक्तागोळ द्वारा मातगोळ हेळदुन, ²ई आखरी दनिगोळ दा आव नाम से पार उन द्वारा मातगोळी हेळदुन, यारी आव सप्पा वस्तुगोळ्द वारीस ठहूरसदुन अदकि आऊंदा द्वारा परमेश्वर सप्पा दुनिया अन्द रचना माळ्यान. ³आव परमेश्वर उन महामि अन्द ऊजुळ अदकि आऊन स्वरूप इन छाप हुन, अदकि सप्पा वस्तुगोळी तान सामर्थ्य अन्द वचन देल संभाळसतान.

आव मंळसा जाती इन पापगोळी माफ माळकु स्वर्ग दा होगकु महामहमि परमेश्वर उन ऊमा कय दी होगकु कुरतुन;

परमेश्वर-पार उन महानता

4 ई प्रकार पार स्वर्गदूतगोळ से महान माळकु आदुन, अदा प्रकार हयांग परमेश्वर आऊक स्वर्गदूतगोळ से वळ्ळीद हेसुर कोट्टुन. 5 यतकी परमेश्वर यातोदु भी स्वर्गदूतगोळ से हगि अददील, “नी नान पार हुय, ईद ना नीन आप्प बनसीन.” अदकि ना यातोदु स्वर्गदूत से परमेश्वर ईद अंदुन, “ना नीन आप्प बनसाईन, अदकि नी नान पार बनस्या.”

6 अदकि याग परमेश्वर तान पयला पैदा आग्द पार उक दुनयिा दा कळुतान, रा आव अनतान, “परमेश्वर उन सप्पा स्वर्गदूत आऊद उपासना माळुल.” 7 लेकीन स्वर्गदूतगोळद बारा दा परमेश्वर ईद अनतान, “आव तान दूतगोळी पवन, अदकि तान सेवकगोळी भळकुसद बेककी माळतान.” 8 लेकीन परमेश्वर पार उन बारा दा अनतान, “हे परमेश्वर, नीन सहिासन हमेशा हमेशा ईत्तीत: अदकि नीन शासन नीन लॉकुर मा न्याय इन सांगुळ आगतद. 9 नी सच्चार्ई से प्यार अदकि अन्याय से दुश्मनी ईट्टद; ईद कारण परमेश्वर, नीन परमेश्वर, आनन्द इन याणुणा देल अभषिक माळदुर दवारा नीन संगीगोळ से वाळुसकु नविळुसदुन.” 10 वचन ईद भी अनतद, “हे परभु, सूवात दा नी पृथ्वी इन पायवा हाकद, अदकि स्वर्ग नीन कय ईद कारीगरी हुन. 11 अव रा नाश आगेदव, लेकीन नी हांगा ईत्या; अदकि अव सप्पा फळक्यागोळ घार्ई कंदुसेदाव, 12 अदकि नी अवरी चादर इन घार्ई गुंडस्या, अदकि अव फळक्यागोळ घार्ई बदलुसेदव: पर नी हांग अच बनसकु ईत्या अदकि नीन जीवन इन अन्त आगतीदील.” 13 अदकि स्वर्गदूतगोळ दा टु परमेश्वर यार से याग अंदुन, “नी नान ऊम्मा कय दी कुर, यागासताका कि ना नीन दुश्मनगोळी नीन कालगोळद ल्यालमा अन्द पांळसी माळ कोमालीन?” 14 येन स्वर्गदूत अव आल्लच, जो आत्मागोळ परमेश्वर उन स्यावा अदकि आऊन दवारा उद्धार ताकोमावाळेर इक मदत माळेर साटी कळुकु आग्याव.

2

महान उद्धार

1 ई कारण पायजे कि जो सत्य मातगोळी नाव केळेव, अदकि यक्कुल अच सावधानी देल अऊर मा मन हची, हगि आगबाळुल कि वाहुसकु अऊर से दुर होटोगुल. 2 यतकी जो बातपी स्वर्गदूतगोळ दवारा नाम पुर्वजगोळी कोटकु आत अद खरा टहरूसत, यार आंदुरद उल्लंघन माळदुर आंदरी दण्ड प्रापत आत यदुर आंदुर लायक ईरोर. 3 अगर नाव ईद महान उद्धार मा ध्यान कोटीदील रा नाव हयांग उळु सकतेव? यदुर चर्चा पयले पहल परभु उन दवारा आत, अदकि यार केळदुर आंदुर नामी ईद सावर्त माळदुर कि अद उद्धार खरा आद. 4 अदकि सांगुळ अच परमेश्वर भी तान इच्छा अन्द अनुसार चमत्कारगोळ, अदकि अदभूत क्यालसागोळ, अदकि अलग प्रकार इन सामर्थ्य इन क्यालसागोळ, अदकि पवत्रि आत्मा अन्द वरदानगोळी वाट्सदुर दवारा इदुरद गवाही कोळतेला ईत्तुन.

उद्धार इन मारगदर्शन

5 परमेश्वर आ बरावाळा दुनयिा अक यदुर चर्चा नाव माळतेव, स्वर्गदूतगोळ हात्ती माळीदलि. 6 अबलकी यावारा शास्त्र दा ईद गवाही कोटान,

“मंळसा येन हुन कि नी आऊक याद माळत्या?

या मंळसा येन हुन कि नी आऊद चंतिा माळत्या?

7 नी आऊक स्वर्गदूतगोळ से थवाळासा अच गोरत माळद;

नी आऊन मा महमिा अदकि आदर इन मुकुट ईट्टद,

8 अदकि आऊक तान कयगोळद क्यालसागोळ मा अधिकार कोट्ट

नी सप्पा आऊन कालगोळ लयालमा माळ्द.”

इदुरसाटी याग आव सप्पा येनारा आऊन हात्ती माळ कोंडुन, रा आव येनु भी बट्टीदलि जो आऊन हात्ती ईला ईरोद. लेकीन ईग नाव सप्पा येनारा वस्तु आऊन हात्ती नोळालेव. ⁹लेकीन नाव यीशु उक जो स्वर्गदूतगोळ से थवाळासा कम माळकु आगीदुन, मृत्यु उन दुख नेगदुर कारण महिमा अदकि आदर इन मुकुट हाक्कु नोळतेव, ताकी परमेश्वर उन अनुग्रह देल आव हर ऊंद मळसा अन्द साटी सायुल.

¹⁰ ईद परमेश्वर उन साटी वळ्लीद हत्त याव सप्पा मातगोळी माळदुन अदकि संभाळसकु ईटदुन, यीशु उक भी यातनागोळ द्वारा परपुर्ण माळ पायजे ताकी हापाळ सा चकिोर आऊन महिमा दा भागी आगुल. यतकी यीशु अच आव ऊंद हुन जो आंदरी उद्धार इन दी ओयतान.

¹¹ यतकी लॉकुरी आंदुर पापगोळ से पवतिर माळतान अदकि आंदुर येदुदु पवतिर माळकु आग्यार, सप्पा मुंदुरव आप्प ऊंद अच आन, इदुरसाटी यीशु आंदरी तान वारटुर अनोर से नाचालुन. ¹² आव परमेश्वर से अनतान, “ना तान वारटुर अदकि आकतीगेर न्याडया दा नीद हेसुर इन प्रचार माळाईन; सभा अन्द न्याडया दा ना नीद प्रशंसा माळाईन.” ¹³ अदकि आव ईद भी अनतान, “ना तान भरोसा परमेश्वर मा ईटाईन. अदकि अनतान, ना ईल परमेश्वर उन कोळ्द चकिोर सांगुळ आईन,”

¹⁴ इदुरसाटी याग का पारगोळ मास अदकि रक्ता अन्द भागी आर, रा यीशु खुद भी आंदुर घाई आंदुर सहभागी आगेदुन, ताकी मृत्यु उन द्वारा शैतान उक नाश माळ सकुल मतलव यार हाती मृत्यु उन शक्ती आद; ¹⁵ ईदा रीत देल आ मळसागोळी मुक्त माळकोमी यार्द जीवन मृत्यु उन अंज्क इन मारा गुलामी या दासत्व दा ईरोर. ¹⁶ यतकी ईद स्पष्ट आद का आव रा स्वर्गदूतगोळ इक ईला बल्की अब्राहम उन वंश इन सहायता माळतान. ¹⁷ ई कारण आऊक चाहसोद ईरोद, का सप्पा मातगोळ दा तान वारटुरगोळ घाई बनसुल; यदुर देल आव आ मातगोळ दा जो परमेश्वर देल संबंघ ईटतद, ऊंद दयालु अदकि विश्वासलायक महायाजक बनसुल ताकी लॉकुर्द पापगोळ साटी प्रायश्चिती माळुल. ¹⁸ यतकी याग आव परीक्षा अन्द दशा दा दुख नेगदुन, रा आव आंदुर भी मदत माळ सकतान यार्द परीक्षा आगतद.

3

यीशु मूसा से महान आन

¹ इदुरसाटी हे मसीह वारटुरा अदकि आकतीगेरा, नीव जो परमेश्वर उन द्वारा कारूकु आगारि नीव तान ध्यान यीशु मा हचकु ईटी यारी परमेश्वर प्रमुख याजक माळोर साटी कळुकु आगीदुन, आ अदुर मा नाव तान कबुली कोळतेव. ² आव याव आऊक नविळुस्यान आ परमेश्वर उन प्रती विश्वासलायक ईरोन, ठीक हांगा ह्यांग मूसा तान क्याल्सा अन प्रती परमेश्वर उन घराना दा विश्वासलायक ईरोन. ³ ह्यांग भवन इन नरिमाण माळावाळा अक खुद भवन से यक्कुल आदर सकिंतद, हांग अच यीशु मूसा से यक्कुल आदर इन पात्र मान्सकु आदुन. ⁴ यतकी हर ऊंद मान्ना अन्द यावारा ना यावारा माळावाळा ईरतान, लेकीन परमेश्वर रा सप्पा वस्तु उन माळावाळा हुन. ⁵ मूसा रा परमेश्वर उन मान्या सेवक घाई विश्वासलायक ईरोन, अदकि आव अव मातगोळी अंदुन जो भवषिय दा परमेश्वर उन द्वारा अंदकु आगोव ईरव. ⁶ लेकीन मसीह पार आगा नाता देल परमेश्वर उन मान्या विश्वासलायक आन. अदकि आऊन मान्ना नाव हुयेव, अगर नाव नाम साहस अदकि यदुर मा नाव घमण्ड माळतेव आ आशा मा मजबूती देल स्थिर ईरूल.

परमेश्वर उन लॉकुरी आराम

⁷ इदुरसाटी ह्यांग पवतिर आत्मा अनतद,

“अगर ईद परमेश्वर उन आवाज केळी,

⁸ रा तान मन इक कठोर माळवाळेतीर,

हयांग कऱि नऱिडूर डूरवडगुळ डऱग आंदुरद डूरसूथल दऱ डूरऱकुषऱ आगुद डूरडेशुवर उन खलऱड डगऱवत डऱळऱदुर.

- 9 डूरडेशुवर अनतऱन कऱऱ अल आंदुर नऱंद डूरऱकुषऱ डऱळदुर अदकऱ डूरखुसदुर, अदकऱ नऱन कऱऱलसऱगुळऱ नुळदुर डवरऱ नऱ डऱलऱस सऱल दुर डऱळतेलऱ डरेतऱन.”
- 10 ईद कऱरण नऱ आ सडडऱ इन लुडुर से सडटऱ दऱ ईतुतऱन, अदकऱ अंदऱन, “इंदुर डन डडेशऱ दुर अड अडूरडऱणकऱ आव अदकऱ नऱन आगुडऱ अक दुरकूरसऱर.”
- 11 इंदुरसऱटी नऱ सडटऱ दऱ डंदकु कऱरुडऱ तदऱऱन, “इंदुरसऱटी डेल नऱ आंदरऱ आरऱड कुळऱईन आ डऱगऱ दऱ आंदुर डऱगलु डुग सकतऱदलऱ.”

12 हे डऱरुदुरऱ अदकऱ आकतऱंगरऱ, सऱवडऱन ईरऱ कऱ नऱड दऱ ईतुतऱ डेकर अदकऱ अवशुडऱसऱ डन आगडऱळुल, डु नऱडऱ डतुतऱ डूरडेशुवर से दुर ओडुल. 13 लेकऱन ईदुर डदलऱ डऱगऱसतऱकऱ ईद “ईद इन दनऱ” अनकु आगतद, नऱव डर दशऱ आडुर दऱडुर इक डूरडऱ कुळतेलऱ ईरऱ, तऱकऱ नऱड दऱ दुर डऱवऱरऱ डऱ डऱड दऱ डरडुसकु ईलऱ आगुल, अदकऱ नऱ कडुडर आगुगुल. 14 अडर नऱव आखरऱ तऱकऱ डडडुतऱ इन सऱंगुळ तऱन सुडुवऱत इन आतुडवशुडऱस इक डुडुकु ईरतेव रऱ नऱव डसऱह अन डऱगऱदऱर डनसेगतुव. 15 हऱडऱंग शऱसुतुर अनतद, “अडर ईद नऱव डूरडेशुवर उन आवऱड केळऱर, रऱ तऱन डन इक कडुडर डऱळडऱळेतरऱ, हऱडऱंग कऱ डगऱवत इन दनऱगुळ दऱ नऱड डूरवडगुळ डऱळऱदुर.”

16 डलऱ आंदुर डऱ लुडुर ईरुडर डऱर डूरडेशुवर उन आवऱड केळदुर अदकऱ आऊन खलऱड डगऱवत डऱळदुर? डेन आंदुर आ लुडुर ईलऱ ईरुडर, डऱरऱ डूसऱ डसुतुर दऱ दुर उळसकु तेगदऱदुन? 17 अदकऱ डूरडेशुवर डऱलऱस वरुष तऱकऱ डऱतऱ लुडुर से सडटऱ दऱ ईतुतुन? डेन आंदुर से अड ईलऱ डऱर डऱड डऱळदुर, अदकऱ आंदुर लऱश डूरसूथल दऱ डदऱकु ईतुतुव? 18 अदकऱ डूरडेशुवर डऱतऱ लुडुर सऱटी कऱरुडऱ तदुऱन कऱ नऱव नऱन आरऱड इन डऱगऱ दऱ डूरवेश डऱळ सकतऱदलऱ? डेन आंदुर ई लुडुर आलुलड डऱर आऊन आगुडऱ डऱनुसऱदऱल? 19 इदुरसऱटी नऱव नुळतेव कऱ आंदुर अवशुडऱस इन कऱरण अड आ डऱगऱ दऱ डूरवेश डऱळ सकदऱल.

4

1 इदुरसऱटी डऱग कऱ डूरडेशुवर उन आरऱड इन डऱगऱ दऱ डूरवेश डऱळुद डूरतगुडऱ ईगऱसतऱकऱ तऱकऱ आद, रऱ नऱडऱ डुडऱन ईद डऱडडे डऱगऱ आगडऱळुल कऱ नऱड दऱ दुर डऱवऱरऱ डन आऊन से वडडतऱ ईतुगुल. 2 डतऱकऱ नऱव खुशखडरऱ केळडेव हऱडऱंग आंदुर केळऱदुर, लेकऱन डु डऱतणऱ आंदुर केळऱदुर आंदुर सऱटी डेनु कडडत ईलऱ ईरुड, डतऱकऱ डऱगऱ आंदुर अदरऱ केळदुर रऱ ईदरऱ वशुडऱस इन सऱंगुळ सुवऱकर डऱळऱदलऱ. 3 नऱव डु वशुडऱसऱ आडेव, आ आरऱड इक डदुरद डूरडेशुवर डूरतगुडऱ डऱळऱदुन अदरऱ नऱव डूरऱडुत डऱळतेव. हऱडऱंग कऱ डूरडेशुवर अंदऱन, “नऱ सडटऱ दऱ ईदुर डऱ कऱरुडऱ तनऱकु अंदऱदऱऱन आंदुर डऱगलु नऱन आरऱड इन डऱगऱ दऱ शऱडलऱ आग सकतऱदलऱ.” आव ईद अंददुऱन, डऱग कऱ दुऱनडऱ अनद रडनऱ डऱळदुर डऱददऱ आऊन कऱलुसऱ डूरऱ आगुगीत. 4 डतऱकऱ सऱतडऱ दनऱ इन डऱरऱ दऱ डेलडऱरऱ तरऱ शऱसुतुर दऱ आद, “अदकऱ डऱक सऱतडऱ दशऱ तऱन सडुडऱ कऱलुसऱगुळ डऱळकु डूरडेशुवर आरऱड डऱळदुन.” 5 अदकऱ ई संदरुड दऱ आव डऱतुत अनतऱन, “आंदुर नऱन आरऱड इन डऱगऱ दऱ डऱगलु डूरवेश डऱळ सकतऱदलऱ.” 6 डऱर डडले खुशखडरऱ केळदुर आंदुर आ आरऱड इक डूरऱडुत डऱळ सकदऱल डतऱकऱ आंदुर वशुडऱस ईलऱ डऱळऱदुर. लेकऱन दुरसरऱ अन सऱटी आरऱड इन दरडऱडऱ ईगलु तेरकु आव. 7 इदुरसऱटी डूरडेशुवर डऱक ऊद वशऱड दनऱ नशुडडतऱ डऱळदुन अदकऱ अदरऱ अनकु आत “ईद इन दनऱ.” थुवऱळऱसऱ सऱल इन डऱददऱ दऱऊद उन दुरऱरऱ डूरडेशुवर आ दनऱ इन डऱरऱ दऱ शऱसुतुरगुळ दऱ हेळुडुन डदुरद उलुलेख शऱसुतुर डडले दुर अड

माळतद, “अगर ईद नीव परमेश्वर उन आवाज केळीर, ह्यांग पयले अंदकु आग्याद, रा तान मन इक कठोर माळवाळी.”

8 अगर यहोशू आंदरी आ आराम इन जागा दा ओयायदुन यदुर्द परमेश्वर प्रतगिया माळीदुन, रा परमेश्वर बाददा यातोदु दुसरा दनि इन बारा दा ईला अनायदुन. 9 रा जो भी आगुल, ह्यांग परमेश्वर सातवा दनि दा आराम माळतान हांग अच परमेश्वर उन लॉकुर साटी अल ऊंद आराम मक्कि आद. 10 यतकी जो यावारा भी परमेश्वर उन प्रतगिया माळद आराम दा प्रवेश माळतार, आंदरी तान कर्म इन अनुसार अदुर दा आराम सक्कीत हांग अच ह्यांग परमेश्वर उक तान क्यालसागोळ से आराम सक्क्याद. 11 इदुरसाटी बरी ईग नाव भी आ आराम इक हासलि माळोर साटी पुरा रीती देल कोशशि माळता, ताकी हगि आगबाळुल कनि नाम न्याड्या दा टु यावारा भी अदरी हासलि माळदुर दा असफल आगबाळुल ह्यांग आंदुर तान वशिवास इन कमी इन द्वारा आगीदुर.

12 यतकी परमेश्वर उन वचन जतिता, कुरियाशील, अदकि हर ऊंद दोधारी तलवार से भी हापाळ तेज आद; अदकि हर जीव आत्मा अक, अदकि जोळ-जोळ इक ब्यारर माळकु आर-पार गडडा माळतद अदकि मन इन इच्छागोळ अदकि वचारगोळद न्याय माळतद. 13 अदकि दुनया अन्द यातोदारा भी वस्तु परमेश्वर उन नजर देल होचकोमकु हैलेच, आऊन कणणगोळ मुंद यारी नामी लेखा जोखा कोळोद आद हर वस्तु बीना यातोदु आवरण इन तेरकु आद अदकि येनु अच ओझल हैलेच.

यीशु महान महायाजक

14 इदुरसाटी याग नामव ईत्ता धोड्डेव महायाजक आन, जो स्वर्ग दा टु आगकु होग्यान, मतलब परमेश्वर उन पार यीशु, रा बरी, तान वशिवास इक जो नाव प्राप्त माळेव मजबूती देल हुडुकु ईत्तेव. 15 यतकी नामव जो महायाजक आन आव हगि हैलेच कनि जो नाम कमजोरीगोळ सांगुळ सहानुभूती ईट सक्यान, आऊक हर प्रकार देल हांगा परखुसकु आत ह्यांग नामी लेकीन आव हमेशा पाप रहति ईत्तुन. 16 रा बाक बरी, नाव आत्मवशिवास इन सांगुळ अनुग्रह ताकोमोर साटी परमेश्वर उन सहासन दी वाळुसेव ताकी जरवत बीळदुर मा नाम सहायता अन साटी नाव दया अदकि अनुग्रह अक हासलि माळ सक्केव.

5

1 हर ऊंद महायाजक मळसागोळ दा टु अच नविळुसकु आगतान, अदकि लॉकुरद प्रतनिधीत्व माळोर साटी परमेश्वर इन स्यावा साटी नयिकुती माळकु आगतद ताकी आव पापगोळ साटी भेंट अदकि बलदान येरसुल. 2 यतकी खुद भी हापाळ रीत देल कमजोरी इन हात्ती आन इदुरसाटी आव अग्यानीगोळ अदकि भुला भटका लॉकुर सांगुळ कोमलता देल व्यवहार माळ सकतान. 3 इदुरसाटी आऊक पायजे कनि ह्यांग लॉकुर साटी हांग अच तान साटी भी पाप-बली येरसुल. 4 ईद मुख्य याजक आदर इन पद याऊ तान तान इक नविळुसकु ताकोमालुन, याग कनि हारून उन घाई परमेश्वर उन दी टु ठहरूसकु आगालुन.

5 हांग अच मसीह भी महायाजक आगोद आदर तांदुर देल ग्रहण माळीदील, बल्की परमेश्वर आऊन से अंदुन “नी नान पार हुय, अदकि ईद ना नीन आपुप बनसीन.” 6 ईदा प्रकार आव दुसरा जागा दा भी अनतान, “नी मलकिसिदिक इन रीतमा हमेशा साटी याजक आय.”

7 यीशु तान शरीर दा ईरोद दनिगोळ दा धोळद शबद दा वरल-वरलकु अदकि कणण इन नीर वाहुसकु आऊन से जो आऊक मृत्यु देल ऊळस सकोन, प्रार्थना अदकि वनिती माळदुन, भक्ती अदकि नम्रता अन कारण परमेश्वर आऊन केळदुन. 8 लेकीन अगर आव परमेश्वर उन ईरोन तरी भी दुखगोळ झेलसतेला आव आग्या अन पालन माळोद कलतुन. 9 अदकि सिद्धि बन्सदुर मा, तान सप्पा आग्या मानसावाळेर साटी अनन्त काल इन उद्धार इन स्त्रोत बन्सदुन, 10 अदकि आ परमेश्वर उन दी टु मलकिसिदिक इन रीतमा महायाजक बनस्कु आदुन.

वशिवास देल भटकूसकु होगोद वरिध दा चेतावनी

11 इदुर बारा दा नामी हापाळ सा मातगोळ माताळोव आव, लेकीन यऊरद वरणन माळोद कठनि आद, यतकी नीव समसदुर दा हापाळ धीरा आईर. 12 वास्तव दा ई समय ताका रा नीमी शकिषक आगोगोद हुन, तरी भी ईद जरूरी आगोग्याद का यावारा नीमी परमेश्वर उन वचनगोळद शकिषा सूरवात टु मातूत कलसुल. नीव रा हगि आगोदीर का नीमी टोस भोजन इन बदला ईंग भी हाल अच पायजे. 13 यतकी जो हाल कुडुतान आव चगिद अच आन अदकि आऊक सही गलत इन येनु अनुभव ईराल. 14 लेकीन टोस भोजन स्याणागोळ साटी आद, आव याव तान अनुभव देल वळ्लीद अदकि बुरा अन्द ग्यान माळोद कलतोग्यान.

6

1 इदुरसाटी बरी मसीह अन सूरवात इन स्तर शकिषा अक सूरवात इन मातगोळी बटिकु नाव सिधिता दी मुंद वाळुस्तेला होगीता, मृत्यु उन अगुवाई माळोर द्वारा प्रायश्चित इन पायवा मात हाकवाळुल, अदकि परमेश्वर मा वशिवास माळोद, 2 बपतसिमा अन्द शकिषा अदकि म्याकुच कयगोळी ईटोद, अदकि सोत्तुर दा टु जतिता आगोद, अदकि अनन्त न्याय ताका. 3 अगर परमेश्वर चाहास्यान रा नाव ईदा माळोव.

4 जो लॉकुर तान वशिवास इक त्यागस वुळतार आंदरी मात पश्चाताप माळोर साटी हयांग तनकु आग सकतद, आंदुर ऊद घन परमेश्वर उन प्रकाश दा ईरोर, आंदुर स्वर्ग इन उपहार नेकदुर अदकि पवतिर आत्मा अन्द तान हसिसा हासलि माळदुर, 5 अदकि परमेश्वर उन वळ्लीद वचन इन अदकि बरावाळा दुनया अन सामर्थ्य अन अदकि आंदुर परमेश्वर उन वचन याट वळ्लीद आद ईदुरद अनुभव माळ्यार. 6 अगर आंदुर आंदुरद वशिवास देल भटकुसेदार रा आंदरी मन तरिगुसोर साटी मातूत वापस तरोद असंभव आद; यतकी आंदुर परमेश्वर उन पार उक मातूत क्रूस मा येस्तार, तथा आऊक सार्वजनिक रूप देल अपमान इन वषिय बन्सतार.

7 आ धरती जो हमेशा बळिवाळा बरसात इन नीर इक सोक्स वुळतद, जो जोतसावाळेर अदकि बोऊसावाळेर साटी उपयोगी फसल प्रदान माळतद, अद मुणूण परमेश्वर से आशीष ताकोमतद. 8 लेकीन आ धरती मुळल अदकि घासपुस पैदा माळतद, रा अद बेकार इन आद अदकि अद परमेश्वर उन दी टु श्रापति आगदुर मा आद अदकि अदुरद अन्त होताककु आगोद हुन.

9 हे प्रथि संगीगोळा, नाव भला ईत्ता प्रकार इन मातगोळ चाहसतेव लेकीन नीम बारा दा नामी ईदुर से भी वळ्लीद मातगोळद आत्मवशिवास आद अव मातगोळ जो नीम वशिवास से जुळसकु आव. 10 नीव परमेश्वर उन लॉकुरद लगातार मदत माळतेला जो प्यार तोरसीर, अदरी अदकि नीम दुसरा क्यालसागोळी परमेश्वर यागलु मारूतीदलि, आव अन्यायी हल्लेच. 11 नाव चाहसतेव की नीम दा टु हर ऊद आखरी ताका हगि अच मेहनत माळतेला ईरूल, ताकी नीव नश्चय अदरी हासलि माळ सकीर यदुरद नीव आशा माळतेला ईतीर. 12 नाव चाहसालेव का नीव आलसी आगोगी, बल्की आंदुरद अनुकरण माळी जो वशिवास अदकि धीरज इन सांगुळ आव वस्तुगोळी हासलि माळेत्यार यऊरद परमेश्वर प्रतगिया माळ्यान.

परमेश्वर उन अटल प्रतगिया

13 परमेश्वर अब्राहम से प्रतगिया हाळाहोती याग करिया तीनोर साटी यारीकु तान से धोड्डेव नोळीदील, रा ताद अच करिया तदिन, 14 अदकि अंदुन "ना सही दा नीनी हापाळ आशीष कोळाईन, अदकि नीनी अनेक वंशज कोळाईन." 15 अदकि ईत्ता रीत देल अब्राहम धीरज हुडुकु परमेश्वर उन माळद प्रतगियागोळी हासलि माळदुन. 16 मळसा रा तान से यातारा धोड्डेव मळसा अन करिया तीनतार, अदकि अद करिया सप्पा तर्क वरितकगोळद अन्त माळकु जो येनारा अंदकु आगतद, अदरी पक्का माळ वुळतद. 17 परमेश्वर उन माळद प्रतगिया अक हासलि माळावाळेर इक परमेश्वर स्पष्ट माळकामोद चाहासतान का आव तान उद्देश इक यागलु बदलुसालुन

इदुरसाटी आव तान प्रतगिया अन सांगूळ तान करिया अक जोळस बुट्टुन. 18 ईल येदूढ मातगोळ आव आऊन प्रतगिया अदकि आऊन करिया जो यागलु बदलुस सकालव, अदकि यऊर बारा दा परमेश्वर यागलु खवाटा माताळ सकालुन. इदुरसाटी नाव जो परमेश्वर उन हात्ती सुरकषा ताकोमोर साटी बंदेव, अदकि जो आशा आव नामी कोटान अदरी हुडुकु हापाळ उत्साहीत आयेव. 19 अद आशा नाम जीव इन साटी ईत्ता लंगर आद जो स्थरि अदकि मजबूत आद, अदकि परदा अन बुळक इन पवत्रि जागा ताका पद्दुचुसतद, 20 यल यीशु नाम दी टु नाम से पयले प्रवेश माळ्दुन, अदकि मलकिसिदिक इन परंपरा दा हमेशा हमेशा साटी प्रमुख याजक बनसेदुन.

7

मलकिसिदिक याजक

1 ईव मलकिसिदिक शालेम इन राजा ईरोन, अदकि परमप्रधान परमेश्वर उन याजक ईरोन. याग अब्राहम नाक राजागोळी युद्ध दा पराजीत माळकु वापस आगोन आग मलकिसिदिक अब्राहम उक सकिदुन अदकि आऊक आशीष कोट्टुन. 2 अदकि अब्राहम आ सप्पा दा टु जो आव युद्ध दा जीकसीदुन अदुर्द दसवा हसिसा कोट्टुन. मलकिसिदिक उन हेसुर इन पयला मतलब आद न्यायीपन इन राजा, अदकि अदुर्द ईद भी मतलब आद, “शालेम उन राजा” मतलब “शांती इन राजा.” 3 यार आपप, मोय, अदकि पुर्वजगोळ्द यातोदु इतहास सकाल, आऊन जनम या मृत्यु उन भी यातोदु उल्लेख हैलेच; लेकीन परमेश्वर उन पार उन घाई इच हमेशा अन साटी याजक बनसकु ईरतान.

4 थवाळासा वचिर माळी क्क आव याट महान ईरोन यारी कुलपती अब्राहम युद्ध दा हासलि माळ्द माल इन दसवा हसिसा कोट्टुन. 5 अदकि लेवी इन वंशज दा टु जो याजक इन पद हासलि माळतार, आंदरी व्यवस्था अन अनुसार आग्या सकियाद क्क इस्राएल इन लॉकुर से मतलब तान खुद इन लॉकुर से, दसवा हसिसा ताकोम वाक आंदुर अब्राहम उन वंशजगोळ्द भी वंशज येती आगवाळ्दुल. 6 लेकीन मलकिसिदिक, जो लेवी वंशज दाकळव भी ईला ईरोन, अब्राहम से दसवा हसिसा ताकोडुन, अदकि आ अब्राहम उक आशीषगोळ कोट्टुन यार हात्ती परमेश्वर उन प्रतगियागोळ ईरव. 7 इदुरदा येनु शक हैलेच क्क जो आशरिवाद कोळतान आव आशरिवाद ताकोमावाळा से धोड्डेव ईरायदुन. 8 यल ताका लेवीगोळ सवाल आद आंदुर दा दसवा हसिसा आ मळसागोळ द्वारा संघरूसकु आगतद जो मळसागोळ सायतार लेकीन मलकिसिदिक उन यल ताका सवाल आद दसवा हसिसा आऊन द्वारा संघरूसकु आगाईत जो शास्त्र अन अनुसार ईग भी जत्तिता आन. 9 रा नाव ईद भी अन सक्तेव क्क लेवी भी, जो दसवा हसिसा ताकोमतान, अब्राहम उन द्वारा दसवा हसिसा कोट्टुन. 10 यतकी याता समय मलकिसिदिक अब्राहम से भेट माळीदुन, आग रा लेवी इन जनम भी ईला आगति आव रा तान पुर्वजगोळ्द शरीर दा ईरोन.

11 अगर लेवी याजकता अन परंपरा अन द्वारा संपुरणता हासलि माळकु आग सकोद रा यावारा दुसरा याजक उन बरोद अच येन जरवत ईरोद? यतकी ईदुर दा आधार मा लॉकुरी व्यवस्था भी कोटकु आगति, ऊद हगि याजक उन येन जरवत ईरोद जो मलकिसिदिक उन परंपरा नव ईरूल ना क्क हारून उन परंपरा नव. 12 यतकी याग याजक उन पद बदलुसेगतद, रा व्यवस्था अन भी बदलुसोद जरूरी आद. 13 यतकी नाम प्रभु उन बारा दा ईव मातगोळ अनकु आगताव क्क आव दुसरा गोत्र इनव हुन, यार गोत्र दा टु याऊ याजक उन रूप दा वेदी इन स्यावा माळीदलि, 14 रा प्रगट आद क्क नाम प्रभु यहूदा अन गोत्र दा टु पैदा आग्यान, अदकि ई गोत्र अन बारा दा मूसा याजक पद इन येनु चर्चा माळीदलि.

मलकिसिदिक उन घाई दुसरा याजक

15 नाम दावा मात्त सपष्टता देल प्रगट आगगतद, याग मलकिसिदिक उन घाई दुसरा याजक पैदा आगतान, 16 जो शारीरक आग्यागोळ अन नयिमगोळ अनुसार ईला, लेकीन अवनिशी जीवन इन सामर्थ्य अन अनुसार याजक बनस्यान. 17 यतकी शास्त्र अनतद, “नी मलकिसिदिक उन रीतमा युगानुयुग याजक आय.” 18 पयला नयिम इदुरसाटी रद्द माळकु आत, यतकी अद कमजोर

अदकि व्यर्थ ईरोद. 19 इदुरसाटी की मूसा अन्द व्यवस्था यारीकु पुरा सदिध माळ सकदील. अदकि ईग आऊन जागा मा ऊंद हगि वळ्लीद आशा ईटकु आग्याद यदुर द्वारा नाव परमेश्वर उन हात्ती होग सक्तेव.

20 मसीह अन नयिकृती परमेश्वर उन करिया अन्द द्वारा आत लेकीन दुसरा अक बनिा करिया अन्द अच याजक माळकु आगीत.

21 *लेकीन यीशु आग ऊंद करिया देल याजक बन्सीदुन, याग परमेश्वर आऊन से अंददिन, “प्रभु करिया तदिान अदकि आव तान मन यागलु बदलुसतदील, ‘नी हमेशा साटी याजक बन्सकु ईत्या.’”

22 ई करिया अन कारण यीशु मात्त ऊंद वळ्लीद वाचा अन्द हमी बनसेदुन.

23 ईग नोळी, हगि हापाळ सा याजक ईरतोगोर लेकीन आंदरी मृत्यु आंदुर पदगोळ मा कायम ईर गोटीदील, 24 लेकीन यीशु अमर आन, अदकि आऊन याजक इन क्यालसा हमेशा हमेशा साटी बन्सकु ईरोदाद. 25 इदुरसाटी जो आऊन द्वारा परमेश्वर उन हात्ती बरतार, आव आंदुर पुरा रीत दील उद्धार माळदुर दा समर्थ आन यतकी आव परमेश्वर से आंदुर साटी वनिती माळली हमेशा जतिता आन.

26 हगिा महायाजक नाम जरवतगोळी पुरा माळ सकतान. आव पवतिर आन, आव नरिदोष आन अदकि आऊन दा यातोदु पाप हैलेच, आव पापीगोळ से भी ब्यार माळकु आग्यान, अदकि स्वर्ग से भी आऊक म्याकुच नेगुकु आग्याद. 27 आ दुसरा महायाजकगोळ घाई आऊक जरूरी हैलेच की हर रोज पयले तान पापगोळी अदकि बाक लॉकुर पापगोळ साटी बलदिान येरसुल; यतकी आव तान तान इक बलदिान येरसकु अदरी ऊंद अच घन दा पुरा माळ कौडुन. 28 मूसा अन्द व्यवस्था मंळसागोळी जो पुरा हैलेच आंदरी महायाजक नयिकृत माळतद, लेकीन परमेश्वर उन प्रतगिया आऊन करिया अन सांगुळ बन्सकु आग्याद ईद प्रतगिया व्यवस्था अन्द बाददा बंदाद अदकि ई प्रतगिया प्रमुख याजक उन रूप दा पार उक नयिकृत माळ्याद जो हमेशा हमेशा साटी आद अदकि परपुर्ण बन्सकु ईरतद.

8

यीशु नाम महायाजक

1 ईग जो मातगोळ नाव अनतेव आंदुर दा टु अदुरदा सब से धोळद मात ईद आद की नाम ईत्ता महायाजक आन, जो स्वर्ग मा महा महमा अन्द सहासन इन ऊमा कय दी होगकु कुरतान, 2 अदकि पवतिर जागा दा मतलब खरा तम्बू दा यदरी परमेश्वर स्थापति माळयान ना की मंळसा, आ जागा दा आव महायाजक क्यालसा माळतान. 3 यतकी हर ऊंद महायाजक भेट अदकि बलदिान येरसोर साटी टहरूसकु आगतान, ईद कारण जरूरी आद की ई याजक उन हात्ती भी येनारा येरसली ईरूल. 4 अगर आव पृथ्वी मा ईरायदुन रा यागलु याजक ईला आगायदुन, यतकी अल पयले टु अच हगि याजक आर जो यहूदी व्यवस्था अन्द अनुसार भेट येरसतार. 5 जो याजकपन इन क्यालसा आंदुर माळतार, अद स्वर्ग दा जो आद अदुरद ऊंद सावली अदकि प्रतीकृती आद. ईद हांगा प्रकार आद याग मूसा पवतिर तम्बू उन नरिमाण माळावाळा अच ईरोन आग परमेश्वर आऊन से अंददिन, “ध्यान दा ईरूल की नी हर चीज बराबर अदा प्रतरूप इन अनुसार माळ जो नीनी पहाळी मा तोरसकु आगीत.” 6 लेकीन आ याजकगोळ से वाळुसकु स्यावा यीशु उक सकित यतकी आव मात्त वळ्लीद-वळ्लीद वाचा अन मध्यस्थ टहरूसदुन, जो मात्त वळ्लीद प्रतगियागोळ आसरा देल कटकु आग्याद.

7 यतकी अगर अद पयला वाचा नरिदोष ईराईत, रा दुसरा वाचा साटी येनु जरवत ईला ईराईत. 8 लेकीन परमेश्वर उक आ लॉकुर दा दोष सकित अदकि आव अनतान, “प्रभु अनतान, नोळी, अव दिन बरताव की ना इस्त्राएल इन लॉकुर सांगुळ, अदकि यहूदा अन्द लॉकुर सांगुळ व्हाशोद वाचा कटाईन. 9 ईद आ वाचा अन घाई ईरतीदील, जो ना आंदुर आप्प-दादागोळ सांगुळ आ समय

कटकु आगीत, याग ना आंदुरद कय हुळकु आंदरी मसित्तर दयाश टु तेगुकु तंदीन; यतकी आंदुर नान वाचा मा वशिवासयोग्य ईतीदील यदरी ना आंदुर सांगुळ कटीदनि, अदकि इदुरसाटी ना आंदुर मा ध्यान हचीदलि. ¹⁰बाक प्रभु अनतान, क्जो वाचा ना आ दनिगोळ बाद्दा इस्त्राएल इन घराना अन सांगुळ कटाईन, अद ईद हुन क्जो ना तान व्यवस्था अक आंदुर मनगोळ दा हाकाईन, अदकि अदरी आंदुर दलिगोळ मा लखिसाईन, अदकि ना आंदुरव परमेश्वर ठहूसीन अदकि आंदुर नान लॉकुर ठहूस्यार. ¹¹अदकि यावारा भी तान संगीगोळी अदकि मान्ना हात्तीवाळेर वारटुर इक ईद शक्किषा कोळतीदील, क्जो नी प्रभु उक अरू, यतकी स्याण हाती टु धोड्डेर ताका सप्पा नानी अर्त कोंडार. ¹²ना आंदुर पापगोळी माफ माळाईन अदकि यागलु आंदुर पाप याद ईततदलि.” ¹³ई वाचा अक व्हाशोद अंदकु आव पयला वाचा अक हाळोद माळ बुट्टुन अदकि जो हाळोद अदकि जीरण आगेगतद अद रा बाक राटनेरी गायव आगेदीत.

9

पृथ्वी अदकि स्वर्ग इन आराधना

¹ईग नोळी आ पयला वाचा दा भी उपासना माळोद नयिम ईरव, अदकि ऊंद उपासना अन्द जागा ईरोद जो मंळसा अन द्वारा माळकु आगीत. ²ऊंद तम्बू माळकु ईरोद, यदुरद पयला कमरा दा दगिया ईटोद जागा, अदकि मेज अदकि परमेश्वर उक भेट माळव रोटीगोळ ईरव; अदकि आ जागा अक पवतिर जागा अंदकु आगतोगोद. ³दुसरा परदा अन हदि मात्त ऊंद कमरा ईरोद, यदरी परम पवतिर जागा अंदकु आगतोगोद. ⁴ईऊर दा सुगन्धति धूपदानी इन साटी व्हान्ना अन वेदी, अदकि व्हान्ना देल मळुसद वाचा अन्द संदुकु ईरोद ई संदुकु दा व्हान्ना अन्द माळद मन्ना अन्द ऊंद जार इरोद, अदकि हारून उन आ छळी ईरोद यदुर मा अंकुर वेळदीदव अदकि येढढ कल्ल यदुर मा आग्यागोळ लखिसकु ईरव. ⁵संदुकु इन म्याकुच परमेश्वर उन उपस्थिती इन प्रतकि मतलव क्ख बन्सकु ईरव जो तान पक्कागोळी फैलुसकु माफ अन जागा मा सावली माळतोगव. लेकीन ई समय नाव ईव मातगोळद वसितार देल चर्चा माळ सकालेव.

⁶सप्पा येनारा संची आगदुर बाद्दा याजक पयला कमरा दा हर रोज प्रवेश माळकु तान स्यावा अन्द कार्य पुरा माळोर साटी होगतोगोर. ⁷लेकीन परदा अन बुळक इन दुसरा कमरा दा सर्फि प्रधान याजक अच साल दा ऊंद अनली प्रवेश माळतोगोन, आव बनि आ रक्ता अन यागलु प्रवेश ईला माळतोगोन यदरी आव तान द्वारा अदकि तान लॉकुर द्वारा अनजाना दा माळद पापगोळ साटी परमेश्वर उक भेट येरसतोगोन. ⁸ईदुर द्वारा पवतिर आत्मा सपष्ट रीत दिल ईद कलसतद क्जो यागासताका ताका पयला तम्बू नदुरकु आद आगासताका ताका परम पवतिर जागा अन्द हादी ईगासताका तेरकु ईला ईरोद. ⁹ईद ऊंद तम्बू हुन जो वर्तमान समय इन साटी ऊंद उदाहरण आद; मतलव यदुरदा उन ईत्ता भेट अदकि बलदिन येरसदुर बाद्दा भी आराधना माळावाळेर मन सदिध आग सकालेव. ¹⁰ईद रा सर्फि तनिोद कुडोद अदकि अलग-अलग प्रकार इन सुद्धकिरणगोळद वधिगोळ हुव. अद तम्बु यदुर दा आव स्यावा माळतान अद यक्कुल वळलीद परपिरण तम्बु हुन अद मंळसागोळद कय इन माळद तम्बु आल्लच अदकि अद ई संसार इन नरिमती इन भाग आल्लच.

¹¹लेकीन जो मातगोळ पयले टु अच ईल आव हगि वळलीद वस्तुगोळद याग मसीह पयले टु प्रधान याजक बन्सकु बंदान. रा आव मात्त यक्कुल धोळद अदकि सदिध तम्बु टु आगकु, जो मंळसा अन कय ईद बन्सकु ईला मतलव ई सृष्टी इन ईला, ¹²अदकि व्हातगोळ अदकि वस्तागोळ रक्ता अन द्वारा ईला लेकीन तांद अच रक्ता अन द्वारा, मसीह ऊंद अच घन तम्बु दा टु आगतेला महापवतिर जागा दा प्रवेश माळदुन अदकि नाम साटी पापगोळ देल अनन्त छुटकारा प्राप्त माळदुन. ¹³यतकी याग व्हातगोळ अदकि वस्तागोळद रक्ता अदकि होद पाड्डगोळद राकळ इक वधि इन अनुसार अशुध्द लॉकुर मा छळिकुसदुर देल आंदुर शुद्ध आगेगतार अदकि वधि इन अनुसार आंदुर अशुध्दता व्हार्यागोळद रीत दिल हाटोगतद. ¹⁴याग ईद सही आद रा मसीह अन

रक्ता याट प्रभावशाली ईतीदाद, आव अननूत आत्मा अन द्वाऱा तान तान इक ऊंद संपुऱण बली इन रूऱ दा ढरमेश्वर उक समरूऱति माळ बुट्टुन. रा आऊन रक्ता नाम चेतना अक आ कर्मगोळ देल कोळससति जो मृत्यु दी ओयतार कानाव जतिता ढरमेश्वर उन स्यावा माळ सकुकेव.

15 ईंदा कारण मसीह ऊंद व्हाशोद वाचा अनूद मध्यस्थ आदुन, ताकी यारी ढरमेश्वर उन द्वाऱा कारूकु आग्याद आंदुर ढरमेश्वर उन ढरतगिया माळूद अननूत आशषिगोळूद वारीस आग सकुल. ईंग नोळी ढयला वाचा अन हात्ती ता दा माळूद ढापगोळ से मुकूत माळोर साटी ढरिरीती इन रूऱ दा आव तान जीव कोट बुटान. 16 यल ताका वसीयत नामा अन सवाल आद रा अदुर साटी याव आऊक माळूयान आऊन मृत्यु उक ढरमाणति माळूद जरूरी आद. 17 यतकी यातोदारा भी वसीयत नामा सरिऱ आगा ढरभावति आगतद याग अदुरद लखिसावाळा अन मृत्यु आगोगतद, यागासताका अदुरद लखिसावाळा जतिता ईरतान रा अदुरद यागलु ढरभावति बळाल. 18 इदुरसाटी ढयला वाचा भी रक्ता अनूद इस्तेमाल द्वाऱा ढरभावति आत. 19 ढयले मूसा याग वयवस्था अन वधिान इन सऱूऱा आदेशगोळी सऱूऱा लॉकुरी ढोषणा माळ कौडान रा आव नीर इन सांगुळ व्हातगोळ अदकि ढाडडगोळूद रक्ता अक कयाचांद इन अदकि हसिसऱ इन डगालगोळ देल वयवस्था अन कतिाव अदकि सऱूऱा लॉकुर मा छळिकुस बुटीदुन. 20 अदकि आव अंददिन, "ईंद आ वाचा अन रक्ता हुन, यदरी ढालसोद आग्या ढरमेश्वर नीमी कोटान." 21 अदकि ईंदा रीर्तल देल आव तम्बू अदकि उऱासना माळूद सऱूऱा वस्तुगोळ मा रक्ता छळिकुसदुन. 22 वास्तव दा वयवस्था अन अनुसार् लगभग रक्ता द्वाऱा अच सऱूऱा वस्तुगोळ शुद्ध आगताव, अदकि बनिा रक्ता वाहुसूद ढापगोळी माऱ हलैलेच.

मसीह अन बलदिान द्वाऱा ढाप-माऱ

23 रा बाक ईंद जरूरी आद कानव वस्तुगोळ जो स्वर्ग इन ढरतकिती आव अवरी जनावरगोळूद बलदिानगोळ से शुद्ध माळकु आगुल लेकीन स्वर्ग टु वस्तुगोळ रा ईऊर से भी वळूलीद बलदिानगोळ देल शुद्ध माळकु आगोद अपेक्षा माळतद. 24 यतकी मसीह मळसागोळूद कय इन माळूद ढवतिर जागा दा, जो खरा ढवतिर जागा अन नमुना आद, ढरवेश माळीदलि लेकीन स्वर्ग दा अच ढरवेश माळदुन, ताकी नाम दी टु ढरमेश्वर उन मुंद ढरगट आगुल. 25 ईंद ईला कानव आव तान तान इक घळी-घळी बली येरसुल, हयांग कानव महायाजक हर साल ढशुगोळ रक्ता हुडुकु ढवतिर जागा दा ढरवेश माळतान, 26 ईलारा दुनया अन उत्ऱऱर्तल टु हुडुकु मसीह अक घळी-घळी दुख नेगोद बळीईत; लेकीन ईंग युग इन अनूत दा आव ऊंद अच घन सऱूऱा मुंदुर साटी ढरगट आग्यान, ताकी तांद अच बलदिान इन द्वाऱा ढाप इक दुर माळ बुळुल. 27 अदकि हयांग मळसागोळ साटी ऊंद घन सायोद अदकि अदुर बाददा ढरमेश्वर उन द्वाऱा न्याय इन आगोद तय आद, 28 हांग अच मसीह भी हाऱाळ मळसागोळूद ढापगोळी नेगोर साटी ऊंद घन बलदिान आदुन; अदकि जो लॉकुर आऊन हादी कायतार आंदुर उद्धार इन साटी ईंग आव दुसरा घन ढरगट आदान रा ढापगोळी दुर माळोर साटी ईला बल्की जो आऊन हादी कायतार आंदरी उद्धार कोळोर साटी.

10

1 वयवस्था रा बरावाळा वळूलीद मातगोळूद सरिऱ सावली हुन, लेकीन अद आ वास्तवकि मातगोळूद सऱूऱा अदकि वास्तवकि मातगोळूद दाखला ईला. इदुरसाटी अवा बलगिोळ द्वाऱा यवरी लगातार हर साल अननूत रूऱ देल येरसकु आगतद, आराधना अन साटी हात्ती बरावाळेर इक हमेशा साटी संपुऱण सदिध माळकु आगसकाल. 2 अगर् हगि आग सकाईत रा येन अऊरद येरसकु आगोद बंद ईला आगोगाईत? यतकी बाक रा उऱासना माळावाळेर ऊंदा घन दा हमेशा साटी ढवतिर आगोगायदुर अदकि तान ढापगोळ साटी बाक यागलु तान इक दोषी ईला समसायदुर. 3 लेकीन हर साल येरसद बलगिोळ मळसागोळी आंदुर ढाप याद तोरसतद. 4 यतकी वस्तागोळ अदकि व्हातगोळूद रक्ता ढापगोळी दुर माळुल, ईंद संभव हलैलेच.

5 इदुरसाठी याग मसीह दुनिया दा बंदीदुन रा आव अंददिनु, “नीनी याऊ बलदिान अदकि भेट चाहासीदलि, लेकीन नी नान साटी ऊंद शरीर तयार माळ्द.”

6 अगुर्न-बलगिोळ्द अदकि पाप-बलगिोळ्द देल नी खुश आगीदील.

7 आग वाक ना अंददिनु, अदकि ह्यांग व्यवस्था अन कतिाव दा भी लखिसकु आद, “ना ईल आईन, हे परमेश्वर, नीन इच्छा पुरा माळोर साटी बंदीन.”

8 आव पयले अंददिनु, “बलगिोळ्द अदकि भेट, अगुर्न-बलगिोळ्द अदकि पापबलीगोळ्द नी चाहसाल अदकि ना रा नी अऊर से खुश आगीद.” तरी भी व्यवस्था ईद चाहासतद क अिव येरसकु आगुल. 9 वाक आव अंददिनु, ना ईल आईन, नान नीन इच्छा पुरा माळोर साटी बंदीन, रा आव दुसरा व्यवस्था अक स्थापति माळोर साटी पयला र्द माळ् बुळतान. 10 परमेश्वर उन इच्छा देल नाव यीशु मसीह अन शरीर इन पयला अच घन बलदिान येरसकु आगदुर द्वारा पवतिर माळ्कु आदेव.

11 हर ऊंद याजक हर रोज नीदुरकु तान न्याय इन कर्तव्यगोळी पुरा माळतान, अदकि ऊंद अच प्रकार इन बलदिान इक जो पापगोळी यागलु दुर माळ सकालव घळी-घळी येरसतान. 12 लेकीन मसीह रा याजक उन रूप दा पापगोळ साटी, हमेशा साटी ऊंदा बलदिान येरसकु परमेश्वर उन ऊम्मा कय दी होगकु कुरतुन, 13 अदकि अदा समय टु तान वरिधीगोळी परमेश्वर उन द्वारा कालगोळ्द पांळसी माळ्कु आगोद हादी कायेत्यान. 14 यतकी आव ऊंद अच चढावा अन द्वारा आंदरी जो पवतिर माळ्कु आगतार, हमेशा साटी पुरा सदिधु माळ् कोडान.

15 अदकि पवतिर आत्मा भी नामी ईदा गवाही कोळतद; यतकी अद पयले अनतद.

16 “प्रभु अनतान क जि वाचा ना आ दनिगोळ्द बाद्दा आंदुर से कटाईन अद ईद हुन कानि तान नयिमगोळी आंदुर दलिगोळ्द मा मळसाईन अदकि ना आंदुर मनगोळ्द मा लखिसाईन.”

17 वाक आव ईद अनतान, “ना आंदुर पापगोळी अदकि आंदुर अन्याय इन क्यालसागोळी वाक यागलु याद माळ्तीदील.” 18 अगर ईदुरद पापगोळ्द माफ आगोग्याद, रा यातोदु बली इन येनु जरवत अच हैलेच.

बरी नाव परमेश्वर उन हात्ती होगता

19 इदुरसाठी हे वारदुरा अदकि आकतींगेरा, यतकी यीशु उन रक्ता अन द्वारा आ परम पवतिर जागा दा प्रवेश माळोद नडिर आत्मवशिवास आद, 20 यारी आव परदा अन द्वारा, मतलब आऊन खुद इन शरीर इन द्वारा ऊंद व्हाशोद अदकि जित्ता हादी इन माध्यम नाम साटी तेर्द बुटान. 21 अदकि नाम हात्ती हांगि महान याजक आन, जो परमेश्वर उन मान्ना अन अधिकारी आन, 22 रा बरी, नाव खरा मन अदकि पुरा वशिवास इन सांगुळ, अदकि नामी मन इन दोष इन भावनागोळी शुद्ध माळोर साटी अदकि दलि मा रक्ता छळिकुसकु, अदकि शरीर इक शुद्ध नीर देल तोळ्कु परमेश्वर उन हात्ती होदेव. 23 बरी नाव तान आशा अन अंगीकार इक मजबूती देल हुडुकु ईत्तेव, यतकी याव प्रतगिया माळ्यान, आव वशिवासयोग्य आन; 24 अदकि बरी नाव ध्यान ईटाता कानि नाव प्यार अदकि वळ्तीद क्यालसागोळ्द प्रती आवुर दाबुर इक ह्यांग मदत माळ सकतेव, 25 अदकि ऊंद सांगुळ सभागोळ्द दा बरोद तान ई आदतगोळी बळिवाळी, ह्यांग क थवाळासा लॉकुरी अल ईला बरोद आदत बदिग्याद, लेकीन आवुर दाबुरी मात्त यक्कुल प्रोत्साहित माळतेला ईरी; ह्यांग कानि नीव नोळ्तीर प्रभु उन दिन हात्ती बरेत्याद.

26 यतकी सत्य अन पयचान हासलि माळ्दुर बाद्दा अगर नाव जान बुद्धसकु पाप माळतेला ईत्तेव, रा पापगोळ साटी वाक यातोदु दुसरा बलदिान मक्कि हैलेच. 27 उलटा वाक रा बरावाळा न्याय अदकि भीषण बेक्की इन अंजक इन सांगुळ हादी कायोद अच सरिफ मक्कि ईरतद जो परमेश्वर उन वरिधीगोळी भसम माळ् कोडीत. 28 जो यावारा मूसा अन व्यवस्था अन पालन माळालुन, आऊन मा बनि दया माळ्द येद्व या मुर मुंदुर गवाहगोळ्द गवाही मान्सकु कोंदकु आगतद, 29 रा वचिर माळ्कोमी कानि आव याट मात्त भारी दण्ड इन लायक ठहरूस्यान, याव परमेश्वर उन पार उक काल देल मेटदुन अदकि वाचा अन रक्ता अक, यदुर द्वारा आव पवतिर

ठहरसकु आगीदुन, अपवतिर जानसदुन, अदकि अनुग्रह अन आत्मा अन अपमान माळदुन.

30 यतकी नाव आऊक अरूतेव, याव अंददिन, “बदला ताकोमोद नान क्यालसा आद, ना अच बदला ताकोमाईन.” अदकि बाक आव ईद भी अनतान, कि “प्रभु तान लॉकुरद न्याय माळ्यान.”

31 जतिता परमेश्वर उन कय दा बळिोद भयानक मात आद.

32 लेकीन आ हदिळोव दनिगोळी याद माळी, यदुर दा नीव परमेश्वर उन ऊजुळ हासलि माळकु, अदकि अदुर बाददा याग नीव मयनतगोळद सामना माळतेला कठोर संघर्ष दा मजबूती इन सांगुळ बन्सकु ईततीर. 33 आग यागल्यारा रा सप्पा लॉकुर मुंद नीमी अपमानीत अदकि सतुसकु आत अदकि यागल्यारा यार सांगुळ हगि बरताव माळकु आगतोगोद, नीव आंदुर साथ कोट्टीर.

34 यतकी नीव कैदीगोळ दुख दा भी सहभागी आदीर, अदकि तान संपत्ती भी खुशी देल लुदुस गोट्टीर; ईद जानसकु कि नीम हात्ती ऊंद मातत वळलीद अदकि हमेशा ठहरसावाळा संपत्ती आद. जो हमेशा साटी बन्सकु ईरतद. 35 इदुरसाटी तान नडिर आत्मवशिवास बळिवाळी यतकी अदुरद प्रतफिल धोळद आद. 36 यतकी नीमी धीरज ताकोमोद जरूरी आद, ताकी परमेश्वर उन इच्छा अक पुरा माळ सकीर अदकि जो प्रतगिया माळकु आग्याद अदरी हासलि माळीर.

37 “यतकी ह्यांग शास्त्र अनतद, हापाळ जलदी जो बरावाळा आन आव बंदान आव बलिकुल समय हचतदील. 38 नान सच्चाई देल नळावाळेर लॉकुर वशिवास देल जतिता ईततार; अदकि अगर आंदुर दा टु यावारा हदि हटस्यान रा ना आऊन से खुश ईरतीदील.”

39 लेकीन नाव आंदुर दा टु हैलेच जो हदि हटसतार अदकि नाश आगोगतार उलटा आंदुर दा टु आयेव जो वशिवास माळतार अदकि ऊळसकु आगतार.

11

वशिवास

1 वशिवास इन मतलब आद यार्द आशा हचकु ईटतेव आऊन साटी नशिचति आगोद, अदकि यातोदारा वस्तु उक नाव चाहे नोळालेव अदुर अस्ततिव अन बारा दा नशिचति आगोद अच वशिवास हुन. 2 ईदा कारण स्याणा लॉकुर काल इन लॉकुरी आंदुर वशिवास इन द्वारा परमेश्वर उन सहमती हासलि आगति.

3 वशिवास देल अच नाव जानस कोमतेव कि पुरा दुनिया अन्द रचना परमेश्वर उन शब्द अन द्वारा आग्याद. इदुरसाटी जो माळद मातगोळ दृश्य आव, अव दृश्य देल अच बनसीदील.

4 वशिवास इन द्वारा अच हाबील परमेश्वर उक कैन से वळलीद बलदान येरसीदुन, अदकि आऊन वशिवास इन द्वारा अच सच्चाई देल नळावाळा मंळसा आगोद सहमती परमेश्वर से हासलि माळदुन; यतकी परमेश्वर खुद अच आऊन दानगोळी सहमती कोट्टुन. ईदुर मतलब हाबलि वशिवास इन कारण अच ईद भी माताळतान, याग कि आव सोतोग्यान.

5 वशिवास देल अच हनोक नेगुकु आदुन कि मृत्यु उक नोळवाळुल, अदकि आऊक याऊ दुंदस सकदील यतकी परमेश्वर आऊक म्याकुच नेगु कोडीदुन, शास्त्र अनतद कि हनोक उन म्याकुच नेगा से पयले आव परमेश्वर उक प्रसन्न माळीदुन. 6 अदकि वशिवास बनिा परमेश्वर उक खुश माळोद असंभव आद; यतकी जो परमेश्वर उन हात्ती बरतान आऊक वशिवास माळ पाहीजे यतकी परमेश्वर उन अस्ततिव आद अदकि आंदरी प्रतफिल कोळतान जो आऊक दुंदसतार.

7 वशिवास इन कारण देल अच नूह अक याग परमेश्वर उन द्वारा अव भवषिय अन मातगोळद बारा दा चेतावनी कोटकु आगति जो आव नोळीदुन भी ईला, रा आव पवतिर अंजुक पुरवक तान परवार इक ऊळसोर साटी ऊंद इवांगा अन निर्माण माळीदुन. परिणाम स्वरूप आऊन वशिवास इन द्वारा अच आव दुनिया अक दोषी ठहरसदुन; अदकि वशिवास इन द्वारा परमेश्वर से बरावाळा न्यायीपन इक हासलि माळदुन.

8 वशिवास देल अच अब्राहम उक याग परमेश्वर कारदुन रा आग्या मानसकु ईतता जागा दा होटोदुन यदुर्द परमेश्वर प्रतगिया माळीदुन; अदकि आव ईला जानसोन क्वाव यल होगेत्यान, तरी भी तान द्याश बटि बूटदुन. 9 वशिवास इन कारण अच प्रतगिया माळद धरती मा आव ऊंद अनजाना परदेशी घाई तान मान्ना माळकु नवासि माळदुन. आव तम्बुगोळ दा हांगा ईततुन ह्यांग इसहाक अदकि याकूब ईतदुर जो आऊन सांगुळ परमेश्वर उन अदा प्रतगिया अन उत्तराधिकारी ईरोर. 10 अब्राहम आ नगर इन हादी कायोन, यदरी परमेश्वर आकार कोटकु माळदुन अदकि हमेशा मजबूत ईरावाळा पायवा हाकदुन.

11 वशिवास इन कारण अच अब्राहम जो हापाळ वाट्ट आगोदिन अदकि सारा जो खुद वांझला ईरोर, लेकीन आक परमेश्वर मा वशिवास माळदुर क्वाव आकनि प्रतगिया पुरा माळतान अदकि अब्राहम आप्प बन्सेदुन. 12 ईद कारण अब्राहम देल अच, जो सोत्तुर घाई ईरोन, आकाश ईनव तारागोळ अदकि समुदुर अन धुळा घाई अनगनित वंशज पैदा आदुर.

13 वशिवास इक तान मन दा हुडुकु ई सप्पा लॉकुर सोतोदुर; याता वस्तुगोळद परमेश्वर प्रतगिया माळीदुन आंदुर ई वस्तुगोळ हासलि माळीदलि, आंदुर बस अवरी दुर टु ना नोळदुर अदकि अऊर्द स्वागत माळदुर अदकि आंदुर ईद खुला हिसाब देल मान्स कोडुर क्वाव आंदुर ई धरती मा परदेशी अदकि अनजाना आर. 14 आ लॉकुर जो ईतता मातगोळ अनतार, आंदुर ईद तोरसतार क्वाव आंदुर ऊंद ईतता द्याश इन खोज दा आर जो आंदुरद खुद इन आद. 15 जो द्याश आंदुर बटार अदुर बारा दा आ लॉकुर वचिार माळतेला ईरालुर, अगुर वचिार माळतेला ईरायदुर रा आंदरी मात्त वापस बरोद मौका ईराइत. 16 लेकीन आंदुर ऊंद वळलीद मतलब स्वरगीय द्याश इन अभलाषी आर; इदुरसाटी परमेश्वर आंदुर परमेश्वर कहलुसली सरमुसालुन, यतकी आव आंदुर साटी ऊंद नगर तयार माळ्यान.

17 वशिवास इन कारण अच अब्राहम, याग परमेश्वर आऊन परीक्षा ताकोमोन, तान पार इसहाक उक बलदान इन रूप दा भेट कोटदुन; अब्राहम आव ईरोन यार से परमेश्वर प्रतगिया माळीदुन तरी भी आव तान ऊंद ठैसा पार उक बली येरसोर साटी तयार ईरोन. 18 रा इदुरसाटी परमेश्वर आऊन से अंददिन, "इसहाक उन द्वारा अच नीन वंश वाळुसति." 19 अब्राहम वचिार माळीदुन परमेश्वर इसहाक उक सोत्तुर दा टु भी जतिता माळ सकतान, अदकि हांग नोळकु आगुल रा ऊंद प्रकार देल अब्राहम इसहाक उक मृत्यु दा टु मात्त वापस नोळदुन.

20 वशिवास देल अच इसहाक याकूब अदकि एसाव उक आंदुर भवषिय अन बारा दा आशीष कोटदुन.

21 वशिवास देल अच याकूब साया होती यूसुफ उन येदुदु पारगोळ दा टु ऊंद ऊंद पार उक आशीष कोटदुन, अदकि तान कोल इन सहारा ताकोमकु परमेश्वर उन आराधना माळदुन.

22 वशिवास देल अच यूसुफ, याग आव सायदुर मा ईरोन, रा इस्त्राएलगोळी मसित्तर टु होटकु होगोद बारा दा माताळीदुन, अदकि तान अस्थीगोळ सांगुळ येन माळ पाहीजे अदुर नरिदेश हेळीदुन.

23 वशिवास देल अच मूसा अन मोय आप्प आऊक पैदा आगदुर बाददा मुर तगिळ ताका होचकोमकु ईटदुर; यतकी आंदुर नोळदुर, क्वाव चिगिद सुंदर आद, अदकि आंदुर राजा अनूद आग्या मुरदुर देल अंजीदलि.

24 वशिवास देल अच मूसा धोडडेव आगकु फरीन उन पोर इन पार अंदकु आगली इनकार आदुन.

25 इदुरसाटी क्वाव आऊक पाप दा धवाळासा दिन इन सुख भोगसुदुर देल परमेश्वर उन लॉकुर सांगुळ दुख भोगसोद यककुल वळलीद हत्त. 26 अदकि मसीह अन कारण ननिदीत आगली मसित्तर अन भंडार देल धोळद धन समसुदुन: यतकी आऊन कण्ण भवषिय अन प्रतफिल हासलि माळदुर दी हतकु ईरव.

27 वशिवास देल अच राजा अन सट्टि देल बनि अंजकु मूसा मसित्तर अक बटि बूटदुन, यतकी मान्सी क्वाव आऊक अदृश्य परमेश्वर काळसोन. 28 वशिवास देल अच आव फसह अन हाब्बा

अदकि कवाळ मा रक्ता छळिकुसोद पालन माळदुन, कि मृत्यु उन दूत इस्त्राएलीगोळ्द पैदा आगूद पयला औलादगोळी कोंद सकबाळुल.

29 वशिवास देल अच इस्त्राएली लॉकुर क्याचांद समुदर अन आप्पाटी हगि ईळदुर, हयांग कि वंळगींद जागा मा दु; अदकि याग मसित्रीगोळ हांग अच माळोद चाहासदुर, रा सप्पा नीर दा मुळकेदुर.

30 वशिवास देल अच यरीहो अन दवार, याग येळ दनि ताका अदुरद परकिरमा इस्त्राएलीगोळ माळदुर रा अद बदीत. 31 वशिवास देल अच राहाब वेश्या आग्या ईला मानसावाळेर सांगुळ कोनुससकु आगीदील; यतकी आक इस्त्राएली गुप्तचरगोळ संगीपना पुरण स्वागत माळीदुर.

32 ईंग ना मातूत येन अनाईन? यतकी समय ईतीदील, कि गदिन, बाराक अदकि शमिशोन, यफिताह, दाऊद शमूएल अदकि भवषियवक्तागोळ्द वरणन माळाईन. 33 इंदुर वशिवास इन दवारा अच राजूय जीकस कोंडुर; जो सही अवा क्यालसा माळदुर; अदकि परमेश्वर प्रतगियागोळ कोटदुन अवरी हासलि माळदुर, आंदुर हुललीगोळव बाय बंद माळ बुटदुर. 34 बेक्की इन लपटागोळी शांत माळदुर; तलवार इन धार देल उळ्वकु होटदुर, नरिबलता दा ताकतवर आदुर; लळाई दा वीर होटदुर; परदेशीगोळ फौजगोळ मा वजिय हासलि माळदुर.

35 वशिवास इन दवारा आरतेर तान सोतकु रशितेदारगोळी मातूत जतिता नोळदुर; यास रा सतुसतेला कोनुससकु आदुर; अदकि छुटकारा चाहासीदलि; इदुरसाटी आंदुर कि वळ्लीद जीवन इन पुनरूतान हासलि माळ सकुल. 36 हापाळ मुंदुर मज्याक हारसकु आत; अदकि क्वाळागोळ्द सामना माळकु आत याग कि थ्वाळासा मुंदुरी संकलीगोळ देल कटकु बंदीगूह दा हाक्कु आत. 37 आंदुर मा पथराव माळकु आदव, आंदरी आरी देल सळिकु येदूढ भाग माळकु आदव, आंदरी तलवार देल मौत इन घाट ईळसकु आत. आंदुर गरीब ईरोर आंदरी यातनागोळ कोटकु आदव अदकि आंदुर सांगुळ बुरा व्यवहार माळकु आत. मर्री म्यांडागोळ तोगुल हाक्कु ईतूत आतूत भटकुसतेला ईतूतुर. 38 अदकि मरूस्थल, पहाळीगोळ, गुफागोळ दा अदकि धरती इन फुटगोळ दा वयाळदुर, ई दुनिया आंदुर लायक ईला ईरोद.

39 वशिवास देल अच आंदुरद वळ्लीद लेखा जोखा ईटकु आत, तरी भी परमेश्वर उन प्रतगिया माळ्द मातगोळ आंदरी सकदील. 40 यतकी परमेश्वर नाम साटी पयले टु ऊंद वळ्लीद योजना ठहरसीदुन, आऊन उद्देश ईद ईरोद कि आंदरी भी नाम सांगुळ अच संपुर्ण सदिध माळकु आगुल.

12

परमेश्वर नाम आप्प

1 यल ताका नाव गवाहगोळ्द हगि धोळ्द बादल देल घेरसकु आयेव, रा बाक बरी, हर ऊंद बादा हाकावाळा वस्तु उक अदकि आ पाप इक जो आसानी देल नामी ऊलझुस बुळतद अदरी भीट बुटेव, अदकि बरी, अद दवळ जो नामी ओळोद आद अदरी धरिज इन सांगुळ ओळव, 2 अदकि नाम वशिवास इन करता अदकि सदिध माळावाळा यीशु उन दी तान कण्णगोळी हचकु ईतूतेव. याव तान मुंद उपस्थति खुशी इन साटी कूस इन यातनागोळ झेलसदुन, अदुर शरम इन येनु चनिता माळीदलि अदकि परमेश्वर उन सहिसन इन ऊमा कय दी वरिजमान आगेदुन.

3 इदुरसाटी आऊन मा ध्यान माळी, याव तान वरिध दा पापीगोळ्द ईट वरिध सहन माळदुन कि नीव नरिाश आगकु साहस बटि बुळतदलि. 4 नीव लॉकुरी पाप इन वरिध दा संघर्ष माळतेला ईट सहन माळोद बदिदील कि नीम रक्ता वाहुसदिद; 5 येन नीव आ प्रोत्साहन इन शब्दगोळी, यारी परमेश्वर तान चकिोर समसकु नीम से अंदुन, येन नीव मारतोगीर? "हे नान पारा, याग परमेश्वर नीनी सुधरूसयान आग ध्यान हच, अदकि याग आव नीन ताळना माळयान रा हताश आगवाळ. 6 यतकी प्रभु यार से प्यार माळतान, आऊक सुधरूसतान भी, अदकि यारी पार माळ कोमतान, आऊक दण्ड भी कोळतान."

7 नीव दुख इक ताळना समसकु सहन माळकोमी; परमेश्वर नीमी पार जान्सकु नीम सांगुळ बरताव माळतान. हगि याता पार हुन जो आप्प उन द्वारा सजा भोगसालुन? 8 अगर अद ताळना यदुर भागी सप्पा आगतार, नीमद आगीदील रा नीव आऊन चकिोर आल्लच, लेकीन नीव घटयाि मंळसा आईर. 9 वाक याग की नाम शारीरकि आप्प भी नाम ताळना माळतोगोर अदकि नाव आंदुरद आदर माळदेव, रा येन नाव आत्मकि आप्प उन यक्कुल हात्ती आगकु जीवन ईला वीतुसेव. 10 नाम शारीरकि आप्पगोळ थवाळासा समय इन साटी हयांग आंदुर वळलीद समसदुर नामी ताळना माळदुर, लेकीन परमेश्वर नाम भलाई इन साटी ताळना माळतान यदुर देल नाव आऊन पवतिरता अन सहभागी आग सक्केव. 11 वर्तमान दा हर ऊंद प्रकार इन ताळना आनन्द इन ईला, लेकीन अद दुखद हततद; तरी भी जो अदरी सहन माळ-माळकु पक्का आगेग्यार, बाद्दा आंदरी न्यायीपन इन जीवन अदकि शांती इन प्रतफिल हासलि आगतद.

उपदेश अदकि चेतावनी

12 इदुरसाटी थक्स कयगोळी नेगी अदकि नरिवल ट्वांगरागोळी मजवूत माळी, 13 अदकि तान कालगोळ साटी सीधा हादी माळी की लंगळा भटकूस बाळुल लेकीन भला चंगा आगेगुल.

14 सप्पा मुंदुर सांगुळ शांती इन सांगुळ ईरली अदकि पवतिर जीवन जीऊसोर साटी हर प्रकार देल प्रयत्नशील ईरी, यतकी इदुर बनिा यावारा भी प्रभु उक नोळ सकतीदलि. 15 तान तान इन सावधानी माळी, ताकी यावारा परमेश्वर उन अनुग्रह देल हींद होगवाळुल. अदकि यावारा भी केय खांदी घाई वाळुस बाळुल, यतकी आदुर जहर देल यातोदारा झगळा उत्पन्न आग ईला पाहीजे. 16 यावारा भी अनैतिक अदकि अन्यायी या एसाव उन घाई आगवाळुल याव ऊंद घन इन भोजन इन बदला तान धोळ पार आगोद अधिकार मार बुट्टुन. 17 अदुर बाद्दा नीव जान्सतीर की याग आव तान आप्प उन से आशीष ताकोमोद चाहासदुन रा अयोग्य आळुकु आदुन, अदकि वरल-वरलकु आव आशीष ताकोमोद कोशशि माळदुन तरी भी आऊक आऊन पाप इन मन तरिगुसोद मौका सकिदील.

18 नीव बेक्की देल होदद आ सनाय पहाळी इन हात्ती बंदीदलि, यदरी महसुस माळकु आग सकोद अदकि ना रा अंधार अदकि ना रा उदासीनता अदकि बवंडर इन हात्ती बंदीर हयांग इस्त्राएली लॉकुर बंदीदुर. 19 अदकि तुरही इन आवाज, अदकि माताळावाळेरद ईत्ता शब्द अन हात्ती बंदीदलि, यार केळावाळेर वनिती माळदुर की ईंग नाम से मात्त मातगोळ माळकु आगवाळुल. 20 यतकी आंदुर आ आग्या अक सहन माळ सकिदील: “अगर यातोदारा प्राणी भी पहाळ इक मुट्टीत रा अदुर मा कल्लगोळ भटिकु आगुल.” 21 अदकि अद नजारा हगि भयानक ईरोद की मूसा अंदुन, “ना हापाळ अंजक्या देल अदकि नळ्गेतीन.”

22 लेकीन नीव सयियोन इन पहाळी, जतिता परमेश्वर उन नगर, अदकि स्वर्गीय यरुशलेम अदकि हजार स्वर्गदूतगोळ आनन्द पुरण सभा दा होत बंदीर. 23 नीव परमेश्वर से पयले पैदा आगद यार हेसुर स्वर्ग दा लखिसकु आव आंदुर सभा दा पोहचुसेगीर. नीव आ परमेश्वर उन हात्ती बंदीर जो सप्पा लॉकुर न्याय माळतान की न्यायी लॉकुरद आत्मागोळ सिद्धि आगुल. 24 अदकि ऊंद व्हाशोद वाचा अन मध्यस्थ यीशु अदकि छळिकाव इन आ रक्ता अन हात्ती होत बंदीर, जो हावील उन रक्ता अन अपेक्षा वळलीद वस्तुगोळद प्रतगिया माळतान.

25 सावधान ईरी, अदकि आ अनावाळा से बाय तरिगुसबाळी, यतकी आ लॉकुर याग पृथ्वी माकळव चेतावनी कोळावाळा से नकार माळकु ऊळु सकिदील, रा नाव स्वर्ग मा टु चेतावनी कोळावाळा से बाय वाकळा माळकु हयांग ऊळु सक्केव? 26 आ समय रा आऊन शब्द पृथ्वी इक आलगाळस कोम्त, लेकीन ईंग आव ईद प्रतगिया माळयान, “ऊंद घन वाक ना सरिफ पृथ्वी इक वल्की आकाश इक भी आलगाळसकु ईट बुळाईन.” 27 ईव शब्द “ऊंद घन मात्त” आ हर वस्तु दी प्रगत माळतद की जो मातगोळ नरिमति माळकु आग्याव अव आलगाळसकु आदव अदकि अस्थिर ईत्ताव की जो मातगोळ आलगाळसकु आगालव अव स्थिर ईरूल.

28 इदुरसाटी वाक याग नामी हगि राज्य सकित्याद यदरी आलगाळसकु आगाल रा बरी धन्यवादी बनसाती अदकि आदर मल्लसकु अंजक इन सांगुळ परमेश्वर उन उपासना माळवे कर् परमेश्वर अदुर देल प्रसन्न आगुल; 29 यतकी नाम परमेश्वर भसम माळावाळा बेक्की हुन.

13

परमेश्वर उक ह्यांग प्रसन्न माळवे

1 आबुर दाबुर दा वशिवासी वारट्टुर्द प्यार बनसकु ईरूल. 2 अनजाना लॉकुरद तान मान्या सत्कार माळोद मारूवाळी, यतकी हगि माळतेला अच थवाळासा लॉकुर अनजाना दा स्वर्गदूतगोळद स्वागत माळदुर. 3 कैदीगोळद इत्ता सुधी ताकोमी, कर् मानसी आंदुर सांगुळ नीव भी कैद आईर; अदकि यार सांगुळ बुरा बर्ताव माळकु आगतद, आंदुर इत्ता प्रकार सुधी ताकोमी, मानसी नीव भी पळीत आगेतीर.

4 मदा सब दा आदर इन मात समसकु आगुल, अदकि गांड-हगिस आबुर दाबुर सांगुळ वशिवासयोग्य ईरूल, यतकी परमेश्वर अनैतकि अदकि व्यभिचारीगोळद न्याय माळ्यान.

5 *नीम स्वभाव धन से प्यार माळोद ईरवाळुल, अदकि जो नीम हात्ती आद, अदुर दा संतुष्ट ईरी यतकी परमेश्वर अंदान ना नीनी यागलु बळितीदील, अदकि यागलु मारूतीदलि. 6 इदुरसाटी नाव बेधळक आगकु अनतेव, कर् प्रभु, नान सहायक आन; ना अंजालीन; मळसा नान येन माळ सकतान.

7 जो नीमोर अगुवागोळ ईरोर, अदकि यार नीमी परमेश्वर उन वचन केळस्यार, आंदरी याद ईटी; अदकि ध्यान देल आंदुरद चाल चलन इन अन्त नोळकु आंदुरद वशिवास इन अनुकरण माळी. 8 यीशु मसीह नीन अदकि ईद अदकि युगानुयुग ऊंदा घाई आन. 9 हर प्रकार इन अपरचिति शिक्षागोळ देल भरमुसकु आगवाळी. नाम मन इन साटी ईद वळलीद आद कर् आंदुर अनुग्रह अन द्वारा मजबूत बनसुल ना कर् तनिद कुडोद संबंघ दा नयिमगोळी मानसदुर देल, यदुर देल आंदुर यागलु भला आगीदील यार अवरी मानसदुर.

10 नाम्द ऊंद हगि वेदी आद यदुर मा टु तनिद अधकार आ याजकगोळी हैलेच, जो तम्बू दा स्यावा माळतार. 11 यतकी याता पशुगोळ रक्ता महायाजक पाप-बली इन साटी महापवतिर जागा दा ओयतान, अदकि आ जनावरगोळ शरीर आ तम्बूगोळद छावनी इन व्हार्या होताककु आगताव. 12 ईदा कारण, यीशु भी नगर इन व्हार्या सोत्तुन ताकी लॉकुर पापगोळ देल आऊन रक्ता अन द्वारा शुद्ध आग सकुल. 13 रा वाक बरी, आऊन हात्ती छावनी इन व्हार्या होगाता, अदकि आऊन अपमान दा सहभागी आगाता. 14 यतकी ईल पृथ्वी मा नाम येनु सथाई नगर हैलेच, बलकी नाव ऊंद बरावाळा नगर इन हादी कायेतेव. 15 नळी नाव यीशु उन द्वारा परमेश्वर उक सत्तुरीपी बलदान अर्पण माळाता जो आ टुटगोळद काय हुन यार आऊन हेसुर इक अरतार. 16 भलाई माळोद अदकि आबुर दाबुर सहायता माळोद मारूवाळी, यतकी परमेश्वर हगि बलदानगोळ देल खुश आगतान.

17 तान अगुवागोळद आग्या मानसी अदकि आंदुर आदेशगोळ मा नळी. आंदुर नीम मा बनि आराम माळद हगि सावधानी ईटतार ह्यांग मानसी आंदरी तान क्यालसागोळद लेखा जोखा परमेश्वर उक कोळोद आद; अगर् नीव आंदुर आग्या मानसीर रा आनन्द इन सांगुळ तान क्यालसा माळ्यार, अगर् मानसतीदील रा आंदुर दुख इन सांगुळ तान क्यालसा माळ्यार अदकि अद नीम साटी मदतगार साबति आगतीदील.

18 नाम साटी प्रार्थना माळतेला ईरी, यतकी नामी भरोसा आद कर् नाम वविक शुद्ध आद; अदकि नाव सप्पा मातगोळ दा वळलीद चाल नळोद चाहसतेव. 19 ना नीम से आग्रह माळतीन कर् नीव प्रार्थना माळतोगी ताकी राटनेरी ना नीम हाती बर सकाईन.

आखरी प्रार्थना

* 13:5 १३:५ व्यवस्थावचरण ३१:६

20 याव म्यांडागोळ घाई आ महान चरवाहा नाम प्रभु यीशु उन रक्ता अन द्वारा आ सनातन वाचा मा मोहर हचकु सोत्तुर दा टु जतिता माळदुन आव शांती इन दाता परमेश्वर, 21 नीमी सपपा वळ्तीद साधनगोळ देल संपन्न माळुल, यदुर देल नीव आऊन इच्छा पुरा माळ सकीर, अदकि यीशु मसीह अन द्वारा आव नाम बुळक आ सपपा मातगोळी सक्रयि माळुल जो आऊक वळ्तीद हततद. मसीह अन महिमा युगानुयुग आगतेला ईरूल. आमीन.

आखरी शब्द

22 हे वार्दुरा अदकि आकतीगेरा, ना नीम से आग्रह माळतीन कि ईद प्रोत्साहन इन संदेश इक धीरज इन सांगुळ केळी, यतकी ई चट्टी जो ना नीमी लखिसीन यककुल धोळद हैलेच. 23 ना चाहासतीन कि नीमी ईद पता नळुल नाम वार्ट तीमुथयिस कैद दा टु बटिकु आग्यान. अदकि अगर आव राटनेरी बंदुन रा ना आऊन सांगुळ नीम से मुलाकात माळली बराईन.

24 तान सपपा अगुवागोळी अदकि सपपा परमेश्वर उन लॉकुरी नमस्कार अनेतीर. इटलीवाळेर वशिवासी लॉकुर नीमी नमस्कार अनतार.

25 नीम सपपा मुंदुर मा परमेश्वर उन अनुग्रह आगतेला ईरूल. आमीन.

याकूब की पत्नी याकूब उन चट्टी परचिय

याकूब उन साटी परचिय याकूब उन कतिब याकूब हेसुर इनव यातारा मंळसा द्वारा लखिसकु आगीत. ईव संभव यीशु उन वार्ट याकूब ईरोन, जो सूरवाती मंडली दा ऊंद अधिकारी ईरोन अदकि यूरशलेम नगर इन हसिसा ईरोन प्रेरतिगोळ १५:१३ प्रेरति पौलुस आऊक गलातगिोळ २:१ दा मंडली इन खंवा भी अंदुन. वधिवानगोळ मानसोद भी आद क् याकूब उन कतिब मसीह अन जनम इन ५० साल इन बाददा लखिसकु आगीत. यतकी याकूब यूरशलेम दा मंडली इन अधिकारी ईरोन, इदुरसाटी आव अल ईरतेला शायद कतिब लखिसीदुन.

याकूब तान कतिब इक “राज्यगोळ न्याड्या बखिरूस्द व्हार्या जनजातीगोळ” इक संबोधित माळदुन १:१ याकूब दा सप्पा च्या सप्पा मसीहगोळ मा लागु आगताव लेकीन “व्हार्या जनजाती” शब्दगोळ उपयोग ईद संभव आगतद क् याकूब सीधा यहूदी मसीहगोळी लखिसोन. यतकी ईद कतिब पाठकगोळ ऊंद व्यापक समुह ताका पोहचुसोर साटी माळीदुन. ईद हापाळ वषियगोळी संबोधित माळत. याकूब वशिवास अदकि कार्यगोळ न्याड्या संबधगोळ मा ध्यान केंद्रित माळतान. खरा आराम कारवाई दा तोरसकु आदीत २:१७. आव धनवान लॉकुरी २:१-४ पक्षपात तोरसोर खलिाप भी चेतावनी कोळतान अदकि नामी हेळतान कनिाव येन अनतेव ३:१-१२ रूप-रेखा

१. याकूब तान पाठकगोळी धन्यवाद कोळतान. १:१
२. ईदुर बाददा आव मसीहगोळी सहन माळोर साटी प्रोत्साहित माळतान याग आंदुर वमिर आगतार. १:२-२७
३. बाक आव अनतान क् वशिवासगोळ माध्यम देल वशिवास इन साटी ह्यांग जरूरी आद. २:१-२६
४. अदुर बाददा आव अनतान क् यास शक्तशाली शब्द आग सकताव. ३:१-१२
५. आग याकूब हेळतान क् ह्यांग परमेश्वर उन ग्यान दुनिया अन ग्यान से अलग आद. ३:१३-४:१०
६. ईदुर बाददा आव तान पाठकगोळी घमण्डी आगा खलिाप चेतावनी कोळतान. ४:११-५:६
७. याकूब थवाळासा साधारण नरिदेश कोटकु तान कतिब खतम माळतान. ५:१७-२०

1 *परमेश्वर उन अदकि प्रभु यीशु मसीह नव दास याकूब उन दी टु आ हननेळ गोत्रगोळी जो ततिर-बतिर आगकु ईरतार नमस्कार पोहचुसुल.

वशिवास अदकि बुद्धिमानी

2 हे नान वार्टुआ अदकि आकतीगेरा, याग नीव अलग प्रकार इन परीक्षागोळ दा बळी, रा इदरी पुरा खुशी इन मात समसी, 3 ईद जानसकु क् नीम वशिवास इन परख आगदुर देल धीरज पैदा आगतद. 4 लेकीन धीरज इक तान सप्पा क्वाल्सा माळगोळी क् नीव पुरा अदकि सिद्ध आगेगी, अदकि नीम दा यातोदु मात इन कमी ईरबाळुल.

5 लेकीन नीम दा टु यारीकारा दमिक इन कमी ईरूल रा परमेश्वर से बेळुल, जो सप्पा मंदुरी बनिा दोष हचकु अनुगरहपुरवक कोळतान, अदकि आऊक कोटकु आदीत. 6 लेकीन वशिवास देल बेळुल, अदकि येनु सक माळबाळुल, यतकी सक माळावाळा समुद्र अनद लयर इन घाई आन जो हवा देल वाहुसतद अदकि हारतद. 7 हगि मंळसा ईद समसबाळुल क् नाना प्रभु उन हाती टु येनारा सकिकीत, 8 आ मंळसा येदुळ चतितवाळा हुन अदकि तान सप्पा मातगोळ दा संची ह्यैलेच.

* 1:1 १:१ मत्ती १३:५; मरकुस ६:३; प्रेरतिगोळ १५:१३; गलातगिोळ १:११

गरीबी अदकि अमीरी

9 गरीब वार्दुरा याग परमेश्वर नीमी धोळ्द पद कोळतान रा खुशी माळी, 10 अदकि अमीर तान नीच दशा मा; यतकी आव काड्डा अनूद फूल इन घाई ओळदान. 11 यतकी सुर्य अन होळतेला अच हापाळ बसिल बळितद अदकि काड्डा अक वळ्गास बुळतद, अदकि अदुरद फूल झळसेगतद अदकि अदुर शोभा नाश आगेगतद. ईदा प्रकार अमीर भी तान हादी मा नळुत-नळुत नाश आगेदान.

परख अदकि लालच

12 धन्य आन आ मळसा जो परीक्षा दा स्थरि ईरतान, यतकी आव सही होटकु जीवन इंद अद मुकुट हासलि माळ्यान यदुरद वादा प्रभु तान प्यार माळावाळेर से माळ्यान. 13 याग यारदारा परीक्षा आगुल, रा आव ईद अनवाळुल कनिान परीक्षा परमेश्वर उन दी टु आगतद; यतकी ना रा बेकार मातगोळ से परमेश्वर उन परीक्षा आग सकतद, अदकि ना आव यारदारा परीक्षा खुद माळतान. 14 लेकीन हर ऊंद मळसा तांद अच बेकार अभलिषागोळ देल जेडुकु अदकि फसुसकु परीक्षा दा बळितान. 15 वाक बेकार अभलिषा व्हाट्टा दी ईतकु खुद इन नरिमाण माळतद अदकि पाप याग पुरा रीत दिले वाळुसेगतद रा मृत्यु उक तयार माळतद.

16 हे नान प्रयि वार्दुरा अदकि आकतीगेरा, धवाका तनिवाळी. 17 यतकी हर ऊंद वळ्लीद दान अदकि हर ऊंद परपुण उपहार स्वर्ग टु अच आद, अदकि अद आ परमेश्वर उन द्वारा ज्योती याव स्वर्गीय प्रकाश इक माळ्यान लयालमा तनकु आगताव, आव हमेशा बदलुस्त सावली घाई बदलुसालुन. 18 आव तांद अच इच्छा देल नामी सच्चाई अनूद वचन इन द्वारा तयार माळदुन, कनिाव आऊन दुनयाि दा जो वस्तुगोळ आव अऊर दा टु ऊंद प्रकार इन पयला काय आदेव.

केळोद अदकि माळोद

19 हे नान प्रयि वार्दुरा अदकि आकतीगेरा, ईद मात नीव जानस कोमी: हर ऊंद मळसा केळोर साटी तत्पर अदकि माताळदुर दा धीर अदकि सट्टि दा धीरा ईरूल, 20 यतकी मळसा अनूद सट्टि परमेश्वर उन न्यायी उद्देश इक प्राप्त माळ सकालद. 21 इदुरसाटी सप्पा मईलपन अदकि दुश्मनी भाव इन बळती इक दुर माळकु, आ वचन इक नम्रता देल ग्रहण माळकोमी जो मन दा बोऊसकु आत अदकि जो नीम उद्धार माळ सकतद. 22 सरिफ केळावाळेर अच ईला जो तान तान इक धवाका कोळतार, लेकीन वचन मा नळावाळेर बनसी. 23 यतकी जो यावारा वचन इन केळावाळा ईरूल अदकि अदुर मा नळावाळा ईला आगुल, रा आव आ मळसा अनूद घाई आन जो तान स्वाभाविक मार्रा आरसा दा नोळतान. 24 आव तान तान इक नोळकु होटोगतान अदकि तुरन्त मारतोगतान कनिा हयांग ईरीन. 25 लेकीन जो मळसा स्वतंत्रता अनूद सदिध व्यवस्था मा ध्यान माळतान, आऊक परमेश्वर आऊन कयाल्सा दा इदुरसाटी आशीष कोट्टान कि केळकु मारालुन लेकीन हांग अच कयाल्सा माळतान. 26 येन नीम दा टु यावारा तान तान इक न्यायी समसतान? अगर नीव तान लयालग्या अक वश दा माळ सकालीर रा नीव तान तान इक धवाका कोळतीर अदकि नीम न्यायीपन बेकार आद. 27 नाम परमेश्वर अदकि आपुन उन हातूती शुध्द अदकि नरिमल भक्ति ईद आद कि अनाथगोळ अदकि रांड्यागोळ्द क्लेश दा आऊन सुधी ताकोमुल, अदकि तान तान इक दुनयाि से नषिकलंक ईटुल.

2

पक्षपात इन खलिाप चेतानवी

1 हे नान वार्दुरा अदकि आकतीगेरा, नाम महमायुकुत प्रभु यीशु मसीह मा नीम वशिवास पक्षपात इन सांगुळ आगवाळुल. 2 समसी अगर ऊंद धनवान मळसा व्हानना अनूद छल्ला अदकि सुंदर फळक्या हाक्कु नीम सभा दा वरूल, अदकि ऊंद गरीब मळसा भी रेदुसदव फळक्या हाक्कु वरूल, 3 अदकि नीव आ सुंदर फळक्यावाळा अनूद चेहरा नोळकु अदीर, “नी अल वळ्लीद जागा दा कुर,” अदकि आ गरीब मळसा से अदीर, “नी ईल नदिरकु ईर,” या “नान कालगोळ हातूती कुर.” 4 रा

येन नीव आपस दा भेद-भाव माळीदलिल अदकि बेकार उद्देश देल न्याय माळावाळेर ठहूसीदील? 5 हे नान पर्यिय वारट्टुरा अदकि आकतींगेरा, केळी. येन परमेश्वर ई दुनयिया अन्द गरीबगोळद चुनाव माळीदलिल कि विश्वास दा धनी अदकि आ राज्य अन्द अधिकारी आगुल, यदुरद वादा आव आंदुर से माळयान जो आऊन से प्यार ईटतार? 6 लेकीन नीव गरीब उन अपमान माळदीर. अदकि आंदुर यार उर जो नीम मा अत्याचार माळतार अदकि नीमी कचेरीगोळ दा जेडु जेडुकु ओयतार?

7 येन आंदुर ईदुर आल्लच जो मसीह अन वळ्लीद हेसुर इंद अपमान माळतार? जो नीमी कोटक आग्याद. 8 तरी भी अगर नीव पवतिरशास्त्र अन्द ई वचन इन अनुसार कि “नी तान मान्ना हातळोर वाळेर से तान घाई प्यार ईट” खराखुरा आ राज व्यवस्था अक पुरा माळतीर, रा वळ्लीद अच माळतीर. 9 लेकीन अगर नीव लॉकुरद बाहरी पहराव नोळकु व्यवहार माळतीर, रा नीव पापी आईर, अदकि व्यवस्था नीमी नयिम मुरावाळा ठहूसतद. 10 यतकी जो यावारा सप्पा व्यवस्था अन्द पालन माळतान लेकीन ऊंद अच मात दा चुकसेगुल रा आव सप्पा मातगोळ दा दोषी ठहूसकु आग्यान. 11 याव ईद अंदुन, “नी व्यभचारि माळबाळेत,” आवा ईद भी अंददिन, “नी हत्या माळबाळेत,” इदुरसाटी अगर नी व्यभचारि रा माळीदलिल लेकीन हत्या माळद तरी भी नी व्यवस्था अन्द उल्लंघन माळावाळा ठहूसद. 12 नीव आ लॉकर घाई वचन माताळी अदकि क्यालसा भी माळी, यारद न्याय आ व्यवस्था अन्द अनुसार आदीत जो नामी स्वतंत्र माळतद. 13 इदुरसाटी जो दयालु हैलेच आऊन साटी परमेश्वर उन न्याय भी बनि दया अन्द अच आदीत लेकीन दया न्याय मा वजियी आद.

विश्वास अदकि कर्म

14 हे नान वारट्टुरा अदकि आकतींगेरा, अगर यावारा अनुल कि नानी विश्वास आद लेकीन आव कर्म माळालुन, रा इदुर से येन फायदा? येन ईतता विश्वास यागल्यारा आऊन उद्धार माळ सकतद? 15 अगर यावारा वारट्टुरा या आकतींग इन हाती जंग कपळा ईरूल अदकि आंदरी हर रोज भोजन इंद कमी ईरूल, 16 अदकि नीम दा टु यावारा आंदुर से अनुल, “शांती देल होगी, नीमी पर्याप्त कपळा सकिल अदकि नीव वळ्लीद खाना तीनकु संतुष्ट ईरी,”

लेकीन जो वस्तुगोळ मय इन साटी जरूरी आव अव आंदरी ईला कोळुल रा येन फायदा? 17 हांग अच, अगर विश्वास भी कर्म सहति हैलेच रा तान स्वभाव दा सोतकु आद.

18 अगर यावारा अनतान, “नीनी विश्वास आद अदकि कर्म ना माळतीन.” नी तान विश्वास नानी कर्म इन बनि रा तोरस; अदकि ना तान विश्वास तान कर्मगोळद द्वारा तोरसाईन. 19 येन नीनी विश्वास आद कि ऊंद अच परमेश्वर आन? नी वळ्लीद माळतया. दुष्टआत्मा भी विश्वास ईटताव, अदकि नळगताव. 20 लेकीन हे नकिम्मा मळसा, येन नी ईद भी अरू सकाल कि कर्म इन बनि विश्वास व्यर्थ आद? 21 याग नाम पुरवज अब्राहम तान पार इसहाक उक वेदी मा यरसदुन, रा येन आव कर्मगोळ देल न्यायी ईला ठहूसीदुन? 22 इदुरसाटी नी नोळ कोंड कि विश्वास आऊन क्यालसागोळ सांगुळ मल्लिसकु प्रभाव हाक्याद, अदकि कर्मगोळ देल विश्वास सिद्धि आत, 23 *अदकि पवतिरशास्त्र अन्द ईद वचन पुरा आत: “अब्राहम परमेश्वर उन विश्वास माळदुन, अदकि ईद आऊन साटी न्यायी आळुकु आदुन,” अदकि आऊक परमेश्वर उन संगी अंदकु आत. 24 ई प्रकार नीव नोळ कोंडीर कि मळसा सरिफ विश्वास देल अच ईला, उलटा कर्मगोळ देल भी न्यायी ठहूसकु आगतान. 25 हांगा राहाव वेश्या भी, याग आक स्वर्गदूतगोळी तान मान्या ईळसदुर अदकि दुसरा हादी देल वदि माळदुर, रा येन आक कर्मगोळ देल न्यायी ठहूसदुर? 26 हांगा ह्यांग मय आत्मा अन्द बनि सोतकु आद, हांग अच विश्वास भी कर्म इन बनि सोतकु आद.

3

ल्यालग्या अक वश दा माळोद

* 2:23 २:२३ उत्पत्ती १५:६

1 हे नान वारटुरा अदकि आकतीगेरा, नीम दा टु हापाळ सा लॉकर शक्विषा कोळावाळेरे वनसबाळ्ल, यतकी जान्सतीर कानाव शक्विषा कोळावारळेदे यककुल गंभीरता देल न्याय माळकु आदीत. 2 इदुरसाटी कानाव सप्पा मुंदुर हापाळ घन चुकसेगतेव; लेकीन अगर यावारा माताळदुर दा यातोदारा भी गलती माळतीदील रा आव ऊंद सदिध मंळसा आन अदकि सप्पा मय मा भी नयित्तरण ईट सकतान. 3 याग नाव तान आग्या मानसुसोर साटी घवाळा अन्द बाय दा लगाम हचतेव, रा नाव अदरी बाक यल चाहे अल तरिगुस सकतेव. 4 जहाज भी, हगि धोड्डेव ईरताव अदकि प्रचंड हवा देल नळसकु आगताव, तरी भी ऊंद स्याळदतुसा सा पतवार इन द्वारा माँझी इन इच्छा अन्द अनुसार तरिगुसकु आगताव. 5 हांग अच ल्यालग्या भी ऊंद स्याळदतुसा सा हसिसा आद अदकि अद धोळद-धोळद डींग होडुतद. जरासा सोची, थवाळासा बेक्की देल याद धोळद आळी दा बेक्की हत्तेगतद. 6 ल्यालग्या भी ऊंद बेक्की हुन; ल्यालग्या नाम मय इन हसिसा दा अन्याय इन दुनिया हुन, अदकि सप्पा मय मा कलक हचतद, अदकि जीवन-गर्ता मा बेक्की हच बुळतद, अदकि नरक कुण्ड इन बेक्की देल होतत ईरतद. 7 यतकी सप्पा प्रकार इन आळी, पशु, पक्षी, अदकि रोगसावाळा जन्तु, अदकि नीर इन जीव जन्तु रा मंळसा जाती इन वश दा आग सकताव अदकि आगेग्याव भी, 8 लेकीन ल्यालग्या अक मंळसागोळ दा टु याऊ वश दा माळ सकालुन; अद ऊंद हगि बला आद जो यागलु अच रूकसाल, अद जीव नाशक जयर देल तुमकु आद. 9 इदुर देल अच नाव प्रभु अदकि आपु उन सत्ती माळतेव, अदकि इदुर देल अच मंळसागोळी जो परमेश्वर उन स्वरूप दा पैदा आग्यार शराप कोळतेव. 10 ऊंद अच बाय देल धन्यवाद अदकि शराप येदुदु होळताव. हे नान वारटुरा अदकि आकतीगेरा, हगि ईला आग पायजे. 11 येन नीर इन सोता अन्द ऊंद अच बाय देल सय अदकि डवला नीर येदुदु होळताव? 12 हे नान वारटुरा, येन अंजीर इन मार मा जैतुन, या अंगुर इन केई मा अंजीर हत सकताव? हांग अच डवला नीर इन सोता टु सय नीर होळ सकाल.

स्वर्गीय बुद्धी

13 नीम दा बुद्धिमान अदकि समझदार याव आन? जो हगि आन आव तान क्यालसागोळी वळ्लीद चाल चलन देल आ नम्रता सहति प्रगट माळ्ल जो ग्यान देल पैदा आगतद. 14 लेकीन नीव तान-तान मन दा जलन, कळवाहट अदकि स्वार्थीपन ईटतीर, रा बुद्धी मा घमण्ड माळकु सच्चार्इ इन वरिध दा पाप माळवाळी. 15 ईद ग्यान अद आल्लच जो स्वर्ग टु ईळतद, उलटा सांसारिक, अदकि शारीरिक, अदकि शैतानी आद. 16 यतकी यल जलन अदकि स्वार्थीपन ईरतद, अल अव्यवस्थापन अदकि सप्पा प्रकार इन बेकार मातगोळ आगताव. 17 लेकीन जो ग्यान स्वर्ग टु वरतद अद पयले रा पवतिर ईरतद बाक मलिनसार, मुलायम अदकि शांतीमय अदकि दया अदकि वळ्लीद काय देल लटालोम अदकि पक्षपात अदकि कपट रहति ईरतद. 18 शांती प्रस्थापति माळावाळेरे लॉकुरी अच न्यायी जीवन इन काय प्राप्त आदीत अगर अदरी शांतीपूर्ण वातावरण दा बोऊसकु आग्याद.

4

दुनिया से संगीपना

1 नीम दा लळाई झगळागोळ यल टु होटबंदव? येन ईद नीम इच्छागोळ देल आगालद जो नीम मय दा लळाई-झगळा माळताव? 2 नीव चाहासतीर, लेकीन नीमी सकाल; इदुरसाटी नीव हत्या माळतीर. नीव पुरा रीत देल इच्छा ईटतीर, अदकि येनु हासलि माळ सकालीर; इदुरसाटी नीव लळाई अदकि झगळा माळतीर. जो नीव चाहासतीर नीमी सकाल यतकी नीव परमेश्वर से वेळालीर. 3 नीव वेळतीर लेकीन नीमी सकाल, इदुरसाटी कबेकार इच्छा माळकु वेळतीर, कतान भोग-विलास दा हारस बुळी. 4 हे विश्वासहीन लॉकुरा, येन नीव जान्सालीर कदिनया से संगीपना माळोद परमेश्वर से दुश्मनी माळोद हुन? जो यावारा दुनिया अन्द संगी आगोद चाहासतान, आव

तान तान इक परमेश्वर उन दुश्मन माळतान. ⁵ येन नीव ईद समसतीर की पवतिरशास्त्र बेकार अनतद, “याता आत्मा अक आव नाम बुळक घळसुयान, येन अद हगि लालसा माळतद यदुरद परतफिल इरष्या आगुल?” ⁶ आव रा मातुत यककुल अनुग्रह कोळतान; ई कारण ईद शास्त्र दा लखिसकु आद, “परमेश्वर अभिमानीगोळद वरिध माळतान लेकीन गरीबगोळ मा अनुग्रह माळतान.” ⁷ इदुरसाटी परमेश्वर उन हात्ती आगेगी; अदकि शैतान उन सामना माळी, रा अद नीमूद हात्ती टु ओळकु होदति. ⁸ परमेश्वर उन हात्ती बरी रा आव भी नीमूद हात्ती बंदान. हे पापीगोळा, तान कय तोळ कोमी; अदकि हे पाखंडी लॉकुरा, तान मन इक शुद्ध माळी. ⁹ दुखी आगी, अदकि शोक माळी, अदकि वरली. नीमूद नेगगोद शोक दा, अदकि नीमूद खुशी उदासी दा बदलसुल. ¹⁰ प्रभु उन मुंद नम्र बन्सी रा आव नीमी म्याकुच नेगदान.

मसीह वारटुरा मा दोष हचोद

¹¹ हे वारटुरा अदकि आकतीगेरा, आबुर दाबुर अपमान माळबाळी. जो तान मसीह वारटु उन अपमान माळतान या मसीह वारटुन मा दोष हचतान, आव व्यवस्था अन्द अपमान माळतान अदकि व्यवस्था मा दोष हचतान; अदकि अगर नी व्यवस्था मा दोष हचत्या, रा नी व्यवस्था मा नळावाळा ईला पर अदुर मा न्याय माळावाळा टहरुसुद. ¹² व्यवस्था कोळावाळा अदकि न्याय माळावाळा रा ऊंद अच परमेश्वर आन, आव आवना अच ऊळस सकतान या नाश माळ सकतान. नीव याव आगतीर तान मान्ना हातळोर न्याय माळावाळेर?

घमण्ड इन वरूद्ध चेतावनी

¹³ केळी, नीव जो ईद अनतीर, “ईद या नाळ नाव यातोदारा अदकि नगर दा होगकु अल ऊंद वर्ष बतुसेव, अदकि व्यापार माळकु पैस्या कमसेव.” ¹⁴ अदकि ईद जानसालेव की नाळ येन आदीत. केळ रा कोमी, नीमूद जीवन आद अच येन? नीव रा भाप इन घाई आईर, जो घळीतीम कांळसतद बाक गायब आगेगतद. ¹⁵ इदुर उलटा नीमी ईद अनली पायजे, “अगर प्रभु चाहासुयान रा नाव जत्तिता ईततेव, अदकि ईद क्यालसा या अद क्यालसा भी माळेव.” ¹⁶ लेकीन ईग नीव तान डींग होडुतीर अदकि घमण्ड माळतीर; हगि सपपा घमण्ड बेकार आगतद.

¹⁷ इदुरसाटी जो यावारा भलाई माळोद जानसतान लेकीन माळालुन, आव पाप इन दोषी आन.

5

धनवानगोळी चेतावनी

¹ हे अमीरगोळा, केळ रा कोमी, नीव तान बरावाळा वपित्तीगोळ मा वरली अदकि ऊँचा स्वर देल वलिाप माळी. ² नीमूद धन हळतोग्याद अदकि नीमूद फळक्यागोळी उदई हत्तेग्याद. ³ नीमूद व्हान्ना-वेळली दा जंग हत्तेग्याद; अदकि अद जंग नीमूद मा गवाही कोट्टीत, अदकि बेक्की घाई नीमूद मास तदि बुट्टीत. नीव आखरी दुनया दा धन जमा माळीर. ⁴ नोळी, याता क्यालसावाळेर नीमूद केई दा मजदूरी माळदुर, आंदुरद अद मजदूरी जो नीव धवाका कोटकू ईट बुट्टीर कटिरेत्याद, अदकि कडावाळेरद आक्रोश सर्वशक्तमान प्रभु उन कवि ताका ओळग्याद. ⁵ नीव पृथ्वी मा भोग-वलिाप दा हतकु ईत्तीर अदकि हापाळ सुख भोग्सदरि; नीव ई वध इन दनि इन साटी तान मन इंद पालन-पोषण माळकु खुद इक मोटा-तरोताजा माळदीर. ⁶ नीव न्यायी मळसा अक दोषी टहरूसकु कोंद बुट्टीर, आव नीमूद सामना ईला माळायदुन.

धीरज अदकि प्रार्थना

⁷ इदुरसाटी हे वारटुरा अदकि आकतीगेरा, प्रभु उन आगमन ताका धीरज ईटी. नोळी, कसान पृथ्वी इन कमिती फसल इन आशा ईटतेला पयला अदकि आखरी माळ वळिस ताका धीरज ईटतान. ⁸ नीव भी धीरज ईटी; अदकि तान आशा अक माळकु ईटी, यतकी प्रभु उन आगमन हात्ती होट बंदद. ⁹ हे वारटुरा अदकि आकतीगेरा, आबुर दाबुर प्रती सकायत माळबाळी ताकी

परमेश्वर नीम न्याय माळबाळुल; नोळी, न्यायाधीश प्रगट आगदुर मा आन. ¹⁰ हे वार्दुरा अदकि आकतींगेरा, याता भवषियवक्तागोळ प्रभु उन हेसुर देल मात माळदुर, आंदरी दुख नेगोद समय आंदुर धैर्य अक ऊंद आदरश समसी. ¹¹ नोळी, नाव आ भवषियवक्तागोळी यार धीरज ईटदुर धन्य अनतेव. नीव अय्युव उन धीरज इन बारा दा रा केळदीर अच, अदकि प्रभु उन दी टु जो अदुरद प्रतफिल आत अदरी भी अर्त कोंडीर, यदुर देल प्रभु उन यक्कुल कूणा अदकि दया प्रगट आगतद.

¹² लेकीन हे नान वार्दुरा अदकि आकतींगेरा, सब से धोळ मात ईद आद किकरिया ईला तनिोद, ना आकाश इन, ना धरती इन, ना यातोवारा दुसरा चजि इन; लेकीन नीम मातकात हव इन हव, अदकि ईला अन्द ईला ईरूल, किक परमेश्वर उन न्याय नीम मा बरबाळुल.

¹³ अगर नीम दा यावारा वपित्ती दा बदिान? रा आंदरी प्रार्थना माळ पायजे. येन नीम दा यावारा खुश आन? रा आंदरी स्तुति अन्द भजन हाळ पायजे. ¹⁴ येन नीम दा यावारा रोगी आन? रा आंदरी पायजे किमंडली इन स्याणा गवाहगोळी कारूल, किकांदुर आंदुर साटी प्रार्थना माळुल अदकि आंदुर मा प्रभु उन हेसुर देल जैतून इन याणणा हचुल. ¹⁵ अदकि विश्वास इन प्रार्थना अन्द दवारा रोगी ऊळस्यान अदकि प्रभु आऊक मात्त स्वस्थ मय प्रदान माळयान; अदकि अगर आव पाप भी माळीदान, रा अव भी माफ आगेदव. ¹⁶ इदुरसाटी नीव आपस दा आवुर दावुर मुंद तान-तान पापगोळी मान्स कोमी, अदकि आवुर दावुर साटी प्रार्थना माळी, यदुर देल चंगा आगेगी: न्यायी जन इन प्रार्थना प्रभावशाली अदकि परणाम कारक आगतद. ¹⁷ * एलयियाह भी रा नाम घाई दुख-सुख भोगसावाळा मंळसा ईरोन; अदकि आव गळिगळिासकु प्रार्थना माळदुन किक माळ बरबाळुल; अदकि सादे मुर वर्ष ताका पृथ्वी मा माळ बंददिल. ¹⁸ वाक आव प्रार्थना माळदुन, रा आकाश टु माळ बत्त, अदकि पृथ्वी फलवन्त आत्त. ¹⁹ हे नान वार्दुरा, अगर नीम दा टु यावारा सत्य अन हादी टु भटकुस्यान अदकि यावारा आऊक हादी मा तूल, ²⁰ * रा आव ईद जान्स कोमुल किक जो यावारा यातोदारा भटकुस्त पापी इक हादी मा तंदान, आव ऊंद जीव इक सोत्तुर देल ऊळस्यान अदकि अनेक पापगोळ मा परदा हाक्यान.

* 5:12 ५:१२ मन्ती ५:३४-३७

* 5:14 ५:१४ मरकुस ६:१३

* 5:17 ५:१७ १ राजा १७:१; १२:१

* 5:20 ५:२० १

पतरस की पहली पत्री पतरस उन पयला चिट्ठी परचिय

१ पतरस उन चिट्ठी प्रेरति पतरस उन द्वारा लखिसकु आगीत. पतरस ईद अंदकु तान चिट्ठी इन सूरवात माळदुन की आव याव ईरोन अदकि यार साटी आव लखिसोन. आव आ सप्पा इसाईगोळी चिट्ठी संबोधति माळदुन यारी आव “अजनबीगोळ” १:१; १:१७२:११ अंदुन. अदकि आव तान पाठकगोळी ईत्ता प्रकार देल हापाळ अनली संदर्भति माळदुन यतकी आंदुर ब्यारर-ब्यारर द्याशगोळ दा बगहूसगीदुर. यतकी ईद चिट्ठी थ्वाळासा तरीका देल इफसीगोळी पौलुस उन चिट्ठी घाई काळसतद, हापाळ लॉकुर मानसतार की मसीह अन जनम इन ६५ साल इन बाद्दा इफसीगोळी पयला पतरस लखिसकु आगीत. पतरस रोम नगर टु ईद चिट्ठी लखिसीदुन यदरी बेबीलोन अनतार ५:१३.

पतरस अनतान की ई चिट्ठी इक “नीमी प्रोत्साहति माळली अदकि ईद प्रमाणति माळोद उद्देश देल लखिसीन की ईद परमेश्वर उन खरा कृपा हुन” ५:१२. १ पतरस २:११-३:७, इफसिगोळ ५:१८-६:१, अदकि कुलूसगिगोळ ३:१८-४:६ अन्द न्याइया दा हापाळ समानता आव. ई मूर कतिबगोळ दा पारवारिकि रशितागोळ अदकि अधिकारगोळद पालन माळोद बारा दा नरिदेश सकितद. अद दुखी लॉकुरी दुखी आगदुर मा मजबूती देल प्रोत्साहति माळतद यतकी अन्त हात्ती आद. ४:१

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. बाक आव छुटकारा साटी परमेश्वर उन धन्यवाद माळतान की आंदुर सप्पा मुंदुर साझा माळतार अदकि ईदुर मतलब आंदुर जीवन इन साटी येन आद १:३-२:१०
३. आव वशिवासीगोळी नरिदेश कोळतान की ह्यांग दुनिया दा वळ्लीद रीत देल ईरोद आद अदकि गांड् अदकि हगिस अदकि दास अदकि गुरु उन न्याइया दा अलग रशितागोळी संबोधति माळोद हुन. २:११-४:११
४. पतरस दुखी लॉकुरी मजबूती देल प्रोत्साहति माळतान अदकि तान चिट्ठी बंद माळतान. ४:१२-५:११
५. आग आव तान चिट्ठी लखिसोद बंद माळतान. ५:१२-१४

1 पतरस उन दी टु जो यीशु मसीह अन प्रेरति आन,

आ नविळुसकु आदुर परमेश्वर उन लॉकुरद हेसुर जो ततिर बतिर आगकु पुन्तुस, गलातिया, कप्पदूकिया, आसिया अदकि बत्तूनिया दा ईरतार,

2 नीव परमेश्वर आप्प उन पूव उद्देश इन अनुसार नविळुसकु आगीर अदकि आऊन आत्मा अन्द क्यालसा द्वारा पवतिर लॉकुर ठहरूसकु आगीर, इदुरसाटी की यीशु मसीह अन आग्या मानसुल अदकि आऊन रक्ता अन द्वारा शुद्ध आगोगुल. नीमी अनुग्रह अदकि शांती बहुतायत देल सकितेला ईरूल.

ऊंद जत्तिता आशा

3 नाम प्रभु यीशु मसीह अन परमेश्वर अदकि आप्प उन धन्यवाद आगुल, याव यीशु मसीह अन सोत्तुर दा टु जत्तिता आगोर द्वारा, तान हापाळ प्यार देल नामी जत्तिता आशा कोळोर साटी वहाशोद जनम कोट्टुन, 4 मतलब ऊंद अवनिाशी, अदकि नर्मिल, अदकि अजर वरिसत इन साटी जो नीम साटी स्वर्ग दा ईटकु आद; 5 जो वशिवास इन द्वारा सुरक्षति आर, परमेश्वर उन सामर्थ्य अन द्वारा आ उद्धार इन साटी जो आखरी समय दा प्रगट आगोर साटी तयार आद.

6 ई कारण नीव हापाळ खुश ईरी, लेकीन येनारा थ्वाळासा समय इन साटी अलग अलग परीक्षागोळ दा बदिक् दुख नेगोद बदिदीत; 7 अदकि ईद इदुरसाटी आद क् नीमद वशिवास परखुसकु आगुल, शुद्ध होळी अदकि स्थरि ईरी, जो नाशवान व्हानना आद यदरी बेक्की दा परखुसकु आगतद अदुर देल भी हापाळ यक्कुल वारर आद, आ दनि याग यीशु मसीह परगट आदान आग नीमी प्रशंसा अदकि महिमा अदकि आदर प्राप्त आदीत. 8 नीव आऊन से प्यार माळतीर जब क् नीव आऊक नोळीदील, अदकि नीव आऊन मा वशिवास माळतीर जब क् नीव आऊक ईगल्या नोळीदील. रा नीव हापाळ महिमामय खुशी देल खुश आईर जो शब्दगोळ देल वयान माळकु आगसकाल; 9 नीमद आत्मागोळ उद्धार ईद जो नीमद वशिवास इन उद्देश नीव अदुरदा प्राप्त माळतीर.

10 ईदा उद्धार इन वारा दा आ भवषियवक्तागोळ ध्यान देल खोजबीन अदकि जाँच पळताल माळदुर, यार आ अनुगरह अन वारा दा जो नीम मा आगली ईरोद, भवषियवाणी माळीदुर. 11 आ भवषियवक्तागोळ मसीह मा बरावाळा दुखगोळद समय अदकि अद महिमा जो ई दुखगोळद बाददा परगट आदव इदुरद खोज मसीह अनद आत्मा अन द्वारा माळदुन जो आंदुर दा ईरोद. 12 परमेश्वर आ भवषियवक्तागोळ मा परगट माळदुन क् आंदुर तान ईला बलकी नीमद स्यावा अन साटी ईव मातगोळ अनतोगोर, यारद जानकारी ईग नीमी आंदुरद द्वारा सकित यार पवतिर आत्मा अन द्वारा, जो स्वर्ग टु कळकु आग्याद, नीमी खुशखबरी केळसदुन; अदकि ई मातगोळ इक स्वर्गदूत भी ध्यान देल नोळोद लालसा ईटतार.

पवतिर जीवन जगुसोद बुलाहट

13 ई कारण तान तान नेळु कटकु सावधान ईरी, खुद नयित्तरति ईरी, याग यीशु मसीह परगट आदान आग जो आशीष नीमी सकोद आद, अदुर मा तान आशा पुरा रीत दिेल हचकु ईटी. 14 आग्या मानसावाळेर चकिरगोळ घाई, आ समय इन बेकार इच्छागोळद अनुसार तान तान इक ढालसवाळी जो नीम दा पयले ईरोद, याग नीव अग्यानी ईरीर. 15 लेकीन ह्यांग नीम कारावाळा पवतिर आन, हांग अच नीव भी तान सप्पा चाल चलन दा पवतिर बनसी. 16 यतकी शास्त्र दा लखिसकु आद, “पवतिर बनसी, यतकी ना पवतिर आईन.”

17 अदकि याग क् नीव “हे आप्प” अनकु आऊन से प्रार्थना माळतीर, जो बनि पक्षपात हर ऊंद उन क्यालसा अन आचरण इन अनुसार न्याय माळतान, इदुरसाटी तान परदेशी आगोद समय अंजक देल बतिसी. 18 यतकी नीव जानसतीर क् नीमद नकिम्मा चाल चलन तरीका जो आप्प दादागोळ हाती टु नळुतेला बरेत्याद, अदुर देल नीमद छुटकारा व्हानना बेळ्ली मतलब नाशवान चजिगोळ द्वारा आगीदील; 19 बलकी कमिती मसीह अनद अरपण इन द्वारा जो ऊंद नरिदोष अदकि कलंक रहति म्यांडा अन पाडडा अन रक्ता अन घाई ईरोन. 20 दुनया अन निर्माण इन पयले परमेश्वर उन द्वारा मसीह अक चुनुसकु आगीत, लेकीन नीम साटी ईव आखरी दनिगोळ दा आऊक परगट माळकु आत. 21 आ मसीह अन द्वारा नीव आ परमेश्वर मा वशिवास माळतीर, यारी परमेश्वर आऊक सोत्तुर दा टु जतिता माळदुन अदकि महिमा कोट्टुन ताकी नीमद वशिवास अदकि आशा परमेश्वर मा पक्का आगुल.

22 ईग याग नीव सच्च्चाई इन पालन माळतेला खरा भाईचारा अन प्यार इक प्रदर्शति माळोर साटी तान आत्मागोळ इक शुद्ध माळ कोंडीर, रा पुरा मन इन सांगुळ आवुर् दावुर से प्यार माळी. 23 यतकी नीमी नाशवान ईला लेकीन अवनिशी बीजा देल, परमेश्वर उन जतिता अदकि हमेशा ठहूसवाळा वचन इन द्वारा व्हाशोद जनम सक्याद. 24 यतकी पवतिरशास्त्र दा लखिसकु आद:

“हर ऊंद मंळसा प्राणी काड्डा अन घाई आन,

अदकि आऊद सप्पा शोभा आळी दाकळोद फूला अन घाई आव.

अदकि काड्डा वळगेगतद, अदकि फूला झळसेगताव,

25 लेकीन प्रभु उन वचन हमेशा हमेशा संची ईरतद.”

अदकि ईदा खुशखबरी इन वचन आद जो नीमी घोषति माळकु आगीत.

2

जतिता कल्ल अदकि पवतिर प्रजा

1 इदुरसाटी सप्पा प्रकार इन बुराईगोळ अदकि पाखंड अदकि पुरा खाटा मातगोळ या होततोद या अपमानीत माळोर भाषा देल तान तान इक ऊळसकु ईटी. 2 व्हासा पैदा आगा चकिोर इन घाई हमेशा नर्मिल आत्मिक हाल इन लालच ईटी, इदुरसाटी इदरी कुडोद द्वारा नीमद वकास अदकि उद्धार आगुल. 3 जसा कि पवतिरशास्त्र दा लखिसकु आद, “नीव तान तान इन साटी जान्स कोडीर कि प्रभु याट भला आन.”

4 प्रभु उन हात्ती बरी, अद सजीव कल्ल जो लॉकुर द्वारा बेकार समसकु नकारसकु आगीदुन लेकीन आव परमेश्वर साटी कमिती आन जो परमेश्वर उन द्वारा नविळसकु आगीदुन. 5 नीव भी खुद जतिता कल्लगोळ घाई ऊंद अध्यात्मिक मंदिर इन रूप दा माळकु आगेतीर, ताकी ऊंद हगि पवतिर याजक मंडल इन रूप दा स्यावा माळ सकी यदुद करतव्य हगि आत्मिक बलदान समरपति माळोद आद जो यीशु मसीह अन द्वारा परमेश्वर उक ग्रहण लायक आगुल. 6 ईद कारण पवतिरशास्त्र दा भी लखिसकु आद:

“ना ऊंद कमिती कल्ल नविळसकु

यारी ना सयियोन इन क्वाना अनंद कल्ल माळकु ईटेंतीन:

अदकि जो यावारा आऊन मा वशिवास माळ्यान, आव यातोदारा रीति देल नरिश आगतीदील.”

7 नीव वशिवासीगोळ साटी ईद कल्ल हापाळ कमिती आद; लेकीन जो वशिवास माळालुर आंदुर साटी

“अद कल्ल यारी राजमसित्रीगोळ बेकार समसकु इनकार माळीदुर,

अदा कल्ल सप्पा मुंदुर साटी महत्वपुर्ण क्वाना अन कल्ल बनसेत,”

8 अदकि शास्त्र दा ईद भी लखिसकु आद,

“ईद अद कल्ल हुन जो अपराधी लॉकुरी टेस पहुचुसोद कारण बनसीत,

ईद चट्टान लॉकुरी ठोकर हचकु केळदति.” आंदुर ठोकर तदिर यतकी आंदुर परमेश्वर उन वचन मा वशिवास माळालुर

अदकि ईदा आंदुर साटी परमेश्वर उन इच्छा ईरोद.

9 लेकीन नीव ऊंद नविळसकु वंश, राज-पदधारी याजकगोळद समाज, पवतिर जाती, अदकि परमेश्वर उन खुद इन लॉकुर आईर, इदुरसाटी कि याव नीमी अंधकार दा टु तान अदभुत जयोति दा कारसदुन, आऊन महान कार्य अनंद घोषणा माळी. 10 ऊंद समय दा नीव परमेश्वर उन लॉकुर ईला ईरीर, लेकीन ईंग नीव आऊन लॉकुर हुईर; ऊंद समय ईरोद याग नीम मा परमेश्वर उन दया ईला आगीत, लेकीन ईंग नीम मा आऊन दया आग्याद.

परमेश्वर उन दास

11 हे प्रयि संगीगोळा, ना नीम से, जो ई दुनया दा अजनबीगोळ रूप दा आईर, नविदन माळतीन कि आ शारीरिक इच्छागोळ देल दुर ईरी जो नीमद आत्मा से लळुसतेला ईरतद. 12 दुसरा जातीगोळ न्याड्या तान चाल चलन हगि वळलीद माळकु ईटी कि चाहे आंदुर अपराधीगोळद रूप दा नीमद आलोचना माळयार लेकीन नीमद वळलीद कर्मगोळद परणाम स्वरूप आऊन बरव दिनि आंदुर परमेश्वर उक महिमा प्रदान माळुल.

13 प्रभु उन साटी तान तान इक हर मानव अधिकार इन हात्ती ईरी: राजा अन हात्ती इदुरसाटी कि आव सब मा शासन माळतान, 14 अदकि शासकगोळद, यतकी आंदुर बुरा लॉकुरी दण्ड कोळोद अदकि वळलेव लॉकुरद प्रशंसा अन साटी आऊन द्वारा कळुकु आग्यार. 15 यतकी परमेश्वर

उन नीम से ईद इच्छा आद क नीव तान भलाई इन कयालसागोळ देल मूरख लॉकुरद अगयान देल तुमकु मातगोळ इक संगु माळबुळी. 16 स्वतंत्र मंळसा अन घाई जीवन बीतसी, लेकीन तान स्वतंत्रता अनद इस्तेमाल बुरा मातगोळ इक होचचोर साटी माळवाळी; लेकीन परमेश्वर उन सेवकगोळद घाई जतिता ईरी. 17 सप्पा मुंदुरद आदर माळी, तान दुसरा वशिवासी वारटुर से प्यार ईटी, परमेश्वर उन आदर इन सांगुळ अंजक मानसी, राजा अन सम्मान माळी.

मसीह अनद तकलीफ इन उदाहरण

18 हे सेवकगोळा, तान तान इक तान स्वामीगोळद हात्ती ईटी, अदकि आंदरी पुरा रीत दिल आदर कोळी, ना सर्फि आंदरी जो वळलेर आर अदकि दुसरा अन भलाई माळतार बल्की आंदरी भी जो कठोर आर. 19 यतकी अगर यावारा परमेश्वर उन वचिर माळकु अन्याय देल दुख नेगुतेला क्लेश सहन माळतान रा ईद वळलीद आद. 20 यतकी अगर नीव अपराध माळकु बुक्की तदिर अदकि धीरज हुळदीर, रा ईदुर दा येन बळाई इन मात आद? लेकीन अगर भलाई इन कयालसा माळकु दुख नेगुतीर अदकि धीरज हुडुतीर, रा ईद परमेश्वर उक भाऊसतद. 21 लेकीन नीमी परमेश्वर इदुरसाटी कारदुन, यतकी मसीह नीम साटी दुख नेगदुन अदकि हगि माळकु नामद साटी ऊंद उदाहरण बट्टिन ताकी नीव भी आऊन पद-चमत्कारगोळ मा नळु सकीर. 22 आव येनु पापगोळ माळीदल अदकि यावारा यागल्यारा भी आऊन बाय देल खवाटा मातगोळ केळीदल. 23 याग आव अपमानीत आदुन आग आव याऊकु अपमानीत माळकु प्रती उत्तर माळीदल, याग आव दुख झेलसदुन आग आव यारु कु धमकी कोटीदल, बल्की आ खरा न्याय माळावाळा न्यायी परमेश्वर दा तान आशा अक ईटदुन. 24 मसीह खुद अच नामव पापगोळ तान मय मा ताकोमकु कूस मा येरेदुन, ताकी नाव तान पापगोळद प्रती नाम मृत्यु आगेगुल अदकि न्यायीपन इन साटी जीवन बतुसेव: ईद आऊन आ बलदान इन कारण अच आत यऊर देल नीव चंगा माळकु आगीर. 25 यतकी नीव पयले भटकसकु म्यांडा अन घाई ईरीर, लेकीन ईग तान जीवगोळ रखवाला अदकि अध्यक्ष अन हात्ती बंदीर.

3

गांड इदकि हगिसु

1 ईदा रीत दिल हे हगिसुरा, नीव भी तान गांड उन हात्ती ईरी, ताकी याव परमेश्वर उन वचन मा वशिवास माळालुर रा तान चाल चलन देल अच नीव आऊक वशिवास देल जीत सकतीर. इदुरसाटी नीमी आऊन से मातचीत माळोद भी जरवत हलेच. 2 यतकी आंदुर नोळ्यार नीमद चाल चलन ह्यांग पवतिर अदकि भक्तपुरण आद. 3 तान तान इक सुंदर माळोर साटी व्हाग्या अन साझ शृंगार इन इस्तेमाल माळवाळी, जसा क चिट्टी गुथसोर साटी, या बाक व्हानना अन बांगळागोळ, या वळलेव-वळलेव कपळा हाक्कोर साटी, 4 बल्की नीमी सुंदर नीमद भतिरी व्यक्तित्व माळतद, मुलायम मन अदकि शांत आत्मा अनद अवनिशी सुंदरता देल युक्त आगी, परमेश्वर उन नजर दा जो कमिती आईर. 5 पूरवकाल दा भक्ती माळावाळेर आरतेर भी, जो परमेश्वर मा पवतिर आशा ईदतोगोर, तान तान इक ईदा रीत दिल सवारसतोगोर अदकि तान तान गांड उन हात्ती ईरतोगोर. 6 जसा सारा तान गांड अब्राहम उन आग्या मानसोर अदकि आऊक तान स्वामी अनतोगोर. ईदा प्रकार नीव भी अगर भलाई माळीर अदकि यातोदारा प्रकार इन अंजक देल अंजतीदल, रा प्रभु पोरगोळ ठहूसीर.

7 ह्यांग अच हे गांड उरा, नीव तान हगिसुर सांगुळ समझदारी देल ईरी, अदकि आंदरी कमजोर आरत जानसकु आंदुरद आदर माळी, परमेश्वर उन जीवन इन वरदान दा आंदरी तान सह उत्तराधिकारी मानसी, ताकी नीमद प्रार्थनागोळ दा बाधा बळिबाळुल.

* 3:1 ३:१ इफसिगोळ ५:२२; कुनुससगोळ ३:१८

* 3:3 ३:३ १ तीमथियुस २:९

* 3:7 ३:७ इफसिगोळ ५:२५;

कुनुससगोळ ३:१९

भलाई माळोद कारण कष्ट

8 अन्त दा नीव सप्पा मुंदरी समान वचिार, सहानुभूती, तान वार्दुरगोळ से प्यार माळावाळा, दयालु अदकि नमूर आगली पायजे. 9 बुराई इन बदला बुराई माळवाळी अदकि श्राप इन बदला श्राप कोळवाळी; बल्की प्रत्युत्तर दा आशीष अच कोळी, यतकी आशीष अच आद जो परमेश्वर नीमी कोळोद वचन कोटीदुन याग नीमी कारसीदुन. 10 जसा शास्त्र दा लखिसकु आद, “अगर आव जीवन इन प्यार ताकोमोद चाहासतान, अदकि वळ्लेव दनि नोळोद चाहासतान, आव तान ल्यालग्या अक बुरा मातगोळ देल, अदकि तान टुट्टीगोळ इक ख्वाटा माताळदुर देल रोक्सकु ईटी इदुरदा अच भलाई आद.

11 आव बुराई इन सांगुळ वळ्ळिल, अदकि भलाई इच माळुल;

आव पुरा मन देल शांती इन साटी प्रयास माळुल.

12 यतकी प्रभु उन कण्णगोळ न्याय मा हतकु ईरताव, अदकि आऊन कवि आंदुरद वनिती दा हतकु ईरताव; लेकीन प्रभु बुराई माळावाळेरद वमिखु ईरतान.”

13 अगर नीव भलाई माळोर साटी तयार ईत्तीर रा नीम्द बुराई माळावाळा बाक याव आन? 14 अगर नीव सच्चाई इन कारण दुख भी नेगदीर, रा धन्य आईर; लेकीन लॉकुरद अंजुसदुर देल अंजवाळी, अदकि घबरूसवाळी, 15 लेकीन तान मन दा मसीह अन साटी सम्मान ईटी, आऊक प्रभु जान्सकु आदर कोळी. अदकि अगर यावारा नीम इक नीम्द शुद्ध आशा अन बारा दा जो नीम दा आद समझूसली अनुल; रा आऊक उत्तर कोळोर साटी हमेशा तयार ईरी. 16 लेकीन ईद वनिम्रता अदकि भलाई इन सांगुळ अच माळी. अदकि तान वविक इक भी शुद्ध ईटी, ताकी यीशु मसीह दा नीम्द वळ्लीद चाल चलन देल नीम सम्मान आगुल अदकि नदिा माळावाळेर लॉकुर नीम्द अपमान माळाहोती लज्जति आगुल. 17 यतकी अगर परमेश्वर उन ईदा इच्छा आद का नीव भलाई माळोद कारण दुख नेगी, रा बुराई माळोद बदला दुख नेगोद वळ्लीद आद. 18 इदुरसाटी मसीह भी पुरा पापगोळ न्याय माळोर साटी ऊंद अच घन सोत्तुन, मतलब आव जो नरिदोष ईरोन नाव पापीगोळ साटी सोतोदुन कनिामी परमेश्वर उन हाती ओयुल. मय इन भाव देल रा आव कोंदकु आदुन, लेकीन आत्मा अन भाव देल जतिता माळकु आदुन. 19 अदकि आऊन आत्मा अन्द स्थिती दा अच आव होगकु आ कैदी आत्मागोळ इक प्रचार माळदुन, 20 ईव अव आत्मागोळ हुव जो आ समय परमेश्वर उन आग्यागोळ मा वशिवास ईला माळतोगोर याग नूह अन्द इवांगा माळकु आगोद अदकि परमेश्वर धीरज इन सांगुळ हादी कायोन आग आ इवांगा दा थ्वाळासा मतलब सर्फ येट्ट मळसागोळ अच नीर दा टु ऊळदीदुर. 21 ईद नीर आ वपतसिमा अन्द घाई आद यदुर देल नीम्द भलाई आगतद इदुर दा मय इन मईल तोळोद ईला बल्की ऊंद शुद्ध वविक इन साटी परमेश्वर से वनिती आद ईग रा वपतसिमा नीमी यीशु मसीह अन्द पुनरूत्थान इन द्वारा ऊळसुतद. 22 आव स्वर्ग मा होगकु परमेश्वर उन ऊमा कय दी कुरतोदुन; अदकि स्वर्गदूत अदकि स्वर्गीय अधिकारी अदकि सामर्थ्य आऊन हात्ती माळकु आदुर.

4

परिवर्तति जीवन

1 इदुरसाटी याग का मसीह मय दा आगकु दुख नेगदुन रा नीव भी अदा मनसा अक हथयिार इन घाई धारण माळी, यतकी याव मय दा दुख नेगदुन आव पापगोळ देल वटोदुन, 2 ईग टु मुंद नीम्द वाचुस्त समय पृथ्वी इन जीवन मानवीय इच्छागोळद अनुसार ईला बल्की परमेश्वर उन इच्छा अन अनुसार जीवन व्यतीत माळुल. 3 यतकी मूर्त्ति पुजा माळावाळेरद इच्छा अन्द

अनुसार क्याल्सा माळोद, अदकि असभ्यता, वासना, पयिककळपन अवैध संबंध, रंगरेली, अदकि बेकार मूर्तपूजा दा यल ताका नाव पयले समय गऊसदेव, अदा हापाळ आत. 4 इदुर देल आंदुर अचम्भा माळतार कनिव हगि बोयोद जंगलीपन अदकि लापरवाह अनूद जीवन जगुसोर दा आंदुर साथ कोळालीर, अदकि इदुरसाटी आंदुर नीमूद अपमान माळतार; 5 लेकीन जो सोतक आर अदकि जत्तितागोळूद न्याय माळोर साटी तयार आन आ परमेश्वर उक नामी तान वयवहार इन लेखा जोखा कोळोद बदिदीत. 6 इदुरसाटी आ वशिवासीगोळ इक जो सोतोग्यार खुशखबरी इन उपदेश कोटक आगीत क शारीरक रूप देल चाहे आंदुर न्याय मानवीय स्थल मा आगुल लेकीन आत्मिक रूप देल आंदुर परमेश्वर उन अनुसार जत्तिता ईरूल.

परमेश्वर उन वळ्लेर भंडारी

7 सप्पा मातगोळूद अनूत तुरनूत आगावाळा आद; इदुरसाटी संयमी आगकु पुरार्थना माळोर साटी सचेत ईरी. 8 सब से धोळ मात ईद आद क आबुर दाबुर से प्यार ईटी, यतकी प्यार अनेक पापगोळ इक मुचच बुळतद. 9 बनि कूळकूळसकु आबुर दाबुर अतथि-सत्कार माळी. 10 यारी जो वरदान सकियाद, आव अदरी परमेश्वर उन अलग-अलग प्रकार इन अनुग्रह अन भला भंडारीगोळ घाई आबुर दाबुर स्यावा दा हची. 11 जो यावारा प्रचार माळूल, आव परमेश्वर उन वचन इन प्रचार माळूल; जो यावारा स्यावा माळूल, रा आ शक्ती इन सांगूळ माळूल जो परमेश्वर कोळतान; इदुरसाटी ई सप्पा मातगोळ दा यीशु मसीह अन द्वारा, परमेश्वर उन स्तुति आगुल. महिमा अदकि साम्राज्य हमेशा हमेशा आऊन आद. आमीन.

मसीह आगोद नाता देल दुख नेगोद

12 हे प्रथि संगीगोळा, याग नीमूद अग्न परीक्षा आगतद आग हगि असामान्य मातगोळ आगतेला नोळकु नीव आशचर्य चकति आगवाळी. 13 लेकीन ह्यांग-ह्यांग मसीह अन दुख दा सहभागी आगतीर, खुश ईरी, यदुर देल याग आऊन महिमा प्रगट आदीत आ घन भी नीव पुरा रीति देल आनन्दति आगेगी. 14 बाक अगर मसीह अन हेसुर इन साटी नीव अपमानीत आगतीर रा नीव धन्य माळी, यतकी आव महिमामय परमेश्वर उन आत्मा नीम मा आगतद. 15 नीम दा टु यावारा मंळसा हतयारा या काळल या कुरमी आगदुर मा, या पराया क्याल्सा दा कय हाका कारण दुख ईला सकिल. 16 लेकीन ई मात साटी परमेश्वर उन धन्यवाद माळी, यतकी नीव मसीह हेसुर ग्रहण माळदीर.

17 यतकी न्याय माळोद समय इन सूरवात आगेग्याद क पयले परमेश्वर उन लॉकुरद न्याय माळकु आगुल; अदकि याग क न्याय इन सूरवात नाम देल अच आदीत रा आंदुर येन अनूत आदीत जो परमेश्वर उन खुशखबरी मा वशिवास माळालुर? 18 हगि शासत्र दा लखिसकु आद, “अगर वळ्लेव न्याय माळावाळा मंळसा अक अच कठनिई देल उद्धार सकिकीत, रा भक्तहीन बयमान अदकि पापी इन येन आदीत?”

19 इदुरसाटी जो परमेश्वर उन इच्छा अन अनुसार दुख नेगुतार, आंदुर भलाई माळतेला तान-तान जीव वशिवासलायक सृजनहार इन कय दा सौप्स बुळुल.

5

स्याणागोळी अदकि नवयुवकगोळी वातणी

1 नीम दा जो स्याणा आन, ना आंदुर घाई स्याणा अदकि मसीह अन दुखगोळूद गवाह अदकि प्रगट आगावाळा महिमा दा सहभागी आगकु आंदरी ईद समझुसतीन. 2 क परमेश्वर उन आ झुण्ड इन, जो नीमूद न्याड्या दा आद रखवाली माळी; अदकि दबाव देल ईला लेकीन परमेश्वर उन इच्छा अन अनुसार खुशी देल, अदकि कमाई इन लालच साटी ईला लेकीन मन हचकु. 3 जो लॉकुर नीमूद देखरेख इन साटी सौप्सकु आग्यार, नीव आंदुर मा अधिकार जतुसबाळी, बल्की झुण्ड

इन साटी ऊंद आदरश बनसी. 4 याग प्रधान रखवाला प्रगत आदान, रा नीमी महमा अन मुकुट कोटकु आदीत यदुरद चमक यागलु खतम आगाल.

5 ईदा प्रकार हे नवयुवकगोळा, नीव भी तान स्याणागोळद हात्ती ईरी, अदकि नीव सप्पा च्या सप्पा आवुर दावुर स्यावा माळोर साटी वनिमरता धारण माळी, यतकी शास्त्र दा लखिसकु आद, “परमेश्वर अभिमानीगोळद वरिध माळतान, लेकीन नम्र लॉकुर मा अनुग्रह माळतान.”

6 इदुरसाटी परमेश्वर उन बलवन्त कय इन ल्यालमा दीनता देल ईरी, यदुर देल आव नीमी उचति समय मा वाळुसुल. 7 तान सप्पा चन्तिता आऊन मा हाक बुळी, यतकी आऊक नीमद ध्यान आद.

8 सचेत आगी, अदकि जागसतेला ईरी; यतकी नीमद दुश्मन शैतान गरजुसतेला हुल्ल इन घाई ईल अल ओयाळतेला ई ताक दा ईरतान क यारीक हरकु तनिल. 9 वशिवास दा मजबूत आगकु, अदकि ईद जानसकु आऊन सामना माळी क नीम वार्दुर जो दुनिया दा आर हगि अच दुख झेलसेत्यार. 10 ईग परमेश्वर जो सप्पा अनुग्रह अन दाता आन, याव नीमी मसीह दा तान अनन्त महमा अन साटी कारदुन, नीमद ध्वाळासा समय ताका दुख नेगदुर बाददा खुद अच नीमी सदिध अदकि संची अदकि बलवन्त माळ्यान. 11 आऊंदा साम्राज्य हमेशा हमेशा ईरूल. आमीन.

आखरी अभिवादन

12 *ना नीमी ऊद संक्षपित चटिठी सलिवानुस उन सहयोग देल लखिसदीन, यारी ना वशिवासलायक मसीह वार्ट मानसतीन. ना नीमी प्रोत्साहित माळोद चाहसतीन अदकि नांद गवाही कोळतीन जो परमेश्वर उन सही अनुग्रह हुन, ईदुर दा संची ईरी.

13 *जो बेबीलोन दा नीमद घाई नविळुसद मंडली इन लॉकुर, आंदुर नीमी नमस्कार अनतार अदकि मसीह दा नान पार मरकुस उन भी नीमी नमस्कार. 14 मसीह दा प्यार पुर्ण भाव देल आवुर दावुर इक कुतक्या हुडुकु नमस्कार माळी.

नीमी सप्पा मुंदरी, जो मसीह दा आईर, शांती सकितेला ईरूल.

* 5:6 ५:६ मन्ती २३:१२; लुका १४:११; १८:१४ * 5:12 ५:१२ प्रेरतिगोळ १५:२२,४०

* 5:13 ५:१३ प्रेरतिगोळ

१२:१२,२५; १३:१३; १५:३७-३९; कुलुससगोळ ४:१०; फलिमोन १:२४

पतरस की दूसरी पत्री पतरस उन दुसरा चिट्ठी परचिय

२ पतरस उन चिट्ठी दा अंदक आग्याद कि ईद प्रेरति पतरस उन द्वारा लखिसकु आगीत, लेकीन ईदीनोर हापाळ वधिवानगोळी हताल कि ईद सही आद. ईद संभव आद कियारार दुसरा ई चिट्ठी इक पतरस उन दी टु लखिसीदान. लेखक अनतान कि आव यीशु उन जीवन अदकि वशिष रूप दा रूपान्तरण १:१७-१८ इन साटी ऊंद प्रत्यक्षदर्शी ईरोन, अगर पतरस चिट्ठी लखिसीदुन रा संभव आद कि आव रोम नगर दा ६५ टु ६९ साल इन बाददा अदकि मसीह अनंद जनम इन बाददा लखिसीदान. पतरस १ पतरस इन चिट्ठी इन बाददा लेखन इन तारीख ईटक तान दुसरा चिट्ठी ३:१ भी लखिसदुन. आव सप्पा इसाईगोळी चिट्ठी संबोधति माळदुन.

पतरस ई चिट्ठी इक वळ्लीद जीवन जीऊसोर साटी प्रोत्साहित माळली अदकि ख्वाटा गुरुगोळद २ पालन ईला माळोर साटी चेतावनी कोळोर साटी लखिसीदुन. आव आंदरी आ लॉकुरी अनदेखा माळोर साटी प्रोत्साहित माळदुन जो अनेत्यार कि यीशु वापस बरली हापाळ लंबा समय ताकोमेत्यान. ईदुर उलटा आव आंदरी इंगति माळदुन कि परमेश्वर धीरा हैलेच बल्की सप्पा मुंदुरी ऊळसोद चाहासतान २ पतरस ३:८-९ ईद वळ्लीद जीवन जीऊसोद ऊंद कारण आद ३:१४. रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. आव आंदरी वळ्लीद जीवन जीऊसोद याद तोरसतान यतकी परमेश्वर नामी सक्षम माळयान. १:३-२१
३. आव ख्वाटा गुरुगोळद खलिाप चेतावनी कोळतान अदकि अनतान कि आखरी दा ख्वाटा गुरुगोळ सांगुळ येन आदीत. २:१-२२
४. पतरस यीशु उन बरोर साटी तयार आगोर साटी वळ्लीद जीवन जीऊसोद साटी विश्वासीगोळी प्रोत्साहित माळतान. ३:१-१७

1 शमौन पतरस उन दी टु, जो यीशु मसीह अनंद दास अदकि प्रेरति आर,

आ लॉकुर हेसुर यार नामव परमेश्वर अदकि उद्धारकर्ता यीशु मसीह अनंद न्याय इन द्वारा नाम घाई कमिती विश्वास प्राप्त माळयार.

2 परमेश्वर उन अदकि नाम प्रभु यीशु उन पयचान इन द्वारा अनुग्रह अदकि शांती नीम दा बहुतायत देल वाळुस्त होगुल.

ईश्वरीय बुलाहट अदकि चुनाव

3 यतकी परमेश्वर उन ईश्वरीय सामर्थ्य सप्पा येनारा जो भक्तमिय जीवन हततद, नामी अदुरदा पयचान इन द्वारा कोटान, याव नामी तान अच महिमा अदकि सदगुण इन अनुसार कारदान.

4 यऊर द्वारा आव नामी कमिती अदकि हापाळ अच धोळद वादा कोटुन: कि इऊर द्वारा नीव आ भ्रष्टता देल वीळसकु, जो दुनया दा बेकार अभलिषागोळ देल आगतद, ईश्वरीय स्वभाव इन सहभागी आगोगी. 5 ईदा कारण सप्पा प्रकार इन कोशशि माळकु तान विश्वास दा भक्तभाव इक जोळसी;

अदकि भक्तभाव दा ग्यान इक, 6 अदकि तान ग्यान दा आत्मसंयम इक जोळस, अदकि आत्मसंयम दा धीरज इक जोळसी, अदकि धीरज दा परमेश्वर उन भक्ता इक, 7 अदकि नीमद परमेश्वर उन भक्ता दा मसीह भाईचारा अक; अदकि मसीह भाईचारा दा प्यार इक जोळसी.

8 यतकी ईव पुरा गुणगोळद जरवत आद, अदकि अगर ईव मातगोळ नीम दा बहुतायत देल आव रा ईद नीमी नाम्द प्रभु यीशु मसीह अन ग्यान दा क्रियाशील अदकि प्रभावशाली माळयाव.

9 लेकीन अगर नीम दा ईव मातगोळ ईलच, रा नीम इक दुर दृष्टी ईला नीव कुद्व आईर तथा मारतोगीर क नीमद पयला अन पाप तोळकु आगेग्याव.

10 ईदा कारण हे वारदुगा, तान कारूकु आगोद, अदकि नविळुसुद आगोद इक सदिध माळोर साटी वळलीद रीता देल कोशशि माळतोगी, यतकी अगर हगि माळीर रा यागलु ठोकर तनितीदील; 11 बल्की ई रीता देल नीव नाम्द प्रभु अदकि उद्धारकर्ता यीशु मसीह अनद अनन्त राज्य दा धोळद आदर इन सांगुळ प्रवेश माळ सकीर.

12 इदुरसाटी अगर नीव ईव मातगोळी जान्सतीर, अदकि जो सच्चाई इन वचन नीमी सकियाद अदुर दा बन्सकु ईरतीर, तरी ना नीमी ईव मातगोळद याद तोरसोर साटी हमेशा तयार ईराइन. 13 ना ईद तान साटी सही समसतीन क यागासताका ना ईद मय दा जतिता आईन, आगासताका ना नीमी याद तोरसतेला ईराइन. 14 यतकी ना जान्सतीन क ना तान नाशवन्त मय बळिवाळा आईन, ह्यांग क नामव प्रभु यीशु मसीह नानी ईद हेळीदुन. 15 इदुरसाटी ना तान दी टु पुरा कोशशि माळाईन क नान सोत्तुर वाद्दा भी नीव लॉकुर ईव सप्पा मातगोळ इक हमेशा याद माळ सकीर.

मसीह अन महिमा अन कण्णगोळ नोळद गवाह

16 यतकी याग नाव नीमी तान प्रभु यीशु मसीह अन सामर्थ्य इन अदकि आगमन इन समाचार कोटीदेव, रा अद चतुराई देल नटकु कात्तागोळद अनुकरण ईला ईरोद बल्की नाव खुद अच आऊन महानता अक नोळीदेव. 17 यतकी याग आऊक परमेश्वर आपु से आदर अदकि प्रशंसा सकित अदकि आ प्रतापमय महिमा दा टु ईद वाणी बत्त, “ईव नान प्रयि पार हुन, यार देल ना खुश आईन.” 18 याग नाव आऊन सांगुळ पवतिर पहाळी मा ईरेव अदकि आकाश टु ईद वाणी बर्त केळदेव.

19 नाम हात्ती जो भवषियवक्तागोळ वचन आद, अद ई घटना देल मजबूत ठहरूसत. नीव ईद वळलीद माळतीर जो ईद समसकु आऊन मा ध्यान माळतीर क आव ऊंद दगिया हुन, जो अंधार जागा दा आ समय ताका उजुळ कोळतेला ईरतद यागासताका क व्हातुर आगाल अदकि व्हातुर इन तारा नीमद मन दा चमकुसालद. 20 सब से धोळ मात ईद आद क नीमी ईद जान्स कोम पायजे क शास्त्र अन यातोदारा भी भवषियवाणी यातोदु भवषियवक्ता अन नीजी वचारगोळद आधार मा कोळद सपष्टीकरण आल्लच. 21 यतकी यातोदारा भी भवषियवाणी मळसा अन इच्छा देल यागलु आगीदील, लेकीन भक्त जन प्रभावति आगकु पवतिर आत्मा अन द्वारा परमेश्वर उन दी टु माताळतोगोर.

2

ख्वाटा गुरु

1 ह्यांग पूर्वकाल दा लॉकुरद न्याड्या दा ख्वाटा भवषियवक्ता प्रगट आगीदुर, अदा प्रकार नीमद न्याड्या दा भी ख्वाटा गुरु प्रगट आदार. आंदुर भटकुसावाळा सच्चाई सदिधांतगोळ इक तंदार, अदकि आ स्वामी इन इनकार माळ्यार याव आंदरी कोंड कोंडान, अदकि हगि माळकु आंदुर तान जल्दी वनिश इक नमित्तरण कोट्टार. 2 तरी भी हापाळ पुरा लॉकुर आंदुरद अनैतिक हादीगोळ मा नळदार; यतकी जो आंदुर माळतार, आंदुर वजह देल दुसरा मुंदुर अपमान सच्चाई अनद बदला माळ्यार. 3 आंदुर लोभ दा बंदकु ख्वाटा मातगोळी माळ्यार अदकि नीम से अनुचति लाभ नेगदार. दण्ड इन आग्या रा आंदुर मा पयले टु अच आगेग्याद, अदकि आंदुरद वनिश इन नरिणय आगेग्याद.

4 यतकी याग परमेश्वर आ स्वरगदूतगोळ इक यार पाप माळदुर आंदरी बटिदलि, लेकीन नरक दा कळकु अंधार दा हाकक बुट्टुर ताकी न्याय इन दनि ताका शंकलीगोळ दा दुख सहन माळुल; 5 अदकि स्याणा लॉकुर युग इन दुनिया अक भी बटिदलि बल्की भक्तहीन दुनिया मा महा जल

प्रलय कळुंदुन, लेकीन न्याय इन प्रचार माळावाळा न्ह अदकि येळ मळसागोळी ऊळस वूटदुन; 6 अदकि सदोम अदकि गमोरा अन नगरगोळ इक दोषी ठहरसकु दण्ड कोटदुन अदकि आंदरी बेक्की देल भसम माळदुन ताकी आंदुर बरावाळेर भक्तहिीन लॉकुरद शकिषा अन साटी उदाहरण बनसुल, 7 अदकि न्यायी लूत इक जो अन्यायीगोळद अनैतिक चाल चलन देल हापाळ दुखी ईरोन छुटकारा कोटदुन. 8 यतकी आव न्यायी आंदुर बीच दा ईरतेला अदकि आंदुर अन्याय इन क्यालसागोळ इक नोळ नोळकु अदकि केळ केळकु, हर दनि दुख देल तळपुस तोगोन. 9 रा प्रभु भक्तगोळ इक परीक्षा दा टु तेगोद अदकि अन्यायीगोळ इक न्याय इन दनि ताका दण्ड इन दशा दा ईटोद भी जानस्तान, 10 वशिष माळकु आंदरी जो कलंकीत अभलिषागोळ हदि मय इन अनुसार नळुतार अदकि प्रभु अक तुच्छ जानस्तार.

आंदुर ढीठ, अदकि जदिदी आर, अदकि धोळ पदवाळेर इक भला बुरा माताळली अंजालुर, 11 तरी भी स्वर्गदूतगोळ जो न्याय अदकि सामर्थ्य दा ख्वाटा गुगुगोळ देल धोड्डेर आर, प्रभु उन मुंद आंदरी बुरा भला अनकु दोष ह्चालुर. 12 लेकीन ई लॉकुर नरिबुद्धी पशुगोळद अच तुल्य आर, जो हुळकु आगोर साटी अदकि नाश आगोर साटी पैदा आग्यार; अदकि या मातगोळ इक जानसालुर अच अदुर बारा दा दुसरा अक भला बुरा अनतार, आंदुर आळी दाकळोद पशुगोळद घाई नाश माळकु आदार. 13 दुसरा अन बुरा माळोद बदला आंदुर दा बुरा आदीत. आंदरी ईळलक हागुल भोग वलिास माळोद भला हततद. हगि लॉकुर कलंकीत अदकि दोषी आर; याग आंदुर नीम सांगुळ तनितार अदकि कुडुतार, रा आंदुर ध्वाका धळी देल भोज माळकु भोग वलिास माळतार. 14 आंदुर कण्णगोळ दा व्यभचार कुरतकु आद, अदकि आंदुर पाप माळदुर बनि रूकस सकालुर. आंदुर कमजोर लॉकुरी जाल दा फसुस कोमतार. आंदुर मन इक लोभ माळोद अभ्यास आगेग्याद; परमेश्वर उन शराप आंदुर मा आद. 15 आंदुर सीदा हादी अक बटिकु भटकुसेग्यार, अदकि बओर उन पार बलिाम उन हादी मा आगेग्यार, याव अन्याय इन मजदूरी इक प्रयि जानसदुर; 16 अदकि आऊक आऊन पाप इन बारा दा फटकार सकित, ईल ताका क्कि अबोल गधा मंळसा अन बोली देल आ भवषियवक्ता अक आऊन बावलापन देल रोक्सत.

17 ई लॉकुर वंळगीद भायगोळ, अदकि आंधी इन हारसद बादल उर; परमेश्वर आंदुर साटी अनन्त खोल अंधकार ठहरस्यान. 18 आंदुर बेकार घमण्ड इन मातगोळी माळ माळकु अनैतिक क्यालसागोळ द्वारा, आ लॉकुरी शारीरिक अभलिषागोळ दा फसुस बुळतार जो भटकुसकु दा टु होळोद सूवात ईंगल्या अच माळेत्यार. 19 आंदुर आंदरी स्वतंत्र माळोद प्रतगिया रा माळतार, लेकीन खुद अच भ्रष्टता अन दास आर; यतकी जो मंळसा यार देल हारसेग्यान, आव आऊन दास बनसगतान. 20 याग आंदुर प्रभु अदकि उद्धारकर्ता यीशु मसीह अन पयचान इन द्वारा दुनया अन नाना प्रकार इन कलंक देल उळदकु होट्टुर, अदकि मात आंदुर दा फसुसकु हारसेदूर, रा आंदुरद पछिला दशा पयले टु भी बेकार आगेग्याद. 21 यतकी न्याय इन हादी इन ईला जानसोद अच आऊन साटी इदुर से भला आगाईत क्कि अदरी जानसकु, आ पवतिर आग्या देल बदलुसेगायदुर जो आंदरी कोटकु आगीत. 22 आंदुर मा ईद कहावत सही कुरतद, क्कि नाय तान माळस इन दी अदकि मय कय तोळद हंदी केसुर दा गळबळ्या होडोर साटी मातत ओळेतद.

3

प्रभु उन मातत बरोद वाचा

1 हे प्रयि संगीगोळा, ईग ना नीमी ईद दुसरा चटिटी लखिसतीन, अदकि येदुदु दा याद कोळसुसकु नीमद शुद्ध मन इक जागृत माळोद वचिर माळतीन, 2 क्कि नीव आ मातगोळ इक जो पवतिर भवषियवक्ता पयले टु अंदार, अदकि प्रभु अदकि उद्धारकर्ता अन आ आग्या अक याद माळी जो नीमद प्रेरतिगोळ उन द्वारा कोटकु आगीत. 3 *सब से पयले ईद जान्स कोमी क्कि आखरी दनिगोळ दा नीमद मज्याक हारसावाळेर बंदार जो तान अच अभलिषागोळद अनुसार नळदार

4 अदकि कोळ्यार, “आव बरोद प्रतगिया माळीदुन, येन आव माळीदलि? आव येल आन? नाम पुर्वज रा पयला टु अच सोतोग्यार लेकीन यागी टु दुनया वनस्याद सप्पा मातगोळ हांग अच नळतेला बरेत्याव.” 5 आंदुर रा जान बुझुसकु ईद मारतोदुर कि परमेश्वर उन कोळद आग्या देल आकाश अदकि पृथ्वी माळकु आग्याद अदकि पृथ्वी नीर दा टु वनसत अदकि नीर दा संची आद, 6 इदुरदा कारण आ दुनया अन दुनया नीर दा मुळककु नाश आगेत. 7 लेकीन ईद आकाश अदकि पृथ्वी ईद अस्ततिव दा आद, आऊंदा आदेश इन द्वारा बेक्की देल नाश आगोर साटी सुरक्षति आद; इंदरी आ दनि इन साटी ईटकु आगेत्याद याग अन्यायी लॉकुरद न्याय आदीन अदकि आंदुर नाश माळकु आदार.

8 हे प्रयि संगीगोळा, ईद ऊंद मात इक मारूबाळी कि प्रभु उन नजर दा ऊंद दनि अदकि ऊंद हजार साल दा येनु फरक हैलेच; आऊन साटी ईव येदुदु बराबर आव. 9 प्रभु तान प्रतगिया अन बारा दा समय माळालुन, हयांग समय थवाळासा लॉकुर समसतार; लेकीन नीमद बारा दा संयम हूडुतान, अदकि चाहासालुन कि यावारा नाश आगुल, बल्की ईद कि सप्पा मुंदरी मन फरिाव इन मवका सकिल.

10 *लेकीन प्रभु उन दनि काळल उन घाई होत बंदीत, आ दशि आकाश हापाळ गर्जना अन सांगुळ अदृश्य आगेदीत, अदकि आकाश इन पुरा चजिगोळ होतकु नाश आगेदव अदकि पृथ्वी अदकि अदुर दाकळव सप्पा मातगोळ गायव आगेदव. 11 जब कि ईव सप्पा वस्तुगोळ ई रीत दिेल नाश आगावाळा आव, रा नीमी याता प्रकार इन लॉकुर आग पायजे? नीमद जीवन पवतिर अदकि परमेश्वर उन दी समरपति आगली पायजे, 12 अदकि परमेश्वर उन आ दशि इन हादी याता रीत दिेल काय पायजे अदकि आऊन जल्दी बरोद साटी हयांग कोशशि माळ पायजे, यदुर कारण आकाश बेक्की देल नाश माळकु आदीत, अदकि आकाश इन पुरा वस्तुगोळ गरमी देल पघिलुसेव. 13 *लेकीन आऊन वादा अन अनुसार नाव ऊंद व्हाशोद आकाश अदकि व्हाशोद पृथ्वी इन आस नोळतेव यदुर दा न्याय वास माळीत.

14 इदुरसाटी, हे प्रयि संगीगोळा, हयांग नीव आ दनि इन हादी कायेतीर, रा तान दी टु पुरा कोशशि माळी कि नीव शांती देल परमेश्वर उन नजर दा आलोचना रहति अदकि नषिकलंक ठहूसी, 15 नामद प्रभु उन धीरज इक जो आव नामी कोटान उद्धार इन संधी समसी, हयांग नाम प्रयि संगी पौलस भी आ ग्यान देल जो परमेश्वर वारट उक कोटीदुन अदुरद इस्तेमाल माळकु लखिसदुन. 16 हांग अच आव तान सप्पा चट्टी गोळ दा भी ईव मातगोळ इक लखिसदुन, यारदा येनारा मातगोळ हगि आव यवरी समसोद कठनि आद, अदकि अनपद अदकि चंचल लॉकुर अदुर अर्थगोळी इक भी शास्त्र अन अन्य मातगोळ घाई जेडुकु तांद अच नाश इन कारण माळतार.

17 इदुरसाटी हे प्रयि संगीगोळा, नीव लॉकुर पयला टु उच ईव मातगोळी जानसकु सावधान ईरी, ताकी न्यायवरिद्ध लॉकुरद गलतीगोळद द्वारा तान स्थरिता अक येल्यारा कय देल काळुकोमी. 18 लेकीन नामव प्रभु अदकि उद्धारकर्ता यीशु मसीह अन अनुग्रह अदकि ग्यान दा वाळुसतेला होगी. आऊन दा प्रशंसा सही मायना दा आगुल, अदकि हमेशा आगतेला ईरूल. आमीन.

यूहन्ना की पहली पत्री यूहन्ना अन्द पयला चिट्ठी परचिय

१ यूहन्ना अन्द चिट्ठी प्रेरति यूहन्ना अन्द द्वारा मसीह अन्द जनम इन ५० से १०० साल इन न्याइया दा लखिसकु आगीत. यूहन्ना खुद इक लेखक इन रूप दा जान्सालुन. लेकीन पयला अध्याय तोरसतद क आब यीशु उन जीवन अदकि पुनरूत्थान इन साटी ऊद प्रत्यक्षदर्शी आन १:१-३ पयला यूहन्ना दा लेखन शैली यूहन्ना अन्द अनुसार खुशखबरी दा सकिद लेखन शैली घाई काळसतद. हगि मान्सकु आगतद क १ यूहन्ना अन्द चिट्ठी इन अनुसार खुशखबरी लखिसीदुन अदकि इफसिस दा ईरतेला मुर चिट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चिट्ठी इक सप्पा इसाई लांकुरी लखिसीदुन याग मंडली इक "ग्यानवादी" हेसुर इनोर लांकुर इन समुह देल परेशानी आगोद. ई लांकुर मान्स तोगोर क यीशु पुरा तरीका देल परमेश्वर ईरोन लेकीन आव सही दा पृथ्वी मा मास अदकि रक्ता अन मय इन सांगुळ मळसा ईला ईरोन. ईदा कारण यूहन्ना यीशु उन जीवन इन प्रती प्रत्यक्षदर्शी आगोद बारा दा लखिसदुन अदकि अंदुन क आऊन कयगोळ यीशु उक मुटदव १:१-३. ई चिट्ठी इक लखिसदुर दा यूहन्ना अन्द उद्देश आंदुर खुशी इक पुरा माळोद ईरोद १ यूहन्ना १:४, वशिवासीगोळी पाप माळदुर देल रोकसोर साटी १ यूहन्ना २:१, ख्वाटा शकिया देल वशिवासीगोळद रक्षा माळोर साटी १ यूहन्ना २:२६ अदकि वशिवासीगोळी आश्वस्त माळोद क आंदुर ऊळसकु आग्यार. ५:१३

रूप-रेखा

१. यूहन्ना तान चिट्ठी प्रस्तुत माळदुन अदकि इदरी लखिसोद ऊद उद्देश कोट्टुन. १:१-४
२. बाक आव समझसतान क परमेश्वर ह्यांग ऊजुळ आन अदकि नामी जीवन स्वरूप ईरली पायजे. १:५-३:१०
३. इदुर बाददा आव नामी आबुर दाबुर से प्यार माळोद आदेश इन याद तोरसतान. ३:११-५:१२
४. आव तान चिट्ठी खतम माळतान. ५:१३-२१

जीवन इन बातणी

1 *आ जीवन इन वचन इन बारा दा जो पयले टु ईरोद. यदरी नाव केळेव, अदकि यदरी तान कण्णगोळ देल नोळदेव, उलटा यदरी नाव ध्यान देल नोळदेव अदकि कयगोळ देल मुटदेव. 2 *ईद जीवन प्रगट आत्त, अदकि नाव आऊक नोळदेव, अदकि आऊन गवाही कोळतेव, अदकि नीमी आ अनन्त जीवन इन समाचार कोळतेव जो आप्प उन सांगुळ ईरोन अदकि नाम मा प्रगट आदुन. 3 जो येनारा नाव नोळेव अदकि केळेव अदुरद समाचार नीमी भी कोळतेव, इदुरसाटी क नीव भी नाम सांगुळ सहभागी आगी; अदकि नाम्द ईद सहभागीता आप्प उन सांगुळ अदकि आऊन पार यीशु मसीह अन सांगुळ आद. 4 अदकि ई मातगोळ नाव इदुरसाटी लखिसतेव क नाम्द खुशी पुरा आगेगुल.

प्रकाश दा नळोद

5 जो समाचार नाव आऊन से केळेव अदकि नीमी केळसतेव, अद ईद हुन क परमेश्वर प्रकाश हुन अदकि आऊन दा येनु उच अंधकार हूलेच. 6 अगर नाव अदेव क आऊन सांगुळ नाम्द सहभागीता आद अदकि मात्त पाप दा नळदेव, रा नाव ख्वाटा आयेव अदकि सच्चाई मा नळालेव; 7 लेकीन अगर ह्यांग आव प्रकाश दा आन, हांग अच नाव भी प्रकाश दा नळदेव, रा आबुर दाबुर से सहभागीता ईटतेव, अदकि आऊन पार यीशु उन रक्ता नामी सप्पा पापगोळ देल शुद्ध माळतद.

8 अग्र नाव अंदेव कनिनाम दा येनु भी पाप ईल्लच, रा तान तान इक धवाका कोळतेव, अदकि नाम दा सच्चाई ईल्लच. 9 अग्र नाव तान पापगोळी मान्स कोंडेव, रा परमेश्वर नामव पापगोळ इक माफ माळोद अदकि नामी सप्पा पापगोळ देल शुद्ध माळदुर दा वशिवासलायक अदकि न्यायी आन. 10 अग्र नाव अंदेव कनिनाव येनु पाप माळीदलि, रा परमेश्वर उक ख्वाटा ठहूसतेव, अदकि आऊन वचन नाम दा हैलेच.

2

मसीह नामव सहायक

1 हे नान चकिरगोळा, ना ईव मातगोळ नीमी इदुरसाटी लखिसतीन कनिव पाप माळवाळी; अदकि अग्र यावारा पाप माळतान, रा आप्प उन हात्ती नामव ऊंद सहायक आन, मतलब न्यायी यीशू मसीह; 2 अदकि आवा नामव पापगोळ इक माफ माळतान, अदकि उलटा नाम्द अच ईला बलकी पुरा दुनया अन पापगोळद भी.

3 अग्र नाव परमेश्वर उन आग्यागोळ इक मान्सतेव, रा इदुर देल नाव जान्स कोंडेव कनिनाव आऊक जान्सेगेव. 4 जो यावारा ईद अनतान, “कनिनाव आऊक जान्स कोंडीन,” लेकीन आऊन आग्यागोळ इक मान्सालुन, रा आव ख्वाटा आन अदकि आऊन दा सच्चाई ईल्लच; 5 पर जो यावारा आऊन आग्यागोळ मा नळुतान, आऊन दा खराखुरा परमेश्वर उन प्यार सद्धि आग्याद. इदुर देल नाव जान्सतेव कनिनाव परमेश्वर उन संगती दा ऊंद आयेव: 6 जो यावारा ईद अनतान कनिना आऊन दा बन्सकु ईरतीन, आऊक पायजे कनिनाव भी हांग अच नळुल ह्यांग आव नळुतोगोन.

व्हाशोद आग्या

7 हे प्रिय, ना नीमी यातोदु व्हाशोद आग्यागोळ लखिसालीन, पर अदा हाळोद आग्या जो पयले टु नीमी सकियाद; ईद हाळोद आग्या अद वचन हुन यदरी नीव केळीर. 8 तरी भी ना नीमी व्हाशोद आग्यागोळ लखिसतीन, अदकि ईद अदुर दा अदकि नीम दा सही ठहूसतद; यतकी अंधकार खतम आगेगतद अदकि सच्चाई इन प्रकाश ईंग चमकुसली हत्याद.

9 जो यावारा ईद अनतान कनिना प्रकाश दा आईन अदकि आव तान मसीह वार्ट से दुश्मनी ईटतान, आव ईंगासताका अंधकार दा अच आन. 10 जो यावारा तान मसीह वार्ट से प्यार ईटतान आव प्रकाश दा ईरतान, अदकि आव यारदु टोकर इन कारण बन्स सकालुन. 11 पर जो यावारा तान मसीह वार्ट से दुश्मनी ईटतान आव अंधकार दा आन अदकि अंधकार दा नळुतान, अदकि जान्सालुन कनिना याता जागा दा होगेत्यान, यतकी अंधकार आऊन कण्णगोळी कुदुद माळवुताद.

12 हे चकिरगोळा, ना नीमी इदुरसाटी लखिसतीन कनिना आऊन हेसुर देल नीम पाप माफ आग्याव. 13 हे आप्पगोळा, ना नीमी इदुरसाटी लखिसतीन कनिना आ दुष्ट मा जय हासलि माळीर. हे पारगोळा, ना नीमी इदुरसाटी लखिसतीन कनिना आप्प उक जान्स कोंडीर.

14 हे चकिरगोळा, ना नीमी इदुरसाटी लखिसतीन कनिना पयले टु आद नीव अदरी जान्स कोंडीर. हे हारोदोरा, ना नीमी इदुरसाटी लखिसतीन कनिना ताकतवर आईर, अदकि परमेश्वर उन वचन नीम दा बन्सकु ईरतद, अदकि नीव आ दुष्ट मा जय हासलि माळीर.

15 नीव ना रा दुनया से अदकि ना दुनया अनद वस्तुगोळ से प्यार ईटी. अग्र यावारा दुनया से प्यार ईटतान, रा आऊन दा आप्प उन प्यार हैलेच. 16 यतकी जो येनारा संपत्ती दुनया दा आद, मतलब मय इन अभलिषा अदकि कण्णगोळद इच्छा अदकि जीव इन घमण्ड, अद आप्प उन दी टु ईला लेकीन दुनया दी टु उच आद. 17 पुरा दुनया अदकि अदुरद अभलिषागोळ येदुदु मदुसेगताव, लेकीन जो परमेश्वर उन इच्छा मा नळुतान आव हमेशा बन्सकु ईत्तान.

मसीह-वरीधी

18 हे पारगोळा, ईद आखरी समय आद; अदकि ह्यांग नीव केळीर कि मसीह अन्द वरिधी बरावाळा आन, अदुर अनुसार ईंग भी हापाळ सा मसीह-वरिधी यदकु नदिर्यार; इदुरसाटी नाव जान्सतेव कि ईद आखरी समय हुन. 19 आंदुर होटार भी रा नाम दा टु उच, लेकीन नाम दा टु ईला ईरोर; यतकी अगर आंदुर नाम दा टु ईरायदुर रा नाम सांगुळ ईरायदुर; लेकीन होटकु इदुरसाटी होदुर कि ईद प्रगट आगुल कि आंदुर सप्पा मुंदुर नाम दा टु आल्लच.

20 लेकीन नीमद रा आ पवतिर आत्मा देल अभषिक आग्याद, अदकि नीव सप्पा येनारा जान्सतीर. 21 ना नीमी इदुरसाटी लखिसदिलि कि नीव सच्चाई इक जान्सालीर, लेकीन इदुरसाटी कि आऊक जान्सतीर, अदकि इदुरसाटी कि यातोदु भी ख्वाटा वस्तु, सच्चाई दी टु हैलेच.

22 ख्वाटा याव आन? सर्फि आव जो यीशु उन मसीह ईरोद से इनकार माळतान; अदकि मसीह अन्द वरिधी आवा हुन, जो आप्प उन अदकि पार उन इनकार माळतान. 23 जो यावारा पार उन इनकार माळतान आऊन हात्ती आप्प भी हैलेच: जो पार उक मान्स कोमतान, आऊन हात्ती आप्प भी आन.

24 जो येनारा नीव पयले टु केळीर, अदा नीम दा बन्सकु ईरूल; जो नीव सूरु टु केळीर, अगर अद नीम दा बन्सकु ईरूल रा नीव भी पार दा अदकि आप्प उन दा बन्सकु ईत्तीर. 25 अदकि यदुरद आव नाम से वादा माळदुन अद अनन्त जीवन हुन.

26 ना ई मातगोळ नीमी आ लॉकुर बारा दा लखिसतीन, जो नीमी बैकुसतार; 27 लेकीन नीमद अद अभषिक जो आऊन दी टु माळकु आत्त, नीम दा बन्सकु ईरतद, अदकि नीमी इदुरद जरवत ईला कि यावारा नीमी कलसुल, उलटा ह्यांग अद अभषिक जो आऊन दी टु माळकु आत नीमी सप्पा मातगोळ कलसतद, अदकि ईद सही आद अदकि ख्वाटा हैलेच; अदकि ह्यांग आव नीमी कलस्यान हांग अच नीव अदुरदा बन्सकु ईरतीर.

28 इदुरसाटी हे चकिोरा, अदुरदा बन्सकु ईरी कि याग आव प्रगट आदान रा नाम दा हमिमत ईरूल, अदकि नाव आऊन बंदुर मा आऊन मुंद नाचकतदिलि. 29 अगर नीव जान्सतीर, कि आव न्यायी आन, रा ईद भी जान्सतीर कि जो यावारा न्याय इन क्यालसा माळतान आव आऊन से पैदा आग्यान.

3

परमेश्वर उन चकिोर

1 *नोळी, आप्प नाम से ह्यांग प्यार माळकु कारदुन कनाव परमेश्वर उन औलाद अंदकु आदेव; अदकि नाव आयेव भी. ईद कारण दुनयिा नामी अराल, यतकी आव आंदरी भी अरतीदलि. 2 हे प्रयि संगीगोळा, ईंग नाव परमेश्वर उन औलाद आयेव, अदकि ईंगासताका ईद प्रगट आगीदील कि नाव अदकि येन आदेव! ईट जान्सतेव कि याग प्रगट आदीत रा नाव आऊन घाई आदेव, यतकी आऊक हांग अच नोळेव ह्यांग आव आन. 3 अदकि जो यावारा मसीह मा ईद आशा ईटतान, आव तान तान इक हांगा शुद्ध माळतान ह्यांग मसीह शुद्ध आन

4 जो यावारा पाप माळतान, आव व्यवस्था अन्द वरिध माळतान; अदकि पाप रा व्यवस्था अन्द वरिध हुन. 5 *नीव जान्सतीर कि आव इदुरसाटी प्रगट आदुन कि पापगोळी तेगद बुळुल; अदकि आऊन स्वभाव दा पाप हैलेच. 6 जो यावारा आऊन एकता दा बन्सकु ईरतान, आव पाप माळालुन: जो यावारा पाप माळतान, आव ना रा आऊक नोळ्यान अदकि ना आऊक जानस्यान.

7 हे चकिोरा, यारदारा बैकावा दा बखाळेतीर. जो न्याय इन क्यालसा माळतान, आव अच आऊन घाई आन. 8 जो यावारा पाप माळतान आव शैतान दी टु आन, यतकी शैतान पयले टु उच पाप माळत बंदान. परमेश्वर उन पार इदुरसाटी प्रगट आदुन कि शैतान उन क्यालसागोळद नाश माळकु छुटकारा कोळुल.

9 जो यावारा परमेश्वर उन से पैदा आग्यान आव पाप माळालुन; यतकी आऊन स्वभाव दा बन्सकु ईरतान, अदकि आव पाप माळ अच सकालुन यतकी आव परमेश्वर देल पैदा आग्यान. 10 इदुर देल अच परमेश्वर उन औलाद अदकि शैतान उन औलाद अरूकु आगतद; जो यावारा न्याय इन कयाल्सा माळालुन आव परमेश्वर देल पैदा आगीदील, अदकि ना आव जो तान मसीह वार्ट से प्यार ईटालुन.

आबुर दाबुर से प्यार ईटी

11 *यतकी जो समाचार नीव पयले टु केळीर, अद ईद आग्या हुन कि नाव आबुर दाबुर से प्यार ईट्टेव; 12 अदकि कैन उन घाई बन्सबाळी जो आ दुष्टगोळ दा टु ईरोन, अदकि याव तान मसीह वार्ट उक कोंद बुट्टुन. अदकि आऊक याता कारण देल कोंद बुट्टुन? ई कारण कि ईऊन कयाल्सा बुरा ईरव, अदकि आऊन कयाल्सा न्याय इनव ईरव.

13 हे मसीह वार्ट अदकि आकतीगेरा, अगर दुनया नीम से दुश्मनी माळतद रा अचम्भा माळबाळी. 14 *नाव जान्सतेव कि नाव मृत्यु टु पार आगकु जीवन दा प्रवेश माळेव; यतकी नाव मसीह वार्टुर से प्यार ईट्टेव. जो प्यार ईटालुन आव मृत्यु उन दशा दा ईरतान. 15 जो यावारा तान मसीह वार्ट से दुश्मनी ईटतान, आव हत्यारा हुन; अदकि नीव जान्सतीर कि यावारा हत्यारा दा अनन्त जीवन ईरालद. 16 नाव प्यार ईदुर देल अच जान्सदेव कि आव नाम साटी तान जीव कोट बुट्टुन; अदकि नामी भी खुद मसीह वार्ट अदकि आकतीगेर साटी जीव कोळ पायजे. 17 लेकीन जो यारदारा हात्ती दुनया अन्द संपत्ती ईरूल अदकि आव तान मसीह वार्ट उक कंगाल नोळकु आऊन जरवत मा तरस तनीद चाहासालुन, रा आऊन दा परमेश्वर उन प्यार हयांग बन्सकु ईर सकतद? 18 हे चकिेरा, नाव वचन अदकि लयालग्या देल अच ईला, लेकीन कयाल्सा अदकि सचचाई अन्द दवारा भी प्यार ईट्टेव.

परमेश्वर उन हात्ती हम्मिमत

19 इदुर देल अच नाव जानसेव कि नाव सचचाई नव हुयेव; अदकि याता मात दा नाम मन नामी दोष कोट्टीत, अदुर बारा दा नाव परमेश्वर उन मुंद आत्मवश्वास देल ईट्टेव; 20 यतकी परमेश्वर नाम मन देल हापाळ धोड्डेव आन, अदकि सपपा येनारा जान्सतान. 21 हे प्रयि संगीगोळा, अगर नाम मन नामी दोष कोळाल, रा नामी परमेश्वर उन मुंद हम्मिमत ईरतद; 22 नाव आऊन से जो येनारा बेळतेव, अद नामी आऊन हात्ती टु सकितद, यतकी नाव आऊन आग्यागोळ इक मान्सतेव अदकि जो आऊक वळलीद हततद अदा माळतेव. 23 *आऊन आग्या ईद आद कि नाव आऊन पार यीशु मसीह अन्द हेसुर मा वश्वास माळेव, अदकि हयांग आव नामी आग्या कोटान आऊंदा अनुसार आबुर दाबुर दा प्यार ईट्टेव. 24 जो परमेश्वर उन आग्यागोळ इक मान्सतान, आव परमेश्वर दा अदकि परमेश्वर आंदुर दा बन्सकु ईरतान: अदकि इदुर देल अच, मतलव आ आत्मा देल जो परमेश्वर नामी कोटान, नाव जान्सतेव कि परमेश्वर नाम दा बन्सकु ईरतान.

4

आत्मागोळद परख माळी

1 हे प्रयि संगीगोळा, हर ऊंद आत्मा अन्द वश्वास माळबाळी, उलटा आत्मागोळद परख माळी कि अव परमेश्वर दी टु हुव का आल्लच; यतकी हापाळ सा ख्वाटा भवश्चियक्तागोळ दुनया दा होटकु नदुरकु आर. 2 परमेश्वर उन आत्मा नीव ईदा रीत दिल जान्स सकतीर: जो आत्मा मान्स कोमतद कि यीशु मसीह मय दा टु आगकु बंदान आव परमेश्वर उन दी टु हुन, 3 अदकि जो आत्मा यीशु मसीह इक मानसाल, अद परमेश्वर उन दी टु आल्लच; अदकि अदा रा मसीह अन वरिधी इन आत्मा हुन, यदुरद चर्चा नीव केळ कोडीर कि आव बरावाळा आन, अदकि ईग

भी दुनयिया दा आन. ⁴हे चकिरा, नीव परमेश्वर नोर हुईर, अदकि नीव आ आत्मागोळ मा जय हासलि माळीर; यतकी जो नीम दा आद अद आऊन से जो दुनयिया दा आन, महान आन. ⁵आंदुर दुनयिया नोर आर, ई कारण आंदुर दुनयिया अन मातगोळ माताळतार, अदकि दुनयिया आंदुर केळतद. ⁶नाव परमेश्वर उन हुयेव. जो परमेश्वर उक जान्सतान, आव नामद केळतान; जो परमेश्वर उक जान्सालुन आव नामद केळालुन. ई प्रकार नाव सच्चाई इन आत्मा अदकि भरम ईद आत्मा अक अर्त कोमतेव.

परमेश्वर प्यार हुन

⁷हे प्रयि, नाव आबुर दाबुर दा प्यार ईट्टेव, यतकी प्यार परमेश्वर से आद, जो यावारा प्यार माळतान, आव परमेश्वर से पैदा आग्यान अदकि परमेश्वर उक जान्सतान. ⁸जो प्यार ईटालुन आव परमेश्वर उक जान्सालुन, यतकी परमेश्वर प्यार हुन. ⁹जो प्यार परमेश्वर नाम से ईटतान, अद ईदुर देल प्रगट आग्याद क्ति परमेश्वर तान ऊंद टैसा पार उक दुनयिया दा कळयान क्ति नाव आऊन द्वारा जीवन प्राप्त माळेव. ¹⁰प्यार इदुर दा हैलेच क्ति नाव परमेश्वर से प्यार माळदेव, लेकीन इदुर दा आद क्ति आव नाम से प्यार माळदुन अदकि नाम पापगोळद माफ अन साटी तान पार उक केळदुन.

¹¹हे प्रयि, याग परमेश्वर नाम से हगि प्यार माळदुन, रा नामी भी आबुर दाबुर दा प्यार ईट पायजे. ¹²परमेश्वर उक याऊ यागलु नोळीदील; अगर नाव आबुर दाबुर दा प्यार ईट्टेव, रा परमेश्वर नाम दा बन्सकु ईरतान अदकि आऊन प्यार नाम दा सदिध आग्याद.

¹³इदुर देल अच नाव जान्सतेव क्ति नाव आऊन दा बन्सकु ईरतेव, अदकि आव नाम दा; यतकी आव तान आत्मा नामी कोटान. ¹⁴नाव नोळ भी कोण्डेव अदकि गवाही कोळतेव क्ति आप्प पार उक दुनयिया दा उद्धारकर्ता माळकु कळयान. ¹⁵जो यावारा ईद मानस कोमतान क्ति यीशु परमेश्वर उन पार हुन, परमेश्वर आऊन दा बन्सकु ईरतान, अदकि आव परमेश्वर दा

¹⁶जो प्यार परमेश्वर नाम से ईटतान, अदरी नाव जान्स कोंडेव अदकि नामी आऊन वशिवास आद. परमेश्वर प्यार हुन, अदकि जो प्यार दा बन्सकु ईरतान आव परमेश्वर दा बन्सकु ईरतान, अदकि परमेश्वर आऊन दा बन्सकु ईरतान. ¹⁷इदुर देल अच प्यार नाम दा सदिध आग्याद क्ति नामी न्याय इन दशिी हम्मिमत ईरूल; यतकी ह्यांग मसीह आन हांग अच दुनयिया दा नाव भी आयेव. ¹⁸प्यार दा अंजुक ईराल, उलटा सदिध प्यार अंजुक इक दुर माळ वुळतद; यतकी अंजुक इन संबंघ दण्ड देल ईरतद, अदकि जो अंजुक ईटतान आव प्यार दा सदिध आगीदील.

¹⁹नाव इदुरसाटी प्यार माळतेव, क्ति पयले आव नाम से प्यार माळदुन. ²⁰अगर यावारा अंदान, “ना परमेश्वर से प्यार ईटतीन,” अदकि तान मसीह वार्ट से दुश्मनी ईटुल रा आव ख्वाटा आन; यतकी जो तान वार्ट से यारी आव नोळयान प्यार ईटालुन, रा आव परमेश्वर से भी यारी आव नोळीदील प्यार माळालुन. ²¹आऊन से नामी ईद आग्या सक्याद, क्ति जो यावारा परमेश्वर से प्यार ईटतान आव तान मसीह वार्ट से भी प्यार ईटुल.

5

दुनयिया मा जय हासलि माळोद

¹यार्द ईद वशिवास आद क्ति यीशु अच मसीह हुन, आव परमेश्वर से पैदा आग्यान; अदकि जो यावारा पैदा माळावाळा से प्यार ईटतान, आव आऊन से भी प्यार ईटतान जो आऊन से पैदा आग्यान. ²याग नाव परमेश्वर से प्यार ईटतेव अदकि आऊन आग्यागोळ इक मान्सतेव, रा इदुर देल अच नाव जान्सतेव क्ति नाव परमेश्वर उन औलादगोळ से प्यार ईटतेव. ³यतकी परमेश्वर से प्यार ईटोद ईद हुन क्ति नाव आऊन आग्या अक मानसेव; अदकि आऊन आग्यागोळ कठनि हैलेच. ⁴यतकी जो येनारा परमेश्वर देल पैदा आग्याद, अद दुनयिया मा जय हासलि माळतद; अदकि अद वजिय यदुर देल दुनयिया मा जय हासलि आगतद अदा नाम वशिवास हुन. ⁵दुनयिया मा

जय हासलि माळावाळा याव हुन? सर्फि आव यार्द ईद वशिवास आद कि यीशु, परमेश्वर उन पार हुन.

यीशु मसीह अनन्द बारा दा गवाही

⁶ ईवा हुन आव जो नीर अदकि खून अन दवारा बंदीदुन, मतलब यीशु मसीह: आव सर्फि नीर इन दवारा ईला लेकीन नीर अदकि रक्ता येदुदु चजि इन दवारा बंदीदुन ईद गवाही सचचाई हुन. ⁷ अदकि जो गवाही कोळतद, अद आत्मा हुन; यतकी आत्मा सचचाई आद. ⁸ गवाही कोळावाळा मूर आव, आत्मा, अदकि नीर, अदकि रक्ता; अदकि मूर ऊंदा मात मा सयमत आव. ⁹ याग नाव मंळसागोळद गवाही मान्स कोमतेव, रा परमेश्वर उन गवाही रा अऊर से वाळूसकु आद; अदकि परमेश्वर उन गवाही ईद आद कि जो आव तान पार उन बारा दा कोटान. ¹⁰ जो परमेश्वर उन पार मा वशिवास माळतान आव तान मन दा अच गवाही ईटतान. याव परमेश्वर मा वशिवास माळीदलि आव आऊक खवाटा ठहूसदुन, यतकी आव आ गवाही मा वशिवास माळीदलि जो परमेश्वर तान पार उन बारा दा कोटान. ¹¹ अदकि अद गवाही ईद हुन कि परमेश्वर नामी अनन्त जीवन कोटान, अदकि ईद जीवन आऊन पार उन दा आद. ¹² यार हात्ती पार आन, आऊन हात्ती जीवन आद, अदकि यार हात्ती परमेश्वर उन पार हैलेच, आऊन हात्ती जीवन भी हैलेच.

अनन्त जीवन

¹³ ना नीमी, जो परमेश्वर उन पार उन हेसुर मा वशिवास माळतीर, इदुरसाटी लखिसतीन कि नीव अरत कोमी कि अनन्त जीवन नीमद आद. ¹⁴ अदकि नामी आऊन मुंद जो हम्मिमत सकितद, अद ईद हुन; कि अगर नाव आऊन इच्छा अनन्द अनुसार येनारा बेळतेव, रा आव नाम केळतान. ¹⁵ याग नाव जो येनारा आऊन से बेळतेव आव नाम केळतान, रा ईद भी जानसतेव कि जो येनारा नाव आऊन से बेळदेव, आव कोळतान.

¹⁶ अगर यावारा तान मसीह वार्द उक हगि पाप माळतेला नोळुल यदुर्द अंजाम मृत्यु आगाल, रा वनिती माळकु बेळुल, अदकि परमेश्वर आऊक आंदुर साटी, यार हगि पाप माळ्यार यदुर्द अंजाम मृत्यु आगाल, जीवन कोटान. पाप हगि भी आगतद यदुर्द अंजाम मृत्यु आगतद; इदुर बारा दा ना वनिती माळोर साटी हेळालीन. ¹⁷ सप्पा प्रकार इन अन्याय रा पाप हुन, लेकीन हगि पाप भी आद यदुर्द अंजाम मृत्यु आल्लच.

¹⁸ नाव जानसतेव, कि जो यावारा परमेश्वर उन से पैदा आगयान, आव पाप माळालुन; लेकीन जो परमेश्वर से पैदा आगयान, आऊक आव ऊळसकु ईटतान, अदकि आ दुष्ट आऊक मुट सकाल.

¹⁹ नाव जानसतेव कि नाव परमेश्वर से आयेव, अदकि सप्पा दुनयिा आ दुष्ट उन वश दा बदिक् आद.

²⁰ नाव ईद भी जानसतेव कि परमेश्वर उन पार होत बंदान अदकि आव नामी समझ कोटान कि नाव आ सही परमेश्वर उक अरतेव; अदकि नाव अदुर दा जो सचचाई आद, मतलब आऊन पार यीशु मसीह दा ईरतेव. खरा परमेश्वर अदकि अनन्त जीवन ईदा हुन.

²¹ हे चकिोरा, तान तान इक मूर्तीगोळ देल ऊळसकु ईटी.

यूहन्ना की दूसरी पत्री यूहन्ना अन्द दूसरा चिट्ठी परचिय

२ यूहन्ना अन्द चिट्ठी यूहन्ना अन्द द्वारा मसीह अन्द जनम इन ५० से १०० साल इन नयाइया दा लखिसकु आगीत. यूहन्ना खुद इक लेखक इन रूप दा अरालुन, बल्की आव खुद इक स्याणा अनतान. यूहन्ना अन्द अनुसार खुशखबरी दा सकिद सामग्री इन तुलना दा २ यूहन्ना अन्द सामग्री हात्ती टु सकितद. ईद वशिष रूप देल स्पष्ट आद कियता प्रकार देल आव आवुर दाबुर से प्यार माळोर साटी यीशु उन आदेश मा जोर कोळतान अदकियता प्रकार देल आव तान आदेशगोळ पालन माळोर सांगुळ यीशु से प्यार माळतान १:५-६, यूहन्ना १५:१-१०. हगि मान्सकु आगतद किय १ यूहन्ना अन्द चिट्ठी इन अनुसार खुशखबरी लखिसीदुन अदकिय इफसिस दा ईरतेला मुर चिट्ठी १ यूहन्ना, २ यूहन्ना अदकिय ३ यूहन्ना ईरव.

यूहन्ना ई चिट्ठी इक नविळुसद आर्तेर अदकिय आकनि चकिोर इक संबोधति माळ्यान. आव शायद ऊद मंडली इन जकिर माळोन. ई चिट्ठी इक लखिसदुर दा यूहन्ना अन्द उद्देश मंडली इक प्रोत्साहति माळोद ईरोद अदकिय आ ख्वाटा गुरुगोळी चैतावनी कोळोद ईरोद.

रूप-रेखा

१. यूहन्ना ईद अंदकु चिट्ठी प्रस्तुत माळतान किय ईद यार्द साटी हुन अदकिय इदरी प्राप्तकर्तागोळद अभिवादन इन द्वारा याव आन. १:१-३
२. बाक आव मंडली इक प्रोत्साहति माळतान अदकिय आदरी धोळद आदेश इन याद तोरसतान. १:४-६
३. ईदुर वाद्दा, आव आंदरी ख्वाटा गुरुगोळद चैतावनी कोळतान. १:७-११
४. यूहन्ना मंडली दा वशिवासीगोळ से बधाई बातणी कोटकु तान चिट्ठी पुरा माळतान यल आव ईरतान. १:१२-१३

1 नानी स्याणा दी टु आ नविळुसद आर्तेर अदकिय आंदुरद चकिोरगोळव हेसुर, यार से ना खरा प्यार ईटतीन, अदकिय सर्फि ना अच ईला उलटा आंदुर सप्पा मुंदुर भी प्यार ईटतार जो सच्चाई इक अरूतार; 2 अद सच्चाई जो नाम दा स्थरि ईरतद, अदकिय हमेशा नाम सांगुळ अटल ईत्तीत;

3 परमेश्वर आप्प, अदकिय आप्प उन पार यीशु मसीह दी टु अनुग्रह अदकिय दया अदकिय शांती, सच्चाई अदकिय प्यार इन सांगुळ नाम सांगुळ ईत्ताव.

सच्चाई अदकिय प्यार

4 ना हापाळ खुश आदीन कनि ना नीन ध्वाळासा चकिोर इक आ आग्या अन्द अनुसार, जो नामी आप्प उन दी टु सकीत, सच्चाई मा नळुतेला सकित. 5 *ईग हे आरत, ना नीनी ईग यातोदु व्हाशोद आग्या ईला, लेकीन अदा जो पयले टु नाम हात्ती आद, लखिसतीन; अदकिय नीन से वनिती माळतीन किय नाव आवुर दाबुर से प्यार ईटटेव. 6 अदकिय प्यार ईद हुन किय नाव आऊन आग्या अन्द अनुसार नळदेव; ईद अदा आग्या हुन जो नीव पयले टु कोळीर, अदकिय नीमी इदुर मा नळुली भी पायजे.

7 यतकी हापाळ सा हगि बैकुसावाळेर दुनयिया दा होटकु बंदार, जो ईद मान्सालुर किय यीशु मसीह मय दा टु होटकु बंदान; बैकुसावाळा अदकिय मसीह-वशिष माळावाळा ईवा हुन. 8 तान बारा दा सावधान ईरी, किय जो मयनत नाव माळवे अद नीम से काळुबाळुल, उलटा अदुर सप्पा प्रतफिल नीव ताकोमी.

* 1:5 १:५ यूहन्ना १३:३६; १५:१२,१७

9 जो यावारा मसीह अन्द शक्षिा देल मुंद वाळुसेगतान अदकि अदुर दा बनसकु ईरालुन, आऊन हात्ती परमेश्वर हैलेच; जो यावारा आऊन शक्षिा दा स्थरि ईरतान, आऊन हात्ती आप्प भी आन अदकि पार भी. 10 अगर यावारा नीम हात्ती बरतान अदकि ईदा शक्षिा कोळालुन, आऊक ना रा मान्या बरगोळी अदकि ना नमस्कार माळी. 11 यतर्की जो यावारा ईत्ता मळसा अक नमस्कार माळतान, आव आऊन बुरा क्याल्सागोळ दा सहभागी आगतान.

आखरी अभिवादन

12 नानी हापाळ सा मातगोळ नीमी लखिसव आव, लेकीन कागद अदकि स्याही देल लखिसोद चाहासालीन, लेकीन आशा आद क ना नीम हात्ती बराईन अदकि आमने-सामने मातकात हैळाईन, यदुर देल नीम खुशी पुरा आगुल.

13 नीन नविळुसद आकतींग इन चकोर नीनी नमस्कार अनतार.

यूहन्ना की तसिरी पत्नी यूहन्ना अन्द तसिरा चट्टी परचिय

३ यूहन्ना अन्द चट्टी यूहन्ना अन्द दवारा मसीह अन्द जनम इन ५० से १०० साल इन न्याइया दा लखिसकु आगीत. यूहन्ना खुद इक लेखक इन रूप दा अरालुन, बल्की ईदुर बजाय खुद इक स्याणा १:१ अनतान. आव २ यूहन्ना १:१ दा भी अदा अनतान. हगि मान्सकु आगतद कियूहन्ना ३ यूहन्ना अन्द चट्टी इन अनुसार खुशखबरी लखिसीदुन अदकि इफसिस दा ईरतेला मुर चट्टी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्टी इक गोयास हेसुर इनव ऊंद आस्तिक उक लखिसीदुन. आव गोयास उक ऊंद संगी इन रूप दा संबोधति माळतान अदकि आऊक आ कषेत्त्र अन्द माध्यम देल जो यात्रा माळेत्यार आ इसाई वारटुर साटी पाऊना नयोजति आगोद नरिदेश कोळतान.
रूप-रेखा

१. यूहन्ना तान चट्टी प्रस्तुत माळतान. १:१

२. अदुर बाददा आव गोयास उक प्रोत्साहति माळतान अदकि वारटुर इक पाऊना तोरसोर साटी नरिदेश कोळतान. १:२-८

३. ईदुर बाददा, आव दुसरा येद्व मळसागोळ, दयित्त्रफिस अदकि दमित्त्रयिस उन मात माळतान. १:१-१२

४. आखरी दा आव तान चट्टी खतम माळतान. १:१३-१४

1 *नान स्याणा अन दी टु प्रयि गयुस उन हेसुर, यार से ना सही प्यार ईटतीन.

2 हे प्रयि, नान ईद प्रार्थना आद कि हयांग नी आत्मकि उन्नती माळेत्या, हांग अच नी सप्पा मातगोळ दा उन्नती माळ अदकि भला चंगा ईर. 3 यतकी याग वारटुर बंदकु नीन आ सच्चाई इन गवाही कोट्टुर, यदुर मा खराखुरा नळुत्या, रा ना हापाळ खुश आदीन. 4 नानी इदुर से यक्कुल मात्त यातोदु खुशी इन जरवत हैलेच यदरी ना केळाईन, कनिन चकिोर सच्चाई मा नळुतार.

गयुस उन प्रशंसा

5 हे प्रयि, जो येनारा नी आ वारटुर सांगुळ माळेत्या, जो परदेशी आद, अदरी सच्चाई देल माळेत्या. 6 आंदुर मंडली इन मुंद नीन प्यार इन गवाही कोटार. अगर नी आंदरी आ प्रकार देल वदिा माळ्या यात्ता प्रकार देल परमेश्वर उन लॉकुर साटी उचित आद रा वळ्लीद माळ्या. 7 यतकी आंदुर आ हेसुर साटी होटार, अदकि दुसरा जाती नोर लॉकुर से येनु ताकोमालुर. 8 इदुरसाटी नाव मसीह लॉकुरी हगि लॉकुरद स्वागत माळ पायजे, यदुर देल नाव भी सच्चाई अन्द पक्ष दा आंदुर सहकामी आदेव.

दयित्त्रफिस अदकि दमित्त्रयिस

9 ना मंडली इक येनारा लखिसीदनि, लेकीन दयित्त्रफिस जो आंदुर दा धोडडेव आगोद चाहासतान, नामी ग्रहण माळालुन. 10 इदुरसाटी याग ना बराईन रा आऊन कयाल्सागोळद जो आव माळेत्यान, सुधी तोरसाईन, कियूहन्ना आव नाम बारा दा बेकार-बेकार मातगोळ माताळतान; अदकि इदुर मा भी संतोष ईला आगकु खुद अच वारटुर इक ग्रहण माळालुन, अदकि आंदरी जो ग्रहण माळोद चाहासतार मना माळतान अदकि मंडली दा टु तेगद बुळतान.

11 हे प्रयि, बुराई इन ईला लेकीन भलाई इन अनुयायी आगी. जो भलाई माळतान, आव परमेश्वर उन दी टु हुन; लेकीन जो बुराई माळतान, आव परमेश्वर उक नोळीदिल.

* 1:1 १:१ प्रेरतिगोळ ११:२९; रोमियों १६:२३; १ कुरन्थि १:१४

12 देमेत्रियुस उन बारा दा सप्पा मुंदुर, उलटा सच्चाई भी खुद अच गवाही कोळत; अदकि नाव भी गवाही कोळतेव, अदकि नी जान्सत्या कनिनाम गवाही सही आद.

आखरी अभिवादन

13 नानी नीनी हापाळ येनारा लखिसोद रा ईरोद, लेकीन स्याही अदकि कलम देल लखिसोद चाहासालीन. 14 लेकीन नानी आशा आद कनिनीन से राटनेरी मुलाकात माळाईन, आग नाव आमने-सामने मातकात हेळाता.

15 नीनी शांती सकित ईरूल.

ईलेर संगी नीनी नमस्कार माळतार. अलेर संगीगोळ हेसुर ताकोम ताकोमकु नमस्कार माळ कोमेत.

यहूदा की पत्री यहूदा अन्द चट्टी परचिय

यहूदा हेसुर इन चट्टी इन हेसुर इदुर लेखक उन हेसुर मा ईटक आग्याद. यहूदा खुद इक याक्व, यीशु उन वार्ट उन रूप दा अरूतान. इदुरसाटी आव भी यीशु उन वार्टुर दा टु ऊंद मान्सकु आगतान १. नाव जान्सावेव कि ई चट्टी ऊंद वशिष्ट मंडली इन साटी ईरोद अदकि हाळोद नयिम इन संदर्भगोळ कारण, यहूदा अन्द मुल पाठकगोळ संभावना यहूदीगोळ से आगीत. हालाका, आव तान चट्टी इक संबोधति माळतान “आ सप्पा मुंदुर इक यारी कारूकु आग्याद, यारी आप्प उन से प्यार आद अदकि यीशु मसीह अन्द साटी ईटक आद” १. ईद चट्टी शायद मसीह अन्द जनम इन ६० साल इन बाद्दा लखिसकु आगीत.

सप्पा इसाईगोळी चट्टी लखिसोद आंदुर उद्देश आंदरी ख्वाटा गुरुगोळ यहूदा १:४ द्वारा भटकसोद खलिाप चेतावनी कोळोद हुन. आव हाळोद नयिम इन घटनागोळ अदकि खातागोळी आंदुर तर्कगोळी ताकत कोळोर साटी संदर्भति माळतान. ईद चट्टी दुसरा पतरस उन चट्टी इन सांगुळ ख्वाटा गुरुगोळ यहूदा १:४, २ पतरस २:१ सांगुळ-सांगुळ स्वर्गदूतगोळ अदकि सदोम अदकि अमोरा अन्द संदर्भगोळ खलिाप चेतावनी सहति हापाळ वचिर मुंद तरतद.

रूप-रेखा

१. यहूदा पयले तान पाठकगोळी संबोधति माळतान. १:१-२
२. ईदुर बाद्दा, आव लेखन इन साटी तान कारण कोळतान जो आंदरी ख्वाटा गुरुगोळ खलिाप चेतावनी कोळोद हुन. १:३-४
३. अदुर बाद्दा आव हाळोद नयिम दा लॉकुर अदकि घटनागोळ उदाहरण कोळतान. १:५-१६
४. बाक आव आंदरी हेळतान कि आंदुर प्रतिक्रिया चेतावनी इन साटी येन ईर पायजे. १:१७-२३
५. आखरी दा आव आ चट्टी इक परमेश्वर उन स्तुति माळकु खतम माळ बुळतान. १:२४-२५

1 यहूदा अन दी टु जो यीशु मसीह अन दास अदकि याक्व उन वार्ट हुन, जो कारसकु आग्यार आंदुर हेसुर जो परमेश्वर आप्प दा प्रिय अदकि यीशु मसीह अन साटी सुरक्षति आन.

2 दया अदकि शांती अदकि प्यार नीमी हापाळ सा प्राप्त आगतेला ईरूल.

ख्वाटा गुरु

3 हे प्रिय संगीगोळा, याग ना नीमी आ उद्धार इन बारा दा लखिसदुर दा हापाळ मेहनत देल कोशशि माळीन यदुर दा नाव सप्पा सहभागी आयेव, रा ना नीमी ईद समझसोद जर्री समसदीन कि नीमी पुरोत्साहिति माळाईन आ वशिवास इन साटी पुरा कोशशि माळी जो पवतिर लॉकुरी ऊंद अच घन सौप्सकु आगीत. 4 यतकी यास ईत्ता मंळसा चुपचाप नाम दा बंदकु सकिदुर, यार्द ई दण्ड इन वरणन हाळोद समय दा पयले टु अच भवषियवाणी माळकु आगीत: हगि लॉकुर परमेश्वर उन बनि, अदकि हगि लॉकुर परमेश्वर उन अनुग्रह अक लुचपन दा बदलुस बुळतार, अदकि नाम ऊंद मात्र स्वामी अदकि प्रभु यीशु मसीह अन इनकार माळतार.

5 लेकीन नीव सप्पा मात ऊंद घन जान्स कौडीर, तरी ना नीमी ई मात इन सुधी कोळोद चाहासतीन कि प्रभु ऊंद कुल इक मसित्तर द्याश टु वीळसदुर बाद्दा वशिवास ईला तरावाळेर इक नाश माळ बुट्टुन. 6 बाक जो स्वर्गदूतगोळ तान धोळ्द पद इक संची ईटीदील उलटा तान नजि नवास इक बटि बुट्टुर, आव आंदरी भी आ भीषण दिन इन न्याय इन साटी अधिकार दा, जो

सदा काल इन साटी आद बंधनगोळ दा ईटकु आद. 7 याता रीतदेल सदोम अदकि गमोरा अदकि आंदुर आसपास इन नगर, जो स्वर्गदूतगोळ घाई व्यभचिारी आगोगीदुर अदकि पराया मय इन हदि हत्तेगीदुर बेक्की इन अनन्त दण्ड दा बदिक्कु उदाहरण ठहूस्यार.

8 अदा रीतदेल ई स्वप्नदरशी भी तान तान मय इक अशुध्द माळतार, अदकि परमेश्वर उक तुच्छ जानसतार, अदकि दविय स्वर्गदूतगोळ इक बुरा भला अनतार. 9 *लेकीन प्रधान स्वर्गदूत मीकाईल, याग शैतान से मूसा अन लाश इन बारा दा वाद वविाद माळदुन, रा आऊक बुरा भला अनकु दोष हचोद साहस माळीदील लेकीन ईद अंदुन, “प्रभु नीद न्याय माळूल.” 10 लेकीन ई लॉकुर याता मातगोळी जानसालुर आंदरी बुरा भला अनतार, अदकि याता मातगोळी अचेतन पशुगोळ घाई स्वभाव देल अच जानसतार, आंदुर दा तान तान इक नाश माळतार. 11 आंदुर मा हाय! यतकी आंदुर कैन इन चाल नळदुर, अदकि पैस्या अन लोभ इन साटी विलाम इन घाई भ्रष्ट आगोय्यार, अदकि कोरह अन घाई वरिध माळकु नाश आग्यार. 12 ईद नीम प्यार भोज दा आ होचकु चट्टानगोळ घाई आद जो घातक आद. जो सर्फ तान स्वार्थ ईद अच चिता माळतार. अदकि बनिा नीर इन बादल इन घाई आर, आंदुर पतझळ इन ईत्ता मारूर उर यदुर मा काय ईरालूद आंदुर येढ्द घन सोतकु आर अदकि आंदरी जळ देल कीतकु आग्याद. 13 इंदुर समुद्र अन प्रचंड लयर उर, जो तान शरम इन फेस भळितार; इंदुर डावाडोल तारा उर, यार साटी परमेश्वर सनातन काल ताका घोर अंधकार ईट्यान.

14 हनोक भी जो आदम टु सातवा पीढी दा ईरोन, इंदुर बारा दा ईद भवषियवाणी माळदुन, “नोळी, प्रभु तान हजारो पवतिर स्वर्गदूतगोळ सांगुळ बंदान.” 15 कि सप्पा मुंदुर न्याय माळूल, अदकि सप्पा भक्तहीनगोळी आंदुर अभक्ती इन सप्पा कयालसागोळ बारा दा जो आंदुर भक्तहीन आगकु माळ्यार, अदकि आ सप्पा कठोर मातगोळ बारा दा जो भक्तहीन पापीगोळ आऊन वरिध दा अंदार, दोषी ठहूसूल.

16 इंदुर रा असंतुष्ट, कुळकुळसावाळे, अदकि तान बेकार लालसागोळद अनुसार नळावाळे उर, अदकि तान बाय देल घमण्ड इन मातगोळ माताळतार, अदकि आंदुर लाभ इन साटी बाय नोळकु बळाई माळतार.

चेतावनी अदकि उपदेश

17 लेकीन हे पर्यिगोळा, नीव आ मातगोळी याद ईटी जो नाम प्रभु यीशु मसीह अन प्रेरति पयले अच अन कौडार. 18 इंदुरसाटी आंदुर नीम से अनतोगोर, “आखरी दनिगोळ दा हगि मज्याक माळावाळे ईत्तार जो तान भक्तहीन लालसा अन अनुसार नळदार.” 19 इंदुर आंदुर उर जो फूट हाकतार; इंदुर जो शारीरिक इच्छागोळद नमित्रण दा आर, यारदा परमेश्वर उन आत्मा हैलेच. 20 लेकीन हे पर्यि संगीगोळा, नीव तान अर्ति पवतिर वशिवास दा उन्नती माळतेला अदकि पवतिर आत्मा दा प्रार्थना माळतेला, 21 तान तान इक परमेश्वर उन प्यार दा माळकु ईटी; अदकि अनन्त जीवन इन साटी नाम प्रभु यीशु मसीह अन दया अन हादी कायतेला ईरी.

22 आंदुर मा जो शंका दा आर दया माळी; 23 अदकि हापाळ मुंदरी बेक्की दा टु झपटुसकु तेगी; अदकि हापाळ मुंदुर मा अंजक इन सांगुळ दया माळी, लेकीन आंदुरद कपळागोळ से भी सट्टि माळी जो मय इन द्वारा कलकीत आगोय्याद.

आर्शवािद

24 ईग जो नीमी आऊन प्रती बळिदुर देल ऊळस सकतान, अदकि तान महिमा अन भरपुरी इन मुंद नरिदोष नरिदूस सकतान, 25 आ ऊंद मातूर परमेश्वर नामव उद्धारकर्ता अन महिमा अदकि गौरव अदकि पराक्रम अदकि अधिकार, नामव प्रभु यीशु मसीह अन द्वारा हयांग अनन्त काल टु आद, ईग भी आगुल अदकि हमेशा हमेशा ईरूल. आमीन.

प्रकाशतिवाक्य यूहन्ना के द्वारा प्रकाशतिवाक्य यूहन्ना अन्द द्वारा परचिय

प्रकाशतिवाक्य अन ई कतिव व्हाशोद नयिम इन आखरी कतिव हुन अदकि अद आखरी दा लखिसकु आग्याद प्रेरति यूहन्ना यीशु उन जनम इन बाददा इसवी सन १५ इन हात्तीपास लखिसकु आग्याद. १:१ अदकि आवा यूहन्ना रचति खुशखबरी अदकि यूहन्ना अन्द कतिव १, २, ३ लखिस्यान. ईवा यूहन्ना अक लॉकुर यार मा यीशु उन प्यार ईरोद हगि माताळकु अरू तोगोर यूहन्ना १३:२३ यीशु मसीह अन खुशखबरी इन पातमा हेसुर इन टापू मा याग सजा कडोन आग आव ईद कतिव लखिस्यान. प्रकाशतिवाक्य १:१.

ईद कतिव लखिसोद हीद यूहन्ना अन्द ईद उद्देश ईरोद की नानोर वाचुसावाळेर इक यीशु उन सांगुळ वशिवास दा ईरोरसाटी हमिमत कोळोद अदकि यीशु उन मातत वापस बरोद हात्ती ईरोद इदुरसाटी आऊंदा आशा नरिमाण माळी. १:३२२:७ आव सप्पा वशिवासीगोळ इक ईद चट्टी लखिसदुन वशिष माळकु येळ मंडली इक लखिसदुन यऊर्द उल्लेख अध्याय २३ दा सीकतद, यूहन्ना खुद इन लखावट इक परमेश्वर उन दी टु बंदाद बातणी, भवषियवाणी हगि हेळतद. अदकि जो मातगोळ इक आव खुद नोळदुन आ मातगोळद वर्णन अद अलंकारी शब्द देल मीलुसतद ईद जो कतिव आद ईद हाळोद नयिम इन भागगोळ देल मीलता जुलता आद. वशिष माळकु जकर्याह ६:१-८ आयातगोळ से अदुरद समानता आद हांग अच येळ त्तारी अदकि येळ कटोरा ईव परमेश्वर मसित्तर दा तंदुन आ दुखगोळ घाई आव. नरिगमन ७:१ प्रकाशतिवाक्य आखरी दनिगोळद वर्णन माळतद. आखरी दा यीशु वजियी ह्यांग आदान अदकि आऊन मा वशिवास ईटावाळेर आऊन सांगुळ अनन्त काल ताका ह्यांग जीवीत ईत्तार हगि आव हेळतान ईद कतिव इन द्वारा नीमी शर्क्ता सकिुल अदकि यीशु उन दुवारा बरोर साटी नीमी आशा सकिुल.

रूप-रेखा

१. यूहन्ना सूरवात दा खुद इन पयचान माळकु आऊक भवषियवाणी ह्यांग हासलि आत ईद हेळकु सूरवात माळतान प्रकाशतिवाक्य १:१-२०
२. यीशु उन दी टु येळ मंडली इक मुंद सकिद बातणी यूहन्ना कोळतान. प्रकाशतिवाक्य १:१-३:२२
३. बाक आव येळ सकिकागोळद बारा दा हेळतान प्रकाशतिवाक्य ४:१-८:५ अदकि येळ त्तारीगोळद वर्णन माळतान. ८:६-११:११
४. ईदुर बाददा यूहन्ना ऊद स्याण पार येळ ताल्लावाळा हाव सांगुळ ह्यांग लळाई माळतान ईद हेळतान. १२:१-१४:२०
५. ईदुर बाददा यूहन्ना सटिट इन कटोरा अन बारा दा लखिसतान १५:१-१६:१८
६. ईदुर बाददा परमेश्वर आऊन आकाश दाकळोर दुश्मनगोळ मा ह्यांग वजिय हासलि माळतान ईद हेळतान. प्रकाशतिवाक्य १७:१-२०:१५
७. जो व्हाशोद स्वर्ग अदकि व्हाशोद पृथ्वी आखरी दा बंदीत अदुरद वर्णन माळतान. प्रकाशतिवाक्य २१:१-२२:२१

१ यीशु मसीह अन्द प्रकाशतिवाक्य, जो आऊक परमेश्वर इदुरसाटी कोटान कतिव दासगोळी आ मातगोळ, यऊर्द राटनेरी आगोद जरूरी आद, तोरसुल; अदकि आव तान स्वर्गदूतगोळ इक कळुकु आऊन द्वारा तान दास यूहन्ना अक हेळदुन, २ यूहन्ना परमेश्वर उन वचन अदकि यीशु मसीह अन्द गवाही, मतलब जो येनारा आव नोळीदुन अदुरद गवाही कोटदुन. ३ धन्य आन आव

जो ई भवषियवाणी इन वचन इक वाचुसतान, अदकि आंदुर जो केळतार अदकि इदुर दा लखिसद मातगोळी मानसतार; यतकी समय हात्ती आद.

येळु मंडलीगोळद अभविदन

4 यूहन्ना अन्द दी टु आसयाि अन्द येळ मंडलीगोळद हेसुर:

आऊन दी टु जो आन अदकि जो ईरोन अदकि जो बरावाळा आन; अदकि आ येळ आत्मागोळ दी टु जो आऊन सहासन इन मुंद आन, 5 अदकि यीशु मसीह दी टु जो वशिवासयोग्य गवाह अदकि सोत्तुर दा टु जीत्ता आगावाळेर दा पयला अदकि पृथ्वी इन राजागोळव न्यायाधीश हुन, नीमी अनुग्रह अदकि शांती सकितेला ईरूल.

आव नाम से प्यार ईटतान, अदकि आव तान रक्ता अन द्वाारा नामी पापगोळ देल वळिसुस्यान, 6 अदकि नामी ऊंद राज्य अदकि तान आप्प परमेश्वर उन साटी याजक भी माळ बुट्टुन; आऊंदा महामा अदकि पराक्रम हमेशा ईरूल. आमीन.

7 नोळी, आव बादलगोळ सांगुळ बरावाळा आन, अदकि हर ऊंद कण्ण आऊक नोळीत, उलटा यार आऊक छेद केळदीदुर आंदुर भी आऊक नोळ्यार, अदकि पृथ्वी इन सप्पा जाती आऊन कारण याददा बळदार. हव. आमीन.

8 परभु परमेश्वर, जो आन अदकि जो ईरोन अदकि जो बरावाळा आन, जो सर्वशक्तमिान आन, ईद अनतान, “ना अच पयला अदकि आखरी हुईन.”

यूहन्ना अक मसीह अन्द दर्शन

9 ना यूहन्ना, जो नीम वारट अदकि यीशु उन क्लेश अदकि राज्य अदकि धीरज दा नीम सहभागी आईन, परमेश्वर उन वचन अदकि यीशु उन गवाही इन कारण पतमुस हेसुर इन टापू दा ईरीन. 10 ना परभु उन दनि आत्मा दा होटबंदीन, अदकि तान हदि तुरही घाई धोळद शब्द ईद अनतेला केळदीन, 11 “जो येनारा नी नोळत्या अदकी कताब दा लखिसकु येळु मंडलीगोळद हात्ती कळुबुळ, मतलब इफसिस, समुरना, परिगमुन, धुआतीरा, सरदीस, फलिदलिकया, अदकि लौदीकया अक.”

12 आग ना आऊक, जो नान से माताळोन, नोळेर साटी तान मार्रा तरिगुसदीन; अदकि हदि तरिगुना ना व्हान्ना अन्द येळ दगिया ईटोद जागा ऊंद जागा नोळदीन, 13 अदकि आ दगिया ईटोद जागा अन्द न्याड्या दा मळसा अन पार उन घाई ऊंद आरी इक नोळदीन, जो काल ताका फळक्या हाक्कु, अदकि याददा मा व्हान्ना अन्द पट्टा कटकु ईरोन. 14 आऊन ताल्ला अदकि चुट्टी वळिव ऊन बलकी पाला अन घाई चमकदार ईरव, अदकि आऊन कण्णगोळ बेक्की इन ज्वाला अन्द घाई ईरव. 15 आऊन कालगोळ वळलीद पीतळा अन घाई ईरव जसा हगि हतव कि भट्टी दा सेक्सकु आग्याव, अदकि आऊन शब्द हापाळ नीर इन आवाज इन घाई ईरोद. 16 आव तान ऊम्मा कय दा येळ तारा हळकु ईरोन, अदकि आऊन बाय देल तेज येढद धार इन तलवार होळतोगोद. आऊन मार्रा हगि परजवलति ईरोद, हयांग सूरय भर बसिल इन समय चमकुसतद. 17 ययाग ना आऊक नोळदीन रा आऊन कालगोळ मा मुरदा घाई बदिदीन. आव नान मा तान ऊम्मा कय ईटकु अंदुन, “अजवाळ; ना पयला अदकि आखरी अदकि जीवता हुईन; 18 ना सोतोगीदीन, अदकि ईंग नोळ ना हमेशा हमेशा जत्तिता आईन; अदकि मृत्यु अदकि अधोलोक इन चावीगोळ नान दा हात्ती आव. 19 इदुरसाटी जो मातगोळ नी नोळ्या अदकि जो मातगोळ आगेत्याव अदकि जो मातगोळ ईदुर बाददा आगव आव, अव सप्पा मातगोळी लखिस कोम. 20 मतलब आ येळ तारागोळद भेद नी अवरी नान ऊम्मा कय दा नोळीद, अदकि आ येळ व्हान्ना अन्द दगिया ईटोद जागा अन्द भेद: अव येळ तारा येळु मंडलीगोळव स्वर्गदूत हुव, अदकि अव येळ दगिया ईटव जागा येळ मंडलीगोळ हुव.

✧ 1:4 १:५ प्रकाशतिवाक्य ४:५ ✧ 1:6 १:६ प्रकाशतिवाक्य ५:२० ✧ 1:7 १:७ मत्ती २४:३०; मरकुस १३:२६; लूका २१:२७; १ थसिसलूकी ४:१७; यूहन्ना १९:३४,३७; मत्ती २४:३० ✧ 1:8 १:८ प्रकाशतिवाक्य २२:३३ ✧ 1:17 १:१७ प्रकाशतिवाक्य २:८; २२:३३

2

इफसिस उक बातणी

1 “इफसिस उन मंडली इन स्वर्गदूत उक ईद लखिस:

“जो येळु तारा तान ऊम्मा कय दा हळुकु आन, अदकि व्हान्ना अनूद येळु दगिया ईटोद जागा अनूद न्याइया दा टेटतद, अद ईद अनतद क 2 ना नीन क्याल्सा, नीन मयनत, अदकि नीन धीरज इक जानसतीन; अदकि ईद भी क 3 नी बेकार लॉकुरी नोळ सकाल, अदकि जो तान तान इक प्रेरति अनतार, अदकि आल्लच, आंदरी नी परखुस्कु ख्वाटा माळद. 3 नी धीरज हुडुत्या, अदकि नान हेसुर इन साटी दुख नेगुत नेगुत थक्सीदील. 4 लेकीन नानी नीन खलिाप ईद अनोद आद क 4 नी तान पयला अनूद घाई प्यार बटिवुट्या. 5 इदुरसाटी याद माळ क 5 नी यल टु बद्दिया, अदकि मन तरिगुस अदकि पयला अनूद घाई क्याल्सा माळ. अगर नी मन तरिगुसतदिलि, रा ना नीन हात्ती बंदकु नीन दगिया ईटोद जागा अक अदुर जागा दा टु सरकुस वुळाईन. 6 लेकीन हव, नीन दा ईद मात रा आद क 6 नी नीकुलइयोगोळद क्याल्सागोळ देल घृणा माळत्या, आंदुर देल ना भी नफरत माळतीन.

7 “यार कवि ईतीदाव आव केळ कोमुल क आत्मा मंडलीगोळ से येन अनतद. जो वजिय हासलि माळतान, ना आऊक आ जीवन इन मारर दा टु जो परमेश्वर उन स्वर्गलोक दा आद, काय तनिली कोळाईन.”

स्मुरना अक बातणी

8 “स्मुरना अनूद मंडली इन स्वर्गदूत उक ईद लखिस:

“जो पयला अदकि आखरी आन, जो सोतोगीदुन अदकि ईग जतिता आगोग्यान, आव ईद अनतान क 9 ना नीन क्लेश अदकि गरीबी इक जानसतीन लेकीन नी धनी आय, अदकि जो लॉकुर तान तान इक यहुदी अनतार अदकि आल्लच, लेकीन शैतान उन सभा उर, आंदुर अपमान इक भी जानसतीन. 10 जो दुख नीनी झेलसोद बद्दिदीत, अऊर देल अंजबाळ. यतकी नोळी, शैतान नीम दा टु काईक मुंदुरी जेलखाना दा हाकावाळा आन ताकी नीम परख आग सकुल; अदकि नीमी हत्त दनि ताका क्लेश नेगोद बद्दिदीत. जीव कोळासताका वशिवासी ईर, रा ना नीनी जीवन इन मुकुट कोळाईन.

11 “यार कवि ईतीदाव आव केळ कोमुल क आत्मा मंडलीगोळ से येन अनतद. जो वजिय हासलि माळतान, आऊक दुसरा मृत्यु देल नुकसान आगतीदील.”

परिगमुन उक बातणी

12 “परिगमुन उन मंडली इन स्वर्गदूत उक ईद लखिस:

“यार हात्ती येढ्ढ धार ईद अदकि तेज तलवार आद, आव ईद अनतान क 13 ना ईद जानसतीन क 13 नी अल ईरत्या यल शैतान उन सहिसन आद; नी नान हेसुर मा स्थरि ईरत्या, अदकि नान मा वशिवास माळदुर देल आ दनिगोळ दा भी हदि हटसीदलि यदुर दा नान वशिवासयोग्य गवाह अनतपास, नीम न्याइया आ जागा मा घात माळकु आदुन यल शैतान ईरतद. 14 लेकीन नानी नीन खलिाप येनारा मातगोळ माताळोव आव, यतकी नीन अल काईक मुंदुर हगि आर, जो बलाम इन शक्षिषा अक मानसतार, याव बालाक उक इस्त्राएलीगोळद मुंद टोकर इन कारण ईटोद कलसदुन क आंदुर मूर्तीगोळ मा येरसद चीजगोळ तनिल अदकि वयभचार माळूल. 15 हांगा नीन अल काईक हगि आर, जो नीकुलइयो अनूद शक्षिषा अक मानसतार. 16 इदुरसाटी मन तरिगुस, ईलारा ना नीन हात्ती राटनेरी बंदकु तान बाय इन तलवार देल आंदुर सांगुळ लळाई माळाईन.

17 “यार कवि ईतीदाव आव केळ कोमुल क आत्मा मंडलीगोळ से येन अनतद. जो वजिय हासलि माळतान, आऊक ना गुप्त मनना दा टु कोळाईन, अदकि आऊक ऊंद बळीद कल्ल भी

कोळाईन; अदकि आ कल्ल मा ऊंद हेसुर लखिसकु ईत्तीत, अदरी हासलि माळावाळेरुद अलावा अदकि याऊ अदरी अरूतीदील.”

थुआतीरा अक बातणी

18 “थुआतीरा अनंद मंडली इन स्वर्गदूत उक ईद लखिस:

“परमेश्वर उन पार यारव कण्णगोळ बेक्की इन ज्वाला घाई, अदकि यारव कालगोळ वळ्ळीद पीतळा अनंद घाई आव, आव ईद अनतान कर्¹⁹ ना नीन क्याल्सागोळ, नीन प्यार अदकि वशिवास अदकि स्यावा अदकि धीरज, इक जान्सतीन अदकि ईद भी कर् नीनव ह्दिळोव क्यालसा पयले से वळ्ळेव आव. ²⁰ लेकीन नानी नीन खलिाप ईद अनोद आद कर् नी आ आरुत इजेवेल इक ईरगोळतया जो तान तान इक भवषियवकता अनतार, अदकि नान दासगोळी व्यभचार माळली अदकि मूर्तीगोळ मा येरसद चीजगोळी तनिोद कल्सकु भरमुसतार. ²¹ ना आककि मन तरिगुसोर साटी मवका कोट्टीन, लेकीन आक तान व्यभचार देल मन तरिगुसोद चाहासालुर. ²² नोळ, ना आककि वहरस मा हाकतीन यल आक रोगशैयया मा ईरोर; अदकि जो आकनि सांगुळ व्यभचार माळतार अगर आंदुर भी आकनि घाई क्याल्सागोळ देल मन तरिगुसतदिलि रा ना आंदरी धोळ्द क्लेश दा हाकाईन. ²³ ना आकनि चकीर इक कोंद बुळाईन; आग सप्पा मंडली जान्स कोंडीत कर् दलि अदकि मन इक अरावाळा ना अच हुईन, अदकि ना नीम दा टु हर ऊंद मळसा अक आऊन क्यालसा अनंद अनुसार बदला कोळाईन. ²⁴ लेकीन नीव थुआतीरा अनंद बाकी लॉकुर से, यास ई शक्षिा अक मान्सालुर अदकि आ मातगोळी यवरी शैतान उन गयरा मातगोळ अनतार जान्सालीर, ईद अनतीन कर् ना नीम मा मातुत ओझा हाकतदिलि. ²⁵ लेकीन हव, जो नीम हात्ती आद अदरी नान बरासताका ताका रोक्सकु ईटी.

²⁶ “जो वजिय हासलि माळुल अदकि नान क्याल्सागोळ्द अनुसार आखरी ताका माळ्त्त ईरूल, ना आऊक गैर यहूदी लॉकुर मा अधिकार कोळाईन, ²⁷ अदकि आव लोवा अनंद छळी हुडुकु आंदुर मा राज्य माळ्यान, याता प्रकार गळग्या माळावाळा नव मुण्ण इन बर्तन चकनाचुर आगेगताव: नानी भी हगिा अधिकार तान आप्प उन हात्ती टु सकियाद; ²⁸ अदकि ना आऊक वहातुर ईद तारा कोळाईन. ²⁹ यार कवि ईतीदाव आव केळ कोमुल कर् आत्मा मंडलीगोळ से येन अनतद.”

3

सरदीस उक बातणी

1 सरदीस उन मंडली इन स्वर्गदूत उक ईद लखिस:

“यार हात्ती परमेश्वर उन येळ आत्मागोळ अदकि येळ तारा आव, आव ईद अनतान कर् ना नीन क्याल्सागोळी जान्सतीन: नीनी जत्तिता रा अंदकु आगतद, लेकीन आय नी सोतकु ² जागूत आग, अदकि आ चीजगोळी जो मक्किगेयाव अदकि अऊर नाश आगली आद, अवरी मजबूत माळ; यतकी ना नीन यातोदु क्यालसा अक तान परमेश्वर उन हात्ती पुरा आगूत नोळीदील. ³ इदुरसाटी याद माळ कर् नी हयांग शक्षिा प्राप्त माळीद अदकि केळीद, अदकि अदुर दा बनसकु ईर अदकि मन तरिगुस. अगर नी जागूत ईरतीदील रा नी यागलु जान्स सकतीदलि कर्ना याता समय नीन मा बंदकु बळीईन. ⁴ लेकीन हव, सरदीस दा नीन अल काईक हगि लॉकुर आर यार तान तान फळक्यागोळ अशुध्द माळीदलि, आंदुर बळिव फळक्या हाककु नान सांगुळ टेट्यार, यतकी आंदुर ईदुर लायक आर.”

⁵ “जो वजिय हासलि माळ्यान आऊक हगिा बळिव फळक्या हाकसुसकु आदीत, अदकि ना आऊन हेसुर जीवन इन कताब दा टु यातोदु रीत देल कडुतदिलि; लेकीन आऊन हेसुर तान आप्प अदकि आऊन स्वर्गदूतगोळ मुद मान्स कोमाईन. ⁶ यार कवि ईतीदाव आव केळ कोमुल कर् आत्मा मंडलीगोळ से येन अनतद.

✧ 3:3 ३:३ मत्ती २४:४३,४४; लूका १२:३९,४०; प्रकाशतिवाक्य १६:१५
लूका १२:८

✧ 3:5 ३:५ प्रकाशतिवाक्य २०:१२; मत्ती १०:३२;

फलदलफयिया अक बातणी

7 “फलदलफयिया अनन्द मंडली इन स्वर्गदूत उक ईद लखिस:

“जो पवतिर अदकि सही आन, अदकि जो दाऊद उन चाबी ईटतान, यार्द तेरदुर बाददा याऊ बंद माळ सकालुन अदकि बंद माळदुर बाददा याऊ तेरू सकालुन, आव अनतान कि 8 ना नीन क्याल्सागोळी जानसतीन; नोळ, ना नीन मुंद ऊद दरवाजा तेरूक ईटीन, यदरी याऊ बंद माळ सकालुन; नीन सामर्थ्य थवाळासा रा आद, तरी भी नी नान वचन इन पालन माळद अदकि नान हेसुर इन इनकार माळीदलि. 9 नोळ, ना शैतान उन आ सभावाळेरे इक नीन वश दा माळ बुळाईन जो यहूदी बन्सकु कुरतोग्यार, लेकीन आल्लच उलटा ख्वाटा माताळतार-नोळ, ना हगि माळाईन कि आंदुर बंदकु नीनी प्रणाम माळ्यार, अदकि ईद जान्स कोंडार कि ना नीन से प्यार ईटीन. 10 नी नांद धीरज इन वचन इक हुळदया, इदुरसाटी ना भी नीनी परीक्षा अनन्द आ समय ऊळसकु ईटाईन जो पृथ्वी मा ईरावाळेरेद परख माळोरे साटी दुनयिा मा बरावाळा आद. 11 ना राटनेरी इच बरावाळा आईन; जो येनारा नीन हात्ती आद अदरी हुडकु ईर कियेऊ नीन मुकूट कसुबाळुल. 12 जो वजिय हासलि माळयान आऊक ना तान परमेश्वर उन मंदरि दा ऊंद खंबा माळाईन, अदकि आव वाक यागलु व्हारया होळतीदलि; अदकि ना तान परमेश्वर उन हेसुर अदकि तान परमेश्वर उन नगर मतलब व्हाशोद यरूशलेम इन हेसुर, जो नान परमेश्वर उन हात्ती टु स्वर्ग मा टु ईळोद आद, अदकि तान व्हाशोद हेसुर अदुर मा लखिसाईन. 13 यार कवि ईतीदाव आव केळ कोमुल कि आत्मा मंडलीगोळ से येन अनतद.

लौदीकयिा अक बातणी

14 “लौदीकयिा अनन्द मंडली इन स्वर्गदूत उक ईद लखिस:

“जो आमीन अदकि वशिवासयोग्य अदकि खरा गवाह आन, अदकि परमेश्वर उन दुनयिा अन मुल कारण हुन, आव अनतान कि 15 ना नीन क्याल्सागोळी जानसतीन कि नी रा ना टंडा आय अदकि ना बसिक्यांड: वळलीद आगाईत कि नी टंडा या बसिक्यांड ईराईद. 16 इदुरसाटी कि नी क्वामा-क्वामा आय, अदकि ना टंडा आय ना बसिक्यांड, अनकु ना नीनी तान बाय दा टु तेगदुर मा आईन. 17 नी अनतया कि ना धनी आईन अदकि धनवान आगोगनि अदकि नानी यातोदु चीज इन कमी हैलेच; अदकि ईद जानसाल कि नी अभागा अदकि तुचछ अदकि भखारी अदकि कुद्व अदकि ऊगळा आय. 18 इदुरसाटी ना नीनी सम्मती कोळतीन कि बेक्की देल शुद्ध माळद व्हान्ना नान से कोम कि नी धनी आगेग, अदकि वळिवे फळक्या कोंड कोम कि हाक्कु नीनी तान ऊगळापन इंद शरम हतबाळुल, अदकि तान कण्णगोळी हचोर साटी सुरमा कोंडकु रगळूस कि नी नोळली हततेग. 19 ना यार यार से प्यार माळतीन, आ सप्पा मुंदुरी उलाहना अदकि शकिषा कोळतीन; इदुरसाटी आस्था ईट अदकि मन तरिगुस. 20 नोळ, ना दरवाजा मा नदिरकु टोकसतनि; अगर यावारा नान शब्द केळकु दरवाजा तेरदान, रा ना आऊन हात्ती बुळक बंदकु आऊन सांगुळ ऊमाईन अदकि आव नान सांगुळ.

21 “जो वजिय हासलि माळयान ना आऊक तान सांगुळ तान सहिसन मा कुरसाईन, ह्यांग ना भी वजिय हासलि माळकु तान आप्प उन सांगुळ आऊन सहिसन मा कुरतोदनि. 22 यार कवि ईतीदाव आव केळ कोमुल कि आत्मा मंडलीगोळ से येन अनतद.”

4

स्वर्ग दा आराधना

1 ई मातगोळ बाददा जो ना दृष्टी माळदीन रा येन नोळतीन कि स्वर्ग दा ऊंद दरवाजा तेरकु आद, अदकि यारी ना पयले तुरही इन धाई शब्द देल तान सांगुळ माताळत केळीदीन, आवा अनतान, “ईल म्याकुच होटबर; अदकि ना आ मातगोळ नीनी तोरसाईन, यऊरुद ई मातगोळ बाददा पुरा आगोद जरूरी आद.” 2 तुरन्त ना आत्मा दा होटबंदीन; अदकि येन नोळतीन कि ऊंद सहिसन

स्वर्ग दा ईटक आद, अदकि आ सहासन मा यावारा कुरतकु आन. ³ जो अदुर मा कुरतकु आन आव यशव अदकि माणकिय घाई कांळसदुर दा बरतान, अदकि आ सहासन इन नाकु दी मरकत घाई ऊंद मेघधनुष कांळसतद. ⁴ आ सहासन इन नाकु दी ईपपतनाक सहासन आव; अदकि ई सहासनगोळ मा ईपपतनाक स्याणा लॉकुर बळी फळक्या हाक्कु कुरतकु आर, अदकि आंदुर ताल्लागोळ मा व्हान्ना नव मुकुट आव. ⁵ आ सहासन दा टु वजिली अदकि गर्जन गुमरान होळतद अदकि सहासन इन मुंद बेक्की इन येळ दगिया होतेत्याव, अव परमेश्वर उन येळ आत्मागोळ हुव, ⁶ अदकि आ सहासन इन मुंद मान्सी जसा वल्लौर घाई काँच इन समुद्र आद.

सहासन इन न्याड्या दा अदकि सहासन इन नाकु दी नाक प्राणी आव, यऊर्द हदि मुंद कण्ण अच कण्ण आव. ⁷ पयला प्राणी हुल्ल इन घाई आद, अदकि दुसरा प्राणी गोसी इन पाड्डा घाई आद, तसिरा प्राणी इन बाय मंळसा अन्द घाई आद, अदकि चौथा प्राणी ऊळुसतेला गीधाळ इन घाई आद. ⁸ नाकु प्राणीगोळव आर: पक्का आव, अदकि नाकु दी अदकि बुळक कण्ण अच कण्ण आव; अदकि अव ईळ्लक हागुल बनि आराम ताकोम्त ईद अनतेला ईरताव, “पवतिर, पवतिर, पवतिर प्रभु परमेश्वर, सर्वशक्तमिन,

जो ईरोन अदकि जो आन अदकि जो बरावाळा आन.”

⁹ याग अव प्राणी आऊन जो सहासन मा कुरतकु आन, अदकि जो हमेशा हमेशा जतिता आन, महमा अदकि आदर अदकि धन्यवाद माळ्याव; ¹⁰ आग ईपपतनाक इन ईपपतनाक स्याणा लॉकुर सहासन मा कुरावाळेर मुंद बदिदार; अदकि अदुरद पुजा माळतार, जो हमेशा हमेशा जीवति आर प्रणाम माळ्यार. अदकि आंदुर तान-तान मुकुट सहासन इन मुंद ईद अनतेला हाक्क बुट्टार,

¹¹ “हे नाम प्रभु अदकि परमेश्वर, नी अच महमा

अदकि आदर अदकि सामर्थ्य अन्द लायक आय;

यतकी नी अच सप्पा चीजगोळी नरिमाण माळ्या

अदकि अव अपमान अच इच्छा देल ईरव अदकि अस्तित्व दा बंदव.”

5

मोहरबन्द कतिब अदकि म्यांडा अन्द पाड्डा

¹ जो सहासन मा कुरतकु ईरोन, ना आऊन ऊम्मा कय दा ऊंद कतिब नोळदीन जो बुळक अदकि व्हार्या टु लखिसकु ईरोद, अदकि अद येळ मोहर हचकु बंद माळकु आगीत. ² वाक ना ऊंद ताकतवर स्वर्गदूत उक नोळदीन जो धोळ शब्द देल ईद प्रचार माळतोगोन, “ई कतिब इक तेरोद अदकि अदुरद मोहर मुरोद लायक याव आन?” ³ लेकीन ना स्वर्ग दा, ना पृथ्वी मा, ना पृथ्वी इन ल्यालमा यावारा आ कतिब इक तेरोद या अदुर मा दृष्टी हाक्कोद लायक होट्टुन. ⁴ आग ना हृदक्या कोट कोटकु वर्ली हतदीन, यतकी आ कतिब इक तेरोद या अदुर मा दृष्टी हाक्कोद लायक याऊ सकिदील. ⁵ ईदुर मा आ स्याणागोळ दा टु ऊंद नान से अंदुन, “वर्लबाळ; नोळ, यहूदा अन्द गोत्र नव अद हुल्ल जो दाऊद उन मुल आद, आ कतिब इक तेरोद अदकि अदुरद येळ मोहरगोळ मुरोद साटी जयवन्त आग्याद.”

⁶ आग ना आ सहासन अदकि नाकु प्राणीगोळ अदकि आ स्याणागोळद न्याड्या दा, मतलब ऊंद बली कोळद म्यांडा अन्द पाड्डा नीदुरकु नोळदीन. अदुर येळ गॉट्टा अदकि येळ कण्णगोळ ईरव; ईव परमेश्वर उन येळ आत्मागोळ हुव, जो सप्पा धरती मा कळकु आग्याव. ⁷ आव बंदकु आऊन ऊम्मा कय देल जो सहासन मा कुरतकु ईरोन, आ कतिब हुळद कोडुन. ⁸ याग आव कतिब हुळद कोडुन, रा अव नाकु प्राणी अदकि ईपपतनाक इन ईपपतनाक स्याणा लॉकुर आ म्यांडा अन्द पाड्डा अन्द मुंद बदिदुर. आंदुर दा टु हर ऊंद जन उन कय दा वीणा अदकि ऊदबत्ती, जो पवतिर लॉकुरद प्रार्थनागोळ हुव, देल तुमकु व्हान्ना नव कटोरा ईरव. ⁹ आंदुर ईद व्हाशोद हाळ हाळली कुरतुरे,

“नी ई कतिव इक हुडोद, अदकि ईदुर मोहरगोळ
तेरोद लायक आय;

यतकी नी बली आगकु तान रक्ता देल
हर ऊंद कुल अदकि भाषा अदकि लॉकुर अदकि
जाती दा टु

परमेश्वर उन साटी लॉकुरी कोड्या, ¹⁰ अदकि आंदरी नाम परमेश्वर उन साटी ऊंद
राज्य अदकि याजक माळद;

अदकि आंदुर धरती मा राज्य माळतार.”

¹¹ याग ना नोळदीन, रा आ सहिसन अदकि आ प्राणीगोळ अदकि आ स्याणागोळ नाकु
दी हापाळ सा स्वर्गदूतगोळद शब्द केळदीन, यार गनिती लाखों अदकि करोळो अन्द ईरोद,

¹² अदकि आंदुर धोळ शब्द देल अनतोगोर,

“बली कोळद म्यांडा अन्द पाडडा अच

सामर्थ्य अदकि धन अदकि ग्यान अदकि ताकत अदकि आदर
अदकि महिमा अदकि धन्यवाद इन लायक आद!”

¹³ बाक ना स्वर्ग दा अदकि धरती मा अदकि धरती इन ल्यालमा अदकि समुद्र अन्द सप्पा
माळद वस्तुगोळी,

अदकि सप्पा येनारा जो अऊर दा आव, ईद अनतेला केळदीन,

“जो सहिसन मा कुरतकु आन आऊन अदकि म्यांडा अन्द पाडडा अन्द धन्यवाद
अदकि आदर अदकि महिमा अदकि राज्य हमेशा ईरूल!”

¹⁴ अदकि नाकु प्राणीगोळ आमीन अंदव, अदकि स्याणागोळ बांगकु दण्डवत माळदुर.

6

येळ मोहरगोळद तेरकु आगोद

¹ बाक ना नोळदीन कम्यांडा अन्द पाडडा आ येळ मोहरगोळ दा टु ऊंद मोहर इक तेरत; अदकि
आ नाकु प्राणीगोळ दा टु ऊंद प्राणी इंद गर्जन घाई शब्द केळदीन, “बर!” ² ना दृष्टी माळदीन,
अदकि नोळी, ऊंद बळी घ्वाळा आद, अदकि अदुर सवारी माळावाळा बाण हुडुकु आन; अदकि
आऊक ऊंद मुकुट कोटकु आत, अदकि आव जय जयकार माळत होट्टुन कि मात्त यक्कुल जय
हासलि माळुल.

³ याग अद दुसरा मोहर तेरत, रा ना दुसरा प्राणी इक ईद अनतेला केळदीन, “बर!” ⁴ बाक मात्त
ऊंद घ्वाळा होळत जो क्याचांद रंग इन ईरोद; अदुर सवारी माळावाळा अक ईद अधिकार कोटकु
आत कि धरती मा टु मेल मलिप नेग्द बुळ, ताकी लॉकुर आबुर दाबुर इक कोनुल; अदकि आऊक
ऊंद धोळद तलवार कोटकु आत.

⁵ याग अद तसिरा मोहर तेरत, रा ना तसिरा प्राणी इक ईद अनतेला केळदीन, “बर!” ना दृष्टी
माळदीन, अदकि नोळी, ऊंद करीद घ्वाळा आद, अदकि अदुर सवारी माळावाळा अन्द कय दा
ऊंद तराजू आद; ⁶ अदकि ना आ नाकु प्राणीगोळ न्याड्या दा टु ऊंद शब्द ईद अनतेला केळदीन,
“दीनार इन सेर तीम गोदी, अदकि दीनार इन मुर सेर जऊस, लेकीन याण्णा अदकि अंगुर इन रास्सा
अन्द नुकसान माळवाळेतीर.”

⁷ याग अद चौथा मोहर तेरत, रा ना चौथा प्राणी इन शब्द ईद अनतेला केळदीन, “बर!”

⁸ ना दृष्टी माळदीन, अदकि नोळी, ऊंद पविळा रंग घाई घ्वाळा आद; अदकि अदुर मा सवारी
माळावाळा अन्द हेसुर मृत्यु आद, अदकि अधोलोक आऊन हदि हदि आद; अदकि आंदरी धरती
इन ऊंद चौथाई भाग मा ईद अधिकार कोटकु आत कि तलवार, अदकि अकाल, अदकि मरी, अदकि
धरती इन आळी दाकळव पशुगोळ द्वारा लॉकुरी कोंदबुळुल.

9 याग अद पाचवा मोहर तेरूत, रा ना वेदी इन लयालमा आंदुर जीवगोळी नोळदीन जो परमेश्वर उन वचन इन कारण अदकि आ गवाही इन कारण जो आंदुर कोटीदुर बली येरसकु आगीदव. 10 आंदुर धोळ शब्द दा कारूकु अंदुर, "हे स्वामी, हे पवतिर अदकि सत्य; नी यागासताका न्याय माळया? अदकि धरती मा ईरावाळेर से नाम रक्ता अन बदला यागासताका ताकोड्या?" 11 आंदुर दा टु हर ऊंद जन उक बळी फळक्या कोटक आत, अदकि आंदुर से अंदकु आत का मातूत घळी तमि आराम माळी, यागासताका क नीम संगी दास अदकि वारदुर जो नीम घाई बली येरसकु आगावाळेर आर आंदुर भी गनिती पुरा आगोवाल.

12 *याग अद सहावा मोहर तेरूत, रा ना नोळदीन का ऊंद धोळद भूकम्प आत, अदकि सुर्य धुसा घाई करीद अदकि पुरा बेळदगि रक्ता अन घाई आगेत. 13 आकाश इन तारागोळ धरती मा हगि बदिदव जसा धोळद आंधी देल आळगाळकु अंजीर इन मार्र मा टु कच्चा काय झळसताव. 14 *आकाश हगि सरकुसेत जसा चट्टी गुळसदुर देल सरकुसेगतद; अदकि हर ऊंद पहाळी, अदकि टापू तान तान जागा मा टु सरकुसेदव. 15 आग धरती इन राजा, अदकि प्रधान, अदकि सरदार, अदकि धनवान अदकि सामर्थी लॉकुर, अदकि हर ऊंद दास अदकि हर ऊंद स्वतंत्र पहाळीगोळद गुफागोळ दा अदकि चट्टानगोळ दा होगकु होचकोडव, 16 *अदकि पहाळीगोळ अदकि चट्टानगोळ देल अनली हतदव, "नाम मा बळी; अदकि नामी आऊन बाय देल जो सहिसन मा कुरतकु आन, अदकि म्यांडा अनूद पाड्डा अनूद प्रकोप देल होचसकोम बुळी. 17 यतकी आंदुर प्रकोप इन भयानक दनि होट बंदाव, ईग याव ऊंजेर सकतान?"

7

इस्त्राएल इन 1,44000 लॉकुर

1 इदुर बाददा ना पृथ्वी इन नाकु क्वाना मा नाक स्वर्गदूत नीदुरकु नोळदीन. आंदुर पृथ्वी इन नाकु हवा अक रोकसकु ईरोर ताकी पृथ्वी या समुद्र या यातोदु मार्र मा हवा नळु बाळल. 2 बाक ना मातूत ऊंद स्वर्गदूत उक जतिता परमेश्वर उन मोहर हुडुकु पूरव टु म्याकुच बरत नोळदीन; आव आ नाकु स्वर्गदूतगोळ देल यवरी पृथ्वी अदकि समुद्र अनूद नुकसान माळोद अधिकार कोटक आगीत, धोळ शब्द देल कारूकु अंदुर, 3 "यागासताका नाव तान परमेश्वर उन दासगोळ होयाणा मा मोहर हच कोमालेव, आगासताका पृथ्वी अदकि समुद्र अदकि मार्रगोळी नुकसान पोहचुस बाळेतोर." 4 यार मा मोहर कोटक आत ना आंदुर गनिती केळदीन, मतलब इस्त्राएल इन औलादगोळद सप्पा गोत्र दा टु ऊंद लाख चौवालीस हजार मा मोहर कोटक आत; 5 यहूदा अनूद गोत्र दा टु हननेळ हजार मा मोहर कोटक आत; रूबेने अनूद गोत्र दा टु हननेळ हजार मा, गाद इन गोत्र दा टु हननेळ हजार मा. 6 आशेर इन गोत्र दा टु हननेळ हजार मा, नपताली इन गोत्र दा टु हननेळ हजार मा, मनशशाहि अनूद गोत्र दा टु हननेळ हजार मा, 7 शमौन उन गोत्र दा टु हननेळ हजार मा, लेवी इन गोत्र दा टु हननेळ हजार मा, इससाकार इन गोत्र दा टु हननेळ हजार मा, 8 जबूलून उन गोत्र दा टु हननेळ हजार मा, यूसुफ उन गोत्र दा टु हननेळ हजार मा, अदकि बनियामीन उन गोत्र दा टु हननेळ हजार मा मोहर कोटक आत.

ऊंद धोळद भीळ

9 इदुर बाददा ना नजर तरिगुसदनि, अदकि नोळी, हर ऊंद जाती अदकि कुल अदकि लॉकुर अदकि भाषा दा टु ऊंद हगि धोळद भीळ, यदरी याऊ आळु ईला सकोन, बळी फळक्या हाककु अदकि तान कयगोळ दा खजुर इन डगालगोळ हुडुकु सहिसन इन मूंद अदकि म्यांडा अनूद पाड्डा अनूद मूंद नदुरकु आद, 10 अदकि धोळद शब्द देल कारूकु अनतद, "उदधार इन साटी नाम परमेश्वर उन, जो सहिसन मा कुरतकु आन, अदकि म्यांडा अनूद पाड्डा अनूद जय-जयकार आगुल!" 11 अदकि

* 6:12 ६:१२ प्रकाशतिवाक्य ११:१३; १६:१८; मत्ती २४:२९; मरकुस १३:२४, २५; लूका २१:२५ * 6:14 ६:१४ प्रकाशतिवाक्य १६:२० * 6:16 ६:१६ लूका २३:३०

सपूपा स्वर्गदूत आ सहिसन अदकि स्याणागोळ अदकि नाकु प्राणीगोळ नाकु दी नदिरकु आर; बाक आंदुर सहिसन इन मुंद बाय इन भार देल बदिंदुर अदकि परमेश्वर उक दणडवत माळकु अंदुर, 12 “आमीन! नाम परमेश्वर उन सतुर्ता अदकि महिमा अदकि ग्यान अदकि धन्यवाद अदकि आदर अदकि सामर्थ्य अदकि ताकत हमेशा हमेशा बनसकु ईरल. आमीन!”

13 इदुर मा स्याणागोळ दा टु ऊंद नान से अंदुन, “ई बळी फळक्यागोळ हाक्कु यार उर? अदकि यल टु बंदार?”

14 *ना आंदुर से अंदीन, “हे स्वामी, नी अच जानसत्या.”

आव नान से अंदुन, “ईदुर आंदुर उर, जो आ महाकलेश दा टु होटक बंदार; इंदुर तान-तान फळक्या म्यांडा अन्द पाडडा अन्द रक्ता दा तोळकु बळिव माळयार. 15 ईदा कारण आंदुर परमेश्वर उन सहिसन इन मुंद आर, अदकि आऊन मंदरि दा ईळलक-हागुल आऊन स्यावा माळतार, अदकि जो सहिसन मा कुरतकु आन, आव आंदुर म्याकुच तान तम्बू तानस्यान. 16 आंदुर बाक उपासा अदकि नीर अळक देल ईरतीदील; अदकि ना आंदुर मा यागल्यारा बसिल बदिदीत. 17 यतकी म्यांडा अन्द पाडडा जो सहिसन इन न्याड्या दा आद आंदुर जागनी माळीत, अदकि आंदरी जीवन रूपी नीर इन डोबन इन हात्ती ओतीत; अदकि परमेश्वर आंदुर कण्णगोळी बाक यागलु वर्लगोळतदिल.

8

सातवा मोहर अदकि व्हान्ना अन्द ऊदबत्ती दान

1 “याग आव सातवा मोहर तेरदुन, रा स्वर्ग दा आर्था घंटा ताका सन्नाटा आगेत. 2 आग ना आ येळु स्वर्गदूतगोळ इक नोळदीन जो परमेश्वर उन मुंद नदिरकु ईरतार, अदकि आंदरी येळ तुरहीगोळ कोटकु आत.”

3 बाक मात्त ऊंद स्वर्गदूत व्हान्नोद ऊदबत्ती दान हुडुकु वंदुन, अदकि वेदी इन हात्ती नदिरदुन; अदकि आऊक हापाळ ऊदबत्ती कोटकु आत क सपूपा पवतिर लॉकुरद प्रार्थनागोळ सांगुळ व्हान्ना अन्द आ वेदी मा, जो सहिसन इन मुंद आद येरसुल. 4 आ ऊदबत्ती इन धुंगा पवतिर लॉकुरद प्रार्थना सहति स्वर्गदूत उन कय दा टु परमेश्वर उन मुंद पोहचुसेत. 5 *आग स्वर्गदूत ऊदबत्ती दान हुडुकु अदुर दा वेदी इन बेक्की तुमदुन अदकि धरती मा हाक बुट्टुन; अदकि गर्जन अदकि शब्द अदकि बजिलीगोळ अदकि भूकम्प आगली कुरतव.

येळ तुरहीगोळ

6 आग आ येळु स्वर्गदूत यार हात्ती येळ तुरहीगोळ ईरव अवरी ऊरूली तयार आदुर.

7 पयला स्वर्गदूत तुरही ऊरूदुन, अदकि रक्ता देल मलिसकु क्यंडागोळ अदकि बेक्की तयार आत, अदकि धरती मा हाक्कु आत; अदकि धरती इन ऊंद तहाई भाग होत्तेत, अदकि मार्गोळ्द ऊंद तहाई भाग होत्तेत, अदकि सपूपा हविरा काड्डा भी होत्तेत.

8 दुसरा स्वर्गदूत तुरही ऊरूदुन, रा बेक्की घाई होत्तेतेला ऊंद धोळ्द पहाळी समुद्र दा हाक्कु आत; अदकि समुद्र अन्द ऊंद तहाई भाग रक्ता आगेत, 9 अदकि समुद्र अन्द ऊंद तहाई जीव सोतोदव, अदकि ऊंद तहाई जहाज नाश आगेदव.

10 तसिरा स्वर्गदूत तुरही ऊरूदुन, अदकि ऊंद धोळ तारा जो मशाल घाई होत्तोगोद स्वर्ग दा टु मूरत, अदकि गांगागोळ्द ऊंद तहाई मा अदकि नीर इन डोबनगोळ मा बंदकु बत्ति. 11 आ तारा अन्द हेसुर नागदौना आद; अदकि ऊंद तहाई नीर नागदौना घाई केय आगेत, अदकि हापाळ सा मळसागोळ आ नीर इन केय आगदुर देल सोतोदुर.

12 चौथा स्वर्गदूत तुरही ऊरूदुन, अदकि सुर्य अन्द ऊंद तहाई भाग, अदकि बेळदग्या अन्द ऊंद तहाई अदकि तारागोळ्द ऊंद तहाई भाग मा आपत्ति बत्त, ईल ताका क अऊर्द ऊंद

तहिाई भाग अंधार आगेत अदकि दनि इन ऊंद तहिाई भाग दा ऊजूळ ईतीदील, अदकि हांगा ईळलक दा भी.

13 याग ना मातूत नोळदीन, रा आकाश इन न्याड्या दा गीधाळ इक ऊळुसतेला अदकि धोळ शब्द दा ईद अनतेला केळदीन, “आ मुर स्वरगदूतगोळद तुरही इन शब्दगोळ कारण, यार्द ऊरोद ईगल्या मक्कि आद, धरती नोर ईरावाळेर मा हाय, हाय, हाय!”

9

1 याग पाचवा स्वरगदूत तुरही ऊरदुन, रा ना स्वरग टू पृथ्वी मा ऊंद तारा बळितेला नोळदीन, अदकि अदरी अथाह अधोलोक इंद चाबी कोटकु आत. 2 अद अथाह अधोलोक इक तेरूत, अदकि कुंड दा टू धोळद भट्टी घाई धुंगा येळत, अदकि कुंड इन धुंगा देल सुरय अदकि वायु अंधारकाय आगेदव. 3 आ धुंगा दा टू पृथ्वी मा हत्तीफाफा होट्टव, अदकि अवरी पृथ्वी इन चेळगोळ घाई शक्ती कोटकु आत. 4 अऊर से अंदकु आत की ना पृथ्वी इन काडडा अक, ना यातोदारा हरयाली इक, ना यातोदारा मारर इक नुकसान पोहचुसेत, सरिफ आ मंळसागोळी नुकसान पोहचुसेत यार हयाणा मा परमेश्वर उन मोहर हेलच. 5 अवरी लॉकुरी कोंद वूळोद रा ईला लेकीन अईद तगिळ ताका पीळा कोळोद अधकार कोटकु आत: अदकि आंदुर पीळा हगि ईरोद हयांग चेळ उन डंक होळदुर देल मंळसा अक आगतद. 6 आ दनिगोळ दा मंळसागोळ मृत्यु उक दुंदस्यार अदकि आंदरी मृत्यु सक्तीदील; अदकि सायोद लालसा माळ्यार, अदकि मृत्यु आंदुर से दुर ओळीत.

7 आ हत्तीफाफागोळद आकार लळाई इन साटी तयार माळद घवाळागोळ घाई ईरव, अदकि अऊर ताललागोळ मा व्हानना अन्द मुकूट ईरव; अदकि अऊर माररगोळ मंळसागोळ घाई ईरव. 8 अऊर चुटगोळ आरतेर चुटगोळ घाई अदकि हल्ल हल्ल इन हल्लगोळ घाई ईरव. 9 अव लोवा घाई झलिम हाकु ईरव; अदकि अऊर पकिागोळद शब्द हगि ईरोद जसा रथ अदकि हापाळ सा घवाळागोळद जो लळाई दा ओळताव. 10 अऊरद पुसटी चेळगोळ घाई ईरव अदकि अऊर दा डंक ईरव, अदकि अवरी अईद तगिळ ताका मंळसागोळी दुख पोहचुसोद जो शक्ती सक्तीत, अद अऊरद पुसटीगोळ दा ईरोद. 11 अथाह अधोलोक इन स्वरगदूत अऊर मा राजा ईरोन; आऊन हेसुर इव्रानी दा अबदोन, अदकि यूनानी दा अपुल्लयोन आद.

12 पयला वपित्ती नष्ट आगेत, नोळी, ईग इदुर बाददा येद्व परेशानीगोळ मातूत बरव आव.

13 याग सहावा स्वरगदूत तुरही ऊरदुन रा व्हानना अन्द वेदी जो परमेश्वर उन मुंद आद अदुर गॉट्टागोळ दा टू ना हगि शब्द केळदीन, 14 मतलब यावारा सहावा स्वरगदूत से, यार हात्ती तुरही ईरोद, अनेत्यान, “आ नाकु स्वरगदूतगोळ इक जो धोळ गांगा फुरात इन हात्ती कटकु आर, खोलस बुळ.” 15 आ नाकु स्वरगदूत खोलसकु आदुर जो आ समय, अदकि दनि, अदकि तगिळ, अदकि साल इन साटी मंळसागोळद ऊंद तहिाई भाग इक कोंद वूळली तयार माळकु आगदुर. 16 अऊरद फौज इन सवारगोळद गनिती ईपपत करोळ ईरोद; ना अऊरद गनिती केळदीन. 17 नानी ई दर्शन दा घवाळागोळ अदकि अऊरद हगि सवार काळसदुर यार झलिमगोळ बेक्की, अदकि धूमरकान्त, अदकि गन्धक घाई ईरोद, अदकि आ घवाळागोळद ताल्ला हुल्ल इन ताल्ला घाई ईरव; अदकि अऊर बाय दा टू बेक्की, धुंगा अदकि गन्धक होळतोगोद. 18 ई मूर महामारीगोळद मतलब बेक्की अदकि धुंगा अदकि गन्धक देल, जो अऊर बाय दा टू होळतोगोद मंळसागोळद ऊंद तहिाई कोंदकु आत. 19 यतकी आ घवाळागोळद सामर्थ्य अऊर बाय अदकि पुसटीगोळ दा ईरोद; इदुरसाटी की अऊर पुसटीगोळ हावगोळ घाई ईरव, अदकि आ पुसटीगोळद ताल्ला भी ईरव अदकि ईऊर देला अव दुख पोहचुसतोगव.

20 मगिद मंळसागोळ जो आ मरी देल सायली ईरोर, तान कयगोळद क्यालसा देल, मन तरिगुसदुर, की दुष्टआत्मागोळद, अदकि व्हानना अदकि वेळली अदकि पीतळा अदकि कल्ल अदकि हुळली इन मूरतीगोळद पुजा माळबाळुल जो ना नोळ सकताव, ना केळ सकताव, ना

नळु सकताव; ²¹अदकि जो रक्ता, अदकि जादू टोना, अदकि व्यभचार, अदकि काळ्लपनी आंदुर माळीदुर, अदुर देल मन तरिगुसदिलि.

10

स्वर्गदूत अदकि स्यांळद कतिाव

¹बाक ना मातूत ऊंद ताकतवर स्वर्गदूत उक आकाश होचूत स्वर्ग टु ईळुत नोळदीन. आऊन ताल्ला मा मेघधनुष ईरोद. आऊन बाय सुर्य अनूद घाई अदकि आऊन कालगोळ बेक्की इन खंवा घाई ईरव. ²आऊन कय दा ऊंद स्यांळदतुसा कतिाव तेरूकु ईरोद. आव तान ऊममा काल समुद्र मा अदकि डाक्या काल पृथ्वी मा ईटदुन, ³अदकि हगि धोळद शब्द देल चलिळासदुन, ह्यांग हुल्ल गरजुसतद; अदकि याग आव चलिळासदुन रा गरजन इन सांगुळ शब्द केळ बंदव. ⁴याग येळु गरजन इनव शब्द केळकु आगेदव, रा ना लखिसदुर मा ईरीन, लेकीन ना स्वर्ग टु ईद शब्द केळदीन, “जो मातगोळ गरजन इन आ येळ शब्दगोळ से केळ्या अवरी गुपूत ईट, अदकि लखिसवाळ.”

⁵याता स्वर्गदूत उक ना समुद्र अदकि पृथ्वी मा नदिरूत नोळीदनि, आव तान ऊममा कय स्वर्ग दी नेगदुन, ⁶अदकि जो हमेशा हमेशा जतिता आन, अदकि याव स्वर्ग इक अदकि जो येनारा अदुर दा आद, अदकि पृथ्वी इक अदकि जो येनारा अदुर दा आद, अदकि समुद्र अक अदकि जो येनारा अदुर दा आद सजुसकु, अऊरदा करिया तनिकु अंदुन, “ईग रा मातूत समय आगतीदील. ⁷बलकी सातवा स्वर्गदूत उन तुरही ऊरदुर मा जो आगव आव शब्द इन दनिगोळ दा परमेश्वर उन गुपूत मनोरथ आ खुशखबरी इन अनुसार जो आव तान दास भवषियवक्तागोळी कोटदुन, पुरा आदीत.”

⁸याता शब्द अक ना स्वर्ग टु माताळूत केळीदीन, अद मातूत नान सांगुळ मात हेळली कुरत, “होग, जो स्वर्गदूत समुद्र अदकि पृथ्वी मा नदिरूकु आन, आऊन कय दाकळोद अद कतिाव हुडु कोम जो तेरकु आद.”

⁹ना स्वर्गदूत उन हातूती होगकु अंदीन, “ईद स्यांळद कतिाव नानी कोळ.” आव नान से अंदुन, “हुडु, इदरी तनि कोम; ईद नीन व्हाट्टा केय रा माळीत, लेकीन नीन बाय दा सयद घाई सय हतूतीत.”

¹⁰अतः ना अद स्यांळद कतिाव आ स्वर्गदूत उन कय दा टु हुडुकु तदि बुटीन. अद नान बाय दा सयद घाई सय रा हत, लेकीन याग ना अदरी नुंग बुट्टीन, रा नान व्हाट्टा केयजोर आगेत. ¹¹आग नान से ईद अंदकु आत, “नीनी हापाळ सा लांकुर, अदकि जातीगोळ, अदकि भाषागोळ अदकि राजागोळद बारा दा मातूत भवषियवाणी माळोद बदिदीत.”

11

येदह गवाह

¹बाक नानी आळोर साटी ऊंद सरकंडा कोटकु आत, अदकि यारारा अंदुर, “येळ, परमेश्वर उन मंदिर अदकि वेदी, अदकि अदुर दा उपासना माळावाळेर इक आळद कोम. ²लेकीन मंदिर इन व्हाण्या अनूद आंगुळ वटि बुळ; अदरी आळुवाळ यतकी अद गौरयहूदी इक कोटकु आग्याद, अदकि आंदुर पवतिर नगर इक ब्यालीस दनि ताका काल दशी मेट्ट्यार. ³ना तान येदह गवाहगोळी ईद अधिकार कोळाईन का टाट होदुकु ऊंद हजार येदह सौ साठ दनि ताका भवषियवाणी माळुल.

⁴“ईव अवा जैतुन इन येदह मार्र अदकि येदह दगिया ईटव जागा हुव, जो पृथ्वी इन प्रभु उन मुंद नदिरूकु ईतार. ⁵अगर यावारा आंदरी नुकसान पोहचुसोद चाहासतान, रा आंदुर बाय दा टु बेक्की होटकु आंदुर दुश्मनगोळी भसम माळतद; अदकि अगर यावारा आंदरी नुकसान पोहचुसोद चाहासयान, रा जरूर ईतूता रीत दिेल कोनुसकु आदान. ⁶आंदरी अधिकार आद का आकाश इक

बंद माळुल, का आंदुरद भवषियवाणी इन दनिगोळ दा सयद बरसुसबाळुल; अदकि आंदरी सप्पा नीरनळी मा अधकार आद क आंदरी रक्ता माळुल, अदकि याग याग चाहास्यार आग आग पृथ्वी मा हर प्रकार इंद वपित्ती तरुल.”

7 *याग आंदुरद गवाही कोटक आगेदीत, रा अद पशु जो अथाह अधोलोक दा टु होट्टीत, आंदुर से लळाई माळकु अवरी जीतुसति अदकि आंदरी कोंद वूट्टीत. 8 आंदुर लाश आ धोळद नगर इन चौक दा बदिक् ईतताव, यदरी आत्मकि रूप देल सदोम अदकि मसित्तर अंदकु आगतद, यल आंदुर प्रभु भी कूस मा येरसकु आगदिन. 9 सप्पा लॉकर अदकि कुलगोळ अदकि भाषागोळ अदकि जातीगोळद लॉकर आंदुर मुर्दागोळी इक सादे मुर दनि ताका नोळतेला ईततार, अदकि आंदुर मुर्दागोळ इक कवर दा ईट कोळतीदील. 10 धरती मा ईरावाळेर आंदुर सोत्तुर देल सुश अदकि मग्न आदार, अदकि आबुर दाबुर हात्ती भेट कळयार, यतकी ई दनिगोळ दा भवषियवक्तागोळ धरती मा ईरावाळेर इक सतुसयार. 11 लेकीन सादे मुर दनि इन बाददा परमेश्वर उन दी टु जीवन इन श्वास आंदुर दा होक्त, अदकि आंदुर तान कालगोळ ताकत देल नदिरेदुर, अदकि आंदुर नोळावाळेर मा धोळद अंजक तुममेत. 12 आग आंदरी स्वर्ग टु ऊंद धोळद शब्द केळ बत्त, “ईल म्याकुच बरी!” ईद केळकु आंदुर बादल मा सवार आगकु तान दुश्मनगोळ नोळतेला अच स्वर्ग मा येरदुर. 13 *वाक आ घळी ऊंद धोळद भूकम्प आत, अदकि नगर इन दहावा भाग बदिता; अदकि आ भूकम्प देल येळ हजार मळसागोळ सोतोदुर, अदकि बाकी नोर जो ऊळदकु ईरोर आंदुर अंजेदुर अदकि स्वर्ग इन परमेश्वर उन महिमा माळली कुरतुर.

14 दुसरा परेशानी बतिसेत; नोळी, तसिरा परेशानी जल्दी बरावाळा आद.

सातवा दूत उन द्वारा तुरही ऊरकु आत

15 याग सातवा स्वर्गदूत तुरही ऊरदुन, रा स्वर्ग दा ई बारा दा धोड्डेव-धोड्डेव शब्द आगली कुरतव: “दुनिया अन राज्य नामव प्रभु उन अदकि आऊन मसीह अन्द आगेत, अदकि आव हमेशा हमेशा राज्य माळयान.” 16 आग चौबीसा स्याणा लॉकर जो परमेश्वर उन मुंद तान तान सहासन मा कुरतकु ईरोर, बाय इन भार देल बदिक् परमेश्वर उक प्रणाम माळकु 17 ईद अनली कुरतुर, “हे सर्वशक्तमान प्रभु परमेश्वर, जो आन अदकि जो ईरोर, नाव नीन धन्यवाद माळतेव का नी तान धोळद सामर्थ्य इक क्यालसा दा तनकु राज्य माळ्या.

18 अन्या जातीगोळ सट्टि दा तुमकु ईरोर,

लेकीन नीद प्रकोप बंदकु बत्तित,

अदकि अद समय बंदाद का जो सोत्तुर आंदुरद न्याय माळकु आगुल,

अदकि नीनोर दास परमेश्वर उन बातणी केळसावाळेर

अदकि पवत्तिर लॉकुरी अदकि आ स्याण धोड्डेर इक जो नीद हेसुर देल अंजतार बदलुसकु आगुल,

अदकि पृथ्वी इक बगिळुसा वाळेर इक नष्ट माळकु आगुल.”

19 *आग परमेश्वर उन जो मंदिर स्वर्ग दा आद अद तेरकु आत, अदकि आऊन मंदिर दा आऊंदा वाचा अन्द संदुक काळसत; अदकि बजिलीगोळ अदकि शब्द अदकि गर्जन अदकि भूकम्प आदव अदकि धोड्डेव ओला बदिदव.

12

आर्त अदकि अजगर

* 11:7 ११:१७ प्रकाशतिवाक्य १३:५-७; १७:८
प्रकाशतिवाक्य ८:५; १६:१८; प्रकाशतिवाक्य १६:२१

* 11:13 ११:१३ प्रकाशतिवाक्य ६:१२; १६:१८

* 11:19 ११:१९

1 बाक स्वर्ग दा ऊंद धोळ्द चनिह काळसत, मतलब ऊंद आर्त जो सुर्य होदकु ईरोर, अदकि बेळदगि आकनि काल दशिी ईरोद, अदकि आकनि ताल्ला मा हन्नेळ तारागोळ्द मुकुट ईरोद.

2 आक व्हाट्या दी आदुर, अदकि कटिरोर, यतकी आक परसव इन दुख दा ईरोर.

3 ऊंद अदकि चनिह स्वर्ग दा काळसत; अदकि नोळी, ऊंद धोळ्द क्याचांद अजगर ईरोद, अदरी येळ ताल्ला अदकि हत्त गांटा ईरव, अदकि अदुरद ताल्ला मा येळ राजमुकुट ईरव. 4 अदुर पुसटी आकाश इन तारा अनंद ऊंद तहिाई इक जेडुकु पृथ्वी मा हाक कोमूत. अद अजगर येनारा ईरोर आ आर्त इन मुंद ईरोद, नदिरुत कऱियाग आक चगिद हाळदार रा आ चगिद उक नुंग कोमुल. 5 आक पार हाळदुर जो लोवा अनंद छळी इक ताकोमकु सप्पा जातीगोळ मा राज्य अनंद साटी बंदीदुन, अदकि आव पार एकाएक परमेश्वर उन हात्ती अदकि आऊन सहिसन इन हात्ती नेगुकु पोहचुसुकु आदुन; 6 अदकि आ आर्त आ आळी दा ओळतेला होदुर यल परमेश्वर उन दी टु आकनि साटी ऊंद जागा तयार माळुकु आगीत कऱिल आक ऊंद हजार येढ्द सौ साठ दनि ताका सालकु आगुल.

7 *बाक स्वर्ग दा लळाई आत, मीकाईल अदकि आऊन स्वर्गदूत अजगर इन सांगुळ लळाई माळली होट्टुर; अदकि अजगर अदकि अदुर दूत आऊन सांगुळ लळुसदव. 8 लेकीन प्रबल आगीदील, अदकि स्वर्ग दा आंदुर साटी बाक जागा ईतीदील. 9 *आग अद धोळ्द अजगर, मतलब अदा हाळोद हाव जो इब्लीस अदकि शैतान कहलुसतद अदकि पुरा दुनयिा अक भरमुसावाळा हुन, पृथ्वी मा केळसुसुकु आत, अदकि अदुर दूत अदुर सांगुळ केळसुसुकु आदव. 10 बाक ना स्वर्ग टु ईद धोळ्द शव्द बरतेला केळदीन,

“ईग नाम परमेश्वर उन उद्धार अदकि सामर्थ्य
अदकि राज्य

अदकि आऊन मसीह अनंद अधिकार प्रगट आग्याद,
यतकी नाम वारटुर मा दोष हचावाळा,
जो ईळ्लक हागुल नाम परमेश्वर उन मुंद
आंदुर मा दोष हचतोगोन केळसुसुकु आदुन.”

11 “आंदुर म्यांडा अनंद पाड्डा अन कारण
अदकि तान गवाही इन वचन इन कारण
आऊन मा जयवन्त आदुर,

अदकि आंदुर तान जीव इक प्रयि जानसीदलि,
ईल ताका कऱिमृत्यु भी सहन माळ कोडुर.”

12 “ई कारण हे स्वर्गगोळा अदकि अदुरदा ईरावाळोरा,
मग्न ईरी; हे पृथ्वी, अदकि समुद्र, नीम मा हाय!

यतकी शैतान वळा सट्टि इन सांगुळ नीम हात्ती ईळुकु बंदुन,
यतकी जानसत्या कऱिथवाळासा अच समय अदकि बाकी आद.”

13 याग अजगर नोळत कऱिना पृथ्वी मा केडुकु आगेदीन, रा आ आर्त इक जो पार हाळीदुर, सतुसुत. 14 लेकीन आ आर्त इक धोळ गीधाळ इन येढ्द पक्किा कोटकु आगीदव कऱि हाव उन मुंद टु ऊळसुकु आळी दा आ जागा दा होटोगुल, यल अद ऊंद समय अदकि समयगोळ, अदकि आर्था समय ताका पालसुकु आगुल. 15 अदकि हाव आ आर्त इन हदि तान बाय देल गांगा अनंद घाई नीर वाहुसुत कऱिआकी ई गांगा देल वाहुस बुळुल. 16 लेकीन पृथ्वी आ आर्त इन सहायता माळत, अदकि तान बाय खोल्सुकु आ गांगा अक जो अजगर तान बाय देल वाहुसीदुन कळुत. 17 आग अजगर आर्त मा गुससा आतूत, अदकि आकनि बाकी नव चकीर देल, जो परमेश्वर उन आग्यागोळ इक मानसोर अदकि यीशु उन गवाही कोळदुर मा स्थिर आर, लळाई माळली होतूत. 18 अदकि अद समुद्र अनंद धुळा मा हागकु नीदुरकु ईतूत.

13

येद्वह पशु

1 आग ना ऊंद पशु उक समुदर दा टु होळत नोळदीन, यदुरद हतत गाँट्टा अदकि येळ ताल्ला ईरव. अदुर गाँट्टागोळ मा हतत राजमुकूट अदकि अदुर ताल्लागोळ मा परमेश्वर उन ननिदा नव हेसुर लखिसकु ईरव. 2 जो पशु ना नोळदीन अद चिता अनूद घाई ईरोद; अदकि अदुर कालगोळ भालू घाई, अदकि बाय हलली इन घाई ईरोद. अद अजगर तान सामरथय अदकि तान सहासन अदकि धोळद अधिकार अदरी कोट बुळत. 3 ना अऊरद ताल्लागोळ दा टु ऊंद मा हगि भयंकर घाव हतकु नोळदीन काहगि हतुल का अद सायदुर मा आद, बाक अदुरद प्राणघातक घाव वळलीद आगेत, अदकि सप्या धरती इन लॉकुर आ पशु उन हदि-हदि अचम्भा माळतेला नळदुर. 4 लॉकुर अजगर इन पुजा माळदुर, यतकी अद पशु उक तान अधिकार कोट बुटीत, अदकि ईद अनकु पशु उन पुजा माळदुर, “ई पशु उन घाई याव आन? याव ईदुर से लळाई माळ सकतान?”

5 वळा बोल माताळली अदकि अपमान माळोर साटी अदरी ऊंद बाय कोटकु आग्याद, अदकि अदरी ब्यालीस तगिळ ताका क्यालसा माळोद अधिकार कोटकु आग्याद. 6 आव परमेश्वर उन अपमान माळोर साटी बाय तेरदुन का आऊन हेसुर अदकि आऊन तम्बू मतलब स्वर्ग इन ईरावाळेर इन अपमान माळुल. 7 आऊक ईद भी अधिकार कोटकु आग्याद का पवतिर लॉकुर सांगुळ लळाई माळुल अदकि आंदुर मा जय सकिल, अदकि आऊक हर ऊंद कुल अदकि लॉकुर अदकि भाषा अदकि जाती मा अधिकार कोटकु आग्याद. 8 धरती मा ईरावाळेर आंदुर सप्या, या हेसुर आ म्यांडा अनूद पाडडा अनूद जीवन इन कतिब दा लखिसकु आगीदील जो दुनिया अन उत्पत्ति इन समय टु घात आग्याद, आ पशु उन पुजा माळयार.

9 यार कवि आव आव केळुल. 10 यारी कैद दा बळोद आद, आव कैद दा बदिदान; जो तलवार देल कौदान, जरूरी आद का आव तलवार देल कौदकु आदान. पवतिर लॉकुरद धीरज अदकि वशिवास ईदुर दा आद.

11 बाक ना ऊंद अदकि पशु उक पृथ्वी दा टु होळतेला नोळदीन, अदुरद म्यांडा अनूद पाडडा अनूद घाई येद्वह गाँट्टा ईरव, अदकि अद अजगर इन घाई माताळोद. 12 अद आ पयला पशु उन पुरा अधिकार अदुर मुंद क्यालसा दा तरोद; अदकि पृथ्वी अदकि अदुरद ईरावाळेर देल आ पयला पशु उन, यदुरद जीव घातक घाव वळलीद आगेगीत, पुजा माळसुसोद. 13 अद धोळ-धोळ चनिह तोरसोन, ईल ताका का मंळसागोळद मुंद स्वर्ग टु पृथ्वी मा बेक्की बरसुस बुळोन. 14 आ चनिहगोळद कारण, यारी आ पशु उन मुंद तोरसोद अधिकार अदरी कोटकु आगीत, अद पृथ्वी इन ईरावाळेर इक भरमुसोद अदकि पृथ्वी इन ईरावाळेर देल अनोद का या पशु उक तलवार हतीत अद जतिता आग्याद, अदुरद मूर्त्त माळी. 15 अदरी आ पशु उन मूर्त्त दा जीव हाक्कोद अधिकार कोटकु आग्याद का पशु उन मूर्त्त माताळली हतुल, अदकि यास लॉकुर आ पशु उन मूर्त्त इन पुजा माळतीदील, आंदरी कोनुसुस बुळुल. 16 आव स्यांळद-धोळ, धनी-कंगाल, स्वतंत्र-दास सप्या मुंदुर ऊम्मा कय दी या आंदुर मस्तक मा ऊंद ऊंद छाप माळ बुट्टुन, 17 का अदरी बटिकु याऊन मा छाप मतलब आ पशु उन हेसुर या अदुर हेसुर इन अंक ईरूल, दुसरा यावारा लेन-देन माळ ईला सकुल.

18 ग्यान ईदुर दा आद: यारी बुद्धी आद आव ई पशु उन अंक जोळस कोमुल, यतकी अद मंळसा अनूद अंक हुन, अदकि अदुर अंक आर सौ छैसठ आद.

14

मेमना अदकि अदुर लॉकुर

1 आक ना नजर माळदीन, अदकि नोळी, आ म्यांडा अनूद पाडडा सयियोन पहाळ मा नीदुरकु आद, अदकि अदुर सांगुळ ऊंद लाख चौवालीस हजार मुंदुर आर, यार हयाणा मा आऊन अदकि

आऊन आपप उन हेसुर लखिसकु आद. ² अदकि स्वर्ग टु नानी ऊंद हगि शब्द केळ बत्त जो नीर इन हापाळ धारागोळ अदकि बळा गर्जन इन शब्द ईरोद, अदकि जो शब्द ना केळदीन अद हगि ईरोद मानसी वीणा मुरसावाळेर वीणा मुरसेत्तयार. ³ आंदुर सहिसन इन मुंद अदकि नाकु पुराणीगोळ अदकि सथाणागोळद मुंद ऊंद वहाशोद हाळ हाळोर. आ ऊंद लाख चौवालीस हजार लॉकुरी बटिकु, जो पृथ्वी मा टु कोंडकु आगीदुर, यारू आ हाळ इक कलु ईला सकोर. ⁴ इंदुर आंदुर उर जो आर्तेर सांगुळ अशुधद आगीदील, पर कुवारा आर; इंदुर आंदुरा उर कियेल्यारा मयांडा अन्द पाड्डा होगतद, अऊर आऊन हदि आगोगतार; इंदुर रा परमेश्वर उन नमित्तित पयला फल आगोर साटी मंळसागोळ दा टु कोंडकु आग्यार. ⁵ आंदुर बाय दा टु यागलु ख्वाटा मात होटीदलि, आंदुर नरिदोष आर.

मुर स्वर्गदूत

⁶ बाक ना ऊंद अदकि स्वर्गदूत उक आकाश इन नयाडया दा उळसतेला नोळदीन, यार हात्ती पृथ्वी माकळोर ईरावाळेरद हर ऊंद जाती, अदकि कुल, अदकि भाषा, अदकि लॉकुरी केळसोर साटी अनन्त खुशखबरी ईरव. ⁷ स्वर्गदूत धोळ शब्द देल अंदुन, “परमेश्वर से अंजी, अदकि आऊन महमा माळी, यतकी आऊन नयाय माळोद समय होत बंदाद; अदकि आऊन भजन माळी, याव स्वर्ग अदकि पृथ्वी अदकि समुद्र अदकि नीर इन झरना माळयान.”

⁸ बाक इंदुर बाददा ऊंद मात्त, दुसरा, स्वर्गदूत ईद अनतेला बंदुन, “बत्तित, आ धोळ बेबीलोन बत्तित, यार तान व्यभचार इन कोपमय सारा पुरा जातीगोळी इक कुळस्यार.”

⁹ बाक इंदुर बाददा ऊंद मात्त, तीसरा, स्वर्गदूत धोळ शब्द देल ईद अनतेला बंदुन, “जो यावारा आ पशु अदकि अदुर्द मूर्तति इन पुजा माळुल, अदकि तान हयाणा या तान कय मा अदुर्द छाप ताकोमुल ¹⁰ अद परमेश्वर उन प्रकोप इन नरि सारा, जो आऊन सट्टि इन कटोरा दा हाक्कु आग्याद, कुळदान अदकि पवतिर स्वर्गदूतगोळद मुंद अदकि मयांडा अन्द पाड्डा अन्द मुंद बेक्की अदकि गन्धक इन पीळा दा बदिदान. ¹¹ आदुर्द पीळा अन्द धुंगा हमेशा हमेशा येळतेला ईत्तीत, अदकि जो आ पशु अदकि अदुर्द मूर्तति इन पुजा माळतार, अदकि जो अदुर हेसुर इन छाप ताकोमतार, आंदरी ईळलक हागुल चैन सकितीदील.”

¹² पवतिर लॉकुरद धीरज इंदुर दा आद, जो परमेश्वर उन आग्यागोळ इक मानसतार अदकि यीशु मा वशिवास ईटतार.

¹³ बाक ना स्वर्ग टु ईद शब्द केळदीन, “किलखिस: जो मुरदा प्रभु दा सायतान, आंदुर ईग टु धन्य आर.”

आत्मा अनतद, “हव, यतकी आंदुर तान पुरा मेहनत देल आराम ताकोडार, अदकि आंदुर कार्य आंदुर सांगुळ ईत्ताव.”

कटाई

¹⁴ ना दृष्टी माळदीन, अदकि नोळी, नान मुंद ऊंद बळीद ढग आद, अदकि आ ढग मा मंळसा अन पार उन घाई यावारा कुरतकु आन, आऊन ताल्ला मा वहानना अन्द मुक्कट अदकि कय दा पन्यार कुळगुल आद. ¹⁵ बाक ऊंद अदकि स्वर्गदूत मंदिर दा टु होटकु आऊन से, जो ढग मा कुरतकु ईरोन, धोळ शब्द देल कारूकु अंदुन, “तान कुळगुल हचकु कटाई माळ, यतकी कटाई इन समय होत बंदान, इंदुरसाटी किये पृथ्वी इन केई इन फसल हण्ण आगेग्याद.” ¹⁶ इंदुरसाटी जो ढग मा कुरतकु ईरोन आव पृथ्वी मा तान कुळगुल हचदुन, अदकि पृथ्वी इन केई इन कटाई माळदुन.

¹⁷ बाक ऊंद अदकि स्वर्गदूत आ मंदिर दा टु होटदुन जो स्वर्ग दा आन, अदकि आऊन हात्ती भी पन्यार कुळगुल ईरोद.

¹⁸ बाक ऊंद अदकि स्वर्गदूत, यारी बेक्की मा अधकार ईरोद, वेदी दा टु होटदुन, अदकि यार हात्ती पन्यार कुळगुल ईरोद आऊन से धोळ शब्द देल अंदुन, “तान पन्यार कुळगुल हचकु पृथ्वी

इन अंगुर इन कोई इन काय इन गुच्छा कडुकोम, यतकी अद अंगुर इन काय हण्ण आगेग्याद.”
 19 आग आ स्वर्गदूत पृथ्वी मा तान कळगुल हचदुन अदकि पृथ्वी इन अंगुर इन गुच्छा अन्द काय कडुकु तान परमेश्वर उन प्रकोप इन धोळ रसकृण्ड दा हाकक बुट्टुन; 20 अदकि नगर इन व्हाऱ्या आ रसकृण्ड दा अंगुर मेटकु आदव, अदकि रसकृण्ड दा टु ईट रक्ता होळ्त्त का घवाळा अन्द लगामगोळ ताका पहचुसुत, अदकि मुर सौ कलिमीटर ताका वाहुसेत.

15

आखरी परेशानीगोळ सांगुळ स्वर्गदूत

1 बाक ना स्वर्ग दा ऊंद अदकि धोळ अदकि अदभुत चनिह नोळदीन, मतलब येळ स्वर्गदूत यार हात्ती येळु आखरी परेशानीगोळ ईरव, यतकी अदुर खतम आगदुर मा परमेश्वर उन प्रकोप इन अनत्त आद.

2 आग ना बेक्की दा मलिसकु काँच इन घाई ऊंद समुद्र नोळदीन; अदकि जो लाँकुर आ पशु मा अदकि अदुरद मूर्त्ति मा अदकि अदुर हेसुर इन अंक मा जयवन्त आगीदुर, आंदरी आ काँच इन समुद्र अन्द हात्ती परमेश्वर उन वीणागोळ इक हुळकु नीदुरकु नोळदुर. 3 आंदुर परमेश्वर उन दास मूसा अन्द हाळ, अदकि म्यांडा अन्द पाड्डा अन्द हाळ, हाळ हाळकु अनतोगोर, “हे सर्वशक्तमान प्रभु परमेश्वर,

नीन कार्य महान अदकि अदभुत आव;

हे युगयुग इन राजा,

नीन चाल वळ्लीद अदकि खरा आद.”

4 “हे प्रभु, याव नीन से अंजतीदील

अदकि नीन हेसुर इन महिमा माळतीदील?

यतकी सरिफु नी आबना अच पवतिर आय.

पुरा दयाश इन लाँकुर बंदकु

नीन मुंद दण्डवत माळ्यार,

यतकी नीन न्याय इन क्याल्सा प्रगट आगेग्याव.”

5 इदुर वाददा ना नोळदीन काँ स्वर्ग दा गवाही इन तमबू उन मंदरि खोल्सकु आग्याद; 6 अदकि आंदुर येळु स्वर्गदूत यार हात्ती येळु परेशानीगोळ ईरव, मलमल इन शुद्ध अदकि चमकदार कपळा हाककु अदकि याददा मा व्हांनना अन्द पट्टागोळ कटकु मंदरि टु होट्टुर. 7 आग आ नाकु प्राणीगोळ दा टु ऊंद आ येळ स्वर्गदूतगोळी परमेश्वर, जो हमेशा हमेशा जित्तिता आन, आऊन प्रकोप देल तुमकु व्हांनना अन्द येळ कटोरा कोट्टुर; 8 अदकि परमेश्वर उन महिमा अदकि आऊन सामर्थ्य अन कारण मंदरि धुंगा देल तुम्मेत, अदकि यागासताका आ येळु स्वर्गदूतगोळ्द येळु परेशानीगोळ खतम आगीदील आगासताका याऊ मंदरि दा होग सकदील.

16

परमेश्वर उन प्रकोप इन येळ कटोरा

1 बाक ना मंदरि दा यारीकारा ऊँचा शब्द देल आ येळु स्वर्गदूतगोळ देल ईद अनतेला केळदिन, “होगी, परमेश्वर उन प्रकोप इन येळु कटोरागोळ इक पृथ्वी मा पलटुस बुळी.”

2 इदुरसाटी पयले स्वर्गदूत होगकु तान कटोरा पृथ्वी मा पलटुस बुट्टुन. आग आ मंळसागोळ्द, यार मा पशु उन छाप ईरव अदकि जो अदुरद मूर्त्ति इन पुजा माळोर, ऊंद प्रकार इन बुरा अदकि दुखदाई फ्वाळा होळ्त्त.

3 दुसरा स्वर्गदूत तान कटोरा समुद्र मा उलटुस बुट्टुन, अदकि आव सोतकु मंळसा अन्द रक्ता घाई बन्सेदुन, अदकि समुद्र दाकळव हर ऊंद जीवधारी सोतोदव.

4 तीसरा स्वरगद्दूत तान कटोरा गांगागोळ अदकि नीर इन झरनागोळ मा पलटुस बुट्टुन, अदकि आंदुर रक्ता बनसदुर. 5 आग ना नीर इन स्वरगद्दूत उक ईद अनतेला केळदीन, “हे पवतिर, जो आद अदकि जो ईरोद, नी न्यायी आय अदकि नी ईद न्याय माळद. 6 यतकी आंदुर पवतिर लॉकुर अदकि भवषियवक्तागोळद रक्ता वाहूसीदुर, अदकि नी आंदरी रक्ता कुळसद; यतकी आंदुर ईदा योग्य आर.” 7 बाक ना वेदी टु ईद शब्द केळदीन, “हव, हे सर्वशक्तमान प्रभु परमेश्वर, नीन नरिणय वळलीद अदकि खरा आद.”

8 चौथा स्वरगद्दूत तान कटोरा सुर्य मा उलटुस बुट्टुन, अदकि आऊक मंळसागोळ इक बेक्की देल झुलसुसोद अधिकार कोटक आत. 9 मंळसा हापाळ वसिल देल झुलसुसदुर, अदकि परमेश्वर उन हेसुर इन यारी ई परेशानीगोळ मा अधिकार आद, अपमान माळदुन लेकीन आऊन महिमा माळोर साटी मन तरिगुसदील. आऊन महानता अन्द प्रशंसा माळतार.

10 पाचवा स्वरगद्दूत तान कटोरा आ पशु उन सहासन मा पलटुस बुट्टुन, अदकि आऊन राज्य मा अंधार छासेत. लॉकुर दुख इन मारा तान तान ल्यालग्या कचली हतदुर, 11 अदकि तान पीळागोळ अदकि फ्वाळागोळद कारण स्वरग इन परमेश्वर उन अपमान माळदुर; लेकीन तान तान क्यालसागोळ देल मन तरिगुसदील.

12 सहावा स्वरगद्दूत तान कटोरा महागांगा फुरात मा पलटुस बुट्टुन, अदकि अदुरद नीर वंळगेत कि पूरव दशा अन्द राजागोळद साटी हादी तयार आगेगुल. 13 बाक ना आ अजगर इन बाय देल, अदकि आ पशु उन बाय देल अदकि आ ख्वाटा भवषियवक्ता अन्द बाय देल मुर अशुध्द आत्मागोळ इक भ्याबकागोळद रूप दा होळतेला नोळदनि. 14 ईव चनिह तोरसावाळेर दुष्टआत्मागोळ हव, जो पुरा दुनिया अन राजागोळद हात्ती होटक इदुरसाटी होगताव कि आंदरी सर्वशक्तमान परमेश्वर उन आ धोळ दनि इन लळाई इन साटी जमा माळुल.

15 *नोळ, ना काळल उन घाई बरतीन; धन्य आव आन जो जागसुतेला ईरतान, अदकि तान कपळागोळद सावधानी माळतान कि ऊगळा वयाळवाळुल, अदकि लॉकुर आऊन ऊगळापन नोळवाळुल.”

16 अदकि आंदुर आंदरी आ जागा दा जमा माळदुर जो इब्रानी दा हर-मगदिन कहलुसतद.

17 सातवा स्वरगद्दूत तान कटोरा हवा मा उलटुसदुन, अदकि मंदिर इन सहासन टु ईद धोळ शब्द आत, “आगेग्याद!” 18 *बाक बजिलीगोळ चमकुसदव, अदकि शब्द अदकि गर्जन आत, अदकि ऊंद हगि धोळ भूकम्प बत्त कियागी टु मंळसा अन्द उत्पत्ती पृथ्वी मा आत, आगी टु हगि धोळ भूकम्प यागलु बंददील. 19 इदुर देल आ धोळ नगर इन मुर तुकळा आगेदव, अदकि गैर यहदीगोळव नगर बदिदव; अदकि धोळ बेबीलोन इन याद परमेश्वर उन अल आत कि आव तान सटिट इन जलजलाहट इन सारा आऊक कुळसुल. 20 *अदकि हर ऊंद टापू तान जागा टु टलसेत, अदकि पहाळगोळद पता हतीदील. 21 *आकाश टु मंळसागोळ मा मन-मन तुमकु धोळ गारगोटी बदिदव, अदकि इदुरसाटी कि ईद वपित्ती हापाळ अच भारी ईरोद, लॉकुर गारगोटी इन वपित्ती इन कारण परमेश्वर उन अपमान माळदुर.

17

धोळ वेश्या

1 या येळ स्वरगद्दूतगोळद हात्ती अव येळ कटोरा ईरव, आंदुर दा टु ऊंद बंदकू नान से ईद अंदुन, “ईल बर, ना नीनी आ धोळ वेश्या अन्द दण्ड तोरसाईन, जो हापाळ सा नीर मा कुरतकु आर, 2 यार सांगूळ पृथ्वी इन राजागोळ व्यभचार माळदुर; अदकि पृथ्वी इन ईरावाळेर आऊन व्यभचार इन सारा देल मतवाला आगेगीदुर.”

* 16:15 १६:१५ मत्ती २४:४३,४४; लुका १२:३९,४०; प्रकाशतिवाक्य ३:३ * 16:18 १६:१८ प्रकाशतिवाक्य ८:५; ११:१३,१९

* 16:20 १६:२० प्रकाशतिवाक्य ६:१४ * 16:21 १६:२१ प्रकाशतिवाक्य ११:१९

3 *आग आव नानी आत्मा दा आळी दी ओतुन, अदकि ना क्याचांद पशु मा, जो अपमान इन हेसुरगोळ देल तुमकु ईरोद अदकि यार येळ ताल्ला अदकि हत्त गॉट्टा ईरव, ऊंद आरत इक कुरतकु नोळदिन. 4 ई आरत जाभळा रंग इन अदकि क्याचांद रंग इन कपळा हाक्कु ईरोर, अदकि व्हानना अदकि कमिती मणगिोळ अदकि मोतगिोळ देल सजुसुकु ईरोर, अदकि आकनि कय दा ऊंद व्हानना अन्द कटोरा ईरोद जो बेकार वस्तुगोळ देल अदकि आकनि व्यभचार इन अशुधद वस्तुगोळ देल तुमकु ईरोद. 5 आकनि ह्याणा मा ई हेसुर लखिसकु ईरोद, “भेद-धोळ बेवीलोन पृथ्वी इन वेश्यागोळ अदकि बेकार वस्तुगोळ्द मोय.” 6 ना आ आरत इक पवतिर लॉकुरद रक्ता अदकि यीशु उन गवाहगोळ्द रक्ता कुळदुर देल मतवाला नोळदीन;

आकी नोळकु ना चकति आगेदीन. 7 आग आ स्वर्गदूत नान से अंदुन, “नी येती चकति आद? ना ई आरत अदकि आ पशु उक, यदुर मा आक सवार आर अदकि यार येळ ताल्ला अदकि हत्त गॉट्टा आव, नीनी भेद हेळतीन.

8 *जो पशु नी नोळया, अद पयला रा ईरोद पर ईंग ईल्लच, अदकि अथाह अधोलोक दा टु होटकु वनिाश दा बदिदीत; अदकि पृथ्वी इन ईरावाळेर यार हेसुर दुनया अन उत्पत्त इन समय टु जीवन इन कतिाव दा लखिसकु आगीदील, ई पशु उन ईद दशा नोळकु कपिपयला ईरोद अदकि ईंग ईल्लच अदकि वाक होट बंदीत, अचमभा माळ्यार. 9 आ बुद्धी इन साटी यारदा ग्यान आद, ईदा मवका आद: अव येळु ताल्ला येळ पहाळ हुव यार मा आ आरत कुरतकु आर. आंदुर येळ राजा भी उर. 10 अव येळ राजा भी हुव, अईद रा आगेग्याव, अदकि ऊंद ईंग आन, अदकि ऊंद ईंग ताका बरली आन, अदकि याग बंदान रा येनारा समय ताका अदुरद ईरोद भी जरूरी आद. 11 जो पशु पयला ईरोन, अदकि ईंग ईल्लच, आव खद आटवा हुन अदकि आ येळु दा टु पैदा आदुन, अदकि वनिाश दा बदिदान. 12 जो हत्त गॉट्टा नी नोळद अव हत्त राजा हुव यारी ईंग ताका राज्य सक्कीदील, पर आ पशु उन सांगुळ घळी तीमोर साटी राजागोळ घाई अधिकार सक्कीत. 13 ईव सप्पा ऊंद मन आदार, अदकि अव तान तान सामर्थ्य अदकि अधिकार आ पशु उक कोट्टार. 14 अव मेमनागोळ देल लळाई माळ्याव, अदकि म्यांडा अन्द पाड्डा अऊर मा जय पाऊस्याव, यतकी आव प्रभुगोळ प्रभु अदकि राजागोळ राजा हुव, अदकि जो कारूकु आग्याव अदकि नविळुसकु आग्याव अदकि वशिवासी आव अव आऊन सांगुळ आव; आंदुर भी जय पाऊस्याव.”

15 वाक आव नान से अंदुन, “जो नीर नी नोळद, यदुर मा वेश्या कुरतकु आर, आंदुर रा लॉकुर अदकि भीळ अदकि जातीगोळ अदकि भाषागोळ हुव. 16 जो हत्त गॉट्टा नी नोळद, अव अदकि पशु आ वेश्या देल दुश्मनी ईट्याव, अदकि आकी लाचार अदकि नंगा माळ बुट्टाव, अदकि आकनि मास तीन बुट्टाव, अदकि आकी बेक्की दा होताक बुट्टाव. 17 यतकी परमेश्वर आंदुर मन दा ईद हाक्यान कपि आंदुर आऊन मनसा पुरा माळुल, अदकि यागासताका परमेश्वर उन वचन पुरा आगालद आगासताका ऊंद मन आगकु तान तान राज्य पशु उक कोटबुळी. 18 आ आरत, यारी नी नोळद, अद धोळ नगर हुन जो पृथ्वी इन राजागोळ मा राज्य माळतद.”

18

बेवीलोन इन पतन

1 इदुर बाददा ना ऊंद स्वर्गदूत उक स्वर्ग टु ईळुतेला नोळदीन, यारी धोळ अधिकार प्राप्त ईरोद; अदकि पृथ्वी आऊन तेज देल चमकुसकु येळत. 2 *आव धोळ शब्द देल कारूकु अंदुन, “बदिदोत, धोळ बेवीलोन बदिदोत! अद दुष्टआत्मागोळ्द नवास, अदकि हर ऊंद अशुधद आत्मा अन्द हड्डा, अदकि हर ऊंद अशुधद अदकि बेकार पक्षी इन हड्डा आगेत. 3 यतकी आऊन व्यभचार इन भयानक सारा अन्द कारण सब जातीगोळ बदिव, अदकि पृथ्वी इन राजागोळ आऊन सांगुळ व्यभचार माळदुर, अदकि पृथ्वी इन व्यापारी आऊन सुख-विलास इन बहुतायत इन कारण धनवान आदुर.”

4 बाक ना स्वरग टु ऊंद अदकि शब्द केळदीन, “हे नान लॉकुरा, आऊन दा टु होटबुळी कनिव आऊन पापगोळ दा भागी आगबाळी, अदकि आऊन वतितगिोळ दा टु याऊ नीम मा बरबाळ्ल. 5 यतकी आऊन पापगोळद ढेर स्वरग ताका पहुचुसेत, अदकि आऊन अपराध परमेश्वर उक याद होट बंदाव. 6 ह्यांग आव नीमी कोट्टुन हांग अच आऊक कोळी, अदकि आऊन क्याल्सागोळद अनुसार आऊक येद्व गुणा जयादा कोळी; या कटोरा दा आव तुमकु कोटीदुन अदुर दा आऊन साटी येद्व गुणा तुमकु कोळी.” 7 याट आव तान बळाई माळदुन अदकि सुखवलास माळदुन, आट आऊक दुख अदकि शोक कोळी; यतकी अद तान मन दा अनतद, “ना रानी आगकु कुरतीन, रांड्यागीत ईला; अदकि शोक दा यागलु बळितीदील.” 8 ई कारण ऊंद अच दनि दा आकी मा परेशानीगोळ होट बंदाव, मतलब सायोद, अदकि शोक, अदकि अकाल, अदकि आक बेक्की दा भसम माळकु आदार, यतकी आकनि न्यायी प्रभु परमेश्वर शक्तमान आन.

9 “पृथ्वी इन राजा यार आऊन सांगूळ व्यभचार अदकि सुख-वलास माळदुन, याग आऊन होत्तोद धुंगा नोळ्यार, रा आऊन साटी वर्लेयार अदकि याददा पीटस्यार.” 10 आऊन पीळा अन्द अंजक इन मारा आंदुर बळा दुर नीदुरकु अंदार, “हे धोळ नगर, बेबीलोन! हे मजबूत नगर, हाय! हाय! घळीतीम दा अच नीनी दण्ड सकिग्याद.”

11 “पृथ्वी इन व्यापारी आऊन साटी वर्लेयार अदकि कलपुस्यार, यतकी ईंग याऊ आंदुर माल कोम सकालुन; 12 मतलब व्हानना, बेळली, रतन, मोती, अदकि मलमल, अदकि जांभळा, रेशमी, अदकि क्याचांद रंग इन कपळा, अदकि हर प्रकार इन सुगन्धति हुळली अदकि हत्ती इन हल्ल इन हर प्रकार इन वस्तुगोळ, अदकि कमिती काट अदकि पीतळा अदकि लोवा अदकि संगमरमर इन सब प्रकार इन वस्तुगोळ, 13 अदकि ब्याळा चाकरा, मसाला, धूप, अत्तर, लुबान, सारा, जैतुन इन याणणा, मैदा, गोदी, गोसी-वस्ता, म्यांडा-आळगोळ, घवाळा रथ, अदकि दास, अदकि मंळसागोळद जीव. 14 ईंग नीन मन भाऊसावाळा काय नीन हात्ती टु होगतेला ईततव, अदकि स्वादषिट अदकि भळकीला वस्तुगोळ नीन से दुर आगेग्याव, अदकि अव बाक यागलु सकितीदील.” 15 ई वस्तुगोळ व्यापारी जो आऊन द्वारा धनवान आगीदुर, आऊन पीळा अन्द अंजक इन मारा दुर नीदुरकु ईत्तार, अदकि वर्लतेला अदकि कलपुस्तेला अंदार, 16 “हाय! हाय! ईद धोळ नगर जो मलमल, अदकि जांभळा रंग इन अदकि क्याचांद रंग इन कपळा हाक्कु ईरोन, अदकि व्हानना अदकि रतनगोळ अदकि मोतगिोळ देल सजुस्कु ईरोन; 17 घळीतीम दा अच आऊन हगि भारी धन नाश आगेत.” हर ऊंद माँझी अदकि यात्री अदकि मल्लाह, अदकि याट समुद्र टु कमुसतार, सब दुर नीदुरदुर, 18 अदकि आऊन होत्तोद धुंगा नोळकु कारूकु अंदार, “यातोद नगर ई धोळ नगर इन घाई आद?” 19 अदकि तान तान ताल्लागोळ मा धुळा हाक्यार, अदकि वर्लतेला अदकि कलपुस्तेला चलि्लास चळि्लासकु अंदार, “हाय! हाय! ईद धोळ नगर यदुरद समपत्तई इन द्वारा समुद्र अन्द सब जहाजवाळेर धनी आगेगीदुर, घळीतीम दा अच ऊजळुसेत.”

20 हे स्वरग, अदकि हे पवतिर लॉकुरा, अदकि प्रेरतिगोळा, भवषियक्तागोळ, आऊन मा आनन्द माळी, यतकी परमेश्वर न्याय माळकु आऊन से नीमद बदला ताकोंडुन!

21 बाक ऊंद बलवान स्वरगदूत बळा चक्की इन पट्टा अन्द घाई ऊंद कल्ल नेगदुन, अदकि ईद अनकु समुद्र दा भीट बुट्टुन, धोळ नगर बेबीलोन हगि अच धोळ ताकत देल केडुकु आदीत, अदकि बाक यागलु अदुर पता हततदील. 22 वीणा मुरसावाळेर, अदकि गायकगोळा, अदकि कोळ्ल मुरसावाळेर, अदकि तुरही ऊयावाळेरद शब्द बाक यागलु नीन दा केळ वरतीदील; अदकि यावारा उदधम उन यावारा कारीगर भी बाक यागलु नीन दा मल्लिसतीदील; अदकि जाता अन्द नळोद आवाज बाक यागलु नीन दा केळ वरतीदील; 23 अदकि दगिया अन्द ऊजुळ बाक यागलु नीन दा चमकुसतीदील, अदकि मंळगार अदकि मंळगीत इन शब्द बाक यागलु नीन दा केळ वरतीदील; यतकी नीन व्यापारी पृथ्वी इन प्रधान ईरोर, अदकि नीन टोना देल सब जातीगोळ भरमुसकु आगीदव.

24 भवषियवक्तागोळ अदकि पवतिर लॉकुर, अदकि पृथ्वी मा सब घात माळकु आदुर आंदुर रक्ता आऊन दा सक्याद.

19

1 इदुर बाद्दा ना स्वर्ग दा मान्सी धोळ भीळ इक ऊँचा शब्द देल ईद अनतेला केळदीन, “हल्लल्लिय्याह! उद्धार अदकि महमा अदकि सामर्थ्य नाम्द परमेश्वर उन अच हुन. 2 यतकी आऊन नरिण्य खरा अदकि ठीक आव. आव आ धोळ वेश्या अन्द, जो तान व्यभिचार देल पृथ्वी इक भ्रष्ट माळोर, न्याय माळदुन अदकि आकनि से तान दासगोळ्द रक्ता अन बदला ताकोडुन.” 3 बाक दुसरा बार आंदुर अंदुर, “हल्लल्लिय्याह! आऊन होत्तोद धुंगा हमेशा हमेशा येळतेला ईत्तीत.” 4 आग चोवीस स्याणागोळ अदकि नाक प्राणीगोळ बदिक् परमेश्वर उक प्रणाम माळदुर, जो सहासन मा कुर्तकु ईरोन, अदकि अंदुन, “आमीन! हल्लल्लिय्याह!”

मेमना अन्द मदा

5 आग सहासन दा टू ऊँद शब्द होळ्त्त, “हे नामव परमेश्वर देल सब अंजावाळेर दासगोळा, येन स्याणेव, येन धोड्डेव; नीव सब आऊन सत्तुर्तामाळी.” 6 बाक ना धोळ भीळ इन घाई अदकि हापाळ नीर इन घाई शब्द, अदकि गर्जन इन घाई धोळ शब्द केळदीन: “हल्लल्लिय्याह! यतकी प्रभु नाम्द परमेश्वर सर्वशक्तमिान राज्य माळतान. 7 बरी, नाव आनन्दति अदकि मग्न आगाता, अदकि आऊन सत्तुर्तामाळाता, यतकी म्यांडा अन्द पाडडा अन्द मदा होट वंदाद, अदकि आऊन मंळगीत तान तान इक तयार माळ कौडुर. 8 आऊक शुद्ध अदकि चमकदार महीन मलमल हाक्कोद अधिकार कोटकु आग्याद.” यतकी आ साफ मलमल इन मतलब पवतिर लॉकुरद न्याय इन कयाल्सा आद.

9 *आग स्वर्गदूत नान से अंदुन, “ईद लखिस कि धन्य आंदुर आर, जो म्यांडा अन्द पाडडा अन्द मदा अन्द भोज दा कारूकु आग्यार.” बाक आव नान से अंदुन, “ई वचन परमेश्वर उन सत्य वचन हुन.”

10 आग ना आऊक प्रणाम माळोर साटी आऊन कालगोळ मा बदिदीन. आव नान से अंदुन, “नोळ, हगि माळवाळ, ना अपमान अदकि नीन वारटुरगोळ्द संगी दास हुईन जो यीशु उन गवाही कोळदुर मा स्थरि आन. परमेश्वर उक अच प्रणाम माळ.” यतकी यीशु उन गवाही भवषियवाणी इन आत्मा हुन.

बळिद घ्वाळा मा कुरावाळा

11 बाक ना स्वर्ग इक तेरूकु नोळदीन, अदकि नोळतीन कि ऊँद बळिद घ्वाळा आद; अदकि अदुर मा ऊँद सवार आन, जो वशिवासयोग्य अदकि सत्य कहलुस्तान; अदकि आव न्याय इन सांगुळ न्याय अदकि लळाई माळतान. 12 आऊन कण्णगोळ बेक्की इन ज्वाला आव, अदकि आऊन ताल्ला मा हापाळ सा राजमुकुट आव. आऊन मा ऊँद हेसुर लखिसकु आद, यारी आऊक बटिकु अदकि याऊ जान्सालुन. 13 आव रक्ता सपिसकु कपळा हाक्कु आन, अदकि आऊन हेसुर परमेश्वर उन वचन हुन. 14 स्वर्ग इन सेना बळिद घ्वाळागोळ मा सवार अदकि बळिद अदकि शुद्ध मलमल कपळा हाक्कु आऊन हदि हदि आर. 15 *जाती जाती इक बडोर साटी आऊन बाय देल ऊँद तेज धार इन तलवार होळतद. आव लोवा अन्द छळी हूळकु आंदुर मा राज्य माळयान, अदकि सर्वशक्तमिान परमेश्वर उन भयानक प्रकोप इन जलजलाहट इन सारा अन्द कूड दा अंगुर मेट्यान. 16 आऊन कपळा अदकि जांच मा ईद हेसुर लखिसकु आद: “राजागोळ राजा अदकि प्रभुगोळ प्रभु.”

17 बाक ना ऊँद स्वर्गदूत उक सुर्य मा नीदुरकु नोळदीन. आव धोळ शब्द देल कारूकु आकाश इन न्याइया दा टू ऊळुसावाळेर सब पक्षीगोळ देल अंदुन, “बरी, परमेश्वर उन धोळ भोज इन साटी जमा आगेगी, 18 यदुर देल नीव राजागोळ्द मास, अदकि सरदारगोळ्द मास, अदकि शक्तमिान

गळसगोळद मास, अदकि घ्वाळागोळद अदकि अऊर मा सवार आगतार आंदुर मास, अदकि येन स्वतंत्र येन दास, येन स्याणव येन धोडडेव, सब लॉकुरद मास तनी.”

19 बाक ना आ पशु, अदकि पृथ्वी इन राजागोळ इक अदकि आंदुरद सेनागोळ इक आ घ्वाळा अनूद सवार अदकि आऊन सेना से लळाई माळोर साटी जमा नोळदीन. 20 अद पशु, अदकि अदुर सांगुळ आव ख्वाटा भवषियवक्ता हळकु आदुन याव आऊन मुंद हगि चनिह तोरसीदुन यदुर द्वारा आव आंदरी भरमुसदुन यदुर मा आ पशु उन छाप ईरोद अदकि जो अदुर मूरता इन पुजा माळतोगोर. ईव येदुहु जतिता जीव आ बेक्की इन झील दा, जो गन्धक देल होततद, हाककु आदुर. 21 बाकी नोर लॉकुर आ घ्वाळा अनूद सवार इन तलवार देल, जो अदुर बाय देल होळतोगोद, कोंदकु आदुर; अदकि सब पक्षी आंदुर मास देल संतुषट आगेदुर.

20

हजार वर्ष इन राज्य

1 बाक ना ऊंद स्वरगदूत उक स्वरग टु ईळतेला नोळदीन, याऊन कय दा अथाह-अधोलोक इन कुंजी अदकि ऊंद धोळ शंकली ईरोद. 2 आव आ अजगर, मतलब हाळोद हाव इक, जो इवलीस अदकि शैतान आन, हुडुकु हजार वर्ष इन साटी कट बुट्टुन, 3 अदकि अदरी अथाह-अधोलोक दा हाककु बंद माळ बुट्टुन अदकि अदुर मा मोहर हच बुट्टुन क्ति अद हजार वर्ष इन पुरा आगासताका गैर यहूदी लॉकुरी बाक भरमुस बाळुल. इदुर वाददा जरूरी आद क्ति अद घळी तीम साटी बाक खोलसकु आगुन.

4 बाक ना सहासन नोळदीन, अदकि अऊर मा लॉकुर कुरतुर, अदकि आंदरी न्याय माळोद अधिकार कोटकु आत. ना आंदुर आत्मागोळ इक भी नोळदीन, यार ताल्ला यीशु उन गवाही कोळोद अदकि परमेश्वर उन वचन इन कारण कडुकु आगीदव, अदकि यार ना आ पशु उन, अदकि ना अदुर मूरता इन पुजा माळीदुर, अदकि ना अदुर छाप तान हयाणा अदकि कयगोळ मा ताकोडीदुर. आंदुर जतिता आगकु मसीह अनूद सांगुळ हजार वर्ष ताका राज्य माळतेला ईरूल. 5 यागासताका ईव हजार वर्ष पुरा आगीदील आगासताका बाकी नोर सोतकु मंळसा जतिता आगीदील. ईद रा पयला पुनरूथान हुन. 6 धन्य अदकि पवतिर आव आन, जो ई पयला पुनरूथान इन भागी आर. हगिर मा दुसरा मृत्यु उन यातोदु अधिकार हेल्लेच, पर आंदुर परमेश्वर अदकि मसीह अनूद याजक आदार अदकि आऊन सांगुळ हजार साल ताका राज्य माळ्यार.

शैतान उन वनाश

7 याग हजार साल पुरा आगेदव रा शैतान कैद टु बळिसुसकु आगेदान. 8 अद आ जातीगोळी जो धरती इन नाकु दी ईत्तीत, मतलब गोग अदकि मागोग इक यऊरूद गनिती समुद्र अनूद गागरा अनूद बराबर ईत्तीत, भरमुसकु लळाई इन साटी जमा माळली होट्टीत. 9 अव सप्पा धरती मा फैलुसकु पवतिर लॉकुरद छ्वावनी अदकि प्रयि नगर इक घेरू बुट्टाव; अदकि बेक्की स्वरग टु ईळुकु आंदरी भसम माळीत. 10 आंदुरद भरमुसावाळा शैतान बेक्की अदकि गन्धक इन आ झील दा, यदुर दा आ पशु अदकि ख्वाटा भवषियवक्ता भी ईत्तान, हाकसुसकु आदार; अदकि आंदुर ईळलक हागुल हमेशा हमेशा दुख दा तळपुळस्त ईत्तार.

आखरी न्याय

11 बाक ना ऊंद धोळ बळिद सहासन अदकि आऊक, जो अदुर मा कुरतकु आन, नोळदीन; आऊन मुंद टु पृथ्वी अदकि आकाश ओळदेव, अदकि आंदुर साटी जागा सकिदील. 12 बाक ना स्याणेर धोडेर सब सोतकु मंळसागोळ इक सहासन इन मुंद नीदुरकु नोळदीन, अदकि कतिबगोळ खोलसकु आदव; अदकि बाक ऊंद मातत कतिब खोलसकु आत, मतलब जीवन इन कतिब; अदकि ह्यांग आ कतिबगोळ दा लखिसकु ईरोद, हांग अच आंदुर क्याल्सागोळद अनुसार सोतकु

मंळसागोळद न्याय माळकु आत. 13 समुद्र आ सोतकु मंळसागोळ इक जो अदुर दा ईरव कोट बुळत, अदकि मृत्यु अदकि अधोलोक आ सोतकु मंळसागोळ इक जो अदुर दा ईरव कोट बुळत; अदकि आंदुर दा टु हर ऊंद मंळसा अक आंदुर कयालसागोळ अनंद अनुसार आंदुर न्याय माळकु आत. 14 मृत्यु अदकि अधोलोक बेक्की इन झील दा हाक्कु आदव. ईद बेक्की इन झील दुसरा मृत्यु हुन; 15 अदकि यारदारा हेसुर जीवन इन कतिव दा लखिसकु सकितीदील, आव बेक्की इन झील दा हाक्कु आदुन.

21

व्हाशोद आकाश अदकि व्हाशोद पृथ्वी

1 *बाक ना व्हाशोद आकाश अदकि व्हाशोद पृथ्वी इक नोळदीन, यतकी पयला आकाश अदकि पयला पृथ्वी होगतेला ईरोद, अदकि समुद्र भी ईतीदील. 2 *बाक ना पवतिर नगर व्हाशोद यरूशलेम इक स्वर्ग टु परमेश्वर उन हात्ती टु ईळुतेला नोळदीन. अद आ मंळगीत इन घाई ईरोद जो तान गांडड उन साटी सगार माळकु आर. 3 बाक ना सहिसन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळद न्याड्या दा आद. आव आंदुर सांगुळ ड्यारा माळयान, अदकि आंदुर आऊन लॉकुर आदार, अदकि परमेश्वर खुद आंदुर सांगुळ ईततान अदकि आंदुर परमेश्वर आदान. 4 आव आंदुर कण्णगोळ देल सप्पा नीर सट्टि कौडान; अदकि इदुर बाददा मृत्यु ईला ईत्तीत, अदकि न शोक, न वलाप, न पीळा ईत्तीत; पयला मातगोळ होगतेला ईत्तव.”

5 जो सहिसन मा कुरतकु ईरोन, आव अंदुन, “नोळ, ना सब येनारा व्हाशोद माळकु कोळतीन.” बाक आव अंदुन, “लखिस कोम, यतकी ईव वचन वशिवास इन योग्य अदकि सत्य आव.” 6 बाक आव नान से अंदुन, “ईव मातगोळ पुरा आगेग्याव. ना अल्फा अदकि ओमेगा, पयला अदकि आखरी हुईन. ना प्यासा अक जीवन इन नीर इन झरना दा टु फुकट दा कुडोद अधिकार कोळाईन. 7 जो वजिय आदान आवा ई वस्तुगोळद वारीस आदान, अदकि ना आऊन परमेश्वर आगाईन अदकि आव नान पार आदान. 8 लेकीन डरपोकगोळा, अदकि अवशिवासीगोळा, अदकि नीच हरकत माळावाळेरा, अदकि हत्या माळावाळेरा अदकि व्यभचारीगोळा, अदकि जादू टोना माळावाळेरा, अदकि मूर्त इन पुजा माळावाळेरा, अदकि सब ख्वाटा मातगोळद भाग आ झील दा सक्कीत जो बेक्की अदकि गन्धक देल होततेला ईरतद: ईद दुसरा मृत्यु हुन.”

व्हाशोद यरूशलेम

9 बाक आ येळ स्वर्गदूतगोळ हात्ती येळ आखरी परेशानी देल तुमकु येळ कटोरागोळ ईरव, आंदुर दा टु ऊंद नान हात्ती बंदुन, अदकि नान सांगुळ मातगोळ माळकु अंदुन, “ईल वर, ना नीनी मंळगीत मतलब म्यांडा अनंद पाड्डा अनंद हगिस तोरसाईन.” 10 आग आव नानी आत्मा दा ऊंद धोळ अदकि ऊंचा पहाळ मा ओतुन, अदकि पवतिर नगर यरूशलेम इक स्वर्ग टु परमेश्वर उन हात्ती टु ईळुतेला तोरसदुन. 11 परमेश्वर उन महमा आंदुरदा ईरोद, अदकि आऊन ज्योर्त हापाळ अच कमिती कल्ल, मतलब बलिलौर इन घाई यशव उन घाई स्वच्छ ईरोद. 12 आऊन दविय शयरपनाह धोळ ऊंचा ईरोद, अदकि आऊन हनुनेळ फाटक अदकि फाटकगोळ मा हनुनेळ स्वर्गदूत ईरोर; अदकि आ फाटकगोळ मा इस्त्राएलीगोळद हनुनेळ गोत्रगोळद हेसुर लखिसकु ईरव. 13 पूरव दशा अन दी मुर फाटक, उत्तर दशा अन दी मुर फाटक, दक्षिण दशा अन दी मुर फाटक, अदकि पश्चिम दशा अन दी मुर फाटक ईरव. 14 नगर इन दविय इन शयरपनाह अनंद हनुनेळ नीवगोळ ईरव, अदकि अदुर मा म्यांडा अनंद पाड्डा अनंद हनुनेळ प्रेरतिगोळद हनुनेळ हेसुर लखिसकु ईरव. 15 जो नान सांगुळ मातगोळ माळोन आऊन हात्ती नगर अदकि आऊन फाटकगोळ अदकि आऊन शयरपनाह अक आळोर साटी ऊंद व्हांनना अनंद गज ईरोद. 16 अद

नगर वरगाकार बसुसकु ईरोद अदकि अदुरद लंबाई, चौळाई इन बराबर ईरोद; अदकि आव आ गज देल नगर इक आळदुन, रा साढे येळ सौ कोस इन होळत: अदुरद लंबाई अदकि चौळाई अदकि ऊंचाई बराबर ईरोद. 17 आव आऊन शयरपनाह अक मंळसा अन्द मतलब स्वरगदूत उन नाप देल आळदुन, रा ऊंद सौ चौवालीस कय होळत. 18 आऊन शयरपनाह यशब इन वनसकु ईरोद, अदकि नगर हगि शुद्ध वहानना अन्द ईरोद जो स्वच्छ काँच इन घाई ईरूल. 19 आ नगर इन नीवगोळ हर प्रकार इन कमिती कललगोळ देल सवारसकु ईरोद; पयला पायवा यशब देल, दुसरा नीलमणी देल, तीसरा लालळी देल, चौथा मरकत देल, 20 पाचवा गोमेदक देल, सहावा माणकिय देल, सातवा पीतमणी देल, आठवा परोज देल, नववा पुखराज देल, दसवा लहसनए देल, ग्यारवा धूम्रकान्त देल, अदकि बारवा चन्द्रकाँत मणी देल वनसकु ईरोद. 21 हननेळु फाटक हननेळ मोतीगोळद ईरव; ऊंद ऊंद फाटक ऊंद ऊंद मोती इन माळकु ईरोद. नगर इन सळक स्वच्छ काँच इन घाई शुद्ध वहानना अन्द ईरोद.

22 ना अदुरदा यातोदु मंदरि नोळीदील, यतकी सर्वशक्तमिान प्रभु परमेश्वर अदकि म्यांडा अन्द पाड्डा अदुरद मंदरि आद. 23 आ नगर दा सुर्य अदकि चंद्रमा अन्द ऊजुळ इन जरवत हेलेच, यतकी परमेश्वर उन तेज देल अदुरदा ऊजुळ आगेत्याद, अदकि म्यांडा अन्द पाड्डा आऊन दगिया हुन. 24 जाती-जाती इन लॉकुर आऊन ज्योती दा नळुकु वयाळ्यार, अदकि पृथ्वी इन राजा तान तान तेज इन सामाईन अदुर दा तंदार. 25 आऊन फाटक हागुल इक यागलु बंद आगतीदील, अदकि ईळलक अल आगतीदील. 26 लॉकुर जाती जाती इन तेज अदकि वैभव इन सामाईन अदुर दा तंदार. 27 लेकीन अदुरदा यातोदु अपवतिर वस्तु या बेकार क्याल्सा माळावाळा, या ख्वाटा माततगोळ गढुसावाळा यातोदु रीत देल प्रवेश माळ सकालुन, पर सरिफ आ लॉकुर यार हेसुर म्यांडा अन्द पाड्डा अन्द जीवन इन कतिब दा लखिसकु आव.

22

1 बाक आव नानी बलिलौर इन घाई झलकुसतेला, जीवन इन नीर इन गांगा तोरसदुन, जो परमेश्वर अदकि म्यांडा अन्द पाड्डा अन्द सहिसन टु होटक 2 आ नगर इन सळक इन न्याड्या वाहुसोद. गांगा अन ईप्पाटी अदकि आप्पाटी जीवन इन मारर ईरोद; अदुरदा हननेळ प्रकार इन काय हतुतव, अदकि अदरी हर तगिळ काय हतुतव; अदकि आ मारर इन याल्लागोळ देल गैर यहूदी लॉकुर चंगा आगतोगोर.

3 बाक श्राप आगतीदील, अदकि परमेश्वर अदकि म्यांडा अन्द पाड्डा अन्द सहिसन आ नगर दा ईत्तीत अदकि आऊन दास आऊन स्यावा माळ्यार. 4 आंदुर आऊन बाय नोळ्यार, अदकि आऊन हेसुर आंदुर ह्याणागोळ मा लखिसकु ईत्तीत. 5 बाक ईळलक आगतीदील, अदकि आंदरी दगिया अदकि सुर्य अन्द ऊजुळ इन जरवत वळितीदील, यतकी प्रभु परमेश्वर आंदरी ऊजुळ कोट्टान, अदकि आंदुर हमेशा हमेशा राज्य माळ्यार.

यीशु उन दुबारा बरोद

6 बाक आव नान से अंदुन, “ईव मातगोळ वशिवास इन योग्य अदकि सही आव. प्रभु, जो भवषियवक्तागोळ आत्मागोळद परमेश्वर हुन, तान स्वरगदूत उक इदुरसाटी कळुदुन काँ तान दासगोळी अव मातगोळ, यदुर राटनेरी पुरा आगोद जरूरी आद, तोरस्यार.”

7 “नोळ, ना राटनेरी बरावाळा आईन! धन्य आन आव, जो ई कतिब इन भवषियवाणी इन मातगोळ मान्सतान.”

8 ना आवा यूहन्ना हुईन, जो ईव मातगोळ केळीन अदकि नोळतोगीन. याग ना केळदीन अदकि नोळदीन, रा जो स्वरगदूत नानी ईव मातगोळ तोरसतोगीन, ना आऊन कालगोळ मा प्रणाम माळोर साटी वदिदीन. 9 लेकीन आव नान से अंदुन, “नोळ, हगि माळबाळ; यतकी ना नीन, अदकि नीन वार्ट भवषियवक्तागोळ, अदकि ई कतिब इन मातगोळ इक मान्सावाळेरद संगी दास हुईन. परमेश्वर उक अच प्रणाम माळ.” 10 बाक आव नान से अंदुन, ई कतिब इन भवषियवाणी इन

मातगोळी बंद माळबाळ; यतकी समय हात्ती आद. ¹¹ जो अन्याय माळतान, आव अन्याय अच माळतेला ईरूल; अदकि जो मलनि आन, आव मलनि बनसकु ईरूल; अदकि जो न्यायी आन, आव न्यायी बनसकु ईरूल; अदकि जो पवतिर आन; आव पवतिर बनसकु ईरूल.

¹² “नोळ, ना राटनेरी बरावाळा आईन; अदकि हर ऊंद मंळसा अन्द कयाल्सा अन्द अनुसार मोहबदला कोळोर साटी प्रतफिल नान हात्ती आद. ¹³ *ना अल्फा अदकि ओमेगा, पयला अदकि आखरी, पयले टु अदकि अन्त हुईन.

¹⁴ “धन्य आंदुर आर, जो तान कपळा ओगु कोमतार, यतकी आंदरी जीवन इन मार्र इन हात्ती बरोद अधिकार सकिकीत, अदकि आंदुर फाटकगोळ देल आगकु नगर दा प्रवेश माळ्यार. ¹⁵ लेकीन नायगोळ, अदकि टोना माळावाळेर, अदकि व्यभचारी, अदकि खुनीगोळ अदकि मूर्ति इन पुजा माळावाळा, अदकि हर ऊंद खाटपन इक चाहसावाळा अदकि घळुसावाळा व्हाऱ्या ईततान.

¹⁶ “नानी यीशु तान स्वर्गदूत उक इदुरसाटी कळुदुन कि नीम मुंद मंडलीगोळ्द बारा दा ई मातगोळ्द गवाही कोळुल. ना दाऊद उन मुल अदकि वंश, अदकि व्हातुर इन चमकुसतेला तारा हुईन.”

¹⁷ आत्मा अदकि मंळगीत येददु अंतार, “बर!”

अदकि केळावाळा भी अंदान, “बर!”

जो नीरळकु ईतीदान आव बरूल, अदकि जो यावारा चाहासतान आव जीवन इन नीर फुकट दा ताकोमुल.

समापन

¹⁸ ना हर ऊंद मंळसा अक, जो ई कतिब इन भवषियवाणी इन मातगोळ केळतान, गवाही कोळतीन: अगर यावारा मंळसा ई मातगोळ दा येनारा वाळुस्यान रा परमेश्वर आ परेशानीगोळ इक, जो ई कतिब दा लखिसकु आव, आऊन मा वाळुस्यान. ¹⁹ अगर यावारा ई भवषियवाणी इन कतिब इन मातगोळ दा टु येनारा तेगु कौडान, रा परमेश्वर आ जीवन इन मार्र अदकि पवतिर नगर दा टु, यदुरद वर्णन ई कतिब दा आद, अदुर भाग तेगु कौडान.

²⁰ जो ईव मातगोळ्द गवाही कोळतान आव ईद अनतान, “हव, ना जल्दी बरावाळा आईन.” आमीन.

हे प्रभु यीशु बर!

²¹ प्रभु यीशु उन अनुग्रह पवतिर लॉकुर्द सांगुळ ईरूल. आमीन.